


Burum-Mindik Bible



The New Testament and portions of the Old Testament in the
Somba-Siawari language of Papua New Guinea, also called the
Burum Mindik language.

Burum-Mindik Bible
The New Testament and portions of the Old Testament in the
Somba-Siawari language of Papua New Guinea, also called the
Burum Mindik language.

Sampela hap Buk Baibel long tokples Burum Mindik long Niugini

Copyright © 1992, 2002 The Bible Society of Papua New Guinea

Language: Burum-Mindik or Somba-Siawari (Somba-Siawari or Burum-Mindik)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-11-22

PDF generated using Haiola and XeLaTeX on 11 Nov 2022 from source files dated 9 Oct 2020
c0871260-68cc-5a50-953f-52200e105d1e

Contents

Matyu	1
Mak	76
Luk	120
Jon	197
Aposol	255
Rom	331
1 Korint	368
2 Korint	401
Galesia	426
Efesus	439
Filipai	452
Kolosi	462
1 Tesalonaika	471
2 Tesalonaika	478
1 Timoti	483
2 Timoti	494
Taitus	502
Filemon	507
Hibru	509
Jeims	536
1 Pitö	546
2 Pitö	557
1 Jon	564
2 Jon	573
3 Jon	575
Juda	577
Indelindel	581

Matyu

Ölöwak Buᅇa Matyunöᅇ ohoyök.

Jim-asa-asari

Matyu qet mianᅇö könaᅇi mi Kembugöreᅇ kalem. Qetᅇi alaᅇi Liwai. Rom gawmangö takis meme azia malök. Nup mi memba maliga Jisösnöᅇ kaba oholiga uruᅇi melenᅇa gwarek 12 yeᅇᅇö sutᅇiᅇe malök.

Ölöwak Buᅇa ki Jisösgö könaᅇi nanᅇe Juda könaᅇesö yeᅇᅇöra jim asarin enᅇimangöra aka ohoyök. Keu köᅇᅇi bohönᅇi kewö, “Jisös Kraistnöᅇ Amötqeqe Tonini aka Kiᅇᅇnini akza.” Juda ambazip yeᅇᅇöra keu mi qahö dop köli uruᅇinan bölii qaköget. Mianᅇöra Matyunöᅇ Jisös nupᅇᅇaᅇᅇö könaᅇi mi aukᅇe jim asariba törorök kusum enᅇiyök. Jöhöjöhö Walᅇe amötqeqegö jöhöjöhö keu (promis) ahözawi, mi pakpak mönö Jisösgöra aka aukᅇe ahum kuwuleiba öᅇᅇambuk ahök. Amötqeqe Toᅇi mi Hibru keunöᅇ Mesaia aka Grik keunöᅇ Kraist.

Jisösnöᅇ urugö nup bahöᅇi karöbut memba malök: Yaᅇön Ölöwak Buᅇa ambazip kusum enᅇgiba uruᅇiᅇi mianᅇön kuᅇᅇguba kawöᅇᅇiᅇi mem ölöwaka malök. Mewö memba aniga aᅇᅇöletot asuhugetka mala maripom ipnöᅇ öᅇᅇöba kömuiga löm köᅇgetka kunbuk wahörök. Mewö mianᅇön Anutu bemtohoᅇaᅇᅇö könaᅇi kondel neᅇᅇiyök. Mewö aiga nini letota Anutugö nahönböratuᅇuᅇᅇi akingö könaᅇi asuhuyök. Jisösgö lesön bohönᅇi 5 mi kewö: 1) Boᅇ 5-7, 2) Boᅇ 10, 3) Boᅇ 13, 4) Boᅇ 18 aka 5) Boᅇ 24-25

Buk kianᅇö bahöᅇi bohönᅇi 7 mi kewö:

Jisösgö ambösakonuruᅇᅇi aka ahuahuᅇi 1.1–2.23

Jon O-melun azinöᅇ urugö nup meyök 3.1-12

Jisös o melun meiga Satanöᅇ esapköyök 3.13–4.11

Jisösnöᅇ Galili uruᅇe qenjarök nup meyök 4.12–18.35

Jisösnöᅇ Galili mosöta Jerusalem anök 19.1–20.34

Sonda qöndökᅇi Jerusalem mala kömuyök 21.1–27.66

Kömupnöᅇök wahöta mala Suepnöᅇ öᅇᅇöyök 28.1-20

Jisös Kraistkö ambösakon yeᅇᅇö qet areᅇ

Luk 3.23-38

¹ Jisös Kraistkö ambösakon yeᅇᅇö qet areᅇiᅇi kewö: Abrahamᅇö gwölönarökᅇi kun Deiwid. Deiwidkö gwölönarökᅇi kun Jisös.

² Abrahamᅇö nahönᅇi Aisak. Aisakö nahönᅇi Jeikob. Jeikobkö nahönuruᅇᅇi Juda aka yaᅇᅇö darumunuruᅇᅇi. ³ Judagö nahönyahötᅇi Perez aka Zera, namᅇiri Tamar. Perezᅇö nahönᅇi Hezron. Hezrongö nahönᅇi Ram. ⁴ Ramᅇö nahönᅇi Aminadab. Aminadabkö nahönᅇi Nason. Nasongö nahönᅇi Salmon. ⁵ Salmongö nahönᅇi Boaz, namᅇi kantri kungö ambiᅇi Rahab. Boazᅇö nahönᅇi Obed, namᅇi kantri kungö ambiᅇi Rut. Obedkö nahönᅇi Jesi. ⁶ Jesigö nahönᅇi kiᅇ Deiwid. Deiwidkö nahönᅇi Solomon, namᅇi mutuk Uriagö anöᅇᅇa malök. Juda kiᅇ pakpak mi Deiwidkö gwölönarökuruᅇᅇi aka malget.

⁷ Solomongö nahönᅇi Rehoboam. Rehoboamᅇö nahönᅇi Abiya. Abiyagö nahönᅇi Asa. ⁸ Asagö nahönᅇi Jehosafat. Jehosafatkö nahönᅇi Jehoram. Jehoramᅇö nahönᅇi Usia. ⁹ Usiagö nahönᅇi Jotam. Jotamᅇö

nahönñi Ahaz. Ahazgö nahönñi Hezekia. ¹⁰ Hezekiagö nahönñi Manase. Manasegö nahönñi Amon. Amongö nahönñi Josia. ¹¹ *Josiagö nahönurupñi Jekonia aka yangö darumunurupñi. Nalö mianğoreñ Babilon yenñon Israel könagesö enğuanğitketka Babilon anda kösö mire malmal ewö tandök welenqeçenina malget.

¹² Babilon kösö mire malmal ewö tandök mala mianğoreñ Jekoniagö nahönñi Sealtiel asuhuyök. Sealtielgö nahönñi Jerubabel. ¹³ Jerubabelgö nahönñi Abiud. Abiudkö nahönñi Eliakim. Eliakimgö nahönñi Azor. ¹⁴ Azorgö nahönñi Jadok. Jadokö nahönñi Akim. Akimgö nahönñi Eliud. ¹⁵ Eliudkö nahönñi Eleazar. Eleazargö nahönñi Matan. Matangö nahönñi Jeikob. ¹⁶ Jeikobkö nahönñi Josef, Mariagö apñi. Marianöñ Jisös meiga qetñi Kraist Amötqeçe Toñi qerakzin.

¹⁷ Nalö Abrahamğoreñök könahiba mala kotketka Deiwid asuhuyöhi, isik miengö jañgö arenji mi 14. Kunbuk kinj Deiwidköreñök könahiba mala kotketka Israel könagesö enğuanğitketka Babilon anda kösö mire malmal ewö tandök malgeri, isik miengö jañgö arenji mi mewöyök 14. Babilon kösö mire malmal ewö tandök malgeri, nalö mianğoreñök könahiba mala kotketka Kraist asuhuyöhi, isik miengö jañgö arenji mi mewöyök 14.

Jisös Kraist mi kewö asuhuyök:

Luk 2.1-7

¹⁸ *Jisös Kraist asuhuyöhangö kösohotñi kewö: Yangö namñi Maria mi Josefuk buñabuña mala mindimindiri qahö aka malohotka nalö mianğoreñ Uña Töröñan mem letot wañgiiga köröbuk mali könani mewö miwikñaiget. ¹⁹ Mewö miwikñaigetka azi buñani Josef yangñon malmal diñdini malöhangöra Mariagö könani aukñe asuhui gamuñambuk akapuköra tököyök. Mewö tököba uruñan i ölöñ mosötmangö mötmöt arenji alök.

²⁰ Mewö mötmöröba ahöiga Kembangö garata kunñan gaunöñ asuhum wañgiba kewö jiyök, “Josef Deiwidkö gwölönarökñi, Uña Töröñan mönö Maria letot wañgiiga köröñambuk malja. Mianğöra gi mönö i örönöñ mirige kaba anömgi akñapkö keñgötki kude mötman. ²¹ *Marianöñ mönö morö nahön mema. Azi mianñon könagesöñi singisöndokñineyök amöt qem enğiiga solanime. Mianğöra göñon qetñi Jisös qetman.” Mewö jiyök.

²² Kembunöñ kezapqetok azi kun sölölohöiga keu kun jiyöhi, mianñon öñambuk akñapköra yuai pakpak mi asuhuyök. Kezapqetok keu mi kewö, ²³ * “Ambi seram jömuññi kunöñ gölömñambuk aka morö asia meiga qetñi Imanuel qetme.” Qet mianğö könani kewö, “Anutunöñ nembuk malja.”

²⁴ Josefñon imbiñi möta wahöta Kembangö garatanöñ jim kutum wañguyöhi, mönö mianğö dop aka Maria anömñi akñapköra wañgita miriñe anök. ²⁵ *Anda malohotmö, nalö sutñe mianğoreñ mohotñe qahö ahöyohot anda nahönñi meiga Josefñon qetñi Jisös qerök. Morö meiga mianğö andöñe awanöm malohot. Mewö.

2

Mötkutukutu azi wehön kotkotñeyök kağet.

¹ Jisösnöñ kinj kembu Herodkö nalöñe Judia prowinsgö taon qetñi Betlehem asuhuyök. Asuhuyöhi, nalö mianğoreñ señgelaugö mötmöt azi

* 1:11: 2 Kinj 24.14-15; 2 Hist 36.10; Jer 27.20 * 1:18: Luk 1.27 * 1:21: Luk 1.31 * 1:23:

Ais 7.14 * 1:25: Luk 2.21

wehön kotkotneyök Jerusalem sitinön kaget. ² Kaba kewö qesiget, “Juda engören kin kembu aknawi, morö mi asuhuba denike ahöza? Nini wehön kotkotne mala yangören undi asuhui eka könani mewö möta waikni memba möpöseibingöra kazin.”

³ Mewö qesigetka kin kembu Herod aka Jerusalem könagesö yambuk malgeri, yenön körek pakpak keu mi möta auruget. ⁴ Aurugetka kin Herodnön keu ala könagesögö jike nup galöm bohonji aka Kona keugö böhi pakpak köl öröm engii kaget. Kaba tokogetka kewö qesim engiyök, “Amötqeqe Tonji Kraistnön mönö denike asuhumapköra jigetka ahöza?”

⁵ Qesim engiiga kewö melej wangiget, “Yañön mönö Judia prowinsgö taon qetnji Betlehem miangören asuhuma. Miangö keunji mi kezapqetok azi Maikanön kewö ohoi ahöza,

^{6*} ‘O Betlehem könagesö Juda gölmenön maljei, engö sutjineyök kembu ketanji asuhuba nani Israel könagesö mindingöba köyan köl nengima. Miangöra injini Juda gölmegö jitmeme yengö sutjine malgetka qetbunanjanan eretnji qahöpmahöp akza.’ ”

⁷ Mewö melej wangigetka mötkutukutu azi mi ölöng engoholi kagetka kewö qesim engiyök, “Undinji mönö wani nalönön asuhui könahiba eket?” Miangö könani törörök mötmangö möta mewö qesim engiyök. ⁸ Miangö keunji möta melaiba kewö jim kutum engiyök, “Injini mönö Betlehem anda morö mi törörök qesiba miwiknaiba miangörenök buzup keu algetka nöngören kama. Nöñön mi möta mewöjanök anda i waikni memba möpöseim wangimam.”

⁹ Kinönön mewö munen jiba jim kutum engiiga möta könanön anget. Anda undi wehön kotkotne mala ekeri, mianön nöropjine mutukmutuk ani mötötei-get Betlehem anda miri morö nahön ahöyöhi, mönö miangören kinök. ¹⁰ Undi mi kini eka sösöngai keta bölökni aket. ¹¹ Sösöngai aka miri uruje öngöba morö aka namni Maria etkeket. I etkeka simin köla sipköba waikni memba möpöseim wangiget. Möpöseim wangiba bayangösöhini qeanda miangörenök goul, jinin paura aka sanda qetnji mör mi uzeta kalem wangiget.

¹² Sunjem kun ahöget-ka Anutunön gaun kondela kin Herodkören kunbuk anbepekü qetal engiyök. Miangöra kona kungenök nanjini miri gölmenjine lilingöba anget. Mewö.

Herodköra asamböta Josef anöm-moröni Ijpt anget.

¹³ Mötkutukutu azi mienön angetka Josefnön gaun ehiga Kembangören garata kunjan asuhum wangiba kewö jii mörök, “Herodnön morö qei kömumapkö jarum wangima. Miangöra mönö wahöta morö aka namni etkuanjita ölöng köla Ijpt kantrinön anme. Miangören anda malgetka bian nanak kamegö nalö jimami, miangören mönö lilingöba kame.”

¹⁴ Mewö jii möta wahöta sunjem miangörenök morö nahön aka namni etkuanjita Ijpt anget. ^{15*} Ijpt anda malgetka kin Herodnön kömuiga nalö miangörenök lilingöba kaget. Mutuk Kembunön kezapqetok azi Hosea sölölohöiga keu kewö jii ahöza, “Nöñön nahöni oholbiga Ijpt gölme mosöta kayök.” Kezapqetok keu mianön mönö mewö asuhuiiga öljambuk ahök. Mewö.

Morö azi Betlehem gölmenön enjuget kömuget.

* 2:6: Mai 5.2 * 2:15: Hos 11.1

¹⁶ Mötikutukutu azi mienön Juda gölme ölöñ mosöta angetka Herodnön miangö könañi eka “Tilipköm niñgiget,” jiba irimñi gwötpuk sehohiiga jimkutukutu kewö alök, “Yarö azi, inini Betlehem aka gölme pakpak mi liliköba ahözawi, mönö miangörej anda azi morö (yara) yambuñini yahöt aka miangö bapñe akzei, mi körek enğuget kömume.” Mötikutukutu azi undi asuhuyöhanğö nalögöra törörök qesim enğuiga jiget möröhi, miangö dop morö azi yambuñinanğöra jimkutukutu mi alök.

¹⁷ Kezapqetok azi Jeremaianön keu kun jii ahözawi, miangön mönö mewö asuhuiga öñambuk ahök. Keu mi kewö,

¹⁸ * “Silat mi Betlehem kösutneyök miri qetñi Rama miangörejök mötketka sahöt gigilahöze. Reizöl ambigö gwölönarökurup yeñön moröurupñini qahöwaketka urureñ meze. Miangöra sahötketka urukölalep mem enğibingö aketka urukondumök mörakze.” Mewö.

Ijpt mosöta Josef anöm-moröñi Nazaret lilingöget.

¹⁹ Josefnön Ijpt maliga kiñ Herodnön kömuiga miangörejök Kembugörej garata kunñan gaunön asuhum wañgiba ²⁰ kewö jiyök, “Morö qeget kömumapkö mönögeri, yeñön lök kömuget. Miangöra mönö wahöta morö aka namñi etkuangita lilingöba Israel gölmenön anme.” ²¹ Mewö jiga Josefnön wahöta morö aka namñi etkuangita lilingöba Israel gölmenön anget.

²² Könanön anda keu kewö mörök, “Herodkö nahönñi Arkelausnön iwiñangö salupñe Judia prowins galöm köla malja.” Mewö möta miangörej anmamgö keñgötñi mörök. Möta mali Anutunön gaunön Galili prowinsnön anmegö jim kutum wañgiiga wahöta miangörej anget.

²³ *Galili prowinsnön angota taon qetñi Nazaret miangörej malget. Mewö malgetka kezapqetok azi yeñön Amötqeqe Toñangöra keu jigeri, miangön öñambuk ahök. Keu mi kewö, “Yañgö qetñi mi Nazaret azi qeta malme.” Mewö.

3

Jon O-melun azinön Jisösgö köna mesarök.

Mak 1.1-8; Luk 3.1-18; Jon 1.19-28

¹ Yambu tosatñi teköiga Jon O-melun azinön kaba Judia prowinsgö gölme qararankölkölñe liliköba ambazip uruñini Buña keunön kunguba kewö jiba malök, ² * “Suep Toñan bemtohonñi almawañgö nalöñan lök kam kuñguza. Miangöra mönö uruñini melenđa miangörej angotket.”

³ *Jongöra kezapqetok azi Aisaianön keu kun kewö jiba ohoyök, “Kolek garata kunön gölme qararankölkölñe qeta maliga anda jölñi kewö mötme, ‘Kembunön kamawo! Miangöra mönö jöjöröba könañi mesatket. Mönö uruñini mindiñgöba könañi köl diñgiba qölöleiget.’ ”

⁴ *Jongörej maluku mi kamel juñan memeni aiga kemañe öritit sömbup silenñan memeni mi jöhöba malök. Nenenamñi mi gawöt jinam aka arökñangö moron onñi. Mi pakpak kezapqetok azi Elaija (Elia) yañgö dowa. ⁵ Jonön nupñi meiga ambazip kambulelembe yeñön Jerusalem siti aka Judia prowinsgö miri tosatñi pakpak miangörejök yañgörej öröba kaget. Mewöñanök Jordan o likeplikep miri pakpak tat angeri,

* **2:18:** Jer 31.15 * **2:23:** Mak 1.24; Luk 2.39; Jon 1.45 * **3:2:** Mat 4.17; Mak 1.15 * **3:3:** Ais 40.3 * **3:4:** 2 Kiñ 1.8

mienğoreñök kaget. ⁶ Kaba kañgota siñgisöndokñini jim miwikñagetka Jonöñ i Jordan o töwatñe o melun mem enğiyök.

⁷ *Mem enğiyökmö, Farisi (Köna keugö kapañkölköl) aka Sadyusi (Jike nupkö kapañkölköl) ambazip gwötpukñan o melun mem enğimapköra kagetka enğeka yeñğöra kewö jiyök, “O qatö moröñi, inñini uruñini qahö melengetka Anutugö irimñan seholiiga likepñi melen enğimamgö akza. Mi ölöñ kölbिंगö goro keuñi mi mönö danñon jii möta sömbuñini möta ki kaze?”
⁸ Mianğöra mönö ölnañök uruñini melenme. Bölöñamñineyök lilingögetka ölni asuhui mi mönö ahakmemenñinan aukñe kondela malme.

⁹ * “Uruñine möndömöndö keu kewö jibingö kude mötmörime, ‘Neñön mönö Abrahamgö gwölöñarökña malinga Anutunöñ qahö ayuhum neñgima.’ Mewö jiba töptöpñine qemakzemö, ölni mi qahö ahakze. Nöñön mianğöra kewö jibi mötket, Anutunöñ köt ki ölöp jim kutum enğiiga letota Abrahamgö gwölöñarökurupñi aka Anutu möpöseimakñemö, inñini denöwö?”

¹⁰ * “Uruñini qahö melenme ewö, Anutunöñ mönö inñini ip ewö tenğöri etpingö akze. Ip pakpak kötni ölöpñi qahö kuñgumakzei, mi mönö köli etket könöpnöñ gili geme. Ip mewöñi kölmamgö kesinñi lök jitñi sañe ala ip könane ali jöjöröba ahöza. Anutunöñ mönö bölöñamñinanğö likepñi melen enğima.

¹¹ “Nöñön inñini uruñini melenmeanğöra o töhönöñ melun mem enğizalmö, nöñgö andöne azi kukösumñi köhöikñi kun kama. Yanğö kukösumñi öñgöñgöñan mönö nöñgöreñ onğitma. Yanñon azi öñgöñgöñi akñawanğöra nöñön yanğö köna esuñi bauköba gösönöñ löñgöta tenğömamgö qötötanğömam. Yanñon mönö Uña Töröñi uruñine ali könöp bölamñan köli könjorat enğiiga mewö mianñon melun mem enğima.

¹² “Yanñon ölni aka kamböñi menden etkimamgö sapakñi memba kañgota uba qöröreñgöba kewötma. Kewöta wit kötni toköba köweñe almapmö, kamböñi aka gwaugulapñi mi mönö usuñniga könöpnöñ geba teteköñi qahö jema.” Mewö.

Jonöñ Jisös o melun mem wañgiyök.

Mak 1.9-11; Luk 3.21-22

¹³ Nalö mianğöreñ Jisösnöñ Galili prowins mosöta Jordan o töwatñe Jongöreñ kaba o melun mem wañgimapköra qesiyök. ¹⁴ Qesiyökmö, Jonöñ qetal wañgiba kewö jiyök, “Göñön ölöp ni o melun mem niñgibanakmö, göñön siñgisöndok qahö aka mönö denöwögöra nöñgöreñ kazan?”

¹⁵ Mewö jiiga Jisösnöñ kewö melenñök, “Nalö kewöñe mi ölöp akñan. Mewö akziga mianñon Anutunöñ ahakmeme diñdiñi wuatangöbingö keu jiyöhi, mianğö ölni asuhuiga dop kölma.” Mewö jiiga Jonöñ möri dop köliga urumohot ahök.

¹⁶ Urumohot aka o melun mem wañgii teköiga mianğöreñök onöhök koriga kewö asuhuyök: Suepnöñ añañiiga Jisösnöñ uba ehiga Anutugö Uña Töröñan melenđa kembö nei ewö aka Jisösgö qakñe eta meyök. ¹⁷ *Eta meiga Suepnöhök qet kun kewö asuhuyök, “Yanñon mönö nani wölböt nahöna aiga köröni ölöwahiga eknahöm ak wañgizal.” Mewö.

* **3:7:** Mat 12.34; 23.33 * **3:9:** Jon 8.33 * **3:10:** Mat 7.19 * **3:17:** Jen 22.2; Sum 2.7; Ais 42.1; Mat 12.18; 17.5; Mak 1.11; Luk 9.35

4

Satanöy Jisös esapköba malök.

Mak 1.12-13; Luk 4.1-13

¹ *Miangö andöje Uña Töröjan Jisös kunjum wanjiiga gölme qararankölkölne Bölöñangö Toñan esapköm wanjimapköra aka anök. ² Miangörej anda sunjem asak 40 Anutugöra nene sinji mala nenegö kömuyök. ³ Nenegö kömuiga öme bohonñini qetñi esapesap Toñi yanñon asuhuba kewö jiyök, “Gi Anutu Nahönña akzan ewö, mi mönö kondela köt ki jim kutunöñga letota beret aketka neman.”

⁴ *Mewö jiyökmö, Jisösnöy keu kewö meleşnök, “Qahö! Buña Kimbinöy keu kun kewö ohoget ahöza, ‘Nenenöhök ambazip malmal qahö nenjimakzapmö, Anutugö jityeyök keu kamakzawi, mi pakpak tem kölinga miññon mönö gumohom nenjiiga köhöiba maljin’.”

⁵ Mewö jiiga Bölöñangö Toñan Jisös wanjita Jerusalem siti töröje anda jöwöwöl jikegö boñe euyangörej öñgöba ali kinök. ⁶ *Mewö kiniga kewö jii mörök, “Gi Anutugö Nahönña akzan ewö, mönö kiangörejök luhuba emu geman. Buña Kimbinöy keu kun kewö ohoget ahöza, ‘Anutunöy göhöra aka garataurupñi jim kutum enjiiga ölop kököhigetka geba kötnöy könage qahö guhum qizit akña.’ Miangöra geba kude ayuhuman.”

⁷ *Mewö jiiga kewö meleşnök, “Qahö! Buña Kimbinöy keu kun mewöyök kewö ahöza, ‘Gi mönö Kembugi Anutu kude esapköm wanjiman.’”

⁸ Mewö jiiga Bölöñangö Toñan kunbuk wanjita kundunji köröp tiñtini kunöy öñgöba gölme pakpak yengö kantri tohonji tohonji aka miengö inap yuainñini aködamunñinambuk pakpak kondel wanjiyök. ⁹ Kondel wanjiba kewö jiyök, “Göñon simin köl ningiba waikni memba möpöseim ningiman ewö, nöñon öroyuai pakpak ki mönö tököm gihibi buña qem anjuba galöm köl enjiman.”

¹⁰ *Mewö jiiga Jisösnöy kewö jii mörök, “Qahö! Satan gi mönö kesalnöy. Buña Kimbinöy keu kun kewö ohoget ahöza, ‘Gi mönö Kembugi Anutu, ia mohot simin köl wanjiba waikñi memba möpöseiman’.”

¹¹ Mewö jiiga Bölöñangö Toñan miangörejök Jisös mosöta kesalök. Mewö aiga garata yenñon kaba Jisös bauköm wanjiget. Mewö.

Jisösnöy könahiba Galili urunje urugö nup meyök.

Mak 1.14-15; Luk 4.14-15

¹² *Miangö andöje Jon O-melun azi kösö mire * alget tari Jisösnöy mi möta Judia prowins mosöta Galili anök. ¹³ *Anda prowins miangörej mirinji Nazaret mosöta Kaperneam anda malök. Kaperneam siti mi Zebulun aka Naftali gölmenöy Galili o anjö qöhöröje ahöza. ¹⁴ Miangörej mala nupñi meiga Anutunöy keu kun kezapqetok azi Aisaia sölölohöiga jiyöhi, miññon öljambuk ahök. Keu mi kewö,

* 4:1: Hib 2.18; 4.15 * 4:4: Dut 8.3 * 4:6: Sum 91.11-12 * 4:7: Dut 6.16 * 4:10: Dut 6.13 * 4:12: Mat 14.3; Mak 6.17; Luk 3.19-20 * 4:12: Kin Herodnöy ambi kun ölöñ meiga Jon O-melun azinöy i miangöra jim wanjiiga irimñi sehollu jiiga opotöröp yenñon Jon jöhöba kösö mire alget tarök. * 4:13: Jon 2.12

15 **Ambazip Zebulun gölmenöŋ aka Naftali gölmenöŋ Jordan likepne malgetka sutŋine köna namŋi köwetnöŋ göröken anda kinjawi aka Juda qahöpmö, kambu tosatŋan Galili prowinsnöŋ maljei,*

16 *könagesö mienöŋ söŋaupnöŋ mala asakŋi ketanŋi ekŋe. Kömupnöŋ ambazip aum köl enŋiiga pandaman gölmenöŋ maljei, yeŋgöra mönö miri waŋgaraŋ suruma.*”

17 **Jisösnöŋ Kaperneam mala nalö mianŋöreŋök könahiba Buŋa keunŋi jim asariba ambazip uruŋini kuŋguba kewö jiba malök, “Suep Toŋan bemtohoŋi almawaŋgö nalöŋan mönö kam kuŋguza. Mianŋöra mönö singisöndok malmalŋini mosöta uruŋini melenŋet.” Mewö.*

Jisösnöŋ gwarekurupŋi mutukŋi enŋgohölök.

Mak 1.16-20; Luk 5.1-11

18 Mewö jiba liliköba mala Galili o anŋögö göraŋe mötöteiba anda darumun yahöt Saimon qetŋi alaŋi Pitö aka munŋi Andru etkehök. Yetköŋ söra örörö azia mala mösakŋiri o anŋönöŋ söra öröbitköra gila malohot.

19 *Jisösnöŋ etkeka kewö jiyök, “Aziyahöt, inŋiri mönö ni uatanaŋgöba kayohotka kusum etkibi ambazip söra ewö öröm enŋimakŋahot.”* 20 Mewö jiiga mianŋöreŋök mösakŋiri mosöta könahiba Jisös wuatanaŋgöba anohot.

21 *Jisösnöŋ yetpuk borom kun toroqeba anda kunbuk darumun yahöt Zebedigö nahönyahötŋi Jeims aka Jon etkehök. Yetköŋ iwiŋiri Zebedibuk waŋgenöŋ tata mösakŋini möhamgöba jöhöba malgetka enŋeka etkohölök.* 22 *Mewö enŋeka etkoholiga mianŋöreŋök wahöta waŋge aka iwiŋiri mosöta könahiba Jisös wuatanaŋgöba andöŋe anohot. Mewö.*

Jisösnöŋ ambazip kusum enŋiba mem ölöwak enŋiyök.

Luk 6.17-19

23 **Jisösnöŋ anda Galili prowins uruŋe lökŋanök liliköba köuluk miriŋine öŋgöba bemtohoŋgö Ölöwak Buŋaŋi jim asariba uruŋini kuŋguba kusum enŋiba malök. Mewö aka sutŋine ambazip kawöl aka jepajerepe könaŋi könaŋi enŋöhöi malgeri, mi mem ölöwak enŋiba malök.*

24 *Mewö memba maliga Jisösgö qetbuŋaŋan sehiba Siria kantri dop köl teköba anök. Mewö ani mi möta kawöl ambazip pakpak enŋuangita yaŋgöreŋ kaget. Tosatŋan uzi kawöl aka jepajerepe könaŋi könaŋi enŋöhöi malget. Tosatŋan ömewörömenöŋ uruŋine geiga töŋöt me kölköljinŋibuk malget. Tosatŋan tala eta enŋuiga bözok mitiba semben auba malget. Tosatŋan sileninaŋgö likepŋi kömukömuŋi malget. Mewö mewöŋi mienöŋ Jisösgöreŋ kagetka mem ölöwak enŋiyök.*

25 *Mewö ak enŋiiga ekeranaŋgöra ambazip könagesö ketanŋi yeŋön Jisösgö andöŋe wuatanaŋgöba kaget. Kambu ketanŋi ketanŋi mi Galili prowins aka Ten Taon distriknöhök kaget. Kambu tosatŋan Jerusalem siti aka Judia prowinsgö miri tosatŋeyök kaget. Kambu tosatŋan Jordan o likepŋeyök kaget. Mewö.*

5

Jisösnöŋ kundunŋe kindu kusum enŋiyök.

1 *Jisösnöŋ ambazip kambu ketanŋi enŋeka kundunŋe öŋgöba tariga gwarekurupŋan kaŋgota liliköm waŋgiget.* 2 *Liliköm waŋgigetka könahiba ambazip kambuŋi kambuŋi kusum enŋiba kewö jiyök.*

* 4:15: Ais 9.1-2 * 4:17: Mat 3.2 * 4:23: Mat 9.35; Mak 1.39

Denike yeñon simbawon akze?

3 “Denike yeñon Anutugö jeñe etqeçeñi tandök mötzei, yeñon Suepkö bemtohoñi buña qem aņgumeaņgöra mönö simbawon akze.

4 *Denike yeñon jingey köla sahötzei, Anutunöñ i urukölalep eņgimapköra mönö simbawon akze.

5 *Denike yeñon guñböñjönjön malakzei, Anutunöñ gölme ki mi yeñgöra eņgi buñañina akñapköra yeñon mönö simbawon akze.

6 *Denike yeñon Anutugö jeñe solanibingöra kapan köla mi nene aka ogö ewö kömumba qemjeñ qeba maljei, Anutunöñ mönö sihimñini mi gumohom eņgima. Mianğöra yeñon mönö simbawon akze.

7 Denike yeñon tosatñi ak kömum eņgimakzei, Anutunöñ i ak kömum eņgimapköra yeñon mönö simbawon akze.

8 *Denike yeñgö uruñinan sarakñi akzawi, yeñon ölop Anutu ekñe. Mianğöra yeñon mönö simbawon akze.

9 Denike yeñon luai qemakzei, yeñgö qetñini mi Anutugö nahönböraturupñi qetme. Mianğöra yeñon mönö simbawon akze.

10 *Anutunöñ keuñini jim teköi solanizeaņgöra sesewerowero ak eņgimakzei, yeñon Suepkö bemtohoñi buña qem aņgume. Mianğöra yeñon mönö simbawon akze.

11 *Ambazipnön iñini nöñgöra aka uruqeçe keu töhöreñ jim eņgiba sesewerowero aka keu bölöñi könañi könañi silenine ala muneñmuneñ jimakzei, eñon mönö simbawon akze.

12 *Mötket, Anutunöñ töwañini öngöñgöñi Suep mire ali ahözawaņgöra mönö gönköirañ ala sösoņgai aka malme. Mi kewögöra: Kezapqetok ambazip mutuk malgeri, mi sesewerowero tandökñi mewöñanök ak eņgigetka eñon yeñgö andöñine asuhuba yembuk öröröñ malje.” Mewö.

Iñini gölmegö sihi aka kiwa ewö akze.

Mak 9.50; Luk 14.34-35

13 Jisösnön jiyök, “Iñini gölme ambazip yeñgö howe tandök akzemö, howe nahömñan piahima ewö, mi mönö denöwö möhamgöingä kunbuk nahömñambuk akawak? Mianğö könañi kun qahö. Toroqeba yuai kungöra qahö dop kölmäpmö, mi nesak ewö gilget geiga ambazipnön mi könañinan tiahöme.

14 *“Iñini gölmeñi gölmeñi yeñgö kiwa tandök ewö aka malje. Siti kun kunduñe öngöba meget tatzawi, mianñon tölapñe tatmamgö osimakza.

15 *Kunñan kiwa ohotiriba kumbut bapñe qahö almäpmö, kiwagö dum tatatñe ali tatma. Mewö tata asariiga ambazip miri uruñe maljei, mönö körek yeñgö jeñini kuñguiga asakñi ehakñe.

16 *“Mewöñanök mönö eņgö asakñini kondelgetka ambazip sutñine asariiga ehakñe. Amba-zipnön ahakmeñini ölöpñi eka mianğöra Iwiñini Suep mire maljawi, mönö i möpöseiba malme.” Mewö.

Jisösnön Köna keugö könañi kusum eņgiyök.

17 “Nöñon Mosesgöreñ Köna Keu aka kezapqetok ambazip yeñgö Buzup Kimbiñini mi qeapkömamgöra aka qahö kaba maljal. Mewö lañ kude mötmörime. Nöñon qeapkömamgöra qahöpmö, keu mi tem köl teköbi

* 5:4: Ais 61.2 * 5:5: Sum 37.11 * 5:6: Ais 55.1-2 * 5:8: Sum 24.3-4 * 5:10: 1 Pitö 3.14 * 5:11: 1 Pitö 4.14 * 5:12: 2 Hist 36.16; Apo 7.52 * 5:14: Jon 8.12; 9.5 * 5:15: Mak 4.21; Luk 8.16; 11.33 * 5:16: 1 Pitö 2.12

mienḡō ḡlḡinan pōndan asuhumapkōra aka kaba maljal. ¹⁸ *Nōḡōn keu ḡlḡi kun kewō jibi mōtket, Mosesḡō Kōna keunōhōk kulem morōḡi morō kōzōmḡi kun me kirifi ohohogō jōnbōlanḡi mohok-kun mi qahō kōtōkḡi ayapkōmapmō, keu pakpak mi mutuk ḡlḡinambuk asuhugetka Suep ḡōlme yetkōn ḡōrōḡ qemahot.

¹⁹ “Mianḡōra kunḡan Kōna keugō jimkutukutu morōrōkḡi mienḡōreḡōk keu kun koyonaniba ambazip mewō kusum enḡimakzawi, yaḡōn Suepkō bemtohoḡe aḡgoriga qetḡi morōrōkḡi bezup qetme. Mewō qetmemō, kunḡan mi tem kōla wuatangōba ambazip mewō kusum enḡimakzawi, yaḡōn Suepkō bemtohoḡ uruḡe aḡgoriga qetḡi ketanamnini qetme.

²⁰ “Nōḡōn mianḡō dop kewō jibi mōtket: Enḡō ahakmemeḡini solanḡi mianḡōn mōnō Kōna keugō bōhi aka Farisi (Kōna keugō kapanḡōlkōl) yeḡō silikḡini tandōk ewō ḡrōrōḡ akapuk. Silikḡinan yeḡō silikḡini ḡwōtpuk qahō onḡitma ewō, enḡōn mōnō Suepkō bemtohoḡ uruḡe qahō aḡgotme.” Mewō.

Yom kazik aka enḡuget kōmukōmugō kōnanḡi.

²¹ *Jisōsnōḡ toroqeba jiyōk, “Enḡōn mōpḡeyōk keu kun kewō jiget mōtzema, ‘Ambazip kun kude qeget kōmuma aka kunḡan kazikḡi qei kōmumawi, i mōnō distrikō keu jakeḡe algetka keuḡi jim tekōme.’

²² “Mewō jiget mōtketmō, nōḡōn keu mi kewō jim tuaribi mōtme: Kunḡan alaḡambuk aḡgururuk aka irimḡan seholii yom kazik akzawi, i mōnō mewōyōk distrikō keu jakeḡe al waḡiget keuḡi jim tekōmeanḡō dop akza. Mewōḡanōk kunḡan alaḡi jijiwilit keunōḡ jim bōliba ‘Gi uruqahō akzan,’ jizawi, i mōnō kantrigō jike kaunsōl yeḡō jeḡine al waḡiget keuḡi jim tekōmeanḡō dop akza. Kunḡan alaḡi lōsō keunōḡ jim bōliba ‘Gi aḡḡōjōrakabuk akzan,’ jizawi, yaḡōn mōnō kōnōp sianōḡ gemawaḡō dop akawak.

²³ “Mianḡōra ḡōḡōn kalem naluki memba kaba altanōḡ almanḡō aknōḡga mianḡōreḡ keu kewōḡan mōtmōtke kaḡgotpawak: Alagahō uruḡe keu ahōi yaḡōn kazik ak gihimamḡō mōtza. Keu mewōḡi mōtmōriman ewō, ²⁴ kalemḡi mi mōnō alta wōsōḡe ala mutuk alagahōreḡ anda yambuk keuḡiri jim solaniba urumohot aka mianḡō andōḡe kunbuk kaba kalem naluki Anutugōra alman.

²⁵ “Kerōkan silege ala keu jakeḡe ḡrōm gihimamḡō aiga komitigōreḡ anda kōna namḡe mianḡōreḡ mōnō kapanḡ kōla imbi mohot aka keuḡiri jim solanimahot. Mewō qahō akḡahot ewō, kerōkan ḡlōp ḡrōrahōm gihiiḡa (jas, majistreit) jimtekōtekō tonḡōḡ jeḡe aḡgotnōḡga mōta jii opotōrōpkō bōrōḡe genōḡga kōsō mire al gihibapuk. ²⁶ Nōḡōn keu ḡlḡi kewō jibi mōtnōḡ, Gi mianḡōreḡ tōwagi pakpak almanḡō dop qakōba tatman. Toiyagi kondikḡi mewōyōk al tekōbagun mōnō tōwagi memba etman.” Mewō.

Sero yoḡḡorōḡō kōnanḡi

²⁷ * “Keu kun kewō jiget mōtzema, ‘Sero yoḡḡorō kude akḡan.’ ²⁸ Mewō jiget mōtketmō, nōḡōn keu mi kewō jim tuaribi mōtme: Kunḡan serogō sihim kōmbōnanḡi qakḡe ambi uba ekzawi, yaḡōn lōk uruḡan yambuk sero yoḡḡorō akza.

²⁹ * “Jegi ḡlḡan siḡisōndok akḡangō kōlḡorom ak gihima ewō, mi mōnō qōzōla ḡilnōḡ anma. Sile kitipki kunḡan ayuhui mewō Suepnōḡ

* **5:18:** Luk 16.17 * **5:21:** Eks 20.13; Dut 5.17 * **5:27:** Eks 20.14; Dut 5.18 * **5:29:** Mat 18.9; Mak 9.47

öngönönga dop kölmäpmö, silegi jömukñi malnönga gil gihigetka könöp sianöñ geba ayuhubanbuk. ³⁰*Börögi ölnjan sinjisöndok akñangö kölgorom ak gihima ewö, mi mönö yandiba gilnöñ anma. Sile kitipki kunñan ayuhui Suepnöñ öngönönga dop kölmäpmö, silegi jömukñi mala könöp sianöñ geba ayuhubanbuk.” Mewö.

Awanöm anğömosötmosötkö könañi

³¹*“Keu kun kewö jiget ahöza, ‘Kunñan anömñi mosötmawi, yañön mönö anğömosötmosöt papia ohoba anömñi wangima.’ ³²*Mewö jiget ahözäpmö, nöñön kewö jibi mötme: Kunñan anömñi qesabulum aiga mosötpawakmö, könañi kungöra anömñi mosöt-mawi, mewö mianñön mönö anömñan qesabulum akñapkö kondota sinjisöndokö keuñambuk akña. Mewö aiga azi kunbuk meiga azi dölökñi mianñön mönö mewöyök qesabulum akña.” Mewö.

Keuñini jöjöpañ keunöñ kude jim köhöime.

³³*“Keu kun mi mewöyök möpñeyök kewö jiget mötzema, ‘Keuñini jöjöpañ keunöñ jim köhöigeri, mi mönö kude onğitme. Kembugöra yuai akingö keuñini jöjöpañ keunöñ jim jöhögeri, mi mönö wuatangögetka ölnjambuk akña.’

³⁴*“Mewö jiget mötketmö, nöñön keu mi kewö jim tuaribi mötme: Keuñini mönö jöjöpañ keunöñ qahöpmahöp jim köhöime. Suep mi Anutugö jakömbuak dumñi akzawangöra aka keu kewö kude jime, ‘Keu ölnji qahö jimam ewö, Suep Tonjan ölop likepñi melenji qakne öngöma.’

³⁵*“Gölme mi Anutugö könañangö döpnji akzawangöra aka keu kewö kude jime, ‘Keu ölnji qahö jimam ewö, gölmenöñ ölop tıngita turum ninğima.’ Jerusalem mi Kinj Tök-kutukutunangö sitinji akzawangöra aka keu kewöñi mi mewöyök kude jime, ‘Keu ölnji qahö jimam ewö, Kinj Ketañi yañön ölop qemasolokepnanğö likepñi melenji qakne öngöma.’ ³⁶Gi nörop jupki injanji menöñ tuatñi akñapkö osiman aka nörop jupki tuatñi menöñ injanji akñapkö osiman. Mianğöra keu kewö kude jiman, ‘Keu ölnji qahö jimam ewö, Anutunöñ ölop nöropni qeiga jupñangö mundañan uteköma.’ ³⁷Jöjöpañ keu kude jimemö, on-keugöra mönö ‘On!’ jime aka qahö-keugöra ‘Qahö!’ jime. Keu diñdiñ mianğoreñ keu yuai toroqemei, mi mönö Bölöñangö Tonjan sölölohöm enğii asuhuma.” Mewö.

Jinöñ jibi aknöñ aki mi kude akñe.

Luk 6.29-30

³⁸*“Keu kun kewö jiget mötzema, ‘Kunñan jegi qösökömawi, gi mönö kitipñi melenja yangö jeñi qösököman. Kunñan jitki kumburatimawi, gi mönö kitipñi melenja yangö jitiñ kumburatiman.’

³⁹*“Mewö jiget mötketmö, nöñön keu mi kewö jim tuaribi mötme: Kunñan bölöñi ak enğimawi, i mönö kude qetala tuarenjoñ ak wangime. Mewö qahöpmö, nunğulumgi ölnji qekötahöma ewö, mönö nunğulumgi likepñi mewöyök qekötahömapköra melenman. ⁴⁰Kunñan ‘Sileötangji memam,’ jiba keunöñ al gihimangö mötza ewö, mönö mosöta malukugi qakñi mewöyök wanğinönga buña qem anğuma.

* **5:30:** Mat 18.8; Mak 9.43 * **5:31:** Dut 24.1-4; Mat 19.7; Mak 10.4 * **5:32:** Mat 19.9; Mak 10.11-12; Luk 16.18; 1 Kor 7.10-11 * **5:33:** Lew 19.12; Jan 30.2; Dut 23.21 * **5:34:** Jei 5.12; Ais 66.1; Mat 23.22 * **5:35:** Ais 66.1; Sum 48.2 * **5:38:** Eks 21.24; Lew 24.20; Dut 19.21

41 “Mewöyök kunjan gösöñi kilomita (mail) mohotkö dop siriba an-mangö kunjum gihima ewö, mönö ölop tem köla kilomita (mail) yahötkö dop siriba yambuk anman. 42 Kunjan göhöreñ yuai kungöra qesim gihimawi, mi mönö wanngiman. Kunjan ‘Yuai ninginönga kitipñi bian melenmam,’ jiba qesim gihimawi, i mönö andö kude qeman.” Mewö.

Kazikurupki mönö urugan jöpaköm engiman.

Luk 6.27-28, 32-36

43 * “Keu kun kewö jiget mötzema, ‘Ambazip kösutñine mala alaurupñini akzei, mi jöpaköm engimakñemö, kazikurupñini mönö melenja kazik ak engiba malme.’

44 “Mewö jiget mötketmö, nöñön keu mi kewö jim tuaribi mötme: Inini mönö kazikurupñini jöpaköm engiba kinda sesewerowero ak engimakzei, yengöra mönö köuluköba malme. 45 Mewö ahakñe ewö, mewö mianñön Iwiñinan Suep mire maljawi, mönö yangö könañi kondela nahönböraturupñi aka malme. Yangö könañi kewö: Yanñön wehöññi qahö anñön köliga kota ambazip ölopñi aka bölöñi mewöyök mem asarim engiba kie aliga ambazip diñdñi aka gonñonji yengö nupñini mewöyök mem kelörakza.

46 “Enñön mönö ninginöñ gihibigö tandökñi ongita Anutugö könañi kondela ahakñe. Takis tilipqilipñinambuk megetka sisitñini memakzei, yanñön alaurupñinan jöpaköm engigetka i melenja jöpaköm engimakze. Mi urumelengö silikñi qahö. Inini yengö silik miyök wuatangöba ahakñe ewö, Anutugöreñ tosa kun qahö ahuiga yanñön mönö silikñinanğö likepñi qahö engiiga töwa kun qahö buña qem anğume. Mianğöra mönö ambazip körek pakpak jöpaköm engiba malme.

47 “Urumelengö kopa ambazipnöñ mewöyök sutñine jölöñini jim anğuba maljemö, mi urumelengö aiwesökñi qahö. Inini yengö dop alaurupñini engö sutñineyök jölöñini jim anğumakñe ewö, mewö mönö kopa ambazip ewö akze. Kopa ambazip yengö silikñini mönö ongita qetpuk sorokñi aka malme? 48 * Engö Suep Iwiñinan aködamun sorokñi akzawi, enñön mönö mianğö dop aködamun sorokñinambuk aka malme.” Mewö.

6

Mözöqözöröñ ambazip mi kalem engimakñe.

1 * Jisösnöñ kewö kusum engiyök, “Mönö kewögöra galöm mem anğuba malme: Ahakmemenñini solanñi diñdñi mi ambazipnöñ eka engöra mötket öngömapköra aka kude ahakñe. Mewö ahakñe ewö, engö Iwiñini Suepnöñ maljawanñön mönö silikñinanğö likepñi qahö engiiga töwa qahö buña qem anğume.

2 “Mianğöra ‘Mözöqözöröñ ambazip kalem engimam,’ jiba mi qenjarökñöñ kömam tömunbuk uba kolek almegöra kude akñan. Urumelengö silesile ambazip yanñön ambazipnöñ miwidimgöm (mem biwim) engimegöra möta köuluk mire aka köna namñe anda ambazip enğeka mewö ahakze. Nöñön keu ölpöhöññi kun kewö jibi mötme, Yanñön mönö silikñinanğö töwanñi pakpak lök buña qem anğugetka Suep Tonjan mi qahö toroqema.

3 “Göñön mewö kude akñanmö, ‘Mözöqözöröñ ambazip kalem engimam,’ jiba börögi öljän denöwö akzawi, börögi qaniñan mi kude

* 5:43: Lew 19.18 * 5:48: Lew 19.2; Dut 18.13 * 6:1: Mat 23.5

mötma. * 4 Kalemgi mianjõn tõlapne ahõiga Iwigan ahakmeme tõlapni ehakzawi, yanjõn mõnõ tõwa gihima.” Mewõ.

Kõuluk nupkõ kõnañi kewõ:

Luk 11.2-4

5 * “Mianjõra Anutugõ kõulukõmei, mi mõnõ urumelenjõ silesile ambazip yengõ dop kude akne. Yenjõn ambazipnõnj enjeknegõra mõta sihimjinan kõuluk mire aka kõna sojanõnj kinda kõulukõmakze. Nõjõn keu õl tõhõnñi kun kewõ jibi mõtme, Yenjõn mõnõ silikjinañjõ tõwanji pakpak lõk buña qem anjugetka Suep Toñan mi qahõ toroqema.

6 “Gõjõn mewõ kude aknanmõ, ‘Anutugõ kõulukõmam,’ jiba mõnõ nangi miri urunji morõje õngõba nanju kõla Iwigi tõlapne maljawi, i kõulukõm wanjiman. Mewõ aknõnga Iwigan ahakmeme tõlapni ehakzawi, yanjõn mõnõ tõwa gihima.

7 “Kõulukõmei, mianjõrenjõ mõnõ urumelenjõ kopa ambazip yengõ tandõk ewõ † keu oyoñdewetdewet mi kude jiba malme. Yenjõn keu jit sehisehñi jigetka Anutunõnj mianjõra aka kezap ala mõt enjimapkõ mõtmõrimakze. 8 Mõnõ kewõgõra yengõ dop kude aka malme: Injini wani yuaigõra osiba mõzõqõzõrõnj akzei, Iwiñinan mi qahõ kõulukõgetka qeljñje lõk mõtza. 9 Mõnõ kewõ kõulukõmakne:

“Nenjõ Iwinini, gi Suepnõnj maljan. Gõhõ qetki mõnõ tõrõñi ahõma.

10 Mõnõ galõm kõl nenjinõnga bemtohonjahõ õlñi asuhuma.

Gõhõ jitsihitki Suepnõnj tem kõlakzei, mewõñanõk mõnõ gõlmenõnj asuhuma.

11 Merakõ nenenji mõnõ dopnine nenjiman.

12 Tosatñi yengõrenjõ tosa nenjõrenjõ ahõzawi, nini mi mosõt enjizin ewõ, gi mõnõ mianjõ dop nenjõ tosanini sanjonman.

13 Esapesapnõnj et nenjubapukõra mõnõ anjõn kõl nenjiba Bõlõñi Toñanjõ bõrõneyõk ‡ mekõm nenjiman. (Gi nangak bemtohonj Toñi, kukõsum Toñi aka asakmararanj Toñi mi nalõñi nalõñi mala kota malnõnj aka tetekõñi qahõ mal õngõman. Mi õlña.)

14 * Injini ambazip yengõ sinjisõndokñini mosõtme ewõ, enjõ Suep Iwiñinan mõnõ mewõyõk enjõ sinjisõndokñini mosõtma. 15 Mosõtmapmõ, ambazip yengõ sinjisõndokñini qahõ mosõtme ewõ, enjõ Iwiñinan mõnõ mewõyõk enjõ sinjisõndokñini qahõ mosõtma.” Mewõ.

Nenegõ sinji malmal mi kewõ ahakne:

16 “Nenegõ sinji malmei, mianjõrenjõ mõnõ urumelenjõ silesile ambazip ewõ kukbosole kude aka malme. Yenjõn Anutugõra nene sinji malakzei, ambazipnõnj mi eknegõra aka zolonj õrõgetka jemesoholjinan mõlmõlimakza. Nõjõn keu õl tõhõnñi kun kewõ jibi mõtme, Yenjõn mõnõ silikjinañjõ tõwanji pakpak lõk buña qem anjugetka Suep Toñan mi qahõ toroqema.

17 “Gõjõn mewõ kude aknanmõ, Anutugõra nenegõ sinji mala mianjõrenjõ mõnõ sinim jupuknõnj me saipenõnj jemesoholgi sanjonnda

* **6:3:** Bõrõgi qaniñan mi kude mõtma, keu mianjõ kõnañi kewõ: Mi mõnõ tõlapne aknõnga wõlbõt alagan mewõyõk mi kude mõtma. Anutunõnj sõlõlõhõm gihiga nup õlõpñi amqeba memakzani, mi mõnõ nangak õlum guhumakza. * **6:5:** Luk 18.10-14 † **6:7:** Kian kantri yenjõn Anutu qahõ mõt wanjiba bemjini murutñi murutñi kõulukõba keu omanji oyoñdewetdewet mi lanj jiba malje. ‡ **6:13:** “Bõlõñi Toñanjõ bõrõneyõk mekõm nenjiman,” tosatñan keu mi kewõ melenje: bõlõneyõk mekõm nenjiman. * **6:14:** Mak 11.25-26

nöröp jupki qeba malman. ¹⁸ Mewö aka nenegö sinji malnönğa ambazipnön qahöpmö, Iwigi tölapne maljawanön mi ekja. Mewö aknönğa Iwigan ahakmeme tölapni ehakzawi, yanön mönö töwa gihima.” Mewö.

Söngöröni ketani yuai mi mönö Suepnön tokome.

Luk 12.33-34

¹⁹ * “Monej inap yuai mi mönö gölmenön ahöm enjimapköra kude tokome. Mewö tokogetka mianğorej jijilukut kezaplonjonön mi yöhötigetka kahawet töromnön (ros, ufej) mem böliiga kegwek-kahasililin yenön miri qesinđa öngöba yonğorö memakze.

²⁰ “Gölmenön qahöpmö, Anutugö jitsihitji tem kölgetka qetbuñaninan qarimapköra mönö kapañ kölme. Mewö aketka guli dönmanjini qainji kun mi Suep mire ahöiga gurem jijilukutnön mi qahö yöhötigetka kahawet töromnön (ros, ufej) mi qahö mem bölime. Kegwek-kahasililin yenön eu qahö öngöba miri qesinđa qahö yonğorö meme. ²¹ Yuaigöra aködamunji memba mötnön öngözawi, mianön miri kungen ahöiga gönön mönö urugi mewöyök mianğorej qekötahöba malman.” Mewö.

Silegö asakji mi kewö:

Luk 11.34-36

²² “Göhö jegi mi uru silegahö kiwanj akza. Mianğöra kawöl kunön jegi qahö mem böliza ewö, mianön mönö unön asarim teköi Anutugö asakjan ölop uruge mem asariiga malmalgi pakpak asakje malman.

²³ “Asakje malmanmö, sihim kömbönañi bölöñan me yuai kunñan jegi mem böliba asakji közambötza ewö, mianön silegö malmalgi pakpak mewöyök mem söñauiga pandaman uruje jipjap malman. Mewö aiga söñapnön urugahö asakji közamböri söñauza ewö, nangi pandamanön mönö Yei! keta bölökñi wewelipñambuk akza.” Mewö.

Anutu me monej möt nariman?

Luk 16.13; 12.22-31

²⁴ “Kunñan kembu yahöt welen qem etkimangö osimakza. Kunñan mewö aknamgö mötzawi, yanön mönö kun kazik ak wangiba kun uruñan jöpaköma. Kungörej qekötahöba kun jijiwilit ak wangima. Mianğöra enjön Anutu aka monej inap mi mindiriba welen qem etkibingö osime.” Mewö.

Anutu möt nariba waimanjat kude akje.

²⁵ “Mewö aiga nöñön kewö jibi mötket: Injini gölmenön malmeanğö waimanjatji mi kewö jiba kude akje, ‘Mönö wani yuainön gumohom anğubinak aka wanatnön sileninanğö löngötpinak?’ Jeninambuk maljei, mianön bohonji aiga nenenön mönö mianğö nemböñe akza. Sileninambuk maljei, mianön bohonji aiga opo söronön mönö mianğö nemböñe ahöza. Mönö mi mötmörime.

²⁶ “Könakemba neñi neñi mönö engekne. Mienön nene kötni qahö qesin gilakze. Padi ölni qahö yandiba köwe mirinje qahö tokomakze. Mi qahöpmahöp aiga engö Suep Iwininan mönö töndup i gumohom enjimakza. Injini nei yenğö dop qahöpmö, engö söngöröñinan mönö nei söngöröñini enğonjita öngöñgöñi akza me qahö? Mönö mi mötmöriget anök.

²⁷ “Engöreñök kunñan waimanjat aka mewö mianön gölmenön mal-mawanğö nalöñi mi sömañi mohotkö dop mem toroqema me qahö? Mi

* 6:19: Jei 5.2-3

qahöpmahöp! § 28 Opo söröjinaŋgöra mönö denöwögöra waimanjat akze? Mi qahö dop kölja. Sombemgö jariŋ jurani qarimakzei, mönö mi uba engekne. Mienön opo söröjinaŋgöra möt qahö loŋgalakze aka nup tosatŋi qahö memakze.

29 **“Mi töndup nöjön kewö jibi mötme, Kiŋ Solomonöŋ goul silwöŋi qeraköba asonbilikŋambuk malökmö, yaŋgö malukuŋi mi kitenj soranjin me jura kungö dop eksihimŋambuk qahö ahöyök. 30 Sombemgö jariŋ jurani töhön merak kösutnine ahöi uran kölgetka eri qezaköba gila ohoget jemapmö, mi töndup Anutunöŋ mi ölöpŋanök meŋölömakza. Miangöra yaŋön inini mewöyök ölöp esuhum enggima. Inini jariŋ juranŋgö dop qahö. Anutunöŋ köyan köl enggimangö möta miangöra sihimŋi öngöŋgöŋi mörakza. O ambazip, mötnariŋinan mönö wuanöŋgöra öne töhön morörökŋi akza?*

31 *“Mewö aiga inini mönö malmalŋinaŋgö waimanjat aka mötkurumkurum kude ahakŋe. Mi aka lömböröba kewö jibepuk, ‘Nini mönö wani nene aka wani oya nembinak?’ aka ‘Wani yuainöŋ silenini esuhubinak?’*

32 *“Mi kewögöra: Urumelengö kopa yeŋön yuai pakpak mi buŋa qem aŋgubingö kapaŋ köla urukönöp ahakze. Inini yuai pakpaköra mözöröŋgöba osimakzei, engö Suep Iwiŋinan mönö mi möt teköza. 33 Miangö urukönöp kude akŋemö, mutuk mönö Anutugö bemtohoŋnöŋ aŋgota yaŋgö jeŋe solanibingö kapaŋ kölme. Uruŋini miangöreŋ alget ahöiga yaŋön mönö galöm köl enggiba yuai mewöŋi pakpak mi mewöŋanök enggima.*

34 *“Mewö aiga inini mönö uran malmeaŋgö waimanjatŋi kude ahakŋe. Urangö waimanjatŋi mi urangöra. Silim mohot mohotkö waimanjatŋini mönö nanŋök nanŋök bisiiŋa dopŋine akŋa.” Mewö.*

7

Jimtekötekö toŋi ewö kude akŋe.

Luk 6.37-38, 41-42

1 Jisösnöŋ toroqeba kewö jiyök, *“Anutunöŋ keuŋini kewöta jim teköi etpupuköra mönö tosatŋi yeŋgö keuŋini kude kewöta jim teköme. 2* Miangö könaŋi kewö: Inini tosatŋi yeŋgö keuŋini kewöta jim tekömei, Anutunöŋ mönö dop mohot mianönök nanŋini keuŋini kewöta jim teköma. Inini tosatŋi yeŋgöra jimkutukutu ala memba öngöba eta kewöt enggimakzei, Anutunöŋ mönö miangö dop nanŋini ak engii öngöba erakŋe.*

3 *“Gi alagahö jeŋe gödöwöröt morörökŋi ekzanmö, nangi jege ip sahötni ketanji ahözawi, mia mönö wuanöŋgöra kude ek kutuzan? 4 Me denöwögöra aka amqeba alagahöra kewö jizan, ‘Alani mötnöŋ, ni ölöp jegeyök gödöwöröt itaköbi etma?’ Mewö amqeba jizänmö, ip sahötni ketanji mi nange jege ahöza.*

5 *“O gi urumelengö silesile azia, gi mönö mutuk nange jegeyök ip sahötni (tametŋi) ketanji memba gilman. Mi mem gilagun törörök ek kutuba alagahö jeŋeyök gödöwöröt morörökŋi mi ölöp itakönöŋga etma. 6 Yuaigöra mötketka tök-kutukutuŋi qainŋi kun akzawi, mi mönö kiam kude enggime. Guli damandan qeqeŋi mi mönö bau wösöŋine kude gilget*

§ 6:27: Tosatŋan jabö 27 mi kewö melenja jize: Engöreŋök kunŋan waimanjat aka mewö mianön silenji wan fitgö dop toroqeba mem körimangö osima. * 6:29: 1 Kiŋ 10.4-7; 2 Hist

9.3-6 * 7:2: Mak 4.24

anma. Mewö akne ewö, yeñön mönö mi könanjan tiahöm engiba dumne melennda nanjini engöhöba yöhöqöhötüm engibepuk.” Mewö.

Mönö qesiba jaruba Anutugö nanjuqe qeba malme.

Luk 11.9-13

⁷ “Mönö Anutu köuluköme. Köulukögetka kewöta engima. Urugö yuaigö Anutugöreñ böröjan memba jarume. Mi jarugetka kondeliga miwikñame. Kinda nanjunöñ qeme. Qegetka nanjunj öröm engima. ⁸ Kunjan Anutu köulukömakzawi, yanön mönö likepñi buña qem anguma. Yuaigö jarumakzawanön mönö mi miwikñaima. Nanjunöñ qemakzawanöra mönö nanju öröm wanjima.

⁹ “Mötket, ambazip engöreñök danön kewö akawak: Nahönjan bisketköra qesiiga köt wanjima? ¹⁰ Me nahönjan söragöra qesiiga qatö wanjima?

¹¹ “Mewö aiga injini ambazip bölöñi aka töndup kalem ölöñji ölöñji nahönböraturupñini engibingö dop akze ewö, engö Iwiñini Suep mire maljawanön mönö kalemñi denöwö angön kölbawak? Yanjö urunanjö ahakmemenji mi nenjonjita tandökñi kun akza. Mianjöra injini yuai ölöñjanjöra köuluköba qesim wanjime ewö, yanön mönö sihimjan mi engima.

¹² * “Mianjöra ambazipnöñ yuai pakpak nanjananjö ak engimegö mörakzei, mianjö dop mönö nanjini mewöyök i ak engimakne. Mewö aketka Mosesgö Köna Keu aka kezapqetok ambazip Buzup Kimbi keunjini mianön mönö öljnambuk aketka mindimindiri könanjan aukne asuhuma.” Mewö.

Mönö kiripo nanju giwikñi kutuba anme.

Luk 13.24

¹³ “Könöp sianöñ gebingö könanji mi amqeqeñi aka numbuñanjö nanjunji mi ketanji. Ambazip sehisehiñan nanju mi kutuba köna mi mötöteiba anme. Mianjöra injini mönö kiripo nanju giwikñi kutuba mianjö urune anme.

¹⁴ “Malmal köhöikne angotpingö könanji mi pökpökñi (pipitñi) osuko-subuk aiga numbuñanjö nanjunji mi giwikñi. Ambazip awamdökñan nanju mi miwikñame.” Mewö.

Ipkö könanji mi öljni eka möt kutume.

Luk 6.43-44

¹⁵ “Kezapqetok ambazip takapulakanji yeñön lamagö sile ewö esunjini löngöta engöreñ kamakzemö, urunjan ubibi kiam kalñi ewö akze. Mianjöra injini mönö yeñjöra aka tihitñini möta galöm mem anguba malme. ¹⁶ Nupñinanjö öljni etekka könanjini kondeli ölöp möt kutume. Nejon köñji mi jömnöñ asuhumakza me qahö? Warun köñji mi koururuknöñ (köwörörök) asuhui tokomakzin me qahö? Qahö.

¹⁷ “Mianjö dop ip ölöñji pakpak mienön öljni ölöñji kunjumakzemö, ip bölöñan mönö köñji bölöñi kunjumakza. ¹⁸ Ip ölöñjan öljni bölöñi kunjumangö osiza aiga ip bölöñan köñji ölöñji kunjumangö osiza.

¹⁹ * “Ip pakpak öljni ölöñji qahö kunjumakzei, mi mönö galömñan kutuba memba könöpnöñ giliga geme. ²⁰ * Mianjö dop ambazip mienjö nupñinanjö öljni etekka könanjini kondeli ölöp möt kutume.” Mewö.

* 7:12: Luk 6.31 * 7:19: Mat 3.10; Luk 3.9 * 7:20: Mat 12.33

*Gwarek ölhaṅgö kōnaṅi**Luk 13.25-27*

²¹ “Nōṅgō Suep Iwinanṅö jitsihitṅi tem kölakzawaṅön mönō yanṅö bemtohoṅnōṅ aṅgotma. Gwōtpuk yeṅön nōṅgōra ‘Kembuni, Kembuni!’ qeta jimakzemö, körek yeṅön Suepkö bemtohoṅnōṅ qahö aṅgotme.

²² “Jimtekötekögö nalö ketanṅi miangöreṅ gwōtpuk yeṅön kaba nōṅgōra kewö jime, ‘O Kembu Kembu, neṅön mönō göhö qetke yuai asuhumapkö kezapqetok keu qeljine jiba malin. Neṅön mönō göhö qetkahö ösumnōṅ ömewöröme enṅuatangöba malin. Göhö qetkan mönō nam köl neṅgiiga aṅgöletot ösum-mumuṅinambuk gwōtpuk memba malin. Mi ölum guhuza me?’ ²³ *Mewö jigetka nalö miangöreṅ kōnaṅini aukṅe kewö jibi mötme, ‘Nōṅön inṅini nalö kunōṅ qahö möt enṅial. Iwilele ahak ambazip, inṅini mönō nömosöta kesalget.’ ” Mewö.

*Miri memegö mötkutukutu ölöṅṅi aka piromṅi**Luk 6.47-49*

²⁴ “Mewö aiga denike yeṅön keu jitni jizali, mi möta miangö dop tem köla memakzei, nōṅön körek yeṅö kōnaṅamṅini kondela mötkutukutu azigö dop ala kewö jimam, Yanṅön mirinṅi jamōṅṅinṅi köt qakṅe meyök. ²⁵ Mewö meiga kie uru nalöṅe kie römbum yöhöba eriga göulu luhuiga luhut ketanṅi qeiga o göulu köhöikṅi gila miri selṅe kuṅguyökmö, miri mi jamōṅṅinṅi köt qakṅe mei kinōhaṅgōra aka qahö kusuyök.

²⁶ “Denike yeṅön keu jitni jizali, mi möta miangö dop qahö tem köla memakzei, nōṅön körek yeṅö kōnaṅamṅini kondela azi mötkutukutuṅi piromṅanṅö dop ala kewö jimam, Yanṅön mirinṅi sak kösahet qakṅe meyök. ²⁷ Mewö meiga kie uru nalöṅe kie römbum yöhöba eriga o luhuiga luhut ketanṅi qeiga o göulu köhöikṅi gila miri selṅe kuṅgui kusuiga goromoroṅgöba erök.” Mewö.

Ambazipnōṅ jisösgö kukösumṅanṅöra welipköget.

²⁸ *Jisösnōṅ keu mi jim teköiga ambazip kambuṅi kambuṅi yeṅön mötketka kusum enṅiyöhi, tandök miangöra auruba welipköget. ²⁹ Yanṅön yeṅö Kōna keugö böhiurupṅinanṅö tandök qahö kusum enṅiyökmö, kukösum Tonṅi akzawaṅö dop ambazip kusum enṅiiga möta tandök miangöra welipkögetka nembōṅṅini teköyök. Mewö.

8*Jisösnōṅ uzikuku azi kun mem solaniyök.**Mak 1.40-45; Luk 5.12-16*

¹ Jisösnōṅ kundunṅi mi mosöta eri kōnagesö kambuleleme ketanṅan andōṅe wuatangöget. ² Mewö kagetka miangöreṅ uzikuku azi kunōṅ kaba simin köla jisösgö wösöṅe geba kewö jiyök, “O Kembu, göṅön sihimgan mem ölöwak niṅgimangö mötzan ewö, mönō ni ölöp mem solanim niṅgiman.”

³ Mewö jiiga börōṅi böranṅa silenṅi misiriba jiyök, “Nōṅön mi akṅamṅö mötzal. Gi mönō solaniman.” Mewö jiiga uzikukuṅi mi miangöreṅök solanii ölöwahök. ⁴ *Solaniiga kewö jim kutum wanṅiyök, “Mötnōṅ, kianṅö buzup keuṅi mi kun kude jinōṅ mötme. Qahöpmö, mönō jike nup galömgöreṅ anda sälegi kondel wanṅiman aka Mosesgöreṅ jimkutukutuṅi

* **7:23:** Sum 6.8 * **7:28:** Mak 1.22; Luk 4.32 * **8:4:** Lew 14.1-32

wuatangöba solani-zanaᅅ saiwap nalukᅅi ala jöwöwöl ohoman. Mi ohonöᅅ ehiga ambazipnöᅅ könaᅅamgi möt kutume.” Mewö.

Jisösnöᅅ suahö galöm kungö nup azinᅅi mem ölöwahök.

Luk 7.1-10

⁵ Jisösnöᅅ Kaperneam taonöᅅ kaᅅoriga Rom suahö galöm kunᅅan yaᅅgöreᅅ kaba köuluköba kewö jiyök, ⁶ “O Kembu, nöᅅgö nup azinaᅅgö silenᅅi likeᅅᅅan kömukömuᅅi aiga sihimbölä kanᅅamᅅambuk möta mire ahöza.”

⁷ Mewö jiiga kewö jii mörök, “Nöᅅön mönö anda i mem ölöwakᅅam.”

⁸ Mi möta kewö melaᅅda jiyök, “O Kembu, ni mewöropᅅan malbiga nöᅅgö miri boᅅan goalöᅅmapkö gamuni mötzal. Mianᅅgöra keu jitkanök jinöᅅga welen azinan ölöwakᅅa.

⁹ “Mi kewögöra: Ni nanak mewöyök galöᅅmnaᅅgö kukösum bapᅅe al niᅅigetka maljal. Nöᅅgö bapᅅe yarö azi malgetka mi jim kutum eᅅgimakzal. Yeᅅgöreᅅök kungöra ‘Anman,’ jim kutubi yaᅅön anma. Kungöra ‘Kanöᅅ,’ jim kutubi yaᅅön kama aka welen azini kungöra ‘Nup ki meman,’ jibiga yaᅅön mi mema.”

¹⁰ Jisösnöᅅ keu mi möta welipköba ambazip wuatangöba kageri, yeᅅgöreᅅ lilingöba kewö jiyök, “Nöᅅön keu öᅅᅅi kun kewö jibi mötme: Israeᅅ könaᅅesöta sutᅅine mewöyök mötnariᅅ ketanᅅi mewöᅅi mi kungö uruᅅe qahö miwikᅅaial.

¹¹ *Nöᅅön keu kewö jibi mötme: Ambazip kambulembenöᅅ mönö wehön kotkotᅅeyök aka wehön geᅅeᅅeyök kaba Suepkö bemtohoᅅ uruᅅe kaᅅgota Abraham, Aisak aka Jeikob yembuk nene sösoᅅgai aka malme. ¹² *Yeᅅön mewö malmemö, bemtohoᅅgö nahönböraturup mi mönö eᅅgömosöta aköᅅ eᅅgigetka pandamanöᅅ yaᅅgeᅅ geme. Mianᅅgöreᅅ malmei, yeᅅön mönö saᅅöt gigilahöba irimᅅini yöhözöᅅmgögetka qetᅅᅅi qeri malme.”

¹³ Mewö jiba suahö galöᅅmgöra kewö jiyök, “Gi mönö mirige anman. Mötnariᅅkahö dop mönö asuhum gihima.” Mewö jiiga welen azinaᅅ mönö aua mianᅅgöreᅅök ölöwahök. Mewö.

Jisösnöᅅ kawöl ambazip gwötpuk meiga ölöwaket.

Mak 1.29-34; Luk 4.38-41

¹⁴ Jisösnöᅅ Pitögö mire anda Pitögö suhunᅅan silekönöp kawöl yöhöi ahöiga ehök. ¹⁵ I eka böröᅅe misiriiga silekönöpᅅan mosöri wahöta könahiba Jisös nene ohoba gumohom waᅅgiyök.

¹⁶ Mewö malgetka miri söᅅauiga mianᅅgöreᅅ ambazipnöᅅ alaurupᅅini öᅅeᅅinambuk mi gwötpuk eᅅguaᅅgita yaᅅgöreᅅ kaget. Kagetka ömewöröᅅe mi keuᅅan jiba közöl eᅅᅅiiga kota anget aka kawöl ambazip pakpak mi mem ölöwak eᅅgiyök. ¹⁷ *Mewö mianᅅön Anutunöᅅ keuᅅi kezapqetok azi Aisaigö uruᅅe ali jii ahözawi, mianᅅön öᅅᅅambuk ahök. Keu mi kewö, “Yaᅅön mönö neᅅgö uzi kawölnini meiga qakᅅe öᅅgöiga bisiyök.” Mewö.

Jisös wuatangöbingö möndö möndö keuᅅi

Luk 9.57-62

¹⁸ Jisösnöᅅ ambazip kambu ketanᅅi liliköᅅ waᅅgiget eᅅgeka nalö mianᅅgöreᅅ gwarekurupᅅi yembuk o aᅅgö kutuba likeᅅ aᅅgotᅅingö jim kutuyök. ¹⁹ Köna keugö böhi kunᅅan Jisösgöreᅅ kaba kewö jii mörök,

* 8:11: Luk 13.29 * 8:12: Mat 22.13; 25.30; Luk 13.28 * 8:17: Ais 53.4

“Böhi, gi denike denike anmani, nöñön mönö miangörej gi guatangöba kamam.”

²⁰ Mi möta Jisösnöñ kewö jii mörök, “Arökñangö kiam yeñön kötenjine ahögetka könakemba nei yeñön öngot jajöñini memba malakzemö, Suep gölmegö azi öñjan mönö denike anda nööröñji wani qömböñnöñ nariba luhut membawak?”

²¹ Mewö jii gwarek yeñgöreñök kunöñ kewö jii mörök, “Mi ölöpmö, iwinan kömumangö aiga mutuk jinöñga anda galöm kölbi kömui löm kölbigun.” ²² Mewö jiyökmö, Jisösnöñ melenja jiyök, “Mosötnöñ, köhömuñji yeñön qamötñini köhömuñji mi ölöp löm kölmemö, göñön mönö kaba ni nuatangöman.” Mewö.

Jisösnöñ jüiga raidimbom göröñ qeyök.

Mak 4.35-41; Luk 8.22-25

²³ Jisösnöñ anda wanje uruñe öñgöiga gwarekurupñan wuatangöba yambuk mohotje anget. ²⁴ Angetka raidimbom ketanjan ömtöröp (töröpñanök) o angönöñ asuhuba gilök. Giliga sirinöñ wanje uruñe geiga numbuñe qemangö ahökmö, Jisösnöñ gaun ahöyök. ²⁵ Gaun ahöiga gwarekurupñan anda möndöba jiget, “Hei Kembu, mönö bauköm neñginöñ. Nini angönöñ ayuhubingö akzin.”

²⁶ Mewö jigetka melenja kewö jim enjyök, “O inñini mötnaripñini morörökñji, mönö wuanöñgöra keñgöt mötmöt azia akze?” Mewö jiba wahöta luhut aka siri jim qetal etkiiga sirinöñ nöñ qeba ahöyök. ²⁷ Mewö aiga awöwöliba qesiba jiget, “Yei! Azi kia mönö denöwöñjan malja. Yanñön mönö luhut aka köwet jim kutum etkiiga jitñi tem köl wanjizahot.” Mewö.

Ömenöñ bau uruñine gegetka azinöñ ölöwahot.

Mak 5.1-20; Luk 8.26-39

²⁸ Mewö asuhuiga o angö kutuba likepñe Gadara yeñgö gölmenöñ angorök. Miangöreñ angota azi ömenjirambuk yahöt yetköñ qaksirinöhök kaba Jisös miwikñaiyohot. Yetköñ irimsesewöl azi urukönöpñirambuk ahotka kunñan köna miangöreñ anmamgö osiyök. ²⁹ Yetköñ Jisös miwikñaiya silata kewö qet gigilahöyohot, “Aek! Gi Anutugö Nahöññi akzan. Gi mönö denöwö ak neñgimangöra kazan? Sihimbölö mötmöt nalöñjan qahö kam kuñguiga qeljiñe mi könöpñambuk ak neñgimangö ki kazan me?”

³⁰ Miangöreñök köröwen qahöpmö, kösutñine miangöreñ bau kambu ketanji kun gwözözak uruñe kulunja malget. ³¹ Miangöra ömenöñ kewö jiba Jisös ulet wanjiget, “Göñön nini közöl neñgiman ewö, mönö melaim neñginöñga ölöp bau kambu miengö uruñine gebin.”

³² Ulet wanjigetka Jisösnöñ “Mönö anda geget,” jiba jim kutuyök. Mewö jim kutuiga miangöreñök azi uruñireyök kota anda bau uruñine geget. Gegetka bau kambu körek yeñön mönö luhuba nembönembönöñ anda jororongöba o angönöñ geba nemulahöba kömuget.

³³ Kömugetka bau galöm yeñön ölöñ unjurata taonöñ anda keu buzupñini pakpak jiget. Azi ömenjirambuk yetköreñ yuai asuhuyöhi, miangö buzupñi mewöyök jiget mötket. ³⁴ Jiget möta taon ambazip pakpak yeñön mosöta Jisös miwikñaiya ekingö kaget. Kaba eka Jisösnöñ yeñgö mindimindiri sel gölme mosöta anmapkö ulet wanjiget. Mewö.

9

Jisösnöŋ azi sile likepŋi kömukömuŋi möhamgöyök.

Mak 2.1-12; Luk 5.17-26

¹ Jisösnöŋ waŋge uruŋe öngöba kunbuk o aŋgö kutuba likepŋe aŋgota nanŋe taonöŋ kayök. ² Nalö miangöreŋ azi tosatŋan alaŋini sile likepŋi kömukömuŋi tumbulahöpnöŋ ahöyöhi, mi kululunöŋ ala aŋguba kaget. Mewö kaba Anutu möt narim waŋgigeri, Jisösnöŋ yengö tandökŋini mi ehi dop köliga kawöl azigöra kewö jiyök, “Nahöni, nöŋön siŋgisöndoki mosötzal. Mönö köhöiba ewebibigabuk saitingit malman.”

³ Mewö jiiga Köna keugö böhi tosatŋan kinda uruŋinan kewö mötmöriget, “Azi kianön mönö Anutu ilita mepaqepaik akza.”

⁴ Mewö mötmörigetmö, Jisösnöŋ mötmötŋini mi möt kutuba kewö jiyök, “Inini mönö wuanöngöra keu bölöŋi uruŋinan mötmörize? ⁵ Nöŋön ‘Siŋgisöndoki mosötzal,’ jizali, keu mianön mönö awamŋanök jijiŋa. Kunŋan mewö jiiga tosatŋan keu miangö ölni qahö ekŋe. Miangöra mi keu awamŋangö dop. Nöŋön keu kun kewö jimangö mötzal, ‘Mönö wahöta anöŋ.’ Keu mi mönö lömbötŋambuk jijiŋa akza. Mewö jibiga ölni ahuma me qahöwi, mianön mönö aukŋe asuhui ekŋe.

⁶ “Mötket, gölmenöŋ siŋgisöndok mosötmosötkö kukösumŋi mi Suep gölmegö azi ölnangöreŋ ahözawi, inini miangö könaŋangöra janjuŋ malbepuk. Miangöra keu lömbötŋi mi azi kiangöra jibi ölni eket.” Mewö jiba azi sile likepŋi kömukömuŋangö jeŋe eka jiyök, “Gi mönö wahöta tumbulahöpki memba mirige anöŋ. Keu lömbötŋi mi ölnambuk akrŋa ewö, keu awamŋi mi mönö mewöyök denöwögöra omanŋi akawak?”

⁷ Mewö jiiga miangöreŋök wahöta miriŋe anök. ⁸ Mewö asuhuiga ambazip kambu yeŋön mi eka welipköba Anutu möpöseim waŋgiget. Gölme azigöra kukösum mewöŋi waŋgiyöhanngöra Anutu möpöseiget. Mewö.

Jisösnöŋ Matyu (Liwai) oholök.

Mak 2.13-17; Luk 5.27-32

⁹ Jisösnöŋ miangöreŋök anda takis ofis ongitmamgö aiga miangöreŋ azi qetŋi Matyu tariga eka jii mörök, “Gi mönö nöŋgö andöne kanöŋ.” Mewö jii möta wahöta takis nup mosöta Jisösgö andöŋe anök.

¹⁰* Anda Matyugö mire anda nene nempa tatkeri, nalö miangöreŋ takis meme azi tilipqilipŋinambuk aka siŋgisöndok azi gwötpukŋan kaba Jisös aka yangö gwarekurupŋi yembuk tata nene mohotŋe neget. ¹¹ Mewö negetka Farisi (Köna keugö kapankölköl) yeŋön mi eka Jisösgö gwarekurupŋi kewö jim engiget, “Aek! Engö böhiŋinan mönö wuanöngöra takis meme tilipqilipŋinambuk aka siŋgisöndok ambazip yembuk tata nene neza? Mi qahö dop kölja.”

¹² Mewö jim engigetka Jisösnöŋ likepŋi kewö jii mötket, “Sile unditundit ambazipnöŋ doktagöra qahö ak engimakzapmö, kawöl ambazipnöŋ mönö doktagöreŋ anakze. ¹³* Nöŋön siŋgisöndok ambazip engoholmamgöra kaba maljalmö, ambazip nanŋinaŋgö mötketka solanŋi akzei, i qahö. Miangöra keu kiangö könaŋi mönö anda kusum aŋguba mötme, ‘Nöŋön jöwöwöl ohobingö qahöpmö, ak kömum aŋgubingö sihimŋi mötzal.’” Mewö.

Nene siŋgi malmalgö keuŋi

Mak 2.18-22; Luk 5.33-39

* 9:10: Luk 15.1-2 * 9:13: Mat 12.7; Hos 6.6

¹⁴ Nalö miangörej Jon O-melun azigö gwarekurupni yeñön Jisösgörej kaba kewö qesiget, “Neñön aka Farisi (Köna keugö kapankölköl) yeñön Anutugöra nene sinji gwötpuk malahakzin. Nangi gwarekurupkan mönö wuanöngöra nene sinji qahö malje?”

¹⁵ Mewö qesigetka kewö melenök, “Ölña, nini wani nalönöñ nene sinji malakzin? Ambi meme nalöñe azigö andourupñan könöpñi algetka ambigö sepkitipurupñan yuai mi tökömakze me qahö? Nöñön nani gwarekurupni yeñgö azi buñaya aka yeñgö sutñine köisirik tatzal. Tatpiga yeñön miangöra aijölöñ söñgaiba tata sinji malbingö osimakze. Osimakzemö, Anutunöñ noañgiri kömumbiga yeñön mönö nalö miangörej ölop sinji malakñe.

¹⁶ (“Inini malmal walñi aka sösongai Buña dölokñi mi mindirim etkibingö osime. Miangö keu pasetñi mi kewö jibi mötket;) Löngölöngöt walñi jurariga kunöñ opo dölokñi qahö sanjonsanjonñi mitiba mianön opo su johaññi qahö ala umgöreñgömakza. Opo su johaññi dölokñi mewöñan mönö waziba löngölöngöt walñi öröiga kunbuk tingiriga kinimñan qariba böliqölibapuk.

¹⁷ “Mewöñanök kunöñ wain o dölokñi mi jobö me toru walñi lama sileñan memenji miangörej qahö kusuiga gemakza. Mewö akawak ewö, wain o dölokñan mönö qariba toru qesinñiga jula mokoiga gölmenöñ eta sohoiga toruñan böliqölibepuk. Miangöra wain o dölokñi mi toru dölokñeyök mokoïn geiga dop kölma. Möwö ahinga mietkön ölöwakñahot. (Mewöñanök o ölopñi mi gina gisagisahöñe qahö umakzin. Mewö ubinak ewö, mianön mönö jula kisipisirik eriga nemba kawöl neñgöhöbapuk. Mewö akapuköra o ölopñi mi gina ölopñe umakzin. Inini mewöyök malmal walñi aka Ölöwak Buña dölokñi mi mindirim etkibingö osime.) Mewö.”

Jairusnöñ bōratñangōra Jisōs köulukōyōk.

Mak 5.21-43; Luk 8.40-56

¹⁸ Jisösnöñ keu mi jii mötketka keu galöm kunñan kangota Jisösgö wösöñe geba simin köla kewö köuluköm wañgiyök, “Nöngö bōratnan mönö döлки kömuzapmö, mönö kaba bōrōgan sileñe misirinöñga guliba toroqeba malma.” ¹⁹ Köuluköm wañgiiga wahöta gwarekurupñi yembuk i wu-atangöba anget.

Kawöl ambi kunöñ Jisösgö malukuñi misiriyök.

²⁰ Angetka miangörej sutñine ambi kun malök. Yanön (yara) yambu 12 miangö dop köiñnöñ ehiga nalö dop kawöl yöhöiga malök. Ambi mianön Jisösgö andöñe kaba malukuñangö kitip sunji misiriyök. ²¹ Mi misiriba nanñangöra kewö jiyök, “Nöñön i oseimangö möt lömböröiba malukuñeyök borom kun misiribileñak ewö, mönö ölop ölöwakñam.”

²² Mewö jiba misiriiga Jisösnöñ miangöreñök lilingöba i eka kewö jii mörök, “Bōratni, mötnaripkan mönö mem ölöwak gihiza. Mönö köhöiba ewebibigabuk saitingit malman.” Mewö jii möta aua miangöreñök ölöwahök.

Jisösnöñ Jairusgö bōratñi mem gulyök.

²³ Toroqeba angetka Jisösnöñ keu galömñangö mire öñgöba ambazip jinñej köla awölop ugeri aka ambazip kambu göju gilgeri, mi engeka kewö jim kutum enñgiyök, ²⁴ “Möno yaigep anget. Ambi moröñan qahö

kömuzapmö, gaunök ahöza.” Mewö jim kutum engiiga mötketka gönahit ewö aiga gön köl wanjiget.

²⁵ Gön köl wanjigetmö, ambazip kambu ketani mi jiiga yaigep angetka ambi morönanjögö ahöahö miri uruñe öngöba böröñe meiga wahörök. ²⁶ Wahöriga miangö buzup keujan sehiba mindimindiri sel mi körek dop kola anök. Mewö.

Jisösnöñ jegömöl azi yahöt mem ölöwak etkiyök.

²⁷ Jisösnöñ miri gölme mi mosöta anmamgö ani jegömöl azi yahötñan wuatangöba andöñe kaba kewö qerohot, “Deiuidkö gwölönarökñi, gi mönö ak kömum netkiman.”

²⁸ Mewö qerohotka miri kungö uruñe öngöiga jegömöl azi yetkön Jisösgöreñ kayohotka kewö qesim etkiyök, “Jeñiri mem tohomamgö kukösumñi nöñgöreñ ahözawi, mi möt narizahot me qahö?” Qesim etkiiga kewö melen wanjiyohot, “Kembuniri, mi ölop möt narizit.” ²⁹ Mewö melen wanjiyohotka je dapötñire misiriba jiyök, “Mötnaripñirangö dop mönö asuhuma.”

³⁰ Mewö jiiga jeñiran tohayök. Mewö asuhuiga galöm meme keu köhöikñi al etkiba kewö jiyök, “Mörohot, kiangö buzupñi mi kun kude jiyohot mötme.” ³¹ Mewö jiyökmö, yetkön mosöta anda miangö buzupñi jim sehiyohotka mindimindiri sel mi körek dop kölok. Mewö.

Jisösnöñ mötök azi kungö keuñi möhamgöyök.

³² Jeñiri tohoi anohotka töñöt azi keu jijiñi qahö mi wanjita Jisösgöreñ kaget. ³³ Kagetka Jisösnöñ ömeñi közöli mötök azinöñ keu jiiga ambazip kambu yeñön mi eka welipköba jiget, “Tandök kewöñi mi Israel uruñe mönöwök nalö kungen qahö ehin. Qahö. Dölki je murutña ekzin.”

³⁴ *Mewö jigetmö, Farisi (Köna keugö kapanjököl) yeñön jiget, “Yeñön mönö öme yeñgö kembuninangö ösumnöñ ömewöröme enjgualanjangmakza.” Mewö.

Jisösnöñ könağesö yeñgö wösöñi mörök.

³⁵ *Jisösnöñ anda miri aka taon dop liliköba ambazip köuluk miriñine kusum enjiba bemtohonjögö Ölöwak Buña jim asariba mianjön uruñini kunjuba uzi kawöl aka jepajerepe könañi könañi mem ölöwak enjiba malök. ³⁶ *Mewö mala ambazip kambuñi kambuñi engehiga lama galömñini qahö tandök simbisembel aka ilingösöñ qenjalanga malgetka yeñgöra wösöñi mörök.

³⁷ *Mewö engeka gwarekurupñi kewö jii mötket, “Anutugö nupnöñ nene ölni gwötpuk öliba ahözapmö, mi tokobingö nup meme ambazipnöñ mönö awamdökñi malje. ³⁸ Mianjöra nene öliöliñangö Kembuñan nup meme ambazip melaim enjimapköra mönö köuluköba malme. Köuluköm wanjigetka nup ambazip asuhuba ölni mi mem tokome.” Mewö.

10

*Aposol 12 yeñgö qetñini
Mak 3.13-19; Luk 6.12-16*

* 9:34: Mat 10.25; 12.24; Mak 3.22; Luk 11.15 * 9:35: Mat 4.23; Mak 1.39; Luk 4.44 * 9:36: Jan 27.17; 1 Kin 22.17; 2 Hist 18.16; Eze 34.5; Mak 6.34 * 9:37: Luk 10.2

¹ Jisösnöŋ gwarekurupŋi 12 enghoholi yaŋgöreŋ kagetka ömewöröme közöl enghimegö kukösumŋi al enghiyök. Mewöyök uzi kawöl qemjemmamjen könaŋi könaŋi mem ölöwakŋegö kukösumŋi al enghiyök. ² Melaimelai azi aposol 12 miengö qetŋini kewö: mutukŋi yaŋön Saimon, qetŋi kun Pitö qetket aka yaŋgö munŋi Andru. Miangö andöŋe Jeims aka munŋi Jon, iwiŋiri qetŋi Zebedi.

³ Filip aka Bartolomyu, Tomas aka Matyu takis meme azi, Jeims Alfiusgö nahönŋi aka Lebeus qetŋi kun Tadius, ⁴ Saimon Zelot-politik azia * aka Judas Iskariot. Kariot azi mianjön könaŋen Jisös mamalolo mem waŋgiyök.

Jisösnöŋ gwarekurupŋi 12 melaim enghiyök.

Mak 6.7-13; Luk 9.1-6

⁵ Jisösnöŋ azi 12 mi melaim enghiba kewö jim kutum enghiba jiyök, “Injini kian kantrigö ambazip yengöreŋ kude anme. Mewöyök Samaria prowins yengö taonŋini kunöŋ kude anme. ⁶ Miangöreŋ kude anmemö, Israel könaŋesögö lama sohogeri, mönö yengöreŋ anme. Mi nup mutukŋi. ⁷ *Denike denike anmei, miangöreŋ mönö Buŋa keu kewö jiba jim asarime, ‘Suepkö bemtohoŋan mönö dowe kazawa miangö uruŋe aŋgotme.’

⁸ “Ambazip kawölŋinambuk mönö mem ölöwak enghiba kömukömuŋi mi mem gulim enghiba malme. Uzikuku ambazip mönö mem solanim enghigetka öme wöröme közöl enghiba malme. Anutunöŋ yuai kalema enghiyöhi, mi mönö toroqeba kalema enghiba malme.

⁹ “Köna anmeaŋgöra soujenŋi goul me silwö me ain kopönöŋ memeni mi mönö irimungaŋine kude jöhöme. ¹⁰ *Ambazipnöŋ nup meme ambazip malmalŋini naŋgömeaŋgö dop akze. Miangöra köna anmeaŋgö yuaiŋi ki mi kude memba anme: gösö qahö, maluku semönŋi qahöpmö, mohot meme, köna esu qahö, öröp qahö.

¹¹ “Anda taon me miri denike denike aŋgotmei, miangöreŋ mönö daŋön azi ipŋi qetbuŋaŋambuk akzawi, miangöra qesigetka miri enghime, mönö miangöreŋök mala nup memba taon mi mosöta köna anme. ¹² Miri kunöŋ öngöba luainöŋ yembuk ahömapkö jime. ¹³ Mi jigetka luainŋini aŋgön kölmeaŋgö dop akze ewö, luainŋinan mönö yengö qakŋine öngömapmö, mi aŋgön kölmeaŋgö dop qahö akze ewö, luainŋinan mönö lilingöba nanŋine kama.

¹⁴ * “Anda mala miri kunöŋ aŋgotketka qahö köl öröm enghiba keuŋini qahö mötketka nesampurekŋini mönö kewö jiba kondel enghime, ‘Nini enghö gölmenöŋ kainga sölbuham köna tambönine mekötahözawi, mi mönö tim tönjöraringa nanŋine lilingöba gema.’ Mewö jiba ölöp miri me taon mi mosöta toroqeba anme. ¹⁵ *Nöŋön keu ölni kun kewö jibi mötme: Anutunöŋ nalö ketane qemasolokepŋinaŋgö likepŋi melenŋi taon miangö qakŋe öngömawi, dop mianjön mönö Sodom aka Gomora gölme yengö dop oŋgita toroqem enghima.” (Sodom Gomora yehön bölöŋi kanjamŋambuk memba uruŋini qahö melenŋetka Anutunöŋ könöpnöŋ köndenŋ enghiyök.) Mewö.

* **10:4:** Nesönöl pati Zelot yehön Rom gawman tuarenjoŋ aka nanŋine kinkin mendingöra tuaköpek memba malget. * **10:7:** Luk 10.4-12 * **10:10:** 1 Kor 9.14; 1 Tim 5.18 * **10:14:**

Apo 13.51 * **10:15:** Mat 11.24; Jen 19.24-28

Anda nup megetka sesewerowero asuhuma.

Mak 13.9-13; Luk 21.12-17

16 **“Mötket, lama yeñon arökñangö kiam kalñi yeñgö sutñine gegetka luhuba engöhöbepuk, nõñon injini miangö tandök ewö melaim engibi anme. Miangöra mönö mokoleñ † ewö mötkutukutu qakñe galöm mem anguba mala kembö ewö ambazip böñjöñi köpösihitkö keuñini qahö malme. 17 *Ambazipnönñ injini öröba keu jakeñine al engiba köuluk miriñine keu nupñini memba ihilek wahiñambuknönñ tauköm engime. Miangöra ambazip mewönñ yeñgöra mönö galöm mem anguba malme.*

18 *“Tosatñan nõñgöra aka enguanñgitetka kantriñi kantriñi yeñgö kiñ kembu aka premiö yeñgö jemesoholñine kinme. Mewö kinda nõñgö kõnañamni nanñgöba jigetka azi ipñi mi aka kian kantri kõnagesö yeñon mi mötme. 19 Mi mötmemö, keu jakeñe al engigetka kinmei, nalö miangöreñ wani keuya denöwö jibinak, miangö waimanjatñi kude mötme. Keu jimei, mi Uña Töröñan aua miangöreñök engima. 20 Nanñine uruñineyök keu kude jimemö, Iwiñinangö Uña Töröñan mönö uruñini sölölohöiga keu jime.*

21 **“Urumelenñgö kopa kunönñ darumunñan uruñi melenñö-hañgöra aka i mamalolo meiga keu jakeñe algetka qeget kömuma. Mewöyök iwi kunönñ nahönböratñi mamalolo meiga kömuma aka nahönbörat yeñon iwinamurupñini qetal engiba jigetka enguget kömume. 22 *Nõñgö qetnañgöra aka kantriñi kantriñi yeñon körek kazik al engigetka malmemö, kunñan kapan köla nalö tekömawanñgö dop köhöiba böñ qeba kinmawi, yanñon mönö oyaenñkoyaen buña qem anguma.*

23 *“Taon kunönñ sesewerowero ak engime, mi mönö kök ala taon kunñan anme. Nõñon keu ölni kun kewö jibi mötme: Injini Israel taonñi taonñi qahö liliköm tekögetka Suep gölmegö azi ölnan mönö lilingöba kama. 24 *Gwarek kunñan böhiñi onñgita mötmötñambuk qahö akza aka welenqeqe kunñan ketañamñi onñgita nupkö mötmöt qahö memba malja.*

25 **“Gwareknönñ böhiñi ewö mötmötñambuk aiga dop köлма aka welenqeqenönñ ketañamñi ewö nupkö mötmöt memba maliga dop köлма. Miri uruñi kungö saiwa galömñi jim böliba qetñi Katakömulat ‡ qetket ewö, yanñgö saiwaurupñi yeñgö qetñini mönö amqeba awamñanök mewö qerakñe.” Mewö.*

Dagöra keñgötñini mötketka dop köлма?

Luk 12.2-7

26 **“Ambazipnönñ yuai önun meget ahözawi, mi pakpak mönö lulungetka aukñe ahuma. Mewöñanök keu asambötket ahözawi, mi pakpak mönö indelgetka möt kutume. Miangöra ambazip yeñgöra keñgötñini kude möta malme. 27 Nõñon keu söñaupnönñ ölöñ jimami, mi mönö asakñe jime.*

* **10:16:** Luk 10.3 † **10:16:** Mokoleñ aka raskol yeñon aukñe bim qegetka zilañ miwikñaiba jöhöm engibeak. Miangö dop lömböribapaköra gwarek neñon maslim, komyunist aka tosatñi yeñgö sutñine qetnini misinari mi aukñe qahö jimakzin. Mötkutukutu mi ölöññi. * **10:17:** Mak

13.9-11; Luk 12.11-12; 21.12-15 * **10:21:** Mak 13.12; Luk 21.16 * **10:22:** Mat 24.9, 13; Mak 13.13; Luk 21.17 * **10:24:** Luk 6.40; Jon 13.16; 15.20 * **10:25:** Mat 9.34; 12.24; Mak 3.22; Luk 11.15 ‡ **10:25:** Juda yeñgöreñ Katakömulat qetñi Belzebul. Mi ömewöröme yeñgö ketañamñini. Matyu 9.34 miangöreñ Jisösgöra qet bölöñi mi qetket. Miangö dop Jisösgö alaurupñi nengöra qet bölöñi kõnañi kõnañi qerakñe. * **10:26:** Mak 4.22; Luk 8.17

Keu sañep algetka kezapñine gei mötmei, mi mönö sombemñöñ aukñe jime. Miangöra mönö keunjanğö galöm memba malme.”

Dagöra kenğötnini möringa dop kölma.

²⁸ “Tosatñan silenini qem kömumbeakmö, uñañini qem kömumbingö o-ime, yeñgöra kenğötnini kude möta malme. Mi qahöpmö, yuai mutukñi ki: Kunñan kukösum memba uña aka sile mohot ayuhum etkiiga könöp sianöñ gemahori, yañgöra mönö kenğötnini möta malme. ²⁹ Tosatñan bekösöm (jöröröm, ulisit) yahöt moneñ kötni mohot-töpnöñ söñgöröñi memegöra alakzemö, etkerigetka Iwiñinan oñ qahö jiiga yetköreñök mohotnöñ gölmenöñ qahö etma.

³⁰ “Anutunöñ köyan köl enğiba nörop juññini pakpak mewöyök oyon teköba jañgöñini mötza. ³¹ Ambazip enğö söñgöröñini mi bekösöm ulisit gwötpuk enğonğita öñgöñgöñi akza. Miangöra kenğötnini mönö kude möta malme.” Mewö.

Kraist jim miwikñaima me qañ kölme?

Luk 12.8-9

³² “Mewö aiga kunñan ni ambazip jeñine jim miwikñaim niñgimawi, nöñön mönö mewöñanök i Iwini Suep mire maljawañğö jeñe jim miwikñaimam. ³³ *Mewömö, kunñan ni ambazip jeñine qañ köl niñgimawi, nöñön mönö mewöñanök Iwini Suep mire maljawañğö jeñe qañ kölmam.” Mewö.

Jisösgöra luai qahöpmö, kazik asuhuma.

Luk 12.51-53; Luk 14.26-27

³⁴ Jisösnöñ toroqeba kewö jiyök, “Kewö kude mötmörime: Jisösnöñ luai qemamgöra aka gölmenöñ erök. Nöñön luai qemamgöra qahöpmö, nöñgöra aka jula dengetka bingö sou ketañan aume.

³⁵ * “Mi kewögöra jizal: Nöñgö Buña keunan ambazip uruñini kuñgui melenğerañğöra kewö asuhuma, ‘Iwi morö yetköñ jula kerök-kerök ahotka nam morö yetköñ tötal anğuyohotka iranñan iranñi qetala julmahot. ³⁶ Ambazip nanñini saiwauruññinan mönö kerökuruññini akñe.’

³⁷ “Kunñan ni göragöra al niñgiba iwiñi me namñi jegep ala jöpakömawi, yañön mönö nöñgöreñ qahö dop kölma. Kunñan ni göragöra al niñgiba nahöññi me böratñi jegepñe ala jöpakömawi, yañön mönö nöñgöreñ qahö dop kölma. ³⁸ *Sisitñini megetka kunñan ni nuatañğöba sihimbölä möta maripomnöñ kömumamğö qahö jörörömawi, yañön mönö nöñgöreñ qahö dop kölma.

³⁹ * “Kunñan nanñi malmal siyonşayonñi qahö mi miwikñaimawi, yañğö malmalñan mönö sohoma. Kunñan nöñgöra aka malmalñi köleñniga sohomawi, yañön mönö oyaenşkoyaeñ malmal miwikñaima.” Mewö.

Anutunöñ nupñinanğö töwanñi enğima.

Mak 9.41

⁴⁰ *Jisösnöñ jiyök, “Kunñan inini miriñe köl öröba köyan köl enğimawi, yañön mönö ni köl öröm niñgima. Kunñan ni köl öröm niñgimawi, yañön melaim niñgyöhi, mönö i miriñe köl öröm wañgima. ⁴¹ Kunñan kezapqetok ambazip kun kezapqetok nupñanğöra aka miriñe köl öröba köyan kölmawi, yañön mönö kezapqetok ambazipkö töwanñi buña qem

* **10:33:** 2 Tim 2.12 * **10:35:** Mai 7.6 * **10:38:** Mat 16.24; Mak 8.34; Luk 9.23 * **10:39:** Mat 16.25; Mak 8.35; Luk 9.24; 17.33; Jon 12.25 * **10:40:** Mak 9.37; Luk 9.48; 10.16; Jon 13.20

aŋguma. Kunŋan ambazip solanŋi kun solanŋi akzawaŋgöra aka miriŋe köl öröba köyan kölmawi, yaŋön mönö ambazip solanŋaŋgö töwaŋi buŋa qem aŋguma.

⁴² “Kunŋan morö kienŋörenöŋ kungöra nöŋgö gwarekni akzawaŋgöra aka o amötŋi qambiŋambuk nemapköra waŋgimawi, Anutunöŋ mönö miangö töwaŋi melenŋa waŋgima. Nöŋön keu öŋŋi kun kewö jibi mötme: Naŋgöm enŋime, mienöŋ mönö töwa meme.” Mewö.

11

Jongö gwarekyahötŋi Jisösgöreŋ kayohot.

Luk 7.18-35

¹ Jisösnöŋ gwarekurupŋi 12 keu mewö kusum enŋii teköiga miri mi mosöta toroŋeba Galili prowinsgö taon tosatŋe anda Buŋa keu kusum enŋiba miangön uruŋini kuŋguba malök.

² Nalö miangöreŋ Jon O-melun azinöŋ kösö mire tata Kraistnöŋ nup mewö meyöhi, mi möta gwarekyahötŋi melaim etkii Jisösgöreŋ anohot. ³ Kewö qesim waŋgimahotköra melaim etkii anda jiyohot, “Mem ölöwak azi kamapköra mambörakzini, göŋön mia akzan me azi kun bian kamapköra mambötŋin?”

⁴ Mewö qesim waŋgiyohotka kewö melenöŋ, “Yuai eka mötzahori, miangö kösohotŋi mönö anda Jon kewö jiyohot mötma: ⁵ *Jegömöl yeŋön jeŋini uba eketka lokon yeŋön köna anda kagetka uzikuku yeŋön solanigetka kezapduhup yeŋön keu mötketka kömuget yeŋön guliba wahötketka etqeqeŋi yeŋgöra Ölöwak Buŋa jim asaribiga mörakze. ⁶ Mewö asuhui eketka kuŋgö uruŋan qahö bölii andö nuŋgumawi, yaŋön mönö simbawöŋ akza.”

⁷ Mewö jiiga Jongö gwarek yetköŋ anohotka Jisösnöŋ könahiba Jongö könaŋi ambazip kambu yeŋgöra kewö jim asariyök, “Inŋini gölme qararaŋkölkölŋe miangöreŋ wania ekingöra anget? Luhutnöŋ jehot uwutapköba metali anjanbanjan ahakzawi, inŋini azi mewöŋi ekingöra anget me? ⁸ Me wanat yuaia ekingöra anget? Azi malukuŋi aködamunŋambuk löŋgöta malöhi, mi ekingöra me? Mötket, ambazip malukuŋini eksihimŋinambuk löŋgörazzei, mienöŋ mönö kiŋ yeŋgö jakömbuak miriŋine malje. Mi gölme qararaŋkölkölŋe qahö.

⁹ “Me wanat yuaia ekingöra anget? Kezapqetok azi kun ekingöra me? Öŋa, nöŋön kewö jibi mötket: Azi ekeri, yaŋön mönö kezapqetok ambazip pakpak enŋongita tandökŋi kun akza. ¹⁰ *Yaŋgö könaŋi mi mönöwök kewö ohoget ahöza, ‘Mötnöŋ, nöŋön kolekni garata kun melaibiga qeljiŋe anda ambazip uruŋini mindiŋgöba göhö könaŋi mesariga göŋön mönö yaŋgö andöŋe gölmenöŋ emu geman.’

¹¹ “Keu mewö ahözapmö, nöŋön keu öŋŋi kun kewö jibi mötket: Ambinöhök morö pakpak asuhugeri, yeŋgö sutŋine Jonöŋ mönö körek enŋongita qetbuŋaŋambuk kinja. Kinjapmö, Suepkö bemtohoŋ uruŋe aŋgota Anutugö qetbuŋaŋi miwikŋaimakzei, yeŋgö sutŋine eretŋi kondikŋi yaŋön mönö Jon oŋgitza.

¹² *“Jon O-melun azinöŋ Buŋa keu jiiga nalö miangöreŋöŋ könahiba Suepkö bemtohoŋi könöŋambuk tuarenjoŋ aka yarö gilakzemö, töndup

* 11:5: Ais 35.5-6; 61.1 * 11:10: Mal 3.1 * 11:12: Luk 16.16

ösümñan anda qarimakza. Könöpñinambuk yarö gilakzeañön mönö bemtohoñ mi nanñinañgöra öröba buña qem añgumakze. ¹³ Bemtohoñgö könañi mi Mosesgöreñ Köna keunöñ aka kezapqetok ambazip körek yeñgö Buzup Kimbiñine ohogetka oyoñda mala koringa Jonöñ asuhuba ölni aukñe indelök. ¹⁴ *Keu ki möt añgön kölbिंगö mötze ewö, Elaija (Elia) asuhumawañgö dop ahöhi, Jonöñ mönö mia akza. ¹⁵ Kunñan urukezapñambuk maljawi, yañön mönö keu mi kezap ala möt kutuma.

¹⁶ “Ambazip merak gölmenöñ maljei, mi mönö wanatpuk dop al eñgibileñak? Yeñön namande ewö akze. Mienön maket sombemnöñ tata keu gön gila lañ qeta kewö jimakze,

¹⁷ ‘Nini awölop uinga inini liñet gwawet qahö unduget. Nini jinñeñ kölinga inini qahö toroqeba sahötket.’

¹⁸ “Miañgö könañi kewö: Jon O-melun azinöñ kaba nene siñgi mala wain o qahö neiga yañgöra jimakze, ‘Öme kunöñ uruñe geiga malja.’

¹⁹ “Suep gölmegö azi ölnan kaba nene nem söñgaip aiga yañgöra kewö jimakze, ‘Mötket, yañön bau numbu tandök közöjeriba wain o gwötpuk namba takis tilipqilpñinambuk aka bölöñi meme yeñgö alanina malja!’ Anutugö mötkutukutu köl gulimakzei, yeñgö ahakmemeninañgö ölnan mönö mötkutukutu-ñinan dop köljawi, mi kondelakza.” Mewö.

Jisösnöñ taon 3 yeñgöra Yei wösöbirik! jiyök.

Luk 10.12-15

²⁰ Miañgö andöñe Jisösnöñ könañi taon tosatñi tembul eñgiyök. Taon tosatñi miengöreñ añgöletotñi kukösumñinambuk sehiseñi meiga asuhugetmö, töndup uruñini qahö melenget. Miañgöra i tembula kewö jim eñgiyök, ²¹ * “O Korazin toñi, nöñön eñgöra Yei! jiba sahötzal aka Betsaida toñi, eñgöra mewöyök Yei! jiba sahötzal. Nöñön yeñgöreñ anbiga keuni jibi sösonihii añgöletotni kukösumñinambuk asuhugetmö, uruñini töndup qahö melenget. Añgöletot mi kian gölmenöñ Taiö aka Saidon sitinöñ asuhubeak ewö, yeñön mönö nalö köröpñi uruñini melenbingö kaisöpsöpñi kondela dodohonöñ añgömiriba kau ariba sahötpeak.

²² “Sahötpeakmö, nöñön kewö jibi mötme: Anutunöñ könañep Korazin aka Betsaida yeñgö keuñini jim teköba likepñi melenñi sihimbölö mötmei, nalö ketañi miañgöreñ mi mönö Taiö aka Saidon yeñgö sihimbölö dopñi oñgita mötme.

²³ * “Aka Kaperneam toñi, Anutunöñ inini ölop mem wahöt eñgii Suep mire öngöbeak me qahöpto? Qahöpmahöp! Inini mönö kömupkö senjom mire kölölohoba geme. Nöñön yeñgöreñ anbiga keuni jibi sösonii añgöletotni kukösumñinambuk asuhugetmö, uruñini töndup qahö melenget. Añgöletot mi Sodom taonöñ asuhubeak ewö, taon miañön mönö nalö kewöñe mewöyök toroqeba kinbawak.

²⁴ * “Kinbawakmö, nöñön kewö jibi mötme: Anutunöñ könañep Kaperneam eñgö keuñini jim teköba likepñi melenñi sihimbölö mötmei, nalö ketañi miañgöreñ mi mönö Sodom gölme yeñgö sihimbölö dopñi oñgita mötme.” Mewö.

Lömbötñinambuk eñön mönö nöñgöreñ kaba luhut meget.

Luk 10.21-22

* **11:14:** Mal 4.5; Mat 17.10-13; Mak 9.11-13 * **11:21:** Ais 23.1-18; Eze 26.1–28.26; Joel 3.4-8; Amos 1.9-10; Zek 9.2-4 * **11:23:** Ais 14.13-15; Jen 19.24-28 * **11:24:** Mat 10.15; Luk 10.12

²⁵ Nalö mianğörej Jisösnöñ keu kewö jiyök, “O Iwini, göñön Buña keugi mötkutukutu ambazip mötmöt ketanji megeri, yengörej asambötnöñmö, ambazip nahönbörat ewö nanñinağöra mötketka gukmaulem akzei, mi mönö yengörej indelnöña möt asarize. Mianğöra nöñön Suep gölmeğö Kembuñi gi möpöseim gihizal. ²⁶ O Iwini, gi nangak mewö asuhumapköra mötnöñ dop köli ölöwahök.

²⁷ * “Iwinan mönö yuai pakpak jim kutuiga nöñgö buñaya ahök. Iwinan Nahönñanğö könañi nanñök möt yaköiga kunöñ mi qahö mötza. Mewöyök Nahönñan Iwinanğö könañi möt yaköiga kunñan mi qahö mötza. Mewöyök kunñan Iwinanğö könañi qahö möt yaköiga Nahönñanök mi mötza aka ambazip möwölöhöm enğiba yengöra mi indelmawi, yeñön mönö Iwi möt wanğime.

²⁸ “Nup memba urulömbötñinambuk maljei, inñini mönö körek nöñgörej kagetka uruawam enğibi luhut meme. ²⁹ * Nöñgö temni mönö awötñine ala anğugetka Buñani kusum enğibi mi möt soroköba malme. Nöñön uruni memba et ala guñböñjönñön azia akzalanğöra ölöp uruawam enğibi luhut miwikñajime. ³⁰ Nöñgö temni meget anğuinga dopñine akza aiga lömböt enğibi bisimei, mianñön mönö awamñi akza.” Mewö.

12

Jisösnöñ Sabat kendongö Kembuñi akza.

Mak 2.23-28; Luk 6.1-5

¹ * Mianğö andöñe Sabat kendon kunöñ Jisösnöñ wit padi nup köröñi ketanji kutuba anök. Aniga gwarekrupñan wösöñini enğuga wit öññi mohot mohot könahiba böröñinan misiba neget. ² Negetmö, Farisi (Köna keugö kapankölköl) tosatñan mi eka Jisös kewö jiget mörök, “Mötnöñ, göhö gwarekurupkan mönö Sabat kendongö nup meme soñgoñi oñgitze?”

³ * Mewö jigetka kewö melenñök, “Kin Deiwidnöñ yarö aziurupñi yembuk liliköba wösöñini enğuga yuai akeri, mi lök oyonget me qahö? ⁴ * Yanñön mönö Anutugö opo seri jikenöñ öñgöba beret kömbukñi Anutugö jemesoholñe altanöñ alget tariga ösumñan walöñniga qekögeri, mi mönö meiga neget. Beret kömbukñi mosötmosötñi mi jike nup galöm yeñönök nezema. Yanñön aka yanğö sunğurumurupñan mi nembepuköra soñgo ahöyökmö, mi töndup neget. ⁵ * Mewöñanök jike nup galöm yeñön Sabat kendonöñ jöwöwöl jikenöñ kinda nup memba nup memegö soñgoñi oñgita töndup keunñinambuk qahö ahakze. Keu mi Köna keunöñ oyonget me qahö?

⁶ “Mi oyonget, mewö mötzalmö, nöñön kewö jibi mötme: Ki kinjawi, yanñön mönö jöwöwöl jike oñgita öñgöñgöñi akza. ⁷ * Buña Kimbigö keu kun kewö ahöza, ‘Nöñön jöwöwöl ohomeğöra qahöpmö, sutñine ak kömum anğumegöra mötzal.’ Inñini keu mianğö könañi mötpeak ewö, ambazip pinjitrö keunini qahö nengö keunini mönö lan qahö jim teköbeak.

⁸ “Mi kewögöra jizal: Suep gölmeğö azi öññan mönö Sabat kendongö Kembuñi akza.” Mewö.

Jisösnöñ azi böröñi sösröngöñi mem ölöwahök.

Mak 3.1-6; Luk 6.6-11

* 11:27: Jon 3.35; 1.18; 10.15 * 11:29: Jer 6.16 * 12:1: Dut 23.25 * 12:3: 1 Sml 21.1-6

* 12:4: Lew 24.9 * 12:5: Jan 28.9-10 * 12:7: Mat 9.13; Hos 6.6

⁹ Jisösnöj miri mi mosöta köuluk mirinjine öngöyök. ¹⁰ Mianjörenj azi böröni sosoholiñi kun tarök. Ambazipnöj Jisös keu jakenje al wanjöbingöra kewö qesim wanjiget, “Azi Sabat kendonöj möhamgöba Köna keu ongitpin me qahö?”

¹¹ *Qesim wanjigetka kewö melenök, “Enjörenjök danön kewö akza: Azi kungö lamanj mohok-kunjan Sabat kendonöj lömnöj gema ewö, yanön mi qahö memba öröiga kotma? ¹² Azigö bohonjan mönö lamagö bohonji gwötpuk ongitzawi, mönö mi mötmörime. Mianjöra Sabat kendonöj nup ölöpnj memba mewö Köna keu qahö ongitpin.”

¹³ Mewö melenja azi mianjö jiyök, “Gi mönö börögi qötöteinöj.” Mewö jüiga qötöteiiga mutuk ahöhi, mianjö dop ölöwaka böröni alanjängö dop ahök. ¹⁴ Mewö asuhuiga Farisi (Köna keugö kapankölköl) yenön yaigep anda totoko ala Jisös denöwö aka qein kömumapkö keu jim jaruget. Mewö.

Anutugö nup meme azi tök-kutukutuñi kewö:

¹⁵ Jisösnöj keunini mi ek kutuba mianjörenjök miri mi mosöta kungen anök. Aniga gwötpukjan yangö andöje wuatängöba angetka yengö sutnjine kawöl ambazip pakpak mem ölöwak engiyök. ¹⁶ Mi mem ölöwak engiba könanj aukje jibepüköra köhöikjanök qetal engiyök. ¹⁷ Mewö aiga Anutunöj kezapqetok azi Aisaia sölölohöiga keu kun jiyöhi, mianjön mönö mewö öljambuk ahök. Keu mi kewö jii ahöza,

¹⁸ **“Eket, ki mönö nöngö nup azini aiga i möwölöhöm wanjal. Nöjön wölböt alani yangöra mötpi ölöwahiga urunan yangöra söngaimkazal. Nöjön Unani Töröni yangö urunji dop kölmapköra melaibi geiga yanön keu diñdjanök jim tekömakzalanjö Buñanj indela jim sehiga kantrinji kantrinji yengörenj anma.*

¹⁹ Yanön anjururuk qahö aka keu töhörenj qahö qerakña. Ambazip kunjan yangö qet kourukni mi rowonqeqe könanöj qahö mötma.

²⁰ Jehot qölökögeri, yanön mi qahö qesinma. * Lambegö wikjan jem kutuba sanjöp aiga bölamjan jem bökbök ahakzawi, yanön mönö mi qahö qömbököma. Mewö nupni memba ambazipnöj keu diñdij wuatängömegöra bim qeba maliga keu mianjön luhut aliga köiranj alme.

²¹ Kantrinji kantrinji yenön mönö yanön bauköm engimapköra mamböta jöromqörömñini yangö qetje ala malme.” Mewö.

Jisösnöj öme yengö ösumñini ongita qei etza.

Mak 3.20-30; Luk 11.14-23

²² Ömenöj azi kun töñöt aka numbuñi jöhöiga jeñan gömölii mötök malöhi, mi wanjita Jisösgörenj kaget. Jisösnöj i mem ölöwahiga ömenjan kota mosöri nesilamjan lolohoiga kunbuk keu jiba uba ehök. ²³ Uba ehiga ambazip kambu pakpak yenön mi eka auruba Jisösgöra jiget, “Azi kianön mönö Deiwidkö gwölonarökñi akza me?”

²⁴ *Mewö jigetmö, Farisi (Köna keugö kapankölköl) yenön mi möta kewö jiget, “Azi kianön kungö ösumnöj qahöpmö, öme yengö Kembunini Katakömulat yangö ösumnöj ömewöröme enjuatanjömakza.”

²⁵ Mewö jigetmö, Jisösnöj urumötmötñini möt teköba kewö jii mötket, “Kantri denike yengö galömurupñinan sutnjine anjururuk aka julmei,

* **12:11:** Luk 14.5 * **12:18:** Ais 42.1-4 * **12:20:** Jehot aka lambegö wikñi mi ambazipköra jiza. Ambazipnöj kun qeba janngauranja ak wanjigetka mötnaripñan pömsöm qemapkö akzawi, Jisösnöj i mem ölöwakña. * **12:24:** Mat 9.34; 10.25

yejñon mönõ ayuhum anjugetka kantrinjan böliba sahopenjanõk aka qe-qelanjan ahõma. Mewöyök siti me miri kungõ kõnagesõ yejñon sutñine anjururuk aka julmei, yejñon mönõ galõmkõlkõl nupñini memba kinbingõ osime.

²⁶ “Mõtket, Satanõj mönõ alañi Satan kun wuatangöbawak ewõ, yejñon mönõ sutñine anjururuk aka julbeak. Mewõ aiga gawman nupñini membingõ osigetka õmetohonjan mönõ denõwõ kinbawak?

²⁷ “Mõtket, nõñõn Katakõmulatkõ õsumnõj õmewõrõme kõzõl enjgibileñak ewõ, enjgõ alaurupñinan mönõ dagõ õsumnõj mi kõzõl enjgibeak? Miangõra yejñon mönõ keunji õlñi me qahõ, mi kewõta jim tekõme. † ²⁸ Mi jim tekõmemõ, Anutugõ õsumñan nõngõ börõ kesõtni sõlõlõhõi õme enjgutañgõmakzal ewõ, Anutugõ bem-tohonjan mönõ enjgõren kam kunjuza. ²⁹ Kunñan azi kõhõikñangõ kõna börõñi mutuk qahõ jõhõma ewõ, yanñon mönõ denõwõ miriñe õngõba qezanña sukinapñi membawak? Mutuk i jõhõi tarigun mönõ õlõp miriñeyõk õrõyuaiñi pakpak wangita memba anma. (Miangõ dop nõñõn mewöyök Satan jõhõba andõñe õmeñi enjgutañgõmakzal.)

³⁰ * “Kunñan nõmbuk qahõ maljawi, yanñon mönõ qetal niñgimakza. Kunñan ambazip nõngõ qetne tokomegõra qahõ õrõm enjgimazawi, yanñon mönõ mendenj enjgimakza. ³¹ Miangõra nõñõn keu kun kewõ jibi mõtme: Ambazip siñgisõndok aka mepaqepaik pakpak ahakzei, mi Anutunõj õlõp mosõrakzapmõ, kunñan Uña Tõrõñi ìlita mepaikõmawi, miangõ siñgisõndokñi Anutunõj mönõ nalõ kunõj qahõ mosõtma. Saumban!

³² * “Kunñan Suep gölmegõ azi õlñi qetala keu jima ewõ, Anutunõj mi õlõp mosõtmapmõ, kunñan Uña Tõrõñi qetala keu yuai jimawi, yanñõ siñgisõndokñi mi Anutunõj gölmenõj malmawangõ dop me kõmup andõñe miangõrenj qahõ mosõtma.”

Ipkõ kõnañi mi õlñi eka kewõta mõt kutume.

Luk 6.43-45

³³ * “Ipkõ kõnañi mi õlñi eka kewõta mõtzin. Miangõra mönõ ip galõm kõlgetka õlõwaka õlñi õlõpñi kunjumakña me ip mem böligetka õlñi bölõñi kunjumakña. ³⁴ * Azi urunjan yuai kokolak qei ahõzawi, mia mönõ numbuñan aukñe jimakza. Miangõra qatõgõ morõñi inñini, nanñinak bölõñi aka mönõ denõwõ keu õlõpñi jibeak? ³⁵ Azi õlõpñangõ uru kõweñe õlõpñangõ mõriamñi ahõzawi, yanñon mönõ õlõpñi mi aukñeyõk jimakza. Azi bölõñangõ uru kõweñe bölõñangõ mõriamñi ahõzawi, yanñon mönõ bölõñi mi aukñe jimakza.

³⁶ “Mewõ jimakzapmõ, nõñõn keu õlñi kun kewõ jibi mõtme: Ambazipnõj sonjo walõñda keu jit omanj omanj jimei, yejñon mönõ keu pakpak miangõ kõnañi mi jimtekõtekõgõ nalõ ketanñe Anutugõra jim asarigetka kewõtma. ³⁷ Miangõ kõnañi kewõ: Anutunõj mönõ keu jitki kewõta miangõ dopkeugi jim tekõi solaniman me keugabuk aka lõmbõt miwikñaiman.” Mewõ.

Bõhi tosatñan anjgõletkõra kapan kõla uletket.

Mak 8.11-12; Luk 11.29-32

† **12:27:** Nanñini silegalõmurupñinan Anutugõ qetñi õme mi Katakõmulatkõ kukõsumnõj kõzõl enjgigetka nõñõn mi Anutugõ õsumnõj kõzõl enjgimakzal. Òrõrõñ qahõ kinjinangõra danñon keu munenji wuatangõmakza? Yejñon me nõñõn? * **12:30:** Mak 9.40 * **12:32:** Luk 12.10

* **12:33:** Mat 7.20; Luk 6.44 * **12:34:** Mat 3.7; 23.33; 15.18; Luk 3.7; 6.45

38 *Nalö miangörej Farisi (Köna keugö kapankölköl) aka Köna keugö böhi tosatjan Jisösgöra kewö jiget, “Böhi, gi ölop anğöletot kun menönga mi ekingö mötzin.”

39 *Mewö jigetka kewö melenj enğiyök, “Ambazip merak gölmenöj maljei, mi kambu bölöni aka serowilin ahakze. Yeñön Anutugö aiwesöknağgöra kapan kölakzemö, aiwesök kun kezapqetok azi Jonagöra lök asuhuyök. Anutunöj aiwesök murutji kun qahö al enğima. 40 *Jonanöj sunğem silimji karöbut köwet sömbupkö (gajugaju) gölömne malöhi, mianğö dop Suep gölmegö azi ölnjan mewöyök sunğem asak karöbutkö dop gölme uruje ahöma.

41 *“Jonanöj Niniwe ambazip sutjine anda Anutugö keunöj urujini kungui möta miangöreñök urujini melengetmö, mötket, nöjön sutjine asuhuba kinda Jonagö ahakmemeñi onğita ahakzal. Mewö ahakzalmö, injini töndup nesampurek ak niñgimakze. Mianğöra Niniwe ambazipnöj jimtekötekögö nalö ketanje ambazip kambu ki kinjei, embuk öröröj kömupnöhök wahöta enğö qöhöröjine mohotje kinme. Mohotje kinda Niniwe yeñön keu kewö enğö silenjine alme, ‘Injini Suep gölmegö azi ölnji nesampurek ak wanğigetka Anutunöj likepñi melenj enğii sihimbölö öngöngöñi mötme.’ Niniwe yeñön mewö jigetka ahakmemeñinan nanñini könañamñini indelgetka gamuñini mötme.

42 *“Könañamñinanğö kaisöpsöpñi kun kewö: Anutunöj mönöwök mötkutukutu öngöngöñi ketanji mi kin Solomon wanğiiga Saut görökenök kantri kungö qin ambinöj Solomongö mötkutukutuñi mötmamgö sihimñi mörök. Sihimñi möta gölme gorañeyök wahöta köna köröp tiñtiji kaba mala Solomongö mötmötñi mörök.

“Mi mörökmö, mötket, nalö kewöñe nöjön sutjine asuhuba kinda Anutugöreñ mötkutukutu öngöngöñi memba kazali, mi Solomongö mötkutukutuñi onğitza. Onğitzapmö, injini töndup nesampurek ak niñgiba tönpin kingetka qahö dop kölja. Mianğöra Anutunöj könañep ambazip körek pakpak öröm enğii keuñini jim tekömapköra jeñe anğotmei, nalö mianğöreñ Saut kantrigö qin ambi mianñön mönö mewöyök anğotma. Yanñön ambazip kambu ki kinjei, embuk öröröj kömupnöhök wahöta enğö qöhöröjine mohotje kinma. Mohotje kinda keu kewö enğö silenjine alme, ‘Injini Jisös nesampurek ak wanğigetka Anutunöj likepñi melenj enğii sihimbölö öngöngöñi mötme.’ Yanñön mewö jiiga silikñi kewöta nanñinanğöra gamuñini mötme.” Mewö.

Öme yeñön azi uruje lilingöbingö kapan kölje.

Luk 11.24-26

43 “Ömenöj azi urujeñök kota gölme qararanğölkölñe anda lan liliköba mala luhut memamgö miri jaruba kun qahö miwikñaima. 44 Mi qahö miwikñaiba osiba kewö jima, ‘Mirini mosöta kazali, mianğöreñ mönö kunbuk lilingömam.’ Mewö jiba lilingöba miriñi usunđa meñölöi ahöyöhi, mi gwamönñi ahöi miwikñaima.

45 “Mewö miwikñaiba anda öme tosatñi 7 enğuanğitma. Öme 7 mi nanñi onğita bölöni kötökñi akze. Yanñön mi enğuanğiriga kaba miri mi öngöba mianğö uruje malme. Mewö aiga azi mianğö könañi mutuk kilenkilen

* 12:38: Mat 16.1; Mak 8.11; Luk 11.16 * 12:39: Mat 16.4; Mak 8.12 * 12:40: Jon 1.17

* 12:41: Jon 3.5 * 12:42: 1 Kinj 10.1-10; 2 Hist 9.1-12

ahökmö, könangep böliqölim teköma. Ambazip kambu bölöngi ki merak gölmenöng maljei, engörej mewöyök mewö asuhuma.” Mewö.

Jisösgö nam-munurupni

Mak 3.31-35; Luk 8.19-21

⁴⁶ Jisösnöng toroqeba ambazip kambu yengöra keu jiba maliga nam-munjan kaba yaigep kinda yambuk keu jibingö mötket. ⁴⁷ Mötketka kunjan kewö jii mörök, “Mötnöng, göhö nam-mungan mönö yaigep kinda göbuk keu jibingö mötze.”

⁴⁸ Keu mi jii mörökmö, yangöra melenja kewö jiyök, “Nöngö namni danön? Nöngö munurupni mi danön?” ⁴⁹ Mewö jiba böröngi gwarekurupni yengörej göröken böröngi jiyök, “Eket, nöngö namni aka munurupni ölni mönö ki.” ⁵⁰ Denike yengön nöngö Suep Iwinangö jitsihitni tem kölakzei, körek mienjön mönö nöngö namni aka nenmunurupni akze.” Mewö.

13

Qesinqesiq azigö dopkeu.

Mak 4.1-9; Luk 8.4-8

¹ Nalö miangörejök Jisösnöng miri mi mosöta o angö jitle geba tarök. ² *Tariga ambazip kambulembenöng yangörej anda tokogetka wanjenöng öngöba tarök. Tariga ambazip kambu pakpak yengön angö göröng saknöng tokoget.

³ Mewö tokogetka dopkeu gwötpuk jii mötketka kewö jiyök, “Mötket! Azi kunjan nene kötni qesiq gilmanngöra nupnöng anök. ⁴ Anda qesiq giliga kötni tosatjan köna jitle geba kölget. Geba kölgetka (warawen) nejni nejni kangota mi nem teköget.

⁵ “Kötni tosatjan köt jamönjijönöng geba kölget. Geba köla miangörej gölme gwötpuk qahö miwiknaiget. Gölme dutni qahö ahöyöhangöra korapni zilan kotket. ⁶ Kotketmö, wehönöng kota enguba jem kutum engiiga jalöngini qahöpköra soholiba gororongöget.

⁷ “Kötni tosatjan siriuret wahinjambuknöng geba kölget. Geba kölgetka mienjön kota qem turuba böbölohöt mem engiget. ⁸ Mewö pömsöm qeyökmö, kötni tosatjan gölme ölöpnje geba kölget. Geba köla tosatni miengö kötnini 100 asuhuget. Tosatjan kötnini 60, tosatjan 30 miangö dop ahum sehiget. ⁹ Kunjan urukezapnambuk malja ewö, yangön mönö dopkeu ki kezap ala möt kutuma.” Mewö.

Jisösnöng wanigöra dopkeu jiyök.

Mak 4.10-12; Luk 8.9-10

¹⁰ Mewö jiiga gwarekurupnan kaba Jisös kewö qesim wangiget, “Gi mönö wuanöngöra ambazip yengö ‘Keu jimam,’ jiba dopkeunöng ala jimakzan?” ¹¹ Qesim wangigetka kewö melenja jiyök, “Mi kewögöra: Suepkö bemtohone angota malbingö keu tölapni mi engöra aukne jibi möt kutuzemö, yengöra mi mewö qahö.

¹² * “Miangö könangi kewö: Kunjan mötkutukutuambuk maljawi, Anutunöng mönö mi toroqem wangigga köngö guliba möriamambuk malmappmö, kunjan mötkutukutu qahö maljawi, Anutunöng mönö mötmötni moröngi ahözawi, mi mewöyök qeköba wangitma.

* **13:2:** Luk 5.1-3 * **13:12:** Mat 25.29; Mak 4.25; Luk 8.18; 19.26

13 “Ambazip yengö keu jimam jiba kewögöra dopkeunöj ala jimakzal: Yeñön nanñini jeñinan yuai ekagun könañi töndup qahö ek kutume. Nanñini kezapñinan keu törörök mötagun könañi töndup qahö möt asarime. 14* Kezapqetok azi Aisaianöj qeljiñe keu kun jiba ohoyöhi, mianñön ambazip mewöñi yengörenj öljambuk ahakza. Keu mi kewö, ‘Keu möt bibihbagun könañi töndup kude möt asarime. Yuai ek bibihbagun könañi töndup kude ek kutume.

15 Ambazip kambu kienjö uruñinan mönö köhöikñi gwözönjda ahöza. Kezapñinan keu möt bibihiba jeñini kömaziliköba (kömazilihiwa) malje. Mewö qahö akeak ewö, mönö jeñinan yuai ek kutuba kezapñinan keu möta uruñinan könañi möt asariba uruñini melengetka nöñön i ölöp mem ölöwak engibileñak.’

16* “Keu mewö ahözapmö, engö jeñinan yuai ek kutuzawangöra mönö simbawonj akze. Kezapñinan keu möt kutuzawangöra mönö simbawonj akze. 17 Nöñön keu öi töhöññi kun kewö jibi mötket: Kezapqetok ambazip aka Anutugörenj ambazip solanñi gwötpukñan injini yuai ki ekzei, mi ekingö awöweñgöba malgetmö, qahö eket. Injini keu ki mötzei, yeñön mi mötpingö awöweñgöba malgetmö, qahö mötket.” Mewö.

Jisösnöj dopkeugö könañi jiyök.

Mak 4.13-20; Luk 8.11-15

18 “Qesinj gilgil azigö dopkeu jizali, mianjö könañi mi kezap ala mötme. 19 Nene kötnji qesinj giliga köna jitñe geba kölöhi, mi kewö: Kunñan bemtohonjö Buña keunji möta könañi qahö möt asariiga Bölönangö Tonjan kaba uruñe kötnji kömötkeri, mi qeköma. 20 Nene kötnji qesinjiga köt jamönjinñonj geba kölöhi, mi ambazip söpsöpñi kun. Yeñön Buña keu möta mi mianjörenjök sösonñgai qakñe möt anñon kölakze.

21 “Mewö ahakzemö, uruñine jalöñi qahö ahöm engimapmö, nalö töröptökñi miyök kin köhöiba malme. Buña keugöra aka kahasililinj me sesewerowero asuhuiga nalö mianjörenjök mönö tala enguma. 22 Nene kötnji qesinjiga siriuret wahninambukñonj geba kölgeri, mi kewö: Yeñön Buña keu mötketka uruñine gezapmö, gölmenöñ malmalgö waimanjatñi aka monerj inap memegö urukönöpñi ahuba lömbörim engimakza. Qet-buñanñinambuk akingöra köpösöngögetka sihim kömbönañi bölöñi tosatñan mewöyök uruñine dungöba Buña keu böbölohot mem wangize. Mewö aiga öljini qahö gilipitñi (ambetakñi) akñe.

23 “Nene kötnji gölme ölöpñe qesinjiga geba kölgeri, mi ambazip kewöñi: Yeñön Buña keu kezap ala möta möt asariba pöndañ kinda öljini miwikñaimakze. Tosatñan keu jit mohotnöhök kötnji 30 miwikñaimakze. Tosatñan öljini 60, tosatñan keu köt mohot mohot miengö öljini 100 mem sehiba miwikñaimakze.” Mewö.

Dorowetkö söpsöp keu

24 Jisösnöj söpsöp keu kun kewö jii mötket, “Suepkö bemtohonangö könañi mi azi kewöñangö dop ala jimam. Yanñon nupñe anda nene kötnji ölöpñi qesinj gilök. 25 Qesinj gilökmö, sunñem ahögetka mianjörenj kerök aziñan kaba wit padi sutñine mianjörenj dorowetkö kötnji qesinj gila mosöta anök. 26 Wit padi kötnjan jula wahöta öngöba ölnji asuhuyöhi, nalö mianjörenj dorowetnöñ mewöyök aukñe asuhuyök.

* 13:14: Ais 6.9-10 * 13:16: Luk 10.23-24

27 “Mianjōn aukne asuhuiga welenqegeurupñan mi eka nup tonangōren kaba kewō jigetka mōrōk, ‘Ketanamnini, nupke nene kōt ōlōpñi qesin gilnōñ me qahō? Dorowetkō kōtñi mi mōnō denikeyōk miangōren geba asuħuza?’

28 “Mewō jigetka mōta kewō jii mōtket, ‘Kerōk azinōñ mi qesin gilōk.’ Mewō jii mōta welenqege yēñōn kewō jiget, ‘Nini ōlōp anda dorowet mi qōzōla tokobingō mōtzan me qahō?’ 29 Mewō jigetmō, kewō jii mōtket, ‘Qahō! Inini dorowet qōzōla tokoba miangōren padi tosatñi mi mewōyōk qōzōlbepuk.

30 “Mōnō mosōtketka mohotne qariba wahōrohotkun ōlñi meme nalōñan kam kuñguiga nalō miangōren nōñōn padi misimisi ambazip yēñgōra kewō jibi mōtme: Mōnō mutuk dorowet memba tokoba ohomegōra bōrangōba kōsōnōñ jōhōme. Mi jōhōbagun mōnō wit padi ōlñi mi tokoba memba kaba nōñgō kōwe mire alme.’” Mewō.

Nejon kōtñangō dopkeu

Mak 4.30-32; Luk 13.18-19

31 Jisōsnōñ dopkeu kun kewō toroqeba jii mōtket, “Suepkō bemtohoñi mi kewō: Azi kunñan nejon (nemuya) kōtñi memba nanne nup gōlmeñe anda alōk. 32 Kōtñi mi morō kōzōzōmñi. Mi nene kōt pakpak miēñgō eretñini akzapmō, jula wahōta yōha pakpak engongita qariba ip akña. Mewō aka kiniga kōnakemba neiñi neiñi kañgota aipñini ip miangō bōrōñe alakze.” Mewō.

Yistkō dopkeu

Luk 13.20-21

33 Jisōsnōñ dumne kunbuk sōpsōpkeu kun kewō jii mōtket: “Suepkō bemtohoñi mi yist me flaua mem qarigarigō dop kewō akza: Ambi kunōñ ‘Beret ohomam,’ jiba yist memba flaua amae (dis) karōbut miangōren mindiriba melenqelen aka anda anda tari kōrekñanōk qariyōk.” Mewō.

Jisōsnōñ denōwōgōra sōpsōpkeuñi keuñi jiyōk?

Mak 4.33-34

34 Jisōsnōñ keu pakpak mi kōnagesō yēñgōra sōpsōp keunōñ jiyōk. Sōpsōpkeu qahō mewō keu kun qahō jii mōtket. 35 *Mewō aiga Anutunōñ kezapqetok azi kun sōlōlōhōiga keu kun jiyōhi, mianjōn ōlñambuk ahōk. Yañōn keu mi kewō jii ahōza, “Nōñgō numbunan mōnō amqeiga sōpsōp keuñi keuñi jimam. Anutunōñ gōlme miwikñaiiga asuhuyōhi, nalō miangōrenōk keu tōlapne ahōi mala korini, nōñōn mōnō keu mi aukne jim indelmam.” Mewō.

Dorowetkō sōpsōpkeugō kōnañi

36 Jisōsnōñ sōpsōp keu mi jim tekōba ambazip kambu ketanñi engōmosōta miri uruñe ōñgōyōk. Ōñgōiga gwarekurupñan yañgōren kaba kewō qesiba jiget, “Dorowet nene nupnōñ asuhuyōhi, gi mōnō sōpsōp keu miangō kōnañi jim asarim nenjiman.”

37 Mewō jigetka kewō melenḁa jiyōk, “Suep gōlmegō azi ōlñan mōnō nene kōtñi ōlōpñi ōlōpñi qesin gilakza. 38 Nene nup mi gōlmegō kantri pakpak. Nene kōtñi ōlōpñi mi bemtohoñgō nahōnbōrat engōra jizal aka dorowet mi azi bōlōñangō nahōnbōrat yēñgōra jizal. 39 Kerōknōñ mi qesin gilōhi, mi Bōlōñangō Tonangōra jizal. Padi misimisi nalōñi mi gōlmegō

* 13:35: Sum 78.2

nalöñan tekömawanğö nalö ketañi mi. Padi misimisi ambazip mi Suep garata yeñğöra jizal.

⁴⁰ “Dorowet tokoba könöpnöñ ohoget jemawi, miangö dop mönö gölmeğö nalöñan tekömawanğö nalö ketañe asuhuma. ⁴¹ Suep gölmeğö azi öñan mönö garataurupñi melaim eñgiiga kaba keu areñ bölöñi pakpak Kraistkö bemtohoñ uruñe siñgisöndok akingö kondorakzawi, mi qeapköba mindiñğöme aka bölöñi meme ambazip pakpak mi qözöla qezaköm eñgime.*

⁴² “Mewö mindiñqindiñ aka ambazip mi gil eñgigetka owen imarurubuk jeba ahözawi, miangöreñ geme. Miangöreñ gemeañön mönö sahöt gigilahöba irimñini yöhözömgögetka qetñi qeri malme. ⁴³ Nalö miangöreñ ambazip solañi mienöñ mönö wehön tandök aka Iwiñinangö bemtohoñ uruñe asariba mal öñğöme. Kunñan urukezapñambuk maljawi, yañön mönö keu mi kezap ala möt kutuma.” Mewö.

Guli dötnam mesamesambötñangö söpsöpkeu

⁴⁴ “Suepkö bemtohoñi mi guli damandañ söngöröñi öngöngöñi miangö dop kewö akza: Mi nupnöñ mesambötket ahöiga azi kunñan mi miwikñaiba angön köla kunbuk gölmenöñ mesambörök. Mesamböta miangöra söñgaiba anda sukinapñi pakpak bohonñi memegöra ali moner kaiga miañön nup gölme mi bohonñi meyök.” Mewö.

Sorom kötñangö dopkeu

⁴⁵ “Suepkö bemtohoñi mi stua azigö dop ala söpsöp keu kun kewö jimam: Yañön sorom kötñi ekjeritñambuk jaruba malök. ⁴⁶ Jaruba mala sorom kötñi mohot söngöröñi ketañi miwikñaiba anda sukinapñi pakpak bohonñi memegöra ali moner kaiga miañön sorom kötñi mi bohonñi meyök.” Mewö.

Mösak örörögö söpsöpkeu

⁴⁷ “Suepkö bemtohoñi mi mösakö dop ala söpsöpkeu kun kewö jimam: Mi o angönöñ gilget geiga söra tandökñini könañi könañi gegetka eñğömöm tokoyök. ⁴⁸ Tokoi kokolak qeiga ambazipnöñ mi örögetka körökñe koriga eta tata söra ölöñi kewöta sakapnöñ tokogetmö, bölöñi mi gilgetka anök. ⁴⁹ Keu miangö dop mönö gölmeğö nalöñan tekömawanğö nalö ketañe asuhuma. Suep garata yeñön kaba ambazip bölöñi mi solañi miengöreñök kewöt eñgime. ⁵⁰ Kewöt eñgiba ambazip bölöñi mi gil eñgigetka owen imarurubuk jeba ahözawi, miangöreñ geme. Miangöreñ gemeañön mönö sahöt gigilahöba irimñini yöhözömgögetka qetñi qeri malme.” Mewö.

Keu kötñi walñi aka dölökñi

⁵¹ Jisösnöñ söpsöp keu mi jim teköba kewö qesim eñgiyök, “Keu pakpak jizali, mi möt asarize me qahö?” Qesim eñgiiga melenđa “On!” jiget. ⁵² “On!” jigetka kewö jii mötket, “Miri toñan miriñangö köweñeyök inap yuai walñi aka dölökñi uzeta alakza. Miangö dop Köna keugö böhi pakpak Suep bemtohoñgö gwarekurupñi akeri, yeñön mönö mewöyök uruñinangö köweñineyök keu aködamunñinambuk dölökñi aka keu ölöp sorokñi walñi uzeta jimakze.” Mewö.

* **13:41:** Keu areñ (ideology) bölöñi yauen mötmöt, komyunist, maslim aka mötmöt areñ tosatri mi ambazip jöhöm eñgiget qakögetka malmalñinan bölöba sohomakzawi, garata yeñön mönö mi pakpak qeapköba mindiñğöme.

Nazaret yeñon Jisös andö qeget.

Mak 6.1-6; Luk 4.16-30

⁵³ Jisösnöñ dopkeu mi jim teköba miri gölme mi mosöta anök. ⁵⁴ Anda malqarip taonne angota köuluk miriñine öngöba Buña keu kusum engiyök. Kusum engiiga auruba welipköba kewö jiget, “Yei! Kezapjupjup! Yañon mötkutukutu ki aka angöletot kukösumñinambuk mi mönö denikeyök meza? ⁵⁵ Azi ki mönö miri kiangö mitimqeqe azigö nahönña. Namñangö qetji Maria aka munurupñi Jeims, Josef, Saimon aka Juda. Mi ölop mötzin. ⁵⁶ Nenurupñan mönö körek sutnine ki malje. Miangöra yuai pakpak ki mönö denikeyök memba kaba akza?”

⁵⁷ *Nazaret yeñon mewö jigetka uruñinan böliiga miangören qaköget. Qakögetmö, Jisösnöñ kewö jii mötket, “Kezapqetok azi mi nanñi taonöñ aka nanñi mire jijiwilit ak wañgimazkemö, miri tosatje mewö qahö.”

⁵⁸ Mewö jiiga mötnaripñinan qahö asuhuiga yañgisenñinañgöra aka angöletot kukösumñinambuk mi miangören gwötpuk qahö meyök. Mewö.

14

Jongö jölñi kutugetka kömuyök.

Mak 6.14-29; Luk 9.7-9

¹ Nalö miangören gölme bahöñangö (Galili prowinsgö) kiñ Herod yañon Jisösgö qetbuñani mörök. ² Mi möta welen-qequeurupñi yeñgöra kewö jiyök, “Mi mönö Jon O-melun azia. Yañon mönö kömupnöhök wahöta nupñi meiga angöletot kukösumñinambuk asuhumakze.” Waimanjat möta mewö jiyök.

³ *Mi kewögöra jiyök: Herodnöñ munñi Filipkö anömñi Herodias ölöñ meiga Jon O-melun azinöñ kiñ jim wañgiiga opotöröp melaim engiiga anda Jon memba jöhöba kösö mire al wañgiget. ⁴ *Jonöñ Herodköra keu kewö jiyök, “Gi qambötki memba mala Köna keu ongitzan.” ⁵ Mewö jiiga Herodnöñ Jon qeget kömumapkö mörökmö, könagesö yeñon Jongöra mötketka kezapqetok azia malöhi, miangöra könagesö yeñgöra keñgötñi mörök.

⁶ Keñgötñi mörökmö, Herodkö ahuhahu nalöñan kaiga ketaurupñan tokoba tatketka Herodiasgö böratñan yeñgö jeñine danis aliga Herodnöñ miangö eksihimñi gwötpuk mörök. ⁷ Miangöra ambi seram mianön wani yuaigöra qesibawak, kiñnöñ mi tököm wañgimangö keu jöhöba keu mi jöjöpañ keunöñ jim köhöiyök. ⁸ Mewö jim köhöiiga namñan ambi seram mi kungum wañgiiga kewö jiyök, “Mönö qesinönga Jon O-melun azigö jölñi yandigetka nööröñni memba ki kaba köndenöñ ningima.”

⁹ Mewö jiiga kiñgö uruñan kömbuhiiga wösöbirik mörökmö, jöjöpañ keuñan jöhöi ketaurupñan mi mötketka yeñgö jemesoholñine etpapüköra möta nööröñni wañgimegöra jim kutuyök. ¹⁰ Mewö jim kutuba opotöröñni kun melaiba jiyök, “Gi mönö kösö mire anda Jongö jölñi yandiba nööröñni memba kaman.” ¹¹ Mewö jiiga Jongö nööröñni köndenöñ ala memba kaba ambi seram mi wañgiiga memba anda namñi wañgiyök. ¹² Jongö gwarekurupñan miangö buzupñi möta anda qamötñi memba qaksirigö köt köteñnöñ ala löm kölget. Löm köla anda keu mi Jisös jiget mörök. Mewö.

* 13:57: Jon 4.44 * 14:3: Luk 3.19-20 * 14:4: Lew 18.16; 20.21

Jisösnöŋ azi 5000 nene gumohom enġiyök.

Mak 6.30-44; Luk 9.10-17; Jon 6.1-14

¹³ Jisösnöŋ Jongö kösohotŋi möta miri mi mosöta waŋgenöŋ öŋgöba gölme kötikŋi kunöŋ nanŋinök malbingöra anget. Ambazip kambu yeŋön mianġö buzupŋi möta taon aka miriŋini mosöta Jisösgö andöŋe wu-atangöba gölme köna anget. ¹⁴ Angetka Jisösnöŋ waŋgenöhök eta ambazip kambulembe enġeka yeŋgöra wösöŋi mörök. Wösöŋi möta sutŋine kawöl enġöhöi malgeri, mi mem ölöwak enġiyök.

¹⁵ Mewö aka mali mare aiga gwarekurupŋan Jisösgöreŋ kaba kewö jiget, “Böhi, nini gölme kötikŋi kianġöreŋ malinga wehön jeŋan teköba gemamgö akza. Mianġöra gi ölop ambazip kambu ki melaim enġinöŋga miriŋi miriŋi mienġöreŋ anda numbu neneŋini söŋgöŋi memba neme.”

¹⁶ Mewö jigetmö, Jisösnöŋ kewö jii mötket, “Yeŋön ölop kianġöreŋ tatme. Enön mönö nanŋinak i nene gumohom enġime.” ¹⁷ Mewö jii möta jiget, “Nini beret 5 aka söra yahöt miyök memba maljin.” ¹⁸ Mewö jigetka jiyök, “Mönö mi memba kaba niŋgime.”

¹⁹ Mewö jiba ambazip kambu mi kegwaŋ luplupnöŋ eta tatmegöra jim kutum enġiiga tatket. Tatketka beret 5 aka söra yahöt mi memba Suenöŋ ui öŋgöiga kötuetsköba beret mindipköba gwarekurupŋi enġiiga ambazip kirip dop mendeŋda enġiget. ²⁰ Mendeŋda enġigetka ambazip körekmakörek memba nem timbireŋ aket. Nem timbireŋ aka nene kitipŋi kitipŋi mosötkeri, mi gwarek yeŋön qezakögetka sakap 12 mianġöreŋ geba kokolak qeyök. ²¹ Azi beret negeri, yeŋgö jaŋgöŋini mi 5000. Ambi nahönbörat yeŋgö jaŋgöŋini mi qahö meget. Mewö.

Jisösnöŋ o anġö qakŋe tiba tiba anök.

Mak 6.45-52; Jon 6.15-21

²² Neget teköiga Jisösnöŋ mianġöreŋök gwarekurupŋi jim kutum enġiba kewö jiyök, “Inini mönö waŋgenöŋ öŋgöba qeljiŋe o anġö kutuba likepŋe anme. Nöŋön ölop nalö sutŋe ambazip kambu ki melaim enġibagun kamam.” ²³ Ambazip melaiba enġubula kunduje öŋgöba nanŋök mala köuluköyök. Köuluköba mali mare aiga kunduje nanŋik kötikŋi tarök. ²⁴ Tariga waŋgeninan lök o anġö bibiŋe körowen aniga luhutnöŋ angeranġöreŋök gila kaiga sirinöŋ waŋgenöŋ giliga kekwilik anda kayök.

²⁵ Mewö ahiga miri awöraŋgöiga (3-6 kilok) mianġöreŋ Jisösnöŋ o anġö qakŋe tiba tiba gwarekurupŋi yeŋgöreŋ kayök. ²⁶ Kaba o anġö qakŋe tiba tiba kaiga gwarekurupŋan mi eka keŋgötporiŋ aka “Köwet Soŋgoriŋnöŋ kaza,” jiba sömbuŋini möta qeta silatket.

²⁷ Qeta silatketmö, Jisösnöŋ mianġöreŋök keukeu jiba kewö jii mötket, “Alaurupni, mönö ewebibiŋinambuk saitiŋgit malme. Nanak kazal. Keŋgötŋini kude mötme.” ²⁸ Mewö jii möta Pitönöŋ melenġa kewö jii mörök, “Göŋön Kembuya akzan ewö, mönö ölop jinöŋga nöŋön o qakŋe tiba tiba göhöreŋ kamam.”

²⁹ Jisösnöŋ mi möta “Ölop kanöŋ,” jiyök. Mewö jiiga Pitönöŋ waŋge mosöta o anġö qakŋe tiba tiba könahiba Jisösgöreŋ anök. ³⁰ Könahiba anökmö, luhutnöŋ gwötpuk gili mi eka keŋgötporiŋ aka könahiba o uruŋe geba kewö qerök, “Kembu, bauköm niŋginöŋ.” ³¹ Qeriga Jisösnöŋ mianġöreŋök böŋöŋi böraŋda Pitögö böŋöŋe memba kewö jiyök, “Mötnariŋki morörökŋi. Mönö wuanöŋgöra uruyahöt akzan?”

³² Mewö jiba baukôm wanġii wanġenöŋ öngöyohotka luhutnöŋ nöŋ qeba göröŋ alök. ³³ Göröŋ aliga azi wanġenöŋ tatkeri, yeŋön waikni memba möpöseim wanġiba kewö jiget, “Alakna, gi Anutugö nahönna.” Mewö.

Jisösnöŋ Genesaret mala mem ölöwak nup meyök.

Mak 6.53-56

³⁴ O anġö kutuba likepne Genesaret mire anġota wanġe mosöta saknöŋ geget. ³⁵ Saknöŋ gegetka miri miangö ambazipnöŋ Jisös möt kutum wanġiget. Möt kutum wanġiba keu algetka miri pakpak kösutne tatkeri, miangöreŋ aniga buzupni möta kawöl ambazip körek enġuanġita Jisösgöreŋ kaget. ³⁶ Kagetka kinda Jisös malukuŋanġö suŋe misiribingö ulet wanġiba malget. Misirigeri, körek yeŋön mönö ölöwak teköget. Mewö.

15

Ambösakon yeŋön keu kusum sohoget.

Mak 7.1-13

¹ Miangö andöŋe Farisi (Köna keugö kapanġölköl) aka Köna keugö böhi tosatna Jerusalem sitiyoġ Jisösgöreŋ kaba kewö qesim wanġiget, ² “Göhö gwarekurupkan wuanöŋgöra köna walöŋda ambösakoninanġö silikniŋi zeze? Yeŋön mönö böröŋiŋi sanġonnda dom-amöt qahö qeba töndup könahiba nene neze?”

³ Mewö qesim wanġigetka kewö jii mötket, “Nanġinak mönö wuanöŋgöra ambösakoninanġö silikniŋi wuatangöbingöra köna walöŋda Anutugöreŋ jöjöpaŋ keu zeze? ⁴ *Miangö keuŋi kun kewö: Anutunöŋ kewö jim kutuyök, ‘Iwinanġi mönö göda qem etkimakna,’ aiga ‘Kunnaŋ iwiŋi me namni qesuahömawi, i mönö qegetka kömuma.’

⁵ “Mewö jim kutuyökmö, iŋiŋi keu mi onġita kewö jimakze, ‘Kunnaŋ iwiŋanġöra me namnaŋgöra kewö jima: Wösöni mötzal. Nöŋgö nanġonanġö yuaini buŋa qem anġubanak, mi lök Anutugö saiwap naluköra kewöta albi ahöza. Kunnaŋ mewö jiba iwiŋi me namni göda qem wanġimawanġö dop qahö akza.’

⁶ “Mewö jiba silikniŋi walnaŋgöra aka Anutugö jöjöpaŋ keuŋi utalgetka omani aka pömsöm qemakza. Mi qahö dop kölja. ⁷ O urumeleŋgö silesile ambazip, kezapqetok azi Aisaianöŋ mönö enġö könanamniŋi törörök qeljiŋe indela kewö jii ahöza,

⁸ *‘Ambazip kambu kianöŋ mönö numbu jitniŋan ölöpnaŋök göda qem niŋgimazemö, uruŋinan nönöŋgan ak niŋgiba kungen algetka köröwen ahöza.

⁹ Mewö ahöiga nöŋgö waikni öne töhöŋ memba möpöseim niŋgimakze. Köna keu kusum enġibin, jiba salupne ambazip yeŋgö jimkutukutuŋiŋi mi numbu o alakze.’ ” Mewö melenġ enġiyök.

Azi uru mi denöwö tölohoba lantiza?

Mak 7.14-23

¹⁰ Jisösnöŋ ambazip kambu kunbuk enġoholi kagetka kewö jii mötket, “Iŋiŋi mönö keu ki kezap ala möt asarime. ¹¹ Yuai azigö numbuŋeyök uruŋe gemakzawi, miänön qahö tölohom wanġimakzapmö, nanġi numbuŋeyök keu erakzawi, miänön mönö tölohom wanġimakza.”

¹² Mewö jii mötketka gwarekurupnaŋ kaba kewö qesiget, “Farisi (Köna keugö kapanġölköl) yeŋön keu mi mötket enġui uruŋinan bölizawi, mi

* 15:4: Eks 20.12; 21.17; Dut 5.16; Lew 20.9 * 15:8: Ais 29.13

mötzan me qahö?" ¹³ Qesigetka kewö melennök, "Nöhön warök pakpak nöngö Suep Iwinan qahö kömöröhi, mi mönö jalöñinambuk qözölmam. ¹⁴ *Muat, i mönö engömosötme. Yeñön 'Jegömöl ambazip enguangitpin,' jimakzemö, nanñini jeñinan mönö gömöliza. Jegömöl kunñan jegömöl alanj kun böröñe memba wañgitma ewö, yetkön mönö mohotñe lömnöñ geba etkuma."

¹⁵ Mewö melenñiga Pitönöñ jiyök, "Dopkeu mianğö könani mönö jim asarinöñ mörin." ¹⁶ Mewö jiiga Jisösnöñ jiyök, "O alaurupni, inini mewöyök toroqeba mötmötñini ölöpnj qahö akze me? ¹⁷ Yuai pakpak azi numbuñeyök uruñe gemakzawi, mi kömgokñe geba yaigep erakza. Mi möt kutuze me qahö?"

¹⁸ *"Mi erakzapmö, keu uru könömñeyök kota numbuñeyök erakzawi, mianñön mönö tölohöm wañgimakza. ¹⁹ Ambazip uru könömñineyök yuai kewöñi asuhuba korakza: Keu bölöñi mötmöriba suña jinan memba ambazip enguget kömumegö mörakze. Qesabulum aka serowilin akingö mörakze. Yoñgorö membingö mörakze. Jitnöñ alal keu munenji jibingö mörakze. Andöqeqe keu yöhösañ jiba Anutu mepaiköbingö mörakze. ²⁰ Yuai mewöñan mönö ambazip tölohöm engimakzapmö, böröñini qahö sañgoñda nene nemakzei, mianñön azi kun qahö tölohömakza." Mewö.

Kenan ambi kunñan kapan köla köuluköyök.

Mak 7.24-30

²¹ Jisösnöñ Genesaret gölme mosöta siti qetñiri Taiö aka Saidon mietkö distrik qetñi Fonisia mianğö uruñe anök. ²² Aniga Kenan ambi, gölme mianğö tonj kunñan kaba Jisös uleta kewö qeta jiyök, "Kembu, Deiwidkö gwölönarökñi, mönö ak kömum niñgiman! Ömenöñ böratni kölköljinjin ak wañgiiga sihimbölö ketanji mörakza."

²³ Qeta jiyökmö, Jisösnöñ keu kun qahö melennök. Mewö aiga gwarekurupñan kaba kewö kungum wañgiba jiget, "Ambi mi sahöta qeta könanine kazawañgöra mönö bauköm wañginöñga anma." ²⁴ Mewö jigetka melennök, "Iwinan Israel könagesögö lama sohosohonji miyöhök amöt qem engimamgöra aka melaim niñgiiga kazal." ²⁵ Mewö melenñiga ambi mianñön kösutñe kaba simin köñ wañgiba jiyök, "Kembu, mönö bauköm niñginöñ!"

²⁶ Mewö jiyökmö, Jisösnöñ kewö melen wañgiyök, "Qahö, morö yeñgö mirinineyök beret memba kiam engiinga qahö dop kölbapuk. Juda nini kianurup engö qetñini kiam qerakzin. Nöhön mutuk Juda ambazip bauköm engibiga kantri tosatñi eñön mönö kiamgö dop mamböta malme."

²⁷ Melen wañgiyökmö, ambinöñ jiyök, "Kembu, mi ölop mötzalmö, kiam moröñi yeñön mönö mewöyök toninañgö tebolnöñök nene boromñi eriga nemakze." ²⁸ Mewö jiiga Jisösnöñ kewö jii mörök, "O ambi, göhö mötnaripki mi ketanji. Mianğöra ulet niñgizanañgö ölnj mönö asuhuma." Mewö jii möta böratñan aua mianğoreñök ölöwahök. Mewö.

Jisösnöñ kawöl ambazip sehisehiñi meiga ölöwaket.

²⁹ Jisösnöñ gölme mi mosöta kaba Galili o añgögö jitñe kañgota kundunje öñgöba eta tarök. ³⁰ Tariga ambazip kambulelembenöñ yañgöreñ kaba ambazip kewöñi enguangitket: Simalokon aka jegömöl ambazip, tosatñi köna böröñini heramheramgöñi, tosatñi keuñini mötökñi aka kawöl

* 15:14: Luk 6.39 * 15:18: Mat 12.34

tosatŋi gwötpuk eŋgöhöi malgeri, mi enguangita Jisösgö köna kösutŋe al eŋgetka mem ölöwak eŋgiyök.

³¹ Mem ölöwak eŋgiiga ambazip keuŋini mötökŋi yeŋön keu jigetka köna böröŋini heramheramgöŋi yeŋön ölöwaka diŋgetka simalokon yeŋön köna tiba anda kagetka jeŋini döndöŋgöŋi yeŋön je uba eketka ambazip kambu yeŋön mi eka welipköba Israel neŋgö Anutunini möpöseiget. Mewö.

Jisösnöŋ azi 4000 nene gumohom eŋgiyök.

Mak 8.1-10

³² Jisösnöŋ gwarekurupŋi engoholi yaŋgöreŋ kagetka kewö jii mötket, “Nöŋön ambazip kambu kiengöra wösöni mötzal. Yeŋön nöŋgöreŋ kaba wehön karöbut lök mala kotketka neneŋini qahöwahiga ekzal. Könanöŋ anda mala kambaŋe jeŋini gili tirinbirin akepuköra i öne melaim eŋgimamgö töközal. Miangöra i nene gumohom eŋgimamgö mötzal.”

³³ Mewö jii gwarekurupŋan melenđa kewö jiget mörök, “Gölme qararaŋkölkölŋe kiangöreŋ neŋön mönö denikeyöhök numbu nene gwötpuk miwikŋaiba ambazip kambulelembe ki gumohom eŋgibinak?”

³⁴ Mi möta Jisösnöŋ kewö qesim eŋgiyök, “Eŋgöreŋ beret dawik ahöza?” Qesim eŋgiiga “Beret 7 aka söra moröŋi tosatŋi ahöza,” jiget. ³⁵ Jigetka Jisösnöŋ ambazip kambu mi gölmenöŋ geba tatmegöra jim kutum eŋgiiga geba tatket.

³⁶ Geba tatketka beret 7 aka söra mi memba Anutugö saiwap jiba mindipköba gwarekurupŋi eŋgiiga yeŋön mi ambazip kambu dop toto qem eŋget. ³⁷ Toto qem eŋgetka namba nem timbireŋ-göget. Nem timbireŋgöba nene kitipŋi mosötket geyöhi, mi sakap 7 miangöreŋ qezakögetka numbuŋe qeyök. ³⁸ Azi nene negeri, yeŋgö jaŋgöŋini mi 4000. Ambi nahönbörat yeŋgö jaŋgöŋini mi qahö meget. ³⁹ Jisösnöŋ ambazip kambu melaim eŋgiiga angetka nanŋi waŋgenöŋ öŋgöba Magadan gölmenöŋ anök. Mewö.

16

Böhi tosatŋan aŋgöletot ekingöra kaparaŋ kölget.

Mak 8.11-13; Luk 12.54-56

¹ *Farisi (Köna keugö kaparaŋkölköl) aka Sadyusi (Jike nupkö kaparaŋkölköl) tosatŋan Jisösgöreŋ kaba keugö bötaknöŋ örömap-köra esapköm waŋgiba kewö qesiget, “Mönö jinöŋga Suepnöhök aŋgöletot kun asuhuiga ekin.” ² Mewö jigetka kewö melenök, “Wehön gemamgö ahiga miangöreŋ kewö jimakze, ‘Suepnöŋ pisihihawangöra uran wehön ölöpŋi akŋa.’

³ “Mewöyök söŋanök kewö jimakze, ‘Suepnöŋ pisihiiga kousunöŋ töwizawangöra mönö kie luhut gilma.’ Mewö mewö jiba suepkö tandökŋi eka kie wehöŋgö könaŋi ölöp kewörakzemö, nalö maljini, miangö aiwesökŋi kewötpingö qahö mötze. Mi qahö dop kölja. ⁴ *Ambazip kambu bölöŋi gölmenöŋ mala qesabulum ahakzei, yeŋön Anutugö aiwesökŋi asuhumapköra kaparaŋ kölakzemö, Anutunöŋ kezapqetok azi Jonagö aiwesökŋi lök eŋgiiga aiwesök tosatŋi qahö toroqeba kondel eŋgima.” Mewö jiba eŋgömosöta kungen anök. Mewö.

* 16:1: Mat 12.38; Luk 11.16 * 16:4: Mat 12.39; Luk 11.29

Farisi aka Sadyusi yenön wösökömbuk ewö akze.

Mak 8.14-21

⁵ Jisösnön gwarekurupni yembuk o angö kutuba likepne angota semön memingö ölüm enjuyöhi, mi eket. ⁶ *Mi eketka Jisösnön kewö jii mötket, “Inini Farisi aka Sadyusi pati yahöt yengö wösökömbukjini aka gipni kakni mietköra mönö galömjini meme. Mi ölöpnanök qahö kewöta andö qegetka mietkön mönö yist ewö qariba mem bölim enjimahot.”

⁷ Jiiga keu pasetni mi qahö möt asariba sutjine kewö eraum mötket, “Nini beret qahö memba kazin. Miangöra jiza me denöwö?” ⁸ Mi eraum mötket kezapne geiga kewö jii mötket, “O inini mötnaripjini morörökni, wuanöngöra ‘Beret qahö mezin,’ jiba nanjini eraum mötze? ⁹ *Nöngö könanjamni mi wuanöngöra qahö möt kutuze? Nöjön beret 5 mi 5000 yengöra mindipköbiga miangö kitipni qezakögetka könde dawiknön geba numbunje qeyök? Mi ölüm enjuzame qahö?”

¹⁰ * “Mewöyök beret 7 mi 4000 yengöra mindipköbiga miangö kitipni qezakögetka sakap dawiknön geba kokolak qeyök? Mi ölüm enjuzame qahö? ¹¹ Ni beretköra keu qahö jizali, mi denöwö aka qahö möt kutuze? Nöjön beretköra qahöpmö, Farisi aka Sadyusi pati yengö wösökömbukjini aka gipni kakni kewöta andö qemegöra jizal.” ¹² Mewö jiiga miangörenök keunangö könanji kewö möt asariget, “Aha! Plaua mem qariqari yistkö galöm mem angubingöra qahö jiyökmö, Farisi pati aka Sadyusi pati yengören keu lolonqalonji andö qebingöra jiyök.” Mewö.

Pitönön Jisösgö könanji jim miwiknaiyök.

Mak 8.27-30; Luk 9.18-21

¹³ Jisösnön Sisaria Filipai taongö kösutne anda miangören gwarekurupni kewö qesim enjuyök, “Ambazipnön Suep gölmegö azi ölni nöngöra denöwö jimakze? Ni ninja akzal?” ¹⁴ * Jiiga melenja kewö jiget, “Tosatjan ‘Gi Jon O-melun azia akzan,’ jimakzemö, tosatjan ‘Gi Elaija akzan,’ jimakze aka tosatjan toroqeba kewö jimakze, ‘Gi Jeremaia me kezapqetok azi walji yengörenök kun akzan.’”

¹⁵ Mewö jigetka kewö qesim enjuyök, “Aka nanjinak nöngöra denöwö jize? Ni ninja akzal?” ¹⁶ * Qesim enjiiga Saimon Pitönön melenja jii mörök, “Gi Amötqeqe Tonji Kraist aka malmal Tonji Anutugö Nahönni akzan.”

¹⁷ Mewö jiiga Jisösnön melenja kewö jii mörök, “O Saimon Jonagö nahönni, gölme azi sep busunambuk kunjan qahöpmö, nöngö Iwini Suep mire maljawi, yanön mönö keu mi göhören indelök. Miangöra göjön mönö simbawon akzan. ¹⁸ Nöjön kewö jibi mötman: Gi Pitö (nanine keunön jamönjin) aknönnga nöjön jamönjin miangö qakne urumelen könagesönanngö tandöni albi nanngöm enjinönnga urunini möhamgöba köhöiba kinme. Göjön i galöm köl enjinönnga kömup Tonjan i senjom mirigö kiripo nanunje öröm enjimangö osima. Ömewöröme tosatni yengö kukösunjanan mewöyök i köndenja luhut al enjibingö osime.

¹⁹ * “Nöjön Suep bemtohojanngö ki moröni yahöt gihimam. Gi gölmenön sinjisöndok jöhönönnga miangön mönö Suep mire mewöyök jöhöjöhönji ahöma. Gi gölmenön sinjisöndok mosöta pösatnönnga miangön mönö Suep mire mewöyök pösatpösatni ahöma.” ²⁰ Mewö jiba Amötqeqe Tonji Kraist

* 16:6: Luk 12.1 * 16:9: Mat 14.17-21 * 16:10: Mat 15.34-38 * 16:14: Mat 14.1-2; Mak 6.14-15; Luk 9.7-8 * 16:16: Jon 6.68-69 * 16:19: Mat 18.18; Jon 20.23

ahöhi, mi aukne jiget kunjan mötpepuköra gwarekurupni yengöra songö köhöikni al enjyök. Mewö.

Jisösnöj kömumangö keunji jiyök.

Mak 8.31–9.1; Luk 9.22-27

²¹ Nalö miangöreñök Jisösnöj könahiba gwarekurupni yengöra keu kewö indelök, “Nöñön Jerusalem anda sihimbölö gwötpuk mötmam. Kantrigö jitnememe, jike nup galöm aka Köna keugö böhi yeñön nungugetka kömumam. Kömumbiga wehön karöbut aiga kömupnöhök wahötmam.”

²² Jisösnöj mewö jiiga Pitönöj öröm wanjiba görane anda könahiba qetala kewö jim wanjyök, “O Kambu, mi nalö kunöj asuhum gihibapuköra Anutunöj mönö sel jöhöm gihima.” ²³ Qetal wanjiiga lilingöba Pitö kewö jim wanjyök, “Gi keu mötmörizani, mi Anutugöreñ keuya qahöpmö, gölme ambazip aka Satangö sihima. Gi nöngö köna utumangö mötnönga urunan böliza. Miangöra Satan, gi mönö döлки nöngö jemesoholneyök kosalnöñ!” Mewö.

Kraist wuatangöbingö söñgörüñi

²⁴ *Nalö miangöreñ Jisösnöj gwarekurupni keu kewö jii mötket, “Kunjan nöngö andöne kamangö mötzawi, yanön mönö nanñi urusileñangö sihim kömbönañi bölöñi andö qeiga sisitñi megetka sihimbölö mi bisimakña. Mi maripomnöj kömumawangö dop mökösoñda ni nuatangöba kama. ²⁵ *Kunjan malmalñi nanñangöra angön köla nanñi imbi-imbi maljawi, yanön mönö malmalñi ölni jöhöi sohoma. Sohomapmö, kunjan gölmegö malmalñi nöngöra aka köleñda tököm niñgimawi, yanön mönö malmal ölnangö könañi miwikñaiba köhöiba malma.

²⁶ “Kunjan gölmeñi gölmeñi miengö öröyuaini pakpak köl öröiga bunañi an teköiga uruñangö malmalñi mem sohoba silebile mala kömuiga Anutunöj keunji jim teköiga unjan ayuhuiga qahö dop kölma. Sukinapñi miangön mönö urusösöngai qahö ak wanjima. Qahöpmahöp. Körek neñön mönö bohonini jöhöm angubingö osibin.

²⁷ * “Suep gölmegö azi ölnan könañep Suep garata töröñi yembuk ki etiketka Iwiñangö asakmararañi eka aurume. Nalö miangöreñ mohot mohot neñgö ahakmemenini kewöta likepñi miangö dop neñgima. ²⁸ Nöñön keu ölni kun kewö jibi mötme: Kiangöreñ kinjei, engö sutñineyök tosatñan Suep gölmegö azi ölnan kin aka asuhumawi, mi ek kutume. Jebuk mala kömupkö sihimbölöñi qahö mötketka asuhum tingiriga mi ekñe.” Mewö.

17

Jisösgö sileñe letotqetot ahök.

Mak 9.2-13; Luk 9.28-36

¹ *Wehön 6 teköiga Jisösnöj Pitö, Jeims aka Jeimsgö munñi Jon enjuangita nanñinök kundunji köröpñi kunöj öngöba kötikne malget. ² Malgetka jemesoholñine kiniga Jisösgö sile tandökñan letota murutñi ahök. Jemesoholñan wehön jeni ewö kölköl-bilikbilikñambuk asariiga malukuñan tuat lalamñi aka asakñambuk ahök.

* **16:24:** Mat 10.38; Luk 14.27 * **16:25:** Mat 10.39; Luk 17.33; Jon 12.25 * **16:27:** Mat 25.31; Sum 62.12; Rom 2.6 * **17:1:** 2 Pitö 1.17-18

³ Mewö aiga eketka Moses aka Elaija yetkôn asuhum engiba Jisösbuk keukeu jiget. ⁴ Jigetka Pitönöñ kônahiba keu jiba Jisösgöra kewö jiyök, “Kembu, neñön kiangörej uruölöwak mötzin. Miangöra sihimgan mötzan ewö, nöñön ölop koum karöbut qemam. Göhö kun, Mosesgö kun aka Elaijagö kun.”

⁵ *Mewö jiba kiniga unununuñ tuat lalamñi asakmararajambuk kunöñ eta aumñan esuhum engiiga miangö uruñeyök qet kun kewö eriga mötket, “Azi ki mi nani wölböt nahöna. Nöngö urusihimni ketañan mönö yangörej ahöza. Mönö yangö keuñi möta malme.” ⁶ Gwarek yeñön keu mi möta jönömñini undui sipköba gölmenöñ eta keñgötñini gwötpuk mötket.

⁷ Mewö mötketka Jisösnöñ yengörej kaba silenini oseiba kewö jii mötket, “Mönö wahötket. Keñgötñini kude mötme!” ⁸ Keu mi möta uba wahöta tosatñi qahö engekemö, Jisösnöñ nannök kiniga eket. Mewö.

Jon O-melun-azi mi Elaijagö salupñi akza.

⁹ Kunduñeyök etketka Jisösnöñ sörokñi miangörej kewö jim kutum engiyök, “Inini yuai ekzei, miangö buzupñi mi ambazip kun kude jiget mötme. Suep gölmegö azi ölnan kömupnöhök wahöriaga miangö andöñe mi ölop jim asariba malme.”

¹⁰ *Mewö jim kutum engiiga gwarekurupñi karöbut yeñön Jisös kewö qesim wañgiget, “Köna keugö böhi yeñön keu kewö mi wuanöñgöra jimakze, ‘Kezapqetok azi Elaijanöñ mönö mutuk Suepnöhök eriga Amötqeqe Tonjan miangö andöñe asuhuma?’ ”

¹¹ Qesim wañgigetka melenja kewö jiyök, “Elaijanöñ mutuk eta asuhuba malmal pakpak möhamgöma. Keu mi ölnapmö, ¹² *nöñön kewö jibi mötme: Elaijanöñ lök eta asuhuyökmö, i eka könañi qahö möt kutugetmö, ambazipnöñ i nannini sihimñini wuatangöba lañ ak wañgiget. Mewöñanök Suep gölmegö azi ölni mewöyök lañ ak wañgigetka Juda yengö böröñjine geba sihimbölo mötma.” ¹³ Elaijagöra mewö jiba ölna Jon O-melun azigöra keu jii mötkeri, gwarek yeñön mi mewö möt asariget. Mewö.

Jisösnöñ öme wuatangöi morönöñ ölöwahök.

Mak 9.14-29; Luk 9.37-43

¹⁴ Jisös aka gwarek karöbut yeñön kunduñeyök eta ambazip kambu yengörej kagetka azi kunöñ Jisösgö kösutñe kaba simin köl wañgiba kewö jii mörök, ¹⁵ “Kembu, göñön mönö nahöni ak kömum wañgiman. Kawölnöñ yöhöiga tala eta qeiga bözok mitiba semben auba sihimbölo gwötpuk mörakza. Nalö gwötpuk tala könöpnöñ me onöñ gemakza. ¹⁶ Nöñön i wañgita gwarekurupki yengörej kazalmö, yeñön i mem ölöwak wañgibingö osize.”

¹⁷ Mewö jiiga melenja wañgiba jiyök, “Yei, gölmegö yangisen aka misimkaulup ambazip, mönö nalö dawik embuk mala qatön engubiga Anutu qahö möt narigetka sihimbölo mötmam? I mönö wañgita nöngörej ki kaget.” ¹⁸ Wañgita kagetka Jisösnöñ öme mi jim wañgii mosöta ani morönöñ nalö miangörejök ölöwahök.

¹⁹ Ölöwahiga gwarekurupñan mi eka nanninök Jisösgörej kaba tata kewö qesim wañgiget, “Neñön mönö wuanöñgöra mi naninök wuatangöbingö osizin?”

* **17:5:** Jen 22.2; Dut 18.15; Sum 2.7; Ais 42.1; Mat 3.17; 12.18; Mak 1.11; Luk 3.22 * **17:10:** Mal 4.5 * **17:12:** Mat 11.14

²⁰ *Qesim waŋgetka kewö jii mötket, “Mötnaripŋinan morörökŋi akza-waŋgöra mi wuatangöbingö osize. Nöŋön keu ölni kun kewö jibi mötme: Mötnaripŋinanğö ölni mi nejon kötŋangö dop ahöbawak ewö, eŋön ölop kundunji kianğö Toŋangöra kewö jim kutubeak, ‘Gi mönö kundunji mi meköba wahöta anda likepŋe endu alman.’ Mewö jiba möt narigetka mianğö dop aiga endu anma. Anutu möt narigetka inahöm eŋgiiga yuai kungöra qahö qaköbeak.” ²¹ (Öme tandökŋi mewöŋi mi mönö köuluköba nene sinji mala wuatangöbin. Yuai murutŋi kun ahinga qahö kota anma. Mewö.)

Jisösnöŋ kömumangö Buŋaŋi jüiga yahöt ahök.

Mak 9.30-32; Luk 9.43b-45

²² Jisösnöŋ gwarekurupŋi yembuk mohotŋe Galili prowins uruŋe liliköba könanöŋ angetka Jisösnöŋ keu kötŋi kewö jii mötket, “Anutunöŋ Suep gölmegö azi ölni mi gölme ambazip yeŋgö böröŋine al waŋgii gema. ²³ Geiga i qegetka kömuma. Kömuiga wehön karöbut aiga mönö kömupnöhök wahötma.” Gwarekurupŋan mi möta uruŋinan lömböriiga wösöbirik mötket. Mewö.

Jisösnöŋ jöwöwöl jikegö takisŋi alök.

²⁴ *Jisösnöŋ gwarekurupŋi yembuk Kaperneam taonöŋ kaŋgotketka jöwöwöl jikegö takis meme azi yeŋön Pitögöreŋ kaba kewö qesim waŋget, “Eŋgö böhiŋinan jöwöwöl jikegö takisŋi alma me qahö?”

²⁵ Qesim waŋgetka “On!” jiyök. Mianğö andöŋe Pitönöŋ miri uruŋe öŋgöiga Jisösnöŋ keu mutukŋi kewö qesim waŋgiyök, “Saimon, gi denöwö mötmörizan? Denike yeŋön kölköl-örörögö töwaŋi aka takis tosatŋi mi gölmegö kin azi kembu yeŋgöra alakze? Kantri tonji neŋön me kian yeŋön mi algetka tokomakze?”

²⁶ Mewö qesim waŋgiiga melenđa “Kian yeŋön,” jiyök. Mewö jüiga Jisösnöŋ kewö jii mörök, “Mewö aiga kantri tonji neŋön mi albinangö dop qahö akzin. ²⁷ Mewö akzinmö, takis qahö alinga azi miengö uruŋinan bölibapuköra mönö anda kösö kawiki o aŋgönöŋ gilman. Gila söra mutukŋi öröba memani, mönö mianğö numbuŋi mesaköba moneŋ kötŋi mianğöreŋ miwikŋaiman. Moneŋ kötŋi mi azi yahöt netkö takisniranğö dop. Mönö mi memba eŋgiba mianğön nöŋgö aka nangi takisniri alman.” Mewö.

18

Gwarek sutŋine danöŋ mutukŋi akza?

Mak 9.33-37; Luk 9.46-48

¹ *Nalö mianğöreŋ gwarek yeŋön Jisösgöreŋ kaba kewö jiget, “Suepkö bemtohoŋ uruŋe danöŋ öŋgöŋgöŋi akza?” ² Mewö jigetka namande moröŋi kun qeri kaiga sutŋine ali kinök. ³ *Kiniga kewö jiyök, “Nöŋön keu ölni kun kewö jibi mötme: Uruŋini qahö melenđa nahönbörat ewö qahö akŋe ewö, inini mönö nalö kunöŋ Suepkö bemtohoŋnöŋ qahö aŋgotme.

⁴ Mianğöra kunŋan nanŋi memba et ala morö kianğö dop akŋawi, yaŋön mönö Suepkö bemtohoŋ uruŋe öŋgöŋgöŋi akza. ⁵ Kunŋan namande kewöŋi kun nöŋgö qetne köl öröba köyan kölmawi, yaŋön mönö ni köl öröm niŋgima.” Mewö.

* **17:20:** Mat 21.21; Mak 11.23; 1 Kor 13.2 * **17:24:** Eks 30.13; 38.26 * **18:1:** Luk 22.24

* **18:3:** Mak 10.15; Luk 18.17

Singisöndokö kölgorom mönö qetal engime.

Mak 9.42-48; Luk 17.1-2

⁶ Jisösnöñ toroqeba kewö jiyök, “Morö kewöñi möt narim niñgizei, kunñan yengöreñök kun kölgorom ak wañgiiga singisöndok akñawi, azi mianñon mönö lömböt öngöñgöñi miwikñaima. Anutunöñ lömböt mianñgö likepñi denöwö wañgiiga dopñe akawak? Kemunñ jamönñin jölñe jöhöba köwet röndumnöñ gilget mulumgöi gebawak, mianñon mönö awamñi ahum wañgi tandök akawak.

⁷ “Singisöndokö supatitikñan mönö awamñanök asuhumakza. Mianñgöra gölme ambazip engöra Yei wösöbirik! mötzal. Kunñan supatitik anñgön kölmamgö osimakzappmö, kun danñon tosatñi kölgorom ak engiiga singisöndok akñei, yanñgöra mönö Yei! jiba sahötzal. Sihimböölö öngöñgöñan mönö yanñgö qakñe öngöma.

⁸ * “Börögan me könagan singisöndok akñangö kölgorom ak gihima ewö, mönö yandim gilman. Yandim gilagun börötak me könatohot mala malmal köhöikñi miwikñaiaba oyaenñkoyaenñ akñanmö, köna börö yahötpuk malnöñga könanñep könöp sianöñ gil gihigetka gebanbuk. Sia könöpñi mi teteköñi qahö jema.

⁹ * “Mewöñanök jegan singisöndok akñangö kölgorom ak gihima ewö, mönö qözöla gilman. Qözöla gilagun je-ilik mala malmal köhöikñe anñgota oyaenñkoyaenñ akñanmö, je yahötpuk malnöñga könöp siagö könöpñöñ gil gihigetka gebanbuk.” Mewö.

Lamanöñ sohöyöhi, mianñgö dopkeu

Luk 15.3-7

¹⁰ “Ambazip moröñi kienñgöreñök kun memba et al wañgibe-puköra mönö galömñini meme. Nöñon keu kewö jizal: Yenñgö kölközizip garataurupñinan mönö Suep miri mianñgöreñ nöñgö Suep Iwinanñgö kösutñe mala jemesoholñi sundan ehakze. Mianñgöra jijiwilit kude ak engime. ¹¹ (Suep gölmegö azi ölnan mönö ambazip sohosohöñi mem letot engii oyaenñkoyaenñ akñegöra erök.)

¹² “Keu kianñgöra denöwö mötmörize? Azi kungö lamaaurupñi 100 malgetka miengöreñök kunñan sohoba janñun aniga tonñan denöwö akña? Yanñon mönö 99 mi kundunñe engömosöta anda mohot janñun anöhi, mianñgö jaruba anma. ¹³ Jaruba anda mala miwikñaima ewö, nöñon keu ölni kun kewö jibi mötme: Yanñon 99 janñun qahö angeri, miengöra nalö mianñgöreñ gwötpuk qahö söñgaimappmö, mohot mianñgöra önöñi qahö söñgaiba malma. ¹⁴ Mianñgö dop engö Iwinini Suep mire maljawanñon mönö ambazip moröñi kienñgöreñök kunñan sohoba könöp sianöñ gebapuköra mörakza.” Mewö.

Alagan singisöndok ak gihiga kewö akñan:

¹⁵ * “Urumelenñ alagan singisöndok ak gihima ewö, gi mönö yanñgöreñ anda mesohol köl wañgiba köna sinñgiyöhi, mi kondel wañgiman. Mewö aknöñga keugi möta bapñe anma ewö, göñon mönö alagi luhut al wañginöñga kunbuk urumohot aka malmahot. ¹⁶ * Mewö aknöñga keugi möta mianñgö bapñe qahö anma ewö, göñon mönö toroqeba ala mohot me yahöt etkuanñgita yanñgöreñ anme. Mewö Buña Kimbigö keu kianñgö

* 18:8: Mat 5.30 * 18:9: Mat 5.29 * 18:15: Luk 17.3 * 18:16: Dut 19.15

dop akñan, 'Keu pakpak mi ambazip yahöt karöbutñan nanğöba jigetka köhöima.'

¹⁷ "Mewö aketka keuñini möta mianğö bapñe qahö anma ewö, gññn mönö urumelen könağesögö jittememe yengöra jinönga yambuk eraum mötme. Eraum mötmemo, yengö keu bapñe mewöyök qahö anma ewö, mi mönö aukñe jigetka jabö ahui urumelenğö kopa ewö ak wañgiba malman. Takis tilipqilip-ñinambuk megetka sisitñini memakzei, mianğö tandök ewö i mönö mosötnönga yaigep malma."

Sinğisöndokö jöhöjöhöñi aka pösatpösatñi

¹⁸ * "Nöñn keu öl töhöññi kun kewö jibi mötme: Eññn sinğisöndok gölmenöñ jöhömei, mi pakpak mönö Suep mire mewöyök jöhöjöhöñi ahöma aka sinğisöndok gölmenöñ mosöta pösatmei, mi pakpak mönö Anu-tunöñ mosöri Suep mire mewöyök pösatpösatñi ahöma.

¹⁹ "Toroqeba keu kewö jibi mötme: Gölmenöñ engöreñök yahötñan keu mi me mi mianğöra urumohok aka köuluköbitkö keu jöhömahori, mi nöngö Iwini Suep mire maljawanöñ mönö etkiiga buña qem anğumahot. ²⁰ Mi kewögöra: Ambazip yahöt me karöbutñan nöngö qetne igen me waigen tokomei, nöñn mönö mianğöreñ yengö sutñine malmam." Mewö.

Welenqeçe ak-kömukömuñi qahöpkö söpsöp keu

²¹ * Nalö mianğöreñ Pitönöñ Jisöğöreñ kaba keu kewö jii mörök, "Kembu, alanan sinğisöndok ak niñgimakzawi, nöñn mi indimñi dawikö dop mosötpiga dop kölma? Indimñi 7 mi gwötpuk. Mianğö dop mosötpiga dop kölma me qahö?" ²² Jisösnöñ mi möta kewö melen wañgiyök, "Indimñi 7 qahöpmö, 70 taims 7 * mi mosötnönga dop kölma. Nöñn göhöra mewö jizal. ²³ Mianğö könañi mi kewö jim tuarimam. Suepkö bemtohoñi mi kiñ azi kembugö dop albi kewö akza: Kiññöñ welenqeçe-urupñi engohola moneñini galöm kölgeri, mianğö areñ papianñi kondelget mindiñgömapköra kapan kölök.

²⁴ "Mewö könahiba moneñanğö kösohotñi kewöta mindingögetka mianğöreñ azi kun wañgita kagetka yanğö jeñe kinök. Tosañi 10 milyön kina mi yanğöreñ ahöyök. ²⁵ Mi ahöyökmö, tosanñi mi mekömamğöra moneñi qahö dop köli osiyöhanğöra aka ketanamñan kinda kewö jim kutuyök, 'Sukinapñi ahözawi, mi pakpak mönö söngöröñi memegöra alme. I aka anöm-moröñi i mewöyök mönö söngöröñini memegöra algetka moneñi kaiga mianñon tosanñi mi meköme.

²⁶ "Mewö jim kutuiga welenqeçeñan wösöñe eta simin köla sipköba kewö ulet wañgiyök, 'Gi mönö urukönöp kude aka mökösoñda mamböt niñginönga göhöreñ tosaği pakpak mi ölop meköm gihimam.' ²⁷ Mewö ulet wañgiiga ketanamñan welenqeçeñanğöra wösö mötmöt aka tosanñi mi kutuba mosöta pösari erök. ²⁸ Erökmö, yaigep anda mianğöreñ welenqeçe alañi kun miwikñaiba ehök. Yanğö tosanñi mi silim 100:kö töwanñi (Kina500,-) mianğö dop yanğöreñ ahöyök. I eka memba jölñi köhöikñanök mözöhöla kewö jiyök, 'Nöngöreñ tosa göhöreñ ahözawi, mi mönö meköm niñgiman me?'

²⁹ "Mewö jiiga welenqeçe alañan wösöñe eta simin köla sipköba kewö ulet wañgiyök, 'Gi mönö urukönöp kude aka mökösoñda mamböt niñginönga göhöreñ tosaği mi ölop meköm gihimam.'

* **18:18:** Mat 16.19; Jon 20.23 * **18:21:** Luk 17.3-4 * **18:22:** 70 taims 7 = 490. Mianğö dop alagağö sinğisöndokñi mi mönö qösösök mosötman.

30 “Mewö jiyökmö, yañon mi tököba anda jii memba jöhöba kösö mire alget tari tosanj mekögetka etma. 31 Yuai mi asuhuiga welenqege alaurupnan tandök mi eka uruñinan kömbuhiiga wösöbirik möta anda miangö kösohotnji mi körek ketanjanjanangöra jigetka mörök.

32 “Mi möta ketanjanjan welenqege mutuknji mi qeri jeje kangoriga kewö jii mörök, ‘Gi nup meme azi bölöñi! Gi tosagi kutuba mosötmangö qesim ninñinönga nöñon mi pakpak mosöt gihizal. 33 Nöñon gehoriba ak kömum gihibiga göñon mewöyök miangö dop welenqege alagi ak kömum wanñinönga dop kölbawak.’

34 “Ketanjanjan mewö jiiga irimñi seholiiga welenqege miangö keunji jim teköba kösö mirigö galöm yeñgö böröñine al wanñiiga sihimbölo gwötputk möta tatma. Miangöreñ tata tosanj kinñoreñ ahöyöhi, mi pakpak meköm teköiga etma. 35 Söpsöp keu kiangö ölni kewö: Inini mohot mohot alañinanñgö sinñisöndoknji uruñinan qahö mosötme ewö, nöñgö Suep Iwinan mönö mewöyök keu miangö dop ak enjgima.” Mewö.

19

Awanöm angömosötmosötkö keunji

Mak 10.1-12

1 Jisösnöñ keu mi jim teköbagun Galili prowins mosöta Jordan o kutuba likepñe anda mötöteiba eta kunbuk o mi kutuba Judia prowinsnöñ kayök.

2 Kaiga ambazip kambulelembenöñ wuatangöba kagetka miangöreñ mem ölöwak enjgiyök.

3 Mem ölöwak enjgiiga Farisi (Köna keugö kapankölköl) tosatñan yangöreñ kaba keugö bötaknöñ örömapkö esapköm wanñiba kewö qesim wanñiget, “Azinöñ könani i me waigöra anömñi mosötmawi, mi Köna keu ongitma me qahö?”

4 *Qesim wanñigetka melenña kewö jiyök, “Miwimiwikñai Tonjan lök könakönahineyök i ‘azi aka ambi malmegöra miwikñaim enjgiyök.’ Buña keu mi oyonget me qahö? 5 *Miwikñaiiba kewö jiyök, ‘Miangöra azinöñ mönö iwinanñi etkömosöta anömñangöreñ anda qekötahöiga yetköñ sile mohot aka malmahot.’ Keu mi oyonget me qahö? 6 Mewö aka toroqeba yahöt qahö akzahotmö, sile mohot aka malmahot. Anutunöñ azi aka ambi mindirim etkiyöhi, ambazip kunöñ mönö i kude mendenj etkima.”

7 *Mewö jii möta kewö jiget, “Azinöñ angömosötmosöt papia ohoba anömñi ölop mosötma. Mosesnöñ mönö wuanöñgöra keu mewö jim kutum nenñii ahöza?” 8 Mewö jigetka kewö jim enjgiyök, “Mosesnöñ mönö uruköhöikñinanangöra aka anömñi mosötmapkö keu mewö jim kutuyökmö, könakönahineyök mewö qahö ahöyök. 9 *Nöñon kewö jibi mötme: Anömñan qesabulum qahö ahiga töndup wuatangöba ambi kun memawi, yañon mönö sero yonñorö akña. Kunñan ambi mosötmosötñi memawi, yañon mönö sero yonñorö akña.”

10 Jisösnöñ mewö jiiga gwarek yeñon jiget, “Awanöm sutñire angömosötpitkö songo mewö ahöza ewö, mönö awanöm qahö ahinga dop kölma.”

11 Mewö jigetmö, Jisösnöñ kewö melenñök, “Miangö keunji kusum enjizali, ambazip körekñan mi nanñinanangöra angön köla miangö dop ölop qahö akñemö, Anutunöñ keu mi ambazip tosatñi yeñgöra enjgiyöhi,

* 19:4: Jen 1.27; 5.2 * 19:5: Jen 2.24 * 19:7: Dut 24.1-4; Mat 5.31 * 19:9: Mat 5.32; 1 Kor 7.10-11

yeñönök mönö miangö dop akñe. ¹² Miangö könañi kewö: Tosatñan nam körö uruñe ahuba miangöreñök könahiba awanöm akingö qahö mötze. Tosatñan ambazipnöh sileñini yandiba * kondot engigetka awanöm akingö dop qahö akze. Tosatñan Suep bemtohoñangöra aka awanöm qahö akingö keuñi jim jöhöba keuñini mi wuatangömakze. Kunñan keu mia me mia möt angön köla wuatangömamgö dop akzawi, yañön mönö miangö dop akña.” Mewö.

Jisösnöh nahönbörat kötuetsköm engiyök.

Mak 10.13-16; Luk 18.15-17

¹³ Nalö miangöreñ tosatñan nahönbörat morömorö enguanñgita Jisösnöh böröñi nööröñine ala köulukömapköra yangöreñ kagetmö, gwarek yeñön ambazip mi jim qetal ak engiget. ¹⁴ Mewö aketka Jisösnöh kewö jiyök, “Nahönbörat moröñi mi ölop engömosötketka nöngöreñ kame. Suepkö Toñan ambazip mewö mia bemtohoñi buña qem engima. Miangöra i kude jöhöm engime.” ¹⁵ Mewö jiba böröñi nööröñine ala engömosöta kungen anök. Mewö.

Jisösnöh azi pomñi kungö qambañ keu jiyök.

Mak 10.17-31; Luk 18.18-30

¹⁶ Nalö kungen azi kunöh Jisösgöreñ kaba kewö qesim wañgiyök, “Böhi, nöñön ahakmeme ölopñi denöwö aka malmal köhöikñangö buña qem angubileñak?” ¹⁷ Qesim wañgiiga kewö jii mörök, “Ahakmeme ölopñi denöwö, wuanöngöra mewö qesim niñgizan? Mohot-kunñan mönö ölopñi akza. Malmal köhöikñe angotmamgö mötman ewö, mönö jöjöpañ keu tem köla malman.”

¹⁸ *Mi möta kewö jii mörök, “Wani jöjöpañ keugöra jizan?” Jisösnöh mi möta jiyök, “Mönö ki, ‘Ambazip kun kude qenöh kömuma, Sero yonñgorö kude akñan, Yonñgorö kude memañ, Jitnöh alal keu kude jiman, ¹⁹ *Iwinamgi mönö göda qem etkimakñan,’ aka ‘Nangi jöpaköm angumakzani, miangö dop mönö ambazip pakpak jöpaköm engimakñan.’”

²⁰ Mewö jiiga azi gwabönöh kewö jiyök, “Mi pakpak mönö tem köla mala kotzal. Wanigöra kunbuk osizal?” ²¹ Mewö jiiga Jisösnöh jiyök, “Gi aködamungabuk malmamgö mötman ewö, mönö anda sukinapki söngöröñi memegöra alnöh monen kaiga ambazip wanapñi engiman. Mewö aknöhga sukinapki ketañi (guli masapu, milyön Kina ewö) mi Suep mire ahöm gihima. Mewö aka ni nuatangöba kaman.”

²² Mewö jiyökmö, gwabönöh keu mi möta sukinapñi gwötpuk ahöyöhañgöra aka wösöbirik möta jeñi asöliiga öne mosöta anök. Mewö. ²³ Mosöta aniga Jisösnöh gwarekurupñi kewö jii mötket, “Nöñön keu ölni kun kewö jibi mötme: Yei! Ambazip pomñi yeñön mönö Suepkö bemtohoñnöh angotpingö lömböriba kupuk-kapak akñe. ²⁴ Mi kewö jim tuarimam: Sömbup ketañi kamel mi kondi kinimñe ölop qahö angotma. Miangö dop ambazip pomñi yeñön Anutugö bemtohoñ uruñe angotpingö lömböriba qaköme.”

²⁵ Mewö jii möta gwarek yeñön aurum tililingöba kewö jiget, “Opoñon! Ambazip danñön mönö Suepkö buñaya akawak?” ²⁶ Mewö jigetka Jisösnöh uba enñgeka kewö jiyök, “Ambazipnöh mi esapköba osiba qakömakzemö,

* 19:12: Azi kötni kölkölgöra jiza.

* 19:18: Eks 20.13-16; Dut 5.17-20

* 19:19: Eks 20.12; Dut 5.16; Lew 19.18

Anutunöŋ mönö yuai pakpak ölop ahakza. Yanön yuai kun aka memangö qahö osiba qakömakza.” Mewö.

Jisösgö nup memegö töwaŋi

²⁷ Pitönöŋ keu mi möta melenđa kewö jiyök, “Mötnöŋ, neŋön mönö yuai pakpak mosöta gi guatangöba kain. Mianğö likepŋi mönö wani yuaia membin?” ²⁸ *Mewö jiiga Jisösnöŋ kewö jii mötket, “Nöŋön keu ölni kun kewö jibi mötme: Yuai pakpak kölönjaiiga Suep gölmegö azi ölnan jakömbuak dumŋe tari asakmararaŋan asarimawi, nalö qainŋi kun mianğoreŋ ni nuatangöba kageri, eŋön mönö mewöyök jakömbuak dum 12 mianğoreŋ tata Israel kambu 12 yeŋgö keuŋini kewöta jim teköme.

²⁹ “Kunŋan nöŋgö qetnangöra aka yuai kun mosöröhi, - mi jike miriŋi, darumunŋi, nenbehötŋi, iwinamŋi, nahönböratŋi me nup kisiŋi - mi eŋgömosöriga Anutunöŋ mönö mianğö likepŋi oŋgita melenŋ waŋgiiga sehima. Mewö sehiiga malmal köhöikŋi teteköŋi qahö buŋa qem aŋguma.

³⁰ *Mewö asuhumapmö, mutukŋi eŋgöreŋök gwötpukŋan dagibezupŋi aketka dagibezupŋi yeŋgöreŋök gwötpukŋan mutukŋi akŋe.” Mewö.

20

Wain nup meme ambazip yeŋgö dopkeu

¹ Jisösnöŋ jiyök, “Suepkö bemtohoŋi mi kewö: Gölmö toŋi kunöŋ söŋanök wahöta yaigep anda azi tosatŋi eŋgeka wain nupŋe moner nup memegöra qesim eŋgiyök. ² Qesim eŋgiiga ‘Ölop,’ jigetka silim mohotkö töwaŋini (Kina 5) eŋgimapkö urumohot aketka melaim eŋgiiga wain nupŋe anget.

³ “Angetka 9 kilok mianğö dop aiga kunbuk toroqeba anda azi tosatŋi maket sombemŋe önewat kingetka eŋgehök. ⁴ Eŋgeka kewö jii mötket, ‘Inini mönö mewöyök nöŋgö wain nupne anda nup megetka töwaŋini dopŋeyök eŋgimam.’

⁵ “Mewö jiiga wain nupŋe anget. Angetka 12 kilok aiga kunbuk anök aka mare 3 kilok mianğö dop dumŋe kunbuk yaigep anda mewöŋanök ahök. ⁶ Mewö aka mare 5 kilok mianğö dop yaigep aniga azi tosatŋi dumŋe kunbuk öne laŋ kingetka eŋgehök. Eŋgeka kewö qesim eŋgiyök, ‘Inini mönö wuanöŋgöra silim köröp ki öne malje?’

⁷ “Mewö qesim eŋgiiga kewö melenget, ‘Kunŋan moner nup memb- ingöra qahö qesim neŋgiza. Mianğöra öne ki kinjin.’ Melengetka kewö jii mötket, ‘Inini mönö mewöyök nöŋgö wain nupne anda nup meget.’ ⁸ *Nup megetka mare aiga wain nup toŋan nup galömŋi öröba kewö jii mörök, ‘Gi mönö nup meme azi eŋgohola töwaŋini eŋgiman. Mare qöndökŋi kazei, yeŋgöreŋök könahiba eŋgiba anda söŋanök kazei, yeŋgöreŋ teköman.’

⁹ “Mewö jiiga mare 5 kilok nupnöŋ kageri, yeŋön kaŋgotketka silim mohotkö töwaŋi (Kina 5) mi mohot mohot eŋgiiga meget. ¹⁰ Mutuk nupnöŋ kageri, yeŋön kaŋgota töwaŋini oŋgita memegöra mötmörigetmö, i mohot mohot mewöyök silim mohotkö töwaŋi (Kina 5) eŋgiiga meget. ¹¹ Töwa mohot miyök memba könahiba gölmö toŋangöra uruŋinan ihururuk möta jimongot ak waŋgiba kewö jiget, ¹² ‘Nini wehöngöra nöŋgöp ariba nupkö lömbötŋi bisizinmö, azi mi döläk-kun nup memegöra qesim

* 19:28: Mat 25.31; Luk 22.30 * 19:30: Mat 20.16; Luk 13.30 * 20:8: Lew 19.13; Dut 24.15

enġizan. Yeñon aua mohot-kungö dop nup mezemö, göñon töndup yeñgöra mötmörinönga nembuk öröröñ akze. Mi qahö dop kölja.’

¹³ “Mewö jigetmö, yeñgöreñök kungöra kewö melenđa jiyök, ‘Alani, ni göbuk keu jiba silim mohotkö töwa (Kina 5) gihimamgö urumohot akzit. Mianġö dop töwa miyöhök gihibiga dop kölja. Mönö mi mötmöriman. ¹⁴ Urugi mianġöra bölibapukmö, mönö nangi töwagi memba anman. Azi dölök-kun nup memegöra qesim enġizali, yeñgöra mewöyök töwa gihizali, mönö miyök enġimamgö mötzal.

¹⁵ “Nani moneñnöñ nani sihimnañgö dop akiga dop kölja me qahö? Nöñon ekbonep qahö akiga urugan auğa jeği bosoleiza me?”

¹⁶ *Jisösnöñ keu mi jim teköba kewö jiyök, “Mianġö dop qöndökñi yeñon mutukñi aketka mutukñi yeñon qöndökñi akñe.” Mewö.

Jisösnöñ kömumamgö keuñi jiğa karöbut ahök.

Mak 10.32-34; Luk 18.31-34

¹⁷ Jisösnöñ Jerusalem sitinöñ öngöbingöra gölme köna angetka gwarekurupñi 12 mi öröm enġiba görañe anda kewö jii mötket, ¹⁸ “Mötket, nini Jerusalem öngöbin. Mianġöreñ kunñan Suep gölmegö azi öñji mamalolo mem wañgiğa jike nup galöm aka Köna keugö böhi yeñgö böröñine gema. Yeñon kömumapkö keuñi jim teköba ¹⁹ kian gawman yeñgö böröñine al wañgime. Al wañgetka mepaiköba ihlek wahiñambuknöñ tauköm wañgime. Tauköm wañgiba maripomnöñ qegetka kömuma. Kömumba wehön karöbut aiga kömupnöñök wahötma.” Mewö.

Jeims Jon namñiran yuaigöra ulerök.

Mak 10.35-45

²⁰ Nalö mianġöreñ Zebedigö nahönyahöt yetkö namñiran nahönyahötñi yetpuk Jisösgöreñ kaba simin köl wañgiba yuai qainñi kungöra ulet-mamgö jiyök. ²¹ Mewö jiğa qesim wañgiyök, “Gi wani yuai akñamgö mötzan?” Qesim wañgiğa kewö jiyök, “Göñon ölop jim kutunöñga nöñgö nahönyahötñi kietkөн mönö göhö bemtohoñnöñ eu öngöba kunöñ börögi öñje aka kunñan börögi qaniñe tata yuai pakpak galöm kölbeak.”

²² Mewö jiyökmö, Jisösnöñ melenđa kewö jiyök, “Inini mianġö könañi qahö möt yaköba uletze. Nöñon qambi kakñambuk nemami, iniri mi ölop nemba sihimbölö mötmahot me qahö?” Mi möta “Ölop nembit,” jiyohot. ²³ Jiyohotka kewö jii mörohot, “Mi öñja! Nöñon qambi kakñambuk nemami, iniri mi mewöñanök nemahotmö, nöñgö böröni öñje me qaniñe dañon tatmahori, nöñon keu mi jim kutumamamgö dop qahö. Nöñgö Iwinan dum yahöt mi denike yetköra mözözömgöyöhi, mi mönö yetköra etkiğa nömbuk tata galöm kölmahot.” Mewö.

Galöm öñjan mönö welenqeqeya akza.

²⁴ Darumun yahöt yetköñ mewö ulerohotka alaurupñi 10 yeñon mi möta urubölö aket. ²⁵ *Mewö aketmö, Jisösnöñ enġoholi kagetka kewö jii mötket, “Gölmegö kantriñi kantriñi miengö jembonñinan mönö azi kembu tandök ak enġimakze. Yeñgö ketanamñinan mönö keu jim kutuba mindiñgöm enġiba kukösumñini kondelakze. Inini könañini mi ölop mötze. ²⁶ *Enġö sutñine silik mewö ahöbapukmö, kunñan enġö sutñine ketanamñini akñamgö mötzawi, yañon mönö welen qem enġiba malma.

* **20:16:** Mat 19.30; Mak 10.31; Luk 13.30 * **20:25:** Luk 22.25-26 * **20:26:** Mat 23.11; Mak 9.35; Luk 22.26

27 “Mewöyök kunjan engö sutņine mutukņi malmamgö mötzawi, yaņön mönö engö nembö bapņine mala welengeqenini omanj akrja. 28 Suep gölmegö azi ölnjan mönö mewöyök silik mewöņi kondela nanņi welen qem wanğimegöra aka qahö kayök. Qahöpmö, mönö welen qem engiba ambazip sehiseņi yeņgö sohopņini memamgöra aka eta malmalņi kölenda mosötma.” Mewö.

Jisösnöņ jegömöl azi yahöt mem ölöwak etkiyök.

Mak 10.46-52; Luk 18.35-43

29 Jisösnöņ gwarekurupņi yembuk Jeriko siti mosötpingö aketka ambazip kambulembenöņ enğuatangöba andöņine kaget. 30 Mewö kagetka jegömöl azi yahöt köna jitņe tarohot. Tarohotka “Jisösnöņ neņgoņgitmamgö akza,” jiget möta kewö qerohot, “Kembu Deiwidkö gwölönarökņi, mönö ak kömum netkinöņ!”

31 Mewö qerohotka ambazip kambu yeņön keu bök tatmahotköra qetal etkigetmö, yetkön mönö kapaj köla kewö qerohot, “Kembu Deiwidkö gwölönarökņi, mönö ak kömum netkinöņ!” 32 Mewö qerohotka Jisösnöņ dörök ala yaņğoreņ kamahotköra qeri kayohotka kewö qesim etkiyök, “Alayahötņi, nönön wani yuai ak etkimamgöra mötzahot?”

33 Mewö qesim etkiiga kewö jiyohot, “Kembu, niri jeniri kunbuk ubitköra mötzit.” 34 Mewö jiyohotka Jisösnöņ yetköra wösöņi möta jeņiri misirii miangöreņök tohoiga uba Jisös wuatangöba andöņe anohot. Mewö.

21

Jisösgöra köiran kölgetka Jerusalem öngöyök.

Mak 11.1-11; Luk 19.28-40; Jon 12.12-19

1 Jisösnöņ gwarekurupņi yembuk Jerusalem siti dopdowiba Oil ip kunduje Betfage mirinöņ kaget. Kaba gwarekyahötņi yahöt melaim etkimamgöra aka 2 kewö jii mörohot, “Miri wösöņire tatzawi, mönö miangöreņ anmahot. Anda miangöreņ angota donki ambiņi kösönöņ jöhöget kinjawi aka donki moröņi mi miangöreņök miwikņaim etkimahot. Mi mönö pösat etkiba memba nöngöreņ kamahot.

3 “Pösarohotka kunjan keu kun jiiga kewö jimahot, ‘Kembu-niran mönö miangöra osiza.’ Mewö jiyohotka donki mi zilar al etkiiga ki kamahot. 4 Anutunöņ keu kun kezapqetok azi kungö uruņe ali jiyöhi, miangön ölnjambuk akņapköra mewö asuhuyök. Keu mi kewö,

5 * “O Jerusalem ambazip Zaion kundunji liliköba maljei, yeņgöra mönö kewö jigetka mötme, ‘Mötket, engö kiņ kembuņinan mönö engöreņ asuhuma. Yaņön guņböņjönjön aka donki qakņe tata kama. Donki lömböt bisimakzawangö moröņi miangö qakņe tata kama.’ ”

6 Jisösnöņ gwarekyahötņi melaim etkiiga anda keu jiyöhangö dop ahot. 7 Yetkön donki ambiņi moröņambuk etkömembra kayohot. Kayohotka malukuņini qeköba donki qakņire algetka Jisösnöņ moröņangö qakņe öngöba tarök.

8 Mewö tata aniga ambazip kambulembenjan göda qeba malukuņini qeköba köna namņe tumbulgetka tosatņan ip uruņe anda böröņi qezuņgata köna namņe tumbulget. 9 * Tumbulgetka ambazip kambu jeņe köl öröba angeri aka andöņe wuatangöba kageri, yeņön kewö

* 21:5: Zek 9.9 * 21:9: Sum 118.25, 26

jiba qetket, “Hosana! Anutu möpöseizin. Deiwidkö gwölönarökñi owe owe! Kembugö qetñe kamawi, Anutunöñ mönö i kötuetsköma. Hosana! Qetbuñagi möpöseininga euyangörenj öngöza! Owe owe!”

¹⁰ Mewö qetketka Jerusalem sitinöñ öngöba sitigö ambazip köreknjan auruba göjupmajup aka kewö qesiget, “Azi ki mönö niñia?”

¹¹ Qesigetka ambazip kambuleembe yeñon kewö melenget, “Yañon mönö kezapqetok azi Jisös, Galili prowinsgö Nazaret mirigöra.” Mewö.

Jisösnöñ jöwöwöl jike jim kömbuhiyök.

Mak 11.15-19; Luk 19.45-48; Jon 2.13-22

¹² Jisösnöñ jöwöwöl jikegö tohon urunje anök. Miangörenj ambazip engehiga inap bohonñi memegöra algetka söngörönji megeri, yañon mi pakpak közöl enjiiga etket. Moneñ utekutek ambazip yeñgö jakenjini metali anget. Mewöyök kembö bohonñini memegöra algeri, miengö dum tatatñini mi tok tötaliga anget. ¹³ *Mewö aka kewö jii mötket, “Aisaianöñ keu kun kewö ohoi ahöza, ‘Nöngö jikenan mönö köulukö mirinina akñapkö qetme.’ Keu mi ahözapmö, injini mi utekögetka kegwek-kahasililinj yeñgö banjet ewö akza.”

¹⁴ Mewö aiga jegömöl aka simalokon ambazip jöwöwöl jikenöñ yangörenj kagetka mem ölöwak enjiyök. ¹⁵ Mewö asuhuyökmö, jike nup galöm aka Köna keugö böhi yeñon angöletot meyöhi, mi eket aka nahönbörat jöwöwöl jikenöñ qeta “Hosana! Deiwidkö gwölönarökñi owe owe!” jigeri, mi engeka urubölö aket.

¹⁶ *Urubölö aka kewö jim wañgiget, “Morö mi keu qetzei, mi mötzan me qahö?” Jim wañgigetka kewö melenj enjiyök, “Ölöp mötzal. Injini nalö kungen Buña keu ki oyonget me qahö, ‘Göñon mönö nahönbörat aka morösepep juzu nemakzei, mi kusum enjinönga nangi törörök möpöseim gihimakze.’”

¹⁷ Mewö jiba enjömosöta siti mosöta mare aiga Betani anda ahöyök. Mewö.

Jisösnöñ fig ip kun qesuahöiga ululungöyök.

Mak 11.12-14, 20-24

¹⁸ Ahöba söñanök wahöta kunbuk sitinöñ anda nenegö kömuyök. ¹⁹ Nenegö kömumba köna jitñe fig ip * kun eka miangö könañe anök. Anökmö, ölni qahö miwikñaiiga sinñanök kiniga ehök. Mewö eka ip mi kewö jim wañgiyök, “Göñon mönö nalö kunöñ ölgü kunbuk kude kuñguman.” Mewö jim wañgiiga fig ip mianñon mönö miangörenjök ululungöyök.

²⁰ Ululungöiga gwarekurupñan mi eka auruba kewö jiget, “Fig ipnöñ mönö denöwö ösumok ululungöza?” ²¹ *Jigetka Jisösnöñ kewö melenñök, “Nöñon keu ölni kun kewö jibi mötme: Mötnarip töp memba uruyahöt qahö akeak ewö, fig ipköra yuai asuhuzawi, injini miyök qahö akeakmö, ki mewöyök ölöp akeak: Kunduñi kiangö tonangöra kewö jim kutubeak, ‘Mönö kunduñi ki qeköba wahöta anda köwetnöñ alman.’ Mewö jim kutuba Anutu möt nariiga mönö miangö dop ahuma. ²² Wani yuaigöra qesiba köulukömei, mi pakpak buña qem angubingö möt narigetka mönö buñanñi akña.” Mewö.

* **21:13:** Ais 56.7; Jer 7.11 * **21:16:** Sum 8.2 * **21:19:** Fig mi sambu ipkö alañi kun. Mi nupñine kömötetka kötni nahömñinambuk asuhugetka gwötüpuk nemakze. * **21:21:** Mat 17.20; 1 Kor 13.2

Jitjememe yeñon Jisösgö kukösumñangö qesiget.

Mak 11.27-33; Luk 20.1-8

²³ Jisösnöñ jöwöwöl jikegö tohoñ uruñe anda ambazip kusum engiiga jike nup galöm aka kantrigö jitjememe tosatñi yeñon yañgöreñ kanğotket. Kanğota kewö qesim wañgiget, “Gi kianğöreñ yuai akzani, mi mönö dañon jim kutum ghiuga ahakzan? Mianğö kukösumñi mi dañon gihiyök?”

²⁴ Qesim wañgigetka kewö melenj engiyök, “Nöñon mewöyök keu kun qesim engimam. Mi melenj ningime ewö, nöñon mewöyök dañon kukösum ningiiga yuai ki ahakzali, mi jibi mötme. ²⁵ Jonöñ ambazip o-melun mem engiba malöhi, yañon mianğö kukösumñi mi denikeyök meyök? Suep Toñan wañgiyök me gölme toñan wañgiget?” Mewö qesim engiiga sutjine eraum möta kewö jiget, “ ‘Kukösumñan Suepnöhök asuhuyök,’ mewö jibin ewö, yañon mönö kewö jima, ‘Inini mönö wuanöñgöra Jon qahö möt narim wañgiget?’ Mi qahö dop kölja.

²⁶ “Me ‘Gölme ambazipnöhök asuhuyök,’ jibin ewö, neñon mönö ambazip kambu yengöra kenğötnini möta osibin. Könagesö pakpak yeñon mönö Jongöra ‘Kezapqetok azia akza,’ jiba malje.” ²⁷ Keu mewö kewöta Jisösgöra kewö melenget, “Mi qahö mötzin.” Mewö melengetka Jisösnöñ kewö jii mötket, “Mewö aiga nöñon mewöyök yuai ki ahakzalangö kukösumñi dañon ningiyök, mi qahö jibi mötme.” Mewö.

Kungö nahönyahöt yetkö söpsöpkeu

²⁸ Jisösnöñ söpsöpkeu kun kewö jiyök, “Inini keu kianğöra denöwö mötmörize? Azi kun nahönyahötñi yahöt malget. Nalö kunöñ iwiñiran nahönñi kungöreñ anda kewö jiyök, ‘Nahöni, gi ölop merak nöngö wain kösö nupne anda nup meman.’

²⁹ “Mewö jiiga kewö melenjök, ‘Ni töközal.’ Mewö jiyökmö, könangep keuñi mianğö möt böliba elenja anda nup meyök. ³⁰ Mianğö andöñe iwiñiran nahönñi kungöreñ anda nahönñi mutukñangö jiyöhi, keu miyök jii mörök. Mi möta keu kewö jiba melenjök, ‘On! Ketanjami, ölop anmam.’ Mewö jiyökmö, töndup qahö anök.”

³¹ Jisösnöñ mewö jiba qesim engiyök, “Yahöt yetköreñök dañon mönö iwiñirangö jitiñi tem kölök?” Mewö qesim engiiga kewö melenget, “Nahönñi mutukñi yañon.” Mewö melengetka kewö jii mörök, “Nöñon keu ölo töhönñi kun kewö jibi mötme: Takis meme ambazip tilipqilipñinambuk aka köna ketanj ambi yeñon mönö inini engonğita mutuk Anutugö bemtohoñ uruñe öñgöme.

³² * “Keu mianğö könanji kewö: Jon O-melun azinöñ engöreñ kaba Anutugö jeñe solanibingö könanji kondeliga inini yañgö keuñi mi qahö möt narigetmö, takis meme ambazip tilipqilipñinambuk aka köna ketanj ambi yeñon mönö i möt narim wañgiget. Yeñon i möt narim wañgigeri, inini mi eka töndup könangep mewöyök nanñini qahö möt bölim anguba elenja i qahö möt narim wañgiget.” Mewö.

Wain kösö nup galöm bölöñi miengö dopkeu

Mak 12.1-12; Luk 20.9-19

³³ * Jisösnöñ jiyök, “Dopkeu kun kewö mötme: Gölme toñi kunöñ wain kösö nup kun köla kömörök. Köla kömöta selñi memba liliköyök. Mem liliköba kötnöñ wain jout ketanj kötnöñ meyök. Mianğöreñ waingö öñji ala könanöñ tözöhölget oñan lalanöñ geyök. Wain jout ketanj mi

* 21:32: Luk 3.12; 7.29-30 * 21:33: Ais 5.1-2

kötnöŋ memba wain yoŋgorö membepuköra galöm meme jake köröpŋi köweŋambuk meyök. Yuai pakpak mem teköba wain nup galöm tosatŋi miwikŋaim eŋgiba kewö jiyök, ‘Mönö nup memba ölnaŋgö bahöŋi nanŋini memba bahöŋi toni ni ninŋime.’ Mewö jiba nup mi böröŋine ala eŋgömosöta kantri kunöŋ anda malök.

³⁴ “Mala mali ölni öliyöhaŋgö nalöŋi (yambu 5) töriiga miangöreŋ welenqeŋeurupŋi kun melaim eŋgiiga galöm yeŋgöreŋ anda wain nup ölnaŋgö bahöŋi waŋgimegöra jiget. ³⁵ Jigetmö, galöm yeŋön i eŋgömemba jöhöba tosatŋi kömbinöŋ sepgwörörök eŋguba tosatŋi eŋguget kömugetka tosatŋi kötnöŋ gila eŋguget kömuget. ³⁶ Mianŋö andöŋe welenazi tosatŋi toroqeba melaim eŋgiiga gwötpuk aketmö, i mewöŋanök öröm ureim mem eŋgiget.

³⁷ “Mewö aketka wain nup toŋan keu jaruba jiyök, ‘Nani nahöni mönö göda qem waŋgime me denöwö?’ Mewö jiba qöndökŋi mi nahönŋa melaiiga yeŋgöreŋ anök. ³⁸ Anökmö, wain nup galöm yeŋön nahönŋi eka sutŋine kewö eraum möta jiget, ‘Yaŋön mönö börösamotŋaŋgö toni akŋa. Ayop, mönö memba qein kömuiga wain kösö nupŋan mönö nanine buŋanina akŋa.’

³⁹ “Mewö jiba memba jöhöba gilgetka nup yaigepŋe geiga qeget kömuyök. ⁴⁰ Wain nup toŋan mi möta kaba nup galöm mi mönö denöwö ak eŋgima?”

⁴¹ Jisösnöŋ mewö qesiiga kewö jiget mörök, “Galöm bölöŋi mi mönö köndenŋa yayiapaleleŋ mem eŋgima aka nup galöm döläkŋi miwikŋaim eŋgiba wain kösö nupŋi yeŋgö böröŋine alma. Yeŋön ölni ölimawaŋgö nalöŋe bahöŋi törörök waŋgimakŋe.” ⁴² *Jisösnöŋ mi möta kewö jii mötket, “Buŋa Kimbigö keu ki nalö kungen oyöŋget me qahö, ‘Miri meme yeŋön köt tandö kun andö qeba öne mosötket taröhi, mianŋön mönö tandö kömbönani aiga miwikŋaiget. Mianŋön tinŋiriga mirinöŋ gororöŋgöba eta kölmä. Kembunöŋ tandö mi kuŋguiga jeninan ehinga qetbuŋabuk aiga welipkömakzin?”

⁴³ “Mianŋöra kewö jibi mötme, Anutunöŋ mönö bemtohoŋi eŋguaŋgita ambazip kambu kun eŋgiiga yeŋön mianŋö ölni ölöp kuŋgumakŋe. ⁴⁴ Kunŋan tandö bohönŋi mianŋöreŋ töttöŋgata eta qemawi, mi mönö silenŋi kutumutumapmö, ain tandö mianŋön jöla tala kungö qakŋe eta kölmawi, mi mönö körek qözömözö-zamgöma.”

⁴⁵ Jisösnöŋ mewö jiiga jike nup galöm aka Farisi (Köna keugö kapŋkölköl) yeŋön dopkeuŋi mi möta könaŋi möt asariba kewö jiget, “Mi mönö neŋgöra jiza.” ⁴⁶ Mianŋöra i memba jöhöbingö mötketmö, ambazip kambu yeŋgöra keŋgötŋini möta osiget. Ambazip kambu yeŋön Jisösgöra mötketka kezapqetok azia ahök. Mewö.

22

Maren lömbuaŋgö söpsöp keu

Luk 14.15-24

¹ Jisösnöŋ kunbuk könahiba söpsöp keunöŋ keu kewö jiyök, ² “Suepkö bemtohoŋi mi kianŋö dop akza: Kiŋ azi kembunöŋ nahönŋaŋgöra maren lömbuaŋ areŋgöba mözözömgöyök. ³ Mözözömgöba welenqeŋeurupŋi melaim eŋgiba kewö jiyök, ‘Nöŋön ambazip tosatŋi maren lömbuaŋnöŋ kamegö mötzal. Inini mönö yeŋgöreŋ kolek anda kamegö jiget mötme.’

* 21:42: Sum 118.22-23

Mewö jii anda jigetmö, ambazip mienjön mi möta kabingö tököba tanqan aket.

⁴“Miangö andöje welenqequeurup tosatnji kunbuk melaim engiba kewö jiyök, ‘Ambazip kamegöra jiali, mönö yengöreñ anda kewö jime: Mötket, nöñön lömbuanjö nenenjamni lök mözözömgöbiga tatza. Nöngö bulmakau aziñi aka bulmakau tosatnji gumohom engiinga kelökñinambuk akeri, mi enguba ohom qeraköinga yuai pakpak lök jöjöröba ahöza. Injini mönö maren lömbuanjöñ kaget.’

⁵“Mewö jii angetka ambazip mienjön keu miangö kezap qahö algetmö, nöñöngan aka lan anget. Tosatñan nene nupñine angetka tosatñan kölköl-örörö nupñine anget. ⁶Tosatñan kingö welen-qequeurupñi qelanjiba engömembra öröm ureim ak engiba enguget kömuget. ⁷Kömugetka kingö irimñi seholiiga yarö kambuñi melaim engiiga anda kinda enguget kömukömu azi mi köñden engiba taon miriñini mi ohogetka jeyök.

⁸“Miangö andöje kiññöñ welenqequeurupñi yengöra kewö jiyök, ‘Maren lömbuanj mözözömgöinga jöjöröba tatzapmö, ambazip kamegöra jiali, yeñön mönö sösoñgainöñ kakagö dop ölöpñi qahö akze. ⁹Miangöra injini mönö köna soñanöñ aka miri sombemñi sombemñi miangöreñ anda ambazip mi me mi miwikñaim engimei, i mönö maren lömbuanjöñ kamegöra jiba kapan köla kuñgum engime.’

¹⁰“Mewö jiiga welenqequeurupñan mosöta könañi könañi miangöreñ anda ambazip mi me mi miwikñaim engigeri, mi körek pakpak öröm tokom engiget. Ambazip ölöpñi aka bölöñi mewöyök mi mewö kagetka maren lömbuanj mirinöñ kokolak qeiga tebol liliköba tatket. ¹¹Tebol liliköba tatketmö, kiññöñ i engekñangöra kaba miangöreñ azi kun maren lömbuanjö maluku tuatñi qahö köli geiga ehök. ¹²Azi mi eka kewö jii mörök, ‘Alani, gi maren lömbuanjö malukuñi qahö löngöta töndup denöwögöra miri kiangö uruñe kazan?’ Mewö jiiga azi miangön keuñi bököiga ölöñ tarök.

¹³*“Mewö tariga kiññöñ welenqequeurupñi kewö jim kutum engiyök, ‘Mönö azi mi memba köna böronji jöhöba yaigep gilgetka pandamanöñ gema.’ Miangöreñ malmeanjön mönö sahöt gigilahöba irimñini yöhözömgögetka qetñi qeri malme. ¹⁴Keu miangö dop Anutunöñ ambazip sehisehiñan kamegöra jiyökmö, awamdökñi yeñön keu mi möt anjön köla kaba Anutunöñ kambu möwölöhöm engiyöhi, mönö yengö sutñine kanjotme.” Mewö.

Takis alalgö Jisös esapköm wanjiget.

Mak 12.13-17; Luk 20.20-26

¹⁵Miangö andöje Farisi (Köna keugö kapankölköl) yeñön anda eraum möta Jisös qesiba keugö bötakñöñ öroi gwaröhöm wanjibingö areñi alget. ¹⁶Mewö areñ ala gwarekurupñi aka premiö Herodkö pati-alaurupñi tosatñi melaim engigetka Jisösgöreñ kaba kewö qesiba jiget, “Böhi, göñön azi ölhñ akzani, nini mi mötzin. Göñön ambazip tosatñi qahö engek soriba tosatñi qahö qepureim engimakzanmö, dop mohotñöñ kewöt nenjimakzan. Miangöra kuñgum gihigetka qahö gongiba ketanji qahö esuhum engimakzanmö, Anutugöreñ köna mi keu ölanjö dop kusum nenjimakzan. Göñön Anutugöreñ keu diñdiñi miangön öngöñgöñi eretñi mohot pakpak jim qindiñi ak nenjimakzan. ¹⁷Miangöra keu kiangöra

* 22:13: Mat 8.12; 25.30; Luk 13.28

denöwö mötmörizan, mi jinöŋ mötpin. Nini sisa-kingöra takis ala mianŋön Mosesgö Köna keu siŋgibin me qahö?”

¹⁸ Mewö qesigetka areŋini munenji möt kutuba kewö jii mötket, “O urumelenŋö silesile azi, inini mönö wuanöŋgöra keugö bötaknöŋ al niŋgibingö esapköm niŋgize? ¹⁹ Ölöŋ takis alalgö monenji kun kondel niŋgigetka eki.” Mewö juiga silwö monen (Kina 5) kun memba kaget.

²⁰ Kagetka kewö qesim enŋiyök, “Dagöreŋ imut aka qet mi ki ohoget ahöza?” ²¹ “O mi sisa-kingöreŋ,” mewö melenŋa jiget. Jigetka kewö jii mötket, “Mewö aiga yuai sisa-kingö imutŋambuk buŋaŋi akzawi, mi mönö yaŋgöra al waŋgime. Yuai kun Anutugö buŋaya akzawi, mi mönö Anutugö buŋa qeme.” ²² Mewö jii möta yaŋgöra gwötpuk welipköba mosöta yaigep anget. Mewö.

Kömupnöhök wahötwahötkö Jisös esapköm waŋgiget.

Mak 12.18-27; Luk 20.27-40

²³ *Sadyusi (Jike nupkö kapaŋkölköl) yeŋön ‘Kömugeri, yeŋön kude wahötme,’ jiba malget. Nalö miangöreŋ yeŋgöreŋök tosatŋan Jisösgöreŋ kaba kewö qesim waŋgiba jiget, ²⁴ *‘‘Böhi, Mosesnöŋ kewö jim kutum neŋgiyök ahöza, ‘Azi kun ambi meiga nahönbörat qahö ahui kömuiga munŋan ölöŋ malöŋi memba mala gwölönarök qiwiŋaim waŋgiiga datŋaŋö qet bisiba malma.’ ²⁵ Mötnöŋ, nalö kunöŋ darumun 7 malget. Datŋini mutukŋan ambi memba mala gwölönarökŋi qahö öne mala kömuyök. Kömuiga munŋan malöŋi mi meyök.

²⁶ ‘‘Memba mala kömuiga munŋi kunŋan malöŋi mi meyök. Meiga miangö andöŋe munŋi kunöŋ ambi miyök meyök. Mewöŋa mewö darumun 7 pakpak yeŋön ambi mohok miyök memba gwölönarök qahö mala kömum teköget. ²⁷ Kömum tekögetka qöndökŋi malöŋini mi mewöyök kömuyök. ²⁸ Göŋön ‘Kömugeri, yeŋön guliba wahötme,’ jizanmö, nini mi qahö möt narizin. Mötnöŋ, azi 7 pakpak mi öröröŋ wahötpeak ewö, ambi mohok mi anöŋŋina meget malöhanŋöra aka mönö dagö anöŋŋa akawak?’’

²⁹ Mewö qesigetka Jisösnöŋ melenŋa kewö jii mötket, ‘‘Inini keu jim sohoze. Urumelenŋö Buŋa Kimbiŋi aka Anutugö kukösumŋi qahö möt kutuzeaŋgöra mönö janjuŋ ahakze. ³⁰ Ölna, kömupnöhök wahöta nalö miangöreŋ awanöm qahö akŋemö, garata yeŋön Sup mire maljeaŋgö tandök aka malme.

³¹ ‘‘Mötket! Kömugeri, yeŋön guliba wahötmegö keuŋi Anutunöŋ enŋöra jiyöhi, inini mi lök oyonget me qahö? Keu mi kewö, ³² *‘‘Nöŋön Anutu Abrahamgö Kambu, Aisakö Kambu aka Jeikobkö Kembuya mala kota maljal.’ Anutunöŋ kömukömuŋi yeŋgö Kembuŋini qahöpmö, malmal köhöikŋi maljei, mönö yeŋgö Kembuŋina malja.’’ ³³ Jisösnöŋ mewö ambazip kambu kusum enŋii möta welipköget. Mewö.

Jöjöpaŋ keu bohonŋi yahöt mi denöwö?

Mak 12.28-34; Luk 10.25-28

³⁴ Sadyusi (Jike nupkö kapaŋkölköl) yeŋön Jisös qesim waŋgigetka melenŋa jim soroköiga keu bök akერი, mi Farisi (Köna keugö kapaŋkölköl) yeŋön möta kaba tokoget. ³⁵ *Yeŋgöreŋök böhi kun Köna keu törörök

möt kutuyöhi, yañön kaba Jisös bötak ala kewö qesim wañgiyök, ³⁶ “Böhi, Mosesgö Köna keu uruñe wani jöjöpañ keu mi bohonñi ketañi akza?”

³⁷ *Qesim wañgiiga melenñök, “Bohonñi ketañi mi kewö, ‘Gi urugi jömukñi, uñagi jömukñi aka mötmötki jömukñi mianñön mönö Kembu Anutugi jöpaköba malman.’ ³⁸ Mianñön jöjöpañ keu bohonñi aka mutukñi akza. ³⁹ *Jöjöpañ keu mianñö alañi kewö, ‘Nangi jöpaköm anñumakzani, mewöñanök mönö ambazip pakpak jöpaköm enñgiba malman.’ ⁴⁰ Jöjöpañ keu yahöt mi mönö Mosesgö Köna keu aka kezapqetok ambazip yeñgö Buzup Kimbi pakpak miengö bohonñina akza.” Mewö.

Kraist mi kiñ Deiwidkö Kembuni aka gwölönarökñi.

Mak 12.35-37; Luk 20.41-44

⁴¹ Farisi (Köna keugö kapañkölköl) yeñön kaba tokogetka Jisösnöñ kewö qesim enñgiyök, ⁴² “Inñi Kraistköra denöwö mötze? Yañön mönö dagö nahönña akza?” Mewö jiiga melenña jiget, “Mönö kiñ Deiwidkö gwölönarökña akza.”

⁴³ Jigetka jiyök, “Mewö akzapmö, denöwö aka Uña Töröñan Deiwid sölölohöm wañgiiga yañgöra ‘Nani Kembuni,’ qeta kewö jiyök,

⁴⁴ *Anutunöñ kinda nöñgö Kembuni kewö jii mörök, Göñön mönö kaba nöñgö böröni ölnje tatnöñga nöñön nalö sutñe kerökurupki tim tötala luhut al enñgiba göhö köna tambö gwaröñe al enñgimam. Nalö mi kam kuñgumawañgö dop mönö asak-mararaññöñ ki tatman.’

⁴⁵ Deiwidnöñ nanñak mewö jiba qetñi ‘Nöñgö Kembuni’ jiza. Kembuni jiba mönö denöwö aka yañgö gwölönarökñi mohot akawak?”

⁴⁶ Mewö jiiga mianñö kitipñi kunöñ kun melenmamgö osiba keu bök kinget. Sömañi mianñöreñök körek yeñön Jisös kunbuk keu kungö qesim wañgibingö kölköldömdöm aka mosötket. Mewö.

23

Urumelenñö silesile malmalgö galöm meme keu

Mak 12.38-39; Luk 11.43, 46; 20.45-46

¹ Nalö mianñöreñ Jisösnöñ ambazip kambuleleme aka gwarekurupñi yeñgöra kewö jii mötket, ² “Köna keugö böhi aka Farisi (Köna keugö kapañkölköl) yeñön Mosesgö jakömbuakñöñ tata Köna keugö könañi kukösum qakñe kusum enñgimakze. ³ Mianñgöra keu pakpak jim kutum enñgimakzei, mi mönö tem kölmemo, ahakmemeñini mi kude wuatangöme. Yeñön keu jittjanan jim asarimakzemö, nanñinak mi qahö wuatangömakze. Mianñgöra mönö i ewö kude ahakñe.

⁴ “Yeñön keuñi keuñi jim kutuba mianñö köñjöh lömbötñi ambazip awötñine alagun algetka mi tem kölböngö lömböriiga jarañbarañ ahakzemö, nanñinak i kesötñini moröñi kunöñ bauköm enñgibingö wösömötmötñini kun qahö ahöza.

⁵ * “Yeñön ahakmemeñini pakpak ambazipnöñ enñgekñegöra aka memakze. Baiböl keu köt (memori wös) irimunña bokisñini mem qariba aukñe kondela Buña mötmötñinañgöra aiweliköm anñumakze. Malukuñinañgö sunje aködamungö biretñi ketañi ketañi memba

* 22:37: Dut 6.5 * 22:39: Lew 19.18 * 22:44: Sum 110.1 * 23:5: Mat 6.1; Jan 15.38; Dut 6.8

möndömakze. * 6 Yeñön közölömbuaññöñ dum tatat mutukñe jegep tatpingö mörakze aka köuluk mire qaikñe eu tatpingö sihimñi mörakze. 7 Maketnöñ me könanöñ ambazip engeketa jölöñini jimegö möta ‘O ketañamnini,’ qetñini mewö qetmegöra sihimñini mörakze.

8 “Yeñön mewö ahakzemö, mohok-kun yañön engö Böhiñini aiga iñini körekñan yañgö urumelen alaurupñi akze. Mianğöra engö qetñini böhinini qetmegöra kude mötme. 9 Mohok-kun yañön Iwiñini akza. Yañön Suep mire maljawañğöra gölme azi kungöra neñgö iwinini qet mewö kude qetme. 10 Kraist mohok-kun nöñön engö ketañamnini akzal. Mianğöra engö qetñini ketañamnini qetmegöra kude mötme.

11 * “Mewö qahöpmö, engö sutñine bohonñi akzawañön mönö welen gem engiba malma. 12 * “Mewö malmapmö, kunñan nanñi uruñi memba öngömawi, Anutunöñ mönö i memba et al wañgima. Kunñan nanñi uruñi memba etmawi, Anutunöñ mönö i memba öngöba al wañgima.”

Jisösnöñ Farisi yeñğöra wöliköba Yei! jiyök.

Mak 12.40; Luk 11.39-42, 44, 52; 20.47

13 “O Köna keugö böhi aka mianğö kapañkölköl ambazip! İñini urumelenğö silesile ambazip aketka lömböt qakñine öngözawañğöra mönö wöliköba Yei! jizal. Ambazip Suepkö bemtohoñ uruñe añgotpepukö nanğunji köla jöhömakze. Nanñinak mianğö uruñe qahö añgotze aka tosatñan mianğö uruñe añgotpingö akzei, iñini i jöhöba añgön köl engimakze. 14 O Köna keugö böhi aka mianğö kapañkölköl ambazip! İñini urumelenğö silesile ambazip aketka lömböt qakñine öngözawañğöra mönö wöliköba Yei! jizal. İñini malö yeñğöreñ miri yuai bidañda gagabe köla enguanğirakze aka qetbuñañini asuhumapköra aka köuluk köröññi köuluköba töptöpñine qemakze. Mianğöra Anutunöñ keunñi jim teköba likepñi öngöñgöñi melenñi engö qakñine öngöma.

15 “O Köna keugö böhi aka mianğö kapañkölköl ambazip! İñini urumelenğö silesile ambazip aketka lömböt qakñine öngöza-wañğöra mönö wöliköba Yei! jizal. İñini kunöñ Juda ambazip kun akñapköra kapañ köla köwetñi köwetñi kutuba gölmeñi gölmeñi lilikömakze. Mewö aketka kunñan Juda neñgö ahakmemenöñ qekötahömawi, i mönö kusum sohom wañgigetka könöp siagö buñaya kun akña. Nanñini ewö qahöpmö, indimñi yahöt nanñini engongita böliqölima.

16 “Jeñinan gömöliiga ambazip böröñine memba enguan-girakzei, lömböt engö qakñine öngözawañğöra mönö wöliköba Yei! jizal. İñini keu kewö jimakze, ‘Kunñan jöwöwöl jikegö qetñe keunji jöjöpñ keunöñ jim köhöima ewö, mianğön qahö köhöimappmö, kunñan jöwöwöl jikegö yuai goulñöñ memenji mianğö qetñe jöjöpñ keunji jima ewö, jöjöpñ keu mianğön mönö jöhöm wañgima.’

17 “O jegömöl ambazip mötkutukutuñini piromñi! Yuai goulñöñ memenji aka jöwöwöl jike yahöt mietköreñök wani yuainöñ öngöñgöñi akza? Goulñöñ nanñak kömbukñi qahö akzappmö, jöwöwöl jikenöñ algetka mianğön mönö mi mem kömbuhiza.

18 “Keu kun kewö jimakze, ‘Kunñan altagö qetñi qeta keunji jöjöpñ keunöñ jim köhöima ewö, mianğön qahö köhöimappmö, kunñan naluk kötin

* **23:5:** Baiböl memori wös irimunğañi mi (Dut 6.8) koropeñ me jenjen ewö jöhömalget. Malukuninağö sunje aködamungö biretnji mötnöñ memba möndömalgeri, mi Anutugö ambazip öl töhöññi akeranğö aiwesökñi ahök. * **23:11:** Mat 20.26-27; Mak 9.35; 10.43-44; Luk 22.26

* **23:12:** Luk 14.11; 18.14

altanöŋ ahözawi, miangö qetŋi qeta jöjöpaŋ keuŋi jima ewö, jöjöpaŋ keu mianön mönö jöhöm wanŋima.’

¹⁹ “O jegömöl ambazip! Naluk kötin aka alta mietköreŋök wani yuainöŋ öngöŋgöŋi akza? Naluknöŋ nanŋak eretŋi akzapmö, altanöŋ algetka mianön mönö naluk mem kömbuhiza. ²⁰ Miangöra kunŋan altagö qetŋe keuŋi jöjöpaŋ keunöŋ jim köhöimawi, yaŋön alta aka yuai pakpak altanöŋ ahözawi, mönö miangö qetŋe keuŋi jim köhöima.

²¹ “Kunŋan jöwöwöl jikegö qetŋe keuŋi jöjöpaŋ keunöŋ jim köhöimawi, yaŋön mönö jike miangö aka miangöreŋ mal köhöizawaŋgö qetŋe keuŋi jim köhöima. ²² *Mewöyök kunŋan Suepkö qetŋe keuŋi jöjöpaŋ keunöŋ jim köhöimawi, yaŋön Anutugö jakömbuak dum aka miangöreŋ tatzawaŋgö qetŋe keuŋi jim köhöima.

²³ * “O Köna keugö böhi aka miangö kapaŋkölköl ambazip! Inini urumelenŋö silesile ambazip aketka lömböt qakŋine öngözawaŋgöra mönö wölköba Yei! jizal. Inini nene pakpak mendenŋa bahöŋi 10 miangöreŋök mohot Anutugö buŋaya qemakze. Gipŋi, raki aka kiap kösö köt mi mewöyök mendenŋa tenöhök mohot mi Anutugö buŋa qemakze. Naluk mi törörök alakzemö, Köna keugö köŋi bohonŋi ki mönö oŋgita mosörakze: Gi ambazip sutŋine ahakmeme diŋdiŋi wuatangöba ak kömum aŋguba keu pöndaŋ wuatangöba malman. Keu bohonŋi mi mönö kapaŋ köla wuatangöba malme aka keu morömorö mi mewöyök kude oŋgita mosötme. ²⁴ Jeŋinan gömöliiga ambazip böröŋine memba eŋguaŋgirakzei, inini söp obuk nembepüköra oŋini saiyanoŋ kewörakzemö, sömbup ketanŋi kamel mi laŋ gwahörakze. ²⁵ O Köna keugö böhi aka miangö kapaŋkölköl ambazip! Inini urumelenŋö silesile ambazip aketka lömböt qakŋine öngözawaŋgöra mönö wölköba Yei! jizal. Inini amöt qem aŋgubingöra qambi aka al nenegö silenŋi saŋgoŋ yakömakzemö, dogo jimamoŋini qahö galöm köla yuai laŋ göröngöba membagun megetka nepaqepalok mianön uruŋini kokolak qei malje.

²⁶ “O jegömöl azi Köna keugöra kapaŋ kölakzani, gi mönö mutuk qambigö uruŋi saŋgoŋnöŋga silenŋan mewöyök sarakŋi akŋa. ²⁷ * O Köna keugö böhi aka miangö kapaŋkölköl ambazip! Inini urumelenŋö silesile ambazip aketka lömböt qakŋine öngöza-waŋgöra mönö wölköba Yei! jizal. Inini qaksirigö maripomŋi saŋgoŋgetka tuatŋi akeak, mönö miangö dop akze. Silenŋinan eksihimŋinambuk tandök akzemö, qaksirigö uruŋe qamöt sihit aka yuai imbilonŋambuk mianön kokolak qei ahöza.

²⁸ “Miangö dop eŋön mewöyök ambazip jeŋine ölna diŋdiŋi tandök asuhumakzemö, urumelenŋö silesile tandök aka qewöloŋnöŋ mönö uruŋini kokolak qei malje.”

Bölöŋi memenangö likepŋi

Luk 11.47-51

²⁹ “O Köna keugö böhi aka miangö kapaŋkölköl ambazip! Inini urumelenŋö silesile ambazip aketka lömböt qakŋine öngöza-waŋgöra mönö wölköba Yei! jizal. Inini kezapqetok ambazip yeŋgö qaksirinöŋ simen koum memakze aka ambazip solanŋi yeŋgö köt kötenjini meŋölömakze. ³⁰ Mewö aka kewö jimakze, ‘Neŋön ambösakonini yeŋgö nalönöŋ malbinak ewö, mönö yembuk qahö toroqeinga kezapqetok ambazip yeŋgö seŋinan mönö neŋgö qakŋine qahö öngöbawak.’

* 23:22: Ais 66.1; Mat 5.34 * 23:23: Lew 27.30 * 23:27: Apo 23.3

31 “Mewö jiba mianjôn nanjinak kezapqetok ambazip engugeri, yengö isiurupjina akzei, mönö keu mi nanjôba jiba dangunu ewö kinje. 32 Mianjôra ambösakonjinan singisöndok könahiba akeri, mianjô dop injini mönö toroqeba körek ak teköme.

33 * “O soramen, injini mönö qatö moröñi ewö akze. Anutunöñ keujini jim teköi könöp sianöñ gebepuköra mönö denöwö unjuratpeak? Mi mönö osime. 34 Mianjôra mötket, nöñön kezapqetok aka mötkutukutu ambazip aka Köna keugö böhi melaim engibi engöreñ kame. Kagetka yengöreñök tosatñi i enguget kömume aka tosatñi maripom qakñe al engime. Tosatñi köuluk miriñine örörahöm engiba keujini jim teköba ihileknöñ tauköm engiba közöl engigetka taonñi taonñi mianjögöreñ anakñe.

35 * “Azi solanñi Abelgö sepñan eriga mianjögöreñök könahiba enguba kota mala Zekaraia jöwöwöl jike kömbukñi aka jöwöwöl alta mietkö sutñire qeget sepñi eri mianjögöreñ teköyök. Ambazip solanñi yengö sepñini gölmenöñ mokomalgeri, sep pakpak mianjögö kitipñan mönö engö qakñine öngöma. 36 Nöñön keu öljñ kun kewö jibi mötme: Sepñinangö kitipñi pakpak mi mönö ambazip merak maljei, engö qakñine öngöi Anutunöñ likepñi melenj engii mötme.”

Jisösnöñ Jerusalem könağesö jöpaköm engiyök.

Luk 13.34-35

37 Jisösnöñ jiyök, “O Jerusalem Jerusalem, injini kezapqetok ambazip enguget kömugetka Anutunöñ ambazip melaim engii engöreñ kamakzei, mi kötnöñ kumbuköm engimakze. Poi namñan moröurupñi ginginñi bapñe ala köjöjohom engimakzawi, nöñön mönö mianjögö dop nalöñi nalöñi göhö könağesöurupki kötala tokom engimangö möta malalmö, injini mi tököba mala kotket. 38 * Mötket, Anutunöñ mönö jike miriñini andö qeiga sahopñanök ahöma.

39 * “Mewö ahömapmö, nöñön kewö jibi mötket, injini ni kunbuk qahö nekñe. Könağep nalö kun kam kungui mianjögöreñ neka kewö jime, ‘Kembugö qetñe kam nengizawi, Anutunöñ mönö i kötuetköm wanjima.’ Mewö.”

24

Jöwöwöl jikenöñ köndermönder asuhuma.

Mak 13.1-2; Luk 21.5-6

1 Jisösnöñ jöwöwöl jike mosöta eriga gwarekurupñan yangöreñ kaba jöwöwöl jikegö tohonj uruñe miri tatkeri, mi Jisös kondel wanjiget. 2 Kondel wanjigetka melenjda kewö jii mötket, “Miri pakpak mi ölöp engekzemö, nöñön keu öljñ kewö jibi mötket: Mi mönö könderjetka mirigö köt kun mi köt kungö qakñe qahö ahömapmö, qeqelanlanj aka sahopñanök ahöma.” Mewö.

Kahasiliñ aka sesewerowero asuhuma.

Mak 13.3-13; Luk 21.7-19

3 Jisösnöñ Oil ip kunduje anda tariga gwarekurupñan nanjinöhök yangöreñ kaba kewö qesim wanjiget, “Böhi, keu jizani, mianjögö öljñ mönö wanat nalöñöñ asuhum tiñgitma aka göñön kanöñga gölmegö nalöñan

* 23:33: Mat 3.7; 12.34; Luk 3.7

* 23:35: Jen 4.8; 2 Hist 24.20-21

* 23:38: Jer 22.5

* 23:39: Sum 118.26

tekömamgö akñawi, miangö aiwesökñan mönö denöwö asuhum? Mia ölöp jinöñ mörin!”

⁴ Mewö qesim wangetka melenđa kewö jiyök: “Kunñan isimkakalek aiga janjuñ anbepekora mönö galömjini memba malme. ⁵ ‘Ambazip gwötpukñan asuhuba nöngö qetne kewö jime, ‘Nöñön Amötqeqe Toñi Kraist akzal’. Mewö jiba ambazip gwötpuk tilipköm engime. ⁶ Injini yarö miengö buzupñini aka ötöñjini asuhugetka mörakje. Mi möta jönömjini undubapukora mönö galömjini meme. Yuai mewöñi mi mutuhök asuhumapkö jijiña. Mi asuhumapmö, gölmegö nalöñan mönö miangöreñök zilañ qahö teköma.

⁷ “Kantri kunñan kantri kun engubingöra wahötm. Ambazip kambu kunñan kambu kun yembuk aröñ angubingöra wahötm. Gölmeñi gölmeñi miangöreñ bödiñi bödiñi (buöröñi buöröñi) asuhume aka kenöñ ketañi ketañi mi qözöla memba gölme melenjni gemakña. ⁸ Yuai pakpak mi ambi köröbuknöñ masi könahiba engumakzawanğö dop. Gölmegö nalöñan mönö miangö dop könahiba tekömamgö akña.

⁹ *⁹ “Mewö akñapmö, nalö miangöreñ tosatñan injini uruñini melenğerañğora aka gawman yengö böröñine al engigetka sihimbölä ak engiba enğuget kömume. Kantri pakpak yenön nöngöra aka kazik ak engimakña. ¹⁰ Nalö miangöreñ gwötpukñan mötnaripñini mosöta anğönañ memba kazik ak anğume. ¹¹ Kezapqetok ambazip takapulakanñi gwötpukñan asuhuba ambazip gwötpuk kilik-kaluk ak engigetka janjuñ anakña.

¹² “Iwilele Toñan sehiba ambazip galöm köl engimawanğora aka urumelen ambazip sehisehñi yengö uruñinan amöriiga urukalemñinan sörrörama. ¹³ *Kunñan kapan köla köhöiba böñ qeba kinda maliga gölmegö nalöñan tekömawi, yanön mönö oyaenğoyaen buña qem anğuma. ¹⁴ Anutugö bemtohoñğö Ölöwak Buña ki mönö mutuk gölmegö kantriñi kantriñi pakpak miangöreñ jim sehigetka könagesö dop nangönañğö keuñi mötketkun gölmegö nalöñan miangö andöñe teköma.” Mewö

Jerusalem sitigö köndermjönden uru-önönñambuk

Mak 13.14-23; Luk 21.20-24

¹⁵ *¹⁵ “Kezapqetok azi Danielnöñ köndermjönden uru-önön-ñambukö keuñi jii ahöza. Keu miangö dop tosatñan kaba köndermjönden aka yuai anğöjörakñambuk mi jöwöwöl jike töröñe alget kiniga ekñei, - keu ki oyoñmawanön mönö ölöp kezap ala möt kutuma- ¹⁶ nalö miangöreñ Judia prowinsnöñ malmei, enön mönö misingöba öröba kunduje anme.

¹⁷ *¹⁷ Miri kösutje sombemnöñ malmawanön mönö eta gösö yuaiñi memangöra miri uruñe kude öngöma. ¹⁸ Nupnöñ anda malmawanön mönö mewöyök malukuñi memangöra lilingöba mirinöñ kude anma.

¹⁹ “Ye! Ambi gölömbuk aka morö juzunöñ yenön nalö miangöreñ denöwö ösumñinan anbeak? ²⁰ Miangöra yuai mi kie uru me Sabat kendongö nalöñe kude asuhumapkora köuluköme.

²¹ *²¹ “Mi kewögöra: Nalö miangöreñ kahasililij keta bölöknj asuhuma. Kahasililij dopñi mewöñi mi mönöwök nalö kungen kude asuhuba ahöyök. Anutunöñ yuai pakpak miwikñaiyöhi, nalö miangöreñök könahiba nalö kiangöreñ mala kota nalö sutñe kun kude asuhuyök.

* **24:9:** Mat 10.22 * **24:13:** Mat 10.22 * **24:15:** Dan 9.27; 11.31; 12.11 * **24:17:** Luk

17.31 * **24:21:** Dan 12.1; Ind 7.14

Mönöwök qahö asuhuyök aka könangep nalö kunöŋ kunbuk qahö ahuma. Mianğöra mönö köuluköba malme. ²² Kembunöŋ wahöjalin nalö mi qahö mem töribawak ewö, ambazip körekjan mönö ayuhum teköbeakmō, ambazip nanğangöra möwölöhöm enğiyöhi, yeğöra aka wehön miengö qötöjini mem törima.

²³ “Nalö mianğören kewö jime, ‘Mötket! Kraistnöŋ ki malja,’ me ‘Eket! Amötqeçe Tonjan endu kinja.’ Kunjan mewö jima ewö, mi mönö kude möt narime. ²⁴ Mi kewögöra: Amötqeçe tonji munenji aka kezapqetok ambazip takapulakanji asuhuba anğöletot aka aiwesök ketanji ketanji megetka letotme. Mewö letotketka Anutunöŋ ambazip nanğangöra möwölöhöm enğiyöhi, i mewöyök enololon mem enğimegö esapköba kapan kölgetka janjuŋ akepek. Enön ölöpnjanök galömnjini memba malgetka mi osibeak. ²⁵ Mötket! Nöŋön yuai pakpak mi qahö asuhuiga qeljinje lök jibi mötze.”

Suep gölmegö azi öljän mönö asuhum tinğitma.

Mak 13.24-27; Luk 21.25-28

²⁶ * “Mianğöra ‘Amötqeçe Tonjan mönö gölme apopamkölkölŋe malja,’ mewö jiget mötme ewö, mianğören mönö kude anme. Me ‘Mötket! Kraistnöŋ mönö miri mianğö uruŋe asuhuba tatzawi,’ mewö jiget möta mi kude möt narime. ²⁷ Mi kewögöra: Suep gölmegö azi öljän kunbuk kamawi, nalö mi mönö wölbilikö dop kewö akja: Mi wehön kotkotjeyök zilaŋ biliksik ala likepŋe wehön gegeŋe dop köla asariba ani ekzini, yaŋön mönö mianğö dop asuhuma.

²⁸ * “Sömbup gisakjan kungen ahöiga, manu köraraknöŋ mianğören öröba tokomakzei, mianğö dop asuhuma.” Mewö

Suep gölmegö azi öljän asuhuma.

Mak 13.24-27; Luk 21.25-28

²⁹ * “Wahöjalin nalö mianön teköiga mianğörenök wehön jejan injan köliga köiŋnöŋ ömuŋ kölma. Senğelau yeŋön suepnöhök teköba etme aka suepnöŋ uturuköiga mianğö öröyuainji mi tatatjini mosöta enololon aketka sohoma.

³⁰ * “Nalö mianğören Suep gölme azi öljängö aiwesökjan suepnöŋ asuhuiga ekje. Nalö mianğören gölmegö könagesö pakpak yeŋön jinğen köla sahötme. Sahöta Suep gölmegö azi öljŋ yeŋön suepkö kousu qakŋe kaŋgori ekje. Kukösümüŋi ketanjan saköl-diŋdiŋambuk aukŋe asuhuiga asakmararanji ekje. ³¹ Kaŋgori eketka tömunŋi qainŋi kun ugetka ötöŋi köhöikŋi mötketka Suep garataurupŋi melaim enğiiga yeŋön ambazip Anutunöŋ nanğangöra möwölöhöm enğiyöhi, i gölme gōranji likeplikep euke emuke mianğörenök kölolohoba enğuanğitme.” Mewö

Geröp ipkö dopkeu

Mak 13.28-31; Luk 21.29-33

³² “Injini geröp ip eka tandökŋi mötmöriba dopkeu ki mötme. Böröŋan lök oŋambuk aiga sinŋini yoŋgoigetka mi eka möta kewö jimakze, ‘Wehön nalöŋan mönö dopdowiza.’ ³³ Enön mewöŋanök aiwesök mianğö dop asuhuiga eka möt asariba könanji kewö jime, ‘Jisösnöŋ mönö nanğunöŋ dopdowiza.’

* **24:26:** Luk 17.23-24 * **24:28:** Luk 17.37 * **24:29:** Ais 13.10; 34.4; Eze 32.7; Joel 2.10, 31; 3.15; Ind 6.12-13 * **24:30:** Dan 7.13; Zek 12.10-14; Ind 1.7

³⁴ “Nöñön keu ölni kun kewö jibi mötket: Ambazip ki merak gölmenöñ maljei, yenön qahö kömugetka yuai pakpak jizali, mi mönö yengö malmal nalöñine asuhuma. ³⁵ Suep gölmenöñ ayapkömahotmö, nöngö Buña keunan mönö nalö kunöñ qahö ayapköma.” Mewö.

Jisös kamawanö nälöñi mi kunñan qahö mötza.

Mak 13.32-37; Luk 17.26-30, 34-36

³⁶ “Suep gölmegeö azi ölnan kamapmö, dawinöñ kam kunñumawi, miangö wehönñi me aua nalöñi mi kunñan kun kude mötza. Suep garatanöñ mi qahö mötze. Anutugö Nahönñan mewöyök mi qahö mötza. Iwinöñ nanñök mi mötza. ³⁷ *Mönöwök Noagö nalöñe ambazipnöñ malmalñini qemasolokep qakñe mala ayuhuger, miangö dop mönö Suep gölmegeö azi ölnan kunbuk kamawanö nälöñe asuhuma.

³⁸ “O göulu ketanñan qahö kaiga qeljiñe miangöreñ ambazip nene lömbuan ala o köhöikñi nempa ambi kenam bohonñangö alget anda kaiga angömeget. Ahakmeme mewö aka memba qemasolokep malgetka Noanöñ wançe uruñe öngöyöhi, silim miangöreñ teköyök. ³⁹ *Teköiga wanat yuai asuhumawi, mi qahö mötketka o göulu ketanñan kaba jinonñi qahö ayuhum engiyök. Könanñep Suep gölmegeö azi ölnan kunbuk kamawi, nalö miangöreñ ambazipnöñ mewöñanök qemasolokep aka mala ayuhume.

⁴⁰ Nalö miangöreñ azi yahöt nupnöñ malohotka yetköreñök kun wançita kun mosötme. ⁴¹ Mewöñanök ambi yahöt tawen urasiba (bunahöba) tatmahori, yetköreñök kun wançita kun mosötme.

⁴² “Kembunöñ kamawanö nälöñi me auanji qahö mötzeangöra mönö uruguliguli aka malme. ⁴³ *Gwölö malbingö keu ki mönö möt kutume: Sunjem aiga kegwek-kahasililij azinöñ wani nalönöñ me auanöñ kamawi, miri tonñan mi mötpawak ewö, yanñon mönö gwölö mala miriñi ölöpnanök galöm meiga qesinđa öngömangö osima. ⁴⁴ Inñi ‘Suep gölmegeö azi ölnan nalö kianjöreñ qahö kançotma,’ jiba mötmörigetka yanñon mönö nalö miangöreñök kançotma.” Mewö.

Nup azinöñ silekmalek mala ayuhuyök.

Luk 12.41-48

⁴⁵ “Mewö aiga nup meme ambazip sutñine danñon tiñ kutuba tosatñi engonçitza? Tosatñan söroraua nup mosötketka kunñan mötkutukutu ölöpnangö qakñe kapan köla pöndan memakzawi, yanñon mönö simbawon akza. Miri tonñan ahakmemeñi kewöta eka kungen anda miriñangö öröyuanji mi böröñe ali galöm akña. Galöm aka welenqeurupñi jiyöhançö dop köyan köla nalö diñdiñe gumohom engimakña. ⁴⁶ Mewö köyan köñ engiba maliga tonñan lilingöba kaba mewö eka mönö simbawon jima.

⁴⁷ “Nöñön keu ölni kun kewö jibi mötket: Tonñan simbawon jiba sukunapñi pakpakö galömñi kunñum wançima. ⁴⁸ Kunñum wançimapmö, nup meme okonñi yanñon uruñan mötmöriba kewö jima ewö, ‘Kembunangö kaka nalöñan mönö köröpnji ahöza.’ ⁴⁹ Mewö jiba könahiba nup meme ambazipurupñi engum ureiba közölömbuan ala söngaiba o köhöikñi nempa uruñi sohoiga enjololöñ silekmalek aka malma.

⁵⁰ “Mewö mala nalö kunöñ kembunji kançotmapköra qahö mambötmawi, mönö miangöreñ kançotma. Nalögöra ikmaok inçululuj

* 24:37: Jen 6.5-8 * 24:39: Jen 7.6-24 * 24:43: Luk 12.39-40

mali mönö aua miangören kangota⁵¹ qeba yaijapalelen mem wangiba jim kutuiga urumelenjö silesile ambazip ewö könöp sianöj geba sihimbölo mötma. Mewö möta sahöt gigilahöba irimnjini yöhözömgögetka qetnji qeri malme.” Mewö.

25

Ambi seram tengö söpsöp keu

¹ *Jisösnöj jiyök, “Kunbuk kamami, nalö miangören Suepkö bemtohonjan kewö akja: Maren lömbuan nalöje ambi seram jömuknji tenjan ‘Azi bujabuk aitonjöbin,’ jiba kiwanjini memba kōnanöj anget. ² Yengörenök 5 mi mötkutukutuñinambuk aketmö, tosatnji 5 yengö mötkutukutuñini mi piromnji. ³ Mötkutukutuñini piromnji yejön kiwanjini megetmö, könöp (kuwiñ) kelökñi * qahö memba anget. ⁴ Mötkutukutuñinambuk yejön kiwanjini aka kuwiñ kelök kirinñini mewöyök memba anget. ⁵ Angetka azi bujanöj zilañ qahö kaiga mambötgetka nalö köriyöhanjöra körek yengö jejini böjñöj meiga nöropñini eri sipköba gaun ahöget.

⁶ “Gaun ahögetmö, sunjem bibiñe kunöj tömun qeri qet kewö mötket, ‘Mötket, azi buja kazawo! Mönö yangören anda aitonjöme.’ ⁷ Qet mi möta ambi seram ten mi körekñan wahöta kiwanjini memba möhamgöba ohotiriget. ⁸ Ohotirigetka mötkutu-kutuñini piromnji yejön mötmöt ambi yengören kaba kewö jiget, ‘Nengö kiwaninan böközawanjöra ejön mönö kuwiñ kelökñi tosatnji nengime.’

⁹ “Mewö jigetka mötkutukutuñinambuk yejön melenja kewö jiget, ‘Qahö. Mi injini aka nini dopnine qahö. Miangöra mönö stuanöj anda nanñini kuwiñ kelökñini söjgöronji meme.’

¹⁰ “Mewö jigetmö, kuwiñ kelökñi bohonñi mbingöra anda kōnanöj malgetka azi bujanöj mönö miangörenök kangorök. Ambi seram jöjöröba kingeri, yejön anda yambuk aitonjöba maren lömbuan miri uruñe öngögetka nanñuñi kölget. ¹¹ *Ambi seram stuanöj angeri, yejön mewöyök kōnanjep kangota nanñu qeba kewö qetket, ‘Kembu Kembu, mönö nanñu metal nenñinöñ!’

¹² “Mewö qetketmö, kewö melenja jiyök, ‘Qahö. Ni injini qahö möt engizal. Keu ölna mi jizal.’” ¹³ Jisösnöj söpsöp keu mewö jiba gwarekurupñi yengöra keu kewö jii mötket, “Injini ni kamamanjö nalöñi me auanj kude mötzeanjöra mönö uruguliguli aka malme.” Mewö.

Moneñ esu galöm kölgeranjö söpsöpkeu.

Luk 19.11-27

¹⁴ *Mönö dopkeu kiangö dop asuhuma: Azi kun mirinji mosöta körowen kantri kunjan anmamgö möta welenqeçeurupñi engoholi kagetka moneñ sukinapñi galöm kölmegöra jim kutum engiba böronjine alök. ¹⁵ Nup memenjini kewöta ölni dawik asuhumawanjö dop möta nup meme azi kungöra moneñ esu 5 (Kina 5000,-) wangiba kun moneñ esu yahöt (Kina 2000,-) wangiba kun mohok-kun (Kina 1000,-) wangiyök. Mewö galöm kölmegöra menden engiba engömosöta anök.

¹⁶ “Azi Kina 5000,- meyöhanjön miangörenök anda kölköl-örörö nup meiga moneñ sehiiga esu 5 kunbuk meyök. ¹⁷ Mewöñanjök Kina 2000,-

* 25:1: Luk 12.35 * 25:3: Könöp (kuwiñ, qiwiñ) kelökñi mi Oil ipkö kötni mözözamgögetka kelökñi mi asuhuyök. Miri söñauiga ip sunje opo köpeiba kelök miangören kundumgöba kiwa ohotiriba kōnanöj angetka 15 minitkö dop jeyök. * 25:11: Luk 13.25 * 25:14: Luk 19.11-27

meyöhañon anda kölköl örörö nup meiga monej sehiiga esu yahöt kunbuk meyök.

¹⁸ “Mewö meyohotmö, azi monej esu mohok-kun (Kina 1000,-) meyoñon mönö mosöta anda gölme esiba azi kembunangö monej löm köla asambörök. ¹⁹ Nalö köröpñi teköiga welenqege yengö azi kembuninan lilingöba kaba ‘Nup megerangö kösohotñini möta kewötмам,’ jiba köl öröm engiiga kaget.

²⁰ “Mewö kagetka azi Kina 5000,- meyoñon jeñe kangota esu 5 kunbuk toroqeba memba kaba kewö jiyök, ‘Ketanamni mötnöñ, göñon monej esu 5 niñginöñi, nöñon miangö kölköl öröröñi membi sehiiga esu 5 kunbuk asuhuiga memba kazal.’

²¹ “Mewö jiiga azi kembunan kewö melenj wangiyök, ‘Mi ölop. Gi nup meme azi ölopñi memburik-qemburiki qahö. Gi yuai awamñi memba mi kapankapan aka galöm köla malnönga sehiyök. Miangöra nöñon yuai gwötpuk göhö böröge albi miangö galömña malman. Ölop kaba azi kembangö nöñgö miri uruñe kangota mohotñe sösoñgai aka malbin.’ ²² Azi Kina 2000,- meyoñon mewöñanök kangota kewö jiyök, ‘Ketanamni mötnöñ, göñon monej esu yahöt niñginöñi, nöñon miangö kölköl-öröröñi membi sehiiga esu yahöt kunbuk asuhuiga memba kazal.’

²³ “Mewö jiiga azi kembunan kewö melenj wangiyök, ‘Mi ölop. Gi nup meme azi ölopñi memburik-qemburiki qahö. Gi yuai awamdökñi memba mi kapankapan aka galöm köla malnönga sehiyök. Miangöra nöñon yuai gwötpuk göhö böröge albi miangö galömña malman. Ölop kaba azi kembangö nöñgö miri uruñe kangota mohotñe sösoñgai aka malbin.’

²⁴ “Miangö andöñe azi monej esu mohok-kun (Kina 1000,-) meyoñon kangota kewö jiyök, ‘Ketanamni mötnöñ, nöñon könañamgi kewö möt yaköyal: Azi kembunan mönö azi köhöikñi köñöpñambuk akza. Nangak nene kötni qahö qesin gilnönga miangöreñ mönö töndup ölni sounöñ yandiba memangö mörakzan. Padi kötni qahö esinöñ geiga miangöreñ mönö töndup ölni qezakömangö mörakzan.

²⁵ “Mewö möt yaköba kengötni möta anda göhö monej esugi mi gölmenöñ asambötpiga ahöyök. Eknöñ, monej esu ninginöñi, miyöhök mönö törörök ki.’ ²⁶ Mewö jiba mi wangiyökmö, azi kembunan melenjda kewö jim wangiyök, ‘Gi injarere aka welenqege bölöñi akzan! Gi könañamni möt yakönöñ: Nanak nene kötni qahö qesin gilbiga miangöreñ mönö töndup ölni sounöñ yandiba memangö mörakzal. Nanak padi kötni qahö esibi geiga miangöreñ töndup ölni qezakömangö mörakzal. Nöñgö tandökni mewö möt yaköbagun mönö wuanöngöra ak sohoba malnöñ?’

²⁷ “Gi nöñgö monejñi benknöñ alnönga dop kölbawak. Benknöñ alnönga qariiga lilingöba kayali, nalö kiangöreñ mi ölop surambuk membilenjak.’ ²⁸ Toroqeba tosatñi yengöra jiyök, ‘Inini mönö qölzöm injarere azi miangö monej esunji mi wangita kun esu 10 miwikñaiyöhi, mönö i wangime.’

²⁹ * “Dopkeu kiangö könañi kewö: Denike yengöreñ yuai ahözawi, körek yengöra mönö toroqeba engiget sehiiga kelenmaleñ ahöm engima. Mewö sehimapmö, kungöreñ yuai kun qahö ahözawi, yangöreñ yuai mi mönö mewöyök wangitketka öne töhöntöhön malma. ³⁰ *Ayop, welenqege azi omanji nupñangö ölni qahö i mönö yaigepñe gilgetka söñapnöñ gema.

* 25:29: Mat 13.12; Mak 4.25; Luk 8.18 * 25:30: Mat 8.12; 22.13; Luk 13.28

Miangörej geba sahöt gigilahöba göboñini yöhözömgögetka qetñi qeri malme.” Mewö.

Jimtekötekögö nalö ketañe kewö asuhuma:

³¹ *³¹“Suep gölmegö azi öljän kinda Suep garata pakpak enjuangita mohotñe kamei, nalö miangörej Suepkö asakmararajan asuhuiga yanñon Kiñ Kembangö jakömbuak dumnöñ tatma. ³² Tata jiiga gölmegö ambazip kambu pakpak qezaköm engigetka yanğö jeñe asuhume. Asuhugetka lama galömñan lamaaurupñi meme (noniñ) yenğörejök mendenj engizawi, miangö dop i mendeqendenj ak engima. ³³ Mi ak engiba jiiga lama mi böröñi öljne aka meme (noniñ) mi qaniñe al engime.

³⁴ “Mewö al engigetka Kiñ Kembunöñ böröñi öljne kinmei, yenğöra kewö jima, ‘Nöñgö Iwinan kötuetköm engii malgeri, iñini mönö kaget. Iwi Anutuninan gölme pakpak miwikñaim engiyöhi, nalö miangörejök lök engöra bemtohoñ mözözömgöba mei jöjöröba ahöba kotzawi, iñini mönö kaba mi buña qem anguba malme.

³⁵ ‘Mi kewögöra jizal: Nöñon yakanangö kömumba malbiga iñini nene niñgiba malget. Nöñon ogöra qemjenj qeba malbiga iñini o niñgiba malget. Nöñon kian aka malbiga iñini köl öröm niñgigetka miriñine öngöba malal. ³⁶ Nöñon sile esunangöra osiba malbiga iñini opo kereñ niñgiba malget. Nöñon kawöl nöhöi ahöbiga iñini galöm köl niñgiba malget. Nöñon kösö mire malbiga iñini ni nekingöra miangörej kaba malget.’

³⁷ “Mewö jiiga ambazip solaññi yenñon kewö melenj wanğiba jime, ‘Kembu, gi mönö wani nalönöñ yakagahö kömunöñ geke gumohom gihiba malin? Mönö wani nalönöñ ogöra qemjenj qeba malnönğa geke o gihiba malin? ³⁸ Mönö wani nalönöñ kiana kanönğa geke köl öröm gihiinga mirinine öngönönğa malin? Mönö wani nalönöñ sile esugahöra osiba malnönğa geke opo kereñ gihiba malin?

³⁹ ‘Mönö wani nalönöñ kawöl göhöi ahönönğa geke me kösö mire malnönğa möta gi gekingöra göhörej kaba malin?’ ⁴⁰ Mewö jigetka Kiñ Kembunöñ melenja kewö jii mötme, ‘Nöñon keu öljñi kun kewö jibi mötme: Iñini nani urumelenj alaurupni etqeqeñ kiengörejök kungöra yuai kun akeri, mi pakpak mönö ni ak niñgiba malget.’

⁴¹ “Mewö jiba miangö andöñe böröñi qaniñe kinmei, yenğöreñ melenja kewö jima, ‘Iwinan qesuahöm engii malgeri, iñini mönö nömosöta ke-salget. Könöp sia teteköñi qahö jem öngömawi, mönö miangörej anda geme. Anutunöñ mi Bölönangö Tonj aka yanğö garataaurupñi yenğöra mözözömgöba meköiga jöjöröba ahöza. ⁴² Mi kewögöra jizal: Nöñon yakanangö kömumba malbiga iñini nene qahö niñgiba malget. Nöñon ogöra qemjenj qeba malbiga iñini o qahö niñgiba malget.

⁴³ ‘Nöñon kian aka kabiga iñini qahö köl öröm niñgigetka miriñine qahö öngöba malal. Nöñon sile esunangöra osiba malbiga iñini opo kereñ qahö niñgiba malget. Nöñon kawöl nöhöi ahöyal aka kösö mire malalmö, iñini ni nekingöra miangörej qahö kaba malget.’

⁴⁴ “Mewö jiiga yenñon mewöyök melenj wanğiba kewö jime, ‘Kembu, gi mönö wani nalönöñ yakagahö kömunöñ me ogöra qemjenj qeba malnön me kiana malnön me sile esugahöra osiba malnön me kawöl göhöi ahönön me kösö mire malnönğa nini gi qahö welen qem gihiba malin?’

* 25:31: Mat 16.27; 19.28

45 “Mewö jigetka melenḁa kewö jii mötme, ‘Nöḁön keu ölnḁi kewö jibi mötme: Inḁini urumelenḁ alaurup etḁeḁenḁi kienḁöḁenḁök kungöḁa yuai kun qahö akeri, mi pakpak mönö ni qahö ak niḁgiba malḁet akza.’

46 * “Mewö jii mötḁetka likeḁnḁi melenḁ enḁii qakḁine öḁḁöiga aköm enḁii anda siḁimbölö nalö teteköḁi qahö möta mal öḁḁöme. Mewö mal öḁḁömemö, solanḁi yeḁön oyaenḁkoyaenḁ malmal mi nalö teteköḁi qahö mal öḁḁöba malme.” Mewö.

26

Jisös qein kömumapkö anḁönanḁ alḁet.

Mak 14.1-2; Luk 22.1-2; Jon 11.45-53

1 Jisösnöḁ keu pakpak mi jim teköba gwarekurupḁi kewö jii mötḁet, 2 * “Silim yahöt teköigun Pasowa kendonḁi kam kuḁguma. * Inḁini mi ölöḁ mötze. Kam kuḁguiga Sueḁ gölmegö azi ölnḁi mi kian gawman yeḁḁö böröḁine alḁetka maripomnöḁ qeḁetka kömuma.”

3 Nalö mianḁöḁenḁ jike nup galöm aka kantrigö jitḁememe yeḁön tokoba jike nup galöm bohonḁi qetḁi Kaiafas yanḁḁö jakömbuak miriḁe tatḁet. 4 Mianḁöḁenḁ tata denöwö möndöḁninga Jisös ölöḁ memba qeḁet kömumbawak, mianḁḁö könanḁi jaruba kewötḁet. 5 Jaruba kewöta kewö jiget, “Ambazip irimḁini seholiiga karimḁi karimḁi asuhubepuköḁa mi sösoḁgai kendon nalöḁe akingö osibin.” Mewö.

Ambi kunöḁ Jisös o umköhöwaktambuknöḁ miriyök.

Mak 14.3-9; Jon 12.1-8

6 Jisösnöḁ Betani mirinöḁ mala Saimon kun uzikukuḁi mem solaniyöhi, yanḁḁö mire öḁḁöba tarök. 7 * Mianḁöḁenḁ nene nembra tariga ambi kunöḁ köt-kirin kun memba yanḁöḁenḁ kayök. Kirin mi nöluk tuat-tuat qetḁi alabastö mianḁön memena. Mia o umköhöwaktambuk mianḁön kokolak qeḁena. Yanḁön mi bohonḁi ketaḁan memba kaba onḁi Jisösḁö nöḁöḁne mimbiliba miriyök.

8 Miriiga gwarekurupḁan mi eka urubölö aka kewö jiget, “Mi mönö wuanöḁḁöḁa mewö ayuhuzawi? 9 O kelökḁambuk mi bohonḁi memegöḁa ali monenḁ öḁḁöḁöḁan asuhuiga mi ambazip wanapḁi enḁiiga dop kölbawak.”

10 Jisösnöḁ urumötmötḁini mi ek kutuba kewö jii mötḁet, “Ambi kianḁḁö uruḁi mi wuanöḁḁöḁa mem böliḁe? Yanḁön silik ölöḁnḁi ak soroköm niḁḁiiga dop kölja. 11 * Ambazip wanapḁi mi nalöḁi nalöḁi sutḁine malmemö, nöḁön enḁḁö sutḁine nalö dop qahö malmam.

12 “Nöḁön kömumbi löm köl niḁḁimeanḁöḁa aka kelök mianḁön sileni nömiriza. 13 Nöḁön keu ölnḁi kun kewö jibi mötḁet: Ölöwak Buḁa ki kantri igen waigen jim sehigetka anmawi, mianḁöḁenḁ ambi kianḁön yuai ak niḁḁizawi, mianḁḁö buḁanḁi mohok jiget seḁiiga yanḁḁöḁa mötmöḁiba malme.” Mewö.

Judasnöḁ Jisös mamalolo mem wanḁimamḁö urumohot ahök.

Mak 14.10-11; Luk 22.3-6

14 Nalö mianḁöḁenḁ gwarekurupḁi 12 yeḁöḁenḁök kun qetḁi Judas Iskariot yanḁön jike nup galöm yeḁöḁenḁ anda 15 * kewö qesim enḁiyök,

* 25:46: Dan 12.2 * 26:2: Eks 12.1-27 * 26:2: Pasowa mi nanine keunöḁ Ak-kömukömu kendon. Keu mianḁḁö könanḁi: neḁḁehoriba neḁḁonḁirök. Eksodus 12.15 * 26:7: Luk 7.37-38

* 26:11: Dut 15.11 * 26:15: Zek 11.12

“Nöñön Jisös mamalolo mem wañgiba böröñine albiga eñön töwa wania ningibeak?” Qesim enjiiga silwö monen kötñi 30 oyoñda böröñe alget. ¹⁶ Aua miangöreneñök könahiba Jisös nalö kungen mamalolo mem wañgimangö köna möt jaruba köiñbingöba malök. Mewö.

Jisösnöñ gwarekyembuk Pasowa lama neget.

Mak 14.12-21; Luk 22.7-13, 21-23; Jon 13.21-30

¹⁷ Beret yistñi qahö miangö kendon silim mutukñe (Seqononöñ) gwarek yetkön Jisösgöreñ kaba kewö qesim wañgiyohot, “Böhi! Nini miri denikeangöreñ anda pasowa lama mözözömgöm gihiziga neman? Sihimgi denöwö ahöza?”

¹⁸ Qesim wañgiyohotka kewö melenök, “Inñi Jerusalem sitinöñ öngöba azi kun mötzali, i miwikñaiiba kewö jiyohotka mötma, ‘Böhinöñ jiza: Nöñgö nalönan mönö † dopdowiza. Nöñön göhö mire kaba gwarekurupni yembuk Pasowa lama membin.’” ¹⁹ Gwarek yetkön Jisösnöñ jim kutum etkiyöhi, miangö dop aka Pasowa lama mözözömgöyohot.

²⁰ Mare aiga miri söñauiga Jisösnöñ gwarekurupñi 12 yembuk miri miangöreñ kangota öngöba dum kösutñe tata nene mendeñda neget. ²¹ Nene negerangöreñ Jisösnöñ kewö jii mötket, “Nöñön keu ölni kun kewö jibi mötket: Engöreñök kunñan mönö mamalolo mem ningima.” ²² Mewö jii möta miangöreñök uruñinan wösöbirik ketanji aiga könahiba nanñök nanñök qesim wañgiba jiget, “Kembu, mönö nöñgöra jibanbuk?”

²³ *Qesim wañgigetka kewö melenök, “Nömbuk beret kulunñöñ kundungözawi, mönö yanñön. ²⁴ Sup gölmegö azi ölnan mönö yanñöra keu ohoget ahözawangö dop ölna gölme mosöta anmapmö, kunñan i mamalolo mem wañgimawi, yanñöra mönö Yei! jiba sahötzal. Miangö likepñi kanjamambukñöñ mönö yanñö qakñe öngöma. Azi mi nam köro uruneyök qahö asuhubawak, mianñön mönö amqem wañgibawak.” Mewö.

²⁵ Mewö jiiga Judas mamalolo mem wañgimawañön kewö melenñda jiyök, “Böhi, mi mönö nöñgöra jibanbuk?” Jisösnöñ kewö jii mörök, “Jizani, mönö mewö!” Mewö.

Kembubuk semön qöndökñi neget.

Mak 14.22-26; Luk 22.14-20; 1 Kor 11.23-25

²⁶ Nene nempa tata Jisösnöñ beret memba kötuatköba mindipköba enñgiba kewö jiyök, “Ki nani busuni. Ki memba neget.”

²⁷ Mewö jiba wain qambi memba saiwap jiba enñgiba kewö jiyök, “Inñini körek qambi kiangöreñök neget. ²⁸ *Ki nani sepnì. Mi Anutunöñ ambazip yembuk jöhöjöhö areñ aiga köhöimapköra sepnì mokoget geiga ambazip gwötputuk yenñgö singisöndokñini mosötma. ²⁹ Nöñön keu kun kewö jibi mötket: Nöñön wain kösögö ölni ki kiangöreñ kunbuk toroqeba qahö nemam. Könañgep Iwinangö bemtohoñ uruñe eu taringa közölömbuan almawi, wehön miangöreñ mönö wain o qainñi kun mia nemam.”

³⁰ Mewö jiiga sösongai linet köla mosöta anda Oil ip kundunñe öngöget.

Pitönöñ Jisös qañ kölmapkö jii mörök.

Mak 14.27-31; Luk 22.31-34; Jon 13.36-38

³¹ *Öngöba Jisösnöñ kewö jii mötket, “Kezapqetok azi kunöñ keu kun kewö ohoi ahöza, ‘Nöñön galömñini qebiga lama kambunñan denñme.’”

† 26:18: Anutunöñ Jisös kömumawangö nalöñi alöhi, miangöra jiza. * 26:23: Sum 41.9

* 26:28: Eks 24.8; Jer 31.31-34 * 26:31: Zek 13.7

Miangö dop enön körek sun gem kiangören urunini nongöra aka böliiga nömosöta buratime. ³² *Buratigetka nun gumemö, nöjön mönö kömupnöhök wahöta mutuk Galili prowinsnöj anda miangören asuhum engimam.”

³³ Mewö jüiga Pitönöj melen da kewö jii mörök, “Yejön körek urunini göhöra aka böliiga gömosöta buratime ewö, nöjön mönö töndup nalö kunöj qahö gömosötmam.” ³⁴ Jüiga Jisösnöj jii mörök, “Nöjön keu öljü kun kewö jibi mötnöj: Kuruknöj qahö qeriga göjön merak sun gem qan köl niñginönga indimñi karöbut akña.”

³⁵ Mewö jiyökmö, Pitönöj kewö jii mörök, “Böhi! Mewö qahöpmö, ni nun gugetka göbuk mohotje kömumbirak, mi töndup nöjön gi qahö qan köl gihimam.” Gwarek tosati pakpak mewöyök keu miyöhök jiget. Mewö.

Jisösnöj Gezemane arönöj köuluköyök.

Mak 14.32-42; Luk 22.39-46

³⁶ Mewö eraum möta anda yembuk arö kun qetji Gezemane miangören angotket. Angota Jisösnöj gwarekurupñi kewö jii mötket, “Nöjön endu anda köuluköbiga inini ölop nalö sutje ki nanñinök tatme.”

³⁷ Mewö jiba Pitö aka Zebedigö nahönyahötñi yahöt etkuangita angetka Jisösnöj könahiba wösöbirik möriga könjiliñan köna böröñi qeköyök.

³⁸ Nalö miangören kewö jii mötket, “Nongö urunan mönö kondum köla kotzawañgöra aka wösöbirik mötpiga kömukömuñi ak niñgiza. Inini ölop kiangören tata nömbuk guli malbin.”

³⁹ Mewö jiba nanñök borom kun toroqeba anda simin köla sipköba kewö köuluköba jiyök, “Iwini, gi yuai kun qahö mölölömbizan. Miangöra sihimgi ahöza ewö, sihimbölogö qambiñi kianön mönö nongö qakne öngöbapüköra noangitman. Noangitman me qahö, mi mönö nangi jit keugahö dop asuhuma. Mi nongö sihimgö dop qahö.”

⁴⁰ Mewö jiba lilingöiga gwarekurupñi karöbut yejön gaun ahöget engeka Pitögö kewö jii mörök, “Inini aua mohot-töp nömbuk guli malbingö kude köhöize me? ⁴¹ Uruninan guli malbingö sihimñi mörakzinmö, sileninan lölöwöröñi akza. Miangöra esapesapnöj et engubapüköra mönö köuluköba guliguli malme.”

⁴² Mewö jii möriga kunbuk engömosöta anda indimñi yahöt aiga kewö köuluköba jiyök, “Iwini, sihimbölogö qambi kianön qahö noñgitma ewö, mi ölop nemam-mö, mi mönö nangi jitkahö dop asuhuma.”

⁴³ Köuluköba lilingöiga jeñini böñböñ meyöhanğöra kunbuk gaunök ahöget engehök. ⁴⁴ Kunbuk engömosöta likep anda keu miyöhök kunbuk jiba köuluköiga indimñi karöbut ahök. ⁴⁵ Gwarek yeñgören lilingöba kaba kewö jii mötket, “Inini toroqeba luhut memba gaunök ahöbingö mötze me? Mötket! Kunöj Suep gölmegö azi öljü mamalolo mem wanğiiga bölöñi meme yeñgö böröñine öngöma. Miangö aua nalöñan lök kam kuñguza. ⁴⁶ Mönö wahötketka anin! Mamalolo mem niñgimawi, yanön mönö dowe ki kaza.” Mewö.

Jisös qeraköba memba jöhöget.

Mak 14.43-50; Luk 22.47-53; Jon 18.3-12

⁴⁷ Jisösnöj mewö jiba kiniga miangören gwarekurupñi 12 yeñgörenök kun qetji Judas yanön kambu ketani kun jitje mem enğiiga kanğotket. Jike nup galöm aka kantrigö jitrjememe yejön i melaim enğigetka bimgö

* 26:32: Mat 28.16

sou ketanji aka liŋgipɲini memba kaget. ⁴⁸ Mamalolo memamgö ahöhi, yañon mutuk yembuk aiwesök keu kewö jöhöba jii mötket, “Nöñon azi numbuñi yöhötüm nemami, yañon mönö mia akza. Mönö i memba jöhöme.”

⁴⁹ Mewö jiba kaba miangörenök Jisösgören angota “Böhi, böñjöh!” jiba numbuñi yöhötüm neyök. ⁵⁰ Yöhötüm neiga Jisösnöh kewö jii mörök, “Alani, gi wuanöngöra kazani, mi mönö zilañ akñan.” Mewö jiiga azi kambu yeñon Jisösgören kañgota qelanjiba memba jöhöget. ⁵¹ Jöhögetka Jisösbuk malgeri, yeñgörenök kunñan böröñan bimgö sou ketanji öröba jike nup galöm bohonnañgö welenqegeñi qeba kezapñi köteköi erök.

⁵² Jisösnöh mi eka kewö jii mörök, “Mönö mosötnöh! Bimgö sou ketanji körök memei, i mönö körek bimgö sou ketanjan enñui kömume. Miangöra mönö sougi kupinñe qenöh geyök! ⁵³ Nöñon Iwini köuluköbiga ölop bauköm niñgimawi, mi mötzan me qahö? Köuluköm wañgibileñahi, yañon mönö miangörenök garata yarö kambu † 12 onñita melaim enñi kaba bauköm niñgibeak. ⁵⁴ Bauköm niñgibeak ewö, Buña Kimbigö keuñan mönö denöwö öñambuk akawak? Buña Kimbi keugö dop yuai kianñon mönö asuhumapkö dop jijiña akza.”

⁵⁵ *Nalö miangñörenök Jisösnöh yarö kambu yeñgöra kewö jii mötket, “Ni kegwek-kahasiliñi azia qahöpmö, töndup nöngöra mewö möta bimgö sou ketanji aka liñgip memba nömemba jöhöbingöra kañgotze. Nöñon wehön dop jöwöwöl jikenöh embuk tata kinda Buña keu kusum enñiba malbiga qahö nömitet. ⁵⁶ Mewömö, yuai pakpak ki mönö kezapqetok ambazipnöh keu ohogeri, mienñon öññambuk akñapköra asuhuza.” Jisös jöhögetka gwarek yeñon körek Jisös mosöta buratiba unñurata anget. Mewö.

Jikegö jittjememe yeñon Jisösgö keu nup meget.

Mak 14.53-65; Luk 22.54-55, 63-71; Jon 18.13-14, 19-24

⁵⁷ Yarö azi Jisös memba jöhögeri, yeñon i wañgita jike nup galöm bohonnañ qetñi Kaiafas yañgö mire anget. Angetka Köna keugö böhi aka kantrigö jittjememe yeñon miangören kaba tokoget. ⁵⁸ Angetka Pitönöh sikepsikep enñuatangöba miangören angota jakömbuak mirigö kiripo uruñe öñgöyök. Öñgöba teteköñe denöwö asuhumawi, mi ekñamgöra welenqege azi yeñgö sutñine tarök.

⁵⁹ Mewö tarökmö, jike nup galöm aka jike kaunsöl kambu yeñon Jisösgö silenöh alal keu denöwö möndöba nañgöinga qeget kömumapkö jim jaruget. ⁶⁰ Jaruba kinda gwötpukñan wahöta kinda keu munenji Jisösgö silene ala nañgöba jigetmö, töndup könañi kun qahö miwikñaiget. Qahö miwikñaigetmö, teteköñe azi yahöt kañgota ⁶¹ *kewö jiyöhöt, “Azi kianñon kewö jiiga mörit, ‘Ni ölop Anutugö jöwöwöl jikenji köndenbiga gölmenöh eriga wehön karöbutkö uruñe mi kunbuk mem wahöta kuñgumam.’ ”

⁶² Mewö jiyohotka jike nup galöm bohonnañ wahöta Jisös qesim wañgiba kewö jiyök, “Yeñon göhö silege keu ala nañgözei, miangö likepñi kun jiman me qahö?” ⁶³ Qesim wañgiiga Jisösnöh yuai bölöñi kun qahö ahökmö, töndup keuñi bökö kinök. Keuñi bökö kiniga jike nup galöm bohonnañ kewö jii mörök, “Nöñon Anutu malmal Tonangö qetñe kewö

† **26:53:** Rom yeñgören liñon me yarö kambu kun mi yarö azi 6000 miangö dop aka maljema. Miangöra yarö kambu 12 miangö jañgöñini mi Suep garata 72.000 miangö dop. * **26:55:** Luk 19.47; 21.37 * **26:61:** Jon 2.19

qesiba kunḡum gihizal: Gi Anutugö Nahönñi Kraist akzan me qahö, mi törörök jiba jöjöpañ keunöñ jim köhöinönḡa mötḡin.”

⁶⁴ *Mewö jiiga kewö jiyök, “Jizani, mönö mia. Miamö, nöñön körek enḡöra kewö jibi mötket: Nalö kewöñeyök könahiba Suep gölmegö azi öññan mönö Kukösum Tonanḡö böröñi öññe tata suepkö kousu qakñe eri ekñe.”

⁶⁵ *Keu mi jiiga jike nup galöm bohönñan malukunji munjurata kewö jiyök, “Yei, iwinanḡö jitñi! Mönö Anutu mepaiköza. Tosatñan keunji nanḡömegöra kunbuk qahö qesim enḡibin. Anutu mepaiközawi, mi döñki nanñinak möt teköze. ⁶⁶ Mianḡöra denöwö mötmörize?” Mewö qesim enḡiiga kewö jim teköget, “Yañön mönö kömupkö buñaya akñe.”

⁶⁷ *Mewö jim teköba jeñe söutkölap söutköm miriba böröñinan misiba mesoholñe qekötahöget. Tosatñan nunḡulumñe qekötahöba ⁶⁸ kewö jiget, “Gi kezapqetok azi Kraist akzananḡöra danñön guhuzawi, mönö yanḡö qetñi qetnöñ mörin.” Mewö.

Pitönöñ Jisös qañ kölö.

Mak 14.66-72; Luk 22.56-62; Jon 18.15-18, 25-27

⁶⁹ Mewö asuhuiga Pitönöñ yaigep kiripo uruñe sombemnöñ tarök. Tari welenqege ambi kunñan yanḡöreñ kaba kewö jiyök, “Gi mewöyök Galili azi Jisösbuk mohotñe malnöñ.” ⁷⁰ Mewö jiyökmö, körek yeñḡö jeñine qañ köla kewö jiyök, “Keu jizani, mi köndatzal.” ⁷¹ Mewö jiba kiripo nanḡuñe geiga welenqege ambi kunñan i eka azi kösutñe kingeri, mi kewö jii mötket, “Azi kianñön mönö mewöyök Nazaret azi Jisösbuk malök.”

⁷² Mewö jiiga kunbuk qañ köla jöjöpañ keunöñ jim köhöiba kewö jiyök, “Nöñön azi mi qahö möt wanḡizal.” ⁷³ Nalö borom kun teköiga azi kösutñe kingeri, yeñön Pitögöreñ kota kewö jiget mörök, “Alakña! Göñön mewöyök yeñḡöreñök kun akzan! Galili keu jöl jizani, mianñön mönö mewöyök mi kondeliga mötzin.” ⁷⁴ Mi möta könahiba nanñi qesuahöm anḡuba jöjöpañ keunöñ jim köhöiba jiyök, “Ni azi mi qahö möt wanḡizal! Munen jibilenak ewö, Anutunöñ mönö likepñi melenñ niñgima.” Mewö jiiga mianḡöreñök kuruk qerök.

⁷⁵ Kuruk qeri möta Jisösnöñ keu kewö jii möröhi, mi mötmöriyök, “Göñön mutuk indimñi karöbut qañ köñ niñginönḡa kuruknöñ qetma.” Keu mi mötmöriba wösöñi julmamḡö aiga yaigep geba sahot böliyök. Mewö.

27

Jisös wanḡita Pailötkö böröñe alget.

Mak 15.1; Luk 23.1-2; Jon 18.28-32

¹ Miri gianñiiga amandinje jike nup galöm pakpak aka kantrigö jitñe meme (70) yeñön tokoba Jisös qeget kömumapkö keunji eraum mötket. ² Eraum mötket teköiga Jisös jöhöba wanḡita Rom premiö Pailötkö böröñe alget. Mewö.

Judasnöñ imbi auyök.

Apo 1.18-19

³ *Jisös qeget kömumawanḡö keunji jim tekögetka Judas mamalolo wanḡiyöhanñön mi möta möt bölim anḡuba silwö monenñ köñ 30 wanḡigeri, mi memba jike nup galöm aka kantrigö jitñememe yeñḡöreñ anda

melenḁa enḁiba kewö jiyök, ⁴ “Nöñön sinḁisöndok aka azi köpösihitñi qahö mi mamalolo mem wañgibiga qeget kömuma.” Mewö jiyökmö, yeñön jiget, “Mi nenḁoreñ yuaia qahö! Mi mönö nangi manjara!” ⁵ Mewö jiget möta silwö monerj köt mi memba gil tipköiga jöwöwöl jike uruñe anök. Aniga nanñi mosöta anda imbi auyök.

⁶ Jike nup galöm bohonñi yeñön monerj köt mi memba kewö jiget, “Monerj ki mönö azi sepñanḁö bohonña. Mianḁöra mi jöwöwöl jikeḁö monerj köwenöñ albingö dopñi qahö. Mewö aka Mosesḁö Köna keu onḁitpinbuk.”

⁷ Mewö jiba eraum möta monerj mianḁön gwakömnöñ kimbut meme azi kungöreñ gölme köröñi kun bohonñi megetka kian ambazip yeñḁö qaksirinjina ahök. ⁸ Mianḁöra aka gölme köröñi mianḁö qetñi mi nalö kewöñe mewöyök toroqeba ‘Gölme köröñi sepñambuk,’ qerakze.

⁹ *Kezapqetok azi Jeremaianöñ keu qeljine jiyöhi, mianḁön mönö öñambuk ahök. Keu mi kewö, “Yeñön Israel könagesöḁö jitñememenjini aka azi mi söñḁöröñi memegöra kewöta algetka silwö monerj köt 30 ahöhi, mi meget. Mi azigö bohonña.

¹⁰ Yeñön mi memba mianḁön gwakömnöñ kimbut meme azi kungöreñ gölme köröñi kun bohonñi meget. Mi mönö Kembunöñ jim kutum niñgiyöhanḁö dop mewö meget.” Mewö.

Pailötnöñ Jisös qesim wañgiyök.

Mak 15.2-5; Luk 23.3-5; Jon 18.33-38

¹¹ Nalö mianḁöreñ Jisösnöñ Pailötkö jeñe kiniga kewö qesim wañgiyök, “Öñja, gi Juda yeñḁö kiña akzan me qahö?” Qesim wañgiiga Jisösnöñ melenḁa jii mörök, “Mönö nangak jizani, mewö.” ¹² Jike nup galöm aka kantrigö jitñememe (70) yeñön keu gwötpuk Jisösḁö silene ala jigetmö, töndup keu kitipñi kun qahö melenḁök.

¹³ Keu böc kiniga Pailötnöñ Jisös kunbuk qesim wañgiba jiyök, “Mötnöñ! Yeñön keu gwötpuk göhö silege ala nanḁöba jizei, mi mötzan me qahö?”

¹⁴ Mewö jiyökmö, Jisösnöñ bölöñi kun qahö ahökmö, töndup keu mienḁö likepñi kun qahö melenḁök. Keu böc kiniga premiönöñ gwötpuk welipköyök. Mewö.

Pailötnöñ Jisös kömumapkö jim teköyök.

Mak 15.6-15; Luk 23.13-25; Jon 18.39-19.16

¹⁵ Rom premiönöñ yambu (yara) dop pasowa sösoñgai nalöñe kösö mireyök azi mohok sihimñinanḁö dop qetñi qeta qesigeri, mi pösat enḁizapma. ¹⁶ Nalö mianḁöreñ azi kun qetñi Barabas qetkeri, yeñön kösö mire tarök. I bölöñamñanḁöra miwidimḁögetka malök.

¹⁷ Mewö aiga tokogetka kewö qesim enḁiyök, “Barabas me Jisös, qetñi Kraist qerakzei, yetköreñök niñja pösat enḁibi etmapköra mötze?”

¹⁸ Galöm yeñön Jisösḁöra köroḁisigisi mötkeranḁöra aka i premiögö böroñe al wañgiget. Mi möta sihimñinanḁö mewö qesim enḁiyök.

¹⁹ Mi mörökmö, jimtekötekögö jakömbuak dum tatatñe tariga anömñan buzup keu kun kewö ali kayök, “Ni merak sunḁem gaun kun eka mianḁöreñ azi mianḁöra aka sihimbööl gwötpuk mötzal. Mianḁöra azi solanñi mi mönö lömböt kude wañgiman.”

* 27:9: Zek 11.12-13

²⁰ Keu mewö kayökmö, jike nup galöm aka kantrigö jitnememe yeñon ambazip kambu uruesiesi mem engiba kewö jiget, “Mönö Barabas pösata Jisös maripomnöñ qemegöra jiman. Mewö qesim wañgime.”

²¹ Mewö jigetka premiönöñ melenđa qesim engiyök, “Azi yahöt mi-etköreñök mönö niñia pösat engibi etmapköra mötze?” Mewö qesim engiiga “Barabas!” jiget. ²² Mewö jigetka Pailötnöñ kewö qesim engiyök, “Mewö jizeañgöra Jisös, qetñi Kraist qerakzei, nöñon i mönö denöwö ak wañgibileñak?” Mewö qesim engiiga yeñon körek qetket, “Mönö maripomnöñ qeget jiman!”

²³ Mewö qetketka premiönöñ jiyök, “Mi wuanöñgöra? Yañon mönö wani bölöña ahök?” Mewö jiyökmö, yeñon mi möta kapan köla toroqeba qet gigilahöba kewö qetket, “Mönö maripomnöñ qeget jiman!” ²⁴ *Mewö qetketka kezap-ölök aketka göjupmajupnöñ kunbuk qariiga Pailötnöñ mi eka möta bim karim asuhubapuköra o memba böröñi ambazip kambu jeñine sañgonđa kewö jiyök, “Azi kiangö sepñi mokoget gemawí, mianñon mönö nöñgö qakne qahöpmö, mönö nanñini qakñine öñgöma.”

²⁵ Mewö jiiga ambazip kambu körek pakpak yeñon kewö melenget, “Sepñangö likepñan mönö nini aka nahönböratnini nengö qaknine öñgöma!” ²⁶ Mewö melengetka Pailötnöñ Barabas pösat engii erökmö, Jisösa jiiga ihilek wahinambuknöñ qeyöyaköba qeget. Mewö qegetka maripomnöñ qemegöra Rom yarö azi yeñgö böröñine alök. Mewö.

Jisös kukulömbuan ak wañgiget.

Mak 15.16-20; Jon 19.2-3

²⁷ Böröñine aliga Rom premiögö yarö azi yeñon Jisös wañgita premiögö jakömbuak mirigö kiripo uruñe angotket. Angota yarö kambu lökñanök öröm engigetka kaba tokoba Jisös liliköm wañgiget. ²⁸ Liliköm wañgiba nanñi sile esuñi köteköba maluku pisikñi gugakgugak kun löngöt wañgiget. ²⁹ Löngöt wañgiba sötman kösö limbinđa ila ewö nööröpñe kölget geyök. Geiga jehot kun böröñi ölñe ala simin köl wañgiba göngönahit ak wañgiba kewö jiget, “Owe owe, Juda yeñgöreñ kiñ, owe!”

³⁰ Titipepe mewö aka söutkölap qeba jehot öröpñi wañgita mianñon nööröpñe qeget. ³¹ Mepaqepaik mewö ak wañgim teköba maluku pisikñi gugakgugak mi qeköba nanñe sile esu kunbuk löngöt wañgiba maripomnöñ qebingöra wañgita anget. Mewö.

Jisös maripomnöñ qeget.

Mak 15.21-32; Luk 23.26-43; Jon 19.17-27

³² Anda köna namñe azi kun qetñi Saimon miwikñaiget. Yañon Afrika siti qetñi Sairini miangö aziña. Miwikñaiiba kuñgum wañgigetka Jisösgö maripomñi memba anğuyök. ³³ Jisös mewö wañgita gölme kun qetñi Golgota mi nanine keunöñ Nöröpsihit, miangöreñ anda angotket. ³⁴ *Angota wain o aka marasin qetñi mör mi mindiriba lolonqaloñ memba nemapköra wañgigetmö, Jisösnöñ mi esapköba memba möta tököyök.

³⁵ *Tököiga kinda maripomnöñ qeget. Qeget kiniga kiawen meget qötöñi ahuiga miangö dop Jisösgö sile esuñi sutñine mendenđa meget. ³⁶ Mi memba tata Jisös jegalöm ak wañgiget. ³⁷ Nööröpñe eu qegerañgö

* 27:24: Dut 21.6-9 * 27:34: Sum 69.21 * 27:35: Sum 22.18

könañi kewö ohoba qeget, 'Juda yengö kiñ kembuñina ki.' ³⁸ Kegwek-kahasiliñ azi yahöt mi yambuk maripomnöñ etkuget. Kun böröñi ölñe, kun qañeñe likeplikep mewö etkuget.

³⁹ *Ambazip oñgita anda kaba kukulömbuan aka jelikit aka nörop köla kewö jiget, ⁴⁰ *"Yei! Gi mönö jöwöwöl jike ölöp köndenöñga gölmenöñ eriga wehön karöbutkö uruñe kunbuk mem wahöt kuñgumamgö jinöñ. O, gi azi qetpuk! Gi Anutugö Nahönña akzan ewö, mönö ölöp nangi bauköm añguba maripomnöñök etman."

⁴¹ Jike nup galöm, Köna keugö böhi aka kantrigö jitñememe yeñön mewöyök mepaqepaik ak wañgiba kewö jiget, ⁴² "Tosatña bauköm eñgiba malökmö, nanñi bauköm añgumamgö osiza. Yanñon Israelgö kiñ akza ewö, mönö döлки maripomnöñök eri eka mi möt naribinak. ⁴³ *Yanñon Anutu möt narim wañgiba ewebibiñambuk mala nanñanñöra 'Anutugö Nahönñi akzal' jiiga mörin. Ayop, Anutunöñ i nalö kewöñe meköm wañgimamgö mötza me qahöwi, mi ölöp ekin." Mewö jiget. ⁴⁴ Kegwek-kahasiliñ azi yambuk maripomnöñ etkugeri, yetköñ mewöñanök uruqeçe keu töhöreñ jim wañgiyohot. Mewö.

Jisösnöñ kömuyök.

Mak 15.33-41; Luk 23.44-49; Jon 19.28-30

⁴⁵ Silim bibiñi 12 kilok aiga miangöreñök söñaupnöñ eta gölme pakpak dop köla ahöiga anda aua karöbutkö dop ahök. ⁴⁶ *Jisösnöñ 3 kilok miangöreñ nanñe keunöñ kewö qet ketañi qerök, "Eloi, eloi, lama sabaktani?" Mi nanine keunöñ: Anutuni, Anutuni, mönö wuanöñgöra andö nuñguzan?

⁴⁷ Mewö qeriga azi kösütñe kingeri, yeñgöreñök tosatñan mi möta jiget, "Mönö Elaijagöra qetza." ⁴⁸ *Miangöreñök yeñgöreñök kunñan ösumñan anda mömöndö kun kahali tandök mi memba wain o asöñambuknöñ kundumgöba ip göröm kitipñe jöhöba suruba Jisös numbuñe eu ali neyök. ⁴⁹ Neyökmö, tosatñan jiget, "Mönö mosötketka nanñök kinök. Elaijanöñ kaba meköi etma me qahöpto, mönö mi ekin."

⁵⁰ Mewö aketka Jisösnöñ kunbuk qet ketañi qeta söñgöro ösum kondikñi öroba kömuyök. ⁵¹ *Kömuiga miangöreñök jöwöwöl jikegö uruñe opo * kinöhi, mianñon euyök bibiñe jurata eta yahöt ahök. Mewö eriga gölmenöñ kenöñ ketañan meiga köt ketañi ketañi mesiñök. ⁵² Qaksirigö köt köteñi miengö numbuñinan nanñök añañigetka ambazipñi sarakñi kömugeri, yeñgöreñök gwötpukñan guliba wahötket. ⁵³ Wahöta qaksirigö köt köteñini mosöta Jisösnöñ kömupnöñök wahörohö, miangö andöñe Jerusalem siti töroñi miangöreñ kaba ambazip gwötpuk asuhum eñgigetka eñgeget.

⁵⁴ Suahö galöm aka yarö azi yambuk Jisösgö jegalöm memba malgeri, yeñön kenöñ meiga yuai tosatñi pakpak asuhuyöhi, mi eka auruba jönömñini gwötpuk unduiga keñgötporiñ aka kewö jiget, "Yanñon mönö ölña Anutugö Nahönña akza."

⁵⁵ *Ambi gwötpukñan sikep kinda yuai mi mewöyök eket. Yeñön Jisös wuatangöba Galiliyök kaba welen qem wañgiba malget. ⁵⁶ Yeñgö sutñine

* 27:39: Sum 22.7; 109.25 * 27:40: Mat 26.61; Jon 2.19 * 27:43: Sum 22.8 * 27:46: Sum 22.1 * 27:48: Sum 69.21 * 27:51: Eks 26.31-33 * 27:51: Opo mi jöwöwöl jikegö olenji kömbukñi aka olenji töroñi kötökñi mietkö sutñire kinök. * 27:55: Luk 8.2-3

Magdalagö Maria aka Maria Jeims aka Joses yetkö namñiri aka Zebedigö nahönyahöt yetkö namñiri. Mewö.

Jisösgö qamötñi löm kölget.

Mak 15.42-47; Luk 23.50-56; Jon 19.38-42

⁵⁷ Mare aiga Arimatia azi pomñi kun qetñi Josef kayök. Yanön mewöyök Jisösgö gwarekñi kun ahök. ⁵⁸ Yanön Pailötgörej anda Jisösgö qamötñi memangö qesiyök. Qesiiga suahö azinöñ mi Josef wanjimegö jim kutum enjgiyök.

⁵⁹ Jim kutum enjgiiga Josefnöñ anda Jisösgö qamötñi memba eta opo tuatñan esuhuyök. ⁶⁰ Esuhuba memba qaksirinöñ anda nanñi köteñ döläkñi kötnöñ urorohogetka kinöhi, qamötñi mi miangörej alök. Mewö ala köt ketanji kun metaliga köteñ numbuñi közipköiga mosöta anök. ⁶¹ Magdalagö Maria aka Maria alanji kun yetköñ miangörej köt köteñ mesohol köla tarohot.

Yarö azi qaksiri galöm meget.

⁶² Sabat kendon tatatköra yuai mözözmögöba ahöba wahöta miangörej jike nup galöm aka Farisi (Köna keugö kapañkölköl) yeñön Pailötköreñ anda tokoba kewö jiget, ⁶³ **“Ketanamnini, enjolongö urukungukungu azi miangön jebuk malöhi, nalö miangörej kewö jii mörin, ‘Nöñön wehön karöbut teköiga kunbuk guliba wahötmam.’ Neñön keu mi mötmörizin.*

⁶⁴ Miangöra göñön ölop yarö aziurupki jinöñ möta qaksirinöñ anda mi törörök jegalöm memba malgetka wehön karöbut teköiga mosötme. Mewö qahö galöm membeak ewö, gwarekurupñan mönö anda qamötñi ölöñ memba asamböta ambazip kewö jiget mötpeak, *‘Jisösnöñ mönö kömupnöhök wahörök.’* Mewö jigetka tilipqilip enjolonñ keu kondikñi ki-anön mönö enjolonñ keu mutukñi ongiriga böliqölibapuk.” ⁶⁵ Mewö jigetka kewö jii mötket, *“Yarö azi ki mönö ölop enjuangita anda al enjigetka qaksiri köteñ numbuñi mi törörök galöm köl soroköme.”*

⁶⁶ Mewö jii möta qaksirinöñ anda köt köteñangö numbuñe köt ketanji algetka közipköba kinöhi, mi supañi ala yarö azi al enjigetka jegalöm köhöikñi meget.

28

Jisösnöñ kömupnöhök wahörök.

Mak 16.1-10; Luk 24.1-12; Jon 20.1-10

¹ Sabat kendon tatket teköiga Sonda söñanök wahöta miri gianjiiga Magdalagö Maria aka alanji Maria kun yetköñ qaksirigö köt köteñ ek-itkö anohot. ² Anohotka miangörejök kenöñ ketanji kewögöra meyök: Kembangö garata kunöñ Suepnöhök eta qaksirinöñ kaba numbuñe köt ketanji qetali ani qakñe tarök. ³ Garatagö kaisongolomñi mi wöl ewö aiga malukuñi mi kousu ewö tuat lalamñi ahök.

⁴ Mewö asuhuiga yarö azi qaksiri galöm megeri, yeñön yangöra awöwöliba jöñomñini undui kömum töriget. ⁵ Mewö aketka garatanöñ ambi yahöt yetköra keu kewö jiyök, *“Jisös maripomnöñ qegeri, injiri yangöra jaruzahot, mi mötzal. Miangöra mönö kengetñiri kude mötmahot.* ⁶ Nanñak jiyöhangö dop mönö kömupnöhök wahötza. Miangöra ki qahö ahöza. Mönö kaba dum ahöyöhi, salupñi mi ekñahot.

* 27:63: Mat 16.21; 17.23; 20.19; Mak 8.31; 9.31; 10.33-34; Luk 9.22; 18.31-33

⁷ “Mi eka ösumok gwarekurupņi yeņgöreņ anda buzup keu ki jiyohot mötme, Jisösnöņ kömupnöhök wahötza. Mötket, yaņön mönö qeljiņe mutuk Galili prowinsnöņ anma. İnini ölöp miangöreņ anda i ekņe. Mötket, nöņön mi lök jibi mötze.”

⁸ Mewö jiiga zilaņök qaksiri mosöta keņgötņiri möta töndup önöņi qahö söņgaiba buzup mi memba gwarekurupņi jiyohot mötmegöra ösumņiran anohot. ⁹ Ösumņiran anohotka Jisösnöņ i könanöņ asuhum etkiba “Söņanņiri!” jiyök. Mewö jiiga kösutņe anda sipköba könaņe meraköba waikņi memba möpöseim waņgiyohot. ¹⁰ Möpöseim waņgiyohotka kewö jii mörohöt, “Keņgötņiri kude mötmahot. Mönö anda munurupnan Galili anmegö keu jiyohotka miangöreņ anda ni nekņe.” Mewö.

Qaksiri galöm meme yeņön kösohotņini jiget.

¹¹ Ambiyahöt yetkön köna anohotka qaksirigö köt köteņ galöm meme yarö azi tosatņan sitinöņ kaba jike nup galöm eņgeka yuai pakpak asuhuyöhi, miangö kösohotņi jiget mötket. ¹² Yeņön mi möta Juda yeņgö jittjememeurupņini öröm eņgigetka mohotņe totoko ala Jisös wahötwahötkö keu asambötpingö keu areņ miwikņaiba moneņ keta bölökņi mi yarö azi eņgiget.

¹³ Mi eņgiba kewö jim kutum eņgiget, “İnini mönö keu kewö jime: Nini sungem gaun ahöinga gwarekurupņan ölöņ kaba qamötņi yoņgorö memba anget. ¹⁴ Keu mewö jigetka keu miangön premiögö kezapņe gei mötma ewö, lömböt eņgö qakņine öņgöbapuköra neņön mönö uruņi mölöwöriba memba eta alinga waimanjat qahö malme.”

¹⁵ Mewö jim kutum eņgigetka miangö dop aka moneņ memba anda nup keuņini wuatangöget. Mewö aketka Juda yeņön keu mi sutņine jim sehigetka möta malgetka anda nalö kewöņe mewöyök mi toroqeba jiget mörakzin. Mewö.

Misin nup membingö jimkutukutunji

Mak 16.14-18; Luk 24.36-49; Jon 20.19-23; Apo 1.6-8

¹⁶ *Gwarekurup 11 yeņön Jerusalem mosöta Galili prowinsnöņ anda Jisösnöņ kunduņe anmegöra jiyöhi, miangöreņ öņgöget. ¹⁷ Miangöreņ öņgöba Jisös eka waikņi memba möpöseim waņgigetmä, tosatņan yangöra uruyahöt aket. ¹⁸ Möpöseim waņgigetka yeņgöreņ kaba kewö jiiga mötket, “Suepkö aka gölmeğö kukösum pakpak mi Anutunöņ niņgiiga nöņgöreņ ahöza.

¹⁹ **“Miangöra inini mönö gölme dop anda ambazip kambu pakpak kewö eņgömegetka nöņgö gwarekurupni akņe: I mönö Iwi, Nahön aka Uņa Töroņi neņgö qetnine o melun mem eņgime ²⁰ aka nöņön keu wuatangömegöra jim kutum eņgiali, mi pakpak tem kölmeğöra mönö kusum eņgiba malme. Mötket, nöņön mönö nalöņi nalöņi embuk mala anda malbiga gölmeğö nalöņan teköma.”* Mewö.

* 28:16: Mat 26.32; Mak 14.28 * 28:19: Apo 1.8

Mak Ölöwak Buṇa Maknōṅ ohoyök. Jim-asa-asari

Mak namṅi qetṅi Maria, iwiṅi qetṅi qahö mötzin. Jerusalem siti tonṅi malget. (Aposol 12.12) Nanṅi kösohotṅi kun qetṅi qahö qeta boṅ 14.51-52 mianṅöreṅ ohoi ahöza. Pitōnōṅ baukōm waṅgiiga uruṅi melenṅiga Buṇa kusum waṅgiyök. Waṅgiiga numbutṅi Barnabas aka Pol yetpuk lilikōba misin nup memba anda Pol mosöta deṅnohot. Deṅnohotka toroqeba nup memba mala Buṇa kösohot mohok mohok qezakōba mindiriba kian kantri yeṅgöra Grik keunōṅ ohoyök. Jisösgö keuṅi mi Arameik. Mi “Eli eli lama lama sabaktani,” mianṅö dop.

Jisösnōṅ urugö nupṅi denöwö memba Anutugö Nahōnṅi aka ambazip baukōm enṅiba malōhi, Maknōṅ keu mi jim asariba ohoyök. Jisösgö nupṅi bohōnṅi karöbut: Buṇa kusum enṅiyök, ömewöröme közöl enṅiyök aka siṅgisōndok mosöta kawölṅi kawölṅi mem ölöwahök.

Buk kianṅö bahōṅi bohōnṅi 6 mi kewö:

Keu mutukṅi: Jon aka Jisös 1.1-13

Qenjarök nup Galili uruṅe meyök 1.14–9.50

Galili mosöta Jerusalem anök 10.1-52

Jerusalem Sonda mohot mala kömuyök 11.1–15.47

Jisösnōṅ kömupnöhök wahörök 16.1-8

Wahöta asuhuba Suepnōṅ öṅgöyök 16.9-20

¹ Amötqeqe Tonṅi Jisös Kraist mi Anutugö Nahōnṅi akza. Nōṅön yangö Ölöwak Buṇaṅi könahiba ohozal.

Jonōṅ Jisösgö köna mesarök.

Mat 3.1-12; Luk 3.1-18; Jon 1.19-28

² * Anutunōṅ Suep uruṅe Nahōnṅaṅgöra keu kun jiiga kezapqetok azi Aisaianōṅ mi ohoiga yangö Buzup Kimbinōṅ kewö ahöza, “Mötnōṅ. Nōṅön kolek garatani kun melaibiga qeljiṅe anda ambazip uruṅini mindiṅgöba göhö könagi mesariga göṅön yangö andōṅe gölmenōṅ geman.”

³ * “Kolek garata kunōṅ gölme qararanṅkölkölṅe qeta maliga anda qetṅi kewö mötme, ‘Kembunōṅ kamawo! Mianṅöra mönō jöjöröba könāṅi mesatket. Mönō uruṅini mindiṅgöba könāṅi qölöleiget’.”

⁴ Keu mianṅö dop azi kun qetṅi Jon asuhuyök. Qetṅi alaṅi O-melun azi. Asuhuba gölme qararanṅkölkölṅe mala kindā Buṇa keuṅi kewö jiba malök, “Inṅini mönō uruṅini melenṅetka nōṅön o melun mem enṅimam. Mewö aketka Anutunōṅ siṅgisōndokṅini sanṅonṅa mosötma.” ⁵ Mewö jiba maliga Judia prowinsgö miriṅi pakpak aka Jerusalem siti yeṅön kambuṅi kambuṅi köla öröba Jongöreṅ kaget. Kaba kanṅota siṅgisōndokṅini jim miwikṅaigetka Jonōṅ i Jordan o töwatṅe o-melun mem enṅiyök.

⁶ * Jongöreṅ silepöke mi kamel jupṅan memenṅi aiga kembangan örigit sömbup silenṅan memenṅi mi jöhöba malök. Nenenamṅi mi gawöt jinam aka arökṅaṅgö moronṅi, mia memba malök. Mi pakpak kezapqetok azi

* 1:2: Mal 3.1 * 1:3: Ais 40.3 * 1:6: 2 Kir 1.8

Elaija (Elia) yangö dowa. ⁷ Jonöñ keu kewö jim asariba malök, “Nöñgö andöne azi kukösumñi köhöikñi kun kama. Yangö kukösumñi öñgöñgöñan mönö nöñgöreñ ongitma. Yangön azi öñgöñgöñi akñawangöra nöñön yangö köna esuñangö kösöñi bauköba pösatmamgö qötötangömam. ⁸ Nöñön o töhönöñ melun mem engizalmö, yangön mönö Uña Töröñan melun mem engima.” Mewö.

Jonöñ Jisös o melun mem wangiyök.

Mat 3.13-17; Luk 3.21-22; 4.1-13

⁹ Nalö miangöreñ Jisösnöñ Galili prowinsgö miri Nazaret miangöreñök Jongöreñ kaiga Jordan o töwatñe o-melun mem wangiyök. ¹⁰ Mem wangiiiga onöhök koriga miangöreñök Suepnöñ anañiiga Jisösnöñ uba ehiga Uña Töröñi melenja kembö nei ewö aka Jisösgö qakñe eta meöyk. ¹¹ *Mi ehiga Suep mireyök keu kun kewö asuhuyök, “Göñön mönö nani wölböt nahöni aknöñga köröni ölöwahiga geknahöm ak gihizal.” Mewö.

Satanöñ Jisös esapköba malök.

Mat 4.1-11; Luk 4.1-13

¹² O melun mem wangiiiga miangöreñök Uña Töröñan Jisös kungum wangiiiga gölme qararankölkölñe anök. ¹³ Anda wehön 40 miangö dop miangöreñ maliga öme bohonnini Satan yangön esapköm wangiba malök. Sömbup kalñi miengö sutñine maliga Suep garata yeñön bauköm wangiba malget. Mewö.

Jisösnöñ gwarekurupñi mutukñi engoholök.

Mat 4.12-22; Luk 4.14-15; 5.1-11

¹⁴ Könañgep Jon kösö mire alget tariga Jisösnöñ nalö miangöreñ Galili prowinsnöñ lilingöba anök. Anda Anutugö Ölöwak Buñaji jim asariba malök. ¹⁵ *Jim asariba kewö jiyök, “Anutunöñ bemtohoñi almawangö nalöñan mönö dopdowiza. Anutunöñ nalö aliga mala malgetka döli akza miangöra mönö uruñini melenja Ölöwak Buña möt nariget.” ¹⁶ Jisösnöñ mewö jiba liliköba mala Galili o angögö görañe mötöteiba anda söra örörö azi yahöt ekehök. Qetñiri Saimon, munñi qetñi Andru. Yekñön mösakñiri o angönöñ söra öröbitköra gila malohot. ¹⁷ Jisösnöñ etkeka kewö jiyök, “Aziyahöt, inñiri mönö ni nuatangöba kayöhotka kusum etkibi ambazip söra ewö öröm engimakñahot.” ¹⁸ Mewö jiiga miangöreñök mösakñiri mosöta könahiba Jisös wuatangöba anöhot. ¹⁹ Jisösnöñ yetpuk borom kun toroqeba anda Zebedigö nahöñni Jeims aka munñi Jon ekehök. Yetkön mewöñanök wangenöñ tata mösakñiri möhamgöba jöhöba malohot. ²⁰ Malohot ekeka miangöreñök etkoholök. Etkoholiga iwiñiri Zebedi aka monerñ nup aziurupñi wangenöñ engömosöta könahiba Jisös wuatangöba andöñe anohot. Mewö.

Jisösnöñ öme kun wuatangöyök.

Luk 4.31-37

²¹ Mewö mohotñe anda Kaperneam sitinöñ angotketka Sabat kendon aiga Jisösnöñ miangöreñök köuluk miriñine öngöba Buña kusum engiyök. ²² *Köna keugö böhi ewö qahöpmö, kukösum ahöm wangiyöhangö dop kusum engiba ahakmemenangö dop akñegöra jiyök. Miangöra könagesö yeñön mi eka auruba welipköget.

* 1:11: Jen 22.2; Sum 2.7; Ais 42.1; Mat 3.17; 12.18; Mak 9.7; Luk 3.22 * 1:15: Mat 3.2 * 1:22: Mat 7.28-29

²³ Kōuluk miriṅine mianḡoreṅ nalō mianḡoreṅök azi kun ömeṅambuk tariga öme mianḡon qetṅi kewō qerök, ²⁴ “O Jisōs, Nazaret azia! Gi wania ak neṅgimangō kuzane? Mōnō ayuhum neṅgimangōra kazan me? Ni kōnaṅamgi mōt kutuzal. Gi Anutugōreṅ azi Tök-kutukutuṅi mi akzan.”

²⁵ Mewō qeriga Jisōsnōṅ tembula kewō jim waṅgiyök, “Gi mōnō keugi bōkōiga azi ki mosōta kesalnōṅ.”

²⁶ Mewō jim waṅgiiga ömenōṅ azi mi utukōba urepkōm waṅgiba qet bōlōbōlō qeta kota mosōta anōk. ²⁷ Aniga kōrekṅan nembōṅini tekōiga welipkōba qesim aṅguba kewō jiget, “Yei! Ki mōnō wani yuaia? Ki mötmōt dōlōkṅi kukōsumṅambuk. Yanḡon ömewōrōme mewōyök jim kutum eṅgiiga jitiṅi tem kölje.”

²⁸ Mewō asuhuiga Jisōsgō qetbuṅaṅan kōnōpuk sehiba miri kōsutṅe tat angeri, mianḡoreṅ anda anda Galili prowins pakpak dop kölök. Mewō.

Jisōsnōṅ kawōl ambazip gwōtpuk meiga ölöwaket.

Mat 8.14-17; Luk 4.38-41

²⁹ Jisōsnōṅ Kaperneam yeṅgōreṅ kōuluk miri mosōta mianḡoreṅök Jeims Jon yetṅuk Saimon aka Andru yetkō mire öṅgōget. ³⁰ Mianḡoreṅ öṅgōgetka Saimongō suhunṅan silekōnōp kawōl yōhöi ahōyök. Ahōiga buzupṅi mi ösumok Jisōs jiget mōrök. ³¹ Jiget mōta yaṅgōreṅ anda bōrōṅe memba kōkōbiiga wahōrök. Wahōriga silekōnōpṅan mosōriga nene ohoba gumohom eṅgiyök.

³² Gumohom eṅgiiga mare aiga wehōn jeṅi geiga mianḡoreṅ Kaperneam toṅi yeṅon kinda ambazipṅi ambazipṅi kawōl ömeṅinambuk mi kōrek eṅguanḡita Jisōsgōreṅ kaget. ³³ Kaperneam taonöhök kambulelembenōṅ kaba Saimongō miri naṅuṅe tokoget. ³⁴ Tokogetka kinda ambazip kawōl kōnaṅi kōnaṅi eṅgōhöyōhi, mi gwōtpuk mem ölöwak eṅgiyök. Mewōyök ömewōrōme yeṅon Jisōsgō kōnaṅi mötkeṅaṅgōra Jisōsnōṅ numbuṅini muhungōba gwōtpuk eṅguanḡoyōk. Mewō.

Amōt bōrōṅi Galili kōrek dop kölök.

Luk 4.42-44

³⁵ Jisōsnōṅ gaun ahōiga miri waṅaraṅ suruiga wahōta miri yaigepṅe geba gōraṅe anda nanḡök tiṅ kutuba mianḡoreṅ kōulukōyōk. ³⁶ Kōulukōiga Saimon aka alaurupṅi yambuk malgeri, yeṅon zilaṅ kōnaṅe anget. ³⁷ Anda miwikṅaiba kewō jiget mōrök, “Ambazip kōrekṅan mōnō göhöra jaruze.”

³⁸ Mewō jigetka mōta kewō jiyök, “Miri tosatṅi tosatṅi lilikōba tat anjei, ekze. Nōṅon Buṅa keu miri dop jim sehimangōra eta maljal. Mianḡōra mōnō miri lilikōba anbin.”

³⁹ *Mewō jiba anda Galili prowins kōrek lilikōba kōuluk miriṅine Buṅa keu jiba ömeṅi ömeṅi mi eṅguanḡōba malök. Mewō.

Jisōsnōṅ uzikuku azi kun mem solaniyök.

Mat 8.1-4; Luk 5.12-16

⁴⁰ Jisōsnōṅ taon kunōṅ maliga uzikuku azi kunṅan kaba simin kōla Jisōsgō wōsōṅe geba kewō kōulukōm waṅgiyök, “Gōṅon sihimgan mem ölöwak niṅgimangō mötzan ewō, mōnō ni ölop mem solanim niṅgiman.”

⁴¹ Mewō jiiga yaṅgōra wōsōṅi mōta bōrōṅi bōraṅda silenṅi misiriba jiyök, “Nōṅon mi akṅamgō mötzal. Gi mōnō solaniman.” ⁴² Mewō jiiga uzikukuṅi mi mianḡoreṅök solanii ölöwahök. ⁴³ Solaniiga galōm

* 1:39: Mat 4.23; 9.35

meme keu köhöikñi waŋgiba miangörejök “Ölöp anman,” jiyök. ⁴⁴*Goro mi kewö jiiga mörök, “Mötnöñ. Kiangö buzup keuñi mi kun kude jinöñ mötme. Qahöpmö, mönö jike nup galömgöreñ anda silegi kon-del waŋgiman aka Mosesgöreñ jimkutukutu wuatangöba solanizanangö saiwap nalukñi ala jöwöwöl ohoman. Mi ohonöñ ehiga ambazipnöñ könañangi möt kutume.”

⁴⁵ Jisösnöñ mewö jiyökmö, yañon anda töndup könahiba keu buzupñi mi gwötpuk jiba maliga sehiyök. Sehiiga Jisösnöñ taonñi taonñi miangöreñ aukñe kunbuk anmangö osiyök. Osiba taon andöñine miri gwamönñi miangöreñök malök. Miangöreñ maliga miri dop miangöreñök ambazipñi ambazipñi mi yangöreñ kaget. Mewö.

2

Jisösnöñ azi sile likepñi kömukömuñi möhamgöyök.

Mat 9.1-8; Luk 5.17-26

¹ Mewö liliköiga nalö tosatñi teköiga Jisösnöñ lilingöba kunbuk miriñe Kaperneam kayök. Kaiga “Mire malja,” jiget mötket. ² Ambazip gwötpukñan mi möta tokoba yangö miri nangu söndakñe gwözöñda sombemñe kokolak qeget. Kokolak qegetka Jisösnöñ kinda Buña keu jiiga mötket. ³ Mötketka miangöreñ azi kun sile likepñi kömukömuñi, mi waŋgita yangöreñ kaget. Azi 4:ñan i kululunöñ ala aŋguba kaget. ⁴ Kagetka gwözöñda kingerangöra aka Jisösgö kösutñe anda albingö osiget. Osiba miri qakñe öñgöba Jisösgö bohonñeyök bo esim lununget. Lunungetka kinimñi ahuiga miangöreñ kawöl azi mi kululunambuk kösönöñ jöhöba algetka geiyök. ⁵ Mewö geiga Anutu möt narim waŋgigeri, Jisösnöñ yengö tandökñini mi ehi dop köliga kawöl azigöra kewö jiyök, “Nahöni! Nöñon siŋgisöndoki mosötzal.”

⁶ Mewö jiiga Köna keugö böhi tosatñan sutñine tata uruñinan kewö mötmöriget, ⁷ “Azi kianön denöwögöra mewö jiza. Mönö Anutu ilita mepaqepaik akza. Anutu mohotñan siŋgisöndokñini mosörakzapmö, azi kunñan mi qahö.”

⁸ Uruñinan mewö mötmörigetka Jisösnöñ miangöreñök uruñan mi möt kutuba kewö jii mötket, “Inini mönö wuanöñgöra keu mewöñi uruñinan mötmörize? ⁹ Nöñon ‘Siŋgisöndoki mosötzal,’ kawöl azigö mewö jizali, keu mianön mönö awamñanök jijina. Kunñan mewö jiiga tosatñan keu miangö ölni qahö ekñe. Miangöra mi keu awamñangö dop. Nöñon keu kun kewö jimangö mötzal, ‘Mönö wahöta tumbulahöpki memba anöñ.’ Keu mi mönö lömbötñambuk jijina akza. Mewö jibiga ölni ahuma me qahöwi, mianön mönö aukñe asuhui ekñe. ¹⁰ Mötket, gölmenöñ siŋgisöndok mosötmosötkö kukösumñi mi Sup gölmegeö azi ölnangöreñ ahözawi, inini miangö könañangöra janjuñ malbepuk. Miangöra keu lömbötñi mi azi kiangöra jibi ölni eket,” Mewö jiba azi sile likepñi kömukömuñangö jeñe eka jiyök, “Nöñon göhöra jizal: Gi mönö wahöta tumbulahöpki memba mirige anöñ. Keu lömbötñi mi ölnambuk akña ewö, keu awamñi mi mönö mewöyök denöwögöra omani akawak?” ¹¹ Mewö jiba azi sile likepñi kömukömuñi kewö jii mörök, “Nöñon göhöra jizal: Gi mönö wahöta tumbulahöpki memba mirige anöñ.”

¹² Jiiga mönö wahöta miangöreñök tumbulahöpñi memba ambazip pakpak yengö jeñine yaigepñe anök. Mewö aniga körekñan welipköba

* 1:44: Lew 14.1-32

Anutu möpöseiba kewö jiget, “Yei! Tandök kewöni mi mönöwök nalö kungen qahö ehin. Qahö. Dölki je murutña ekzin.” Mewö.

Jisösnöy Matyu (Liwai) oholök.

Mat 9.9-13; Luk 5.27-32

¹³ Jisösnöy kumbuk Kaperneam mosöta anjönöy geba sak qöhöröy anda malök. Maliga ambazip kambulelembenöy yangören kagetka Buña keu kusum engiyök. ¹⁴ Anda takis ofis ongitmamgö aiga miangören azi qetnji Liwai Alfiusgö nahönji tariga eka jii mörök, “Gi mönö nöngö andöne kanöy.” Mewö jiiga möta wahöta takis nup mosöta Jisösgö andöyane anök.

¹⁵ Anda Liwaigö mire anda nene nempa tatkeri, nalö miangören kaba Jisös aka yangö gwarekurupni yembuk tata nene mohokne neget. Gwötpukñan mönö Jisös wuatangöba malget. ¹⁶ Jisösnöy takis meme tilipqilipñinambuk aka siñgisöndok ambazip tosatnji yembuk tata nene negeri, mi Farisi (Köna keugö kapañkölköl) aka yengören böhi tosatñan eka Jisösgö gwarekurupni kewö jim engiget, “Aek! Yanön mönö wuanöngöra takis meme tilipqilipñinambuk aka siñgisöndok ambazip yembuk tata nene neza? Mi qahö dop kölja.”

¹⁷ Mewö jim engigetka Jisösnöy likepni kewö jii mötket, “Sile unditudit ambazipnöy doktagöra qahö ak engimakzapmö, kawöl ambazipnöy doktagören anakze. Nöñön siñgisöndok ambazip engoholmamgöra kaba maljalmö, ambazip nanñinanjög mötketka solannji akzei, i qahö.” Mewö.

Nene siñgi malmalgö keunji

Mat 9.14-17; Luk 5.33-39

¹⁸ Nalö miangören Jongören gwarekurupni aka Farisi (Köna keugö kapañkölköl) yeñön nene siñgi malgetka tosatñan Jisösgören kaba kewö qesiget, “Jon O-melun azigö gwarekurupni neñön Anutugöra nene siñgi malahakzin. Farisi (Köna keugö kapañkölköl) yengö gwarekurupñinan mewöñanök aka malje. Nangi gwarekurupkan mönö wuanöngöra Anutugöra siñgi qahö malje?”

¹⁹ Mewö qesigetka kewö melenök, “Ölña! Nini wani nalönöy nene siñgi malakzin? Ambi meme nalöyane azigö andöurupñan könöpni algetka ambigö sepkitipurupñan yuai mi tökömakze me qahö? Nöñön nani gwarekurupni yengö azi buñaya aka yengö sutñine köisirik tatzal. Tatpiga yeñön miangöra aijölöy söñgaiba tata siñgi malbingö osimakze. ²⁰ Osimakzemö, Anutunöy noanjiri kömumbiga yeñön mönö nalö miangören ölop siñgi malakñe.

²¹ (Inini malmal walñi aka sösoñgai Buña dölökñi mi mindirim etk-ibingö osime. Miangö keu pasetnji mi kewö jibi mötket;) Löngölöngöt walñi jurariga kunñan opo dölökñi qahö sanjongsanjonji mitiba mianjön opo su jöhanñi qahö uhum memba umgörengömakza. Mewö akawak ewö, opo su jöhanñi dölökñan mönö waziba löngölöngöt walñi öröiga kumbuk tiñgiriga kinimñan qariba böliqölibapuk. ²² Mewöñanök kunñan wain o dölökñi mi jobö me toru walñi lama silenñan memenji miangören qahö kusuiga gemakza. Mewö akawak ewö, wain o dölökñan mönö qariba toru qesiñniga jula mokoiga gölmenöy eta sohoiga toruñan böliqölibepuk. Miangöra wain o dölökñi mi toru dölökneyök mokoin geiga dop kölma. (Mewöñanök o ölopñi mi gina gisagisahöyane qahö umakzin. Mewö ubinak ewö, mianjön mönö jula kisipisirik eriga nempa kawöl neñgöhöbapuk.

Mewö akapuköra o ölopñi mi gina ölopñe umakzin. Injini mewöyök malmal walñi aka Ölöwak Buña dölökñi mi mindirim etkibingö osime.) Mewö.”

Jisösnöñ Sabat kendongö Kembuñi akza.

Mat 12.1-8; Luk 6.1-5

²³ *Miangö andöñe Sabat kendon kunöñ Jisösnöñ wit padi nup köröñi ketanji kutuba anök. Aniga gwarekurupñan wösöñini enğuiga wit öññi mohot mohot könahiba böröñinan misiba neget. ²⁴ Mewö negerangöra Farisi (Köna keugö kapankölköl) tosatñan Jisös kewö jiget mörök, “Mötnöñ, yeñön mönö wuanöñgöra Sabat kendongö nup meme songonji ongitze?”

²⁵ *Mewö jigetka kewö melenök, “Kin Deiwidnöñ yarö aziurupñi yembuk liliköba wösöñini enğuiga nenegöra osiba yuia akeri, mi lök nalö kunöñ oyonget me qahö? ²⁶ *Yañön mönö Anutugö opo seri jikenöñ öngöba beret kömbukñi Anutugö jemesoholñe altanöñ alget tariga ösumñan walöñniga qekögeri, mi mönö memba neyök. Beret kömbukñi mosötmosötñi mi jike nup galöm yeñönök nezema. Tosatñan mi nem-bepuköra songo ahöiga töndup neyök. Nemba aziurupñi tok enğuiga mohotñe neget. Nalö miangöreñ azi qetñi Abiatar yañön jike nup galöm bohonñangö nup memba malök.”

²⁷ Mewö jiba kewö jii mötket, “Anutunöñ Sabat kendon mi ambazip ölöwakñegöra ali ahöza. Mia ambazipnöñ lañ jim kutumegöra aka qahö. ²⁸ Mewö aiga Suet gölmegö azi öññan mönö Sabat kendongö Kembuñi mewöyök akza.”

3

Jisösnöñ azi böröñi sösröñgöñi mem ölöwahök.

Mat 12.9-14; Luk 6.6-11

¹ Jisösnöñ kunbuk köluluk mire öngöiga miangöreñ azi böröñi sosoholinji kun tarök. ² Miangöreñ azi böröñi sosoholinji kun tarök. Ambazipnöñ Jisös keu jakeñe al wanğibingöra “Azi mi Sabat kendonöñ möhangöma me qahö?” jiba Jisös je galöm memba tatket. ³ Megetka Jisösnöñ azi böröñi sosoholinji mi kewö jii mörök, “Mönö wahöta jenine kinöñ.” ⁴ Mewö jiba kewö jii mötket, “Köna keu wuatangöba Sabat kendonöñ yuai ölopñi me bölöñi akin? Ölop kungö bohonñi jöhöbin me mosöringa kömuma? Wanat kun meinga dop kölma?” Mewö jii möta göröñ alget.

⁵ Keuñini göröñ tatketka lilingöm purik engehi uruñinan köhöikñi gwözöññohangöra wösöbirik aka kukjejenöñ engehök. Mewö engeka azi miangö jiyök, “Gi mönö börögi qötöteinöñ.” Mewö jiuga böröñi qötöteiba kunbuk ölöwahök. ⁶ Ölöwahiga Farisi (Köna keugö kapankölköl) yeñön yaigep anda miangöreñök premiö Herodkö pati alaurup yembuk totoko ala “Jisös denöwö qein kömuma?” jiba keu nup meget. Mewö.

Jisösnöñ kawöl ambazip mem ölöwak enğiyök.

⁷ Mewö megetka Jisösnöñ gwarekurupñi enğuangita o angö jitñe anget. Angetka Not prowins qetñi Galili miangöreñök ambazip kambuleleme yeñön könañe wuatangöba anget. Judia prowins miangöreñök mewöyök yangöreñ kaget. ⁸ Siti bohonñi qetñi Jerusalem, Saut prowins qetñi Aidumia aka Jordan o likepneyök Wehön Kotkotñe yeñön aka Wehön

* 2:23: Dut 23.25 * 2:25: 1 Sml 21.1-6 * 2:26: Lew 24.9

Gegeŋe görökenök taon qetŋiri Taiö aka Saidon liliköba maljei, yeŋön mohok kambulembenöŋ öröba kaget. Jisösnöŋ aŋgöletot ketanŋi ketanŋi memba malöhi, mianŋö buzupŋi möta mindiqindiriba kaŋgotket. ⁹ *Mewö kaŋgota utal waŋgibepüköra Jisösnöŋ gwarekurupŋi kewö jii mötket, “Ölököm niŋgibepüköra inini mönö waŋge kun miwikŋaiba nöŋgöra dowe alget tarök.” ¹⁰ Mewö jii möta ambazip sehisehiŋi mem ölöwak eŋgiba malök. Mianŋöra qemjem-mamjeŋ aka sile lölömböröŋinambuk pakpak yeŋön sileŋe misiribingöra liliköba gwötpuk aum metala utal waŋgiget. ¹¹ Ömeŋi ömeŋi yeŋön Jisös eka jemesoholŋe gölmenöŋ geba kewö qetket, “Gi Anutugö Nahönŋi akzan!”

¹² Mewö qetketka Jisösnöŋ qetal eŋgiba könöŋamŋan aukŋe asuhaba-püköra soŋgo köhöikŋi al eŋgiyök. Mewö.

Jisösnöŋ gwarekurupŋi möwölöhöm eŋgiyök.

Mat 10.1-4; Luk 6.12-16

¹³ Könaŋep Jisösnöŋ kundue öŋgöba mianŋöreŋ nanŋi sihimŋaŋgö dop azi eŋgoholiga yaŋgöreŋ kaget. ¹⁴ Kagetka azi 12 mi yambuk malmegöra al eŋgiba Buŋa keuŋi jim sehimegöra melaim eŋgiyök. ¹⁵ Melaim eŋgiba ömewöröme közöl eŋgimegö kukösumŋi eŋgiyök.

¹⁶ Mewö aka azi 12 ki kewö al eŋgiyök: Pitö, Jisösnöŋ qet mi Saimon waŋgiyök. ¹⁷ Jeims aka munŋi Jon, iwiŋiri qetŋi Zebedi. Jisösnöŋ yetkö qetŋiri kun Boanerges qerök. Mi nanine keunöŋ Pöndandaŋgö Nahönyahötŋi. ¹⁸ Andru, Filip, Bartolomyu, Matyu, Tomas, Jeims Alfiusgö nahönŋi, Tadius, Saimon Zelot-politik azia* ¹⁹ aka Judas Iskariot. Kariot azi mianöŋ könaŋgen Jisös mamalolo mem waŋgiyök. Mewö.

Jisösnöŋ öme yeŋgö kukösumŋini oŋgita qei etza.

Mat 12.22-32; Luk 11.14-23; 12.10

²⁰ Jisösnöŋ mi al eŋgiba kundueyök eta nanŋi miriŋe kayök. Mire kaiga ambazip kambu ketanŋi kunbuk kaŋgota tokogetka mönö mianŋöra tosolomŋi yembuk nene nembingö osiget. ²¹ Osigetka sepkitipurupŋan mi möta “Uruŋi lök sohoza!” jiget. Jiba geba waŋgitpingöra anget.

²² *Angetka Köna keugö böhi Jerusalemök kageri, yeŋön jiget, “Satangö Katakömulatnöŋ mönö uruŋe geiga malja. Yaŋön öme yeŋgö kembuŋinaŋgö ösumnöŋ ömewöröme eŋguataŋgömakza.”

²³ Mewö jigeranŋöra Jisösnöŋ eŋgoholi kagetka dopkeunöŋ kewö jii mötket, “Satanöŋ mönö denöwö alaŋi Satan kun wuatangöbawak? ²⁴ Kantri kungö galömurupŋinan sutŋine aŋgururuk aka julme ewö yeŋön mönö galömkölköl nupŋini memba kinbingö osime. ²⁵ Mewöyök miri kungö könagesö yeŋön sutŋine aŋgururuk aka julme ewö, mönö galömkölköl nupŋini memba kinbingö osime. ²⁶ Mewöyök Satangö könagesö yeŋön sutŋine aŋgururuk aka tuarenŋon ak aŋgubeak ewö, galömkölkölŋinaŋgö ösumŋan eriga bemtohonŋinan mönö qahöwakŋamgö akza.

²⁷ Kunŋan azi köhöikŋaŋgö köna böröŋi mutuk qahö jöhöma ewö, yaŋön mönö miriŋe öŋgöba qezanŋa sukiŋapŋi memamgö osima. Mutuk i jöhöi tarigun mönö ölp miriŋeyök öroyuaiŋi pakpak waŋgita

* **3:9:** Mak 4.1; Luk 5.1-3 * **3:18:** Nasönöl pati zelot yeŋön Rom gawman tuarenŋon aka nanŋine kinkin memingöra tuaköpek memba malget. * **3:22:** Mat 9.34; 10.25

memba anma. (Mianğö dop nõñon mewöyök Satan jöhöba andöñe ömeñi enğuatañğömakzal.”) Mewö.

Singisöndok mosötmosötñi qahö

²⁸ Nõñon keu ölni kun kewö jibi mötme, “Ambazip ketani moröñi singisöndok ahakzei, mi Anutunöñ mosörakza. Lömbötñambuk me awamñi mepaqepaik akeak mönö mi Anutunöñ sanğon enğima. ²⁹ *Sanğon enğimapmö, Kunñan Uña Töröñi ilita mepaikömawi, mianğö singisöndokñi Anutunöñ mönö nalö kunöñ qahö mosötma. Saumban! Singisöndok mianñon mönö qakñe öngöiga nalö teteköñi qahö Anutugö jeñe keuñambuk malma.” Mewö jiyök. ³⁰ “Ömenöñ uruñe geyöhawa malja,” Jigeranğöra aka mewö kusum enğiyök. Mewö.

Jisösgö nam-munurupñi.

Mat 12.46-50; Luk 8.19-21

³¹ Mewö eraum mötketka nam-munñan kaba yaigep kinda yeñğöreñ etmapkö keu alget yanğöreñ anök. ³² Aniga ambazip kambu yeñon liliköm wañgiba tata kewö jiget mörök, “Mötnöñ! Göhö nam-mungan mönö yaigep kinda göhöra qesize.”

³³ Jigetka melenđa kewö jii mötket, “Nöñgö namni mi danñon aka munurupni danñon?” ³⁴ Jisösnöñ mewö jiba ambazip liliköm wañgiba tatkeri, i uba enğeka kewö jiyök, “Eket nöñgö namni aka munurupni mönö ki. ³⁵ Anutugöreñ jitsihitñi tem kölajakzei, mienñon mönö nöñgö namni aka nen-munurupni akze.” Mewö.

4

Qesin gilgil azigö dopkeu

Mat 13.1-9; Luk 8.4-8

¹ *Jisösnöñ kunbuk o anğö jitñe geba könahiba kusum enğiyök. Kusum enğiiga ambazip kambulelebenöñ yanğöreñ anda tokogetka wañgenöñ öngöba o anğö qakñe anda tarök. Tariğa ambazip pakpak yeñon anğö görañe saknöñ tokoget. ² Mewö tokogetka dopkeu gwötpuk jiba kusum enğiyök. Kusum enğiba kewö jiyök.

³ “Mötket! Azi kunñan nene kötni qesin gilmamğöra nupnöñ anök. ⁴ Anda qesin giliga kötni tosatñan köna jitñe geba kölget. Geba kölgetka (warawen) neiñi neiñi kañgota mi nem teköget. ⁵ Kötni tosatñan köt jamönjinñon geba kölget. Geba köla mianğöreñ gölme gwötpuk qahö miwikñaiget. Gölme dutñi qahö ahöyöhanğöra korapñi zilañ kotket. ⁶ Kotketmö, wehönöñ kota enguba jem kutum enğiiga jalöñini qahöpköra soholiba gororongöget. ⁷ Kötni tosatñan siriuret wahinñambuknöñ mianğöreñ geba kölget. Geba kölgetka mienñon kota qem turugetka böbölohot mem engiget. Mewö aka ölni qahö kuñguget. ⁸ Kötni tosatñan gölme ölöpnje geba kölget. Geba köla korapñini jula wahöta ipñinanğö ölni ölöpnje asuhuget. Tosatñan kötnini 30, Tosatñan kötnini 60, tosatñan 100 mianğö dop ahum sehiget.” ⁹ Mewö jiba jim teköyök, “Kunñan urukezapñambuk malja ewö, yanñon mönö dopkeu ki kezap ala möt kutuma.” Mewö.

Jisösnöñ wanigöra dopkeu jiyök.

Mat 13.10-17; Luk 8.9-10

* 3:29: Luk 12.10 * 4:1: Luk 5.1-3

¹⁰ Kambu ketanji yenjön denđa angetka Jisösnöñ nannök tarök. Nannök tariga gwarekurupñi 12 aka tosatñi liliköm wanğigeri, mi mohotñe dopkeu kienğö kónañinanğöra qesim wanğiget. ¹¹ Qesim wanğigetka kewö melenđa jiyök, “Anutugö bemtohoñe anğota malbingö keu tölapñi mi enğöra aukñe jibi möt kutuzemö, yaigep maljei, yenğöra mi pakpak mönö dopkeunöhök asuhumakza. ¹² *Mewö asuhuiga ‘Nannjini jerjinan yuai ekagun kónañi tøndup qahö möt kutume. Nannjini Kezapñinan keu törörök mötagun kónañi tøndup qahö möt asarime. Mi möt asaribeak ewö, mönö ölop uruñini melenğetka Anutunöñ singisöndokñini mosötpawak.’”

Jisösnöñ dopkeugö kónañi jiyök.

Mat 13.18-23; Luk 8.11-15

¹³ Jisösnöñ toroqeba kewö jii mötket, “Dopkeu mianğö kónañi kewö. Mi kude möt asarize ewö, dopkeu tosatñi pakpak jimami, mi mönö denöwö möt asaribeak? ¹⁴ Dop Keu mianğö kónañi kewö: Qesinğilgil azinöñ Buña keu qesinđa gilja. ¹⁵ Nene kötni kóna jitñe geba kölgeri, mi kewö: Buña keu qesinğilgetka ambazip uruñine gezapmö, mi mötketka Satanöñ mianğoreñök kaba keu uruñine qesinğet geyöhi, mi qeköba enğuanğirakza. ¹⁶ Nene Kötni qesinğiga köt jamönijñnöñ geba kölgeri, mi mewöyök ambazip söpsöpñi kun. Yenjön Buña keu möta mianğoreñök sösoñgai qakñe möt anğön kölakze. ¹⁷ Mewö ahakzemö, uruñine jalöñi qahö ahöm enğimapmö, nalö töröptökñi miyök kin köhöiba malme. Buña keugöra aka kahasililin me sesewerowero asuhuiga nalö mianğoreñök mönö tala enğuma. ¹⁸ Nene kötni qesinğiga siriuret wahiñinambukñöñ geba kölgeri, mi kewö: Yenjön Buña keu mötketka uruñine geza. ¹⁹ Gezapmö, gölmenöñ malmalgö waimanjatñi aka moneñ inap memegö urukönöpñi ahuba lömbörim enğimakzal. Qetbuñanambuk akingö köpösöngögetka sihim kömbönari bölöñi tosatñan mewöyök uruñine dungöba Buña keu böbölohot mem wanğize. Mewö aiga ölnjini qahö gilipitñi (ambetakñi) akñe. ²⁰ Nene kötni gölme ölopñe qesinğiga geba kölgeri, mi ambazip kewöñi: Yenjön Buña keu kezap ala möta möt anğön köla pöndañ kinda ölnjini miwikñaimakze. Tosatñan keu jit mohoknöhök kötni 30 miwikñaimakze. Tosatñan ölnjini 60, tosatñan keu köt mohot mohot mienğö ölnjini 100 mem sehiba miwikñaimakze.” Mewö.

Lampe mi asakñi nenğimapköra ahöza.

Luk 8.16-18

²¹ *Jisösnöñ keu kun kewö jiyök, “Kunñan lambe me kiwa memba ohotiriba kimbut me dum bapñe alma me qahö? Mi waniñe alma? Mi mönö mianğö dum tatatnöñ aukñe alma. ²² *Mewöñanök yuai kun asambötket ahözawi, mi mönö aukñe asuhum tinğitmapköra ahöza. Yuai kun köl turuget ahözawi, mi mönö lulunğet kötulmapköra aka ahöza. ²³ Kunñan urukezapñambuk malja ewö, yanjön mönö dopkeu ki kezap ala möt kutuma.” Mewö.

Denöwö diwelopmen ahuzaz?

²⁴ *Jisösnöñ keu kewö jii mötket, “Keu mötzei, mi mönö möt anğön köla urukönimñine ala köl guliba malme! (Mewö malgetka uruñini diñgiiga

* 4:12: Ais 6.9-10 * 4:21: Mat 5.15; Luk 11.33 * 4:22: Mat 10.26; Luk 12.2 * 4:24: Mat 7.2; Luk 6.38

mötmötninan qariiga möt kömume.) Inini tosatni yengö keuñini kewöta jim tekömei, Anutunöñ mönö jimkutukutuñini mohot mianğö dop nanñini keuñini kewöta jim teköma. Dop mi mönö onğita likepñi meleş engima. ²⁵* Mianğö kónañi kewö: Kunñan mötkutukutuñambuk maljawi, Anutunöñ mönö mi toroqem wañgiiga malmapmö, kunñan mötkutukutuñi qahö maljawi, Anutunöñ mönö mötmötni moröñi ahözawi, mi mewöyök qeköba wañgitma. Mewö.

Buñ keu kötni mi korapñambuk.

²⁶ Jisösnöñ dopkeu kun kewö jiyök, “Anutugören bemtohoñi mi kianğö dop: Azi kunñan nuwe anda nene kötni qesiñda gilma. ²⁷ Qesiñda gila anda sunğem silim ahöba wahöta ahöba wahöriğa nene kötnañğö korapñi jula korakze. Denöwö jula korakzei, mi nanñak qahö möt kutuza. ²⁸ Gölmenöñ nanñök nam köli ölni asuhumakza: Mutuk ipñi, kónañgep ölni aka mianğö andöñe ölnañğö kötni mi körek asuhuba qarim teköme. ²⁹* Ölni qarim teköba öliiga ölni memegö nalöñi aiga welenqeçeurupñi melaim engiiga souñini kapenkapenğöñi jitñinambuk memba ölni memb-ingöra nupñe anme.” Mewö.

Nejoñ kötnañğö dopkeu

Mat 13.31-32, 34; Luk 13.18-19

³⁰ Jisösnöñ dopkeu kun kewö jiyök, “Anutugö bemtohoñi mi wanatpuk dop albinak me wanat söpsöp keu jiba jim asaribinak? ³¹ Mi nejoñ kötnañğö dop kewö akza: Kötni mi morö közözömñi. Mi gölmeğö nene köt pakpak mienğö eretñini akza. Mewö aiga nup gölmenöñ esize. ³² Esizemö, jula wahöta yöha pakpak engonğita qariba böröñi ketañi gili anje. Mewö gili angetka kónakembagö neiñi neiñi mienön aipñini mianğö aumñe alakze.” Mewö.

Jisösnöñ dopkeu gwötpuk jiyök.

³³ Jisösnöñ dopkeu mewöñi mewöñi mi gwötpuk jiba mala Buñ keu jiiga mötket. Möt kutugeranğö dop mi jiiga möta malget. ³⁴ Nalö dopkeuñi pakpak mi dopkeunöñ jiba malök. Keuñi kun öne kude jiyökmö, gwarekurupñi yembuk nanñinök malgetka keu pakpak mienğö kónañini mi jim asarim engiba malök. Mewö.

Jisösnöñ jiiga raidimbom göröñ qeyök.

Mat 8.23-27; Luk 8.22-25

³⁵ Wehön mianğören mare aiga Jisösnöñ gwarekurupñi kewö jii mötket, “Mönö mosöta anğö kutuba likepñe angotpin.” ³⁶ Mewö jiiga ambazip kambu engömosöta Jisös wañgigetka wañgenöñ tari anget. Wañge tosatni mi mewöyök yembuk awatañ anget. ³⁷ Angetka raidimbom ketañan ömtöröp (töröpñanök) giliga sirinöñ wange uruñe gegetka wange numbuñe qemangö ahök. ³⁸ Mewö aiga Jisösnöñ wañge teteköñe tata qömböñnöñ nariba gaun ahöyök. Gaun ahöiğa gwarekurupñan anda möndöba jiget, “Hei böhi! Nini anğönöñ ayuhubingöra akzin. Mianğö waimañjatni kun mötzan me qahö?”

³⁹ Mewö jigetka imbiñi möta luhut aka siri kewö jim qetal etkiyök, “Mönö bököba öne ahönöñ!” Mewö jiiga luhutnöñ döngöiğa sirinöñ nöñ qeba ahöyök. ⁴⁰ Mewö aka kewö jim engiyök, “Inini mönö wuanöñğöra

* 4:25: Mat 13.12; 25.29; Luk 19.26 * 4:29: Joel 3.13

kenğöt mötmöt azia akze? Denöwögöra aka Anutu qahö möt narize? Sömbuñini mönö öne mötze.”

⁴¹ Jiiga awöwöliba qem sömbuñini möta eraum mötket, “Yei, azi kia mönö denöwöñan malja? Yanñon mönö luhut aka köwet jim kutum etkiiga jitñi tem köljahot?” Mewö.

5

Ömenöñ bau uruñine gegetka azinöñ ölöwahot.

Mat 8.28-34; Luk 8.26-39

¹ Mewö asuhuiga anğö kutuba likepñe Gerasin yeñgö gölmenöñ anğotket. ² Anğota körökñe öngögetka Jisösnöñ wañge mosöriğa miangörenök azi ömeñambuk kun mi qaksirinöhök kaba kinda Jisös miwikñaiyök. ³ Azi mi qaksirinöñ mala qamöt köteñi esiba urorohoget ahögeranğoreñ ahöm malök. Azi körekñon könaböröñi tapep (munğamunğa) kösönöñ jöhöbingö osiba malget. ⁴ Indimñi gwötpuk könañi tapep kösönöñ jöhöba börötakñi qeba malgetmö, börö takñi kusula köna kösöñi titikutuba maliga körekñan i galöm köl osiget. ⁵ Osiba sunğem asak dop sundan qaksirigö köt köteñnöñ me kundunje lanlan ahöba malök. Mewö mala silata qeta silenji kötnöñ qem kutumutuba malök.

⁶ Jisösnöñ tikep kaiga eka ösumñan kaba gölmenöñ kösutñe geba simin kölök. ⁷⁻⁸ Simin kölīga Jisösnöñ ömeñi mi kewö jim wañgimamğöra ahök, “Öme bölöñi! Gi mönö azi ki mosöta anöñ!” Mewö jimamğöra aiga qet bölöbölö ketanji qeta jiyök, “Aek! Gi Jisös, Anutu öngöngöñanğö Nahönñi akzan. Gi denöwö ak niñgimamğöra kazan? Nöñon Anutugö jemesoholñe ulet gihizal: Gi keu jöhöba jöjöpñ keunöñ jim köhöiba mönö sihimbölö könöpñambuk kude ak niñginöñ.”

⁹ Mewö jiiga kewö qesiyök, “Gi qetki niñi?” Qesiğa jiget, “Nini gwötpuk maljinanğöra qetnini Lijön jizin.” Mi nanine keunöñ Kerök kambu ketanji. ¹⁰ Mewö jiba kapan köla kewö ulet wañgiget, “Gi neñguatangöbanak, mewö mönö gölme kianğörenök kude melaim neñgiman.”

¹¹ Kösutñine kundunji marömñe miangören bau kambu ketanji kun gwözözak uruñe kulunđa malget. ¹² Mianğöra ömenöñ kewö jiba Jisös ulet wañgiget, “Göñon melaim neñginöñga nini ölop bau miengö uruñine gebin.” ¹³ Jigetka “Mönö anda geget,” jiba jim kutum enğiğa azi uruñeyök kota anda bau uruñine geget. Gegetka miangörenök bau kambu 2000 miangö dop mi mönö luhuba nembönembönöñ anda jororonğöba o anğönöñ geba nemulahöba kömuget.

¹⁴ Kömugetka bau galöm yeñon ölöñ unjurata taon aka miri morömorö miangören anda keu buzupñi jiget. Jiget mötketka ambazip sesegilgil yeñon yuai asuhuyöhi, mi ekingöra kaget. ¹⁵ Kaba Jisösgöreñ kanğota eketka azi öme kambuñambuknöñ malöhanöñ mönö opo sileötanji törörök jöhöba tata uruñi amöriğa imbi mötmötñi pakpak asuhuğa eka awöwöliget. ¹⁶ Kingetka bau mi denöwö geba kömuger i aka azi ömeñambuk yanğoreñ yuai asuhuyöhi, mi ekeranñon kösohot yahöt mi jiget mötket.

¹⁷ Möta kinda Jisösnöñ mindimindiri sel gölmenjini mosöta anmapkö ulet wañgiget.

¹⁸ Ulet wañgigetka mosöta wañgenöñ öngömamğöra ahiga azi ömeñambuk malöhanöñ kaba Jisösbuk mohotñe anda malmamğöra qesiyök.”

¹⁹ Qesiyökmö, Jisösnöñ qetal wañgiba kewö jii mörök, “Gi mönö mirige anda tinitosolomurupki engeka Kembunöñ aᅅöletot ketañi aka ak-kömum gihiyöhi, miangö kösohotñi jinöñga mötme.”

²⁰ Mewö jiiga mosöta anda Jisösnöñ aᅅöletot ketañi ketañi ak wañgiyöhi, miangö keunji könahiba Ten-taon distrik urunje jim sehiiga körekñan welipköget. Mewö.

Jairusnöñ böratñangöra Jisös köuluköyök.

Mat 9.18-26; Luk 8.40-56

²¹ Jisösnöñ wañgenöñ öñgöba lilingöba aᅅö kutuba likepñe kaiga ambazip kambu gwötpukñan yañgöreñ kaba tokogetka aᅅö jitñe kinget.

²² Kingetka köuluk mirigö keu galöm kun qetñi Jairus yañön kaba Jisös eka wösöñe geba simin köl wañgiyök. ²³ Simin köl wañgiba kapan köla köuluköba kewö jiyök, “Böratni moröñan mönö kömumangö akza. Mönö kaba börogi qakñe alnöñga ölöwaka toroqeba malma.”

²⁴ Mewö jiba Jisös wañgiriga mohotñe anohotka ambazip kambulembe yeñön andöñire anda ölöqöloköba liliköm etkiba anget. Mewö.

Kawöl ambi kunöñ Jisösgö malukuñi misiriyök.

²⁵ Angetka miangöreñ sutñine ambi kun malök. Yañön (yara) yambu 12:gö dop köiñnöñ ehiga nalö dop kawöl yöhöiga malök. ²⁶ Mewö mala sihimbölo gwötpuk möriga sile galöm gwötpukñan yañgö nup megetka baukbauk kun kude miwikñaiba malök. Yañön sile galöm ambazip yeñgö töwañinañgöra monen inapñi körek gila malökmö, kawölñi miangön mönö mem bölim wañgiiga malök. ²⁷⁻²⁸ Mewö mala Jisösgö buzupñi möta kewö jiyök, “Nöñön i oseimangö möt lömböriba malukuñeyök borom kun misiribileñak ewö, mönö ölop ölöwakñam.” Mewö jiba ambazip kambu sutñine Jisösgö andöñe anda malukuñe misiriyök.

²⁹ Misiriiga sepñi miangöreñök jöpköiga qemjem-mamjenan qahöwahiga silenan ölöwahiga mörök. ³⁰ Ölöwahiga Jisösnöñ miangöreök ösumñi kun kutuba anöhi mi möta ambazip kambu sutñine lilingöba jiyök, “Dañön malukuñi misiriza?”

³¹ Mewö jiiga gwarekurupñan kewö jiget mörök, “Ambazip kambunöñ ölököba liliköm gihiba goseize. Mi eka denöwö ‘Dañön nömisiriza?’ jizan?”

³² Mewö jigetmö, Jisösnöñ kunbuk “Dañön mi akza?” jiba mi miwikñaimangöra lilingöba uba engehök. ³³ Engehiga ambi silenje aᅅöletot asuhuyöhi, yañön mi möta miangöra keñgötñi möta jönömñi unduiga kaba Jisösgö wösöñe geba simin köla könañi pakpak jiiga mörök.

³⁴ Jisösnöñ mi möta kewö jii mörök, “Böratni, mötnaripkan mönö mem ölöwak gihiza. Qemjem-mamjenan mönö qahöwahiga ölop urubönjöñnöñ anman.” Mewö.

Jisösnöñ Jairusgö böratñi mem guliyök.

³⁵ Keu mewö jiba kiniga köuluk mirigö keu galömñañgö mireyök kunñan welen kaba Jairusgöra jiyök, “Böratki kömuza! Miangöra böhigö qakñe lömböt toroqeba kude alman.”

³⁶ Jiiga Jisösnöñ keu miangö nöñöñgan aka köuluk mirigö keu galömñi kewö jii mörök, “Keñgötki kude mötnöñ! Mönö ni möt narim niñginöñ.”

³⁷ Mewö jiba ambazip tosatñi engömosöta Pitö, Jeims aka Jeimsgö munñi Jon miyök enquanñiri i wuatangöba anget. ³⁸ Anda köuluk mirigö keu galömñañgö mire aᅅotketka ambazip kambu göju megetka engehök. Gwötpukñan jinñen köla köhöikñanök sahöta amburereñ meget. ³⁹ Engeka

mire öngöba kewö jii mötket, “Inini mönö wuanöngöra göju memba sahötze? Morö mianön qahö kömuzapmö, gaunök ahöza.”

⁴⁰ Mewö jii mötket gönahit ewö aiga gön köl wanjigetmö, yanön i körek enjuatanjöba morögö iwinamni aka tosatni yambuk malgeri, miyök enjuangiriga morönön ahöyöhangörej öngöget. ⁴¹ Öngögetka bōrat mi bōrōje memba yangōra jiyök, “Talita kum.” Mi nanine keunöy Ambi morōñi, ni göhöra jizal: Mōnō wahōtnōñ!

⁴² Mewö jiiga ambi (yara) yambuñi 12 mianön mönō mianjörejök wahōta kinda anda kayök. Mewö aiga eka kesōtnini yöhözömgöba welipköget. ⁴³ Welipkögetka mianjö buzupñi kun jiget mötpepukö jiba songo köhöikñi al enjiyök. Al enjiba ambi morōñi numbu nene wanjiget nemapkö jiyök. Mewö.

6

Nazaret yeñön Jisös andö qeget.

Mat 13.53-58; Luk 4.16-30

¹ Mi asuhuiga Jisösnōñ Jairusgö miri gölme mosōriga gwarekurupñan wuatanjöba yambuk anda Jisösgö malqarip taonön angotket. ² Sabat kendonōñ kaiga köuluk mire öngöba Buña keu könahiba kusum enjiyök. Kusum enjiiga möta ambazip gwōtpukñan auruba welipköba kewö jiget, “Yei, kezapjupjup! Yuai pakpak ki mönō denikeyök möta jiza? Mōtkutukutuñi mi mönō danjōn kusum wanjiiga jiza? Aka anjöletot kukösumñinambuk mewōñi mi mönō danjōn inahöi bōrōñan meiga asuhuze? ³ Azi ki mönō miri kianjö mitimqege asia. Mariagö nahōñni aka Jeims, Josef, Juda aka Saimon yenjö datñina. Nenurupñan mönō sutnine ki malje.” Nazaret yeñön mewö jigetka uruñinan bölliiga mianjörej qaköget.

⁴ *Qakögetka Jisösnōñ kewö jii mötket, “Kezapqetok azigö sepkitip aka tinitosolomurupñan mönō nanñi taonōñ jijiwilil ak wanjimakzemö, miri tosatni mianjörej mewö qahö.

⁵ Mewö akeranjōra Jisösnōñ kawöl ambazip mohot mohot bōrōñi qakñine ala mem ölöwak enjiyökmö, anjöletot kukösumñinambuk tosatni memangö osiyök. ⁶ Mewö ahiga mötnaripñinan qahö asuhuiga yangiseninjōra aka auruyök. Auruba Nazaret mosöta kösutñe mirinñi mirinñi liliköba Buña keu kusum enjiba malök. Mewö.

Jisösnōñ gwarekurupñi 12 melaim enjiyök.

Mat 10.5-15; Luk 9.1-6

⁷ Jisösnōñ gwarekurupñi 12 mi engehōli kagetka könahiba yahöt yahöt pakpak melaim enjiyök. Melaim enjiba ömewöröme közöl enjimegö kukösumñi enjiyök. ⁸ *Mi enjiba kewö jim kutum enjiyök, “Kōna anmeanjōra örōpñini memba anme. Yuai tosatñi kun kude meme. Kōna nalem qahö, gösö qahö me soujenñi mi irimungañine kude jöhōme. ⁹ Kōna esu ölop könajine jöhōba maluku semōñni qahöpmö, mohot meme.” ¹⁰ Mewö jiba kewö jii mötket, “Anda miri denike denike angotmei, mönō mianjörejök mala nup memba taon mi mosöta kōna anme. ¹¹ *Anda mala miri kunōñ angotketka qahö köl öröm enjiba keunñi qahö mötketka nesampurekñini mönō kewö jiba kondel enjime, ‘Nini enjö gölmenōñ kainga sölbuham kōna tambōnine mekötahözawi, mi mönō tim tōnjōraringa

nannine lilingöba gema.’ Mewö jigetka kōnañamñini solanñi möt kutugetka ölop miri me taon mi mosöta toroqeba anme.”

¹² Mewö jiiga mosöta anda ambazip uruñini melenmegö Buña keunji jim sehiba malget. ¹³ *Mala öme gwötpuk enġuatangöba kawöl ambazip gwötpuk kelöknöñ enġömiriba mem ölöwak enġiget. Mewö.

Kiñ Herodnöñ keñgötñi mörök.

Mat 14.1-12; Luk 9.7-9

¹⁴ *Jisösgö qetbuñan sehiba kiñ Herodkö kezapñe gei mörök. Ambazipnöñ kewö jiget, “Jon o melun azinöñ mönö kömupnöhök wahöta nupñi meiga anġöletot kukösumñinambuk asuhumakze.”

¹⁵ Mewö jigetmö, tosatñan kewö jiget, “Mi mönö Elaija (Elia)” Tosatñan toroqeba jiget, “Mi kezapqetok azi walñi yeñgöreñök kun.”

¹⁶ Mewö jigetmö, kiñ Herodnöñ mi möta kewö jiyök, “Jon o melun azi nöñon jibi jölñi kutugeri, yañon mönö kömupnöhök wahöta malja.” Waimanjat möta Mewö jiyök.

Jongö jölñi kutugetka kömuyök.

¹⁷ *Mi kewögöra jiyök: Herodnöñ munñi Filipkö anömñi Herodias ölon meiga Jon o melun azinöñ kiñ jim wañgiiga opotöröp melaim enġiiga anda Jon memba jöhöba kösö mire al wañgiget. ¹⁸ Jonöñ Herodköra keu kewö jiyök: Gi qamböt ki memba mala Köna keu onġitzan.”

¹⁹ Mewö jiiga Herodiasnöñ Jon kazik ak wañgiba qeget kömumapkö mörökmö, mianġö kōnañi kun qahö miwikñaiyök. ²⁰ Qahö miwikñaiiba Jonöñ azi solanñi aka sarakñi töröñi ahöhi, mi möta sel jöhöba kölközizip ak wañgiba Jongöra keñgötñi möta malök. Mewö mala Jongö jitneyök keu möröhi, mi uruñi kuñgugetka keu gwötpuköra uruyahöt ahök. Mi töndup töndup Jongö keunji mötmamgö sihim mörök.

²¹ Mewö aiga Herodiasnöñ Jon qemamgö kōnañi qahö miwikñaiiba maliga mianġö nalöñi ölopñi kewö kam kuñguyök: Kiñgö ahياهو nalöñan kaiga közölömbuan ala jembon aka suahö galömurupñi aka Galili prowinsgö jitñememe bohonñi mi köl öröm, enġiiga kaba tatket. ²² Kaba tatketka Herodiasgö boratñan miri mianġö uruñe kañgota danis aliga Herod aka yambuk tebol liliköba tatkeri, yeñon mianġö eksihimñi gwötpuk mötket. Mewö mötketka kiñnöñ ambi seramgöra kewö jiyök, “Boratni! Wani yuaigöra sihimgi mötzani, mi ölop qesinöñga tököm gihimam.” ²³ Mewö jiba keu mi jöjöpañ keunöñ jim köhöiba kewö jii mörök, “Wani yuaigöra qesim niñgimani, mi mönö ölop gihimam. Yuai mi me mi me prowins galöm kölakzali, mi tok ölop endenġa likepñi kun gihibiga galömñi akñan.”

²⁴ Mewö jii möta yaigep anda namñi kewö qesim wañgiyök, “Namni, ni mönö Kiñnöñ wani yuaia niñgimapköra qesimam?”

Mewö qesim wañgiiga kewö melenök, “Mönö jinöñga Jon O-melun azigö jölñi yandigetka nööröñi memba kaba niñgiman.”

²⁵ Mewö melenñiga mianġöreñök miri uruñe kiñkiñgöba kiñgöreñ öngöba kewö qesiba jiyök, “Kewöni! Nöñon sihimnan kewö mötzal: Göñon mönö jimkutunöñga Jon O-melun azigö jölñi yandiba nööröñi memba kaba köndenöñ algetka mia döldöpki niñgiman.”

* **6:13:** Kemb 5.14 * **6:14:** Mat 16.14; Mak 8.28; Luk 9.19 * **6:17:** Luk 3.19-20

²⁶ Mewö jiiga kingö uruñan kömbuhiiga wösöbirik mörökmö, jöjöpañ keuñan jöhöi ketaurupñan mi mötketka yengö jemesoholñine etpapuköra qequesiñi andö qemangö möt lömböriba tököyök. ²⁷ Tököba miangörenjök opotöröpñi kun melaiba jiyök, “Gi mönö anda Jongö jölñi yandiba nööröpñi memba kaman.” ²⁸ Mewö jiba melaiiga kösö miri garwöñe anda jölñi yandiba nööröpñi memba kaba köndenöñ ala ambi seram mi wanjiiga namñi wanjiyök. ²⁹ Jongö gwarekurupñan miangö buzupñi möta anda qamötñi memba qaksirigö köt köteñnöñ ala löm kölget. Mewö asuhuyöhañgöra kiñ Herodnöñ könañgep Jisösgöra jiyök, “Jonöñ mönö kömupnöhök guliba wahöta malja.” Mewö.

Jisösnöñ azi 5000 nene gumohom enjiyök.

Mat 14.13-21; Luk 9.10-17; Jon 6.1-14

³⁰ Melai melai azi Aposol yepñon Jisösgöreñ kaba tokoba yuai memba ambazip kusum enjigeri, miangö kösohotñi pakpak jiget mörök. ³¹ Jiget möriga ambazip totnöñ totnöñ qösösök kaba anda aketka silenjiñi köñgañiiga nene nembangö nalö qahö ahöyök. Miangöra Jisösnöñ gwarekurupñi kewö jii mötket, “Injiñi mönö kaba gölme kötikñe naninök malbingöra anda borom kun luhut meme.” ³² Mewö jiiga engömosöta wanjenöñ öñgöba gölme kötikñi kungen nanñinök malbingöra anget.

³³ Angetka ambazipnöñ mi eka gwötpukñan miangö buzupñi möta taon aka miri dop miengöreñök gölme köna kiñkingöba mutuk anda miangöreñ angotket. ³⁴ *Angotketka Jisösnöñ wanjenöhök eta ambazip kambu ketañi engehiga lama galömñini qahö tandök ilingösöñ lañ malgetka yengöra wösöñi mörök. Wösöñi möta könahiba Buña keu könañi könañi kusum enjiyök. Mewö.

Jisösnöñ azi 5000 nene gumohom enjiyök.

³⁵ Mewö aka maliga miri jeñan teköba gemangö ahiga gwarekurupñan Jisösgöreñ kaba kewö jiget, “Böhi! Nini gölme kötikñi kiangöreñ malinga miri lök söñaumangö akza. ³⁶ Miangöra gi ölop ambazip ki melaim enjinöñga miri aka koum dowe tat anjei, miangöreñ anda numbu nenenjiñi söñgöronji memba neget.

³⁷ Mewö jigetmö, kewö melenja jii mötket, “Enñon mönö nanñinak i nene gumohom enjime.” Mewö jiiga jiget, “Neñon mönö denöwö akinto? Nup meme nalö 200:kö töwanji (Kina 1000,-) ahöza. Moneñ mia memba anda nene beret söñgöronji memba gumohom enjibingöra jizan me?”

³⁸ Mewö qesim wanjigetka jiyök, “Nanñine nene beret dawik ahöza? Mi anda eket.” Mewö jiiga gösöñini qeanda jiget, “Beret 5 aka söra yahöt mia memba maljin.”

³⁹ Mewö jigetka Jisösnöñ ambazip kambu kewö jim kutum enjiyök, “Ambazip pakpak, injiñi mönö denja nene nembangö kambu morömorö tokoba lulup görökñe geba tatket.” ⁴⁰ Mewö jim kutum enjiiga kambuñi kambuñi dowe dowe denja tatket. Kirip tosatñi 100 aka tosatñi 50 mewö mewö tokoba tat anget. ⁴¹ Tat angetka beret 5 aka söra yahöt mi memba Suepnöñ ui öñgöiga kötuatköba beret mindipköba gwarekurupñi enjiiga ambazip kirip dop mendenja sutñine alget. Söra yahöt mi mewöyöhök kambu pakpak yengöra mendenök. ⁴² Mendenjiga ambazip körekmakörek memba nem timbireñ aket. ⁴³ Nem timbireñ aka nene kitipñi kitipñi mosötkeri, mi gwarek yepñon qezakögetka sakap 12

* 6:34: Jan 27.17; 1 Kiñ 22.17; 2 Hist 18.16; Eze 34.5; Mat 9.36

mianğoreñ geba kokolak qeyök. Mewöyök söra kitipñi mi mem kiripköget. Mewö. ⁴⁴ Azi beret negeri, yeñgö jañgöñini mi 5000.

*Jisösnöñ o añgö qakñe tiba tiba anök.
Mat 14.22-33; Jon 6.15-21*

⁴⁵ Neget teköiga Jisösnöñ mianğoreñök gwarekurupñi jim kutum eñgiba kewö jiyök, “Inini mönö wañgenöñ öñgöba qeljiñe o añgö kutuba likepñe Betsaida mire anme. Nöñön ölop nalö sutñe ambazip kambu ki melaim eñgibagun kamam.” ⁴⁶ Mewö jiba yaizözkök jim eñgiba eñgubula kundunje öñgöba köuluköyök. ⁴⁷ Köuluköba mali mare ahiga nanjik kötikñi kundunje maliga wañgeñinan añgö bibiñe anök. ⁴⁸ Ani lökuatnöñ qeba qem bibihiba nañgöget aniga luhutnöñ angerañgoreñök gila kai lömböriiga bömbömgöget. Miri awörañgöiga (3-6 kilok) mianğoreñ Jisösnöñ mewö eñgeka o añgö qakñe tiba tiba gwarekurupñi yeñgoreñ Kaba eñgoñgitmangö ahök. ⁴⁹ O añgö qakñe tiba tiba kaiga eka “Köwet Soñgoriñnöñ kaza!” jiba könahiba qeta silatket. ⁵⁰ Qeta silata körek i eka keñgötporiñ aketmö, Jisösnöñ mianğoreñök keukeu jiba kewö jii mötket,

“Alaurupni! Mönö ewebibiñinambuk saitiñgit malme. Nanak kazal. Keñgötñini kude mötme.” ⁵¹ Mewö jiba yeñgoreñ wañgenöñ öñgöiga luhutnöñ nöñ qeba göröñ alök. Göröñ aliga jöñömñini undui önöñi qahö auruget. ⁵² Mutuk beret mem sehiba gumohom eñgiyöhi, mianğö könañi qahö möt asarigetmö, uruñinan gwözöñniga tok auruba tatket. Mewö.

*Jisösnöñ Genesaret mala mem ölölowak nup meyök.
Mat 14.34-36*

⁵³ O añgö kutuba likepñe Genesaret mire añgota wañge mosöta saknöñ geget. ⁵⁴ Wañge mosöta Saknöñ gegetka ambazipnöñ Jisös mianğoreñök möt kutum wañgiget. ⁵⁵ Möt kutum wañgiba keu algetka kinjingöba mindimindiri sel gölmeñine miri dop liliköget. Lilikögetka möta könahiba kawöl ambazip kululunöñ añgum eñgiba Jisösnöñ miri denike malöhañgö dop eñguañgita kaget. ⁵⁶ Miri dop, taon, miri me koum kungö uruñe anöhañgö dop kawöl ambazip eñguañgita sombemeñine al eñgiget. Al eñgiba silene me Jisös malukuñangö suñe misiribingö ulet wañgiba malget. Misirigeri, körek yeñön mönö ölowak teköget. Mewö.

7

*Ambösakon yeñön keu kusum sohoget.
Mat 15.1-9*

¹ Köna keugö kapañkölköl aka mianğö böhi tosatñi Jerusalem sitinöhök kageri, yeñön Jisösgöreñ kaba tokoget. ² Nalö mianğoreñ Jisösgö gwarekurup tosatñan böröñini kude sañgoñda dom amöt qahö qeba nene negetka eñgeka uruñini böliyök.

³ Farisi (Köna keugö kapañkölköl) aka Juda ambazip tosatñi pakpak yeñön ambösakon yeñgö silikñini wuatangöba malget. Mianğöra böröñini mutuk sañgoñ soroköbagun nene nemalget. ⁴ Mewöyök nupnöhök me maketnöhök kamei, mutuk o utuba arim töñjoratagan nene misirimalget. Mewöyök kiwi qambi, közökimbut aka jout pakpak mi sañgoñda amöt qemalget. Silik mewöñi mewöñi mi gwötpuk wuatangöba malget.

⁵ Mianğöra Köna keugö kapañkölköl aka mianğö böhi yeñön Jisös kewö qesim wañgiget, “Göhö gwarekurupkan wuanöñgöra ambösakoninañgö

silikñini qahö wuatangöba böröñini domamöt qahö qeba töndup nene neze.”

⁶ *Mewö qesim wanğigetka kewö jii mötket, “O urumelenğö silesile ambazip, kezapqetok azi Aisaianöñ mönö enğö könarjanñini törörök indela Buzup Kimbi kun kewö ohoi ahöza, ‘Ambazip kambu kianön mönö numbu jitrñinan ölopñanök göda qem niñgimakzemö, uruñinan nönöñgan ak niñgiba kungen algetka köröwen ahöza.

⁷ Mewö ahöiga nönğö waikni öne töhön memba möpöseim niñgimakze. Köna keu kusum enğibin, jiba salupñe ambazip yengö jimkutukutuñini mi numbu o alakze.’

⁸ Aisaianöñ mewö ohoyök. Injini mönö mianğö dop Anutugöreñ jöjöpañ keu andö qeba ambösakonñinanğö silikñi wuatangömakze. Mi qahö dop kölja.”

⁹ Mewö jiba kewö jiyök, “Nanñini silikñini walñi wuatangöbingöra mönö ölopñanök Anutugöreñ jöjöpañ keu qeapkömakze. ¹⁰ *Mianğö keuñi kun kewö: Mosesnöñ kewö jim kutuyök, ‘Iwinamgi mönö göda qem etkimakñan,’ aiga ‘Kunñan iwiñi me namñi qesuahömawi, i mönö qegetka kömuma.’ ¹¹ Mewö jim kutuyökmö, injini keu mi onğita kewö jimakze, ‘Kunñan iwinamñi yetköra kewö jima. Wösöni mötzal. Nönğö nangönanğö yuaini buña qem anğubahorak, mi lök Anutugö danğe tahaya albi ahöza. Mi saiwap naluköra kewöta albi ahöza. ¹² Kunñan mewö jiiga dop kölma.’ Mewö jiba jöhöm wanğigetka iwinamñi yetköra baukbauk kun qahö toroqeba etkimakña. Mi qahö dop kölja. ¹³ Yei! Mewö aka nanñini ahakmemeñinanğö silikñini jim kutuba mianjön Anutugöreñ jöjöpañ keu utala omani aka pömsöm qemakza. Injini yuai mewöñi gwötpuk ahakze.” Mewö melenğ enğiyök. Mewö.

Azi uru mi denöwö tölohoba lantiza?

Mat 15.10-20

¹⁴ Jisösnöñ ambazip kambu kunbuk enğoholi kagetka kewö jii mötket, “Injini mönö körek keu ki kezap ala möt asarime. ¹⁵ Azi yaigepñeyök yuai uruñe gemakzawi, mianjön mönö tölohom wanğimamğö osimakzapmö, nanñi urukönömñeyök keu kota erakzawi, mianjön mönö tölohom wanğimakza. ¹⁶ Kunñan kezapñambuk malja ewö, yanjön mönö keu ki kezap ala möt kutuma.” Mewö.

¹⁷ Jisösnöñ mewö jiba ambazip kambu enğömosöta anda miri kunöñ öngöyök. Öngöba tariga gwarekurupñan dopkeu mianğö könarjanğöra qesiget. ¹⁸ Qesigetka kewö jii mötket, “O alaurupni, injini mewöyök mötmötñini ölopñi qahö akze me? Nene yuai azi yaigepñeyök uruñe gemakzawi, mi tölohom wanğimamğö osimakza. Mi möt kutuze me qahö? ¹⁹ Mi urukönömñe qahö gemakzapmö, kömgokñe geba yaigep erakza.” Jisösnöñ keu mewö jiba mianjön “Numbu nene pakpak mem sarahim teköyök.”

²⁰ Jisösnöñ toroqeba kewö jiyök, “Azi urukönömñeyök keu kota erakzawi, mianjön mönö tölohom wanğimakza. ²¹ Ambazip uru könömñineyök yuai kewöñi asuhuba korakza: Keu bölöñi mötmöriba serowilin akingö mörakze. Yonğorö memba suña jinan memba ambazip enğuget kömumegö mörakze. ²² Qesabulum akingö mörakze. Membagu membingö nepaqepalok köpösöñğömakze. Bidanja gatmisimisi, jiliwitin

aka isimkakalek akingö mörakze. Lösö jiba urupik akingö mörakze. Kezapjupjup aka körögisigisi akingö mörakze. Söngöröqök mala andöqege keu yöhösañ jiba Anutu mepaiköbingö mörakze. Jakkak-öranböräñ aka uruğahö ahakze. ²³ Yuai bölöñi pakpak miññön mönö ambazip uru könömñineyök kota ambazip tölohom enjgimakza.” Mewö.

Kenan ambi kunñan kapan köla köuluköyök.

Mat 15.21-28

²⁴ Jisösnöñ wahöta Genesaret gölme mosöta siti qetñiri Taiö aka Saidon mietkö distrik qetñi Fonisia miangö uruñe anök. Anda miri kunöñ öngöba buzupñi kunñan mötpapuköra numbuñini muhungöyökmö, töndup tölapñe malmangö osiyök. ²⁵ Osiiga miangörenök ambi kun börtatñi moröñan ömenambuk maliga Jisösgö buzupñi möta yanğören kaba könañe geba simin kölök. ²⁶ Ambi mi Judaya qahöpmö, Grik keu jiba malök. Iwinamñan Siria prowinsgö Fonisiagöra. Yanñon börtatñangö uruñeyök öme közölmakpöra ulet wañgiyök. ²⁷ Ulet wañgiiga kewö jii mörök, “Juda nini mutuk nanine nahönböraturupnini gumohom enjiinga bikñi enjguma. Miangöra morö yeñgö miriñineyök beret memba kiam enjiinga qahö dop kölbapuk. Juda nini kianurup enğö qetñini kiam qerakzin. Nöññon mutuk Juda ambazip bauköm enjgibiga kantri tosatñi enñon mönö kiamgö dop mamböta malme.”

²⁸ Mewö jii möta kewö melenök, “Kembu, mi ölop mötzalmö, kiam moröñi yeññon mönö mewöyök morö yeñğören nene boromñi tebol bapñe eriga nemakze.”

²⁹ Mewö melenñiga Jisösnöñ kewö jii mörök, “Keu mewö jizanağöra ölop möt gihizal. Öme miangöñ mönö döлки börtatki mosöta anja. Miangöra ölop anman.”

³⁰ Mewö jii möta miriñe ani ömenöñ börtatñi mosöriğa dumñe ahöiga ehök. Mewö.

Jisösnöñ azi kun möhamgöyök.

³¹ Jisösnöñ kunbuk Taiö siti gölme mosöta Saidon sitinöñ anda onğita mösököba Ten-taon gölmeğö bibiñi onğita Galiligö o anğö kösutñe kayök.

³² Kaiga kezapduhup azi kun keuñi qahöwakñapköra ahöhi, mi wañgita Jisösgören kaget. Kaba börtöñi nöropñe almapköra qesim wañgiget.

³³ Qesim wañgigetka azi mi wañgita ambazip kambu mosöta kungen anohot. Anda Jisösnöñ börtö suapñi kezapñe ala kinda kunbuk nanñi börtö suapñe söutköba nesilamñe misiriyök. ³⁴ Misiriba suepnöñ ui öngöiga osonğombuk köuluköba nanñe keunöñ “Efata,” nanine keunöñ Tohonöñ! mewö jiyök.

³⁵ Mewö jiiga kezapyahötñan tohoyohotka nesilamñan lolohoiga keuñi ölopñanök jiyök. ³⁶ Jiiga Jisösnöñ miangö buzupñi ambazip jiget mötpepuköra qetal enjgiyök. Qetal enğiba kapan köliga yeññon mi kapan köla jim sehiba malget. ³⁷ Jim sehiba malgetka ambazipnöñ kamböñda welipköba kewö jiget, “Yuai pakpak ölopñanök ahakza. Kezapduhup kezapñini metohoiga mötketka ambazip mötökñi yeñgö nesilamñini pösariga keu jimakze.” Mewö.

8

Jisösnöñ ambazip 4000 nene gumohom enjgiyök.

Mat 15.32-39

¹ Nalö miangörej ambazip kambu ketanjan dumje kunbuk tokoget. Nenenjini qahö malgerangöra Jisösnöj gwarekurupji engoholi yangörej kagetka kewö jii mötket, ² “Nöjön ambazip kambu kiengöra wösöni mötzal. Yejön nöngörej kaba wehön karöbut lök mala kotketka nenenjini qahöwahiga ekzal. ³ Yejögörejök tosatjan köröwenök kaba malgetka nöjön ‘Ölöp mirinjine anme,’ jibi nene qahö negetka öne melaim engibiga könanöj anda mala kembangan jejnini gili tirinbirin akepu.”

⁴ Mewö jiiga gwarekurupjan melenja kewö jiget mörök. “Gölme qararankölkölje kiangörej kunjan mönö denikeyöhök numbu nene mewöji mi mönö miwikñaiba kambu ki gumohom engibawak?”

⁵ Mewö möta kewö qesim engiyök, “Engörej beret dawik ahöza?” Qesim engiiga “Beret 7 ahöza,” jiget.

⁶ Jigetka Jisösnöj ambazip kambu mi gölmenöj geba tatmegöra jim kutum engiiga geba tatket. Geba tatketka beret 7 mi memba Anutugö saiwap jiba mindipköba gwarekurupji engiba ambazip kambu dop sutjine almegöra jiyök. Mewö jiiga miangö dop alget. ⁷ Yejögörej söra morömorö tosatji mewöyök ahöyök. Mi tok memba kötuetsköba ambazip kambu dop sutjine toto qem engimegöra jim kutuyök. ⁸ Jim kutuiga engiget memba nem timbirengöget. Nem timbirengöba nene kitipji mosötket geyöhi, mi sakap 7 miangörej qezakögetka numbuje qeyök. ⁹ Azi nene negeri, yejögö jangöji mi 4000. Negetka melaim engiiga mirinjine anget. Mewö.

Böhi tosatjan angöletot ekingöra kapan kölget.

Mat 16.1-4

¹⁰ Angetka miangörejök gwarekurupji yembuk wangenöj öngöba distrik qetji Dalmanuta miangörej anget. ¹¹ *Farisi (Köna keugö kapankölköl) tosatjan miangörej kaba Jisösbuk könahiba jitnakölik aket. Keu bötaknöj örömapköra esapköm wangiba kewö kapan köla qesiget, “Mönö jinönga Suepnöhök angöletot kun asuhuiga ekin.” ¹² *Mewö jigetka urujan lömböriiga osongombuk qeiga jiyök, “O ambazip nalö kewöje gölmenöj maljei, injini mönö wuanöngöra Anutugö aiwesök asuhumapköra kapan kölakze? Nöjön keu ölni kun kewö jibi mötme: Anutunöj aiwesök mewöji mi qahö memba kondel engima. Omban saumban!”

¹³ Mewö jiba engömosöta kunbuk gwarekurupji yembuk wangenöj öngöba angö kutuba likepne angotket. Mewö.

Farisi aka Herod yejön wösökömbuk ewö akze.

Mat 16.5-12

¹⁴ Miangörej angota semön mendingö ölum enjuiga beret mohot-töp mia wangenöj memba tatket. ¹⁵ *Tatketka Jisösnöj kewö jim kutum engiyök, “Injini Köna keugö kapankölköl (Farisi) yejögö wösökömbukjini aka Herodkö gipmi kakji mietköra mönö galömjini meme. Mi ölöpñanjök qahö kewöta andö qegetka mietkön mönö yist ewö qariba mem bölim engimahot.”

¹⁶ Jiiga keu pasetji mi qahö möt asariba sutjine kewö eraum mötket. “Beretnini qahöpköra jiza me denöwö?”

¹⁷ Mi eraum mötket kezapne geiga kewö jii mötket, “Wuanöngöra beretnini qahö jiba eraum mötze? Nöngö könañamni mi wuanöngöra

qahö möt kutuze? Mi tok qahö möt asarize me? Urukezapņinan gwözönda tatza me? ¹⁸ *Jeņini ahözapmō, tōndup qahö ek kutuze me? Kezapņini ahözapmō, tōndup qahö möt asarize me? Yuai asuhuyōhi, mi ölum enģuza me qahö? ¹⁹ Nōņön beret 5 mi 5000 yeņģöra mindipkōbiga miangō kitipņi qezakōgetka kōnde dawiknōņ geba numbuņine qeyök?” Qesim enģiiga “Kōnde 12,” jiget.

²⁰ Jigetka toroqeyök, “Nōņön beret 7 mi 4000 yeņģöra mindipkōbiga miangō kitipņi qezakōgetka sakap dawiknōņ geba kokolak qeyök?” Qesim enģiiga sakap 7 jiget.”

²¹ Jigetka jii mötket, “Miangōra kōnaņamni mi mönō tok qahö möt asarize me?” Mewō

Jegömöl azi kun jeņi metohoyök.

²² Jisōsnōņ gwarekurupņi yembuk Betsaida taonōņ kaget. Miangōreņ kaba jegömöl azi kun waņgita Jisōsgōreņ kaņgota bōrōņan misirimapko köulukōm waņgiget. ²³ Köulukōm waņgigetka jegömöl azi mi bōrōņe memba waņgita miri yaigepņe anohot. Anda sōutnezit jeņe ala bōrōņi nōrōpņe ala qesim waņgiyök, “Yuai kun ekzan me qahö?”

²⁴ Qesim waņgiiga jeņi ui öngōiga jiyök, “Ambazip enģekzalmō, mi ip tandōktandök aketka imutimutņanök enģekiga anda kaba kinje.”

²⁵ Mewō jiiga kunbuk bōrōņan jeyahōtņi misiriiga tohoyohotka törörök uiga asarim sölölöngōiga yuai pakpak ölöpņanök ek tekōyök. ²⁶ Ek tekōiga melaim waņgiba kewō jii mörök, “Gi miri kungen kude anmanmō, diņdiņanök nangi mirige anman.” Mewō.

Pitōņōņ Jisōsgō kōnaņi jim miwikņaiyök.

Mat 16.13-20; Luk 9.18-21

²⁷ Jisōsnōņ Betsaida mosōta gwarekurupņi yembuk Sisarea Filipai taongō kōsutņe anget. Kōnaņōņ anda gwarekurupņi kewō qesim enģiyök, “Ambazipnōņ nōņģöra denōwō jimakze? Ni niņia akzal?”

²⁸ *Jiiga melenāta kewō jiget, “Tosatņan ‘Gi Jon O-melun azia akzan,’ jimakzemō, tosatņan ‘Gi Elaija akzan,’ jimakze aka tosatņan toroqeba kewō jimakze, ‘Gi kezapqetok azi walņi yeņģoreņök kun akzan.’

²⁹ *Mewō jigetka kewō qesim enģiyök, “Aka nanņinak nōņģōra denōwō jize? Ni niņia akzal?” Qesim enģiiga Pitōņōņ kewō melenōk,

“Gi Anutugōreņ Amōtqeqe Toņi Kraist akzan.”

³⁰ Mewō jiiga kōnaņi aukņe jiget kunņan mötpapukōra soņgo köhöikņi al enģiyök.

Jisōsnōņ kōmumangō keuņi jiyök.

Mat 16.21-28; Luk 9.22-27

³¹ Jisōsnōņ gwarekurupņi kōnahiba kewō kusum enģiyök, “Suep gölmegō azi ölņan mönō sihimbōlö gwōtpuk mötma. Kantrigō jitņememe, jike nup galōm aka Kōna keugō böhi yeņön mönō andō qeba qegetka kōmuma. Kōmui wehōn karōbut tekōiga kōmupnōhök wahōtma.” ³² Jisōsnōņ keu mi qahö köyatiba aukņe jiiga Pitōņōņ miangōreņök örōm waņgiba gōraņe anda kōnahiba qetal waņgiyök. ³³ Qetal waņgiiga lilingōba gwarekurupņi uba enģeka Pitō qetala kewō jim waņgiyök, “Gi keu mötmōrizani, mi Anutugōreņ keuya qahōpmō, gölme ambazip aka Satangō sihima. Miangōra Satan, gi mönō dōlki nōņģō jemesoholneyök kesalnōņ.” Mewō.

* 8:18: Jer 5.21; Eze 12.2; Mak 4.12 * 8:28: Mak 6.14-15; Luk 9.7-8 * 8:29: Jon 6.68-69

Kraist wuatangöbingö söngöröji.

³⁴ *Jisösnöj ambazip kambu aka gwarekurupnji engoholi kagetka keu kewö jii mötket, “Kunjan nöngö andöne kamangö mötzawi, yanön mönö nanji urusileñangö sihim kömbönanji bölöñi andö qeiga sisitñi megetka sihimbölo mi bisimakña. Mi maripomnöñ kömumawangö dop mököstöñda ni nuatangöba kama. ³⁵ *Kunjan malmalñi nanñangöra anğön köla nanji imbi-imbi maljawi, yanön mönö malmalñi ölnji jöhöi sohoma. Sohomapmö, kunöñ gölmegö malmalñi mi ni aka nöngö Ölöwak Buñanangöra aka köleñda tököm niñgimawi, yanön mönö malmal ölnangö könanji miwikñaiba köhöiba malma. ³⁶ Kunjan gölmenji gölmenji miengö öröyuañji pakpak köl öröi buñanji an teköiga uruñangö malmalñi mem sohoba silebile mala kömuiga Anutunöñ keunji jim teköiga uruñan ayuhuiga qahö dop kölma. Sukinapñi mianön mönö urusöstöngai qahö ak wangima. Qahöpmahöp! ³⁷ Körek neñön mönö bohonini jöhöbingö osibin. ³⁸ Ambazip kambunji kambunji nalö kewöñe gölmenöñ qesabulum aka siñgisöndok tosatñi aka malakze. Kunjan yeñgö sutñine nöngö qetni aka Buña keuni memba et aljawi, mi Suep gölmegö azi ölnan mewöyök ehöröñ kölma. Yanön könanğep Suep garata töröñi yembuk ki etiketka Iwiñangö asakmararanji eka aurugetka yanön azi me ambi mewöñi mönö ehöröñ köl wangima.” Mewö.

9

¹ Mewö jiba kewö jii mötket, “Nöñön keu ölnji kun kewö jibi mötme: Kiangöreñ kinjei, engö sutñineyök tosatñan Anutunöñ bemtohoñi kuñguiga kukösumñan asuhumawi, mi ek kutume. Jebuk mala kömupkö sihimbölöñi qahö mötketka asuhum tiñgiriga ekñe.” Mewö.

Jisösgö sileñe letotqetot ahök.

Mat 17.1-13; Luk 9.28-36

² *Wehön 6 teköiga Jisösnöñ Pitö, Jeims aka Jon enğuanğita ambazip engömosöta nanñinök kundunji köröpñi kunöñ öngöba kötikñe malget. Mianğöreñ malgetka jemesoholñine kiniga Jisösgö sile tandökñan letota murutñi ahök. ³ Malukuñan tuat lalamñi asakmararañambuk ahök. Gölmenöñ opo tuatñi saipenöñ (omo bliz) sanğonmakzei, mönö mi onğita tuariyök. ⁴ Mewö aiga Elaija aka Moses yetkön asuhum engiba Jisösbuk keukeu jiget. ⁵ Jigetka Pitönöñ könahiba keu jiba Jisösgöra kewö jiyök, “Ketanamnini! Neñön kiangöreñ uruölöwak mötzin. Mianğöra neñön ölop koun karöbut qebin: Göhö kun, Mosesgö kun aka Elaijagö kun.” ⁶ Gwarek yeñön jönömñini gwötpuk unduiga Pitönöñ “Denöwö jimam,” jiba keu jaruyök.

⁷ *Keu jaruba kiniga unuñunñ tuat lalamñi asakmararañambuk kunöñ eta aumñan esuhum engiiga mianğö uruñeyök qet kun kewö eriga mötket, “Azi ki nani wölböt nahöna akza. Mönö yanğö keunji möta malme.” ⁸ Keu mi möta könöpuk lilingöm purik um jaruba tosatñi kunbuk qahö etkeketka Jisösnöñ nanñök yembuk kinök. Mewö.

Jon O-melun azi mi Elaijagö salupñi akza.

⁹ Kunduñeyök etiketka Jisösnöñ sörokñi mianğöreñ kewö jim kutum enğiyök, “Inini yuai ekzei, mianğö buzupñi mi mönö ambazip kun kude

* 8:34: Mat 10.38; Luk 14.27 * 8:35: Mat 10.39; Luk 17.33; Jon 12.25 * 9:2: 2 Pitö 1.17-18

* 9:7: Mat 3.17; Mak 1.11; Luk 3.22

jiget mötme. Suep gölmegö azi öljan kömupnöhök wahöriga miangö andöje mi ölop jim asariba malme.”

¹⁰ Mewö jim kutum enjiiga gwarekurupni karöbut yeñon keu mi uruñine anğon köla “kömupnöhök wahötwahötkö” könañi mi nanñini qesim anğuba eram mötket. ¹¹ *Eram möta Jisös kewö qesim wañgiget, “Köna keugö böhi yeñon mönö keu kewö jimakze, ‘Kezapqetok azi Elaijanöñ mönö Suepnöhök mutuk eta asuhuma.”

¹² Qesim wañgigetka melenja kewö jiyök, “Elaijanöñ mutuk eta asuhuba malmal pakpak möhamgöma. Keu mi ölja akzapmö, keu kun ki mönö wuanöñgöra ohoget ahöza: Suep gölmegö azi öljan mönö sihimbölo gwötpuk möriga jijiwilit ak wañgime.” ¹³ Keu yahöt mi ahözahotmö, nöñon kewö jibi mötme: Elaijanöñ lök eta asuhuyökmö, yañgöra Buña keu ohoget ahözawañgö dop ambazipnöñ i nanñini sihimñini wuatangöba lan ak wañgiget.” Mewö.

Jisösnöñ öme wuatangöi morönöñ ölöwahök.

Mat 17.14-21; Luk 9.37-43

¹⁴ Jisös aka gwarek karöbut yeñon kunduneyök eta gwarekurupni tosatni yeñgöreñ kaba yuai kewö eket: Köna keugö böhi tosatñan kind a yembuk jitnakölik aka goranora keu jigetka ambazip jesöñgöñan liliköba engeka kinget. ¹⁵ Mewö kind a ambazip kambu pakpak yeñon Jisös eka miangöreñök auruba kiñkiñgöba kösutñe anda jölöñi jiget. ¹⁶ Jölöñi jigetka kewö qesim enjiyök, “Inini wanatköra yembuk jitnakölik aka goranora keu jize?”

¹⁷ Qesim enjiiga kambuneyök azi kunöñ melenja kewö jii mörök, “Böhi! Nöñgö nahöni ömenöñ numbuñi muhungöba töñöt mem wañgiiga wañgita göhöreñ kazal. ¹⁸ Mi miangöreñ me miangöreñ memba mendawöla öröm giliga eta qeba numbuñeyök qölqöl söutsöt eriga irimñi yöhözömgöba sileñan sölöpkömakza. Mewö ahiga kaba göhö gwarekurupki ulet enğiba öme mi wuatangömegö jizalmö, yeñon osize.”

¹⁹ Mewö jiiga melen wañgiba jiyök, “Gölmegö yañgiseñ ambazip yei! Mönö nalö dawik embuk mala qatön enğubiga Anutu qahö möt narigetka sihimbölo mötmam. I mönö wañgita nöñgöreñ kaget.

²⁰ Mewö jiiga wañgita yañgöreñ kaget. Kagetka ömenöñ Jisös eka miangöreñök morö utuköba urepköm wañgiiga wölöhariba tala gölmenöñ qeba pörañpörañ mitiba semben auba ahöiga numbuñeyök qölqöl söutsöt kota erök. ²¹ Jisösnöñ mi eka iwiñi kewö qesim wañgiyök, “Nalö dawikö dop yuai ki lök asuhum wañgiiga kotza?” Qesim wañgiiga jiyök, “Mi lök morörökñeyök asuhum wañgiyök.

²² Mi mem bölim wañgimangöra nalö tosatñe könöpnöñ, nalö tosatñe onöñ metal wañgiiga nalö gwötpuk geba qebayök kinahakza. Mewö mö, miangö kukösumñi kun göhöreñ ahöza ewö, mönö ak kömumba bauköm netkiman.”

²³ Mewö jiiga jiyök, “‘Kukösumñi göhöreñ ahöza ewö,’ jizan. Anutugö kukösumñan mönö yuai kungöra qahö qakömakza. Anutu möt narizawañon mönö yuai pakpak ölop ahakña.”

²⁴ Mewö jiiga iwiñan miangöreñök qeta jiyök, “Anutu möt narizalmö, mötnaripnan lölöwöröñi akza. Mötnaripni mönö mem köhöiman.”

²⁵ Jiiga ambazip jesöñgöñan ösumñinan kaba kingetka eka miangöra öme mi kewö jim wañgiyök, “Gi töñöt aka kezapduhupkö ömeñi, nöñon jim

* 9:11: Mal 4.5; Mat 11.14

kutum gihizal: Gi mönō azi ki mosōta kota anda kunbuk kude lilingōba kaman.”

²⁶ Jim wanjiiga qeta silata morō mi utukōba könōpuk urepkōm wanji wölōhariiga utala kota anōk. Kota aniga qeba qamōt tandōk aka ahōiga gwōtpukñan mi eka “Wōsōñi alja!” jiget. ²⁷ Mewō jigetmō, Jisōsnōñ börōñe memba köbibiiga wahōta kinōk.

²⁸ Mewō kiniga Jisōsnōñ miri uruñe öngōiga gwarekurupñan nanñinōk tata kewō qesim wanjiget, “Neññon mönō wuanōngōra mi naninōk wu-atanğōbingō osizin?”

²⁹ Qesim wanjigetka kewō jii mötket, “Öme tandōkñi mewōñi mi mönō köulukōba nene sinji mala wuatanğōbin. Yuai murutñi kun ahinga qahō kota anma.” Mewō.

Jisōsnōñ kōmumangō Buññi jiiga yahōt ahōk.

Mat 17.22-23; Luk 9.43b-45

³⁰ Jisōsnōñ gwarekurupñi yembuk miri gölme mi mosōta anda Galili prowins uruñe lilikōba denike malgeri, mi kunñan mötmapkō tököyōk.

³¹ Mia tököba gwarekurupñi kusum engimangōra ölöñ anget. Könanōñ anda keu köññi kewō jii mötket, “Anutunōñ Suep gölmeğō azi öññi mi gölme ambazip yenğō börōñine al wanji gema. Geiga i qegetka kōmuma. I qeget kömui wehōn karōbut tekōiga mianğōreñ mönō kōmupñöhōk wahōtma.”

³² Keu köññi mewō jii mötketmō, mi qahō möt kutuget aka könanñi denewō, mi qesibingō kölköldömdöm aket. Mewō.

Gwarek sutñine danñon mutukñi akza?

Mat 18.1-5; Luk 9.46-48

³³ Mewō anda Kaperneam taonōñ kanğotket. Mianğōreñ kanğota nanñi miri uruñe öngōba gwarekurupñi kewō qesim engiyōk, “Inini Könanōñ kaba wani keuya eraum mötze?”

³⁴ *Yeññon könanōñ kaba ‘Danñon öngōñğōñi akza’ mia nanñinōk eraum möta kaget. Mianğōra qesim enjiiga keu bōk tatket. ³⁵ *Keu bōk tatketka Jisōsnōñ geba tata gwarekurupñi 12 engoholi kagetka kewō jii mötket, “Kunñan mutukñi malmangō mötza ewō, yanñon mönō körek engō nembō bapñine eta qōndōkñi aka tosatñi pakpak welen qem engimakñi.”

³⁶ Mewō jiba namande morōñi kun memba sutñine ali kinōk. Kiniga börōñan memba tambuñe ala kewō jii mötket, ³⁷ * “Kunñan namande kewōñi kun nōngō qetne miriñe köl örōba köyan kölmawi, yanñon mönō ni köl örōm niñgima. Kunñan mewō ak niñgizawi, yanñon niyōk qahōpmō, danñon melaim niñgiyōhi, mönō i mewōyōk köl örōm wanğima.” Mewō.

Jisōsnōñ gwarekurupñi mindiñğōm engiyōk.

Luk 9.49-50

³⁸ Jonōñ Jisōs kewō jii mörōk, “Bōhi! Nini azi kun neñğō andōnine qahō kayōhi, yanñon göhō qetnōñ ömewörōme közöl enjiiga ehin. Yanñon nembuk qahō lilikōba maljawanğōra nini i qetal wanjiin.”

³⁹ Mewō jiiga Jisōsnōñ jiyōk, “I kude qetal wanğime. Kunñan nōngō qetni qeta anğōletot mezawi, yanñon mönō mianğō andōñe nōngō andōqege keu awamñanōk jimangō osima. ⁴⁰ *Kunñan qahō qetal neñgimazawi, yanñon mönō neñğō areññōñ malja. (Mianğōra nōngō alaurupñi tosatñi mi kude

* 9:34: Luk 22.24 * 9:35: Mat 20.26-27; 23.11; Mak 10.43-44; Luk 22.26 * 9:37: Mat 10.40;

Luk 10.16; Jon 13.20 * 9:40: Mat 12.30; Luk 11.23

qetala angösirip meme.) ⁴¹ *I mönö nangöm engigetka Anutunöŋ tōwanjini engima. Kunŋan Kraistkö qetŋe yaŋgö buŋaŋi akzeangöra aka o qambi nemegö engimawi, Anutunöŋ mönö miangö tōwanj melenŋa waŋgima. Nöŋön keu ölnj kun kewö jibi mötme: Nangöm engimei, mienŋön mönö tōwa meme.” Mewö.

Singisöndokö kölgorom mönö qetal engime.

Mat 18.6-9; Luk 17.1-2

⁴² Jisösnöŋ keu kewö jiyök, “Morö kewöŋi möt narim niŋgizei, kunŋan yengörenök kun kölgorom ak waŋgiiga singisöndok akŋawi, azi mianŋön mönö lömböt öngöŋgöŋi miwikŋaima. Anutunöŋ lömböt miangö likepŋi denöwö waŋgiiga dopŋe akawak? Kemuŋ jamönŋiŋ jölŋe jöhöba köwet röndumnöŋ gilget mulungöi gebawak, mianŋön mönö awamŋi ahum waŋgii tandök akawak. ⁴³ *Miangöra börögan singisöndok akŋangö kölgorom ak gihima ewö, mönö yandim gilman. Yandim gilagun börötak mala malmal köhöikŋi miwikŋaiba oyaenŋoyaenŋ akŋanmö, börö yahötpuk mala könangep könöp sianöŋ gebanbuk. Sia könöpŋi mi nalö kunöŋ qahö bököma. ⁴⁴ Miangörenŋ ‘Döhöŋini engöhöm pilikuta mala qahö kömume aiga könöpŋinan nalö kunöŋ kude bököma.’

⁴⁵ Mewöyök könagan singisöndok akŋangö kölgorom ak gihima ewö, mönö yandim gilman. Yandim gilagun könatohot mala malmal köhöikŋi miwikŋaiba oyaenŋoyaenŋ akŋanmö, köna yahötpuk malnöŋga könöp sianöŋ gil gihigetka gebanbuk. ⁴⁶ Miangörenŋ ‘Döhöŋini engöhöm pilikuta mala qahö kömume aiga könöpŋinan nalö kunöŋ kude bököma.’

⁴⁷ *Mewöŋanök jegan singisöndok akŋangö kölgorom ak gihima ewö, mönö qözöla gilman. Qözöla gilagun je-ilik mala Anutugö bemtohoŋnöŋ angota oyaenŋoyaenŋ akŋanmö, je yahötpuk malnöŋga könöp sianöŋ gil gihigetka gebanbuk. ⁴⁸ *Miangörenŋ ‘Döhöŋini engöhöm pilikuta mala qahö kömume aiga könöpŋinan nalö kunöŋ kude bököma.’

⁴⁹ Könöp sia miangörenŋ ambazip körek mi howe sihi kölköl ewö könöpŋnöŋ engohogetka sihimbölöŋi mötme.

⁵⁰ *Howe mi ölöŋŋi akzapmö, howegö sihimŋi mosötma ewö, mi mönö denöwö möhamgögetka nahömŋi kunbuk ahubawak? Injini mewöŋanök urumohot malmalgö nahömŋi mosötpepek. Miangöra Suep howenŋini mosötpepeköra mönö galömŋini memba sutŋine luai qem anguba malme.” Mewö.

10

Awanöm angömosötmosötkö keuŋi

Mat 19.1-12; Luk 16.18

¹ Jisösnöŋ wahöta Kaperneam miri mosöta Jordan o kutuba likepŋe anda mötöteiba eta kunbuk o mi kutuba Judia prowinsnöŋ kayök. Kaiga ambazip kambulelembenöŋ kunbuk yangörenŋ tokogetka akalöhi, miangö dop kunbuk kusum engiyök.

² Kusum engiiga Farisi (Köna keugö kapaŋkölköl) tosatŋan yangörenŋ kaba keugö bötaknöŋ örömapkö esapköm waŋgiba kewö qesim waŋgiget, “Azinöŋ anömŋi mosötmawi, mewö mianŋön Köna keu ongitma me qahö?”

³ Qesim waŋgigetka melenŋa kewö jii mötket, “Mosesnöŋ miangö keuŋi denöwö jim kutum engiiga ahöza?”

* 9:41: Mat 10.42 * 9:43: Mat 5.30 * 9:47: Mat 5.29 * 9:48: Ais 66.24 * 9:50: Mat 5.13; Luk 14.34-35

⁴ *Mewö jii möta kewö jiget, “Azinöŋ angömosötmosöt papia ohoba anömŋi ölop mosötma. Mosesnöŋ mewö jim kutui ahöza.”

⁵ Mewö jigetka kewö jim enġiyök, “Yaŋön mönö uruköhöikŋinanġöra aka jimkutukutu mewö ohom enġiyök. ⁶ *Ohom enġiyökmö, Anutunöŋ könakönahinje yuai pakpak miwikŋaiyöhi, nalö miangörenök ‘Azi aka ambi malmegöra miwikŋaim enġiyök.’ ⁷ *Miangöra azinöŋ mönö iwinamŋi etkömosöta anömŋanġoren anda qekötahöiga ⁸ yetkön sile mohot aka malmahot. Mewö aka toroqeba yahöt qahö akzahotmö, sile mohot aka malmahot. ⁹ Anutunöŋ azi aka ambi mindirim etkiyöhi, ambazip kunŋan mönö i kude mendenj etkima.”

¹⁰ Jisösnöŋ mewö jiba miri uruje öngöiga gwarekurupŋan keu miangöra kunbuk qesim wanġiget. ¹¹ *Qesim wanġigetka kewö jii mötket, “Azi kunöŋ anömŋi wuatangöba ambi kun memawi, yaŋön mönö qesabulum sero yonġorö akŋa. ¹² Mewöyök ambi kunöŋ apŋi wuatangöba azi kun memawi, yaŋön mönö qesabulum sero yonġorö akŋa.” Mewö.

Jisösnöŋ nahönbörat kötuatköm enġiyök.

Mat 19.13-15; Luk 18.15-17

¹³ Ambazip tosatŋan nahönbörat morömorö enġuangita Jisösnöŋ enġömisirimapköra yanġorenj kagetmö, gwarek yeŋön ambazip mi jim qetal enġiget. ¹⁴ Mewö aketmö, Jisösnöŋ mi eka uruŋi böliiga kewö jii mötket, “Nahönbörat moröŋi mönö enġömosötketka nöngörenj kame. Anutunöŋ ambazip mewö mia bemtohonj buŋa qem enġima. Miangöra i kude jöhöm enġime. ¹⁵ *Nöŋön keu ölnj kun kewö jibi mötme, “Kunŋan Anutugö bemtohonj mi nahönbörat ewö buŋa qahö qem anġumawi, yaŋön mönö miangö uruje anġotmamgö osima. ¹⁶ Mewö jiba tambuŋe ala dohongöm enġiba böröŋi nöropŋine ala kötuatköm enġiyök. Mewö.

Jisösnöŋ azi pomŋi kungö qamban keu jiyök.

Mat 19.16-30; Luk 18.18-30

¹⁷ Jisösnöŋ könahiba köna anmamgö ahiga azi kunöŋ ösumŋan yanġorenj kayök. Kaba wösöŋe geba simin köla kewö qesim wanġiyök, “Böhi ölopŋi, nöŋön mönö denöwö aka malmal köhöikŋanġö buŋa qem anġubilenak?”

¹⁸ Qesim wanġiiga kewö jii mörök, “Nöngöra ‘Böhi ölopŋi,’ mi wuanöngöra jizan? Anutu mohotŋan ölopŋi akza. Azi kunŋan i ewö ölopŋi qahö akza. ¹⁹ *Gi jöjöpaŋ keu ki möt teközan, ‘Ambazip kun kude qenöŋ kömuma. Sero yonġorö kude akŋan. Yonġorö kude meman. Jitnöŋ alal keu kude jiman. Kalöpköba yonġorö kude meman. Iwinamgi mönö göda qem etkimakŋan.’”

²⁰ Mewö jii möta kewö jiyök, “Böhi, mi pakpak mönö gwaböneyök tem köla mala kotzal.”

²¹ Mewö jiiga Jisösnöŋ uba eka urukönömŋan jöpaköm wanġiba kewö jii mörök, “Mohot kungöra kewö osizan: Gi mönö anda sukinapki pakpak söngöröŋi memegöra alnöŋ monenj kaiga ambazip wanapŋi enġiman. Mewö aknöŋga sukinapki ketanġi (guli masapugi milyön kinagi ewö) ketanġi mi Suep mire ahöm gihima. Mewö aka ni nuatangöba kaman.”

²² Jisösnöŋ mewö jiyökmö, sukinapŋi gwötpuk ahöyöhanġöra aka keu mi möta uruŋi bosoleiiga wösöbirik aka jenġi asöliiga öne mosöta anök.

* **10:4:** Dut 24.1-4; Mat 5.31 * **10:6:** Jen 1.27; 5.2 * **10:7:** Jen 2.24 * **10:11:** Mat 5.32; 1 Kor 7.10-11 * **10:15:** Mat 18.3 * **10:19:** Eks 20.12-16; Dut 5.16-20

²³ Mosöta aniga Jisösnöj ui anda kaiga gwarekurupni kewö jii mötket, “Yei! Ambazip monen inapninambuk yejön mönö Anutugö bemtohojnöj angotpingö lömböriba kupuk-kapak akje.”

²⁴ Mewö jiiga gwarek yejön mi möta welipkögetmö, Jisösnöj toroqeba kewö jii mötket, “Gupanurupni, ambazip denike yejön monen inapnini möt narimakzei, yejön mönö Anutugö bemtohoj uruje angotpingö lömböriba kupuk-kapak akje. ²⁵ Mi kewö jim tuarimam: Sömbup ketanj kamel mi kondi kinimje ölop qahö angotma. Miangö dop ambazip pomni yejön Anutugö bemtohoj uruje angotpingö lömböriba qaköme.”

²⁶ Mewö jii möta aurum tililingöba nanjinangöra kewö jiget, “Opopon! Ambazip danön mönö Suepkö buñaya akawak?”

²⁷ Mewö jigetka Jisösnöj uba engeka kewö jiyök, “Ambazipnöj mi esapköba osiba qakömakzemö, Anutunöj mewö qahö ahakza. Anutunöj mönö yuai pakpak ölop ahakza. Yanön yuai kun aka memangö qahö osiba qakömakza.” Mewö.

Jisösgö nup memegö töwanji

²⁸ Pitönöj keu mi möta melenä Jisös kewö jii mörök, “Mötnöj, nejön mönö yuai pakpak mosöta gi guatanjöba kain.”

²⁹ Mi möta Jisösnöj kewö jiyök, “Nöjön keu ölni kun kewö jibi mötme: Kunjan nöngö aka Ölöwak Buñagöra aka yuai kun mosöröhi, - mi jike mirinji, darumunji, nenbehötji, iwinamji, nahönböratji me nup kisinji - mi engömosöriğa Anutunöj mönö miangö likepni ongita melen wanjiğa sehima. ³⁰ Kunjan yuai mi mosöröhi, Anutunöj mönö salupje mi 100:kö dop toroqeba wanjiğa nanji buñaya akja. Gölmegö malmalnöj sesewerowero uruje malmapmö, jike miri, darumun, nenbehöt, iwinam, nahönbörat aka nup kisi mi mönö salupje ahum wanjiğa aka nalö könangepje malmal köhöikni teteköji qahö buña qem anjuma. ³¹ *Mewö asuhumapmö, mutukni engörenök gwötpukjan dagibezupni aketka dagibezupni yengörenök gwötpukjan mutukni akje.” Mewö.

Kömumangö keunji jiiga karöbut ahök.

Mat 20.17-19; Luk 18.31-34

³² Jisösnöj gwarekurupni yembuk Jerusalem sitinöj öngöbingöra gölme köna anget. Jisösnöj mutuk aniga gwarekurupjan andöje anda welipköget aiga ambazip andöjine kageri yejön mönö kengötjini mötket. Mewö aketka Jisösnöj gwarekurupni 12 mi kunbuk öröm engiba könahiba kusum engiyök. Yangören yuai asuhumawi, keu mi jim asariba kewö jiyök, ³³ “Mötket, nini Jerusalem öngöbin. Miangören kunjan Suep gölmegö azi ölni mamalolo mem wanjiğa jike nup galöm aka Köna keugö böhi yengö böröjine gema. Yejön kömumapkö keunji jim teköba kian gawman yengö böröjine al wanjime. ³⁴ Al wanjigetka mepaiköba söutkölap qeba ihilek wahinambuknöj tauköm wanjime. Tauköm wanjiba qegetka kömuma. Kömumba wehön karöbut teköiga kömupnöhök wahötma.” Mewö.

Jeims Jon yetkön yuaigöra ulerohot.

Mat 20.20-28

³⁵ Jisösnöj mewö jiiga Jebedigö nahönyahötji Jeims aka Jon yetkön yangören anda kewö jiyohot, “Böhi, niri yuai kungöra ulet gihiziri mi ak netkimangö mötzit.”

³⁶ Jiyohotka qesim etkiyök, “Injiri wani yuai ak etkimangöra mötzahot?”

* 10:31: Mat 20.16; Luk 13.30

³⁷ Qesim etkiiga kewö jiyohot, “Göñön ölop jim kutunönga niri göhö asakmararajñöñ eu öngöba kunöñ börögi öljə aka kunñan börögi qaniñe tata yuai pakpak galöm kölbinak.”

³⁸ *Mewö jiyohotmö, Jisösnöñ kewö jii mörohot, “Injiri mianğö könañi qahö möt yaköba uletzahot. Nöñön qambi asölnambuk nemami, injiri mi ölop nempa sihimbölä mötmahot me qahö? Jöm nöñgwambuknöñ melun mem niñgimei, injiri mi memahot me qahö?”

³⁹ Jii möta jiyohot, “Mi ölop membit.”

Jiyohotka kewö jii mörohot, “Mi öljə! Nöñön qambi asölnambuk nemami, injiri mi mewöñanök nemahot aiga jöm nöñgwambuknöñ melun mem niñgimei, mianñön mönö injiri mewöyök melun mem etkime. ⁴⁰ Mem etkimemö, nöñgö böröni öljə me qaniñe dañön tatmahori, nöñön keu mi jim kutumamañğö dop qahö. Anutunöñ dum yahöt mi denike yetköra mözözömgöyöhi, mi mönö yetköra etkiiga nömbuk tata galöm kölmahot.” Mewö.

Galöm öljəñ mönö welenqeçeya akza.

⁴¹ Jeims Jon yetkөн mewö ulerohotka alaurupñi 12 yeñön mi möta könahiba urubölö aket. ⁴² *Mewö aketmö, Jisösnöñ engoholi kagetka kewö jii mötket, “Gölmegö kantrinji kantrinji miengö jembonñinan galöm köl engbingö jizei, yeñön mönö azi kembu tandök ak engimakze. Yeñgö ketañamñinan mönö keu jim kutuba mindinğöm engiba kukösumñini kon-delakze. Injini könañini mi ölop mötze. ⁴³ *Engö sutñine silik mewö ahöbapukmö, kunñan engö sutñine ketañamñini akñamğö mötzawi, yañön mönö welen qem engiba malma. ⁴⁴ Mewöyök kunñan engö sutñine mutukñi malmangö mötzawi, yañön mönö körek engö nembö bapñine mala welenqeçeyini omani akña. ⁴⁵ Suep gölmegö azi öljəñ mönö mewöyök silik mewöñi kondela nanñi welen qem wañgimegöra aka qahö kayök. Qahöpmö, welen qem engiba ambazip sehisehinji yeñgö sohopñini memamğöra aka eta malmalñi kölənda mosötma.

Bartimeus jeñi gömöliiga mem ölöwahök.

Mat 20.29-34; Luk 18.35-43

⁴⁶ Jisösnöñ gwarekurupñi yembuk Jeriko sitinöñ kaget. Kaba siti mi mosötpingö aketka ambazip kambulembenöñ enğuatangöba andöñine kaget. Mewö kagetka jegömöl azi qetñi Bartimeus, Timeusgö nahöññi yañön moneñ aka nene wañgimegö ulet engiba köna jitne tarök. ⁴⁷ Tariga “Nazaret-azi Jisösnöñ kaza!” jiget möta könahiba kewö qerök, “Jisös Deiwidkö gwölönarökñi, mönö ak-kömum niñgiman!”

⁴⁸ Mewö qeriga gwötpukñan bök tatmapköra qetal wañgigetmö, yañön mönö kapañ köla qerök. “Deiwidkö gwölönarökñi, mönö ak-kömum niñginöñ!”

⁴⁹ Qeriga Jisösnöñ dörök ala kewö jiyök, “Ölop qetketka ki kama.” Mewö jiiga jegömöl azi mi qeta kewö jiget mörök, “Göhöra qeza. Mönö mötkurumkurum mosöta wahöta kaman.”

⁵⁰ Mi möta malukuñi qeköba gila pörañ wahöta kinda Jisösgöreñ anök.

⁵¹ Aniga kewö qesim wañgiyök, “Alani, nöñön wani yuai ak gihi-mamğöra mötzan?” Mewö qesim wañgiiga jegömöl azinöñ jiyök, “Ketañamni, ni jeni kunbuk umamğöra mötzal.”

⁵² Mewö jüga Jisösnöñ kewö jii mörök, “Mötnaripkan mönö mem ölöwak gihiza. Mönö ölöp anman.” Mewö jii möta jeñan miangörenök tohoiga uba andöñine Jisös wuatangöba anök. Mewö.

11

Jisösgöra köirañ kölgetka Jerusalem öngöyök.

Mat 21.1-11; Luk 19.28-40; Jon 12.12-19

¹ Jisösnöñ gwarekurupñi yembuk Jerusalem siti dopdowiba Betfage aka Betani miri yahöt kösutñire kaba Oil ip kundune öngöba gwarekyahötñi yahöt melaim etkimamgöra aka ² kewö jii mörohot, “Miri wösöñire tatzawi, mönö miangören anohot. Anda miangören angota donki moröñi kösönöñ jöhöget kinjawi, mi miangrenök miwikñaimahot. Donki mi dölökña, azi kunñan qakñe qahö tatatña. Mi mönö pösata memba ki kamahot. ³ Pösarohotka kunñan ‘Wuanöngöra mewö akzahot?’ jiba qesim etkiiga kewö jimahot, ‘Kembuniran mönö miangöra osiba jüga kazira zilañ melenñiga kunbuk ki kama.’

⁴ Mewö jiba melaim etkiiga anda donki moröñi miri towokñe miri kungö nanñene kösönöñ jöhöget kiniga miwikñaiba pösarohot. ⁵ Pösarohotka azi tosatñi miangören kingeri yeñon kewö qesim etkiget, “Hei, wania akitköra donki moröñi pösatzahot?”

⁶ Mewö qesim etkigetka Jisösnöñ jiyöhanjö dop jiyohot möta “Ölöp memba anmahot,” jiget. ⁷ Jigetka memba Jisösgören kayohotka malukunñini qeköba donki moröñanjö qakñe algetka öngöba tarök. ⁸ Mewö tata aniga ambazip jesöngöñan göda qeba malukunñini qeköba köna namñe tumbulgetka tosatñan gölme köröñe anda ip sinñi mitiba tumbulget. ⁹ *Tumbulgetka ambazip jeñe köl öröba angeri aka andöñe wuatangöba kageri, yeñon kewö jiba qetket, “Hosana, owe owe! Anutu möpöseizin. Kembugö qetñe kamawi, Anutunöñ mönö i kötuetköm wañgima. ¹⁰ Kinñ Deiwidnöñ kantri tohoñ kunñuba galöm köl enjyöhi, nalö mewöñan mönö kunbuk kam neñgiza. O Anutu mönö kantri tohoñnini kötuetköman. Hosana! Qetbuñagi möpöseininga euyangören öngöza. Owe Owe!”

¹¹ Mewö qetketka Jerusalem sitinöñ öngöba jöwöwöl jikegö tohoñ uruñe anök. Miangören liliköba yuai pakpak ehi mare ahiga eta gwarekurupñi ¹² yembuk jike mosöta Betani mire anda ahöget. Mewö.

Jisösnöñ fig ip kun qesuahöiga ululungöyök.

Mat 21.18-19

¹² Ahöba söñanök wahöta gwarekurupñi yembuk Betani miri mosöta angetka Jisösnöñ nenegö kömuyök. ¹³ Nenegö kömumba ui aniga fig ip kun* sinñambuk kini ehök. Eka “Sinñanjö uruñe ölnji tari miwikñaiba nembileñak,” jiba fig ipkö könañe anök. Anökmö, ölnanjö nalöñan qahö törüyöhanjöra sinñanök kini ehök. ¹⁴ Mewö eka ip mi kewö jim wañgyök, “Kunñan ölgü kunbuk kude nema.”

Mewö jim wañgiiga keu mi gwarekurupñan mötket. Mewö.

Jisösnöñ jöwöwöl jike jim kömbuhiyök.

Mat 21.12-17; Luk 19.45-48; Jon 2.13-22

¹⁵ Anda mala Jerusalem sitinöñ öngögetka Jisösnöñ jöwöwöl jikegö tohoñ uruñe anök. Miangören ambazip engehiga inap bohonñi memegöra

* **11:9:** Sum 118.25-26 * **11:13:** Fig mi sambu ipkö alañi kun. Mi nupñine kömötketka kötnji nahömñinambuk asuhuggetka gwötpuk nemakzema.

algetka söngöröni megeri, mi könahiba közöl engiiga etket. Monej utekutek ambazip yengö jakenini metali anget. Mewöyök kembö bohonjini memegöra algeri, miengö dum tatatjni mi tok tötaliga anget. ¹⁶ Sombem kömbukni kutuba yuai siriba angotkangotk könanj jöhöyök. ¹⁷ *Mewö aka kusum engiba kewö jii mötme, “Aisaianöj keu kun kewö ohoi ahöza, ‘Nöngö jikanan mönö gölmenj gölmenj pakpak yengö köulukö mirinjina aknapkö qetme.’ Keu mi ahözapmö, injini mi utekögetka kegwek-kahasililij yengö banjet ewö akza.”

¹⁸ Mewö jii möta ambazip kambu pakpak yenön miangöra nemböjini teköiga welipköget. Miangöra jike nup galöm aka Köna keugö böhi yenön mi möta Jisösgöra kenöjtjni möta eraum möta kewö jiget, “Mönö denöwö jiinga qegetka kömumbawak?”

¹⁹ Mare ahiga Jisösnöj gwarekurupni yembuk siti mosöta yaigep anda ahöget. Mewö.

Fig ipnöj ululungöiga eket.

Mat 21.20-22

²⁰ Ahöba söjanök wahöta könanöj anda fig ip mi ongitpingö aketka jalöngambuk ulungöba kini eket. ²¹ Kiniga Pitönöj Jisösgöreñ keu mötmöriba kewö jii mörök, “Ketanjamni eknöj, fig ip qesuahönöj, mi mönö ululungöba kinja.”

²² Jii möta Jisösnöj kewö melenök, “Anutugö mötnarip mönö töp memba malme.” ²³ *Nöñön keu ölnj kun kewö jibi mötme, “Kunjan keunangö ölnj ahumapkö uruyahöt qahö aka kundunji kiangö tonjanöra kewö jim kutubawak, ‘Mönö kundunji ki qeköba wahöta anda köwetnöj alman.’ Mewö jim kutuba Anutu möt nariiga ölnj mönö miangö dop ahuma. ²⁴ Miangöra nöñön kewö jibi mötme: Wani yuaigöra qesiba köulukömei, mi pakpak lök bunja qem anguzin, mewö möt narigetka mönö bunjanini aknja. ²⁵ *Injini kinda Anutu köulukögetka kunjan alajangö pinjitkora urubölö aknja ewö, pinjit mi mönö mosötme. Mewö aknje ewö, engö Iwiñini Suep mire maljawanön mönö mewöñanök engöreñ singisöndok mosötma. ²⁶ (Injini tosatni yengöreñ singisöndok qahö mosötme ewö, engö Iwiñini Suep mire maljawanön mönö mewöñanök engöreñ singisöndok qahö mosötma.)” Mewö.

Jitnememe yenön Jisösgö kukösumjanjö qesiget.

Mat 21.23-27; Luk 20.1-8

²⁷ Jisösnöj gwarekurupni yembuk kunbuk Jerusalem sitinöj öngöget. Öngöba jöwöwöl jikegö tohon uruje anda kaiga jike nup galöm, Köna keugö böhi aka kantrigö jitnememe tosatni yenön yangöreñ kangotket. ²⁸ Kangota kewö qesim wanjiget, “Gi kiangöreñ yuai akzani, mi mönö danön jim kutum gihiiga ahakzan? Mi memangö kukösumni mi danön gihiyök?”

²⁹ Qesim wanjigetka kewö melenj engiyök, “Nöñön mewöyök keu kun qesim engimam. Mi melenj niñigetka nöñön mewöyök danön kukösum niñgiiga yuai ki ahakzali, mi jibi mötme. ³⁰ Jonöj ambazip o-melun mem engiba malöhi, yanön miangö kukösumni mi denikeyök meyök? Suep Tonjan wanjiyök me gölme tonjan wanjiget? Mi jiget mötmam.”

* 11:17: Ais 56.7; Jer 7.11 * 11:23: Mat 17.20; 1 Kor 13.2 * 11:25: Mat 6.14-15

³¹ Mewö melenj enjiiga sutnjine eraum möta kewö jiget, “ ‘Kukösumñan Suepnöhök asuhuyök,’ mewö jibin ewö, yañön mönö kewö jima: Injini mönö wuanöngöra Jon qahö möt narim wanjiget? Mi qahö dop kölja.”
³² Me ‘Gölme ambazipnöhök asuhuyök,’ jibinak? Mi qahö dop kölja.” Ambazip körekñan Jongöra ‘Ölña kezapqetok azia akza,’ jigerangöra aka ambazip kambu yengöra kenğötñini möta mi jibingö osiget. ³³ Mianğöra “Mi qahö mötzin,” melenjet. Mewö melenjetka Jisösnöñ kewö jii mötket, “Mewö aiga nöñön mewöyök yuai ki ahakzalanğö kukösumñi dañön niñgiyök, mi qahö jibi mötme.” Mewö.

12

Wain kösö nup galöm bölöñi miengö dopkeu
Mat 21.33-46; Luk 20.9-19

¹ *Jisösnöñ könahiba ambazip dopkeunöñ kewö jii mötket, “Azi kunöñ wain kösö nup kun kölä kömörök. Kölä kömöta selñi memba liliköyök. Mem liliköba wain jout ketanji kötnöñ meyök. Mianğoreñ waingö öñji ala könanöñ tözöhölget oñan lalanöñ geyök. Wain jout ketanji mi memba wain yonğorö membepuköra galöm meme jake köröpñi köweñambuk meyök. Yuai pakpak mem teköba wain nup galöm tosatñi miwikñaim enğiba kewö jiyök, “Mönö nup memba öññangö bahöñi nanñini memba bahöñi tonji ni niñgime.” Mewö jiba nup mi böröñine ala engömosöta kantri kunöñ anda malök. ² Mala mali öñji öliyöhangö nalöñi (yambu 5) töriiga mianğoreñ welenqeçenji kun melaim wangiiga galöm yengöreñ anda wain nup öññangö bahöñi wanğimegöra jiyök. ³ Jiyökmö, galöm yeñön i memba jöhöba kömbinöñ qeba wuatangögetka böröñi börak lilingöyök. ⁴ Mianğö andöñe welen azi kun melaii yengöreñ aniga nööröpñi qesinđa gamu qem wanjiget. ⁵ Mianğö andöñe welen azi kun kunbuk melaiiga ani qeget kömuyök. Mewöñanök azi tosatñi gwötpuk melaim enjiiga tosatñi kömbinöñ sepgwörörök enguba tosatñi enguget kömuget. ⁶ Mewö aketka wain nup toñan keu jaruba jiyök, ‘Nani wölböt nahöni mohok mi tok malja. I mönö göda qem wanğime me denöwö?’ Mewö jiba qöndökñi mi nahöñña melaiiga yengöreñ anök. ⁷ Anökmö, kaiga eka sutnjine kewö jiget, ‘Yañön mönö börösamotñangö tonji akña. Ayop, mönö memba qein kömuiga wain kösö nup kianñön mönö nanine buñanina akña.’ ⁸ Mewö jiba memba jöhöba qeget kömuiga qamötñi nup yaigepñe gilget geyök.

⁹ Wain nup toñan mi möta mönö denöwö akña? Yañön mönö nanñak kaba nup galöm ni könden enğima aka nup galöm dölöknji miwikñaim enğiba wain kösö nupñi yengö böröñine alma. ¹⁰ *Buña Kimbigö keu ki lök oyonget me qahö?

‘Miri meme yeñön köt tandö kun andö qeba öne mosötket taröhi, mianñön mönö tandö kömböñanji ahiga miwikñaiget. Mianñön tinğiriga mirinöñ mönö gororongöba eta kölma.

¹¹ Kembunöñ tandö mi kuñguiga jeninan ehinga qetbuñabuk ahiga welipkömakzin.’ ”

¹² Jisösnöñ mewö jiiga galöm yeñön keu mianğö köñanji möt asariba kewö jiget. “Dopkeu mi mönö neñğöra jiza.” Mianğöra i memba jöhöbingö mötketmö, ambazip kambu yengöra kenğötñini möta osiba mosöta anget. Mewö.

Takis alalgö Jisös esapköm wanjiget.

Mat 22.15-22; Luk 20.20-26

¹³ Juda jitnememe yeñon Farisi aka premiö Herodkö pati alaurup tosatni melaim enggiba kewö jiget, “Injini mönö Jisösgöreñ anda qesiba keugö bötaknöñ öröi gwaröhöm wanjime.” Mewö jigetka Jisösgöreñ kaget. ¹⁴ Jisösgöreñ kaba kewö jigetka mörök, “Böhi, göñon azi ölni akzani, nini mi mötzin. Göñon ambazip tosatni qahö engek soriba tosatni qahö qepureim enggimakzanmö, dop mohotnöñ kewöt nenggimakzan. Miangöra kuñgum gihigetka qahö goñgiba ketani qahö esuhum enggimakzanmö, Anutugöreñ köna mi keu ölnangö dop kusum nenggimakzan. Göñon Anutugöreñ keu diñdini mianñon öngöngöñi eretni mohot pakpak jim qindiñ ak nenggimakzan. Miangöra nini sisa-kiñgöra takis ala mianñon Mosesgö Köna keu singibin me qahö? Mi alinga dop kölja me qahö?”

¹⁵ Mewö jiget möta areñini muneni mi möt kutuba kewö jii mötket, “Injini wuanöngöra keugö bötaknöñ al niñgibingö esapköm niñgize? Ölop silwö monen (Kina 5) kun memba kaget eki.”

¹⁶ Mewö juiga mi memba kagetka kewö qesim enggiyök. “Dagöreñ imut aka qet mi ki ohoget ahöza?” “Mi sisa kiñgöreñ!” Mewö melenđa jiget.

¹⁷ Jigetka kewö jii mötket, “Mewö ahiga yuai sisa-kiñgö imutñambuk buñani ahözawi, mi mönö yangöra al wanjime. Yuai kun Anutugö buñaya ahözawi, mi mönö Anutugö buña qeme.” Mewö jii möta yangöra gwötpuk welipköget. Mewö.

Kömupnöhök wahötwahötkö esapköm wanjiget.

Mat 22.23-33; Luk 20.27-40

¹⁸ *Sadyusi (Jike nupkö kapankölköl) yeñon “Kömugeri yeñon kude wahötmö,” jiba malget. Yeñgöreñök tosatñan Jisösgöreñ kaba kewö qesim wanjiget, ¹⁹ * “Böhi, Mosesnöñ kewö jim kutum nenggiyök ahöza, ‘Azi kun ambi meiga nahönbörat qahö ahui kömumba malöñi öne mosöriğa munñan ölop malöñi memba gwölönarök qiwikñaim wanjiğa datñangö qet bisiba malma.’

²⁰ Mötnöñ! Nalö kunöñ darumun 7 malget. Datñini mutukñan ambi memba mala gwölönarökñi qahö öne mala kömuyök. ²¹ Kömuğa munñan malöñi mi memba mala mewöyök gwölönarökñi qahö öne kömuyök. Kömuğa munñi kun yangö bapñe mianñon ambi miyöhök memba mala öne kömuyök. ²² Mewöña mewö darumun 7 pakpak yeñon ambi mohot miyöhök memba gwölönarök qahö mala kömum teköget. Körek kömugetka qöndökñi malöñini mi mewöyöhök kömuyök. ²³ Göñon Kömugeri yeñon guliba wahötmö, jizannmö, nini mi qahö möt narizin. Mötnöñ! Azi 7 pakpak mi öröröñ wahötpök ewö, ambi möhot mi anöñjina meget malöhanğöra aka mönö dagö anöñña akawak?”

²⁴ Mewö qesigetka Jisösnöñ melenđa kewö jii mötket, “Injini keu jim sohoze. Urumelenğö Buña Kimbinji aka Anutugö kukösumñi qahö möt kutuzeangöra mönö janjuñ ahakze. ²⁵ Ölna, kömupnöhök wahöta nalö miangöreñ awanöm qahö akñemö, garata yeñon Sup mire maljeangö tandök aka malme. ²⁶ *Mötket! Kömugeri, yeñon guliba wahötmegö keunji mi Mosesgö Buknöñ kewö ahöza: Sötman köhösonöñ könöp bölam ahuba qahö jem kutuyöhi, injini kösohot mi oyonget me? Anutunöñ miangöreñ Moses kewö jii mörök,

* 12:18: Apo 23.8 * 12:19: Dut 25.5 * 12:26: Eks 3.6

‘Nöjñon Anutu Abrahamgö Kembu, Aisakö Kembu aka Jeikobkö Kembu mala kota maljal.’

²⁷ Isik bömön karöbut yeñon Anutubuk mala mal köhöiba öngöme. Anutunöñ köhömuñ yeñgö Kembuñini qahöpmö, malmal köhöikñi maljei, mönö yeñgö Kembuñina akza. O Sadyusi (Jike nupkö kapankölköl pati) inñini mönö keu gwötpuk möt sohomakze.” Mewö melenök.

Jöjopañ keu bohonñi yahöt mi denöwö?

Mat 22.34-40; Luk 10.25-28

²⁸ *Jisösnöñ Sadyusi (Jike nupkö kapankölköl) yembuk eraum möta jim soroköba melen engiyöhi, mi Köna keugö böhi azi kunöñ mörök. Mewö möta jeje kangota kewö qesim wañgiyök, “Jöjopañ keu pakpak miñgöreñök bohonñi ketanñi mi denöwö?”

²⁹ *Qesim wañgiiga melenök, “Bohonñi ketanñi mi kewö, ‘Israel könagesö mötket! Anutu mi Kembunini. Yeñon Kembu mohot ahiga bem alañi kun qahö.

³⁰ Miangöra urugi jömukñi, uñagi jömukñi, mötmötiki jömukñi aka kuki jömukñi, mianñon mönö Kembu Anutugi jöpaköba malman.”

³¹ *Jöjopañ keu miangö alañi kewö, ‘Nangi jöpaköm anñumakzani, mewöñanök mönö ambazip pakpak jöpaköm engiba malman.’

Jöjopañ keu kunñan mönö keu yahöt mi qahö etkonñitza.”

³² *Köna keugö böhigöra mewö melenñiga jiyök, “Böhi! Gi törörök keu ölnañgö dop jizan. Anutunöñ mohot akza. Bem alañi kun qahö. ³³ *Gi urugi jömukñi, mötkutukutugi jömukñi aka kuki jömukñi, mianñon Anutu jöpaköba malman. Aka nangi jöpaköm anñumakzani, mewöñanök mönö ambazip pakpak jöpaköm engiba malman. Jöjopañ keu yahöt mi bohonñi ketanñi akzahot. Mi tem kölmani, mianñon mönö jöwöwöl pakpak aka naluk kötin tosatñi engonñitza.” ³⁴ Mewö jiiga Jisösnöñ urumötmötñi möri dop köliga kewö jii mörök, “Gi Anutugö bemtohoñnöñ anñotmamgö dopdowizan.” Mewö eraum möröhotka körek yeñon Jisös toroqeba qesim wañgingö kölköldömdöm aka mosötket. Mewö.

Kraist mi kinñi Deiwidkö kembuñi aka gwölöñarökñi.

Mat 22.41-46; Luk 20.41-44

³⁵ Jisösnöñ jöwöwöl jikenöñ kinda Buña keu kusum engiba kewö qesim engiyök, “Kraistnöñ kinñi Deiwidkö gwölöñarökñi akzawi, Köna keugö böhi yeñon keu mi denöwögöra jimakze? ³⁶ *Deiwidnöñ nanñak Uña Töröñan sölölohöm wañgiiga kewö jiyök,

‘Anutunöñ kinda nöñgö Kembuni kewö jii mörök: Göñon mönö kaba nöñgö böröni ölnje tatnöñga nöñon nalö sutñe kerökurupki tim tötöla luhut aleñgiba göhö köna tambö gwaröñe al engimam. Nalö mi kam kunñumawañgö dop mönö asakmararañnöñ ki tatman.’

³⁷ Deiwidnöñ nanñak mewö jiba qetñi ‘nöñgö Kembuni’ jiza.’ Kembuni jiba mönö denöwö aka yañgö gwölöñarökñi mohot akawak?” Mewö jiiga ambazip kambu ketanñi yeñon Jisösgö keuñangö sihimñi möta kezap alget. Mewö.

* 12:28: Luk 10.25-28 * 12:29: Dut 6.4-5 * 12:31: Lew 19.18 * 12:32: Dut 4.35

* 12:33: Hos 6.6 * 12:36: Sum 110.1

Urumeleṅgö silesile malmalgö galöm meme keu.

Mat 23.1-36; Luk 20.45-47

³⁸ Jisösnöṅ kusum engiba toroqeba kewö jiyök, “Inini mönö Köna keugö böhi yengöra galöm memba malme. Yeṅön maluku köröpṅi löngöta anda kaba kondel angubingö mörakze aka maketnöṅ me könanöṅ ambazip engigetka jölönjini jimegö mörakze. ³⁹ Köuluk mire qaikṅe eu tatpingö sihimṅi mörakze, aka közölömbuaṅnöṅ dum tatat mutukṅe jegep tatpingö mörakze. ⁴⁰ Yeṅön malö yengöreṅ miri yuai bidanḁa gagabe köla enguanḁirakze, aka qetbuaṅjini asuhumapköra köuluk köröpṅi köuluköba töptöpṅine qemakze. Mianḁöra Anutunöṅ keunḁini jim teköba likepṅi öṅgöṅgöṅi melenḁi qakṅine öṅgöma.” Mewö.

Ambi malö kunöṅ naluk kötin öḁi alök.

Luk 21.1-4

⁴¹ Jisösnöṅ jöwöwöl jikenöṅ naluk dundum andöṅe tariga ambazipnöṅ moneṅ mianḁöreṅ alget geiga uba enḁehök. Ambazip pomṅi sukinaṅṅinambuk gwötpuk yeṅön kaṅgota kina moneṅ lömbötṅambuk alget geyök. ⁴² Alget geiga malö wanapṅi kunöṅ kaṅgota souje köṅḁi yahöt, mi toiya tosatḁi mianḁö dop ali geyök. ⁴³ Jisösnöṅ mi eka gwarekurupṅi köḁ örom enḁiba kewö jii mötket, “Nöṅön keu öḁi kun kewö jibi mötme: Malö wanapṅi kianḁon naluk aljawi, mi mönö tosatḁi pakpak yeṅön yuai dundumnöṅ alget gezawi, mianḁö dopṅi oṅḁita alja. ⁴⁴ Körek yeṅön moneṅ gwötpuk ahöm enḁiḁiḁi kitipṅanöhök aljemö, ambi kianḁon mönö köruebörue maljawanḁö dop yuainḁi pakpak al teköba öne töhöṅ malma.” Mewö.

13

Jöwöwöl jikenöṅ köndenḁmönden asuhuma.

Mat 24.1-2; Luk 21.5-6

¹ Jisösnöṅ jöwöwöl jike mosöta eriga gwarekurupṅi yengöreṅök kunṅan kewö jii mörök, “Böhi eknöṅ! Jikegö tohoṅ uruṅe mirinḁi mirinḁi mi mönö wewelipṅambuk. Mi kötnöṅ memba meṅjölogetka ölöpböloṅḁi kinja.”

² Jisösnöṅ mi möta keu kewö melenḁök, “Jikegö tohoṅ uruṅe miri ketanḁi ki enḁekzanmö, mi mönö köndenḁgetka mirigö köṅ kun mi köṅ kungö qakṅe qahö ahömapmö, qeqelanḁan aka sahoṅṅanök ahöma.”

Kahasililinḁ aka sesewerowero asuhuma.

Mat 24.3-14; Luk 21.7-19

³ Mewö juḁa Oil ip kundunḁe öṅgöba likepṅe endu jöwöwöl jikenöṅ kinöhi, mi eka tatket. Mianḁöreṅ tata Pitö, Jeims, Jon aka Andru yeṅön Jisös nanḁök öroba kewö qesim wanḁiget, ⁴ “Böhi! Keu jizani, mianḁö öḁi mönö wanat nalönöṅ asuhum tinḁitma aka yuai pakpak mi könahiba asuhum tekömawi, mianḁö aiwesökṅan mönö denöwö asuhuma? Mia ölöp jinöṅ mörin.”

⁵ Mewö qesim wanḁigetka könahiba kewö jii mötket, “Kunṅan isimkakalek aiga janḁuṅ anbepuköra mönö galöṅṅini memba malme.

⁶ “Ambazip gwötpukṅan asuhuba nöṅgö qetne kewö jime, ‘Nöṅön Kraist akzal.’ Mewö jiba ambazip gwötpuk tilipköm enḁime. ⁷ Inini yarö miengö buzupṅini aka ötoṅḁini asuhugetka mörakṅe. Mi möta jönöṅḁini kude undumakṅa. Yuai mewöṅi mi mutuhök asuhumapkö jijiṅa. Mi asuhumapmö, gölmegö nalöṅan mönö mianḁöreṅök zilanḁ qahö teköma. ⁸ Kantri kunöṅ kantri kun enḁubingöra wahötme. Ambazip

kambu kunöŋ kambu kun yembuk aröŋ aŋgubingöra wahötme. Gölmeŋi gölmeŋi miangöreŋ kenöŋ ketaŋi ketaŋi qözöla memba gölme meleŋi gemakŋa. Mewöyök bödiŋi bödiŋi (buöröŋi buöröŋi) asuhuba öŋgöba ahöma. Yuai mewöŋi mi ambi köröbuknöŋ masi könahiba eŋgumakzawaŋgö dop. Gölmegö nalöŋan mönö miangö dop könahiba tekömamgö akŋa.

⁹ *Mewö akŋapmö, iŋini ölöŋ galöŋmŋini mem aŋguba malme. Ambazipnöŋ iŋini öröba keu jakeŋe al eŋgiba köuluk mireŋini keu nupŋini memba kömbinöŋ eŋgume. Tosatŋan nöŋgöra aka eŋguaŋgitketka kantriŋi kantriŋi yeŋgö kiŋ kembu aka premiö yeŋgö jemesoholŋine kinme. Mewö kinda nöŋgö könaŋamni naŋgöba jigetka mötme. ¹⁰ Ölöwak Buŋa ki mönö mutuk gölmegö kantriŋi kantriŋi pakpak yeŋgöra jim sehim tekögetkun gölmegö nalöŋan miangö andöŋe teköma. ¹¹ Öröba eŋguaŋgita keu jakeŋe al eŋgigetka kinmei, nalö miangöreŋ keu denöwö jibinak, miangö waimanjatŋi qelŋe kude mötme. Uŋa Töröŋan aua miangöreŋök keu eŋgimawi, mönö mia jime. Nanŋine uruŋinaŋgöra keu qahö jimemö, Uŋa Töröŋan mönö uruŋini sölölohöiga keu jime. ¹² Urumeleŋgö kopa kunöŋ darumunŋan uruŋi meleŋnöhaŋgöra aka i mamalolo meiga keu jakeŋe algetka qeget kömuma. Mewöyök iwi kunöŋ nahönböratŋi mamalolo meiga kömuma aka nahönbörat yeŋön iwinamurupŋini qetal eŋgiba jigetka eŋguget kömume. ¹³ *Kantri pakpak yeŋön nöŋgö qetnaŋgöra aka kazik ak eŋgigetka malmemö, kunŋan kapaŋ köla köhöiba böŋ qeba kinda maliga gölmegö nalöŋan tekömawi, yaŋön mönö oyaenköyaen buŋa qem aŋguma. Mewö.

Jerusalem sitigö könderŋmönderŋ uru-önöŋnambuk

Mat 24.15-28; Luk 21.20-24

¹⁴ *Könaŋgeŋ tosataŋan kaba könderŋmönderŋ aka yuai aŋgöjörakŋambuk jikenöŋ qahö alalgö dop mi altanöŋ ala kiniga ekŋei, - keu ki oyoŋmawaŋön mönö ölöŋ kezap ala möt kutuma - nalö miangöreŋ Judia prowinsnöŋ malmei, eŋön mönö misiŋgöba öröba kundune anme. ¹⁵ *Miri kösutŋe sombemnöŋ malmawaŋön mönö eta yuaiŋi memamgöra miri uruŋe kude öŋgöma. ¹⁶ Nupnöŋ anda malmawaŋön mönö mewöyök malukuŋi memamgöra lilingöba mirinöŋ kude anma. ¹⁷ Yei! Ambi gölömbuk aka morö juzunöŋ yeŋön nalö miangöreŋ denöwö ösumŋinan anbeak. ¹⁸ Miangöra yuai mi kie luhut nalöŋe kude asuhumapköra köuluköme. ¹⁹ *Nalö miangöreŋ kahasililiŋ keta bölöknŋi asuhuma. Kahasililiŋ dopŋi mewöŋi mi mönöwök nalö kungen kude asuhuba ahöyök. Anutunöŋ yuai pakpak miwikŋaiyöhi, nalö miangöreŋök könahiba nalö kiangöreŋ mala kota nalö sutŋe kun qahö asuhuyök. Mönöwök qahö asuhuyök aka könaŋgeŋ nalö kunöŋ qahö ahuma. Miangöra mönö köuluköba malme. ²⁰ Kembunöŋ wahöjaliŋ nalö mi qahö mem töribawak ewö, ambazip körekŋan mönö ayuhum teköbeakmö, ambazip nanŋaŋgöra möwölöhöm eŋgiyöhi, yeŋgöra aka wehön miŋgö qötöŋini mi mem törima.

²¹ Nalö miangöreŋ kewö jime, 'Mötket! Kraistnöŋ ki malja.' aka 'Eket! Amötqeqe Toŋan endu kinja.' Kunŋan mewö jima ewö, mi mönö kude möt narime. ²² Mi kewögöra: Amötqeqe toŋi munenŋi aka kezapqetok ambazip takapulakaŋi asuhuba aŋgöletot aka aiwesök jemurutŋi megetka

* 13:9: Mat 10.17-20; Luk 12.11-12 * 13:13: Mat 10.22 * 13:14: Dan 9.27; 11.31; 12.11

* 13:15: Luk 17.31 * 13:19: Dan 12.1; Ind 7.14

letotme. Mewö letotketka Anutunöŋ ambazip nanŋaŋgöra möwölöhöm enġiyöhi, i mewöyök enjololoŋ mem enġimegö esapköba kapan kolgetka janjuŋ akepuk. Enöŋ ölöŋŋanök galömnini memba malgetka mi osibeak.²³ Nöŋön yuai pakpak mi kude asuhuiga qeljiŋe lökŋanök jibi mötze. Mi mutuk jizalaŋgöra mi mönö uruŋine ala galömnini mem aŋguba malme. Mewö.

Suep gölmeġö azi ölnan mönö asuhum tinġitma.

Mat 24.29-31; Luk 21.25-28

²⁴ *Wahöjalij mi teköiga nalö mianġöreŋök wehön jeŋan injan köliga köiŋnöŋ ömuŋ köлма. ²⁵ *Senġelau yeŋön suepnöhök teköba etme aka suepnöŋ uturuköiga mianġö öroyuaiŋi mi tatatŋini mosöta enjololoŋ aketka sohoma. ²⁶ *Nalö mianġoreŋ Suep gölmeġö azi ölni yaŋön kousu qakŋe kaŋgori ekŋe. Kukösumŋi ketaŋan saköl-diŋdiŋambuk aukŋe asuhuiga asakmararaŋi ekŋe. ²⁷ Kaŋgota Suep garataurupŋi melaim enġiiga yeŋön ambazip Anutunöŋ nanŋaŋgöra möwölöhöm enġiyöhi, i gölme ġoraŋi likeplikep, euke emuke mianġöreŋök kölolohoba enġuaŋitme. Mewö.

Geröp ipkö dopkeu

Mat 24.32-35; Luk 21.29-33

²⁸ Injini geröp ip eka tandökŋi mötmöriba dopkeu ki mötme. Böröŋan lök oŋambuk aiga sinŋan yoŋgoigetka mi eka möta kewö jimakze, ‘Wehön nalöŋan mönö dopdowiza.’ ²⁹ Enöŋ mewöŋanök aiwesök mianġö dop asuhuiga eka möt asariba könaŋi kewö jime, ‘Jisösnöŋ mönö nanġunöŋ dopdowiza.’ ³⁰ Nöŋön keu ölni kun kewö jibi mötket: Ambazip ki merak gölmenöŋ maljei, yeŋön qahö kömugetka yuai pakpak jizali, mi mönö yeŋö malmal nalöŋine asuhuma ³¹ Suep gölmenöŋ ġoröŋ qemahotmö, nöŋö Buŋa keunan mönö qahö ayapköma.’ Mewö.

Jisös kamawaŋö nalöŋi mi kunŋan qahö mötza.

Mat 24.36-44

³² *Suep gölmeġö azi ölnan dawinöŋ kamawi, mianġö wehönŋi me aua nalöŋi mi kunŋan kun qahö mötza. Suepnöŋ garata yeŋön mi qahö mötze. Anutugö Nahönŋan mewöŋanök mi qahö mötza. Iwinöŋ nanŋök mi mötza. ³³ Nalö dawinöŋ asuhumawi, mi qahö mötzeanġöra enöŋ mönö alöm memba uruguliguli malme. ³⁴ *Mi dopkeu kianġö dop ahöza: Azi kunöŋ miriŋi mosöta kantri kungen anök. Anmamġöra aka galömurupŋi yuai pakpakŋaŋgöra jim kutum enġiba nanġu kiŋi böröŋine ala kukŋi enġiyök. Kukŋi enġiba welenġeġeurupŋi mohok mohok nup keu enġiyök. Enġiba mala nanġu galömnini mewöyök uruguliguli malmapköra jim kutum waŋiyök. ³⁵ Miri toŋan dawinöŋ lilingöba kamawi, mi qahö mötze. Mare me sunġem ömbibiŋe kama me? Waŋgaraŋ suruiga kama me? Wehön ġiaŋiiga kama me? Mianġö dop injini mi qahö mötzeanġöra mönö uruguliguli malme. ³⁶ Könöpuk wölaŋ kaiga enöŋ gaun ahögetka mewö miwikŋaim enġibapuk. ³⁷ Injini mönö uruguliguli malme. Keu mi ġwarekurupŋi enġöra jizali, mi mewöyök alaurupni körek pakpak enġögöra jizal: Injini mönö urugwölöġwölö malme.” Mewö.

* **13:24:** Ais 13.10; Eze 32.7; Joel 2.10, 31; 3.15; Ind 6.12 * **13:25:** Ais 34.4; Joel 2.10; Ind 6.13

* **13:26:** Dan 7.13; Ind 1.7 * **13:32:** Mat 24.36 * **13:34:** Luk 12.36-38

14

Jisös qein kömumapkö anğönañ alget.

Mat 26.1-5; Luk 22.1-2; Jon 11.45-53

¹ *Pasowa kendon * aka beret yistñi qahö mianğö kendonñi töriyohot. Wehön yahöt teköiga mianğörej könahibitkö ahotka jike nup galöm aka Köna keugö böhi yeñön tokoget. Tokoba denöwö möndöñninga Jisös ölöñ memba qeget kömumbawak, mianğö könani jaruba kewötket. ² Jaruba kewöta kewö jiget, “Ambazip irimñini seholiiga karimñi karimñi asuhubepuköra mi sösöñgai kendon nalöñe akingö osibin.” Mewö jiget.

Ambi kunñan Jisös o umköhöwaktambukñ miriyök.

Mat 26.6-13; Jon 12.1-8

³ *Jisösnöñ Betani mirinöñ mala Saimon kun uzikukuñi mem solaniyöhi, yanğö mire öngöba tarök. Mianğörej nene memba tariga ambi kunñan köt kirin kun memba yanğörej kayök. Kirin mi nöluk tuat-tuat qetñi alabastö mianñon memena. Mia o um-köhöwaktambuk ölni qetñi nad mianñon kokolak qeba tarök. Yanñon mi bohonñi ketanñan memba kaba nöluk jölñi kutuba onñi Jisösgö nöropñe mimbiliba miriyök. ⁴ Miriiga azi tatkeri, yeñğörejök tosatñan urubölö aka nanñinök kewö eraum mötket, “Nad o mi mönö wuanöñğöra mewö ayuhuzawi? ⁵ Nad o kelökñambuk mi bohonñi memegöra albawak ewö, ölop silim 300:kö töwanñi (Kina 1500,-) onğita yöhötibawak. Mi ambazip wanapñi enğiiga dop kölbawak.” Mewö jiba ambi mi jim wanğiget.

⁶ Jim wanğigetka Jisösnöñ kewö jii mötket, “Ambi ki kude jim wanğime. Wuanöñğöra urunñi mem bölize? Yanñon silik ölopñi ak soroköm niñgiiga dop kölja. ⁷ *Ambazip wanapñi mi nalöñi nalöñi sutñine malgetka ölopñi ak enğibingö möta mi ölop nalö dop akñemö, nöñon enğö sutñine nalö dop qahö malmam. ⁸ Yanñon mi nanñi akakmemenangö dop ak niñgiza. Nöñon kömumbi löm köl niñgimeangöra ölop qeljine sileni kelökñonñ nömiriza. ⁹ Nöñon keu ölni kun kewö jibi mötket: Ölöwak Buña ki kantri igen waigen jim sehigetka anmawi, mianğörej ambi kianñon yuai ak niñgizawi, mianğö buñanñi mohok jiget sehiiga yanğöra mötmöriba malme.” Mewö.

Judasnöñ Jisös mamalolo mem wanğimamğö urumohok ahök.

Mat 26.14-16; Luk 22.3-6

¹⁰ Gwarekurupñi 12 yeñğörejök kun qetñi Judas Iskariot yanñon Jisös mamalolo mem wanğimamğöra aka jike nup galöm yeñğörej anök. ¹¹ Yeñğörej anda keunñi jiiga mi möta urunñinan ölöwahiga söngöröñi monenñ wanğibingöra keu jöhöget. Keu jöhögetka Jisös nalö kungen mamalolo mem wanğimamğö köna möt jaruba köinbingöba malök. Mewö.

Jisösnöñ gwarekyembuk Pasowa lama neget.

Mat 26.17-25; Luk 22.7-14, 21-23; Jon 13.21-30

¹² Beret yistñi qahö mianğö kendon silim mutukñe (Seqononöñ) pasowa lama kun qeba ohozema. Mianğöra Jisösgö gwarekurupñan jiget, “Böhi, nini miri denikeangörej anda pasowa lama mözözömgöm gihiba nembin? Sihimgi denöwö ahöza?”

* 14:1: Eks 12.1-27 * 14:1: Kantri qetñi Ijpt mianğörej Kembugö garatanöñ enğehoriba enğonñirök, kendon mianğö qetñi Nei keunöñ Pasowa. Eksodus 12.15 * 14:3: Luk 7.37-38

* 14:7: Dut 15.11

¹³ Mewö jigetka gwarekyahötñi yahöt kewö jiba melaim etkiyök, “Injiri Jerusalem sitinöñ öngöyohotka azi kun o kumbut kunduta kaiga miwikñaimahot. Miwikñajiba i ölop wuatangöba anmahot. ¹⁴ Anohotka mire öngöiga miangö tonji kewö jiyohot mötma, ‘Böhinöñ kewö jiza: Ölop miri urunji kun ninjinöñga miangörenj öngöba gwarekurupni yembuk pasowa lama nembin.’ ¹⁵ Mewö jiyohotka tonjan möta miri qakñe eu öngöba urunji ketarji kun kondel etkima. Miangörenj dum tatat yuai mözözömgöget ahöza. Mi kondel etkiiga miangörenj lama qeba ohomahot.”

¹⁶ Mewö jiiga gwarekyahötñan mosöta sitinöñ öngöba Jisösnöñ keu jiyöhi, miangö dop miwikñajiba kinda lama qeba ohom mözözömgöyohot.

¹⁷ Miri söñauiga Jisösnöñ gwarekurupñi 12 yembuk miri miangörenj kanjotket. ¹⁸ *Kanjota öngöba dumnöñ tata nene negetka Jisösnöñ kewö jii mötket, “Nöñon keu ölni kun kewö jibi mötket: Engörenjök kun nömbuk nene nempa tatzawanön mönö mamalolo mem ninjima.”

¹⁹ Mewö jiiga urunjan wösöbirik aiga könahiba nanjök nanjök qesim wangiba jiget, “Nöngöra jibanbuk?”

²⁰ Qesim wangigetka kewö jii mötket, “12 engörenjök kun nömbuk beret kulunñöñ kundunjözawi, yanön. ²¹ Suep gölmegö azi ölnan mönö yangöra keu ohoget ahözawanjö dop gölme mosöta anma. Anmapmö, mamalolo mem wangimawi, yangöra Yei wösöbirik! jizal. Anutunöñ mönö likepñi öngöñgöñi melenj wangima. Azi mi nam köröurunjeyök qahö ahubawak, mianjön mönö anqem wangibawak.” Mewö.

Kembubuk semön qöndökñi neget.

Mat 26.26-30; Luk 22.14-20; 1 Kor 11.23-25

²² Nene nempa tata Jisösnöñ beret memba kötuatköba mindipköba engiba kewö jiyök, “Ki nani busuni. Ki memba neget.”

²³ Mewö jiba wain qambi memba saiwap jiba engiiga körekñan qambi kianjörenjök neget. ²⁴ *Negetka kewö jii mötket, “Ki nani sepní. Ki Anutunöñ ambazip yembuk jöhöjöhö areñ aiga köhöimapköra sepní mokoget geiga ambazip gwötpuk amöt qem engima. ²⁵ Nöñon keu ölni kun kewö jibi mötket: Nöñon wain kösögö ölni kianjörenj kunbuk toroqeba qahö nemam. Könanjep Anutugö bemtohonj urunje eu taringa közölömbuanj almawi, wehön miangörenj mönö wain o qainñi kun mia nemam.”

²⁶ Mewö jiiga sösongai linjet köla mosöta anda Oil ip kundunje öngöget. Mewö.

Pitönöñ Jisös qañ kölmapkö jii mörök.

Mat 26.31-35; Luk 22.31-34; Jon 13.36-38

²⁷ *Öngöba Jisösnöñ kewö jii mötket, “Kezapqetok azi kunöñ keu kun kewö ohoi ahöza,

‘Nöñon galömnini qebiga lama kambunan denme.’

Miangö dop enjön körek urunjini böliiga nömosöta buratime.

²⁸ *Buratigetka nunjgumemö, nöñon mönö kömupnöhök wahöta mutuk Galili prowinsnöñ anda miangörenj asuhum engimam.”

²⁹ Mewö jiiga Pitönöñ kewö jii mörök, “Yenön körek urunjini böliiga gömosöta buratime ewö, nöñon mönö töndup mewö qahö akñam.”

³⁰ Jiiga Jisösnöñ jii mörök, “Nöñön keu ölni kun kewö jibi mötnöñ; Kuruknöñ indimñi yahöt qahö qeriga göñön merak sunjem qañ köl niñingöña indimñi karöbut akña.”

³¹ Mewö jiyökmö, Pitönöñ kapañ köla köhöiköhöi ahök, “Böhi! Mewö qahöpmö, ni nungugetka göbuk mohotñe kömumbirak, mi töndup nöñön gi qahö qañ köl gihimam.” Gwarek tosatñi pakpak mewöyök keu miyöhök jiget. Mewö.

Jisösnöñ Gezemane arönöñ köuluköyök.

Mat 26.36-46; Luk 22.39-46

³² Mewö eraum möta anda arö kun qetñi Gezemane miangöreñ angotket. Angota gwarekurupñi kewö jii mötket, “Nöñön endu anda köuluköbiga injini ölop nalö sutñe ki tatme.” ³³ Mewö jiba Pitö, Jeims aka Jon enງuangita anget. Angetka Jisösnöñ könahiba köñjilij kanjamñambuk möriga köna böröñi qeköyök. ³⁴ Mewö aka kewö jii mötket, “Nöñgö urunan mönö kondum köla kotzawangöra aka wösöbirik mötpiga kömukömuñi ak niñgiza. Injini ölop kiangöreñ tata nömbuk guli malbin.”

³⁵ Mewö jiba nanñök boromkun toroqeba anda simin köla sipköba sihimbölä nalöñi mi Iwiñangö jitñangö dop ongitmapköra köuluköyök. ³⁶ Köuluköba jiyök, “Aba Iwini, gi yuai kun qahö mölölömbizan. Miangöra sihimbölägö qambiñi ki mönö noangitman. Noangitpanak, mi nöñgö sihimgö dop qahöpmö, mönö nangi jitkahö dop asuhuma.”

³⁷ Mewö jiba lilingöiga gwarekurupñi karöbut yeñön gaun ahöget engeka Pitögö kewö jii mörök, “Saimon, gi gaun ahözan me? Gi aua mohot-töp guli malmangö kude köhöizan me?” ³⁸ Uruninan guli malbingö sihimñi mörakzinmö, sileninan lölöwöröñi akza. Miangöra esapesapñöñ et engubapuköra mönö köuluköba guliguli malme.”

³⁹ Mewö jii möriga kunbuk engömosöta anda keu miyöhök kunbuk jiba köuluköyök. ⁴⁰ Köuluköba lilingöiga jeñini böröñi meyoñangöra kunbuk gaunök ahöget engehök. Gaunöhök wahöta keu melenbingö janjun aket.

⁴¹ Jisösnöñ ani indimñi karöbut aiga lilingöba kaba kewö jii mötket, “Injini toroqeba luhut memba gaunök ahöbingö mötze me? Mötket! Kunöñ Suep gölmegö azi ölni mamalolo mem wangüiga bölöñi meme yeñgö böröñine öñgöma. Miangö aua nalöñan lök kam kuñguza. Enjö gaun ahöahö nalöñinan mönö teköza. ⁴² Mönö wahötetka anin. Mötket! Mamalolo mem niñgimawi, yañön mönö dowe ki kaza.” Mewö.

Jisös qeraköba memba jöhöget.

Mat 26.47-56; Luk 22.47-53; Jon 18.3-12

⁴³ Jisösnöñ mewö jiba kiniga miangöreñök gwarekurupñi 12 yeñgöreñök kun qetñi Judas yañön kambu kun jitñe mem enñgiiga kangotket. Jike nup galöm, Köna keugö böhi aka kantrigö jitñememe yeñön i melaim enñigetka bimgö sou ketañi aka lingipñini memba kaget. ⁴⁴ Mamalolo memangö ahöhi, yañön mutuk yembuk aiwesök keu kewö jöhöba jii mötket, “Nöñön azi numbuñi yöhötim nemami, i eka ‘Mönö mi!’ jiba memba jöhöba törörök galöm köla anme.”

⁴⁵ Mewö jiba kaba miangöreñök Jisösgöreñ angota “O Böhini!” jiba numbuñi yöhötim neyök. ⁴⁶ Yöhötim neiga eka Jisös qelanjiba memba jöhöget. ⁴⁷ Jöhögetka kösutñe kingeri, yeñgöreñök kunñan bimgö sou ketañi öröba jike nup galöm bohonñangö welenqeñe qeba kezapñi köteköi erök. ⁴⁸ Jisös jöhögetka keu kewö jii mötket, “Ni kegwek-kahasililij

azia qahöpmö, töndup nöngöra mewö möta bimgö sou ketani aka lingip memba nömembra jöhöbingöra kanjotze. ⁴⁹ *Nöjön wehön dop jöwöwöl jikenöj embuk kinda Buja keu kusum engiba malbiga qahö nömigetmö, yuai ki mönö Buja Kimbigö keujan ölnambuk aknjapköra asuhuza. ⁵⁰ Jisös jöhögetka gwarek yejön körek Jisös mosöta buratiba unjurata anget. Mewö.

Seguli kunöj unjurata anök.

⁵¹ Azi gwabö kunöj bindonji tuatjanök köpeiba Jisösgö andöje wu-atangöba anök. Oponi tosatni qahö löngöta aniga i esapköba meget. ⁵² Membedö osiba bindonji qekögetka auknamje unjurata anök. Mewö.

Jikegö jitnememe yejön Jisösgö keu nup meget.

Mat 26.57-68; Luk 22.54-55, 63-71; Jon 18.13-14, 19-24

⁵³ Jisös jöhöba wanjita jike nup galöm bohonnañgö mire anget. Angetka jike nup galöm pakpak, kantrigö jitnememe aka Köna keugö böhi yejön miangörej anda tokoget. ⁵⁴ Angetka Pitönöj sikepsikep enjuatangöba jike nup galöm bohonnañgö mire angota jakömbuak mirigö kiripo uruje öngöyök. Öngöba welenqeqe azi yengö sutjine tata könöp kösutje jömörök. ⁵⁵ Mewö tarökmö, jike nup galöm aka jike kaunsöl kambu yejön Jisösgö silenöj alal keu denöwö nanjöinga qeget kömumapkö jim jarugetmö, könani kun qahö miwikjaiget. ⁵⁶ Jaruba kinda gwötpukjan keu muneni sileje ala nanjöba jigetmö, keujanin könani mohok qahö ahök.

⁵⁷ Mewö aiga tosatjan wahöta kinda keu muneni sileje ala nanjöba kewö jiget, ⁵⁸ **“Yañön kewö jiiga mörin, ‘Nöjön jöwöwöl jike börönöj memenji ki köndenbiga gölmenöj eriga wehön karöbutkö uruje jike qainni kun börönöj memenji qahö mi mem wahöta kunjumam.’”* ⁵⁹ Mewö jigetmö, töndup keujanin könani mohok qahö ahök.

⁶⁰ Mewö aiga jike nup galöm bohonnañ wahöta mesohol köl engiba kinda Jisös qesim wanjiba kewö jiyök, *“Yejön göhö silege keu ala nanjözei, miangö likepni kun jiman me qahö?”*

⁶¹ Qesim wanjiiga yuai bölöni kun qahö ahökmö, töndup likepni kun qahö melejda keuji böc kinök. Keuji böc kiniga jike nup galöm bohonnañ kunbuk kewö qesim wanjiyök, *“Anutu möpöseim wanjimakzini, gi yanjö Nahönni Kraist akzan me qahö?”*

⁶² *Qesim wanjiiga *“Onj!”* jiba kewö jii mötket, *“Suep gölmegö azi ölnan mönö kukösum Tonanjö böröni ölje tata suepkö kousu qakje eri ekje.”*

⁶³ Keu mi jiiga jike nup galöm bohonnañ malukunji munjurata kewö jiyök, *“Yei, iwinanjö jiti! Tosatjan keuji nanjömegöra kunbuk qahö qesim engibin.”* ⁶⁴ **Anutu mepaiközawi, mi mönö nanninak möt teköze. Miangöra denöwö mötmörize?”* Mewö qesim enjiiga yejön körek Jisös kömupkö bujaya aknjapköra jim teköget.

⁶⁵ Mewö jim teköba tosatjan könahiba söutkölap miriba jemesoholni esuhuba böröjnan misiba qeba kewö jiget mörök, *“Danön guhuzawi, mi ölop jinöj mörin.”* Jikegö kiripo galöm (sikiriti) yejön mewöyök Jisös memba nunjulumje qekötahöget. Mewö.

Pitönöj Jisös qan kölök.

Mat 26.69-75; Luk 22.56-62; Jon 18.15-18, 25-27

* 14:49: Luk 19.47; 21.37 * 14:58: Jon 2.19 * 14:62: Dan 7.13 * 14:64: Lew 24.16

⁶⁶ Nalö miangörej Pitönöñ kiripo uruje sombemnöñ malök. Emu maliga jike nup galöm bohonnañgö welenqeçe ambiñi kunñan miangörej kañgorök. ⁶⁷ Kañgota Pitönöñ könöp kösutñe jömöri ehiba kewö jiyök, “Gi mewöyök Nazaret azi Jisös miambuk malnöñ.”

⁶⁸ Mewö jiyökmö, Pitönöñ qañ köla kewö jiyök, “Keu jizani, mi qahö möta köndatzal.” Mewö jiba kiripo nañguñe geiga kinda kuruk qerök.

⁶⁹ Nañgunöñ geiga welenqeçe ambi kunñan i miangörej kunbuk eka azi kösutñe kingeri, i könahiba kewö jii mötket, “Azi kianön mönö yeñgöreñök kun akza.”

⁷⁰ Mewö jii mötketmö, yañön kunbuk qañ kölök. Qañ köliga nalö borom kun teköiga azi kösutñe kingeri, yeñön kunbuk Pitögöra kewö jiget, “Göñön Galili azia kun akzanañgöra mönö alakña, yeñgöreñöhök kun akzan.”

⁷¹ Mi möta könahiba nanñi qesuahöm añguba jöjöpañ keunöñ jim köhöiba jiyök, “Azi keuñi jizei, mi qahö möt wañgizal. Munenñ jibileñak ewö, Anutanöñ mönö likepñi melenñ niñgima.”

⁷² Mewö jiba kiniga miangöreñök kuruk qeri yahöt ahök. Kuruk qeriga Jisösgö keu kewñö jii möröhi, Pitönöñ mi mötmöriyök, “Göñön indimñi karöbut qañ köl niñginöñga kuruknöñ qeri indimñi yahöt akña.” Keu mi mötmöriba wösöñi julmamgö aiga sahöt böliyök. Mewö.

15

Jisösnöñ premiö Pailötkö jeñe kinök.

Mat 27.1-2, 11-14; Luk 23.1-5; Jon 18.28-38

¹ Miri gianañga amandiñe jike nup galöm, kantrigö jitmeme (70), aka Köna keugö böhi aka jike kaunsöl pakpak yeñön kot öngöñgöñi miangö totoko ala Jisösgö keu jim teköget. Jim tekögetka Jisös jöhöba wañgita premiö Pailötkö böröñe alget. ² Rom premiö yañön Jisös kewö qesim wañgiyök, “Ölña, gi Juda yeñgö kiña akzan me qahö?” Qesim wañgiiga Jisösnöñ melenña jii mörök, “Mönö nangak jizani, mewö.”

³ Jike nup galöm yeñön keu gwötpuk Jisösgö silenje ala jiget. ⁴ Jigetka Pailötnöñ Jisös kunbuk qesim wañgiba jiyök, “Mötnöñ! Yeñön keu gwötpuk göhö silege ala jizei, göñön miangö likepñi kun jiman me qahö?”

⁵ Mewö jiyökmö, Jisösnöñ bölöñi kun qahö ahökmö, töndup keu kitipñi kunbuk qahö melenñök. Keu böc kiniga premiönöñ welipköyök. Mewö.

Pailötnöñ Jisös kömumapkö jim teköyök.

Mat 27.15-26; Luk 23.13-25; Jon 18.39–19.16

⁶ Yambu (yara) dop pasowa sösöñgai nalöñe premiönöñ kösö mireyök azi kun qetñi qeta qesigeri, mi pösat engizapma. ⁷ Nalö miangörej azi kun qetñi Barabas qetkeri, yañön kösö mire tarök. Yañön kegwek-kahasililiñ azi tosatñi yembuk karim gila azi kun qeget kömuyöhi, miangöra kösö mire al engiget. ⁸ Mewö aiga könagesö yeñön premiögö miri sombemñe eu öngöba kinda könahiba akñalöhañgö dop akñapkö qesim wañgiget. ⁹ Qesim wañgigetka melenña kewö jii mötket, “Nöñön Juda engöreñ kiñ pösatpi etmapkö mötze me?” ¹⁰ Jike nup galöm yeñön Jisösgöra körögisigisi mötkerañgöra aka i premiögö böröñe al wañgiget. Mi möta sihimñinañgö mewö qesim engiyök.

¹¹ Qesim engiiga jike nup galöm yeñön ambazip kambu uruesiesi mem engiba kewö jiget, “Mönö Jisös mosöta Barabas pösatman! Mewö qesim

wanjime.”¹² Mewö jigetka kunbuk melenđa qesim enjyök, “Mewö jizeanğora Juda enğoren kin qetnji mewö qerakzei, nönön mönön i denöwö ak wanjibileñak?”

¹³ Mewö qesim enjiiga kunbuk qetket, “Mönön maripomnöñ qeget jiman!”

¹⁴ Mewö qetketka Pailötnöñ kewö jii mötket, “Mi wuanöngöra? Yanön mönön wani bölöña ahök?” Mewö jiyökmö, yeñön mi möta kapan kôla toroqeba qet gigilahöba kewö qetket, “Mönön maripomnöñ qeget jiman!”

¹⁵ Mewö qetketka Pailötnöñ ambazip kambu sihimñinanğö dop akñangö möta Barabas pösat enji erökmö, Jisösyia jiiga ihilek wahinambuknöñ qeyöyäköba qeget. Mewö qegetka maripomnöñ qemegöra Rom yarö azi yeñgö böröñine alök. Mewö.

Jisös kukulömbuan ak wanjiget.

Mat 27.27-31; Jon 19.2-3

¹⁶ Yarö azi yeñön Jisös wanjita premiögö jakömbuak mirigö kiriporuñe anğotket. Anğota yarö kambu lökñanök öröm enjigetka mianğoren kaget. ¹⁷ Kaba maluku pisikñi gugakgugak mi Jisösgö silenje löngöt wanjiba sötman kösö limbiñda ila ewö nöropñe kölget geyök. ¹⁸ Mewö geiga könahiba waikñi memba jölöñi jiget, “Owe owe, Juda yeñgoren kin, owe!” ¹⁹ Titipepe mewö aka jigetka jehotnöñ nöropñe qeba söutkölap qeba simin köl wanjiba sipköba möpöqöpösei munenji mem wanjiget. ²⁰ Mepaqepaik mewö ak wanjim teköba maluku pisikñi gugakgugak mi qeköba nanñe sile esu löngöt wanjiba maripomnöñ qebingöra wanjita anget. Mewö.

Jisös maripomnöñ qeget.

Mat 27.32-44; Luk 23.26-43; Jon 19.17-27

²¹ *Anda köna namñe azi kun qetnji Saimon miwikñaget. Yanön Afrika siti qetnji Sairini mianğö azina aka Aleksander aka Rufus yetkö iwinjira. Yanön nupnöñök kanğoriga kuñgum wanjigetka Jisösgö maripomñi memba anğuyök. ²² Jisös mewö wanjita gölme kun qetnji Golgota mi nanine keunöñ nörop sihit, mianğoren anda anğotket. ²³ Anğota wain o aka marasin qetnji mör mi mindiriba lolonqaloñ memba wanjigetmö, Jisösnöñ mi tököyök. ²⁴ *Tököiga kinda maripomnöñ qeget. Qeget kiniga kiawen meget qötöñi ahuiga Jisösgö sile esunji mohok mohok sutñine mianğö dop mendenđa meget. ²⁵ Söñan 9 kilok mianğoren maripomnöñ qeget. ²⁶ Maripomnöñ qeba nöropñe eu qegeranğö könani kewö ohoba qeget, “Juda yeñgö kin kembunina ki.” ²⁷ Kegwek-kahasililiñ azi yahöt mewöyök yambuk maripomnöñ etkuget. Kun böröñi ölñe kun qaniñe likepliket mewö etkuget. ²⁸ * (Anutugoren Buña Kimbinöñ keu kewö ohoget ahöza, “I kewöta kegwek-kahasililiñ azi ewö mötmöriba yeñgö sutñine alget.” Keu mianjön mewö ölñambuk ahök.)

²⁹ *Ambazip onğita anda kaba kukulömbuan aka jelikit aka nörop kôla kewö jiget, “Yei! Gi mönön jöwöwöl jike ölöp kondenñonga gölmenöñ eriga wehön karöbutkö uruñe kunbuk mem wahöt kuñgumangö jinöñ. O, gi azi qetpuk!” ³⁰ Mönön nangi baukôm anğuba maripomnöñök etman.”

³¹ Jike nup galöm aka Köna keugö böhi yeñön mewöyök sutñine mepaqepaik ak wanjiba jiget, “Tosatña baukôm enjiba malökmö, nanñi baukôm

* 15:21: Rom 16.13 * 15:24: Sum 22.18 * 15:28: Ais 53.12 * 15:29: Sum 22.7; 109.25; Mak 14.58; Jon 2.19

aŋgumamgö osiza. ³² Yaŋön Amötqeŋe Tonji Kraist aka Israelgö kiŋ akka ewö, mönö döлки maripomnöhök eri eka mi möt naribinak.” Mewö jiget.

Azi yambuk maripomnöŋ etkugeri, yetkөн mewöyök uruqeŋe keu töhöreŋ jim waŋgiyohot. Mewö.

Jisösnöŋ kömuyök.

Mat 27.45-56; Luk 23.44-49; Jon 19.28-30

³³ Silim bibiŋi 12 kilok aiga miangöreŋ söŋaupnöŋ eta gölme pakpak dop köla ahöiga anda aua karöbutkö dop ahök. ³⁴ *Jisösnöŋ 3 kilok miangöreŋ nanŋe keunöŋ kewö qet ketanji qerök, “Eloi, eloi, lama sabaktani?” Mi nanine keunöŋ: Anutuni, Anutuni mönö wuanöŋgöra andö nuŋguzan?

³⁵ Mewö qeriga azi kösutŋe kingeri, yeŋgöreŋök tosatŋan mi möta jiget, “Mötket! Mönö Elaijagöra qetza.” ³⁶ *Yeŋgöreŋök kunöŋ ösumŋan anda mömöndö kun kahali tandök mi memba wain o asölŋambuknöŋ kundumgöba ip göröm kitipŋe jöhöba suruba Jisös numbu susuŋe eu ali neiga jiyök, “Mönö mosötketka nanjök kinök. Elaijanöŋ kaba meköi etma me qahöpto, mönö mi ekin.”

³⁷ Mewö aketka Jisösnöŋ qet ketanji qeta wösöŋi nöŋ qeiga kömuyök.

³⁸ *Kömuiga miangöreŋök jöwöwöl jikegö uruŋe opo kinöhi, miangön mönö euyök bibiŋe jurata eta yahöt ahök. ³⁹ Suahö galömnöŋ maripom mesohol köla kinda Jisösnöŋ wösöŋi nöŋ qeiga kömuyöhi, mi eka kewö jiyök, “Azi kianön mönö ölna Anutugö nahönŋa akka.”

⁴⁰ *Ambi tosatŋan mewöyök sikep kinda yuai mi eket. Yeŋgö sutŋine Magdalagö Maria aka Maria Jeims dubatŋi aka Joses yetkö namŋiri aka Salome yeŋön mohotŋe kinget. ⁴¹ Yeŋön Jisösnöŋ Galili prowinsnöŋ maliga miangöreŋ i wuatangöba welen qem waŋgiba malget. Mewöyök ambi tosatŋi gwötpuk Jisösbuk Jerusalem sitinöŋ öŋgöba kageri, yeŋön mewöŋanök kösutŋe kinget. Mewö.

Jisösgö qamötŋi löm kölget.

Mat 27.57-61; Luk 23.50-56; Jon 19.38-42

⁴² Sabat kendon tatatköra yuai mözözömgögetka Sabat kendonöŋ könahimangöra dopdowiiga mare akka kayök. ⁴³ Neŋgogie miangöreŋ Arimatia tonji, azi qetbuŋaŋambuk qetŋi Josef yaŋön kayök. Yaŋön mewöyök Anutu bemtohoŋaŋgö ölni asuhumapköra mamböta malök. Yaŋön Juda yeŋgö jike kaunsöl kambugö jitŋememe kun aka Sabat kendonöŋ könahimangö ahöraŋgöra aka kengötŋi yaköriba Pailötköreŋ anda Jisösgö qamötŋi memangö qesiyök. ⁴⁴ Qesiiga “Ölna kömuza me qahöpto?” jiba mötmöriba suahö galömnŋi jii kaiga “Jisösnöŋ nalö köröpŋi me töröpŋi kömuza,” jiba qesim waŋgiyök. ⁴⁵ Qesim waŋgiiga buzup keunji möta Jisösgö qamötŋi Josef jim teköm waŋgiyök. ⁴⁶ Jim teköm waŋgiiga opo tuatŋi söŋöröŋi memba anda qamötŋi maripomnöhök qeköba memba eta oponöŋ esuhuyök. Esuhuba memba qaksirinöŋ anda kötnöŋ köteŋ urorohogetka dum ahöyöhi, miangöreŋ alök. Ala köt kötanji kun metaliga köteŋ numbuŋi közipköyök. ⁴⁷ Denike alöhi, mi Magdalagö Maria aka Maria Josesgö namŋi yetkөн kinda ehot. Mewö.

* 15:34: Sum 22.1 * 15:36: Sum 69.21 * 15:38: Eks 26.31-33 * 15:40: Luk 8.2-3

16

Jisösnöj kömupnöhök wahörök.

Mat 28.1-8; Luk 24.1-12; Jon 20.1-10

¹ Sabat kendon tatket teköiga miangörej Magdalagö Maria, Maria Jeimsgö namñi aka Salome yeñon “Jisösgö qamötñi anda miribin.” jiba jiniñ jimoroñ umköhöwaktambuk söngöröñi meget. ² Mema ahöba Sonda söñanök wahöta miri gianji wehön jilinjölañ kori qaksirinöñ anget. ³ Anda eram möta jiget, “Qaksirigö numbuñe köt ketañi tatzawi, mi mönö dañon qetalma?” ⁴ Mewö jiba ugetka ani kewö eket: Köt keta bölökñi mi lök qetalget anda ahöyök. ⁵ Qaksirigö köt köteñ numbuñi mewö añañiba kiniga uruñe öngöget. Öngögetka öljine göröken azi gwabö kun malukuñi köröpñi tuatñi tariga eket. Mewö eka gwötpuk awöwöliget.

⁶ Awöwöligetmö, kewö jii mötket, “Mönö keñgötñini kude mötme. Inini Nazaret azi Jisösgöra jaruze. I maripomnöñ qegetmö, mönö guliba wahörök. Miangöra ki kude ahöza. Eket! Dumñi ki, miangörej suluget ahöyök. ⁷ *Miangöra mönö anda Pitö aka gwarekurupñi pakpak buzup kewö jiget mötme, ‘Yañon mönö qeljine mutuk Galili prowinsnöñ anma. Inini mewöyök miangörej anda keuñi jiyöhañgö dop i ekñe.’ ”

⁸ Mewö jiiga auruba jönömñini unduiga köt köteñök eta ösumñinan anget. Sömbuñini mötkerañgöra keu kun kude jigetmö, keuñini bököyök. Mewö.

Jisösnöj Magdalagö Mariagörej asuhuyök.

Mat 28.9-10; Jon 20.11-18

⁹ Jisösnöj Magdalagö Maria yañgö uruñeyök öme 7 enguatängöiga malök. Jisösnöj kömupnöhök wahöta Sonda söñan amandinöñ mutuk Maria mi asuhum wañgiyök. ¹⁰ Asuhum wañgiiga alaurupñan Jisösbuk mala kota nalö miangörej jingey köla sahötkeri, Marianöñ mönö yeñgörej anda buzupñi jii mötket. ¹¹ Mötketmö, Jisösnöj guliba mali Marianöñ ehöhi, mi qahö möt nariget. Mewö.

Jisösnöj alayahötñi yetkörej asuhuyök.

Luk 24.13-35

¹² Miangö andöñe alayahötñan Jerusalem siti mosöta miri kunöñ an-bitköra könanöñ anohotka Jisösnöj kaisongolomñan melenñiga asuhum etkiyök. ¹³ Yetköñ mewöyök anda buzupñi mi alaurupñi jiyohot mötketmö, yeñon mi mewöyök qahö möt nariget. Mewö.

Jisösnöj gwarekurupñi asuhum enñgiyök.

Mat 28.16-20; Luk 24.36-49; Jon 20.19-23; Apo 1.6-8

¹⁴ Könañgep gwarekurupñi 11 mienön tokoba nene nempa tatketka yeñgöra mewöyök asuhuyök. Asuhuba uruköhöikñinañgöra tembula kömupnöhök wahöriga ekerañon buzupñi jiget möta mi qahö möt narigeri, miangöra i jim enñgiyök. ¹⁵ *Jisösnöj kewö jii mötket, “Inini mönö kantri dop anda gölmeñi gölmeñi liliköba ambazip mal anjeañgö dop Ölöwak Buñani jim asarigetka mötme. ¹⁶ Kunñan Anutu möt nariiga o melun mem wañgigetka uruñi melenñmawi, yañon mönö letota Suepkö buñaya akña. Kunñan qahö möt nariba yañgiseñ malmawi, Anutunöñ mönö yañgö keuñi jim teköiga könöp siagö buñaya akña. ¹⁷ Möt narim niñgiba malmei, mi aiwesök mem enñgibiga könañamñini kewö asuhuma:

* 16:7: Mat 26.32; Mak 14.28 * 16:15: Apo 1.8

Yeñön nöngö qetne ömewöröme enkuatangöme. Kantri tosatñi yeñgö keuñini jime. ¹⁸ Mokolen böröñinan memba wahötme. Möröm warabe o yuai negetka mianjön mönö qahö mem bölim enggima. Böröñini kawöl ambazip qakñine algetka ölöwakñe.” Mewö.

Jisösnöñ Suep mire öngöyök.

Luk 24.50-53; Apo 1.9-11

¹⁹ *Kembu Jisösnöñ keuñi mewö jii mötketka Anutunöñ wañgiriga Suepnöñ öngöba Anutugö böröñi öñe tata malja. ²⁰ Eu maljapmö, gwarekurupñan mosöta miri gölme dop anda Buña keuñi jim sehiba malget. Mewö malgetka Kembunöñ yembuk nup memba inahöm enggiiga aṅgöletot asuhugetka keuñinan köhöiyök. Mewö.

* 16:19: Apo 1.9-11

Luk Ölöwak Buña Luknõñ ohoyök. Jim-asa-asari

Urumelen yeñon miti dölokñi qahö memba kazei, dokta Luknõñ mi azi öngöñgõni Tiofilusgõra kondelmamgõra aka Ölöwak Buña ki ohoyök. Luk yañon Jisösgö gwarekñi 12 yeñgõreñök kun qahöpmö, Grik azia aka kawöl ambazip mem ölöwak nupnõñ malök. Luknõñ Jisösgö könani yahöt kewö kondel neñgiza: 1) Anutunõñ Amötqeqe Tonji melaimamgö keu jöhöiga Israel yeñgõra asuhuyök, 2) Yañon mönõ kantriñi kantriñi mem ölöwak neñgimamgõra kayök. Kembugö Uñajan Jisös oholiga “ambazip etqeqeñi yeñgõra Ölöwak Buña” jim asariyök. Ambazip yuai könani könani miangõra osigeri, Jisösnõñ yeñgõra waimanjat möta baukõm enjiba malök. Luknõñ kösohot mewõñi sehisehiñi arengõba ohom teköyök. Luknõñ sösongaigö kösohotñi gwötpuk ohoyök. Jisösnõñ mutuk gölmenõñ erök aka tetekõñe miangõreñ gölme mosöta Suepnõñ öngöyök. Miangõra sösongai sehisehiñi mi boñ 1-2 aka boñ 24 miangõreñ ahöza. Jisösnõñ Suepnõñ öngöiga Buña nup mem sehigetka mötnarip kambunõñ qariba qariba anök. Luknõñ miangö kösohotñi mi buk qetñi “Aposol nup meme” miangõreñ ahöi ahöza.

Luknõñ Ölöwak Buña ohoyöhi, miangö keu bohonñi mi kewö dop köla ali ahöza: Köuluk nup megetka ölni asuhuyök, Uña Törõñan ambazip sölölohöm enjii malget, Ambi yeñon Jisösbuk nup gwötpuk nanngõba meget, Anutunõñ sinjisöndokñini mosöta malök.

Buk kiangö bahõñi bohonñi 8 mi kewö:

Buk kiangö könani Luknõñ ohoyök boñ 1.1-4

Jon O-melun azi aka Jisös asuha qariyohot 1.5-2.52

Jon O-melun azinõñ Anutugö nup meyök 3.11-20

Jisös o melun mem wanñiiga esapesap miwikñaiyök 3.21-4.13

Jisösnõñ qenjarök nupñi Galili prowinsnõñ meyök 4.14-9.50

Galili mosöta köna anda Jerusalem angorök 9.51-19.27

Jerusalem angota sonda qöndökñi malök 19.28-23.56

Wahöta asuhum enjiba Suepnõñ öngöyök 24.1-53

Matyu Mak Jon yeñon kösohot tosatñi qahö ohogeri, mi Luknõñ nanñök ohoi bahõñi 2 aka 6 miangõreñ ahöza. Kösohot tosatñi mi kewö: Garata yeñon linet kölget, Lama galöm yeñon Jisös asuhuiga kaba eket, Jisösnõñ moröröpñe jöwöwöl jikenõñ öngöyök, Samaria azinõñ gurusep azi ak kömum wanñiyök aka nanñi imbi-imbi azinõñ sinjisöndoknõñ geba sohoyöhi, miangö dopkeu.

Luknõñ kimbi Tiofilusgö ohoyök.

¹ Kezapqetok ambazipnõñ Amötqeqe Tonji ahumapkö keu jigetka miangö ölni sutnine asuhuyöhi, ambazip gwötpukñan miangö kösohotñi könahiba ohoget. ² Yuai ölni mi sutnine asuhuiga tosatñan mi könakönahineyök könahiba kota nanñine jeñinan eka möt yakögeri, yeñon miangö dop miangö buzupñi toroqeba jim sehigetka kezapnine geba nanine buñaya ahök. Ambazip mewõñi yeñon Buña mi könahiba papianõñ ohoba arengöget ahöza.

³ Nöñön mewöyök yuai pakpak asuhuba koröhi, mi törörök qesim engibi könajeyök könahiba jigetka möt kutuzal. O Tiofilus nöñön göhöra mötpi öngöngöñi akzan. Nöñön göbuk keu eraum mötpitkö mötpi ölöwahiga jisösgö kösohotñi mi körekñanök arengöba ohozal. ⁴ Buñja keu ölnji kusum gihigetka mötzani, göñön miangö könaji oyoñda körekñanök möt kömuman. Mewö.

Jon asuhumapkö keunji Geibrielnöñ jiyök.

⁵ *Judia prowinsgö kin qetñi Herod yañgö nalöñe azi kun qetñi Zekaraia malök. Yañön jike nup galöm mala Abaiagö nup areññöñ kinök. Anömñi qetñi Elisabet yañön mewöyök jike nup galöm Arongö gwölönarökñi kun ahök. ⁶ Yekñön Anutugö jeñe malmal diñdiñi mala Kembugö jöjöpañ keu aka jimkutukutuñi pakpak törörök wuatangöba köpösihitkö keunñiri qahö malohot. ⁷ Malohotmö, Elisabetnöñ köpingöra gwölönarökñiri qahö mala ambazip namñi ahot.

⁸ Nalö kunöñ Abaiagö nup areñ nalöñan kaiga Zekaraianöñ jike nup galöm nup memapköra Anutugö jemesoholñe kañgorök. ⁹ Kañgoriga jike nup galöm yeñön aiakanini wuatangöba sutñine nup mendenña Zekaraia mekögetka Kembugö altanöñ öngöba jinñi wörönñambuk ohoyök. ¹⁰ Jinñi wanafu ohoho nalöñan kam kuñguiga yañön yuai wörönñambuk mi ohoiga ambazip kambu pakpak yeñön jöwöwöl jike yaigepñe mamböta Anutu köuluköba malget.

¹¹ Jinñi ohoiga wörönñan pukpuköba miri uruñi dop köliga miangöreñ Kembugö garata kunöñ altanöñ eu asuhum wañgiba böröñi öñe göröken kinök. ¹² Kiniga Zekaraianöñ eka auruba keñgötñi mörök. ¹³ Keñgötñi mörökmö, garatanöñ kewö jii mörök, “Zekaraia, gi keñgötki kude mötnöñ. Anutunöñ köulukiki lök mötza. Miangöra anömñan gölöm ala morö nahöna mema. Mi meiga göñön qetñi Jon qetman.

¹⁴ Nahönñi asuhuiğa urugan yañgöra ölöwahiga söngainöñga ambazip gwötpukñan sösongai akñe. ¹⁵ *I nam körö uruñe tariga Uña Töröñan miangöreñök könahiba uruñi kokolak qeiga qariba wain me o köhöikñi mi qahö nembera Kembugö qöhöröñe azi öngöngöñi aka malma.

¹⁶ Mewö mala Israel ambazip gwötpuk urumelen engiğa Kembunini Anutugöreñ lilingöme. ¹⁷ *Anutugö Uñañan kezapqetok azi Elaija inahöiga kukösum qakñe nup meyöhi, yañön mönö miangö dop mutuk qeljiñe aniga Kembunöñ andöñe kama. Yañön anda könagesö uru kuñgum engiğa Kembunöñ kamapköra jöjöröba kinme. Iwi aka nahönbörat jula dengetka uru kuñgum engiğa kunbuk mindirim anğume aka qeqetal ambazip mi diñdiñi yeñgö mötmöt areññöñ anğotme.”

¹⁸ Sup garatanöñ mewö jiğa Zekaraianöñ jiyök, “Anömni netkön ambazip namñi akzirañgöra keugan mönö dewöwö öññambuk akawak?”

¹⁹ *Mewö jiğa melenök, “Ni Geibriel. Nöñön Anutugö mesoholñe kinbi melaim ningi buzup ölöpñi ki memba kaba jibi mötzan. ²⁰ Nöñgöreñ keu jit öññambuk asuhumawi, göñön mi jibi qahö möt narizanañgöra keugan mönö qahöwahiga mötök malman. Mewö malnöñga buzup keu kiangö öñji asuhumapkö nalöñan kam kuñguiga miangöreñ nesilamgan lolohi keu kunbuk jiman.”

* 1:5: 1 Hist 24.10 * 1:15: Jan 6.3 * 1:17: Mal 4.5-6 * 1:19: Dan 8.16; 9.21

²¹ Nalö sutnje miangöreñ ambazipnöñ mamböt mala Zekaraianöñ jöwöwöl jikenöñ nalö köröp tiñtini kinöhañgöra mötkurumkurum aket. ²² Mewö aka tatketka yaigep eta keu jimamgö osiiga möt asariba kewö jiget, “Yañön jöwöwöl jikenöñ kinda jeñi meleni Suepnöhök imut kun ekza.” Mewö jigetka böröñanök kaisöpsöp al engiba mötök aka malök.

²³ Mewö mala jike nup meme nalöñan teköiga lilingöba miriñe anök. ²⁴ Wehön tosatni teköiga Elisabetnöñ gölöm ala köiñ 5 miangö dop mire asamböta kewö jiba tata malök, ²⁵ “Moröni qahöpköra ambazipnöñ memba eta al niñgigetka Kembunöñ mesohol köl niñgiba miangö lömbötñi memba gila ak kömum niñgiza.” Mewö.

Jisös asuhumapkö keuñi Geibrielnöñ jiyök.

²⁶ Elisabetnöñ gölöm alöhañgö köiñi 6 aiga Anutunöñ garatanj qetñi Geibriel melaiiga Galili prowinsgö miriñi kun qetñi Nazaret miangöreñ erök. ²⁷ *Eta ambi seram jömukñi qetñi Maria yañgöreñ anök. Yañön azi qetñi Josef yañgö ambi buñaya malök. Josefnöñ kiñ Deiwidkö gwölönarökñi kun ahök. ²⁸ Garatanöñ Mariagöreñ anda kewö jiyök, “O Maria, silingi ölöpñi. Kembunöñ kalem möriam gihiba göbuk kinma.”

²⁹ Mewö jiyökmö, Marianöñ jölöñ miangöra gwötpuk auruba könani jaruba mötkurumkurum ahök. ³⁰ Mötkurumkurum aiga kewö jii mörök, “Maria, Anutunöñ kalem möriam gihiga yañgö jeñe dop köljan. Miangöra kenğotki kude mötnöñ. ³¹ *Mötnöñ, göñön gölöm ala morö nahöna meman. Memba qetñi Jisös qetman. ³² *Jisös yañön qariba azi qetbuñambuk aiga qetñi ‘Öngöñgöñi ketañangö Nahöñni,’ qetketka malma. Mewö mali Kembu Anutunöñ amböñi kiñ Deiwidkö jakömbuak dum wangiiga salupñe ambazip galöm köl engiba malma. ³³ Jeikobkö könagesö yengö kiña aka teteköñi qahö galöm köl engiba malma. Bemtohoñi miangöñ mönö nalö kunöñ kude qahöwakña.”

³⁴ Garatanöñ mewö jiiga Marianöñ jii mörök, “Yei! Ni azigö könani qahö mötzal. Miangöra keu jizani, miangö öñji mönö denöwö asuhuma?”

³⁵ Mewö jii möta melenñök, “Uña Töröñan mönö aum köl gihiga Anutu öngöñgöñi ketañangö ösumñan dop köla turum gihima. Miangöra morö memani, yañön töröñi aiga ambazipnöñ qetñi ‘Anutugö Nahöñni,’ jiba qerakñe. ³⁶ Mötnöñ. Tinigi Elisabet yañön mewöyök ‘Köpin mala morö memangö osiza,’ jigetmö, töndup ambi namñi aka nalö kewöñe morö nahöngö gölömñambuk aiga köiñi 6 akza. ³⁷ *Anutunöñ yuai kun akñamgö jiba mi qahö qaköba osimakza.”

³⁸ Mewö jiiga Marianöñ jiyök, “Mötnöñ, nöñön Kembangö welenqeçe ambia akzal. Miangöra keu jizani, miangö dop ölöp ahum niñgima.” Mewö jiiga Suep garatanöñ mosöta anök. Mewö.

Marianöñ Elisabetköreñ kujuk anda ehök.

³⁹ Marianöñ mi möri nalö köröpñi qahö aiga wahöta zilan jöjöröba gölme kundupñe öngöba Judia prowinsgö taon kunöñ anök. ⁴⁰ Anda Zekaraiağö mire öngöba anöñni Elisabet eka söñgaiba jölöñi jiyök. ⁴¹ Jölöñi jiiga miangöreñök möri morö nahöñöñ körö urupñe luhuba öngöba eri Uña Töröñan Elisabetkö uruñi kokolak qeyök.

* 1:27: Mat 1.18 * 1:31: Mat 1.21 * 1:32: 2 Sml 7.12, 13, 16; Ais 9.7 * 1:37: Jen 18.14

42 Kokolak qeiga qet ketanji qeta kewö jiyök, “O alani, Anutunöj kötümötuetnji öngöngöjñi al gihiiga ambi sutnine malman aka morö me-mani, i mewöñanök kötuatköm wangima. 43 Denöwögöra Kembunanöj namñan kaba neiga mewö asuhum ningiza? 44 Mötnöj, gi jölöñni jinöñga keu jölgi kezapne gei morönöj urune mewöyök sösongai qakñe luhuba öngöba etza. 45 Kembunöj buzup keunji jiiga möta miangö öljñ asuhumawi, mi möt narizananöjora göhö mötppi simbawon akzan.” Mewö.

Marianöj sösongai lijñet kölok.

46 *Marianöj keu mi möta kewö jiyök,

“I-ia! Nöngö urukönömnan mönö önöñi qahö Kembu möpöseiza.

47 Nöngö unñanan Anutu, Amötqege Toni yangöra söñgaiba köirañ kölja.

48 *Nöñön welenqege ambi etqegeñi maljalmö, Anutunöj töndup mesohol köla ak kömum ningiza.

Mötnöj, ambazip kambunji kambunji merak könahiba asuhumei, yeñön mönö nöñgöra ‘Simbawonj!’ jiba möpöseim ningiba malme.

49 Kukösum Tonñan mönö angöletot öngöngöñi mem ningii maljal.

Yangö qetñi mi Töröñi.

50 Ambazip merak gölmenöj maljei aka könañgep ahum sehime, yeñgö sutñine gwöt isik denike yeñön Anutugö jitñi ongitpinbukö keñgötñini mötmei, yangö ak-kömukömuñan mönö yembuk pöñdan ahöma.

51 Anutunöj böröñan angöletot memba miangön kukñi kondel neñgiiga ehin.

Ambazip nanñini miwidimgöba söngöröqök malgeri, yeñön mönö i köñdeñ enñgiiga simbisembel aka malget.

52 *Kinj kembunji kembunji jakömbuak dumñine tata ambazip galöm köñ enñga malgeri, yeñön i miangörenöj qeköba utal enñgiiga etket. Etketmö, etqegeñi ia mönö mem wahöta al enñgiyök.

53 Ambazip yuaigö janjötatañ malgeri, miengö urunñini mönö yuai ölöpñi ölöpñi miangön kokolak qeyökmö, ambazip pomñi mi melaim enñgiiga böröñini börak öne anget.

54-55 *Yeñön ambösakonurupñini meköba enñgömeiga Israel aketka nini toroqegeba Anutugö welenqegeurupñi maljin.

Anutunöj mönöwök jöjöpaj keunji kewö jim jöhöm neñgiyök, ‘Nöñön Abraham aka yangö gwölönarökurupñi teteköñi qahö mal öngöba malmei, i ak kömum enñgiba malmam.’

Mewö jiba keunji mi qahö ölum qei mala korök.

Qahöpmö, yeñön mönö keu jitñi mi wuatangöba mala merak bauköm neñgimangöra kaza.”

Marianöj mewö jiyök.

56 Marianöj köñ karöbut miangö dop Elisabetpuk mala kunbuk miriñe lilingöyök. Mewö.

Jon O-melun azinöj asuhuyök.

57 Elisabetkö morö meme nalöñan kam kuñguiga morö nahöna meyök.

58 Morö nahöna meiga miri kösutñe malgeri aka tinitosolomurupñi yeñön Kembunöj ak-kömukömu öngöngöñi kondel wangiyöhi, mi möt asariba yambuk mohotñe sösongai aket.

⁵⁹*Sösöngai aka wehön 7 teköiga wahöta anda Anutugö aiwesökñi morö sileje yandimegöra tokoget. Tokoba iwiñangö qetñi Zekaraia mi wakan mem wañgibingöra jiget. ⁶⁰Jigetmö, namñan jiyök, “Mi qahöp mahöpmö, qetñi mönö Jon qetpin.”

⁶¹Jiiga kewö jiget mörök, “Jon qetzanmö, göhö tinitosolomgi yeñgöreñök kunñangö qetñi mi qahö ahöza.” ⁶²Mewö jiget möri kinda iwiñan yangö qetñi qetmapkö qesiba böröñinan kaisöpsöp alget.

⁶³Kaisöpsöp algetka tafegöra qesii wañgigetka miangöreñ kulem kewö ohoyök, “Qetñi mi Jon.” Mewö ohoiga miangöra körek aurum tililingöget. ⁶⁴Aurum tililingögetka miangöreñök numbuñi amgöiga nesilamñi lolo-hoiga keu jiba Anutu möpöseiyök. ⁶⁵Möpöseiiga miri alaurupñini pakpak yeñön qemsömbuñini gwötpuk mötket. Mötketka yuai asuhuyöhi, miangö buzupñi eraum mötketka sehiba Judia kunduñi gölme pakpak dop kölök.

⁶⁶Buzupñi eraum mötketka körekñan mi möta urukönömñine ala añañön kölget. Kembunöñ kukösumñi morösepsöp qakñe mokoï malöhi, miangö könañi möt asariba kewö jiget, “Morö kianañön qariba mönö wani yuaia kun denöwö akña?” Mewö.

Zekaraianöñ kezapqetok keu jiyök.

⁶⁷Mewö jigetka Uña Töröñan iwiñi Zekaraiağö uruñi kokolak qeiga kezapqetok keu kewö jiyök,

⁶⁸“Nini Israel neñgöreñ Kambu Anutu möpöseibin. I-ia!

Yañön mönö könagesöurupñi mesohol köi neñgiba sohopnini memamgöra jöjöröba kama.

⁶⁹Anutunöñ welen azinji kin Deiwidkö könagesö neñgö sutninyök azi kukösumñambuk kunñi wahöta Amötqeqe Tonina akña.

⁷⁰Möpñangö möpñeyök kezapqetok ambazipurupñi tök-kutukutuñi i sölohöm enñi keu jit kewö jiba malget,

⁷¹‘Nöñön mönö kerökurupñini yeñgö ösumñini qebi eriga bohonñini jöhömam.

Denike yeñön kazik ak enñimeï, nöñön mönö körek yeñgö böröñineyök meköba sel jöhöm enñimam.’

⁷²Keu mewö jiba bömönurupnini ak kömum enñiba yembuk jöhöjöhö areñ qainñi kun jöhöyöhi, mi mötmöriba wuatangöiga amötqeqegö ölni asuhuma.

⁷³Jöhöjöhö keu mi bömönini Abrahamgöra jiba jöjöpñ keunöñ jim köhöii ahöza.

⁷⁴Jöhöjöhö keu miangö ölni kewö:

Yañön nini kerökurupnini yeñgö böröñineyök meköm neñgiiga yeñgöra keñgötnini qahö möta welenñi qem wañgiba malbin.

⁷⁵Yañön keunini jim teköi solaniba yangö jeñe sarakñi aka malmalnini ölülp mewö mala kömumbin.

⁷⁶*O gömokni Jon, göñön qariba mala qeljiñe mala ambazip uruñini mindiñgöba mewö miangöñ Kembugö könañi mesatnöñga kama.

Miangöra qetki ‘Anutu öngöngöñi ketanangö kezapqetok azia,’ mewö qetketka malman.

⁷⁷Mewö mala amötqeqegö könañi mi Anutugö könagesöurupñi kusum enñinöñga mi möt kutuba uruñini melengetka Anutunöñ sinñisöndokñini sanñonja mosötma.

⁷⁸Anutuninan uruñan jöpaköba ak kömum neñgimakza.

Mewö aka mesohol köl neŋgiba undiŋi euyangörenek ali gilikbilik akza. Mewögöra neŋön mönö waŋgaran surui aukne asaribingö akzin.

⁷⁹ *Nini pandamanöŋ jipjap taringa kömupkö kondotkondot Tonjan aum köl neŋgimakzapmö, wehön jilinbölan kota qaknine kuŋguba mem asarim neŋgima.

Mem asarim neŋgiiga luaigö könaŋi aukne asuhui eka miangöreŋ aŋgota tiba kinbin.” Zekaraianöŋ mewö jiyök.

⁸⁰ Morö Jon yaŋön qariba wahöriga Uŋa Töröŋan inahöm waŋgiiga Anutugö kolek azi köhöikŋi ahök. Mewö aka gölme qararanökölöŋe mala mali nalöŋan kam kuŋguiga Israel könagesö yeŋgö jeŋjine aukne asuhuba qenjarök nupŋi könahiba meyök. Mewö.

2

Jisös Betlehem taonöŋ ahuyök.

Mat 1.18-25

¹ Jon O-melun azinöŋ ahuiga nalö miangöreŋ sisa kiŋ Ogastus yaŋön Rom sitinöŋ gölmeŋi gölmeŋi galöm köl eŋgiyök. Galöm köl eŋgiba takis könahiba memegöra gawmangö jimkutukutu aliga gölmeŋi gölmeŋi pakpak yeŋön tokogetka kuskus (sensus azi) yeŋön qetjini papianöŋ ohoba areŋgöget.

² Areŋ nup mi nalö mutukŋa meget. Megeri, nalö miangöreŋ azi qetji Qirinius yaŋön Siria prowinsgö premiö mala galöm köl eŋgiyök.

³ Ogastusnöŋ jimkutukutu aliga ambazip körek pakpak yeŋön öröba anda qetjini areŋnöŋ ohomegöra nanŋini ahuahu miri bohonnini dop anget.

⁴ Galili prowinsgö taon qetji Nazaret miangöreŋ azi qetji Josef malök. Yaŋgö amböŋi mi kiŋ Deiwid. Kiŋ Deiwidkö taonŋi qetji Betlehem mi Judia prowinsnöŋ ahöyök. Miangöra Josefnöŋ Nazaret mosöta öŋgöba geba Betlehem anök. ⁵ Anmam jiiga nalö miangöreŋ ambi buŋaŋi qetji Marianöŋ gölömŋambuk malök. Maliga i auangita qetjiri ohomegöra mohotŋe anohot.

⁶ Anda Betlehem aŋgorohotka Mariagö morö meme nalöŋan kam kuŋguyök. ⁷ Kam kuŋguiga qenjarök ahöahö mire aŋgota miangö uruŋe tiŋi qahö miwikŋaiyohot. Miangöra bau bulmakau miriŋe öŋgöba tarohot. Tata miangöreŋ nahönŋi mutukŋi memba oponöŋ esuhuba bulmakau joutŋe ali geba ahöyök. Mewö.

Lama galöm yeŋön Suep garata eŋgeket.

⁸ Betlehem taon gölme miangöreŋ azi tosatŋan suŋgem dop gölme köröŋi miangöreŋ anda lama kambuŋini galöm köl eŋgiba malget. ⁹ Mewö malgetka suŋgem miangöreŋ Kembangö garata kuŋŋan kösutŋine asuhum eŋgiyök. Asuhum eŋgiiga Kembangö asakmararaŋan liliköm eŋgiba asari-iga qem sömbuŋini möta jönömŋini unduyök. ¹⁰ Jönömŋini unduyökmö, Suep garatanöŋ jii mötket, “Mönö kezap alget. Nöŋön sösongai Buŋa ketanŋi ambazip körek pakpak yeŋgöra memba kazal, mi indel eŋgimam. Miangöra jönömŋini kude unduma. ¹¹ Buŋa mi kewö: Eŋgö Amötqeŋe Tonjan dölki ahuza. Yaŋön kiŋ Deiwidkö taonöŋ asuhuba Kambu qetji Kraist akza. ¹² Keu miangö aiwesökŋi kewö: Inini anda morö sepsep oponöŋ esuhuba bulmakau joutŋe alget ahözawi, mi miwikŋaime.”

* 1:79: Ais 9.2

13 Garatanöŋ mewö jiiga miangöŋöŋök garata kambu ketanjan Suepnöhök kaŋgota yambuk aitonŋöba Anutugö möpömpöŋŋe linet köla kewö jiget,

14 “Anutugö qetbuŋaŋi möpöŋŋe Suepnöŋ euyangöŋŋe öŋgöza. Yaŋön ambazip nanŋaŋöŋa meköm enŋiyöhi, yeŋgöŋa köŋö ölöwak möta gölmenöŋ luai al enŋiza.” Mewö.

Lama galöm yeŋön anda Jisös eket.

15 Garata yeŋön enŋömosöta Suepnöŋ lilingöba öŋgögetka lama galöm yeŋön naninak kewö jiget, “Ayop, Betlehem miangöŋŋe yuai ahuiga Kembunöŋ miangö keuŋi jii mötzini, nini mönö mia anda ekin.”

16 Mewö jiba ösumŋinan anda Maria Josef aka moröŋŋeŋŋe bulmakau joutŋe ahöyöhi, miwikŋaiba eket. 17 Eka kinda garatanöŋ morögöŋa keu jii möta kageri, mi indela jim asariget. 18 Jim asarigetka mötkeri, yeŋön körek pakpak auruba welipköget.

19 Welipkögetmö, Marianöŋ keu pakpak mi uru köŋöŋŋe ala dungöba jöhöba könaŋi mötmöŋŋe malök. 20 Welipkögetmö, yuai pakpak Suep garatanöŋ jiyöhanŋö dop asuhuyöhi, mi lama galöm yeŋön eka möta miangöŋa Anutugö söŋŋeŋi linet köla möpöŋŋe. Möpöŋŋe mosöta lilingöba anget. Mewö.

Morö qetŋi Jisös qetket.

21 *Jisös ahu Sonda mohot miangö dop teköiga Anutugö aiwesökŋi silene yandibingö nalöŋi kaiga qetŋi Jisös qetket. Suep garatanöŋ qet mi mutuk qeta waŋŋiŋun nalö miangöŋöŋök namŋaŋö gölöm uruŋe ahuyök. Mewö.

Jisös waŋgita Anutugö buŋaya alget.

22 *Mosesö Köna keunöŋ keu kewö ahöza, “Ambinöŋ morö nahöŋŋi mutukŋi mamba silim 40 koumŋe mali teköiga söŋö guluŋi köŋ köŋjorat waŋgiba inini mönö jöwöwöl jikenöŋ öŋgöba morö mi Anutugö jeŋe algetka yaŋgö buŋaya akŋa.” Miangöŋa nalö mi kam kunguiga Josef Maria yetköŋ keu mi tem köla Jisös waŋgita Kembugö buŋaya akŋapköŋa Jerusalem öŋgöyohot.

23 *Kembugö Köna keunöŋ keu kewö ohoget ahöza, “Morö nahön pakpak ŋep mutuk mokozei, mi mönö Kembugö buŋaya akŋapköŋa qem teköba mem sarahime.” Yetköŋ keu mi wuatangöyohot. 24 Mewöyök Kembugö Köna keunöŋ jimkutukutu keu ahözawaŋgö dop kembö me kembö supsup nei yahöt mi jöwöwöl ohomahotköŋa Jerusalem sitinöŋ öŋgöba anohot.

25 Nalö miangöŋŋe azi kun qetŋi Simeon Jerusalem malök. Yaŋön uruŋi jöŋuk Anutugöŋŋe qekötahöba urumelengö köŋguliguli aiga Uŋa Töŋöŋan yambuk kiniga Amötqeqe Toŋan Israel uruŋe asuhumapköŋa mamböta malök. 26 Mamböta maliga Uŋa Töŋöŋan keu kewö indeli möŋök, “Gi Kembugö Amötqeqe Toŋi Kraist ahu mutuk ekagun kömupkö sihimbölöŋi mötman.” 27 Iwinamŋan Mosesö Köna keu wuatangöba Jisös waŋgita jöwöwöl jikenöŋ öŋgöyohot. Öŋgöyohotka Uŋa Töŋöŋan Simeon sölölöhöi nalö miangöŋöŋök mewöyök jikenöŋ öŋgöyök. 28 Öŋgöba morö mi eka mamba dohongöba Anutu möpöŋŋe kewö jiyök,

* 2:21: Lew 12.3; Luk 1.31 * 2:22: Lew 12.6-8 * 2:23: Eks 13.2, 12

Simeongö sösöngai lijët

29 “O Kambu, merak welen azigan ölop anda uruluainöy mala kömuma.

30 Göhö keugahö dop Amötqeqe Tonji melainöy asuhuiga i nani jenan eka simbawon mötzal.

Miangöra ölop anda kömumam.

31 Göjön amötqeqegö könañi mözözömgöba kantri pakpak yengöra indel enjinönga mi eka möt kutume.

32 *Göjön Amötqeqe Tonjanjö asakñi indelnönga kian kantri yengö urunini kuñguiga asarime

aka qetbuñagan nangi könañesögi Israel nengö sutnine mewöyök qarima.”

Simeongö kezapqetok keu

33 Simeonöy morögöra keu mewö jiiga iwinamñan möta köñkun aka welipköyohot. 34 Welipköyohotka kötuetköm enjiba namñi Maria kewö jii mörök,

“Mötnöy, Anutunöy morö ki kuñguba ali Israel ambazip sehisehiñan i andö qeba eta enjugetka

gwötpukñan urunini melenja ölöwakñe.

Anutunöy nanñak i ali aiwesök aiga gwötpukñan i tuaköpek jim wañgime.

35 Tuaköpek jim wañgigetka urumötmötnini asa-asambötñan mewö aukñe asuhuma.

Nangi urugan mewöyök wösöbirik aiga mianön sou zuluk alalñi ewö urugi kuñguba qesiñma.” Mewö.

Ana ambigö kezapqetok keu

36 Jerusalem miangörey kezapqetok ambi namñi kun qetñi Ana malök. Yanjö isikñi qetñi Aser, iwiñi qetñi Fanuel. Ambi mianön seramñe azi memba mali yambu (yara) 7 mohotñe malohot. 37 Malohotka apñi kömui malö aka mala kori nalö miangörey yambuñi 84 ahök. Yanön nalö dop jöwöwöl jikenöy öngöba mi silim kun qahö mosörökmö, sungem asak Anutugöra nene siñgi mala köuluköba waikñi memba möpöseiba malök.

38 Yanön nalö miangöreyök kangota morö mi eka Anutu möpöseiyök. Anutunöy Jerusalem ambazip sohoppini memapköra mamböta malgeri, körek yengöra morö miangö könañi jim asarii mötket. Mewö.

Jisösbuk Nazaret lilingöget.

39 *Josef Maria yetköñ Kembunöy areñi jim kutuiga Köna keunöy ahözawi, mi körek ahot teköiga Galili prowinsnöy lilingöba taonñiri Nazaret miangörey anohot. 40 Morönöy qariba wahöta köhöiba mötkutukutuñi ahuba kokolak qeiga Anutugö kalem möriamñan qakñe öngöi kinök.

Jisös yarañi 12 aiga jöwöwöl jikenöy öngöget.

41 *Jisös iwinamñan yambu (yara) dop ak-kömukömu* kendon nalöñe Jerusalem siti öngöba anjahotma. 42 Mewö mala Jisös yambu (yara)ñi 12 aiga silikñini ahakzeangö dop nalöñi kam kuñguiga mewöyök öngöba anget. 43 Anda mala kendon nalö mianön teköiga lilingöba mirinñire anohot. Anohotmö, morö gwabö Jisösnöy Jerusalem tari iwinamñan mi qahö möt kutuyohot. 44 “Yanön ambazip kambu yembuk anja,” jiba

* 2:32: Ais 42.6; 49.6; 52.10 * 2:39: Mat 2.23 * 2:41: Eks 12.1-27; Dut 16.1-8 * 2:41: Anutunöy Ijpt miangörey Israel ambazip engehoriña engoñgiröhi, ak-kömukömu kendon miangö qetñi kun Pasowa.

silim mohotkö dop köna anda sepkitip aka alaurupñiri yeṅgö uruñine qeta jaruyohot. ⁴⁵ Qeta jaruyohotmö, qahö miwikñajiba kunbuk lilingöba Jerusalem anda jaruyohot.

⁴⁶ Jaruba malohotka silim karöbut teköiga jöwöwöl jikenöñ öñgöba miangöreñ miwikñaiyohot. Miwikñaiyohotka azi ketañi yeṅgö sutñine tarök. Tari kusum wañgigeri, mi möta qesim engiba tarök. ⁴⁷ Tata Buña keugö könañi törörök möt asariba diñdiñanök melenñiga körek pakpak yeñön mi möta welipköget. ⁴⁸ Iwinamñan eka auruba namñan jii mörök, “Nahöni, gi denöwögöra mewö ak netkizan? Mötnöñ, niri iwigabuk göhöra waimañat möta qeta jaruba malit.”

⁴⁹ Mewö jiiga kewö melenñ etkiyök, “Injiri mönö wuanöñgöra ni göraim niñgizahot? Ni Iwinanğö mire tatpi dop kölja, mi mötzahot me qahö?” ⁵⁰ Mewö melenñ etkiyökmö, yetkön keu jiyöhi, miangö könañi mi qahö möt asariyohot.

⁵¹ Qahö möt asariyohotmö, töndup wahöta yetpuk lilingöba Nazaret taonöñ anda iwinamñi tem köl etkiba malök. Jisösnöñ keu jiyöhi, namñan mi pakpak möta urukönömñe ala jöhöba anğön kölök. ⁵² *Jisösnöñ mala qarui yambu (yara)ñi öñgöiga mötkutukutuñi asariba sehiiga Anutunöñ kalem möriamñi wañgii köhöiba ambazip aka Anutu yeṅgö jeñine dop köl enğiyök. Mewö.

3

Jon O-melun azinöñ Buña keu jiyök.

Mat 3.1-12; Mak 1.1-8; Jon 1.19-28

¹ Zekaraiagö nahöñji Jon yañön nupñi könahiyök. Nalö miangöreñ sisa kiñ qetñi Taiberius yañön Rom sitinöñ mala gölmeñi gölmeñi mindiriba yambu (yara) 15 azi kembu aka toroqeba galöm köl enğii malget. Galöm köl enğimamgöra gölmeñi gölmeñi Israel liliköba ahözei, mi mesinğetka bahöñi 4 aiga miengö kiñini 4 mi kewö kuñguget:

Pontius Pailöt, Herod, Filip aka Lisaniyas. Pontius Pailöt mi Judia prowinsgö premiönjina malök. Kiñ Herodnöñ Galili prowins galöm köl enğiyök aka datñi Filipnöñ Ituria aka Trakonitis prowins yahöt miengö kembunñina malök aka Lisaniyas yañön Abilene gölme memba malök.

² Jike nup galöm bohonñini yahöt malohot, qetñiri Anas aka Kaiafas. Nalö miangöreñ Zekaraiagö nahöñji Jon yañön gölme qararañkölkölñe maliga Anutugöreñ Buña keu asuhuiga mörök. ³ Anutugö Buña möta anda Jordan o töwatñanğö kösutñe miri dop liliköba malök. Liliköba mala Buña keunöñ uruñini kuñguba kewö jiba malök, “Injini mönö uruñini melenğetka nöñön o melun mem enğimam. Mewö aketka Anutunöñ siñgisöndokñini sañgoñda mosötma.”

⁴ *Miangö keuñi mi kezapqetok azi Aisaianöñ ohoi yañgö Buzup Kimbinöñ kewö ahöza,

“Kolek garata kunñan gölme qararañkölkölñe qeta maliga anda qetñi kewö mötme,

‘Kembunöñ kamawo! Miangöra mönö jöjöröba könañi mesatket. Mönö uruñini mindinğöba könañi qölöleiget.

⁵ Köna örue pakpak mönö qem tiğetka diñdiñi akña.

Kunduñi wanjañi pakpak mi mönö qeköba köl qölöleigetka köröñi akña.

* 2:52: 1 Sml 2.26; Qam 3.4 * 3:4: Ais 40.3-5

Köna mösökqösökñambuk mi mönö möhamgögetka diñgime.

Luhutnöh köna misiiga simbiñsambañ tatzawi, mi mönö kutuba mesatketka solanima.

⁶ Anutunöh oyaenjkoyaeñ Tonji melaii kaiga gölmenji gölmenji pakpak yeñön mi eka ek kutume.”

⁷ *Jonöh miangö dop uruñini kuñguiga ambazip kambuñi kambuñi yeñön o melun mem engimapköra yañgöreñ kagetka engeka yeñgöra kewö jiyök, “O qatö moröñi, iñini uruñini qahö melengetka Anutugö irimñan sehohiiga likepñi melenj engimangö akza. Mi ölöñ kölbingsö goro keuñi mi mönö dañön jii möta sömbuñini möta ki kaze?”

⁸ *“Miangöra mönö öljänök uruñini melenjme. Bölöñamñineyök lilingögetka öljñi asuhui mi mönö ahakmemenjan aukñe kondela malme. Uruñine möndömöndö keu kewö kude mötmörime, ‘Neñön mönö Abrahamgö gwölönarökña malinga Anutunöh qahö ayuhum neñgima.’ Mewö töptöpñine qemakzemö, öljñi mi qahö ahakze. Nöhön miangöra kewö jibi mötket: Anutunöh köt ki ölöp jim kutum enjiiga letota Abrahamgö gwölönarökurupñi aka Anutu möpöseimakñemö, iñini denöwö?”

⁹ *“Uruñini qahö melenjme ewö, Anutunöh mönö iñini ip ewö teñgöri etpingö akze. Ip pakpak öljñi ölöpñi qahö kuñgumakzei, mi mönö köli etiket könöpnöh gili geme. Ip mewöñi kölmangö kesinji lök jitñi sañe ala ip könañe ali jöjöröba ahöza. Anutunöh mönö bölöñamñinanangö likepñi melenj enjgima.”

¹⁰ Mewö jiiga ambazip kambuñi kambuñi yeñön kewö qesiba jiget, “Mewögöra nini mönö denöwö ahinga dop kölma?”

¹¹ Qesiba jigetka kewö melenjök, “Kunñan maluku yahöt memba maljawi, yañön mönö mietköreñök kun mi malukuñi qahö i wangima aka denike yeñön nenenjambuk maljei, yeñön mönö mewöyök nenenjini qahö yeñgöra mendenj enjgime.”

¹² *Takis meme azi tosatñan mewöyök o melun mem engimapkö kaba qesim wangiget, “Böhi, neñön mönö denöwö ahinga dop kölma?” ¹³ Qesim wangigetka jii mötket, “Gawmanöh takisgö jim kutum enjii ahözawi, dop mi mönö qahö onjita meme.”

¹⁴ Yarö azi tosatñan mewöyök qesim wangiget, “Niniato? Neñön denöwö ahinga dop kölma?” Qesim wangigetka kewö jii mötket, “Kungöreñ monengöra kuñguba upetkupet aka kiom kude kölmemö, nanñini töwañini memakzei, miambuk mönö urumohok aka ösöh malme.” ¹⁵ Ambazip pakpak yeñön “Jonöh Amötqeqe Tonji Kraist akapuk,” jiba uruñinan mewö mötmöriget. Miangö könañi mötpingö kezapñini köropñi aket.

¹⁶ Mewö aketka Jonöh körek yeñgöra kewö jiyök, “Nöhön o töhönöh melun mem enjizalmö, azi kukösumñi köhöikñi kun kama. Yañgö kukösumñi öñgöñgöñan mönö nöñgöreñ onjgitma. Yañön azi öñgöñgöñi akñawañgöra nöñön yañgö köna esuñangö kösöhñi bauköba pösatmamgö qötötangömam. Yañön mönö Uña Töröñi uruñine ali könöp bölamñan köl köñjorat enjiiga mewö miangön melun mem enjgima. ¹⁷ Yañön öljñi aka kamböñi mendenj etkimangö sapakñi memba kañgota uba qöröreñgöba

* 3:7: Mat 12.34; 23.33 * 3:8: Jon 8.33 * 3:9: Mat 7.19 * 3:12: Luk 7.29

kewötma. Kewöta wit kötni tokoba köweŋe almapmō, kambōŋi aka gwaugulapŋi mi mōnō usuŋniga kōnōpnōŋ geba tetekōŋi qahō jema.”

¹⁸ Keu mewōŋi mewōŋi gwōtpuk toroqeba jiba uruŋini kuŋguba Ōlōwak Buŋa ambazip kambu yeŋgōra jim asariba malök. ¹⁹ *Malökmō, gölme bahōŋaŋgō kiŋ Herod yaŋōn datŋaŋgō anōmŋi qetŋi Herodias mi ölöŋ meyök aka bölōŋi kōnaŋi kōnaŋi aka malōhi, miangō sapŋi Jonōŋ qeba munjurariga jim waŋgiyök. ²⁰ Jim waŋgiba bölōŋamŋi kun toroqeba aka Jongōreŋ nupŋi tōzōpkōba suahō galōmŋi jii Jon memba kōsō mire alget. Mewö.

Jonōŋ Jisōs o melun mem waŋgiyök.

Mat 3.13-17; Mak 1.9-11

²¹ Jonōŋ ambazip pakpak o melun mem enŋgiba Jisōs mewōyök o melun mem waŋgiyök. Mem waŋgii köulukōiga miangōreŋök Suepnōŋ aŋaŋiyök. ²² *Aŋaŋiiga Uŋa Tōrōŋan melenŋa kembō nei ewō aka Jisōsgō qakŋe erök. Mewö eriga Suepnōhök qet kun kewö asuhuyök, “Gōŋōn mōnō nani wōlböt nahōna aknōŋga körōni ölöwahiga geknahōm ak gihizal.” Mewö.

Jisōsgō isikurupŋi yeŋgō qet areŋini

Mat 1.1-17

²³ Jonōŋ Jisōs o melun mem waŋgiiga yambu (yara)ŋi 30 miangō dop aiga amōtqeŋe nupŋi kōnahiba memba malök. Memba maliga Josefgō nahōnŋa akzawi, ambazipnōŋ mewö mötmōriŋet. Jisōs iwiŋi Josef, asaŋi qetŋi Heli. ²⁴ Jisōs ambōŋi qetŋi Matat, sukumŋi qetŋi Liwai. Liwai iwiŋi Melki, asaŋi Janai, ambōŋi Josef, ²⁵ sukumŋi Matatias. Matatias iwiŋi Amos, asaŋi Nahum, ambōŋi Esli, sukumŋi Nagai. ²⁶ Nagai iwiŋi Mat, asaŋi Matatias, ambōŋi Semen, sukumŋi Josek. Josek iwiŋi Joda, ²⁷ asaŋi Joanan, ambōŋi Resa, sukumŋi Zerubabel. Zerubabel iwiŋi Sealtiel, asaŋi Neri,

²⁸ ambōŋi Melki, sukumŋi Adi. Adi iwiŋi Kosam, asaŋi Elmadam, ambōŋi Er, ²⁹ sukumŋi Josua. Josua iwiŋi Eliezer, asaŋi Jorim, ambōŋi Matat, sukumŋi Liwai. ³⁰ Liwai iwiŋi Simeon, asaŋi Juda, ambōŋi Josef, sukumŋi Jonam. Jonam iwiŋi Eliakim, ³¹ asaŋi Melea, ambōŋi Menna, sukumŋi Matata. Matata iwiŋi Neitan, asaŋi Deiwid, ³² ambōŋi Jesi, sukumŋi Obed. Obed iwiŋi Boaz, asaŋi Salmon, ambōŋi Nason,

³³ sukumŋi Aminadab. Aminadab iwiŋi Admin, asaŋi Arni, ambōŋi Hezron, sukumŋi Perez. Perez iwiŋi Juda, ³⁴ asaŋi Jeikob, ambōŋi Aisak, sukumŋi Abraham. Abraham iwiŋi Tera, asaŋi Nahor, ³⁵ ambōŋi Serug, sukumŋi Reu. Reu iwiŋi Peleg, asaŋi Eber, ambōŋi Sela, ³⁶ sukumŋi Kainan. Kainan iwiŋi Arpaksad, asaŋi Siem, ambōŋi Noa, sukumŋi Lamek. ³⁷ Lamek iwiŋi Metusela, asaŋi Enok, ambōŋi Set, sukumŋi Adam. Adam mi Anutunōŋ mei ahuyök. Mewö. ³⁸ (-)

4

Satanōŋ Jisōs esapkōba malök.

Mat 4.1-11; Mak 1.12-13

¹ Jonōŋ Jisōs o melun mem waŋgiiga Uŋa Tōrōŋan uruŋi kokolak qei Jordan onōhök lilingōiga waŋgita gölme qararaŋkōlkōlŋe anök. ² Anda

* **3:19:** Mat 14.3-4; Mak 6.17-18 * **3:22:** Jen 22.2; Sum 2.7; Ais 42.1; Mat 3.17; Mak 1.11; Luk 9.35

mianğoreñ mali Bölöñi Toñan esapköm wañgii wehön 40 teköyök. Nalö 40 mianğoreñ nene kun qahö nembra mali teköiga nenenanğö kömuyök.

³ Yakananğö kömuiga Bölöñi Toñan jii mörök, “Gi Anutugö nahönña akzan ewö, mi mönö kondela köt ki jim kutunönğa letota beret aketka neman.”

⁴ *Jii möta melenñök, “Qahö, Buña Kimbinöñ keu kewö ohoget ahöza, ‘Nenenöhök ambazip malmal qahö nenğimakza.’”

⁵ Melenñiga wañgita kundunji köröpñi kunöñ öngöba gölmegö kantrinji kantrinji pakpak mi zilañ kondel wañgiyök. ⁶ Kondel wañgiba jii mörök, “Nönön kantri pakpak mi galöm köl engimamgö kukösumñi aka inap yuainanğö aködamunñi mi nöñgö böröne alalña ahöza. Mianğöra mi nani sihimnanğö dop niñia wañgimam jiba ölop wañgimam. Mianğöra yuai pakpak ki mönö göhö böröge almam. ⁷ Mianğöra gi waikni memba möpöseim niñgiman ewö, mi pakpak mönö göhö buñaya ak teköma.”

⁸ *Mewö jii möta kewö melenñök, “Qahö, Buña Kimbinöñ keu kewö ohoget ahöza, ‘Gi mönö Kembugi Anutu waikñi memba möpöseiba ia mohot welen gem wañgiba malman.’”

⁹ Melenñiga Jisös wañgita Jerusalem sitinöñ anda jöwöwöl jikegö boñe euyangöreñ öngöba kewö jii mörök, “Gi Anutugö nahönña akzan ewö, mönö kianğöreñök luhuba emu geman. ¹⁰ *Buña Kimbinöñ keu kun kewö ohoget ahöza, ‘Anutunöñ garataurupñi jim kutum engiiga ölopñanök galöm köla sel jöhöm gihime,’ ¹¹ *aka keu kun kewö, ‘Yeñön böröñine ala nöñgölim gihigetka geba kötnöñ könage qahö guhum qizit akña.’” Mianğöra geba kude ayuhuman.

¹² *Mewö jiyökmö, Jisösnöñ kewö melen wañgiyök, “Qahö! Anutunöñ jiza, ‘Gi mönö Kembugi Anutu kude esapköm wañgiman.’”

¹³ Bölöñi Toñan esapesap pakpak mi Jisös ak wañgii teköiga mosöta anök. Mewö.

Jisösnöñ könahiba amötqeçe nup meyök

Mat 4.12-17; Mak 1.14-15

¹⁴ Jisösnöñ gölme qararanğökökölñi mosöri Uña Töröñanğö ösumñan yambuk kiniga Galili prowinsnöñ lilingöyök. Lilingöiga keu buzupñan sehiba miri gölme liliköba tat angeri, mi pakpak dop köla anök. ¹⁵ Dop köli mirinji mirinji liliköba köluluk mirinñine öngöba Buña keu kusum engiyök. Kusum engiiga mötkeri, körek yeñön mönö söñgaiba möpöseim wañgiget. Mewö.

Nazaret yeñön Jisös andö qeget.

Mat 13.53-58; Mak 6.1-6

¹⁶ Jisösnöñ lilingöba malqarip taonñi Nazaret mianğoreñ anök. Sonda kendonöñ kaiga ahakzawanğö dop köluluk mire öngöba Buña Kimbi oyon engimamgö wahörök. ¹⁷ Wahöri kezapqetok azi Aisaiagö Buzup Kimbi wañgigetka kötula keu kembangan kewö ohoget ahözawi, mi miwikñaiyök:

¹⁸ **“Kembugö Uña Töröñan nöñgö urune geba nup memegö kelök supapñi köl niñgiba ambazip etqeçenji yeñgöra Ölowak Buña jim asarimakzal.*

Yeñön melaim niñgiiga keu kewö jim sehimakzal:

Bölöñan gwaröhöm engii maljei, Anutunöñ mönö i pösata meköm engiiga malme.

Anutunöñ jegömöl ambazip jeñini mem tohoiga kunbuk uba ekñe.

* 4:4: Dut 8.3 * 4:8: Dut 6.13 * 4:10: Sum 91.11 * 4:11: Sum 91.12 * 4:12: Dut 6.16 * 4:18: Ais 61.1-2

Taikpaik memba eta alget maljei, Anutunöŋ mönö i meköm enjiiga siyonşayonji qahö malme.

¹⁹ Kembunöŋ amötqeqegö yambu ölöŋŋi ali kam kungumawi, nöŋön miangö kolekŋa kaba mi jim asarimakzal.”

²⁰ Keu mewö oyonŋa köpöp supap mi köpeiba galömŋi waŋgiba eta tarök. Tariga köuluk mire tatkeri, yeŋön körek je qisilmisilŋi qahö dörötköba ehiget. ²¹ Ehigetka könahiba kewö jii mötket, “Buzup Kimbigö keu ki oyonŋi kezapŋine gei mötzei, miangö öŋŋan mönö merak asuhuza.”

²² Mewö jii mötketka kalem möriam keuŋi keuŋi numbuŋeyök eriga körekŋan mi möta welipköba jim soroköm waŋgiba keu miangö jiji-kilik-kilikŋi mi kewö jiget, “Azi ki Josefgö nahönŋa me?”

²³ Jigetka kewö jii mötket, “Inini nalöŋi nalöŋi keu kötni ki jimakze, ‘Mem ölöwak azi gi mönö nangi mem ölöwak aŋguman.’ Inini keu kötni mi döŋki nöŋgöra jibingö mötze, mi mötzal. Mi jiba kewö jibeak, ‘Gi Kaperneam taonöŋ anda aŋgöletot öŋgöŋgöŋi menöŋga buzupŋi mörini, miangö dop mönö nangi miri kiangöreŋ mewöyök meman.’” ²⁴ *Mewö jiba jiyök, “Nöŋön keu öŋŋi kun kewö jibi mötme: Kezapqetok ambazip kunöŋ mönö nanŋi malqarip taonöŋ qahö dop kölja.

²⁵ * “Nöŋön keu ölböŋŋi kun kewö jibi mötme: Elaijagö (Elia) nalöŋe Anutunöŋ Suep naŋguni köli yambu (yara) karöbut aka köiŋ 6 miangö uruŋe kie qahö yöhöiga bödi ketanŋi ahuiga gölme pakpak dop kölök. Nalö miangöreŋ ambi malö gwötpuk Israel uruŋe malget. ²⁶ *Gwötpuk malgetmö, Anutunöŋ Elaija yeŋgöreŋök kungöreŋ anmapkö qahö melaiyökmö, kian gölme Saidongö miri qetŋi Sarefat miangöreŋ ambi malö mohot-töp yangöreŋ melaiiga anök. ²⁷ *Kezapqetok azi Elisagö nalöŋe uzikukunöŋ Israel azi gwötpuk turum enjiiga malgetmö, yeŋgöreŋök kunŋan kun qahö solaniyök. Qahöpmö, kian gölme Siriagö azi qetŋi Naman yanŋön mohot-kun mönö Elisagö keuŋi möt nariba solaniba ölöwahök.”

²⁸ Jisösnöŋ mewö jiiga köuluk mire tatkeri, yeŋön körek keu mi möta irimŋini seholiiga urupik aket. ²⁹ Urupik aka wahöta Jisös közöla taon yaigepŋe wuatangöba taon mi kundunangö sem kösutŋe meget kinöhi, miangöreŋ aköget gemapköra anget. ³⁰ Angetmö, sutŋine qendenŋa enŋömosöta anök. Mewö.

Kaperneam taonöŋ öme kun közölök.

Mak 1.21-28

³¹ Jisösnöŋ Galili prowins uruŋe Kaperneam sitinöŋ eta aŋgota Sabat kendonöŋ ambazip kambu kusum enjiyök. ³² *Kusum enjiiga keuŋan kukösumŋambuk aiga jiyök. Miangöra könagesö yeŋön mi eka auruba welipköget.

³³ Köuluk miri miangöreŋ azi kun ömeŋambuk tarök. Tariga ömeŋan teriŋgöba silata qetŋi kewö qerök, ³⁴ “Aek! Jisös, Nazaret asia! Gi wania ak neŋgimangö akzane? Mönö ayuhum neŋgimangöra kasan me? Ni könaŋamgi möt kutuzal. Gi Anutugöreŋ azi Tök-kutukutuŋi akzan.”

³⁵ Mewö qeriga Jisösnöŋ tembula kewö jim waŋgiyök, “Gi mönö keugi bököiga azi ki mosöta kesalnöŋ.” Mewö jim waŋgiiga ömenöŋ azi mi

* 4:24: Jon 4.44 * 4:25: 1 Kiŋ 17.1 * 4:26: 1 Kiŋ 17.8-16 * 4:27: 2 Kiŋ 5.1-14 * 4:32: Mat 7.28-29

memba gili tala sutnjine gölmenöj geiga miziqiziknji qahöpmahöp aka kota mosöta anök.

³⁶ Aniga körekñan nemböjini teköiga welipköba sutnjine eraum möta kewö jiget, “Yei! Keu ki mönö wani keuya? Yanön kuk aka ösum-mumu qakñe ömewöröme jim kutum enjiiga tem köla kota anje.” ³⁷ Mewö asuhuiga Jisösgö qetbuñan sehiba miri pakpak kösutñe tat angeri, miangöreñ anda gölme mi dop kölok. Mewö.

Jisösnöj kawöl ambazip gwötpuk meiga ölöwaket.

Mat 8.14-17; Mak 1.29-34

³⁸ Jisösnöj wahöta Kaperneam köuluk miri mi mosöta Saimon Pitögö mire öngöyök. Öngöiga Saimongö suhunñan sile könöp öngöngöni yöhöi ahöyök. Ahöiga yangöra aka Jisös köuluköm wañgiget. ³⁹ Köuluköm wañgigetka anda sipköba geba sile könöp jim kutum wañgiiga mosöriiga miangöreñök wahöta nene ohoba gumohom enjiyök.

⁴⁰ Wehön jeñi teköba geiga miangöreñ ambazip denike yeñön alaurupñini kawöl könani könani miangön engöhöi ahögeri, mi körek enjuañgita Jisösgöreñ kaget. Kagetka böröni körek yeñgö qakñine inañjik inañjik aliga ölöwak teköget. ⁴¹ Ömewöröme yeñön mewöyök ambazip gwötpuk yeñgö uruñineyök kota silata kewö qetket, “Gi Anutugö nahönñi akzan.”

Jisösnöj Amötqeqe Tonji Kraist akzawi, yeñön mi mötkerañgöra Jisösnöj jim enjiba numbuñini muhungöba enjuañgöyök. Mewö.

Amötqeqe nupñi Galili dop kölok.

Mak 1.35-39

⁴² Jisösnöj gaun ahöiga miri wañgaran suruiga wahöta nannjik tirin (tin) kutuba geba görañe kunöj anök. Anökmö, ambazip yeñön göraim wañgiba anda miwikñaiba kude enjömosöta anmapköra esapköba angön köl wañgiget. ⁴³ Angön köl wañgigetmö, kewö jii mötket, “Nöjön Anutu bemtohonñangö Ölöwak Buñani mi taon tosatñi yeñgöra mewöyök jim asarim enjibi dop kölma. Anutunöj mönö miangöra melaim niñgiyök.”

⁴⁴ Mewö jiba anda Galili prowins liliköba köuluk mirinñine Buña keunöj uru kungum enjiba malök. Mewö.

5

Jisösnöj gwarekurupñi mutukñi enjoholök.

Mat 4.18-22; Mak 1.16-20

¹ *Nalö kunöj Jisösnöj Genesaret o angö jitñe kiniga ambazipnöj kambu köla Anutugö Buña keu mötpingö ölöqöloköba liliköm wañgiget.

² Liliköm wañgigetka kinda wañge yahöt köwet görañe tarohotka etkehök. Söra örörö yeñön wañge mi mosöta geba mösakñini kusahöla sanjonget.

³ Wañge kun mi Saimongöreña. Jisösnöj miangöreñ öngöba tonji kewö qesim wañgiyök, “Göñön mönö nañgönöñga borom kun noañgita onöj göröken anma.” Qesim wañgiiga nañgöiga anda wañgenöñ tata ambazip kambu kusum enjiyök.

⁴ Kusum enjim teköba Saimongöra jiyök, “Göñön mönö wañge ki nañgönöñga o angö bibiñe aniga alaurupki yembuk mösakñini söragöra gilgetka gema.”

⁵ *Jiiga Saimonöj melenök, “Ketanamni, nini sunjem köröp mösak gil bibihiba ölnji kun qahö mezin. Qahöpmö, göñön jim kutuzanañgöra mönö

* 5:1: Mat 13.1-2; Mak 3.9-10; 4.1 * 5:5: Jon 21.3

töndup anda gilin gema.” ⁶ *Mewö meleşni jiyöhaᅅgö dop aketka söranöᅅ awamᅅi qahö mösakᅅine gegetka buratibingö aket. ⁷ Mewö aketka alaurupᅅini waᅅe kunöᅅ malgeri, yeᅅgöra kaba bauköm engimegö börokaek kölgetka kaget. Kagetka waᅅe yahöt mi söranöᅅ kokolak qegetka nemulahöm taköyohot.

⁸⁻⁹ Söra öᅅgöᅅgöᅅni mewö memba eka mianᅅgöra körekᅅan welipköget. Welipköba Saimon Pitönöᅅ mi eka Jisösgö wösöᅅe geba simin köla jiyök, “O Kembu, ni siᅅgisöndok azia akzalaᅅgöra mönö nömosöta anöᅅ.”

¹⁰ Saimongö alayahötᅅi Jeims aka Jon Zebedigö nahönyahötᅅi yetkön mewöyök nemböᅅiri teköiga welipköyohot. Saimonöᅅ keuᅅi jiyökmö, Jisösnöᅅ kewö meleşnöᅅ, “Möno keᅅgötᅅi kude mötman. Gi kianᅅgö andöᅅe ambazip mi söra ewö öröba engömembra malman.”

¹¹ Mewö jiiga waᅅeᅅini öröba kota saknöᅅ ala öröyuaiᅅini pakpak mosöta Jisösgö andöᅅe wuatangöba anget. Mewö.

Jisösnöᅅ uzikuku azi kun mem solaniyök.

Mat 8.1-4; Mak 1.40-45

¹² Jisösnöᅅ taon kunöᅅ maliga mianᅅgöreᅅ azi kun silenᅅ uzikukunöᅅ mem bölim teköiga tarök. Tata Jisös eka kösutᅅe simin köla geba kewö köuluköm waᅅgiyök, “O Kembu, göᅅön sihimgan mem ölöwak niᅅgimamgö mötzan ewö, mönö ni ölöᅅ mem solanim niᅅgiman.”

¹³ Mewö jiiga böroᅅi böraᅅda silenᅅ misiriba jiyök, “Nöᅅön mi akᅅamgö mötzal. Gi mönö solaniman.” Mewö jiiga uzikukuᅅi mi mianᅅgöreᅅök solaniyök. ¹⁴ *Solaniiga kewö jim kutum waᅅgiyök, “Mötnöᅅ kianᅅgö buzup keuᅅi mi kun kude jinöᅅ mötme. Qahöpmö, gi mönö jike nup galömgöreᅅ anda silegi kondel waᅅgiba Mosesgöreᅅ jimkutukutuᅅi wuatangöba solanizanaᅅgö saiwap nalukᅅi ala jöwöwöl ohoman. Mi ohonöᅅ ehiga ambazipnöᅅ könaᅅamgi möt kutume.”

¹⁵ Mewö jiyökmö, mi töndup Jisösgö qetbuᅅaᅅi sehiba miri dop asariba anök. Anöhaᅅgö dop ambazip kambuᅅi kambuᅅi yeᅅön keuᅅi mötᅅingö aka kawölᅅini mem ölöwakᅅapkö yaᅅgöreᅅ kaba tokoget. ¹⁶ Kagetmö, Jisösnöᅅ engömosöta gölme qararaᅅkölkölᅅe anda mala köuluköyök. Mewö.

Jisösnöᅅ azi sile likeᅅᅅi kömukömuᅅi möhamgöyök.

Mat 9.1-8; Mak 2.1-12

¹⁷ Jisösnöᅅ wehön kunöᅅ Buᅅa keu kusum eᅅgiiga Farisi (Köna keugö kapaᅅkölköl) aka Köna keugö böhi tosatᅅan Galili aka Judia prowinsgö miriᅅi miriᅅi aka Jerusalemök kaba ambazip kambu sutᅅine tatket. Kembugö kukösumᅅan Jisös nam köl waᅅgiiga ambazip kawölᅅini mei ölöwaket.

¹⁸ Nalö mianᅅgöreᅅ azi tosatᅅan alaᅅini sile likeᅅᅅi kömukömuᅅi mi kululunöᅅ ala aᅅguba kaget. Kaba kutuba Jisösgö kösutᅅe miri uruᅅe öᅅgöba albingö esapköget. ¹⁹ Esapkögetmö, ambazip kambunöᅅ ölököba kingeraᅅgöra paᅅpaᅅgöba miri uruᅅe öᅅgöbingö köna kun qahö mi-wikᅅaiba memba miri qakᅅe öᅅgöget. Öᅅgöba bo kötnöᅅ memeni mi esim luluᅅgetka kinimᅅi ahui kawöl azi kululuᅅambuk kösönöᅅ jöhöba mianᅅgöreᅅ algetka ambazip sutᅅine Jisösgö wösöᅅe geyök. ²⁰ Mewö geiga Anutu möt narim waᅅgigeri, Jisösnöᅅ yeᅅgö tandökᅅini mi ehi dop köliga kawöl azigöra kewö jiyök, “Alani, nöᅅön siᅅgisöndoki mosötzal.”

* 5:6: Jon 21.6 * 5:14: Lew 14.1-32

²¹ Mewö jiiga Köna keugö böhi aka Farisi yeñön mi möta könahiba kewö jiba mötmöriget, “Azi ki ninja? Yañön mönö Anutu ilita mepaqepaik akza. Anutu mohotjan singisöndoknini mosörazapmō, azi kunjan mi qahō.”

²² Mewö mötmörigetmō, Jisösnōj uruñini ek kutuba kewō jii mötket, “Tosatñi injini uruñinan wuanōngöra keu jizali, mianğöra gwōtpuk mötmörize? Mi qahō dop kölja. ²³ ‘Nōñön singisöndoki mosötzal, jizali, keu mianñön mönö awamñanök jijina. Kunjan mewö jiiga tosatñan keu mianğö ölni qahō ekñe. Mianğöra mi keu awamñanğö dop. Nōñön keu kun kewō jimamamğö mötzal, ‘Mönö wahöta anōñ.’ Keu mi mönö lömbötñambuk jijina akza. Mewö jibiga ölni asuhuma me qahöwi, mianñön mönö aukñe asuhui ekñe.

²⁴ Mötket, gölmenōj singisöndok mosötmosötkö kukösumñi mi Suep gölmeğö azi ölnanğoreñ ahözawi, injini mianğö könananğöra janjuñ mal-bepuk. Mianğöra keu lömbötñi mi azi kianğöra jibi ölni eket.” Mewö jiba azi sile likepñi kömukömuñi yanğöra jiyök, “Nōñön göhöra jizal: Gi mönö wahöta tumbulahöpki memba mirige anōñ. Keu lömbötñi mi ölnambuk akña ewō, keu awamñi mi mönö mewöyök denöwögöra omanñi akawak?”

²⁵ Mewö jiiga mianğöreñök jeñine wahöta tumbulahöpñi ahöyöhi, mi memba Anutu möpöseiba mosöta miriñe anök. ²⁶ Mewö asuhuiga ambazip körekñan welipköba sömbuñini möta Anutu möpöseiba jiget, “Yei! Merak yuai qetpuk soroha ekzin.” Mewö.

Jisösnōj Matyu (Liwai) oholök.

Mat 9.9-13; Mak 2.13-17

²⁷ Mianğö andōñe Jisösnōj Kaperneam mosöta anda takis ofis onğitmamğö aiga mianğöreñ takis meme azi qetñi Liwai tariga eka jii mörök, “Gi mönö nōngö andöne kanōñ.” ²⁸ Mewö jii möta nupñi pakpak mosöta wahöta Jisösgö andōñe anök.

²⁹ Anda Jisös miriñe köl öröba yanğöra közölömbuan ketani mözözömgöyök. Mözözömgöba takis meme tilipqilipñinambuk aka alaurupñi tosatñi öröm enğıiga kambu ketani köla yembuk tata nene neget. ³⁰ *Mewö negetka Farisi (Köna keugö kapañkölköl) aka yeñöreñ böhi yeñön mi eka jimonğot aka Jisösgö gwarekurupñi kewö jim enğıget, “Aek! Injini mönö wuanōngöra takis meme tilipqilipñinambuk aka singisöndok ambazip yembuk tata nene aka o neze? Mi qahō dop kölja.”

³¹ Mewö jim enğıgetka Jisösnōj likepñi kewö jii mötket, “Sile unditundit ambazipnōj doktagöra qahō ak enğımakzapmō, kawöl ambazipnōj mönö doktagöreñ anakze. ³² Nōñön singisöndok ambazip uruñini melenmeğö enğoholmamğöra kaba maljalmö, ambazip nanñinanğö mötketka solanñi akzei, i qahō.”

Nene sinji malmalgö keuñi

Mat 9.14-17; Mak 2.18-22

³³ Ambazip tosatñan Jisösgöreñ kaba qesiget, “Jon O-melun azigö gwarekurupñi neñön nalö gwōtpuk Anutugöra nene sinji mala köuluk totoko köröpñi alakzin. Farisi (Köna keugö kapañkölköl) yeñö gwarekurupñinan mewōñanök aka maljemö, nangi gwarekurupkan mönö pōndan nene aka o nemakze.”

³⁴ Mewö qesigetka kewö melenñök, “Ölnja! Nini wani nalönōj nene sinji malakzin? Ambi meme nalōñe azigö andöurupñan könöpñi algetka

* 5:30: Luk 15.1-2

ambigö sep kitipurupñan yuai mi tökömakze me qahö? Nöñön nani gwarekurupni yengö azi buñaya aka yengö sutñine köisirik tatzal. Tat-piga sinji malbingö jigetka yeñön aijölön sönğaiba tata sinji malbingö osimakze. ³⁵ Osimakzemö, Anutunöñ noañgiri kömumbiga yeñön mönönalö mianğoreñ ölop sinji malakñe.

³⁶ “Injini malmal walñi aka sösongai Buña dölökñi mi mindirim etkibingö osime. Mianğö dopkeu pasetñi kun mi kewö jibi mötket: Löngölöngöt walñi jurariga kunöñ löngölöngöt dölökñi mitiba opo su johannji mianğön qahö ala uhum görengömakza. Mewö akawak ewö, opo su johannji dölökñan mönön walñambuk öröröñ qahö aka mi öröba munjurariga böliqölibapuk.

³⁷ “Mewöñanök kunöñ wain o dölökñi mi jobö me toru walñi lama sileñan memenji mianğoreñ qahö kusuiğa gemakza. Mewö akawak ewö, wain o dölökñan mönön qariba toru qesiñniga jula mokoiga gölmenöñ eta sohoiga toruñan böliqölibepuk.

³⁸ “Mianğöra wain o dölökñi mi toru dölökñeyök mokoin geiga dop kölma. (Mewöñanök kunöñ o ölopñi mi gina gisagisahöñe qahö umakzin. Mewö ubinak ewö, mianğön mönön jula kisipisirik eriga nempa kawöl neñgöhöbapuk. Mewö akapüköra o ölopñi mi gina ölopñe umakzin. Injini mewöyök malmal walñi aka Ölöwak Buña dölökñi mi mindirim etkibingö osime.) ³⁹ Kunñan wain o walñi möpöseiba nempa malakzawi, yanğön wain o dölökñi nemamgö sihimñi qahö möta ölan alakza.” Mewö.

6

Jisösnöñ Sabat kendongö Kembuñi akza.

Mat 12.1-8; Mak 2.23-28

¹ *Mianğö andöñe Sabat kendon kunöñ Jisösnöñ wit padi nup köröñi ketanji kutuba anök. Ani gwarekurupñan wösöñini enğuiga wit ölnji mohot mohot böröñinan misiba sömanđa neget. ² Mewö negerangöra Farisi (Köna keugö kapañkölköl) tosatñan mi eka kewö jiget, “Injini mönön wuanöngöra Sabat kendongö nup meme songonji ongitze?”

³ *Mewö jigetmö, Jisösnöñ kewö melenñök, “Kin Deiwidnöñ yarö aziurupñi yembuk liliköba wösöñini enğuiga yuai akeri, mi lök oyonget me qahö? ⁴ *Yanğön mönön Anutugö opo seri jikenöñ öngöba beret kömbukñi Anutugö jemesoholñe altanöñ alget tariga ösumñan walöñniga qekögeri, mi mönön meiga neget. Beret kömbukñi mosötmosötñi mi jike nup galöm yeñönök nezema. Yanğön aka yanğö sungurumurupñan mi nembepüköra songo ahöyök mi töndup neget.”

⁵ Mewö jiba kewö jii mötket, “Suep gölmegö azi ölnjan mönön Sabat kendongö Kembuñi akza.” Mewö.

Jisösnöñ azi böröñi sösröngöñi mem ölöwahök.

Mat 12.9-14; Mak 3.1-6

⁶ Jisösnöñ Sabat kendon kunöñ köuluk mire öngöba Buña kusum enğiyök. Mianğoreñ azi kun böröñi ölnji soholiiga tarök. ⁷ Köna keugö böhi aka Farisi (Köna keugö kapañkölköl) yeñön Jisös eka keu jakenje al wangibingö könanji jaruba “Azi mi Sabat kendonöñ möhamgöma me qahö?” jiba je galöm memba tatket. ⁸ Tatketmö, Jisösnöñ mötmötñini mi möt kutuba azi

böröñji sosoholiñji mi kewö jii mörök, “Mönö wahöta jenine kinöñ.” Mewö jiiga wahöta kinök.

⁹ Kini Jisösnöñ jii mötket, “Köna keu wuatangöba Sabat kendonöñ yuai ölöpnji me bölöñji akin? Ölöp kungö bohonñji jöhöbin me mosöringa ayuhuma. Wanat kun meinga dop kölma? Mi qesim engibi jiget.” ¹⁰ Mewö jiba körek pakpak lilingöm purik engeka azi miangö jiyök, “Gi mönö börögi qötöteinöñ.” Mewö jiiga böröñji qötöteiiga kunbuk ölöwahök.

¹¹ Ölöwahökmö, galöm yeñön irimñjini gwötpuk seholiiga “Jisös denöwö ak wangibin?” jiba nanñjini eraum mötket. Mewö.

Gwarekurupñji 12 möwölöhöm engiyök.

Mat 10.1-4; Mak 3.13-19

¹² Nalö miangörej Jisösnöñ kunduje köulukömamgö öngöba sungem köröp mi Anutu köuluköm wangiba mali miri alök. ¹³ Miri gianjiiga gwarekurupñji engohola yeñgöreñök 12 möwölöhöm engiba melaimelai azi aposol qet mi engiyök.

¹⁴ Qetñjini kewö qerök: Saimon, Jisösnöñ qetñji Pitö wangiyök, yangö munñji Andru aka Jeims, Jon, Filip, Bartolomyu, ¹⁵ Matyu, Tomas, Jeims Alfiusgö nahönñji aka Saimon qetñji kun Tuaköpek azi qetket.* ¹⁶ Judas Jeimsgö nahönñji aka Judas Iskariot. Kariot azi mianñön könanjen mamalolo azia ahök.

Jisösnöñ kawöl ambazip mem ölöwak engiyök.

Mat 4.23-25

¹⁷ Jisösnöñ aposolurupñji yembuk kundujeñök eta gölme köröñe anda kinget. Kingetka gwarek kambuñji ketanji aka ambazip kambulelembe yeñön yangöra tokoba mambötket. Yeñön “Buñanji jii möringa kawölnini mem ölöwakña,” jiba miangöra Judia prowins pakpak, Jerusalem siti aka köwet jitñeyök Taiö aka Saidon taon miangöreñök kaba tokoget. ¹⁸ Ömewörömenöñ kölköljinñji mem engiyöhi, yeñön mewöyök kaba ölöwaket. ¹⁹ Kukösumñan yangöreñök kutuba yeñgöreñ öngöiga körek ölöwak engiyök. Miangöra ambazip körekñan Jisös misiribingö jaram tiget. Mewö.

Simbawoñ aka kezapjupjup ahakö keunji

Mat 5.1-12

²⁰ Jisösnöñ gwarekurupñji uba wahöta engeka kewö jiyök, “Anutugö bemtohoñ mi wanapñji engö buñaya. Miangöra wanapñji inñini mönö simbawoñ akze.

²¹ Nalö kewöñe nenegö ewö kömumba qemjeñ qeba maljei, Anutunöñ mönö

sihimñjini mi gumohom engima. Miangöra inñini mönö simbawoñ akze. Nalö kewöñe sahötzei, enñön mönö sösöñgai aka gön kölme. Miangöra wösöbirik maljei, inñini mönö simbawoñ akze.

²² * “Ambazipnöñ inñini Suep gölmege azi öññangöra aka kazik aka yaköriba silene ala uruqeçe keu töhöreñ jim engiba kiam sekbölo ewö qetñjini kutumei, inñini mönö simbawoñ akze.

²³ * Ambösakonurupñjinan miangö dop kezapqetok ambazip yeñgöra ak

* **6:15:** Nasönöl pati zelot yeñön Rom gawman tuarenjoñ aka nanñjine kinkin memingö tuaköpek memba malget. * **6:22:** 1 Pitö 4.14 * **6:23:** 2 Hist 36.16; Apo 7.52

engiba malget. Mötket! Anutunöñ töwanjini öngöñgöñi Suep mire ali ahöza. Miangöra mewö ak engigetka nalö miangören mönö söñgaiba köirañ kölme.

²⁴ Injini simbawon maljemö, pomñi sukinapñinambuk injini malmal siyonşayonñi qahö maljei, mi teköma. Miangöra nöñön engöra wölkiköba ‘Yei!’ jizal.

²⁵ Nalö kewöñe nem timbireñ maljei, injini mönö wösöñjini ali (buörö) bödi malme. Miangöra nöñön engöra wölkiköba ‘Yei!’ jizal. Nalö kewöñe söşöñgai aka gön köljei, injini mönö amburereñ aka sahötme. Miangöra nöñön engöra wölkiköba ‘Yei!’ jizal.

²⁶ “Amböşakonurupñinan kezapqetok ambazip takapulakanñi jim möpöseim engiba malget. Ambazip pakpak miangö dop ak engigetka nöñön engöra wölkiköba ‘Yei!’ jizal.” Mewö.

Kerökurupki mönö jöpaköm engiman.

Mat 5.38-48; 7.12a

²⁷ “Bölöñi ak engimemö, injini keuni möta maljei, nöñön engöra kewö jibi mötme: mönö kerökurupñini uruñinan jöpaköm engiba malme. Denike yeñön kazik ak engizei, i mönö ölöpñanök ak engiba malme.

²⁸ “Denike yeñön qesuahöba jinjerereñ ak engizei, i mönö köñ tömbiba kötuatköm engime. Örom ureim ak engizei, yeñgöra mönö Anutugö köluköme.

²⁹ “Kunñan nuñgulungi likepñi qekötahöliiga likepñi mewöyök melen wanñiman. Kunñan qakñangö malukugi goangiriga gönön mönö dutrañgö oponñi mohokñe memangö möri mi kude angön kölman.

³⁰ “Yuaigö ulet gihigetka mi mönö körek yeñgöra engiman. Kunñan göhö inap yuaigi meiga mi mönö melen gihimapkö kude kapan köla qesiman.

³¹ *Ambazipnöñ yuai nanñinanö ak engimegö mörakzei, miangö dop mönö nanñini mewöyök i ak engimakñe.

³² “Gölmegö siñgisöndok ambazipnöñ alaurupñinan jöpaköm engigetka kitipñi melenña jöpaköm engiba möpöseim angumakze. Injini miangö dop gölmegö tandökñi wuatangömakze ewö, Anutugöreñ tosa qahö ahuiga mönö denöwö injini möpöseim engibawak? Alaurupñini aka kerökurupñini mi mönö mohotñe jöpaköm engigetka töwa enñiiga oyaenñkoyaeñ akñe.

³³ “Gölmegö siñgisöndok ambazipnöñ alaurupñinan yuai ölöpñi ak engigetka kitipñi melen engiba ala ak anguba möpöseim angumakze. Injini miangö dop aka gölmegö tandökñi wuatangömakze ewö, Anutugöreñ tosa qahö ahuiga injini qahö möpöseim engima.

³⁴ “Gölmegö siñgisöndok ambazipnöñ monen yuai mi siñgisöndok ambazip tosatñi yeñgöra engiba kitipñi miyök melen engimegöra kapan kölakze. Mi gölmegö ahakmemeya. Injini tosatñan tosañini melen engimegö al mambötketka Anutunöñ mönö denöwö möpöseim engibawak? Tosatñan tosañini qahö melen engigetka Anutunöñ mönö kitipñi mi melenña töwa engima.

³⁵ “Injini mönö Suep Tonangö ahakmemeya aka memba malme. Gölmegö ambazipnöñ bölöñi aka saiwap qahö jimakzemö, Anutunöñ töndup i ölöpñi ak engimakza. Miangöra injini mönö kerökurupñini uruñinan jöpaköba ölöpñanök ak engiba monen yuai engiba miangö likepñi kun melenña engimegöra kude al mambötme. Mewö aka malgetka

* 6:31: Mat 7.12

towañinan sehiba öngöngöñi aiga Anutu öngöngöñanğö nahönböraturupñi aka malme.

³⁶ “Suep Iwiñinan körek pakpak ak kömum engimangö mötzawi, injini mönö miangö dop ambazip pakpak ak kömum engiba malme.” Mewö.

Jimtekötekö tonj ewö kude akñe.

Mat 7.1-5

³⁷ “Ambazip tosatñi yengö keuñini mi kude kewöta jim teköme. Mi qahö jim teköm engigetka Anutunöñ mönö nanñini mewöyök qahö jim teköm engima. Injini tosatñi yengö singisöndokñinanğö likepñi mi qahö meleş engime. Mi qahö meleş engigetka Anutunöñ mönö nanñini singisöndokñinanğö likepñi mi mewöyök qahö meleş engima. Injini mönö tosatñi yengö singisöndokñini mosötme. Mi mosötketka Anutunöñ nanñini singisöndokñini mewöyök sanğonđa mosötma.

³⁸ “Injini ambazip tosatñi yengöra yuai ak engigetka Anutunöñ mönö miangö dop kewöta yuai mi meleşđa engöra ak engima. Miangöra injini mönö yuai kalema engimakñe. Mewö engigetka Anutunöñ mönö mewöñanök kalema engimakña. Öñja, Anutunöñ ekbonep qahö möta bauköm engimakña. Anutunöñ kewöta injini engigeri, miangö dopñi jöruk memba kiwinöñ mokoï numbuñe kori utuköi qörörañ aiga mulumgöi gei toroqeba qakñe mokoï dopñi oñgita qeqelaññi eri, mi mönö gösöñine löngöt engima.” Anutugö könanji mewö.

Ambazipnöñ nanñini könanji eka mötme.

³⁹ *Jisösnöñ dopkeu kun kewö jii mötket, “Jegömöl ambazip kunöñ jegömöl alanj kun ölop böröñe memba wañgitma me qahö? Mewö anbahorak mönö mohotñe lömnöñ geba etkubawak. ⁴⁰ *Gwareknöñ böhiñj qahö oñgitza. Böhiñjan mötmöt pakpak törörök kusum engii möt kömumei, körek yeñön mönö böhiñjini ewö akñe.

⁴¹ “Gi wuanöñgöra alagahö jeñe gödöwöröt morörökñi ekzanmö, nangi jege ip sahötnji ketanji ahözawi, mia denöwö kude ek kutuzan? ⁴² Nangi jege ip sahötnji ketanji ahözawi, mi qahö ek kutuba denöwögöra alagahö kewö jibanak, ‘Alani mötnöñ! Jege euke gödöwöröt geba tatzawi, mi ölop itaköbi etma.’ O urumeleñgö silesile azi, gi mönö mutuk nange jegeyök ip sahötnji (tapötñi) ketanji mi memba gilman. Mi mem gilagun törörök ek kutuba alagahö jeñe gödöwöröt geba tatzawi, mi ölop itakönöñga etma.” Mewö.

Ipkö könanji mi ölnji eka kewöta möt kutume.

Mat 7.16-20; 12.33-35

⁴³ “Ip ölopñi kunñan ölnji bölöñi qahö kuñgumakza. Mewöñanök ip bölöñi kunñan ölnji ölopñi qahö kuñgumakza. ⁴⁴ *Jau kötnji mi jömnöñ asuhuiga membingö osimakzin aka muli ölnji mi koururuknöñ asuhuiga qeköbingö osimakzin. Miangö dop ipkö ölnji eka kewöta könanji möt kutume.

⁴⁵ * “Azi uruñan yuai kokolak qei ahözawi, mia mönö numbuñan aukñe jimakza. Miangöra azi ölopñanğö uru köweñe ölopñanğö möriamñi ahözawi, yañön mönö ölopñi mi aukñeyök jimakza. Azi bölöñanğö uru köweñe bölöñi ahözawi, yañön mönö bölöñi mi aukñe jimakza.” Mewö.

Miri tandö köhöikñi aka lölöwöröñi

Mat 7.24-27

* 6:39: Mat 15.14 * 6:40: Mat 10.24-25; Jon 13.16; 15.20 * 6:44: Mat 12.33 * 6:45: Mat 12.34

46 “Injini nõngõra ‘Kembu Kembu!’ qet mi mõnõ wuanõngõra qer-akzemõ, nõjõn yuai memegõ jimakzali, mi qahõ tem kõla memakze.

47 “Denike yejõn nõngõreñ kaba keuni mõta tem kõla mezei, nõjõn yeñgõ kõnañamñini kondela dopkeunõñ jimam. 48 Yañõn mitim qeçe azi kiangõ dop akza: Azi mianõn ‘Miri memam,’ jiba lõm kõrõpñi esiba geba tandõñi köt jamõnjin qakñe kuñgum kõhöii kinõk. Mewõ kiniga kie uru nalõñe o göulu kõhöikñi gila miri kemañe kuñguyõkmõ, õlõpñanõk mem muhungõi kinõk. Mianõgõra kusumamgõ qem bibihiiga kõhöiba kinõk. 49 Qem bibihiyõkmõ, kunõñ keuni mõta qahõ tem kõla mezawi, yañõn mõnõ mitimqeçe azi kiangõ dop akza: Yañõn ‘Miri memam,’ jiba tandõ qahõ esim kõmõta gölme qakñe kut bim miyõk ala meyõk. Mei kiniga kie uru nalõñe o göulu kõhöikñi gila miri kemañe kuñguiga miri mi mianõgõreñõk kusuiga goromororõngõba erõk.” Mewõ.

7

Jisõsnõñ suahõ galõm kungõ nup azinji mem õlõwahõk.

Mat 8.5-13

¹ Jisõsnõñ ambazip kambu sutñine mala Buña keunji pakpak mi jii mõtketka engõmosõta Kaperneam taonõñ kañgorõk. ² Mianõgõreñ Rom suahõ galõm kungõ nup azinjan kawõl yõhöi kõmumamgõ ahõk. Galõmñan yañgõ mõri õngõngõñi ahõk.

³ Mianõgõra Jisõsgõ buzupñi mõta Juda yeñgõ jitñememe tosatñi melaim enjiiga Jisõsgõreñ anda kewõ qesiget, “Mõnõ kaba welen azinji mem õlõwakñan.” ⁴ Anda Jisõsgõreñ angõta kapan kõla kõulukõba jiget, “Ketamñini, suahõ galõm mianõn mõnõ baukõm wañgimanangõ dop õlõp sorokñi akza. Mianõgõra mõnõ kanõñ.” ⁵ Mõtnõñ, yañõn Juda ambazip kambu neñgõra ak wañgiiga ‘Kõuluk mirinini membin,’ jiinga kian yañõn moneñ ali meget.”

⁶ Mewõ jiget mõta yembuk anõk. Anõkmõ, suahõ galõmgõ mirinji dopdowii yañõn alaurupñi melaim enjiba Jisõsgõra keu kewõ alõk, “O Kembu, ni mewõrõkñi malbiga nõngõ miri boñan gualõñmapkõ gamuni mõtzal. Mianõgõra mõnõ qahõ aum kõmumba kaman. ⁷ Ni nanangõ mõtpi eretñi akzawañgõra gõhöreñ kamamgõ dop kude mõtzalmõ, keu jitkanõk jinõnga welen azinan õlõwakña. ⁸ Mi kewõgõra: Ni nanak mewõyõk galõmnanõgõ kukõsum bapñe al niñiget maljal. Nõngõ bapne yarõ azi malgetka mi jim kutum enjimakzal. Yeñgõreñõk kungõra ‘Anman’ jim kutubi yañõn anma. Kungõra ‘Kanõñ’ jim kutubi yañõn kama aka welen azini kungõra ‘Nup ki meman,’ jibiga yañõn mi mema.”

⁹ Jisõsnõñ keu mi mõta suahõ galõmgõra welipkõba ambazip kambu wuatangõba kageri, yeñgõreñ lilingõba kewõ jiyõk, “Nõjõn kewõ jibi mõtme: Israel kõnagesõ sutñine mewõyõk mõtnarip ketanji mewõñi mi kungõ uruñe qahõ miwikñajal.”

¹⁰ Mewõ jiiga suahõ galõmgõ kolekaziurupñan lilingõba mire angõta welen azi miwikñaiaba eketka õlõwaka tarõk. Mewõ.

Jisõsnõñ malõ kungõ nahõnñi mem guliyõk.

¹¹ Mianõgõ andõñe Jisõsnõñ taon qetñi Nain mianõgõreñ aniga gwarekurupñi aka ambazip kambulelebenõñ wuatangõba anget. ¹² Mianõgõreñ taon kiripo nanñunji dopdowiiga qamõt kun angõba kaget. Malõ kungõ nahõnña mohok-kunñan kõmuiga taongõ ambazip kambu ketanjan tokoba lõm kõlbingõ kaget.

13 Kembunöŋ malö mi eka wösöŋi möta jii mörök, “Kude sahötman.”
 14 Mewö jiba anda bokis anğuba kageri, mi jii dörök algetka bokis misiriba kewö jiyök, “Azi gwabö, mönö wahötnöŋ. Nöŋön göhöra mewö jizal.”
 15 Mewö jiiga qamöt میانön guliba wahöta könahiba keu jiyök. Keu jiiga Jisösnöŋ namŋambuk anmapkö wanğiyök.

16 Ambazip pakpak yeŋön mi eka qem sömbuŋini möta Anutu möpöseiba jiget, “Kezapqetok azi ketanji kunöŋ mönö sutnine asuhuba malja.”
 Tosatŋan jiget, “Anutunöŋ könagesöŋi mesohol köl nenğii maljin.”

17 Yanğö keu buzupŋi mi sehiba Judia prowins pakpak dop köla gölmenji gölmenji likeplikap میانğoreŋ an teköyök. Mewö.

Jongö gwarekyahötŋi Jisösgöreŋ kayohot.

Mat 11.2-19

18 Jon O-melun azinöŋ kösö mire tariga gwarekurupŋan yuai pakpak mi asuhuyöhi, میانğö kösohotŋi jiget mörök. 19 Jiget möta gwarekŋi yahöt etkoholi kayohotka Kembugöreŋ anda kewö qesim wanğimahotköra melaim etkiyök, “Mem ölöwak azi kamapköra mamböringa göŋön mia akzan me azi kun bian kamapköra mambötpin.”

20 Melaim etkiiga Jisösgöreŋ anğota jiyohot, “Jon O-melun azinöŋ kewö qesim gihibitköra melaim netkiiga kazit, ‘Mem ölöwak azi kamapköra mamböringa göŋön mia akzan me azi kun bian kamapköra mambötpin.’ ”

21 Jisösnöŋ nalö میانğöreŋök ambazip gwötpuk uzi kawöl izekwaizek (ijeŋwaijeŋ) aka ömeŋinambuk mi mem ölöwak enğiyök aka jegömöl ambazip gwötpuk jeŋini metohoi uba eket. 22 *Jongö gwarek yahötŋan anğota qesim wanğiyohotka kewö meleŋnök, “Yuai eka mötzahori, میانğö kösohotŋi mönö anda Jon kewö jiyohot mötma: Jegömöl yeŋön uba eketka lokon yeŋön köna anda kagetka uzikuku yeŋön solanigetka kezapduhup yeŋön keu mötketka kömuget yeŋön guliba wahötketka etqeŋeŋi yeŋğöra Ölöwak Buŋa jim asaribiga mörakze. 23 Mewö asuhui eketka kungö uruŋan qahö bölii andö nuŋgumawi, yeŋön mönö simbawoŋ akza.”

24 Mewö jiiga Jongö gwarek yetköŋ anohotka Jisösnöŋ könahiba Jongö könaŋi ambazip kambu yeŋğöra kewö jim asariyök, “İŋini gölme qararanğölkölŋe میانğöreŋ wania ekingöra anget? Luhutnöŋ jehot uwarapköba metalı anjanbanjan ahakzawi, iŋini azi mewöŋi ekingöra anget me?”

25 “Me wanat yuaia ekingöra anget? Azi malukuŋi aködamunŋambuk löngöta malöhi, mi ekingöra me? Mötket, ambazip malukuŋini kulemŋi ek sihimŋambuk löngöta anda kaba siyoŋsayoŋi qahö maljei, mienöŋ mönö kin yeŋğö jakömbuak miriŋine malje. Mi gölme qararanğölkölŋe qahö.

26 “Me wanat yuaia ekingöra anget? Kezapqetok azi kun ekingöra me? Ölna, nöŋön kewö jibi mötket: Azi ekeri, yeŋön mönö kezapqetok ambazip tosatŋi enğoŋgita tandökŋi kun akza. 27 *Yanğö könaŋi mi mönöwök kewö ohoget ahöza, ‘Mötnöŋ, nöŋön kolekni garata kun melaibiga qeljiŋe anda ambazip uruŋini mindiŋgöba göhö könaŋi mesariga göŋön mönö yanğö andöŋe gölmenöŋ emu geman.’ 28 Keu mewö ahözapmö, nöŋön kewö jibi mötket: Ambinöhök morö pakpak enğömegetka asuhugeri, yeŋğö sutŋine Jonöŋ mönö körek enğoŋgita qetbunajambuk kinja. Kinjapmö, Anutugö bemtohoŋ uruŋe anğota Anutugö

* 7:22: Ais 35.5-6; 61.1 * 7:27: Mal 3.1

getbunaji miwiknjaimakzei, yengö sutnjine eretnji kondiknji yanjon mönö Jon ongitza.”

²⁹ *Ambazip könagesö pakpak aka yengö sutnjine takis meme yenjon mohoknje Jongö Bunaji mötkeri, yenjon jim kölenja “Aha! Anutugö köna dijdinji jim asariza,” jiba urunjni melengetka Jononj o melun mem engiyök. ³⁰ Mewö engiyökmö, Farisi aka Köna keugö böhi yenjon Anutugö arenji qahö tem köla Bunaji andö qeba silekmalek aketka Jononj o melun qahö mem engiyök.

³¹ “Ambazip merak gölmenonj maljei, mi mönö wanatpuk dop al engibilejak? Yengö siliknjini mi denöwö? ³² Yenjon namande ewö akze. Mienjon maket sombemnonj tata keu gön gila lan qeta kewö jimakze, ‘Nini awölop uinga injini linet gwawet qahö unduget. Nini jinjenj kölinga injini qahö toroqeba sahötket.’ ³³ Mianjö könanj kewö: Jon O-melun azinonj kaba nene sinji mala wain o qahö neiga injini yangöra jimakze, ‘Öme kunonj urune geiga malja.’

³⁴ “Suep gölmegö azi ölnan kaba nene nem söngaip aiga enjon jimakze, ‘Mötket, yanjon bau numbu tandök közöjeriba wain o gwötpuk namba takis tilipqilipjinambuk aka bölonj meme yengö alanina malja.’ ³⁵ Körek pakpak Anutugö mötkutukutu köl gulimakzei, yengö ahakmemejananjö ölnan mönö mötkutukutunjan dop köljawi, mi kondelakza.” Mewö.

Singisöndok ambinonj Jisösgö könanj kelök miriyök.

³⁶ Farisi (Köna keugö kapankölköl) azi yengörenök kunjan Jisös mi nanji mirine kaba nene nemapkö köl öroyök. Köl öroi anda mirine öngöba nene dumne tarök. ³⁷ *Taon mianjörenj singisöndok ambi kun malök. Yanjon Jisös Farisi azigö mire öngöba tata nene neyöhi, mianjö buzupnji möta kelök umköhöwakanambuk mokoi köt kiran kun kokolak qeyöhi, mi memba öngöba kayök. Kirin mi nöluk tuat-tuat qetnji alabastö mianjon memena.

³⁸ Öngöba kaba Jisösgö könanje geba tata könahiba sahöri imbiljan tingita geba könanje miriyök. Miriiga nörop jupjan kerenj memba kutui öroniiga könanj numbanjan yöhötim namba kelök umköhöwakanambuknonj miriyök. ³⁹ Miriyökmö, Farisi azinonj Jisös köl öroyöhi, yanjon mi eka urunan kewö mötmöriyök, “Ambi ki singisöndoknambuha. Azi kianjon kezapqetok azia malbawak ewö, yanjon mönö ambi könanje misirizawangö könanj möt kutubawak.”

⁴⁰ Jisösnonj mi möt kutuba kewö melenja jiyök, “Saimon, nöjon keu kun jimangö mötzal.” Jiiga jiyök, “Böhi, ölop jinonj mötpi.”

⁴¹ Jiiga Jisösnonj kewö jii mörök, “Ambazip yahötjan benknonj anda tosa albitkö monen galömnanjö qesiyohot. Kunonj silim 500:kö töwanj (Kina 2500,-), kunonj silim 50:gö töwanj (Kina 250,-) mianjö dop tosa albitkö qesiyohot. Qesiyohotka mianjö dop etkiyök. ⁴² Etkiba könanjep tosanjiri misimahot jiiga monenjiri qahöwahiga osiyohot. Osiyohotka benk galömnjan tosanjiri qeköba kutuba mosöt etkiyök. Mosöt etkiiga yetkörenök danjon i urunan gwötpuk jöpaköm wanjimakza?”

⁴³ Mewö qesiiga Saimononj kewö melenök, “Nöngö mötmötnonj tosa ketanj kutuba mosöt wanjiyöhi, yanjon.” Mewö melenjiga jiyök, “Gi keu törörök kewöta jizan.”

* 7:29: Mat 21.32; Luk 3.12 * 7:37: Mat 26.7; Mak 14.3; Jon 12.3

44 Mewö jiba ambigörej lilingöba kewö jii mörök, “Ambi ki eknöj, Nöñön mirige kotpiga göñön könani sanjoñmamgö o kun qahö niñgizanzmö, ambi kianön mönö könani imbilñan miriba nörop jupñan keren memba kutui öröniza. 45 Göñön numbuni qahö yöhötüm nezanmö, ambi kianön mönö mire kotpiga miangörejök kapan köla könani yöhötüm nembra malja. 46 Göñön nöropni kelök kude mirizanzmö, ambi kianön mönö kelök umköhöwaktambuknöj könane nömiriza. 47 Miangöra nöñön kewö jibi mötnöj: Anutunöj ambi kiangö siñgisöndokni gwötpuk mi mosöta sanjoñniga miangöra uruñan ni gwötpuk jöpaköm niñgiza. Kunöj siñgisöndok boromdökni ahiga Anutunöj siñgisöndokni morörökni mosöriga yañön uruñan borom kun miyök jöpaköm niñgimakza.”

48 Mewö jiba ambi mi kewö jii mörök, “Nöñön göhö siñgisöndoki sanjoñda mosötzal.”

49 Mewö jiiga azi mohotje nene nembra tatkeri, yeñön könahiba nanñinök kewö jiget, “Siñgisöndok sanjoñda mosötzawi, yañön mönö niñi azia akñamgö mötza?”

50 Mewö jigetmö, Jisösnöj ambigöra jiyök, “Mötnariptan mönö amöt qem gihiza. Ölop luainöj anman.” Mewö.

8

Ambi tosatñan Jisös nanngöba anget.

1 Miangö andöje Jisösnöj liliköba taonñi taonñi aka mirinji mirinji miangörej anda Anutugö bemtohongö könani jim asariba Ölöwak Buña keunöj ambazip uruñini kuñguba malök. Gwarekurupñi 12 yeñön yambuk mohotje anget. 2 *Mewöyök ambi tosatñan yambuk anget. Ambi mi mutuk kawöl engöhöi ömenöj kölköljinjin mem engii malgetka Jisösnöj mem ölöwak engiyök. Ambi mi kewö: Maria qetñi kun Magdalagö ambia qetket. Jisösnöj yangö uruñeyök öme 7 közöl engii kota anget. 3 Ambi kun qetñi Joana. Yangö apñi qetñi Kuza yañön kin Herodkö jakömbuak miri miangörej gawmangö monej galömnja malök. Ambi kun qetñi Susana, Yeñön aka ambi tosatñi gwötpuk yeñön nanñini monej inapñinan Jisös aka gwarekurupñi könanöj galöm köla nanngöm engiget. Mewö.

Qesiñqesiñ azigö dopkeu

Mat 13.1-9; Mak 4.1-9

4 Ambazipnöj taon dop miangörejök öröba Jisösgörej kaba kambulembenöj tokogetka Jisösnöj dopkeu kun kewö jiyök:

5 “Azi kunöj nene kötni qesiñ gilmangö anök. Anda qesiñniga kötni tosatñan köna jitje geba kölget. Geba kölgetka ambazipnöj tim tökötahögetka könakemba (warawen) neiñi neiñi kañgota mi nem teköget.

6 Kötni tosatñan köt jamönjinöj geba kölget. Geba köla miangörej gölme oñambuk qahö miwikñaiba korapñi kota soholiba gororongöget.

7 “Kötni tosatñan siri uret wahinambuknöj geba kölget. Geba kölgetka mienön öröröj kota engoñgita qem turuba böbölohot mem engiget. 8 Kötni tosatñan gölme ölopñe geba kölget. Geba köla jula wahöta ölnini ölopñi asuhuba handötkö dop ahum sehiget.”

Keu mi jim teköba qet ketanji kewö qerök, “Kunñan urukezapñambuk malja ewö, yañön mönö dopkeu ki kezap ala möt kutuma.” Mewö.

* 8:2: Mat 27.55-56; Mak 15.40-41; Luk 23.49

Jisösnöj denöwögöra dopkeugö könañi jiyök.

Mat 13.10-17; Mak 4.10-12

⁹ Mewö jiiga gwarekurupñan dopkeu kiangö könañangöra Jisös qesim wangiget. ¹⁰ *Qesim wangigetka jiyök, “Anutugö bemtohoñe angota malbingö keu tölapñi mi engöra aukñe jibi möt kutuzemö, tosatñi yengöra mia dop keunöñ jibi mörakze. Mewö möta nanñini jenñinan yuai ekagun könañi töndup qahö ek kutume. Nanñini kezapñinan keu törörök mötagun könañi töndup qahö möt asarime.”

Jisösnöj dopkeugö könañi jiyök.

Mat 13.18-23; Mak 4.13-20

¹¹ “Dopkeu mianjö könañi kewö: Köt qesin giljawi, mi Anutugören Buña keu. ¹² Nene kötni köna jitre geba kölgeri, mi kewö: Ambazip tosatñan Buña keu mötzmö, mi mötketka Bölöñi Toñan kaba uruñini melenða Suepkö buña akepuköra keu kötni mi uruñineyök qeköba enñuanñirakza. ¹³ Nene kötni qesinñiga köt jamönñinöñ geba kölgeri, mi ambazip söpsöpñi kun. Yeñön Buña keu möta mi sösongai qakñe möt angön kölakzemö, uruñine geba jalöñini qahö megerangöra nalö töröptökñi miyök möt nariba malgetka esapesapkö nalöñe mönö tala enguma.

¹⁴ “Nene kötni qesinñiga siriuret wahiñinambukñöñ geba kölgeri, mi kewö: Yeñön Buña keu mötketka uruñine gezapmö, gölmenöñ malmalgö waimañatñi aka monen inap memegö urukönöpñi ahuba lömbörim enñimakza. Qetbuñanambuk akingöra köpösöngögetka sihim kömbönañi bölöñi tosatñan mewöyök uruñine dumgöba Buña keu böbölohot mem wangize. Mewö aiga ölni qahö gilipitñi akñe. ¹⁵ Qahöpmö, nene kötni gölme ölöpnje geba kölgeri, mi ambazip kewöñi: Yeñön Buña keu kezap ala mötketka uruñini ölöpnje geñmonñi qahö mianjören geiga sohobapukö mökösonða 8kapanñ köla galöm kölgetka ölni ölöpnje ölöpnje miwikñaimakze.” Mewö.

Yuai asa-asambötñi pakpak mi aukñe ahuma.

Mak 4.21-25

¹⁶ * “Kunñan lambe me kiwa ohotiriba kimbutnöñ kude köl turuma me dum bapñe qahö alma. Mi qahöpmö, mi mianjö dum qakñe ali tatma. Tata asariiga tosatñan miri uruñe öngöbingö mötzei, yeñön mianjö asakñi eka ölöpnje öngöme.

¹⁷ * “Mewöñanök urunine yuai kun asambötket tölapñe ahözawi, mi mönö aukñe asuhum tinñitma. Yuai kun köl turuin ahözawi, mi mönö lulungetka kötula ahöma.

¹⁸ * “Mianjöra Anutugö keu mötzei, mi mönö urukönömñine ala mötmörriba köl guliba malme. Kunñan mötkutukutuñambuk maljawi, Anutunöñ mönö mi toroqem wangii qarimapmö, kunñan mötkutukutuñi qahö maljapmö, ‘Miambuk maljal,’ jizawi, Anutunöñ mönö mötmötñi moröñi mi mewöyök qeköba wangitma.” Mewö.

Jisösgö nam-munurupñi.

Mat 12.46-50; Mak 3.31-35

¹⁹ Jisösnöj mewö jiba maliga nam munñan i ekingö kagetmö, ambazip kambu ketarñan ölököba gwözöñgerangöra kösutñe anbingö osiget. ²⁰ Osiba

* **8:10:** Ais 6.9-10 * **8:16:** Mat 5.15; Luk 11.33 * **8:17:** Mat 10.26; Luk 12.2 * **8:18:** Mat 25.29; Luk 19.26

kingetka kunjan kewö jii mörök, “Göhö nam-mungan mönö yaigep kinda gi gekingö mötze.”

²¹ Jii mörökmö, Jisösnöj kewö melenja jii mötket, “Ambazip ki Anutugö Buja keu möta tem köla köl gulimakzei, mienön mönö nöngö namni aka munurupni akze.” Mewö.

Jisösnöj jiiga raidimbom göröj qeyök.

Mat 8.23-27; Mak 4.35-41

²² Wehön kunöj Jisösnöj gwarekurupni kewö jii mötket, “Mönö mosöta o angö kutuba likepne angotpin.” Mewö jiiga wanjenöj mohotje öngöba o angö qakne anget. ²³ Anda opo seri mörörengögetka luhutnöj nanngöiga angetka Jisösnöj gaun ahöyök. Ahöiga luhut raidimbom o angönöj gila siri kunduriga wange uruje geyök. Geba numbuje qemangö aiga ayuhubingö aket.

²⁴ Ayuhubingö aka gwarekurupnan anda möndöba jiget, “Kembu Ketajammni, mönö nini angönöj ayuhubingö akzin.” Mewö jigetka imbinji möta luhut aka o angögö sirinji kewö jim qetal etkiiga ösumjiran eriga nöj qeba ahöyök.

²⁵ Mewö aiga jii mötket, “Engö mötnaripnini mi denike?” Mewö jiyökmö, yenön awöwöliba qem sömbuñini möta jiget, “Yei, azi kia mönö denöwöñan malja? Yanön mönö luhut aka köwet siri jim kutum etkiiga jitni tem köl wangizahot.” Mewö.

Ömenöj bau urujine gegetka azinöj ölöwahök.

Mat 8.28-34; Mak 5.1-20

²⁶ Jisösnöj gwarekurupni yembuk toroqeba opo seri mörörengögetka luhutnöj nanngöi anda o angö kutuba Galili prowins likepne Gerasa gölmenöj angotket. ²⁷ Miangörej angota saktinöj öngöi azi ömenjambuk kun mi taonöhök kaba Jisös miwikñaiyök. Azi mi qaksirinöj mala qamöt kötenji esiba urorohoget ahögerangörej ahöm malök. Nalö köröpni opo maluku qahö löngöta miri kungö uruje qahö ahömalök.

²⁸⁻²⁹ Ömenöj nalö köröpni öröm ureim wangiiga azi gwötpukñan börö takni qeba könani tapepnöj (mungamunga) jöhöba galöm köla malgetmö, tapepni öröi tingitqingiriga ömenöj kunguiga gölme qararankölkölne anda lan malök. Miangöra Jisösnöj ömenji mi kewö jim kutum wangimangöra ahök, “Öme bölöni, gi mönö kota azi ki mosöta anöj.” Mewö jimangö aiga Jisös eka silata gölmenöj kösutne geba qet gigilahöba kewö qerök, “Aek Jisös, gi Anutu öngöngöñangö nahönñi akzan. Gi mönö denöwö ak niñgimangöra ki kazan. Nöjön ulet gihizal: Gi sihimbölö könöpñambuk kude ak niñginöj.”

³⁰ Mewö jiiga kewö qesiyök, “Gi qetki niñi?” Ömewöröme gwötpuk uruje geba malgerangöra “Qetnini lijön jizin” jiget. Mi nanine keunöj Kerök kambu ketani. ³¹ Mewö jiba Jisös kewö ulet wangiget, “Gi neñguatangöba öme löm dutni qahö miangörej gebingöra kude jim kutum neñgiman.”

³² Kösutñine kundunji marömne miangörej bau kambu ketani kun gwözözak uruje kulunja malget. Miangöra ömenöj kewö jiba ulet wangiget, “Gi ölop jinönga nini bau miengö urujine gebin.” Ulet wangigetka “Mönö anda geget.” Jiba jim kutum engiyök. ³³ Jim kutum enjiiga azi urujeyök kota anda bau urujine geget. Gegetka bau kambu

yeñon mönö luhuba nembönembönöñ anda jororongöba o anğönöñ geba nemulahöba kömuget.

³⁴ Mi asuhuiga bau galöm yeñon mi eka taon aka miri morömorö miangöreñ ölöñ unjurata anda keu buzupñi mi jiget mötket. ³⁵ Jiget möta ambazip sesegilgil yeñon yuai asuhuyöhi, mi ekingöra kaget. Kaba Jisösgöreñ kangota azi uruñeyök ömenöñ kotkeri, yañon könañe tariga miwikñaiget. Opo sileötañi törörök jöhöba uruñi amöriiga imbi mötmötñi pakpak asuhuiga eka awöwöliget. ³⁶ Azi ömeñambuk malöhanön denöwö ölöwahöhi, mi jeñinan ekerañon jiget mötket.

³⁷ Möta gwötpuk awöwöliba qem sömbuñini mötket. Miangöra Gerasa gölmegö ambazip kambu pakpak yeñon Jisösnöñ engömosötmapköra ulet wañiget. Ulet wañigetka lilingöba anmamgö wañgenöñ öngömamgö ahök. ³⁸ Öngömamgö aiga azi uruñeyök ömenöñ kotkeri, yañon kaba Jisösbuk mohotñe anda malmamgöra qesiyök. Mewö qesiyökmö, Jisösnöñ qetala melaim wañgiba kewö jiyök,

³⁹ “Gi mönö lilingöba mirige anda Anutunöñ anğöletot ketañi ketañi ak gihiyöhi, miangö kösohotñi jinönga mötme.” Mewö jiiga anda Jisösnöñ anğöletot ketañi ketañi ak wañgiyöhi, miangö keuñi mi taon uruñe liliköba miri dop jim sehiyök. Mewö.

Jairusnöñ bōratñangöra Jisös köuluköyök.

Mat 9.18-26; Mak 5.21-43

⁴⁰ Ambazip pakpak Jisösgö mambötketka lilingöba kaiga kambu köla söngaiba öröm wañiget. ⁴¹ Köuluk mirigö keu galöm kun qetñi Jairus yañon kaba Jisösgö wösöñe geba simin köla miriñe kamapköra köuluköm wañgiyök. ⁴² Moröurupñi qahöpmö, bōratñi mukmorö mohok yambuñi (yara) 12:gö dop mala kömumamgö ahök. Jisös köl öröm wañigetka aniga ambazip kambunöñ likeplikep ölököba utal wañiget. Mewö.

Kawöl ambi kunöñ Jisösgö malukuñi misiriyök.

⁴³ Utal wañgiba angetka miangöreñ sutñine ambi kun malök. Yañon yambu (yara) 12 miangö dop köiñnöñ ehiga nalö dop kawöl yöhöiga malök. Yañon sile galöm yengö töwanjini moneñ inapñi pakpak gil maliga sile galöm körekñan mem ölöwakingö osiget. ⁴⁴ Ambi miangön Jisösgö andöñe anda malukuñangö kitip sunji misiriiga miangöreñök sepnji jöpköyök.

⁴⁵ Jisösnöñ qesiba jiyök, “Dañon nömisiriza?” Mewö jiyökmö, ambazip körekñan mi qañ kölgetka Pitönöñ jiyök, “Ketañamni, ambazip kambunöñ ölököba utal anguba kaba goseize.”

⁴⁶ Jiiga Jisösnöñ jiyök, “Qahö, kunñan nömisiriiga ösumni kun ani mötzal.” ⁴⁷ Mewö jiiga ambinöñ “Könañamni lök asuhuza,” jiba jönömalñi unduiga kaba Jisösgö wösöñe simin köla kawölñangö könañi aka misiriba miangöreñök ölöwahöhi, miangö könañi aukñe jiiga ambazip kambu körekñan mötket. ⁴⁸ Mötketka Jisösnöñ kewö jii mörök, “Bōratni, mötnaripkan mönö mem ölöwak gihiza. Ölöp urubönjörnöñ anman.” Mewö.

Jisösnöñ Jairusgö bōratñi mem guliyök.

⁴⁹ Keu mewö jiba kiniga köuluk mirigö keu galömñangö mireyök kunñan welen kaba Jairusgöra jiyök, “Bōratkan kömuza! Miangöra böhigö qakñe lömböt toroqeba kude alman.”

⁵⁰ Jiyökmö, Jisösnöñ keu mi möta köuluk mirigö keu galömnji kewö jii mörök, “Keñgötki kude mötman! Mohok-kun akñan. Mönö ni möt narim niñginöñga böratkan ölöwakña.”

⁵¹ Mewö jiba yañö mire anda ambazip tosatñi engömosöta Pitö, Jon, Jeims aka morö böratkö iwinamñi iyök enñuanñiri nanñinök miri uruñe öñgöget. ⁵² Öñgögetka ambazip köreknjan jinñen köla sahöta amburereñ megetmö, Jisösnöñ jiyök, “Yañön qahö kömuzapmö, gaunök ahöza. Mianğöra mönö sahöt mosötme.”

⁵³ Mewö jiiga gönahit ewö aiga “Mönö kömuzal!” möta gön köl wañgiget. ⁵⁴ Gön köl wañgigetmö, börat mi böröñe memba qeta jiyök, “Böratni, mönö wahötnöñ.” ⁵⁵ Mewö jiiga unñan lilingöiga mianğöreñök wahöta kinök. Kiniga numbu nene wañgiget nemapkö jiyök. ⁵⁶ Iwinamñan mi eka welipköyohotmö, Jisösnöñ yuai asuhuyöhi, mianğö buzupñi kun jiget mötpepukö soñgo al enñiyök. Mewö.

9

Jisösnöñ gwarekurupñi 12 melaim enñiyök.

Mat 10.5-15; Mak 6.7-13

¹ Jisösnöñ gwarekurupñi 12 mi enñoholi tokogetka ömewöröme pakpak közöl enñimegöra aka uzi kawöl mem ölöwakñegöra kukösumñi ösummumuñambuk al enñiyök. ² Kukösum enñiba kewö jiba melaim enñiyök, “Iñini mönö anda Anutugö bemtohoñangö könañi ambazip jim asarim enñiba kawöl ambazip mem ölöwak enñiba malme.” ³ *Melaim enñiba jii mötket, “Iñini köna anmeañgöra yuaiñi kun qahö memba anme, öröp qahö, gösö qahö, köna nalem qahö, soujeñi qahö. Maluku semöññi qahöpmö, mohok meme.

⁴ “Anda mire denike denike anñotmei, mönö mianğöreñök mala nup memba taon mi mosöta köna anme ⁵ Anda mala miri kunöñ anñotketka qahö köl öröm enñiba keuñini qahö mötketka nesampurekñini mönö kewö jiba kondel enñime, ‘Nini engö gölmenöñ kaininga sölbuham köna tambönine mekötahözawi, mi mönö tim töñjöraringa nanñine lilingöba gema.’ Mewö jigetka könañamñini solanñi möt kutugetka ölöp taon mi mosöta toroqeba anme.”

⁶ Mewö jiiga mosöta anda miriñi miriñi liliköba miri dop Ölöwak Buña jim asariba kawöl ambazip mem ölöwak enñiba malget. Mewö.

Herodnöñ jisösgöra lalalulu siksauk ahök.

Mat 14.1-12; Mak 6.14-29

⁷ *Yuai pakpak asuhuyöhi, mianğö qetbuñan sehiba gölme bahöñangö (Galili prowingsö) kiñ Herodkö kezapñe geiga mörök. Ambazip tosatñan kewö jiget, “Jon O-melun azinöñ mönö kömupñöhök wahöta malja.” Mianğöra kiñnöñ keugö jaruba lalalulu siksauk ahök. ⁸ Ahökmö, tosatñan jiget, “Elaijanöñ kunbuk asuhuba malja.” Tosatñan toroqeba jiget, “Kezapqetok azi walñi yeñgöreñök kunöñ mönö guliba wahöta malja.” ⁹ Mewö jigetmö, kiñ Herodnöñ kewö jiyök, “Jon O-melun azi mi nöñon jibi jölñi kutugetmö, kungö keuñi mewö jiget mötzali, mi mönö dañön?” Mewö jiba jisös ekñamgö kapan köla jörömqöröm ahök. Mewö.

* 9:3: Luk 10.4-11; Apo 13.51 * 9:7: Mat 16.14; Mak 8.28; Luk 9.19

Jisösnöñ azi 5000 nene gumohom enñiyök.

Mat 14.13-21; Mak 6.30-44; Jon 6.1-14

¹⁰ Melaimelai azi aposol yeñön Jisösgöreñ lilingöba yuai aka megeri, miangö kösohotñi pakpak jiget mörök. Jiget möta enñuanñita ambazip qenjarökñini mosöta taon qetñi Betsaida miangö kösutñe nanninök kötikñe malbingö anget. ¹¹ Angetmö, ambazip kambu yeñön mi möta Jisös andöñe wuatangöba anget. Anda Jisösgöreñ kagetka köl öröm enñiba Anutu bemtohoñangö könañi jim asariba kawöl ambazip mem ölöwak enñiyök.

¹² Mewö aka mali wehön jeñan teköba gemangö ahök. Mewö aiga gwarek 12 yeñön kaba Jisös kewö jiget mörök, “Nini gölme kötikñi kiangöreñ maljinangöra gi ölop ambazip kambu ki melaim enñinönga miri koun dowe dowe tat anjei, miangöreñ anda ahöahö miri aka nene miwikñaim.”

¹³ Mewö jigetmö, kewö jii mötket, “Enñön mönö nanninak i nene gumohom enñime.” Mewö jiiga melenget, “Nini beret sahötñi 5 aka söra yahöt miyök memba maljin. Miangöra denöwö akinto? Nini ölop anda ambazip kambu ki pakpak yeñgöra nene söngöröñi membinak me? ¹⁴ (Yeñön azi 5000:gö dop malje.)” Mewö melengetka gwarekurupñan kewö jii mötket, “Enñön mönö ambazip enñgöra jiba menden enñigetka kambu dop 50:gö dop nene nemingö tokoba eta tatme.”

¹⁵ Jiiga mewö aka menden enñigetka ambazip körekñan eta kambuñi kambuñi tat anget. ¹⁶ Tat angetka beret 5 aka söra yahöt mi memba suepnöñ ui öngöiga kötuetsköyök. Kötuetsköba beret mindipköba gwarekurupñi enñiiga ambazip kirip dop menden da sutñine alget. ¹⁷ Sutñine algetka körekmakörek memba nem timbireñ aket. Nene kitipñi kitipñi mosötkeri, mi gwarek yeñön qezakögetka sakap 12 miangöreñ geba kokolak qeyök. Mewö.

Pitönöñ Jisösgö könañi jim miwikñaiyök.

Mat 16.13-20; Mak 8.27-30

¹⁸ Nalö kunöñ Jisösnöñ nannök gölme kungen köuluköiga gwarekurupñan yambuk malgetka qesim enñiba kewö jiyök, “Ambazipnöñ nöngöra denöwö jimakze? Ni niñia akzal?”

¹⁹ *Jiiga melen da kewö jiget, “Tosatñan ‘Gi Jon O-melun azia akzan,’ jimakzemö, tosatñan ‘Gi Elaija akzan,’ jimakze aka tosatñan toroqeba kewö jimakze, ‘Gi kezapqetok azi walñi yeñgöreñök kunñan kömupnöhök wahöta maljan.’”

²⁰ *Mewö jigetka kewö qesim enñiyök, “Aka nanninak nöngöra denöwö jize? Ni niñia akzal?” Qesim enñiiga Pitönöñ melen da jii mörök, “Gi Anutugöreñ Amötqeqe Tonji Kraist akzan.” Mewö.

Jisösnöñ kömumangö keuñi jiyök.

Mat 16.20-28; Mak 8.30-9.1

²¹ Mewö jiiga könañi aukñe jiget kunñan mötpepeköra sonjo köhöikñi al enñiyök. Mewö. ²² Jisösnöñ jiyök, “Suep gölmegeö azi ölnan mönö sihimbölo gwötpuk mötma. Kantrigö jittjememe, jike nup galöm aka Köna keugö böhi yeñön mönö andö qeba qegetka kömuma. Kömumba wehön karöbut aiga kömupnöhök wahötma.” Mewö.

* 9:19: Mat 14.1-2; Mak 6.14-15; Luk 9.7-8 * 9:20: Jon 6.68-69

Kraist wuatangöbingö söngöröji

23 *Jisösnöŋ ambazip pakpak yengöra keu kewö jii mötket, “Kunŋan nöŋgö andöne nuatangöba kamangö mötzawi, yaŋön mönö nanŋi urusileŋangö sihim kömbönaŋi bölöŋi andö qeiga sisitŋi megetka sihimbölö mi bisimakŋa. Mi maripomnöŋ kömumawangö dop mököstöŋda ni nuatangöba kama.

24 *“Kunŋan malmalŋi nanŋangöra aŋgön köla nanŋi imbi-imbi maljawi, yaŋön mönö malmalŋi öŋŋi jöhöi sohoma. Sohomapmö, kunŋan gölmegö malmalŋi nöŋgöra aka köleŋda tököm niŋgimawi, yaŋön mönö malmal öŋŋangö könaŋi miwikŋaiba köhöiba malma.

25 “Kunŋan gölmeŋi gölmeŋi miengö öröyuaiŋi pakpak köŋ öröiga buŋaŋi an teköiga uruŋangö malmalŋi mem sohoba silebile mala kömuiga Anutunöŋ keuŋi jim teköiga köŋöp sianöŋ geba uraŋan ayuhuiga qahö dop köŋma. Sukinapŋi mianŋön mönö urusösöŋgai qahö ak wangima. Qahöpmahöp!

26 “Kunŋan nöŋgö qetni aka Buŋa keuni memba eta aljawi, i Suep gölmegö azi öŋŋan mewöyök ehöröŋ köŋma. Yaŋön könaŋgep Suep garata töröŋi yembuk ki etketka yengö, nanŋangö aka Iwiŋangö asakmararaŋini eka aurume. Nalö mianŋöreŋ azi me ambi mewöŋi mönö ehöröŋ köŋ wangima. 27 Nöhön keu öŋŋi kun kewö jibi mötme: Kiangöreŋ kinjei, engö sutŋineyök tosatŋan Anutugö bemtohoŋan asuhumawi, mi ek kutume. Jebuk mala kömupkö sihimbölöŋi qahö mötketka asuhum tiŋgiriga mi ekŋe.” Mewö.

Jisösgö sileŋe letotqetot ahök.

Mat 17.1-8; Mak 9.2-13

28 *Keu mi jiiga wehön 8:kö dop teköiga Jisösnöŋ Pitö, Jon aka Jeims enguaŋgita kunduje öŋgöba Anutu köuluköyök. 29 Köuluköiga mianŋöreŋ jemesoholŋangö kaisoŋgolomŋan letota tandökŋi murutŋi ahök. Malukuŋan tuat lalamŋi aka kölköl-bilikbilikŋambuk asariyök. 30 Mianŋöreŋök eketka azi yahötŋan asuhuba Jisösbuk keu keu jiget. Mi Moses aka Elaija. 31 Asakmararaŋ uruje asuhuba Jisösbuk keu kewö eraum mötket, “Anutunöŋ Jisös sihimbölö möta kömumapkö melaiiga eta zilaŋ Jerusalem sitinöŋ aniga areŋ mianŋön öŋŋambuk ak teköma.”

32 Mewö eraum mötketmö, Pitönöŋ alayahötŋi yetpuk jeŋinan lömböriiga gaun ahöget. Ahögetmö, gaunöhök imbiŋini möta jeŋini uba Jisösgö asakmararaŋi aka azi yahöt yambuk kinohori, mi engeket. 33 Engeketka kinda Jisös mosötpitkö ahotka Pitönöŋ Jisösgöra jiyök, “Ketaŋamnini, neŋön kiangöreŋ uru ölöwak mötzin. Mianŋöra neŋön ölöp koum karöbut qebin: Göhö kun, Mosesgö kun aka Elaijagö kun.” Pitönöŋ mewö jiyökmö, nanŋi keuŋangö könaŋi mi qahö möt kutuyök.

34 Mewö jiba kiniga unuŋunuŋ kunöŋ eta aumŋan esuhum enŋiiga kousu uruje mala awöwöliba jönömŋini unduyök. 35 *Jönömŋini undui kingetka kousu uruŋeyök qet kun kewö eriga mötket, “Azi ki mi nani nahöna. I ambazip amöt qem enŋimangöra möwölöhöm wangial. Mönö yaŋgö keuŋi möta malme.”

* 9:23: Mat 10.38; Luk 14.27 * 9:24: Mat 10.39; Luk 17.33; Jon 12.25 * 9:28: 2 Pitö 1.17-18

* 9:35: Ais 42.1; Mat 3.17; 12.18; Mak 1.11; Luk 3.22

³⁶ Qet mianjōn eri möta gwarek yejōn mianjōrenjōk uba Jisōsnōj nannjōk kini eket. Kunduņe yuai ekeri, mianjō buzupņi mi nalō mianjōrenj kude jiba keu bōk malgetka kunņan kun qahō mōrōk. Mewō.

Jisōsnōj ōme wuatanjōi morōnōj ōlōwahōk.

Mat 17.14-21; Mak 9.14-29

³⁷ Ahōba wahōtketka Jisōsnōj gwarekurupņi karōbut yembuk kunduņeyōk eta sōrōkņe ambazip kambuleleme engeget. ³⁸ Engegetka ambazip kambunōhōk azi kunņan qeta kewō jiyōk, “Bōhi, nōņgō nahōni mukmorōya akzawaņgōra mōnō kaba i ekņan. Mianjōra kōulukōm gi-hizal. ³⁹ Mōtnōj, ōme kunōj i memba mendawōli mianjōrenjōk qet gigilahōi utukōm waņgii wōlōhariiga numbuņeyōk qōlqōlsōutsōut erakza. ōme mianjōn ōrōm ureim waņgiba nalō gwōtpuk qahō mosōrakza. ⁴⁰ Mewō aiga gōhō gwarekurupki ōme mi wuatanjōmegō ulet enjizalmō, yejōn mi osize.”

⁴¹ Mewō jiiga Jisōsnōj melenj waņgiba jiyōk, “Yei, gōlmegō yaņgisenj aka misimkaulup ambazip, nōņōn mōnō nalō dawik embuk mala qatōn enjūbiga Anutu qahō mōt narigetka sihimbōlō mōtmam? Nahōngi mōnō waņgita ki kanōj.”

⁴² Morō mi waņgita kaiga nalō mianjōrenj mewōyōk ōmenōj morō utukōba urepkōm waņgiiga wōlōhariyōk. Mewō ahōkmō, Jisōsnōj ōme mi jim waņgii mosōri morō mem ōlōwaka iwiņi waņgiyōk. ⁴³ Anutugō kukōsumņi ketaņan mewō asuhuiga kōreķnan mi eka nembōņini tekōi welipkōget. Mewō.

Jisōsnōj kōmumangō buņaji jiiga yahōt ahōk.

Mat 17.22-23; Mak 9.30-32

Jisōsnōj yuai pakpak mi meyōhi, mianjōra ambazip kōreķnan welipkōgetka Jisōsnōj nalō mianjōrenj gwarekurupņi keu kōtņi kewō jii mōtket, ⁴⁴ “Keu ki mōnō kezap ala mōtme: Anutunōj Suep gōlmegō azi ōlņi mi gōlme ambazip yeņgō bōrōņine al waņgii gema.” ⁴⁵ Keu kōtņi mi jii mōtketmō, mi qahō mōt kutuget. Anutunōj mi kōl turui tōlapņe ahōiga mi qahō mōt asariget aka kōnaņi denōwō, mi qesibingō kōlkōldōmdōm aket. Mewō.

Gwarek sutņine daņōn mutukņi akza?

Mat 18.1-5; Mak 9.33-37

⁴⁶ *Gwarek neņgōrenjōk ‘Daņōn ōņgōņgōņi akza?’ jiba keu mi mōtmōriget. ⁴⁷ Mi mōtmōrigetmō, Jisōsnōj urumōtmōtņini mōt kutuba namande morōņi kun memba qōhōrōņe ali kinōk. ⁴⁸ *Kiniga kewō jii mōtket, “Kōrek enjōrenjōk kunņan eretņi kondōkņi akzawi, yaņōn mōnō ōņgōņgōņi akza. Mianjōra kunņan namande ki nōņgō qetne miriņe kōl ōrōba kōyan kōlmawi, yaņōn mōnō ni kōl ōrōm niņgima. Kunņan ni kōl ōrōm niņgimawi, yaņōn melaim niņgiyōhi, mōnō i mewōyōk kōl ōrōm waņgima.” Mewō.

Kunōj kerōki qahō, yaņōn mōnō alagi akza.

Mak 9.38-40

⁴⁹ Nalō mianjōrenj Jonōj kōnahiba keu kewō jiyōk, “Ketaņamni, azi kunņan gōhō qetnōj ōme kōzōl enjgiiga ehin. Yaņōn nembuk qahō lilikōba maljawaņgōra nini i qetal waņgiin.”

* 9:46: Luk 22.24 * 9:48: Mat 10.40; Luk 10.16; Jon 13.20

⁵⁰ Mewö jiyökmö, Jisösnöñ kewö jii mörök, “I kude qetal wanjime. Kunñan qahö qetal engimakzawi, yañön mönö engö arenñöñ malja. (Miañgöra inñini mönö nönğö alaurupni tosatñi mi qetala anğösirip mem enğibepuk.)” Mewö.

Samaria miri kun yeñön Jisös andö qeget.

⁵¹ Jisösnöñ Suepnöñ öngömamgö ahök. Miañgö nalöñi törizawanğöra Jisösnöñ kinda “Jerusalem sitinöñ anmam,” jiba jim köhöiba könahiba könanöñ anök. ⁵² Anda kolek qeljiñe aliga mutuk anget. Könanöñ anda mala Samaria prowinsgö miri kunöñ anğota “Jisösgöra mözöqözözöm akingöra kazin,” jiget. ⁵³ Jiba angetka anökmö, “Ni Judia prowinsnöñ Jerusalem jike göröken anmam” jiiga miañgöra miri anğön köla yaizözkök qahö jiget. ⁵⁴ *Mewö aketka gwarekyahöññi Jeims aka Jon yekñön mi eka jiyohot, “O Kembu, Suepnöhök könöp eta enğohoi qahöwakeak, mewö köuluköbingö mötzan me qahö?”

⁵⁵ Mewö jiyohotmö, Jisösnöñ lilingöba tembula jim etkiyök. ⁵⁶ Miañgöreñök toroqeba miri kunöñ anget. Mewö.

Jisös wuatangöbingö möndömöndö keunji

Mat 8.18-22

⁵⁷ Könanöñ angetka azi kunñan kaba Jisösgöra jiyök, “Gi denike denike anmani, nönñön mönö miañgöreñ gi guatangöba kamam.”

⁵⁸ Mi möta Jisösnöñ kewö jii mörök, “Arökñangö kiam yeñön köteñine ahögetka könakemba nei yeñön aipñini memba malakzemö, Suep gölmeğö azi öññan mönö denike anda nöröpñi wani qömböññöñ nariba luhut membawak.”

⁵⁹ Jisösnöñ azi kungöra jiyök, “Gi kaba ni nuatangöman.” Jiyökmö, kewö meleñnök, “Kembu, mi ölöpmö, iwinan kömumamgö aiga mutuk jinöñga anda galöm köłbi kömui löm köłbigun.”

⁶⁰ Mewö jiyökmö, Jisösnöñ meleñña jiyök, “Mosötnöñ! Köhömuñi yeñön qamötniñi köhömuñi mi ölöp löm köłmemö, gönñön mönö anda Anutu bemtohoñangö könañi jim asarim enğiba malman.”

⁶¹ *Kunbuk azi kunñan kañgota jiyök, “Kembu, nönñön gi guatangömamgö sihimni mötzalmö, mötnöñ, gi ölöp jinöñga mutuk mire anda tinitosolomurupni yaizözkökñini jibigun.”

⁶² Jiyökmö, Jisösnöñ meleñnök, “Kunöñ gölme mesiñmesiñgö kinöñ mi hos andöñe jöhöba böröñan kinöñ supñe memba kini aniga dumñe lilingöba andöñe uzawi, yañön mönö Anutugö bemtohoññöñ anğota nupñi memawanğö dop qahö akza.” Mewö.

10

Jisösnöñ gwarek 72 melaim enğii anget.

Mat 9.37-38; 10.7-16

¹ Miañgö andöñe Kembunöñ gwarek tosatñi 72* mi möwölöhöm enğiyök. Nanñak “Taonñi taonñi miriñi miriñi anmam,” jiba miañgöreñ yahöt yahöt meköba mutuk melaim enğiyök. ² * “Melaim enğimam,” jiba kewö jii mötket, “Anutugö nupñöñ nene öññi gwötpuk öliba ahözapmö, mi tokobingöra nup meme ambazip nini awamdökñi maljin. Miañgöra

* **9:54:** 2 Kirj 1.9-16 * **9:61:** 1 Kirj 19.20 * **10:1:** Tosatñan oyoñda 70 jize. Tosatñan 72 jize.

* **10:2:** Mat 9.37-38

mönö nene öliölinanğö Kembunji köuluköm wanğigetka nup meme ambazip melaim enğiiga ölni mem tokome.

3 **“İnini mönö anme. Mötket, lama yeñön aröknanğö kiam kalñi yeñğö sutñine gegetka luhuba enğöhöbepuk, nöñön inini mianğö tandök ewö melaim enğibi anme.* 4 **İnini moneñ irimuñga me gösö kun me köna esu mi kude memba anme. Anda könanönj ambazip enğeka jiji-kilik-kilik yaizözkök kude akñe.*

5 *“Anda miri kunönj öngöba mutuk kewö jime, ‘Anutunönj miri kianğoreñ luai ali böñjön malme.’* 6 *Mewö jigetka kunñan luai anğön kölmangö dop akzawí ewö, luaininan mönö yanğö qakñe öngömapmö, kunñan mi qahö anğön köлма ewö, luaininan mönö lilingöba nanñini qakñine öngöma.* 7 **Miri öngömei, mönö mianğöreñök mala nup meme. Ambazipnönj nup meme ambazip malmalñini nanğömeanğö dop akze. Mianğöra yeñön nene aka o enğime, mi mönö neme. Miri tosatñe lanñaj kude ahöme. Miri suen kude anda kame.*

8 *“Taan mianğöreñ me mianğöreñ anğotketka köل öröba nene enğime, mia mönö neme.* 9 *Nemba tosatñan mianğöreñ kawöl enğöhöi ahömei, i mönö mem ölöwak enğime. Mewö aka kewö jiget mötme, ‘Anutugö bemtohoñan mönö dowe kaiga mianğö uruñe anğotme.’* 10 **Mewö akñemö, taon kunönj anğotketka andö enğumei, mianğöreñ mönö maketnönj me sombunönj anda kewö jiget mötme,*

11 *‘Nini enğö taonönj kainga sölbuham yuai köna tambönine mekötahözawí, mi mönö tim töñjöraringa nanñine lilingöba gema. Gemapmö, keu ki mönö möt yaköme: Anutugö bemtohoñan mönö kösutñine asuhuza.’* 12 **Nöñön kewö jibi mötket: Anutunönj nalö ketañe qemasolokepninanğö likepnji melenñi taon mianğö qakñe öngömawí, dop mianğön mönö Sodom yeñğö sihimbölo dopñi onğita toroqem enğima.”†*

Jisösnönj taon 3 yeñğöra ‘Yei wösöbirik!’ jiyök.

Mat 11.20-24

13 **“O Korazin tonji, nöñön enğöra ‘Ye!’ jiba sahötzal aka Betsaida tonji, enğöra mewöyök ‘Ye!’ jiba sahötzal. Nöñön yeñğöreñ anbiga keuni jibi sösonihii anğöletotni kukösumñinambuk asuhugetmö, uruñini töndup qahö melenğet. Anğöletot mi kian gölmenönj Taiö aka Saidon sitinönj asuhubeak ewö, yeñön mönö nalö köröpñi uruñini melenñingö kaisösöpñi kondela dodohonönj anğömiriba kau ariba sahötpeak.*

14 *“Sahötpeakmö, Anutunönj könanğep Korazin aka Betsaida yeñğö keuñini jim teköba likepnji melenñi sihimbölo mötmei, nalö ketañi mianğöreñ mi mönö Taiö aka Saidon yeñğö sihimbölo dopñi onğita mötme.* 15 **Aka Kaperneam tonji, Anutunönj inini ölop mem wahöt enğii Suep mire öngöbeak me qahöpto? Qahöpmahöp! İnini mönö kömupkö senjom mire kölölohoba geme.*

16 **“Kunñan keuñini mötmawí, yanğön mönö nöñğö keuni mötma. Kunñan andö enğumawí, yanğön mönö ni andö nuñgumapmö, kunñan ni andö nuñgumawí, yanğön melaim niñgiyöhi, mönö i andö qema.” Mewö.*

* **10:3:** Mat 10.16 * **10:4:** Mat 10.7-14; Mak 6.8-11; Luk 9.3-5 * **10:7:** 1 Kor 9.14; 1 Tim 5.18 * **10:10:** Apo 13.51 * **10:12:** Jen 19.24-28; Mat 11.24; 10.15 † **10:12:** Sodom yeñön bölöñi kanjamñambuk memba mala uruñini qahö melenğetka Anutunönj köñöpñi köñden enğiyök.
* **10:13:** Ais 23.1-18; Eze 26.1-28.26; Joel 3.4-8; Amos 1.9-10; Zek 9.2-4 * **10:15:** Ais 14.13-15
* **10:16:** Mat 10.40; Mak 9.37; Luk 9.48; Jon 13.20

Gwarek 72 yeñön lilingöba söngaiget.

¹⁷ Gwarek 72† yeñön mala lilingöba kaba söngaiba kewö jiget, “Kembu, nini göhö qetke öme wöröme jim kutum enğiinga yeñön mewöyök keunini bapne anda tököba anget.”

¹⁸ Mewö jigetka Jisösnöñ melenök, “Nöñön Satan kakögetka Suepnöhök luhuba wöbilik ewö aköba gei ehal. ¹⁹ *Mötket, nöñön kukösum enğibiga inini ölop kitim soramen, skorpion (nendañ kömbukñi pomemba) aka kerökñinañgö ösum-mumuñi jitñambuk pakpak tiget eriga luhut alme. Mianğöra yuai kunñan qahö enğum mizit ak enğima.

²⁰ “Mianğöra ömewöröme yeñön keunini bapne anjemö, töndup enğöreñ sösongai bohonñi mi mianğöra kude söngai. Engö qetñini Suep mire ohoget Anutugö buknöñ ahözawi, mianğöra mönö önöñi qahö söngai.” Mewö.

Jisösnöñ söngaiba Anutu möpöseyök.

Mat 11.25-27; 13.16-17

²¹ Nalö mianğöreñ Uña Töröñan Jisös inahöm wañgiiga söngaiba keu kewö jiyök, “O Iwini, göñön Buña keugi mötkutukutu ambazip mötmöt ketani megeri, yeñgöreñ asambötnöñmö, ambazip nahönbörat ewö nanñinañgöra mötketka gukmaulem akzei, mi mönö yeñgöreñ indelnöñga möt asarize. Mianğöra nöñön Suep gölmegö Kembuñi gi möpöseim gihizal. O Iwini, gi nangak mewö asuhumapköra mötnöñ dop köli ölöwahök.

²² * “Iwinan mönö yuai pakpak jim kutuiga nöngö buñaya ahök. Iwinan Nahönñanğö könañi nanñök möt yaköiga kunñan mi qahö mötza. Mewöyök kunñan Iwinanğö könañi qahö möt yaköiga Nahönñanök mi mötza aka ambazip möwölöhöm enğiba yeñgöra mi indelmawi, yeñön mönö Iwi möt wañgime.”

²³ Jisösnöñ mewö jiba gwarekurupñi yeñgöreñ lilingöba nanñinök ölöñ kewö jii mötket, “Injini yuai ek kutuzei, denike yeñön mi ek kutuzei, yeñön mönö jeñinañgöra aka simbawon akze. ²⁴ Mianğö könañi kewö: Nöñön keu kewö jibi mötket, Kezapqetok ambazip aka kiñ azi kembu gwötpukñan inini yuai ki ekzei, mi ekingö awöweñgöba malgetmö, mi qahö eket. Injini keu ki mötzei, yeñön mi mötpingö awöweñgöba malgetmö, mi qahö mötket.” Mewö.

Jöjöpañ keu bohonñi yahöt mi denöwö?

Mat 22.34-40; Mak 12.28-31

²⁵ * Köna keugö böhi kunñan wahöta Jisös bötak ala kewö qesim wañgiba jiyök, “Böhi, nöñön denöwö aka malmal kömbönañi teteköñi qahö buña qem anğubilenak?” ²⁶ Jiiga Jisösnöñ kewö melenđa qesiyök, “Mosesgö Köna keunöñ keu denöwö ohoget ahöza? Mianğö könañi denöwö?” ²⁷ * Qesiiga melenđa jiyök, “ ‘Gi urugi jömukñi, uñagi jömukñi, kuki jömukñi aka mötmötki jömukñi mianñön mönö Kembu Anutugi jöpaköba malman,’ aka ‘Nangi jöpaköm anğumakzani, mewöñanök mönö ambazip pakpak jöpaköm enğiba malman.’ ”

²⁸ * Jiiga Jisösnöñ melenök, “Törörök melenjan. Mi tem köla mal-mal kömbönañanğö buñaya akñan.” ²⁹ Mewö melenökmö, Köna keugö

† **10:17:** Tosatñan oyonđa 70 jize. Tosatñan 72 jize. * **10:19:** Sum 91.13 * **10:22:** Jon 3.35; 10.15 * **10:25:** Mat 22.35-40; Mak 12.28-34 * **10:27:** Lew 19.18; Dut 6.5 * **10:28:** Lew 18.5

böhinöŋ ‘Mi tem köla solannji akzal,’ mewö mötmöröba könanamŋi kondel-mamgö möta Jisösgöra jiyök, “Ambazip sutŋine mala korali, yengöreŋök mönö dagöra jizan? Niŋia qahö jöpaköm waŋgibileŋak?”

Samaria azinöŋ gurusep azi ak-kömum waŋgiyök.

³⁰ Mewö jiiga Jisösnöŋ melenŋa jiyök, “Azi kunŋan Jerusalem siti mosöta Jeriko mire geba könanöŋ kegwek-kahasililiŋ yengö böröŋine gei meget. Memba inap yuainji waŋgita oponji qeköba gurusep qeba gila angetka kömumamgö aka ahöyök. ³¹ Ahöba mamböriga jike nup galöm kunŋan köna miyök anda eka ek siriba köna likepŋeyök anda oŋgita anök. ³² Aniga mamböri jike nup azi (Liwait) kunŋan mianğöreŋ kangota eka mewöŋanök ek siriba oŋgita anök. ³³ *Anökmö, Samaria prowinsgö azi S kunŋan köna miyök anda ahöyöhi, mianğöreŋ aŋgota eka wösöŋi möta ehoriyök.

³⁴ “Ehoriba kösutŋe geba uziŋi kelök aka wain oŋan miriba esuhuyök. Uziŋi esuhuba memba kököbihiba doŋkiŋi qakŋe ala waŋgita qenjarök ahöahö mire anda ala köyan köl waŋgiyök. ³⁵ Köyan köl waŋgiba ahöba wahöta söŋanök silim yahötkö töwanji (Kina 10,-) uzeta qenjarök mirigö toŋi waŋgiba jiyök, ‘Azi ki mönö köyan köl waŋgiba malnöŋga moneŋ gihizali, mi kude dop köla oŋgitma ewö, mi mönö lilingöba kaba mianğöreŋ toroqeba gihimam.’ ³⁶ Azi karöbut könanamŋini mewö kondelget. Azi kegwek-kahasililiŋ yengö böröŋine geyöhi, yengö alanji danöŋ ahök? Yengöreŋök dagöra mötnöŋ, i uru kalem ak waŋgiyök?”

³⁷ Qesim waŋgiiga melenök, “Ak kömum waŋgiyöhi, yaŋön.” Mewö melenŋiga Jisösnöŋ jii mörök, “Gi mönö anda mewöŋanök aka malman.” Mewö.

Jisösnöŋ Marta Maria yetpuk kususuk tarök.

³⁸ *Jisösnöŋ gwarekurupŋi yembuk könanöŋ angetka Kembuŋinan miri kunöŋ angorök. Anğoriga ambi kun qetŋi Marta yaŋön köl öröm waŋgii miriŋe öngöyök. ³⁹ Martagö munŋi qetŋi Maria malök. Yaŋön Kembu eka könanji kösutŋe eta tata Buŋa keu jiyöhi, mi kezap ala mörök. ⁴⁰ Mörökmö, Martanöŋ lömbuan nupnöŋ öröi anda kaba mökösususu aka Jisösgöra jiyök, “Kembu, munan nömosöri nanök welen nup membi mötnöŋ dop kölja me qahö? Mianğöra mönö Maria jinöŋga kaba bauköm niŋgima.”

⁴¹ Jiiga Kembunöŋ melenŋa jii mörök, “Marta Marta, gi yuai könanji könanji mianğöra waimanjat möta mötkurumkurum aka könöpŋambuk aka kinjan. ⁴² Mewö kinjanmö, waimanjat mohok kun memba mem köhöininga dop kölma. Nini yuai sehisehiŋi mianğöra qahö osizin. Marianöŋ kewöta urugö likepŋi möhamgöm aŋgumamgö möwölöhöba simba-won akza. Malmalgö bahöŋi ölöŋpi mi kunŋan kun kude waŋgitma.” Mewö.

11

Jisösnöŋ köulukö könanji kusum enğiyök.

Mat 6.9-13; 7.7-11

¹ Jisösnöŋ miri kunöŋ köuluköba mali teköiga gwarekurupŋi yengöreŋök kunŋan kewö jiyök, “Kembu, Jon O-melun azinöŋ gwarekurupŋi köulukö könanji kusum enğiyöhi, gi mönö mewöŋanök nini kusum nenğiman.”

* 10:33: 2 Hist 28.15 § 10:33: Juda yeŋön Samaria ambazip jijiwilil ak enğizema. * 10:38: Jon 11.1

² Jiiga Jisösnöñ kewö jii mötket, “Inini köuluköbin jiba kewö jime: Iwi, göhö qetkan mönö töröñi ahöma. Mönö galöm köl neñginöñga bem-tohoñgahö öñji asuhuma. (Göhö jitsihitki Suepnöñ tem kölakzei, gölmenöñ mönö mewöñanök asuhuma.)

³ Gi wehön dop nene dopnine neñgiman.

⁴ Tosatñan bölöñi ak neñgigeri, nini körek yeñgö siñgisöndokñini mosötzin ewö, gi mönö neñgöreñ siñgisöndok sañgoñ neñgiman.

Gi esapesapnöñ eta neñgubapuköra añgön köl neñgiba Bölöñi Toñangö böröñeyök meköm neñgiman.”*

⁵ Jisösnöñ toroqeba kewö jii mötket, “Eñgöreñök kunñan sunjem bibiñe alañangö mire anda möndöba kewö jima, ‘Alani, beret karöbut niñginöñga likepñi bian meleñ gihibi. ⁶ Alani kunñan kónanöñ mala nöngöreñ kañgoriga neneñamni qahöpköra gumohom wañgimangö jaruzal.’ ⁷ Mewö jii alañan miri uruñeyök kewö meleñda jima, ‘Gi gaun gwölö ak neñgizan. Ni nañgunji lök köl köhöibiga nahönböraturupnan nömbuk tumbulahöpnini tumbula gaun ahözin. Mianğöra wahöta mi gihimangö osizal.’ ⁸ Mewö jimapmö, nöñön jibi mötket: Miri toñan alañi akzawañgöra aka qahö wahöta wañgimapmö, mi töndup kapañ köla jiba kinjawañgöra mi ölöp wahöta qesizawañgö dop körek wañgima.

⁹ “Nöñön mianğö likepñi kewö jibi mötket: Mönö Anutu köuluköme. Köulukögetka eñgima. Anutugöreñ mönö yuaigö böröñan memba jarume. Mi jarugetka kandeliga miwikñaime. Kinda nañgunöñ qeme. Qegetka nañgu tal eñgima. ¹⁰ Kunñan Anutu köulukömakzawi, yañön mönö likepñi buña qem añguma, yuaigö jarumakzawañön mönö mi miwikñaima. Nañgunöñ qemakzawañgöra mönö nañgu öröm wañgima.

¹¹ “Iwiurup eñgöreñök danöñ kewö akza: Nahöññan söragöra qesiiga salupñe qatö wañgima. ¹² me kuruk kötñangö qesiiga skorpion (nendan kömbukñi pomemba) wañgima? ¹³ Mewögöra inini ambazip bölöñi akze aka töndup kalem ölöpñi ölöpñi mi nahönböraturupñini eñgibingö mötze ewö, Sup Iwinöñ mönö kalemñi denöwö añgön kölbawak? Yañgö uruñangö ahakmemenji mi neñgoñgita tandökñi kun akza. Mianğöra Uña Töröñangöra köuluköba qesim wañgime ewö, yañön mönö sihimñan i melaiiga uruñine gema.” Mewö.

Jisösnöñ öme yeñgö ösumñini oñgita qei etza.

Mat 12.22-32; Mak 3.20-27

¹⁴ Ömenöñ azi kun töñöt aka numbunji jöhöiga mötök maliga Jisösnöñ ömenji mi wuatangöiga kota mosöri nesilamñan lolohoiga kunbuk keu jiyök. Keu jiiga ambazip kambu yeñön mi eka welipköget.

¹⁵ *Welipkögetmö, yeñgöreñök tosatñan kewö jiget, “Yañön mönö öme yeñgö kembunji Katakömulat yañgö ösumnöñ ömewöröme eñguatanğömakza.”

¹⁶ *Mewö jigetka tosatñan Jisös keugö bötaknöñ örömapköra esapköm wañgiba kewö qesiget, “Gi mönö jim kutunöñga Suepnöhök añgöletot kun asuhuiga ekin.” ¹⁷ Qesigetmö, yañön uru mötmötñini möt teköba kewö jii mötket, “Kantri denike yeñgö galömurupñinan sutñine añgururuk aka julmei, yeñön mönö ayuhum añgugetka kantriñinan bölöba sahopñanök

* **11:4:** Tosatñan keu mi kewö meleñda jimakze: bölöñeyök meköm neñgiman. * **11:15:** Mat 9.34; 10.25 * **11:16:** Mat 12.38; 16.1; Mak 8.11

ahöma. Mewöyök miri kungö könagesö yeñon julmei, mirinjan mönö qeçelanlan ahöma.

¹⁸ “Mötket! Satangö könagesö yeñon mewöyök sutñine anjururuk aka julbeak ewö, yeñon mönö gawman nupñini membingö osigetka ömetohonjan mönö denöwö kinbawak? Injini nõngöra kewö jize: Yañon Katakömulatkö ösumnöñ ömewöröme enjuatanğömakza. ¹⁹ Mewö jizemö, mötket, nõñon Katakömulatkö ösumnöñ ömewöröme közöl enğibileñak ewö, enğö alaurupñinan mönö dagö ösumnöñ mi közöl enğibeak? Mianğöra yeñon mönö keuñini ölni me qahö, mi kewöta jim teköme.† ²⁰ Mi jim tekömemö, Anutugö ösumñan nõngö börö kesötñi sölölohöi öme enjuatanğömakzal ewö, Anutugö bemtohonjan mönö enğöreñ kam kuñguza.

²¹ “Azi köhöikñan timbi liñgipñambuk miri gölmeñi galöm meiga suk-inapñan mönö kahaimök ahöma. ²² Mewö ahömapmö, azi köhöikñi kötökñan luhuba kaba qeba luhut al wañgiba timbi liñgipñi nariyöhi, mi körek wañgita qeçanđa sukinañi memba anda alaurupñi menden enğima.

²³ **“Kunñan nõmbuk qahö maljawi, yañon mönö qetal niñgimakza. Kunñan ambazip nõngö qetne tokomeğöra qahö öröm enğimakzawi, yañon mönö menden enğimakza.”* Mewö.

Öme yeñon azi uruñe lilingöbingö kapan kölje.

Mat 12.43-45

²⁴ “Ömenöñ azi uruñeyök kota gölme qararañkölkölñe anda lan liliköba mala luhut memamgö miri jaruba kun qahö miwikñaiba ölan yöhöiga kewö jima, ‘Mirini mosöta kazali, mianğöreñ mönö kunbuk lilingömam.’ ²⁵ Mewö jiba lilingöba mirinji usuñđa meñölöi ahöyöhi, mi mewöñanök ahöi miwikñaima. ²⁶ Mewö miwikñaiba anda öme tosatñi 7 enjuangitma. Öme 7 mi nanñi oñgita bölöñi kötökñi akze. Yañon mi enjuangiriga kaba miri mi öngöba mianğö uruñe malme. Mewö aiga azi mianğö könarñi mutuk kileñkileñ ahökmö, könanğep bölüm qölim teköma.” Mewö.

Denike yeñon simbawoñ akze?

²⁷ Jisösnöñ keu mewö jiba mali ambazip kambu sutñineyök ambi kunñan qeta Jisös kewö jii mörök, “Gömokni, ambinöñ gölöm ala gömimba juzu gumohom gihiyöhi, nõñon yañgö mötpi simbawoñ akza.” ²⁸ Mewö jiyökmö, Jisösnöñ kewö melenñök, “Mi jizanmö, nõñon kewö jimam: Ambazip Anutugö keugöra kezap ala möta tem köla köl gulimakzei, yeñon mönö simbawoñ akze.” Mewö.

Böhi tosatñan anğöletoköra kapan köla uletket.

Mak 8.11-12; Mat 12.38-42

²⁹ *Ambazip kambunöñ tokogetka qarriiga Jisösnöñ toroqeba keu kewö jiyök, “Ambazip merak gölmenöñ maljei, mi kambu bölöña. Yeñon Anutugö aiwesökñanğöra kapan kölakzemö, aiwesök kun kezapqetok azi Jonagöra lök asuhuyök. Anutunöñ aiwesök murutñi kun qahö al enğima.

³⁰ *Keu mianğö könarñi kewö: Anutunöñ mönöwök Jona melaiiga Niniwe

† **11:19:** Nanñini sile galömurupñinan Anutugö qetñi qeta töndup öme mi Katakömulatkö kukösumnöñ közöl enğigetka nõñon mi Anutugö ösumnöñ közöl enğimakzal. Öroröñ qahö kinjinanğöra dañon ölni aka dañon keu muneñi wuatanğömakzawi, mi ambazipnöñ kewöta jim teköme.

* **11:23:** Mak 9.40 * **11:29:** Mat 16.4; Mak 8.12 * **11:30:** Jona 3.4

yeŋgö sutjine anda Anutugö aiwesökŋi ahök. Miangö dop Suep gölmegö azi öljän mewöyök ambazip kambu kiangö sutjine asuhuba uruŋini melenmegöra kuŋgum eŋgiba aiwesökŋina akŋa.

31 **“Könaŋamŋinaŋgö kaisösöpŋi kun kewö: Anutunöŋ mönöwök mötkutukutu öŋgöŋgöŋi ketanji mi kiŋ Solomon waŋgiiga Saut görökenök kantri kungö qin ambinöŋ Solomongö mötkutukutuŋi mötmamgö sihimŋi mörök. Sihimŋi möta gölme göräŋeyök wahöta köna köröp tiŋtiŋi kaba mala Solomongö mötmötŋi mörök. Mi mörökmö, mötket, nalö kewöŋe nöŋön sutjine asuhuba kinda Anutugöreŋ mötkutukutu öŋgöŋgöŋi memba kazali, mi Solomongö mötkutukutuŋi oŋgitzä. Oŋgitzapmö, iŋini töndup nesampurek ak niŋgiba tönpin kingetka qahö dop kölja.*

“Miangöra Anutunöŋ könaŋep ambazip körek pakpak öröm eŋgii keuŋini jim tekömapköra jeŋe aŋgotmei, nalö miangöreŋ Saut kantrigö qin ambi mianön mönö mewöyök aŋgotma. Yaŋön ambazip kambu ki kinjei, embuk öröröŋ kömupnöhök wahöta eŋgö qöhöröŋine mohotŋe kinma. Mohotŋe kindä keu kewö eŋgö silenine alma, ‘Iŋini Jisös nesampurek ak waŋgigetka Anutunöŋ likepŋi melen eŋgii sihimbölä öŋgöŋgöŋi mötme.’ Yaŋön mewö jüga silikŋi kewöta nanŋinaŋgöra gamuŋini mötme.

32 **“Jonanöŋ Niniwe ambazip sutjine anda Anutugö keunöŋ uruŋini kuŋgui möta miangöreŋök uruŋini melengetmö, mötket, nöŋön sutjine asuhuba kindä Jonagö ahakmemeŋi oŋgita ahakzal. Mewö ahakzalmö, iŋini töndup nesampurek ak niŋgimakze.*

Miangöra Niniwe ambazipnöŋ jimtekötekögö nalö ketanje ambazip kambu ki kinjei, embuk öröröŋ kömupnöhök wahöta eŋgö qöhöröŋine mohotŋe kinme. Mohotŋe kindä Niniwe yeŋön keu kewö eŋgö silenine alme, ‘Iŋini Suep gölmegö azi öljä nesampurek ak waŋgigetka Anutunöŋ likepŋi melen eŋgii sihimbölä öŋgöŋgöŋi mötme.’ Niniwe yeŋön mewö jigetka ahakmemeŋinan nanŋini könaŋamŋini indelgetka gamuŋini mötme.” Mewö.

Kiwa mi asakŋi neŋgimapköra ahöza.

Mat 5.15; 6.22-23; Mak 4.21-23

33 **“Kunŋan lambe me kiwa ohotiriba köwe waŋgömŋe me kimbutnöŋ qahö almapmö, mi mönö miangö dum tatatnöŋ alma. Mewö ali tosatŋan miri uruŋe öŋgöbingö mötzei, yeŋön miangö asakŋi eka öläp öŋgöme.* 34 *Göhö jegi mi uru silegahö kiwaŋi akza. Miangöra kawöl kunöŋ jegi qahö mem böliza ewö, mianön mönö tohoba asarim teköi Anutugö asakŋan öläp uruge mem asariiga malmalgi pakpak asakŋe malman. Asakŋe malmanmö, sihim kömbönaŋi bölöŋan me yuai kunŋan jegi mem böliba asakŋi közambötza ewö, mianön silegö malmalgi mewöyök mem söŋauiga pandaman uruŋe jipjap malman.*

35 *“Mewö aiga mötnöŋ, söŋaupnöŋ urugahö asakŋi közamböri söŋaubapuköra mönö tihitki möta galöm mem aŋguman.* 36 *Mewö aknöŋga Anutugö asakŋan urugi körek dop köli waŋgömŋi kun qahö söŋauza ewö, göhö silegan mönö mewöyök asoŋ-kilik-kilikŋambuk aka jemesoholgan asariza. Kiwa ketanjan silege kuŋguba kölköl-bilikbilikŋambuk mem asarim gihizawi, malmalgi mönö miangö dop Anutugö asakŋe al teköba malman.” Mewö.*

* 11:31: 1 Kiŋ 10.1-10; 2 Hist 9.1-12 * 11:32: Jona 3.5 * 11:33: Mat 5.15; Mak 4.21; Luk 8.16

Urumelenḡo silesile tandökora ‘Yei!’ jiiga 6 ahök.

Mat 23.1-36; Mak 12.38-40; Luk 20.45-47

³⁷ Jisösnöḡ keu mi jim teköi Farisi (Köna keugö kapaḡkölköl) azi kunöḡ kewö jiba köl öröm waḡḡiyök, “Gi ölop nöḡḡö mire öḡḡöba tata nene nembin.” Mewö jiiga anda öḡḡöba nene nemamḡö tarök. ³⁸ Mutuk böröḡi qahö saḡḡoḡda eta tarökḡö, Farisi azinöḡ silik mi eka welipköyök. ³⁹ Welipköiga Kembunöḡ kewö jii mörök, “O Farisi inḡini mönö öḡḡa amöt qem aḡḡubingöra qambi aka al nenegö silenḡi saḡḡoḡ yakömakzemö, nanḡini uruḡinan mönö tölohoza. Mi dogo jimamöḡ aka qewöloḡ mianḡön kokolak qei malje.

⁴⁰ “O inḡini, uruḡini qahö. Kunöḡ silenḡi pakpak miwikḡaiyöhi, yaḡön mönö uruḡi mewöyök miwikḡaiyök me qahö? Inḡini mönö wuanöḡḡöra uru likeḡḡaḡḡöra taḡḡaḡ akze? Mi qahö dop köḡja. ⁴¹ Mianḡöra yuai kiwi al nenenöḡ tatzawi, mi mönö kalema ambazip wanapḡi eḡḡime. Mewö aketka Anutunöḡ amöt qem eḡḡii eḡḡoreḡ yuai pakpak mönö sarakḡi ahöma.” Mewö.

⁴² * “O Farisi ambazip, lömböt qakḡine öḡḡözawaḡḡöra mönö wölkiköba ‘Yei!’ jizal. Inḡini nene pakpak mendeḡda bahöḡi 10 mianḡoreḡök mohot Anutuḡö buḡaya qemakze. Gipḡi, supe aka yöha könaḡi könaḡi mi mewöyök meḡdeḡda tenöhök mohot mi Anutuḡö buḡa qemakze. Naluk mi törörök alakzemö, Köna keugö köḡḡi bohönḡi ki mönö oḡḡita mosörakze: Gi Anutu uru könöḡgan jöpaköm waḡḡiman aka ambazip sutḡine ahakmeme diḡḡiḡi wuatḡḡöba malman. Keu bohönḡi mi mönö kapaḡ köla wuatḡḡöba malme aka keu morömörö mi mewöyök kude oḡḡita mosötme.

⁴³ “O Farisi, lömböt qakḡine öḡḡözawaḡḡöra mönö wölkiköba ‘Yei!’ jizal. Inḡi köuluk mire dum tatat mutukḡe jeḡep tatḡingö sihimḡi mörakze. Maketnöḡ me könanöḡ ambazip eḡḡeketka jölöḡini jimeḡö mörakze. ⁴⁴ O inḡini, lömböt qakḡine öḡḡözawaḡḡöra wölkiköba ‘Yei!’ jizal. Inḡini qaksiri qetḡini qahö mianḡö dop akze. Ambazipnöḡ qamöt wörönḡambuk denike ahözawi, mi qahö möta qakḡine lanḡaḡ tiba yuai dönqizinḡambuk oseiba tölohomakze.” Mewö.

⁴⁵ Jisösnöḡ keu mewö jiiga Köna keugö böhi yeḡḡoreḡök kunḡan möta melenḡa kewö jiyök, “Böhi, gi keu mewö jiba nini mewöyök gamu qem nenḡizan.”

⁴⁶ Mewö jiyökḡö, Jisösnöḡ keu kewö jiyök, “O Köna keugö böhi, eḡḡö qakḡine mewöyök lömböt öḡḡözawaḡḡöra wölkiköba ‘Yei!’ jizal. Inḡini keuḡi keuḡi jim kutuba mianḡö köḡḡöḡ lömbötḡi ambazip qakḡine alagun algetka mi tem köḡḡingö lömböriiga jaraḡbaraḡ ahakzemö, nanḡinak i kesötḡinan borom kun bauköm eḡḡibingö wösömötmötḡini kun qahö ahöza.

⁴⁷ “O inḡini, lömböt qakḡine öḡḡözawaḡḡöra mönö wölkiköba ‘Yei!’ jizal. Inḡini kezapqetok ambazip yeḡḡö qaksirinöḡ simen koun memba meḡölömakzemö, nanḡini ambösakonḡinan mönö i eḡḡuget kömuget. ⁴⁸ Nanḡini ambösakonḡinan kezapqetok ambazip eḡḡuget kömugetka inḡini yeḡḡö qaksirinḡine koun memba simen alakze. Mewö aka mianḡön ambösakonḡini yeḡḡö ahakmemegöra imbi köla keuḡini naḡḡöba jiba dangunu ewö kinje.

⁴⁹ “Mianḡöra Anutu, mötkutukutu Tonḡi yaḡön kewö jiza, ‘Nöḡön kezaḡḡetok ambazip aka aposol melaim eḡḡibi eḡḡoreḡ kame. Kagetka

* 11:42: Lew 27.30

yengöreñök tosatñi i enjuget kömume aka tosatñi sesewerowero ak enjime.’

⁵⁰ “Anutunöñ Suep gölme miwikñaim etkiyöhi, nalö miangöreñök könahiba kezapqetok ambazip enjugetka sepñini mokoget eri, miangö sep kitipñi pakpak mi ambazip merak maljei, mönö engö qakñine öñgöi sihimbölö mötme. ⁵¹ *Abelgö sepñan eri miangöreñök könahiba enjuba kota mala Zekaraia jöwöwöl alta aka jöwöwöl jike kömbukñi mietkö sutñire qeget sepñi eri miangöreñ teköyök. Nöñön keu kewö jibi mötme: Sepñinañgö kitipñan mönö ambazip merak maljei, engö qakñine öñgöiga sihimbölö mötme.

⁵² “O Köna keugö böhi inini, lömböt qakñine öñgözawañgöra mönö wölkiköba ‘Yei’ jizal. Inini Anutugö mötmöt membingö nanju ki moröñi mi ambazip enjuangita anñön köñ enjimakze. Nanninak miangö uruñe qahö angotket aka tosatñan miangö uruñe angotpingö akzei, inini i jöhöba anñön köñ enjiba malget.”

⁵³ Jisösnöñ keu mewö jiba mosöta ani Köna keugö böhi aka Farisi yeñön könahiba keu könöpnambuk jim wañgiba keu könani könani jimapkö qeçesi gwötputk al wañgiget. ⁵⁴ Al wañgigetka numbuñeyök keu kun qiwitipköiga miangön köpeiba keugö bötaknöñ örömapköra mönöget. Mewö.

12

Urumelengö silesile malmalgö galöm meme keu

Mat 10.26-27

¹ *Jisösnöñ keuñi jüiga nalö sutñe miangöreñ ambazip tausenni tausenni yangöreñ tokoba ölöqölököba utakutal anjuba kinget. Mewö aka kingetka könahiba gwarekurupñi kewö jii mötket, “Yuai mutukñi ki: Inini mönö Farisi (Köna keugö kapañkölköl) yengö urumelengö silesile ahakmemeninañgöra galömñini meme. Mi wösö kömbukñi ewö akza. Mi qahö mosötme ewö, miangön mönö yist ewö qariba mem bölim enjima.

² * “Ambazipnöñ yuai önun meget ahözawi, mi pakpak mönö kötulgetka aukñe ahuma. Mewöñanök keu asambötket ahözawi, mi pakpak mönö indelgetka möt kutume. ³ Miangöra mönö keuñinañgö galöm memba malme. Inini keu söñaupnöñ ölöñ jimei, mi mönö asakñe jigetka mötme. Inini miri uruñe wañgömñi kungen sañepnöñ kezapñine jimei, mi sobemnöñ aukñe jim asarime.” Mewö.

Dagöra kenğötñini mörin dop köлма.

Mat 10.28-31

⁴ “Alaurupñi nöñön engöra kewö jibi mötme: Tosatñan silenini qem kömumba miangö andöje yuai kun toroqeba akingö osimei, yengöra mönö kenğötñini kude möta malme. ⁵ Mi qahöpmö, dagöra kenğötñini mötketka dop kölmawi, nöñön mi kondel enjimam. Kun dañön kukösum memba enjui kömugetka tötal enjii könöp sianöñ gemei, yangöra mönö kenğötñini möta malme. Engöra keu mi kunbuk jizal: yangöra mönö kenğötñini möta malme!

⁶ “Tosatñan bekösöm (jöröröm, ulisit) 5 mi toiya yahötñan söñgöröñi memegöra alakzemö, Anutunöñ miengöreñök mohok-kungö qahö ölum qeyök. ⁷ Anutunöñ köyan köñ enjiba nörop jupñini pakpak mewöyök oyon teköba jañgöñini mötza. Ambazip engö söñgöröñini mi bekösöm ulisit

* 11:51: Jen 4.8; 2 Hist 24.20-21 * 12:1: Mat 16.6; Mak 8.15 * 12:2: Mak 4.22; Luk 8.17

gwötpuk engonḡita öngöngöni akza. Mianḡöra kenḡötḡini mönö kude möta malme.” Mewö.

Kraist jim miwikḡaime me qaḡ kölme?

Mat 10.32-33; 12.32; 10.19-20

8 “Nöḡön keu kun jibi mötket: Kunḡan ni ambazip jeḡine jim miwikḡaim niḡimawi, Suet gölmegö azi öḡan mönö mewöḡanök i Anutugö garataurup yeḡö jeḡine jim miwikḡaima. 9 Mewömö, kunḡan ni ambazip jeḡine qaḡ köl niḡimawi, nöḡön mönö mewöḡanök i Anutugö garataurup yeḡö jeḡine qaḡ kölman.

10 * “Kunḡan Suet gölmegö azi öḡi qetala keu jimawi, Anutunöḡ mi ölop mosötmapmö, kunḡan Uḡa Töröḡi ilita mepaqepaik akḡawi, yaḡö siḡisöndokḡi mi Anutunöḡ qahö mosötma.

11 * “Ambazipnöḡ iḡini öröba keu jakeḡine al engigetka köuluk miriḡine me kiap premiö aka kantriḡi kantriḡi miengö kiḡ kembu yeḡö jemesoholḡine kinmei, nalö mianḡoreḡ keuḡinaḡö likepḡi wani keuya denöwö jibinak mianḡö waimanḡatḡi kude mötme. 12 Mi kewögöra: Iḡini keu jimeḡ, mi Uḡa Töröḡan aua mianḡoreḡök kusum engiḡa jime.” Mewö.

Nepaqepalok azi pomḡaḡö dopkeu

13 Ambazip kambu sutḡineyök azi kunḡan Jisösgö jiyök, “Böhi, iwiniran kömuḡa gi mönö datnaḡö jinöḡa iwiniraḡoreḡ börösamotḡi mendeḡda niḡgima.”

14 Mewö jiyökmö, Jisösnöḡ kewö melen waḡiyök, “O azi, daḡön etkö jimtekötekö toḡiri akḡangöra kuḡum niḡiyöha gölmeḡiri mendeḡbilenḡak?” 15 Mewö jiba keu kewö toroqeyök, “Inap ainemalukuḡinan awamḡanök me kelenmaleleḡ ahöbawak, malmalḡinaḡö könaḡi mi mianḡoreḡ qahö ahöza. Malmalḡini qahö kewöta moneḡ sukinapnöḡ möndöme ewö, mönö ayuhume. Mianḡöra membagun membingö nepaqepalok (gridi) pakpaköra mönö galöḡjini memba malme.”

16 Mewö jiba dopkeu kun kewö jii mötket, “Azi pomḡi kun malök. Yaḡön gölmeḡe nene nupḡi meḡa töhötmöriam ketanḡi asuhuyök. 17 Mi asuhuiḡa uruḡan kewö mötmöriba jiyök, ‘Nöḡö köwe mirini mi morörökḡi. Mianḡöra padi gösöḡi gösöḡi, koḡ kambuḡi kambuḡi, sehoḡ böranḡi böranḡi mi mönö denikeaḡoreḡ tokobilenḡak? Mönö denöwö akḡamto?’ 18 Mewö jiba jiyök, ‘Mönö kewö akḡam: Ni köwe mirini köndeḡda salupḡe köwe miri ketanḡi ketanḡi memam. Mi memba nene töhötmöriamni aka sukinapni pakpak mönö mianḡoreḡ qezaköbi tatma. 19 Mianḡoreḡ tariga nanaḡöra kewö jimam: O gi simbawoḡ! Töhötmöriamḡi mönö awamḡi qahö ahöm gihiza. Mianḡöra mönö nene nem söḡgaiba yambuḡi yambuḡi siyoḡsayoḡi qahö luhut memba ösöḡ malman.’ 20 Mewö jiyökmö, Anutunöḡ kewö jii mörök, ‘O gi, urugi qahö! Nöḡön nalöḡi ala jim teköba uḡaḡi suḡgem kianaḡoreḡök goaḡgitpiga kömuman. Kömunöḡa öröyuai pakpak buḡa qem aḡguba malnöḡi, mi mönö dagö buḡaya akḡapto?’

21 “Kunḡan nanḡaḡöra ainemaluku guli dötnam yuai tokomakzapmö, Anutugö qöhöröḡe urugö töhötmöriamḡi qahö ahöm waḡizawi, yaḡgöra mönö lömböt ketanḡi mewö asuhuma.” Mewö.

* 12:10: Mat 12.32; Mak 3.29 * 12:11: Mat 10.19-20; Mak 13.11; Luk 21.14-15

Anutu möt nariba waimanjat kude akɲe.

Mat 6.25-34

²² Jisösnöŋ gwarekurupɲi kewö jii mötket, “Mewö asuhumapmō, nöŋön engöra kewö jibi mötket: Inini gölmenöŋ malmeangö waimanjatɲi mi kewö jiba kude akɲe: Nini mönö wanat yuainöŋ gumohom aŋgubinak aka wanatnöŋ sileninaŋgö löngötɲinak? ²³ Sileninaŋbuk maljei, mianön bohonɲi aiga opo kereŋnöŋ mönö miangö nembö bapɲe ahöza. Jeŋinaŋbuk maljei, mianön bohonɲi aiga nenenöŋ mönö miangö nembö bapɲe ahöza.

²⁴ “Mönö koekoe nei engekɲe: Mienön nene kötni qahö qesin gilakze. Padi ölni qahö yandiba köwe mirinɲine qahö tokomakze. Yöha sihinɲini mi qeköm nembu mirinöŋ qahö alakze aka Anutunöŋ mi töndup i gumohom engimakza. Ambazip engö söngöröŋini mi nei söngöröŋini engongita öngöba ahöza. Mönö mi mötmöriget anök.

²⁵ “Engöreŋök kunɲan waimanjat aka mewö mianön gölmenöŋ mal-mawaŋgö nalöŋi mi sömaɲi mohotkö dop mem toroqema me qahö? Mi qahöpmahöp!”

²⁶ “Mewö aiga yuai morörökɲi mewö akingö osime ewö, yuai tosatɲi pakpaköra mönö denöwögöra waimanjat akeak? ²⁷ *Inini mönö jariŋ juranɲi aködamunɲinaŋbuk mi engekɲe: Mienön opo söroninaŋgöra möt qahö löŋgalakze. Nup yuai tosatɲi kun qahö memakze aka mi töndup kewö jibi mötket: Kin Solomonöŋ goul silwöŋi qeraköba malukuɲi asoŋ-bilikbilikɲaŋbuk löŋgöta malökmö, yaŋgö malukuɲi mi kiten soranɲinöŋ dop eksihimɲaŋbuk qahö ahöyök.

²⁸ “Jariŋ juranɲi töhöŋ mi merak gölmenöŋ kösutnine ahöi uran kölgetka eri gila qezaköba ohoget jema. Mi töndup Anutunöŋ juranɲi mewöŋi kun mi tok ölöŋanök meŋölömakza. Miangöra yaŋön inini mewöyök ölöp esuhum engima. Inini jariŋ juranɲi miangö dop qahö akze. Anutunöŋ köyan köl engimangö mötzawi, sihimɲi mianön mönö yuai pakpak engongita öngöza. O ambazip, mötnariŋinan mönö wuanöŋgöra morörökɲi akza?”

²⁹ “Mewö aiga inini mewöyök malmalɲinaŋgöra mötkurumkurum kude akɲe. Mi aka lömböriba kewö jibepuk, ‘Nini mönö wani nene aka wani o nembinak?’ Mewö jiba uruɲini miangöreŋ kude ala urueret aka urukönöpuk miwikɲaibepuk. ³⁰ Kantri dop urumelengö kopa yeŋön yuai mewöŋi pakpak buɲa qem aŋgubingö kapaŋ köla urukönöp ahakze. Mi ahakzemö, inini nene opo yuaigöra mözöröŋgöba osizei, Iwiŋinan mönö mi möt teköza. ³¹ Miangö urukönöp kude akɲemö, mönö Anutugö bemtohoŋnöŋ aŋgotpingö kapaŋ kölme. Uruɲini miangöreŋ alget ahöiga yaŋön mönö galöm köl engiba yuai mewöŋi mi mewöŋanök toroqem engima.” Mewö.

Buɲanini Suepnöŋ me gölmenöŋ tokoinga dop kölja?

Mat 6.19-21

³² “O kambuni morörökɲi, Iwiŋinan bemtohoŋ al engimangö mötzawaŋgöra mönö kengötɲini kude möta malme. ³³ Gölmegö monen inapɲi mi kapaŋ köla qeraköbepuk. Miangöra yuai ahöm engizawi, mi mönö söngöröŋaŋgö ala monen öröba bahöŋi ambazip wanapɲi kalemɲinaŋgöra engime. Mewö aketka qetbuɲanɲini guli dötnam ewö mi Suep mire ahöba sehiba kude qahöwakɲa. Monen gösöŋini qainɲi kun mi

* **12:25:** Tosatɲan kewö melenɲa jize: Engöreŋök kunɲan waimanjat aka mewö mianön silenɲi wan fitkö dop toroqeba mem körimangö osima. * **12:27:** 1 Kin 10.4-7; 2 Hist 9.3-6

Suep miangörej qahö bölime. Gurem jijilukut aka yongorö meme yeñon mönö eu öngöba yuai mem bölibingö osime.

34 “Yuaigöra aködamunñi memba mötnöñ öngözawi, miangön miri kungen ahöiga göñon mönö urugi mewöyök miangörej qekötahöba malman.” Mewö.

Urugwölö mala nup megetka dop kölma.

35 * “Inini mönö Anutugö nupñi membingöra jöjöröba opo söröñini jöhöm yaköba aködamunñinambuk kinda uruñinañgö kiwanan ohotirigetka jeiga malme. 36 *Mi kiangö dop: Miri toni kun mi ambazip amemegö lömbuanñöñ kaba söngaibingöra öröm wangigetka anök. Miangörej ani moröurupñan mire tata lilingömapköra jeñinan yaigep uba ‘Kinsin-pañsan!’ jiba kapañ köla mambötze. Mamböta malgetka yañon nalö miangörej me miangörej kangota nangunöñ qebawak, yeñon mönö miangörejök nanju örögetka kotma. Inini mönö morö miengó dop aka jöjöröba malme.

37 “Kembunöñ lilingöba kaiga nup memeurupñi tosatñan urugwölö malgetka mewö miwikñaim engimawi, yeñon mönö simbawon akze. Nöñon ölna kewö jibi mötket: Yañon kangota tokom engiba nene dumnöñ ali tatketka nene gumohom engimangö jöjöröm anguba welen qem engima. 38 Yañon ömbibiñe me miri awöranögöiga miangörej lilingöi tosatñan urugwölö malgetka miwikñaim engimawi, yeñon mönö simbawon akze.

39 * “Gwölö malbingö keu ki mönö ölop mötmörime: Sungem aiga kegwek azinöñ wanat nalönöñ me auanöñ kamawi, miri tonan mi mötpawak ewö, yañon mönö gwölö mala miriñi ölop galöm meiga qesin da öngömangö osima. 40 Inini ‘Suep gölmegö azi ölnan nalö kiangörej qahö kangotma,’ jiba mötmörime, yañon mönö nalö miangörejök kangotma. Miangöra inini mewöyök jöjöröba malme.” Mewö.

Nup azinöñ silek malek mala ayuhuyök.

Mat 24.45-51

41 Jisösnöñ keu mewö jii Pitönöñ qesiyök, “Kembu, gi dopkeu ki mi nengöra me ambazip tosatñi pakpak yeñgöra mohok jizan?”

42 Mewö qesii Kembunöñ jiyök, “Nup meme ambazip sutñine danön tin kutuba tosatñi engongitza? Tosatñan sörörauba nup mosötketka kunñan mötkutukutu ölopñangö qakñe kapañ köla pöndañ memakzawi, yañon mönö simbawon akza. Miri tonan ahakmemeñi kewöta eka kungen anda miriñangö öroyuaiñi mi yangö böröñe ali galöm akña. Galöm aka welen-qequeurupñi jiyöhanö dop köyan köla nalö diñdine gumohom engimakña. 43 Mewö köyan köl engiba maliga tonan lilingöba kaba mewö eka mönö simbawon jima.

44 “Nöñon keu ölni kun kewö jibi mötket: Tonan simbawon jiba sukinañi pakpakö galömñi kuñgum wangima. 45 Kuñgum wangimapmö, nup meme okonñi yañon uruñan mötmöröba kewö jima ewö, ‘Kembunangö kaka nalöñan mönö köröpñi ahöza.’ Mewö jiba könahiba nup meme ambazipurupñi engum ureiba közölömbuan ala söngaiba o köhöikñi nemba uruñi sohoiga enololon silek malek aka malma. 46 Mewö mala nalö kunöñ Kembunñi kangotmapköra qahö mambötmawi, mönö miangörej kangotma. Nalögöra ikmaok inululun mali mönö aua miangörej kangota

* 12:35: Mat 25.1-13 * 12:36: Mak 13.34-36 * 12:39: Mat 24.43-44

geba yaijapalelen mem wan̄giba jim kutuiga qequetal ambazip ewö könöp sianöŋ geba sihimbölö mötma.

47 “Nup meme kunjan Kembun̄angö jitsihit̄ni möt yaköyökmö, keu aren̄i jiyöhangö dop qahö jöjöröm an̄guba nup̄ni memba malöhi, Kembun̄an miangö likep̄ni jiiga jöhöba ihileknöŋ ambem̄ni gwötpuk qeaköba qeme. 48 Mewö qememö, nup meme azi kunjan Kembun̄angö jitsihit̄ni qahö möt yaköba yuai aka meiga likep̄ni ölop̄ jiget ihileknöŋ qemeangö dop akzawi, Kembunöŋ miangö likep̄ni jiiga amqeqen̄i qeme. Anutunöŋ kungöra yuai gwötpuk wan̄giyöhi, yan̄ön mönö mi mem sehiiga öln̄i gwötpuk ahumapköra al mambötma. Anutunöŋ kungöra yuaigö warök̄ni sehisehin̄i al wan̄giyöhi, yan̄ön mönö mi mem sehiiga öln̄i sehisehin̄i ahui melen̄ wan̄gimapköra qesima.” Mewö.

Jisösnöŋ könöp bölam memba eri den̄ök.

Mat 10.34-36

49 “Nöŋön gölmenöŋ könöp ala ubi jemapköra etpiga urusihimni miangö bölam̄nan lök jeyöhangöra ahöza. 50 *Ahözapmö, mi ‘Ala umam,’ jibi sihimbölö gwötpuk mi nöŋgö qakne öngöba mösölumgöm ningimangö ak̄ña. Anutunöŋ mewö miangön̄ melun murut̄ni mem ningima. O ni wahöjalin̄ ketan̄i möta malbi mem ningii miangören̄ teköma. 51 Kewö mötmöribepuk: Jisösnöŋ luai qemangöra aka gölmenöŋ erök. Nöŋön kewö jibi mötket: Nöŋön luai qemangöra qahöpmö, nöŋgöra aka jula den̄getka köŋ jabö ahuma.

52 “Mi kewögöra jizal: Nöŋgö Buña keunan ambazip uruŋini kun̄gui melen̄geran̄göra nalö kewöŋeyök könahiba kewö asuhuma: Miri kungö uruŋe ambazip 5 yeŋön sut̄jine an̄gururuk aka julme. Likep karöbut yeŋön yahöt yetpuk an̄gururuk aketka likep yahöt yetkön karöbut yembuk jujul aka malme. 53 *Iwi morö yetkön jula kerök-kerök ahotka nam morö yetkön tötal an̄guyohotka iran̄nan iran̄ni qetala julmahot.” Mewö.

Nalö maljini, mi möt kewötme.

Mat 16.2-3

54 Jisösnöŋ toroqeba ambazip kambu yeŋgöra kewö jii mötket, “Wehön gegeŋe miri böuleiba kousu töwiiga in̄ini mi eka miangören̄ök ‘Kie kama,’ jimakze. Mewö jigetka kama. 55 Saut görökenök luhut giliga eka möta kewö jimakze, ‘Miri könöp̄nambuk ak̄ña.’ Jigetka miangö dop ak̄ña. 56 O urumelen̄gö silesile ambazip, in̄ini suep gölmegö tandök̄niri eka kie wehögö könan̄iri ölop̄ kewörakzemö, nalö ki maljini, miangö könan̄i qahö kewöta möt kutugetka qahö dop kölja.” Mewö.

An̄gururuk̄ini mindin̄gögetka solanima.

Mat 5.25-26

57 “In̄ini ‘Yuai din̄in̄i mi denöwö akin,’ jiba miangö könan̄i mi denöwögöra aka nan̄jinak qahö kewöta jim tekömakze? Mi qahö dop kölja. 58 Kerök̄an silege ala keu jaken̄e öröm gihimangö aiga jimtekötekö galömgören̄ anda köna nam̄je miangören̄ mönö kapan̄ köla imbi mohok aka keun̄jiri jim solanimahot. Mewö qahö ak̄nahot ewö, kerök̄an ölop̄ örörahöm gihiga (jas, majistreit) jimtekötekö ton̄angö jeŋe an̄gotnöŋga möta jii opotöröpkö böröŋe genöŋga kösö mire al gihibapuk. 59 Nöŋön kewö jibi mötnöŋ, Gi miangören̄ töwagi pakpak alman̄angö dop qaköba

* 12:50: Mak 10.38 * 12:53: Mai 7.6

tatman. Toiyagi kondikni mewöyök al teköbagun mönö töwagi memba etman.” Mewö.

13

Urujini melenget me kōmumba ayuhuget.

¹ Nalö miangörenök tosatnjan kanjuta Jisös kösohot kewö jiget mörök, “Galili ambazip tosatnjan Jerusalem jikenöy jöwöwöl ohogetka premiö Pailötnöy jiiga suahö galömurupnjan miangören öngöba engum kömugetka sepnjini eta lama bulmakau sepnjinambuk lolonqalon ahök.”

² Mewö jigetka melenđa kewö jii mötket, “Injini miangöra kewö mötmöribepuk: Galili ambazip mienön Galili ambazip tosatni pakpak engongita singisöndok aka malgerangöra sihimbölö mi mötket. ³ Mewö qahöpmö, nöñön kewö jibi mötket: Injini urujini qahö melenme ewö, injini körekñan mönö mewöyök ayuhum teköme. ⁴ Me miri qetni Siloam miangören miri köröñni kunjan eta köla ambazip 18 turum enjii kömugeri, injini yengöra kewö mötmöribepuk: Yenön Jerusalem könagesö tosatni pakpak engongita singisöndok aka keunjinambuk malget. ⁵ Qahöpmö, nöñön kewö jibi mötket: Injini urujini qahö melenme ewö, injini körekñan mönö mewöyök ayuhum teköme.” Mewö.

Muli ip gorosonñangö dopkeu

⁶ Jisösnöy dopkeu kun kewö jiyök, “Azi kunjan muli ip kömöri nupje kota kini miangö ölni jarumangö anökmö, kun qahö miwikñaiyök. ⁷ Qahö miwikñaiya nup galömnangöra jiyök, ‘Mötnöy, nöñön muli ip kiangö ölni yambu (yara) karöbutkö dop kaba jaruyalmö, kun qahö miwikñaijal. Miangöra mi mönö wuanöngöra toroqeba gölmegö kelökni önewat öroi sihitñanök akapuk. Miangöra mi mönö köla gilnöy anma.’ ⁸ Tonjan mewö jiyökmö, galömnöy melenđa jii mörök, ‘O azi kembuni, mi ölop mosötnönga yambu (yara) ki kunbuk kinma. Nöñön nalö sutje kiangören kinonöy gölme esiba kundupköba isonbason ala liliköbi kelökñambuk akña. ⁹ Nöñön mewö akiga yambu (yara) andöje miangö ölni ölop ahubawak. Mi qahö ahuma ewö, mi ölop kölman.’ ” Mewö.

Jisösnöy Sabat kendonöy ambi kun mem ölöwahök.

¹⁰ Jisösnöy Sabat kendonöy köuluk miri kunöy öngöba Buña keu kusum enjiiyök. ¹¹ Miangören ambi kun tarök. Ömenöy yambu (yara) 18 miangö dop mem löwörim wanjiiga könisemni milipköiga qötöteimangö osiba tata malök. ¹² Jisösnöy ambi mi eka oholi kaiga kewö jii mörök, “Ambi, eksekpeksek kawölgan mönö gömosöri ölöwakzan.” ¹³ Mewö jiba böröñi nöropñe ali miangörenök qötöteiba Anutu möpöseim wanjiyök.

¹⁴ *Möpöseim wanjiyökmö, Jisösnöy Sabat kendonöy ambi mi mem ölöwahöhi, köuluk mirigö galömnjan mi eka miangöra möri bölii keu könahiba ambazip kambu yengöra jiyök, “Nup memegö nalö 6 ahözawi, miangören mönö kaba mem ölöwak engimapaköra jime. Mi Sabat kendonöy qahö.”

¹⁵ Mewö jiyökmö, Kembunöy melenđa kewö jiyök, “O urumelenjö silesile ambazip! Injini pakpak bulmakau azinjini me donkijnini mi Sabat kendonöy mireyök pösata enjuañgitetka onöy anda nemakze me qahö? Engörenök kunöy mi qahö anjön köl enjimakza. ¹⁶ Mötket! Ambi kianön Abrahamgö gwölönaröha aiga Satanöy jöhöm wanji yambu (yara)

* 13:14: Eks 20.9-10; Dut 5.13-14

köröpñi 18:gö dop maliga nöñön kösöñi mi Sabat kendonöñ pösatpi dop köl eñgiza me qahö?" ¹⁷ Mewö jiiga tuarenjoñurupñi pakpak yeñön gamuñini mötket aka ambazip kambu pakpak yeñön añgöletot wewelipñambuk meyoñhi, mi pakpak eka möta söñgaiget. Mewö.

Nejoñ köññangö dopkeu

Mat 13.31-32, 34; Mak 4.30-32

¹⁸ Jisösnöñ dopkeu kun kewö jiyök, "Anutugö bemtohoñangö könañi mi denöwö? Mi wanatpuk dop albilenak? ¹⁹ Mi nejoñ köññangö dop kewö akza: Azi kunñan mi memba nupñe anda esiiga wahöta qariba ip ahök. Ip aiga könakemba neiñi neiñi mienjöñ aipñini ip miangö böröñe alget." Mewö.

Yistkö dopkeu

Mat 13.33

²⁰ Jisösnöñ dumñe kunbuk dopkeu kun kewö jiyök, "Anutugö bemtohoñi mi wanat yuaibuk dop albilenak? ²¹ Mi yist me flaua mem qariqarigö dop kewö akza: Ambi kunñan 'Beret ohomam,' jiba yist memba flaua könde karöbut miangöreñ mindiriba melenqeler aka anda anda tari körekñanök qariyök." Mewö.

Mönö nanqu giwikñe jaram tiba añgotme.

Mat 7.13-14, 21-23

²² Jisösnöñ anda taonñi taonñi aka miriñi miriñi miangöreñ Buña kusum eñgiba anda mala Jerusalem sitinöñ göröken anök. ²³ Ani kunñan kewö qesim wangiyök, "Kembu, uruñini melenget Anutunöñ amöt qem eñgii letotmei, mi ambazip awamdökña me denöwö?" Qesim wangii kewö jii mötket,

²⁴ "Inini mönö nanqu giwikñe añgotpingö jaram tiba aum-mörime. Nöñön kewö jibi mötket: Ambazip gwötpukñan Anutugö bemtohoñ uruñe añgotpingö esapkömemö, mi osime. ²⁵ Könañep miri tonñan wahöta nanqu köligun inini nalö miangöreñ könahiba yaigep kinda nangunöñ qeba kewö jime, 'Kembu, mönö nanqu öröm nenjinöñ.' Mewö jigetka melenña kewö jii mötme, 'Ni qahö möt eñgizal. Inini denikegöra, mi qahö mötzal.' ²⁶ Mewö jiiga inini miangöreñök könahiba kewö jime, 'Nejoñ mönö göbuk köisirik tata nene neiñ. Göñön mönö liliköba nenjö sombemnöñ Buña kusum nenjinöñ.' ²⁷ *Mewö jimemö, yañön keu kewö jima, 'Inini denikeañgöra, ni qahö möt eñgizal. Miangöra kewö jibi mötket: Bölöñi meme pakpak, inini mönö nömosöta kesalget.'

²⁸ **"Kosalgetka miangöreñ Abraham, Aisak, Jeikob aka kezapqetok ambazip pakpak yeñön Anutugö bemtohoñ uruñe kingetka eñgekñemö, nanñini aköm eñgigetka yaigep kinme. Könañini mewö miwikñaiiba sahöt gigilahöba irimñini yöhözömgögetka qetñi qeri malme. ²⁹ Ambazipñi ambazipñi mi wehön kotkotñeyök aka egeneyök aka likeplikep Not Saut miangöreñök kaba Anutugö bemtohoñnöñ añgota dum tatatñini memba nene nem söñgaip aka malme. ³⁰ *Mewö malmemö, mötket! Qöndökñi yeñgöreñök tosatñan mutukñi akñe aka mutukñi yeñgöreñök tosatñan qöndökñi akñe." Mewö.

Kiñ Herodnöñ kiam soñ miangö dop akza.

Mat 23.37-39

* 13:27: Sum 6.8 * 13:28: Mat 22.13; 25.30 * 13:28: Mat 8.11-12 * 13:30: Mat 19.30; 20.16; Mak 10.31

³¹ Nalö mianğöreñök Farisi (Köna keugö kapañkolköl) tosatñan Jisösgöreñ kaba kewö jiget, “Kiñ Herodnöñ guhui kömumangö mötza. Mianğöra mönö miri ki mosöta anman.”

³² Jigetka kewö melen engiyök, “Inini mönö arökñangö kiam soñ mi kewö jiget mötma, ‘Mötnöñ! Nöñön merak aka uran ömewöröme enğuatañgömam aka kawöl ambazip mem ölöwak engiba malmam. Anmami, uruwale mönö mianğöreñ añgota nupni mekömam.’”
³³ “Kezapqetok ambazip sehisehiñi mi Jerusalem sitinöñ enğugetka kömuget. Miri tosatñe qahö toroqeba enğuget kömumakze, mianğö tandöktandök ahöza ekzal. Mianğöra nöñön merak aka uran uruwale köna anda malmam. Jerusalem añgotpiga nunğuget kömumam ewö, mönö yengöreñ aiakanjina mi toroqeba akñe.” Mewö.

Jisösnöñ Jerusalem sitigöra sahörök.

Mat 23.37-39

³⁴ Jisösnöñ jiyök, “O Jerusalem Jerusalem, inini kezapqetok ambazip enğuget kömugetka Anutunöñ ambazip melaim engii engöreñ kamakzei, mi kötnöñ kumbuköm engimakze. Poi namñan moröurupñi ginginñi bapñe ala köjöjohom engimakzawi, nöñön mianğö dop nalöñi nalöñi göhö könagösöurupki suhuba tokom engimangö möta malalmö, inini mi tököba mala kotket. ³⁵ *Mötket! ‘Anutunöñ mönö jike miriñini andö qeiga sahopñanök ahöma.’ Mewö ahömapmö, nöñön kewö jibi mötket, inini ni kunbuk qahö nekñemö, könangep nalö kun kam kuñgui mianğöreñ neka kewö jime, ‘Kembugö qetñe kam neñgizawi, Anutunöñ mönö i kötuetköm wangima.’ Mewö.”

14

Jisösnöñ kawöl azi kun mem ölöwahök.

¹ Jisösnöñ Sabat kendon kunöñ Farisi (Köna keugö kapañkolköl) yengö jitmeme kungö miriñe öñgöba nene neyök. Nemba tari tosatñan galöm memba ektiget. ² Mianğöreñ yangö jemesoholñe kawöl azi kun köna böröñi onöñ ölököba qarui tarök. ³ Jisösnöñ i eka könahiba Köna keugö böhi aka Farisi mi qesim engiba kewö jiyök, “Sabat kendonöñ azi mem ölöwak wangiba mewö mianğön Köna keu ongitpin me qahö?”

⁴ Mewö jiyökmö, yeñön göröñ qeba tatket. Tatketka böröñan azi mi misiriba mem ölöwaka melaii anök. ⁵ *Ani kewö jii mötket, “Engöreñök kungöreñ morö me bulmakau azinñi mi Sabat kendonöñ o lömnöñ gema ewö, mi mönö ösumok örogetka kotma. Dañön mi qahö öroi kotpawak?”
⁶ Mewö qesim engii mianğö likepñi melenbingö lömböröba numbuñini muhungöba böc tatket. Mewö.

Jisösnöñ sile mem-öñgö-öñgö mi qetalök.

⁷ Farisi (Köna keugö kapañkolköl) azinöñ ambazip nenegöra köl öröm engiyöhi, yeñön dum qaikñe eu meköba tatkeri, Jisösnöñ mi eka mianğöra dopkeu kun kewö jii mötket, ⁸ * “Kunñan gi amembitkö lömbuangöreñ köl öröm gihii mianğöreñ anda dum jegenñeyök qahö memba tatman. Mewö akñan ewö, tosatñi köl öröm engiyöhi, yengöreñök kunñan gi gonñgita qetbuñañambuk akapak.

* 13:35: Sum 118.26; Jer 22.5 * 14:5: Mat 12.11 * 14:8: Qam 25.6-7

⁹ “Yañön kanğoriga lömbuan toñan göhörej kaba kewö jibawak, ‘Gi dum ki mosötnönga öngöngöñi yañön tatma.’ Mewö jima ewö, gi mönö wahöta bapñe emu eta dum memba tata gamugi senjombuk mötpanbuk. ¹⁰ Mewö qahöpmö, kunöñ köl öröm gihimawi, gi ölop dum siminñe emu anda tatman. Mewö tatnönga lömbuan toñan kota geke jima, ‘Alani, gi ölop kaba dum jegenñe eu anda tatman’. Mewö jiiga göñön ambazip göbuk tata nene nezei, mönö körek yeñgö jeñine qetbuñagabuk akñan. ¹¹ *Mi kewögöra: Nanñini uruñini memba öngömei, Anutunöñ i körek memba et al enğima. Kunñan nanñi uruñi memba etmawi, Anutunöñ mönö i memba öngöba al wañgima.”

¹² Farisi (Köna keugö kapañkölköl) azinöñ ambazip köl öröm enğii lömbuanñöñ tatketka Jisösnöñ lömbuan toñi lilingöba eka kewö jii mörök, “Gi silimgö me sunğemgö lömbuan kun ohoba miangörej nangi alaurupki me darununurupki mi kude köl öröm enğiman. Tinitosolomurupki me miri kasunñangö ambazip pomñi qetbuñaninambuk mi kude köl öröm enğiman. Mewöñi lömbuangöra köl öröm enğinöñi, i mewöñanök köl öröm gihiba toşagi mi meköm gihiget teköma. Mewö akñan ewö, Anutunöñ mönö miangö töwanñi qahö gihima.”

¹³ “Mewö qahöpmö, lömbuan mözözömgöba ohomani, gi mönö ambazip etqeñeni mia köl öröm enğiman. Ambazip wanapñi, simalokon aka jegömöl akzei, mönö mia enğoholnönga dop kölma. ¹⁴ Mi köl öröm enğinönga yeñön toşa meköm gihibingö osigetka gi miangöra simbawon aka malman. Tosanñini mi öne ahöi malnönga solanñi yeñön kömupñöhök wahötketka nalö miangörej Anutunöñ nanñak mi göhöra meköm gihima.” Mewö.

Lömbuan ali möndömöndö keu jiba tököget.

Mat 22.1-10

¹⁵ Jisösnöñ mewö jiiga nene namba tatket yeñgöreñök kunñan mi möta kewö jii mörök, “Kunöñ Anutugö bemtohon uruñe angota nene namba tatmawi, nöñön yañgöra simbawon jizal.”

¹⁶ Mewö jiiga kewö meleşnök, “Azi kunñan sunğemgö lömbuan ketanñi mözözömgöba ohoba ambazip gwötpuk öröm enğiget kamegöra jiyök. ¹⁷ Lömbuan nalöñi kam kunğui welenqeñeni kun melaii köl öröm enğimamgö jiyöhi, yeñgöreñ anda jii mötket, ‘Yuai pakpak lök mözözömgöinga ahöza. Miangöra mönö ölop kame.’ ¹⁸ Jii mötketmö, mi möta yeñön körekmaköre könahiba yuai toşatñe möndöba tököget. Mutukñan jiyök, ‘Ni arö kun söñgöreñi mealangöra miangöreñ anda ekñangö mötzal. Mianön jöhöm niñgiza. Miangöra ölop anda jinönga möta kude möt bölim niñgima.’ ¹⁹ Kunñan jiyök, ‘Ni bulmakau azinñi 10 söñgöreñini meali, mi kösönöñ ilikñine jöhöbi kinonñ örögetka anda nup esapköba qeba qindipkömam. Mianön jöhöm niñgizawangöra ölop jinönga möta kude möt bölim niñgima.’ ²⁰ Kunñan toroqeba kewö jiyök, ‘Ni ambi urandöpki bohonñi mealangöra kamamgö osizal.’

²¹ “Mewö jigetka welenqeñenöñ lilingöba azi kembuñangöra buzup mi jii mörök. Möta uruñi könöp jeiga welenqeñeni kewö jim kutum wañgiyök, ‘Gi mönö wölañ taongö köna namñe aka sombemñonñ anda ambazip etqeñeni, wanapñi, köna böröñini titiñgitñi, jegömöl aka simalokon ambazip mi mönö enğuanğitnönga lömbuan miri uruñe ki

* 14:11: Mat 23.12; Luk 18.14

kame. ²² Jiyöhanğö dop ak teköba kaba kewö jiyök, ‘Kembuni, jim kutum niñgizanağö dop akzalmö, dum tinji tok ahöza.’

²³ “Mewö jiiga azi kembunöñ jiyök, ‘Gi mönö könanöñ aka rowoñqeqeñine anda ambazip tat anjei, mi kapan köla kunğum enğinöñga lömbuan miri uruñe kañgota kokolak qeme. ²⁴ Nöñön kewö jibi mötket: Ambazip mutuk köl öröm enğimamğö jiali, yeñğoreñök kunñan kun nöñğö lömbuanöñ qahö kañgota nemba nahömñi mötma.’” Mewö.

Jisösğö gwarek malmalgö könañi

Mat 10.37-38

²⁵ Jisösnöñ ani ambazip kambu ketanji yeñön wuatangöba angetka lilingöba kewö jii mötket, ²⁶ **“Kunñan nömbuk kaba malmam jiba ni görögöra al niñgiba iwinamñi, anöm-moröñi, darumunñi, nenbehötñi aka nanñi malmalñi mewöyök jegep ala jöpakömakzawi, yañön mönö nöñğö gwarekni akñamğö osima. ²⁷ *Sisitñini megetka kunñan ni nuatangöba sihimbölä möta maripomnöñ kömumamğö qahö jöjörömawi, yañön mönö nöñğö gwarekni akñamğö osima.*

²⁸ “Enğoreñök kunñan miri köröpñi memamğö mötza ewö, yañön mönö mutuk eta tata moneñi miri mem tekömawangö dop akza me qahö, miangö könañi kewöta ek kutuma. ²⁹ Mewö qahö aka miri tandöñi kömöta mi mem tekömamğö köhököhöñi qahö ahöm wañgiiga mosöri öne kiniga ambazip pakpak mi eka könahiba jiji-ilit jiba mepaik wañgibepuk. ³⁰ Mewö ak wañgiba kewö jibepuk, ‘Azi mi könahiba mirinji meyökmö, mi mem tekömamğö qahö köhöiyök.’ Miangö dop Jisös wuatangöman me qahö, mi törörök kewöta möt kutuman.” Mewö

³¹ Jisösnöñ keu mi toroqeba kewö jiyök, “Mewöyök kin azi kembu kunñan kin kunbuk aröñda ‘Bim qemam,’ jiba denöwö akña? Yañön zilañök kerök qahö al wañgimapmö, mutuk jembonurupñi öröm tokom enğii tata qambañ keu kewö eraum mötme, ‘Nanine aziurupnini 10.000 maljin aiga likepñe kerökurupnini mi 20.000 malje. Azi kembunjan i enğuangita kaget enğeka ölop köhöiba enğubin me qahöpto?’ ³² ‘Qahö köhöibin,’ jime ewö, yañön kerök kinöñ köröwen tariga miangöreñök jitñememurupñi melaim enğii yañğoreñ anda luai qebingö goro eraum mötme. ³³ Mewöyök enğoreñök kunñan yuai pakpak ahöm wañgizawi, mi jegep almawanön mönö nöñğö gwarekni akñamğö osima. Miangöra mönö nia jegep al niñgigetka dop kölma.” Mewö.

Howe nahömñi qahö mi yuaia omanji kötökñi.

Mat 5.13; Mak 9.50

³⁴ “Howe mi ölopñi akzapmö, sihimñi mosötma ewö, mi mönö denöwö möhamğöinga kunbuk sihimñambuk akawak? ³⁵ Nesak omanji mi gölme kelökñambuk akñapköra tokoba isonbason alakzinmö, howe nahömñi qahö mi yuai kungöra qahö dop kölma. Qahö! Mi mönö önewat gölmenöñ gilinga geba öne töhöntöhön ahöma. (Gi mewöñanök nöñğö gwarekni aka kambañe kutuba nömosötman ewö, mönö yuai omanji akñan.) Kunñan kezapñambuknöñ malja ewö, yañön mönö keu mi möt kutuma.” Mewö.

15

Lamanöñ sohöyök, miangö dopkeu

Mat 18.12-14

* 14:26: Mat 10.37 * 14:27: Mat 10.38; 16.24; Mak 8.34; Luk 9.23

1 *Takis tilipqilip aka megeri aka singisöndok ambazip tosatni mi jesöngöñan Jisösgö Buñani mötpingö kaget. 2 Mewö kagetmö, Farisi aka Köna keugö böhi yeñön Jisösgöra uruñinan böliiga irikuruk keu kewö jiget, “Azi mianñön singisöndok ambazip engimemba yembuk tata nene neza.”

3 Mewö jigerangöra Jisösnöñ dopkeu kun kewö jii mötket,

4 “Engöreñök kungö lamaaurupni 100 malgetka miengöreñök kunñan sohoba janjuñ aniga toñan denöwö akña? Yanñön mönö 99 mi gölme qararanjökölñe engömosöta anda mohot janjuñ anöhi, miangö jaruba anda mala miwikñaiiga teköma. 5 Miwikñaiba urusösöngai aka awötñe ala kama. 6 Mire kaba alaurupni aka tosatni kösutñe malmei, mi engoholi tokogetka kewö jii mötme, ‘Lamani sohöyöhi, mi lök miwikñaizalangiöra mönö nömbuk sösöngai akin’ 7 Nöñön kewö jibi mötme: Miangö dop singisöndok azi mohotñan uruñi melenmawi, yangöra Suep mire sösöngai ketani asuhuma. Ambazip 99 nanñine jeñine solanñi diñdiñi aka uruñini melenbingö qahö möta maljei, yeñgöra sösöngai mewöñi qahö asuhuma.” Mewö.

Moneñ kötni sohöyök, miangö dopkeu

8 “Mewöyök ambi kunñan silwö moneñ kötni 10 memba maliga miengöreñök mohokñan geba sohoiga denöwö akña? Yanñön mönö kiwa ohotiriba kapan köla miri usuñda jaruma. Jaruba mala miwikñaiiga teköma. 9 Mi miwikñaiba ambi alaurupni aka ambi tosatni kösutñe maljei, mi engoholi tokogetka kewö jii mötme, ‘Nöngöreñ soujeñi mohotñan sohöyöhi, mi miwikñaizalangiöra mönö nömbuk sösöngai aki.’ 10 Miangö dop nöñön kewö jibi mötme: Singisöndok ambazip kunñan uruñi melenñiga Anutugö garataurupni yeñön miangöra sösöngai öngöñgöñi akña.” Mewö.

Nanñi imbi-imbi azinöñ kumkanjam aka imbiñi melenñök.

11 Jisösnöñ toroqeba kewö jiyök, “Azi kungö nahönyahötñi yahöt malohot. 12 Munñan iwinangöra kewö jiyök, ‘Twini, gi mönö moneñ sukinapki mendenja nöngö bahöñi ningiman.’ Mewö jiiga öroyuaini pakpak dopñire mendenja etkiyök. 13 Mi etkiiga nahöñni moröñan sömañi yahöt karöbut mala inap yuaini pakpak mi kölölohoba memba kantri kungen anök. Miangöreñ anda nanñi imbi-imbi aka köna ketani ambi yembuk kiam bau ewö söñaup malmal mala moneñ inapni gil teköyök.

14 “Yuai pakpak gil teköiga bödi (buörö) ketani asuhuba gölme pakpak mi dop kölök. Yanñön nalö miangöreñ könahiba öngöñi aka osiyök. 15 Osiba kantri miangö toñi kungöreñ anda nupköra qesim wanñiiga melaii yangö bau selñe geba bau galömnina malök. 16 Miangöreñ mali bau yeñön sokop kötni neget eka ‘Ölöp mi nemi gölömnini dop kölbawak,’ jiyökmö, mi mewöyök kunñan qahö wanñiyök.

17 “Mewö mala uruñi ahuiga kewö jiyök, ‘Twinangö nup ambazip wanat awanñi yeñön nup megetka söngöröñi engii nene nem timbireñ aka maljemö, nöñön kiangöreñ uzukörörap aka bödi mala kömumangö akzal. 18 Ni mönö wahöta iwinangöreñ lilingöba anda kewö jibi mötma, ‘Twini, ni singisöndok memba mianñön gi aka Suep Toñi qetal etkiba qetki mem böliial. 19 Miangöra göñön kunbuk nöngöra ‘Nahöni,’ jimanangö dop qahö akzal. Gi ölöp jinöñga welenqegega kun akñam.’

20 “Mewö jiba wahöta iwinangöreñ anök. Anda mala miri dopdowii iwinan tikep endu kinda ehi kaiga wösöñi pöröraköiga ehoriba ösumñan

* 15:1: Luk 5.29-30

diñdingöba anda imbiñe gili geiga numbuñi yöhötim nempa ‘Nahöni, owe owe!’ jiyök. ²¹ Mewö ahökmö, nahönñan jiyök, ‘Iwini, ni singisöndok memba miññön gi aka Suep Tonji qetal etkiba getki mem böliäl. Miangöra göññon kunbuk nongöra ‘Nahöni,’ jimanangö dop qahö akzal.’

²² “Mewö jii iwiñan miangörenök welenqeçeurupñi kewö jii mötket, ‘Iñini mönö ösumok maluku aködamunñambuk kun memba kaba löngöt wañgiget. Ila jalö imbiñe köla meñölöm wañgiba köna esu könañe löngöt wañgiget. ²³ Mewöyök selnöñ anda bulmakau dömnji kelökñambuk kun memba kaba qeba ohogetka nempa sösoñgai albin. ²⁴ Nahöni ki kömum taköyöhaññon mönö kunbuk guliba kaza. Yaññon lök sohoigun Anutunöñ kunbuk miwikñaiiga asuhum tiñgitza.’ Mewö jiiga könahiba sösoñgai alget.

²⁵ “Sösoñgai algetmö, datñan nupnöñ mala lilingöba miri dopdowiba miangören liñjet gwawet köla unduba söngaigeri, miangö kourukñi mörök. ²⁶ Mi möta welen morö kun qeri kaiga ‘Mi denöwögöra akze?’ jiba qesim wañgiyök. ²⁷ Qesim wañgiiga kewö jiyök, ‘Mungan lilingöba kaiga iwiñan i kunbuk meiga unditundit aiga miangöra jiiga bulmakau dömnji kelökñambuk qeba ohoba söñgaize.’

²⁸ “Mewö jiiga irimñi seheliiga mire öñgömamgö tököyök. Tököyökmö, iwiñan mi möta yaigep eta uruluai keu ösoñ jiba mölöwörim wañgiyök. ²⁹ Mölöwörim wañgiyökmö, yaññon melenña kewö jiyök, ‘Iwini, nöññon yambu gwötpuk welengi qeba mala jimkutukutugi nalö kunöñ qahö ongita malalmö, töndup göññon nalö kunöñ meme (nonin) moröñi kun alaurupni yembuk sösoñgai albingöra qahö niñginöñ. ³⁰ Qahö niñginöñmö, nahöñgi kianñon köna ketanji ambi yembuk mala moneñ inapki ayuhuba kañgoriga göññon mönö yaññöra aka jinöñga bulmakau dömnji kelökñambuk qeba ohoze.’

³¹ “Jiiga iwiñan kewö jii mörök, ‘Nahöni, gi nalö dop nanambuk malakzan. Miangöra nani buñani pakpak mi mönö göhö buñaya mohok akza. ³² Mohok akzapmö, mungi kianñon kömum taköyöhaññon kunbuk guliba kaza. Yaññon lök sohoiga Anutunöñ kunbuk miwikñaiiga asuhum tiñgitza. Miangöra dölni nene sösoñgai alinga dop kölja.’ ” Mewö.

16

Sukinap galöm tilipqilipñambukö dopkeu

¹ Jisösnöñ gwarekurupñi keu kun kewö jii mötket, “Azi pomñi kungö sukinap galömnji kun malök. Tosatñan kaba azi pomñi mi luasö keu jiget mörök, ‘Yaññon göhöreñ moneñ inapki köndenña lan gila malja.’

² Mi möta galöm mi jii kaiga jim wañgiyök, ‘Ni göhöra buña bölöñi jiget mötzal. Gi nöñgö miri aka sukinapni kunbuk galöm kölmanangö dop qahö akzan. Miangöra mi denöwö galöm köla malnöñ, miangö löpötñi jim asarim niñgiman.’ ³ Mewö jiiga uruñan kewö mötmöriyök, ‘Miri tonjan galömkölköl nupni noañgiri denöwö akñamto? Ösumni qahö dop köljawangöra gölme esimamgö osizal aka ulet azi malmamgö gamuni mötzal. ⁴ Yaññon galömkölköl nupni noañgitmawi, nöññon nalö miangören denöwö akiga tosatñan miriñine kölni öroba köyan kölni niñgibeak? Aha! Köna kun mötmörizal.’

⁵ “Mewö jiba ambazip tonjan tosa al enjiyöhi, mi pakpak nanñik nanñik örom enjiiga kaget. Mutukñan kaiga yaññöra kewö jiyök, ‘Tonangören tosa göhöreñ dawik ahöza?’ ⁶ Mewö qesiiga jiyök, ‘Oil dram 100 meal.’ Mewö jiiga kewö melenñök, ‘Gi tosa papiagi memba ki tata ösumok uteköba

50 ohonöngga ahöma.’⁷ Mewö jiba azi kun qesim wanjiyök, ‘Aka gi? Göhöreñ tosa dawik ahöza?’ Qesiiga kewö jiyök, ‘Wit flaua mi 21.000 kilogram meal.’ Mewö jiiga jiyök, ‘Gi tosa papiagi memba miangöreñ 16.800 kilogram mewö ohonöngga ahöma’.

⁸ “Mewö aiga miri tonjan möta jim-ölöwak keu kewö jiyök, ‘Galömnan tilipqilip cakne yuai ahöhi, mi mötkutukutu ölöpnji kondelja.’” Kembu Jisösnöñ kösohot mewö jiba toroqeba jiyök, “Söñapkö ahakmeme wu-atangömakzei, yengö mötkutukutuñini mi ambazip tosatñi merak maljei, mi tilipqilip ak engimeangö dop ahözapmö, Anutugö asakne maljei, yengö mötkutukutuñini mi miangö bapne akza.

⁹ “Miangöra kewö jibi mötket: Tosatñan gölmegö monen inapnöñ ambazip tilipköm engimazemö, enön mönö miangön memba alaurup miwikñaim engime. Mi miwikñaim engigetka gölmegö yuainöñ qahöwakñawi, Anutunöñ mönö nalö miangöreñ köl öröm engiiga malmal köhöikñi mire angota teteköñi qahö malme.

¹⁰ “Kunñan yuai morörökñi memba kapan köla törörök galöm köljawi, yanön mönö yuai ketanji mewöyök törörök galöm kölma. Kunñan yuai morörökñi galöm köla kitik-katuk akzawi, yanön mönö yuai ketanji mi mewöyök galöm kölmapkö jiinga kitik-katuk akña. ¹¹ Gölmegö monen inapñi böröñine algetka mi pöndañ qahö galöm kölgetka ölnji qahö asuhuyök ewö, kunñan mönö yuai buñanji öngöngöñi ölnji mi böröñine qahö alma. ¹² Injini tosatñi yengöreñ yuai mi pöndañ qahö galöm kölgetka ölnji qahö asuhuyök ewö, nanñini urunjanangö buña ölnji mi danön kun engibawak?

¹³ * “Welenqeqe kunñan kembu yahöt welen qem etkimangö osimakza. Kunñan mewö akñamgö mötzawi, yanön mönö kun kazik ak wanjiba kun urunan jöpaköma. Kungöreñ qekötahöba kun jijiwilit ak wanjima. Miangöra enön Anutu aka monen inap mi mindiriba welen qem etkibingö osime.” Mewö.

Monengö urukönöp akepakö goro keu

Mat 11.12-13; 5.31-32; Mak 10.11-12

¹⁴ Farisi (Köna keugö kapankölköl) yanön monengö nahöm gwötpuk ahöm engii malgerangöra Jisösnöñ keu pakpak mi jiyöhi, mi möta je misiba ilit wanjiget. ¹⁵ Ilit wanjigetka kewö jii mötket, “Farisi enön mönö ambazip jenine solanñi tandök kondel engibingö könöpkuk ahakzemö, Anutunöñ urunjanangö könanji möt kutum teköza. Ambazip jenine yuai kungöra mötketka öngöngöñi akzawi, mi Anutunöñ ehi imbilonlonjambuk ahakza.

¹⁶ * “Bemtohongö könanji mi Mosesgöreñ Köna keunöñ aka kezapqetok ambazip yengö Buzup Kimbiñine ohogetka oyonda mala koringa Jonöñ asuhuba ölnji aukne indelök. Nalö miangöreñök könahiba keu mi jim sehiba Anutugö bemtohoñe angotmegöra ambazip urunñi kunjumakzin. Ambazip körekñan mönö jaram tiba kapan köla bemtohoñ miangö uruñe angotpingö ahakze. ¹⁷ * Suet gölmenöñ göröñ qemahotkö dop akzahotmö, Köna keugö kulem jönbölanñi mohok-kun mi nalö kungen qahö kötökñi ayapköma. Mewö.

¹⁸ * “Azi kunñan anömñi mosöta ambi kun memawi, yanön mönö qesabulum akña. Azi kunñan ambi apñan mosöröhi, mi memawanön mönö mewöyök qesabulum akña.” Mewö.

* **16:13:** Mat 6.24 * **16:16:** Mat 11.12-13 * **16:17:** Mat 5.18 * **16:18:** Mat 5.32; 1 Kor 7.10-11

Azi pomnji aka Lazarus

¹⁹ “Azi pomnji kun malök. Yanön opo maluku gugakgugak pisiknji aködamanjambuk löngöta mala nalö dop nene söngaip aka siyonsayonji qahö malök. ²⁰ Mewö malökmö, yangö miri nanjunji kösutnje azi wanapnji kun qetnji Lazarus ahöba malök. Uzi nömböjnönj silenji dop köla tarök. ²¹ Wösöñji aliga gwarönönj ahöba azi pomnjañgö tebolnöhök nene irip boromnji eri mia nemangö mörök. Möta ahöiga kiam yeñon kanjuta uzi nömböñji bözöba malget.

²² “Mewö mala wanapnji yanön kömuyök. Kömui Suep garata yeñon wanjuta öngöba Abrahamgö qöhöröñe alget tarök. Azi pomnji yanön mewöñanök kömuiga löm kölget. ²³ Löm kölgetka kömupkö senjom mire geiga jem sölöngöi sihimbölö ketanji möta ui öngöiga Lazarus Abrahamgö qöhöröñe köröwen endu tari etkehök. ²⁴ Etkeka silata qeta jiyök, ‘O iwini Abraham, mönö wösögi möt niñgiman. Ni könöp bölamnönj nohoi kianjörej wahöjalinj öngöñgöñji möta kinjal. Mianjöra mönö Lazarus melainönj anda kesöt sunjan onöñ kusahöla kaba nesilamne mirii amörima.’

²⁵ “Mewö jiyökmö, Abrahamnönj melenñök, ‘Nahöni, mönö ki mötmörinönj anök. Göñon gölmenönj malmal sösongainjambuk lök malnönj teköyökmö, Lazarusnönj gölmenönj malmalji qemjem-mamjenji aka malök. Mewö malökmö, nalö kewöñe urukölalep ak wangiinga tatzapmö, göñon sihimbölö möta wahöjalinj qaknje kinjan. ²⁶ Mewö maljin aiga toroqeba kewö jizal: Anutunönj nini aka injini sutnine mendenja jabö al köhöii ahöza. Mianjöra tosatan jabö qösököba nengörejök engörej kanjotpingö mötpeak, mi mönö osime. Mewöyök likep endu maljei, eñon mewöyök nengörej yuhu kanjotpingö qaköme.’ ²⁷ Mewö jiiga kewö jiyök, ‘Iwini, mewö aiga kewö ulet gihizal: Göñon mönö Lazarus melainönja iwinanjö mire anma. ²⁸ Miri mianjörej darumunurupni 5 maljei, yeñon mewöñanök senjom miri kianjörej eta sihimbölö ketanji mötpepuk. Mianjöra mönö jinönja anda kezapqetok keu jii mötme.’

²⁹ “Mewö ulerökmö, Abrahamnönj jiyök, ‘Qahö! Mosesgö Köna keu aka kezapqetok ambazip yengörej Buzup Kimbi mi yengö buñaya ahöza. Keu mia mönö kezap ala mötme!’ ³⁰ Mewö jiiga kewö jiyök, ‘O iwi Abraham, mewö qahöpmö, kömukömuñji nengörejök kunñan yengörej anbawak, mewö mönö urunji melenjbeak.’ ³¹ Jiiga Abrahamnönj kewö jii mörök, ‘Yeñon Moses aka kezapqetok ambazip yengö keugöra kezap qahö alje ewö, mewöñanök kömukömuñji nengörejök kunñan wahöta keu jibawak, yeñon mönö töndup Anutu qahö möt narim wanjibeak.’ ” Mewö.

17

Singisöndokö kölgrom mönö qetal engime.

Mat 18.6-7, 21-22; Mak 9.42

¹ Jisösnönj gwarekurupnji keu kewö jii mötket, “Bölöñanjö supatitkñan mönö awamñanök asuhumakza. Kunöñ supatitik anñon kölmamgö osimazapmö, kun danñon tosatan kölgrom ak enjiiga singisöndok akñei, yangöra mönö wöziköba ‘Yei!’ jizal. Sihimbölö öngöñgöñan mönö yangö qaknje öngöma. ² Yanön ambazip moröñji yengörejök kun kölgrom ak wangiiga singisöndok akñawi, azi mianñon mönö lömböt öngöñgöñji miwikñaima. Anutunönj lömböt mianjö likepñji denöwö wangiiga dopñe

akawak? Kemun jamönjin jölne jöhöba köwet rëndumnöy gilget mulumgöi gebawak, mianön mön awamni ahum wanji tandök akawak.

³ *Miangöra mön nanjini galömjin mem anguba malme. Alagi kunjan singisöndok akzawi, i mön jim mindin ak wanjiman. Jim mindin ak wanjinönga möt bölim anguba wösöni mötma ewö, gi mön singisöndokni mosöt wanjiman. ⁴ Wehön kungö urunje singisöndok 7 ak bölim gihiba indimni 7 göhören lilingöba kewö jima, 'Alani, ni singisöndok akzalağöra möt bölim anguzal.' Mewö jima ewö, gi mön singisöndokni mosöt wanjiman." Mewö.

Mötnaripkö ölni mi kukösumjambuk.

Mat 17.20; 21.21; Mak 11.23

⁵ Aposol yeñon Kembangöra jiget, "Mötnaripnini mön toroqeba mem köhöiman." ⁶ Mewö jigetka Kembunöy melenök, "Mötnaripjinağö ölni mi nejon kötnağö dop ahöbawak ewö, eñon ölop nömozup ip* kiangöra kewö jim kutubeak, 'Gi mön jöla jalögabuk wahöta luhuba köwetnöy geba nangi kömöta kinman.' Mewö jiba möt narigetka ip mianön mönö keujini tem kölma." Mewö.

Welenqeqe ölöpn mi denöwö?

⁷ "Engörenök kungö nup azinöy bulmakau memba nupnöy anda kinon öroi gölme mesinma me lama galömjin malma. Mala mire kangori miangören tonan kewö jii mötma me qahöpto, 'Gi mön mire kota tata nenegi neman.' ⁸ Mewö qahö! Yanön mön kewö jima: 'Gi mön o ariba möhamgöm anguba sungemgö nenenjamni ohoba ala ninjinöy nemam. Miangö andöne nangi nenenjamni ohom neman.' ⁹ Mewö jim kutum wanjiiga nup azinan jiyöhağö dop nupni mem teköi dop köliga galömjan miangöra möpöseim wanjima me qahö? Qahö! ¹⁰ Engö könanjini mi mewöjanök ahöza. Galömjinan yuai pakpak jim kutum enjiyöhi, injini mi ak teköba miangören kewö jime, 'Nini nup ambazip töhöna maljin. Galömninan yuaigöra jiyöhi, mön miyök memba kazinağöra möpömpöse jarubingö osizin.'" Mewö.

Jisösnöy azi 10 silenjini mem solaniyök.

¹¹ Jisösnöy Jerusalem sitinöy anmamgöra Galili aka Samaria prowins yahöt mietkö sutjire köna ahöyöhi, miangören anök. ¹² Könanöy anda miri kunöy angoriga azi 10 silenjini uzikukunambuk yeñon miwiknaiba eka tikep endu kinget. ¹³ Kinda köhöikjanök qeta jiget, "Ketanjamnini Jisös, mönö nenjöra ak kömum gihima!"

¹⁴ *Qeta jigetka engeka kewö jii mötket, "Injini mönö jike nup galöm yeğören anda silenjini kondel enjime." Mewö jiiga tem köla könanöy angetka silenjinan miangören solaniba ölöwahök. ¹⁵ Ölöwahökmö, 10 yeğörenök kunjan silenji solanii eka lilingöba kaba Anutu köhöikjanök qeta möpöseiyök. ¹⁶ Möpöseiba Jisösgö könanje geba sipköba simin köla 'Saiwap!' jiyök. Azi mi Samaria azia. Juda yeñon Samaria prowinsgö ambazip yeğöra mötketka eretni ahakzapma.

¹⁷ Saiwap! jiiga Jisösnöy melenja jiyök, "Mi ölop akzanmö, azi pakpak 10 enjö silenjinan lök solanim teköyök me? Azi 9 mienön mönö denike malje? ¹⁸ Kian azi göjön nangik lilingöba kaba Anutu möpöseizanmö,

* 17:3: Mat 18.15 * 17:6: Jisösnöy mulberi ip kun kondelök. Ip mi nömozup ewöya, kötni köuruk (köwörörök) kötni ewö nenenja. * 17:14: Lew 14.1-32

azi 9 yerñon mönö anda nönönğan akze.”¹⁹ Mewö jiba kewö jii mörök, “Mötnaripkan mönö mem ölöwak gihiza. Mianğöra ölop wahöta anman.” Mewö.

Anutugö bemtohoñi mi denöwö asuhuma?

Mat 24.23-28, 37-41

²⁰ Farisi (Köna keugö kapankölköl) yerñon Jisös kewö qesim wañgiba jiget, “Anutugö bemtohoñi mi mönö wanat nalönöñ asuhuma?” Jiget möta melenđa kewö jiyök, “Anutugö bemtohoñan mönö jeninan ekinanğö dop qahö asuhuma.”²¹ Mötket! Anutugö bemtohoñi mi sutñine uruñine asuhuba ahöza. Mianğöra mi kianğöreñ me enduyañğöreñ ahözawi, mewö jibingö osimakzin.”

²² Jisösnöñ gwarekurupñi kewö jii mötket, “Könañgep nalö kun kam kunğumawi, mianğöreñ Suep gölmegö azi ölnañğö nup meme wehönñi mienğöreñök kun ekingö ak engimapmö, mi kunbuk ekingö osime.”²³ Nalö mianğöreñ kewö jiget mötme, ‘Mötket! Amötqeçe Toñan mönö endu malja. Mötket! Mönö ki asuhuza.’ Mewö mewö jigetka i ekingöra mianğöreñ ösumok kude luluhuba anme.”²⁴ Mi kewögöra: Suep gölmegö azi ölnañ kunbuk kamawi, nalö mi wölbilikö dop kewö akña: Mi suep likepñeyök zilañ biliksik ala asariba likepñe dop köla anjawi, yañon mönö mianğö dop asuhuma.”²⁵ Könañgep mewö asuhumapmö, mutuk ambazip nalö kewöñe gölmenöñ maljei, yerñon azi mi yaköriba andö qem wañgigetka sihimbölä ketañi mötma.

²⁶ * “Mönöwök Noagö nalöñe ambazipnöñ malmalñini qemasolokep qakñe mala ayuhugeri, mianğö dop mönö Suep gölmegö azi ölnañ kunbuk kamawañğö nalöñe mewöyök asuhuma.”²⁷ *Noagö nalöñe nene lömbuañ ala o köhöikñi nemba ambi kenam bohonñanğö alget anda kaiga anğömeget. Ahakmeme mewö aka memba qemasolokep malgetka Noanöñ wañge uruñe öngöyöhi, silim mianğöreñ teköyök. Teköiga o göulu ketañan kaba ambazip jinonñi qahö löm köl enğii o nemulahöba kömuget.

²⁸ * “Lotkö nalöñe mewöyök qemasolokep malgetka mewöñanök asuhuyök. Ambazipnöñ nene lömbuañ ala o jawat nemba nup köl kömöta jike miriñini memba qeköm nemi ala yuai bohonñi memegöra algetka yuai tosatñi bohonñi memba malget.”²⁹ Mewö aka memba malgetmö, Lotnöñ Sodom miri mosöta aniga wehön mianğöreñök könöp aka köt sömsöm könöpñambuk mi mönö kie ewö suepnöhök eta ambazip jinonñi qahö enğohoi kömuget.”³⁰ Könañgep Suep gölmegö azi ölnañ kunbuk asuhumawi, nalö mianğöreñ ambazipnöñ mewöñanök qemasolokep aka mala ayuhume.

³¹ “Silim mianğöreñ sombemnöñ malmawañon mönö inap yuaiñi memañğöra miri uruñe kude öngöma me nupnöñ anda malmawañon mönö mewöñanök miriñe kude lilingöba kama.”³² Lot anömñan melenđa andöñe uba kömumba köt ahöhi, mönö mi mötmörime.”³³ *Kunñan malmalñi siyonşayonñi qahö nanñanğöra anğön köla nanñi imbi-imbi malmamğö mötzawi, yañğö malmalñan mönö sohomapmö, kunñan malmalñi nönğöra aka köleñniga sohomawi, yañon mönö malmal ölnañğö könañi miwikñaiba oyaenköyaen malma.

* 17:26: Jen 6.5-8 * 17:27: Jen 7.6-24 * 17:28: Jen 18.20-19.25 * 17:33: Mat 10.39; 16.25; Mak 8.25; Luk 9.24; Jon 12.25

³⁴ “Nöñön kewö jibi mötket: Sun gem mianğörej azi yahöt dumñöñ mohotñe ahöyohotka yetköreñök kun wañgita kun mosötme. ³⁵ Mewöyök ambi yahöt mi mohotñe tawej urasiba (bunahöba) tatmahori, yetköreñök kun wañgita kun mosötme.” ³⁶ (Azi yahöt nupnön malohotka yetköreñök kun wañgita kun mosötme.)

³⁷ Jisösnön mewö jiiga gwarekurupñan melenđa jiget, “O Kembu, mi denikeañğörej asuhuma?” Mewö jigetka kewö jii mötket, “Sömbup gisakñan kungen göröken ahömawi, manu köraraknön mönön mianğörej öröba tokomakzei, mönön mianğö dop asuhuma.” Mewö.

18

Malönön kapañ köla uleriga azi ketanjan bauköyök.

¹ “Injini mönön nalö dop Anutu köuluköba qemalokolip qahö aka malme.” Jisösnön mewö jiba mianğö dopkeuñi kewö jii mötket, ² “Taon kunön keu jimtekötekö azi kun malök. Yanön ambazip yeñgö keugöra gamuñi qahö möta nanñi imbi-imbimala Anutugö jitiñ onğitpilenbuköra keñgötñi qahö mörök. ³ Taon mianğörej malö ambi kun malök. Yanön sundan dop keu jimtekötekö azi mianğörej anda kewö jiba malök, ‘Kunñan nömbuk anğururuk akzawañğöra göñön ölop bauköm niñgibanak.’

⁴ “Mewö jiiga nalö köröñi mi möta andö qeba malökmö, könanğep uruñan kewö jiyök, ‘Nöñön ambazip yeñgö keugöra gamuni qahö möta nani imbi-imbimala Anutugö jitiñ onğitpilenbuköra keñgötñi qahö mötzal. ⁵ Mewö maljalmö, malö kianön mönön keu söksök pöndañ jim niñgiba kamakzawañğöra olan nöhöiga ölop bauköm wañgibiga keuñi teköma. Qahö bauköm wañgibileñak ewö, yanön mönön qösösök kaiga qeriqerini mötpilenbuk.’ ”

⁶ Kembunön kösohot mi mem teköba jiyök, “Jimtekötekö azi goñgoñan keu jiyöhi, mönön mianğöra kezap ala könani mötmöriget. ⁷ Anutunön ambazip nanñanğöra möwölöhöm enğiyöhi, yeñön sun gem asak bauköm enğimapköra köulukögetka Anutunön mönön yeñgö keuñini kewöta jim teköi ölowakñe. Bauköm enğimamgö jiba tanqañ qahö aka nalö qahö könjörari öngöma. Mi qahöpmahöp! ⁸ Nöñön kewö jibi mötket: Anutunön mönön nalö kude köriiga keuñini kewöta jim teköi ölowakñe. Wölañ bauköm enğimakzampö, mi töndup Suep gölmegö azi ölnan liliñğöba kaba ambazip kewöt enğimawi, nalö mianğörej mötnarip ölni miwikñaima me qahöpto?” Mewö.

Farisi aka takis meme yetkö köulukñiri

⁹ Ambazip tosatñan nanñinangö mötket öngöiga solanñi diñdiñi akzin jiba tosatñi mötketka eretñi ahök. Jisösnön i enğeka dopkeu kun kewö jii mötket, ¹⁰ “Azi yahötñan jöwöwöl jikenön öngöba köuluköyohot. Kunön Farisi aka kunñan takis meme asia.

¹¹ “Farisi (Köna keugö kapañkölköl) yanön kindan nanñök kewö köuluköyök, ‘O Anutu, ambazip tosatñan uruñini goñgiiga kalöpmalöp aka sero yonğorö ahakze, ni yeñgö dop qahö maljal me takis meme endu kinjawi, ni yeñgö dop mewöyök qahö maljal. Mianğöra saiwap jim gihizal. ¹² Nöñön sonda dop sömañi yahöt nenegö sinği malakzal. Nöñön moneñ inapni pakpak mendenđa 10:nöhök mohok Anutugö bunjaya qemakzal.’

¹³ “Mewö köuluköyökmö, takis meme yanön wañgömmi kunön kindan Suepnön eu umamgö gamuñi möta böröñan jeñi esuhuba kewö

köuluköyök, ‘O Anutu, singisöndok azi ni mönö ak kömum niŋgiman.’
 14 *Nöñön kewö jibi mötme: Yañön mönö Anutugö jeñe solaniba miriñe liliñgöyökmö, Farisi (Köna keugö kapañkölköl) yañön mewö qahö. Denike yeñön nanñini uruñini memba öñgömei, Anutunöñ mönö i körek memba et al enjimapmö, kunñan nanñi uruñi memba etmawi, Anutunöñ mönö i memba öñgöba al wañgima.” Mewö.

Jisösnöñ nahönbörat kötuatköm enjgiyök.

Mat 19.13-15; Mak 10.13-16

15 Ambazip tosatñan nahönbörat morömorö mewöyök enjgawita Jisösnöñ böröñan enjimisirimapköra yañgöreñ kaget. Kagetmö, gwarek yeñön mi eka jim qetal ak enjget. 16 Mewö aketmö, Jisösnöñ nahönbörat mi köl öröm enjii kagetka kewö jiyök, “Nahönbörat moröñi mi ölop enjgömosötketka nöñgöreñ kame. Anutunöñ ambazip mewö mia bemtohoñi buña qem enjgima. Miangöra i kude jöhöm enjgime. 17 Nöñön keu ölni kun kewö jibi mötme: Kunñan Anutugö bemtohoñi mi nahönbörat ewö buña qahö qem anjgumawi, yañön mönö miangö uruñe anjgotmamgö osima.” Mewö.

Jisösnöñ azi pomñi kungö qambañ keu jiyök.

Mat 19.16-30; Mak 10.17-31

18 Galömkölköl azi kunñan Jisösgöreñ kaba kewö qesim wañgiyök, “Böhi ölopñi, nöñön mönö denöwö aka malmal köhöikñangö buña qem anjgubilenjak?”

19 Qesim wañgiiga kewö jii mörök, “Gi nöñgöra ‘Böhi ölopñi’, mi wuanöñgöra jizan? Anutu mohotñan ölopñi akza. Azi kunñan i ewö ölopñi qahö akza. 20 *Gi jöjöpañ keu ki möt teközan, ‘Sero yoñgorö kude akñan, Ambazip kun kude qenöñ kömuma, Yoñgorö kude meman, Jitnöñ alal keu kude jiman, Iwinamgi mönö göda qem etkimakñan.’ ”

21 Mewö jiyökmö, galömkölköl azinöñ kewö jiyök, “Mi pakpak mönö gwaböneyök tem köla mala kotzal.” 22 Jii Jisösnöñ möta kewö jii mörök, “Mohot-kungöra kewö osizan. Gi mönö anda sukinapki pakpak söñgöronji memegöra alnöñ monenñ kaiga menjenña ambazip wanapñi enjgiman. Mewö aknöñga sukinapki ketanji (guli masapu, milyön kina ewö) mi Suep mire ahöm gihima. Mewö aka ni nuatanöba kaman.” 23 Mewö jiyökmö, azi mianñon kindiñbirik malöhanöra aka keu mi möta wösöbirik aka jenñi asöliiga öne mosöta anök.

24 Wösöbirik ahöhi Jisösnöñ mi eka kewö jiyök, “Yei! Ambazip monenñ inapñinambuk yeñön mönö Anutugö bemtohoñnöñ anjgotpingö lömböriba kupuk-kapak akñe. 25 Mi kewö jim tuarimam: Sömbup ketanji kamel mi kondi kinimñe ölop qahö anjgotma. Miangö dop ambazip pomñi yeñön Anutugö bemtohoñ uruñe anjgotpingö lömböriba qaköme.”

26 Keu mi jii mötkeri, yeñön kewö jiget, “Opopoñ! Ambazip danñon mönö Suepkö buñaya akawak?” 27 Mewö jigetka kewö melenñök, “Ambazipnöñ mi esapköba osiba qakömakzemö, Anutunöñ mönö yuai pakpak ölop ahakza. Yañön yuai kun aka memamgö qahö osiba qakömakza.”

Jisösgö nup memegö töwanji

28 Pitönöñ keu mi möta melenña kewö jiyök, “Mötnöñ, neñön mönö miri gölmenini mosöta gi guatanöba kain.” 29 Mewö jiiga Jisösnöñ

* 18:14: Mat 23.12; Luk 14.11 * 18:20: Eks 20.12-16; Dut 5.16-20

kewö jii mötket, “Nöñön keu ölni kun kewö jibi mötme: Kunñan Anu-tugö bemtohoñangöra aka yuai kun mosöröhi, - mi miri gölmeñi, anöm-moröñi, darumunñi me iwinamñi - mi engömosöriga ³⁰ Anutunöñ mönö salupñe toroqeba ongita likepñi melen wañgiiga mi gölmeñi malmalnöñ mema aka malmal könañgepñe malmal köhöikñi teteköñi qahö buña qem anğuma.”

Jisösnöñ kömumangö keuñi jiiga karöbut ahök.

Mat 20.17-19; Mak 10.32-34

³¹ Jisösnöñ gwarekurupñi 12 mi öröm engii kagetka kewö jiyök, “Mötket, nini Jerusalem öngöbin. Kezapqetok ambazipnöñ Suep gölmeñi azi öñangöra keu pakpak ohogeri, mi mönö öñambuk ak teköma. ³² Kunöñ i mamalolo mem wañgiiga kian gawman yenjö böröñjine gema. Yenñon jiji-wilit aka mepaiköba keu töhöreñ jim wañgiba söutkölap qeme. ³³ Söutkölap qeba ihilek wahñambuknöñ tauköm wañgiba qeget kömuma. Kömumba wehön karöbut aiga kömupnöñöhök wahötma.”

³⁴ Mewö jiyökmö, gwarek yenñon keu mi qahöp mahöp möt asariget. Keu jiyöhi, mi asa-asambötñe ahöiga mi qahö möt kutuget. Mewö.

Jisösnöñ jegömöl azi kun mem ölöwahök.

Mat 20.29-34; Mak 10.46-52

³⁵ Jisösnöñ anda Jeriko mire dopdowiiga jegömöl azi kunñan nene moneñ wañgimegöra uleta köna jitñe tarök. ³⁶ Tariga ambazip kambu könanöñ ongita angetka kourukñini möta “Wanat yuai asuhuza?” jiba qesim engiyök.

³⁷ Qesim engiiga kewö jiget, “Jisös, Nazaret azinöñ mönö könanöñ kaba gonçitmamgö akza.”

³⁸ Jigetka kewö qerök, “Jisös, Deiwidkö gwölönarökñi! Gi mönö ak-kömum niñgiman!”

³⁹ Mewö qeriga ambazip mutuk angeri, yenñon bök tatmapköra qetal wañgigetmö, yanñon kapan köla qet gigilahöyök, “Deiwidkö gwölönarökñi! Gi mönö ak-kömum niñgiman!”

⁴⁰ Qet gigilahöiga Jisösnöñ dörök ala kewö jim kutuyök, “I mönö böröñe memba nöñgöreñ kame.” Jiiga memba dowe kañgotketka kewö qesim wañgiyök,

⁴¹ “Alani! Gi mönö wani yuai ak gihimangöra mötzan?” Qesim wañgiiga jiyök, “Kembu! Ni jeni kunbuk umangöra mötza!”

⁴² Jiiga Jisösnöñ kewö jii mörök, “Mönö jegi unöñ. Mötnariplan mönö mem ölöwak gihiza.”

⁴³ Mewö jiiga miangöreñök jeñi tohoiga törörök uba Anutu möpöseiba Jisös wuatangöba andöñe anök. Ambazip pakpak yenñon yuai mi eka Anutu möpöseiget. Mewö.

19

Zakiusnöñ uruñi melenök.

¹ Jisösnöñ Jeriko taonöñ kañgota kutuba anmamgö ahök. ² Miangöreñ azi kun qetñi Zakius malök. Yanñon azi pomñi aka takis meme yenjö jittjememeñina malök. ³ Yanñon Jisösgö kaisongolomñi ekñamgö ak wañgiyökmö, azi töröptökñangöra ambazip kambu sutñine kinda kököriba osiyök. ⁴ “Jisösnöñ ki kaba neñgonçitma,” jiget möta ekñamgöra ösumök

anda ambazip enḡonḡita sikamore ip* qakne öngöba tarök. ⁵ Tari Jisösnöḡ miangören aḡgota jeḡan ui öngöi eka yaḡgöra kewö jiyök, “Zakius, gi mönö ösumök etnöḡ. Ni merak göhö mire kabi mohotḡe tatpit.”

⁶ Mewö jiiga ösumök eta söḡgaiba köḡ örom waḡgiiga miriḡe anohot. ⁷ Anohotka ambazip körekḡan mi eka irikuruk aka kewö jiget, “Mönö wuanöḡgöra siḡgisöndok azi mewöḡaḡgö mire öngöba tatza?”

⁸ Mewö jigetmö, Zakiusnöḡ ambazip sutḡine aukḡe wahöta kinda Kembugöra kewö jiyök, “Kembu mötnöḡ, nöḡön ainemalukuni bibiḡe mendeḡda likeḡḡi ambazip wanapḡi yeḡgöra enḡimam aka denike yeḡgöreḡ öroyuai kun dop onḡita tilipqilip aka waḡgirali, mi mönö ambemḡi 4:gö dop toroqeba mendeḡda enḡimam.”

⁹ Mewö jiiga Jisösnöḡ yaḡgö könaḡaḡgöra kewö jiyök, “Anutunöḡ merak miri kiangö tonḡi amöt qem waḡgii letotza. Yaḡön mewöyök Abrahamgö gwölönarökurupḡi yeḡgö sutḡine malja. ¹⁰ *Suep gölmegö azi öḡḡan mönö ambazip sohogeru, mi jaruba amöt qem enḡimamgöra aka erök.” Mewö.

Moneḡ esu 10 mendeḡda enḡiyök, miangö dopkeu.

Mat 25.14-30

¹¹ *Jisösnöḡ kaba Jerusalem siti dopdowiba keḡḡi jii ambazip mi mötkeri, yeḡön kewö mötmöriget, “Anutugö bemtohoḡaḡgö öḡḡan zilaḡ asuhuma.” Mewö mötmörigeranḡgöra Jisösnöḡ dopkeu kun kewö jiyök, ¹² “Azi qetbuḡaḡambuk kunḡan kewö jiyök, ‘Ni mirini mosöta kantri kunöḡ körowen anbiga miangöreḡ ni kiḡ kembu kuḡgum niḡigetka mala lilingöba kamam.’ ¹³ Mewö gölme körowen anmamgö jiba nup aziurupḡi 10 enḡoholi kagetka moneḡ esu 10 mendeḡda enḡiba kewö jiyök, ‘Nöḡön anda mala biaḡ lilingöba kamam. Enḡön nalö sutḡe kiangöreḡ moneḡ kianḡön kölköl-örörö nup memba mem sehime.’ ¹⁴ Mewö jiba anökmö, könaḡesöurupḡan kazik ak waḡgiba kewö jiget, ‘Nini azi kianḡön nanine azi kembu aka galöm köḡ neḡgimapkö töközin.’ Mewö jiba welen azi tosatḡi melaim enḡiget andöḡe anda buzup mi jiget mörök.

¹⁵ “Mewö mörökmö, töndup kantri anök, miangöreḡ yeḡön i azi kembu kuḡgum waḡgigetka nanḡi prowinsnöḡ kunbuk lilingöba kayök. Kaba nup aziurupḡi moneḡ esu enḡiyöhi, mi jiiga yaḡgö jeḡe kaḡgotket. Mohot mohot yeḡön kölköl-örörö nup memba moneḡ mem sehigetka dawik asuhuyöhi, mi kondelget ekḡamgöra qesim enḡiyök. ¹⁶ Nup azi mutukḡan jeḡe kaḡgota jiyök, ‘Kembu, nöḡön moneḡ esugi mem sehibiga toroqeba kunbuk esu 10 miwikḡaial.’

¹⁷ “Mewö jiiga kewö jii mörök, ‘Mi ölöp. Gi nup meme azi ölöḡḡi. Gi yuai morörökḡi memba mi kapaḡkapaḡ aka galöm köla malnöḡga sehiyök. Miangöra nöḡön taon gölme 10 mindiriba göhö böröge albi yeḡgö galöḡḡina malman.’ ¹⁸ Mewö jiiga nup azi alaḡan jeḡe kaḡgota kewö jiyök, ‘Kembu, nöḡön göhö moneḡ esugi mem sehibiga toroqeba kunbuk esu 5 miwikḡaial.’ ¹⁹ Mewö jiiga yaḡgöra mewöyök kewö jii mörök, ‘Mi ölöp. Nöḡön taon gölme 5 mindiriba göhö böröge albi yeḡgö galöḡḡina malman.’

²⁰ “Kunbuk kunḡan kaḡgota jiyök, ‘Kembu eknöḡ. Göhö moneḡ esugi ki. Mi oponöḡ esuhuba lolongöbi ahöyök. ²¹ Göḡön azi könöḡḡambuk akzananḡgöra aka göhöra keḡgötḡi möta malal. Gi nangak inap yuai köwenöḡ qahö alnöḡi, mia töndup memamgö mörakzan. Gi nangak

* 19:4: Sikamore mi köwu ewöya, köḡḡi neneḡa. * 19:10: Mat 18.11 * 19:11: Mat 25.14-30

nene kötñi qahö kömötnönga asuhuyöhi, miangö ölni mi töndup yandiba memangö mörakzan.’

²² “Mewö jiiga melenja kewö jim wanjyök, ‘Gi nup azi bölöñi. Nangak keu jizani, nöñon miangö dop kewöt gihiba likepñi melen gihimam. Ni azi könöpñambuk akzal. Nanak yuai köwenöñ qahö ala mi memangö mörakzal. Nanak nene kötñi qahö kömöta miangö ölni mi töndup yandiba memangö mörakzal. Mi ölop möta malnöñ. ²³ Gi könani mewö mötagun mönö wuanöngöra moneñ esuni mi benknöñ qahö alnönga qariyök. Mi kölköl-örörö nupnöñ albanak ewö, miangön mönö sehiiga nöñon kaba sunambuk membilenjak.’

²⁴ “Mewö jiba azi kösutñe kingeri, mi kewö jii mötket, ‘Injini mönö yangö böröñeyök moneñ esuni mi wanjita esu 10 miwikñaiyöhi, i wanjime.’ ²⁵ Jii möta kewö jiget, ‘Kembu, yangören moneñ esu 10 mi lök ahözal!’ ²⁶ *Mewö jigetka melenja jiyök, ‘Nöñon kewö jibi mötket: Ambazip yuai ahöm engizawi, yengöra körek mönö mi toroqem engigetka sehimapmö, kungören yuai kun qahö ahözawi, morörökñi mia mönö mewöyök wanjitketka öne töhön malma.’ ²⁷ Mewö jizalmö, kerökurupnan nöñon kinj kembu aka galöm köl engimangö tökögeri, i mönö enguanjita kagetka engeka jim kutubi engugetka kömume.’ ” Mewö.

Jisösgöra köirañ kölgetka Jerusalem öngöyök.

Mat 21.1-11; Mak 11.1-11; Jon 12.12-19

²⁸ Jisösnöñ keu mi jim teköba mosöta Jerusalem sitinöñ öngömangöra mutuk anök. ²⁹ Anda Betfage aka Betani miri yahöt kösutñire kaba kundunñ qetñi Oil ip kundunñ qerakzei, miangören öngöba gwarekyahötñi yahöt melaim etkiyök. Melaim etkimangö aka ³⁰ kewö jiyök, “Miri wösöñire tatzawi, mönö miangören anmahot. Anda miangören angota donki moröñi kösönöñ jöhöget kinjawi, mi miwikñaimahot. Donki mi dölökña, azi kunöñ qakñe qahö tatatña. Mi mönö pösata memba ki kamahot. ³¹ Pösarohotka kunñan ‘Mi wanigöra pösatzahot?’ jiba qesim etkiiga kewö jimahot, ‘Kembuniran miangöra osiza.’ ”

³² Mewö melaim etkiiga anda jiyöhangö dop miwikñaiyohot. ³³ Miwikñaiiba donki moröñi pösatpitkö ahotka tonjan jiget, “Hei! Donki moröñi mi wanigöra pösatzahot?”

³⁴ Jigetka kewö melennohot, “Kembuniran miangöra osiza.” ³⁵ Mewö jiba memba Jisösgören kaba malukunñi qeköba donki qakñe tumbula jigetka Jisösnöñ öngöba tarök. ³⁶ Mewö tata aniga ambazip kambu yeñon göda qeba opo malukunñi qeköba köna namñe tumbulget.

³⁷ Tumbulgetka anda Jerusalem dopdowiba Oil ip kundunangö sörokñe geiga gwarek kambu pakpak yeñon könahiba söngaiba anjoletot pakpak kukösum qakñe mei ekeri, miengöra qet ketanñ qeta Anutu möpöseim wanjiba ³⁸ *kewö jiba qetket, “Anutu möpöseizin. Kinj Kembugö qetñe kamawi, Anutunöñ mönö i kötuatköma. Luaigi aka qetbuñagi möpöseininga Suepnöñ euyangören öngöza. Owe owe!”

³⁹ Mewö qetketka Farisi (Köna keugö kapankölköl) tosatñan ambazip kambu sutñine kinda kewö jim wanjiget, “Böhi, mönö gwarekurupki jim enginöñ.” ⁴⁰ Mewö jim wanjigetka kewö melennök, “Nöñon kewö jibi mötme: Yeñon göröñ kinbeak ewö, köt yeñon mönö silata qetpeak.” Mewö.

* 19:26: Mat 13.12; Mak 4.25; Luk 8.18 * 19:38: Sum 118.26

Jisösnöŋ Jerusalem sitigöra sahörök.

⁴¹ Jisösnöŋ Jerusalem dopdowiba siti mi eka sahörök. ⁴² Sahöta kewö jiyök, “Engöŋ luai denöwö ahubawak! Injini miangö könaŋi wehön kiangöŋ môt kutugetka dop kölbawakmö, nalö kewöŋe mi jeŋini qahö tohozawaŋgöra aka tölapŋe ahöza. ⁴³ Miangö könaŋi kewö: Nalö kun kam kuŋgumawi, miangöŋ kerök yeŋön kaŋgota kiripö köhöikŋan siti ki kuŋgum liliköba likeplikap eu emu kinda gwan ala kahasililiŋ ak engime. ⁴⁴ Anutunöŋ mesohol köla engoholiga injini nalö bohönŋi mi qahö môt kutuba nesampurek aka Anutu andö qeba laŋ mala kotzei, miangöra kerök yeŋön köndenmönden engigetka mirigö köt kun mi köt kungö qakŋe qahö kinmapmö, siti kianön mönö qeqelanlaŋ ahöma. Yeŋön jike miriŋini köndenŋa moröŋurupŋini siti uruŋe maljei, mi engum ureime.” Mewö.

Jisösnöŋ jöwöwöl jike jim kömbuhiyök.

Mat 21.12-17; Mak 11.15-19; Jon 2.13-22

⁴⁵ Jisösnöŋ keu mi jim teköba jöwöwöl jikegö tohoŋ uruŋe anda inap bohönŋi memegöra algeri, mi könahiba közöl engiiga etket. ⁴⁶ *Közöl engiba kewö jii mötket, “Aisaianöŋ keu kun kewö ohoi ahöza, ‘Nöngö jikenan mönö köulukö miriŋina akŋa.’ Keu mi ahözapmö, injini mi utekögetka kegwek-kahasililiŋ yeŋgö baŋet ewö akza.”

⁴⁷ *Jisösnöŋ nalö dop jöwöwöl jikenöŋ öngöba Buŋa keu kusum engiba malök. Mewö malökmö, jike nup galöm aka Köna keugö böhi yeŋön tokoba kantri jike kaunsöl yembuk eraum möta kewö jiget, “Mönö denöwö jiinga qegetka kömumbawak?” ⁴⁸ Mewö jigetmö, ambazip kambu pakpak mienön yambuk qekötahöba Buŋaŋi kezap ala mötket. Miangöra “Mönö denöwö akinak?” jiba köna kun qahö miwikŋaiget. Mewö.

20

Jitŋememe yeŋön Jisösgö kukösumŋaŋgö qesiget.

Mat 21.23-27; Mak 11.27-33

¹ Jisösnöŋ jöwöwöl jikenöŋ öngöba ambazip kambu kusum engiba Ölöwak Buŋa jim asarim engiba malök. Nalö kunöŋ mewö aiga jike nup galöm aka Köna keugö böhi yeŋön kantrigö jitŋememe tosatŋi yembuk Jisösgö jeŋe kaŋgotket. ² Kaŋgota kewö qesim waŋgiget, “Gi kiangöŋ yuai akzani, mi mönö danön jim kutum ghiiga ahakzan? Miangö kukösumŋi mi danön ghiyök? Mi jinöŋga mötpin.”

³ Qesim waŋgigetka kewö melen engiyök, “Nöŋön mewöyök qesim engibi mi jiget mötman. ⁴ Jonöŋ ambazip o-melun mem engiba malöhi, yaŋön miangö kukösumŋi mi denikeyök meyök? Suet Tonjan waŋgiyök me gölme tonjan waŋgiget?”

⁵ Mewö melen engiiga sutŋine eraum möta kewö jiget, “‘Kukösumŋan Suepnöhök asuhuyök,’ mewö jibin ewö, yaŋön mönö kewö jima, ‘Mewö aiga injini i mönö wuanöŋgöra qahö môt narim waŋgiget? Mi qahö dop kölja.’ ⁶ Könagesö pakpak yeŋön Jongöra ‘Kezapqetok azia akza,’ jiba mi köhöikŋanök möt nariba malje. Miangöra ‘Gölme ambazipnöhök asuhuyök,’ jibin ewö, yeŋön mönö irimŋini seholiiga kötnöŋ neŋgume.” ⁷ Keu mewö kewöta kewö melenget, “Kukösumŋan denikeyök ahuyöhi, nini mi qahö mötzin.”

* 19:46: Ais 56.7; Jer 7.11 * 19:47: Luk 21.37

⁸ Mewö melengetka Jisösnöñ kewö jii mötket, “Mewö aiga nöñön mewöyök yuai ki ahakzalangö kukösumñi danön ningiyök, mi qahö jibi mötme.” Mewö.

Wain kösö nup galöm bölöñi, mienjö dopkeu

Mat 21.33-46; Mak 12.1-12

⁹ *Jisösnöñ könahiba ambazip dopkeunöñ kewö jii mötket, “Azi kunñan wain kösö nup köla kömörök. Köi kömöta nup galöm tosatñi miwikñaim engiba jiuga nupñi memba ölnangö bahöñi nanñini memba bahöñi tonji wangimegöra böröñine alök. Böröñine ala engömosöta kantri kunöñ anda nalö köröñi malök.

¹⁰ “Mala mali ölni öliyöhangö nalöñi (yambu 5) töriiga miangörej welenqeqenji kun melaim wangiiiga galöm yengörej anda wain nup ölnangö bahöñi wangimegöra jiyök. Jiyökmö, nup galöm yeñön i kömbinöñ qeba wuatangögetka böröñi börak lilingöyök. ¹¹ Mianjö andöñe welenazi kun melaim wangiiiga anökmö, i mewöyök kömbinöñ qeba gamu qem wangiba wuatangögetka böröñi börak lilingöyök. ¹² Lilingöiga nup toñan welenazi kun kunbuk melaii aniga ambemñi karöbut ahökmö, i mewöyök sepgwörörök qeba nup yaigepñe gilget geyök.

¹³ “Mewö aketka wain nup toñan keu jaruba jiyök, ‘Mönö denöwö akñamto? Nani wölböt nahöni mönö melai biga ani i eka göda qeme me denöwö?’ ¹⁴ Mewö jiba nahöñni melaiiga anökmö, wain nup galöm yeñön i eka sutñine kewö eraum möta jiget, ‘Yañön mönö börösamotñangö tonji akñja. Ayop, i mönö qein kömuiga wain kösö nup kianön mönö nanine buñanina akñja.’ ¹⁵ Mewö jiba gilgetka nup yaigepñe geiga qeget kömuyök. Wain nup toñan mi möta mönö denöwö ak engima?

¹⁶ Yañön mönö nanñak kaba nup galöm mi köndenji engima aka nup galöm dölöknji miwikñaim engiba wain kösö nupñi yeñjö böröñine alma.” Jisösnöñ dopkeu mewö jii möta jiget, “Mi qahö dop kölja. Yapmakek!”

¹⁷ *Jigetmö, Jisösnöñ i törörök engeka kinda kewö jiyök, “Buña Kimbigö keu kun kewö ahöza,

‘Miri meme yeñön köt tandö kun andö qeba öne mosötket taröhi, mianön mönö tandö kömbönanji aiga miwikñai get.

Mianön tinjiriga mirinöñ mönö gororöngöba eta köлма.’ Keu mianjö könanji denöwö?

¹⁸ Mianjöra kewö jibi: Kunñan tandö bohönñi miangörej tötöngata eta qemawi, mi mönö silenji kutumutumapmö, ain tandö mianön jöla tala kungö qakñe eta kölmawi, mi mönö körek qözömözö zamgöma.”

¹⁹ Jisösnöñ mewö jiuga Köna keugö böhi aka jike nup galöm yeñön keu mianjö könanji möt asariba kewö jiget, “Dopkeu mi mönö nengöra jiza.” Mianjöra i nalö miangörejök memba jöhöbingö mötketmö, ambazip kambu yeñjöra kenjötnini möta osiget. Mewö.

Takis alalgö Jisös esapköm wangiget.

Mat 22.15-22; Mak 12.13-17

²⁰ Juda jitñememe yeñön Jisösgö jegalöm meget. Mewö memba keunji kun qiwitipköi keugö bötaknöñ öroi gwaröhöm wangimegöra aka azi tosatñi melaim engiget yangörej kaget. Opotöröp aka premiö yeñjö böröñine al wangibingö möta Buña keu ölöpnji jiji tandök aka qesiba keunjangö kezap alget.

* 20:9: Ais 5.1 * 20:17: Sum 118.22

²¹ Areñ mewö ala qesiba kewö jiget, “Böhi, nini göhö könagi mötzin. Göñon keu diñdijı jiba kusum neñgimaktan. Göñon ambazip tosatñi qahö engek soriba tosatñi qahö qepureim enñgimaktanmö, dop mohotnöñ kewöt neñgimaktan. Mewö aka Anutugöreñ köna mi keu öljangö dop kusum neñgimaktan. ²² Mianğöra nini sisa-kiñğöra takis ala mianjön Mosesgö Köna keu siñgibin me qahö?”

²³ Mewö jigetmö, Jisösnöñ isimkakalek areñini möt kutuba kewö jii mötket, ²⁴ “Ölöp silwö monerñ (Kina 5) kun kondel niñgigetka eki. Dagöreñ imut aka qet mi mianğöreñ ohoget ahöza?” “O, mi sisa-kiñğöreñ,” mewö melenđa jiget.

²⁵ Jigetka kewö jii mötket, “Mewö aiga yuai sisa-kiñgö imutñambuk buñañi akzawi, mi mönö yangöra al wañgime. Yuai kun Anutugö buñaya akzawi, mi mönö Anutugö buña qeme.” ²⁶ Jisösnöñ mewö jiyöhañğöra ambazip kambu yeñgö jeñine keugö bötaknöñ al wañgibingö osiba keuñangöra welipköba keu bök kinget. Mewö.

Kömupnöñök wahötwahötkö Jisös esapköm wañgiget.

Mat 22.23-33; Mak 12.18-27

²⁷ *Sadyusi böhi pati yeñon “Kömugeri, yeñon kude wahötme,” jiba malget. Yeñgöreñök tosatñan Jisösgö jeñe kañgota kewö qesim wañgiba ²⁸ *jiget, “Böhi, Mosesnöñ kewö jim kutum neñgiyök ahöza, ‘Azi kun ambi meiga nahönbörat qahö ahui kömuiga munñan ölöp malöñi memba mala gwölönarök qiwikñaim wañgiiga datñangö qet bisiba malma.’

²⁹ “Mötnöñ! Nalö kunöñ darumun 7 malget. Datñini mutukñan ambi memba mala gwölönarökñi qahö öne mala kömuyök. ³⁰ Kömuiga munñan malöñi mi meyök. ³¹ Mianğö andöñe munñi kunñan ambi miyök meyök. Mewöña mewö darumun 7 pakpak yeñon ambi mohok miyök memba gwölönarök qahö mala kömum teköget. ³² Kömugetka tekögetka qöndökñi malöñini mi mewöyök kömuyök. ³³ Göñon ‘Kömugeri yeñon guliba wahötme,’ jizanmö, nini mi qahö möt narizin. Mötnöñ, azi 7 pakpak mi öröröñ wahötpeak ewö, ambi mohok mi anömñina meget malöhañğöra aka mönö dagö anömña akawak?”

³⁴ Mewö jigetka Jisösnöñ kewö melenñök, “Nalö kewöñe gölme kiangöreñ ambazip awanöm aka malahakze. ³⁵ Mi malahakzemö, ambazip uruñini melengetka Anutunöñ eka möri dop köliga kömupnöñök wahöta miri gölme kun euyangöreñ añgota malmei, yeñon mianğöreñ qahö amime.

³⁶ “Mianğö könañi kewö: Mötnarip ambazip guliba kömupnöñök wahötmei, yeñon Anutugö nahönböratuñi akze. Yeñon Suep garata tandök ewö aka kunbuk qahö kömumemö, teteköñi qahö mal öngöme. ³⁷ *Mötket! Kömugeri, yeñon guliba wahötmegö keuñi mi Mosesnöñ mewöyök nañgöba jiyök. Ip köhösonöñ könöp bölam ahuba qahö jem kutuyöhi, yeñon mi eka kösohotñi ohoi mianğöreñ keu kewö ahöza, ‘Nöñon Anutu Abrahamgö Kembu, Aisakö Kembu aka Jeikobkö Kembu mala kota maljal.’ ³⁸ Isik bömön karöbut yeñon Anutubuk mala mal köhöiba öngöme. Körek köhöiba maljei, yeñon mönö malmalñini Anutugöra malje. Mianğöra Anutunöñ köhömuñi yeñgö Kembuñini qahöpmö, malmal köhöikñi maljei, mönö yeñgö Kembuñina akza.”

³⁹ Jisösnöj mewö melenjiga Köna keugö böhi tosatjan melenja kewö jiget, “Böhi, mi törörök jizan.” ⁴⁰ Mewö jiba keu kun kunbuk qesim wangibingö kölköldömdöm aka mosötket. Mewö.

Kraist mi kin Deiwidkö Kembuni aka gwölönarökji.

Mat 22.41-46; Mak 12.35-37

⁴¹ Jisösnöj keu kun kewö jii mötket, “Kraistnöj Kin Deiwidkö gwölönarökji akzawi, tosatjan keu mi denöwögöra jimakze?

⁴² *Deiwidnöj nannak keu kewö jiiga Sumbara (Buja lijet, sam) Kimbinöj ahöza,

‘Anutunöj kinda nöngö Kembuni kewö jii mörök, Göñön mönö kaba nöngö böröni ölje tatnonga

⁴³ nöñön nalö sutje kerökurupki tim tötala luhut al engiba göhö köna tambö gwaröje al engimam.

Nalö mi kam kunjumawangö dop mönö asakmararanöj ki tatman.’

⁴⁴ Deiwidnöj mewö jiba qetji ‘Nöngö Kembuni’ jiza. ‘Kembuni’ jiba mönö denöwö aka yangö gwölönarökji mohot akawak?” Mewö.

Urumelengö silesile malmalgö galöm meme keu

Mat 23.1-36; Mak 12.38-40; Luk 11.43

⁴⁵ Jisösnöj gwarekurupji yengöra keu kewö jiiga ambazip kambu pakpak mi mötket, ⁴⁶ “Köna keugö böhi yengöra mönö galömjini memba malme. Yeñön maluku köröpji löngöta anda kaba kondel angubingö mörakze. Maketnöj me könanöj ambazip engeketa jölöjini jimegö mörakze. Mewöyök köuluk mire qaikje eu tatpingö sihimji mörakze aka közölömbuanjöhöj dum tatat mutukje jegep tatpingö mörakze. ⁴⁷ Yeñön malö yengöreñ miri yuai bidanja gagabe köla enguanjgirakze aka qet-bujanjini asuhumapköra köuluk köröpji köuluköba töptöpjine qemakze. Mianjögöra Anutunöj keunjini jim teköba likepji öngöngöj melenjini qakjine öngöma.” Mewö.

21

Ambi malö kunjan naluk kötin öljhi alök.

Mak 12.41-44

¹ Jisösnöj kinda ui ani ambazip pomji yeñön nalukjini mi naluk dundumje alget geyök. ² Alget geiga ambi malö wanapji kunjan kaba souje kötni pisikji yahöt ali geyöhi, mi mewöyök ehök. ³ Mi eka kewö jiyök, “Nöñön keu öljhi kun kewö jibi mötket: Malö wanapji kianjöhöj naluk aljawi, mi mönö tosatji pakpak engongita alja. ⁴ Mianjögö könanji kewö: Körek yeñön monen ketanji ahöm enjiiga kitipjanöhök aljemö, ambi kianjöhöj köruebörue maljawangö dop yuainji pakpak al teköba öne töhön malma.” Mewö.

Jöwöwöl jikenöj köndenjmönden asuhuma.

Mat 24.1-2; Mak 13.1-2

⁵ Jerusalem jöwöwöl jike mi köt eksihimjambuk aka kalemji kalemji Anutugöra algeri, mianjöhöj meñölögetka aködamunjambuk ahöyök, gwarek tosatjan mi eka eraum mötketka Jisösnöj keu kewö jii mötket, ⁶ “Miri ki engekzei, mi mönö köndengetka mirigö köt kun mi köt kungö qakje qahö ahömapmö, qeqelanjan aka sahopjanök ahöma.”

* 20:42: Sum 110.1

Kahasililiŋ aka sesewerowero asuhuma.

Mat 24.3-14; Mak 13.3-13

⁷ Mewö jiiga möta qesim wanŋiget, “Böhi, keu jizani, mianŋö ölni mönö wanat nalönöŋ asuhum tinŋitma aka asuhumamgö akŋawi, mianŋö aiwesökŋan mönö denöwö asuhuma?”

⁸ Qesim wanŋigetka kewö jiyök, “Kunŋan isimkakalek aiga janjun anbepeköra mönö galömŋini memba malme. Ambazip gwötpukŋan asuhuba nöŋgö qetne kewö jime, ‘Nöŋön Kraist akzal,’ aka, ‘Nalönöŋ mönö töriza.’ Mewö jimemö, eŋön mönö yeŋgö andöŋine kude anme. ⁹ Yarö aka karimŋi karimŋi asuhugetka ötoŋini mötmemö, jönömŋini kude unduma. Yuai mi mutuhök asuhumapkö jijiŋa. Mi asuhumapmö, gölmeŋö nalöŋan mönö mianŋöŋeŋök zilaŋ qahö teköma.”

¹⁰ Mewö jiba toroqeba kewö jii mötket, “Kantri kunöŋ kantri kun eŋgubingöra wahötme. Ambazip kambu kunöŋ kambu kun yembuk aröŋ aŋgubingöra wahötme. ¹¹ Gölmeŋi gölmeŋi mianŋöŋeŋ kenöŋ ketanŋi ketanŋi qözöla memba melenŋi gemakŋa. Mewöyök bödiŋi bödiŋi (buöröŋi buöröŋi) asuhuba öŋgöba ahöma. Kawöl köhöikŋi köhöikŋi mienöŋ asuhugetka sesegilgil kömumakŋe. Suepnöŋ aiwesök ketanŋi jemurutŋi murutŋi eŋgeka keŋgöt kotkot akŋe.” Mewö.

Ölöwak Buŋaŋöra kerök asuhuma.

Mat 24.9-14; Mak 13.9-13

¹² “Yuai pakpak mi asuhumemö, mutuk qeljiŋe tosatŋan iŋini uruŋini melenŋeraŋgöra aka eŋgömembra jöhöba sesewerowero ak eŋgime. Tosatŋan öröm eŋgiba köuluk miriŋine keu nupŋini memba jim tekögetka kösö miriŋi miriŋi mianŋöŋeŋ al eŋgime. Tosatŋan nöŋgö qetnaŋgöra aka eŋguaŋgitetka kantriŋi kantriŋi yeŋgö kiŋ kembu aka premiö yeŋgö jemesoholŋine kinme. ¹³ Mewö kinda nöŋgö könaŋamni naŋgöba jigetka mötme. ¹⁴ *Keu jakeŋe al eŋgigetka kinmei, nalö mianŋöŋeŋ keu denöwö jibinak, mianŋö waimanjatŋi qeljiŋe kude mötme. Keu mi mönö urukönömŋine algetka ahöma.

¹⁵ “Mi kewögöra: Nöŋön embuk kinda mötkutukutu eŋgiba numbuŋini mem amqemam. Uruawamŋanök malgetka tuarenjoŋurupŋini yeŋgöŋeŋök kunŋan mötkutukutu mi qetala keuŋini qeapköba memba et al eŋgibingö osima. ¹⁶ Nanŋini iwinam, darumun, tinitosolom aka alaurupŋini yeŋön mewöyök aŋgönaŋ mem eŋgigetka eŋgöŋeŋök tosatŋi eŋgugetka kömume. ¹⁷ Kantri pakpak yeŋön nöŋgö qetnaŋgöra aka kazik ak eŋgigetka malme.

¹⁸ “Mewö malmemö, nöŋön köyan köl eŋgibi nööröpŋinaŋgö jupŋi kunŋan qahö sohoma. ¹⁹ Iŋini kapariŋ köla köhöiba böŋ qeba kinda mianöŋ mönö luhut ala oyaenköyaen malmal buŋa qem aŋgume.” Mewö.

Jerusalem sitiŋö köndermönderŋ uru-önönŋambuk

Mat 24.15-21; Mak 13.14-19

²⁰ “Könaŋgep yarö kambu yeŋön kaŋgota Jerusalem siti liliköba gwan almei, iŋini mi eka mianŋöŋeŋ kewö mötmörime, ‘Siti bohonŋi köndermönderŋmegö nalöŋan mönö kam kuŋguza.’ ²¹ Nalö mianŋöŋeŋ Judia prowinsnöŋ malmei, eŋön mönö misinŋöba öröba kunduje anme. Sitiŋöŋ malmei, eŋön mönö siti mosötme. Siti yaigepŋe mire malmei, eŋön mönö sitiŋöŋ kude anme.

* 21:14: Luk 12.11-12

22 **“Mi kewögöra: Buŋa Kimbinöŋ kezapqetok keu ohoget ahözawi, mi pakpak mönö ölnambuk akŋa. Keu miangö dop Anutunöŋ nalö miangöŋeŋ singisöndokninaŋgö likepŋi melenŋa qakŋine ali öngöma. 23 Anutunöŋ Israel könagesö singisöndokninaŋgöra irimŋi sehöliiga kazikŋi kondel enŋiiga gölmenöŋ kahasililiŋ keta bölökŋi asuhuma. Ambi gölömbuk aka morö juzunöŋ yeŋön mönö nalö miangöŋeŋ denöwö ösumŋinan anbeak? Miangöra Yei! jizal.*

24 *“Köndenmönden miangöŋeŋ ambazip tosatŋi mi bimgö sou ketanŋan enŋugetka kömume. Tosatŋi kösö gwaröhöm enŋiba enŋuangitketka kantri pakpak yeŋgö sutŋine anŋotme. Anŋotketka kian kantri yeŋön kanŋota Jerusalem tiangöba malme. Mewö malgetka Anutunöŋ nalöŋini tohot qei tatzawi, mianŋön kam kuŋguiga mosötme.” Mewö.*

Suep gölmegö azi ölnan mönö asuhum tinŋitma.

Mat 24.29-31; Mak 13.24-27

25 **“Wehön aka köiŋ jeŋire aka senŋelau miangöŋeŋ aiwesök murutŋi murutŋi asuhume. Köwetnöŋ siri qegetka ötoŋ ketanŋi ahumakzawaŋgöra gölmegö kantri pakpak yeŋön tötbörömŋini kaiga wahöjalini möta malme. 26 Mewö malgetka suepnöŋ uturuköiga miangö öroyuaiŋi mi tatatŋini mosöta enŋololöŋ aketka sohoma. Miangöra gölmenŋi gölmenŋi miangöŋeŋ lömböt bölöŋi kötökŋi asuhumapköra mamböt-torok mala kenŋötŋini möta uruŋini duhuiga jegiligil akŋe.*

27 **“Nalö miangöŋeŋ Suep gölmegö azi ölni yaŋön kousu qakŋe kanŋori ekŋe. Kukösümŋi ketanŋan saköl-dinŋinambuk aukŋe asuhuiga asakmararaŋi ekŋe. 28 Mewö kanŋotmapmö, yuai mi könahiba asuhumei, enŋön mönö nalö miangöŋeŋ Suepnöŋ öngöbingö nalöŋinan törimawaŋgöra nöörŋini uba wahöta uruŋini qezaköba awösamkakak kinme.” Mewö.*

Geröp ipkö dopkeu

Mat 24.32-35; Mak 13.28-31

29 Jisösnöŋ dopkeu kun kewö jii mötket, *“Inŋini geröp aka ip tosatŋi mi eka tandökŋini mötme. 30 Ip mi sinŋan yonŋoigetka mi eka miangö könaŋi nanŋinak möt asariba kewö jimakze, ‘Wehön nalöŋan lök dopdowiza.’*

31 *Enŋön mewöŋanök keu jizali, miangö ölnan asuhuiga eka möt asariba könaŋi kewö jime, ‘Anutugö bemptohan mönö dopdowiza.’*

32 *“Nöŋön keu ölni kun kewö jibi mötket: Ambazip merak gölmenöŋ maljei, yeŋön qahö kömugetka yuai pakpak jizali, mi mönö yeŋgö malmal nalöŋine asuhuma. 33 Suep gölmenöŋ göröŋ qemahotmö, nöngö Buŋa keunan mönö qahö ayapköma.” Mewö.*

Urugwölö mosöta köhömuŋi malbinbuk.

Mat 24.42-44; Mak 13.33-37

34-35 *“Nalö ketanŋi mianŋön ambazip körek gölmenöŋ maljei, yeŋgö qakŋine mewö asuhuma. Miangöra mianŋön wölanöŋök kaba simba ewö qeraköm enŋibapuk. Miangöra gölmenöŋ malmalgö waimanjatŋan qakŋine öngöiga közölömbuanŋ ala o köhöikŋi negetka enŋololöŋ aiga uruŋinan lömböröbapuköra mönö galöŋŋini mem anŋuba malme.*

36 *“Miangöra mönö nalö dop urugwölö mala köuluköba malme. Mewö malgetka ösum enŋiiga yuai pakpak mi asuhumawi, miangö uruŋeyök kök*

* 21:22: Hos 9.7 * 21:25: Ais 13.10; Eze 32.7; Joel 2.31; Ind 6.12-13 * 21:27: Dan 7.13; Ind 1.7

ala mönö Suep gölmegö azi ölnanğö jemesoholne awösamkakak kinme.” Mewö.

³⁷ *Nalö miangören Jisösnöñ wehön dop jöwöwöl jikenöñ kinda Buña kusum enjiiga miri mare aiga mosöta kundunji qetnji Oil ip kundunji qerakzini, miangören öngöba ahömalök. ³⁸ Mewö maliga ambazip kambu pakpak yeñon wehön dop söñanök jöwöwöl jikenöñ öngöba Buñani jii mötpingöra yanğoren kamalget. Mewö.

22

Jisös qein kömumapkö anğönanğ alget.

Mat 26.1-5; Mak 14.1-2; Jon 11.45-53

¹ *Mewö malgetmö, beret yistnji qahö miangö sösongainji, qetnji kun Pasowa kendon jimakzin, mi töriyök.* ² Töriiga miangören jike nup galöm aka Köna keugö böhi yeñon ambazip kambu yeñgö kenğötñini mötkeñanğöra aka nanñinök tokoba “Denöwö ahinga qeget kömumbawak,” jiba köna jaruba mötmöriget.

Judasnöñ Jisös mamalolo mem wanğimamğö urumohok ahök.

Mat 26.14-16; Mak 14.10-11

³ Nalö miangören Satanöñ Judasğö uruñe geyök. Judas mi Jisösgö gwarekurupñi 12 yeñgörenök kun. Kariot mireyök kayöhanğöra qetnji kun Iskariot qetket. ⁴ Yanğon jike nup galöm aka jikeğö kiripo galöm bohonñi yeñgören anda Jisös mamalolo memba böröñine almamğö keunji jiyök. ⁵ Yeñon mi möta “Ayop!” jiba uruñinan ölöwahiga söngöröñi monerj wanğibingö keu jöhöget. ⁶ Keu jöhögetka Judasnöñ Jisös ölöñ mamalolo memba böröñine almamğö köna möt jaruba köñbingöba malök. Mewö.

Jisösnöñ gwarek yembuk Pasowa lama neget.

Mat 26.17-25; Mak 14.12-21; Jon 13.21-30

⁷ Beret yistnji qahö miangö kendon silim kunöñ Pasowa lama qeba ohozema. Nalö miangön kam kuñguyök. ⁸ Jisösnöñ Pitö aka Jon kewö jiba melaim etkiyök, “Inñiri anda Pasowa lama mözözömgöyohotka nembin.”

⁹ Mewö jiiga qesim wanğiyohot, “Mi denikeanğoren anda mözözömgöbit?”

¹⁰ Qesim wanğiyohotka kewö melenñök, “Mörohöt! Inñiri sitinöñ anğorohotka azi kun o kimbut kunduta kaiga miwikñaimahot. Miwikñaiiba i wuatangöba anda mire öngömawi, miangören öngömahot. ¹¹ Öngöba miri tonji kewö jiyohot mötma, ‘Böhinöñ göhöra jiza: Ala mirigi denike? Neñon ölöp miangö uruñe kaba gwarekurupni yembuk Pasowa lama nembin?’ ¹² Mewö jiyohotka möta miri qakñe eu öngöba uruñi ketanji kun kondel etkima. Miangören dum tatat yuai mözözömgöget ahöza. Mi kondel etkiiga miangören lama qeba ohomahot.”

¹³ Mewö jii anda Jisösnöñ keu jiyöhi, miangö dop miwikñaiiba kinda lama qeba ohom mözözömgöyohot. Mewö.

Kembubuk semön qöndökñi neget.

Mat 26.26-30; Mak 14.22-26; Jon 13.21-30; 1 Kor 11.23-25

¹⁴ Nene nalöñan kaiga Jisösnöñ aposolurupñi yembuk nene nembingö eta tatket. ¹⁵ Tatketka kewö jii mötket, “Nöñon Pasowa lama ki embuk

* **21:37:** Luk 19.47 * **22:1:** Eks 12.1-27 * **22:1:** Pasowa mi nanine keunöñ neñgehoriiba neñgongirök. Eksodus 12.15

nembingö gwötpuk ak niŋgiba malök. Nene ki nembagun mönö sihimbölö mötmam. Miangö nalöŋan töriza. ¹⁶ Mi törizawaŋgöra kewö jibi mötket: Nöŋön Pasowa lama kiangöreŋ kun toroqeba qahö nemam. Könangep nene semön kiangö öŋan aukŋe asuhumawi, mi Anutugöreŋ bemtohoŋ uruŋe euyaŋgöreŋ nemam.”

¹⁷ Mewö jiba wain qambi memba kötuatköba kewö jiyök, “Mönö ki memba nanŋinak aŋguba neme. ¹⁸ Nöŋön kewö jibi mötket: Ni wain kösögö öŋi kiangöreŋ kunbuk toroqeba qahö nemam. Kunbuk nemami, mi Anutugöreŋ bemtohoŋ asuhum teköiga miangöreŋ nemam.”

¹⁹ Mewö jiba beret memba kötuatköba mindipköba eŋgiba kewö jiyök, “Ki nani busuni. Ki eŋgöra aka tököm eŋgizal. Nemba ni mötmörim niŋgiba malme.” ²⁰ *Mi eŋgii negetka mewöŋanök wain qambi memba kewö jiyök, “Qambi ki mi jöhöjöhö areŋ döläkŋi akza. Nöŋön amöt qem eŋgimangöra aka sepni mokoba kömumam. Sep mianöŋ mönö Anutugöreŋ jöhöjöhö areŋi mem köhöima.

²¹ * “Mewö akzapmö, mötket, mamalolo mem niŋgimawaŋön mönö mohotŋe ki nene memba tatzit. ²² Öŋa, Anutunöŋ jim kutuyöhi, Suep gölmegö azi öŋan mönö miangö dop gölme mosöta anma. Anmapmö, mamalolo mem waŋgimawi, yaŋgöra mönö wölkiköba ‘Yei!’ jizal. Anutunöŋ mönö likepŋi öŋgöŋgöŋi melen waŋgima.”

²³ Mewö jiiga gwarekurupŋan könahiba sutŋine eraum qesim aŋguba jiget, “Neŋgöreŋök mönö daŋön mamalolo mem waŋgibawak?” Mewö.

Gwarekyeŋön sutŋine goranora aket.

Mat 20.25-27; Mak 10.42-44

²⁴ * “Gwarek neŋgöreŋök galöm bohonŋi mi daŋön akza?” mewö jigetka miangöra mewöyök sutŋine goranora asuhuyök. ²⁵ *Mi asuhiiga Jisösnöŋ kewö jii mötket, “Gölmegö kantriŋi kantriŋi miengö kiŋinan mönö azi kembu tandök aka galöm köl eŋgimakze. Yeŋgö pom jembonŋinan mönö keu jim kutuba könagesöŋini mindiŋgöm eŋgigetka welenni qeba ‘Azi öläpŋi!’ jiba möpöseim eŋgimakze. ²⁶ *Mewö ahakzemö, eŋön miangö dop kude akŋe. Eŋgö sutŋine kunŋan ketaŋamŋini akzawaŋön mönö eretŋaŋgö dop aka malma. Galöm bohonŋan mönö welenqeŋe ewö aka malma.

²⁷ * “Kunöŋ tata nene neiga kunŋan nene köl waŋgiba anda kamakzawi, yetköreŋök öŋgöŋgöŋi mi daŋön? Öŋa, ‘Tata nene nezawaŋön mönö öŋgöŋgöŋi akza.’ Mewö jiget mörakzinmö, nöŋön eŋgö sutŋine welenqeŋe ewö aka maljal.

²⁸ “Mewö malbi esapköm niŋgigetka wahöjalin wahösömbu uruŋe aŋgotpiga iŋini töndup kapaŋ köla nömbuk qekötahöba mala kotze. ²⁹ Iwinan jim kutum niŋgiiga nöŋön yaŋgö bemtohoŋi kukösum qakŋe galöm kölakzal. Miangöra nöŋön toroqeba jim kutum eŋgibiga iŋini mewöyök kukösum qakŋe ambazip kiŋ ewö galöm köl eŋgimakŋe. ³⁰ *Miangöra iŋini öläp nöŋgö bemtohoŋne aŋgota nene dumni liliköba tata o aka nene memba malme aka azi kembu tatatnöŋ tata Israel ambazip kambu 12 yeŋgö keuŋini kewöta jim teköm eŋgime.” Mewö.

* 22:20: Jer 31.31-34 * 22:21: Sum 41.9 * 22:24: Mat 18.1; Mak 9.34; Luk 9.46 * 22:25: Mat 20.25-27; Mak 10.42-44 * 22:26: Mat 23.11; Mak 9.35 * 22:27: Jon 13.12-15 * 22:30: Mat 19.28

Pitönöñ Jisös qañ kölmäpkö jii mörök.

Mat 26.31-35; Mak 14.27-31; Jon 13.36-38

³¹ Jisösnöñ jiyök, “O Saimon Saimon! Mötnöñ! Kölkömöt azinöñ wit padi kötni joutnöñ ala uturuköiga kamböñi deñda erakzawi, Satanöñ mönö miangö dop eñön löwöriba yangö böröñe gemegöra uturuköba esapesap al engimangö kapan köla jöjöröza. ³² Jöjörözapmö, göhö mötnaripkan sörauba pömsöm qebapuköra nöñön göhöra köuluköba malal. Miangöra nalö kungen urugi melenja nöñgöreñ kamani, miangöreñ mönö mötnarip alaurupki nañgöba mem köhöim engiman.”

³³ Mewö jüga Saimonöñ melenök, “Kembu, nöñön göbuk kösö mire anbitkö aka mohotñe kömumbitkö jöjöröba maljal.”

³⁴ Mewö jiyökmö, Jisösnöñ jii mörök, “Pitö, nöñön kewö jibi mötnöñ: Kuruknöñ merak qahö qeriga göñön mutuk ni möt niñgimangö qañ kölnöñga indimñi karöbut akña.

Gösö aka bingö sou ketañi miyök memba anme.

³⁵ *Jisösnöñ gwarekurupñi kewö qesim engiyök, “Nöñön inini mutuk gösö qahö, moneñ gösö qahö, köna esu qahö mewö melaim engibi angeri, miangöreñ yuai kungöra osiget me qahö?” Qesim enjiiga “Yuai kungöra qahö osiin,” jiget.

³⁶ Jigetka kewö toroqeba jiyök, “Mutuk mewö aketmö, nalö kewöñe kungöreñ gösö aka moneñ gösö tunji ahözawi, mi ölop memba tenjöba malma. Bingö sou ketañi mi kungöreñ qahö ahöza, yanön mönö malukuñi bohonñi memegöra ala moneñ miwikñaiba sou mi bohonñi mema. ³⁷ *Nöñön miangöra kewö jibi mötket: Anutugö keu nöngöra jigeri, mi körek pakkak köhöim teköma. Miangö nalöñan mönö kam kungumangö akza. Buña keu kun kewö ohoget ahöza, ‘Yanön bölöñi meme yengö kambuñine ahöma, jiget.’ Miangöra jizal: Keu miangö ölni mi nöñgöreñ asuhum teköma.”

³⁸ Mewö jüga gwarekurupñan jiget, “Kembu eknöñ, bingö sou ketañi yahöt ki ahözahot.” Mewö jigetka “Mi dop kölja,” jiba melenj engiyök. Mewö.

Jisösnöñ Gezemane arönöñ köuluköyök.

Mat 26.36-46; Mak 14.32-42

³⁹ Jisösnöñ miri mosöta silikñi watangöba Oil ip kundunje öngöiga gwarekurupñan andöñe anget. ⁴⁰ Öngöba miangöreñ angota kewö jii mötket, “Esapesapnöñ et engubapuköra mönö köuluk nup meme.”

⁴¹ Mewö jiba engömosöta köt gilin anakzawi, miangö dop anda simin köla köuluköyök ⁴² Köuluköba kewö jiyök, “Iwini, göñön urusihimgi mötzan ewö, sihimbölögö qambinñi kianön mönö nöngö qakne öngöbapuköra noangitman. Noangitman me qahö, mi mönö nangi jit keugahö dop asuhuma. Mi nöngö sihimgö dop qahö.” ⁴³ Mewö köuluköiga garata kunñan Suepnöhök asuhuba mem köhöim wanjiyök. ⁴⁴ Mem köhöim wanjiiga köñjilin öngöñgöñi möta mönö kapan köla urunji qezaköba köuluköyök. Köuluköiga nöngöpñi mi sep jöjöl ewö tinjita gölmenöñ etket.

⁴⁵ Köuluköm teköba wahöta gwarekurupñi yengöreñ anök. Anda miwikñaiba engehi wösöbiriknöñ mem et engii sörorauba gaun ahöget. ⁴⁶ Ahögetka jiyök, “Mönö wuanöngöra gaunök ahöze? Mönö wahöta esapesapnöñ et engubapuköra köuluköget.” Mewö.

* 22:35: Mat 10.9-10; Mak 6.8-9; Luk 9.3; 10.4 * 22:37: Ais 53.12

Jisös qeraköba memba jöhöget.

Mat 26.47-56; Mak 14.43-50; Jon 18.3-11

⁴⁷ Jisösnöñ mewö jiba kiniga miangörenj azi kambu kañgotket. Gwarekurupñi 12 yengörenjök kun qetñi Judas yañön jitñemem enjiba Jisösgörenj kañgota numbunji yöhötüm neyök. ⁴⁸ Yöhötüm neyökmö, Jisösnöñ kewö jii mörök, “Judas, gi numbuni yöhötüm nemba mewö mianjön Suep gölmegö azi ölnji mamalolo mem wañgizan me?”

⁴⁹ Mewö aiga tosatñan Jisös liliköm wañgiba kingeri yeñön yuai asuhumangö ahi mi eka jiget, “Kembu, nini bingö sou ketanjan enjuin me?” ⁵⁰ Mewö jiba yengörenjök kunñan jike nup galöm bohonnangö welenqeqeñi qeba kezapñi ölnji köteköi erök.

⁵¹ Erökmö, Jisösnöñ melenja “Mönö mosötket!” jiba welenqeqegö kezapñi yandiyöhi, mi misiriiga ölöwahök.

⁵² Ölöwahiga kinda jike nup galömurup, jikegö kiripo galöm bohonnji aka kantrigö jitñememe yeñön Jisös memingö kañgotkeri, mi kewö jii mötket, “Ni kegwek-kahasililinj azia qahöpmö, töndup nöngöra mewö möta bingö sou ketanji aka lingip memba kañgotze. ⁵³ *Nöñön wehön dop jöwöwöl jikenöñ embuk malbiga injini böröñini böranda ni qahö nömiget. Mi qahöpmö, dölkü söñaupkö ösumñan luhut ala aukñe asuhuiga enjö nalöñinan kam kuñguza.” Mewö.

Pitönöñ Jisös qañ köläk.

Mat 26.57-58, 69-75; Mak 14.53-54, 66-72; Jon 18.12-18, 25-27

⁵⁴ Mewö aiga yarö azi yeñön Jisös memba jöhöba wañgita jike nup galöm bohonnangö mire anget. Angetka Pitönöñ andöñine sikepsikep enjuatanjöba anök. ⁵⁵ Mianjörenj anda jakömbuak mirigö kiripo uruñe geba sombem bibiñe könöp ohoba mohotñe tatket. Pitönöñ mewöñanök yengö sutñine tarök. ⁵⁶ Tari welenqeqe ambi kunñan Pitönöñ könöp kösutñe tari ehiba kewö jiyök, “Azi kianjön mönö mewöyök yambuk malök.”

⁵⁷ Mewö jiyökmö, Pitönöñ qañ köla kewö jiyök, “Ambi, ni i qahö möt wañgizal.”

⁵⁸ Mewö jiba tari kude köriiga azi kunñan eka jiyök, “Gi mewöyök yengörenjök kun akzan.” Mewö jiyökmö, Pitönöñ melenjök, “Alani, ni qahö.”

⁵⁹ Aua mohotkö dop teköiga kunñan keu mi kunbuk kapan köla jiyök, “Azi kianjön mewöyök ölnja yambuk malök. Yañön mönö Galili azia akza.”

⁶⁰ Mewö jiyökmö, Pitönöñ melenjök, “Azi, keu jizani, mi köndatzal.” Mewö jiba kiniga miangörenjök kuruk qerök.

⁶¹ Qeriga Kembunöñ lilingöba Pitö uba ehiga miangörenjök keunji kewö jiyöhi, mi mötmöriyök, ‘Gi merak indimñi karöbut qañ kölä niñginöñga kuruknöñ qetma.’ ⁶² Keu mi mötmöriiba wösöñi julmamgö aiga yaigep geba sahöt böliyök. Mewö.

Jisös jim gönahit ak wañgiget.

Mat 26.67-68; Mak 14.63-65

⁶³ Yarö azi Jisös memba jöhögeri, yeñön mepaqepaik ak wañgiba kinda qeapköget. ⁶⁴ Qeapköba jemesoholñi esuhuba qesiba jiget, “Gi kezapqetok azia akzanangöra danjön guhuzawi, mönö yangö qetñi qetnöñ!”

⁶⁵ Mewö jiba gwötpuk terenqerenja ilita jim qetal wañgiget. Mewö.

* 22:53: Luk 19.47; 21.37

Jikegö jitnememe yeñon Jisösgö keu nup meget.

Mat 26.59-66; Mak 14.55-64; Jon 18.19-24

⁶⁶ Jim qetal wañgiba malgetka miri gianjiiga kantrigö jitnememe aka jike nup galöm aka Kõna keugö böhi yeñon tokoba Jisös wañgita Juda yeñgö jike kaunsöl kambu yeñgö jeñine alget.

⁶⁷ Miangöreñ algetka jiget, “Göñon Amötqeqe Tonji Kraist akzan ewö, mi mönö aukñe pañ jinöñga mötpin.” Mewö jigetka melenök, “Mi jibi mötpeaha kun, mi mönö qahö möt narime. ⁶⁸ Me qesim engibileñaha kun, mi mönö qahö melen ñingime. ⁶⁹ Mewö mötzalmö, nalö kewöñeyök kõnahiba Sup gölmegeö azi ölni yañon mönö Anutu, kukösum Tonjanjö böröñi ölnje tata malma.”

⁷⁰ Mewö jiiga miangöreñök körekñanök kewö jiba qesiget, “Ölna, gi Anutugö nahönña akzan me qahö?” Mewö qesigetka kewö melen engiyök, “Mi akzalanjö keuñi mönö nanñinak jize.” ⁷¹ Melen engiiga jiget, “Nanñak uñemuñem (guñemguñem) keuñi mönö nanñi numbuñan jiiga möt teközin. Miangöra tosatñan keuñi nanñömegöra mönö wuanöñgöra kunbuk qesim engibinak?” Mewö.

23

Jisösnöñ premiö Pailötkö jeñe kinök.

Mat 27.1-2, 11-14; Mak 15.1-5; Jon 18.28-38

¹ Mewö jiiga kambu körek yeñon wahöta Jisös wañgita premiö Pailötköreñ anget. ² Yañgöreñ anda kõnahiba silenje keu ala underda kewö jiget, “Azi kiangö kõnañi kewö eka mörin: Yañon ambazip kuñgum engiiga enololon aka karim asuhumakze. Nini Sisa kiñgö takis kude almegöra songo alakza. Nanñanjöra ‘Ni Amötqeqe Tonji Kraist aka kiñ akzal,’ jimakza.”

³ Mewö jigetka Pailötnöñ kewö qesim wañgiyök, “Ölna, gi Juda yeñgö kiña akzan me qahö?” Qesim wañgiiga Jisösnöñ melenja jiyök, “Mönö nangak jizani, mewö.”

⁴ Pailötnöñ jike nup galöm aka ambazip kambu yeñgöra kewö jii mötket, “Nöñon azi kiangö pinjitñi kun qahö miwikñazal.”

⁵ Mewö jii möta kunbuk kapan köla kuñguba jiget, “Yañon mönö ambazip kambu kuñgum engiba Buñani Galili prowinsnöñ kõnahiba kusum engiba gölme dop köla kaba Judia prowins kiangöreñ mewöyök mi jim sehimakza.”

⁶ Mewö jiget möta qesim engiba jiyök, “I Galili azia me akza qahö?” ⁷ Mewö jiiga “Mönö mi!” jiget möta Herodnöñ Galili aka prowins tosatñi mindiriba galöm köl engiba nalö miangöreñök Jerusalem sitinöñ kaba malöhi, miangöra Pailötnöñ Jisös Herodköreñ wañgita anget. Mewö.

Jisösnöñ kiñ Herodkö jeñe kinök.

⁸ Herodnöñ Jisösgö kösohotñi möta lök nalö köröpñi ekñamgö sihimñi möta malöhañgöra i eka uruñan gwötpuk ölöwahök. Jisösnöñ angöletot kun meiga ekñamgö al mamböta malök. ⁹ Miangöra qeqesi gwötpuk Jisös qesim wañgiyök. Mi qesim wañgiyökmö, Jisösnöñ likepñi kun qahö jii mörök.

¹⁰ Jike nup galöm aka Kõna keugö böhi yeñon kinda silenöñ alal keu kõnöpñambuk jim wañgiget. ¹¹ Herodnöñ yarö aziurupñi yembuk Jisös memba et ala jijiwilit aka mepaqepaik mem wañgiget. Mewö aka maluku aködamunñambuk kun löngöt wañgiget kini melaiiga kunbuk premiö

Pailötkö jeje anök. ¹² Mutuk Pailöt aka Herod yetkön kerök-kerök ak anğuba malohora nalö mianğoreñ ala-ala ahot. Mewö.

Pailötnöñ Jisös kömumapkö jim teköyök.

Mat 27.15-26; Mak 15.6-15; Jon 18.39–19.16

¹³ Jisösnöñ kaiga premiö Pailötnöñ jike nup galöm aka galömkölköl aziurupñi aka ambazip kambu öröm enğii tokoget. ¹⁴ Tokogetka kewö jii mötket, “Inini azi ki kewö jiba nöngöreñ wañgita kaze, ‘Yañön ambazip kambu kuñgum enğiiga enjololoñ ahakze.’ Mötket! Inini keu silenje aljei, nöñön mianğö könañi enğö jeñine kewöta kewö miwikñaizal: Inini azi kianğö silenje keu aljei pakpak, mianjön pinjitñi qahö akza. ¹⁵ Herodnöñ keu mewöñanök jiba melaiiga kunbuk nenğöreñ kaza. Mötket, yañön yuai pinjitñambuk kun qahö ahök. Mianğöra kömupkö buñaya akñapakó osima. ¹⁶ Mianğöra nöñön jibi yarö azi yeñön ihileknöhök qegetka pösatpi etma.” ¹⁷ (Pailötnöñ yambu (yara) dop Pasowa sösöñgai nalöñe kösö mireyök azi mohok pösat enğimaljapma.)

¹⁸ Mewö jüga yeñön körebörek silata qeta jiget, “Ia mönö yapmakek! Barabas mönö pösat nenğinöñ.” ¹⁹ Barabas mianjön sitinöñ karim gila malgeri, yeñgö galömnina aka azi kun qei kömuyöhi, mianğöra kösö mire alget tarök.

²⁰ Pailötnöñ Jisös pösatmamgö möta keu kunbuk jiyök. ²¹ Jiyökmö, yeñön qetala orañbörañ misiba qet gigilahöget, “Maripomnöñ qeget! Maripomnöñ qeget!”

²² Qet gigilahögetka yañön keu indimñi karöbut kewö jiyök, “Yañön mönö wani bölöña ahök? Nöñön yangöreñ pinjit kun kude miwikñaibiga kömupkö buñaya akñawañgö dop qahö akza. Mewö aiga nöñön jibi yarö azi yeñön ihileknöhök qegetka pösatpi etma.”

²³ Mewö jiyökmö, yeñön jakbak memba kapañ köla toroqeba qet gigilahöba qetket, ‘Jisös maripomnöñ qeget kömuma.’ Mewö qeta Pailötköreñ keu mi qeapköget. ²⁴ Qeapkögetka Pailötnöñ keuñini bapñe anda keu kapañ köla jigeri, mianğö ölni ahumapkö jim teköyök. ²⁵ Jim teköba Barabas etmapkö kapañ kölgerañgöra i pösari erök. I karim qeba malgeri, yeñgö galömnina aka azi kun qei kömuyöhi, mianğöra kösö mire alget tarök. Mi pösari erökmö, Jisös sihimñinañgö dop jaunğauranga ak wañgimeğöra böröñine alök. Mewö.

Jisös maripomnöñ qeget.

Mat 27.32-44; Mak 15.21-32; Jon 19.17-27

²⁶ Pailötnöñ Jisös böröñine aliga wañgita köna namñe anda Afrika siti qetñi Sairini mianğö azi kun qetñi Saimon miwikñaiget. Yañön nupnöñök kañgoriga jim kutum wañgiba Jisösgö maripomñi wañgita yañgö awötñe algetka anğuba wuatañgöba anök.

²⁷ Mewö aniga ambazip kambu ketañi yeñön lulunđa andöñe wuatañgöba anget. Yeñgö sutñine ambi tosatñan mewöyök jinğer köla sahöta anget.

²⁸ Sahöta angetka Jisösnöñ lilingöba enğeka kewö jiyök, “O Jerusalem ambi, inini mönö nöngöra kude sahötket. Nöngöra qahöpmö, nanñini aka nahönböraturupñini miengöra mönö sahötme. ²⁹ Mötket! Könañep nalö kun kai mianğöreñ kewö jime, ‘Ambi köpin mi simbawoñ. Gölöm qahö ala morö kude megeri, mi simbawoñ akze. Nahönbörat juzu enğiba qahö

dohongögeri, mi simbawon.’ ³⁰ *Nalö miangöreñ ambazipnöñ könahiba kundunji Tonji yengöra kewö uletme, ‘Inini mönö kundunji mi jigetka teköba qaknine öngöme.’ Aka sem siagö Tonji mi kewö ulet engime, ‘Inini mönö banjetjine asamböt neñgime.’

³¹ “Nöñön Anutugöreñ ip gwölögwölö akzal aka nöngöra tondup kewö ak niñgize. Inini ip köhömunji siñgisöndokñinambuk könöp sihit qeba kinje. Miangöra Anutunöñ likepñi melenj engiiga könöpnöñ amqeqeñanök enghotiriiga sihimbölö öñgöñgöñi mötme.”

³² Bölöñi meme yahöt mi mewöyök Jisösbuk mohotje etkubingöra etkuangita anget. ³³ Anda gölme qetñi Nöröpsihit qetzei, miangöreñ angota Jisös maripomnöñ qeget. Qeba bölöñi meme yahöt mi mohotje kun öñje kun qaniñe likeplikep mewö etkuget. ³⁴ *Mewö aketmö, Jisösnöñ jiyök, “Iwini, yeñön yuai akzei, miangö könani qahö möt kutuzeangöra siñgisöndokñini mönö mosöt enñgiman.”

Qeget kiniga Jisösgö sile esuñangöra kiawen megetka qötöñi ahui miangö dop mendenja meget.

³⁵ *Mewö aketka ambazip kambu yeñön kinda mi uba eket. Eketmö, Juda jittjememe yeñön mewöyök mepaqepaik mem wangiba kewö jiget, “Anutunöñ möwölöhöm wangii Amötqeqe Tonji Kraist akza ewö, tosatñi bauköm engiba malöhanöñ mönö nanñi bauköm anguma.”

³⁶ *Yarö azi yeñön mewöyök keu gönahit jiba ilita kösutje anda wain o asölñambuk kusahöla memba öngöba wangiba ³⁷ kewö jiget, “Gi Juda yengöreñ kinj kembuya akzan ewö, mönö ölöp nangi bauköm anguman.”

³⁸ Nöröñje eu kulem kun kewö ohoget kinök, “Juda yengö kinj kembuñina ki.”

³⁹ Kegwek-kahasililinj azi yahöt mohotje möndögetka kingeri, yetköreñök kunñan uruqeqe keu töhöreñ Jisös jim wangiba kewö jiyök, “Gi Amötqeqe Tonji Kraist akzan ewö, mönö nangi bauköba niri mewöyök bauköm netkinöñ.”

⁴⁰ Mewö jiyökmö, alañan jim wangiba kewö jiyök, “Gi gödaqeqegi qahö. Gi Anutugöra mewöyök kenñgötki qahö mötzan me? Yeñön jim teköba sihimbölö öröröñ neñgigetka bisizin. ⁴¹ Niri öñja pinjit ahirañgöra likepñi dopñe melenja ak netkigetka sihimbölö mötztit. Mi mötztitmö, azi kianön bölöñi kun qahö aiga ia tondup ayuhuze.” ⁴² Mewö jiba jiyök, “Jisös, gi bemtohoñgahö uruñe angotmani, miangöreñ mönö ni mötmörim niñgiman.”

⁴³ Jiiga kewö jiyök, “Nöñön keu öñja jibi mötnöñ: Göñön mönö merak nömbuk oyaenjoyaen mire öngöba malman.” Mewö.

Jisösnöñ kömuyök.

Mat 27.45-56; Mak 15.33-41; Jon 19.28-30

⁴⁴ Silim bibiñi 12 kilok aiga wehön jeñi böuleiiga söñaupnöñ eta gölme pakpak dop köla ahöiga anda aua karöbutkö dop ahök. ⁴⁵ *Nalö miangöreñ jöwöwöl jike uruñe opo kinöhi, mianön mönö euyök bibiñe jurata eta yahöt ahök. ⁴⁶ *Jisösnöñ nalö miangöreñ köhöikñanök qeta kewö jiyök, “Iwini, nöñön unani göhö böröge aljal.” Mewö jiba söñgöörö ösum kondikñi öroba kömuyök.

⁴⁷ Kömuiga yuai asuhuyöhi, suahö galömnöñ mi eka Anutu möpöseiba kewö jiyök, “Yañön mönö öñja azi solañja akza.”

* 23:30: Hos 10.8; Ind 6.16 * 23:34: Sum 22.18 * 23:35: Sum 22.7 * 23:36: Sum 69.21

* 23:45: Eks 26.31-33 * 23:46: Sum 31.5

48 Ambazip kambu pakpak mi ekingö kaba tokogeri, yeñon yuai mi asuhui eka wösöjini juliga nörop gila mohot mohot mirinjine anget. 49 *Angetmö, ambazip pakpak Jisös möt wanjigeri, yeñon sikep kindi i uba eket. Ambi tosatjan Jisös wuatangöba Galiliyök kageri, yeñon mewöyök kindi mi eket. Mewö.

Jisösgö qamötñi löm kölget.

Mat 27.57-61; Mak 15.42-47; Jon 19.38-42

50-51 Juda yeñgöreñ taon qetñi Arimatia miangöreñök azi ölöpnji qetbunañambuk qetñi Josef yeñon mewöyök kayök. Yeñon Anutu bemtohoñangö ölnji asuhumapköra mamböta malök. Yeñon Juda yeñgö jike kaunsöl kambugö jitnememe mala Jisösgö keu jim jöhöba akeri, miangö urumohok qahö ahök.

52 Yeñon Pailötköreñ anda Jisösgö qamötñi memangö qesiyök. 53 Qesiba öngöba qamötñi maripomnöhök qeköba memba eta opo tuatjan esuhuyök. Esuhuba memba qaksirinöñ anda köt köteñ kun urorohoba qamöt kun miangöreñ qahö algeri, Jisösgö qamötñi mi miangöreñ alök. 54 Sabat kendon tatatkö yuainji mözözömgögeri, miangö wehön jeni gemangö ahök.

55 Gemangö aiga ambi Jisösbuk Galiliyök kageri, yeñon Josefgö könañe qaksirinöñ anda yeñon Jisösgö qamötñi memba köt köteñnöñ alöhi, mi eket. 56 *Miangöreñök lilingöba mire anda jinij suamburup umköhöwaktambuk aka kelök qösösökñambuk Jisösgö qamötñe miribingö mözözömgöget. Mözözömgögetmö, Mosesnöñ Köna keunöñ Sabat kendongöra jim kutui ahöyöhi, mi wuatangöba luhut memba ösöñ tatket. Mewö.

24

Jisösnöñ kömupnöhök wahörök.

Mat 28.1-10; Mak 16.1-8; Jon 20.1-10

1 Sabat kendon tatket teköiga Sonda söñanök miri gianjiiga ambi yeñon wahöta jinij jimoroñ umköhöwaktambuk mözözömgögeri, mi memba qaksirinöñ anget. 2 Anda kunñan qaksirigö numbuñe köt ketanj qetali ani eket. 3 Mi eka köt köteñ uruñe öngögetmö, Kambu Jisösgö qamötñi qahö miwikñaget. 4 Miangöra mötkurumkurum möta kingetka azi yahöt malukunñi tuatñi kölköl-bilikbilikñambuk yetkön wösöjine kinohotka etkeket.

5 Mi etkeka awöwöliba gölmenöñ geba dapkögetka kewö jiyohot mötket, "Jebuk mal köhöizawi, i mönö denöwögöra kömukömuñi yeñgö sutñine jaruze?" 6 *Yeñon ki qahö ahözapmö, mönö guliba wahötza. Galili prowinsnöñ mala keu jii mötkeri, mi mönö mötmörime: 7 Yeñon kewö jiyök, "Kunöñ Suep gölmegö azi ölnji mamalolo mem wanjiiga bölöñji meme yeñgö böroñine geiga maripomnöñ qeget kömumba wehön karöbut aiga guliba wahötma."

8 Mewö jiyohotka keunji mi mötmötñine angoriga mötmöriget. 9 Mewö mötmöriba qaksirinöhök lilingöba kaba yuai pakpak asuhuyöhi, miangö buzup keunji mi gwarek 11 aka tosatñi pakpak yeñgöra jiget mötket. 10 Keu mi jigeri, mi Magdalagöra Maria, Joana aka Maria Jeimsgö namñi

* 23:49: Luk 8.2-3 * 23:56: Eks 20.10; Dut 5.14 * 24:6: Mat 16.21; 17.22-23; 20.18-19; Mak 8.31; 9.31; 10.33-34; Luk 9.22; 18.31-33

aka ambi tosatñi yembuk malgeri, yeñon mi kaba aposol yengöra jiget mötket.

¹¹ Buzup keu mi jiget mötketmö, keu jigeri, mi keu omanji tandök ahöhi, mewö mötmöriba mi qahö möt nariget. ¹² Qahö möt narigetmö, Pitönöñ wahöta ösumñan qaksirinöñ anda köt köteñ uruñe ui aniga opo esu miyök miangöreñ tari ehök. Mi eka yuai asuhuyöhi, mi nanñök mötmöriba welipköba mire lilingöyök. Mewö.

Gwarek yahötñan Emeus könanöñ anohot.

Mak 16.12-13

¹³ Wehön miangöreñök Jisösgö gwarekurupñi yengöreñök yahötñan Jerusalem siti mosöta miri qetñi Emeus seven mail miangöreñ anbitkö anohot. ¹⁴ Könanöñ anda yuai asuhuyöhi, mi pakpak nanñirök eraum mörohot. ¹⁵ Mi eraum möta könanji jim lömböriba anohotka Jisösnöñ nanñak kösutñire angota mohotñe anget. ¹⁶ Angetmö, jeñiri közamböri i qahö ek kutuyohot. ¹⁷ Qahö ek kutuyohotka kewö jiyök, “Inñiri nanñirök wani keuya könanöñ eraum möta kazahot?” Mewö jiiga dörok mitiba wösöbirik jeje uba eka kinohot.

¹⁸ Eka kinda yetköreñök kun qetñi Kliopas yanñon kewö qesim wanjiyök, “Pasowa kendonöñ yuai asuhuyöhi, mi Jerusalem ambazip körekñan mötze. Gi mohotñan kiana aka mi qahö mötzan me?”

¹⁹ Qesim wanjiiga “Mi wania?” jiiga möta kewö jiyohot mörök, “Nazaret azi Jisösgöra yuai asuhuyök mi. Yanñon kezapqetok azia mala Anutu aka ambazip pakpak yengö jeñine ahakmeme kukösumñambuk aka keu köhöikñi jiba malök. ²⁰ Mewö maliga nengö jike nup galömnini aka galömkölköl aziurupninan i wanjita premiögö böröñe algetka kömumapkö jim teköi maripomnöñ qeget kömuyök. ²¹ Yanñon Israel könagesönini kösönöhök pösata sohoppnini memapköra al mamböta jörömçöröm aka malinmö, Yei! i mönö qeget kömuyök. Yuai mi asuhuiga mala koringa merak sömanji karöbut lök akza.

²² “Mi qahö dop köliga merak nengöreñök ambi tosatñan keunöñ kunguba welipköm nenjiget maljin. Yeñon söñan amandine qaksirinöñ anda, ²³ qamötñi qahö miwikñaiba lilingöba kewö jize, “Nini Suep garata yahötkö jemelen imut ehinga yetköñ ‘Jisösnöñ guliba malja,’ ” jiyohotka mötzin. ²⁴ Keu mi möta azi nembuk maljei, yengöreñök tosatñan qaksirinöñ anda ambi yeñon keu jizei, miangö dop ahöiga ekze. Löm gwamönñi ekzemö, nanñi qahö ekze.”

²⁵ Keu mi möta kewö jii mörohot, “Yei! Inñini kezapqetok yeñon keu jigeri, mi pakpak mönö wuanöngöra ölanbölan aka ajojohoba gawönjeje mala qahö möt narize? ²⁶ Amötqeqe Tonji Kraistnöñ sihimbölö mewöñi mötagun nanñi asakmararan uruñe öngöma. Miangö dop ohoget ahöza me qahö?” ²⁷ Mewö jii mörohotka Moses aka kezapqetok ambazip pakpak yeñon keu jigeri, miangöreñök könahiba nanñangöra keunji pakpak ohoget ahözawi, miangö könanji jim asarim etkiyök.

²⁸ Jim asarim etkiba anda miri anbitkö jiba anohori, mi dopdowiba miangöreñ toroqeba anmamgö mörök. ²⁹ Mewö mörökmö, yetköñ kapan köl wanjiba kewö jiyohot, “Miri mare aiga wehön jeñan lök gemamgö akza. Miangöra ölop netpuk tata ahöman.” Mewö jiyohotka yetpuk mire öngöba tatket. ³⁰ Tata yetpuk nene nembangö aka beret memba kötuetköba mindipköba etkimamgö aiga yuai kewö asuhuyök:

³¹ Mianğöreñök jeñiran tohoiga ek kutuyohotka atatop (jiataton) kôliga kunbuk qahô ehot. ³² Mewô aiga nanñirök kewô eraum môrohot, “Kôna namje Buña Kimbigô keu jiba kônañi jim asarim netkizawi, nalô mianğöreñök mônô urunire kônöp jezawanğô dop môtzit.”

³³ Mewô jiba mianğöreñök wahôta Jerusalem sitinôñ lilingôba aņgota gwarekurupñi 11 aka alaurup yembuk tokoba tatkeri, mi miwikñaim enğiyohot. ³⁴ Miwikñaim enğiyohotka kewô jiget môrohot, “Kembunôñ mônô ôlña wahôta Saimongôreñ asuhum wanğiza.”

³⁵ Mewô jigetka nanñirak kônanôñ yuai asuhuyök aka beret mindipköyôhi, nalô mianğöreñ uruñiri tohoiga môt kutuyohot, mianğô kôsohotñi mem enğiyohot. Mewô.

Jisôsnoñ gwarek kambuñi asuhum enğiyök.

Mat 28.16-20; Mak 16.14-18; Jon 20.19-23; Apo 1.6-8

³⁶ Gwarekurupñi yeñon keu mi eraum môta tatketka mianğöreñök Jisôsnoñ nanñak sutñine asuha kindi kewô jiyök, “Alaurupni, luainôñ embuk ahôma!”

³⁷ Mewô jiiga kenğotporiñ aka jônômñini undui “Ôme imura ekzin,” mewô môtmoriget. ³⁸ Mewô môtmorigetmô, kewô jii môtket, “Iñini denôwôgôra auruba môtmôt mewôñi uruñine ahuza? ³⁹ Ni nanak ki maljal. Mi nanñinak kôna bôroni uba eka môtme. Ôme imut mi bususihitñini qahô. Ni bususihitnambuk kinbi nekze. Mônô nômisiriba nek kômume.”

⁴⁰ Mewô jiba kôna bôroni kondel enğiyök. ⁴¹ Kondel enğiyökmô, mi sôsôngainjanğôra tondup qahô môt nariba welipkôba tatketka kewô qe-siba jiyök, “Neneñamñini kun ki tatza me qahô?” ⁴² Mewô jiiga sôra jejenj mianğô kitipñi kun wanğiget. ⁴³ Wanğigetka memba neiga eket.

⁴⁴ Neiga eketka kewô jii môtket, “Ni embuk mala nalô mianğöreñ keu jibi môtkeri, mianğô ôlñi nalô kianğöreñ asuhui ekze. Nôñon kewô jiba malal: Nôñgô keu mi Mosesgô Kôna keu aka kezapqetok azi yengô Buzup Kimbi aka Sumbara (Buña liñet) buknoñ ohoget ahôzawi, mi pakpak mônô ôlñambuk ak tekôma.”

⁴⁵ Mewô jii môtketka mianğöreñök Buña Kimbigô kônañi môt kutumegôra uruñini metohoyök. ⁴⁶ Metohoba kewô jii môtket, “Keu kewô ohoget ahôza: Kraistnoñ sihimbôlô môta kômumba sômañi karôbut aiga kômupnôhök wahôtma. ⁴⁷ Mianğôra eñon mônô Jerusalem sitinôñ kônahiba Buña keu nôñgô qetne jim asariba kantri pakpak dop kôla anda uru kungum enğimakñe. Denike yeñon uruñini melenmei, Anutunôñ mônô yengô singisôndokñini mosôta sanğonma.

⁴⁸ “Keu mi ôlñambuk ahôk aka akñawi, iñini mi asuhui eka nanğôba jiba dangunu ewô kinme. ⁴⁹ *Môtket! Iwinan kalem enğimapkô keu jôhoyôhi, nôñon i melaibiga uruñine gema. Euyangôreñök kukôsum albi qakñine ôñğôma. Iñini siti kianğöreñ mianğôra mambôta tata malme.” Mewô.

Jisôsnoñ Suep mire ôñğoyök.

Mat 16.19-20; Apo 1.9-11

⁵⁰ *Jisôsnoñ keuñi jim tekôba gwarekurupñi enğuangita anda Betani miri kôsutñe aņgota mianğöreñ bôroni mem wahôta kôtuetkôm enğiyök.

⁵¹ Kôtuetkôm enğiiga mianğöreñök Anutunôñ wanğiriga enğômosôta Suepnôñ ôñğoyök. ⁵² Ôñğôiga sôsôngai ketanji môta sipkôba waikñi memba

* 24:49: Apo 1.4 * 24:50: Apo 1.9-11

möpöseim wangiba Jerusalem lilingöget. ⁵³ Lilingöba sundan dop jöwöwöl jikenöŋ mala Anutu möpöseim wangiba malget. Mewö.

Jon

Ölöwak Buña Jonöj ohoyök. Jim-asa-asari

Jonöj nanji qetji Ölöwak Buña kiangörej aukçe qahö ohoyökmö, nanñangöra kewö jiza, “Gwarek Jisösnöj uruñan jöpaköm wangiyök.” (19.26) Jonöj urujöpak urukalemgö keuñi kapan köla jimakza. Jonöj Ölöwak Buña ki mi ambazipnöj keu kewö möt kutumegöra (20.31) ohoyök, “Jisös Kraist mi gölme aziyöhök qahö malökmö, ölna Anutugö Nahönñi aka Amötqeçe Tonji akza. Injini mönö i möt köhöiba mewö mianjön malmal köhöikñi miwikñaime.” Jisösnöj mutuk Iwigörej mala keu jitña malök. (1.1) Mewö mala gölme azia aka ösum-mumuñi aka mötmötñi mi aiwesök angöletot memba mianjön kondelök. Mi kondela bemtohoñgö könani jim asariiga tosatñan uruñini melengetka tosatñan töndup yangisen aket.

Jisösnöj kewö akza, jiyök: Amötqeçe Tonji (4.26), malmalgö nene wötñi (6.35), miri gölme euyangö buñaya (8.23), bem koñkoñ (8.58), gölme pakpakö asakñi (9.5), nanju (10.7), lama galöm ölöpnji (10.11), Anutugö Nahönñi (10.36), Kembu aka Böhi (13.13), kömupnöhök wahötwahöt Tonji aka malmal kömbönañi Tonji (11.25), köna, keu ölni aka malmal köhöikñi (14.6), wain ip ölni (15.1), kulem namñi mutukñi aka teteköñi A aka Z (Ind 1.8), Mutukñi aka Qöndökñi (Ind 1.17) aka mewö mewö.

Jisösnöj gwarekurupñi ölna jöpaköm engiba malöhi, goro keu qöndökñan (Boñ 13-17) mi törörök kondelja. Keu mi nahömñambuk. Kömupnöhök wahötagun Pitö mem köhöimapköra kewö qesiyök: “Ni jöpaköm ningizan me qahö? Mewö akzan ewö, mönö alaurupni köyan köl enjiman.”

Buk kiangö bahöñi bohonñi 6 mi kewö:

Keu mutukñi 1.1-18

Jon O-melun azi aka gwarekurup mutukñi 1.19-51

Jisösnöj qenjarök nup meyök 2.1-12.50

Teteköñe Jerusalem kaba mala kömuyök 13.1-19.42

Guliba wahöta alaurupñi asuhum engiyök 20.1-31

Galili kaba gwarekurupñi asuhum engiyök 21.1-25

Anutugö numbu jitñi malmalñambuk.

¹ Könakönahiñe möpñangö möpñeyök keu jit malök. Yanjön malmalgö könani nangöba jiba kota malök. Keu jit yanjön Anutugö qöhöröñe mala korök aka nanñak bem Anutuyöhök ahök. ² Keu jit yanjön könakönahiñe Anutugö qöhöröñe malök. ³ Yangö qöhöröñe mala bauköm wanggiiga yuai pakpak ahuyök. Yuai kun qahö bauköm wangibawak, mi mönö qahö ahubawak. ⁴ Keu jit yanjön malmal bömönñanök ahök. Yangörej malmal köhöikñi mianjön ambazip mem asarim engiiga eka mala kotket. ⁵ Asakñan panaman uruñe asarimakzapmö, söñaupnöj malgeri, yeñön asakñangö könani mi qahö möt asariba mala kotket. Mewö.

⁶⁻⁷ *Anutunöj ambazip körek pakpak asakñi möt narimegöra möta kolek azi qetji Jon melaiiga asuhuyök. Asuhuba kaba asakñangö könani

* 1:6-7: Mat 3.1; Mak 1.4; Luk 3.1-2

indela nanğöba jiba malök. ⁸ Jonöŋ nanŋak asakŋi mi qahö aka malökmö, yaŋön mönö asakŋaŋgö könaŋi mi nanğöba jiba malök. ⁹ Asak ölbölŋi yaŋön ambazip gölme dop mem asarim nenğimakzawi, yaŋön gölmenöŋ asuhumamgö ahök.

¹⁰ Yaŋön könakönahije gölmenji gölmenji mianğö öröyuainji pakpak mi nam köl enğiiga ahuget. Ahugetka nanŋak sutŋine mala korökmö, gölme ambazipnöŋ töndup i qahö möt kutum waŋgiba tönpin malget. ¹¹ Mewö tönpin malgetka nanŋi miri gölmenje kaiga könagesöurupŋan zikzik tököba nesampurek aka andö qem waŋgiget. ¹² Mewö aketmö, denike yeŋön köl öröm waŋgiba qetbuŋaŋi möta möt narigeri, yaŋön mönö körek yeŋgöra köna mesari kewö asuhuyök: Nanŋak nam köla kukösum enğiiga ahuahü dölökŋi ahuba Anutugö nahönböraturupŋi aket. ¹³ Anutugö jitsihitŋan mönö nam köl enğiiga asuhuet. Gölme azinöŋ jit sihitŋi wuatanağöba anömŋambuk keu jöhöiga gölöm ala morö meiga asuhuzawi, yeŋön köna mewö mianğön Anutugö nahönböraturupŋi qahö aket. Mewö.

¹⁴ Keu jit yaŋön azi silebuk aka sutnine anda kaba malök. Mewö maliga aködamuraŋi uba eka malin. Iwiŋan Nahöŋŋi mohok-kungöra aködamuraŋi pakpak ala aum köl waŋgiiga qainŋi kun maljawi, yaŋön mönö mianğö dop kalem möriamŋan uruŋi kokolak qeiga aködamuraŋambuk aka nalö dop keu öl töhöŋŋi jiba malök.

¹⁵ Jonöŋ azi mianğö könaŋi nanğöba kewö qeta jiba malök, “Nöŋön kungöra keu jiba malali, yaŋön mönö mia akza. Kewö jiba malal: Nöŋgö andöne azi kun kamawi, nöŋön qahö asuhubiga yaŋön mutuk malök. Mianğöra yaŋgö qetbuŋaŋan mönö ni nonğita öngöŋgöŋi akza.” Jon O-melun azinöŋ mewö jiba malök.

¹⁶ Kalem möriamŋan azi mianğö uruŋi kokolak qeiga aködamuraŋambuk malöhi, yaŋön mönö mianğö dop kötuetköm nenğiba malök. Kötumötuetŋi mi nalöŋi nalöŋi mokoiga körek nenğö qaknine öngöi malin. ¹⁷ Mosesnöŋ Köna keunini nam köli asuhuyökmö, Jisös Kraistnöŋ keu öljŋi indel teköba Anutugö kalem möriamŋi nam köli aukŋe asuhuyök. ¹⁸ Gölme azi kunŋan Anutu nalö kunöŋ qahö ehök. Nahöŋŋi mohok-kunŋan Iwigö wösöŋe mala kota malöhi, yaŋön mönö gölmenöŋ eta könaŋi indel nenğii mörin. Mewö.

Jon O-melun azinöŋ nanŋi könaŋi jim asariyök.

Mat 3.1-12; Mak 1.1-8; Luk 3.1-18

¹⁹ Juda jitnememe yeŋön jike nup galöm aka jöwöwöl jikegö welenqeŋe tosatŋi Jerusalem sitinöhök melaim enğigetka Jongöreŋ kaget. Kaba qesim waŋgiba jiget, “Gi wani azia akzan? Könaŋamgi denöwö?” Mewö jigetka könaŋamŋi indela jii mötket.

²⁰ Könaŋamŋi qahö qan kölökmö, aukŋe kewö jim miwikŋaiyök, “Nöŋön Amötqeŋe Tonŋi Kraist qahö akzal.”

²¹ *Mewö jüga kapan köla qesim waŋgiget, “Gi mönö azi ninja akzan? Gi Elaija (Elia) akzan me qahö?” Qesim waŋgigetka “Qahö!” jiyök. “Gi kezapqetok azi kun akzan me qahö?” Mewö qesigetka “Mewö qahö!” melenök.

²² Melenniga qesiget, “Gi ninja akzan? Melaim nenğigetka kazini, yeŋgöra mönö denöwö melenja jii mötme? Gi nangi könagi denöwö jim asariman?”

²³ *Qesigetka kewö jii mötket,

“Kezapqetok azi Aisaianön keu kun kewö jii ahöza, ‘Ni garata aka gölme qararanjökölönje mala kewö qerakzal: Kembunön kamawo! Miangöra injini mönö urunjeni mindingöba könanji mesata möhamgöget.’ Ni miangö kolek garatanji akzal.”

²⁴ Azi melaim engigetka Jongören kageri, mi Farisi (Köna keugö kapanjököl) azia aket. ²⁵ Yenön kunbuk kewö jiba qesim wanjiget, “Gi Amötqeqe Tonji Kraist qahö akzan aka Elaija (Elia) me kezapqetok azi yengörenök kun qahö akzani, miangöra mönö wuanöngöra ambazip o melun mem engimakzan?”

²⁶ Qesim wanjigetka kewö melenj engiyök, “Nöñön o töhönön engömirimakzalmö, azi kun injini qahö möt kutuzei, yanön lök sutjine kinja. ²⁷ Azi kun nöngö andöne kamapköra jiba malali, yanön mönö mi. Yanön kaiga ketanjamni aka malma. Miangöra nöñön yanjö kösutje anda wayangösöñi tenjöba köna esunanjö kösöñi pösatmamgö qötötanjömam.”

²⁸ Jonön Jordan o likepne miri qetnji Betani miangören mala ambazip o melun mem engiba malök. Yuai mi mönö miangören asuhuyök. Mewö.

Jonön Jisösgöra “Anutugö lama moröñi,” jiyök.

²⁹ Mi asuhuiga miri gianjiiga Jonön Jisös tikep kaiga eka jiyök, “Eket, azi mi Anutugören lama moröñi. Yanön mönö gölmenji gölmenji nengö singisöndoknini köi könjörari solanibin. ³⁰ Nöñön kungöra keu jiba malali, yanön mönö mia akza. Kewö jiba malal: Nöngö andöne azi kun kamawi, nöñön qahö asuhubiga yanön lök mutuhök malök. Miangöra yanjö qetbunanjan mönö ni nonjita öngöngöñi akza. ³¹ Nöñön i mutuk qahö möt kutuyalmö, Anutunön könanjamni Israel ambazip nengöra indeli mötpingöra mötza. Mi möta ni melaim ninjiiga kaba o melun mem engimakzal.”

³² Jonön mewö jiba dangunu ewö kinda nanjöba kewö jiyök, “Uña Töröñan mönö Suepnöhök eta kembö nei ewö yanjö nöropne eta köla tari ehal. ³³ Nöñön i mutuk qahö möt kutuba malalmö, kunön ambazip o melun mem engimangöra melaim ninjiyöhi, yanön kewö jii möral, ‘Uña Töröñan kungö nöropne eta köla tari ekñani, yanön mönö Uña Töröñi ambazip urunje ala melun mem engima.’ ³⁴ Nöñön mi ehalangöra aka könanjamni kewö nanjöba jizal, ‘Yanön Anutugö Nahönñi akza.’” Mewö.

Jisösnön gwarekurupni mutukni enggoholök.

³⁵ Mewö jiiga miri gianjiiga Jonön kunbuk o jitje miangörenök aniga gwarekurupni yengörenök yahötñan yambuk mohotje kinget. ³⁶ Kingetka Jisösnön miangören engongita anöhi, i törörök uba ehiba jiyök, “Azi mi ehot. Yanön mönö Anutugören lama moröñi ewö akza.”

³⁷ Mewö jiiga gwarek yahöt yetkön keu mi möta Jisösgö andöñe anohot. ³⁸ Anohotka Jisösnön lilingöba andöñe kayohori, i etkeka kewö qesim etkiyök, “Injiri ninja jaruba kazahot?” Mi möta jiyohot, “Ketanjamniri! Gi miri denike ahöba maljan?” (Juda yerön ‘Ketanjamniri’ keu mi böhigöra jiget.)

³⁹ Mewö jiyohotka melennök, “Mönö kaba ehot!” Mewö melenjiga wehön möñaiiga 4 kilok miangö dop ahök. Wehön möñaiiga miangören mohotje anda miri denike ahöba malöhi, mi eket. Mi eka miangören yambuk malohotka miri söñauba sunjem aiga mosöta kayohot.

⁴⁰ Jonön keu jiiga gwarek yahötñan möta Jisösgö andöñe anohori, yetkörenök kungö qetnji Andru, datnji qetnji Saimon Pitö. ⁴¹ Andru yanön

mutuk datnji Saimon miwikñaiba kewö jii mörök, “Niri Amötqege Tonji mönö miwikñaizit.” Amötqege Tonji mi Grik keunöj Kraist. ⁴² Mewö jiba datnji wanğita Jisösgöreñ anohot. Anohotka Jisösnöj Saimon törörök uba ehiba jiyök, “Gi Saimon, Jongö nahöññi akzanmö, nöñön qetki Sifas qetpi ahöma.”* Mewö.

Jisösnöj Filip aka Natanael etkoholök.

⁴³ Miri gianğa Jisösnöj Galili prowinsnöj anmamgö möta anda könönöj azi qetnji Filip miwikñaiba kewö jii mörök, “Gi mönö ni nuatanğöba kaman!” ⁴⁴ Filipnöj Andru aka Pitö yetpuk mirinini mohok. Taonñini qetnji Betsaida.

⁴⁵ Filipnöj azi qetnji Natanael miwikñaiba kewö jii mörök, “Mosesnöj azi kungöra Köna keunöj ohoba kezapqetok yeñön toroqeba ohoget ahözawi, nini mönö azi mia miwikñaizin. Azi mi qetnji Jisös, iwiñi qetnji Josef, mirinji qetnji Nazaret.”

⁴⁶ Natanaelnöj mi möta welipköba jiyök, “O Nazaret! Mi miri qandakña. Yuai ölöññi kun mönö miangöreñök asuhumawanğö dop qahö.” Mewö jiiga Filipnöj jii mörök, “Mönö kaba nangak ek kutuman!”

⁴⁷ Mewö jii möta Jisösgöreñ kaba asuhuiga eka yangöra keu kewö jiyök, “Eket! Azi kianön mönö Israel azi ölnji akza. Urunje munen geñmoñi kun qahö.”

⁴⁸ Mewö jiiga Natanaelnöj qesim wanğiba jiyök, “Gi mönö denöwö aka ni möt kutum niñgizan?” Mewö jiiga Jisösnöj melenđa jiyök, “Gi fig ip† könaje tatnönğa gek kutuyal. Mutuk gek kutubiga Filipnöj miangö bapñe geka goholök.”

⁴⁹ Mewö jiiga Natanaelnöj melenđa jii mörök, “O Ketañamni, gi mönö ölnja Anutugö Nahöññi akzan. Gi Israel nenğöreñ azi Kembuya maljan!”

⁵⁰ Mewö jiiga Jisösnöj melenđa jiyök, “Ni mutuk kewö jizal, ‘Gi fig könaje tatnönğa gek kutuyal.’ Mewö jim miwikñaizalanzöra ölöp möt narim niñgizan. Anutugöreñ kukösum ki eka mötzani, mi mönö yuai kötonğökñi akza. Ölnji ketañi mi mönö bian eka möta malman.”

⁵¹* Mewö jiba toroqeba jii mörök, “Nöñön keu öl töhöññi kun kewö jibi mötnöj: Könañgep nöngö gwarekurupni aketka kutum enğuasöriğa imut kewö ekñe: Suep nanğunöñ taliga Anutugö garataaurupñan asuhuba Suep gölmegö Azi Ölnji yambuk nariba yangöreñ eta öñğöba aketka enğekñe.” Mewö.

2

Jisösnöj o mem letoriga wain ahök.

¹ Jisösnöj Filip aka Natanael etkoholiga silimñi karöbut teköi malgetka kunöj ambi memegö maren lömbuan ali tokoget. Mi Galili prowinsgö miri qetnji Kana miangöreñ alget. Jisösgö namñan miangöreñ mohotñe ani malget. ² Jisös aka yangö gwarekurupñi mi mewöyök öröm enğigetka lömbuanñöj mohotñe malget. ³ Miangöreñ malgetka wain onöj qahöwahiga Jisös namñan nahöññanzöra jiyök, “Yenğöreñ wain o qahöwakza.”

* **1:42:** Sifas mi Grik keunöj Pitö, nanine keunöj köt jamönjin. † **1:48:** Fig mi sambu ewöya.

Mi nupñine kömötketka kötnji nahöññambuk asuhuiga mi nalö gwötpuk nezema. * **1:51:** Jen 28.12

⁴ Mewö jiiga kewö jii mörök, “Namni, mi denöwö akñamgöra jizan? Jim kutum niñgizan me? Nöngö anğöletot meme nalönan mönö qahö kam kunjuiga maljal.”

⁵ Mewö jii möta welenqeçe yeñgöra kewö jiyök, “Yañön yuai kungöra jim kutum enğimawi, mi inñini ölop akñe.”

⁶ Juda yeñön amöt qem anğubingöra Köna keunini wuatangöba böröñini sanğonmaljema. Mianğö dop miri mianğoreñ köurañen ketanji 6 tarök. Köurañen mohot mohot mi o gina 8 me 12 mianğön geba kokolak qenahangö dopñan tatket.

⁷ Jisösnöñ mi eka kewö jii mötket, “Inñini mönö o uba kaba mokogetka köurañen ki kokolak qeget.” Mewö jii möta jiyöhangö dop aket. ⁸ Köurañen mi kokolak qegetka kewö jim kutum enğiyök, “Mönö o qakñi tosatñi uba anda lömbuan galöm wañgime.” Jim kutum enğiiga memba anget.

⁹ Uba angetmö, galömnöñ o letota wain ahöhi, mi nempa möta denikeyök memba kageri, mi qahö möt asariba auruyök. Auruyökmö, welenqegenöñ o ugeri, yeñön mi möta jigetka galömnöñ maren tonji oholi kayök. ¹⁰ Kaiga kewö jii mörök, “Maren nalöñe körek pakpak yeñön wain o ölopñi mi mutuk memba kaba enğimakze aka mi nempa enjololon aketkun wain o nahömñi qahö mi könañgep enğimakze. Göñön wain o ölopñi mi mutuk anğön köla qahö enğiba döлки nalö onğita memba kazan. Mi silik murutñi kun akzan.”

¹¹ Jisösnöñ anğöletot mutukñi ki mi Galili prowinsgö miri qetñi Kana mianğoreñ meyök. Mi memba mewö mianğön kukösumñi indeliga asuhuyök. Mi asuhuiga gwarekurupñan möt narim wañgiget.

¹² *Közölömbuanñöñ malget teköiga Jisös, yañgö nam-munñi aka gwarekurupñi yeñön mirinñine Kaperneam anget. Mianğoreñ anda söman tosatñi toroqeba malget. Mewö.

Jisösnöñ jöwöwöl jike jim kömbuhiyök.

Mat 21.12-13; Mak 11.15-17; Luk 19.45-46

¹³ *Nalö mianğoreñ Juda neñgöreñ ak-kömukömu kendon nalöñan dopdowiyök. Anutunöñ mönöwök neñgehoriba neñgonğiröhi,* mianğöra söngaibingö aketka Jisösnöñ mewöyök mirinñi mosöta Jerusalem sitinöñ öngöyök. ¹⁴ Sitinöñ öngöba jöwöwöl jikegö tohon uruñe anda yuai kewö miwikñaiyök: Ambazip bulmakau azinñi, lama aka kembö nei mi bohonñi memegöra alget aka tosatñan moner utekutek albingöra tatkeri, mi engehök.

¹⁵ Mi engeka kösönöñ tapep (munğamunğa) mönjöñda mianğön enğohotiriba enğuyök. Enğuba ambazip mi körek közöl enğiba lama bulmakaunambuk jöwöwöl jikenöhök enğuatangöyök. Utekutek ambazip yeñgö souje kötnini metaliga mokoba eriga tebolñini metal anget. ¹⁶ Kembö bohonñini memegöra algeri, ambazip mi kewö jim enğiyök, “Yuai mi mönö memba kesala yaigep anget. Inñini nöngö Iwinangö jöwöwöl jikenñi ki mönö wuanöñgöra utekögetka kölköl-örörö miri ewö akza?”

¹⁷ *Mewö jiiga Buña keu kun gwarek yeñgö mötmötñine kanğoriga mötmöriget. Keu mi kewö ohoget ahöza, “Nöngö urunan göhoreñ jike

* 2:12: Mat 4.13 * 2:13: Eks 12.1-27 * 2:13: Anutunöñ Ijpt mianğoreñ Israel ambazip neñgehoriba neñgonğiröhi, mianğö sösongainñi mi Nei keunöñ Pasowa. Eksodus, Mekömekö 12.15

* 2:17: Sum 69.9

mi kömbukñi ahömapköra kapañ kölbiga mianñon urune newañ könöp ewö jeiga waimanjat mianñon kawöl miwikñaimakzal.”

¹⁸ Mi közöl enjiiga Juda jitlememe yeñon tembula wahöta Jisösgöreñ kañgota kewö qesim wañget, “Gi mönö wani añgöletot kun aknönga kukösumgi ehinga dop köl neñgiigun kimbi mewöñi akanak?”

¹⁹ *Mewö qesim wañgetka kewö melen enjiyök, “Inini jöwöwöl jike ki köndengetka gölmenöñ eriga nöñon mi wehön karöbutkö uruñe memba wahöta kuñgumam.”

²⁰ Melen enjiiga kewö jiget, “Yambu (yara) 46:gö uruñe jöwöwöl jike ki memba mala mem tekögetka asuhaba kinja aiga göñon mi wehön karöbutkö uruñe mönö denöwö aka memba wahöta kuñgubanak?”

²¹ Mewö jigetmö, Jisösnöñ jikegö keu mi nanñi silenangö söpsöpña ala jiyök. ²² Jisösnöñ könañep kömupnöhök wahöriaga söpsöp keu jiyöhi, mi nalö miangöreñ gwarekurupñi yeñgö mötmötñine kañgori ölop möt asariget. Mi mötmöriba Jisösnöñ keu jiyöhi, mi aka Buña keu ohogeri, mi pakpak möt nariget. Mewö.

Jisösnöñ ambazip könañamni möt teköza.

²³ Jisösnöñ Jerusalem sitinöñ ak-kömukömu kendongö nalöñe mala añgöletot kukösumñambuk meyöhi, mi ambazip gwötpukñan eka qetñi möt nariba yañgöreñ lapingöget. ²⁴ Lapingögetmö, Jisösnöñ ambazip pakpak yeñgö könañamni möt kutum teköyök. Mewögöra ambazip pakpak qahö möt narim teköm enjiba keuñinañgö bapñe qahö anda malök. ²⁵ Ambazip uruñine keu yuai ahöyöhi, Jisösnöñ kuññan ambazip uruñinañgö könañi mi indela kondel wañgimawañgö dop qahö ahök. Mönö nanñak mi ölop möt kutum teköyök. Mewö

3

Jisösnöñ Nikodemus urumelenjö könañi kusum wañgiyök.

¹ Juda könañesögö jike kaunsöl sutñine jitlememe azi kun qetñi Nikodemus malök. Yañon Farisi (Köna keugö kapañkölköl) kambunöñ kinök. ² Yañon sunjem kunöñ Jisösgöreñ kañgota kewö jii mörök, “Ketañamni, gi añgöletot memakzani, mi azi kuññan Anutu yambuk qahö kiniga nanñök memangö osimakza. Miangöra gi Anutunöñ nam köl gihiiga böhi akzan, mewö mötzin.”

³ Mewö jiiga kewö jiba melen wañgiyök, “Nöñon keu öl töhönñi kun kewö jibi mötnöñ: Kuññan Anutugöreñök ahuahu döläkñi qahö ahuma ewö, yañon mönö Anutugö bemtohoñe angota ekñamgö osima.”

⁴ Melen wañgiiga kewö jiyök, “Kuññan lök ahuha ambazip namñi aka malagun ahuahu döläkñi mönö denöwö ahubawak? Yañon mönö nam köro uruñe añgori kunbuk gölöm ala memangö osima.”

⁵ Mewö jiiga kewö melenök, “Nöñon keu öl töhönñi kun kewö jibi mötnöñ: Kuññan o melun mem wañgetka Uña Töröñan uruñe geiga mewöñi mianñon ahuahu döläkñe qahö ahuzawa ewö, mewöñi mianñon mönö Anutugö bemtohoñ uruñe angotmamgö osima. ⁶ Gölmegö iwinam enögöreñök morö ahuzawi, mi gölme moröya. Uña Töröñan inahöba nam köliga morö asuhumakzawi, mi mönö Suepkö moröya.

⁷ *Mewögöra inini ahuahu döläkñi Anutugöreñök qahö ahume, mianñon mönö qahö dop kölja. Keu mi jibiga miangöra mönö kude auruman.

* 2:19: Mat 26.61; 27.40; Mak 14.58; 15.29

⁸ Luhutnōḡ nanḡi imbi-imbi laḡ giliḡa ötōḡi mörakzanmö, mi denikeyök kaba gilakza aka denike gila anakzawi, gi miangö könaḡi qahö möt asarizan. Uḡa Törōḡan ambazip nam köl enḡiiga ahuahü dölökḡe ahugeri, körek yeḡö könaḡinan mönö luhut miangö dop akza.”

⁹ Mewö melenḡiga Nikodemusnōḡ köḡkunḡ aka kewö jiyök, “Mi ahakö dop qahö.”

¹⁰ Mewö jiiga Jisösnōḡ jiyök, “Gi Israel könaḡesö kusum neḡgimakzan aka töndup keu miangö könaḡi qahö möt asarizan. Mi kude dop kölja. ¹¹ Nōḡön keu ölä töhöḡḡi kun kewö jibi mötnōḡ: Neḡön wania möt kutuzini, mi jiba indelakzin aka wania jeninan eka mötzini, mi naḡöba jimakzin. Mewö ahakzinmö, eḡön töndup Buḡa keunini mi qahö möt angön kölakze.

¹² “Gölmegö yuainḡi jenōḡ ehekḡi miangö keuḡi jibiga möta qahö möt narim niḡgize ewö, nōḡön Suepkö yuainḡi qahö ehekḡi miangö könaḡi jibiga mötmei, mi mönö denöwö möt naribeak? ¹³ Gölmegö azi kunḡan Suepnōḡ qahö öḡḡöyökmö, Suep gölmegö Azi öḡḡan Suep mire mala eta asuhuyöhi, yaḡön mönö liliḡöba Suepnōḡ öḡḡöma.

¹⁴ **“Anutunōḡ Moses gölme qararaḡkölkölḡe jim kutui kopö ainḡi mokoleḡ imutḡi memba tohotnōḡ kösököi kinöhi, miangö dop Suep gölmegö Azi öḡḡi mi kösökögetka öḡḡöba kinma. ¹⁵ Ambazip i möt narim waḡgizei, yeḡön körek pakpak malmal köhöikḡi miwikḡaiba malmegöra aka eu öḡḡöma.*

¹⁶ “Miangö könaḡi kewö: Ambazip i möt narim waḡgizei, yeḡöreneḡök kunḡan ayuhubapüköra Anutunōḡ gölme dop önōḡi qahö jöpaköm neḡḡiyök. Neḡön körek letota malmal köhöikḡaḡö buḡaya akingöra mönö Nahöḡḡi mohotsirik mi neḡḡiyök. ¹⁷ Ambazip gölme dop mal anḡini, Anutunōḡ Nahöḡḡi neḡö keunini jim tekömapköra aka qahöpö, Nahöḡḡan amöt neḡḡuiga kantri dop letota oyaenḡkoyaen akingöra aka melaiiga gölmenōḡ erök.

¹⁸ “Ambazip kunḡan Nahöḡḡi möt narizawi, Anutunōḡ yaḡö keuḡi jim teköiga qahö ayuhumapmö, kunḡan Jisös qahö möt narim waḡgizawi, Anutunōḡ yaḡö keuḡi lök jim teköiga malja. Anutugö Nahöḡḡi mohotsirikö qetḡi qahö möt narizawaḡöra aka könöp siagö buḡaya akḡa. ¹⁹ Anutunōḡ gölme ambazip keunini jim tekömakzawi, miangö könaḡi kewö: Asakḡan lök gölmenōḡ eta asuhuyökmö, ambazipnōḡ ahakmeme bölöḡi bölöḡi aka memba malget. Mewö mala Anutugö asakḡi tököba uruḡini söḡaupkö ahakmemenōḡ laḡ jöhöba mala kotket.

²⁰ “Körek pakpak ahakmeme bölöḡi ahakzei, yeḡön Anutugö asakḡi tököba andö qemakze. Anutunōḡ ahakmemenḡini bölöḡi bölöḡi mi indela jim enḡiiga gamuḡini mötpepüköra keḡḡötḡini mörakze. Mi möta asakḡaḡö uruḡe qahö aḡorakze. ²¹ Qahö aḡorakzemö, kunḡan kun keu öḡḡi wuataḡöba maljawi, yaḡön öläp asakḡaḡö uruḡe kaḡgotma. Anutunōḡ söläöhöm waḡḡiiga ahakmemenḡi aka memba malöhi, miangöra ahakmemenḡi miangön aukḡe asuhumapköra mötza.” Mewö.

Jon O-melun azinōḡ Jisösgö könaḡi jim miwikḡaiyök.

²² Jisösnōḡ mewö jim teköba kinda gwarekurupḡi enḡuaḡgita Jerusalem siti mosöta Judia prowinsgö miri andöḡe anget. Miangöreḡ anda gwarekurupḡi yembuk sonda tosatḡi toroqeba yembuk mala ambazip o melun mem enḡgiba malök. ²³ Jisösnōḡ mewö malökmö, Jonōḡ mewöyök

* 3:14: Jan 21.9

miri qetnji Salim mianğö kösutje malök. Miri qetnji Aionon mianğoreñ o jök ahöyök aka ambazipnöñ Jongöreñ kañgota o melun mem enğimapkö qesigetka amqeba mem enğiba malök. ²⁴ *Nalö mianğoreñ Jon mi kösö mire qahö algetka tarök.

²⁵ Juda yeñön amöt qem aņgubingöra böröñini saņgoñmaljema. Mewögöra Jongö gwarekurupñi yeñön Juda azi kunbuk keu mianğö goranora aka könahiba jitnakölik jiget. ²⁶ Mewö jigetka lömböriiga Jongöreñ kaba kewö jiget mörök, “Ketañamnini mötnöñ, azi Jordan o likepñe göbuk maliga nangak könañamñi naņğöba jinöñi, yeñön ambazip o melun mem enğiiga jesöñğöñan mönö yaņğöreñ anakze.”

²⁷ Jonöñ mi möta kewö meleñnök, “Anutunöñ azi kungöra yuai kun Suepnöhök qahö al waņgibawak ewö, yeñön mönö mi buña qem aņgumamğö osiza. ²⁸ *Yambuk mala kewö jial, ‘Ni Amötqeqe Toñi Kraist qahö akzalmö, Anutunöñ melaim niñgiiga mutuk kazala yeñön andöne kama.’ Nöñön keu mi jiali, iñini mi ölöp nanñinak naņğöba jiba malbea-haņğö dop akze. ²⁹ Mianğö keuñi dop ala kewö jimam: Azi kunñan ambi buñañambuk aka ambi memamğöra sösöñgai keu jim sehiba malja. Mewö maliga azi alaņan kösutje kinda sösöñgai keuñaņğö jölñi möta yaņğöra önöñi qahö söñgaimakza. Mianğö dop nöñön Jisösgö alaņi aka yaņğöra söñgaibiga sösöñgai mianñon döłki uruni kokolak qeiga maljal. ³⁰ Jisösgö qetbuñañan qarim sehiiga nöñğöreñan mönö waziiga dop kölma.” Mewö.

Jisösnöñ Suepnöhök eröhaņğö könañi jiyök.

³¹ “Dañön euyañğöreñök eröhi, yeñön ambazip körek pakpak enğoņgita öñğöñğöñi akza. Kunñan gölmenöñ asuhuba gölmeğö buñaya akza aka gölmenöñ malmalgö keuñi jimakza. Suepnöhök eta kayöhañön mönö körek pakpak enğoņgita öñğöñğöñi akza. ³² Yañön yuai eka möt kutuba malöhi, mianğö könañi jiba naņğöba dangunu ewö kinja. Mewö kin-japmö, naņğönaņğö keuñi mi ambazip kunñan kun qahö möt aņğön kölja.

³³ “Ambazip kunñan naņğönaņğö keuñi möt aņğön köljawi, yeñön Anutu ölbölñi akzawaņğö keuñi mem köhöiiga pöwöwömmñi akña. ³⁴ Anutunöñ kolek aziñi melaiba Uñañi Töröñi musa qakñe qahöpmö, kelermaleleñ waņgimakza. Mianğöra kolek aziñan mönö Anutugö keu töhöññi indela jimakza. ³⁵ *Iwinöñ Nahöññi uruñan jöpaköm waņgimakzawaņğöra aka yuai pakpak buña qem waņgiba böröñe ali ahöza.

³⁶ “Ambazip kunñan Nahöññi möt nariba uruñi melenjawı, yeñön mönö kunbuk letota malmal köhöikñaņğö buñaya akza. Kunñan Nahöññaņğö keuñi qahö tem kölakzawi, Anutugö irimsesewölñan mönö yaņğö qakñe öñğöba pöndañ kini malmal köhöikñaņğö könañi qahö ek kutuba önewat lañ malja.” Mewö

4

Jisösnöñ Samaria ambi kunbuk keu eraum mörohot.

¹ Jisösnöñ mewö ambazip kusum enğiiga gwarekurupñi aketka o melun mem enğiba mewö mianñon Jon O-melun azi luhut ala malöhi, keu mi Farisi (Köna keugö kapañkölköl) yeñğö kezapñine gei mötket. Yeñön mi mötkeri, buzup mi jiget sehiba Kembugö kezapñe gei mörök. ² Jisösnöñ nanñak ambazip qahö o melun enğiyökmö, yeñön jiiga gwarekurupñan

* 3:24: Mat 14.3; Mak 6.17; Luk 3.19-20 * 3:28: Jon 1.20 * 3:35: Mat 11.27; Luk 10.22

mi aket. ³ Mi möta Judia prowins mosöta lilingöba kunbuk Galili prowinsnönj göröken anget. ⁴ Köna mewö anda Samaria prowins ongita anget.

⁵ *Ongita anda Samaria prowinsgö taonni kun qetnji Sikar miangörej angorök. Sikar taon mi Jeikobnönj gölme bahöri kun nahönni Josef wanjiyöhi, miangö kösutnje ahöza. ⁶ Jeikobkö o lömni diginjambuk mi Sikar taonönj ahöza. Jisösnönj köna kayöhangöra aka silenji lömböriiga silim bibine o lömni miangörej angota kösutnje eta tarök.

⁷ O löm kösutnje tariga Samaria ambi kunönj o umamgö kayök. Kaiga Jisösnönj eka kewö jii mörök, “Gi ölop o ninjinönga nembilenjak.” ⁸ Nalö miangörej gwarekurupnan nene bohönni mbingöra i mosöta taonönj angetka nanjirök kinohot.

⁹ *Juda ambazipnönj Samaria prowins qepureim engiba yembuk köisirik qahö maljema aka pake mohot mianön o qahö uzema. Mewögöra nanjirök kinohot miangörej ambinönj kewö jii mörök, “Gi Juda azia aiga ni Samaria ambiapmö, denöwögöra ‘O ninjinönga nembilenjak,’ jiba qesim ninjizan?”

¹⁰ Jisösnönj qequesi mi möta kewö melenj wanjiyök, “Gi Anutu kalemjanjö könanji möt kutunönga dop kölbawak. Danön ‘O ninjinönga nembilenjak,’ jiba qesim gihazawi, yanjö könanji möt asaribanak ewö, i mönö qesinönga malmalgö onji gihibawak.”

¹¹ Mewö jiiga kewö jii mörök, “O ketanjami, o umamgö pakegi kun qahö ahöza aka o löm kianön mönö diginjambuk akza. Miangöra malmalgö ogöra jizani, mi mönö denikeyök miwikinjainönga ahubawak? ¹² Isik bömönini Jeikob yanön o lömni ki nejniyök. Yanön mutuk nanjak aka yanjö andöje nahönurupnan ki kaba o uba nempa maljema aka bulmakau kambunji kambunji o engigetka nempa maljema. Gi Jeikob ongita öngöngöni aka ambazip o mem sehim engimamgö jizan me?”

¹³ Mi möta Jisösnönj kewö melenjök, “Ambazip köreknan o ki nembagun mönö kunbuk ogö kömumba mbingö möraknje. ¹⁴ Mewö malmemö, nöjön kungöra o wanjimami, yanön mi nembagun nalö kunönj ogö kunbuk qahö kömuma. Mewö qahöpmö, o wanjimami, mi mönö yanjö uruje letota malmalgö o jeni jöjöpököni qahö aiga malma. Mewö mali mönö uzumgöba malmal köhöikni teteköni qahö wanjimaknja.”

¹⁵ Mewö melenjniga ambinönj jiyök, “O ketanjami, gi mönö o mia ninjinönga nemi. Mi nembagun nalöni nalöni kunbuk ogö qahö kömumbilenjak aka o umamgöra ki könasöksök qahö tibilenjak.”

¹⁶ Mi jiiga kewö jim kutum wanjiyök, “Gi mönö anda apki wanjita ki kamahot.”

¹⁷ Mewö jim kutum wanjiiga “Ni apni qahö,” jiba melenjök. Melenjniga kewö jii mörök, “Gi ‘Apni qahö,’ keu mi törörök jizan. ¹⁸ Gi ölja azi 5 engömempa malnönj aka merak kun memba maljani, yanön mönö göhö apki qahö akza. Keu jizani, mi ölä töhönja.”

¹⁹ Ambinönj mi möta kewö jii mörök, “Ketanjami, gi mönö kezapqetok azi qainni kun akzan. Nöjön tandöki mewö gek kutum gihazal. ²⁰ Nejni amböskonurupninan kunduji kondela kianjörej öngöba sipköba köuluköba malgetmö, Juda enön kewö jimakze, ‘Samaria enön mönö Jerusalem sitinönj öngöba jöwöwöl jikenönj sipköba köulukögetka dop kölja.’ ”

* 4:5: Jen 33.19; Jos 24.32 * 4:9: Esra 4.1-5; Neh 4.1-2

²¹ Mi möta Jisösnöñ kewö jim kutuyök, “O ambi, nalö kun kam kuñguma. Injini nalö miangörej Iwi waikñi memba möpöseibingöra kundunji kiangörej me Jerusalem miangörej qahö öñgöba malme. Gi keu mi ölop möt narinöñga dop kölma. ²² Samaria injini Anutugö könani törörök qahö möt kutuba töndup yangö waikñi lañ memba möpöseimakze. Amötqeqegö könani mi Juda neñgö sutnine aukñe asuhuba ahöza. Miangöra Juda neñon Anutuninañgö könani möt kutuba waikñi memba möpöseininga dop kölja.

²³ “Töndup nalö kun kewö asuhuma: Nalö miangörej Uña Töröñan ambazip sölölohöba inahöm enñiiga keu ölni wuatangöba Iwi waikñi memba ölna möpöseiba malme. Iwininan ambazip mewöñi jarum enñiba asuhumegöra sihimñi möta malja. Nalö murutñi mianñon mönö lök kam kuñguba döliki ahöza. ²⁴ Anutunöñ Uñaya akza. Miangöra Uña miangö waikñi memba möpöseimakzei, yeñon mönö Uña Töröñan sölölohöba inahöm enñiiga keu ölni wuatangöba möpöseiba malme.”

²⁵ Jisösnöñ mewö jim kutuiga ambinöñ jii mörök, “Amötqeqe Tonji qetñi Kraist qetzei, yanñon kamangö akza, mi mötzal. Yanñon kamawi, nalö miangörej mönö keu pakpak indel enñiiga mötpin.”

²⁶ Jisösnöñ keu mi möta könani kewö indelök, “Göbuk ki kinda keu eraum mötziri, nöñon mönö mia akzal.” Mewö.

Gwarek yeñon kaba yetpuk toroqeket.

²⁷ Könañamñi indeliga gwarek yeñon miangörejök lilingöba kaget. Kaba ambibuk eraum mörohot, mi eka welipkögetmö, kunöñ kewö qahö qesiyök, “Gi denöwögöra yambuk keukeu jizahot?” me “Wanigöra ak gihiza?” Mewö qesibingö mötketmö, körekñan ölöñ tatket.

²⁸ Ölöñ tatketka ambinöñ o pakeni mosöta taonöñ anda ambazip yeñgöra kewö indela jii mötket, ²⁹ “Mötket! Nöñon azi kun miwikñaibiga yuai pakpak aka malali, miangö könani indela jii mötzal. Miangöra yanñon mönö Amötqeqe Tonji Kraist akapuk. Mönö nanñinak kaba azi mi ekñe.” ³⁰ Keu mi möta taon mosöta öröba Jisösgörej anget.

³¹ Gwarek yeñon nalö sutñe miangörej Jisös qesim wañgiba kewö jiget, “Ketanamñini, ölop nene nenöñ.”

³² Mewö jigetmö, kewö jiyök, “Nöñon neneñamni qainñi kun memba maljali, injini miangö könani qahö möt kutuze. Qahö!”

³³ Mi möta nanñini qesim añguba kewö jiget, “Kunñan nene kun memba kaba wañgiza me denöwö?”

³⁴ Mewö jigetka kewö jii mötket, “Melaim ninñiiga kayali, nöñon yangö jitñi tem köla nupñi mem sorokömakzali, mianñon mönö nöñgö neneñamni akza. ³⁵ Injini keu kewö jibepuk, ‘Köñ 4 kunbuk ahöiga ölöm-izi-izi nalöñan törima.’ Mötket, nöñon miangöra kewö jizala kezap alget: Nup boñi ketanji mienñgö ölninan lök öliiga meme nalöñinan kam kuñguza. Injini mönö jeñini uget aniga mi uruñine ek kutume. ³⁶ Tosatñan mutuk keu kötnji qesinñda gila malgetka ölnan nalö kewöñe asuhuiğa tosatñan mi lök tokoba töwanini megetka ambazipñi ambazipñi malmal köhöikñangö buñaya ahakze. Mewö asuhuiğa ölni meme yeñon qesinñ gilgil ambazip yembuk mindiriba mohotñe söñgaiba simbawon mötze.

³⁷ ‘Kunöñ kötnji qesinñ giliga kunöñ ölni mezawi,’ keu mewö jimakzei, mi keu ölna. Mi Anutugö nup memegö könani indelja. ³⁸ Nöñon injini melaim enñibiga nup qainñi kunöñ nanñinak yuai kötnji qahö kömötteri,

mönö nup miangörej anda ölni meme. Tosatjan mutuk silenini qeba nup memba malgetka enön yeŋgö könanjine anda nup megeraŋgö ölni miwiknaiba memakŋe. Mewö melaim engizal.” Mewö

Samaria ambazip gwötpukjan uruŋini melenjet.

³⁹ Samaria ambinöŋ keu kewö nanğöba jiyök, “Nöhön azi kun miwiknaibiga yuai pakpak aka malali, yaŋön mönö miangö könanj indela jii mötzal.” Mewö jiyöhaŋgöra Samaria ambazip gwötpukjan Sikar taon miangörej uruŋini melenja Jisös möt narim waŋgiget. ⁴⁰ Möt narim waŋgiba yaŋgörej kaba yembuk toroqeba malmapköra kapan köla qesigetka silim yahötkö dop toroqeba miangörej malök.

⁴¹ Mewö mala keu jiba malöhaŋgöra aka gwötpukjan Jisös möt nariba toroqem waŋgigetka kambuŋini qariyök. ⁴² Toroqem waŋgiba ambigöra kewö jiget, “Azi kianön ölna gölmenj gölmenj neŋgörej Amötqeqe Tonina akza. Neŋön mi göhö keugörök qahö toroqeba möt narizinmö, mi naninak kezap ala möta möt kutuzin.” Mewö.

Jisösnöŋ jembon azi kungö nahönji mem ölöwahök.

⁴³ Jisösnöŋ Samaria maliga silim yahöt teköiga engömosöta Galili prowinsnöŋ anök. ⁴⁴ *Jisösnöŋ nanjak nalö kunöŋ keu kun kewö nanğöba jiyök, “Kezapqetok ambazip kunjan nanje miri gölmenöŋ maliga yaŋgöra qahö mötket öŋgöiga göda qahö qem waŋgimakze.”

⁴⁵ *Mewö jiyökmö, töndup nalö miangörej nanje Galili prowinsnöŋ kaŋgoriga miangörej mewöyök tosatjan jölöŋi jiget. Yeŋön ak-kömukömu kendongöra Jerusalem sitinöŋ öŋgöba Jisösnöŋ kendon nalöŋe aŋgöletot meyöhi, mi pakpak eka mötket. Miangöra nalö miangörej ölop köl öröm waŋgiget.

⁴⁶ *Galili prowins yeŋön köl öröm waŋgigetka miri qetŋi Kana mutuk o meiga letota wain ahöhi, miangörej kunbuk kayök. Taon qetŋi Kaperneam miangörej kiŋ kembangö jembonji kun malök. Yaŋgö nahönjan kawöl yöhöiga ahöyök.

⁴⁷ Ahöba kömumangö ahök. Miangöra Jisösnöŋ Judia prowins mosöta Galili uruŋe kayöhi, yaŋön miangö buzupŋi möta Jisösgörej anda kewö qesim waŋgiyök, “Gi ölop kaba nahöni mem ölöwak waŋgiman.” ⁴⁸ Qesim waŋgiiga kewö jii mörök, “Injini ni öne qahö möt narim niŋgimeangö dop akzei, mi qahö dop kölja. Nöhön aŋgöletot aiwesök membi ekagun mönö amqeba ni möt narim niŋgiba uruŋini melenbeak.”

⁴⁹ Mewö jii mörökmö, jembonöŋ kewö jiyök, “Ketanjamni, nahönan kömumbapüköra mönö ösumok kaman.”

⁵⁰ Mewö jiiga melen waŋgiyök, “Nahöngan mönö ölöwaka malma. Miangöra mönö ölop lilingöba anman.” Mewö melen waŋgiiga yaŋön mi möt nariba lilingöba anök. ⁵¹ Anda könanöŋ maliga welenqeqeurupjan kaba miwiknaiba kewö jiget mörök, “Nahöngan lök ölöwaka malja.”

⁵² Mi möta qesim engiba jiyök, “Wani nalönöŋ könahiba ölöwahök?” Mewö jiiga jiget mörök, “Uran mare wan kilok miangörej sile könöpŋi mosörök.” ⁵³ Mi möta mötmötŋi kewö ahuba asariyök: Aha! Jisösnöŋ “Nahöngan mönö ölöwaka malma,” jiyöhi, mönö aua miangörejök ölöwahök. Keu mi möt asariba i aka saiwaurupŋi pakpak yeŋön uruŋini melenja Jisös möt narim waŋgiget.

* 4:44: Mat 13.57; Mak 6.4; Luk 4.24 * 4:45: Jon 2.23 * 4:46: Jon 2.1-11

⁵⁴ Jisösnöñ Judia mosöta Galili prowins uruñe kaba aᅅöletot kun ki meiga yahöt ahök. Mewö.

5

Jisösnöñ Betesda o aᅅgö jitñe azi kun mem ölöwahök.

¹ Könañgep nalö kunöñ Juda yeᅅgö kendon ketañi kun töriiga Jisösnöñ Jerusalem sitinöñ öᅅgöyök. ² Jerusalem sitigö selnöñ naᅅgu kun mi lama yeᅅgöra ahöyök. Mianᅅgö kösutñe o aᅅgö kun qetñi Hibru keunöñ Betesda qetkeri, mi ahöyök. Mianᅅgö görañe luhut miri köröpñi ketañi 5 tatket. ³ Luhut miri 5 mianᅅgö uruñe kawöl ambazip kambu ketañi ahözema. Tosatñan jeñini gömölii tatket. Tosatñan simalokon aka tatket. Tosatñan likepñini kömukömuña tatket.*

⁴ Nalö tosatñe Kembugöreñ garata kunöñ eta o aᅅgönöñ timjaliiga unduzapma. Onöñ unduiga nalö mianᅅgöreñök kunñan mutuk aᅅgönöñ geiga kawölñi mi me mi mianᅅñ ölöwahakzapma. Mianᅅgöra mamböta tatket. ⁵ Mianᅅgöreñ azi kun yambu (yara) 38 mianᅅgö dop kawöl yöhöiga ahömalök. ⁶ Mianᅅgöreñ ahöiga Jisösnöñ kaᅅgota eka lök nalö köröp tiñtiñi kawöl yöhöi ahöba malöhi, mi möta kewö qesim waᅅgiyök, “Gi ölöwakᅅᅅaᅅgö ak gihiza me qahö?”

⁷ Qesim waᅅgiiga kewö melenᅅ waᅅgiyök, “O Kembu, onöñ unduba ötöñ geiga alani daᅅñ noaᅅgita o aᅅgönöñ anda al niᅅgibawak? Alani mewöñi kun qahö malja. Nanak anmangö möta esapköba malali, nalö mianᅅgöreñök tosatñi yeᅅgöreñök kunöñ ni noᅅgita anda gemalget.”

⁸ Melenᅅ waᅅgiiga Jisösnöñ jii mörök, “Gi mönö wahöta tumbulahöpki memba anöñ.” ⁹ Mewö jii möta mianᅅgöreñök ölöwaka tumbulahöpñi memba anök. Anökmö, yuai mi Sabat kendonöñ asuhuyök. ¹⁰ *Mianᅅgöra Juda yeᅅñ azi ölöwahöhi, yaᅅgöra kewö jiget mörök, “Merak Sabat kendon akza. Mianᅅgöra tumbulahöpki memba aᅅᅅunöᅅga qahö dop kölja.”

¹¹ Mi möta kewö melenᅅni mötket, “Möhamgöm niᅅgizawaᅅñ mönö kewö jim teköm niᅅgiza, ‘Gi mönö tumbulahöpki memba anöñ.’”

¹² Mi möta kewö qesim waᅅgiget, “Azi daᅅñ göhöra ‘Tumbulahöpki memba anöñ,’ jiza?”

¹³ Qesim waᅅgigetmö, Jisösnöñ mem ölöwahiga ambazip kambu ketañan ölökögetka yeᅅgö sutñineyök sömuniba anök. Mianᅅgöra daᅅñ mi ak waᅅgiyöhi, mi qahö möta tönpin kinök.

¹⁴ Mianᅅgö andöñe jöwöwöl jike tohoñ uruñe öᅅgöiga Jisösnöñ mianᅅgöreñ miwikñaim waᅅgiba qambañ keu kewö jii mörök, “Mötnöñ, gi lök ölöwakzan. Mianᅅgöra ayuayuhu törosait bölöñi kötökñi kun asuhum gihibapüköra mönö siᅅgisöndok kunbuk kude aka malman.”

¹⁵ Azi ölöwahöhi, yaᅅñ Jisös ek kutuba anda Juda jitñememe yeᅅgöra kewö jii mötket, “Azi mem ölöwak niᅅgiyöhi, yaᅅgö qetñi Jisös.” ¹⁶ Mi möta Jisösnöñ Sabat kendonöñ nup mewöñi meyöhi, Juda jitñememe yeᅅñ mianᅅgöra aka sesewerowero ak waᅅgiba malget. ¹⁷ Mewö malgetmö, Jisösnöñ kewö melenᅅ ᅅᅅgiyök, “Nöᅅgö İwinan sundan dop nup memakza aiga nöᅅñ mewöñanök mi memakzal.”

* **5:3:** Mötmöt ambazip tosatñan kewö mötmörimakze: Könakönahine jabö 3:gö kitipñi teteköñi aka jabö 4 mi kewö ohoget ahöyök: Yeᅅñ o aᅅgönöñ gwözöᅅda undumapkö mamböta tatzema.

* **5:10:** Neh 13.19; Jer 17.21

18 Mewö melenj engiba ambazip Sabat kendongö keu tosatni toroqeba algetka Jisösnöj mi ahakmemeñan qeapköba yengö jeñine singisöndok ahök. Singisöndok mi toroqeba Anutugöra 'Iwini' jiba Anutu tandök ewö maljawanğö dop aka nanñi mem öngöyök. Juda ambazip yeñön yuai yahöt mianğöra aka möt kömbuhiba kapan köla Jisös qebingö jim köhöiget. Mewö.

Malmal gulimapkö kukösumñi mi Jisösgöreñ ahöza.

19 Mewö aketmö, Jisösnöj keu kewö jii mötket, "Nöjön keu öl töhöñji kun kewö jibi mötket: Nahönöj nanñi uruñanğö yuai kun qahö memakzapmö, Iwinöj yuai memakzawi, Nahönñan mönö mewöñanök memakza. Mianğöra Iwinöj yuai meiga ehakzawi, yañön mönö miyök memakza. 20 Iwinöj Nahönñi urunöj jöpaköm wañgiba mala nanñak nup memakzawi, mi pakpak kondel wañgimakza. Mianğöra anğöletot eka maljei, mi yuai eretñi. Mianğö öljji mi könanğep kondel engüiga eka nemböjini teköi welipköba malme.

21 "Kun kewögöra welipköme: Iwinöj ambazip kömukömuñi engömindiiğa gulimakze. Nahönñan mönö mianğö dop mewöñanök ambazip köhömuñi niñia gulimegö mötzawi, mi engömindiiğa gulimakze. 22 Mewöñanök Iwinöj kungö keuñi qahö jim tekömakzapmö, jimtekötekö nupkö kukösumñi pakpak mi kewögöra Nahönñanğö böröñe ali ahöza:

23 "Ambazip Iwi göda qem wañgimakzei, mianğö dop köreñan Nahönñi göda qem wañgimegöra mötza. Iwinöj Nahönñi melaim wañgiyök. Mianğöra kunñan Nahön qahö göda qem wañgizawi, yañön mönö Iwi mewöyök göda qahö qem wañgiza.

24 "Mianğöra nöjön keu öl töhöñji kun kewö jibi mötket: Kunñan nöngöreñ Buña keu möta mötmörriba ni melaim niñgiyöhi, i möt narim wañgiza ewö, yañön mönö malmal köhöikñanğö buñaya akza. Nöjön keuñi jim teköbiga könöp siagö buñaya qahö akña. Kömup köhöikñanğö likepñi mosöta jabö kutuba malmal köhöikñanğö likepñe anğota mal öngöma.

25 "Nöjön keu öl töhöñji kun kewö jibi mötket: Nalö kun kama aka nöngöra aka lök kam kuñguza. Nalö mianğöreñ singisöndok aka uru köhömuñi akzei, yeñön Anutugö Nahönñan keu qeri mötme. Mi möta tem kölmeañön mönö guliba köhöiba malme. 26 Mi kewögöra: Iwinöj nanñak malmal köhöikñi kondorakzawi, mianğö dop malmal gulim köhöimapkö kukösumñi mi Nahönñi wañgii yañön mewöyök ambazip mem gulim engimakza. 27 Yañön Suep gölmeğö Azi Öljji maljawanğöra aka Iwinöj ambazip keuñini jim tekömapkö kukösumñi mewöyök yañö böröñe ali buñanñi ahök.

28 "Nöjön keu kötñi jizali, mianğöra mönö kude aurume. Nalö kun kam kuñgumawi, mianğöreñ körek pakpak qaksirinöj ahözei, yeñön mewöyök qet qetmawi, mi mötme. 29 *Qetñi mi möta wahöta aukñe asuhugetka ahakmeme ölöpñi aka malgerañön malmal köhöikñe öngömemö, ahakmeme bölöñi aka malgeri, nöjön yeñö keuñini jim teköbiga kömup köhöikñanğö buñaya akñe. 30 Nöjön nani urunanğö yuai kun nanak aka memañö osizal. Ni Iwigö jitñe mörakzali, mönö mianğö dop ambazip keuñini jim teköm engimakzal. Nani imbinanğö dop lañ qahö memakzalmö, melaim niñgiyöhi, mönö yañö keuñi wuatañgömakzal.

* 5:29: Dan 12.2

Miaṅgöra jimtekötekö keuni jimakzali, mi mönö dopñeyök asuhumakza.” Mewö.

Tosatñan Jisösgö könañamni nañgöba jiget.

³¹ “Nöñön nani könañamni nañgöba jibileñak ewö, keuni mianñön ölop qahö köhöibawak. ³² Alani kunöñ nongö könañamni nañgöba jimakza. Yañön nongöra keu jimakzawi, mianñön mönö köhöiba öñjambuk akza, mi mötzal. ³³ *Inini jitñememe melaim engigetka Jongöreñ kagetka keu öñjañgö dop nongö könañamni indela jiba nañgöyök.

³⁴ “Jiba nañgöyökmö, nöñön gölme azigö nañgönañgö keuñi mi möta qahö mötpi öngöza. Qahö öngözapmö, Jongö nañgönañgö keugöra jimakzali, mi mönö inini nalö kewöñje letotketka Anutunöñ bohonñini jöhömapköra aka jimakzal. ³⁵ Jonöñ kiwa ketañi aka ölopñanök jeba asariyökmö, inini nalö köröñji qahöpmö, töröptökñanök yañgö asakñe lañ söñgaibingö sihimñi mötket.

³⁶ “Jonöñ köñani töröptökñanök jiiga mötketmö, kunöñ mi nañgöba jimakzawi, yañgö keuñan mönö Jongöreñ nañgönañgö keu öñgitza. Nani Iwinan nupñi al niñgii membiga öñji asuhumakza. Öñji mianñön mönö könañamni kewö nañgöba indelakza: Iwinöñ mönö melaim niñgii jitñe memenji akzal. ³⁷ *Iwinöñ melaim niñgii erali, yañön könañamni nañgöba jiba malök. Inini nalö kunöñ yañgö keu kourukñi qahö mötket aka kaisöñgolomñi qahö eket. ³⁸ Yañön niñia melaiiga eröhi, inini i qahö möt narim wañgize. Miaṅgöra yañgö keuñan mönö engö uruñine qahö kinja.

³⁹ “Inini malmal köhöikñañgö köñañi mi Buña Kimbinöñ ahöm engiza, mewö mötmöriba mi oyonñda uru köñomñine ala Suepkö buñaya akingö mötze. Mewö mötzmö, kimbiñi kimbiñi pakpak mienñön mönö nongö könañamni nañgöba indelakze. Mi möt yaköze me qahö? ⁴⁰ Nañgönañgö keu gwötpuk ahözapmö, inini malmal köhöikñi buña qem aṅgubingöra nöñgöreñ kabingö tökömakze.

⁴¹ “Gölme ambazipñöñ qetbuña niñgigetka qarimapköra qahö mambötzal. Mi niñgigetka mötpi qahö öngöi maljal. ⁴² Mewö maljalmö, engö könañamñini mi kewö ahöza, mi mötzal: Inini uruñini Anutugöreñ qahöpmahöp jöhöba urukalem qahö ak wañgiba malje. ⁴³ Nöñön Iwinañgö qetñi qeta kabiga inini andö qem niñgimakzemö, kunöñ nanñi qetñi qeta kamawi, inini mönö i ölop möt aṅgön köla köl öröm wañgime.

⁴⁴ “O inini nanñini möpöseim aṅguba qetbuñañini qarimapkö mötket öngöza. Öngözapmö, bem mohotñan Anutu öñji akzawi, yañön qetbuña engimapakköra qahö kapan kölje. Mewö aködamunñinambuk akñegöra qahö jaram tiba kinje. Miaṅgöra denöwö ni möt narim niñgibeak? Mi mönö osibeak.

⁴⁵ “Nöñön inini ‘Iwigö jemesoholñe keu jakeñe al engimam,’ mewö mötmöribepuk. Inini Mosesgö keugö jörömqöröm al wañgiba Suep mire öngöbingö mamböta maljemö, Anutugö jeñe aṅgotketka Mosesnöñ nanñak Anutugö keu jakeñe ala jim aum engiiga gamuñini mötme.

⁴⁶ “Mi kewögöra: Mosesnöñ nongö könañamni jim asariba Buña Kimbinöñ ohoi ahöza. Miaṅgöra Moses möt narim wañgibeak ewö, mönö nia möt narim niñgibeak. ⁴⁷ Mewömö, Mosesgöreñ kimbia qahö möt nariba tem köljeañgöra mönö nongö keuni mi denöwö möt naribeak? Mi kupuk-kapakñambuk akapak.” Mewö.

* 5:33: Jon 1.19-27; 3.27-30 * 5:37: Mat 3.17; Mak 1.11; Luk 3.22

6

Jisösnöñ azi 5000 nene gumohom enjyök.

Mat 14.13-21; Mak 6.30-44; Luk 9.10-17

¹ Mianjö andöñe Jisösnöñ Galili o anjö, qetñi kun Taiberias o anjö qetkeri, mi kutuba likepñe angorök. ² Kawöl ambazip möhamgöm enjii anjöletot asuhui ekeranjöra aka ambazip kambu jesöngöñan Jisösgö andöñe wuatängöba kaget. ³ Jisösnöñ gwarekurupñi enjömeiga kundunje öngöba tatket.

⁴ Nalö mianjöreñ Juda nenjöreñ ak-kömukömu kendonöñ töriyök.* ⁵ Jisösnöñ je ui aniga ambazip kambu jesöngöñan yangöreñ kanjötkeri, i engeka Filipköra jiyök, “Nini nene denikeyök bohonñi meinga kambu mewöñan nem timbireñ aketka dop kölbawak?” ⁶ Yuai akñamgö ahöhi, mi nannak mörökmö, keu mi Filip esapköm wangiba jiyök.

⁷ Mewö jiiga kewö melenök, “Nene beret silim 200:kö töwanji (Kina 1000,-) mianjön bohonñi memba mendenninga körek yeñon kitipñanöhök nembeak aka töndup qahö dop köl enjibawak.”

⁸ Mewö jiiga gwarekurupñi yengöreñök kun qetñi Andru, Saimon Pitögö munñan kewö jii mörök, ⁹ “Azi moröñi kun kianjöreñ malja. Yangöreñ bali† beret 5 aka söra yahöt ahözapmö, ambazip sehisehijñi kewö kagetka yengöra mi qahö dop kölma.”

¹⁰ Jisösnöñ jiyök, “Inini mönö ambazip kambu ki jiba mendeñ enjigetka nene nemingö eta tatme.” Göłme mianjöreñ kegwanj luplup gwötpuk ahöyök. Mianjöra azi jangöñini 5000:gö dop yeñon göłmenöñ eta tatket.

¹¹ Eta tatketka Jisösnöñ beret mi memba saiwap jiba ambazip tatkeri, mendeñda enjyök aka söra mi mewöyök mendeñda sihimñinan jigeranjö dop enjyök. ¹² Mendeñda enjiiga memba nem timbireñ aketka Jisösnöñ gwarekurupñi kewö jii mötket, “Nene kitipñi ayuhubapuköra mi mönö qezaköget.” ¹³ Mewö jiiga möta bali beret 5 mianjöreñök memba kitipñi kitipñi mosötket taröhi, mi qezakögetka sakap 12 mianjöreñ geba kokolak qeyök.

¹⁴ Jisösnöñ anjöletot mewö mei asuhuiga ambazipnöñ eka welipköba jiget, “Kezapqetok azi göłmenöñ asuhumapkö jigeri, yanön mönö ölña mia akza.” ¹⁵ Mewö jiba Jisösgöra köirañ ala kiñ kembuñini akñapkö mötmöriget. Mötmöriba kaba liliköm wangiba walingöba kiñ kungum wangibingö aket. Mewö möt kutuba engek tököba enjömosöta kunbuk kundunje öngöba nannök malök. Mewö.

Jisösnöñ o anjö qakñe tiba tiba anök.

Mat 14.22-33; Mak 6.45-52

¹⁶ Neget teköiga mare aiga Jisösgö gwarekurupñi yeñon o anjögö jitre getet. ¹⁷ Geba wangenöñ öngöba göłme mi mosöta o anjö kutuba likepñe Kaperneam mire göröken anget. Angetka miri söñaum teköiga Jisösnöñ töndup yengöreñ qahö asuhuyök. ¹⁸ Angetka luhut köhöikñanök giliga o anjönöñ könöruk kunduta öngöba erök.

¹⁹ Öngöba eriga lökuatnöñ qeba nanjöba 5 me 6 kilomita mianjö dop angetka Jisösnöñ o anjö qakñe tiba tiba wanje kösutñe kaiga eka auruba kenjötporinj aket. ²⁰ Mewö mötketka kewö jii mötket, “Nanak kazal.

* **6:4:** Anutunöñ mönöwök nenjehoriba nenjonñiröhi, Juda yeñon mianjöra yambu (yara) dop nalö ala söngaimakze. Nei keunöñ qetñi Pasowa jize. Eksodus 12.15 † **6:9:** Bali mi padi, wit, out aka sehön mianjö alañini kun.

Kenğötñini kude mötme.”²¹ Mewö jii möta Jisösnöñ wañgenöñ öñgömapkō jigetka öñgöyök. Öñgöiga wañgeninan miangörenök ösumok enğuanğita gölme görañe anbingö akeri, miangören anğotket. Mewö.

Ambazip yeñön Jisösgöra um jarum bibihiget.

²² Miangören anğotketka miri gianğiga ambazip kambu ketanji yeñön o anğö likepñe toroqeba mala kewö mötmöriget, “Uran wañge mohotñan tari ehinga Jisösnöñ gwarekurupñi yembuk wañgenöñ qahö öñgöba anök. Jisös umbula nanñinök anget. Wañge murutñi kun qahö ehin. Miangöra Jisösnöñ kunbuk ki malja.”

²³ Mewö mötmöriba tosatñan kewö jiget, “Wañge mohotnöñ angetmō, ölña, Taiberias taonök wañge tosatñi kaget. Wañge mi Kembunöñ beretkōra saiwap jüga nempa tarini, mönō gölme miangö kösutñe kagera Jisösnöñ wañge miengörenök kunöñ öñgöba anök me denöwō?”

²⁴ Ambazip kambu yeñön mewö jiba Jisös aka gwarekurupñi miangören qahö miwikñaim enğiget. Mewö eka möta mewöñanök wañgenöñ öñgöba Kaperneam taonöñ anda Jisös jaruget. Mewö.

Jisösnöñ malmal köhöikñanğö neneñi akza.

²⁵ Ambazipnöñ Jisös jaruba o anğö likepñe yuke göröken miwikñaiaba eka kewö jiget mörök, “O Ketanñamni, gi mönō wani nalönöñ ki kazan?”

²⁶ Mewö jigetka kewö melen enğiyök, “Nöñön keu öl töhöññi kun kewö jibi mötket: Inñini anğöletot membi ekeranğöra aka ni qahö jarum niñgizemō, nene beret kötuetskōbi nempa nem timbireñ akeri, mönō miangöra ni nuatanğöba ki kaze. ²⁷ Nene ayapkōmawi, mi miwikñaingöra urukönöp kude aka malmemō, urugö neneñan malmal köhöikñi enğimakzawi, mönō mia buña qem anğubingöra kapan köla malme. Iwi Anutunöñ muñgem silimbannji Suep gölmeğö Azi Ölñi wañğiga kukösumñan walöñniga ölop urugö nene enğiiga oyaenköyaen akñe. Mewö aka mal köhöiba kömumba toroqeba teteköñi qahö malme.”

²⁸ Mewö melen enğiiga kewö qesim wañgiget, “Anutugö sihimñanğö dop ahakmeme tandökñi mönō denöwō ahinga dop kölbawak?”

²⁹ Qesim wañgigetka kewö melenök, “Anutunöñ azi melaim wañğiyöhi, inñini i möt narim wañğiba malme. Ahakmeme miarñön mönō Anutu sihimñanğö dop akza.”

³⁰ Mewö melenniga kewö qesim wañgiget, “Mewö aiga gi kunbuk wani anğöletot kukñambuk kun menöñga eka möt narim gihibinak? Gi mönō wani yuai kun Mosesnöñ ahök, miangö dop aka meman? ³¹ *Buña Kimbi kun kewö ohoget ahöza, ‘Yañön Suepnöhök nene beret enğiiga neget.’ Keu miangö dop nanine ambösakon yeñön gölme qararanğölkölñe anda mala nene qetñi mana nempa malget aka gi mönō kōnanğamgi Moses onğita denöwō kondelbanak?”†

³² Qesim wañgigetka Jisösnöñ kewö jii mötket, “Inñini miangö kōnanji ölop qahö möt kutuze. Nöñön keu öl töhöññi kun kewö jibi mötket: Mosesnöñ anğöletot Toñi qahö ahök. Yañön nene beret mi Suepnöhök qahö enğii negetmō, nani Iwinan mönō Suepnöhök beret ölbölñi enğimakza. ³³ Anutugö nene beret mi mönō Suepnöhök eta asuhuba gölme dop ambazip malmal köhöikñi enğimakza.”

* 6:31: Eks 16.4, 15; Sum 78.24 † 6:31: Gölme qararanğölkölñe Anutunöñ soñan dop soñanğö yuai amötñi, jöhannji tuatñi aka awamñi juzu paura ewö ali gölmenöñ ahöi eka yaigep sombemñöñ anda qezakōba koumñine kaba beret lölöwöröñi memba nezema. Eks 16.13-36

³⁴ Mewö jii möta kewö jiget mörök, “O Kembu, gi nalö dop nene beret mi nenjinönga nempa malbin.”

³⁵ Jisösnöj mi möta jiyök, “Nöjön malmal köhöiknanjö nenenji akzal. Kunjan nöngörenj kazawi, yanön nem timbirenj aka wösöni nalö kunönj qahö alma. Kunjan ni möt narim ninjimakzawi, yanön ogöra qahö kömuma. ³⁶ Mewö aigun injini ni nek teköba töndup qahö möt narim ninjize. Mi mönö lök jibi mötze. ³⁷ Aka töndup Iwinönj ambazip tosatnji ninjimakzawi, yanön mönö körek nöngörenj kame. Kunjan nöngörenj kamawi, nöjön mönö i qahö yakörimam.

³⁸ “Nöjön Suepnöhök eta nani imbinanjö dop yuai lanj aka memba malmangöra qahö asuhuyal. Mewö qahö. Melaim ninjiyöhi, mönö yanjö jitzö dop nup memba malmangöra eral.

³⁹ “Melaim ninjiyöhi, yanjö jitsihitjan kewö ahöza: Yanön ambazip nöngö böröne al enjiiga maljei, nöjön mi pakpak köyan köl enjiba malbiga yengörenök kunjan kun qahö sohoba ayuhuma. Qahö ayuhugetka nöjön i nalö ketanje engömindiba mem gulim enjimam.

⁴⁰ “Iwinanjö jitsihitjan kewö ahöza: Tosatjan Nahönji eka möt narim wangizei, yanön körek nalö kewöje letota malmal köhöikni buja qem anguba malme. Mewö mal kömugetka nöjön i nalö ketanje miangörenj engömindiba mem gulim enjimam.”

⁴¹ Jisösnöj mewö jiiga keu kötnji kun kewö ahök, “Nöjön malmalgö nene ölnji aka Suepnöhök eta asuhuyal.” Mewö jiyöhanjöra aka Juda jitzememe yanön möt böliba uruninan ihururuk jiba jim wangiget. ⁴² Jim wangiba jiget, “Azi ki Jisös, Josefko nahönja. Yanjö iwinamni mi ölop möt etkizimö, mönö denöwögöra ‘Suepnöhök eta asuhuyal,’ jiza?”

⁴³ Mewö jigetka möta kewö melenök, “Uruninan mönö kude ihururuk jiba jim ninjime. ⁴⁴ Iwi ni melaim ninjiyöhi, yanön ambazip qahö öröm enjiza ewö, engörenök kunjan nöngörenj kamangö osima. Öroi kabawak ewö, nöjön i mönö nalö ketanje engömindiba mem gulim wangimam.

⁴⁵ * “Kezapqetok yengörenj kimbinöj keu kewö ohoget ahöza, ‘Anutunöj i körek pakpak kusum enjii mötme.’ Iwinönj ambazip kusum enjii keu möta urukönömjinje ala maljei, yanön mönö körekjanök nöngörenj kame. ⁴⁶ Ambazip kunjan Iwi qahö eka malja. Iwigörenök eröhi, yanön mohot kun mönö i eka malja. ⁴⁷ Nöjön keu öl töhönji kun kewö jibi mötket: Kunjan ni möt narim ninjizawi, yanön mönö malmal köhöikni buja qem anguba mal öngöma.

⁴⁸ “Nöjön malmal köhöiknanjö nene ölnji akzal. ⁴⁹ Mötket! Enjö amböskonuruninan gölme qararankölkölne anda mala nene qetnji mana nempa malgetmö, töndup kömumba gisahöget. ⁵⁰ Yanön kömugetmö, nene beret nalö kewöje Suepnöhök eta maljawi, kunjan mi nempa mala qahö kömum köhöima.

⁵¹ “Nene beret malmaljabuk Suepnöhök eröhi, mi nöjön akzal. Kunjan nene mi nempa malmawi, yanön mönö teteköni qahö köhöiba malma. Nene wangiba malmami, mi nöngö busuni. Gölmenji gölmenji yanön köhöiba malmegöra mi al enjimam.”

⁵² Jisösnöj mewö melenniga Juda jitzememe yanön sutnjine urukönöpnöj jim qesim anguba jiget, “Yei! Azi kianön mönö denöwö aka busunji nenjiiga nembinak?”

* 6:45: Ais 54.13

⁵³ Mi möta jigetka kewö jii mötket, “Nöñön keu öl töhöññi kun kewö jibi mötket: Injini Suep gölmegö Azi ölnañgö sepñi aka busunji qahö neme ewö, malmal köhöikñi mianñön mönö engö urunjine qahö ahöma. ⁵⁴⁻⁵⁵ Nöñgö sepnan o ölni akza aka nöñgö busunan nene ölni akza. Mianğöra kunñan nöñgö sep busuni nemakzawi, yañön mönö letota malmal köhöikñañgö buñaya aka mal öñgöma. Mewö mal kömuiga nöñön i nalö ketanje mindiba mem gulim wañjimam.

⁵⁶ “Kunñan nöñgö sep busuni nemakzawi, yañön mönö nömbuk qekötahöba kinakza aka nöñön yambuk kinakzal. ⁵⁷ Iwinöñ Malmal Tonji aka melaim niñgiba wötni aka nam köl niñgiiga köhöiba maljal. Mewöñanök kunñan ni nem niñgimakzawi, nöñön mönö mewöñanök yañgö wötñi aka nam köl wañgibiga ölop köhöiba malma. ⁵⁸ Nene ölni Suepnöhök eröhi, mi nöñön akzal. Engö amböskonurupñinan Anutugö nene nemba mala kömugetmö, nalö kewöñe engörejök kunñan beret ki nemba mal-mawi, yañön mönö teteköñi qahö köhöiba malma.”

⁵⁹ Jisösnöñ Kaperneam taongö köuluk miriñe kinda keu mi jim kusum engiyök. Mewö.

Gwarek gwötpukñan urunjini böliiga Jisös mosötket.

⁶⁰ Jisösgö gwarekurupñi yeñgörejök gwötpukñan keu mi möta jiget, “Keu jit jizawi, mianñön mönö keu köt ewö lömbötñambuk akza. Mi möringa uruninan lömböriba bölim teköza. Mianğöra mi kunbuk mötpingö ölan neñgöhöiga i mönö mosötpin.”

⁶¹ Gwarek yeñön Jisösgö keugöra möt böliba urunjan ihururuk jiba jim wañgigetka Jisösnöñ mi urujan enğuañgita möta kewö jii mötket, “Keu jizali, mi möt böliize me qahö? ⁶² Keu mianğöra möt böliize ewö, könangep mönö denöwö asuhubawak? Suep gölmegö Azi ölnan mutuk miri mala koröhi, euyangöreñ kunbuk lilingöba öñgöi ekñe ewö, nalö mianğöreñ mönö denöwö mötme?”

⁶³ “Uña Töröñi yañön ambazip mem gulim enğimakza. Injini gölme ambinöhök ahuba busunjanambuk akzemö, ahuahü dölökñe qahö ahuba nanñini ösumñinan öne letota Suepkö buña ahak mi qahöpmañöp. Uña Töröñan malmal köhöikñi enğizawi, nöñön keu kötñi mi jim tuaribi möta malget. ⁶⁴ Mewö möta malgetmö, engörejök tosatñan töndup ni qahö möt narim niñgiba malje.” Denike yeñön qahö möt narim wañgigeri aka dañön könangep mamalolo mem wañgimawi, Jisösnöñ mi könakönahineyök möta korök. Mianğöra mewö jiyök.

⁶⁵ Mewö jiba toroqeba jiyök, “Mianğöra nöñön kewö jibi mötme: Nöñgö Iwinan ambazip kun qahö inahöm wañgiza ewö, yañön mönö nöñgöreñ kamangö osima.”

⁶⁶ Keu mianğöra aka gwarek yeñgörejök gwötpukñan poraiba ziriñziriñ aka mosöta yambuk qahö toroqeba anda kaget. ⁶⁷ Mianğöra Jisösnöñ gwarek 12 mianğöra kewö jiyök, “Injini mönö mewöñanök nömosöta anbingö mötze me qahö?”

⁶⁸ *Mewö jiiga Saimon Pitönöñ melenök, “O Kambu, nini mönö dagöreñ anbinak? Malmal köhöikñañgö Buña keuñi mi mönö göhöreñ ahöza. ⁶⁹ Göñön Anutugöreñ azi sarakñi akzani, nini mi möt nariba möt asariba maljin.”

* 6:68: Mat 16.16; Mak 8.29; Luk 9.20

⁷⁰ Mewö meleşniga Jisösnöŋ möta jiyök, “Nöŋön azi 12 injini möwölöhöm enġial aka enġöreŋök kunöŋ mönö bölöŋaŋgö bohönŋi akza.” ⁷¹ Judas Saimon Iskariotkö nahönŋi yaŋön gwarek 12 yeŋgö sutŋine mala könäŋep mamalolo mem waŋgiyök. Jisösnöŋ keu mi yaŋgöra möta jiyök. Mewö.

7

Jisösnöŋ munurupŋi yembuk keu eraum mötket.

¹ Juda jitŋememe yeŋön Jisös qebingö kapaŋ kölgeraŋgöra Judia prowins uruŋe anda kamamgö tököyök. Miangöra Judia mosöta Galili prowins uruŋe anda liliköba maliga köiŋ tosatŋi teköyök. ² *Mi teköiga Juda yeŋgöreŋ kendon kun qetŋi koumkoum miangö nalöŋan töriyök.*

³ Miangöra Jisösgö munurupŋan kewö jiget mörök, “Gi kiangöreŋ mala aŋgöletot memakzani, mi gwarekurupkan mewöyök ek kutumegöra gi mönö gölme ki mosöta Judia anöŋga dop kölma. ⁴ Kunŋan nanŋak aukŋe asuhumangö mörakzawi, yaŋön yuai kun tölapŋe qahö memakza. Aŋgöletot mewöŋi memakzanaŋgöra mönö ambazip kambuŋi kambuŋi yeŋgö jeŋine anda asuhaba könäŋamgi indelman.” ⁵ Munurupŋan qahö möt narim waŋgiba töŋpin malgeraŋgöra aka mewö laŋ jiget.

⁶ Mewö jigetka kewö jii mötket, “Urugö nup aukŋe memamgö nalöŋan qahö kam kuŋguiga maljalmö, enġö nalöŋinan mönö sundan dop anmeaŋgö dop ahöza. ⁷ Gölme ambazipnöŋ kazik ak enġibingö osimakzemö, nöŋön yeŋgö ahakmemeŋini bölöŋi indela naŋgöba jibi mötzeaŋgöra mönö ni kazik ak niŋgimakze. ⁸ Anmamamgö nalöŋan mönö qahö kam kunguza. Miangöra nöŋön söşöŋgai kendon kiangöreŋ qahö öŋgömam. Nöŋön mire tatpiga injini ölöp endu anda öŋgöba söŋgaima.” ⁹ Keu mewö jii mötketka Galili prowins uruŋe toroqeba malök. Mewö.

Jisösnöŋ koumkoum söşöŋgainöŋ malök.

¹⁰ Jisösgö munurupŋan koumkoum kendongöra angetmö, nanŋak mire tata könäŋep aukŋe qahöpmö, tölapköba anda Jerusalem öŋgöyök. ¹¹ Juda yeŋgö jitŋememeurupŋinan söşöŋgai nalöŋe Jisösgö jeŋi jaruba qesiqesi aka kewö jiget, “Azi mi denike?”

¹² Ambazip kambu yeŋön sutŋine Jisösgöra saŋep keu gwötpuk jiget. Tosatŋan “Azi mi ölöp sorokŋi,” jigetmö, tosatŋan kewö jiget, “Qahö! Yaŋön mönö ambazip kambu eŋololoŋ ak enġiiga kahapmahap ahakze.”

¹³ Mewö mewö laŋ jigetmö, Juda jitŋememe yeŋgöra keŋgötŋini möta malgeraŋgöra kunŋan yaŋgö keuŋi aukŋe qahö jiyök. Mewö.

Jisösnöŋ nanŋi könäŋi ambazip kusum enġiyök.

¹⁴ Kendon söşöŋgai bibiŋe malgetka Jisösnöŋ jöwöwöl jike tohoŋ uruŋe öŋgöba könahiba ambazip kusum enġiyök. ¹⁵ Kusum enġiiga Juda yeŋön welipköba kewö jiget, “Azi ki mötmöt jake öŋgöŋgöŋe qahö öŋgöba töndup Buŋa Kimbigö könäŋi denöwö möt soroköza?” Mewö jiba welipköget.

¹⁶ Welipkögetka kewö jii mötket, “Mötmöt Buŋa jimakzali, nöŋön miangö Toŋi qahö akzal. Nanak qahöpmö, melaim niŋgiyöhi, nöŋön mönö yaŋgö mötmötŋi memba kaba jimakzal. ¹⁷ Ambazip kunŋan Anutugö

* **7:2:** Lew 23.34; Dut 16.13 * **7:2:** Juda yeŋgöreŋ yambu jeŋi qeŋe söşöŋgai kendonŋi mi yambu (yara) dop kewö alget: Wain nupŋine anda ip sinŋi memba koumkoum qeba miangöreŋ ahöba wehön 8 söŋgaiba kendon tata malget. Wehön kondikŋe söşöŋgai öŋgöŋgöŋi alget. Mönöwök gölme qararaŋkölkölŋe yambu (yara) 40 miangö dop opo koumŋine ahöba kaba malgeri, mi mötmöriba söŋgaget. Lew 23.33-36,39-43; Dut 16.13-15

jitsihitnangö dop aka memamgö mötzawi, yanön mötmöt jibiga miangö Toñi dañon akza, mi möt kutuma. Anutunöñ Buñaji nöngö urune ali asuhuza me nani imbinangö keu lañ jimakzal?

¹⁸ “Kunñan nanñi imbiñe mötmöriba keu jimakzawi, yanön nanñak qetbuñañambuk akñamgö mötza. Mewö mötzapmö, melaimelai azi kun toñan qetbuñañambuk akñapköra kapañ köljawi, yanön mönö jitmememe ölbölñi geñmoñi qahö akza. ¹⁹ Mosesnöñ Köna keu al engii mi ahöza me qahö? Mi ahözapmö, engöreñök kunñan mi qahö tem köla wuatangömakza. Injini mönö wuanöngöra kapañ köla ni nuñgubingö mötmörize?”

²⁰ Mewö jii möta ambazip kambu yeñon kewö melenget, “Ömewörömenöñ mönö uruge geba kinja. Dañon kapañ köla gi guhumangö mötmöriza?”

²¹ Mewö melengetka jii mötket, “Nöñon angöletot mohot membiga injini körek pakpak auruba köñkuñ akze. ²² *Mosesnöñ silenine Anutugö aiwesök yandibingöra jim kutum engiyöhi, o Mosesnöñ mi mutuk qahö jim kutuyökmö, ambösakonurupninan mi könahiba memba malgetka silik mi neñgöreñ kaiga Sabat kendonöñ mewöyök azi silenine yandimakze.

²³ * “Nini Mosesgö Köna keu walöñnin siñgisöndok ahubapuköra köhöikñi mötzin. Mi mötzinmö, keu mi qetala Sabat kendonöñ mewöyök azi silenine yandiba töndup nanñini qahö jim anguba silebile malje. Mewö maljemö, nöñon azi jömukñi Sabat kendonöñ mem ölöwak wangiali, miangöra mönö wuanöngöra mi yom jim niñgize? ²⁴ Injini ambazip silenine miyöhök eka mewö mianön bahösöhamök kewöta keu lañ jim tekömakzei, mi mönö mosötmö. Mi mosöta uruñini törörök möt kewöta keu öñanök jim teköme.” Mewö.

Jisösnöñ Amötqege Toñi akza me qahö?

²⁵ Jerusalem toñi yeñgöreñök tosatñan kewö jiget, “Azi kapañ köla qebingö mötmörize, yanön mönö mia me? ²⁶ Eket, yanön ambazip jeñine aukñe keu jiiga qahö jim wangize. Mewögöra azi kianön Amötqege Toñi Kraist akzawi, keu mi öñña galömkölköl azi yeñgö kezapñine geiga mötze me qahö? ²⁷ Amötqege Toñi Kraistnöñ kamapköra jiba kota malgeri, yanön ‘Denikeyök asuhumawi, mi kunöñ kun qahö mötma,’ jizemö, azi kianön denikeyök asuhuyöhi, mi mönö ölöp mötzin.”

²⁸ Mewö eraum mötketka Jisösnöñ jöwöwöl jikegö tohoñ uruñe kindä imbiñi memba wahöta kusum engiba keu kewö jiyök, “Injini nöngöra kewö jize, ‘Azi mi möt wangiba miriñi denikegö mi ölöp mötzin.’ Nani kukösum qakñe qahö asuhiba kinjal. Melaim niñgiyöhi, yanön melaimelai Toñi öññi aiga i qahö möt kutum wangiba malje. ²⁹ Yanön melaim niñgiiga yeñgöreñök eralangöra i ölöp möt wangizal.”

³⁰ Mewö jiiga i memba jöhöbingö mötketmö, nalöñan qahö kam kuñguyöhañgöra aka kunñan silenine qahö meyök. ³¹ Mewö mötketmö, ambazip kambu yeñgöreñök gwötpukñan möt narim wangiba kewö jiget, “Kraistnöñ kamawi, yanön mönö azi ki ongita angöletot memba malma me denöwö? Mewö tandök akza.” Mewö.

Jisös memba jöhömegöra nanñu galöm melaim engigetka kaget.

³² Ambazip kambu yeñon Jisösgöra mewö goranora jiba jitmakölik akeri, mi Farisi (Köna keugö kapañkölköl) yeñon mötket. Mi möta jike nup galöm yembuk kindä nanñu galöm (sikiriti) tosatñi melaim engigetka

* 7:22: Jen 17.10; Lew 12.3 * 7:23: Jon 5.9

memba jöhöbingö kaget. ³³ Kagetka Jisösnöŋ kewö jiyök, “Nöŋön embuk nalö töröptökŋi toroqeba malmam. Mi malagun engömosöta melaim niŋgiiga erali, mönö yangören lilingöba öngömam. ³⁴ Öngöbiga göraim niŋgiba malmemö, ni qahö miwikŋaim niŋgime. Nöŋön miri malmami, iŋini miangören kabingö osime.”

³⁵ Mewö jüiga Juda jitnememe yeŋön sutŋine kewö erauget, “‘Nini miwikŋaim wangibingö osibin,’ jiza. Miangöra mönö denikeangören öngömangöra jiza? Juda ambazip tosatŋan denŋa kantri tosatŋe anda Grik yeŋö sutŋine maljei, mönö yeŋören anda Grik ambazip kusum engimangö möta jiza me? ³⁶ Keu kewö jiza, ‘Göraim niŋgiba malmemö, ni qahö miwikŋaim niŋgime,’ aka keu kun kewö jiza, ‘Nöŋön miri malmami, iŋini miangören kabingö osime.’ Keu yahöt mietkö kónaŋiri denöwö?”

Malmal köhöikŋangö oŋan mönö jeŋi tohoba kaŋgotma.

³⁷ *Mewö eraugetmö, kendon söŋgaigeri, miangö wehön qöndökŋi ketanŋi mianŋön kam kuŋguiga Jisösnöŋ kinda köhöikŋanök qeta kewö jiyök, “Kunŋan ogöra kömuzawi, yanŋön mönö nöŋören kaba nema. ³⁸ *Buŋa Kimbigö keu kun kewö ohoget ahöza, ‘Kunŋan ni möt narim niŋgizawi, yangö uruŋeyök malmal köhöikŋangö oŋan mönö tohoba saksaköba kaŋgorakŋa.’ ”

³⁹ Mewö jiyökmö, keu mi Uŋa Töröŋangöra aka kewö jiyök, “Denike eŋön ni möt narim niŋgizei, iŋini mönö Uŋa Töröŋi buŋa qem aŋguba malme.” Anutunöŋ Jisös gölmenöŋ malöhaŋgö dop Suepkö asakmararanŋi qahö al wanŋiiga malök. Miangöra Uŋa Töröŋi qahö melaiiga eta uruŋine geiga öne malget. Mewö.

Ambazip sutŋine jujul ahui malget.

⁴⁰ Jisösnöŋ mewö jüiga ambazip kambu yeŋörenök tosatŋan keu mi möta kewö jiget, “Azi kianŋön mönö ölnŋa kezapqetok azi asuhumapkö jigeri, mönö mia akza.”

⁴¹ Tosatŋan jiget, “Yanŋön Amötqeqe Tonŋi Kraist akza.” Mewö jigetmö, tosatŋan qetala jiget, “Kraistnöŋ mönö denöwö Galili prowinsnöhök kabawak? Mi qahö dop kölnŋa. ⁴² *Buŋa Kimbinöŋ kewö jiza, ‘Kiŋ Deiwidnöŋ Judia prowinsgö taon moröŋi Betlehem miangören malöhi, Kraistnöŋ miangörenök asuhuba Deiwidkö gwölönarökuruŋi yeŋörenök kunŋan akŋa.’ ”

⁴³ Mewö mewö laŋ jigetka ambazip kambu yeŋön Jisösgöra aka jula denŋet. ⁴⁴ Yeŋörenök tosatŋan memba jöhöbingö mötketmö, kunŋan silenŋe qahö meyök. Mewö.

Juda galöm yeŋön Jisös qahö möt narim wanŋiget.

⁴⁵ Jöwöwöl jikegö kiripo galöm (sikiriti) yeŋön lilingöba jike nup galöm aka Farisi (Köna keugö kapaŋkölköl) yeŋören kagetka kewö jim engiget, “Iŋini wuanöŋgöra i qahö memba kaze?”

⁴⁶ Jim engigetka kewö melenŋet, “Azi mianŋön keu jimakzawi, kunŋan nalö kunöŋ keu tandökŋi mewöŋi qahö jiyök.”

⁴⁷ Mewö melenŋetka Farisi (Köna keugö kapaŋkölköl) yeŋön qesiba jim engiget, “Iŋini tok eŋololon ak engii malje me? ⁴⁸ Galömkölköl azi neŋörenök kunŋan mönö i qahö möt narim wanŋiyök. Aka Farisi (Köna keugö kapaŋkölköl) neŋörenök kunöŋ kun uruŋi yanŋören göröken

* 7:37: Lew 23.36 * 7:38: Eze 47.1; Zek 14.8 * 7:42: 2 Sml 7.12; Mai 5.2

melenök me qahö? ⁴⁹ Mewö qahöpmahöpmö, ambazip kambu Mosesgö Köna keu qahö möt kutuba Jisösgö keu möta kopa keu laŋ jimakzei, yeŋgöra muat! Anutunöŋ mönö i qesuahöm enŋiiga ayuhume.”

⁵⁰ *Mewö jim enŋigetka azi qetŋi Nikodemus mutuk Jisösgöreŋ kaiga qambaŋ waŋgiyöhi, yaŋön mewöyök yeŋgöreŋök kun aka sutŋine tata kewö jii mötket, ⁵¹ “Azi kunöŋ siŋgisöndok ahöhi, mi qahö qesiinga jiiga möta töndup kewöriŋga dop kölja me qahö? Qahö kewöta keuŋi öne jim teköbin ewö, mönö naninak Köna keurini qebin me? Mi qahö dop köлма.”

⁵² Mewö jii möta kewö melen waŋgiŋget, “Gi mewöyök Jisös ewö melen da Galili qandak azia akzan me? Galili prowinsnöhök kezapqetok azi kun qahö asuhumawi, mi mötzin. Mewö mi nangak Buŋa Kimbi oyoŋda könaŋi jaruba möt kutuman.” ⁵³ Mewö jitnakölik aka jula den da miriŋine anget. Mewö.

8

Ambi kunöŋ serowilin aiga miwikŋaiget.

¹ Miriŋine angetmö, Jisösnöŋ anda Oil ip kundupe öŋgöyök. ² Öŋgöba ahöba miri gianjiiga söŋanök kunbuk liliŋgöba jöwöwöl jikenöŋ öŋgöiga ambazip kambu pakpak kaba liliköm waŋgiŋgetka eta tata kusum enŋiyök.

³ Kusum enŋiiga Köna keugö böhi aka Farisi (Köna keugö kapaŋkölköl) yeŋön ambi kun waŋgita yaŋgöreŋ kaget. Ambi mianöŋ sero yongorö ahiga miangöra memba jöhögeri, mi waŋgita kambu jeŋine alget. ⁴ Jeŋine ala Jisösgöra jiget, “Böhi, ambi kianöŋ qesabulum ahiga mönö miangöreŋök miwikŋaiba memba kazin. ⁵ *Mosesnöŋ Köna keu ala miangöreŋ ambi mewöŋi mi kötnöŋ gila qeinga kömumapköra jim kutum neŋgiyöha ahöza. Mewö ahözapmö, göŋön yaŋgöra denöwö jiman?”

⁶ Mewö jiba miangöreŋ möndöba Jisös keugö bötaknöŋ öroi qaköiga qebingö könaŋi ahui keu jakeŋe albingöra jiget. Mewö jigetka sipköba eta böröŋan kulem kun gölmenöŋ ohoyök.

⁷ Ohoyökmö, toroqeba kapaŋ köla qesim waŋgiŋgetka hök ala wahöta diŋdiŋi kindi kewö jii mötket, “Engöreŋök kunŋan siŋgisöndok kun qahö aka maljawi, yaŋön mönö ölop köt mutukŋi memba gila qema.” ⁸ Mewö jii mötketka kunbuk sipköba eta kulem kunbuk gölmenöŋ ohoyök.

⁹ Jisösnöŋ keu jiyöhi, mianöŋ enŋömembra jöhöiga nanŋini siŋgisöndokŋini gamuŋambuk akeri, mi Anutunöŋ kondeliga nanŋini uruŋinan naŋgöba jiiga isikusukŋini qahöwahök. Mianöŋ qahöwahiga keu göröŋ kingetka bohönŋinan mutuk enŋömosöta aniga yaŋgö nemböŋan andöne aniga tosatŋi mohot mohot yeŋön mömölaköba körek an teköget. Qöndökŋan aniga Jisösnöŋ zoŋ kuŋguba tari ambinöŋ nanŋök yambuk kinök. ¹⁰ Jisösnöŋ hök ala wahöta diŋdiŋi kindi ambi eka kewö jii mörök, “Ambi, keu jakeŋe al gihibingö jizei, yeŋön mönö denike gi sök ni sök anjeje? Yeŋgöreŋök kunöŋ kindi gi kömumangö keuŋi qahö jim teköza me?”

¹¹ Jii möta melenök, “O Kambu, kunöŋ qahö jim teköm niŋgiza!” Mewö meleniŋa jii mörök, “Nöŋön mewöyök gi qahö jim teköm gihizal. Gi mönö döлки könahiba siŋgisöndok kunbuk kude aka malman.” Mewö.

Gölme dop neŋgö asaknini mi Jisös.

* 7:50: Jon 3.1-2 * 8:5: Lew 20.10; Dut 22.22-24

12 *Jisösnöŋ keu kunbuk suariba kewö jii mötket, “Nöŋön ambazip gölmeŋi gölmeŋi tat anjei, eŋgö asakŋini akzal. Kunŋan ni nuatanŋöba kamawi, yaŋön mönö söŋaupnöŋ jipjap qahö qeba malmapmö, malmal köhöikŋaŋgö asakŋi mianŋö uruŋe malma.”

13 *Mewö jiiga Farisi (Köna keugö kapaŋkölköl) yeŋön kewö jiget mörök, “Nanganök könaŋamgi naŋgöba jim asarimakzani, mianŋön mi qahö dop köl köhöiza. Qahö!”

14 Mewö jiget möta kewö jii mötket, “Nöŋön denikeyök eta kayali aka denike anda öŋgömami, mi möt teközal. Mianŋöra nanak könaŋamni naŋgöba jim asarimakzali, keu mi mönö ölop dop köl köhöiza. Mi köhöizapmö, iŋini nöŋgö könani mi ölna qahö möt kutuze. 15 Eŋön ambazip silenŋini miyöhök eka mewö mianŋön bahösapsap kewöt eŋgiba keuŋi laŋ jim tekömakzemö, nöŋön ambazip kungö keuŋi qahö jim tekömakzal.

16 “Ni nanök qahö maljalmö, Iwi melaim niŋgiyöhi, yaŋön mönö nömbuk kini maljit. Mianŋöra kungö keuŋi jim teköbilenak ewö, mi mönö diŋdiŋanök kewöta dopŋe jim teköbilenak. 17 *Yahötŋan keu kun urumohot aka naŋgöba jiyohotka dop köl köhöimakza. Keu mi eŋgö Köna keuŋine mewöyök ohoget ahöza.

18 “Nöŋön nani könaŋamni naŋgöba jimakzal aka Iwi melaim niŋgiyöhi, yaŋön mewöyök nöŋgö könaŋamni naŋgöba jimakza. Mianŋöra yahöt akziga mianŋön ölop dop köla köhöim teköza.”

19 Jisösnöŋ mewö jii möta kewö qesim waŋgiget, “Göhö Iwigi mi denike malja?” Qesim waŋgigetka melenök, “Iŋini ni aka Iwini netkö könaŋamniri qahö möta malje. Iŋini nöŋgö könaŋamni möt kutubeak ewö, mönö nöŋgö Iwini mewöyök möt waŋgibeak.”

20 Jisösnöŋ jöwöwöl jikegö naluk dum kösutŋe kinda ambazip kusum eŋgiba keu mi jiyök. Mi jiyökmö, nalöŋan qahö kam kuŋguyöhaŋgöra aka kunŋan i qahö memba jöhöyök. Mewö.

“Denike öŋgömami, iŋini mianŋörej öŋgöbingö osime.”

21 Jisösnöŋ keu kun kewö toroqeba jii mötket, “Nöŋön eŋgömosöta anda malbiga iŋini ni göraim niŋgiba malme aka siŋgisöndok akeri, mianŋörej qekötahöba kinda kömum köhöime. Mianŋöra denike öŋgömami, iŋini mianŋörej öŋgöbingö osime.”

22 Juda jitŋememe yeŋön mi möta jiget, “Kewö jiza, ‘Denike öŋgömami, iŋini mianŋörej öŋgöbingö osime.’ Keu mi denöwö? Imbi aumamgöra jiza me?”

23 Mewö jigetka jii mötket, “Iŋini gölme kianŋö tonji aka maljemö, nöŋön miri gölme euyaŋgö buŋaya akzal. Eŋön gölmeŋöŋ ahuba gölme kianŋö buŋaya aka maljemö, nöŋön mutuhök gölme kianŋörej qahö ahuyal.

24 Qahö ahuba malmalgö könaŋi nalö dop mala korali, nöŋön mönö mia akzal. Nöŋgöra mewö qahö möt narize ewö, mönö siŋgisöndok akeri, mi qahö mosötpiga mianŋörej qekötahöba kinda kömum köhöime. Könaŋi mianŋöra aka kewö jibi mötze, ‘Iŋini siŋgisöndok akeri, mönö mianŋörej qekötahöba kinda kömum köhöime’. Keu mi ölna.”

25 Keu mi möta kewö qesim waŋgiget, “Gi mönö niŋia akzan?” Qesim waŋgigetka melenök, “Könaŋamni lök indelbiga mötzei, nöŋön mönö mia akzal. 26 Nöŋön eŋgöra keu gwötpuk ölop toroqeba jibilenak aka siŋgisöndok gwötpuk akeri, mianŋö keuŋi ölop jim teköbilenakmö, melaim

ningiyöhi, yanön mönö nöngö melaimelai Toni ölni akza. Yanön keu jiiga yangörenök möta kota maljali, nöñön mönö keu mi aukçe jibiga gölmeni gölmeni yeñön mörakçe.”

²⁷ Mewö melenjök, Iwigöra keu suariba jiyöhi, yeñön mi qahö möt asariget. ²⁸ Jisösnöñ toroqeba kewö jii mötket, “Nöñön malmalgö könañi nalö dop mala korali, mönö mia akzal. Miangö könañi mi könañgep ölop möt asarime. Nöñön yuai kun nani ösumnan me nani imbinangö dop qahö ahakzalmö, Iwinan keu kusum ningiba malöhi, mönö miangö dop keu jitni ki jimakzal. Keu kötni yahöt miangö könañi mi könañgep möt asarime. Injini Suep gölmegö Azi Ölni kösökögetka eu öngöba kömumawi, nalö miangöreñ mi ölop möt asarime.

²⁹ Melaim ningiyöhi, yanön mönö nömbuk kini maljit. Ahakmeme möri dop köl wangimakzawi, nöñön mönö sundan mia ahakzal. Miangöra yanön qahö nömosöriaga nanök qahö maljal.”

³⁰ Keu mewö jiyöhanögöra aka ambazip gwötpukñan uruñini melenja Jisös möt narim wangiget. Mewö.

Abrahamgö gwölönarökurup munenji aka Jisös.

³¹ Jisösnöñ Juda ambazip tosatñan möt narim wangigeri, yeñögöra keu kewö jii mötket, “Nöngö Buña keunan uruñine geiga miangöreñ qekötahöba kinje ewö, mönö ölna nöngö gwarekurupni akze. ³² Mewö mala keu ölnangö könañi möt kutugetka Buña keu ölnan injini bölöñangö kösönöhök pösat enjiiga solanji (fri) aka malme.”

³³ *Mewö jii möta melenja kewö jiget, “Nini Abrahamgö gwölönarökurupni mala könagesö walji akzin. Mewögöra azi kunöñ kösö gwarö mem nenjiiga maljinangö jizani, mi qahö. Nini mönö nalö kunöñ etqeñeni mewö qahö aka malin. Aiga gi denöwögöra aka kewö jizan, “Kösönöhök pösat enjiiga solanji aka malme?” Keu mi qahö dop kölja.”

³⁴ Mewö jigetka kewö melenj enjiyök, “Nöñön keu ölp töhöñni kun kewö jibi mötket: Singisöndok akzei, körek yeñön singisöndokö welenqeçe omanji töwa qahö aketka miangö kösöñan köpeim enjimakza. ³⁵ Köpeim enjimakzapmö, welenqeçenöñ toñangö miri uruñe nalö dop qahö mal öngöma. Nanñi Nahönñan ölop miriñe nalö teteköñi qahö malma.

³⁶ “Nahönñan bölöñangö kösönöhök pösat enjiiga solanime ewö, enñön mönö ölna kösö gwarö qahö solanji (fri) aka malme. ³⁷ Injini Abrahamgö gwölönarökurupni maljei, mötzalmö, bölöñan uruñini gwözönjawangöra nöngö Buña keunan mösösönihim enjiba kondondongöba erakza. Könañi miangöra mönö kapan köla ni nuñgubingö mötze. ³⁸ Nöñön Iwinangö qöhöröñe mala yuai eka mala korali, miangö keuna jimakzal. Enñön mewöyök iwinan keu jii mötkeri, miangö dop ahakze.”

³⁹ Jisösnöñ mewö melenj enjiiga kewö jiget mörök, “Abrahamnöñ mönö nanine iwiambönini akza.” Mewö jiget möta jiyök, “Injini Abrahamgö gwölönarökurupni akeak ewö, mönö yangö ahakmemeñi wuatangögetka dop kölbawak. ⁴⁰ Miangö tandökñi kewö akza: Nöñön Anutugö jitneyök keu möta miangö dop keu ölpölni mi jibi mörakze. Nalö kewöñe injini kapan köla azi ni nuñgubingö mötzemö, Abrahamnöñ mewö qahö ahök. ⁴¹ Nanñini iwiurupñinangö ahakmeme miyök wuatangöba malje.” Mewö jiiga jiget mörök, “Serowilinöñ qahö ahuba iwi qahö (bastet) mi qahö

* 8:33: Mat 3.9; Luk 3.8

akzinmö, Iwininambuk maljin. Anutunöŋ mohok-kun nanŋak iwi ak neŋgiza.” Mewö.

“Bölöŋi Toŋaŋgö buŋaya akze,” jiyök.

42 Jisösnöŋ kewö jii mötket, “Anutunöŋ nanŋak iwi ak eŋgibawak ewö, nöŋön yangöreŋök eta asuhuyalaŋgöra mönö ölöŋ ni uru jöpaköm niŋgibeak. Nani ösumnöŋ nam köliga qahö asuhuyalmö, Anutunöŋ melaim niŋgiiga eta maljal. 43 Keu jimakzali, mi wuanöŋgöra möt asaribingö lömbörimakze? Nöŋgö keunan uruŋini undenjawangöra mi möt kutubingö ölan qeba zikzik tökömakze. Mewögöra mi möt asaribingö osimakze?”

44 “Mönö iwiŋini Bölöŋi Toŋaŋgö buŋaya akze. Sihim kömbönaŋinan mönö iwiŋinaŋgö sihimŋi bölöŋi wuatangöbingöra ahöza. Yaŋön könakönahiŋeyök ambazip eŋguget kömukömu azia aka kota malja. Keu ölnan uruŋe qahö kinjawangöra aka keu ölni ongita lolonqalolon kinja. Munen jiji azia aka munen jijigö iwiŋi akzawangöra munen jimakzawi, mi mönö nanŋi uruŋaŋgöra jimakza.

45 “Yaŋön munen jimakzapmö, nöŋön keu ölni jimakzal aigun iŋini ni qahö möt narim niŋgimakze. 46 Iŋini köreŋan nöŋgö könanani kewö kondelbingö osize: Yaŋön siŋgisöndok aka keuŋambuk malja. Könaŋamni mewö jaruzemö, nöŋön keu ölni jimakzali, mi mönö wuanöŋgöra qahö möt narim niŋgize?”

47 “Kunŋan Anutugö buŋa akzawi, yaŋön mönö Anutugöreŋ keu kezap ala mörakza. Iŋini Anutugö buŋa qahö akzeangöra aka keu mi qahö möta möt asarimakze.” Mewö.

Jisösnöŋ nanŋaŋgöra denöwö jim miwikŋaiyök?

48 Jisösnöŋ Juda ambazip yeŋgö könaŋini indeliga likeŋŋi melenŋa kewö jiget mörök, “Gi Samaria prowinsgö lolonqalolon azia aknöŋga ömewörömenöŋ uruge geiga maljan. Mewö jiba dopŋe jizin me qahöwi, mi ölöŋ nangak jinöŋ mörin.”

49 Mewö möta kewö melenök, “Ömenöŋ urune qahö geiga maljal. Ni Iwinanök göda qem wangiba maljal aigun töndup eŋön gamu qem niŋgimakze. 50 Mewö ahakzemö, nanak qetbuŋanambuk akŋamgö jaram qahö timakzal. Mohot kunŋan mewö akŋamgö bimŋi qeba malja. Azi yaŋön mohot kewöt niŋgiba ‘Dop kölnan,’ jiba jim teköm niŋgimakza. 51 Nöŋön keu ölä töhöŋŋi kun kewö jibi mötket: Kunŋan nöŋgö Buŋa keuni tem köla wuatangömakzawi, yaŋön mönö nalö kunöŋ kömup köhöikŋangö buŋaya qahö akŋa.”

52 Mewö melenŋiga Juda jitŋememe yeŋön Jisös kewö jiget mörök, “Abraham aka kezapqetok ambazip yeŋön kömuget aigun göŋön töndup kewö jinöŋga siksauk akza, ‘Kunŋan nöŋgö Buŋa keuni tem köla wuatangömakzawi, yaŋön nalö kunöŋ kömup köhöikŋangö buŋaya qahö akŋa.’ Mewö jizanaŋgöra gi öme kunöŋ uruge geiga maljan. Mi dölkö ölöŋ möt asarizin. 53 Neŋgö bömöniŋi Abraham kömuyöhi, göŋön mönö i ongita yangö ketaŋamŋi akzan me? Kezapqetok yeŋön mewöyök kömuget. Gi nangahöra mötnöŋ öŋgöiga ‘Ketaŋi niŋia akzal?’ jiba mötzan?”

54 Mewö jiget möta kewö melenök, “Nanaŋgöra mötŋi öŋgöiga Anutugö aködamunŋi mi nana buŋa qem aŋgubilenak ewö, qetbuŋani mi mönö nesak akawak. Iwinan nanŋi aködamunŋi niŋgiyöhaŋgöra aka qetbuŋanambuk aka maljal. Eŋön yangöra ‘Neŋgö bem Anutunini akza,’

jize. ⁵⁵ Enjōn kōnaŋi mi ölöp qahō möt kutumakzemō, nöñjōn i ölöp möt waŋgizal. ‘I qahō möt waŋgizal,’ jibileŋak ewō, mönō injini ewō tilipqilip azi akileŋak. Ni azi mewōŋi qahō akzalmō, i ölöp möt waŋgizal aka yaŋgō keuŋi tem kölakzal. ⁵⁶ Enjō bömōñjini Abrahamnōñ ni gölmenōñ eta malmamaŋōra mambōta nalō mi ekŋamaŋōra uru sōsōŋgai aka malōk. Nalō kewōñe Suepnōñ mal köhöiiga nöñjōn asuhubiga nöñgō nalōni eka miamaŋōra sōŋgaiyōk.”

⁵⁷ Mewō melenjiga Juda jitñememe yeñjōn kewō jiget mörök, “Yambugi (yara) 50 qahō oŋgita miamaŋō bapñe maljan aka ‘Abraham ehal,’ jinōñga qahō dop kölja.”

⁵⁸ Mi möta jii mötket, “Nöñjōn keu ölä töhöññi kun kewō jibi mötket: Abrahamnōñ qahō asuhuiga nöñjōn lök nalō miamaŋōreñ malal.”

⁵⁹ Mewō jii möta kötnōñ gila qebingōra köt umburaŋgōba megetmō, Jisōsnōñ tölapköba jöwöwöl jikegō tohoñi mosōta ölä anök. Mewō.

9

Jisōsnōñ jegömöl azi kun mem ölöwahök.

¹ Jisōsnōñ toroqeba kōna anda azi kun nam körō uruñeyök jegömöl asuhuyōhi, mi ehök. ² Mi ehiga gwarekurupñan qesim waŋgiba jiget, “Ketaŋamnini, yañjōn mönō dagō siŋgisōndokōra aka jegömöl mewōñi asuhuyōk? Nanñi siŋgisōndokōra me iwinamñi yetkö siŋgisōndokōra?”

³ Jigetka kewō melenök, “Nanñak siŋgisōndok kun qahō ahök aiga iwinamñan siŋgisōndok qahō ahotmō, Anutugō kukōsumñan yaŋgō malmalñe aukñe asuhumapkōra mewō ahuyōk. ⁴ Wehōnōñ asariba ahōzawaŋgōreñ mönō melaimeñi niŋgiyōhangō nuwa töp memba malbin. Sunjem akñawi, miamaŋōreñ körek nup membingō osibin. ⁵ *Nöñjōn gölmenōñ malmamaŋō dop gölmenñi gölmenñi eñgō asakñini aka asariba malmam.”

⁶ Mewō jiba gölmenōñ söutköi geiga gwakōtak melenja jegömöl azigō jene timbilyōk. ⁷ Timbiliba kewō jim kutuyōk, “Gi mönō Siloam o aŋgōnōñ anda jegi saŋgoñman.” (Siloam qet mi nanine keunōñ Melaime-lai azi.) Mewō jim kutuiga anda jene saŋgoñni tohoiga ui asariiga lilingōba miriñe kayōk.

⁸ Mewō kaiga alaurupñan kösutñe malgeri aka tosatñan mutuk nene yuaigōra ulet eñgiba mali ekeri, yeñjōn i eka jiget, “Jegömöl azi nenegō uleta tata malōhi, yañjōn azi mia me?”

⁹ Tosatñan jiget, “Yañjōn mönō mia.” Tosatñan jiget, “Qahō, kaisoŋgolomñi i ewō akzapmō, yañjōn qahō.” Mewō mewō jigetka nanñak jiyōk, “Nöñjōn mönō ia akzal.”

¹⁰ Mewō jiiga kewō qesiget, “Jegi mönō denöwō aknōñga tohoza?”

¹¹ Qesigetka kewō melen eñgiyōk, “Azi qetñi Jisōs qerakzei, yañjōn söutköi gwakōtaknōñ geiga melenja jene timbiliba jim kutuba kewō jiyōk, ‘Gi mönō Siloam o aŋgōnōñ anda jegi saŋgoñman.’ Mewō jiiga o miamaŋōreñ anda jene saŋgoñbi tohoiga ubi asariyōk.”

¹² Mewō melen eñgiiga kewō qesiget, “Azi mi denike malja?” Qesim waŋgigetka “Qahō mötzal,” jiyōk. Mewō.

Farisi yeñjōn jene tohoiyōhangōra qequesi alget.

* 9:5: Mat 5.14; Jon 8.12

¹³ Azi jegömöl malöhi, yanön “Qahö mötzal,” jiiga ambazipnöñ i wanğita Farisi (Köna keugö kapañkölköl) yeñgöreñ anget. ¹⁴ Jisösnöñ söutñan gwakötakupuk melenđa jene timbiliba metohoyöhi, mi mönö Sabat kendon nalöñe meyoğ. ¹⁵ Mianğöra Farisi yeñön mewöyök kewö qesim wanğiget, “Jegi mönö denöwö aknöñga tohoza?” Qesim wanğigetka kewö melen enğiyök, “Azi mianön mönö söutñan gwakötakupuk melenđa jene timbiliiga anda jemesoholni sanğonda jeni ubi asariza.”

¹⁶ Mewö melen enğiiga Farisi yeñgöreñök tosatñan jiget, “Azi mianön Sabat kendon köteközawi, mianğöra mönö Anutugöreñ azia qahö akza.” Tosatñan jiget, “Mewö qahö! Azi gonğonji kunñan mönö denöwö aka anğöletot mewöñi memangö köhöibawak?” Mewö mewö jiba nanñini jula denget.

¹⁷ Mewö dengetka jegömöl azi mianğöreñ kunbuk lilingöba jiget, “Jegi metohoyöhi, yanğöra mönö denöwö jiman?” Mewö jigetka “Kezapçetok azia akza,” jiyök.

¹⁸ Mewö jiiga jeni ölna gömöliyöha tohoiga uyöhi, Juda jitnememe yeñön mi qahö möt nariget. Qahö möt nariba uruyahöt kinda iwinamñi öröm etkigetka kayohot. ¹⁹ Kayohotka kewö qesim etkiget, “Azi ki etkö nahönñira me qahö? ‘Jegömöl asuhuyök,’ jizahotmö, denöwö aka mönö dölki jeni uba ekza?”

²⁰ Qesim etkigetka kewö melennohot, “Azi ki netkö nahönira akza aka jegömöla asuhuyök, mi ölop mötzit. ²¹ Mewö mötzitmö, denöwö aka dölki jeni uba ekzawi, mi qahö mötzit. Dañön jeni metohoi uzawi, niri mewöyök qahö mötzit. Gömokñi qahö, lök qariba töwatñi jörak alalña aka mötkutukutunambuk akza. Mianğöra mönö nanñangö qesigetka könani ölop jima.”

²² Juda jitnememe yeñgöra keñgötñiri möta mewö jiyohot. Yeñön sutñine keu kewö jöhöba urumohot aka kinget, “Kunñan Jisös Amötqeçe Tonji Kraist akzawi, mewö jim miwikñaima ewö, i mönö köuluk miri kambunöhök közöl wanğibin.” ²³ Keu mianğöra aka kewö jiyohot, “Gömokñi qahö, lök qariza. Mianğöra mönö nanñi qesim wanğime.”

²⁴ Mianğöra azi jegömöl malöhi, mi kunbuk öröget kaiga kewö jiget mörök, “Azi mi siñgisöndok azia akza, mi mötzin. Mianğöra mönö Anutugö qetbuñani möpöseinöñga aködamunñambuk ahi dop kölma.”

²⁵ Mi möta kewö melennök, “Siñgisöndok azia akza me qahö, nöñön mi qahö mötzal. Mohot mewöyök mötzal: Nöñön jegömöl malalmö, dölkwöñe kunbuk ölop uba ekzal.”

²⁶ Mewö melenñiga kewö qesim wanğiget, “Wani yuaia ak gihiza? Jegi mönö denöwö metohoza?”

²⁷ Qesim wanğigetka kewö melen enğiyök, “Nöñön lök melen enğizalmö, enñön keu jizali, mi qahö mötze. Wuanöñgöra mi kosikñi kunbuk jibi mötpingö kapañ kölje? Enñön mönö mewöyök yanğö gwarekurupñi akingö mötze me?”

²⁸ Mewö melen enğiiga mepaqepaik aka uruqeçe keu töhöreñ kewö jim wanğiget, “Gi mönö yanğö gwarekña akzanmö, neñön Mosesgö gwarekurupña maljin. ²⁹ Anutunöñ Mosesya Buña keu wanğii mötzinmö, azi mianön mönö igen me waigenök asuhuyöhi, mi qahö mötzin.”

³⁰ Mewö jigetka keu kewö jii mötket, “Yanñön denikeyök asuhuyöhi, inñini mianğöra tok kök qeba tönpin akzeanğöra mi welipközal. Ölna welipközalmö, töndup nöñgö jeni metohoiga ölop uba ekzal. ³¹ Ambazip

gonggonji yeñon Anutu köulukögetka qahö möt engimakza, mi mötzin. Mi mötzinmö, kunnjan Anutu göda qem wañgiba diñgiba keu jitñi tem köla wuatangömakzawi, yañgö köulukñi mönö kezap ala mörakza. ³² Kun jegömöl asuhuiga kunöñ kaba jeñi metohoyöhi, kösohot mewöñi mi mutuhök qahö möta malin. Suep gölmenöñ asuhuyohot, nalö mianğoreñök könahiba kota mala merak mianğoreñ kösohot mewöñi kun qahö mörin. ³³ Anutugöreñök qahö kabawak ewö, yañon mönö yuai mewöñi memangö osibawak.”

³⁴ Mewö jii möta kewö jim wañgiget, “Twinamgan siñgisöndokpuk gölöm alohotka siñgisöndok pakpak miambuk ahuba qarinoñañon merak ninia kusum neñgimangö mötzan. Mi qahö dop kölja.” Mewö jim wañgiba közölgetka gumnöñ erök. Mewö.

Urujenöñ gömöliiga ilingösöñ jipjap malmal.

³⁵ Közölgetka gumnöñ eröhi, keu mianñon Jisösgö kezapñe gei möta azi mi miwikñaiba kewö jii mörök, “Gi Anutugö Nahöññi möt narim wañgizan me qahö?”

³⁶ Mi möta kewö qesiba melenñök, “O Ketañamni, azi mi dañon? Mi jinöñ mötagun i ölop möt narim wañgimam.”

³⁷ Melenñiga kewö jim kutum wañgiyök, “Gi kewö uba neknöñ. Göbuk keu jizali, azi mia mönö nöñon akzal.”

³⁸ Mi möta jiyök, “O Kembu, ni möt narim gihizal.” Mewö jiba sipköba köuluköm wañgiyök.

³⁹ Jisösnöñ jiyök, “Nöñon ambazip kewöta keuñini jim tekömangöra aka eta gölmenöñ asuhuyal. Nöngöra aka tosatñan jegömöl akzei, yeñgö jeñini tohoiga ölop uba ek kutume. Tosatñi jeñini ölopñi maljei, yeñon nöngöra aka bau jegömöl aka malme.”

⁴⁰ Mewö jiiga Farisi tosatñan kösutñe mianğoreñ kinda keu mi möta kewö qesiget, “Wae! Nini tok jegömöl azia akzin me? Neñgöra jizan me?”

⁴¹ Mewö qesigetka kewö jii mötket, “Inini ‘Jegömöl akzin,’ jibeak ewö, mönö siñgisöndok qahö ahöm engibawakmö, nalö kewöñe ‘Ölop ek kutuzin,’ mewö jimakzeangöra aka siñgisöndokñinan mönö ahöm köhöim engima.” Mewö.

10

Lama aka galömñini ölopñi.

¹ Jisösnöñ galöm meme keu kewö jiyök, “Nöñon keu öl töhöññi kun kewö jibi mötket: Tosatñan lama tohon uruñe öngöbingöra nañgunöhök qahöpmö, sel walöñda gezei, yeñon mönö kegwek aka yoñgorö meme ambazip akze. ² Kunñan nañgunöñ gezawi, yañon lama miengö galömñina akza. ³ Yañon kañgoriga nañgu galömñan eka nañgu öröm wañgiiga eta qeriga lama yeñon keu jölñi ölop möt kutumakze. Galömñinan nanñi lamaurupñi engohola qetñini qeta enğuanğiriga tohonjini mosöta ölop yaigepñe anakze.

⁴ “Nanñi lamaurupñi pakpak enğuanğiriga tohonjini mosöta yaigepñe angetka yañon jitñememenjini aka mutuk aniga keu jölñi möt kutuzeangöra andöñe wuatangöba anakze. ⁵ Nanñini galömñini ölop wuatangömakzemö, kian kunñan kaiga i qahöpmahöp wuatangöme. Kian yeñgö keu jölñini qahö möt kutuzeangöra mönö ziriñziriñ aka yañgöra kök ala deñme.”

⁶ Jisösnöŋ keu tölapŋi mi jii mötketmö, keuŋaŋgö könaŋi qahö möt asariba köŋkuŋ qeget. Mewö.

Jisösnöŋ lama galöm ölöŋŋi akza.

⁷ Köŋkuŋ qegetka toroqeba engöra kewö jiyök, “Nöŋön keu öl töhöŋŋi kun kewö jibi mötket: Nöŋön lama tohöŋgö naŋguni akzal. ⁸ Nöŋgö andöne kambu galöm pakpak mutuk kageri, yeŋön kegwek aka yoŋgorö meme ambaziwa aket. Mewö akerangöra lama yeŋön i qahö möt kutum engiba malget.

⁹ “Nöŋön mohot lama tohöŋgö naŋguni akzal. Denike eŋön Anutubuk köhöiba malbingö jiba nömbuk qekötahöba maljei, nöŋön mönö amöt qem engibiga letotme. Mewö aka lama tohöŋ uruŋe öŋgöba eta yaigep anda nene gölmeŋi möriamŋambuk miwikŋaimakŋe. ¹⁰ Yoŋgorö meme yeŋön wuanöŋgöra kamakze? Yeŋön yoŋgorö memba neŋguba ayuhum neŋgibingöra kamakze. Yuai murutŋi akingöra qahö. Nöŋön mewö qahö akzal. Nöŋön iŋini malmal köhöikŋi miwikŋaiba oyaenŋkoyaenŋ aka malmegöra kaba maljal.

¹¹ “Nöŋön lama galöm ölöŋŋi akzal. Lama galöm ölöŋŋan mönö lamaurupŋi yeŋgöra aka malmalŋi köleŋda engima. ¹² Kunŋan lama toŋi qahö aka bohon memegörök kaba laŋ galöm köl engimakzawi, mi kewö: Kiam kalŋan kaiga eka lamaurup engömosöta unjurata aniga kiam kalŋan lama engöhöba kiom enguba menden engima. ¹³ Yaŋön yaigewök kaba bohon memegörök ‘Lama galöm köl engimam,’ mi jitnöŋ jiba lama engöra waimanjat qahö möta nesampurek qakŋe mala laŋ unjurata anma.

¹⁴⁻¹⁵ * “Nöŋön lama galöm ölöŋŋi akzal. Iwinaŋ ni möt niŋgiiga nöŋön Iwini möt waŋgiba maljal. Miangö dop nöŋön nani lamaurupni möt engibiga yeŋön ni möt niŋgimakze. Nöŋön malmalni lamaurupni engöra aka köleŋda mosötmam. ¹⁶ Nöŋgöreŋ lama kambu tosatŋi mi mewöyök ahuba malme. Yeŋön lama tohöŋ kiangö toŋi qahö maljemö, töndup nöŋgö keu jölŋi mörakŋe. Nöŋön i mewöyök enŋuangitpiga miangö dop anda kamakŋe. Könaŋgep kambuŋi kambuŋi mienöŋ mindiriba kambu mohot aketka galöm mohotŋan galöm köl enŋiiga malme.

¹⁷ “Iwinöŋ kewögöra aka ni urunöŋ jöpaköm niŋgimakza: Nöŋön malmalni mosöta kunbuk guliba mal öŋgömam. Mi Iwigö jeŋe dop kölja. ¹⁸ Malmalni kunŋan qahö noaŋgitmapmö, mi nanak köleŋda mosötmam. Iwinaŋ jim kutum niŋgiiga nanak malmalni köleŋda mosötmam aka miangö andöŋe kunbuk guliba mal öŋgömam. Kukösum mewöŋi mi nöŋgöreŋ ahöza.”

¹⁹ Jisösnöŋ keu mi jiyöhaŋgöra aka Juda jitŋememe yeŋgö sutŋine goranora kunbuk asuhuyök. ²⁰ Yeŋgöreŋök gwötpukŋan kewö jiget, “Ömewörömenöŋ uruŋe geyöhawa mala kahapmahap akza. Mönö wuanöŋgöra keuŋi mötpinak? Muat mosötpin.”

²¹ Tosatŋan jiget, “Keu mewöŋi mi kölköljinjin azigö keu ewö qahö. Ömewörömenöŋ mönö jegömöl ambazip yeŋgö jeŋini denöwö metohobawak?” Mewö erauget.

Juda jitŋememe yeŋön Jisös andö qeget.

* **10:14-15:** Mat 11.27; Luk 10.22

²² Mönöwök jöwöwöl jike köl könjörata nanğunj öröget. Mi yambu (yara) dop mötmöriba kendongö söngaingöra* Jerusalem tokoget. Nalö mianjön kam kunğuiga kömunjan kie uru nalö amötñi ahök.

²³ Jisösnöñ jöwöwöl jikegö tohoñ uruñe kinj Solomongö sombem söranñambuk qetkeri, mianğoreñ anda liliköyök. ²⁴ Anda liliköiga Juda jitñememe yeñön kaba liliköm wangiba kewö qesim wangiget, “Könañamgi köyatinöñga mönö nalö dawik toroqeba mambötpingö mötzan? Gi Amötqeqe Tonj akzan me qahö, mi mönö aukñe jinöñga mötpin.”

²⁵ Mewö jim qesim wangigetka kewö melenj engiyök, “Nöñön lök jibiga mötketmö, injini nöñgö keuni mi qahö möt narize. Nöñön Iwinangö qetñe anğöletot ahakzali, mianjön mönö könañamni indela nanğöba kondelakze.

²⁶ Mi nanğöba kondelakzemö, injini nöñgö lama kambu uruñe qahö maljeanğöra aka keuni qahö möt narimakze.

²⁷ “Nöñön mönö lamaaurupni möt engibiga yeñön mewöyök nöñgö keu jölñi möta ni nuatanğömakze. ²⁸ Nöñön malmal köhöikñi engibiga letota nalö kunöñ qahö kötökñi ayuhume. Kunñan kun i nöñgö böröneyök qahö öröba könderj engima. ²⁹ Nöñgö Iwinan i nöñgö böröne al engiyöhi, yanjön körek engongita öñgöñgöñi ketanji akza. Mianğöra körekñan i nöñgö Iwinangö böröneyök öröba könderj engibingö osime. ³⁰ Ni aka Iwi netkön mönö mohot aka maljit.”

³¹ Jisösnöñ mewö jüga Juda jitñememe yeñön kunbuk gölmenöhök köt umburanğöba memba mianjön gila qebingö aket. ³² Mewö aketmö, kewö jim engiyök, “Iwinöñ nam köl niñgiiga anğöletot ketanji gwötpuk aka membiga ekeri, mienğoreñök mönö wania kun mötmöriba ni kötnöñ gila nunğubingö mötze?”

³³ *Jim engiiga Juda yeñön melenđa jiget, “Neñön anğöletot ketanji aknönanğöra aka qahö kötnöñ gila guhubingö akzinmö, Anutu mepaqepaik ak wangizananğö likepñi ak gihibin. Gi gölme azia aigun silegi öne mem öngöba Anutu tandök akñamgö jizan.”

³⁴ *Mewö jigetka Jisösnöñ melenj engiyök, “Buña Kimbinöñ Köna keu kun kewö ohoget ahöza, ‘Anutu nöñön jial: Injini mönö nöñgö bemurupni akze.’ ³⁵ Buña Kimbigö keu mi mönö pömsöm qahö qemapmö, pöwöwöm ahöma. Mianğöra Anutunöñ keunji ali kaba ambazip buñanña ahöhi, Anutunöñ yeñgö qetñini ‘bemurup’ mewö qet engiyök. ³⁶ Ambazip omanji mewö qet engiyökmö, Iwinöñ azi mem sarahiba melaiiga gölmenöñ eröhi, eñön mönö denöwö aka yanğöra kewö jize, ‘Gi Anutu mepaqepaik ak wangiba maljan.’ Nöñön ‘Anutugö nahönñi akzal,’ keu mewö jibiga eñön mönö wuanöñgöra mi mötket qahö dop kölja? Injini Anutugöreñ Buña keu mi qeze me?”

³⁷ “Nup memakzali, mi eketka Iwinangö ahakmemegö dop qahö ahakza ewö, mönö kude möt narim niñgime. ³⁸ Iwinangö ahakmemegö dop aka memba maljal ewö, könañamni mewö eka mönö möt narim niñgime. Mi keunanğöra aka qahö möt naribeak ewö, mönö anğöletotnanğöra aka töndup möt narim niñgime. Iwinöñ nömbuk qekötahöba kinja aka nöñön Iwibuk qekötahöba kinjali, injini mianğö könanji möt sölöñgöba asarimegöra jizal.”

* **10:22:** Kendon qetñi Hanuka mi Disemba 25 könahiba wehön 8 mianğö dop tata söngaiget. Miri pakpak kiwa ohotiriget asariiga ip sinñi tokoba liñet köla sösongai aket. * **10:33:** Lew 24.16

* **10:34:** Sum 82.6

³⁹ Jisösnöŋ mewö jiiga kunbuk memba jöhöbingö mötketmö, börö bapŋineyök unjurata eta anök.

⁴⁰ *Engömosöta Jordan o töwatŋi kutuba kunbuk likepŋe anda Jonöŋ mutuk o melun mem engiba malöhi, miangöreŋ angota nalö tosatŋi toroqeba miangöreŋ malök. ⁴¹ Miangöreŋ maliga ambazip gwötpukŋan yaŋgöreŋ kaŋgota eka kewö jiget, “Jonöŋ angöletot mohot kun qahö meyökmö, keu pakpak azi kiangöra jiyöhi, mi mönö keu ölŋa jiba malök.” ⁴² Kaŋgotkeri, yeŋgöreŋök gwötpukŋan uruŋini melenŋa möt narim waŋgiget. Mewö.

11

Jisösgö alaŋi Lazarusnöŋ kömuyök.

¹ *Betani taongö azi kun qetŋi Lazarus mianön kawöl yöhöi ahöyök. Maria aka Marta darumun yetköŋ Betani taon miangöreŋök malohot.

² *Maria mianön Kembu o köhöwakŋambuknöŋ miriba nörop juŋŋan könaŋi kereŋ meyök. Lazarus kawöl yöhöi ahöyöhi, mi yaŋgö nenna.

³ Lazarusnöŋ kawöl yöhöi ahöiga nenyahötŋan buzup keu kewö alohotka Jisösgöreŋ anök, “Kembu mötnöŋ, alaŋi yaŋgö ak gihimakzawö, yaŋön mönö kawöl yöhöi ahöza.”

⁴ Buzup mi anökmö, Jisösnöŋ mi möta kewö jiyök, “Kawöl mianön azi alaŋi kömumapköra aka qahö asuhum waŋgii ahöza. Miangöra qahöpmö, Anutugö Nahönŋan i mem ölöwaka miangöra Suepkö aködammunŋambuk aiga ambazipnöŋ könaŋi mi ek kutuba Anutu möpöseigetka qetbuŋaŋan asarim sehima. Kawöl mi miangöra aka asuhum waŋgiyök.”

⁵ Jisösnöŋ Marta, yaŋgö munŋi aka nennaŋi Lazarus yeŋgöra ak waŋgiiga malök. ⁶ Mewö malökmö, töndup kawölŋaŋgö buzupŋi möta miri malöhi, miangöreŋök sömaŋ yahöt toroqeba malök. ⁷ Mi mali nalö mi teköiga gwarekurupŋi yeŋgöra kewö jii mötket, “Nini mönö Judia prowinsnöŋ lilingöba anbin!”

⁸ Mewö jiiga melenŋet, “Ketaŋamnini, Juda yeŋön uruwale kapaŋ köla kötnöŋ gila guhubingö mötket. Miangöra kunbuk Judia lilingöba anmamgö jizani, mi qahö dop kölja.”

⁹ Mewö melenŋetka Jisösnöŋ keu kewö jiyök, “Wehöngö auanaŋi 12 ahözei, kunŋan miangö asakŋe köna anmawi, yaŋön mönö yuai kunŋan qem mizit qahö ak waŋgima. Gölmegö asakŋan asarim waŋgiiga ölop eka anma.

¹⁰ Ölop anmappmö, kunŋan kiwanaŋi qahö ahöm waŋgiiga suŋgem jipjap anmawi, yaŋön mönö qem mizit miwikŋaiba.” ¹¹ Keu mi jibagun kewö jii mötket, “Alanini Lazarusnöŋ gaunwat ahözappmö, nöŋön anda gaunöhök möndöbi wahötma.”

¹² Keu mi möta kewö jiget mörök, “Kembu, ölŋa gaun ahöza ewö, mönö ölop ahöba ölöwakŋa.”

¹³ Jisösnöŋ Lazarus kömuyöhaŋgö keu saŋi jiyökmö, gwarek yeŋön ‘Gauna ahöza,’ jiyöhi, miangö möt bibihiba keu könaŋi qahö möt kutuget. ¹⁴ Qahö möt kutugerangöra Jisösnöŋ aukŋeyök jim miwikŋaiba jiyök, “Lazarusnöŋ kömuyöha ahöza. ¹⁵ Nöŋön yambuk qahö malbiga kömuyöhaŋgöra nöŋön anda mem gulibiga wahöri eketka mötnariŋinan asuhum köhöima. Mewö aiga engöra söŋgaiba ‘Simbawoŋ akŋe!’ jizal. Mönö wahötketka yaŋgöreŋ anin.”

¹⁶ Mewö jim miwikñaiiga Tomas qetñi kun Siwisiwi qetkeri, yañon gwarek alaurupñi yeñgöra kewö jii mötket, “Nini ölop mohotñe miangören anin. Andagun yambuk kömuin.” Mewö.

Malmal Tonjan nenyahötñi urunñiri qesawöliyök.

¹⁷ Lazarusnön kömumba wehön 4 lök qaksirinön ahöi teköiga Jisösnön kançoriga buzupñi mewö jiget mörök. ¹⁸ Betani taon mi Jerusalem siti mosöta 3 kilomita anangö dop dowe ahöyök. ¹⁹ Miangöra Juda ambazip gwötpukñan Marta Maria nennñiri kömuyöhangöra ‘Songon etkekin,’ jiba kaba tatket.

²⁰ Tatketka Martanön “Jisös kaza,” jiget möta miri mosöta könanön anda miwikñaiyökmö, Marianön mire tarök. ²¹ Könanön miwikñaiiba kewö jii mörök, “Kembu, gi kiançoren malbanak ewö, nenan mönö qahö kömumbawak. ²² Qahö kömumbawakmö, göjön nalö kewöñe mewöñanök Anutugö yuai kungöra köuluköman ewö, mi pakpak ölop miwikñaim gihiiga asuhuma, mewö mötzal.”

²³ Keu mi möta Jisösnön jii mörök, “Göhö nengan mönö guliba wahötma.”

²⁴ Mi möta Martanön jiyök, “Gölmegö nalö teteköñe kömukömuñi yeñon wahötmei, yañon mönö nalö ketanñi miangören guliba wahötmawi, mi möt yaközal.”

²⁵ Mewö jiiga Jisösnön jii mörök, “Kömupñöhök wahötwahötkö Tonji mi nöjön akzal. Nanak Malmal köhöikñangö Tonji akzal. Miangöra kunñan ni möt narim niñgizawi, yañon kömumapmö, töndup toroqeba mal köhöiba malma. ²⁶ Kunñan kun gölmenön mala möt narim niñgiza ewö, yañon mönö nalö kunön qahö kömum köhöima. Qahö! Keu mi möt narizan me qahö?”

²⁷ Martanön keu mi möta jiyök, “O Kembu, mi möt narizal. Göjön Anutugö Nahönñi akzan. Amötqeqe Tonji Kraist gölmenön asuhumapkö jigeri, göjön mönö mia akzan. Mewö möt narizal.” Mewö.

Jisösnön sahöri imbilñan erök.

²⁸ Martanön keu mewö jiba miriñe lilingöba anda munñi Mariagöra keu ölon jiiga görañe kaiga jiyök, “Böhinön kaba könanön kinda göhöra endu anda ekñangöra jiza.”

²⁹ Mewö jiiga Marianön keu mi möta miangörenök i mosöta Jisösgören anök. ³⁰ Anökmö, Jisösnön miri sombemñon qahö kançoriga endu Martanön köna namñe miwikñaiiba ehöhi, miangörenök kinök. ³¹ Juda ambazip yeñon Mariabuk miri uruñe uru qesawölökö tatketka Marianön zilañ wahöta gumñon eta aniga eka kewö mötmöriba jiget, “Yañon mönö qaksirinön anda sahötma.” Mewö jiba yañgö andöñe wuatangöba anget.

³² Marianön anda Jisös kinöhangören angota eka könañe sipköba eta kewö jii mörök, “O Kembu, göjön ki malbanak ewö, nenan mönö qahö kömumbawak.”

³³ Mewö jiba silata qeta sahöriiga Juda ambazip yambuk kaba nañgöba mohotñe sahötkeri, Jisösnön mi eka wösöñi pölpölgöiga jeñi asöliiga köna böröñi jönömñambuk unduyök. ³⁴ Jönömñambuk undui qesim engiyök, “I denike alget ahöza?” Qesim engiiga jiget mörök, “Kembu, kewö kaba eknön!”

³⁵ Mewö jigetka Jisösnön sahörök. ³⁶ Sahöriiga Juda ambazip yeñon eka jiget, “Yei! Mönö alañangöra önönñi qahö ak wañgii malök.”

³⁷ Mewö jigetmö, tosatñan keu mi qeba kewö jiget, “Jegömöl ambazip jenjini metohoba malök ewö, mönö ölop Lazarus jiiga qahö kömumbawak me?” Mewö.

Jisösnöñ Lazarus mem guliiga kömupñöhök wahörök.

³⁸ Mewö lañ jigetka Jisösgö wösöñi kunbuk pölpölgöiga jeni asöliiga qaksirinöñ anök. Qaksirinöñ anda yuai kewö ehök: Köt köteñ urorohoba qamötñi miangö uruñe ala nanñuñi köt ketañan köl közipkögetka tarök. ³⁹ Mi eka kewö jiyök, “Mönö köt qililingögetka anök.” Mewö jiiga azi kömuyöhañgö nenñi Marta yañön kewö jii mörök, “O Kembuni, sömañ 4 ahözawañgöra lök wörönñambuk akza.”

⁴⁰ Jisösnöñ mi möta Martagöra kewö jiyök, “Gi möt narim niñgibanak ewö, Anutugö kukösumñan aködamunñambuk asuhuiga ekanak. Mutuk keu mewö jibiga mötnöñ me qahö?”

⁴¹ Mewö jiiga köt qililingöget aniga Jisösnöñ eu ui öngöiga kewö jiyök, “Iwi, gi köululkni mötzanañgöra aka ‘Pipsaiwap!’ jim gihizal. ⁴² Gi nalö dop köululkni mörakzani, mötzalmö, göñön melaim niñginöñga gölmenöñ erali, ambazip kambu liliköm niñgiba ki kinjei, yeñön mi möta möt narimegöra aka keu ki jizal.”

⁴³ Mewö jiba imbiñi memba wahöta ketañanök qeta kewö jiyök, “Lazarus, gi mönö wahöta kañgotnöñ!” ⁴⁴ Mewö qeriga azi kömukömuñi yañön guliba wahöta kayök. Köna böröñi opo kawukñambukñöñ esuhuba jemesoholñi opo jöhanñan köpeiba jöhöget ahöi dundunñambuk kayök. Mewö kaiga Jisösnöñ jiyök, “Mönö dundunñi pösatketka ölop anma.” Mewö.

Juda galöm yeñön Jisös kömumapkö añañöñañ geget.

Mat 26.1-5; Mak 14.1-2; Luk 22.1-2

⁴⁵ Juda ambazip Mariagöreñ kañgota Jisösnöñ yuai aiga asuhuiga ek-eri, yeñgöreñök gwötpukñan uruñini melenña Jisös möt narim wañgiget. ⁴⁶ Möt narim wañgigetmö, tosatñan Farisi (Köna keugö kapañkölköl) yeñgöreñ anda Jisösnöñ yuai ahöhi, miangö kösohotñi jiget mötket.

⁴⁷ Mi jiget mötketka jike nup galöm aka Farisi yeñön jike kaunsöl jitñememe öröm engiget tokogetka kewö jiget, “Azi mianñön añañöletot kukösumñambuk sehisehñi memakzawañgöra i mönö denöwö ak wañgiinga dop kölbawak? ⁴⁸ Wakosorañ aka yuai kun qahö ak wañgiinga toroqeba mewö aka malma ewö, mönö ambazip körek pakpak i möt narim wañgibeak. Mewö aketka Rom gawman yeñgö irimñini sehöliiga kaba nanini jöwöwöl ikenini aka ambazip kambu ki nenguanñitketka öne töhön malbinbuk.”

⁴⁹ Mewö jiget tatketka yeñgöreñök kun qetñi Kaiafas yañön yambu (yara) miangöreñ jike nup galöm bohonñi aka nup mia memba malök. Yañön wahöta goro keu kewö jii mötket, “Injini uru mötmötñinañgö kinimñi tok qahö tohoza. ⁵⁰ Injini keu ki ölop qahö kewötze: Nini ambazip kambu körekñanök ayuhuinga lömböt keta bölökñi akapuk. Mianñgöra azi mohotñan Juda kambu neñgö aip selnini ala sohoppnini memba kömuiga dop kölma.”

⁵¹ Yañön keu mi nanñi imbiñe qahö ahuiga jiyökmö, yambu (yara) miangöreñ jike nup galöm bohonñi malöhañgöra aka nanñak keunañgö könañi qahö möta kezapqetok keu jiyök, “Jisösnöñ ambazip kambu neñgöra aka kömui dop kölma.” Keu mi ölna jiyök. ⁵² Juda ambazip kambu neñgöröhök qahö kömuyökmö, Anutugöreñ urumelen könagesö gölme dop

denqenda mal anjini, nini mewöyök mindirim nenngiiga urumelen kambu mohok aka malbingöra kömuyök. Kömumapkö keunji mi qeljiqe jiyök.

⁵³ Wehön miangörenök könahiba jitjememe yeñon tokoba mewö eraum möta Jisös kömumapkö keunji jim köhöiba areñi alget. ⁵⁴ Miangöra Jisösnöñ toroqeba Juda yeñgö sutñine aukñe qahö anda kaba malök. Mewö qahöpmö, enqömosöta gölme qararanqölkölñangö görane anök. Miangören anda taon qetñi Efraim miangören anqota gwarekurupñi yembuk nanñinök malget.

⁵⁵ Juda neñgören ak-kömukömu kendonöñ törüyök.* Miangöra Juda ambazip gwötpukñan miri dop miriñini mosöta köñ köñjorat ak anqubingöra möta Jerusalem sitinöñ öñgöget. ⁵⁶ Jisös jaruba mala jöwöwöl jikegö tohon uruqe kinda eraum möta kewö qesim anquset, “Jisösnöñ sösongai kendongöra ki kama me qahöpto? Denöwö mötze?”

⁵⁷ Mewö qesim anqusetmö, jike nup galöm aka Farisi yeñon jimkututu keu kewö algetka sehüyök, “Kunñan Jisösgö ahöm tatatñi eka mötmawi, yanñon mönö neñgören kaba buzupñi jii möta anda memba jöhöbin.” Mewö.

12

Marianöñ Jisös o köhöwaxambuknöñ miriyök.

Mat 26.6-13; Mak 14.3-9

¹ Anutunöñ mönöwök neñgehoriba neñgonqiröhi, miangö ak-kömukömu kendonñan* töriba sömañi 6 teköiga miangören kam kunqumangö ahök. Jisösnöñ nalö miangören miri qetñi Betani miangören anök. Mutuk azi qetñi Lazarus mem gulli kömupñöhök wahöta malöhi, mönö yanqö mire anqorök. ² Miangören anqoriga Jisös göda qem wanqibingöra miri kunöñ nene ohoba mözözömgöget. Martanöñ ohom tönden köñ enqiyökmö, azi Jisösbuk mohotñe tata nene negeri, Lazarusnöñ yeñgö sutñine tarök.

³ *Mewö tatketka Marianöñ kelök kiring kun lömbötñi 500 gram mi memba Jisösgören kayök. Kiring mi o umköhöwaxambuk öññi qetñi nad bohonñi öñgöñgöñi ketañi miangön kokolak qeqeña. Yanñon mi memba kaba simin köla Jisös könañe mimbiliba miriba nörop jupñan kereñ meyök. Mewö aiga miri uruqe tatkeri, mi ogö wöronñan pukpuköba dop köla ahöiga mötket.

⁴ Mewö asuhuiga Jisösgö gwarek yeñgörenök kun qetñi Judas Iskariot, könañep Jisös mamalolo meyöhi, azi miangön qetala kewö jiyök, ⁵ “O köhöwaxambuk mi mönö wuanöñgöra bohonñi memegöra qahö alök? Iwinangö jittñi! Mi albawak ewö, mönö silim 300:kö töwanji (Kina 1500,-) miangö dop yöhötibawak. Mia ambazip wanapñi enqiiinga dop kölbawak.” ⁶ Mewö jiyökmö, keu mi ambazip wanapñi yeñgöra waimanjat möröhanqöra aka qahö jiyök. Yeñgöra aka qahöpmö, yanqorö meme asia mala monen gösö kutukutulañini galöm köli monen alget geiga miangörenök kitipñi nanñangöra memba malök. Mönö miangöra aka mi jiyök.

⁷ Mewö jiiga Jisösnöñ jiyök, “Injini ambi ki mönö kude jim wanqime. Nöñon kömumbiga löm köñ ninqimeangö nalöñi törizawanqöra ölop sileni o

* **11:55:** Kendon qetñi Nei keunöñ Pasowa jize. Anutunöñ mönöwök Israel ambazip neñgehoriba neñgonqiröhi, miangöra yambu dop nalö ala söñgaimakzema. Eksodus 12.15 * **12:1:** Eksodus 12.15 * **12:3:** Luk 7.37-38

umköhöwaktambuknön nömira. ⁸ *Ambazip wanapni mi mönö nalö dop sutjine malakzemö, nöñon embuk nalöñi nalöñi qahö malmam.” Mewö.

Lazarus qebingö keu jöhöba angöñan alget.

⁹ Jisösnön Betani mire malöhi, mi Juda ambazip kambu gwötpukñan möta miangörej kaget. Jisösgöröhök qahö kagetmö, Lazarus kömupnöhök mem gulli wahöröhi, i mohot ekingö likeplikep öröba kañgotket. ¹⁰ Mewö kañgotketmö, jike nup galöm yeñon Lazarus mewöyök qein kömumapkö keu jöhöget. ¹¹ Juda ambazip gwötpukñan Lazarusgöra aka Betani anda uruñini melenja Jisös möt nariget. Miangöra keu mewö jöhöget. Mewö.

Jisös köirañ kölgetka Jerusalem öñgöyök.

Mat 21.1-11; Mak 11.1-11; Luk 19.28-40

¹² Mewö aketka ahöba wahöta miangörej ambazip kambulembenön ak-kömukömu kendongöra Jerusalem sitinön kañgota malgeri, yeñon buzup keu kewö mötket, “Jisösnön Jerusalem kamamgö könanön kaza.”

¹³ *Keu mewö möta umji börönji memba könanön miwikñaibingö anda kewö jiba qetket,

“Hosana, owe owe! Anutu möpöseizin. Kembugö qetñe kamawi, Anutunön mönö kötuetköma! Israel nenngö Kiñ Kembunini owe owe!”

¹⁴ Jisösnön donki morönji kun miwikñaiba miangö qakñe öñgöba tarök. Mi kezapqetok keu kun kewö ohoget ahözawañgö dop asuhuyök,

¹⁵ * “O Jerusalem ambazip Zaion kundunji liliköba maljei, injini mötket, enngö Kiñ Kembuninan mönö kama.

Donki moröñangö qakñe tata kama. Miangöra kenngöñini mönö kude mötme.”

¹⁶ Jisösgö gwarekurupñan yuai asuhuyöhi, miangö könanji mutuk qahö möt kutugetmö, könanjep ölop möt asariget. Jisösnön Suepnön öñgöba asakmarañambuk malöhi, keu mi nalö miangörej mötmöröba kewö jiget, “Aha! Keu mi mönö Jisösgöra ohoget ahöza aka ambazipnön keu miangö dop ak wañgigetka öñambuk ahök.”

¹⁷ Ambazip Jisösbuk Betani malgeri, yeñon dangunu ewö kinda buzupñi jim sehiget. Jisösnön Lazarus qeriga kömupnöhök guliba wahöta qaksirigö köt kötenj mosöta kañgoriga ambazip kambunön ekeri, yeñon Jisösgö könanji nanngöba jiba jim asariget. ¹⁸ Jisösnön angöletot mi meyöhi, keu mi mötkerañgöra aka ambazip kambunön lulunja köl öröm wañgibingö anget.

¹⁹ Mewö angetka Farisi (Köna keugö kapañkölköl) yeñon nanñinök eraum möta kewö jiget, “Mötket. Gölmeñi gölmeñi ambazip yeñon mönö lulunja öröba yañgö andöñe anakze aka nini keu nup miyök mem bibihinga öññi kun qahö asuñuza.” Mewö.

Grik ambazip tosatñan Jisös jaruget.

²⁰ Juda ambazip ak-kömukömu kendongöra Jerusalem sitinön öñgöba Anutu waikñi memba möpöseigeri, yeñgö sutjine Grik ambazip tosatñi mohotñe malget. ²¹ Yeñon gwarek qetñi Filip yañgörej kaget. Filipnön Galili prowinsgö taon qetñi Betsaida miangö azia malök. Grik yeñon yañgörej kaba qesiba kewö jiget mörök, “Ketanamnini, nini sihimninan Jisös ekingö mötzin.”

* 12:8: Dut 15.11 * 12:13: Sum 118.25, 26 * 12:15: Zek 9.9

²² Mewö jiget möta Andrugörej anda keu mi jii mörök. Jii möta mohotne anda Jisös jiyohot mörök. ²³ Keu mi möta melenḁa kewö jiyök, “Suepkö asakmararajan Suep gölmegö Azi Ölni yangören kunbuk asuhum kutuiga asarimawi, miangö nalöjan mönö töriza. ²⁴ Nöjön kömupnanḁö söpsöp keu öi töhönni kun kewö jibi mötket: Sehoḁ kötni gölmenöḁ qahö geba julma ewö, mönö öne miyök ahöma. Mewö öne ahömapmö, geba julma ewö, korapḁan mönö jula öndölböndöl wahöri ölni gwötpuk söhöma.

²⁵ * “Miangö dop denike yejön malmalḁini nanḁinanḁöra anḁön köla nanḁini imbi-imbi siyonḁsayoḁi qahö malbingö ak enḁim�akzawi, yeḁgö malmalḁinan mönö sohoma. Mewö sohomapmö, kunḁan kun nanḁi malmalḁi göragöra ala nia jeḁep al niḁḁimawi, yeḁön mönö malmal ölni öndölböndölnambuk miwikḁaiba köhöiba teteköḁi qahö mal öḁgöma. ²⁶ Kunḁan ni welen qem niḁḁimangö jizawi, yeḁön mönö ni nuatḁngöba mali dop köлма. Weleni qem�akzawi, mönö ni anda kaba malma-manḁgöreḁ mewöyök nömbuk malma. Kunḁan nömbuk mala weleni qem niḁḁim�akzawi, Iwinöḁ mönö i göda qem wanḁii malma.” Mewö.

Jisösnöḁ kömumba gulimawanḁö keu saini jiyök.

²⁷ Jisösnöḁ jiyök, “Wösöni döлки kot gwözöḁniga amqam aka maljal. Denöwö jibilenḁak? Keu jaruzal. O Iwi, gi ölop aua nalö kewöḁanḁö köḁjiliḁnöhök meköm niḁḁiman. Töndup kewögöra mewö qahö köulukömam: Aua kiḁḁgö sihimböloḁi mi mökösoḁḁa bisimangöra aka nangak qakne aljan. ²⁸ O Iwi, gi mönö nangi aködampungi al niḁḁiba qetbuḁagi mem qariman.” Mewö köuluköiga Suepnöhök keu kewö asuhuba erök, “Nöjön aködampungi lök al gihiba mewö qetbuḁani mem qarial aka toroqeba mem qaribiga sehiba anma.”

²⁹ Keu mi asuhuga ambazip kambu kinget yejön mi möta jiget, “Wöl pöndaḁ qetza.” Tosatḁan jiget, “Suep garata kunḁan yanḁöra keu jiiga kourukḁi mötzin.”

³⁰ Mewö mewö jigetka kewö jii mötket, “Kouruk mi nöḁgöra aka qahö asuhuzapmö, mi enḁgöra aka asuhuza. ³¹ Nalö kewöḁe gölmeḁi gölmeḁi ambazip ahakmeme böloḁi wuatḁngömakzei, yeḁgö kewötkewöt nalöḁinan mönö mesohol köl enḁgiza. Anutunöḁ yeḁgö keuḁini jim teköba likeḁni melen enḁgiiga qakḁine öḁgömapkö akza. Nalö kewöḁe Anutunöḁ Böloḁanḁö Kembuḁi gölme dop galöm köl enḁḁim�akzawi, mönö i közöliga yaigep etmapkö akza. ³² Yanḁön etmapmö, nöḁgöra kewö asuhuma: Ambazipnöḁ gölmenöhök nömemba könakemba kösököm niḁḁigetka öḁgöba kinbiga köna ahuiga ambazip gölme dop öröm enḁḁibiga lulunḁa nöḁgöreḁ kaba kambu köla kinme.” ³³ Mi kömup denöwöḁi kömumawi, miangö keu sainḁa mewö jii mötket.

³⁴ * Ambazip kambu yejön mi möta kewö jiget mörök, “Nini Köna keu oyoḁda kewö mötzin, ‘Kraistnöḁ qahö kömumba teteköḁi qahö mal öḁgöba malma.’ Göḁön wuanöḁgöra kewö jizan, ‘Suep gölmegö Azi Ölni gölmenöhök memba kösökögetka könakemba öḁgöba kinma.’ Suep gölmegö Azi Ölni mi daḁön?”

³⁵ Mi möta melen enḁḁiyök, “Asakḁan nalö töröptökḁi kunbuk sutḁine asariba malma. Söḁaupnöḁ qakḁine öḁgöba turum enḁḁii miangö buḁani

* 12:25: Mat 10.39; 16.25; Mak 8.35; Luk 9.24; 17.33 * 12:34: Sum 110.4; Ais 9.7; Eze 37.25; Dan 7.14

akepuköra mönō asakņe anda kaba malme. Asakņan ahöm enġimawaņġō dop mönō asakņe malme. Daņōn panamanōņ jipjap anda kamakzawi, mönō denike aņgotmawi, mi qahō mōtza.³⁶ Mianġōra asakņan nalō dawik embuk malmawi, nalō mianġōreņ mi mönō urunōņ mōt aņġōn kōla malme. Asakņawġō kōnagesō aka malmegōra mönō asakņi mi mōt nariba malme.” Jisōsnōņ keu mewō jiba enġōmosōta tōlapkōba anōk. Mewō.

Juda ketanġi yeņġō urukōhōikņinan qahō lōwōriyōk.

³⁷ Jisōsnōņ aņġōletot gwōtpuk memba maliga Juda yeņōn mi jeņinan eketmō, tōndup i qahō mōt narim waņġiba silebile malġet. ³⁸ *Mewō malġetka kezapġetok azi Aisaiagōreņ keu kun mi olņambuk asuhuyōk. Yaņōn keu mi kewō ohoyōha ahōza, “O Kambu, neņōn Buņa keu jim asariba uruņini kuņġum enġimakzinmō, daņōn mi mōt naribawak?

Kembunōņ kukōsumņi mi mönō dagōra indeli mōt asarima?”

³⁹ Amōtqeġe Toņi mōt narim waņġibingō lōmbōriba osigeri, Aisaianōņ mianġō kōnaņi mōta keu kun qelġiņe kewō jiba ohoyōha ahōza,

⁴⁰ * “Nanņini jeņinan yuai eka kōnaņi ek kutubepuk me uruņinan keu kōnaņi mōt asaribepuk. Mi mōt asariba uruņini melenġepuk.

Uruņini melenġetka mem olōwak enġibilenġbuk. Yaņōn mewō asuhubapukōra ambazip jeņini mem gōmōliba uruņini gwōzōņniga malġe.”

⁴¹ Jisōsnōņ Suepkō asakmararaņnōņ asariba mali Aisaianōņ mewō eka kōnaņi jim asariba keu mi jiyōk.

⁴² Jitņememe aka galōmkōlkōl azi yeņġōreņōk gwōtpukņan mewōyōk Jisōs mōt narigetmō, Farisi (Kōna keugō kapaņkōlkōl) yeņōn kōuluk miri kambunōhōk kōzōl enġibepukōra mi aukņe qahō jim miwikņaiġet.

⁴³ Ambazipnōņ mōpōseim enġimegōra kapaņ kōlġetmō, Anutunōņ mōpōseim enġimapkōra mi qemasolokep aket. Mewō.

Jisōsgō keuņan ambazip kewōta keunini jim tekōma.

⁴⁴ Tosatņan mewō aketmō, Jisōsnōņ keu ġeta kewō jiyōk, “Kunņan mōt narim niņġizawi, yaņōn niyōk qahō mōt narim niņġizapmō, kunōņ melaim niņġiyōhi, i mewōyōk mōt narim waņġiza. ⁴⁵ Kunņan ni neka mönō melaim niņġiyōhi, i mewōyōk ehakza. ⁴⁶ Ambazip kun ni mōt narim niņġizawaņōn mönō sōņaupnōņ ġekōtahōba malġapuk. Mianġōra nōņōn eta asuhuba gōlmeņi gōlmeņi enġō asakņina aka malġal.

⁴⁷ “Nōņōn eta asuhuba gōlmeņi gōlmeņi enġō keuņini jim tekōmamgōra aka qahō kayalmō, ambazip gōlme dop amōt ġem enġibiga nalō kewōņe letota Suepkō buņaya akņegōra aka kayala malġal. Mianġōra ambazip nōņġō Buņa keuni mōta qahō tem kōla wuatāņġōmakzei ewō, nōņōn yeņġō keuņini qahō jim tekōmam. ⁴⁸ Denike yeņōn jijiwilit ak niņġiba Buņa keuni qahō mōt aņġōn kōlġei, yeņġō jim tetekōņinan mönō kewō asuhuma: Nōņōn Buņa keu jibi mōtkeri, keu mianġōn mönō nalō ketanġe keuņini jim tekōiga sihimbōlōņini mianġō dop mōtme.

⁴⁹ “Kōnaņi kewōgōra mewō asuhuma: Nōņōn Buņa keu jiba malali, mi keu omanġi qahō. Mi nani imbineyōk qahō asuhuiga jiba kota malal. Mewō qahōpmō, Iwi melaim niņġiyōhaņōn nanņak keu jit denōwō jimami, mianġō jim kutum niņġiiga jiba kota malġal. ⁵⁰ Iwigōreņ jimkutukutu mianġōn mönō iņini malmal kōhōikņe al enġimakza, mi mōtzal. Mianġōra

* 12:38: Ais 53.1 * 12:40: Ais 6.10

Iwinan mi jimamgö jim kutum niŋgiyöhi, mönö miangö dop Buŋa keu jimakzal.” Mewö.

13

Jisösnöŋ gwarek yengö könaŋini sanŋoŋnök.

¹ Ak-kömukömu kendonöŋ* törriiga Jisösnöŋ könaŋi kewö möt yaköyök, ‘Gölme mosöta Iwinaŋöreŋ öŋgömamaŋgö nalöŋan mönö töriza.’ Mewö möt yaköba nanŋi alaurupŋi gölmenöŋ malgeri, mi uruŋan jöpaköm engiba mala teteköŋe miangöreŋ mewöyök uru jöjöpäŋi mi kondel engiyök.

² Kömumawaŋgö nalöŋan kam kuŋgumamgö aiga nalö kunöŋ sunŋgemgö nene nemingö tokoba mohotŋe tatketka yuai kewö asuhuyök: Saimon Iskariotkö nahönŋi qetŋi Judas i Satanöŋ lök sölölohöyök. Jisös mamalolo ak waŋgimapkö keuŋi mi saŋep ali uruŋe geiga möta tarök. ³ Jisösnöŋ nanŋi könaŋi mi kewö möt kutuyök, ‘Iwinöŋ yuai pakpakö kukösumŋi mi nöŋgö böröŋe aliga Anutugöreŋök eta mala kunbuk yaŋgöreŋ öŋgömamgö akzal.’

⁴ Könaŋi mewö möt kutuba nene nembra tatkerangöreŋök wahöta malukuŋi köteköba nupkö opo jöhanŋi kun memba kembaŋe köpeiba jöhöyök. ⁵ Mi jöhöba o joutnöŋ mokoi geiga könaŋiba gwarekurupŋi yengö könaŋini sanŋoŋnök. Saŋoŋ teköba opo jöhanŋi (tauöl) kembaŋe köpeiba jöhöyöhi, miangön könaŋini kutuyök. ⁶ Saŋoŋda anda Saimon Pitögö könaŋe kaŋgoriga kewö jii mörök, “O Kembu gi welenqeŋe etqeŋeŋi qahö. Göŋön nöŋgö könaŋi sanŋoŋnöŋga qahö dop kölma.”

⁷ Mewö jii möta kewö melenŋök, “Yuai dölki akzali, göŋön miangö könaŋi nalö kewöŋe qahö möt kutuzanmö, könaŋepnöŋ mi ölöp möt asariba malman.”

⁸ Melenŋiga kewö kapaŋ köla jiyök, “Gi mönö nöŋgö könaŋi nalö kunöŋ qahöpmahöp sanŋoŋman.” Mewö jiiga kewö jiyök, “Nöŋön gi qahö saŋoŋ gihimam ewö, gi mönö nöŋgö gwarekni toroqeba malmamgö osiman.”

⁹ Mewö jiiga Saimon Pitönöŋ pörösöl ala auruba melenŋök, “Kembu, mewögöra gi könananök qahöpmö, böröni aka nöropni mi mohotŋe saŋoŋman.”

¹⁰ Mewö melenŋiga kewö jii mörök, “Kunŋan o ariba kaiga könaŋi tok saŋoŋninga töwötŋi qahö sarakŋi ak teköma. Injini körek lök sarakŋi ak teközemö, mohotnöhök sarakŋi qahö akza.” ¹¹ Daŋön mamalolo ak waŋgimamgö ahöhi, Jisösnöŋ mi möta miangöra kewö jiyök, “Injini körek sarakŋi qahö akze.”

¹² *Könaŋini saŋoŋ teköba malukuŋi kunbuk löŋgöta eta tari negetka kewö qesim engiba jiyök, “Nöŋön yuai ak engizali, injini miangö könaŋi möt asarize me qahö? ¹³ Injini nöŋgöra ‘Böhi!’ aka ‘Kembu!’ mewö noholakze aka nöŋön mi öŋa akzal. Miangöra mi dopŋe jimakze. ¹⁴ Nöŋön engö Kembu Böhiŋini aka welenqeŋe eretŋangö silik memba könaŋini saŋoŋjal ewö, injini mönö mewöŋanök memba et al anguba weleqeŋe aka könaŋini saŋoŋ anguba malgetka dop kölma. Mi mönö nupŋina.

¹⁵ “Nöŋön aka kondel engizali, injini mönö miangö dop naŋgöba welen qem anguba malme. Mewö malmegöra miangö silikŋi nöŋön merak kondel engibiga ekze. Mi mötmöriba miangö tandökŋi wuatangögetka dop

* **13:1:** Anutunöŋ mönöwök Israel ambazip nenŋehoriba nenŋoŋgiröhi, kendon miangö qetŋi Nei keunöŋ Pasowa jize. Eksodus 12.15 * **13:12:** Luk 22.27

kölma. ¹⁶ *Nöhön keu öl töhönni kun kewö jibi mötket: Welenqegenöñ eretñi aiga tonjan öngöngöñi akza. Gwareknöñ böhiñi ongita öngöngöñi akñangö osima. Mewöyök azi kembu kunöñ garatanj melaiiga kolek anda nup memakzawi, yanñon mönö kembuñangö bapñe malakza. ¹⁷ Injini keu kötni mi merak möt kutuze. Mewögöra silememe mosöta alaurupñjini nembö bapñjine anda malme ewö, nöñon mönö engöra ‘I-ia simbawon!’ jimam.” Mewö.

Kunöñ mamalolo ak wanñimapkö qeljine jiyök.

Mat 26.20-25; Mak 14.17-21; Luk 22.21-23

¹⁸ *Keu jizali, mi mönö injini lökñanök qahö engömeza. Nöhön ninja möwölöhöba engömeali, engö köñanñamñjini mönö ölop möt kutuzal. Mewö maljalmö, Buña Kimbi kun mianñon öñambuk aiga dop kölma. Keu mi kewö, ‘Kunöñ nöñgöreñ nene mohotñe neziri, yanñon mönö kelewele aka gwakötñan tötal niñgiba nuñgumamgö jöjöröza.’†

¹⁹ “Ni öñji köñanñep asuhumawanñö keuña mutuk jizal. Mianñgöra öñji asuhumawi, injini nalö mianñgöreñ nöñgö köñani möt asariba kewö jime, ‘Aha! Malmalgö köñaji nalö dop mala kota malöhi, yanñon mönö mia akza.’ Mewö jiba möt narim niñgimegöra nöñon keu mi qeljine aukñe jibiga mötze.

²⁰ *Nöhön keu öl töhönni kun kewö jibi mötket: Nöhön ambazip kun melaibi nup memamgöra kaiga kunñan i köl örözawi, yanñon mönö ni tok köl öröm niñgima. Mewöñanök ni köl öröm niñgizawanñon mönö melaim niñgiyöhi, mönö i mewöyök köl öröm wanñima.”

²¹ Jisösnöñ keu mewö jiba wösöñi kot gwözöñda jul takömamgö ahiga keu indela kewö jiyök, “Nöhön keu öl töhönni kun kewö jibi mötket: Engöreñök kunñan ni mamalolo mem niñgima.”

²² Mewö jiiga gwarekurupñan nanñjini kuñkalilij uba anñehiba nanñök nanñök kewö mötmöriget, ‘Mönö dagöra jizapto?’ Mewö mötmöriba uruyahöt tönpin tatket. ²³ Tönpin tata nene negetka Jisösgö wölböt gwarekñan yanñö qöhöröñeyök tarök. ²⁴ Yanñon tariga Saimon Pitönöñ nöropñan gwarek mi söpsöp ak wanñgiba kewö jii mörök, “Keu mi dagöra jizawi, mi qesiba jinöñ mötpi.”

²⁵ Mewö jii möta lapingöba Jisösgö töptöpñe nanñgöba kewö qesiyök, “Kembu, azi mi danñon?”

²⁶ Mewö qesiiga melen wanñiyök, “Beret kitipñi kulunñöñ kundumgöba kun wanñimami, yanñon mönö mi.” Melen wanñgiba beret kitipñi memba kulunñöñ kundumgöba Judas wanñiyök. Judasgö iwiñi qetñi Saimon Iskariot. ²⁷ Beret kitipñi mi wanñiiga Satanöñ mianñgöreñök Judasgö uruñe geyök. Mianñgöra Jisösnöñ i jim kutum wanñgiba kewö jiyök, “Yuai akñani, mi mönö zilañ akñan.” ²⁸ Keu mewö jiyökmö, mi wuanöñgöra jii möröhi, mi gwarek tosatñan mohokñe tata nene negeri, yanñgöreñök kunñan kun qahö möt asariyök. ²⁹ Gwarek tosatñan mianñgöra kewö mötmöriget, “Judasnöñ moner gösögö galömña malöhi, mianñgöra kendon nalöñe yuai osibini, mi bohonñi memapköra melaiza me ambazip wanapñi moner yuai kun memba enñgimapköra jiza.”

* **13:16:** Mat 10.24; Luk 6.40; Jon 15.20 * **13:18:** Sum 41.9 † **13:18:** Gwakötñan tötal niñgiba nuñgumamgö jöjöröza, keu mi Israel yanñgöreñ dopkeu kun. Köñaji kewö: Yanñon uruñan qetala utaköm niñgiza. * **13:20:** Mat 10.40; Mak 9.37; Luk 9.48; 10.16

³⁰ Judasnöŋ keu mi ölop möt asariba beret kitipŋi mi memba miangöreŋök mosöta yaigep aniga sunjem ahök. Mewö.

Jisösnöŋ jöjöpaŋ keu dölökŋi jim kutuyök.

³¹ Judasnöŋ mosöta yaigep aniga Jisösnöŋ kewö jiyök, “Dölki Anutunöŋ aködamunŋi Suep gölmegö Azi Öŋi al teköm wanŋiiga yaŋön Anutugö qetbuŋaŋi mem qarii asuhuza. ³² Yaŋön Anutugö qetbuŋaŋi mem qariba Anutubuk qekötahözawaŋgöra Anutunöŋ mönö mewöŋanök yangö qetbuŋaŋi mem qarima. Mi nalö qahö körii mem qariiga asakmararaŋan asuhum tiŋgiri mal öŋgöma.

³³ * “O gömokurupni, nöŋön nalö töröptökŋi kunbuk embuk malme. Mi mala enŋömosötpiga könaŋep jarum niŋgiba malme. Juda yeŋgöra kewö jibi mötket, ‘Ni miri anmami, iŋini miangöreŋ kabingö osime.’ Keu miyöhök dölki enŋöra mewöyök jizal.

³⁴ * “Nöŋön jöjöpaŋ keu dölökŋi jim kutum enŋizal: Iŋini mönö uruŋinan jöpaköm aŋguba malme. Nöŋön urukalem ak enŋiba malali, iŋini mönö miangö dop jöpaköba urukalem ak aŋguba malme. ³⁵ Sutŋine uruŋinan jöpaköm aŋguba malme ewö, ambazip körek yeŋön enŋeka könaŋamŋini möt kutuba kewö jiba malme, ‘Aha! Mönö Jisösgö gwarekurupŋi akze.’” Mewö.

Pitönöŋ Jisös qaŋ kölmapkö keu qelŋiŋe jiyök.

Mat 26.31-35; Mak 14.27-31; Luk 22.31-34

³⁶ Saimon Pitönöŋ Jisös kewö qesim wanŋiyök, “Kembu, gi denike anman?” Qesim wanŋiiga meŋeŋök, “Ni denike anmami, gi miangöreŋ nuataŋgöba kamangö osiman. Nalö kewöŋe osimanmö, könaŋep mia ölop nuataŋgöba kaman.”

³⁷ Meŋeŋniga kewö qesiyök, “Kembu, ni mönö wuanöŋgöra nalö kewöŋe gi guataŋgöba kamangö osimam? Nöŋön mönö malmalni göhöra aka köleŋda mosötmam.”

³⁸ Qesiiga kewö meŋeŋök, “Gi öŋa malmalgi nöŋgöra aka köleŋda mosötmangö jizan me? Keu mi jitkanök jizan. Nöŋön keu ö! töhöŋni kun kewö jibi mötnöŋ: Merak kuruknöŋ qetmamangö dopdowiiga göŋön nalö miangöreŋ qaŋ köl niŋginöŋga indimŋi karöbut akŋa.” Mewö.

14

Jisösnöŋ gwarekurupŋi urukölalep mem enŋiyök.

¹ “Uruŋinan mönö waimanjat kude möta wösöbirik kude aka malme! Mönö Anutu möt narime aka ni mohok möt narim niŋgiba malme! ² Nöŋö Iwinangö miri bohönŋe miri uruŋi sehisehiŋi ahöze. Mi qahö ahöbeak ewö, mönö enŋöra keu kewö jibileŋak: Nöŋön mönö miangöreŋ öŋgöba enŋö dum miri mem möhamgömam.

³ “Nöŋön mutuk anda öŋgöba enŋö dum miriŋini mem möhamgömam-mö, nöŋön miri malmami, iŋini mewöyök nömbuk miangöreŋ mohotŋe malbingö sihimŋi mötzal. Miangöra nöŋön mönö kunbuk liliŋgöba kaba enŋuanŋitpiga euyaŋgöreŋ öŋgöme. ⁴ Nöŋön miri denike anmami, iŋini miangö könaŋi lök möt kutuze.” Mewö.

Iwigöreŋ anangö köna mi Jisös.

* **13:33:** Jon 7.34 * **13:34:** Jon 15.12, 17; 1 Jon 3.23; 2 Jon 5

⁵ Jisösnöñ mewö jiiga gwarek qetñi Tomas yañon kewö jiyök, “O Kambu, gi miri denike anmani, nini mi qahö mötzin. Mianğöra mianğö könañi mi mönö denöwö möt kutubinak?”

⁶ Mi möta kewö jii mörök, “Nöñon Köna akzal. Nöñon Keu ölni aka Malmal köhöikñi akzal. Kunñan Iwigöreñ anğotmamğö möta nöñgöreñ kama ewö, yañon mönö köna miwikñaima. Köna murutñi kun qahö ahöza. ⁷ İñini ni ölna möt kutum niñgibeak ewö, mönö nani İwini mewöñanök möt kutum wañgibeak. İñini nalö kianğöreñök könahiba nöñgö İwini lök eka möt wañgize.”

⁸ Mewö jiiga Filipnöñ kewö jii mörök, “O Kambu, gi İwi kondel neñginöñga neñon i uba ehinga dop köl neñgima.”

⁹ Mi möta Jisösnöñ jii mörök, “O Filip, ni nalö köröp tiñtiñi embuk pöndañ malbigun neka töndup könañi qahö möt kutuzan me? Kunñan ni nek kutuyöhi, yañon mönö İwini mewöyök eka malja. Mianğöra gi mönö denöwögöra İwi kondel neñginöñga ekingöra jizan?”

¹⁰ “Nöñon İwibuk qekötahöba kinbiga İwinöñ nömbuk qekötahöba kinjawi, mi möt narizan me qahö? Keu Buña jibiga mörakzei, nöñon keu mi nani uruneyök qahö memba jimakzal. Qahö! Nup memakzali, mi mewöyök İwi nömbuk qekötahöba kinjawañon nam köl niñgii ölni ahumakza. Mianğöra nup memakzali, mi mönö yañgö nuwa memakzal.

¹¹ “Nöñon İwibuk qekötahöba kinbiga İwinöñ nömbuk qekötahöba kinja. İñini mönö mewö möt narim niñgiget. Keu mi jitnöñ jibi möta qahö möt narim niñgibeak ewö, mi mönö anğöletotni ekzeanğöra aka möt narim niñgime. ¹² Nöñon keu öl töhöñni kun kewö jibi mötket: Denike yeñon ni möt narim niñgizei, yeñon mewöyök ni anğöletot memba malali, miyöhök memakñe. Miyöhök memakñe aka nalö tosatñe nöñon meali, mianğö dopñi oñgita mi memakñe. Nöñon Iwigöreñ öngöba malmamanğöra aka anğöletot öngöñgöñi ketanji megetka asuhume.

¹³ “İwınan nöñgöra aka qetbuñañambuk akñapkö mötzal. Mianğöra aka İñini nöñgö qetne wani yuaigöra köulükömei, nöñon mönö mi akñam. Mewö akigun mianñon İwinanğö qetbuñañi jigetka qarimakñe. ¹⁴ İñini yuai kungöra nöñgö qetne köulüköba qesim niñgime ewö, nöñon mönö mi akñam. ¹⁵ İñini uruñinan jöpaköm niñgimakze ewö, mönö nöñgö jöjöpñ keuni tem köla wuatanağöba malme.” Mewö.

Jisösnöñ Uña Töröñi melaimamğö jim jöhöyök.

¹⁶ “Nöñon İwi köulüköm wañgibiga yañon nam köiput Toñi kun eñgiiga eta nöñgö salupni aka teteköñi qahö embuk mal öngöma. ¹⁷ Nam köiput Toñi mi Uña Töröñi. Yañon keu ölnanğö Toñi akza. Uruñini qahö melenget yeñon i qahö ek kutuba qahö möt wañgize. Mianğöra yeñon i köl öroba möt anğon kölbıngö osimakzemö, Uña yañon lök embuk malja aka könañgep uruñine geba embuk kinma. Mianğöra i kiana qahöpmö, i ölop möt kutum wañgize.

¹⁸ “Nöñon eñğömosötpiga gwani morö ewö qahö aka malme. Ni mönö eñgöreñ lilingöba kamam. ¹⁹ Nalö töröptökñi teköigun gölme ambazip omani yeñon ni kunbuk qahö neka malme. Yeñon qahöpmö, uruñini melenğeri, eñon ni ölop nehakñe. Nöñon köhöiba maljalanağöra İñini mewöñanök guliba köhöiba malme. ²⁰ İwi, nani aka İñini, nini mohok aka maljin. Nöñon İwinambuk qekötahöba kinbiga İñini nömbuk qekötahöba kingetka nöñon embuk qekötahöba kinjal. Mianğö könañi mi Uña Töröñan uruñine gemawanğö nalöñe ölop möt asarime.

21 “Kunjan nani jöjöpañ keuni pakpak möt anğon köla tem kölakzawi, yañon mönö uruñan ni jöpaköm niñgimakza. Kunjan ni jöpaköm niñgiiga nõngö Iwinan mönö i jöpaköm wañgimakza aka nõñon i jöpaköm wañgimakzal. Nõñon i jöpaköba kõnañamni indel wañgibiga möt kutuma.”

22 Jisösnõj mewö jiiga Judas Iskariotkö wakanj Judas yañon kewö jiyök, “Kembu, gi denöwögöra kõnañamgi neñgöreñök indelman aka ambazip uruñini qahö melenjeri, yeñgöra mi köyatim eñgimamgö jizan?”

23 Mewö jiiga kewö melenj wañgiyök, “Kunjan uruñan jöpaköm niñgimakza ewö, yañon mönö nõngö Buña keuni tem köla wuatangöba malma. Mewö maliga Iwinan i jöpaköm wañgiiga Iwi netkõn mönö yañgö uruñe geba pöndañ yambuk mohotje malbin. 24 Kunjan ni uruñan qahö jöpaköm niñgimakza ewö, i mönö nõngö Buña keuni qahö tem köla wuatangöba malma. Keu jibi mörakzei, mi nani Buñaya qahöpmö, Iwi melaim niñgiyöhi, yañon mi niñgiiga jimakzal.

25 “Nõñon keu pakpak mi embuk pöndañ malali, nalö miangöreñ kusum eñgiba malal. 26 Mewö malalmö, Iwinõj Uña Törõji nõngö qetne melaiiga eta nam köiput (aka tinjonjon) Tonjini akña. Yañon keu pakpak kusum eñgiba nõñon qambañ keu pakpak eñgiali, mi ölum eñgubapuköra köl gulim eñgimakña.

27 “Nõñon luai eñgizal. Nane luai sorokni qainji kun mi albi uruñine ahöma. Gölmenõj ambazip yeñon luai qem anğumakzei, nõñon miangö tandök ewö kude qem eñgimakzalmö, mi onğita luai qainji kun eñgimakñam. Miangöra uruñinan mönö wösöbirik kude aka keñgõtñini kude möta malme.

28 “Nõñon keu kewö jibiga mötket, ‘Nõñon eñgömosöta õngöba mala kunbuk eñgöreñ lilingömam.’ Injini uruñinan ni õlña jöpaköm niñgibeak ewö, keu jizali, miangöra õlöp sõñgaibeak. Iwinõj nõngö ketañamni akza. Miangöra ni ‘Iwinangöreñ õngömam,’ jizali, injini mi möta õlöp urusösõngai miwikñaigetka dop kölbowak. 29 Keu döli jibi mötzei, miangö õlñi bian asuhuma. Õlñi asuhumawi, injini nalö miangöreñ mi õlöp mötmöriba möt narime. Miangöra mi nalö kiangöreñ qeljine jibi mötze.

30 “Nalöni törizawañgöra embuk keu gwötpuk kunbuk jimamgö dop qahö mötzal. Bölöñañgö Kembuñan gölme dop galöm köl eñgimakzawi, yañon mönö kamamgö jöjöröza. Yañgö ösumñan mönö luhut qahö al niñgiba kondondongöma. Nõngöreñ kõna mi yañon jim kutumawañgö dop qahö ahöza. 31 Qahö ahözapmö, nõñon Iwi jöpaköm wañgimakzalañgöra yuai pakpak keu jim kutum niñgimakzawañgö dop ahakzal. Gölme ambazipnõj nõngö kõnañamni mewö jim kusum eñgigetka möt asarimegöra mötzal. Miangöra mönö mosöta wahöta kagetka anbin.” Mewö.

15

Jisösnõj wain ip bömöñji, neñon börõji akzin.

1 Jisösnõj gwarek yeñgöra kewö jiyök, “Nõñon wain ip õl sorokñi akiga nõngö Iwinan wain nupkö tonj akza. 2 Nõñon ip ewö qak börönambuk akzal. Ip börõni pakpak õlñini qahö miwikñaiba gilipitñi akzei, Iwinan mi kutum gil eñgima. Ip börõni pakpak nõngöreñ tatketka õlñini ahum sirizei, Iwinan mi mönö köl kõnjörat eñgima. Ahakmemegö õlñi qarim kuwulem sehisehñi miwikñaimegöra mönö mem solanin eñgima.

3 “Injini Buña keu jibi mötketka miangön lõk mem solaniba köl kõnjörat eñgii sarakñi aka malje. 4 Miangöra eñon mönö nõmbuk qekõtahöba

kinme. Mewö kingetka nöñon embuk kinmam. Wain böröñi kunñan ip kemañe qahö tata tala etza ewö, mi mönö nanñi nam köl añguba öñji ahum wangimapkö osima. Mianğö dop inñini mewöñanök nömbuk qahö qekötahöba kinje ewö, mönö nanñinök ahakmemegö öñji öne ahum wangibingö osime.

⁵ “Ni waingö ipñi akiga eñon mianğö böröñi akze. Inñini nömosöta nanñinök kinda yuai kun akingö osime. Mianğöra kunñan nömbuk qekötahöba kiniga nöñon yambuk qekötahöba kinbiga yañon mönö ahakmemegö öñji öñöñi qahö miwikñaiba siriba malma. ⁶ Denike yeñon nömbuk qahö qekötahöba kinje ewö, wain ip toñan mönö i ip böröñi ewö kutum eñgiba gili yaigep anme. Anda soholigetka memba tokoba könöpnöñ gili geba jeme.

⁷ “Yeñon jememö, likepñi inñini mönö nömbuk qekötahöba kinme. Mewö kingetka nöñgö Buña keunan eñgö uruñine qekötahöba kinja ewö, inñini i me wai buña qem añgubingö mötzei, mi mönö Iwi köuluköm wangigetka eñgima. ⁸ Inñini nöñgö gwarekurupni aka kingetka ahakmemeñinañgö öñji öñöñi qahö ahuba eta tatketka malme. Mewö memba malgerañgöra Iwinanğö qetñan mönö aködamunñambuk aka ahöma. ⁹ Iwinan ni jöpaköm niñgiba malöhi, nöñon mönö mianğö dop mohot jöpaköm eñgiba malal. Inñini mönö nöñgö urukalem uruñe kinme. ¹⁰ Nöñon Iwinanğöreñ jöjöpañ keu tem köla mala kota yanğö urukalem uruñe kinjal. Mianğö dop eñon nöñgö jöjöpañ keuni memba tem köla malme ewö, mönö ölop nöñgö urukalem uruñe kingetka jöpaköm eñgiba malmam.

¹¹ “Nöñon uru sösoñgai al eñgibi eñgöreñ kutuiga uruñini kokolak qei ahöiga öñöñi qahö söngaim sehiba malmegöra keu mi jibi mötze. ¹² *Nöñgöreñ Köna keu mi kewö: Nöñon uru jöpaköm eñgiba malali, inñini mönö mianğö dop nanñini jöpaköm añguba malme. ¹³ Kunñan alaurupñi yeñgöra aka nanñi malmalñi tököba mosötmawi, mianñon mönö urukalem öñgöñgöñi ketañi akza. Kunñan mi oñgita jöpaköm eñgimamğö osima. Urukalem tosatñi mi mianğö eretñi.

¹⁴ “Nöñon yuai akñegöra jim kutum eñgimakzali, inñini mianğö dop ahakze ewö, mönö nöñgö alaurupni akze. ¹⁵ Welenqeçegö köñañi kewö: Galömñan nupñi denöwö aka memakzawi, mi welenqeçeñan qahö mörakza. Mianğöra eñgö qetñini ‘Welenqeçeurupni,’ mewö qahö toroqeba eñgoholmam-mö, Iwinanğöreñök Buña keu mörali, mi pakpak mönö eñgöra indelbiga mötze. Mewögöra qetñini ‘Alaurupni,’ mewö eñgoholbiga dop kölja.

¹⁶ “O alaurupni, eñon ni qahö möwölöhöm niñgigetmö, nöñon inñini möwölöhöba kungum eñgibiga kinje. Mianğöra eñon liliköba anda öñji kewö miwikñaiba pöndañ sirigetka ahöahöñi ahi dop kölma: Nöñgö qetni qeta yuai mi me mi mianğöra Iwi köulukömei, mi mönö eñgii buñañini akña. ¹⁷ Inñini mönö sutñine jöpaköm añguba malme. Nöñon jöjöpañ keuni mewö jim kutum eñgizal.” Mewö.

Urumelenğö kopañi yeñon inñini kazik ak eñgime.

¹⁸ “Gölmenöñ uruñini qahö melenget yeñon kazik ak eñgime ewö, mönö keu kewö mi möt kutume: Yeñon mutuk ni mewöñanök kazik ak niñgiba malget. ¹⁹ Inñini urumelenğö kopa kambunöñ malbeak ewö, kambu-urup mienñon mönö nanñini alaurupñini urukalem ak eñgibeak. Mi ak

* 15:12: Jon 13.34; 15.17; 1 Jon 3.23; 2 Jon 5

engibeakmö, nöñön inini möwölöhöba yeñgö arenñöhök engömembiga murutñi aka malje. Yeñgöreñ ahakmeme bölöñi mi andö qeba maljeañgöra aka kazik ak engimakze.

²⁰ **“Nöñön keu kun kewö jibi mötkeri, mi mönö urukönömñine ala mötmörime, ‘Welenqeçenöñ eretñi aiga toñan ketañamñi akza. Gwareknöñ böhiñi ongita öngöñgöñi akñamgö osima.’ Miangö dop tosatñan ni sesewerowero ak niñgiba mala kotket ewö, tosatñi yeñön mönö nöñgö undumurupni inini mewöñanök sesewerowero ak engiba malme. Yeñön nöñgöreñ Buña keu möt anğön köla malget ewö, inini nöñgö keuni jim sehiba malgetka mönö mewöñanök ölop möt anğön köla malme.* ²¹ *Mewö malmemö, ni melaim niñgiyöhi, yeñön i qahö möt wañgize. Miangöra silebile qakñe yuai könañi könañi lañ ak engime, mi mönö nöñgö qetbuñanañgöra aka asuhum engima.*

²² *“Nöñön yeñgöreñ qahö eta Buña keu jibi mötpeak ewö, yeñön mönö köpösihitñinañgö gamuñi qahö möta malbeak. Mewö öne malbeakmö, nalö kewöñe siñgisöndokñini möt teköba köl turubingö osize. Möndö möndö keuñini mönö denöwö miwikñaibeak? ²³ Kunñan ni kazik ak niñgizawi, yañön mönö Iwini mewöñanök kazik ak wañgiza. ²⁴ Anğöletot öngöñgöñi ketañi meali, mi kunñan kun engö sutñine qahö memba malök. Nöñön mi qahö membilenak ewö, yeñön mönö köpösihitñinañgö gamuñi mi qahö möta malbeak. Tönpin malbeakmö, nalö kewöñe nöñön mi membiga ek teköbagun töndup ni aka Iwini mewöñanök öne töhön kazik ak netkiba malje.*

²⁵ **“Mewö ak netkiba malgetka Buña keu kun ölnambuk ahök. Mosesnöñ köna keu engiyöhi, miangöreñ keu mi kewö ohoget ahöza, ‘Yeñön öne töhön lañ kazik ak niñgiba malget.’ Keu mianñön lök ölnambuk ahök.*

²⁶ *Nöñön Iwigöreñ öngöba köiput Tonji melaibiga engöreñ kaba uruñine geba nañgöm engima. Uña Töröñi yañön keu ölnañgö Tonji akza. Yañön Iwigöreñök eta nöñgö könañamni nañgöba jim asarim engiba malma. ²⁷ Yañön mewö malma aka eñön mewöñanök nöñgö könañamni nañgöba jim asariba malme. Nöñön könahiba urugö qenjarök nup memba malali, eñön mönö könakönahineyök nömbuk mala kotket. Miangöra inini mönö mi ölop jim asariba malme. Mewö.*

16

Jisösgö gwarekurupñi bim engöhöi utal engime.

¹ *Jisösnöñ toroqeba kewö jiyök, “Inini tala eta engui janjuñ akepüköra nöñön keu mi qeljiñe jibi mötze. ² Uruñini qahö melenget yeñön mönö köuluk miri kambuñineyök utal engigetka yaigep eta malme. Könañgep nalö kun kam kuñgumawi, miangöreñ inini nöñgöra aka engugetka kömume. Mewö enguba kewö jime, ‘Mewö mianñön Anutugö welenni qeinga Anutugö uruñan ölöwakza.’ Körekñan mewö möt sohoba jime. ³ Yeñön Iwi aka ni netkö könañamniri qahö möt asarimakzeañgöra aka mewö ak engiba malme.*

⁴ *“Mewö tönpin malmemö, nöñön keu mi qeljiñe engöra jibi mötze. Miangöra nalö mi kam kuñgüga keu miangö ölni asuhumawi, inini nalö miangöreñ ölop kewö jime, ‘Kraistnöñ kiangö buzup keuñi lök qeljiñe jii*

mörin.’ Nanak embuk malalanğöra aka keu mi nalö köröpñi ahöiga mutuk qahö jibi möta kotket.” Mewö.

Uña Töröñan nupñi kewö memakza:

⁵ “Nöñön nalö kianğoreñ melaim ningii erali, mönö yangğoreñ öngömangö akzal aigun engğoreñök kunñan kun kewö qahö qesim niñgiza, ‘Gi denike anman?’ ⁶ Keu mewö jizali, enjön mi möta miangğöra wösöbiriknön uruñini kokolak qei malje.

⁷ “Mewö maljemö, töndup nöñön miangğö likepñi keu ölni kun kewö jibi mötket: Nöñön engğomosöta lilingöba öngömami, miangğö ölnan asuhuiga mönö kewö mem ölöwak enggima: Nöñön öngöba köiput Tonji melai biga engğoreñ eta uruñine gema. Nöñön qahö engğomosöta öngöbilenjak ewö, Tonji yañön mönö engğoreñ etmamğö osima.

⁸ “Köiput Tonji yañön eta malmalgö könañi kewö kondel enggiba malma: Gölme dop singisöndokñini indela kondeli Anutunöñ keuñini jim teköiga solanime me uruñini qahö melengetka keuñini jim teköba likepñi melen enggima. Ambazipnön könañamñini mewö eka möt kutume. ⁹ Ni qahö möt narim niñgizeañğöra singisöndokö könañi indel enggiiga möt kutume.

¹⁰ “Anutugö köna solanñi möt sohoba nöñğöra keu lañ jimakze. Miangğöra yañön nöñğö könañamni indela kondel enggiiga kewö möt kutum niñgime: Nöñön solanñi mala Iwinangğoreñ lilingöba öngöbiga ni kunbuk qahö neka malme. ¹¹ Bölöñangğö Kembuñi gölme dop galöm köl enggimakzpmö, Anutunöñ yangğö keuñi lök jim teköyöha könöp siagö Tonji akña. Miangğö dop körek nengğö keunini mewöyök jim teköma.

¹² “Nöñön ölop keu gwötpuk toroqeba jibilenakmö, mi nalö kewöñe jibiga usuñumburan aka köl gulibingö osibepuk. ¹³ Mi osibepukmö, keu ölnangö Tonji, Uña Töröñi yañön eta uruñine geba keu sañep qei mötme. Mi nanñi imbiñangğö dop lañ qahö jiba malmapmö, Anutugöreñ keu kezap ala mötzawi, yañön mönö miyök jimakña aka könañep yuai asuhumawi, mi qeljine indela jima. Miangğöra yañön engğomemba keu ölni pakpak miangğö o angğöñe al enggiiga keu ölnangö köna tiba anme.

¹⁴ “Yañön mönö nane köwenöhök keu memba jim asariba uru kuñgum enggiba malma. Miangğöra mönö nöñğö könani indeliga nöñön qetbuñanambuk ahakñam. ¹⁵ Iwinangğoreñ yuai pakpak ahözawi, mi mönö nöñğö böröne ali ahöza. Miangğöra jizal, ‘Yañön mönö nane köwenöhök keu memba jim asariba uru kuñgum ak enggiba malma.’ Keu mi mewö.”

Wösöbirik malgetka melenñiga urusösöñgai mötme.

¹⁶ “Nalö töröpñi kun teköiga inñini ni kunbuk qahö nekñe. Miangğö andöñe nalö töröpñi kun teköigun mönö asuhum enggibi ölop kunbuk nekñe.”

¹⁷ Mewö jiiga gwarekurupñi yeñğoreñök tosatñan nanñinök kewö eraum mötket, “Keu kewö jiza, ‘Nalö töröpñi kun teköiga inñini ni qahö nekñe. Miangğö andöñe nalö töröpñi kun teköigun mönö asuhum enggibi ölop kunbuk nekñe,’ aka keu kun kewö jiza, ‘Ni Iwinangğoreñ öngömam.’ Mewö jiiga mötzini, keu yahöt miangğö könañi mi denöwö?” ¹⁸ Mewö eraum möta uzohola jiget, “Yañön ‘Nalö töröpñi teköigun,’ jizapmö, keu miangğö könañi denöwö? Mi wuanöngöra jizawi, nini mi qahö möt asarizin.”

¹⁹ Mewö jiba qesim wanğibingö mötketka Jisösnöñ engkek kutuba kewö jii mötket, “Keu kewö jizal, ‘Nalö töröpñi kun teköiga inñini ni qahö nekñe.

Miaṅgö andöṅe nalö töröpṅi kun teköigun mönö asuhum eṅgibi ölop kunbuk nekṅe, Inini mönö keu miaṅgö kōnaṅi jaruba eraum mötze me?

²⁰ “Nōṅön keu öl töhöṅṅi kun kewö jibi mötket: Nōṅön anbiga inini jinṅeṅ köla sahötmemö, uruṅini qahö melenṅet yeṅön laṅ börum memba sösoṅgai aka malme. Inini wösöbirik aka malmemö, wösöbirikṅini mi-aṅön mönö nöṅgöra aka melenṅa sösoṅgai aka malme. ²¹ Ambinöṅ morö memamgö nalöṅi kam kuṅguiga masö qeiga qemjeṅ qakṅe morö mezapmö, morö dölokṅi memba kindi i eka sösoṅgainṅgöra mönö si-himbölöṅi mi ölum qemakza. ²² Miaṅgö dop inini mewöyök nalö kewöṅe wösöbirikpuk maljemö, nöṅön kōnaṅeṅ kunbuk asuhuba eṅgekiga inini ölop urusösoṅgaibuk malme. Urusösoṅgainṅini mi kunṅan kun qahö eṅguanṅitma.

²³ “Nalö miaṅgöreṅ yuai kungöra ni qahö qesim niṅgimemö, köulukṅini Iwigöreṅ algetka diṅṅinanök ani amṅei malme. Nōṅön keu öl töhöṅṅi kun kewö jibi mötket: Inini nöṅgö qetnöṅ yuai kungöra Iwi köuluköm waṅgime ewö, yaṅön mi mönö tököm eṅgima. ²⁴ Nömbuk mala kageri, inini nalö miaṅgöreṅ yuai kungöra nöṅgö qetne qahö köuluköba malget. Mönö Iwi köuluköba malme. Köulukögetka ölop melenṅ eṅgima. Mi eṅgiiga sösoṅgainṅinan asuhum sehiba uruṅini kokolak qem teköi malme.” Mewö.

Jisösnöṅ gölmegö ahakmeme bölöṅi mi luhut alakza.

²⁵ “Keu jibi möta kamakzei, mi keu sainṅambuk jibi möta malget. Kōnaṅeṅ nalö kun kam kuṅgumawi, miaṅgöreṅ keu sainṅi mi kunbuk qahö qeba jibi mötme. Qahöpmö, Iwinanṅö kōnaṅi mi aukṅe jim asariba malmam. ²⁶ Nalö miaṅgöreṅ inini nöṅgö qetni qeta Iwi köuluköba malme. Miaṅgö kōnaṅi kewö: Inini köulukṅini Iwigöreṅ albingöra nöṅgöreṅ kunbuk qahö kamakṅemö, nanṅinak Iwigöreṅ diṅṅi köuluköba malme. Nōṅön eṅgö jit memba Iwigö qahö köulukömam.

²⁷ “Iwinöṅ nanṅak uruṅan jöpaköm eṅgiba köulukṅini kewögöra möta malma: Nōṅön Anutugöreṅök erali, inini nöṅgö kōnani mewö möt nariba pōndaṅ uruṅinan jöpaköm niṅgiba mala kotketka kōna mewö ahuiga köulukṅini möta malma. ²⁸ Nōṅön Iwi mosöta gölmenöṅ eta mala gölme mosöta kunbuk lilingöba Iwinanṅöreṅ öṅgömam.”

²⁹ Mewö juiga gwarekurupṅan jiget, “Mötnöṅ, keu dölkṅi jizani, mi sainṅi qahö qeba jizan. Mi mönö aukṅeyök jinöṅga ölop möt asarizin. ³⁰ Nini merak kōnaṅamgi kewö möt yaközin: Göṅön mönö nanganök yuai pakpak möt tekönöṅga kunṅan kun qesiba kusum gihimapköra qahö osizan. Miaṅgöra gi Anutugöreṅök etnöṅi, nini mi ölop möt narizin.”

³¹ Mewö jigetka Jisösnöṅ melenṅa jiyök, “Merak ölop möt narim niṅgizemö, ³² mötket, nalö tandökṅi kun kama aka mianṅön lök mesohol köla naṅgunöṅ kinja. Nalö mianṅön kam kuṅguiga eṅön keṅgötṅini möta nömosöta denṅeṅda simbisembel aketka nanök malmam. Tōndup nanöhök töhöṅ qahö malmam-mö, Iwinan nömbuk malma. Iwinöṅ nömbuk malmawaṅgöra aka nanöhök töhöṅ qahö malmam. ³³ Eṅön toroqeba gölmenöṅ mala kahasililinṅ qakṅe möta malmemö, nömbuk qekötahöba luainöṅ malmegöra möta keu qöndökṅi ki jibi mötze. Keuyök qahö jizalmö, nöṅön gölmegö ahakmeme bölöṅi mi lök luhut ala wahi-jambanṅi kusum teköbiga erök. Miaṅgöra mönö ewebibinṅambuk köhöiba saitingit malme.” Mewö.

17

Jisösnöy nanñanğöra Iwi köuluköyök.

¹⁻² Jisösnöy keu mewö jim teköba Suepnöy göröken ui öngöiga kewö köuluköyök, “Iwini, göñön gölme dop ambazip pakpak Nahöngi nöngö bapne al enğinönga kukösum qakñe Kembu ak enğizal. Ambazipnöy Nahöngi nöngö keuni ölop qahö andö qeba onğita malme. Göñön ambazip sutñineyök tosatñi meköba nöngö böröne al enğiba kewö jim kutum niñginöy, ‘Gi mönö i körek kusum enğinönga malmal köhöikñi miwikñaba malme.’ Nup mi mem teköbiga Nahöngan qetbuñagi mem qarimapköra mönö aködamungi niñginöy. Nöngö nalöni mi dölki kam kuñguiga kinda mewö köuluközal.

³ “Malmal köhöikñanğö könani mi kewö: Göñön mohot Anutu ölni akzan aka azi Jisös Kraist ni melaim niñginönga erali, ambazipnöy netkö könanamniri mewö möt kutume. Malmal kömbönanı mewö miwikñaima. ⁴ Nup al niñgiba ‘Meman,’ jiba jim kutum niñginöni, nöñön mi tem köla memba mala meköyal. Aködamungabuk mala qetbuñagi gölmenöy indel sehibiga aködamunñambuk ahök.

⁵ “O Iwi, nöñön gölme qahö asuhuiga Suep mire miangörey göhö qöhörönge asakmararañbuk asariba malal. Asakmararañ miyöhök mönö dölki kunbuk al niñginönga asuhum kutum niñgiiga kunbuk göhö qöhörönge asakmararañbuk asariba malmam.” Mewö.

Jisösnöy gwarekurupñi yeñğöra aka köuluköyök.

⁶ “O Iwini, göñön gölme ambazip tosatñi kewöta nöngö böröne al enğinöni, nöñön göhö qetbuñagi mi yeñğöra indela kondela malal. Yeñön göhö buñaya aketka göñön i nöngö böröne al enğinönga yeñön göhö Buña keugi mi möt anğön köla malje. ⁷ Göñön yuai niñginönga mi pakpak göhöreyök kamakzawi, yeñön mi nalö kewöñe lök möt kutuze. ⁸ Göñön keu Buña niñginöni, nöñön mi gwarekurupni kusum enğibiga möt anğön köla malje. Ni gömosöta gölmenöy erali, yeñön mi ölna möt yaköze. Göñön melaim niñginönga asuhuyali, yeñön mi mewöyök möt narize.

⁹ “Ni yeñğöra aka köuluköm gihizal. Urumelenğö kopa ambazip yeñğöra qahö köuluközalmö, könagesö nöngö böröne al enğinönga uruñini melenđa göhö buñaya akzei, mönö yeñğöra aka köuluköm gihizal. ¹⁰ Ambazip pakpak nöngö buña akzei, yeñön mönö göhö buñaya akze aka ambazip göhö buñaya akzei, yeñön mönö nöngö buña mewöyök akze. Nani aködamuni al enğibiga miangö qakñe kinda ahakmemenini aketka nöngö qetbuñanan qarim sehimakña. ¹¹ Ni gölmenöy malmalni teköiga göhörey kotmamgö akzalmö, yeñön toroqeba gölmenöy malme. O Iwi Töröni, göñön qetki niñginönga miangö ösumñan mönö sel jöhöm enğinönga qahö julme. Netköni mohot aka maljiri, yeñön miangö dop mohot aka malmegöra köuluközal.

¹² * “Nöñön yembuk gölmenöy mala koralı, nalö miangörey qetbuñagi niñginönga miangön sel jöhöm enğiba malal. Buña Kimbigö keu kunöy ölnambuk akñapköra azi mohok-kunñan sohoba könöp siagö buñaya aka sihibölö möta malma. Nöñön galöm köi enğialanğöra yeñğöreyök tosatñan qahö janjuñ aka sohoget. ¹³ Tosatñan qahö sohogetmö, nöñön dölki gölmenöy mala göhörey kamamgöra kaba keu ki jizal: Nöngö uru sösongainan mönö yeñğörey kutui megetka uruñini kokolak qeiga söñgaiba

* 17:12: Sum 41.9; Jon 13.18

malme. Mewö asuhumapköra köuluközal. ¹⁴ Nöñön göhö Buña keugi kusum engbiga möta malje. Nöñön gölmegö ahakmeme bölöñi mi qahö wuatangömakzali, yeñön mönö mewöyök mi qahö wuatangöba andö qemakze. Miangöra gölmenöñ uruñini qahö melenget yeñön mönö kazik ak engimakze.

¹⁵ “Nöñön gölmenöhök enguanñit mangöra qahö qesim gihizalmö, Bölöñi Tonangörenök angön köla sel jöhöm engiba malmangöra köuluközal. ¹⁶ Nöñön gölmegö ahakmeme bölöñi andö qeba mi qahö wuatangöbiga yeñön mewöyök mi andö qeba qahö wuatangömakze. ¹⁷ Keu ölni mianñön mönö mem sarahim engiba malman. Göhö Buña keugan mönö keu öl töhöññi akza. ¹⁸ Göñön melaim ninginöñga gölme ambazip sutñine anda nup memba malali, nöñön mewöñanök i melaim engibiga gölme ambazip yeñgö sutñine denja anme. ¹⁹ O Iwini, yeñön keu ölnangö dop malmalñini körek tököm gihimegöra aka bauköm engiba nani malmalni jömuk tököm gihizal.” Mewö.

Jisösnöñ mötnariñ ambazip pakpak neñgöra köuluköyök.

²⁰ “O Iwini, nöñön gwarekurupni yeñgörök aka qahö köuluközalmö, Buña keu jim sehigetka ambazip möt narim ningime, mönö yeñgöra aka mewöyök köuluközal. ²¹ Iwi göñön nömbuk qekötahöba kinöñga nöñön mewöyök göbuk qekötahöba kinjal. Miangö dop yeñön mewöyök netpuk qekötahöba kinmegöra mötzal. Nangak melaim ninginöñga erali, gölme ambazipnöñ mi möt narimegöra aka yeñön körek pakpak mohot aka malmegöra köuluközal. ²² Naniri mohot aka maljiri, yeñön mewöñanök mohot aka malmegöra aka aködamungi al ninginöñi, nöñön mi yeñgöra al enñial.

²³ “Nöñön yembuk qekötahöba kinbiga göñön nömbuk qekötahöba kinjan. Miangö dop yeñön keuñini jöhöm teköba mohot aka malmegöra köuluközal. Mohot aka kingetka gölme ambazipnöñ könarjamni kewö möt asarime: Göñön melaim ninginöñ etpiga jöpaköm ningiba malnöñi, miangö dop i mewöyök jöpaköm engiba malnöñ.

²⁴ “O Iwini, göñön gölme qahö miwikñainöñi, qelñine nalö miangören lök urugan jöpaköm ningiba asakmararan al ninginöñga mala koral. Könangep alaurup ninginöñi, nöñön yeñön mewöyök asakmararan mi ekñegöra mötzal. Miangöra nöñön miri malmami, yeñön miangören nömbuk mohotje malbingö sihimñi mötzal.

²⁵ “O Iwi solanñi, gölme ambazip uruñini qahö melenñeri, yeñön gi qahö möt kutum gihiba mala kotketmö, nöñön gi ölöñanök möt kutum gihizal. Nangak melaim ninginöñi, nöñgö urumelen alaurupnan mi lök möt yaköze. ²⁶ Nöñön göhö qetki mi jim tuarim engibiga möta malget. Göñön urugan jöpaköm ningiba malnöñi, urukalem mianñön uruñine ahöi mötketka nöñön yembuk qekötahöba kinbi malmegöra mönö toroqeba qetki jim tuarim engiba malmam.” Mewö.

18

Jisös memba jöhöget.

Mat 26.47-56; Mak 14.43-50; Luk 22.47-53

¹ Jisösnöñ keu mi jim teköba gwarekurupñi engömeiga siti mosöta geba o qetñi Kidron kutuba likepñe angota arö kun ahöyöhi, miangören anget. ² Jisös aka yangö gwarekurupñi yeñön qösösök miangören tokoba malget.

Miaŋgöra Judas mamalolo mem waŋgimamgö ahöhi, yaŋön mewöyök arö mi ölop mörök.

³ Jike nup galöm aka Farisi (Köna keugö kapaŋkölköl) yeŋön jöwöwöl jikegö kiripo galöm (sikiriti) tosatŋi melaim enġigetka Judasnöŋ i aka gawmangö yarö azi kambu kun enġömeiga mohotŋe kaget. Yeŋön kiwa lambe aka timbi liŋgiŋini memba bisiba arönöŋ kaget. ⁴ Kagetka Jisösnöŋ yuai pakpak mewö asuhum waŋgimawi, mi lök möröhaŋgöra aka wahöta aukŋe kaba kewö qesim enġiyök, “Inini dagöra jaruze?”

⁵ Qesim enġiiga kewö melenġet, “Nini Jisös Nazaret tonji mia jaruzin.” Melenġetka kewö jiyök, “Mia nöŋön.” Judas mamalolo meme azi yaŋön mewöyök yembuk kinök.

⁶ “Mia nöŋön,” Jisösnöŋ keu mewö jüiga möta andöandö anda gölmenöŋ tala eta enġuyök. ⁷ Mewö aketka kunbuk qesim enġiyök, “Inini mönö dagöra jaruze?” Qesim enġiiga jiget, “Jisös Nazaret tonji ia jaruzin.”

⁸ Jigetka melenök, “Mia nöŋön, mi lök jibi mötze. Inini nia jarum niŋgize ewö, mönö azi ki ölop enġömosötketka öne anme.” ⁹ Mutuk köuluköba gwarekurupŋi yeŋgöra keu kun kewö jii mötket, “Ambazip nöŋö böröne al enġinöŋga maljei, nöŋön mi köyan köl enġiba malbiga yeŋgöreŋök kunöŋ kun qahö sohoba ayuhuyök.” Keu mianön ölnambuk akŋapaköra Jisösnöŋ jitŋememe yeŋgöra keu mewö jiyök.

¹⁰ Mewö jüiga Saimon Pitönöŋ bimgö sou ketanji memba malöhi, yaŋön mi kupinŋeyök öröba jike nup galöm bohonnaŋgö welen aziŋi qeba kezapŋi ölnje göröken köteköi erök. Welenqeŋe azi mi qetŋi Malkus. ¹¹ *Mewö asuhuiga Jisösnöŋ Pitö kewö jim kutum waŋgiyök, “Gi bimgö sou ketanji mi mönö kunbuk alnöŋga kupinŋe geyök. Iwinan sihimbölögö qambi o qölnambuk nöŋgö buŋaya qeyöhi, mi ölop möta mökösoŋda mesohol kölmam.” Mewö.

Jisös waŋgitketka Anasgö jeŋe kinök.

¹² Suahö galömŋinan jüiga yarö azi kambu aka Juda yeŋgö naŋgu galöm (sikiriti) yeŋön Jisös memba jöhöget. ¹³ Jöhöba waŋgita mutuk jike nup galöm qetŋi Anas yaŋgö mire anget. Anasgö qinŋiŋi qetŋi Kaiafas yaŋön jike nup galöm bohonnaŋi aka yambu (yara) miaŋgöreŋ nup mi memba malök. ¹⁴ *Kaiafasnöŋ mutuk Juda ambazip yeŋgöra qambaŋ keu kewö jiyök, “Ambazip kambu jömuk ayuhum teköbinbuköra azi mohotŋan neŋgöra aka kömuiga dop kölma.” Mewö.

Pitönöŋ Jisös könahiba qaŋ kölök.

Mat 26.69-70; Mak 14.66-68; Luk 22.55-57

¹⁵ Jisös memba angetka Saimon Pitö aka gwarek alaŋi kun yetkön andöŋine anohot. Anohotka alaŋi mianön jike nup galöm bohonnaŋi möt waŋgiyöhaŋgöra aka ölop amqeba Jisös wuatangöba jakömbuak miri sel uruŋe geyök.

¹⁶ Yaŋön geyökmö, Pitönöŋ sel yaigepŋe naŋgunöŋ kinök. Mewö kiniga gwarek alaŋi jike nup galöm bohonnaŋi möt waŋgiyöhi, yaŋön yaigepŋe geba naŋgu galöm ambi yambuk keu jii möta naŋgu öröiga Pitö waŋgita sel uruŋe geyohot. ¹⁷ Gebitkö ahoŋi, miaŋgöreŋ welenqeŋe ambi sel naŋguni galöm kölöhi, yaŋön Pitö eka kewö qesim waŋgiyök, “Gi ölna mewöyök azi miaŋgö gwarek yeŋgöreŋök kun akzan me?” Mewö qesim waŋgii möta “Ni qahö!” jiyök.

* 18:11: Mat 26.39; Mak 14.36; Luk 22.42 * 18:14: Jon 11.49-50

18 Welen azi aka nanğu galöm (sikiriti) yeñon amötņanğöra aka könöp jeba ururunğöba ahöiga jömöta kinget. Mewö kingetka Pitönöñ mewöyök yeñğö sutņine anda könöp jömöta kinök. Mewö.

Jike nup galöm bohonņan Jisös qeqesi al waņgiyök.

Mat 26.59-66; Mak 14.55-64; Luk 22.66-71

19 Jike nup galöm bohonņi Anas yañon Jisösgö qeqesi al waņgiba kewö jiyök, “Gi ambazip denöwö kusum eņgiba gwarekurupki ninji ninji eņğömemba maljan?”

20 Mewö jiiga kewö melen waņgiyök, “Ni nalö dop aukņe ambazipņi ambazipņi kusum eņgiba malal. Juda könagesö pakpak neñon jöwöwöl jikenöñ öņğöba köuluk mirininanğö dop tokomakzini, ni mönö mianğöreñ kinda kusum eņgiba malal. Buņa keu tölapņi kun qahö jial. 21 Nöñon keu denöwö ambazip kusum eņgiba malali, wuanöñğöra ni mewö qesim niņgizan? Nöñon keu jibiga ambazip möta malgeri, yeñon mönö keu-nanğö kötnji möt teköze. Mianğöra i qesim eņginöñga dop kölma.”

22 Mewö melen waņgiyökmö, jikegö kiripo galöm (sikiriti) kunöñ kösutņe kinda Jisös nunğulumņe qekötahöba jiyök, “Jike nup galöm bohonņan qesim gihiiga gi keu silik mewöñi mönö wuanöñğöra melen waņgizan? Gödaqegegi qahö.”

23 Mewö jiiga kewö melen waņgiyök, “Keu bölöña jibileņak, mi mönö indelnöñga dop kölmapmö, keu ölnji jizal ewö, mönö wuanöñğöra ni öne nunğuzan?”

24 Mewö melen waņgiiga Anasnöñ Jisös melaiba jiiga tapepņi (munğamanğga) tok böröñe tariga waņgita jike nup galöm bohonņi Kaiafas yaņğöreñ anget. Mewö.

Pitönöñ Jisös qaņ köliga yahöt karöbut ahök.

Mat 26.71-75; Mak 14.69-72; Luk 22.58-62

25 Saimon Pitönöñ könöp jömöta kiniga tosatņan qesiba kewö jiget, “Gi ölnja mewöyök yaņğö gwarekurupņi yeñğöreñök kun akzan me qahö?” Mewö jigetka qaņ köla “Ni qahö,” jiyök.

26 Pitönöñ jike nup galöm bohonņanğö welen aziñi qeba kezapņi qeköi eröhi, yaņğö tinitosolomņi welenqege alaņi kunöñ mi möta qesiba jiyök, “O gi mönö arönöñ yambuk mohokņe malohotka gekzal me denöwö?”

27 Mewö jiiga Pitönöñ kunbuk qaņ köliga nalö mianğöreñök kuruknöñ könahiba qeriga mörök. Mewö.

Jisösnöñ premiö Pailötkö jeņe kinök.

Mat 27.1-2, 11-14; Mak 15.1-5; Luk 23.1-5

28 Miri gianğiiga söñanök Jisös Kaiafasgö mirinöhök waņgita eta Rom premiögö jakömbuak mire anget. Juda yeñon urunini tölöhoba kölköljijñjñj akinbuköra waimanjat möta kewö jiget, * “Ak-kömukömu kendongö lama nembangö osibinbuk.” Mewö jiba möt lömböriba premiögö jakömbuak miri uruņe qahö öņğöget. 29 Mianğöra premiö Pailötnöñ yaigep eta eņgeka kewö qesim eņgiyök, “Azi kianöñ mönö wani pinjit aiga keu jim waņgiba waņgita kaze?”

* **18:28:** Rom gawman yeñğöra Juda yeñon kewö möt nariget: Nini Rom yeñğö jakömbuak mire öņğöingia urunini tölöhoi ösumnini eri kölköljijñjñjinambuk aka ak-kömukömu kendongö lama töröñi nembangö osibin. Mianğöra sombemnöñ yaigep malget.

³⁰ Qesim enğiiga melenget, “Azi mianjon kegwek me bölöni meme azi kun qahö akawak ewö, neñon mönö öne töhön i wanğita göhö böröge qahö albinak.”

³¹ Mewö melengetka Pailötnöñ jii mötket, “Injini mönö nanñinak keu jakenine al wanğiba Köna keuninangö dop kewöta keuñi jim teköme.” Mewö jii möta jiget, “Neñon azi kun kömumapkö keuñi jim teköbingö songo ahöi osizin.” ³² *Juda yeñon mewö jigetka Jisös nanñak kömup denöwöñi kömumawi, keu mi indela jiiga mewö mianjon ölnambuk ahök.

³³ Pailötnöñ Juda yeñgö keuñini möta kunbuk jakömbuak miri uruñe öngöba Jisös oholi kaiga kewö qesim wanğiyök, “Gi Juda engöreñ kiñ kembuñina akzan me qahö?”

³⁴ Mewö qesim wanğiiga melenđa kewö qesiyök, “Keu mi mönö nangi urugeyök jizan me tosatñan nöñgöra keu mewö jiba jitke algetka jizan?”

³⁵ Mewö qesiiga Pailötnöñ melenñök, “Ye! Ni mönö Juda azia aka Juda engö keuñini nanğömakzal me? Qahöpmahöp! Ni Rom premiö malbiga nangi ambazip kambu-urupki aka jike nup galöm yeñon mönö goangita nöngö böröne al gihize. Göñon mönö wanat yuai aknöñ?”

³⁶ Mewö melenñiga jiyök, “Nöñgö kiñtohoñni miangö könanji mi gölme kianğöreñ qahö ahöza. Nöñon gölmegö kiñtohoñ kungö kiñ kembuya akilenjak ewö, nöñgö sunğurumurupnan mönö ölop wahöta nöñgöra aka suahö akeak. Suahö aka nöñon Juda jitñememe yeñgö böröñine gebilenbuköra kapan köla bim qegetka nömembingö osibeak. Mi osibeakmö, nöñgö kiñ tohoñnanğö könanji mi miri kungen ahöza. Ni gölme azi kembuya qahö akzal.”

³⁷ Keu mi jiiga Jisös kewö qesim wanğiyök, “Gi töndup kiñ kembu qainñi kun akzani, mi ölna me qahö?” Mewö qesim wanğii melenñök, “Ni kiñ kembu qainñi kun akzali, mi nangak jizan. Nöñon keu ölni nanğöba jim tuarimangöra aka gölmenöñ eta asuhuyal. Körek yeñon keu ölnanğö likepñe maljei, yeñon mönö nöñgö keuni kezap ala mörakze.”

Jisös kömumapkö jim teköget.

Mat 27.15-31; Mak 15.6-20; Luk 23.13-25

³⁸ Mewö melenñiga Pailötnöñ mepaqepaik aka qesiyök, “Keu ölni mi mönö wania kun?” Mewö qesiba kunbuk Juda yeñgöreñ geba söndaknöñ kinda kewö jii mötket, “Nöñon azi miangö pinjitñi jaruba kun qahö miwikñajal.” ³⁹ “Kun qahö miwikñajalmö, ahakmemeni kun kewö ahöi mötze: Yambu (yara) dop ak-kömükömu kendon nalöñe kösö mireyök azi mohot engöra pösatpi erakza, mi mötze. Miangöra Juda engö kiñ kembuñini ölop engöra pösatpi etpawak me qahö? Miangöra injini sihimñinan denöwö mötze?”

⁴⁰ Mewö jii möta melenđa kewö qetket, “Qahö, i qahöpmö, Barabas pösatnöñga neñgöreñ etma!” Mewö qetketmö, Barabas yanjon kegwek azia aka bim karim kun megeri, miangö bohoñni ahök. Mewö.

19

Pailötnöñ Jisös maripomnöñ kömumapkö jim teköyök.

¹ Silata qetketka Pailötnöñ Jisös wanğita anda jiiga yarö azi yeñon ihilek wahinambuknöñ tauköba qeget. ² Yarö azi yeñon tauköba mepaqepaik kewö ak wanğiget: Yeñon Jisös qeba kösö wahinambuk memba köpeiba ila möhamgöba nööröñje kölget geiga maluku pisikñi gugakgugakñambuk

* 18:32: Jon 3.14; 12.32

mi köl wanġigetka geyök. ³ Mewö aka kösutnje arengöba kinda jiget, “Owe owe! Juda engö Kiñ Kembunġini, owe!” Mewö jiba nuñġulumnje gwötpuk qekötahöget.

⁴ Mewö mepaqepaik ak wanġigetka Pailötnöñ kunbuk yaigepnje geba kewö jii mötket, “Mötket! Nöñön azi mi kewöta pinjitni kun qahö mi-wikñaizal. Mianġöra i kunbuk wanġitpiga engö jeñine eriga könañi mewö möt kutuba ekne.” ⁵ Mewö jii mötketka Jisösnöñ eta söndaknje kini kewö eket: Tosatñan kösö wahibuknöñ ila köpeiba nöropnje köla maluku pisikni gugakgugakpuk köl wanġigetka kiniga Pailötnöñ jii kewö mötket, “Azi ölni ki eket!”

⁶ Mewö jii mötketka jike nup galöm aka nañgu galöm (sikiriti) yeñön i eka keu wölwölbuk qeta jiget, “Maripomnöñ qeget kömuma. Maripomnöñ qeget kömuma.” Mewö jigetka Pailötnöñ jitñine memba kewö jii mötket, “Nöñön pinjitni kun qahö miwikñaizal. Mianġöra inġini mönö nanñinök i memba maripomnöñ qeget kömumbawak.”

⁷ Juda jitñememe yeñön keu mi möta kapañ köla kewö jiget, “Nengören Köna keu ahöza. Keu mianġö dop kewöringa kömumawanġö dop akza. Nanñi memba öngöba ‘Anutugö nahönñi akzal,’ jimakza. Mianġöra mönö kömupkö buñaya aiga dop kölma.”

⁸ Mewö kapañ köla jigetka Pailötnöñ möta böññi wahöriġa jönömñi undui keñgötñi mörök. ⁹ Mewö möta Jisös wanġita kunbuk jakömbuak miri uruñe öngöba kewö qesim wanġiyök, “Gi denikegöra?” Qesim wanġiyökmö, yañön kitipñi kun qahö melenġa keu böc kinök. ¹⁰ Keu böc kiniga kewö jii mörök, “Gi nöñgöra keu kitipñi kun melenman me qahö? Nöñön jim teköbiga pösat gihime me maripomnöñ guhugetka kömuman. Mianġö kukösumñi mi nöñgören ahöza. Mianġö könañi mötzan me qahö?”

¹¹ Mewö jii möta kewö melen wanġiyök, “Kunöñ euyangörenök kukösum qahö al gihiyök ewö, gi mönö azi omani mala yuai ak niñġimangö os-ibanak. Mianġöra azi kun danön ni göhö böroge al niñġizawi, yanġö siñġisöndokñan mönö göhören pinjit onġita ketani akza.”

¹² Mewö melen wanġiyöhanġöra aka Pailötnöñ Jisös pösari etmapkö kapañ kölöc. Mewö kapañ kölöcmö, Juda yeñön qet gigilahöba kewö jiget, “Pösatnöñġa etma ewö, mönö sisa kiñgö alañi qahö toroqeba aka malman. Kunöñ nanñanġö möri öngöiġa ‘Kiñ kembuya akzal’ jizawi, yañön mönö sisa kiñ tuarenjoñ ak wanġiza.”

¹³ Mewö jigetka keu mi möta jim kutuiga Jisös wanġita yaigep etket. Etketka premiö Pailötnöñ jake kun kötnöñ ala tömbulget ahöyöhi, mianġören öngöba keu jimtekötekögö dum tatatnje eta tarök. Jake mianġö qetñi Hibru keunöñ Gabata jimalget. Mi nanine keunöñ Jake Kötnöñ mem tömbultömbulñi. ¹⁴ Eta taröhi, Juda ambazipnöñ wehön mianġören ak-kömukömu kendon tatpingöra jöjöröget. Wehön mi aiga silim bibiñi dopdowiġa Pailötnöñ dum tatatnje tata Juda yeñgöra kewö jii mötket, “Eket, engö kiñ kembunġini ki!”

¹⁵ Mewö jii möta qet gigilahöget, “Yapmakek! Yapmakek! Maripomnöñ qeget kömumal!” Qet gigilahögetka kewö jiyök, “Engö kiñ kembunjanġö keuñi jim teköbiga maripomnöñ öngömapköra jize me?” Mewö jiġa jike nup galöm yeñön melenġa jiget, “Sisa kiñnöñ mohok kiñ kembunina akza. Nengören kiñ kembu murutñi kun qahö ahöza!”

16 Mewö melenja jigetka Pailötnöŋ Jisösgö keunji jim teköba maripomnöŋ qeget kömumapköra böröŋine alök. Böröŋine aliga yarö azi yeŋön Jisös memba galöm kölget.

Jisös maripomnöŋ qeget.

Mat 27.32-44; Mak 15.21-32; Luk 23.26-43

17 Galöm kölgetka nanŋi maripomŋi nanŋak aŋguba siti kutuba yaigep geba gölme kun qetŋi Nöröpsihit qerakzema, miangöreŋ anget. Nöröpsihit qet mi Hibru keunöŋ Golgota qerakze. 18 Miangöreŋ anda maripomnöŋ qeget aka yambuk azi yahöt likeplikep mohotŋe etkuba Jisös sutŋire algetka kinget.

19 Mewö qegetka Pailötnöŋ kulem ohoba jiiga maripomnöŋ Jisösgö nöröpŋe göröken eu ala qeget. Kulem mi kewö ohoi kinök, “Jisös Nazaret toŋi, Juda yeŋgö kiŋ kembuŋina ki.” 20 Jisös maripomnöŋ qegeri, gölme mi siti kösutŋe ahöyök aka kulem mi keu karöbut, Hibru, Latin aka Grik keu miangön ohoget kinök. Miangöra Juda ambazip gwötpukŋan onŋgita anda kaba eu uba kulem mi oyonget. 21 Mewö ohoiga Juda yeŋgö jike nup galöm yeŋön Pailöt kewö jiget mörök, “Juda yeŋgö kiŋ kembuŋina ki,’ mewö kude ohomanmö, kewö ohoman, ‘Nanŋangöra Juda kiŋ kembunina akzal, jiyök.’”

22 Mi möta Pailötnöŋ keu kewö melenök, “Keu lök ohozalaŋgöra mi mönö mewö ahöma.”

23 Yarö azi yeŋön Jisös maripomnöŋ qebagun opo silepöke öröyuainji memba azi 4 sutŋine mendenja 4 aiga totonine meget. Mewö megetka malukuŋi ahöi megetmö, mi kewögöra ölöp qahö mendenget: Mi körekŋanök opo johanni mohotŋan memena. Opo kitipŋi kitipŋi qahö mindiriba euyök lilikilik uhum megetka emu gegenji ahöyök. Miangöra mi bölibapuköra mendenbingö osiget. 24 *Osiba eraum möta kewö jiget, “Mi mitiŋga qahö dop kölma. Miangöra ölöp miangö unji qeŋga toŋi ahuma.” Mewö jiba unji qegetka Buŋa keu kun öljambuk ahök. Keu mi kewö ohoget ahöza,

“Yeŋön opo silepökoni memba sutŋine mendenja totonine memba malukunangö unji mönahot algetka kunöŋ luhut alma.”

Yarö azi yeŋön keu miangö dop aket.

25 Jisös maripomnöŋ qeget kiniga ambi kewöŋan könaŋe kinget: Jisösgö nam nasöŋi aka Klopas anömŋi qetŋi Maria aka Magdalagö ambi qetŋi Maria. 26 Jisösnöŋ namŋi aka wölböt gwarekŋi kösutŋe kinohotka etkeka namŋangöra kewö jiyök, “Namni, mönö nahöŋgi ki eka tönjonögöba malman.”

27 Mewö jiba gwarek mi kewö jii mörök, “Mönö namgi ki eka tönjonögöba malman.” Mewö jii möta Jisösgö namŋi nalö miangöreŋök wanŋiriga miriŋe anda mohotŋe malohot. Mewö.

Jisösnöŋ maripomnöŋ kindä kömuyök.

Mat 27.45-56; Mak 15.33-41; Luk 23.44-49

28 *Jisösnöŋ nupŋi pakpak mem teköyöhi, mi möta miangöreŋ Buŋa Kimbigö keu kunöŋ öljambuk akŋapköra kewö jiyök, “Ni ogöra ak niŋgiza.”

29 Miangöreŋ qem nene kun wain o asöljambuk miangön kokolak qeba tarök. Mi tariga köwet mömöndö kun kahali tandök mi memba wain onöŋ kundumgöba soŋgorep suŋe qesamböta meget öŋgöiga numbuŋe alget.

* 19:24: Sum 22.18 * 19:28: Sum 69.21; 22.15

³⁰ Algetka wain o asölḡambuk mi nempa jiyök, “Mönö teköza.” Mewö jiba malmalḡi mosötmamgöra nöörḡḡi wambelahöi eri imutḡi koriga nöḡ qeyök. Mewö.

Jisösgö marömḡi liḡḡipnöḡ utohoget.

³¹ Jisösnöḡ nöḡ qeiga Juda ambazipnöḡ silim miangöreḡ ak-kömukömu kendon tatpingöra jöjöröget. Ak-kömukömu Sabat kendon mi kendon nalö ketanḡi ahök. Miangöra Juda jitḡememe yeḡön waimanḡat möta kewö jiget, “Qamöt mienön Sabat kendon nalöḡe maripomnöḡ kingetka qahö dop kölja.” Mewö jiba premiö Pailötköreḡ anda kewö qesim waḡḡiget, “Gi ölop jinöḡga anda maripomnöḡ engugeri, yeḡö töwat sihitḡini kusug-etka qamötḡini meköin etme?” ³² Qesim waḡḡigetka jim teköiga yarö azinöḡ kaḡgotket. Kaḡgota Jisösbuk maripomnöḡ etkugeri, mi zilḡ kömumahotköra mutuk yetköreḡök kungö töwat sihitḡi kusuba likep anda kungöreḡ mewöḡanök aket.

³³ Mewö aketmö, Jisösgöreḡ kaḡgota eketka lök kömuyök. Mewö eka sihitḡi qahö kusuget. ³⁴ Qahö kusugetmö, yarö azi yeḡögöreḡök kunḡan liḡḡip memba marömḡi umburatiiga miangögöreḡök sep aka o erök.

³⁵ Mewö aketka kunöḡ yuai mi jeḡan ehöhi, yaḡön mi naḡgöba jiba ki ohoi ahöi dölkḡi oyonje. Keu naḡgöba jiba ohoi ahözawi, mi mönö keu öḡḡa akza. Inḡini mewöyök mi möt narimegöra möta keu öḡḡa jizawaḡö dop mötza. ³⁶ *Yuai mi asuhuyöhi, mi Buḡa Kimbigö keu kunöḡ öḡḡambuk akḡapköra asuhuyök. Keu mi kewö, “Yaḡö sihitḡi mönö kude kusume.”

³⁷ *Aka Buḡa Kimbigö keu kun kewö ahöza, “Azi utohogeri, yeḡön mönö yaḡögöreḡ göröken jeḡini uba ekḡe.” Inḡini keu yahöt miangöra aka mi möt narime. Mewö.

Jisösgö qamötḡi köt köteḡnöḡ löm köḡget.

Mat 27.57-61; Mak 15.42-47; Luk 23.50-56

³⁸ Mianḡö andöḡe Arimatia taon tonḡi qetḡi Josef kayök. Yaḡön Jisösgö gwarekḡi aka malökmö, Juda jitḡememe yeḡöra keḡgötḡi möta mötnaripḡi köyatiba malök. Yaḡön kaba premiö Pailötköreḡ anda Jisösgö qamötḡi mekömamgö qesim waḡḡiyök. Qesim waḡḡiiga möta jim teköiga kaba meköyök.

³⁹ *Azi qetḡi Nikodemus mutuk Jisösgöreḡ sunḡem kayöhi, yaḡön mewöyök kayök. Kaba qamöt mirimamgöra kelök köhöwaxḡambuk qetḡi mör mi repa oḡambuk melenḡeri, mi esu mohot lömbötḡi 30 kilogö dop bohönḡi memba kaba Josef bauköm waḡḡiyök. ⁴⁰ Bauköm waḡḡiba mohotḡe Jisösgö qamötḡi meköyohot. Meköba jinḡi wörönḡi ölopḡi memba qamöt silenḡe ala opo tuatḡi mianḡön köpeiyohot. Juda ambazip neḡön qamötḡini mewö aka mözözömgöba löm köḡ engizinma.

⁴¹ Jisös maripomnöḡ qegeri, gölme miangö likepḡe arö kun ahöyök. Arö miangögöreḡ qaksirigö köt köteḡ löm döLökḡi kun urorohoget kinök. Mianḡögöreḡ qamöt kun qahö algetka gwamönḡi ahöyök. ⁴² Gwamönḡi aka kösutḡe ahöiga Juda ambazipnöḡ ak-kömukömu kendon tatpingöra jöjörögetka nalöḡini töriyök. Mianḡöra Jisösgö qamötḡi memba miangögöreḡ ala löm kölohot. Mewö.

* 19:36: Eks 12.46; Jaḡ 9.12; Sum 34.20 * 19:37: Zek 12.10; Ind 1.7 * 19:39: Jon 3.1-2

20

Jisösgö löm qaksirinjan gwamönji ahök.

Mat 28.1-8; Mak 16.1-8; Luk 24.1-12

¹ Sabat kendon tatket teköiga Magdalagö Maria yañon Sonda söñanök wanjaraj suruiga qaksirinöñ anök. Anda je ui ani köt ketanji ehiga mianñon lök köteñ urorohonji mianñö numbuñeyök qetalget kaba ahöyök.

² Mewö eka mianñöreñök mosöta ösumok anda Saimon Pitö aka Jisösgö wölböt gwarekñi yetköreñ kaba kewö jii mörohot, “Mönö Kembugö qamötñi qaksirinöhök memba anda denike alget ahözawi, mi qahö mötzin.”

³ Mewö jii möta mosöta qaksirinöñ anohot. ⁴ Mohotje ösumok anohotmö, gwarek alañan ösumñan anda Pitö onñgita mutuk qaksirinöñ anñgorök. ⁵ Anñgota köt köteñ urorohonji mianñö uruñe qahö öñgöba numbuñe öne kököriba ui aniga oponji köpeköpeinñanök ahöiga ehök. ⁶ Mi ehiga Saimon Pitönöñ mewöyök andöñe kanñgota köt köteñ uruñe öñgöba oponji köpeköpeinñanök ahöi ehök. ⁷ Mi ehök aka nööröñji opo jahönñji kunöñ köpeiba esuhugeru, mi tosatñan kusuba silegö oponji miambuk qahö mindiriba kungen algetka nanñök tariga ehök.

⁸ Mewö ehiga gwarek alañan mutuk qaksirinöñ kanñgoröhi, yañon mewöyök köt köteñ uruñe öñgöba yuai mi eka möt nariyök. ⁹ Jisös guliba kömupnöhök wahötmawu, yetköñ Buña Kimbigö keu mewöñji mi qelñje qahö möt asariba töñpin mala korohot. Mewö.

Jisösnöñ Magdalagö ambi Mariagöreñ asuhuyök.

Mat 28.9-10; Mak 16.9-11

¹⁰ Mala kota mianñöreñök möt nariba lilingöba mirinñire anohot.

¹¹ Yetköñ anohotmö, Marianöñ nanñök qaksirigö köt köteñ numbuñe kindu sahörök. Mewö sahöta köteñ urorohonji mianñö uruñe kököriba ui anök. ¹² Ui aniga Sues garata yahöt malukunñiri tuat lalamñi etkehök. Jisösgö qamötñan ahöyöhi, yetköñ mönö mianñöreñ tarohot. Kunöñ nööröñji ahöyöhanñgöreñ tariga kunöñ könañe tarök.

¹³ Mewö tata kewö jiyohot mörök, “Ambi, gi mönö wuanöñgöra sahötzan?” Mi möta jiyök, “Kembunangö qamötñi memba anda denike alget ahözawi, mi qahö mötzal.”

¹⁴ Mewö jiba lilingöba Jisösnöñ kösutñe kiniga ehökmö, kaisonñgolomñi mi qahö ek kutuba töñpin kinök. ¹⁵ Töñpin kiniga Jisösnöñ kewö qesim wanñgiyök, “Ambi, gi mönö wuanöñgöra sahötzan? Dagöra jaruzan?” Mewö qesim wanñgiiga arö galömñan kinja me denöwö, mewö mötmöriba kewö jiyök, “O ketanñamni, gi qamötñi memba anñguba kungen anda alnöñ ewö, mönö denike ahöza, mi jinöñga möta anda memam.”

¹⁶ Mewö jiiga Jisösnöñ qetñi qeta “Maria!” jiyök. Mi qeta jiiga yanñgöreñ lilingöba Hibru keunöñ qeta “Raboni!” jiyök. Mi nanine keunöñ “Ketanñamni.”

¹⁷ Mewö jiiga kewö jii mörök, “Ni Iwinanñgöreñ qahö öñgöba ki kinjal. Mianñgöra ni kude nömisirimannmö, nöñgö munurupni yanñgöreñ anda buzup kewö jinöñ mötme: Nöñon mönö Iwi Anutuni aka enñgö Iwi Anutunini yanñgöreñ lilingöba öñgömam.”

¹⁸ Mewö jii möta Magdalagö ambi Maria yañon lilingöba anda gwarekurupñi kewö jii mötket, “Nöñon Kembu ekiga keu mewö mewö jii mötzal.” Mewö.

Jisösnöŋ gwarekurupŋi asuhum engiyök.

Mat 28.16-20; Mak 16.14-18; Luk 24.36-49

¹⁹ Sonda mianğoreŋök miri söŋauiga gwarek yeŋön ömbibiŋe tokoba Juda yeŋgöra kenğötŋini möta miri nanğunji köla ki namŋi misiget geiga tatket. Mewö tatketka Jisösnöŋ asuhuba sutŋine kinda kewö jiyök, “Alaurupni, luainöŋ embuk ahömal!” ²⁰ Mewö jiba böröyahötŋi aka marömŋi kondeliga Kembu eketka sösongainöŋ uruŋini kokolak qeyök. ²¹ Kokolak qeiga toroqeba kewö jiyök, “Alaurupni, luainöŋ embuk ahöma! Iwinöŋ ni melaim niŋgiiga nöŋön iŋini mewöŋanök melaim engizal.”

²² Mewö jiba nöroŋŋine memba ösum engiba uwulangöba jiyök, “Mönö Uŋa Töröŋi meget. ²³ *Iŋini ambazip siŋgisöndokŋini mosöta saŋgonje ewö, mi mönö Anutugö jeŋe solanim teköza. Ambazip siŋgisöndokŋini qahö mosöta saŋgonje ewö, mi mönö Anutugö jeŋe qahö solaniza.” Mewö.

Jisösnöŋ Tomas asuhum waŋgiyök.

²⁴ Jisösnöŋ gwarekurupŋi mewö asuhum engiyökmö, gwarek 12 yeŋgöreŋök kun qetŋi Tomas, qetŋi alaŋi Siwisiwi qetkeri, yaŋön nalö mianğoreŋ sutŋine qahö malök. ²⁵ Tomasnöŋ kaiga gwarek tosatŋan “Mönö Kembu ekzin,” jiget möta kewö jiyök, “Jenan biriŋ löpötŋi böröŋe eka kesötŋan marömŋe misirimam ewö, mönö ölop möt narimam. Ni nanak mi qahö eka misiriba oseimam ewö, mönö keuyök jiget möta ölna mi qahö möt narimam.”

²⁶ Mewö jiiga sonda mohot teköiga gwarek yeŋön Sonda mianğoreŋ kunbuk mire qezaköba nanği köla ki memba Tomasbuk mohotŋe tatket. Mohotŋe tatketka Jisösnöŋ kunbuk asuhuba sutŋine kinda kewö jiyök, “Alaurupni, luainöŋ embuk ahömal!” ²⁷ Mewö jiba Tomasgöra jiyök, “Gi mönö börögi böranğda böröyahötŋi eka kesötkan marömne misiriman. Mewö aka yaŋgiseŋ mosöta uruyahötŋi yaköriba ni möt narim niŋgiman.”

²⁸ Mewö jiiga kewö melenök, “O, gi nöŋgö Kembu Anutuna!”

²⁹ Mewö meleniğa kewö jii mörök, “Gi nekzananğöra ni ölop möt narim niŋgizanmö, ambazip qahö neka töndup ni möt narim niŋgimakzei, yeŋön mönö simbawoŋ akze.” Mewö.

Jonöŋ Ölöwak Buŋa ki kewögöra ohoyök:

³⁰ Jisösnöŋ nup ösum-mumu qakŋe memba maliga anğöletot sehisehiŋi tosatŋi mi gwarek yeŋgö jeŋini qakŋe asuhugetmö, mi buk kianğoreŋ qahö ohoyal. ³¹ Keu tosatŋi ohoyali, mi kewögöra ohoyal: Jisösnöŋ Anutugö Nahönŋi aka Amötqeqe Toŋi Kraist akzawi, iŋini keu mi möt nariba mewö mianğön Jisösgö qetbuŋaŋğöra aka malmal köhöikŋi buŋa qem anğume. Mewö aka malmegöra nöŋön Ölöwak Buŋa papia ki ohobiga enğoreŋ kaza. Mewö.

21

Jisösnöŋ gwarek 7 yeŋgöreŋ asuhuiga söra jök öröget.

¹ Könanğep Jisösnöŋ kunbuk gwarek tosatŋi yeŋgöreŋ asuhuyök. Taiberias o anğö jitŋe mianğoreŋ kewö asuhum engiyök: ² Gwarek azi kewöŋan mohotŋe malget: Saimon Pitö, Tomas qetŋi kun Siwisiwi qetkeri, Natanael azi mi Galili prowinsgö Kana taonöhök aka Zebedigö nahönyahötŋi yahöt aka gwarek tosatŋi yeŋgöreŋök yahöt.

* 20:23: Mat 16.19; 18.18

3 *Mohotņe malgetka Saimon Pitönöņ jii mötket, “Ni mönö söra örömamgöra anmam.” Mewö jiiga tosatņan jiget, “Nini ölop göbuk mohokņe anbin.” Mewö jiba mosöta waņgenöņ öņgöba anda suņgem mianğoreņ söra kun qahö öröget. 4 Söra qahö öröba öne malgetka miri lök gianjiiga Jisösnöņ saknöņ kinök. Kinökmö, yaņgö kaisoņgolomņi mi qahö ek kutuget. 5 Jisösnöņ kinda eņgohola jiyök, “Alaurupni, söra kun öröze me qahö?” Jiiga melenđa “Qahö!” jiget.

6 * “Qahö!” jigetka kewö jim kutum eņgiyök, “Iņini mönö mösakņini waņge öljne göröken gilgetka eri ölop söra miwikņaime.” Mi möta mösakņini gilgetka söra sehisehiņi geba ölökögeraņgöra öröget kotmapkö osiiga öröm suksuköget.

7 Mewö aiga Jisösgö wölböt gwarekņi mianğon Saimon Pitö kewö jii mörök, “Mi mönö Kembuya!” Mewö jiiga Kembangö qetņi möta opo bindoņanök jöhöba malöhaņgöra silepökeņi köpeiba mianğoreņök o aņgönöņ luhuba geyök. 8 Yeņön sak qöhöröņe 100 mita mianğö dop kösutņe anda malget. Mianğöra Pitönöņ geba ani gwarek tosatņi yeņön waņge lökuatnöņ qem naņgöba anda mösak söraņambuk örögetka waņge andöņe kayök.

9 Mewö kaba sak körikņe öņgöba mianğoreņ yuai kewö eket: Könöp jeiga gapnöņ söra jejeņi aka beret soņsoņ ahöyök. 10 Mi eketka Jisösnöņ kewö jii mötket, “Iņini dölkü söra örözei, mönö mianğoreņök tosatņi memba ki kaget.”

11 Mi jiiga Saimon Pitönöņ möta waņgenöņ öņgöba mösak öröiga körikņe öņgöyök. Öņgöiga öljü 153 eket. Mösak mi söra ketañi sehisehiņi mienön kokolak qegetmä, mösaknöņ töndup qahö tiņgirök. 12 Öljü mi eketka Jisösnöņ kewö jii mötket, “Mönö kaba söņangö neneņi neget!” Mewö jii möta kaba “Mi Kembunina,” mewö möt kutugetmä, gwarek yeņgoreņök kunņan “Gi daņön?” mewö qesimangö urulömböt aka qahö qesiyök. 13 Qahö qesiyökmö, Jisösnöņ anda beret memba eņgiba söra mewöyök mendenđa eņgiyök.

14 Jisösnöņ kömupnöhök wahöta gwarekurupņi asuhum eņgiyöhaņgö indimņi karöbut mi ahök. Mewö.

Jisösnöņ Pitö kunbuk kuņguba mem köhöiyök.

15 Söņangö neneņi neget teköiga Jisösnöņ Saimon Pitögöra kewö jii mörök, “Saimon Jongö nahönņi! Alaurupki kienön ni uruņinan jöpaköm niņgimakzei, gi mönö i eņgoņgita gwötpuk jöpaköm niņgimakzan me qahö?” Mi möta kewö melenņök, “O Kambu, ni göhöra ak niņgimakza. Gi wölböt alani akzan. Mi nangak ölop mötzan.” Mewö melenņiga Jisösnöņ jii mörök, “Gi mönö nöņgö lamaurupni moröņi gumohom eņgiba malman.”

16 Mewö jii möri indimņi yahöt qesim waņgiyök, “Saimon Jongö nahönņi! Gi ölja jöpaköm niņgimakzan me qahö?” Mi möta kewö melenņök, “O Kambu, ni göhöra ak niņgimakza. Gi wölböt alani akzan. Mi nangak ölop mötzan.” Mewö melenņiga Jisösnöņ jii mörök, “Gi mönö nöņgö lamaurupni galöm köl eņgiba malman.”

17 Mewö jii möri indimņi karöbutņi qesim waņgiyök, “Saimon Jongö nahönņi! Gi mönö ölja wölbötkan (jojopaņgan) nöņgö ak gihimakza me qahö?” Mewö qesim waņgiiga urujöjöpakö qequesiņi mohot miyök qesiiga indimņi karöbut ahöhaņgöra Pitönöņ wösöbirik möta melenđa kewö jiyök,

“O Kambu, gi yuai pakpak ölop möt teközan. Gi wölböt alani akzan. Göñön mönö nangak mi ölopñanök mötzan.” Mewö jiiga Jisösnöñ jii mörök, “Gi mönö nöñgö lamaurupni gumohom engiba malman.

¹⁸ “Nöñön keu öl töhöññi kun kewö jibi mötnöñ: Gi sepgulia mala nangak sileötanjï jöhöba köna igen me waigen ‘anmam,’ jiba ak gihiyöhanjö dop ölop anda kaba malnöñ. Mewö mala malnöñmö, azi namñi akñani, nalö mianjörej börögi böranñöñga kunñan kaba opo silepökegi jöhöm gihiba köna kungen qahö anmangö mötmani, mönö mianjörej goanjiriga anman.”

¹⁹ Jisösnöñ kezapqetok keu mewö jiba Pitö kömumawanjö keu sainji indelök. Yanön kömup tandökñi qainñi kun kömuiga Anutugö qetbuññi qarimapköra mötmöröba mi jiyök. Keu mi jiba yanjöra jii mörök, “Gi mönö kaba ni nuatanjöba malman!” Mewö.

Jisösnöñ Pitöbuk gwarek kungö keuñi eraum mörohot.

²⁰ Pitönöñ Jisösbuk anda lilingöba Jisösgö wölböt gwarekñan andöhire kaiga ehök. Gwarek mianñon ak-kömukömu lama negeri, mianjörej nöropñan Jisösgö töptöpñe nariba jiyök, ‘Kambu, göhörej mamalolo azi mi danñon?’ ²¹ Gwarek mianñon könanjire kaiga Pitönöñ i eka Jisös kewö qesim wanjiyök, “Kambu, gwarek kianjöra mönö denöwö asuhuma?”

²² Qesim wanjiiga kewö jii mörök, “Nöñön yanjö malmal areñi mewö me mewö albilenjak, mi mönö göhörej waimanjara qahö. Nöñön jibiga yanñon qahö kömumba nöñon gölmenöñ lilingöba kamamanjö nalöñe toroqeba jebuk mal öñgöbawak, keu mi yanjö keuya akawak. Gi mönö yanjö keuñi mosöta nangi malmalgi möhamjöba galöm köl anjuba nöñgö andöne kaba ni nuatanjöba malman.”

²³ Keu mewö jiiga tosatñan lan möta jim sehigetka urumelen alaurup yengö sutñine keu mi kewö jim sohoget, “Gwarek mianñon qahö kömuma.” Mewö jim sohogetmö, Jisösnöñ jebuk teteköñi qahö mal öñgömapköra qahö jiyökmö, keu kewö jiyök, “Nöñön yanjö malmal areñi mewö me mewö albilenjak, mi mönö göhörej waimanjara qahö. Nöñön jibiga yanñon qahö kömumba nöñon gölmenöñ lilingöba kamamanjö nalöñe toroqeba jebuk mal öñgöbawak, keu mi yanjö keuya akawak. Gi mönö yanjö keuñi mosöta nangi malmalgi möhamjöba galöm köl anjuba malman.” Mewö.

Nanak mi pakpak jenan eka nanjöba ohom engizal.

²⁴ Gwarek mianñon yuai mi jeñan eka mala mianjö dop mi nanjöba jim asariba Ölowak Buña ki ohoyök. Körek pakpak enñon gwarek mianjö könanji mötzeanjöra aka ölop tönguba kewö jiba malme, “Yanñon keu nanjöba jiyöhi, mianñon mönö keu öl töhöññi akza.”

²⁵ Jisösnöñ nup aka anjöletot tosatñi sehisehñi mi mewöyök aka memba malök. Miengö kösohotñini mohot mohot mi lökñanök törörök ohobinak ewö, mönö buk papia börannji börannji sehisehñi asuhugetka kantri dop papia köwe miri (laibreri) pakpak mianjörej alinga kokolak qeba ölököga tiñi töndup qahö dop kölbawak. Mewö mötmörizal.

Aposol Nup Meme

Aposol yeñon Uña Töröñangö ösumnöñ nup meget. Jim-asa-asari

Dokta Luknöñ buk qetnji “Kraistkö Ölöwak Buña” ohoba kösohotnji toroqeba buk qetnji “Aposol nup meme” ohoyök. Jisösnöñ gwarekurupnji mutuknji kusum engji Uña Töröñan sölölohöm engjiiga Kraistkö keu buzupnji jim sehigeri, Luknöñ mianğö kösohotnji auknje almamğöra möta kewö (1.8) ohoyök, ‘Yeñon mi Jerusalem sitinöñ könahiba Judia prowins dop köla Samaria prowinsnöñ anda toroqeba gölme gorañe eu emu likeplikep angetka dop köl teköba anök.’ Mutuk Juda könagesö urunje nup megetka urunjeni melenđa guligetka Kraistkö qeburun könahiba yöhöba sehiba anda anda kantrinji kantrinji dop köliga urumelen könagesö yeñö bohonñini ahök. Kösohotnji oyonjei, Luknöñ yeñö urunjeni böñjön almamğö kapañ köla keu kötnji yahöt kewö ohom asariyök,

1) ‘Kraistkö alaurupñan Rom mindimindiri gawman mi tuarenjon qahö ak engiba malje. Yeñon mi memba et almeğöra tuaköpek qahö akze. Tosatñan mewö mötpeak, mi böñji öne wahötpapuk.’

2) ‘Juda yeñon jike nup meget korembenji aiga ölnji asuhumapköra mamböta malgeri, Jisösnöñ mönö ölnji mi memba kaba engiyök.’ Keu kötnji mi.

Jisösgö Buña keunji kuñguba jim sehiba zioz könahiba mem köhöigetka toroqeba aniga urumelen yeñö kambuñinan qariryök. Mianğö dop “Aposol nup meme,” kösohot mi juliga keu bahöñi bohonñi karöbut kewö akze: 1) Jisösnöñ Suep mire öngöiga gwarek yeñon Jerusalem malgetka Kraistkö Buña keuñan könahiba qeburun yöhöyök. 2) Yöhöba qariba Palestain gölmegö prowins tosatñe anök. 3) Kunbuk qariba kantrinji kantrinji Sutnjire Köwet liliköba tat anjei, mi dop köla teteköñe siti bohonñi Rom anök.

“Aposol nup meme” mianğö keu bohonñi mi Uña Töröñangö könañi aka nup memenji. Aposol aka mötnarip ambazip yeñon yambu dölökñangö (Pentekost) nalöñe Jerusalem köulukögetka Uña Töröñan ösumñambuk urunjne geyök. Urunjne geba sölölohöba mem köhöim engjiiga denđa kantri liliköba nup megetka ölnji könañi könañi asuhuyök. Zioz ambazip aka yeñö jitmeme yeñon Kraistkö Buña keu mi könakönahine denöwö jiba malgeri, Luknöñ mianğö keunji ohoiga mi ölop buk kianğoreñ oyonđa mötpin. Ambazip urunjeni melenđa mindiriba nanğöm anguba malgeri, yeñon Buña keugö kukösumñi möt kutugetka miri dop auknje asuhuyök. Denöwö asuhuyöhi, Luknöñ mianğö kösohotnji ohoba Uña Töröñangö kukösumñi kondel neñgiza.

Buk kianğö bahöñi bohonñi 4 mi kewö:

1. Buña keu nanğöba jibingöra jöjöröget *1.1-26*
 - a) Jisösnöñ jimkutukutu ala Uña engimamğö jiyök *1.1-14*
 - b) Judas Iskariotkö salupñe Matias meköget *1.15-26*
2. Jerusalem sitinöñ Buña keu nanğöba jiget *2.1-8.3*
3. Judia aka Samaria Buña keu nanğöba jiget *8.4-12.25*
4. Polnöñ misin nup memba malök *13.1-28.31*
 - a) Misin nup liliköba megetka 1 ahök *13.1-14.28*

- b) Jerusalem totoko ala keu jöhöget 15.1-35
 c) Misin nup liliköba megetka 2 ahök 15.36–18.22
 d) Misin nup liliköba megetka 3 ahök 18.23–21.16
 e) Pol Jerusalem, Sisaria aka Rom kösö mire tarök 21.17–28.31

Jisösnöj zioz könahiyök.

¹* O Tiofilus!

Luk nöjön kösohotni mutuknji ohoyali, miangörej Jisösnöj nup könahiba memba liliköba ambazip kusum engiba malöhi, miangö kösohotnji pakpak arengöba albi eknöj. ² Jisösnöj nup memba melaimelai azi aposolurupnji möwölöhöba kusum engiba mala Uña Töröjanjögö ösum qakne nup memegöra jim kutum engiyök. Mi engiiga Anutunöj wangiri Suepnöj öngöyök. Nöjön kösohotni ohoyali, mi miangörej ohom teköyal. Merak miangörejök kösohot mi toroqeba ohomam.

³ Jisösnöj sihimbölö möta kömumba kömupnöhök wahöta wehön 40 gölmenöj toroqeba malök. Nalö miangö uruje aposolurupnji sömanji gwötupuk asuhum engiba Anutu bemtohojanjögö könani toroqeba jim asarim engiba malök. Mewö mala aiwesök tandök könani könani memba kondel engiyök. Yejön mi eka Jisösnöj guliba maljawi, mi ölöp möt yaköget. Aiwesök ekeri, yejön mi nanjögöba jiba dangunu ewö kinje aka kunjan mi qeapkömangö osima.

⁴* Nalö kunöj yembuk mohotnje mala kewö jim kutum engiba jiyök, “Injini Jerusalem siti ki mönö zilañ kude mosötme. Iwinan ‘Kalem urujine al engimam,’ jiba keunji jöhöi jibi mötkeri, mi mönö ölnjambuk akña aiga enjön mönö miangöra mamböta malme. ⁵* Mutuk Jonöj ambazip o töhönöj melun mem engiba malökmö, Anutunöj nalö kude köriiga Uña Töröji urujine ala mianjön melun mem engima.” Mewö.

Jisösnöj Suep mire öngöyök.

⁶ Aposol yejön nalö kunöj tokogetka Jisösnöj sutnjine asuhuiga kewö qesim wangiget, “Kembu, göjön mönö nalö kewöje me wani nalönöj Israel kantrigö tohonji mi kunbuk kunjuba mem köhöiman?”

⁷ Qesim wangigetka kewö jii mötket, “Iwinöj nanji kukösum qakne yambu gwani aka aua nalö arengöba ali ahözawi, mi mönö enjön mötmeanjögö dop qahö. ⁸* Mi qahöpmö, Uña Töröjan eta urujine gemawanön mönö kukösum engiiga letota nöngö könani nanjögöba jiba malme. Mi Jerusalem sitinöj könahiba Judia prowins dop köla Samaria prowinsnöj anda liliköba toroqeba gölme görañe eu emu likeplikep angetka dop köl teköba anma.” ⁹* Jisösnöj keu mi jim teköiga Anutunöj jeñini qakne wangita wahöriga kusunöj eta esuhuiga euyangörenj öngöiga ekingö uget öngöba atatop (jiataton) köliga jaruba kinget.

¹⁰ Mewö öngöiga suepnöj eu ehiba kingetka miangörejök azi yahöt malukunjiri tuat lalamñi yetkön kösutnjine asuhuba kinohot. ¹¹ Kinda kewö jiyohot, “Galili azi injini mönö denöwögöra siepnöj eu ubayök kinje? Anutunöj Jisös ki engö sutnjineyök wangita Suep mire eu öngöi ekzei, yanön mönö tandök mewöjanök kunbuk lilingöba etma.” Mewö.

Judas Iskariotkö salupje Matias meget.

* **1:1:** Luk 1.1-4 * **1:4:** Luk 24.49 * **1:5:** Mat 3.11; Mak 1.8; Luk 3.16; Jon 1.33 * **1:8:** Mat 28.19; Mak 16.15; Luk 24.47-48 * **1:9:** Mak 16.19; Luk 24.50-51

12 Mewö jiyohotka aposol yeyñon Jerusalem siti kösutnje kundunji qetnji Oil ip kundunji miangörenök lilingöba eta 1 kilomitagö dop kaba sitinöy kangetket*. 13 *Jerusalem kangeta miri urunji kun qaknje tat malgeri, miangören anda öngöget. Öngögeri, yengö qetjni kewö: Pitö, Jon, Jeims aka Andru; Filip, Tomas, Bartolomyu aka Matyu; Jeims Alfiusgö nahönji, Saimon Zelot politik azia aka Judas Jeimsgö nahönji†. 14 Azi pakpak mienön urumohot aka ambi yembuk kapan köla köuluköba malget. Yengö sutnjine Jisös munurupnji aka namnji Maria yeyñon mewöyök malget.

15 Köuluköba mala wehön kunöy mötnarip ambazip jangöjnini 120 miangö dop tokogetka Pitönöy sutnjine wahöta keu kewö jiyök, 16 “Azi alaurupni! Jisös memba jöhögeri, Judasnöy yengöra köna kondelök. Uña Töröñan Judasgö keu mi mutuhök kin Deiwidkö urunje sanep ali numbu jitñan jiiga Sumbara buk (Buña Linjet buk Sam) miangören ohoget ahözawi, miangön mönö ölñambuk ahuyök. 17 Jisösnöy Judas möwölöhöi nanine kambunöy kun mali nupnji memapkö kungui melaimelai azi bohönji aposol ahök.

18 *“Judasnöy ahakmeme bölöni aiga söngörönji wangiget memba miangön gölme körönji kun bohönji meyök. Mi memba miangören imbi auba nöropñan melenđa gölmenöy kunguiga gölömni juliga irip kömongoknji datnji munji mi körek usuba erök. 19 Mewö ahiga Jerusalem ambazip pakpak miangö buzupnji möt teköba gölme miangö qetnji nanjine keunöy Akeldama qetket. Mi nanine keunöy Sep Gölme körönji.”

20 *Pitönöy toroqeba kewö jiyök, “Sumbara (Sam) buk miangören keu kun kewö ohoget ahöza, ‘Miriñi mönö balonji gwamön kinma. Mi kunñan tonji qahö aka maliga miriyök kinma,’ aka keu kun kewö ahöza, ‘Kunöy ölöp yangö salupnje galöm nup memba kinma.’

21-22 * “Mewögöra aka nini azi kun möwölöhöba kunguinga nembuk jitnje meme aka dangunu ewö kinda Jisösnöy kömupnöhök wahöröhi, miangö Buñanji nangöba jiba mali dop kölma. Jonöy Jisös o melun mem wanggiiga Kembunöy nalö miangörenök qenjarökönöy anda nupnji könahiba memba nengö gölmenöy liliköba anda kaba mali Anutunöy sutninyök wangita öngöyök. Azi nalö pakpak miangören kambunine mohotnje mala korini, mönö yengörenök kun möwölöhöinga dop kölma.”

23 Pitönöy mewö jiiga azigö jaruba azi yahöt qetjiri qetket. Kun qetnji Josef, qetnji alanji Barsabas aka qetnji kun Jastus. Azi kungö qetnji Matias. 24 Qetjiri qeta kewö köuluköba jiget, “O Kambu, gi ambazip urunini körek pakpak möt kutuzan. Miangöra gi azi kietkörenök ninja möwölöhözani, mi mönö kondel nenjiman. 25 Judasnöy gongiba genjom aka eta aposol nup mosöta bölöñamñangö dop ayuhuba geyöhi, yangö salupnje azi kunöy mönö aposol aka kinda melaimelai azigö nup memba malma.”

26 Mewö jiba yetkö kiawen (kas, lot) algetka Matias asuhuyök. Asuhuiga aposol 11 yengö sutnjine dum kun wangigetka kambunine toroqeyök. Mewö.

* 1:12: Juda yeyñon 1100 mita mi Sabat kendonöy qahö ongita anjema. Miangöra Köna keu qahö ongita kaget. * 1:13: Mat 10.2-4; Mak 3.16-19; Luk 6.14-16 † 1:13: Zelot pati yeyñon nanjnini kinkin mbinggöra Rom mindimindiri gawmanbuk tuaköpek aka urukönöp aka malget.

* 1:18: Mat 27.3-8 * 1:20: Sum 69.25; 109.8 * 1:21-22: Mat 3.16; Mak 1.9; 16.19; Luk 3.21; 24.51

2

Uŋa Töröŋan eta gwarek uruŋine geyök.

¹ *Jisösnöŋ kömuyöhi, nalö mianğöreŋök sonda 7 teköiga wehön 50* mianğöreŋ yambu jeŋi qeŋe nalöŋi kam kuŋguiga urumelen am bazip pakpak yeŋön tokoba kendon tatket. ² Tatketka mianğöreŋöhök Suepnöhök yuai kun biliksik eri kouruk ketanji asuhui mötket. Dimbomnöŋ köhöikŋanök qemakzawi, mönö mianğö tandök ewö asuhuba eta miri tatkeri, mi körek kokolak qeyök. ³ Miri kokolak qeba yuai mianğön denqenja sehiba könöp bölam tandök ewö nöropŋini qakŋe öngöi eket.

⁴ Mewö asuhuiga Uŋa Töröŋan körek yeŋgö uruŋini kokolak qeiga gölme tosatŋe keu ahözawi, mi könahiba jiget. Uŋa Töröŋan sölölohöba keu saŋep alöhanğö dop aukŋe jiget.

⁵ Juda ambazip tosatŋan Anutu göda qeba kantri könani könani suep bapŋe tat anjei, mianğöreŋ denja anda mala Jerusalem lilingöba kageri, tosatŋi mewöŋi mewöyök sitinöŋ malget. ⁶ Mewö mala kouruk ketanji mi möta ambazip kambu gwötpukŋan kaŋgota tokoget. Tokoba kingetka mötnarip ambazipnöŋ keu murutŋi murutŋi jigeri, mi pakpak möta nanŋak nanŋak möt asariba mianğöra aurumpurik aka köŋkuŋ aket.

⁷ Köŋkuŋ aka welipköba jiget, “Mötket! Azi ki keuŋi keuŋi jizei, yeŋön mönö körek Galili ambaziwa akze me?” ⁸ Nini kantri murutŋi murutŋi mianğöreŋ ahuba kota malinga yeŋön mönö denöwö aka malqarip kantrininaŋgö dop keunini nanŋik nanŋik jigetka mötzin? ⁹ Nini Partia ambazip, Midia ambazip aka Elam ambazip ki kinjin. Nini tosatŋan Mesopotemia malin. Tosatŋan Judia malje aka tosatŋan Kapadosia gölmenöŋ malget. Ambazip tosatŋan Pontusgöra, tosatŋan Eisia prowinsgöra akzin aka yeŋön nanini keunine keu jigetka mötzin.

¹⁰ “Tosatŋan Frigia gölme mosöta ki kaba malje. Tosatŋan Pamfilia taon mosötket. Tosatŋan Ijipt kantrinöŋ malget. Tosatŋan Sairini gölme likepŋe Libia kantrinöŋ malget. Tosatŋi nini Rom sityök kusukŋanök ki kaba maljin. ¹¹ Nini tosatŋan Juda ambazip ahuba maljin aka tosatŋan kantri tosatŋe ahuba könangep Juda ambazip ahin. Mewö kinjin aka yeŋön keu jigetka nini keunini mohot mohot mi ölop möt kutuzin. Nengöreŋök tosatŋan gölme jölanŋi qetŋi Krit mosöta köwet kutuba kaget. Tosatŋan Arebia keu jize. Nini mewöŋan maljinmö, yeŋön söŋgaiba Anutunöŋ aŋgöletot öŋgöŋgöŋi ahöhi, miengö könani mi nanine keunöŋ nanŋik nanŋik jigetka mötzin.” ¹² Mewö jiba körek yeŋön auruba lalalulu siksauk aka nanjini kewö jim qesim aŋguget, “Kianğö könani mönö denöwö?” Mewö qesim aŋguba keu jaruba tönpin kinget.

¹³ Tönpin kingetmö, tosatŋan mepaqepaik aka kewö jiget, “Yeŋön wain o nahömŋambuk gwötpuk nemba eŋololon akze.” Mewö.

Pitönöŋ Uŋa Töröŋanğö könani jim asariyök.

¹⁴ Mewö jigetka Pitönöŋ aposol 11 yembuk mohotŋe wahöta kinda köhöikŋanök qeta ambazip kambu yeŋgöra kewö jii mötket, “Alaurup, Juda ambazip aka ambazip körek Jerusalem maljei, nöŋön yuai asuhuzawaŋgö könani jibi kezap ala mi mötket. ¹⁵ Injini tosatŋan nengöra kewö jize, ‘Yeŋön o köhöikŋi negetka uruŋinan eŋololon akza.’ Mewö mötmörizemö, neŋön mewö qahö akzin. Ki söŋangö 9 kilokŋi akza. Söŋan mi o nene

* 2:1: Lew 23.15-21; Dut 16.9-11

* 2:1: 50 mi Grik keunöŋ Pentekost.

nalöya qahö. ¹⁶ Qahöpmö, kezapqetok azi Joelnöy Buña keu kewö jiyöhi, mianjön mönö öljambuk akza,

¹⁷ *‘Anutunöy jiza: Kembangö kaka nalöyan törimawi, nöjön nalö miangörej Ujani Töröni mokobiga ambazip körek yengö qakjine öngöma. Öngöba sölölohöba kutum enguasoriga kewö asuhuma:

Engö nahönböraturupjinan kezapqetok keunji keunji jimakne.

Engö gwabö seramurupjinan jejini melenji imutji imutji ehakne.

Engö ambazip namji yenjön gaunji gaunji ekne.

¹⁸ Ujani Töröni mokomami, mi azi aka ambi weleni qeba malmei, yengö qakjine mewöyök öngöiga kezapqetok keu jimakne.

¹⁹ Nöjön angöletot suepnöy albige uget eu öngöiga ekne aka gölmenöy aiwesök mi kewö ekne:

Yuai sepjambuk, könöp öngöngöni aka köwak köndumjambuk mi asuhume.

²⁰ Wehön jejan pandaman meiga köinjön pisihiba sep ewö akja.

Mewö asuhuiga miangö andöne Kembangörej nalö ketanjan kam kuñguma. Wehön mi aködamun aka qetbuñjambuk.

²¹ Denike yengörejök kunjan kun Kembangö qetji qeta köulukömawi, yanjön mönö amöt qem wanjiiga letotma.’ Joelnöy mewö ohoi ahöza.

²² ‘O Israel ambazip, injini mönö kezap ala keu ki mötket: Anutunöy Jisösgö malmal nalöje sölölohöm wanji mali angöletot, aiwesök aka aiaka ösum-mumuñambuk mi engö sutjine gölmenöy aukne asuhuget. Injini mi ölop mötze. Anutunöy yuai mi asuhum wanjiba mewö mianjön Nazaret azi miangö kōnanji nanjōba jiba kondel enjiba malök.

²³ *‘Anutunöy mönöwök Jisösgö keunji qeljine jöhöba möt kutuba kewö jiyöha ahöza, ‘Amötqeqe Tonjan mönö pinjit azi yengö böröjine etma.’

Keu miangö dop Anutunöy Jisös qahö angön köli engö böröjine erök. Mewö eriga injini kömumapkö qetketka kian kantri gawman yenjön Mosesgörej Kōna keu qahö möta tōndup jim kutugetka böröjinan Jisös memba maripomnöy qeget kömuyök. Kömuyökmö, sepjan mönö engö qakjine öngöyöha ahöza. ²⁴ *Jisösnöy kömuyökmö, kömupkö kösö gwaröne eri kömup Tonjan i jöhöba nalö köröpni galöm köl wanjimangö osiyök. Mi Anutugörej qahö dop kölök. Miangöra yanjön i mem guliba kömupkö sihimbölöneyök meköiga wahörök. ²⁵ *Kin Deiwidnöy Jisösgöra kewö jiyök ahöza,

‘Nöjön garanguruñ aka talbilenbukōra Kembangöy böröni ölje malja.

Yanjön nalö dop qöhöröjine kini imut ewönöy eka maljal.

²⁶⁻²⁷ Mewö mala kömumam-mö, kömupkö ujem mire gebiga andö qahö nuñguman.

Göjön nangi wölböt azi sarakji tök-kutukutuñi ni mönö meköm niñginönga kömupkö lömnöy ahöba qahö gisahömam.

Miangöra urunan sösongai aiga numbu nesilamnan renduñ liñet köla maljal.

Silenan mewöyök guliba wahötmawangöra al mamböta jörömqröm aka luhut memba ahöma.

²⁸ Göjön malmal köhöikñangö kōnanji kondel niñginönga möt kutu-

* **2:17:** Joel 2.28-32 * **2:23:** Mat 27.35; Mak 15.24; Luk 23.33; Jon 19.18 * **2:24:** Mat 28.5-6; Mak 16.6; Luk 24.5 * **2:25:** Sum 16.8-11

Nöjñön göhö jemesoholge pöndañ malbiga göjñön uruni sösoñgainöñ koko-lak geman.' Deiwidnöñ Jisösgöra mewö jii ahöza.

²⁹ "O alaurupni! Pitö nöjñön bem ambönini kinj Deiwidkö könañi mi awösamkakak qakñe aukñe kewö jim asarimam: Deiwidnöñ kömuiga löm kölgetka qaksiriñan merak sutnine ki ahöza. ³⁰ *Deiwidnöñ keza-pqetok azia aka malöhañön kewö mörök: Anutunöñ gwölönarökurupñi yengöreñök kun möwölöhöba kungui nanñi ewö azi kembugö dum tatatñe tatma. Anutunöñ keu mi jöhöba jöjöpäñ keunöñ jim köhöiba malök. ³¹ Kunñan tatmawi, mi qeljiñe eka mörök. Amötqeçe Tonji Kraist yañön kömupnöhök wahötmawi, Deiwidnöñ mi möta kewö jiyök, 'Kraistnöñ mala kömumapmö, kömupkö uñem mire geiga Anutunöñ i andö kude qei ahöma.

Yañgö silenji mi kude mosöri qamötñan kömupkö lömnöñ qahö gisahöma.'

³² Anutunöñ Jisös mem guli wöhöriña mewö mianñön keu mi öñjambuk ahök. Nini körek mi je kötninan eka nañgöba jiba dangunu ewö kinjin. ³³ Jisösnöñ wahöta mala Anutunöñ wañgiri öngöba böröñi öñje tatza. Mianñöreñ tata Iwinöñ Uña Töröñi melaimapkö jim jöhöyöhi, yañön (promis) mi möta i mokoi eriga öñji merak ki asuhui eka mötze. ³⁴ *Deiwidnöñ Suepnöñ kude öngöyök. Yañön nanñak keu kewö jii ahöza, 'Anutunöñ Suet miri uruñe nani Kembunañgöra kewö jim kutui mörök: Göjñön mönö kaba böröñi öñje asakmararañ kianñgöreñ eta tata malman.

³⁵ Mewö tata malnöñga nöjñön nalö sutñe kianñgöreñ tuarenjoñurupki tim tötala luhut al engimam.

Luhut al engibiga yejñön tala geba sihimbölö möta sahöta köna döp ewö akñe.

Mewö aketka göjñön ölop wahöta yengö qakñine tiba söñgaiba malman.'

³⁶ "O Israel ambazip, iñini Jisös maripomnöñ qegetka kömuyökmö, Anutunöñ Jisös mi kunguiga Kembu aka Amötqeçe Tonji Kraist ak nenñgiba malja. Israel kambu pakpak iñini mönö mianñgö könañi möt yaköme."

³⁷ Pitönöñ mewö jiiga ambazip kambunöñ möta uruñini qesiñni Pitö aka aposol tosatñi yengöra kewö jiget, "Azi alaurup, nini mönö den-denöwö ahin dop kölma?"

³⁸ Jigetka Pitönöñ kewö jii mötket, "Iñini mönö uruñini melenget. Mohot mohot uruñini melengerañgö dop neñön mönö Jisös Kraistkö qetñe o mem melun mem engibin. Mi enñiinga Anutunöñ singisöndokñini sanñonnda mosöta Uña Töröñ kalemñi mi buña qem engima. ³⁹ Anutunöñ Uña mi engimangö jim jöhöyöhi, keu mi mönö nanñini aka engö gwölönarökurupñini engöra aka jiyök. Engöra aka tosatñi köröwen mal angetka Anutu Kembuninan engoholmawi, yañön jöhöjöhö keu (promis) mi mönö körek engöra aka mewöyök jiba jöhöi ahöza."

⁴⁰ Pitönöñ mewö jiba toroqeba qambañ keu tosatñi gwötpuk mianñön uruñini kunguba kewö jiyök, "Ambazip misimkaulup ki gölmenöñ maljei, Anutunöñ mi amöt qem enñiiga letotmegö mötza. Yembuk sihimbölö miwikñibepuköra mönö uruñini melenja ambazip gonñonji mi jabö ala enñömosötme." ⁴¹ Pitönöñ mewö jiiga ambazip jesöñgöñan keunji möt anñön kölgetka o melun mem engiget. Mi mem engigetka könagesöñine toroqetgetka jañgöñinan wehön mianñgöreñök 3000 mianñgö dop qariyök. Mewö.

Mötnariþ yeñön uru jöhöm aŋguba malget.

⁴² Uruñini melenjeri, yeñön urumohok aka urunöñ jöhöm aŋguba nalö dop aŋgeka tokogetka aposol yeñön Buña keu kusum eŋgigetka beret mindipköba nembra köuluk nup memba malget. Pöndañ malmal mewöñi malget.

⁴³ Mewö kinda Anutugö qetñan bölibapuköra jönöm undu-undu aka malget. Mewö malgetka Anutunöñ sölölohöm eŋgiiga aposol yeñön jítñe memeniñi aka nup megetka aŋgöletot aiwesök murutñi murutñi asuhuget. ⁴⁴ *Anutu möt narigeri, yeñön körek malmalñini mohotñe mala sukinap (ainemaluku) yuaiñini pakpak mindiriba mohotñe memba malget.

⁴⁵ Mewö memba mala gölme sukinap yuaiñini bohonñi memegöra algetka söñgöronñi eŋgiget kayöhi, mi sutñine mözöqözöröñ aka osigeranğö dop menden aŋguba malget. ⁴⁶ Mewö mindiriba mala qösösök (qörörök) urumohot aka nalö dop jöwöwöl jikenöñ tokomalget. Beret mi miriñini dop mindipköba nemalget aka numbu neneñini mi geñmoñini qahö sösongai qakñe tata nemalget. ⁴⁷ Aiakanñini mewö aka Anutu möpöseiba malgetka ambazip pakpak yeñön i eŋgek soriba malget. Eŋgek soriba malgetka kambunñinan qariiga Kembunöñ nalö dop ambazip tosatñi uru melen eŋgiiga letota mindimindiri areñine toroqetget. Mewö.

3

Pitönöñ lokon azi kun mem ölöwahök.

¹ Juda yeñön mare dop 3 kilok köuluközema. Mare kunöñ Pitö Jon yetköñ köuluk nalö miangören jöwöwöl jikenöñ öñgöyohot. ² Öñgöyohotka miangören azi kun nam köro uruñeyök lokon asuhuba tat malöhi, mi aŋguba kaba jöwöwöl jikegö kiripo nañuñe alget. Alaurupñan silim dop kaba kululunöñ aŋguba kiripo nañu qetñi Nangu Eksihimñambuk qetkeri, miangören alget tarök. Tata ambazip jikenöñ öñgögeri, yeñön moneñ kalem waŋgimegöra ulet eŋgiba malök.

³ Mewö algetka tari Pitö Jon yetköñ jöwöwöl jikenöñ öñgöbitkö ahotka etkeka i mewöñanök kalemgö ulet etkiyök. ⁴ Ulet etkiiga jemesoholñi uba eka Pitönöñ kewö jii mörök, “Mönö niri netkeknöñ!”

⁵ Mewö jii möta je kusumusulñi qahö etkehiba yuai kun böröñireyök niñgimahotkö mambörök. ⁶ Etkehiga Pitönöñ jiyök, “Nöñgören silwö me goul moneñ qahö ahözapmö, nöñgören yuai kun ahözawi, mi ölop gihi-mam: Gi mönö Nazaret azi Jisös, Amötqeqe Tonñ Kraistkö qetñe wahöta anman!”

⁷ Mewö jiba böröñi ölñe memba kököbiihiiga wahörök. Wahöriga könañi aka gwaköt sihitñi mönö miangörenök köhöiget. ⁸ Köhöigetka wahöta luhuba yetpuk jöwöwöl jikenöñ öñgöba miangören anda kaba serenñeren unduba Anutu möpöseiyök. ⁹ Mewö anda kaba Anutu möpöseim waŋgiiga ambazip kambu pakpak yeñön mi eket. ¹⁰ Mi eka kewö jiget, “Azi ki kalem waŋgimegöra jikegö kiripo Nangu Eksihimñambukö kösutñe tata uleta malöhi, mönö mia.” Mewö jiba möt waŋgiba “Silenje wani yuaia asuhuzapto?” jiba auruba nemböñini teköi welipköget. Mewö.

Pitönöñ jöwöwöl jikenöñ Buña keu jii mötket.

* 2:44: Apo 4.32-35

¹¹ Welipkögetka ulet azi mianjon sundan Pitö Jon yetpuk mohotje anda kaiga ambazip kambu körek pakpak yenjon ösumñinan kösutñine kaba jöwöwöl jikegö tohon uruje öngöba kin Solomongö sombem söranjambuknöñ tokoba kinda ehiget.

¹² Mewö ehigetka Pitönönj engeka könahiba kewö jii mötket, “O Israel alaurupni, injini mönö wanigöra yuai ki eka auruze? Wanigöra niri uba netkehize? Azi kianjon ölöwaka köna anda kazawi, mi mönö netkö ösumnöñ me Anutugö Buñaje pitirik maljirañgöra aka qahö. Mewö kude mötmörime. ¹³ *Nanine ambösakonini Abraham, Aisak aka Jeikob yengö bem Anutunönj mönö Nahönñi Jisös asakmararanj wanjiiga jitñememenji öngöngöñi ahiga ölnji asuhuiga ekze. Injini Jisös mi memba galöm yengö börönjine algetka premiö Pailötnönj pösatmamgö keunji jöhöba jiyökmö, enjon Jisös mi yangö jeñe qañ köla andö qem wanjiget.

¹⁴ * “Injini azi diñdijni aka sarakñi mi andö qem wanjiba azi qeçe azi kun pösatmapkö kapan köla qeta qesiget. ¹⁵ Mewö qeta qesiba mewö mianjon malmalgö Toñan kömumapkö keunji jigetka kömuyök. Kömuyökmö, Anutunönj i mem guliiga kömupnöñök wahörök. Netkön mi jeninan eka nanjöba jiba yangö dangunu ewö kinjin. ¹⁶ Mewö kinda Jisösgö qetñi möt narim wanjiba maljit. Azi ki eka möt wanjize, mi mönö qet mianjö ösumñan mem köhöiiga kinja. Jisösnönj sölölohöm netkiü mötnaripniran asuhui mianjö qakñe kinda jim kutuziga köna gwakötñan ölöwak teköiga injini körek mi ekze.

¹⁷ “O alaurupni! Jisös kömumamgö kapan kölgere, enjon mi mönö gukmaulem qakñe aket, mi mötzal. Nanñini aka galömurupñinan mewöyök yuai ak wanjigere, mianjö könañi kude möt kutuba lañ aket. ¹⁸ Mewö aketmö, mianjö likepñi Anutunönj kewö ahök: Anutunönj keunji mönöwök kezapqetok ambazipurupñi pakpak yengö jitñine aliga qeljine kewö jiba ohoget, ‘Anutugö Amötqeqe Toñi Kraistnönj mönö sihimbölö mötma.’ Mianjöra injini mewö aketka Anutugö keu mianjon mönö mewö ölnjambuk ahök. ¹⁹ Mianjöra mönö urujini melenja Anutugörenj lilingöba kagetka siñgisöndokñini kutuba sanjoñma.

²⁰ “Anutunönj oyaenköyaen Toñi akza. Injini öne lañ malbepüköra Anutunönj Jisös qeljine möwölöhöyök. Mianjöra injini mönö urujini melengetka Amötqeqe Toñi Kraist melaiiga enjöörenj kaiga yambuk qekötahögetka malmalñinan guliiga oyaenköyaen nalönjinan kam kunjuma. ²¹ Anutunönj möpñangö möpñe könahiba keunji kezapqetok ambazipurupñi tök-kutukutunji pakpak yengö jitñine aliga qeljine kewö jiba malget, ‘Anutunönj Amötqeqe Toñi angön köñ wanji Suep mire tata mali yuai pakpak kunbuk arengöba kölöñaimawi, mönö nalö mianjöörenjök melaiiga Suep mosöta etma.’

Jisösnönj keu mianjö dop eta nenjöörenj kayök.

²² * Mosesnönj kewö jii mötket,

‘Kembu Anutunönj Juda kambu enjö sutñineyök kezapqetok azi kun mem guliiga wahöta Moses ni ewö akñe.

Yañon ipñina kinda enjöra keu jimawi, mönö mi pakpak kezap ala möta tem köla malme!

²³ * Kunñan kun kezapqetok azi mianjö keunji qahö tem kölmawi, Anutugö könagesö enjon mönö yangö keunji jim teköba ayuhum wanjime.’

* 3:13: Eks 3.15 * 3:14: Mat 27.15-23; Mak 15.6-14; Luk 23.13-23; Jon 19.12-15 * 3:22:

Dut 18.15, 18 * 3:23: Dut 18.19

²⁴ Kezapqetok ambazip Samuelgörenök könahiba kota keu jigeri, mienön mönö körekmakörek mewöyök kezapqetok keu nalö kewöñe öñambuk akzawi, mia qeljine jiba malget. ²⁵ *Anutunöñ ambösakonurupnini yembuk jöhöjöhö arenji aka Abrahamgöra kewö jii mörök, ‘Göhö gwölönarökurupki yengörenök kunñan ahuba wahötmawi, Anutu nöñön mönö yanğora aka gölmeğö ambazip kambunji kambunji pakpak kötuetköm engibi oyaenköyaen akñe.’

Anutunöñ jöhöjöhö keunji indeli kezapqetok ambazipnöñ mi toroqeba jim köhöiba malgeri, mi mönö engöra aka ali ahöza. ²⁶ Anutunöñ Nahönñi mem gulii wahöri kötuetköm engimapköra melaiiga mutuhök engören erök. Miangöra mönö dölki urunñi melenđa nannik nannik malmalñinanğö köna bölönji andö qeme. Mewö aka oyaenköyaen akñe.” Mewö jiyök.

4

Pitö Jon yetkön jike kaunsöl kambunöñ kinohot.

¹ Pitö Jon yetkön ambazip kambu yengöra keu mewö jiyohotka jike nup galöm yeñön, jikeğö kiripo galöm bohonñan aka Sadyusi (Jike nupkö kapañkölköl) yeñön wahöta jeñire kañgotket. ² Gwarekyahötñan ambazip kambu kusum engiba kewö jiyohot, “Jisösnöñ kömupnöñök wahörök. Miangö dop kömugeri, yeñön mewöñanök guliba wahötme.” Mewö jiyohotka urunñi bölüiga yetköreñ kañgotket. ³ Kañgota etkömemba miri söñauyöhangöra aka kösö mire al etkiba jiget, “Miri gianjiigun keu jakenje al etkibin.”

⁴ Mewö jigetmö, Buña keunñiri mötkeri, yengörenök jesöngöñan urunñi melenđa Jisös möt nariget. Möt narigeri, yengö jañğöñinan qarüiga 5000:gö dop aka malget.

⁵ Miri gianjiiga galömkölköl aziurupñini, Juda yengö jitñe memeurupñini aka Köna keugö böhi yeñön Jerusalem tokoget. ⁶ Tokoba jike nup galöm bohonñi qetñi Anas yanñön sutñine tarök. Mewöyök Kaiafas, Jon, Aleksander aka jike nup galöm bohonñanğö saiwaurupñi tosatñi pakpak mi mohotñe tatket. ⁷ Tatketka Pitö Jon etkuanğita jeñine al etkiget kinohotka kewö qesim etkiget, “Etkön mönö denöwö ahot? Dagö qetñi qerohotka ösumñi etkualöñni letörök?”

⁸ Qesim etkigetka Uña Töröñan Pitögö urunji kokolak qei kinda kewö jii mötket, “Kantrigö galömkölköl azi aka jitñememeurupnini, mötket! ⁹ Niri lokon azi denöwö alabauk ak wañgiziga könañi guliba ölöwahök, merak mewö qesim netkize. ¹⁰ Miangöra miangö likepñi mi ölop jibiga inñi aka Israel ambazip könagesö pakpak mötme. Eñön Nazaret azi Jisös, Amötqeqe Tonini maripomnöñ qegetmö, Anutunöñ i mem gulii kömupnöñök wahörök. Jisös qetñanğö ösumñan mönö azi ki möhamğöiga engö jeñine ölöwaka kinja. ¹¹ *Keu kun kewö, ‘Miri meme azinöñ köt tandö kun andö qeba mosötketmö, Anutunöñ mi aliga ain tandö kömbönañi bohonñi akza.’ Ain tandö bohonñi mi Jisös.

¹² “Jisös mohotnöñ mönö amöt qem neñgiza. Qet kun köulüköinga mi osimemö, Jisösgö qetñan mönö dop kölja. Anutunöñ qet kun Suepkö bapñe qahö neñgiiga ahöza. Qahö! Qet mohot mi qeta letota Suepkö buñaya akin.”

* 3:25: Jen 22.18 * 4:11: Sum 118.22

¹³ Mewö jim teköiga tandöknjiri eka kewö jiget, “Azi yahöt kietkôn mötmöt mire qahö öngöba tondup keu köhöiknji köhöiknji jiba awösamkakak kinda suahö ewö akzahot.” Mewö jiba köñkun aka welipköba könañjiri möt kutuba jiget, “Alaknja! Azi yahöt mietkôn mönö Jisösbuk mala letorohot.” ¹⁴ Könañjiri möt kutuba jiba lokon azinöñ ölöwaka yetpuk kinöhi, mi eka keunñjiri qeapköbingö osiget. ¹⁵ Mi osiba jike kaunsöl kambu engömosöta yaigep gemahotkö jim kutuget geyohotka nanñinök keu jaruba goro aket.

¹⁶ Goro aka jiget, “Nini azi yahöt ki mönö denöwö ak etkibinto? Yetkôn jim kutuyohotka angöletot qainñi kun asuhuyöhi, mi Jerusalem körek pakpak yeñön möt teköze aka nini mi mewöyök qañ kölbingö osizin. ¹⁷ Mi osizinmö, miangö keunji ambazip sutñine kunbuk sehiba anhapuköra mönö ölop kewö jim kutum etkiinga dop kölma, ‘Inñiri mönö Jisösgö qetnöñ keu kunbuk kude jimahot.’ Mewö jiba köhöikñjanök jim qetal etkiinga sörauyohotka kunñan kun mi qahö möri teköma.”

¹⁸ Mewö jim jöhöba etkoholget öngöyohotka kewö jim kutum etkiget, “Inñiri mönö Jisösgö qetnöñ keu kun kude toroqeba jiba ambazip kusum engimahot.” Mewö jiba sonjo köhöiknji al etkiget. ¹⁹ Mewö jim kutum etkigetmö, Pitö Jon yetkôn melenñda kewö jiyohot, “Netkôn engö jimkututunñini tem kölbitköra Anutugöreñ keu memba et aljiga omanñi akapuk. Mi Anutugö jemesoholñe dop kölja me qahöwi, mi mönö nanñinak kewöta jiba jöhöme! ²⁰ Mewö me mewö jiba jöhöbeakmö, netkôn yuai eka möriri, mi köyatiba keu bökö malbirangö dop qahö.”

²¹ Mewö jiyohot mötketka ambazip körekñan angöletot asuhuyöhi, miangöra Anutu möpöseiget. Mewö möpöseigerangöra aka “Likepñi denöwö ak etkibinak?” jiba köna kun qahö miwikñaiget. Qahö miwikñaiba galöm meme keu köhöiba jim etkiba etkömosötketka erohot. ²² Angöletot asuhuiga lokon azi ölöwahöhi, mi (yara) yambuñi 40 lök onñgita malök. Miangöra mönö Anutu gwötpuk möpöseiba malget. Mewö.

Mötnariy yeñön köuluköba kin köhöiget.

²³ Jike nup galöm bohonñi aka jitñememe yeñön Pitö Jon galöm meme keu jim etkiba etkömosötketka nanñjiri alaurupñiri yengöreñ lilingöba anohot. Anda keu pakpak jigeri, mi jiyohotka mötket. ²⁴ *Mi jiyohotka möta urumohot aka urunñini qezaköba jölnñini memba wahöta Anutu kewö köuluköm wanñiget, “O Kembu öngöngöñi ketanñi, göñön Suep, gölme, köwet aka yuai pakpak miengöreñ ahözawi, mi miwikñaim engiba Tonñina akzan. ²⁵ *Göñön mönöwök nangi Uña Töröñi melainöñ eta nup azigi Deiwid, neñgö ambönini yanğö numbuñe keugi ali göhö jitki memba kewö jiyök, ‘Urumelenğö kopa yeñön mönö wuanöngöra göjuñi göjuñi memakze? Kantrinñi kantrinñi yeñön mönö denöwögöra aka mötmöt omanñi omanñi mötmörimakze?’

²⁶ Gölmegö kin kembuñi kembuñi yeñön gölmeñinangö dop wahörakze. Pom jembonñi jembonñi yeñön mindiriba tokomakze. Mewö qeburunñi yöhöi Kembu aka yanğö Amötqeçe Tonñi qetal etkimakze.’

²⁷ *Ölña, keu miangö dop siti kianğöreñ asuhuyök. Gi Nahöngi Töröñi Jisös kunñunönga Amötqeçe Tonina akza. Yanñön asuhuiga azi kembu yahöt Herod aka Pontius Pailöt yetkôn Rom gawman galöm aka nanine

* 4:24: Eks 20.11; Neh 9.6; Sum 146.6 * 4:25: Sum 2.1-2 * 4:27: Mat 27.1-2; Mak 15.1; Luk 23.1, 7-11; Jon 18.28-29

Israel isikurupnini yembuk mindiriba totoko ala tuarenjon ak wangiget. ²⁸ Gi nangak ösumgi aka jitkahö dop yangöra yuai asuhumapkö keunji jiba qeljine jöhöba arengönöñ. Yeñon yuai mi ak wangigetka keu areñ pakpak mi mewö öñjambuk ahök.

²⁹ “O Kambu, nini gi welen qem gihiinga merak galöm meme keu neñgizei, gi mönö mi eka nanğöm neñginöñga ölöp göhö Buña keugi suahö ewö awösamkakak kinda jiba malbin. ³⁰ Göñön mönö börögi surunöñga kawöl ambazip mi Nahöngi Töröñi Jisösgö qet ösumje ölöwakje aka anğöletot aiwesök murutñi murutñi asuhumakje. Keu mi öñja.”

³¹ Mewö köulukögetka miri tokoba tatkeri, gölme mi memenjaliba utuköiga Uña Töröñan körek pakpak urunñi kokolak qeiga anda suahö ewö awösamkakak kinda Anutugö Buña keu jiba malget. Mewö.

Mötnariñ ambazipnöñ uru jöhöm anğuget.

³² *Urumeleñ kambu ketanji yeñon urumohot aka mötmöt mohot aka malget. Yuai pakpak ahöm enğiyöhi, mi göhöreñök me nöñgöreñök, mewö qahö jigetmö, yuai pakpakñini mi mutulangöba mohot aiga malget. ³³ Mewö malgetka Anutugö ösumñan enğualöñniga köhöigetka aposol yeñon jitiñini memba dangunu ewö kinda Kambu Jisösnöñ kömupnöhök guliba wahöröhi, keu mi nanğöba jiba malget. Mewö malgetka Anutunöñ kalem möriamñi ketanji mokom enğiiga ambazipnöñ göda qem enğiget. ³⁴ Mewö malgetka mianğö dop sutñine kunñan yuai kungöra qahö mözöröñgöba osiba malök. Körek pakpak nene nupñi nupñi aka mirinji mirinji mienğö tonji akeri, yeñon mi bohonñi memegöra alget. Mewö algetka söñgöröñi moneñ kaiga mi memba kaget. ³⁵ Memba kaba aposol yeñö böröñine algetka körek pakpak mözöröñgöba osigeranğö dop mi sutñine mendeñda enğiba malget.

³⁶ Azi kun qetñi Josef, aposol yeñon qetñi Barnabas qetkeri, mi naine keunöñ: Uru nanğönanğö azi, yanön gölme jölanñi qetñi Saiprus mianğöreñ asuhuba qariba jike nup azia (Liwait) malök. ³⁷ Yanön mewöyök nene nup gölmeñi bohonñi memegöra ali moneñ kaiga söñgöröñi mi memba aposol yeñöreñ kaba böröñine alök. Mewö.

5

Ananias Safaira yetköreñ tilipqilip

¹ Mewö aka malgetmö, azi kun qetñi Ananias anömñi qetñi Safaira yetkön nup gölmeñiranğö bahöñi bohonñi memegöra alohot. ² Alohotka söñgöröñi kaiga azinöñ moneñ bahöñi nanñanğöra anğön köla asamböri anömñan mi möt teköi bahöñi kun memba kaba aposol yeñö böröñine alök.

³ Böröñine alökmö, Pitönöñ kewö jiyök, “O Ananias, gi mönö wuanöñgöra Satan qahö qetalnöñga urugi kokolak qeiza? Yanön urugi kokolak qeiga göñön esapköba Uña Töröñi isimkakalek ak wangiba nup gölmegö moneñ bahöñi anğön köla asambötzan? ⁴ Gi mianğö tonji aknöñi, nalö mianğöreñ mi nangi buñaya ahök me? Aiga nup gölmegi bohonñi megetka söñgöröñi kayöhi, moneñ mi mönö göhö buñaya ahök me? Gi mönö wuanöñgöra urugan keu jöhöba yuai ki akzan? Gi muneñ jiba mewö mianñon ambazip qahö tilipköm neñgizanmö, Anutu nanñi mönö tilipköm wangizan!”

* 4:32: Apo 2.44-45

⁵ Mewö jiiga keu mi möt sasauba tala gölmenöŋ geba kömuyök. Mewö kömuiga ambazip pakpak mianğö buzupŋi möta sömbu mötmöt ketanŋi aket. ⁶ Kömuiga azi gwabö yeŋön kota qamötŋi memba esuhuba anguba anda löm kölget.

⁷ Aua karöbut teköiga anömŋan yuai asuhuyöhi, mi qahö möta kayök. ⁸ Kaiga Pitönöŋ anömŋi Safaira kewö qesim waŋgiyök, “Injiri nup meme gölmeŋiri bahöŋi bohonŋi memegöra alohotka monerŋ kayöhi, mi mianğö dop me qahö? Mi jinöŋga mötpi!”

Qesim waŋgiiga kewö meleşnök, “Monerŋ mi ölna mianğö dop kayök.”

⁹ Mewö meleşniga jim waŋgiyök, “Injiri mönö wuanöŋgöra urumohok aka Kembugö Uŋa Töröŋi tilipköm waŋgizahot? Mötnöŋ, apkan kömuiga azinöŋ memba anda löm köljei, yeŋön mönö naŋgu ki dopdowigetka kourukŋi mötzan. Yeŋön gi mewöyök esuhuba aŋgum gihiba anme.”

¹⁰ Mewö jiiga mianğöreŋök tala Pitögö könaŋe geba kömuyök. Kömuiga azi gwabö yeŋön kota qamötŋi miwikŋaiba memba anguba anda apŋaŋğö qöhöröŋe löm kölget. ¹¹ Löm kölgetka urumeleş kambu jömukŋi yeŋön möta awöwöligetka buzupŋi sehiiga körek pakpak mötketka sömbu mötmöt ketanŋi aket. Mewö.

Aposol yeŋön ambazip gwötpuk mem ölöwak enğiget.

¹² Mewö aketka Anutugö kukösumŋan aposol inahöm enğiiga nup memba böröŋini ambazip qakŋine algetka Anutunöŋ aiwesök aŋğöletot meiga sutŋine gwötpuk asuhuget. Ambazip Jisös möt narigeri, körek yeŋön jöwöwöl jikegö tohon uruŋe öŋgöba kiŋ Solomongö sombem söranŋambuknöŋ tokoba kambu mohot aka malget.

¹³ Mewö tokoba malgetka ambazip tosatŋan keŋgötŋini möta zirinŋirin aketka kunŋan totokoŋine qahö öŋgöyök. Mewö qahöpö, ambazip kambu yeŋön göda gwötpuk qem enğiba malget. ¹⁴ Mewö tokoba malgetmö, töndup ambazip sehisehiŋi yeŋön kambuŋini toroqem enğiba malget. Azi aka ambi kambuŋi kambuŋi yeŋön Jisös möt nariba uruŋini meleşgetka kambuŋinan qariba sehiyök. ¹⁵ Aposol yeŋön nup mewö megetka ambazip sehisehiŋan ölöwaket. Mewö ölöwakeranğöra aka tosatŋan kawöl ambazip enğuanğita kululu köla anguba köna gōraŋe mewöyök dum möhamgöba möki tumbula mianğöreŋ al enğiba kewö jiget, “Pitönöŋ kaba neŋgongitmawi, imutimutŋan mönö nalö mianğöreŋ yeŋgöreŋök kungö qakŋe öŋgöi ölöwakawak!”

¹⁶ Mewöyök taon aka miri Jerusalem siti liliköba tat anjei, mienğöreŋök ambazip kambu gwötpukŋan öröba kaget. Mewö kaba ambazip kawöl enğöhöyöhi aka ömenöŋ töŋöt memba* kölköljinŋin ak enğigeri, mi enğuanğita kaba kaŋgotket. Kaŋgotketka körek yeŋön ölöwaket. Mewö.

Garatanöŋ aposol kösö mireyök enğuanğiri etket.

¹⁷ Mewö aka malgetka jike nup galöm bohonŋan aka yaŋğö sunğurumurupŋi Sadyusi (Jike nupkö kapankölköl) pati naŋğöm waŋgigeri, körek yeŋö irimŋini seholiiga urupik aket. ¹⁸ Urupik aka aposol enğömemba jöhöba gawmangö kösö mire al enğiget. ¹⁹ Al enğigetmö, sunğem mianğöreŋ ahögetka Kembugöreŋ garata kunöŋ kösö miri naŋguŋi öröba enğuanğita yaigep eta kewö jiyök, ²⁰ “Mötket! Injini mönö

* **5:16:** Töŋöt mi kewö: Ömenöŋ numbuŋi möwöŋgöiga keu bökö malja.

anda jöwöwöl jikenöŋ öngöba ambazip jeŋine kinda malmal dölölkŋaŋgö kōnaŋi pakpak aukŋe jigetka mötme.”

²¹ Mewö jii möta miri gianaŋiiga jöwöwöl jikenöŋ öngöba kinda Buŋa keu kusum enŋiget. Mewö kinda kusum enŋigetka jike nup galöm bohonŋi aka alaurupŋan naŋgöm waŋgigeri, yeŋön aŋgota jike kaunsöl kambu aka Israel jitŋememeurup köl öröm enŋigetka mohotŋe tokoget. Tokoba kinda opotöröp tosatŋi aposol enŋuaŋgitpingö melaim enŋigetka kōsö mire anget. ²² Angetmö, i mianŋöreŋ qahö miwikŋaim enŋiba öne lilingöba kōsohotŋini kewö alget, ²³ “Nini ölna kōsö mire aŋgota naŋguni köhöikŋi kötökŋi kölget kini wahip azinöŋ naŋgunöŋ kingetka ehin. Mi ehinmö, naŋguni öröba öngöba mianŋöreŋ azi kun qahö miwikŋaizin.”

²⁴ Mewö jigetka jikegö kiripo galöm bohonŋi aka jike nup galöm bohonŋi yeŋön keu mi möta uruŋini lalalulu siksauk aiga jiget, “Oponon! Merak mewö asuhaba kōnaŋgep kunbuk supapkōiga denöwö akapuk!” ²⁵ Mewö jigetka kunŋan kota kewö jii mötket, “Mötket, azi kōsö mire al enŋigeri, yeŋön mönö jöwöwöl jikenöŋ kinda ambazip Buŋa keu kusum enŋize!” ²⁶ Mewö jii mötketka jikegö kiripo galöm bohonŋan opotöröp enŋömeiga anget. Anda “Ambazipnöŋ köt gila neŋgubepuk!” jiba keŋgötŋini möta lolonŋanök jöwöwöl jikenöŋ öngöba aposol enŋuaŋgita kaget.

²⁷ Mewö enŋuaŋgita kaba jike kaunsöl kambu yeŋgö jeŋine alget kingetka jike nup galöm bohonŋan kewö qesim enŋiyök, ²⁸ **“Inini Jisösgö qetŋe keu kun kude kusum enŋime! Neŋön mewö jiba soŋgo köhöikŋi al enŋiinmö, keu mianŋö ölnan mönö denöwö asuhuyök? Enön mönö toroqeba kusum enŋiba mala Jerusalem siti ki Jisösgö keunöŋ kokolak qegetka maljin. Aiga azi mianŋön kömumba sepŋi mokoiga enön neŋgöra kewö jimakze, ‘Yaŋgö keuŋan mönö Juda neŋgö qakŋine öngöyöha ahöza.’”*

²⁹ Mewö jiyökmö, Pitö aka aposol tosatŋan kewö melenget, “Neŋön ambazip enŋö jimkutukutuŋini tem kölbingöra aka Anutugöreŋ keu andö qeinga qahö dop kölma. Qahö! ³⁰ Anutunöŋ nanine ambösakonurupninaŋgö bemŋina akza. Inini Jisös ip kemaŋe möndöba qegetka kömuyökmö, Anutunöŋ i mem guli wahörök. ³¹ Anutunöŋ i mem guliba waŋgita öngöi nanŋi böröŋi ölna ali tatza. Euyangöreŋ tari Anutunöŋ siŋgisöndoknini mosöt neŋgimamgöra kuŋgui Pom Kembunini aka Amötqeŋe Tonini akza. Mewö aka Israel kōnagesö urumeleŋ ak neŋgimamgö mötza. ³² Nini yuai mi eka keu pakpak mi naŋgöba jiba dangunuŋi aka kinjin. Uŋa Töröŋan mewöyök keu mi naŋgöba jimakza. Anutunöŋ Uŋa Töröŋi ambazip jitŋi tem köl waŋgimakzei, mönö yeŋgö uruŋine ala buŋa qem enŋiza.”

³³ Pitönöŋ keu mewö jiiga jike kaunsöl kambu yeŋön mötketka uruŋini sounöŋ qesiŋqesiŋ ewö qesiŋnök. Qesiŋniga uruŋini könöp jeiga aposol enŋuget kömumegö mötket. Mewö.

Gamalielnöŋ alaurupŋi jim mölöwörim enŋiyök.

³⁴ Mewö mötketmö, Farisi (Kōna keugö kapaŋkölköl) azi kun qetŋi Gamaliel yaŋön jike kaunsöl kambu yeŋgö sutŋine tarök. Yaŋön Kōna keugö böhi azia mali ambazip pakpak göda qem waŋgigetka jitŋememeŋina ahök. Mewö aka wahöta aposol enŋuaŋgitketka yaigepŋe geba borom kun mambötmegöra jim kutuyök.

* 5:28: Mat 27.25

³⁵ Mewö jim kutui gegetka jitnememe alaurupņi kewö jii mötket, “Israel aziurup, injini azi ki denöwö ak engibeak, miangöra mönö ölöpnanök galöm mem angume. ³⁶ Mutuk emune azi kun qetņi Teudas yaņön wahöta ‘Nöņön ketaņamņina akzal,’ jiiga merak (yara) yambu tosatņi teköi maljin. Teudasnöņ mewö jiiga azi 400:gö dop yambuk öröröņ jöhöba mindiriba malgetmö, kunņan qei kömui tosatņan aziurupņi imbi köl waņgigeri, mi kuņgum engigetka buratigetka qeburuņinan pömsöm qeba qahöwahök.

³⁷ “Yaņgö andöņe Galili azi kun qetņi Judas asuhuyök. Yaņön takis memegöra ambazip qetņini ohoba areņgögeri, nalö miangöreņ asuhuyök. Asuhuba ambazip mölöwörim enģiiga karim akņegöra suņgurum alabaukurupņi aket. Mewö aketmö, i mewöyök qegetka kömuyök aka tosatņan suņgurumurupņi imbi köl waņgigeri, mi kuņgum engigetka buratiget. ³⁸ Mewö aiga nöņön kewö jibi mötket: Injini mönö azi kiengö sileņine yuai laņ kude akņe. Yeņön nup ki megetka qeburuņ ahuzawi, mi gölme ambazipkö mötmöt areņineyök ahuza ewö, mi mönö sohoba pömsöm qeba qahöwakņa. Miangöra i mönö engömosötketka etme. ³⁹ Mi qahöwakņapmö, Anutugö mötmöt areņnöhök ahubawak ewö, eņön mönö qeburuņ mi jöhöbingö osime. Injini Anutu nanņi qetala tuareņnoņ ak waņgiba malbepuk. Nanņini könaņini mewö miwikņabepuköra mönö galömjini mem angume!”

⁴⁰ Gamalielnöņ mewö jiiga goro keuņi angön köla wuatangöget. Mi wuatangöba aposol engoholget kotketka opotöröpköra jigetka raukapaņ (raurapaņ) mem engiget. Raukapaņ mem engigetka jike kaunsöl kambu yeņön aposol mi Jisösgö qetņe keu kun toroqeba jibepukö soņgo köhöikņi al engiba “Eta anme,” jiget.

⁴¹ Mewö jigetka jike kaunsöl kambu mosöta anget. Könanöņ anda kewö jiget, “Jisösgö qetköra aka qetbuņanini mewö mem sohozei, mi Anutunöņ mötza. Yaņön nini sihimbölö mewöņi mötpinaņgö dop möta neņgehiga ölöp dop kölja.” Mewö jiba uruņinan miangöra ölöwahiga söņgaiget. ⁴² Söņgaiba nup toroqeba memba silim dop jöwöwöl jikenöņ öņgöget aka miriņi miriņi miangöreņ anda Buņa keu kusum engiba malget. Jisösnöņ Amötqeqe Toņi Kraiti akzawi, yeņön miangö Ölöwak Buņai jiba mianöņ ambazip uruņini kuņguba malget. Mewö.

6

Nupbauk azi (dikon) 7 meköm engiget.

¹ Gwarek jaņgöņinan qariba öņgöiga Juda ambazip kambu yahöt aka malget. Tosatņan kantri tosatņeyök kaba Grik keu jiget aka tosatņan nanņine gölmeņine mala kota Arameik aka Hibru keu jiget. Mewö malgetka nalö miangöreņ goranora (noragora) asuhuyök. Grik keu jigeri, yeņön kewö jigetka böliyök, “Aposol yeņön nalö dop nene inap mendeņ neņgimakzemö, Grik keu ambi malö neņgö nene inap bahöņi mi bahösapsap neņgimakze. Öröröņ qahö misigetka qahö dop kölja.”

² Mewö jigerangöra aka aposol 12 yeņön gwarek kambu köl öröm engiget tokogetka kewö jiget, “Neņön silegö nup memba nene mendeņda engiba Anutugö Buņa nupköra nalönini ölöp qahö dop köli urugö nupninan etpapuk. Mi kude dop kölja. ³ Mewögöra alaurupņini, mötket! Eņön mönö nanņini sutņineyök nupbauk miwikņaim enģime. Uņa Töröņan azi uruņini kokolak qeiga Anutunöņ mötkutukutuņi qainņi kun al enģii qetbuņa ölöpņi memba kinjei, mönö azi mewöņi 7 meköm enģime. Mi

meköm enjigetka nup mi enjiinga mi galöm köla memba malme. ⁴ Yeñön mewö malmemö, naninak nalö jömukñanök köuluköba Anutugörej Buña keu jegeg kinda jim sehiba malbin. Nup mianğörej mönö pöndan kinbin.”

⁵ Mewö jigetka kambu pakpak yeñön “Ölöp dop köljal!” jiget. Mewö jiba azi qetñi Stiwen meköget. Stiwen mi Anutu köhöikñanök möt narim wañgiiga Uña Töröñan uruñi kokolak qei malök. Toroqeba azi kewö meköba möwölöhöm enjiget: Filip, Prokorus, Nikanor, Timon, Parmenas aka Nikolas. Nikolas mi kian kantrigö siti qetñi Antiokia mianğörej ahuba könanğep Juda azia aka uruñi Kraistkörej melenök. ⁶ Mi meköba möwölöhöm enjigetka aposol yeñgö jemesoholñine öngöm angetka böröñini nöroñine ala köuluköba kötuetköm enjiget.

⁷ Anutugörej keu jim sehiğetka töhötmöriamñambuk aiga gwarek yeñgö janğöñinan Jerusalem sitinöñ qariba sehiyök. Jike nup galöm yeñgö kambunöhök sehisehiñi yeñön mewöyök uruñini melenđa Jisös möt nariget. Mewö.

Stiwen meraköba memba jöhöget.

⁸ Anutugö kalem möriamñi aka kukösumñi mianñön nupbauk azi Stiwengö uruñi kokolak qei kinda aiwesök anğöletot ketanñi ketanñi mi ambazip sutñine mei asuhuget. ⁹ Mi asuhugetmö, Juda tosatñan wahöta Stiwen anğötuarenjon ak wañjiget. “Lolohoba kageranğö köuluk miri kambu”^{*} yeñgö sutñine Juda tosatñan Sairini aka Aleksandria Ijipt siti yahöt mianğörejök lilingöba kaba kinget. Azi mewöñan mindiriba wahöta Silisia aka Eisia prowinsnöhök kageri, yeñgö kambunöhök Juda azi tosatñi enğömembra mohotñe Stiwenbuk möndönđa granora aka jitanakölik erauget.

¹⁰ Mewö jigetmö, Uña Töröñan Stiwen sölölohöi mötkutukutu ketanğö qakñe keuñi melenđa jiyöhi, mi Juda yeñön qeapköbingö osiba etket. ¹¹ Osiba eta mömölaköba anda azi tosatñi miwikñaiba kuñgum enğiba kaba kewö jiget, “Yañön mepaqepaik keu jiba mianñön Moses aka Anutu qetal etki mörin.”

¹² Mewö jiba anda ambazip kambu, yeñgö jitñememe aka Köna keugö böhi miengö urugege keu jigetka uruñini könöp jeyök. Könöp jeiga kölölohoba kaba Stiwen öroba meraköba memba jike kaunsöl kambu yeñgö jeñine anget. ¹³ Anda azi tosatñi enğuanğitketka kota Stiwengö silenje keu munenji ala kewö nanğöba jiget, “Azi kianñön mönö jöwöwöl jikenini aka Mosesğörej Köna keu tuarenjon aka qahö mosörakzapmö, mi toroqeba jimahakza. ¹⁴ Tuarenjon aka kewö jii mörin, ‘Jisös, Nazaret azinöñ mönö jöwöwöl jike ki könderñiga qeçelanlan ahöma aka Mosesnöñ Köna keu nenñii ahözawi, mi uteköma.’”

¹⁵ Mewö jigetka jike kaunsöl kambugö totokonöñ tatkeri, yeñön körekñan Stiwen törörök ugetka kaisongolomñan Suep garata tandök ewö ahiga eka mötket. Mewö.

7

Stiwenöñ keu likepñi melenđa jii mötket.

* **6:9:** Köuluk miri kambu kungö qetñi mi kewö asuhui qetket: Ambazip pomñi yeñön tosatñi bohonñini enğömegetka buñanñini aka toñinangö welennini öne qeba mala (sleiw) böröñineyök lolohoba kageri, yeñön mönö nanñini köuluk miri kambunñi ala qetñini mi mewö qetket.

1 Stiwen keu jakenje al wanjigetka kini jike galöm bohonjan kewö qesim wanjiyök, “Keu mi ölna me muneja?”

Stiwenöy Abrahamgö kösohotnji jiyök.

2 *Qesim wanjiiga likepni kewö melenök, “Aziurup, iwi darumuni, nöñön kewö jibi mötket: Nanine ambönini Abrahamnöy Mesopotemia gölmenöy maliga asakmararaj Tonj Anutu yanön asuhum wanjiiga Mesopotemia mosöta Haran mirinöy anda malök. 3 Anutunöy kewö jii mörök, ‘Gi nangi miri gölmeği aka tinitosolomurupki engömosöta gölme kun kondel gihimami, mönö miangöreñ anda malman.’

4 *Mewö jii möta Kaldia gölme mosöta Haran gölmenöy anda malök. Miangöreñ mali iwiñan kömui Anutunöy melaim wanjiiga injini nalö kewöñe ki maljei, mönö gölme kiangöreñ kaba könahiba tata malök.

5 *Gölme kiangöreñ tata maliga Anutunöy gölme kitipni borom kun köna tamböñanjö dop mi qahö buña qem wanjiyök. Gölme kiangö tonj qahöpmahöp qahöpmö, Abrahamgö gwölönarökni qahö ahuiga Anutunöy nalö miangöreñök yangö keu qeljine kewö jiba jöhöyök, ‘Nöñön gölme ki mi gi aka göhö andöge gwölönarökurupki ahumei, mönö engöra engibi miangö tonj akje.’

6 *Mewö jiba toroqeba keu kewö jiyök, ‘Göhö gwölönarökurupkan gölme kungen anda kian aka malme. Kian aka malgetka gölme miangö tonj yenön jöhöm engigetka tonjanjö welenjini öne qeba malme. Mewö malgetka tulumgöm engigetka nup lömbötñi lömbötñi öne megetka söngöröñi qahö engigetka (yara) yambu 400:gö dop wahöjalij qakje malme.

7 *Mewö malmemö, nöñön köñangep gölme ambazip welenjini qeba malmei, mi keunöy ala jim teköm engimam.’

Mewö jiba toroqeba jiyök, ‘Mewö asuhuiga gwölönarökurupkan gölme mi mosöta gölme kiangöreñ lilingöba kaba waikni memba möpösem niñgiba malme.’ Mewö.

Aisak, Jeikob aka Josefyengö kösohotjni jiyök.

8 *‘Anutunöy Abrahamgöra mewö jiba aiwesök kewö aknegöra jii mörök, ‘Injini nömbuk jöhöjöhö aknegöra mönö nöngö aiwesök esöñini köla azi silenjine yandiba malme.’ Miangö dop Abrahamnöy nahönñi Aisak ahuiga silim 8 aiga miangöreñ aiwesök mi silenje yandiyök. Aisaknöy nahönñi Jeikob qiwikñaiba aiwesök mi yandiyök aiga Jeikobnöy nahönurupñi qiwikñaim engiba miangö dop yandim engiyök. Jeikobkö nahönurupñi 12 yerñon Israel nengöreñ ambösakonurupnina aket.

9 *‘Ambösakonurupninan munñini Josef mi andö qem wanjiba bohonñi memegöra algetka tosatñan söngöröñi memba wanjita Ijpt kantrinöy anda algetka malök. Miangöreñ malökmö, Anutunöy yambuk kinök.

10 *Yambuk kiniga köñjilij köñani köñani qakje öngöi möröhi, körek miengöreñök mönö meköm wanjiyök. Meköm wanjiba kalem möriamñi wanji mötkutukutuñi ölöpnjan asuhuyök. Mi asuhuiga Ijpt kantrigö farao kin yangö jeñe angori ehi dop köliga azi kembu kunjum wanji Ijpt kantri

* 7:2: Jen 12.1 * 7:4: Jen 11.31; 12.4 * 7:5: Jen 12.7; 13.15; 15.18; 17.8 * 7:6: Jen 15.13-14 * 7:7: Eks 3.12 * 7:8: Jen 17.10-14; 21.2-4; 25.26; 29.31-35.18 * 7:9: Jen 37.11, 28; 39.2, 21 * 7:10: Jen 41.39-41

aka farao kingö jakömbuak miri yuaini galöm köl engiba malök. ¹¹ *Galöm köl engiiga bödi nalöni kam kunjuiga Ijpt pakpak aka Kenan gölme mi dop kölök. Miangöra ambazipnöj kahasililin ketani möta malget. Mewö mala nanine amböurupninan nene miwikñaibingö meme yangap meget.

¹² *Mewö megetka 'Ijpt gölme miangöreñ padi ahöza,' mewö jigetka Jeikobnöj mörök. Mewö möta nahönurupñi, nanini amböurupnini mi nalö mutukñi melaim engii miangöreñ anget. ¹³ *Mewö anda mala lilingöba iwinanangöreñ kaget. Könanjep indimñi kun kunbuk angetka Josefñöj könanamñi indeli mötket. Mötketka farao kinñöj mewöñanök tinitosolomñi engeka könanini möt kutuyök. ¹⁴ *Möt kutuiga Josefñöj keu ala iwinñi Jeikob aka tinitosolomurupñi pakpak mi köl öröm engii yangöreñ anget. Ambazip angeri, yengö yangöñini mi 75 ahök.

¹⁵ *"Jeikob mewö wangitketka Ijpt gölmenöj anök. Anda mala miangöreñ kömuyök. Amböurupninan mewöyök kömum teköget. ¹⁶ *Kömum tekögetka qamötñini memba anguba Kenan gölmenöj lilingöba Sekem mire kaba löm köl engiget. Mönöwök Abrahamnöj Sekem (Sikem) mala gölme kun azi qetñi Hamor yangö gwölönarökurupñi yengöreñök moneññöj söngöröñi meyöhi, mönö miangö qaksirine köt köten urorohoba miangöreñ al engiget." Mewö.

Mosesnöj Ijpt kantrinöj ahuba mala korök.

¹⁷ *Stiwenöj toroqeba kewö jiyök, "Anutunöj mönöwök jöhöjöhö keu Abraham wangiyöhi, mi öljambuk akñapakö nalöni töriba dopdowiyök. Dopdowiyöhi, miangö dop Israel yenön Ijpt gölmenöj ahum sehiba malgetka kambuninan qariba öngöyök. ¹⁸ Qariba öngöiga farao kinñöj wahöta könahiba Ijpt galöm köl engiyök. Kinñöj mölökñi mianön Josefö könanñi mi qahö möta malök. ¹⁹ *Yangö könanñi kude möta nanini könagesö mi isimkakalek qakñe tilipköba amböurupnini mulungöm engii malget. Mewö malgetka kinñöj köhöiba Israel kewö jim kutum engiyök, 'Inini mönö morö azi sepsepñini memba yaigepñe anda onöj gilgetka geba kömume.'

²⁰ *"wö juiga nalö miangöreñök morö kun qetñi Moses asuhuyök. Anutunöj i eka möri dop kölök. Mosesnöj ahuiga iwinamñan i köin karöbut miangö dop mirinire galöm köla malohot. ²¹ *Köin karöbut mi teköiga namñan wangita yaigepñe anda köndenöj o qakñe ala mosörök. Mosöta ani farao kingö böratñan miwikñaiba meiga nahönñi aiga galöm köl wangii malök. ²² Mewö maliga Ijpt yengöreñ mötmöt aka aiaka pakpak mi kusum wangigetka miangö dop Ijpt yengöreñ mötkutukutu azi ketani ahök. Yanön keunñi aka ahakmemeñi mi ösum-mumu qakñe jiba aka malök.

²³ *"Mosesö (yara) yambuñi 40 teköiga miangöreñ Israel darunurupñi yengö prowinsnöj anda engekñamgö mötmöröba keunñi jöhöba anök. ²⁴ Anda Ijpt azinöj Israel azi kun yambuk öne töhön angururuk aka öröm ureim ak wangiba qeyöhi, mi ehök. Mi eka anda Israel azi mi bauköm wangiba andöñe anda likepñi melenða Ijpt azi mi qeba qem kömuyök. ²⁵ Qem kömuiga Anutunöj Mosesgöreñ nariba Israel ambazip

* 7:11: Jen 42.1-2 * 7:13: Jen 45.1, 16 * 7:14: Jen 45.9-10, 17-18; 46.27 * 7:15: Jen 46.1-7; 49.33 * 7:16: Jen 23.3-16; 33.19; 50.7-13; Jos 24.32 * 7:17: Eks 1.7-8 * 7:19: Eks 1.10-11, 22 * 7:20: Eks 2.2 * 7:21: Eks 2.3-10 * 7:23: Eks 2.11-15

farao kingö böröneyök meköm engimangöra kukösum wanġii kayök. Yeñon Moses eka kōnañi mewö ölöp möt asarize, mewö mötmöriyökmö, yeñon mi qahö möt asariba öne tönpin malget.

²⁶ “Miri ġianġiga kunbuk yengöreñ ani Israel azi yahötñan auyohotka etkehök. Etkeka esapköba sutñire luai ahumapkö möta kewö jiyök, ‘Azi yahöt, injiri darumuna. Nanñiri mohot mianñon mönö wuanönggöra mewö ayuhum anġuzahot?’ ²⁷ Mewö jiyökmö, azinöñ alañi mem bölim wanġiyöhanñon mönö Moses könöpuk utala kewö jim wanġiyök, ‘Gi mönö nengöreñ galöm aka jimtekötekö azia akzan me? Dañon mewö kuñgum gihiġa kinjan?’ ²⁸ Gi uran Ijpt azi qenöñ kömuyöhi, mönö mewö ni nuñgumangöra jizan me?”

²⁹ *Mewö qesim wanġiġa keu mianġöra aka Ijpt kantri moşöta ölöñ köla Midian gölmenöñ anda kiana malök. Mewö mala ambi memba nahönyahötñi yahöt qiwikñaim etkiü malget.” Mewö.

Mosesnöñ gölme qararañkölkölñe yambu 40 malök.

³⁰ *Stiwenöñ keu toroqeba kewö jiyök, “Mewö malgetka (yara) yambu 40 teköiga mianġöreñ Mosesnöñ gölme qararañkölkölñe liliköba kundunñi qetñi Sainai mianġö kōnañe mali Suep garata kunñan asuhuyök. Mi ip köhöso kembañe könöp bölam asuhuba qahö jem kutuyöhi, mianġöreñ asuhum wanġiyök. ³¹ Mewö asuhum wanġiġa tandök mianġöra welipköba kōnañi eka möt kutumangöra kösutñe ani Anutugöreñök keu kun kewö kai mörök, ³² ‘Nöñon göhö ambösakonurupki yengö Anutunñina akzal. Nöñon Abraham, Aisak, Jeikob yengö Kembunñina mala kota maljal.’ Mewö jii möta jönömñi kōnahiba unduġa mianġöreñ göröken uba ekñamgö kenġötñi mörök.

³³ “Kenġötñi mörökmö, Kembunöñ kewö jii mörök, ‘Gölme tiba kinjani, mi gölme kömbukña. Mianġöra gi mönö kōna esugi çeköman! ³⁴ Nöñgö ambazip kambu-urupni Ijpt maljei, mi mulumgöm enġigetka sihimbölä qakñe aum-möriba malje. Nöñon mi eka maljal. Yeñon osongom enġui sahot uletzei, nöñon mi möt teközal. Nöñon yengö böröñineyök meköm enġimangöra etzal. Mianġöra gi mönö dölkü wahöta ki kanöñga melaim gihibiġa Ijpt anman!’ Mewö jiyök.”

Mosesnöñ Israel enġuañġiri yambu 40 kōnanöñ malget.

³⁵ *Stiwenöñ keu toroqeba kewö jiyök, “Yeñon Moses qañ köla köndat wanġiba kewö jiget, ‘Gi mönö galöm aka jimtekötekö azia akzan me? Dañon mewö kuñgum gihiġa kinjan?’ Mewö qañ köla jigetmö, Anutunöñ Moses mi melaim wanġiġa yengö pom kembunñina ahök. Suep garatanöñ ip köhösonöñ bölam jeyöhanġöreñ asuhum wanġiyöhi, yañon mönö Anutugöreñ buzup keu mi memba kaba urunñi kuñgui mekömekö azinñina ahök. ³⁶ *Israel mekömekö azinñina aka ambazipurupñi mi aiwesök anġöletot kōnañi kōnañi memba Ijpt kantrinöhök meköba enġuañġiriga moşöta Köwet Pisikñi mianġöreñ kaget. Emu kagetka mianġöreñ aka gölme qararañkölkölñe mewöñanök toroqeba aiwesök anġöletot murutñi murutñi mi (yara) yambu 40 mianġö uruñe memba kondeli eka malget. ³⁷ *Mosesnöñ pom kembunñina mala Israel kōnagesö yengöra kewö jiyök, ‘Anutunöñ Juda kambu enġö sutñineyök kezapqetok azi kun möwölöhöba kuñguġa ni ewö akña.’

* 7:29: Eks 18.3-4 * 7:30: Eks 3.1-10 * 7:35: Eks 2.14 * 7:36: Eks 7.5; 14.21; Jan 14.33

* 7:37: Dut 18.15, 18

38 **“Israel yeñön gölme qararañkölkölñe kaba malgetka pom kembunini aka nanine ambösakonurupnini yembuk mala könagesöñjini galöm köl enğiyök. Galöm köl enğiba kundunji qetñi Sainai mianğöreñ öngöi Suep garata kunñan keu jii möta yambuk malök. Mewö mala Anutunöñ malmal köhöikñangö keunji sundan jii möta malöhi, yañön keu mi mianğö dop jiiga neñgö Buñaya ahök.*

39 *“Yañön pom kembunina malökmö, nanine ambösakonini yeñön keunji tem köl wañgibingö ölan enğöhöiga andö qeget. Andö qeba utal wañgiba urunji moñaiiga Ijipt kantrinöñ kunbuk lilingöbingö sihimñi mötket.*

40 **Mewö möta Mosesgö datñi Aron yañgöra kewö jiget, ‘Mosesnöñ pom kembunini aka Ijipt kantrinöhök meköba neñguañgiriga kaini, yañön kundunje öngöba tandök denöwö akzawi, nini mi qahö mötzin. Mi qahö mötzinañgöra göñön ölop tandö lopionñ menöñga mienñön jitmemenini aketka könañjine toroqeba anbin.’*

41 **“Mewö jiba mianğöreñök goul memba mianñön lopionñ kun bulmakau moröñañgö tandök meget. Mi memba jöwöwöl memba kaba al wañgiba lömbuañ ohoba yuai böröñinan megeri, mianğö sösoñgai aka möpöseiget. 42 *Mewö aketmö, Anutunöñ mi eka ölan yöhöiga andö enğui Suepkö señgelau Tonji waikñini memba möpöseim enğimegöra enğemosörök. Kezapqetok azi Amosnöñ keu kun ohoi Buzup Kimbinöñ ahözawi, mönö mianğö dop kewö aket,*

‘O Israel ambazip, inini gölme qararañkölkölñe kaba (yara) yambu 40:gö dop mala nalö mianğöreñ sömbup jöwöwöl ohoba naluk tosatñi memba kaba niñgiba malget me qahö?’

43 *Mi qahöpmö, enñön mönö bem qetñi Molok yañgö opo seri koumñi mi anğuet aka bem qetñi Refan yañgöreñ señgelau imutñi mi anğuba kaba malget.*

Enñön imut lopionñ mi waikñiri memba möpöseim etkibingö meget buñañjina ahök.

Mianğöra aka nöñön mönö inini közöl enğibi kerökurupñinan kaba enğuañgitketka anda mala körowen Babilon kantrigö andöñe öngöba malme!’ ” Mewö.

Stiwenöñ opo seri jikegö keunji jiyök.

44 **“Ambösakonurupnini yeñön gölme qararañkölkölñe kaba mala Anutugö dangunuñi kuñguba opo seri jike memba anğuba malget. Mi memba anğuba Anutunöñ jikenji memegöra Moses jim kutum wañgiba söpsöp imutñi kondel wañgii ehöhi, mönö mianğö dop meget kinök.*

45 **Mosesnöñ ambösakonurupnini galöm köl enğiiga yeñön opo seri jike mi anğuba malget. Könañgep Josuanöñ wahöta galöm köl enğii gwölönarökurupñinan jike mi buña qem anğuba toroqeba kaba mala kantri ki kañgotket. Kantri ki kañgotketka Anutunöñ gölme tonji kambunji kambunji enğuatangöi angetka gölmeñjini anğön köla meget. Memba tata malgetka kiñ Deiwidnöñ asuhuyök.*

46 **“Yañön asuhuba Anutu jemesoholñe kalem möriamñi miwikñaiba kewö qesim wañgiyök, ‘Anutu Jeikobkö bemñi, göñön ölop jinöñga nöñön jim kutubi nini göhöra jöwöwöl jike bohonñi membin.’ 47 *Mewö*

* 7:38: Eks 19.1–20.17; Dut 5.1-33 * 7:40: Eks 32.1 * 7:41: Eks 32.2-6 * 7:42: Amos

5.25-27 * 7:44: Eks 25.9, 40 * 7:45: Jos 3.14-17 * 7:46: 2 Sml 7.1-16; 1 Hist 17.1-14

* 7:47: 1 Kiñ 6.1-38; 2 Hist 3.1-17

qesim wanğiyökmö, Solomonöñ jiiga Anutugöra jöwöwöl jike meget.
 48 Mi megetmö, Öngöngöñi Ketanji yanön azinöñ miri böröñinan megeri, miangöreñ qahö malja. Mianğö keunji kezapqetok azi kunjan kewö ohoi ahöza,

49 *Kembunöñ jiza: Nöngöreñ jakömbuak dum tatatni mi Suepnöñ ahöiga gölme mi kónananğö döpnji aiga miangöreñ tiba tatzal.

Injini mönö nöngöra miri tandökñi denöwö megetka dop kölbawak? Me miri denikeangöreñ miwikñaim niñgigetka miangöreñ öngöba luhut memba malbilenjak?

50 Yuai pakpak mi mönö nanak nani böröñan miwikñaim enğial mi mötze.’” Mewö.

Stiwenöñ kaunsöl yenğö uruñini kunğuyök.

51 *“O qegetal ambazip, enğö uruñinan mönö duhuiga kopa akze! Kezapñinan köungöba qahö kötökñi tohoza! Mi duhuzawanğöra Anutugöreñ keu qetala kezapjupjup ahakze. Ambösakonñinan Uña Töröñi tuarenjoñ ak wanğiba malgetka enön mönö yenğö dop toroqeba mewöñanök Uña Töröñi sundan dop andö qemakze! 52 Enğö ambösakonurupñinan kezapqetok ambazip awamñi qahö sesewerowero ak enğiba malget. Yenğöreñök dañön mönö kahasililij qahö miwikñaiyök? Yenön Azi Solanñan asuhumapkö kezapqetok keunji jigetka i enğuget kömuget. Yenön kömugetka Azi Solanñan nanjak asuhuiga injini i mamalolo ak wanğiba qeget kömuyök. 53 Anutunöñ garataaurupñi melaim enğiiga Suepnöhök eta Kóna keu enğigetka Bunanñini ahökmö, enön mi qahö tem köla malget.” Mewö.

Stiwen kötnöñ qeget kömuyök.

54 Stiwenöñ keu mewö jiiga jike kaunsöl yenön mötkeri, mi uruñini sounöñ qesiñqesiñi ewö qesiñnök. Qesiñniga uruñini könöp jeiga ambarik (amdabö) yöhöba wahöta kinget. 55 Mewö aketmö, Uña Töröñan Stiwenğö uruñi kokolak qeiga jeni Suepnöñ göröken ui öngöğiga Jisös Anutugö asakmararañ uruñe euyangöreñ Anutugö böröñi ölñe kini ehök. 56 Jisös eka jiyök, “Mötket! Suepnöñ ananjiiga Suep gölmegö Azi Ölñan mönö Anutugö böröñi ölñe kiniga ekzal.”

57 Mewö jii möta qet gigilahögetka göju ketanji wahöriga kezapñini böröñinan gwözöñda körekñan luhuba anda qeraköba meget. 58 Mewö memba taon görane örörahöba anda yaigepñe ala kötnöñ kónahiba gila qeget. Mewö qegetka tosatñan mi eka kinda malukuñini qeköba mölohoba azi gwabö Solgö kösutñe alget. 59 Mewö aka kötnöñ gila qebayök kingetka Stiwenöñ Anutugö köuluköba kewö jiyök, “O Kambu Jisös, gi mönö uñani memba anğön kölman!” 60 Mewö jiba siminñan geba köla qet gigilahöba jiyök, “Kambu, siñgisöndok ki akzei, miangö lömbötñi mönö yenğö qakñine kude alman!” Mewö jiba nöñ qeba kömuyök. Mewö.

8

Solnöñ urumelen kambu sesewerowero ak enğii denget.

1 Stiwen qeget kömuyöhi, mi Solnöñ mewöyök möri dop kölök. Nalö miangöreñök sesewerowero ketanji ahuiga Jerusalem sitigö urumelen kambu kazik ak enğiget. Mianğöra yenön körekñanök siti mosöta denđa Judia aka Samaria prowins yahöt mi dop köla angetka aposol yenönök

* 7:49: Ais 66.1-2 * 7:51: Ais 63.10

kapan kōla sitinōḡ malget. ² Ambazip Anutu göda qeba waikni memba malgeri, yeḡgōreḡōk tosatḡan Stiwen kōmuyōhaḡōra jinḡeḡ kōla gwōtpuk saḡōta qamōḡḡi memba anda lōm kōlget.

³ *Lōm kōlgetmō, Solnōḡ urumelen kōnagesō jaḡgaurāḡa mem eḡgiba miriḡi miriḡi lilikōba öḡgōba urumelen azi aka ambi örorahōba eḡḡōmemba gili etketka jiiga kōsō mire al eḡḡiget. Mewō.

Filipnōḡ Samaria sitinōḡ Buḡa nup meyōk.

⁴ Urumelen ambazipnōḡ denḡa miri dop anda kaba lilikōba malgeri, yeḡḡōn Ölöwak Buḡa jiba mianḡōn ambazip uruḡini kuḡguba malget. ⁵ Filipnōḡ Samaria prowinsgō siti kunōḡ geba Amōḡtqeḡe Toḡi Kraistkō kōnaḡi jim asarim eḡḡii mötket. ⁶ Mia jim asarim eḡgiba aḡḡōletot meiga letotketka ambazip kambu yeḡḡōn mi eka keu jiyōhi, mi urumohot aka kezap ala möta aḡḡōn kōlget.

⁷ Filipnōḡ nup meiga Anutugō ösumḡan öme gwōtpuk mi ambazip uruḡineyōk eḡḡuatāḡōyōk. Eḡḡuatāḡōiga qet bölöbölö qeta kota anget. Nup meiga ambazip sehiseḡiḡi likeḡḡiḡi kōmukōmuḡi aka lokon malgeri, mi ölöwaket. ⁸ Mewō aiga Samaria sitinōḡ sōsōḡgai öḡḡōḡḡōḡi asuḡuba ahöyōk. Mewō.

Sile galōm azi Saimonōḡ timbiqim bilim ahök.

⁹ Sōsōḡgai ahöyōkmō, Samaria siti mianḡōreḡ suḡa jinaḡ azi kun qetḡi Saimon malök. Yaḡḡōn (yara) yambu tosatḡi qarōsoḡḡo amōḡtqeḡe nup memba Samaria ambazip welipkōm eḡḡiiga malget. Mewō malgetka “Azi öḡḡōḡḡōḡi akzal,” jiba nanḡaḡōra möri öḡḡōyōk. ¹⁰ Ambazip öḡḡōḡḡōḡi eretḡi yeḡḡōn kōrek pakpak Saimongō keugōra kezap ala möta kewō jimalget, “Anutugō ösumḡi qetḡi ‘Kukōsum ketani,’ qetzei, mianḡōn mönō azi mianḡō uruḡe geiga ahōza.” ¹¹ Saimonōḡ qarōsoḡḡo amōḡtqeḡe nup mi nalō kōrōḡḡi memba ambazip welipkōm eḡḡiiga malget. Mewō ak eḡḡiyōhaḡōra aka yaḡḡōreḡ qekōtahōba malget.

¹² Mewō malgetmō, Filipnōḡ kaba Anutugō bemtoḡoḡe aḡḡotpingō Ölöwak Buḡaḡi aka Jisōs Kraist qetḡaḡō kōnaḡi mi jim asarim eḡḡiyōk. Mi jim asarim eḡḡiiga ambazip gwōtpukḡan Buḡa keu möt nariba uruḡini melenḡetka o melun mem eḡḡiyōk. ¹³ Mewō aketka Saimonōḡ mewōyōk keu mi möt nariiga o melun mem waḡḡigetka Filipkō kōsutḡe kaba mala wuatāḡōyōk. Mewō aiga Filipnōḡ aḡḡōletot aiwesök ketani ketani mei asuḡugetka mi eka welipkōba malök. Mewō.

Uḡa Törōḡan Samaria yeḡḡō uruḡine geyōk.

¹⁴ Samaria ambazipnōḡ Anutugōreḡ Buḡa keu mewō möt aḡḡōn kōlgeri, mianḡō buzupḡan seḡiba Jerusalem sitinōḡ ani aposol yeḡḡōn mötket. Yeḡḡōn mi möta Pitō aka Jon meköba melaim etkigetka yeḡḡōreḡ anohot. ¹⁵ Anda aḡḡota yeḡḡōra aka köulukōba Uḡa Törōḡan uruḡine gemapkōra Kambu qesiyohot. ¹⁶ Kōnaḡi kewōḡōra qesiba köulukōyohot: Yeḡḡōn Kambu Jisōsgō qetḡe o melun mem eḡḡigetmō, Uḡa Törōḡan yeḡḡōreḡōk kuḡḡō uruḡe qahō gei öne malget. ¹⁷ Mianḡōra köulukōba börōḡḡi nörōḡḡiḡe alohotka Uḡa Törōḡan uruḡine geiga meḡet. Mewō.

Saimonōḡ Uḡa Törōḡi sōḡḡörōḡi memamḡō jiyōk.

¹⁸ Aposol yetkōn börōḡḡiḡi ambazip nörōḡḡiḡe alohotka Anutunōḡ mianḡō dop Uḡa Törōḡi yeḡḡō uruḡine aliga Saimonōḡ mi eka monen

* 8:3: Apo 22.4-5; 26.9-11

memba kaba kewö jiyök, ¹⁹ “Injiri mönö kukösum mewöñji mi nia kun niñgiyohotka memba böröni denike yengö nööröñjine almami, Uña Töröñan mönö yengö uruñjine gema.”

²⁰ Mewö jiyökmö, Pitönöñ kewö jim wañgiyök, “Aek! Yapmakek! Göñön Anutugö kalemñi mi moneññöñ söngöröñji memangöra jizan. Mianğöra gi mönö moneñgabuk könöp sianöñ geman. ²¹ Göhö urugan mönö Anutugö jeñe qahö diñgiza. Mianğöra gi Buña keu kianğö ölnji kun qahöpmahöp meman. ²² Bölöñamgeyök mönö urugi melenđa Kembu köulukönöñga yañön uru mötmötkahö siñgisöndokñji mi mosötpawak. ²³ Göhö urugan mönö kömbuhiiga wösökömbuk ewö jula kokolak qem gihiza. Siñgisöndokan mönö kösö ewö köpeim gihiiga qaközan.”

²⁴ Pitönöñ mewö jiiga suña jinañ azi Saimonöñ kewö melen etkiyök, “Mönö nöngöra aka Kembugö köuluköyohotka keu jizahori, mianğö ölnji kun qahö asuhum niñgibawak.”

²⁵ Aposol yetkön Kembugö Buña keu mi siti mianğöreñ nañgöba jiba jim asariba engömosöta anohot. Könanöñ anda Samaria prowinsgö mirinji mirinji liliköba ambazip uruñjini Ölöwak Buña keunöñ kuñgum engiba mala Jerusalem sitinöñ lilingöba anohot. Mewö.

Filipnöñ Afrika azi kungöra Buña keu jii mörök.

²⁶ Kembugöreñ garata kunñan Filipköra keu kewö jii mörök, “Gi mönö Jerusalem siti mosöta Saut göröken anman. Gölmö qararankölkölñe köna isikñji (walñi) Gaza taonöñ gemakzei, mönö mianğöreñ anman.” ²⁷ Mewö jii möta Filipnöñ amgeba mosöta anök. Anda Afrika azi kunñan mirinje lilingöba ani könanöñ miwikñaiyök. Yañön Etiopia kantrigö kandidasi qingö jembonñji öñgöñgöñji aka ambi kembugö jakömbuak mirinje moneñ aka inap yuainji galöm köla malök. Silenangö yuaigöra aka Juda azi akñamgö osiyökmö, töndup Anutugö waikñji memba möpöseimangöra Jerusalem sitinöñ kayök.

²⁸ Kaba mirinje lilingömamgöra hos karenöñ öñgöiga hosnöñ örögetka könanöñ anök. Mianğöreñ anda kezapqetok azi Aisaiagö buk kötula oyonđa tarök. ²⁹ Mewö aiga Uña Töröñan Filipköra sañep ala keu kewö jiyök, “Gi mönö hos kare mianğö qöhöröñje anda mötöteiba anman.”

³⁰ Uña Töröñan mewö jiiga mianğöreñök ösumñan kösutñe anök. Anda azinöñ kezapqetok azi Aisaiagö buk mianğö Buña keunji oyonñni mörök. Möta kewö qesim wañgiyök, “Keu oyonjani, mi ölop möt asarizan me qahö?”

³¹ Qesim wañgiiga jiyök, “Kunñan qahö jim asariiga nanak mi denöwö möt asaribileñjak?” Mewö jiiga hos karenöñ öñgöiga mohotñe tarohot.

³² *Buña Kimbi oyonñöhi, mi kewö, “Azinöñ lama qem yandibingöra memba wañgitzei, yañön mönö mianğö dop ösöñ sororöñgöba ahöyök.

Galömñan lama moröñangö jupñji fitanöñ mitiiga qöhöröñje göröñ qeba tim gwirinji qahö kinjawi, yañö numbuñangö dop mönö qahö waumgöba añañiyök.

³³ Memba et al wañgigetka kunñan keu jakeñe keuñangö likepñji qahö nañgöba jiiga öne jim teköget. Gölmöñ malmalñji mewö wañgitket. Gwölöñarökurupñji qahö mewö kömuyök. Mianğöra kunñan qet arenji könañgep qahö oyonđa jima.”

* 8:32: Ais 53.7-8

³⁴ Jembonöj mi oyonja Filip kewö qesim wanjiyök, “Kezapqetok azinöj keu mi dagöra jiza? Mi nanjanğöra me azi kungöra jiza? Gi ölop miangö kōnañi jinöj mötpi.” ³⁵ Qesim wanjiiga kezapqetok yengören Buzup Kimbinöhök kōnahiba Jisösgö Ölöwak Buja mi kōnañambuk jim asarii mörök. ³⁶ Mewö eram möta kōnanöj anda o kōsutne anğorohotka qin jembonjan jiyök, “Eknöj, o töwatñi ki ahöza. Miangöra gi ölop o melun mem niñgiman. Keu kunöj anğon köl gihiza me qahö?” ³⁷ (Mewö jiiga Filipnöj jiyök, “Gi keu jibi mötzani, mi urugi jömuk Anutugören ala möt narizan ewö, mi ölop akñam.” Jiiga keu kewö melenök, “Jisös Kraistnöj Anutugö Nahönñi akza, nöjön mi möt narizal.”)

³⁸ Mewö melenja jim kutuiga hos kare jöhögetka mohotñamñire oe geba Filipnöj o melun mem wanjiyök. ³⁹ Mi mem wanjiiga onöhök korohotka Kembugö Uña Töröñan Filip wanğiri öngöba sök aliga qin jembonjan i kunbuk qahö ehök. Qahö ehökmö, toroqeba sösöngai qakñe miri gölmeñe Etiopia anök. ⁴⁰ Filipnöj sök ala anda taon qetñi Asdod miangören asuhui miwikñaiget. Miangörenök toroqeba taonñi taonñi liliköba miangören Ölöwak Buja keunöj ambazip urunini kunğuba anda mala Sisaria taonöj kanğorök. Mewö.

9

Kembunöj Sol asuhum wanjiiga urunji melenök.

Apo 22.6-16; 26.12-18

¹ Nalö sutñe miangören Solnöj urukönöp qakñe kinda uru silenji bölam tepköiga Kembugö gwarekurupñi engum ureim engiba malök. Mewö mala jike nup galöm bohonñi yanğören anök. ² Yanğören anda kewö kunğuba qesiyök, “Kōna dölökñi wuatangöba maljei, yengörenök tosatñan Damaskus sitinöj köröwen malje. Miangöra nöjön ölop endu anda jarum engiba kun miwikñaimami, i mönö jöhöba wanğita Jerusalem sitinöj kamam. Damaskus sitinöj Juda neñgö köuluk miri galöm kölakzei, yeñon i anğon köl engibepüköra mönö jimtekötekö kimbi ohoba niñginöñga memba anda kondel engimam.” Mewö jii ohoi memba anök.

³ Kōnanöj anda mala Damaskus siti dopdowimangö aiga yuai kun wölañ kewö asuhuyök: Asakmararañ kun Suepnöhök wölbilik ewö asuhuba eta liliköm wanjiyök. ⁴ Liliköm wanğii tala gölmenöj geba ahöba kouruk kun möriğa keu kewö jii mörök, “Sol Sol, gi mönö wuanöñğöra sesewerowo qakñe al niñgizan?”

⁵ Mewö jiiga Solnöj qesiba jiyök, “Kembu, gi dañon?” Mewö jiiga melenök, “Ni Jisös sesewerowo qakñe al niñgimakzani, ni mönö mi. ⁶ Mi akzalmö, ölop wahöta sitinöj anman. Miangören anda wani yuai akñani, kunñan miangö buzupñi jii mötman.”

⁷ Azi yambuk kōna anda malgeri, yeñon keunini qahöwahiga tömtömimba kinget. Yeñon keu kouruk ölna mötketmö, azi kun qahö eket. ⁸ Keu melenniga Solnöj gölmenöhök wahörökmö, jeñi uba yuai kun qahö eka jipjap kinök. Mewö kiniga böröñe memba Damaskus sitinöj wanğita anget. ⁹ Angetka wehön karöbut miangö dop jipjap mala o me nene kun qahö memba öne malök. Mewö.

Ananiasnöj Sol o melun mem wanjiyök.

¹⁰ Damaskus sitinöŋ Jisösgö gwarekŋi kun qetŋi Ananaias malök. Kembunöŋ kutum wasöriŋa imut ehiga “Ananaias!” qerök. Qetŋi qeriga jiyök, “O Kambu, ni ki maljal.”

¹¹ Mewö jiiga jii mörök, “Gi mönö wahöta köna qetŋi Köna Diŋdiŋi jimakzei, miangöreŋ nman. Miangöreŋ anda Judasgö mire öngöba Tarsus azi qetŋi Solgöra qesiman. Mötnöŋ, yaŋön ni köuluköm niŋgiba tatza. ¹² Köuluköba tata uruŋan imut kun kewö ehök: Azi qetŋi Ananaiasnöŋ miriŋi uruŋe kaŋgota jeŋi kunbuk tohomapköra böröŋi nöropŋe alma.”

¹³ Kembunöŋ keu mewö jii möta melenök, “O Kambu, ambazip gwötpukŋan azi miangö kösohotŋi lök jiget möral. Yaŋön Jerusalem sitinöŋ göhöreŋ könagesourup sarakŋi mi gwötpuk engum ureim ak engiba malök. ¹⁴ Jike nup galöm bohonŋi yeŋön nam köla kukösum waŋgigetka Damaskus siti kiangöreŋ mewöyök nup miyök memangöra kayök. Ambazip göhö qetki qeta köulukömakzini, yaŋön mönö nini körek pakpak nenngömembra jöhöm nenngimangö mötza.”

¹⁵ Mewö melenökmö, Kembunöŋ jii mörök, “Nöŋön azi mi meköm waŋgibiga qetŋi bisiba nöngöra bim qeba malma. Mewö mala gölmeŋi gölmeŋi liliköba Buŋani jim sehiiga Israel aka kian kantri ambazipnöŋ mötme. Keu jakeni jakeni miangöreŋ örögetka azi kambu gwötpuk yeŋgö jeŋine aŋgota Buŋani jii mötme. Miangöra mönö töndup anöŋ. ¹⁶ Yaŋön qetŋi bisiba miangöra sihimbölö gwötpuk mötma. Nöŋön miangö areni kondel waŋgimangö mötza.”

¹⁷ Mewö jii möta Ananaiasnöŋ anda miri miangö uruŋe öngöba böröyahötŋi Solgö nöropŋe ala jiyök, “Sol alani, köna namŋe kaŋöŋga Jisösnöŋ asuhum gihiyöhi, Kambu mianön mönö melaim niŋgiiga kazal. Göhö jegan kunbuk tohoiga Uŋa Töröŋan urugi kokolak qemawaŋgöra jiiga kazal.” ¹⁸ Mewö jiiga miangöreŋök yuai sönuetŋambuk tandök mianön jeŋeyök tala et teköi jeŋi tohoyök. Jeŋi tohoiga ui asariiga wahörök. Wahöta jiiga o melun mem waŋgiyök. ¹⁹ O melun mem waŋgiiga nene nembra köhöiyök. Solnöŋ köhöiba gwarek yeŋgö sutŋine Damaskus sitinöŋ wehön tosatŋi malök. Mewö.

Solnöŋ Damaskus sitinöŋ Buŋa nup meyök.

²⁰ Mala miangöreŋök wahöta Juda yeŋgö köuluk miriŋi miriŋi miangöreŋ öngöba Jisösgö könaŋi jim asariba ambazip uruŋini kuŋguba kewö jiyök, “Jisösnöŋ mönö Anutugö nahönŋi akza.”

²¹ Mewö jii möta körek yeŋön auruba welipköba jiget, “Jerusalem sitinöŋ qet mia qet köulukögeri, azi kianön mi engum ureiba malök me qahö? Mewöŋanök kiangöreŋ kayöhi, mi mönö nini jöhöba nennguaŋgita jike nup galöm bohonŋi yeŋgö böröŋine al nenngimangöra kayök. Miangöra mönö denöwö letota nanŋak Anutugö keu miyök naŋgöba jiza?”

²² Mewö jigetmö, Anutunöŋ Sol ösum-mumu waŋgii kunbuk köhöiba malök. Köhöiba mala Juda ambazip Damaskus sitinöŋ malgeri, yeŋgö uruŋini kuŋguba kewö jiba malök, “Jisösnöŋ öŋa Anutugöreŋ Amötqeqe Toŋi Kraist akza.” Keu mi jim köhöiba könaŋi kondela maliga yeŋön köŋkuŋ aka keu mi qeapköbingö osiba malget.

²³ *Silim gwötpuk teköiga miangöreŋ Juda yeŋön tokoba keu nup membra Sol qeget kömumapkö aŋönaŋi alget. ²⁴ Aŋönaŋi algetmö, miangö buzupŋi mi Solgö kezapŋe gei mörök. Solnöŋ Damaskus siti

* 9:23: 2 Kor 11.32-33

mosöt mamgö aiga miangörej qeget kömumapköra siti kiripo nangune yangöra sunjem asak je galöm memba malget. ²⁵ Mewö memba malgetmö, gwarekurupnan sunjem kunöñ sakap (misak) ketani memba kösönöñ jöhöba Sol sakapnöñ ala siti selgö kinimneyök alget geba anök. Mewö.

Solnöñ Jerusalem kusukñanök anda malök.

²⁶ Solnöñ anda Jerusalem sitinöñ angota Jisösgö gwarekurup yembuk esapköba toroqeyökmö, körek yeñön Sol gwarek aka malöhi, mi qahö möt narigerangöra aka yangöra kengetñini mötket. ²⁷ Kengetñini mötketmö, azi qetñi Barnabas yanön ala ak wangiba köyan köla wangita aposol yengörej anda kondela kösohotñi kewö jim asarim engiyök, “Sol azi kianön könanöñ kaiga Kembunöñ asuhum wangii ehiga keunji jii mörök aka könangep Jisösgö qetñi mi Damaskus sitinöñ jim asariba köhöikñanök uru kungum engiba malök.”

²⁸ Kösohotñi mewö jim asarim engiiga yembuk toroqeba Jerusalem siti uruñe liliköba awösamkakak kinda Kembugö qetñi aukne qeta ambazip urukungukungu köhöikñi al engiba malök. ²⁹ Mi al engiba mala Juda ambazip Grik keu möta malgeri, yembuk eraum möta möndömkösök keu melenqelen ahökmö, yeñön Sol kapan köla qeget kömumapkö mötket. ³⁰ Mi esapkögetka alaurupnan Sol miwikñaiba wangita Sisaria taonöñ anda kinda melaigetka nannök toroqeba ahياهو taonñi qetñi Tarsus miangörej anök. Mewö.

Urumelen kambu yeñön luainöñ malget.

³¹ Solnöñ uruñi melenniga miangö andöñe urumelen könagesö pakpak Judia, Galili aka Samaria prowins dop köla malgeri, yeñön luai miwikñaigetka Uña Töröñan i mem köhöiba nangöm engiiga malget. Mewö mutulangöba Kembugö keunji ongitpinbuköra kengetñini möta nup megetka urumelen könagesöñinan qarim sehiiga malget. Mewö.

Pitönöñ Lida azi kun mem ölöwahök.

³² Pitönöñ mirinji mirinji liliköba Jisösgö könagesö sarakñi engeka anda mala nalö kunöñ taon qetñi Lida miangörej angorök. ³³ Angota miangörej azi kun qetñi Ainias miwikñaiyök. Likepñi kömukömunji aiga dumnöhök ahöba mali (yara) yambu 8 teköyök. ³⁴ Pitönöñ i miwikñaiba kewö jiyök, “Ainias, Jisös Kraistnöñ gi mem ölöwak gihiza. Miangöra mönö wahöta tumbulahöpki qezaköman.” Mewö jiiga miangörejök wahörök. ³⁵ Mewö asuhuiga Lida aka Saron ambazip pakpak yeñön i eka uruñini melenja Kembugörej qekötahöget. Mewö.

Pitönöñ Jopa anda Tabita mem guliyök.

³⁶ Jopa taonöñ gwarek ambi kun qetñi Tabita malök. (Qet mi Grik keunöñ Dorkas, nanine keunöñ teu, Inklis keunöñ deer.) Yanön nalö dop nup ölöpñi ölöpñi memba kalem sehisehinji mendenja ambazip etqeqenji bauköm engiba malök. ³⁷ Pitönöñ gölme miangörej mali Tabitanöñ nalö miangörej kawöl asuhum wangii kömuyök. Kömui qamötñi sanjonja memba miri uruñi kunöñ öngöba alget.

³⁸ Lida mi Jopa taon kösutñe tarök. Miangöra Pitönöñ Lida malöhi, gwarek yeñön mi möta azi yahöt melaim etkigetka anda Pitö kewö qesim wangiyohot, “Gi mönö zilan kanöñga netpuk Jopa taonöñ anbin.” ³⁹ Qesim wangiyohotka miangörejök amqeba yetpuk anget. Anda angotketka

qamöt miri uruñe ahöyöhanğoreñ wañgita öngöget. Öngögetka ambi malö pakpak Pitö liliköba sahöta Dorkasnöñ yembuk mala opo maluku uhum memba enğiyöhi, mi kondel wañgiget. ⁴⁰ Kondel wañgigetmö, Pitönöñ jii körek yeñön gem tekögetka simin köla köuluköyök. Köuluköm teköba qamöt mesohol köla kewö jiyök, “Tabita, mönö wahötnöñ.” Mewö jiuga jeni uba Pitö eka wahöta tarök.

⁴¹ Tariga Pitönöñ böröñe memba kököbihiiga wahöta kinök. Kiniga urumelenj alaurupñi aka ambi malö enğoholi öngöget. Öngögetka kömupnöhök guliba wahöröhi, ambi mi jemesoholñine ali eket. ⁴² Mianğö keu buzupñi mi Jopa uruñe miri dop ani möta ambazip gwötpukñan könahiba Kembu möt narim wañgiget. ⁴³ Pitönöñ Jopa mianğoreñ sömañi tosatñi toroqeba mala Saimongö mire tata ahöyök. Azi mi köna esu memegöra bulmakau silenji urasiba sanğonja möhamğöba malök. Mewö.

10

Korniliusnöñ Pitö ohola uruñi meleşnök.

¹ Taon qetñi Sisaria mianğoreñ suahö galöm kianñi kun qetñi Kornilius malök. Yañön yarö kambu bahöñi kun qetñi “Italigö yarö kambu” qetkeri, mianğoreñ yarö azi 100 yeñgö galömnina malök. ² Yañön saiwaurupñi pakpak yembuk Anutu göda qeba waikñi memba möpöseiba malget. Mewö malgetka Juda ambazip wanapñi yeñgöra kalem sehisehiñi enğiba Anutu qösösök (qörörök) köuluköba malök. ³ Mare kunöñ 3 kilok mianğö dop aiga Kembunöñ Kornilius kutum wasöriga imut kun ehök. Imut törörök eka mianğoreñ Anutugöreñ garata kunñan miriñe öngöi ehök. Garata mianön öngöba “Kornilius!” jiba qetñi qerök.

⁴ Mewö qeriga garata ehiba sömbuñi möta jiyök, “Ketanjamni, wanigöra ki kazan?” Mewö jiuga meleşnök, “Gi köuluköba malnöñga keugi Anutugöreñ öngöiga möri ölöwakza. Gi ambazip wanapñi kalemñi kalemñi mendenj enğimakzani, mi Anutunöñ möta anğön köla göhöra mötmöriba melaim niñgiiga kazal. ⁵ Mianğöra mönö dölki kolek alnöñga Jopa taonöñ aniga azi qetñi Saimon, qetñi kun Pitö qetzei, ia wañgita kame. ⁶ Yañön sömbup silenjanğö nup meme azi qetñi Saimon yañgö mire köwet jitñe mianğoreñ malja.”

⁷ Suep garatanöñ Korniliusgöra keu mewö jibagun mosöta anök. Mosöta aniga welenqeqeñi yahöt etkoholi kayohot. Kayohotka yarö azi kun kösutñeyök kapan köla Anutu göda qeba malohori, i mewöyök oholi kayök. ⁸ Kagetka garatagöreñ keu mi körek jii mötketka melaim enğii Jopa taonöñ anget. Mewö.

Kembunöñ Pitö kutum wasöriga imut ehök.

⁹ Azi yeñön könanöñ angetka miri gianñi taon dopdowigetka silim bibiñe mianğoreñ Pitönöñ miri uruñi kun eu mianğoreñ öngöba kinda köuluköyök. ¹⁰ Kinda köuluköba nenegö kömumba yuai nemangö möta jii ohoget. Ohogetka nalö mianğoreñ Kembangö alburupñan qeiga tata imut kun kewö ehök: ¹¹ Suepnöñ anañiiga könde ketañi kun erök. Könde mi opo tuatñi ketanjanğö tandök ewö ahök. Garata yeñön yuai mianğö wañgömñi 4 mianğoreñ memba nanğöbeak, mianğö tandök ewö gölmenöñ erök. ¹² Yuai mianğö uruñe sömbup könañi könañi tatket. Sömbup tosatñan köna 4:ñan tiba anakze. Tosatñan wösönöñ ölölöngöba anakze. Mewöyök neiñi neiñi könakemba bölbölgöba anakzei, yuai mewöñi mewöñi mi könde

miaᅅgö uruᅅe mohotᅅe etket. ¹³ Etketka miaᅅgöreᅅ qet kun asuhuba keu kewö jii mörök, “Pitö, gi mönö wahöta yuai ki qeba ohoba nenöᅅ.”

¹⁴ Mewö jii mörökmö, Pitönöᅅ jiyök, “O Kembu, mewö qahö kötökᅅi! Mi dönqizinᅅambuk. Ni nalö kunöᅅ yuai aᅅgöjöraᅅambuk mi kude neal. Ni miaᅅgöra imbilonᅅon mötzal.”

¹⁵ Mewö jüiga qet miaᅅön kunbuk asuhuba yaᅅgöra jiyök, “Anutunöᅅ yuai jim könjörarari ahözawi, göᅅön miaᅅgö qetᅅi aᅅgöjöraᅅambuk mewö qetnöᅅga qahö dop kölja.” ¹⁶ Yuai mewöᅅi mi kunbuk asuhui indimᅅi karöbut ahök. Indimᅅi karöbut aiga miaᅅgöreᅅök könde mi kunbuk öroᅅetka Suepnöᅅ öᅅgöyök.

¹⁷ Pitönöᅅ imut mi eka miaᅅgö könaᅅaᅅgöra köᅅkuᅅ aka mötmamgö möt bibihiba tarök. Mewö tariga nalö miaᅅgöreᅅök Korniliusnöᅅ azi melaim enᅅii kaba Saimongö miri jaruba miaᅅgöra qeᅅesi aka mi-wikᅅaiba kaᅅgota miri naᅅᅅuᅅe kinget. ¹⁸ Miri naᅅᅅuᅅe kinda kewö qeta qesiget, “Saimon qetᅅi alaᅅi Pitö qetzei, yaᅅön miri kiaᅅgöreᅅ malja me qahö?”

¹⁹ Pitönöᅅ toroᅅeba imut miaᅅgö könaᅅaᅅgöra möt bibihiba tariga Uᅅa Töröᅅan kewö jii mörök, “Mötnöᅅ, azi karöbutᅅan kaba gi jarum gihize. ²⁰ Nöᅅön azi mi melaim enᅅigiba ki kaze. Miaᅅgöra mönö dölkü wahöta geba uruyahöt mosöta yembuk anman.” ²¹ Mewö jüiga Pitönöᅅ azi miaᅅgöreᅅ geba jiyök, “Mötket, iᅅini azi jaruzei, nöᅅön mia akzal. Mönö denöwögöra kaze?”

²² Jüiga melenᅅet, “Suahö galöm Kornilius mi azi diᅅᅅiᅅi akza. Yaᅅön Anutu waikᅅi memba möpöseiba mali Juda ambazip kambu körek yeᅅön göda öᅅgöᅅgöᅅi qem waᅅgimakze. Anutugö garata töröᅅi kunᅅan asuhum waᅅgiba kewö jim kutui mörök, ‘Gi mönö kolek ala Pitö köl örom waᅅginöᅅga mirige öᅅgöba keu uruᅅeyök jimawi, mi kezap ala mötman.’”

²³ Mewö melenᅅetka örom enᅅii miri uruᅅe öᅅgögetka köyan köl enᅅii köisirik tata ahöget. Ahögetka miri gianaᅅiga Pitönöᅅ wahöta yembuk anök. Jopa taon miaᅅgöreᅅök ala tosatᅅi enᅅömeiga yambuk mohotᅅe anget. Mewö.

Pitönöᅅ kian ambazip yembuk tokoget.

²⁴ Mohotᅅe anda sömaᅅi mohot ahöba anda mala Sisaria taonöᅅ aᅅgotket. Aᅅgotketka Korniliusnöᅅ yeᅅgö mamböt aka malök. Mewö mala tinitosolom aka alaurupᅅi ölöᅅᅅi mi köl örom enᅅii miriᅅe tokoba tatket. ²⁵ Aᅅgota Pitönöᅅ mire öᅅgömamgö aiga Korniliusnöᅅ wahöta eta jölöᅅi jiba könaᅅe geba sipköm waᅅgyök. ²⁶ Sipköm waᅅgyökmö, Pitönöᅅ böröᅅe memba kököbiiᅅiga wahöri kewö jiyök, “Mönö wahötnöᅅ, nia kun gölme aziyök akzal.”

²⁷ Mewö jii yambuk eraum möta miri uruᅅe öᅅgöyohotka ambazip gwötpukᅅan tokoba tatkeri, mi enᅅehök. ²⁸ Enᅅeka kewö jii mötket, “Iᅅini Juda ambazip nengö könaᅅamnini mötze. Juda nini ambazip kiannaᅅi enᅅgö mire öᅅgöba embuk köisirik tatatkö soᅅgo ahöi osizin. Mi osizinmö, Anutunöᅅ keuᅅi kun kondel niᅅgiba kewö jiyök, ‘Göᅅön ambazip iᅅi waiᅅi yeᅅgö qetᅅini mi aᅅgöjöraᅅ imbilonᅅonambuk mewö kude qetman.’” ²⁹ Miaᅅgöra iᅅini kolek ala köl örom niᅅgigetka nöᅅön qahö qetala kaba kaᅅgotzal. Kaᅅgota kewö qesizal: Iᅅini mönö wuanöᅅgöra kolek ala köl örom niᅅgiget? Mi ölöᅅ jiget möᅅpi.”

³⁰ Mewö jüiga Korniliusnöᅅ melenᅅök, “Ni mare kunöᅅ nalö kewöᅅe 3 kilok miaᅅgöreᅅ mirine tata köuluk nup memba mala kotᅅi merak sömaᅅi

4 akza. Köuluk nup memba malbiga miangöreñök azi kun sileötañi asakmararajambuk miangön asuhuba wösöne kinök. ³¹ “Wösöne kinda kewö jiyök, ‘Kornilius, gi köuluköba malnönga keugi Anutugöreñ öngöiga möri ölöwakza. Gi kalemñi kalemñi ambazip wanapñi mendeñ engimakzani, mi Anutunöy möta angön köla göhöra mötmöriba melaim niñgiiga kazal. ³² Miangöra mönö döлки kolek alnönga Jopa taonöy aniga azi qetñi Saimon, qetñi kun Pitö qetzei, ia wangita kame. Yañön sömbup sileñangö nup meme azi Saimon yañgö mire köwet jitñe malja.’

³³ “Mewö jiyöhañgöra aka nöñön miangöreñök kolek albiga göhöreñ kaget. Göñön keuni möta kazanangöra uruni ölöwakza. Kembunöy keu pakpak jimangö jim kutum gihiyöhi, göñön mi ölop jinöy mötpin. Nini pakpak döлки miangöra tokoba Anutugö jemesoholñe ki tatzin.” Mewö.

Pitönöy Korniliusgö mire Buña keu jiyök.

³⁴ *Korniliusnöy mewö jiiga Pitönöy könahiba kewö jiyök, “Aha! Anutunöy ambazip tosatñi qahö engek soriba tosatñi qahö qepureim engimakzampö, dop mohotnöy kewöt nengimakza. Yangö jeñe kunñan angöjörakñambuk qahö akza. Nöñön mi döлки ölna möt kutuzal.

³⁵ “Mewö qahöpmö, ambazip kambuñi kambuñi körek yengö sutñine denike yengöreñök kunñan Anutu waikñi memba möpöseiba aiakanñan köna diñdini wuatangözawi, yañön mönö Anutugö jeñe dop kölja. ³⁶ Jisös Kraistnöy ambazip körek nengö Kembuya aka luai qem nengimakzawi, Anutunöy Buña keuñi mi Israel könagesö nengöreñ ali kayök. Buña miangön kaiga nini miangö Ölöwak Buñañi jim asariba maljin. ³⁷ Jonöy ambazip uruñini kuñguba kewö jiyök, ‘Inini mönö uruñini melengetka nöñön o melun mem engimam.’ Mewö jiiga miangö andöñe keu mi Galili prowinsnöy könahiba jiget sehiba anda Judia prowinsnöy angota körek dop kölok. Inini mi lök mötze.

³⁸ “Anutunöy Uña Töröñi Nazaret azi Jisösgö uruñe mokoiga kukösum buña qem anguba gölme dop liliköba malöhi, mi yambuk kiniga anda ambazip ak kömum engiyök. Bölöñangö Toñan ambazip ösumñan jöhöba öröm engii gegeri, yañön mi pakpak mem ölöwak engim teköyök. ³⁹ Yuai mi Juda nengö gölmenöy aka Jerusalem sitinöy aka memba maliga ip kemañe ala qeget kömuyök. Nini mi pakpak eka nangöba jiba dangunuñi aka kinjin. ⁴⁰ Kömumba ahöi sömañi karöbut aiga Anutunöy mem gulii wahörök. Wahöta indimñi gwötpuk ambazip asuhum engiyök.

⁴¹ “Yañön ambazip kambu pakpak yengöra qahö asuhuyökmö, Anutunöy mutuhök nini möwölöhöm nenggiiga Jisösnöy kömupnöhök wahöta malöhi, nalö miangöreñ yambuk keu eraum möta nene angum nem malini, mönö nengöra asuhuiga nini miangö keuñi nangöba jiba kinjin. ⁴² Mewö kininga Jisösnöy kewö jim kutum nengiyök, ‘Anutunöy kuñgum niñgiiga nöñön ambazip maljei aka kömugeri, yengöreñ jimtekötekö Toñina akzal. Miangöra enñön mönö nöñgö könañamni mi ambazip kambu dop yengöra nangöba jim asariba malme.’ ⁴³ Ambazip denike yenñön Jisös möt narim wangiba qetñi qerakzei, Anutunöy mönö qet mi möta yengö siñgisöndokñini mosöta sanjoñmakza. Yangö könañamñi mewö ahözawi, mi kezapqetok ambazip körek yenñön nangöba jim asariba ohoget ahöza.” Mewö

Uña Töröñan kian ambazip yengöreñ erök.

* 10:34: Dut 10.17

⁴⁴ Pitönöŋ keu mewö jibayök kiniga Uŋa Töröŋan ambazip kezap ala mötkeri, yeŋgö uruŋine geyök. ⁴⁵ Anutunöŋ Uŋa Töröŋ kalemŋi mi kian ambazip yeŋgö uruŋine mewöyök moko geyöhi, mi Pitögö alaurupŋan eka auruget. Juda ambazip silenine Anutugö aiwesökŋi yandigetka uruŋini melenŋa Jisös möt nariba Pitö wuatangöba kaba tatkeri, mienön mönö auruba kewögöra welipköget: ⁴⁶ Yeŋön kantri tosatŋi yeŋgö keuŋini murutŋi murutŋi könahiba jiba Anutu möpöseiget. Miangöra welipkögetka Pitönöŋ kewö qesiba jiyök, ⁴⁷ “Yeŋön Uŋa Töröŋi mi neŋön ahin ewö angön köla buŋa qem anguzei, mi mötzin. Miangöra i ölöp o melun mem enŋiinga dop kölma. Mi ahinga daŋön qetal nenŋibawak?”

⁴⁸ Mewö jiba jim kutum enŋiiga Pitögö alaurupŋan kinda Jisös Kraistkö qetŋe Kornilius saiwaurupŋi o melun mem enŋiget. O melun mem enŋigetka Pitö angön köl waŋgigetka toroqeba silim tosatŋi yembuk malök. Mewö.

11

Pitönöŋ Jerusalem anda nupŋangö kösohotŋi jiyök.

¹ Kian kantri yeŋön mewöyök Anutugöreŋ keu mamba angön kölgeri, miangö buzupŋi mi aposol aka urumelen alaurup Judia prowins dop köla mala mötket. ² Miangöra Pitönöŋ Jerusalem sitinöŋ lilingöba öngöiga Juda silenine Anutugö aiwesök yandigetka uruŋini melenŋeri, yeŋön jijiwilit (jelikit) aka jim waŋgiget. ³ Jim waŋgiba kewö jiget, “Kian kantri azi Anutugö aiwesökpak qahö maljei, gi mönö wuanöŋgöra anda yembuk köisirik tata nene nenöŋ? Mi qahö dop kölja.” ⁴ Mewö jigetka könakönahineyök könahiba yuai asuhuyöhi, mi körek pakpak arenambuk jim asarim enŋiba kewö jiyök,

⁵ “Nöŋön Jopa sitinöŋ mala köuluköbiga Kembangö alburupŋan nunŋuiga tata imut kun kewö ehal: Suepnöŋ aŋaŋiiga könde ketanŋi kun erök. Könde mi opo tuatŋi ketanangö tandök ewö ahök. Garata yeŋön yuai miangö waŋgömŋi ⁴ miangöreŋ mamba nanŋöbeak, miangö tandök ewö nöŋgö kösutneyök eta ahöyök. ⁶ Eta ahöiga yuai miangö uruŋe törörök ekiga sömbup könani könani miangöreŋ tatket. Sömbup tosatŋi mi gölmenöŋ köna 4:ŋan tiba anakze. Tosatŋi kalŋi könöpŋinambuk akze. Tosatŋan wösöŋinan ölölöngöba anakze. Mewöyök nei könani könani könakemba bölbölgöba anakzei, yuai mewö mi könde miangö uruŋe mohotŋe etketka enŋehal. ⁷ Enŋekiga qet kun mewöyök asuhuba kewö jii möral, ‘Pitö, mönö wahöta yuai ki qeba ohoba nenöŋ.’

⁸ “Mewö möralmö, nöŋön kewö jial, ‘O Kembu, ni miangöra imbilonŋon mötzal. Yuai dönqizin angöjörakŋambuk mewöŋi mi nalö kungen nöŋgö numbunan qahö oseiyök. Miangöra mi mönö qahö kötökŋi nemam.’ ⁹ Mewö jibiga qet mianön kunbuk Suepnöhök asuhuba kewö jiyök, ‘Anutunöŋ yuai jim könjörari ahözawi, göŋön miangö qetŋi angöjörakŋambuk mewö kude qetman.’ ¹⁰ Yuai mewöŋi mi indimŋi karöbut asuhuyök. Mewö asuhuiga yuai pakpak mi kunbuk örögetka Suepnöŋ lilingöba öngöyök. ¹¹ Öngöba atatop (jiataton) kölga nalö miangöreŋök Korniliusnöŋ Sisaria taonöhök azi karöbut melaim enŋii nöŋgöreŋ kageri, yeŋön miri tarini, miangö nanŋuŋe kinget.

¹² “Nanŋuŋe kingetka Uŋanöŋ kewö jim kutum ninŋii möral, ‘Gi mönö uruyahöt yaköriba yembuk anman.’ Keu mi mötpiga urumelen alaurupŋi ⁶ yeŋön mewöyök Jopa mosöta nömbuk Sisaria taonöŋ anin. Sisaria

angota suahö galöm miangö mire öngöin. ¹³ Öngöinga keu kösohot kewö ak nenngiyök, ‘Garata kunnjan nöngö mire asuhuiga ekiga kinda kewö jii möral: Gi mönö Jopa mire kolek ala azi qetnji Saimon, qetnji kun Pitö i wangita kaget. ¹⁴ Yanjön kaiga Buja keu jiiga gi aka saiwaurupkan mi möt nariba urunini melengetka körek amöt qem engüiga letotme.’

¹⁵ “Kösohot mi ak nenngiiga nöngön könahiba Buja keu jial. Mi jibi mötketka Uja Töröñan könakönahiñe nenngö urunine geyöhi, mönö miangö dop kezap ala mötketka yengö urunine mohot geyök. ¹⁶ *Yanjön geiga ekiga miangöreñök Kembugö keu kun nöngö mötmötnöñ kangori mötmörial. Keu mi kewö, ‘Jonöñ o töhönöñ melun mem engiyökmö, nöngön Uja Töröñi urunine ala mianjön melun mem engimam.’ ¹⁷ Nenjön Kembu Jisös Kraist möt narim wangüinga Anutunöñ kalemñi nenngiyöhi aka yenjön möt narigetka Anutunöñ kalemñi miyök engö urunine mewöyök alök. Miangöra aka ni ewöñan mönö denöwö Anutu kukösum Tonji esapköba qetal wangibileñak? Yanjön mewö ak engüiga nöngön angön köl wangimamgö osial.”

¹⁸ Pitönöñ kösohotnji mewö jii möta urunini amörii böñjöh aiga Anutu möpöseiba kewö jiget, “Ölña, nini urunini melennda malmal köhöikñangö buñaya akzin mötzinmö, Anutunöñ köna mohot mi kian kantri ambazip yengöra mewöyök al engii ahöza. Mi mönö dölki asariba möt kutuzin.” Mewö.

Kian kantrinöñ urumelen kambu mutukñi asuhuyök.

¹⁹ *Stiwen qeget kömuyöhangöra aka kahasililij asuhuiga urumelen ambazipnöñ dennda liliköba anda kaget. Anda kagetka tosatñan köwet jitñe Fonisia gölmenöñ anget. Tosatñan köwet kutuba gölme jölanñi qetnji Saiprus miangöreñ anget. Tosatñan Siria prowinsgö sitinji qetnji Antiokia anget. Mewö dennda angetmö, ambazip sutñine Jisösgö Buja keu mi Juda ambazip yengörök jigetka mötket. Kian kantri yengöra mi qahö jiget. ²⁰ Qahö jigetmö, Saiprus aka Sairini azi tosatñan yengö sutñine malget. Yenjön kian gölmenöñ qariba Antiokia sitinöñ kangota gölme tonji yembuk Grik keunöñ eraum möta Kembu Jisösgö Ölöwak Buja mi mewö Juda qahö yengöra mewöyök jim asarim engiget. ²¹ Mi jim asarim engigetka Kembunöñ yembuk mali ösumñan ambazip urunini kungum engii gwötpuk yenjön Kembu Jisös möt nariba urunini melennda yangöreñ qekötahögetka kambunini qariiga ketanji ahök.

²² Mewö aiga miangö buzupñan anda Jerusalem könagesö yengö kezapñine gei mötket. Mi möta Barnabas melaigetka Antiokia sitinöñ anök. ²³ Anda angota Anutunöñ kalem möriamñi ambazip engii ölöwakeri, mi jeñan eka möri öngöi söñgaiba qambañi kewö jiyök, “Injini mönö körek pakpak urunini qezaköba köhöiba Kembubuk qekötahöba kinme.” ²⁴ Barnabasnöñ azi ölöpñi aiga Uja Töröñan urunji kokolak qeiga uruyahöt andö qeba urunji jömuk mianjön Jisös möt narim wangiba malök. Miangöra ambazip gwötpukñan urunini melennda Kembugö kambunöñ toroqetgetka qariyök.

²⁵ Barnabasnöñ Antiokia mosöta Sol jarumamgöra Tarsus taonöñ anök. ²⁶ Anda miwikñaiba wangiri Antiokia sitinöñ kayohot. Kaba miangöreñ mohotñamñire (yara) yambu mohot jömukñanök mala zioz nup memba

uruḡini melenḡeri, mi kambuḡi kambuḡi kōla kusum enḡiyohotka ambazip ḡwōtpukḡan mōtmōt memba urukōnmḡine alget. Antiokia ambazipnōḡ mutukḡi kōnahiba ḡwarek qetḡini Kraistkō alaurup (kristen, Kraistkō buḡa) qeta malget. Mewō.

Kian kantrigō urumelen yeḡōn Juda nanḡōm enḡiget.

²⁷ Nalō mianḡōreḡ kezapqetok ambazip tosatḡan Jerusalem mosōta Antiokia sitinōḡ eta kanḡotket. ²⁸ *Yeḡōreḡōk kun qetḡi Agabus mi wahōta Uḡa Tōrōḡan sōlōlōhōi buzup keu kewō jii mōtket, “Bōdi ketanḡan asuhuba ḡōlmeḡi ḡōlmeḡi dop kōla ahōma.” Mewō jiiga mianḡō dop sisa kiḡ qetḡi Klodius yanḡō ḡalōmkōlkōl nalōḡe asuhuyōk. ²⁹ Mi asuhuiga ḡwarek yeḡōn mindiriba urumelen alaurupḡini Judia prowinsnōḡ malgeri, mi nanḡōm enḡiba mindimindiri naluk ketanḡi alget anmapkō keu jōhōget. ³⁰ Keu mi jōhōget aka mianḡō dop ōlḡa aket. Yeḡōn monēḡ aka yuai tokoba Barnabas Sol yetkō bōrōḡire ala melaim etkiḡetka Jerusalem anda urumelen kōnagesō yeḡō jitḡememeurupḡini enḡeka enḡiyohot. Mewō.

12

Herodnōḡ Jeims qeba Pitō kōsō mire alōk.

¹ Nalō mianḡōreḡ kiḡ Herodnōḡ* urumelen kōnagesō sesewerowero mem enḡibingō mōta jiiga urumelen ambazip tosatḡi enḡimemba jōhōm enḡiget. ² Kiḡnōḡ jiiga Jongō datḡi Jeims mi bimḡō sou ketanḡan qegetka kōmuyōk.

³ Mewō jii kōmuiga Juda ambazip tosatḡan mi mōtket ōlōwahiga ehōk. Mi eka mianḡōra toroqeba jiiga Pitō mewōyōk memba jōhōget. Yuai mi beret yistḡi qahōpkō kendon nalōḡe jiiga asuhuyōk. ⁴ *Mianḡōra kiḡnōḡ kewō jiyōk, “Nōḡōn ak-kōmukōmu kendon† tekōiga Juda yeḡō keu jakeḡe almam.” Mewō jiba jii kōsō mire alget. Algetka yarō azi 16 yeḡōn sutḡine kambu 4 kōla nalō utekutek aketka azi 4:ḡan sundan suḡgem asak kinda ḡalōm mem waḡgiba malget. ⁵ Pitō mewō ḡalōm mem waḡgiba malgetka kōsō mire ahōyōkmō, urumelen kōnagesō yeḡōn sundan dop yanḡōra aka Anutu kapan kōla kōulukōba malget. Mewō.

Suep garatanōḡ Pitō pōsata waḡgita erōk.

⁶ Kōulukōba malgetka ak-kōmukōmu (Pasowa) kendon tekōiga suḡgem mianḡōreḡ yarō azi yahōtḡan Pitō tapep (muḡgamuḡga) yahōtnōḡ jōhōm kōhōiyohotka sutḡire gaun ahōyōk aka wahibuk tosatḡan nanḡu andōḡe kinda kōsō miri ḡalōm meget. Kiḡ Herodnōḡ miri ḡianḡiga Pitō waḡgita keu jakeḡe almamḡō mōtmōriba areḡ ali gaun ahōget. ⁷ Gaun ahōgetmō, Kembuḡō ḡarata kunḡan wōlaḡ asuhuba Pitō qōhōrōḡe kini kōsō mirigō uruḡi asarim tekōi Pitōḡ nambulḡe qeba jiyōk, “Mōnō zilaḡ wahōtnōḡ.” Mewō jii tapep (muḡgamuḡga) yahōtḡan mianḡōreḡōk Pitōḡō bōrōḡeyōk ōne sulohot. ⁸ Sulohotka garatanōḡ jii mōrōk, “Mōnō opogi jōhōba kōna esugi utnōḡ.” Mi mōta mewō ahōk. Mi aiga toroqeba jii mōrōk, “Mōnō malukugi kōlnōḡ geiga ni nuatanḡōba kaman.”

* **11:28:** Apo 21.10 * **12:1:** Kiḡ Herod Agripa I (mutukḡi) yanḡōn (yara) yambu 37-44 mianḡōreḡ Palestain pakpak ḡalōm kōl enḡiba malōk. * **12:4:** Eks 12.1-27 † **12:4:** Pasowa nanine keunōḡ qetḡi alaḡi mi walōḡsōrak aka goukōlkōl. Israel ambazip yeḡōn Iḡipt mala nanḡuḡini sepnōḡ miriḡetka Anutuḡō garatanōḡ nenḡehoriba nenḡoḡḡita morō mutukḡini qahō enḡui kōmuget.

⁹ Mewö jii möta miri uruñi mosöta wuatangöyök. I wuatangöba anökmö, garatanöñ yuai ahöhi, mi ölna asuhuyök me qahö, yanön miangöra möri janjuñ ahök. Yanön gaun ahöba imut ehöhi, miangö tandöktandök möri ahök. ¹⁰ Miri uruñi mosöta nanju mutukne galöm memba kinohori, mi etkonjita nanju kunöñ angota etkonjita öne kutuba anda kösö miri silenjangö ain kiripone angorohot. Angorohotka nanju köhöikni ketanji mianön mönö nanjök öne taliga yaigepne siti köna numbuñe geyohot. Geba köna namñi strit kun toroqeba anohotka garatanöñ wölan Pitö mosöta sök alök.

¹¹ Sök aliga Pitögö uruñi tohoiga kewö jiyök, “O Kembunöñ mönö garatanji melaii kaba Herodgö böröñeyök meköm niñgiza, mi mötzal. Juda ambazipnöñ nöngö silene yuai asuhumapköra mambötzei, yanön mönö yuai pakpak miangörenök bohoni jöhöza. Nöñön döлки mi ölna möt kutuzal.”

¹² Mewö möt kutui asariiga Jongö namñi Mariagö mirinöñ göröken anök. Jon miangö qetñi kun Mak qetket. Miri miangören ambazip gwötpukñan tokoba Anutu köuluköba malget. ¹³ Mewö malgetka Pitönöñ kaba söndaknöñ kinda nanjunöñ qeyök. Nanjunöñ qeiga welenqeçe ambi qetñi Roda yanön kaba “Gi danön?” jiba qesiyök. ¹⁴ Qesiba kinda Pitögö jölñi möt kutuba “I-ia kazan!” jiba söngaiba luhuba nanju qahö öröba ösumñan miri uruñe öngöba jiyök, “Pitönöñ kaba nanjunöñ kinja.” ¹⁵ Jii möta yanjöra “Uruji sohoi jizan,” jiget. Jigetmö, yanön bohon köla “Keu ölna jizal!” jiyök. Mewö jüga jiget, “Mi mönö Pitögö garatanan kinja.”

¹⁶ Mewö eraum mötketmö, Pitönöñ nanju qebayök kiniga öröba eka auruget. ¹⁷ Aurugetka böröñan söpsöp ala ölöñ almegö jiyök. Jiba Kembunöñ kösö mireyök wanjiri yaigepne eröhi, kösohot mi jiyök, “Inini buzup ki mönö bisop Jeims aka urumelen alaurup tosatñi yengöra jigetka mötme.” Mewö jiba engömosöta miri kungen anök. Mewö.

Pitönöñ kösö miri mosöriiga Herodgö irimñi seheliyök.

¹⁸ Miri gianjiiga yarö azi yanön Pitö jaruba “Denike sömuniba sök ala anja?” jiba miangöra kahasililij aka waimanjat ketanji mötket.† ¹⁹ Herodnöñ mewöyök Pitö miwikñaimegö jii jarum bibihiba qahö miwikñagetka azi wahibuk Pitögö galöm megeri, mi keu jakenje ala gwötpuk qesim engiba jim teköba enguanjita enguget kömumegö jim kutum engiyök. Miangö andöñe Judia prowins mosöta Sisaria taonöñ geba miangören malök. Mewö.

Anutunöñ kin Herod kitipñi wanji kömuyök.

²⁰ Fonia prowinsgö taon qetñiri Taiö aka Saidon yanön nenegö nupñini membingö osiba kin Herodkö kantri yengörenök nene yuaini bohonñi memba malget. Mewö malgetka Herodkö irimñi seheliiga Taiö Saidon kerök ak engiba nene engimegö songo alök. Miangöra yanön mindiriba jitñememeurupñini melaim engigetka kambu köla kin Herod ekingöra anget. Angetka jembonñi qetñi Blastus jakömbuak mirinjangö galömñan i mutuk engehök. Engehiga jiget, “Nini keu jim solaniinga luai ahumapkö qesibingöra kazin.” Mewö jiba jim mölöwörim ak wanjigetka jiyök, “Ölöp keunini kötöngöba andöñine kinmam.”

† **12:18:** Köso azinöñ ölöñ kölbawak, azi wahibuk mi mönö engugetka kömuzema. Rom gawman nupkö arenji mewö. Miangöra kahasililij aka waimanjat ketanji mötket.

21 Mewö jiiga kiñnõñ keu melenj engimangö nalö mem engjiiga miangörej tokogetka nanñi silenji menöloba kin azi kembangö malukunji köla eta jakömbuak dum tatatñe tata yengöra sösöngai keu jiyök. 22 Jiiga ambazip kambu yenñon möta kewö jiba qetket, “Keu mi Anutugörej keuya. Mi gölme azigö keuya qahö.” 23 Mewö qetketmö, kiñnõñ mewö aka Anutugö qetbuññi qañ köla qahö möpöseiba nanñi möri öngöyök. Miangöra Kembangörej Sup garata kunnñan miangörejök qei döñonõñ yöhösii kömuyök. 24 Mewö asuhuyökmö, Anutugörej Buña keu mi jiba malgetka töhötmöriamñambuk aka sehiyök.

25 Antiokia siti yenñon Barnabas aka Sol nangönanjö misin nup kun§ etkigeri, yetköñ mi Jerusalem mala meköyohot teköyök. Mi teköiga Jon qetñi kun Mak qetkeri, i wañgita mohotñe Jerusalem mosöta Antiokia sitinõñ lilingöba kaget. Mewö.

13

Barnabas Sol yetköñ misin nupkö könahiba anohot.

1 Antiokia sitinõñ tosatñan urunñi melenja urumelenj könagesö aketka jitmemeñini kewöñan kezapqetok keu jiba kusum engiba malget: Qetñini Barnabas aka Simeon qetñi kun Injanji (Grik keunõñ Naijö) aka Lusius (Sairini gölmegöra), Manain (mi kembu gawönö Herod* yambuk örörõñ mala qariyohot) aka Sol. 2 Urumelenj könagesö yenñon Kembangö waikñi memba möpöseiba nene sinji malgetka miangörej Uña Töröñan kewö jiyök, “Nöñon Barnabas aka Sol nup qainñi kun memahotköra etkoholal. Miangöra enñon mönö i jim teköba melaim etkigetka anmahot.”

3 Mewö jiiga köulukömegöra nene sinji mala böröñini nööröñire algetka Kembangö ösumñan etkualöñniga melaim etkigetka anohot. Mewö.

Saiprus gölme jölanñe anda nup meget.

4 Uña Töröñan mewö melaim etkiiga miri qetñi Selusia miangörej geyohot. Miangörej geba wañgenõñ öngöyohotka opo seri öröba möröreñgögetka luhutnõñ nanjöi anda gölme jölanñi Saiprus miangö wehön kotkotñe angotket. 5 Angotketka siti qetñi Salamis miangörej anda Juda ambazip yengö köuluk mirinji mirinji miangörej öngöba Anutugö Buña keu jiba uru kungum engiyohot. Azi qetñi Jon i mewöyök wañgirohodka yetpuk anda kaba alabauknjira malök. 6 Mewö mala gölme jölanñi jömukñi liliköba kutuba likepñe wehön gegeñe Pafos sitinõñ angotket. Miangörej angota Juda azi qetñi Barjisös miwikñaiget. Yanñon sunja jinanñ azia aka kezapqetok azi takapulakanji malök.

7 Sunja azi mi gölme jölanñi miangö kiapñi qetñi Sergius Pol yangö mire tata malök. Kiap miñon mötkutukutu azia malök. Mewö mala Anutugörej Buña keu mötmangö sihimñi ahöiga Barnabas Sol köñ öröm etkii yangörej kayohot. 8 Kayohotmö, Elimas, (sunja memegöra qetñi Grik keunõñ mewö jimalgeri,) yanñon kiapnõñ Anutu möt narim wañgibapuköra tuarenjõñ ak etkiba kiap urunñi keunõñ enjololon memangö esapköyök. 9 Esapköiga Sol, qetñi alanji Pol qetkeri, Uña Töröñan yangö urunñi kokolak qei Elimas törörök ek kutuyök.

§ 12:25: Antiokia yengörej nangönanjö monen mi memba anda Jerusalem urumelenj könagesögö jitmemeñurup yengö böröñine alohot. Miangöra qetñi nangönanjö misin nup kun jizin. Apo 11.30 * 13:1: Herod Antipas yanñon (yara) yambu 4 B.K.-39 A.D. miangörej Galili aka Perea prowins yahöt mi galöm köñ engiba malök.

¹⁰ Ek kutuba kewö jiyök, “Yei! Timbiqimbilim azi gi mönö Bölönji Tonangö moröya akzan! Satanöj urugi isimkakaleknöj kokolak qeiga silenöj alal könanji könanji aka malakzan. Keu diñdiji pakpakö kerökni aka Kembangörej köna diñdiji möwöramgönöñga gonjimakzawi, mi mönö mosötman me? ¹¹ Miangöra mötnöj! Kembunöj mönö böröñji qake aliga ösumñan turum gihiiga jegi gömölii wehön asakñi ekñamgö osiman. Yanön nalö meyöhangö dop mönö janjun aka malman.” Jii miangörejök söñapnöj qakñe eta turui ömuñ köla jipjap aka ilingösöñ anda kaba böröñje memegö qesiba böröñjan mezanqezan ahök. ¹² Yuai mi asuhuiga kiapnöj mi eka Kembangö Buña keu mötmötñangöra welipköba möt narim wangiyök. Mewö.

Pisidiagö Antiokia taonöj misin nup meget.

¹³ Polnöj neñakurupñi yembuk Pafos miri mosöta wanjenöj öngögetka opo seri öröba mörörengögetka luhutnöj nangöiga anda mala Pamfilia prowinsgö siti qetñi Perga miangörej angotket. Miangörej angota kinda Jonöj etkömosöta elenða Jerusalem sitinöj lilingöyök. ¹⁴ Lilingöyökmö, yetkön Perga siti mosöta toroqeba anda Pisidia prowinsgö taon qetñi Antiokia miangörej angorohot. Miangörej angota Sabat kendonöj köuluk mirinjine öngöba tarohot. ¹⁵ Tarohotka köuluk mirigö galöm yeñön Mosesgö Köna keu aka kezapqetok yengörej Buzup Kimbi oyonða welen algetka eta kewö qesim etiket, “Azi alayahöt, etkörej keu kun könagesö urunini kungubingöra ahöza ewö, mi mönö ölop jiyohot mötpin.”

¹⁶ Mewö jigetka Polnöj wahöta börö misiba kewö jiyök, “Israel kianurup aka gölme tonji nembuk Anutu waikñi memba möpöseimakzei, injini mönö kezap ala mötket. ¹⁷ *Israel ambazip kambu nanine bemnini mi Anutu. Yanön bömönurupnini möwölöhöm enjiiga ambösakonurupninan Ijpt gölmenöj anda kian aka malget. Anutunöj nalö miangörej Israel ambazip kambu mi töhötmöriam enjiiga sehiba qetbuñaninambuk aket. Mewö aketka Anutunöj angöletot aka kukösumñi kondela mianön enjanganjiri Ijpt kantri mosöta yaigep kaget.

¹⁸ * “Kaba mala gölme qararanjökölñe kutuba kaba ahakmeme bölönji aka malgetka Anutugö irimñan seholiiga (yara) yambu 40:gö dop urubölö möta malök. ¹⁹ *Möta malökmö, töndup kaba mala Kenan gölmenöj kanjotket. Kanjotketka miangörej ambazip kambu 7 közöla könden enjiba gölmenjini memba mendenða isikurupnini tonje tonje akñegö buña qem enjyök. ²⁰ * “Mewö asuhuiga (yara) yambu 450 miangö dop anök. Miangö andöñe Anutunöj jimtekötekögö azi kembunji kembunji kungum enjyök. Mi kungum enjii mala kotketka Samuelnöj asuhuyök. Yanön jimtekötekögö azi kembu qöndökñi aka kezapqetok asia malök.

²¹ * “Samuelnöj asuhiba mali nalö miangörej kiñ kembugöra uletketka Anutunöj azi qetñi Sol enjyök. Sol yanön Benjamin isikurup yengörejök azi qetñi Kis yangö nahönña ahök aka (yara) yambu 40:gö dop kiñ kembunina malök. ²² *Mi malökmö, Anutunöj Sol uteköba salupñe azi qetñi Deiwid kiñ azi kembunini akñapköra möwölöhöba kunguyök. Kunguba könanamñi jim asariba kewö jiyök, ‘Nönön Jesigö nahönñi Deiwid miwikñajal. Yangö urunji kewöta mötpi ölop dop köl

* 13:17: Eks 1.7; 12.51 * 13:18: Jan 14.34; Dut 1.31 * 13:19: Dut 7.1; Jos 14.1 * 13:20: Kemb 2.16; 1 Sml 3.20 * 13:21: 1 Sml 8.5; 10.21 * 13:22: 1 Sml 13.14; 16.12; Sum 89.20

ningiza. Yanön mönö ahakmemeñi pakpak miangörej nöngö jitni tem köla malma.’²³ Anutunöñ mönöwök Amötqeçe Tonji melaim nenngimapkö jiyöhi, jöhöjöhö keu miangö ölnan mönö kewö asuhuyök: Deiwidkö gwölönarökurupñi yengörejök azi qetñi Jisös asuhuga Anutunöñ i Israel kambu nenngö Amötqeçe Tonini aka malmapköra kuñguyök.

²⁴*“Jisösnöñ qahö asuhuga qeljine miangörej Jonöñ mutuk kaba kewö jiba malök, ‘Inini mönö urunini melenget. Urunini melengetka nöñön o melun mem engimam.’ Mewö jiba Israel ambazip kambu pakpak uru kuñgum engiba malök. ²⁵*Mewö malökmö, yanön mirililik nupñi mem tekömangö aka miangörej kewö jii mötket, ‘Inini nöngöra denöwö mötmörize? Yuai mötmörizei, nöñön mia qahöpmö, mötket, nöngö andöne azi kun kama. Yanön kaiga nöñön yangö qöhöröñe eretñi maljalangöra wayangösöñi tenngöba köna esu kösöñi pösatmamgö qötötangömam.’

²⁶“O alaurupni, Abrahamgö gwölönarökurupñi aka gölme tonji enön nembuk Anutu waikñi memba möpöseimakzei, Anutunöñ amöt qem nenngimapkö Buñani mi ali nenngörej kaza. ²⁷Miangö könañi kewö: Jerusalem tonji aka galömurupnini yeñön Jisösgö könañi qahö möt kutuget. Kezapqetok yengörej Buzup Kimbi Sabat kendon dop oyoñmakzemö, miangö könañi qahö möt asarimakze. Mewö tönpin maljemö, töndup galömkölköl aziurupninan Jisös kömumapkö keuñi jim tekögetka kezapqetok ambazip yengörej keu mi mewö mianön ölnambuk ahök. ²⁸*Yeñön Jisös kömupkö buña akñawangö dop keu könañi jaruba kun qahö mi-wikñaiba töndup “Yapmakek!” qetket. Qeta Pailötnöñ jim teköi kömumapkö qeta uletket.

²⁹*“Yangöra keu pakpak ohoget ahözawi, yeñön mönö miangö dop aketka ölni ahum teköiga Jisös ipnöhök meköba eta qaksirinöñ anda köt köteñ uruñe alget. ³⁰Algetmö, Anutunöñ i kömupnöhök mem gulii wahörök. ³¹*Wahöri yambuk Galili prowinsnöhök Jerusalem sitinöñ kageri, yengöra mönö silim gwötpuk miangörej asuhum engiyök. Alaurupñi asuhum engiyöhi, yeñön nalö kewöñe ambazip sutñine dangunu ewö kinda könañi nanngöba jim asariba malje. ³²Anutunöñ Juda ambösakonurupnini yembuk yuai akñamgö keu jim jöhöiga nini yengö gwölönarökurupñini ahinga keu walñi miangö ölnan mönö nalö kewöñe nenngöra kewö asuhuyök: Yanön Jisös mem gulii wahöta malja. Miangöra nenñön miangö Buña ölöpñi mi jim asarim engizin.

³³*“Anutunöñ Jisösgöra keu jii Deiwidnöñ möri Sumbara (Buña liñet Sam) jañgö yahöt miangörej kewö ohoi ahöza, ‘Göñön nani nahöna akzani, nöñön mi merak ambazip engöra kondelbiga eka mötze.’

Yanön keu miangö dop Jisös mem gulii wahörök.

³⁴*Jisös mem gulii kömupnöhök wahöta köhöiba mala könañep kunbuk qahö kömuma. Miangö keuñi Anutunöñ kewö jii ahöza, ‘Ni kalem möriamni kiñ Deiwid wañgiba malbiga sarakñi aka pöwöwöm köhöiba kinöhi, miangö dop mi mönö engöra tököm engimam.’

³⁵*Deiwidnöñ miangö keuñi mi Sumbara (Buña liñet Sam) kun miangörej mewöyök kewö ali ahöza,

* 13:24: Mak 1.4; Luk 3.3 * 13:25: Mat 3.11; Mak 1.7; Luk 3.16; Jon 1.20, 27 * 13:28:

Mat 27.22-23; Mak 15.13-14; Luk 23.21-23; Jon 19.15 * 13:29: Mat 27.57-61; Mak 15.42-47; Luk

23.50-56; Jon 19.38-42 * 13:31: Apo 1.3 * 13:33: Sum 2.7 * 13:34: Ais 55.3 * 13:35:

Sum 16.10

‘Nangahö wölböt azigi sarakñi i mönö qahö mosötnönga kömupkö lömnöñ qahö gisahöma.’

³⁶ Nini kiñ Deiwidkö könañi mötzin: Yañön malmalñi mala Anutugö jitñi wuatangöba nup wanñiyöhi, mi mem teköba nöñ qeba kömuyök. Kömui ambösakonurupñi yengö kösutñine löm kölgetka qamötñan ahöba gisahöba qahöwahök. ³⁷ Deiwidnöñ gisahöba qahöwahökmö, Anutunöñ azi mem gulii wahöröhi, yañön mönö qahö gisahöyök.

³⁸ “Azi alaurupni, miangöra keu ki mönö mötket: Anutunöñ Jisösgöra aka singisöndokñini mosöta sanjoñma. Neñön miangö Buñaji jim asarim engizini. ³⁹ Mutuk ‘Mosesgöreñ Köna keu wuatangöba mewö mianñön solanñi akin,’ jijnmö, mi inöñ wainöñ qaköba osiba malin. Mewö malinmö, nalö kewöñe denike yeñön Jisös möt nariba yambuk qekötahömei, Anutunöñ mönö körek yengö keuñini jim teköiga solanime. ⁴⁰ Kezapqetok ambazipnöñ keu jiba ohoget ahözawi, Anutunöñ miangö dop likepñi melenñi qakñine öngöbapuköra mönö galömñini mem anjume. Keu mewöñi kun kewö,

⁴¹ *Nöñön engö malmal nalöñe angöletot qainñi kun memam.

Kunñan miangö keu buzupñi jii mötpeak, mi ölni akñapakö qahö möt naribeak.

Miangöra keu mi memba et ala jijiwilit ahakzei, inñini mönö öne uba eka welipköba ayuhume.’ ”

⁴² Polnöñ mewö jiiga Barnabasbuk köuluk miri mosöta erohotka tosatñan kewö qesim etkiget, “Nini keu ki kunbuk mötpingö mötzin. Miangöra mi Sabat kendon euneañön ölop toroqeba jiyohot mötpinak.”

⁴³ Köuluk mireyök eta dengetka ambazip gwötpukñan Pol aka Barnabas könañire etkuatangöget. Tosatñan Juda ahuba malget aka tosatñan kian kantrinöñ ahuba könañgep Juda ambazip aka malget. Yeñön etkuatangögetka eraum möta qambañ keu kewö engiyohot, “Anutunöñ kalem möriam engiyöhi, miangöreñ mönö böñ qeba kinme.”

⁴⁴ Sabat kendon kun kam kuñguyöhi, miangöreñ taon gölme miangö ambazipñi mi kölolohoba “Anutugö Buñaju keu mötpin!” jiba kançota tokoget. ⁴⁵ Kançota tokogetka Juda yeñön ambazip kambuñi kambuñi engeka irimñini seholim teköyök. Seholim teköiga Polgö keuñi qemegö jitrakölik aka goranora (noragora) jiba mepaqepaik ak etkiget. ⁴⁶ Mewö ak etkigetka Pol Barnabas yetköñ awösamakak kinda köhöiba keu kewö jiyohot, “Anutunöñ nup netkiiga Buñaji mutuk Juda ambazip engöra jiinga dop kölbawakmö, inñini mi andö qeba lañ kewö jize, ‘Nini malmal köhöikñe angotpingö dop qahö.’ Miangöra mötket, netköñ mönö engömosöta kian kantriñi kantriñi yengöreñ elenñda anbit. ⁴⁷ *Kembunöñ miangö keuñi kewö jiba jim kutum nenñiyök,

‘Nöñön kuñgum gihibiga kian kantri yengö asakñina aka amötqeqegö könañi jim asariba malnönga gölme görañi görañi dop köl teköi likeplikkep eu emu yeñön letota Suepkö buñaya akñe.’ ”

⁴⁸ Mewö jiyohotka gölme toni Juda qahö malgeri, yeñön möta uruñini ölöwahi Kembugöreñ Buñaji möpöseiget. Möpöseiba malmal köhöikñangö buñaju akñegöra Anutunöñ möt kewöt engiyöhi, yeñön miangö dop uruñini melenñda Jisösgö Buñaji möt nariget.

⁴⁹ Möt narigetka Kembugö Buñaju keu jim sehigetka prowins pakpak mi dop köla anök. ⁵⁰ Ölop anökmö, Juda yeñön taongö azi ipñi aka

ambi öngöngöni Anutu göda qeba malgeri, miengö uruñini esiba kuñguba Pol Barnabas mohotñe sesewerowero ak etkiba miri gölmenjineyök etkuatanğöget. ⁵¹ *Anbitkö aka nesampurekñini kondela kewö jiyohot, “Netkôn engö gölmenöñ kaziga sölbuham kõna tambönire ahözawi, mi mönö tim tönjöratziga nanñine lilिंगöba gema.” Mewö jiyohotka kõnañamniri solannji möt kutugetka anda Galesia prowins uruñe siti qetñi Aikoniam miangörenj angorohot. ⁵² Angorohotmö, gwarekurup Antiokia taonöñ malgeri, Uña Töröñan yeñgö uruñini kokolak qei önöñi qahö söñgaiba malget. Mewö.

14

Aikoniam sitinöñ uru kuñgum engiyohot.

¹ Pol Barnabas yetkôn Aikoniam sitinöñ anğota mewöñanök Juda yeñgö köuluk mire öngöba Buña keu jiyohot. Jiyohotka Juda aka kian kantri ambazip yeñgörenök kambu sehisehiñi yeñön uruñini melenđa Jisös möt nariget. ² Möt narigetmö, Juda ambazip qahö möt narigeri, yeñön gölme toni Juda qahö malgeri, miengö uruñini esiba aposol urunöñ gege ak etkimegöra uruñini kuñguget. ³ Kuñgugetka töndup nalö köröpñi miangörenj mala Kembu möt nariba awösamkakak kindu Buñanji jiba malohot. Kembu kalem möriamñangö keuñi jim asariyohotka keuñiri nanğöba ösumñi börönjire ali aiwesök anğöletot meyohotka asuhuget. ⁴ Mewö asuhugetka taongö ambazipñan jula denget. Tosatñan Juda jitmeme yembuk örörönj jöhögetka tosatanñan aposol yetpuk toroqeba kinget.

⁵ Mewö arönđa kingetka gölme toni aka Juda ambazip kiannji yeñön wahöta jitmemeurupñini yembuk urumohot aka melaimelai azi aposol mi “Kötnöñ gila etkubin!” jiba mötmöriget. ⁶ Mewö mötmörigetka möta ölöñ köla tököba Likaonia prowinsnöñ anohot. Miangörenj anda taon qetñiri Listra aka Derbe aka miri liliköm etkiba tat angeri, miangörenj angorohot. ⁷ Miangörenj anğota Ölöwak Buña jim asariba uru kuñgum enğiba malohot. Mewö.

Listra taonöñ Pol Barnabasgöra bem qetket.

⁸ Listra taonöñ azi kun kõna yahötñi kömukömuñi malök. Mi nam körö uruñeyök lokon asuhuba nalö kungen kõna qahö tiba öne tatmalök. ⁹ Polnöñ Buña keu jii möta tari uba kõnañamñi kewö eka mötmöriyök, “Yanğö uruñe mötnaripñi ahöm wanğiyöhangöra aka ölöp ölöwakña,” mewö jiyök. ¹⁰ Mewö mötmöriba qet ketanji qeta jii mörök, “Mönö wahöta kinöñ.” Mewö jii pörañ ala wahöta anda kaba kinök.

¹¹ Polnöñ mewö aiga ambazip kambu yeñön mi eka Likaonia keuñine kewö silata jiget, “Bem yetkôn letota azi silebuk aka sutnine asuhuba neñgörenj eta maljahot.” ¹² Mewö jiba Barnabas qetñi bem bohonñini qetñi Zus qetket aka Polnöñ jitmeme memba keu jiyöhangöra aka bem qetñi Hermes qetket. ¹³ Mewö qetketka bem Zus yanğö jöwöwöl jikenji taon wösöñe ahöyöhi, miangö jike nup galömñan bulmakau azinji enğuanğita kayök. Mewö kaba ila kösatorom memba kaba taon kiripo nanğunje kindu ambazip kambu yembuk jakenöñ ala jöwöwöl ohom etkibingö aket.

¹⁴ Mewö aketka aposolyahöt yetkôn mi möta “Qahö dop kölja,” jiba qetala silepökenjiri munjurata ösumñiran ambazip kambu uruñe anda

* 13:51: Mat 10.14; Mak 6.11; Luk 9.5; 10.11

qerohot. ¹⁵ *Qeta kewö jiyohot, “Aziurup, injini mönö denöwögöra aka yuai mewöñi akze? Niri mewöyök injini ewö gölme azi töhöna akzit. Niri Anutugö Ölöwak Buña jim asarim engizit. Miangöra injini mönö bem omanj andö engume aka uruñini melenđa Anutu malmal Tonangöreñ qekötahöme. Anutu malmal Tonan Suep, gölme, köwet aka miengö uruñine yuai pakpak ahözawi, mi miwikñaim engii malje. ¹⁶ Gölmeñi gölmeñi pakpak yeñön mönöwök mala kotkeri, Anutunöñ i qahö angön köl engii nanñini imbinanangö dop malmalñini ilingösöñ malget.

¹⁷ “Qahö angön köl engiyökmö, tondup tönpin jipjap qahö malget. Qahöpmö, Anutunöñ yuai ölöpñi ölöpñi ak engiba malök. Yanön jiiga kie yöhöi wehön qei töhötmöriamñan nalöñi nalöñi asuhui nem söngaip aka mewö mianñon uruñini kuñgum engii malget. Mewö malgetka nanñi könai mötmegöra kalemñi mi kondel engiba mewö mianñon dangunuñi ali malget.” ¹⁸ Yetkön mewö jiba ambazip kambu jöwöwöl ohom etkibepuköra jaranbaran tiba jim susuhum engiyohotka löwöriba mosötket. Mewö.

¹⁹ Listra yeñön Pol Barnabas etkömosötketmö, Juda ambazip tosatan Antiochia taon aka Aikoniam siti mietköreñök kangota ambazip kambu urunöñ gege ak engiget. Ak engiba yembuk öröröñ luhuba Pol kötnöñ qeba “Mönö kömuza!” jiget. Mewö jiba örörahöba taon andöñe eta mosötket ahöyök. ²⁰ Ahöyökmö, gwarek yeñön kangota liliköm wangetka wahöta anda taonöñ öngöyök. Miangöreñ öngöiga ahöyohot miri gianjiiga Barnabasbuk Derbe sitinöñ anohot.

Sriagö Antiokia sitinöñ lilingöba kayohot.

²¹ Derbe sitinöñ Ölöwak Buña jim asariba uruñini kuñgum engiyohotka gwötpukñan uruñini melenđa Jisösgö gwarekurupñi aket. Mewö aketka Derbe taon mosöta Listra Aikoniam aka Antiochia taon miengöreñ lilingöba anda engehöt. ²² Engeka tata miri dop liliköba Jisösgö gwarekurup yengö uruñini nangöba mem köhöiyohot. Kembu möt narigeri, yambuk qekötahöba kinmegö qamban keuñi engiba kewö jiyohot, “Nini mönö iririkwarörök qakñe (lömböt könai könai miwikñai) mala panpangöba Anutugö bemtohoññöñ eu angotpin.” ²³ Urumelen könagesö dop jitñememeurupñini möwölöhöba galöm malmegö könai kusum engiba kuñgum engiyohot. Kuñgum engiba Anutugöra nene singi mala gwarek kambu yengöra köuluköba Kembu möt narigeri, yanjö böröñe al engiyohot.

²⁴ Al engiba engömosöta Pisidia prowins kutuba anda Pamflia prowinsnöñ angorohot. ²⁵ Miangöreñ angota Perga sitinöñ tata Buña keu jiba uruñini kuñgum engiba Atalia taonöñ geyohot. ²⁶ Miangöreñ geba wanñenöñ öngöyohotka opo seri öröba mörörengögetka luhutnöñ nangöi anda mala Antiochia sitinöñ angorohot. Antiochia urumelen könagesö yeñön i Anutugö kalem möriam uruñe misin nup memahotköra mutuk Anutugö böröñe al etkigetka engömosöta anohot. Anda liliköba nupñiri mi mem teköba kunbuk nanñire sitinöñ lilingöba kayohot.

²⁷ Miangöreñ kaba urumelen könagesö köl öröm engiyohot. Köl öröm engiyohot tokogetka keu kösohotñiri kewö jiyohot, “Anutunöñ netpuk mala angöletot ketanji ketanji aka memba malök. Yanön nam köl netkii nup meziga kian kantrñi kantrñi yeñön Jisös möt narimegöra nanju

* 14:15: Eks 20.11; Sum 146.6

öröm engii uruñini melenget.”²⁸ Kösohotñiri mewö jiba gwarek kambu yembuk nalö köröpnji qem köriba tata malohot. Mewö.

15

Kian kantri yeñgöra aka zioznöñ julmamgö ahök.

¹ *Antiokia malohotmö, Judia prowinsnöhök ambazip tosatñan eta kaba könahiba urumelen ambazip kewö kusum engiget, “Injini Mosesgöreñ Köna keugö dop Anutugö aiwesökñi sileñine qahö yandime ewö, mewö mönö Suepkö buñaya akingö osime.”² Mewö kusum engigerangöra aka angururuk ahuiga Pol Barnabas yetkön tuarenjoñ ak engiba könöpnambuk jim engiyohot. Jim engiyohotka urumohot qahö aka keu kewö jöhöba jiget, “Nini mönö Pol Barnabas aka jitñememe tosatñi melaim enñiinga Jerusalem sitinöñ öñgöba keu mi memba aposol aka Jerusalem urumelen könagesögö jitñememe yeñgöreñ anda jime.”

³ Keu mewö jöhöba jigetka urumelen könagesö yeñön i melaim engigetka könanöñ anget. Anda mala Fonisia aka Samaria prowins yahöt mi kutuba könanöñ könagesöñi könagesöñi engekset. Engeka kian kantri tosatñi yeñön uruñini melengerangö buzupñi jiba urumelen kambu yeñgöra sösoñgai ketanji al engiget. ⁴ Al engiba anda mala Jerusalem sitinöñ angotket. Angotketka aposol aka jitñememe yeñön urumelen könagesö yembuk köl öröm engiget. Köl öröm engigetka kösohotñini kewö jiget, “Anutunöñ nam köl neñgii misin nup meinga nembuk mala anğöletot ketanji ketanji aka memba malök.”⁵ Kösohot mi jigetmö, Farisi (Köna keugö kapañkölköl) kambunöhök urumelen azi tosatñan wahöta kewö jiget, “Kian kantri yeñön uruñini melengeri, yeñgöra mönö kewö jim kutubin: Yeñön mönö Anutugö aiwesök sileñine yandiba Mosesgöreñ Köna keu pakpak wuatangöba malme.” Mewö.

Jerusalem totoko ala anğururuk keu mindinğöget.

⁶ Mewö jigetka aposol aka jitñememe yeñön keu mi jim kewötpingö tokoget. ⁷ *Tokoba goranora (noragora) keu gwötpuk jiba jitnakölik aket. Mi aketka Pitönöñ wahöta kewö jii mötket, “Azi alaurupni, Anutunöñ mutuhök sutnine nup mendenđa möwölöhöm niñgiba nöñgöra kewö jiyök, ‘Gi mönö kian kantrinöñ anda Ölöwak Buña keu jim asarim enjinöñga yeñön uruñini melenđa Kembu möt narime.’ Injini keu mi mötze.”⁸ *Anutunöñ ambazip pakpak urunini möt kutuzawañön könanamñi kondela Uña Töröñji Juda ambazip neñgöra melaiiga eröhi, mianğö dop mönö kian kantri ambazip yeñgöra mewöñanök i melaii uruñine geyök.

⁹ “Melaii geiga mewö mianñon Juda ambazip qahö engek soriba kantri tosatñi qahö qepureim engiyök. Qahöpmö, yeñön Anutu möt narigetka siñgisöndokñini mosöta uruñini sanğonñiga sarakñi aket. ¹⁰ Mianğöra injini mönö wuanöñgöra Anutu esapesapnöñ al wañgibeak? Wuanöñgöra gwarek dölokñi yeñgö qakñine tem könjön toroqeba alinga anğubeak? Tem könjön mewöñi mi nanine ambösakoninan me naninak mewöyök anğubingö dop qahö akmalin. ¹¹ Mewö qahöpmö, kewö möt narizin: Kembu Jisösgö kalem möriamñan mönö Anutu nam köl wañgiiga amöt qem neñgiiga Suepkö buñaya akin. Kian kantri yeñön mewöyök köna mohot miyök wuatangöba letota Suepkö buñaya akingö möt narimakze.”

* 15:1: Lew 12.3 * 15:7: Apo 10.1-43 * 15:8: Apo 2.4; 10.44

¹² Mewö jiiga kambu yeñon lökñanök keu jaruba bök tatket. Tatketka Pol Barnabas yetkôn keu kôsohotñiri kewö jiyohot, “Anutunöñ nam köl netkii kian kantrinöñ anda sutñine misin nup meziga aiwesök anğoletot ketanji ketanji asuhuget.” Mewö jiyohotka kezap ala mötket. Mewö.

Bisop Jeimsnöñ keu jii mötket.*

¹³ Pol Barnabas yetkôn kôsohotñiri jim teköyohot mötketka Jeimsnöñ keu kewö jiyök, “Azi alaurupni, nöñon keu jibi kezap ala mötket. ¹⁴ Anutunöñ nalö mutukñi kian kantri ambazip mesohol köl engiba sutñineyök ambazip nanñanğöra möwölöhöm enğıga qetñi bisiba könagesöñi toroqeget. Anutunöñ mewö aka kónañamñi kondel nenğıyöhi, Saimon Pitönöñ mianğö keuñi jii mötzin. ¹⁵ Keu mewöñi mi kezapqetok ambazip yeñon mewöyök nanğöba jize. Yeñon keu kun kewö ohoget ahöza,

¹⁶ *Mianğö andöñe nöñon lilingöba kaba kiñ Deiwidkö kantri tohoñi kunbuk memba wahötmam. Yanñon mutuk jakömbuak koumñi qeba ambösakonini galöm köl enğıga koumñan buratiba tiñgita erökmö, nöñon mi kunbuk möhamğöba kuñgubiga kantrinöñ ölöwaka kinma.

¹⁷ Mi kewö asuhumapköra akñam: Ambazip kambu tosatñi pakpak yeñon Kembu jarume.

Kian kantri pakpak nani buñani akñegöra enğoholali, yeñon Kembu ni görain niñgime.

Kembu nöñon mewö jizal aka mianğö dop kantriñini mem ölöwakñam.

¹⁸ Mewö ahakzali, mi mönö möpñanğö möpñeyök möta kota malje.’

¹⁹ “Mianğöra Jeims nöñon keu mi kewöta mötmötnan kewö möta jizal: Kian kantri ambazip uruñini Anutugöreñ melenjei, neñon mönö lömböt könjöñ ketanji yeñö qakñine alinga qahö dop kölma. ²⁰ *Mewö qahöpmö, yeñöra kimbi kewö ohoinga dop kölma: Yeñon sömbup busuñi bem lopionğö naluk buña qeba kónañine algetka ösumñinan walöñnöhi, mi kude neme. Sero yongorö kude akñe. Sömbup jölñi qeçenğö busuñi aka sep mi kude neme. Yuai 4 mi mosötmegöra jim köhöibinak. ²¹ Mosesgö Köna keu mi mönö möpñanğö möpñeyök miri dop jim asariba kota maljin. Mi Sabat kendon dop köuluk mirinine oyoñda mörakzin. Mianğöra keu 4 mi ölop qahö mosötpin.” Mewö.

Jerusalem totokonöñ kian kantri yeñöra kimbi ohoget.

²² Jeimsnöñ mewö jiiga aposol aka jitñememe yeñon könagesö pakpak yembuk keu mi mötket dop kölök. Mötket dop kölga sutñineyök azi tosatñi möwölöhöm enğıba Pol Barnabas yetpuk mohotñe Antiokia sitinöñ melaim enğıbingöra jiget. Mewö jiba azi qetñi Judas qetñi alañi Barsabas aka Sailas möwölöhöm etkiget. Azi yahöt mi urumelen kambugö jitñememe azia ahot. ²³ Azi mi melaim etkibin jiba kimbi kun kewö ohoba böröñire alget,

“Mötnaripkö kian alaurupni, Antiokia siti aka Siria aka Silisia gölmenöñ maljei, neñon enğö jölöñini jizin. Aposol neñon mötnarip könagesögö jitñememe yembuk enğö urumelen alaurupñina akzin. Mewö embuk keu eram mötpingöra kimbi al enğizin.

* **15:12:** Bisop, Grik keunöñ episkopos, nanine keunöñ jegalöm me inspekta. Yanñon zioz nup pakpakö mindimindiri galömnji akza. Jeims kianñon Jisösgö gwarekñi qahöpmö, Jisösgö munñi.

* **15:16:** Amos 9.11-12 * **15:20:** Eks 34.15-17; Lew 17.10-16; 18.6-23

- 24 Nanine ambazip tosatņi qahō jim kutum engiinga nanņinōk neņgōmosōta eņgōreņ kaba uruņini kuņguba keu murutņi kekelolo eņgigetka uru mōtmōtņini siksauk aiga mōrin.
- 25 Mianğōra nini kōreķņanōk totoko ala urumohot ahin dop kōlōk. Dop kōliga azi yahōt mekōba melaim etkiinga wōlbōt alayahōt Barnabas Pol yetpuk eņgōreņ kame.
- 26 Barnabas Pol yetkōn nanine Kembu Jisōs Kraistkō qetņanğōra aka malmalņiri kōleņnohotka tosatņan etkuget kōmumbitkō ahot.
- 27 Nini Judas Sailas melaim etkiinga kaba keu miyōk toroqeba jitnōņ jiyohotka mōtme.
- 28 Uņa Tōrōņi aka neņōn keu kewōğōra urumohot ahinga dop kōlja: Eņgō qakņine lōmbōt kōņjōņ qahō toroqeba albin. Keu bohonņi 4 miyōk wuatangōme. Mi oņgitketka julbinbuk.
- 29 Keu 4 mi kewō: Sōmbup busuņi bem lopioņgō naluk buņa qeba kōnaņine algetka osumņinan walōņnōhi, mi kude neme. Mewōyōk sep me sōmbup jōļņi qeçeņanğō busuņi mi kude neme. Sero yoņgorō kude akņe. Yuai 4 mi mosōta andō qegetka urumohot ahinga Anutanōņ kōtuetkōm eņgiiga olōwaka malme. Mōnō uru bōņjōņ malme.” Mewō.

Keu memba angetka Antiokia siti yeņōn sōņgaiget.

30 Kimbi mewō ohoba melaim eņgigetka anget. Kōna anda geba Antiokia sitinōņ angotket. Aņgota urumelen kōnagesō kōl örōm eņgigetka tokoget. Tokogetka kimbi mi eņgigetka oyoņget. 31 Mi oyoņgetka mianğōra amqeba urukōlalep mōta sōņgaiget. 32 Judas Sailas yetkōn nanņirak kezapqetok azia mala goro keu gwōtpuk eņgiba urugō nanğōnanğō keu jiba mem kōhōim eņgiyohot. 33 Mem kōhōim eņgiba nalō tosatņi mianğōreņ toroqeba malohot. Malohot tekōiga urumelen alaurup yeņōn “Luaibuk anmahot,” jiba melaim etkiget. Jerusalem malohotka melaim etkigeri, Judasnōņ mōnō yeņgōreņ lilingōyōk. 34 (-)†

35 Pol aka Barnabas yetkōn toroqeba Antiokia sitinōņ mala ambazip tosatņi gwōtpuk yembuk Kembugōreņ Buņa keu kusum eņgiba uruņini kuņgum eņgiba malget. Mewō.

Pol aka Barnabas yetkōn deņnohot.

36 Mewō malgetmō, nalō tosatņi tekōiga Polnōņ Barnabasğōra kewō jiyōk, “Netkōn taon miri pakpak lilikōba Kembugōreņ Buņa keu jim asariba maliri, mōnō mianğōreņ lilingōba urumelen alaurupniran denōwō maljei, mi olōp anda eka mōtpit.” 37 Mewō jiiga Barnabasnōņ Jon qetņi alaņi Mak qetkeri, i mewōyōk waņgita mohotņe anbingō mōrōk.

38 *Mewō mōrōkmō, Jonōņ mutuk Pamfilia taonōņ lōwōriba etkōmosōta yetpuk toroqeba nup qahō meyōk. Mianğōra Polnōņ i waņgita anbingō mōri qahō dop kōlōk. 39 Qahō dop kōliga aņgururuk aka uruņiri kōnōp jeiga deņnohot. Deņda Barnabasnōņ Mak waņgita geba waņgenōņ oņgōyohotka opo seri örōba mōrōreņgōgetka luhutnōņ nanğōi gōlme jōlanņi Saiprus mianğōreņ anohot. 40 Anohotmō, Polnōņ azi qetņi Sailas mekōiga urumelen alaurup yeņōn Kembugō bōrōņe al etkiba kalem mōriamņan sel jōhōm etkimapkōra jigetka mosōta anohot. 41 Anda mala Siria aka

† 15:34: Tosatņan toroqeba jabō v 34 kewō alje: Lilingōyōkmō, Sailasnōņ keuņi jōhōba toroqeba mianğōreņ malōk. * 15:38: Apo 13.13

Silisia prowins yahöt mi kutuba liliköyohot. Liliköba Polnön urumelen könagesöni könagesöni engeka mem köhöim engebä malök. Mewö.

16

Timotinön Pol aka Sailas yetpuk toroqeyök.

¹ Polnön liliköba anda mala taon qetnjiri Derbe aka Listra miangören angorök. Listra angota miangören gwarek kun qetnji Timoti miwikjaisyök. Namñan Juda urumelen ambia ahökmö, iwiñan Grik azia. ² Polgö azi alaurupñan Listra aka Aikoniam malgeri, yeñon Timotigö könani jim ölöwaka jiget mörök. ³ Mewö jiget möta wañgiri mohotñe anmamgö mörök. Mi mörökmö, Timotigö iwiñan Grik azia malöhi, mi köreknan möt teköget aka miri gölme miangören Juda ambazip gwötpuk malget. Miangöra yeñon Pol jim wañgibepuköra Timoti wañgita Anutugö aiwesökñi silenje yandiyök. ⁴ Yandiiga anda taon aka miri dop angotkeri, miangören Jerusalem mindimindiri totokogö keunji jiget. Aposol aka Jerusalem urumelen könagesögö jitmeme yeñon keu johöm köhöigeri, mi wuatangömegöra jim kutum enget. ⁵ Mewö lilikögetka Jisösgö könagesöni könagesöni miri dop malgeri, yeñon mötnariñinan köhöiyök. Mewö köhöiba Buña keu jigetka tosatñan uruñini melenä wehön dop kam toroqetka kambuñinanjö jañgöñan qariba öngöyök. Mewö.

Anutunön Pol gaunön kutum wasöriga Yurop anget.

⁶ Liliköba mala “Eisia prowinsnön anda Buña keu jim asaribin,” jigetmö, Uña Töröñan sonjo ala anğon köl engyök. Miangöra yeñon toroqeba anda Frigia aka Galesia prowins yahöt mi öne kutuba etkonğita anget. ⁷ Anda mala Misia gölme gorañe angota Bitinia prowinsnön angotpingö mötketmö, Jisösgö Uña Töröñan miangören anmegö urumohot qahö ahök. ⁸ Urumohot qahö aiga mosöta anda Misia gölme öne kutuba köwet jitmje geba Troas taonön angotket. ⁹ Troas angota sunğem gaun ahögetka Anutunön Pol kutum wasöriga imut kun kewö ehök: Yurop azi kunñan Masedonia likepñe kinda ohola kewö jiba köulüköm wañgyök, “Gi mönö köwet kutuba Masedonia gölmenön kaba bauköm nenğiman.”

¹⁰ Polnön jemelen imut mi ehiga nini miangö könani kewö möt kutuba jiin, “Anutunön mönö nenğohola köwet kutuba Yurop uruñe anda Ölöwak Buña Masedonia prowinsnön jim asarim enğibingöra jiza.” Mewö jiba miangörenök mosöta anbingö mötmöriba amqein. Mewö.

Filipai ambi Lidianön uruñi melenök.

¹¹ Neñon amqeba geba wañgenön öngöinga opo seri öröba mörörenğögetka luhutnön nañgöi Troas siti mosöta anda diñdiñanök Samotres gölme jolanñe angorin. Angota ahöba miri gianğiga toroqeba anda Neapolis sitinön angorin. ¹² Miangören angota wañgenöhök eta köna anda Filipai sitinön angorin. Rom ambazip yeñon mönövök kaba Filipai siti mi memba miangören malmal tatatñini algetka Masedonia prowinsgö siti ketanji ahök.* Nini Filipai angota wehön tosatñi miangören malin.

¹³ Miangören mala Sabat kendonön siti kiripo yaigepñe anin. Miangören anda Juda yeñon o sakñe tokoba Anutu köulükömakzei, mewö

* **16:12:** Masedonia prowinsgö siti bohonñi mi Tesalonaika. Distrik mutukñanğö siti bohonñi mi Amfipolis aka siti keta bölökñi kun Filipai. Rom yeñon Filipai mi Itali ewö galöm köl enget. Grik miri tonji yeñon nanñine gölmenön kian ewö aka malget.

mötmöröba geba rowonqeqe kunöñ anin. Anda ambi tokoba tatkeri, i engeka tata eraum möta Anutugöreñ Buña keu yengöra jiinga mötket. ¹⁴ Mötkeri, yengö sutñine ambi kun qetñi Lidia malök. Yanñon Taiataira sitinöhök Filipai kaba opo pisikñi gugakgugak aködammunñambuk tokoba bohonñi memegöra ala malök aka Anutu waikñi memba möpöseiba malök. Kembunöñ uruñi mem amqeiga Polnöñ keu jiyöhi, miangöra sihimñan ahui kezap ala möta anğon kölöc. ¹⁵ Anğon köli nanñi aka saiwaurupñi o melun mem enğıinga qesim nenğiba kewö jiyök, “Inñini nönğöra ‘Kembu möt narizal,’ jize ewö, mönö ölop kaba nönğö mire öngöba tata nene memba ahöme.” Mewö jiba kapan köla qesim nenğiyök. Mewö.

Pol Sailas yetkön kösö mire tarohot.

¹⁶ Nini nalö kunöñ köuluk rowonqeqeñe gebingö köna namñe aninga welenqeqe ambi kunöñ miwikñaim nenğiyök. Amba mi andö lawönñambuk mala ambazip könañini aukñe jim miwikñaimangö mörök. Mi möta kezapqetok keu asambötñi jim miwikñaiaba mewö miangön moneñ yuai mi gwötpuk öröba mali tourupñi yengö böröñine geyök. ¹⁷ Yanñon Pol aka nini nenğeka nenğö andöñine kaba kewö jiba qerök, “Azi kienñon Anutu öngöngöñi ketanğö welenñi qeba Suepkö bunaya akingö könañi jim asarim enğimakze.” ¹⁸ Mewö jiba sömañi gwötpuk qeta malök. Mi malökmö, Polnöñ tököba miangöra sihimbölö mörök. Mi möta nalö kunöñ lilingöba ömeñi kewö jim kutum wanğiyök, “Ni Jisös Kraistkö qetñe jizal: Gi mönö ambi kiangö uruñeyök kota anöñ.” Mewö jim kutum wanğii miangöreñök kota mosöta anök.

¹⁹ Mi anökmö, ambi tourupñan mi möta moneñ yuai öröbingö könañi jöpköyöhi, mi miwikñaiaba irimñini sehohiyök. Irimñini sehohiiga Pol Sailas etkömemba jöhöba maket sombemñe öröm etkiba galöm azi yengö jeñine etkuangita anget. ²⁰ Etkuangita anda keu jake galöm yengö jeñine al etkiba silenire keu kewö ala jiget, “Nini siti kiangöreñ luainöñ maljinmö, azi yahöt kietkön kaba enjololon ak nenğimakzahot. Yetkön Juda azia akzahot ²¹ aka Juda silikñini kusum nenğimakzahot. Nini Rom mindimindiri kantrigö tohonñtonj akzin. Miangöra nini silikñini mi ölop qahö möt anğon kölbini. Mi memba wuatangöbingö songo ahöi osizin.”

²² Silenire keu mewö aka jim etkigetka ambazip kambu yeñon mewöyök wahöta mindiriba qetal etkim köhöiget. Qetal etkim köhöigetka galöm yeñon kuñgum enğıgetka sileötanñiri öröba munjukunjuritket aka jim kutum enğıgetka arawambu kömbinöñ etkuget. ²³ Gwötpuk etkim teköba kösö mire al etkibingö etkuangita wahibuknöñ ölopñanök galöm mem etkimapkö jim kutum wanğiget. ²⁴ Mewö jim kutum wanğigetka möta etkömemba kösö miri bibiñe miri uruñi kunöñ anda könayahöñjiri ip özöpañ† sutñire ala kösönöñ jöhöba miri uruñi miangö nanğunji yahöt mi ki misigetka tarohot. Mewö.

Kösö miri galömñan uruñi meleyñök.

²⁵ Pol Sailas yetkön mewö tarohot. Tata mala sunğem bibiñi aiga miangöreñ Anutu köuluköba liñet köla möpöseiba malohotka kösö azi köreknan kezap ala mötket.

²⁶ Mewö aketka miangöreñök wölan kenöñ (nan) ketanji giliga kösö mirigö tandöñi pakpak anjanjanjan kölget. Mewö kölgetka miangöreñök

† 16:24: Ip özöpañnöñ könañiri yöhöraköiga osiba tarohot. Imutñi ekñan.

nanju pakpak talgetka kösö azi pakpak yengö ain tapepninan (munḡamunḡa) lolohoba erök. ²⁷ Mewö asuhuiga kösö miri galöm yanḡon gaun uruḡeyök wahörök. Wahöta kösö mirigö nanḡunḡi pakpak tal tekögeri, mi eka jiyök, “Kösö azinöḡ an teköze me denöwö?” Mewö jiba mötmöriba jönömḡi unduiga bimḡö sou ketanḡi mi kupinḡeyök öröba nanḡi aumamḡö ahök.† ²⁸ Nanḡi aumamḡö ahökmö, Polnöḡ paunḡpaun terinḡöba kewö jiyök, “Nini körekḡanök ki tatzin. Mönö nangi sileḡi öne kude ayuhuman.”

²⁹ Mewö jii möta kiwa wanḡgimeḡöra qesii wanḡgigetka ösumḡan kösö miri uruḡe anda jönömḡi unduiga Pol Sailas yetkö kösutḡire anda simin köl etkiyök. ³⁰ Simin köl etkiba kösö mireyök etkuḡḡita eta kewö qesim etkiyök, “Azi ketanḡi yahöt, ni mönö denöwö akiga Anutunöḡ amöt qem ninḡiiga letotpilenḡak?”

³¹ Qesim etkiiga jiyohot, “Mönö urugi melenḡa Kembu Jisös möt narim wanḡḡinöḡḡa gi aka saiwaurupkan mewöyök letota Suepkö buḡaya akḡe.” ³² Mewö jiyohotka mirinḡe angetka könagesöurupḡi pakpak yembuk tokogetka Anutugörenḡ Buḡa keu jiyohot mötket. ³³ Jiyohot möta sunḡemḡö aua miḡḡörenḡök etkuḡḡita anda uzinḡiri sanḡoḡḡnök. Sanḡoḡḡniga miḡḡörenḡök i aka saiwaurupḡi pakpak mi o melun mem enḡiyohot. ³⁴ O melun mem enḡiyohotka etkuḡḡiri nene mire öḡḡöba nene ohoba ala etkiyök. Etkiba nanḡi aka saiwaurupḡi yanḡon körek Anutu möt narigeranḡöra sösoḡḡai aket. Mewö.

Kösö mireyök közöl etkigetka erohot.

³⁵ Miri ḡianḡiiga keu jake galöm (majistreit) yanḡon opotöröp melaim enḡigetka kösö mire kaba kewö jiget, “Azi yahöt mi mönö pösat etkinöḡḡa etmahot.”

³⁶ Mewö jigetka wahibuknöḡ kaba buzup mi Polḡöra kewö jii mörök, “Majistreit galöm yanḡon keu kewö alget kaza: Inḡiri mönö kösoḡḡiri pösatpiga etmahot. Miḡḡöra etkön mönö döлки mosöta eta luainöḡ anmahot.”

³⁷ Mewö jii mörökmö, Polnöḡ opotöröp yanḡöra kewö jiyök, “Rom mindimindiri ḡawmanöḡ sel jöhöm netkiba miḡḡö (jimkutukutu) paspot netkigetka maljit. Miḡḡöra yanḡon keuniri ḡahö kewöta jim teköba töndup aukḡe ambazip jeḡine öne laḡ arawambu kömbinöḡ netkuba kösö mire al netkiget. Mi ḡamuḡambuk. Mewö al netkiget tatziga döлки denöwögöra melaim netkiget öne ölöḡ etpirak? Mi ḡahö dop kölja. Niri ḡahöpmaḡöp etpitmö, yanḡon mönö nanḡḡinak kaba netkömegetka etpirak.”

³⁸ Polnöḡ opotöröp yanḡöra mewö jiiga keu mi memba majistreit galöm yanḡörenḡ anda jiget mötket. Mi möta Rom ḡawmangö (jimkutukutu) paspot memba malohori, mi möta auruba sömbuḡḡini mötket. ³⁹ Sömbuḡḡini möta kösö mire kaba ösoḡḡi susuḡuba kelök ala kuḡḡum etkigetka geyohot. Geyohotka Filipai siti mosötmahotkö ulet etkiget. ⁴⁰ Ulet etkigetka Pol Sailas yetkö kösö miri mosöta Lidiagö mire anohot. Miḡḡörenḡ anda urumelenḡ alaurupḡiri enḡeka urugö nanḡönanḡö keu jiba enḡömosöta anohot. Mewö.

† **16:27:** Kösö azinöḡ ölöḡ köliga ḡalömḡi mi keu jakeḡe ala qegetka salupḡe sihimbölö möta kömuzapma. Nanḡi ḡamuḡḡi möta aubawak, mewö amḡeba kömumbawak.

17

Tesalonaika nup megetka sesewerowero aket.

¹ Anda mala Amfipolis aka Apolonia siti yahöt mi kutuba Tesalonaika sitinöj angotket. Siti bohonji miangörej Juda yeñon köuluk mirinji meget kinök. ² Polnöj ahakmemenji aka malöhi, miangö dop köuluk mirinjine öngöba Sabat kendon karöbut miangörej yembuk Urumelenjö Buja Kimbi oyoñda könañi eraum möta malget. ³ Mewö mala Buja Kimbigö könañi jim asariba kewö jiyök, “Anutunöj areñ ala Amötqeqe Toñan sihimbölo möta kömumba kömupnöhök wahötmapkö jiyök.” Mewö jiba miangö könañi Buja Kimbinöhök kondela uruñini kuñguba kewö jiyök, “Azi Jisös jim asarim engizali, yañon mönö Amötqeqe Toñi Kraist akza.”

⁴ Mewö jiiga Juda könagesö yeñgöreñök tosatñan möt nariba uruñini melenja Pol Sailas yetpuk toroqeba kinget. Grik ambazip tosatñan Anutu waikñi memba möpöseigeri, yeñgöreñök mewöyök kambu ketanji yeñon yembuk toroqeget aka ambi öngöñgöñi qetbuñaninambuk yeñgöreñök gwötpukñan uruñini melenjet.

⁵ Uruñini melenjetmö, Juda ipñi yeñon uruñini seholliga urunöj mututqutut möta andöqeqe aket. Mi aketka injarere ambazip rowoñqeqenöj lañ malgeri, yeñgöreñ anda azi gonjonji tosatñi engömeget. Mi engömemba mindiriba ambazip kambu uruñini kuñguba öröm engigetka tokoget. Tokoba lañ qetketka qeburun göjupmajup ahuiga siti dop köl teköyök. Lañ qeta luhuba azi qetñi Jeison yangö miri töungöba (töwöngöba) Pol Sailas ambazip kambu jeñine al etkibingöra jarum etkiget. ⁶ Jarum etkigetmö, qahö miwikñaim etkiba Jeison aka urumelenj alaurup tosatñi jöhöm öröm engiba sitigö galömkölköl azi yeñgö jeñine angota kewö qetket, “Yei! Azi gölmenji gölmenji liliköba miri dop uru kuñgum engigetka kahapmahap aka sohomakzei, yeñon mönö ki mewöyök kayohot. ⁷ Kiangöreñ kayohotka Jeisonöj i etkömemba angön köl etkiyök. Ambazip pakpak mienön kewö jimakze, ‘Azi kun qetñi Jisös yañon kin kembunini akza.’ Mewö jiba Rom sisa kinjö jimkutukutuñi qetala memba eta alakze.”

⁸ Mewö qetketka ambazip kambu aka galömkölköl azi yeñon mötketka uruñinan eta raidimbom ewö siksauk ahök. ⁹ Siksauk aiga Jeison aka urumelenj alaurup tosatñi kuñguba qesim engigetka monen ala meköm etkiba pösatketka eta anget. Mewö.

Berea angetka Baiböl stadi ala keunji kewötket.

¹⁰ Eta angetmö, urumelenj alaurup yeñon Pol aka Sailas miangöreñök melaim etkigetka mosöta sunjem miri qetñi Berea miangöreñ anohot. Anda angota Juda yeñgö köuluk mirinjine öngöyohot. ¹¹ Köuluk mirinjine öngöba Buja keu jiyohori, mi sihim ketanji möta möt angön kölget. Juda könagesö Berea malgeri, yeñon Tesalonaika könagesö engonjita ölop sorokñi aket. Keu törörök jiyohot me qahö, mi wehön dop Buja Kimbigö keunöj kewöta oyoñda eraum möta malget.* Silik ölopñi mewöñi wuatangöba Juda ambazip Tesalonaika malgeri, mi luhut al engiget. ¹² Buja keu jiyohotka Juda yeñgöreñök jesöñgöñan möt nariba uruñini melenjet. Grik ambazip yeñgöreñök mewöyök gwötpukñan Jisös möt narigetka sutñine ambi öngöñgöñi qetbuñaninambuk mi gwötpuk malget.

* 17:11: Berea yeñon Baiböl stadi ölopñi alget.

¹³ Jisös möt narigetmö, Polnöh Berea miangörej mewöyök Anutugörej Buja keu jim asariba malöhi, miangö buzupñan sehiba Tesalonaika anda Juda jitñememe yengö kezapñine geyök. Kezapñine gei möta wahöta Berea kaba mewöñanök ambazip uruñini esiba kuñguget. ¹⁴ Kuñgugetka urumelenj alaurup yeñon mi möta miangörejök Pol melaigetka köwet jitñe geyök. Geyökmö, Sailas Timoti yetkön toroqeba Berea malohot. ¹⁵ Azi Pol umbulgeri, yeñon toroqeba wañgita anda Atens sitinöh angotket. Angotketka kewö jim kutum enñiiga mötket, “Injini mönö lilingöba Sailas aka Timoti jigetka ösumok nöngörej kamahot.” Keu mi möta mosöta anget. Mewö.

Polnöh Atens sitinöh mala nup meyök.

¹⁶ Polnöh Atens sitinöh tata Sailas Timoti yetkö mamböta mala liliköyök. Liliköba siti mi tandö lopionji lopionji mienön kokolak qegetka köna töwokñe töwokñe kingetka engeka awöwöliba tembula uruñi könöp jeyök. ¹⁷ Polnöh Juda yeñö köuluk miriñine öngöba Juda kian ambazip aka gölme tonji Anutu waikñi memba möpöseigeri, yembuk kinda eraum mötket. Polnöh wehön dop rowonqeqe sombemñini dop anda ambazip miwikñaim enñiba yembuk aitonöba eraum mötket.

¹⁸ Eraum mötketka Epikuros aka Stoik mötmöt jake yahöt mietköreñök böhi tosatñan kaba Polbuk keu siñginji siñginji jiba goranora aka jitnakölik erauget.† Tosatñan toroqeba Polgö keuñi möta kewö jiget, “Mötmöt kitipñi kitipñi zezengok ewö usuñda um jaruba lañ qezaköba mohot yahöt miwikñaim bibihiba memba kaza. Mi memba kaba sesekñai ewö lañ jizapmö, keuñangö öñji wania jimangö mötzawi, mi qahö mötzin.”

Polnöh Jisösgö Bujañi jim asariba uruñini kuñguba kömupnöhök wahörök‡ jiyök. Miangöra tosatñan toroqeba kewö jiget, “Bem kiannji memba kaba mietkö könañiri jim asariza, miangö tandök ewö akza, ekzin.”

¹⁹ Mewö lañlañ jigetka Pol wañgita maket sombem ketanji Areopagus§ miangörej öngöba kaunsöl yeñö jeñine alget kini kewö jiget, “Gi mötmöt areñ dölökñi aukñe kusum neñgimakzani, miangö könañi denöwö? Mi ölöp jinönga mötpin. ²⁰ Göñon kian kantri yeñgörej keu murutñi memba kaba jinönga kezapñine gei mötzin. Miangöra göhö keu areñgahö könañi mi törörök mötpingö mötzin.” ²¹ Atens tonji aka kian miangörej malgeri, yeñon pakpak öne lañlañ mala mötmöt keu dölökñi dölökñi ongitgonjit aka jiba möta uruñini miangörej ala nalöñini ayuhuba malget. Mewö.

Polnöh Areopagus sombemñöh kinda keu jiyök.

²² Polnöh wahöta Areopagus sombem bibine anda kaunsöl yeñö jeñine kinda kewö jiyök, “Atens aziurup, nöñon ki kaba yuai pakpak eka könañini kewö ahöi mötzal: Injini bemurupñini göda ölöpñi qeba möpöseim enñiba malje. ²³ Nöñon liliköba enñgörej miri kömbukñi kömbukñi eka miengö sutñine alta kulemñambuk kun miwikñai. Miangörej kewö ohoget ahöi ehal, ‘Bem könañi qahö mötzini, yangöra mein.’ Miangöra

† **17:18:** Mötkutukutu böhi qetñi Epikuros yañon uruölöwak mötpingö könañi kusum enñiyök. Stoik mötmöt jake (akademi) miangö böhinji qetñi Zeno yañon sihim ölöpñi aka bölöñi qömbököba böñ qeba köhöiba kinbingö könañi kusum enñiyök. ‡ **17:18:** Jisös aka Kömupnöhök wahötwahöt keu yahöt mi qahö möt asariba töñpin kinda kewö jiget, ‘Yañon mönö bem azi ambi yahöt yetkö qetñiri mewö qetza.’ § **17:19:** Areopagus miangö könañi mi yarögö bemñi qetñi Ares yangö kundunja.

inini bem kun kōnaŋi qahō mōta tōndup waikŋi memba mōpōseimakzei, nōŋōn mōnō yaŋgō kōnaŋi indela jibi mōtme.

24 *^{17:24} “Bem Anutunōŋ Suep gōlme aka yuai pakpak mietkō uruŋire ahōzawi, mi miwikŋaim enŋiyōk. Yaŋōn Suep gōlmegō Kembuŋa akza. Yaŋōn jōwōwōl jike bōrōnōŋ memenŋi miangōreŋ qahō tata malja. ²⁵ Yaŋōn nanŋak malmalgō kōnaŋi akza. Mi aka neŋōn gōlmenōŋ malbinangōra sile, uŋa (imut) aka yuai tosatŋi pakpak neŋgiiga sōŋgōrō ōsum ōrōmakzin. Mewō neŋgimakzawaŋgōra aka nanŋak nene me yuai kungōra qahō osiza. Miangōra ambazip nini gumohom waŋgibingō osizin. Nini bōrōninan yuai qahō memba naluk al waŋgiin ewō, yaŋōn mōnō qahō kōmuma. Yaŋōn azi tandōk qahō malja. Qahō.

26 “Yaŋōn mutuk azi mohot miwikŋaiiga yaŋgōreŋōk sehiba denŋa gwala injaŋi aka sile tosatŋi aka gōlmenŋi gōlmenŋi pakpak dop kōla maljin. Yaŋōn nalōnini pakpak tōrōrōk areŋgōm neŋgiiga miangō dop maljin aka miri gōlme denike denike ahōm tat ala maljini, miangō gōraŋi aka aiwesōkŋi ala jim kutuiga miangō dop maljin. ²⁷ Nini mōnō Anutu nanŋi mōt jarum waŋgibingōra yuai pakpak mi areŋgōba al neŋgiyōk. Yaŋōn kōrek pakpak kōsutnineyōk maljapmō, tōndup mezanŋezan ala Anutu jaruba mala miwikŋaibin me qahō? ²⁸ Nanŋini Grik mōtmōt ambazipnōŋ keu kōtŋi areŋgōba ohogeri, yeŋgōreŋōk yahōtŋan mewōyōk keu kōtŋi kun kewō jiyohot,

‘Ninia kun yaŋgō gwōlōnarōkurupŋi maljin.’

Azi mewōŋi kunŋan keu kōtŋi kun kewō ohoyōk,

‘Yaŋōn mōnō mem letot neŋgiiga yaŋgō aumŋe malmalnini malakzin, kōnanini anda kamakzin aka ahōm wahōtŋini ahakzin.’**

²⁹ Keu miengō dop nini mōnō Anutugō gwōlōnarōkurupŋi mala kōsutŋeyōk kinjin. Kōsutŋeyōk kinjinmō, tōndup yaŋgō kōnaŋi mōt sohoba janjuŋ ak-inbuk. Imut ohoho azi yeŋōn mōtmōt qakŋe kinda bem kungō tandōkŋi mōtmōriba goul, silwō me kōt jamōnjin memba urorohoba tandō lopionŋi sōhōba meŋlōba memakzei, yaŋōn mōnō mewō tandōk qahō akza. ³⁰ Ambazipnōŋ gukmaulem aka jipjap mala kotketka Anutunōŋ nalō miangōreŋ ahakmemenini mōt bōliiga likepŋi qahō melenŋa malōkmō, nalō kewōŋe keuŋi indela kewō jiza, ‘Ambazip kōrek pakpak miriŋini dop tat anjei, inini mōnō uruŋini melenŋa nōŋgōreŋ kaget.’

³¹ “Anutunōŋ nalō ketaŋi ali kam kuŋguma. Yaŋōn nalō miangōreŋ ambazip gōlmenŋi gōlmenŋi pakpak mal anjei, mi tokom neŋgiba keunini kewōta tōrōrōk jim tekōma. Yaŋōn azi kun keunini jim tekōmapkōra mōwōlōhōba jimtekōtekōgō kukōsumŋi bōrōŋe alōk. Yaŋōn azi mi mem gulii kōmupnōhōk wahōriiga mewō mianŋōn kukōsumŋi ketaŋi mi ambazip pakpak kondel neŋgiiga eka mōtzin. Azi kōmupnōhōk wahōrōhi, yaŋōn mōnō jimtekōtekō Tonina akza.”

³² ‘Anutunōŋ azi kun kōmupnōhōk mem gulii wahōrōhi,’ tosatŋan keu mi mōta mepaqepaikōget. Mewō aketmō, tosatŋan kewō jiget, “Keu jizani, nini mi kunbuk mōtpingō mōtzin. Miangōra gi ōlōp nalō kunōŋ keu mi toroqeba jim tuariman.” ³³ Mewō aketka Polnōŋ yeŋgō sutŋineyōk wahōta enŋōmosōta anōk. ³⁴ Anōkmō, tosatŋan kaba Jisōs mōt nariba yambuk toroqezet. Mōt narigeri, yeŋgō sutŋine Areopagus kaunsōl

* **17:24:** 1 Kŋ 8.27; Ais 42.5; Apo 7.48

** **17:28:** Mōtmōt azi ketaŋi Pol yaŋōn mōtmōt jakenŋi jakenŋi ōŋgōba Grik yeŋgōreŋ buk murutŋi murutŋi oyoŋda mōt kutuba miangōreŋōk keu kōtŋi kōtŋi anqeba memba aukŋe jiyōk.

kambu yengö jitnememe azi kun qetņi Dionisius malök. Mewöyök ambi ketanņi kun qetņi Damaris aka tosatņan yetpuk toroqeba möt nariget. Mewö.

18

Polnöņ Korint sitinöņ ani uruņini melenget.

¹ Yuai mi asuhuiga Polnöņ Atens siti mosöta Grik siti kun qetņi Korint miangöreņ anök. ² Korint anda Juda azi kun qetņi Aqila miwikņaiyök. Aqila yaņön Eisiagö prowinsņi qetņi Pontus miangöreņ ahuba kōnaņep mindimindiri siti Rom anda malök. Miangöreņ mali sisa kiņ qetņi Klodius yaņön jimkutukutuņi kewö alök, “Juda ambazip iņini mönö körek pakpak Rom siti mosöta deņme.” Mewö jiyöhaņgöra aka Itali kantri mosöta Grik geba nalö miangöreņ Korint kaņgorök. Kaņgoriga Polnöņ miwikņai i aka anömņi qetņi Prisila yetköreņ anök. ³ Malmalņiri naņgöbitköra opo kounņi kounņi meyohot. Polnöņ mewöyök opo seri kum meme asia. Miangöra yetköreņ ani nupņini öröröņ ahöiga yetpuk mala ahöba opo seri kum nup mohotņe meget. ⁴ Mema malgetka Sabat kendon dop köuluk mire öngöba Juda aka Grik ambazip yembuk Jisösgö kōnaņi erauba mesinđa uruņini melenmegöra kuņgum eņgiba malök.

⁵ Kuņguba mali alayahötni Sailas Timoti yetkōn Masedonia prowinsnöhök kaņgorohotka Jisösgö Buņaņi nalö dop jim asariba malök. Mewö mala Jisösnöņ Amötqeqe Toņi Kraist akzawi, miangö kōnaņi aukņe kondela keu mianöņ Juda ambazip uruņini kuņguyök. ⁶ Uruņini kuņguyökmö, Pol tuarenjoņ aka uruqeqe keu töhöreņ jim waņgigetka böröņan jeņine kuņguba sölburaņi tōņjörari eriga kewö jiyök, “Nöņön köpösihit qahö akiga iņini ayuhuba miangö likeņņi mi mönö nöņgö qakne albingö osime. Mi nanņinak bisime. Iņini Buņa keu qetalgetka nöņön ölp eņgömosöta merak kinda öngömawi, miangöreņ kian kantri ambazip yengöreņ elenđa anmam.”

⁷ Mewö jiba eņgömosöta köuluk miri göraņe azi kun qetņi Titius Jastus yaņgö mire öngöba malök. Yaņön Juda asia qahöpmö, tōndup Anutugö waikņi memba möpöseiba malök. ⁸ Göraņe anökmö, köuluk mirigö galöm qetņi Krispus aka yaņgö anöm-moröņi yeņön körek uruņini melenđa Kembu möt nariget. Mewönaņök Korint ambazip tosatņi Polgöreņ keu mötkeri, yengöreņök gwötpukņan Jisös möt nariba uruņini melengetka o melun mem eņgiget.

⁹ Polnöņ suņgem kunöņ gaun ahöiga Kembunöņ kutum wasöriga imut ehiga kewö jii mörök, “Gi kengötki kude mötmanmö, Buņa keu mönö köhöiba jiba malman. ¹⁰ Siti kiangöreņ ambazip kambu gwötpuk yeņön nöņgö buņaya akze. Miangöra nöņön göbuk malbiga kuņņan yuai kun qahö kōnahiba mem bölim gihima.” ¹¹ Mewögöra Polnöņ nalöņi mem köriba yengö sutņine (yara) yambu mohot aka köiņ 6 miangö dop mala Anutugöreņ Buņa keu kusum eņgimalök.

¹² Kusum eņgimalökmö, Rom yeņön azi Galio kuņgugetka Akaia prowinsgö kiap gawönö malöhi, nalö miangöreņ Juda jitnememe yeņön mindiriba Pol tuarenjoņ ak waņgiba öröba keu jakeņe al waņgiget. ¹³ Keu kewögöra al waņgiget, “Azi kianöņ ambazip eņololoņ ak eņgimakza. Rom yeņön jimkutukutuņini alget ahözawi, yaņön ambazip kōna mi qösököba Anutugö waikņi memba möpöseimegöra uru kuņgum neņgimakza.”

14 Keu mewö silenje ala jigetka Polnön keu jimamgö aiga kiap gawönö Galio yañon Juda ambazip yengöra jiyök, “Juda ambazip engö sutñine kunñan azi qei köumbawak me pinjit bölöni kötökñi kun akawak ewö, miangöra nöñon ölop keuñini kezap ala mötpileñak. 15 Mimö, engö sutñine mötnaripkö keu asuhuiga qet murutñi murutñi qeta angururuk aka jimkutukutuñini denöwö akñei, mi mönö nanñini lömbötñina. Nöñon yuai mewöñi mi kewöta jim tekömamañgö dop qahö akzal.” 16 Mewö jiba keu jakeneyök enjuatanğöiga etket. 17 Eta nanñinök mindiriba mohotñe luhuba köuluk mirigö galöm qetñi Sostenes mi qeraköba memba kaba keu jakenangö köna numbune ala qeget. Qegetka kiap gawönö Galionön mi eka miangöra möriga ölni kun qahö ahök. Mewö.

Polnön nanñi miriñe Antiokia sitinön lilingöyök.

18 *Polnön töndup toroqeba Korint sitinön silim gwötpuk malök. Mal teköba urumelen alaurupñi yaizözkök keuñini jiba engömosöta Prisila aka Aqila etkömemba köwetnön geba wanğegöra mamböta tatket. Mutuk Anutugö jene kewö jiyök, “Nöñon Anutugö nupñi pöndañ kapan köla memam.” Keu mewö jiba mi jöjöpañ keunön jöhöba malök. Nalö mi teköiga köwetnön miri qetñi Senkria miangören geba jöjöpañ keuñangöra jiiga nörop jupñi mitiget. Wanğe kun Siria prowinsnön anmamgö ahöhi, mi miwikñaiba miangören öngöba opo seri öröba mörörengögetka luhutnön nanğöi anget.

19 Anda Efesus taonön angota Polnön Prisila aka Aqila etkömosörökmö, nanñak köuluk mire öngöba Juda yembuk Jisösgö könañi eraum mötket. 20 Eraum möta kewö qesim wanğiget, “Gi ölop nalö köröñi nembuk malman.” Mewö qesim wanğigetmö, Polnön miangö urumohot qahö ahök. 21 Miangöra yaizözkök kewö jiyök, “Anutunön miangö On! jima ewö, mönö ölop lilingöba engören kamam.” Mewö jiba wanğe kunön öngögetka opo seri öröba mörörengögetka luhutnön nanğöi Efesus mosöta anget.

22 Anda taon kun qetñi Sisaria miangören angota wanğe mosöta gölme köna Jerusalem öngöyök. Öngöba lilingöba urumelen könagesö jölöñini jiyök. Mi jiba tata wahöta geba Antiokia sitinön anök. 23 Antiokia sitinön anda mali sonda tosatñi teköiga engömosöta könanön anök. Könanön anda Galesia aka Frigia prowins yahöt mi onğita miri dop liliköba gwarek pakpak enğeka köl gulim enğii köhöiget. Mewö.

Apolosnön Efesus aka Korint nup meyoök.

24 Nalö miangören Juda azi kun qetñi Apolos mi Efesus kayök. Apolos yañon Ijiptkö taon qetñi Aleksandria miangören ahuba mala mötmöt mire öngöi teköiga Buña Kimbi Walñangö keuñi ölopñanök möt kutuyök. Mi möt kutuba könañi jii keuñi tandökñi miangöra ambazip miri dop sihim gwötpuk möta söngaiget. 25 Kembugö könañi wuatanğöbingö könañi kusun wanğigetka Anutugören könöp bölamñan uruñe jeyök. Jisösgö könañi törörök diñdini kusun enğiba Jonñ o melun mem enğiyöhi, miangö könañi ölop möt sölöngöba jiyök. Mi jiyökmö, miangö likepñi kun mosörök. Uña Töröñan melun mem nenğizawi, mi qahö mörök.

26 Yañon kaba köuluk miri uruñe könahiba keu ösum-mumuñambuk jiyök. Jiiga Prisila Aqila yetkön keuñi möta kinda wanğirohotka yetkö mire anget. Anda Anutugö könañi ölopñanök toroqeba jim asariba jiyohotka

* 18:18: Jan 6.18

mörök. ²⁷ Aposolnönj Grik kantrigö bahönji qetnji Akaia miangörej anmamgö möriga Efesus urumelenj alaurup yeñön kötöngöm wanjiget. Kötöngöm wanjiba Akaia gwarekurup yeñgöra kimbi kewö ohoget, “Azi ki mönö köl öröm wanjime.” Aposolnönj kimbi mi memba Akaia prowinsnönj anda ambazip Anutugö kalem möriamnji möt asariba urujini melenjeri, mi gwötpuk bauköm enjgiyök. ²⁸ Bauköm enjgiba “Jisösnönj Amötqeqe Tonji akza,” jiba miangö könanji mi Buña Kimbigö keunji keunji oyoñda miangön kondel enjii mötket. Juda yeñön keu mi möta jitnakölik aketka goranora (noragora) ahuyökmö, Aposolnönj Anutugö kukösüm qakñe kinda keunji aukñe qeapköiga etket. Mewö.

19

Polnönj Efesus mala nup meyök.

¹ Aposolnönj Korint sitinönj maliga Polnönj Antiokia siti mosöta prowins tosatnji* onjita mala mala köwet göranje Efesus sitinönj angorök. Angota miangörej gwarek tosatnji miwikñaiba engehök. ² Engeka kewö qesim enjgiyök, “Injini möt nariba urujini melenjeri, Uña Töröñan mönö nalö miangörej urujine geyök me qahö?” Mewö qesim enjgiiga kewö melenjda jiget, “Uña Töröñan maljawi, nini miangö keunji qahöp mahöp mörin.”

³ Melenjda jigetka kewö jiyök, “Injini mönö wani o melun mem enjgigerawa malje?” Mewö jiiga melenjget, “Nini Jonönj o melungöra jiba malöhi, mönö mi mem nenjiget mein.”

⁴ *Mewö melenjgetka Polnönj jiyök, “Jonönj Jisösgöra keu jiba ambazip kambu urujini kuñguiga kewö mötket, ‘Nöngö andöne azi kun kamawi, injini mönö i möt nariba urujini melenjget.’ Mewö jii möta urujini melenjeri, Jonönj i o melun mem enjgiba malök.”

⁵ Mewö jii mötketka Polnönj Kembu Jisösgö qetnje o melun mem enjgiyök. ⁶ Mem enjgiba börönji nöropñine aliga Uña Töröñan urujine geiga kantri tosatñanjgö keu murutnji murutnji könahiba jiba kezapqetok keu jiget. ⁷ Azi mi mindiriba 12 miangö dop malget.

⁸ Polnönj köuluk mire öngöba kinda Anutugö bemtohoñanjgö könanji eraum möta awösamkakak kinda suahö ewö urujini kuñgui keunji qeapköbingö osiba malget. Mewö malgetka köinj karöbut teköyök. ⁹ Qeapköbingö osigetmö, tosatñan yangiseñ aka qahö möt nariba Kembugörej könanji aukñe jim böliba ambazip jenine luasö jiba kinget. Mewö jiba kingetka Polnönj kewöta mendenj enjgiba engömosöta gwarekurupñi enjgungiriga tikep anget. Tikep anda azi qetnji Tiranus yangö qenjarök mötmöt jakenönj silim dop (aua 5 tokoba) kusum enjgiiga eraum-mötmöt aka malget. ¹⁰ Mewö aka malgetka Kembugö Buña keunjan sehiiga (yara) yambu yahöt teköyök. Mi teköiga Buña keu mi Eisia prowins uruje miri tonji aka Juda ambazip pakpak yeñgö kezapñine gei möt teköget. Mewö.

Sewa nahönuruñjan öme közölbingö osiget.

¹¹ Anutugö kukösümñan Polgörej angoriga nup memba börönji ambazip nöropñine ali Anutunönj anjiletot murutnji murutnji meiga asuhuget. ¹² Mewö mali ambazip kawöl enjgöhöi malgeri, tosatñan Polgö sileneyök nöngöp mitimiti aka opo jöhannji tosatnji mewöyök memba anda kaba qakñine algetka kawölñini engömosöri ömeñini kota angetka

* 19:1: Gölme mi nalö kewöñe kantri qetnji Töki (Turkey) miangö uruje ahöza. * 19:4: Mat 3.11; Mak 1.4, 7-8; Luk 3.4, 16; Jon 1.26-27

ölöwaket. ¹³ Juda sile galöm tosatñan liliköba öme enğuatangöba anda kaba malgeri, yeñön mewöñanök könahiba ömenöñ kölköljinjin mem enğigeri, yeñgö çakñine Kembu Jisösgö çetñi çeta ösumñi köl öröbingö esapköget. Esapköba kewö jiget, “Polnöñ Jisösgö çetñi çeta uru kuñgum neñgimakzawi, nöñön mönö Kembu miangö çetñe öme kota kesalmegöra jim kutum engizal.” ¹⁴ Jisösgö çetñi mewö çetkeri, yeñgö sutñine Juda jike nup galöm bohonñi çetñi Sewa yangö nahönurupñi 7 yeñön mewöyök malget.

¹⁵ Yeñön ömewöröme kun mewö jim kutum wañgigetmö, yeñön melenđa kewö jim enğiyök, “Ni Jisös möt wañgizal aka Pol möt wañgizalmö, inñini mönö niñja?”

¹⁶ Mewö jim enğiba azi uruñe kinöhanñön mönö luhuba çakñine öngöba çeraköba engömeyök. Mewö körek pakpak luhut ala yaijapaleñ mem enğiba silenini kutumutuba opo malukuñini munjukunjurariyök. Munjukunjurariga nanñik nanñik silenine sepgwörörök eta kini tököba kesala miri uruñi mi mosöta silenini gwamönñi aukñe eta angaiget. ¹⁷ Mewö asuhuiga Juda kian aka gölme toni Efesus malgeri, körek yeñön miangö buzupñi möta gwötpuk auruba awöwöliget. Awöwöligetka tosatñan Kembu Jisösgö çetñi kapañ köla möpöseigetka aködammunñambuk ahök. ¹⁸ Möt nariba uruñini melenğeri, yeñgöreñök gwötpukñan anda siñgisöndokñini indela jim köleñget. ¹⁹ Tosatñan çarösoñgo amötçeçe memba malgeri, yeñgöreñök gwötpukñan buk papianini memba kaba tokoba ambazip pakpak yeñgö jeñine kinda aukñe könöpnöñ gilget jeyök. Buk papia miengö söngöröñini oyoñda mindirigetka mindimindiri jañgöñini mi silwö moneñ (Kina) 50.000 miangö dop ahök. ²⁰ Tandök mewö aketka Kembugö Buña keuñan mönö ösum-mumuñambuk sehiba köhöiba anök. Mewö.

Polnöñ nupñangö areñi alök.

²¹ Yuai pakpak mi asuhum teköiga Uña Töröñan Pol sölölohöm wañgii keuñi jöhöba kewö jiyök, “Ni köwet kutuba Grik kantrigö likepñi yahöt Masedonia aka Akaiia miangöreñ liliköbi teköiga mosöta Jerusalem sitinöñ anmam.” Mewö jiba toroçeyök, “Miangöreñ anda tata Jerusalem mosöta Rom siti mewöñanök anda ekñam.” ²² Mewö jiba neñakñi yahöt Timoti aka Erastus melaim etkiiga Masedonia anohotka nanñak toroçeba nalö tosatñi Eisia prowins uruñe malök. Mewö.

Efesus yeñön bim karim aket.

²³ Efesus sitinöñ Kembugöreñ köna wuatangögetka miangöra nalö miangöreñ enjololon göjupmajup keta bölökñi asuhuyök. ²⁴ Silwö nup meme azi kun çetñi Demetrius yeñön silwö ohoiga kolkolgoiga çekötahöba bem ambi çetñi Artemis yangö jöwöwöl jikegö dop imut morömorö memba malök. Mi meiga bohonñi memba malgetka moneñ öngöñgöñi öroi kölköl-örörö alaurupñan mendenđa meget. ²⁵ Megetka Demetrius aka kambu tosatñan nup mewöñi memba malgeri, mi mohotñe enğoholi kaba tokogetka kewö jii mötket, “Azi alaurup, nini nup ki meinga bohonñi ölöpñi asuhuba kamakza, mi mötzin. ²⁶ Mi mötzinmö, Pol azi miangön Efesus kiangöreñ kanğota ambazip uruñini esiba ki aka Eisia prowins pakpak dop köla ambazip kambuñi kambuñi kuñgum enğii jañjuñ akzei, mi nalö kewöñe ölöp eka mötze. Yeñön kewö jimakza, ‘Bem börönöñ memerji mi bem ölni qahö.’

27 “Mewö jiba maliga nini kölköl-örörö nupnini memakzini, miangö qetnji mem bölii jijiwilit akepukö urulömböt akza. Aka miyöhök qahöpmö, urulömböt kun kewö ahöza: Ambazip pakpak Eisia prowins uruje aka gölmenji gölmenji pakpak miangörenj bem ambi öngöngöñi Artemis waiknji memba möpöseimakzei, yangö bem qetbuñanji ketanjan ayuhuba ösumñan etpapuk aka jöwöwöl jikenangö qetñan böliba ambazip jeñine eta omanji akapuk. Urulömböt mewö ahöza. Miangöra waimanjat möta keu ki jizal.”

28 Demetriusnöñ mewö jüga sunğurum alaurupñan mi möta irimñini seholiiga kewö jiba qet gigilahöget, “Efesus neñgörenj Artemis mi öngöngöñi!” 29 Qet gigilahögetka eñololonj göjupmajup mianön sehiba sehiba siti körek dop kölök. Mewö aiga Masedonia azi yahöt qetñiri Gaius aka Aristarkus Polgö sunğurumyahötñi mi qeraköba etkömembra örörahöm etkiba qezakqezak mirinönj anda totoko alget. 30 Totoko algetka Polnönj mewöyök ambazip kambulembe yeñgö sutñine anmamgö mörökmö, urumelenj ambazipnönj i angön köl wañgiget.

31 Eisia prowinsgö galömkölköl azi tosatñan Polgö alaurupñi akeri, yeñön mewöyök kolek ala kewö ulet wañgiget, “Qezakqezak mirinönj totoko aljei, gi mönö nangi miangörenj kude kondel engiman.” 32 Totoko algeri, miangörenj ambazip gwötpukñan kinda tokogerangö könani kun qahö mötkerangöra nannik nannik lanlanj qet gigilahöba siksauk eñololonj ketanji megetka sehiba anök. 33 Mewö ani Juda yeñön azi qetñi Aleksander kuñguba nañgögetka kambu yeñön öröba köna algetka qaikñe eu öngöba kinök. Öngöba kinda ambazip jemesoholñine keu likepñi meköba jimamgö möta börö pözönj misiba aiwesök mem engiyök.

34 Aiwesök mem engiyökmö, Juda azia akzawi, mewö möt kutuba miangörenjök numbuñini mindiriba körekñan könahiba keu kewö qetket, “Efesus neñgörenj Artemis mi öngöngöñi!” Mewö qeta mala aua yahötkö dop silata qeta kinget.

35 Qeta kingetka siti pomñan ambazip kambu uruñine memba eta ali görönj algetka kinda kewö jiyök, “Efesus ambazip, nini nanine siti kiangörenj Artemis öngöngöñi mi möpöseiba maljin. Nini yangörenj jöwöwöl jike aka köt imutñi kömbukñi Suepnöhök eröhi, mi galöm köla maljin. Keu mi inini körek ölop mötze. 36 Mi kunñan qañ kölmawanğö dop qahö. Miangöra inini mönö uruñini ösöñ memba eta ala böñjönj malme. Kezapjupjup yuai kun kude akñe. 37 Azi ki jöwöwöl jikenönj öngöba yuai kun qahö kiöm qeba mem böliyohot. Bem ambinini qahö ilit wañgiyohot. Inini tönđup i etkuangitketka ki kinjahot.

38 “Demetrius aka yangö kölköl-örörö alaurupñan tosatñi yembuk anğururuk aka keu jim anğubeak ewö, kiap mönö ahöze aka keu jakegö totokoñi totokoñi mi keu mindiñgöbingöra alakze. Miangöra mönö ölop miangörenj anda keu jakeñe al anğuba arönđa kingetka dop kölma. 39 Inini yuai kun toroqeba jibingö mötpeak ewö, siti kiangö tonjan mönö ölop könagesö öröm enğiiga qenjarök sombemnönj tokoba keu kewöta jim teköme. 40 Merak eñololonj göjupmajup ketanji ki könani qahöpmö, tönđup imbisölöm asuhuzawi, mi Rom gawman yeñön möta kewö jibepuk, ‘Efesus yeñön Rom mindimindiri gawman qetala bim karim akze.’ Mewö jiba keu jakeñe al nenğibepuk. Miangö urulömbötñi akza, mi mötzal. Keu jakeñe al nenğiba karim kiangö könanañgöra qesim nenğibeak ewö, nini mönö likepñi gagabe köla jibinañgö dop qahö mötzin.” 41 Efesus siti

pomjan keu mewö jiba ambazip kambu könden enjiiga söörauba denja anget. Mewö.

20

Polnøy Masedonia aka Grik anda nup meyök.

¹ Efesus miangörej göjupmajup mianjön sörauba teköiga Polnøy gwarekurupnji engoholi kagetka urugö nanjönangö keu qamban engiba yaizökzök jiba engömosöta Masedonia prowinsnøy anök. ² Masedonia anda gölmenji gölmenji kutuba liliköba miangörej qamban keu gwötpuk jiba mala Grik kantrinøy kayök. ³ Grik kaba köin karöbut malök. Mi mal teköiga wanje memba köwet kutuba Siria anmamgö mörök. Mewö mörökmö, Juda jitnememe yejön könanøy qebingö anjönani algetka kezapne gei mörök. Mi möta miangöra Masedonia prowins kutuba gölme köna mirinje lilingömangö keunji urujan jöhöyök.

⁴ Keunji jöhöi sungurumurupnji kewönan yambuk anget: Berea azi qetnji Sopater Pirusgö nahönji, Tesalonaika azi qetnji Aristarkus aka Sekundus, Derbe azi qetnji Gaius, Timoti aka Eisia prowinsgö azi qetnji Tikikus aka Trofimius. ⁵ Yejön qeljine Troas anda miangörej nenjöra mamböta malget. ⁶ Troas anda malgetmö, Luk ni aka tosatnji nenjön beret yistnji qahöpkö kendon mi Filipai sitinøy tarin. Mi tarin teköiga wanjenøy öngöinga opo seri öröba mörörengögetka luhutnøy nanjöi anda wehön 5 aiga Troas yenjörej angorin. Troas anjöta miangörej wehön 7 toroqeba malin. Mewö.

Polnøy nalö kondiknji Troas malök.

⁷ Wehön 7 malin teköiga Polnøy wehön 8 miangörej engömosöta anmamgö mörök. Mi möta sunjem kondiknji Sondagie miangörej tokoba Jisös mötmöriba beret mindipköbingöra tarin. Mewö taringa Polnøy yembuk eraum möta keunji jim köriba mali mali sunjem bibinji ahök. ⁸ Nini miri urunji kungö qakne eu öngöba tokoba taringa lambe gwötpuknan jeba asariget. ⁹ Tokoba taringa azi gwabö kun qetnji Yutikus yanjön jenjenanönj tarök. Tari Polnøy keu jiba mali möri nalö köriiga gaunjanjö möta ahöba gwörörök öröba könakembayök tala imbinji qahö möta miri urunji karöbut ongita gölmenøy geba qeyök. Geba qeiga luhuba geba memba wahöringa kömuyöhi, ehin.

¹⁰ Mewö ehinmö, Polnøy geba kepölaköba jiyök, “Kunbuk söngörö ösum ala guliza. Miangöra kude awöwöliget.” ¹¹ Mewö jiba kunbuk eröhanjörej öngöba beret mindipköba neyök. Nemba yembuk nalö köröpnji keu jiba mala mala miri gianjiigun engömosöta könanøy anök. ¹² Aniga azi gwabö mi wangetketka guliba malöhi, mi eka urukölalep ketanji möta anget. Mewö.

Polnøy Troas mosöta Miletus anök.

¹³ Yejön angetmö, Polnøy nanjak gölme köna anmamgö möta kewö jim kutum nenjiyök, “Inini mönö qeljine köwet köna miri qetnji Asos miangörej angetka aitonjöba noangetketka wanjenøy öngöbin.” Miangöra nenjön mosöta wanjenøy öngöinga opo seri öröba mörörengögetka luhutnøy nanjöi anda Asos miangörej angorin. ¹⁴ Asos anjöta nembuk aitonjöba Pol wanjiringa wanjenøy öngöba miri qetnji Mitilini miangörej anin. ¹⁵ Mitilini anda miangörej opo seri kunbuk öröba mörörengögetka luhutnøy nanjöi anda mala ahöba wahöta gölme jöhanji

qetnji Kios miangö kösutnje angorin. Angota toroqeba kutuba anda ahöba wahötagun miri qetnji Samos miangören geba kunbuk anda ahöba wahöta miri qetnji Miletus miangören kewögöra angorin: ¹⁶ Polnön “Yambu dölökñi (Pentekost) mi esapköba Jerusalem sitinön tatmam,” jiba nalö ayuhubinbuköra ösumok anbingö mörök. Miangöra Eisia prowinsnön nalö köröpñi ayuhubinbuköra möta wanjenön öngöba Efesus siti ongitpingö keunji jöhöi malin. Mewö.

Polnön Efesus yengöra keu kondikñi jiyök.

¹⁷ Miletus angoringa Polnön Efesus yengöra kolek ala urumelen könagesögö jitjememeurup yenön eta kamegöra köl öröm engiyök. ¹⁸ Köl öröm engii miri qetnji Miletus miangören kanqotketka engeka kewö jii mötket, “Nönön nalö mutukñi Eisia prowinsnön kayali, miangörenök könahiba nalö pakpak embuk mala kota nup meali, injini miangö tandökñi ölop möt yaköze. ¹⁹ Nönön Kembugö jeñe uruni mem et al anqum teköba nupñi denöwö memba kota malali, injini mi ölop mötze. Nupñi memba ambazip engöra sahöta imbilni eriga malal. Juda yenön urunini qahö melenjeri, yenön nalö tosatñi miangören silenön alal aket aka nunqubingöra areñ asa-asambötñi ala malget. Mi ala malgerangöra aka esapesap murutñi murutñi miwikñaiba sihimbölö möta malal.

²⁰ “Nönön Buña keu mem ölöwak engimakzawi, mi jim asarim engiba malal. Mi qenjarökñön tokoba aka mirinji mirinji miangören öngöba kusum engiba malal. Nönön miangöra poraiba nup qahö mosöral. ²¹ Nup qahö mosöralmö, Juda kian aka gölme tonji engöra mewöyök keu kötnji kewö nanqöba jiba malal, ‘Inini mönön urunini melenja Anutugören qekötahöba Kembunini Jisös Kraist möt narim wanqime.’ Inini mi pakpak ölop möt teköze.

²² “Mötket, merak Uña Töröñan ni Jerusalem sitinön anmamgö kuñqum ninqiza. Miangören anbi wani yuai asuhum ningimawi, mi qahö mötzal. ²³ Mohok-kun kewö mötzal: Nönön taon denike denike anda malali, Uña Töröñan miangören sanqep ala kewö nanqöba jii möta malal, ‘Gi mönön kahasililin möta malnönnga kösö mire al gihigetka tatman.’ ²⁴ *Mewö jii möta malalmö, muat. Nönön toroqeba malbilenjak me kömumbilenjak, mi keu kun qahö ak ninqiza. Mi qahöpmahöpmö, Kembu Jisösnön nup al ninqiyöhi, nönön mönön mia mem yakömangö möt köhöizal. Yanön nönngöra kewö jiyök, ‘Anutunön kalem möriamñi ambazip engimangö mötzawi, gi mönön miangö Ölöwak Buñani jim asariba malman.’ Miangöra gölmenön malmami me kömumami, mi mönön yuai omani kötökñi ak ninqiza. Ambazip mönahotkö aonqit akzei, kunñan miangören kembangan kutuba luhut qahö alma. Nönön mönön miangö dop nupñi memba kembangan kutuba mosötpilerbuköra ösumni pakpakñan kapan köla anda malman.

²⁵ “Mewö malmam-mö, mötket, nönön engö sutjine anda kaba Anutu bemtohoñangö könani jim asaribi mötkeri, injini nönngö jesöñgöroni mi kunbuk qahö ekñe. Engörenök kunñan kun qahö nekñawi, merak mewö mötzal. ²⁶⁻²⁷ Miangöra nönön injini Anutugö jittji pakpak wuatangömegöra jiba uru kuñqum engiba malal. Mi mönön qahö poraiba mosöral. Miangöra engörenök kunñan kun siñgisöndokñangöra sohoba kömumba könöp sianön gema ewö, injini mönön ni jim ningibingö osime. Nönön mi merak engöra aukñe nanqöba jim köhöizal.

* 20:24: 2 Tim 4.7

28 “Kembunöŋ nanŋi sepŋi mokoba mianjön könagesöurupŋi bohonŋini meiga buŋaŋi ak teközei, iŋini mönö i lama ewö galöm köla köyan köl engiba malme. Uŋa Töröŋi yaŋön nanŋak nup mi al engiyök. Miangöra iŋini mönö nanŋini aka Kembugöreŋ lama kambu yengöra galömjini mem anguba malme. 29 Nöŋön anbiga miangö andöŋe ambazip kanjamŋinambuk mi kiam kalŋi ewö engö sutŋine asuhume. Yeŋön asuhuba lama kambu engöra qahö möta piakŋi aka laŋ kaba engöhöme, mi mötzal. 30 Nanŋini sutŋineyök azi tosatŋan wahöta kinda Jisös gwarekurupŋan göraŋe anmegöra öröm engiba munen keu jiba malme. 31 Miangöra iŋini mönö uruguliguli mala keu ki uru könömjine ala mötmörime: Nöŋön (yara) yambu karöbutkö dop suŋgem asak qambaŋ keuŋi keuŋi mi iŋini mohot mohot qösösök (qörörök) kusum engiba malbiga imbilni erök.

32 “Nöŋön merak iŋini Anutugö böröŋe al engiba kewö jizal: Yaŋö Buŋa keuŋan mönö kalem möriamŋi indela köyan köl engimakŋa. Anutunöŋ köhöiba uruŋini nanğöba möhamgöiga ölöŋ köhököhöi miwikŋaiba mutulanğömakŋe. Iŋini Anutubuk lapingögetka alaurupŋi pakpak tök kutum engiiga sarakŋi akzei, mönö yeŋö sutŋine angota dum tatatŋini memba oyaenköyaen aka malme. 33 Ni engöreŋök kungö guli jalö me moneŋ opo mi qahö buŋa qem anğumamgö möta malal. 34 Ni aka suŋgurumurupnan yuaigöra osiba malini, mi mönö nani böröni kianjön nup memba miwikŋaiba malal.

35 “Mi pakpak aka memba silik ölöŋŋi kondel engial. Iŋini mönö mewöŋanök nup memba malme. Mewö mala ambazip löwöriba nup memegö osizei, mi ölöŋ köyan köl engiba malme. Nup megetka ölhj ahuiga Kembu Jisösgöreŋ keu ki mötmörime: Yaŋön nanŋak keu kun kewö jiyök, ‘Inap yuai buŋa qem anğugetka teköba pömsöm qeiga öne malmemö, tosatŋi yeŋgöra yuai kalemŋina engigetka Anutunöŋ likepŋi melenŋiga oyaenköyaen akŋe.’ Mewö.”

36 Polnöŋ keu mewö jiba eta simin köla körek yembuk Anutu köuluköyök. 37 Köuluköiga körek yeŋön amburereŋ aka urusahöt qeba anğum waŋgiba numbuŋi yöhötim neget. 38 Polnöŋ mutuk keu kun kewö jii mötket, “Iŋini nöŋgö jesöŋgöroni kunbuk qahö ekŋe.” Keu mewö möta miangöra wösöbirik öŋgöŋgöŋi möta kinda waŋgita waŋgenöŋ öŋgöba yaizözkök jiba umbulget. Mewö.

21

Polnöŋ Jerusalem anök.

1 Yaizözkök jiba nenğömosötketka opo seri öröba möröreŋgögetka luhutnöŋ nanğöi anda gölme jölannj qetŋi Kos miangöreŋ göröken diŋdiŋanök anda anğorin. Anğota ahöba wahöta toroqeba gölme jölannj qetŋi Rodos miangöreŋ anin. Miangöreŋök toroqeba Lisia prowinsgö miriŋi qetŋi Patara miangöreŋ anğorin. 2 Anğota kinda waŋge kun Fonisia gölmenöŋ anmamgö ahiga mi miwikŋaiba miangöreŋ öŋgöingga opo seri öröba möröreŋgögetka luhutnöŋ nanğöi anin.

3 Anda mala gölme jölannj qetŋi Saiprus miangö kösutŋe kaba eka mösököba Saut görökenök onğita toroqeba luhutnöŋ nanğöiga Siria prowins göröken anin. Anda “Waŋgegö inapŋi mi Taiö taonöŋ anda waŋgenöhök memba albin,” jigeranğöra miangöreŋ anin. Miangöreŋ anda waŋge mosöta gein. 4 Geba gwarekurup miwikŋaim engiba yembuk toroqeba wehön 7 malin. Miangöreŋ malinga Uŋa Töröŋan sölölohöm

enġii Pol Jerusalem sitinöŋ anapuköra galöm meme keu jiget. ⁵ Mi jigetmö, nini wehön 7 mi yembuk malin teköiga enġomosöta köna anin. Köna anbin jiinga yeŋön körek pakpak anöm-moröurupŋinambuk nenġubula taon mosöta sileŋe kaget. Taon sileŋe kaba köwet sakŋe eta simin köla Anutu köuluköin. ⁶ Köuluköba yaizözköknini jim anġuinga Jerusalem anbingöra waŋgenöŋ öŋgöinga yeŋön mirinġine liliŋöget.

⁷ Pol aka nini yaŋgö suŋgurumurupŋan mewö Taiö mosöta toroqeba anda miri qetŋi Tolemes miangöreŋ aŋgota waŋge mosörin. Waŋge mosöta urumelen alaurup jölöŋini jiin aka yembuk wehön mohot malin. ⁸ *Mala ahöba wahöta enġomosöta gölme köna anda Sisaria taonöŋ kaŋgorin. Jerusalem urumelen kambu uruŋe urukuŋgukuŋgu azi (ewanjelis) sewen meköm enġigeri, * yeŋgöreŋök kun qetŋi Filip yaŋön Sisaria malök. Neŋön Sisaria kaŋgota yaŋgö mire anda tata ahöin. ⁹ Filipkö böraturupŋi 4 malget. Anutunöŋ ambi seram miengö uruŋine kezapqetok keu jijigö mötmöt kalem aliga malget.

¹⁰ *Neŋön Sisaria taon miangöreŋ wehön gwötpuk toroqeba malin. Miangöreŋ malinga Juda prowinsnöhök kezapqetok azi kun qetŋi Agabus erök. ¹¹ Nenġöreŋ eta Polgöreŋ örigit memba miangön nanŋi köna böröŋi jöhöba kewö jiyök, “Uŋa Töröŋan kewö jiza, ‘Juda jitŋememe yeŋön örigit kiangö tonji mi Jerusalem sitinöŋ kewö jöhöba kian kantrigö galöm† yeŋgö böröŋine alme.’” ¹² Mewö jii möta nini aka urumelen alaurup miangöreŋ malgeri, yeŋön mohot Polnöŋ Jerusalem anapuköra uleta qetal waŋgiin. ¹³ Qetal waŋgiinga kewö melenġa jiyök, “Inġini mönö denöwö akze? Sahöta keu jiba mewö miangön uruni munjuratze. Nöŋön Jerusalem anbi gwaröhöm niŋgimegöra jöjörözal aka miyök qahöpmö, Kembu Jisös qetŋangöra aka nunġugetka kömumbilenġak, nöŋön mönö miangöra mewöyök jöjöröba kinjal.”

¹⁴ Mewö jiiga mölöwörim waŋgibingö osiba urunini böŋjöŋ köliga kewö jiin, “Mi mönö Kembugö jitsihitŋangö dop asuhuma.”

¹⁵ Sisaria taonöŋ malin nalö mi teköiga amgöba mözözmögöba enġomosöta anda Jerusalem sitinöŋ öŋgöin. ¹⁶ Sisaria miangöreŋök gwarek tosatŋan mewöyök nenġö köinini kaget. Kaget yeŋön kewö jiget, “Inġini Sairprus azi qetŋi Nason yaŋgö mire ahöba malme.” Mewö jiba nenġuangita yaŋgö mire anin. Nasonöŋ mutuhök uruŋi melenġa Jisösgö gwarekŋi aka mala korök. Mewö.

Polnöŋ Jerusalem sitinöŋ kaŋgorök.

¹⁷ Neŋön Jerusalem aŋgoringa urumelen alaurup yeŋön nenġömemba söŋgaiba jölöŋnini jiget. ¹⁸ Jölöŋnini jigetka ahöba wahöta Polnöŋ nembuk bisop Jeims ekingö möta anin. Aninga urumelen könagesögö jitŋememe yeŋön körek pakpak miangöreŋ kaŋgota tatket.

¹⁹ Tatketka Polnöŋ jölöŋini jiba kösohotŋi alök. Anutunöŋ köiput aka nam köl nenġiiga kian kantri yeŋgö sutŋine anda liliköba misin nup meinga ölni ahuyöhi, miangö kösohotŋi meŋinda mohot mohot mi körekŋanök jii mötket. ²⁰ Mi jii möta Anutu möpöseiġetka azi ipŋi kunŋan kewö jiyök, “Pol alanini, Juda ambazip tausenni tausenni yeŋön Jisös möt nariba uruŋini melenġa töndup körek pakpak toroqeba Mosesgö Köna

* **21:8:** Apo 6.5; 8.5 * **21:8:** Aposol nup meme boŋ 6 miangöreŋ azi 7 mi meköm enġiġetka nanġonanġö nup aka ewanjelis nup mi mindiriba meget. * **21:10:** Apo 11.28 † **21:11:** Kian kantri yeŋgö böröŋine alget, mi Rom gawman yeŋgöra jiza.

keu mi törörök wuatangöbingö kapan kölje. ²¹ Mewö kapan köljemö, göhö buzupki mi kewö lan jiget mötket, ‘Juda ambazip denja kian kantri yengö sutnjine anda maljei, göñon liliköba i kewö kusum engiba maljan, jimakze, “Injini mönö Mosesgö köna keu andö qeba Anutugörej aiwesök mi azi morosepsep silenine kude yandime aka Juda ahakmeme tosatni mi kude wuatangöme.” ’

²² “Mi jimakzeangöra aka göñon kazani, yeñon mi möta miangörejök öröba kambu ketani köla tokobeak. Miangöra nini waimanjat möta mönö denöwö ahinga dop kölbawak? ²³ *Miangöra neñon dölki keu göhöra jibini, göñon mönö miangö dop akñan. Azi 4:ñan yuai akingö keunini Anutugörej jiba jöjöpan keunöñ jöhöget. ²⁴ Mi keunöñ jöhögetmö, monengöra osiba mamböta sutnine ki malje. Miangöra göñon mönö i engömembra yembuk köl könjorat ak anguba yengöra aka naluk alnönga dop köli ölop nörop jupñini mitigetka keunini köhöima. Göñon mewö aka Mosesgö Köna keu tem köla wuatangöba maljani, körek pakpak göhö könangami mi törörök eka möt asarime. Mi möt asariba göhöra keu jiget mötkeri, mi ölni kun qahö miwikñagetka omani aiga kömuma. ²⁵ *Göhörej keu kömumapmö, kian kantri yeñon Jisös möt nariba urunini melengeri, neñon yengöra keu kewö jöhöba kimbi ohoba alin anök, ‘Sömbup busunji bem lopion yengö naluk bunja qeba könajine algetka ösumñinan walöñnöhi, mi mönö kude neme. Mewöyök sep me sömbup jölñini qeçenji miangö busunji mi kude neme. Serowilin kude akñe. Yuai kanjamñambuk 4 mi mönö mosöta andö qegetka dop kölma.’ ”

²⁶ Jitjememe yeñon mewö jigetka Polnöñ azi 4 mi engömembra ahöba wahöta yembuk köl könjorat ak anguget. Ak angugetka jöwöwöl jikenöñ öngöba azi mohot mohot engöra naluk ala jöwöwöl ohogetka köl könjorat nalöñini tekömawi, miangö nalö buzupni jii mötket. Mewö.

Jöwöwöl jikegö tohon uruñe Pol memba jöhöget.

²⁷ Polnöñ mi jii mötketmö, silim 7 mi tekömangö aiga Juda tosatni Eisia prowinsnöhök kageri, yeñon Pol jöwöwöl jikenöñ öngöi eket. Eka ambazip kambu körek urunini kuñgum engiget wahöri Pol qeraköba meget. ²⁸ Qeraköba memba kewö qetket, “Israel ambazip, mönö bauköm nengiget! Azi kianön mönö gölmerji gölmerji liliköba miri dop kusum engiba urunini kewö kuñgum engimakza: Injini pakpak mönö Israel ambazip kambu qetala mem bölim nengime. Nanine Köna keu mosöta jöwöwöl jikenine lan öngöba iwilele aka malme. Mewö kusum engiba malök aka merak Grik azi mi tok wangita jöwöwöl jikenöñ öngöiga miri kömbukñi kianön mönö töwiba kölköljinñambuk akapuk.” ²⁹ *Mi kewögöra qetket: Efesus azi Trofimus yanön mutuk siti könanöñ Polbuk ani etkeka kewö mötmoriget: Polnöñ i wangiri mohotñe jöwöwöl jikenöñ öngöbahotpak.

³⁰ Mewö qetketka ambazipnöñ enololon aka ösumñinan lulunda kaba tokoba göjupmajup aketka qeburun ketani yöhöi siti körek dop kölok. Mewö aiga Pol qeraköba jöhöba jöwöwöl jikenöhök öröba yaigep eta miangörejök jikegö kiripo nanunji pakpak mi miangörejök köla jöhöget. ³¹ Pol jöhöba qebingö kapan kölgetka buzupni sehiba Rom yarö kambugö suahö galöm bohonñi yangö kezapñe keu kewö geiga mörök, “Jerusalem pakpak yeñon karim aka bim qeze.” ³² Mewö möta miangörejök yarö azi

* 21:23: Jan 6.13-21 * 21:25: Apo 15.29 * 21:29: Apo 20.4

kambu tosatñi suahö galömninambuk enġuangita luhuba yengören geget. Gegetka i enġeka Pol qegeri, mi mosötket.

³³ Mosötketka suahö galöm bohonñan sutñine anda jim kutuiga Pol memba tapep (munġamuġa) yahötnöñ jöhöget. Jöhögetka kewö jiba qesim enġiyök, “Azi ki ninja?” aiga “Wania aiga qeze?” ³⁴ Qesim enġiyökmö, ambazip kambunöhök keu murutñi murutñi melenđa lanlan qetket. Mewö lanlan qeta göju megeranġora aka kónaņi törörök mötmamgö osiyök. Mi osiba mianġöra jim kutuiga Pol wanġita yarö azi yengö ain kiripo uruņe anget. ³⁵⁻³⁶ Wanġita angetka ambazip kambu ketanñi yeñön kónaņine enġuatangöba kaba kewö qetket, “Mönö qeget kömuma. Yapmakek!” Mewö qetketka yarö azi yengö ain kiripo nanġuņe anġoriga könöpuk anda kaba göjupmajup ketanñi akeranġora aka gwötpuk lömböriyök. Mianġöra yarö azi yeñön Pol memba anġuba anget. Mewö.

Polnöñ keuñangö likepñi kónahiba melenđa jiyök.

³⁷ Anġuba kaba yarö azi yengö sel uruņe öngöbingö aketka Polnöñ suahö galöm bohonñi kewö qesim wanġiyök, “Ni göhöra keu kun ölop jimam me qahö?” Qesim wanġiiga möta köñkuñ aka jiyök, “O, gi Grik keu mötzan me? ³⁸ Mianġöra gi Ijpt azia akzan me qahö? Ijpt azi kunñan uruwale tuarenjoñ azi timbiñinambuk 4000 mi enjololoñ ak enġiiga Rom gawman tuarenjoñ aka bim karim kónahiba aka enġuangiri gölme qararanġölkölñe anget. Gi galöm azi mia akzan me qahö?”

³⁹ Mewö jiiga Polnöñ jiyök, “Ni Juda azia. Ni Silisia prowinsgö taon qetñi Tarsus mötzani, mönö mianġören ahuba mala koral. Mianġöra qesim gihibi: Gi ölop jinöñga nöñön ambazip kambu kienġöra keu jibi mötme.”

⁴⁰ Mewö jiiga “Ölop jiman,” jiiga Polnöñ döpnöñ kinda ambazip enġöra böro misiyök. Böro misiiga göju mosöta keu bök kingetka Hibru keunöñ keu kewö jii mötket,

22

¹ Polnöñ kinda kewö jiyök, “Azi alaurupni, nöñön keugö likepñi jimami, mi mönö kezap ala mötket.” ² Hibru keunöñ keu jii möta keunñini körek bököm teköi kingetka toroqeba jiyök,

³ * “Ni Juda azia. Ni Silisia prowinsgö taon qetñi Tarsus mianġören ahubiga Jerusalem siti kianġören galöm köl niñġigetka mala qarial. Mala qariba kota böhi qetñi Gamaliel yanġö keu bapņe tatpiga yanñön Juda ambösakonurupnini yengören Köna keu aka ahakmeme mi törörök kusum niñġiiga mianġö mötmötñi möta malal. Merak enñön körek pakpak Anutugö keu bapņe anġota kapan köla yanġöra bim qeba maljei, nöñön mönö mianġö dop aka malal. ⁴ * Mewö mala ambazip Kembugö kónaņi wuatangöba maljei, mi köndenđa sesewerowero ak enġibiga sihimbölö möta tosatñan kömuget. Nöñön ambazipñi ambazipñi enġuangita tapepnöñ (munġamuġa) jöhöba kösö mire al enġial. ⁵ Jike nup galöm bohonñi aka jitñememe pakpak yeñön mi ölop mötze aka yengören anda qesim enġiiga mi ölop nanġöba jibeak. Yeñön Juda azi ipñi Damaskus sitinöñ maljei, yengöra kimbi ohoba niñġiget memba malal. Mianġören ambazip Kembugö kónaņi wuatangöba maljei, nöñön mönö mi mewöñanök ‘Likepñi

* 22:3: Apo 5.34-39 * 22:4: Apo 8.3; 26.9-11

melenṅ engimegöra gwaröhöm engiba Jerusalem ki enṅuanṅitmam,' jiba kōnanōṅ anal."

Polnōṅ nanṅi urumelenṅṅö kōnanṅi jiyök.

Apo 9.1-19; 26.12-18

⁶ "Kōnanōṅ analmö, Damaskus siti dopdowibiga miangörenṅ yuai kun kewö asuhuyök: Silim bibiṅe miangörenṅ asakmararaṅ ketanṅi kun Suepnöhök wölbilik ewö asuhuba wōlaṅ eta turum niṅgiyök. ⁷ Turum niṅgiiga tala gölmenōṅ eta ahöbiga Suepnöhök keu kun kewö asuhui möral, 'Sol Sol, gi mönō wuanōṅgöra sesewerowo qakṅe al niṅgimakzan?' ⁸ Mi möta melenṅal, 'Kembu, gi danṅon?' Mewö melenṅbiga jiyök, 'Ni Nazaret azi Jisös, sesewerowo qakṅe al niṅgimakzani, nia mönō mi.' ⁹ Azi nömbuk kaba kingeri, yeṅön asakmararaṅ mia eketmö, keu nöṅgöra jiyöhi, miangö kourukṅi kun qahö mötket. ¹⁰ Mewö jiiga nöṅön qesiba jial, 'Kembu, mönō nöṅön denöwö akṅam?' Jibiga jiyök, 'Gi mönō dölki wahöta Damaskus sitinōṅ anōṅga Anutunōṅ wani yuaia akṅangö jimawi, mi kunṅan jiiga mötman.' ¹¹ Asakmararaṅ mianṅön jeni qeiga janṅun aka kinbiga azi nömbuk malgeri, yeṅön böröne memba noanṅitketka Damaskus sitinōṅ anin.

¹² "Miangörenṅ azi kun qetṅi Ananias malök. Yanṅön Anutu göda qeba Mosesgörenṅ Kōna keu törörök wuatangöba malök. Miangöra Juda ambazip Damaskus malgeri, yeṅön körek gödanṅi ölöṅṅi ak wangiba malget. ¹³ Yanṅön nöṅgörenṅ kaba kösutne kinda nöṅgöra kewö jiyök, 'Sol alani, jegi mönō kunbuk tohoyök.' Mewö jiiga aua nalö miangörenṅök jeni tohoiga uba ehal. ¹⁴ Ekiga Ananiasnōṅ jiyök, 'Göṅön ahakmeme diṅṅiṅ solanṅangö Toṅa eknōṅga keu jitṅan jii kōnömṅi mötnōṅ. Nanine ambösakonini yeṅgörenṅ Anutu yanṅön gi möwölöhöm gihiiga yangö jitsi-hitṅi möt kutuman. ¹⁵ Gi wani yuai eka mötzani, mönō mi naṅgöba jiba yangö jitṅe memenṅi aka gölmenṅi gölmenṅi ambazip jeṅine dangunu ewö kinda malman. ¹⁶ Mewögöra gi wuanōṅgöra mambötzan? Mönō wahöta yangö qetṅi qeta köuluköba jinōṅga o melun mem gihiinga singisöndoki sanṅonṅniga solanima.' Ananiasnōṅ mewö jiyök."

Misin nup kian kantri yembuk memangöra noholök.

¹⁷ "Damaskus siti mosöta Jerusalem sitinōṅ lilingöba jöwöwöl jikenōṅ köuluköbiga Kembangö alburupṅan (aṅsumbemṅan) nuṅgui kinda imut kun ehal. ¹⁸ Imut miangörenṅ Jisös ekiga nöṅgörenṅ kaba kewö jiba jii möral, 'Gi kantri kiangörenṅ nöṅgö kōnani aka Buṅa keuni mi kude jiba malman. Mi naṅgöba jinōṅga nesampurek aka andö qeme. Miangöra Jerusalem siti ki mönō ösumök mosöta anman.'

¹⁹ "Mewö jiiga jial, 'Kembu, yeṅön kōnanṅamni mötze. Nöṅön mutuk liliköba ambazip gi möt narim gihizei, mi köuluk miriṅi miriṅi miangörenṅ öṅgöba miwikṅaim engiba jöhöba ihilek wahinṅambuknōṅ tauköm engiba tosatṅi kösö mire al engiba malal. ²⁰ *Göhörenṅ nupbauk azi Stiwēnōṅ kōnagi naṅgöba jiiga qeget sepṅi mokoṅ eri nöṅön nalö miangörenṅ mewöyök kösutṅine kinda imbi köla malukunṅi galöm memba kinbiga qeget kömuyök.' ²¹ Mewö jibiga Kembunōṅ nöṅgöra jiyök, 'Nöṅön melaim gihizalawa gi mönō köröwen kian kantri ambazip yeṅgörenṅ anman.' Mewö."

Romgö yarö azi yeṅön Pol galöm kölget.

* 22:20: Apo 7.58

22 Polnõj keu likepñi jiyõhi, mi ambazip kambu yeñõn kezap ala mõtketmõ, (Kembunõj kian kantri ambazip yengõren anmamgõ jiiga jiyõhi,) keu mi mõta miangõrenõk kõhöikñanõk silata jiget, “Yapmakek! Azi mewõñi mi geget kõmuma. Mi gölmenõj nembuk malmawangõ dop qahõ.” 23 Mewõ jiba qeta opo keren qekõba gila (kõnañinan börõmbörõm tiba) sömsõm urata kõnakemba lanlan gilget. 24 Mewõ aketka Rom engõ suahõ galõm bohonñan jim kutuiga yarõ azi yeñõn Pol wangita anda yarõ azi yengõ ain kiripo uruñe alget. Kiripo uruñe algetka Juda yeñõn i wanigõra aka göju memba qetzei, miangõ kõnañi mõtмамgõra kewõ jim kutuyõk, “Injini mõnõ Pol memba ihilek wahinambuknõj qeba qesim wangigetka kõnañi aukñe jii mõtpin.” 25 Mewõ jim kutuyõkmõ, Pol memba jõhöba ihilek wahinambuknõj qebingõ aketka Rom suahõ galõm kunñan kõsutñe kini Polnõj kewõ jiyõk, “Rom mindimindiri gawman yeñõn sel jõhöm niñgigetka börõjine maljal. Nõñõn miangõ (jimkutukutu) paspot memba maljal. Miangõra injini nõngõ keuni qahõ mõta kewõta lan jim tekõba õne ihilek wahinambuknõj nungumei, mi mõnõ Rom jimkutukutu tonj yengõ jeñe dop kõlma me qahõ?”

26 Polnõj mewõ jiba suahõ galõmnõj mõta miangõrenõk suahõ galõm bohonñi yanğõren anda buzup wangiba kewõ jiyõk, “Azi mianñõn mõnõ Rom gawmangõ (jimkutukutu) paspot memba malja. Mianğõra gi mõnõ denõwõ akñan?”

27 Mewõ jiiga suahõ galõm bohonñan Polgõren anda qesiba jiyõk, “Gi õlña Rom gawmangõ (jimkutukutu) paspot memba maljan me qahõ? Mi jinõj mõtpi.” Jiiga Polnõj melenñõk, “Õlña, nõñõn mi memba maljal.”

28 Mewõ melenñiga jiyõk, “Ni monen ketanji gila Rom mindimindiri gawmangõ (jimkutukutu) paspot bohonñi membi niñgigetka maljal.” Jiiga Polnõj jiyõk, “Mi õlõpmõ, nõngõ iwinan Rom gawmangõren paspot memba maliga nõñõn yanğõ nahõnñi ahuba mianğõrenõk qet mi memba maljal.”

29 Mewõ jiiga azi qesim wangibingõ akeri, yeñõn mianğõrenõk mosõta lilingõba anget. Polnõj “Ni Rom gawmangõ paspot memba maljal,” jiiga suahõ galõm bohonñan mi mõta Rom azia gwarõhõm wangiyõhanğõra aka awõwõliba sömbuñi mõrõk.* Mewõ.

Polnõj jike kaunsõl kambu yengõ jeñine kinõk.

30 Miri gianjiiga suahõ galõm bohonñan wahõta Juda yeñõn wuanõngõra Pol keunõj al wangiba jigeri, mianğõ kõnañi törõrõk mõtмамgõra mõta jike nup galõm bohonñi aka jike kaunsõl kambu pakpak yeñõn tokomegõra jim kutum engiyõk. Mewõ tokogetka jiiga Polgõ tapepñi (munğamunğa) pösatketka wangita eta yengõ jemesoholñine ali kinõk. Mewõ.

23

1 Polnõj kinda jike kaunsõl kambu mi uba enğeka kewõ jiyõk, “Azi alaurupni, nõñõn ahakmemeni pakpak mi Anutugõ jemesoholñe aka memba malbiga yanğõn eka ‘Dop kõlja,’ jiiga urunangõ kezapnan mõta õlõwaka kota mala merak ki kinjal.” 2 Polnõj mewõ jiyõkmõ, jike nup galõm bohonñi qetñi Ananaias yanğõn kõsutñe kingeri, i jim kutum engiiga

* 22:29: Kun Rom gawmangõ paspot memba malõhi, mi kõsõnõj gwarõhõm wangibepukõ sonğo ahõyõk. Kunñan sonğo mi walõjñõk ewõ, i mõnõ keunõj al wangizema. Mianğõra sömbuñi mõrõk.

nunḡulumḡe qekõtahöget. ³ *Qekõtahögetka Polnöh jii mörök, “Anutunöh mönöh gi qekõtahöh gihima. Göñöh miri sel tuatḡaḡöh dop akzan. Sileñi mundanöh ohogetka tuatḡi akzapmöh, uruñi sewöh memba inanḡi akza. Göñöh Mosesgö Köna keu memba mianöh kewöt niḡgiba keuni jim tekömangöra tatzanmöh, töndup nangak Mosesgö Köna keu miyök qeba jim kutum enḡinöhga nunḡuze. Mi qahöh dop kölja.”

⁴ Polnöh mewöh jiiga kösutḡe kingeri, yeñöh jiget, “Gi Anutugöhreñ jike nup galöm bohonḡi mepaqepaik aka gamu qem waḡgizan me?”

⁵ *Mewöh jigetka jiyök, “O alaurupni, yanöh jike nup galöm bohonḡi akzawi, mi qahöh möta jizal. Buḡa Kimbigöh keu kun kewöh ahöza, ‘Gi mönöh könaḡesöh kambuḡahöh azi kembuñi kude qesuahöhman.’ ”

⁶ *Mewöh jiyökmöh, jike kaunsöl kambu yeḡgöhreñök tosatḡan Sadyusi (jike nupkö kapañkölköl) pati qekõtahögetka tosatḡan Farisi (Köna keugöh kapañkölköl) pati asia malget. Polnöh mi möta mianḡöra jike kaunsöl kambu yeḡöh jeñine keu kewöh qerök, “Azi alaurupni, nöñöh Farisi asia akzal. Iwinan mewöhök Farisi pati asia. Kömukömuñi yeñöh guliba wahötmei, nöñöh mewöh asuhumapköh al mamböta jörömḡöröm aka maljal. Mewöh maljalangöra aka keu jakenḡe al niḡgigetka kewöt niḡgiba jize.”

⁷ Mewöh jiiga mianḡöhreñök Farisi aka Sadyusi pati miḡöhöh sutḡine anḡururuk ahui jike kaunsöl kambu yeñöh jula kambu yahöt aket.

⁸ *Sadyusi (jike nupkö kapañkölköl) yeñöh kewöh jizema, “Ambazip kömukömuñi yeñöh kude guliba wahötme. Suep garata qahöh malje. Öme aka uña mi qahöh malje.” Mewöh jigetmöh, Farisi (Köna keugöh kapañkölköl) pati yeñöh keu karöbut mianḡöhreñ qekõtahöhba mianḡöh dop möt nariba kinjema. ⁹ Kambu yahöt mewöh aka qetketka göju ketañi ahuiga Köna keugöh böhi tosatḡan Farisi kambu yeḡöh sutḡineyök wahöta köñöhambuk terenḡöba kewöh jiget, “Nini azi kianḡöh bölohnamñi kun qahöh miwikñazin. Suep garata me uña kunñan keu kutum wasöta yanḡöh uruñe ali jibawak, mi mönöh denöhöh dop köl enḡibawak?”

¹⁰ Mewöh jigetka anḡururuk mianöh kunbuk köñöhwiba qarivyök. Qariiga awöhraḡöhba Pol likeplikep örohgetka anda kaiga mesin taköget. Mewöh tandök ahök. Mewöh aiga suahöh galöm bohonḡan mianḡöh kenḡöhñi möta yaröh kambu kun jim kutum enḡiiga geba Pol sutḡineyök örohba waḡgita yaröh azi yeḡöh ain kiripo uruñe alget.

¹¹ Algetmöh, sunḡem mianḡöhreñ gaun ahöhiga Kembunöh Polgöh qöhöröhñe kindu kewöh jiyök, “Möhöh ewebibigabuk aka saitingit malman. Nöhöhöh könañamni Jerusalem kianḡöhreñ nanḡöhba jiba malnöñi, mianḡöh dop mönöh Rom sitinöh mewöhök anda mi nanḡöhba jim asariba malman.” Mewöh.

Pol qebingöh anḡöhnañ meget.

¹² Kembunöh mewöh jiyökmöh, miri gianḡiiga mianḡöhreñ Juda azi tosatḡan öloh tokoba Pol kömumapköh anḡöhnañ meget. Yeñöh areñ mi alget aka mi jöhöpañ keunöh jöhöh köhöiba kewöh jiget, “Nini Pol kömumapköhra mamböta nalöh sutḡe kianḡöhreñ nene sinḡi malbin. Sinḡi mala qein kömuiga mianḡöh andöhñe öloh nene me o kun kunbuk nembin.” ¹³ Azi 40 aka janḡöh mi onḡitkeri, yeñöh mindiriba jöhöpañ keu mi jöhöh köhöiba jiget.

* **23:3:** Mat 23.27-28 * **23:5:** Eks 22.28 * **23:6:** Apo 26.5; Fil 3.5 * **23:8:** Mat 22.23; Mak 12.18; Luk 20.27

¹⁴ Mi jibagun jitnememe aka jike nup galöm yengören anda kewö jiget, “Nini Pol kömumapköra mamböta nalö sutnje kiangören nene singi malbin. Polnön qahö kömuma ewö, ambazipnön mönö ölña qesuahöm nenjigetka dop kölma. Miangöra nini mönö mindiriba jöjopañ keu kewö jöhöm köhöiba maljin: Pol qein kömuiga miangö andöñe ölop nene me o kun kunbuk nembra malbin. ¹⁵ Miangöra aka injini mönö dölki jike kaunsöl kambu yembuk mohotnje mindiriba suahö galöm bohonnañgören anda keu kewö ala qesime, ‘Nini Polgören keu kónañi kunbuk qesiinga jii ölña mötpingö mötzin.’ Mewö tandök aiga qesigetka ölop Pol wañgiriga engören etma. Etpawakmö, kónanön kaba engören kangotmamgö akñawi, miangören mönö i qein kömumapkö jöjöröba malbin.”

¹⁶ Mewö jigetmö, qein kömumapkö añañgerañgö buzupñi mi Pol behötñañgö kezapñe gei mörök. Mi möta yarö azi yengö ain kiripo uruñe anda Pol taröhañgören öngöba jii mörök. ¹⁷ Jii möta suahö galöm kun qeri kaiga kewö jiyök, “Azi gwabö kianañ keu kun memba kazawañgöra göñön i ölop wañgita suahö galöm bohonnañgören anöñga keu mi jii mötma.” ¹⁸ Mewö jiiga i memba wañgita suahö galöm bohonnañgören anohotka jiyök, “Kösö azi Polnön noholi yañgören anbiga azi gwabö ki wañgita göhöreñ kamapköra qesim ningiza. Yañön göhöra keu kun memba kaza.”

¹⁹ Mewö jiba aniga galöm bohonnañ böröñe memba wañgita gorañe anda qesim wañgiyök, “Gi wani keuya memba kazan?”

²⁰ Qesim wañgiiga jiyök, “Juda jitnememe yeñön keu kun qesim gihibingöra jöhöba göhöreñ kaba kewö jime: Nini Polgö keu kónañi törörök qahö möt kömuzin. Miangöra gi ölop Pol uran wañgitnönnga jike kaunsöl kambu yengören eriga kunbuk qesim wañginönnga jii kónañamñi ölñi mötpin. Yeñön mewö asuhumapköra mötze. ²¹ Mewö kaba jimemö, göñön keu miangö imbi ölop kude kölman. Juda kónagesö yengö sutñineyök azi 40 aka jañgö mi ongitkeri, yeñön mindiriba Polgöra kewö jiba mi jöjopañ keunön jöhöm köhöiget, ‘Nini Pol kömumapköra mamböta nalö sutnje kiangören nene singi malbin. Singi mala qein kömuiga miangö andöñe ölop nene me o kun kunbuk nembin.’ Mewö jiba göñön imbi kölmangöra mamböta jöjöröba mönöze.”

²² Mewö jiiga azi gwabö mi melaiba kewö jii mörök, “Buzup ki jinön mötzali, mi kun kude jinön mötma.” Mewö.

Pol wañgitketka Sisaria taonön anök.

²³ Suahö galöm bohonnañ mi möta suahö galömyahötñi etkoholi kayohotka kewö jii mörohot, “Injiri mönö timbi azi 200, hos yarö azi 70 aka liñgip yarö azi 200 mi jim kutum engiyohotka merak sunjemgö 9 kilok miangören Sisaria anmegöra jöjöröme. ²⁴ Mewöyök hos tosatñi meköba möhangöm engiba Pol kungö qakñe ala köyan kölgetka sunjem kiangörenök premiö Feliksgören anma.” ²⁵ Mewö jii mörohotka premiögöra kimbi kun kewö ohoyök,

²⁶ “O Öngöñgöñamni sorok premiö Feliks! Klodius Lisias, nönön jölönñi jizal.

²⁷ “Juda yeñön azi ki memba jöhöba qein kömumapköra aket. Mewö aketmö, Rom mindimindiri gawmangö (jimkutukutu) paspot memba maljawi, nönön mi möta miangörenök yarö kambu yembuk kangota sel jöhöm wañgiba meköba bohonnañ jöhöyal.

- ²⁸ Wani keugöra keu jakeŋe aljei, nöŋön miangö könaŋi mötmangö möta waŋgita Juda yeŋgö jike kaunsöl kambu yeŋgö jeŋine al waŋgial.
- ²⁹ Al waŋgibiga keu jakeŋe ala nanŋini Köna keugö kösawöraŋ keuŋi keuŋi miangöra anŋururuk aka tuarenjoŋ aka jim waŋgigetka miwikŋajal. Mi miwikŋajalmö, yuai bölöŋi kömumapkö dop me kösö mire alin tatmawaŋgö dop mi qahö ahök. Yeŋön keu mewöŋa kun qahö jiget möral.
- ³⁰ Mi qahö möralmö, kunöŋ yaŋgö buzup keuŋi kewö indeli möral: Tosatŋan ‘Azi mi qein kömuma,’ jiba anŋönaŋ alget ahöza. Buzup keu mi möta dölkiangöreŋök melaibiga göhöreŋ kaza. Keu jakeŋe al waŋgibingö mötzei, nöŋön i mewöyök jim kutum enŋibiga göhö jemesoholge kaŋgota keuŋini pakpak aukŋe jim miwikŋajagetka mötman.”

³¹ Kimbi mewö ohoiga yarö azi jim kutum enŋigeri, yeŋön keu mi wuataŋgöba Pol memba waŋgita söŋaunöŋ miri qetŋi Antipatris miangöreŋ anget. ³² Anda miri gianŋiga yarö azi hosŋinambuk yeŋön Pol waŋgita köna toroqeba angetmö, timbi azi yeŋön nanŋinak lilingöba yarö azi yeŋgö ain kiripo uruŋe kaget. ³³ Yarö azi hosŋinambuk yeŋön Sisaria taonöŋ anŋota kimbi mi premiö waŋgiba Pol mewöyök yaŋgö jeŋe alget. ³⁴ Algetka kimbi oyoŋda “Pol mi wani prowinsgöra?” jiba qesiyök. Qesiiga “Silisia prowins asia,” mewö jiget mörök. ³⁵ Mewö jiget möta jiyök, “Keu jakeŋe al gihibingö mötzei, yeŋön mewöyök kaŋgotketka miangöreŋ ölop qesim gihimam.” Mewö jiba jim kutuiga Pol waŋgita kiŋ Herodkö jakömbuak mirigö kiripo uruŋe ala jegalöm mem waŋgiget. Mewö.

24

Pol keunöŋ algetka premiö Filiksgö jeŋe kinök.

¹ Wehön nup memenŋi 5 teköiga jike nup galöm bohonŋi qetŋi Ananias yaŋön jitŋememe tosatiŋi aka loya (Köna keugö mötmöt azi) qetŋi Tertulus yembuk aitonŋöba Sisaria taonöŋ geba premiö Filiksgö jeŋe öngöba Pol keu jakeŋe albingö keuŋi jiget mörök.

² Mi möta Pol köl öröi kaŋgori loya Tertulusnöŋ könahiba Polgö silene keu ala premiögö jemesoholŋe keu kewö jiyök, “O Filiks, göŋön galöm köl neŋgiba malnöŋi, nini nalö miangöreŋ luai ketanŋi möta guŋböŋjönjön malin. Göŋön ölopŋanök köyan köla jim kutum neŋinöŋga malmal tatatnini likeplikap möhamgögetka kantri kianön uteköba wahöri ölöwakzin.

³ O ketanŋamini Filiks, nini mi miri dop ölopŋanök möt kutuba göhöra söŋgaiba kilik-kalukŋi kun qahö möta saiwap jim gihizin. ⁴ Saiwap jim gihizimö, nöŋön keu köröpŋi jibi ölan göhöbapuköra kewö qesim gihizal: Nini keu memba kainga kötoŋanök jimami, mi mönö neŋgöra ak gihiga kezap ala mötman.

⁵ “Nini azi kiangö könaŋi kewö eka miwikŋainin: Yaŋön kegwek-kahasililij azi kengöt kotkotŋambuk akza. Yaŋön gölmeŋi gölmeŋi liliköba Juda ambazip uruŋini esiba kuŋgum enŋiiga karimŋi karimŋi miri dop asuhugetka göjupmajup qeta alakze. Tosatŋan tuaköpek aka Nazaret azi kungö qetŋe pati aljei, yaŋön mönö yeŋgö ketanŋamŋina akza. ⁶ Yaŋön jöwöwöl jike mi mewöyök kapaŋ köla mem töwiba memba et almangö ahök. Miangöra nini i memba jöhöin. Nini keuŋi kewöta nanine Köna keu wuataŋgöba jim teköbingö mörin. ⁷ (Mi mörinmö, suahö galöm bohonŋi Lisias yaŋön yarö azi yembuk kaba kukösum ketanŋi mianŋön

könöpuk böröineyök meköba wanğitket.* 8 Wanğita keu silene ala jim wanğizei, i göhö jemesoholge kanğotmegöra jim kutum nenngiyök.) Göñön nangak qesim wanğinönga könanj indela jima. Mi jiiga keu memba kazini, mianğö ölnj pakpak ölop aukne asuhuiga mötman.” 9 Mewö jiiga Juda ambazip yeñön mewöyök “Keu pakpak mi ölna,” jiba imbi köla mi nanğöba toroqeba silene ala jim wanğiget. Mewö.

Polnöy keu likepni meleni Filiksnöy mörök.

10 Pol jim wanğigetka premiönöy keu jimapköra böröjopañ kunğuga kewö melenä jiyök, “Göñön (yara) yambu gwötpuk ambazip kambu kianğö jimtekötekö tonj aka malnöy mötzal. Mianğöra nöñön keunanğö likepni mi göhö jege awösamkakak jimam. 11 Nöñön uruwale Anutu waikni memba möpöseimangöra Jerusalem sitinöy öngöyal. Mi wehön 12 miyök teköiga merak ki kinjal. Nangak qesim engibanak ewö, mi ölop nanğöba jime. 12 Nöñön jöwöwöl jikenöy me köuluk miri kungen öngöba azi me ambi kunbuk goranora (noragora) keu jiba jitnakölik akiga mewö qahö miwikñaim ningiget. Siti urune köna me sombem kunöy ambazip urunini kunğubi ölököba liliköm ningigeri, mewö qahö neket.

13 “Mewö qahö neka döki keu silene ala jim ningizei, yeñön mianğö ölnj kondel gihibingö osize. Keu omanj jize. 14 Mi osizemö, keu kun mi ölna jim miwikñaim gihimam: Yeñön Nazaret pati qetnj qetzei, nöñön mönö mianğö köna wuatanğöba mala nanine ambösakonurup yengörenj bem Anutu mi waikni memba möpöseimakzal aka Mesegörenj Köna keu aka kezapqetok yengörenj Buzup Kimbi mianğörenj keu ohoget ahözawi, mi pakpak möt narim köhöizal. 15 Anutunöy ambazip diñdijni aka gonğonj mi körek pakpak mem gulim engii kömupnöhök wahötmei, Juda azi kienöñ mianğöra mambötze. Nöñön yembuk toroqeba öröröy kindä mewö asuhumapköra jörömqöröm aka mamböta maljal. 16 Mewö mala Anutu aka ambazip jeñine diñdijni kinbiga Anutunöy keuni nanğöba jiiga urunanğö kezapñan mörakzal. Jönömmnan qahö unduza. Mönö sarakni aka malmangöra nalö dop kapanj köla köhöiba malakzal.

17 *Nöñön kungen malbiga (yara) yambu tosatni teköi lilingöba miri tosatni yengörenök kalem memba uruwale kayal. Mewö kaba ‘Mi nani könagesöurup wanapni yengöra menderj engimam,’ jiba Anutugö jöwöwöl ohoba naluk al wanğimangöra Jerusalem öngöyal. 18 Mianğörenj öngöba köl könjörat ak anğuba solannj mala jöwöwöl jikenöy öngöyal. Yuai mi ohoba Anutu al wanğibiga miwikñaim ningiget. Miwikñaim ningigeri, mianğörenj ambazip tosatñan qahö kaba liliköba ölököm ningiba göju meget. 19 Juda ambazip tosatñan Eisia prowinsnöhök kaba jikenöy öngöba nekeri, yeñön mönö döki göhö jege kianğörenj kanğota kindä keu kun ahöm engibawak, mi aukne silene ala jim ningigetka dop kölbawak.

20 “Me jike kaunsöl kambu yengö jeñine kindä keu jiali, mi wani Köna keu onğita pinjit akiga keu jakeñe alalgö keuni miwikñaiget? Azi ki tatzei, yeñön mönö mi jigetka dop köлма. 21 *Nöñön yengö sutñine kindä keu mohok-kun jiba töhörenj qetpiga lömböriyök. Köpösihit mewö kun ahal me qahö? Mi denöwö kewötket ahöza? Keu kewö qeta jial, ‘Kömükömuñj yeñön guliba wahötmei, nöñön mewö möt narizalanğöra aka keu jakeñe al ningigetka merak keuni kewöta jim teköm ningibingö akze.’” Mewö.

* 24:7: Keu sel urune ahözawi, mi mötmöt ambazip yeñön kewöta Luknöy mi könakönahiñe ohoyök aka tosatñan mi qahö ohoyök, mewö jigetka uruyahötñambuk akza. * 24:17: Apo

Polgö keunji qahö jim teköba kösö mire alget.

²² Polnön mewö juiga premiö Filiksnön Jisösgö könañi wuatangöba maljei, miangö könañi ölop möt soroköba Polgö keunji kembangan kutuba kewö jiyök, “Suah galöm bohonñi Lisiasnön kanjoriga nalö miangören Polgö keunji jim tekömam.” ²³ Mewö jiba suah galöm jim kutuiga Pol qahö jöhöba öne jegalöm meiga kösö mire tarök. Tinitosolomurupñan Pol köyan köla yuai osiyöhi, mi memba wangimegöra qahö qetal engiyök.

Polnön keunji juiga Filiks aka Drusila mörohot.

²⁴ Wehön tosatñi teköiga Filiksnön anömñi qetñi Drusila, Juda ambi mi wangita kayohotka Polgöra keu ali kaiga keunjangöra kezap ali Kraist Jisös möt narim wangibingö könañi jim asariiga mörök. ²⁵ Mi mörökmö, Anutugö keu tosatñi toroqeba eraum mötketka lömböriyök. Polnön Anutugö jeje solanibingö könañi jim asariba nanine ahakmemenini galöm köl angubingöra jiyök aka Anutunön nalö kun ali miangören kewöt nenjiba keunini jim tekömawi, keu karöbut mianön uruñi kunjuyök. Polnön keu mewöni juiga töwöratiba bök qesinda jiyök, “Yapmakek! Muat mosötnön. Dölki ölop mösöta anönga nalö kun mötpi dop kölmawi, miangören ölop kunbuk köl öröm gihibi kaman.” ²⁶ Mewö jiba töndup toroqeba Pol nanñi töwaya monen wangimapköra mötmöriyök. Mewö al mamböta jörömqöröm aka sömañi gwötpuk köl öröm wangii kaiga keukeu jiba tarohot.

²⁷ Polnön kösö mire tari (yara) yambu yahöt teköyök. Mi teköiga azi qetñi Porsius Festus yanön Filiksgö undumña premiö akñangö ahök. Mewö aiga Filiksnön Juda ambazipnön nek sorimegöra möta Pol qahö pösari kösö mire toroqeba tarök. Mewö.

25

Polnön premiö Festusgö jeje keu likepñi jiyök.

¹ Festusnön premiö aka prowins uruñe angota tariga wehön karöbut teköiga Sisaria taon mosöta Jerusalem sitinön öngöyök. ² Öngöiga jike nup galöm bohonñi aka Juda jitñememe yeñön jemesoholñe kanjota Pol keu jakene albingö jiba arönda kinget. ³ Arönda kinda kewö jiba uletket, “O premiö, göñön ölop nenñi möringa dop kölmapaköra jim tekönönga keu algetka Pol wangita Jerusalem sitinön ki kame.” Yeñön mutuk keu kewö jöhöba jiget, “Polnön könanön kaiga miangören mönö qein kömuma.” Mewö jiba jöjöröba mönögerangöra kaba uletket. ⁴ Mewö uletketmö, Festusnön kewö melen engiyök, “Pol mi Sisaria taongö kösö mire tari galöm kölje. Ni nanak nalö kude köriiga miangören lilingöba anmangö mötzal.” ⁵ Mewö jiba toroqeyök, “Miangöra azi mianön bölöñi kun akawak ewö, ölop engö jitñememurup tosatñan nömbuk Sisaria geba miangören keunini silenje ala jim wangigetka mötman.”

⁶ Mewö jiba wehön 8 me 10 miangö dop Jerusalem sitinön yembuk mali teköiga lilingöba Sisaria taonön geyök. Geba ahöba wahöta miangörenök keu jimtekötekögö dum tatatñe tata jim kutuiga Pol wangita kagetka jeje kanjota kinök. ⁷ Polnön kanjota kiniga Juda jitñememe yeñön Jerusalem sitinöhök kageri, yeñön liliköm wangiba kinda kazik qakne keu bölöñi gwötpuk silenje ala jiget. Mi jigetmö, keunjangö ölni mi kondelbingö osiget. ⁸ Kazik keu öne jiba kingetmö, Polnön mi qeapköba kewö jiyök, “Nöñön yuai bölöñi kun qahö ahal. Juda nenjören Köna keu qahö qetalal.

Jöwöwöl jike qahö mem töwial aka Rom sisa kinğörej keugöra tuarenjon qahö ahal.”

⁹ Mewö jiiga Festusnöh Juda yeñon nanñangö mötket öngömapkö möta Pol kewö qesim wañgiyök, “Silenöh alal keu ki jizei, gi ölop miangö likepñi mi Jerusalem öngöba miangörej nöñgö jemesoholne kinda jiman me qahö?”

¹⁰ Qesim wañgiyökmö, Polnöh jiyök, “Rom sisa kinñöh jim kutuiga keu jake ki kuñgugera ki kinbiga kewöt niñgiba keuni jim tekönönga dop kölma. Ni Juda ambazip yeñgöra bölöñi kun qahö ahal. Mia nangak ölop möt yaközan. Mönö Wuanöñgöra kunbuk yeñgörej anbilenañak? ¹¹ Bölöñi kun qahö ahalmo, Köna keu kun qösököba yuai kun ak böliba miangöra kömupkö buñaya akilenañak ewö, ‘Nöñon kömumbilenañbuk,’ jiba qahö ölöñ köla anmam. Mi qahöpmö, yeñon kazik keu öne töhöntöhön jiba keuñinañgö könañi kondelbingö osize ewö, keu omanangöra aka kunñan nöminba yeñgö böröñine almapkö osima. Rom sisa kinñöh mönö keuni mindiñgöba jim teköi dñgima. Miangöra nöñon mönö yangö jeñe anmamgö köhöiba qesizal.”

¹² Mewö jiiga Festusnöh jembonurupñi yembuk qambañ keu jaruba kewöta kewö melen wañgiyök, “Gi sisa kinğörej anmamgö möta qesizani, miangöra mönö ölop Rom anda yangö jeñe kinman.” Mewö.

Polnöh kin Agripagö jeñe kinök.

¹³ Wehön tosatñi teköiga kin Agripa aka nenni Bernaisi yetkön Festus eka gödañiri kondelbitköra Sisaria taonöh kayohot. ¹⁴ Kaba miangörej wehön gwötpuk malohotka Festusnöh Polgörej keu mi kinbuk eraum möta kewö jiyök, “Filiksñöh azi kun qahö pösari kösö mire kianağörej tata malja. ¹⁵ Nöñon Jerusalem anbiga Juda yeñgö jike nup galöm bohonñini aka jitñememurupñinan nöñgörej kañgota kewö qesim niñgiget, ‘Nini azi miangö keu memba kainga göñon mönö ölop yangö könañi kewöta keuñi jim teköman.’

¹⁶ “Mewö qesim niñgigetmö, nöñon yeñgöra kewö jibiga mötket, ‘Rom gawman neñgörej köna mi kewö: Kungö silene keu bölöñi ala jizei, nini ambazip kun yangö keuñi mi lañ kude jim tekömakzin. Mutuk öröba keu jakene alin kazikurupñan kagetka likeplikap öröröh aröñda kingetka keu silene ala jim wañgigetka likepñi ölop jima. Keu likepñi jiiga mi kewöta ölni ahuiga miangö dop ölop keuñi jim tekömakzin.’ ¹⁷ Yeñon ki kaba tokogetka nöñon nalö qahö köriiga ahöba wahöta miangörejök jimtekötekögö dum tatatñe tata jim kutubiga azi mi wañgita kagetka nöñgö jene kañgorök.

¹⁸ “Kañgorökmö, keu memba kageri, yeñon liliköm wañgiba aröñda kinda keu silene ala jim wañgiget. Mewö aketka yuai bölöñi kötökñi kun akawak, mewö jimegöra mamböralmö, keu mewöñi kun qahö jiget möral. ¹⁹ Mi qahö jiget möralmö, salupñe azi mi qetala nanñini mötnaripñinañgö keu kambañi tosatñi aka azi kun qetñi Jisös yangöra anğururuk aket. ‘Jisösñöh kömuyök,’ jigetmö, Polnöh ‘Guliba malja,’ jiba kapañ köla köhöiyök. ²⁰ Mewö jiba kazik algetka nöñon ‘Keu mewöñi mi denöwö kewötpilenañak?’ jiba köna jaruba uruyahöt möral. Mi möta kinda kewö qesim wañgial, ‘Silenöh alal keu jizei, gi ölop miangö likepñi mi Jerusalem öngöba miangörej jibanak me qahö?’ ²¹ Qesim wañgialmö, Polnöh Öñgöñgöñamñinañgö jeñe anmamgö kapañ köla kewö qesiyök, ‘Mönö

jinõnga galõm kõl niñgigetka sisa kiñgõren anbiga keuni mindiñgõiga diñgima.’ Mewõ qesiiga wahip azi jim kutum engibiga galõm kõlgetka tatz. Bian melaim wañgibiga sisa kiñgõ jemesoholñe anma.”

²² Festusnõj mewõ jiiga Agripanõj jii mörök, “Nia kun azi mianjõn keunji jii mötmamgõ sihimñi mötzal.” Jiiga melejñök, “Urangun ölop keunji mötman.”

²³ Mewõ jiiga ahõba wahõtketka kantrigõ jembon, suahõ galõm ketanj aka jitrjememe õngõngõñi yeñõn kaba Agripa aka Bernaisi yetkõra jura sorom jõljire uta sösõngai liñet kõla kõl örõm etkigetka keugõ jake miri õngõngõñi miangõ uruñe angotket. Festusnõj jim kutuiga Pol wañgitketka miangõren kanjorök. ²⁴ Polnõj kanjoriga Festusnõj wahõta kinda kewõ jiyök, “Kiñ Agripa aka azi ketanj pakpak nembuk ki tatzei, iñini mönõ azi ki eket. Juda ambazip kambu pakpak yeñõn yangõra aka uruni kunguget. Sisaria taon kiangõren aka Jerusalem siti miangõren õlña keunõj kungum ningiba qet gigilahõba kewõ jiba malget, ‘Azi kianjõn gölmenõj malmawanjõ dop qahõ. Mönõ yapmakek!’

²⁵ “Mewõ qeta malgetmõ, nõjõn kewõtõpiga yuai kun kõmupkõ buña akñawanjõ dop mi qahõ ahök. Nõjõn kõnanji mewõ miwikñaiba ehalmõ, nanñak Rom õngõngõñaminanãgõ jeñe ani keunji mindiñgõiga diñgimapkõra kapan kõla qesiyök. Miangõra keu jõhõba melaibiga Rom anma. ²⁶ Rom sitinõj anmapmõ, yangõren keu mi denõwõ ohoba Rom azi kembunanãgõra albi anawak? Yangõra keu lañ jizemõ, keu kõnanambuk kun mi törörök qahõ möt asarizal. Miangõra jibi wañgita kaba kiñ Agripa göhõ jege aka iñini tosatñi kiñgõ andõñe ki tatzei, engõ jemesoholñine algetka kinja. Iñini ölop börõjan memba keunji kewõtketka õlñi asuhui mönõ mi möta ölop kimbinõj ohobilenak. ²⁷ Azi kun kõsõnõj jõhõba keu jakeñe alalgõ keunji denõwõ jize, mi aukñe jibingõ osiba tõndup õne melaibinbuk. Silik mi nõngõ mötmõtnõj kezapjupjup tandök ewõ akza.” Mewõ.

26

Polnõj keunjanãgõ likepñi kiñ Agripagõ jeñe jiyök.

¹ Mewõ tatketka kiñ Agripanõj Polgõra jiyök, “Gi ölop nangahõ keu likepñi jinõnga mötpi.” Mewõ jiiga Polnõj kinda börõ kutum wañgiba nanñi keunji angõn kõla kewõ kõnahiba jiyök,

² “O kiñ Agripa! Juda jitrjememe yeñõn keu silene ala jim niñgize, nõjõn keu pakpak miangõ likepñi mi merak ölop göhõ jege aukñe jimamgõ simbawõj mötzal. ³ Gõjõn Juda neñgõren ahakmeme aka anjururuk keunini pakpak mi törörök möt yakõzan. Miangõra nõjõn õlña simbawõj mötzal. Mewõ aiga qesim gihizal: Keu jimami, mi ölop möta mökõsõnda kezap alman.

⁴ “Nõjõn Juda ambazip kambu uruñe ahuba kõnakõnahiñeyök kõnahiba nani kantri ki aka sitinini Jerusalem miangõren mala koral. Miangõra Juda ambazip pakpak yeñõn malmalni gwabõneyök denõwõ kota malali, mi ölop möt kutuze. ⁵ *Yeñõn kõnanamni nalõ kõrõpñi möt kutuze. Si-himñini ahõi mi ölop kewõ nanãgõba jibeak: Nanine jike nup uruñe Farisi pati neñõn asa yeñgõren jike mötmõt mi törörök kötõkñi wuatangõba maljin. Nõjõn mutuk yeñgõ kambu patinõj angota Kõna keu kapan kõla wuatangõba malal. ⁶ Anutunõj ambõsakonurupñi yeñgõra jõhõjõhõ

* 26:5: Apo 23:6; Fil 3:5

keu alöhi, nöñon miangö ölni ahumapköra al mamböta jörömqöröm aka maljal. Miangöra aka merak keu jakeje al ningigetka kinjal.

⁷ “Nanine Israel ambazip kambu 12 neñon körek pakpak jöhöjöhö keu miangö ölni asuhumapköra mambörakzin. Mi mamböta jörömqöröm aka qösösök (qörörök) sungem asak Anutu waikni memba möpöseimakzin. O Öngöngöñamni, nöñon jörömqöröm mewö ahakzalañgöra Juda jitñememe yeñon keu bölöñi bölöñi silene ala jim ningimakze. ⁸ Anutunöñ ambazip kömukömuñi mem gulim engii wahötmei, inini mi mönö denöwögöra aka qahö möt narize?

⁹ * “Nanak mewöyök kewö mötmöriba malal, ‘Ni Jisös Nazaret azigö qetbuñaji sanjolbi qahöwakñapköra bim gwötpuk qemamañgö dop akzal.’ Mewö mötmöriba kazik aka malal. ¹⁰ Kazik aka Jerusalem miangöreñ ölna bim qeba malal. Jike nup galöm bohonñi yeñon nam köl ningiget jim kutubiga Anutugö ambazip sarakñi mi gwötpuk engömembra kösö mire al engiget aka tosatñi kömumegö keu jigetka nöñon mewöyök keu mi kötöngöba imbi köla (wout ala) malal. ¹¹ Nalöñi nalöñi liliköba köuluk miri dop böröñan mem engibiga uruñini melenjeri, mienñon asuhuget. Asuhugetka Jisös qañ köla ñlit wañgimegöra kuñguba töhöreñ öröm ureim enñial. Mewö ak engibiga ihileknöñ könöpuk tauköba enñugetka sihimbölö kahasililiñ möta malget. Urunan könöp jem sölöngögöga sesewerowero ak enñimangöra köröwen kötökñi kian kantrigö sitiñi sitiñi miangöreñ anda malal.” Mewö.

Polnöñ uruñi melenñohangö kösohotñi jiyök.

Apo 9.1-19; 22.6-16

¹² “Kaisilik mewö aka malbiga nalö kunöñ jike nup galöm bohonñi yeñon nömbuk urumohot aka nam köl ningigetka Damaskus sitinöñ an-mamgöra könanöñ anal. ¹³ O Öngöngöñamni, nöñon könanöñ anbiga silim bibiñe miangöreñ Suepnöhök asakmararañ kun wölañ erök. Eta wölbilik ewö asuhuba wehön jeñi onñgita asariiga ehal. Asak miangön mönö ni aka azi nömbuk anini, nini turum nenñiyök. ¹⁴ Turum nenñiiga körek tala gölmenöñ eta kölin. Eta köla ahöinga nöngöra keu kun kaiga Hibru keunöñ kewö jii möral, ‘Sol, Sol, gi wuanöngöra sesewerowero ak ningizan? Gi mönö bulmakau aziñi ewö akanbuk. Toñan gölme mözözamgömapköra bulmakau aziñi kionoñnöñ jöhöi ösöñ öröiga dop köljamö, lañ öröba könöpuk yaköriba öröm ureiiga kerösuap jitñan uiga sihimbölö mörakza. Gi mönö miangö dop lañ luhuba nangi könisemgi öne töhöñ kutubanbuk.’

¹⁵ “Mi möta qesial, ‘O Kembu, gi dañon?’ Qesibiga jiyök, ‘Ni Jisös sesewerowero qakñe al ningimakzani, mönö mia akzal. ¹⁶ Mi akzalmö, ölop wahöta kinöñ. Ni aka yuai ekzani aka könañgep toroqeba asuhuba kondel gihimami, mi mönö nañgöba jiba dangunu ewö kinda nöngö jitñememeni aka weleni qeba malman. Gi nup mi memba malman. Nöñon miangöra aka asuhum gihizal. ¹⁷ Nöñon mönö nangi Israel ambazip kambu yeñgö böröñineyök meköm gihimam aka kian kantri ambazip yeñgöreñ melaim gihibiga anmani, yeñon guhubepuköra mewöyök galöm mem gihimam. ¹⁸ Nöñon melaim gihibiga anda ambazip jeñini metohonöñga uruñini melenña söñaupnöhök asakñe kañgotme. Jeñini tohoiga imbiñini melenña Satangö kukösumnöhök lolohoba Anutugö sel uruñe kame. Mewö kaba möt narim ningigetka siñgisöndokñini sañgonña

* 26:9: Apo 8.3; 22.4-5

mosötмам. Mosötпiga Anutunöŋ alaurupŋi tök kutum enŋiiga sarakŋi akzei, mönö yeŋgö sutŋine aŋgota dum tatatŋini memba oyaenŋkoyaenŋ aka malme.’ Jisösnöŋ mewö kutum nuasöta jiyök.”

Polnöŋ urugö nupŋaŋgö kösohotŋi jiyök.

¹⁹ “O kiŋ Agripa, Jisösnöŋ mewö jiiga nöŋön Suepnöhök jemelenŋ imut eka könaŋi möta mi köyatiba malmamgö mötpiga osiyök. Miangöra nöŋön imut miangö keuŋi mi tem köla nup memba malal. ²⁰ *Mi tem köla liliköba Buŋa keu kewö jim sehiba malal: Inini mönö uruŋini melenŋda Anutugöreŋ lilingöba kaba uru melenŋeraŋgö ölnŋi mi ahakmemenŋinan kondela malme. Buŋa keu mi mutuk Damaskus aka Jerusalem siti yahöt miangöreŋ maljei, yeŋgöra jim asariba malal. Miangö andöŋe Juda kantri pakpak yeŋgöra jial aka kian kantri yeŋgöra jiba uruŋini kuŋguba malal. ²¹ Könaŋi miangöra aka Juda ambazip tosatŋan jöwöwöl jikenöŋ öŋgöba miangöreŋ qeraköba nömmimba kapan köla köhömuŋi nuŋgubingö aket.

²² “Mewö aketmö, uruni melenŋnalaŋgöreŋök mala kotpiga Anutunöŋ bauköm niŋgiba maliga nalö kewöŋe toroqeba ölöp maljal. Baukbauk miangöra aka ki kinda öŋgöŋgöŋi aka eretŋi engö jeŋine keuni ki jizal. Moses aka kezapqetok ambazip yeŋön yuai asuhumapkö jigeri, nöŋön mönö yeŋgö keuŋini miyök törörök wuatangöba keu kewö naŋgöba jizal: ²³ *Anutunöŋ areŋ ali Amötqeqe Tonji Kraist yaŋön sihimbölö möta kömumba azi mutukŋi kömupnöhök wahötma. Wahöta Anutu asakŋaŋgö könaŋi mi Juda kambu neŋgöra aka kian kantri yeŋgöra indela jim tuarim enŋiba malmamgö jiyök.”

²⁴ Polnöŋ keuŋaŋgö likepŋi mewö jiiga premiö Festusnöŋ terengöba keu kemaŋe kutuba jiyök, “Pol, gi kahapmahap akzan. Papia mirinŋi mirinŋi miangöreŋ öŋgönöŋga mötmötkan sehiba nöropsohop mem gihii maljan.”

²⁵ Mewö jiyökmö, Polnöŋ melenŋök, “O kumbu sorokni Festus, nöŋön nöropsohop qahö akzal. Keu jizali, mi mötkutukutu keu ölna akza. ²⁶ Kiŋ Agripanöŋ keu kiangö könaŋi möt soroköza, mewö mötzal. Yuai pakpak mi tölapŋe waŋgöm kunöŋ qahö asuhuyök. Miangöra keu buzupŋi pakpak mi mönö kiŋgö kezapŋe gei möt teközawi, mewö möt köhöizal. Miangöra nöŋön keuni ki ölöp awösamkakak qakŋe kinda jibiga mötzan. ²⁷ O kiŋ Agripa, Juda azi gi kezapqetok yeŋgöreŋ Buzup Kimbigö keuŋi möt narizan me qahö? Mi möt narizan, mewö mötzal.”

²⁸ Polnöŋ mewö jiiga Agripanöŋ melenŋda jiyök, “O Pol, göŋön nalö töröptökŋi kiangöreŋ uruni kuŋgunöŋga nöŋön uruni melenŋda Kraistkö alaŋi akilenakgö mötzan me? Mewö mötmörizan me?”

²⁹ Mewö jiiga Polnöŋ melenŋök, “O kiŋ, keu köröpŋi me kötoŋi jibileŋak, mi muatmö, göŋönök qahöpmö, dölni keuni kezap ala mötzei, körek enŋön mewöyök Kraistkö alaurupŋi akŋegöra urusihimnan möta kewö köuluközal: O Anutu, uruŋini melenŋ enŋinöŋga nöŋön ki maljali, mönö miangö dop akŋe. Tapep (muŋgamuŋga) miyök al enŋimapköra qahö köuluközal.”

³⁰ Mewö jiiga kiŋnöŋ wahöriŋa premiö aka Bernaisi yetkön mewöyök wahörohot aka yembuk tatkeri, yeŋön körek wahötket. ³¹ Wahöta mosöta angetka azi ipŋan nanŋinök eraum möta kewö jiget, “Azi kianöŋ bölöŋi kun qahö aiga wuanöŋgöra mönö gwaröhöm waŋgiget? Yaŋön kömupkö

* 26:20: Apo 9.20, 28-29 * 26:23: Ais 42.6; 49.6; 1 Kor 15.20

bunja aknawanğö dop qahö akza, mi mötzin.”³² Mewö jiba eraum möta Agripanön Festusğöra jiyök, “Sisa kingörej anbiga keuni mindingöi dıngimapköra qahö kapan köla qesiba jibawak ewö, mönö ölop pösaringa gebawak.” Mewö.

27

Pol wanğenöj algetka könahiba Rom anök.

¹ Azi ipnji yejön nenğöra keu kewö jöhöget: Nini wanğenöj öngöinga luhutnöj nanğöi Itali kantrinöj anbin. Keu mewö jöhögetka Pol aka kösö miri azi tosatnji mi suahö galöm kun qetnji Julius yanğö böröñe al engiget. Julius yanğön yarö kambu bahöñi kun qetnji “Rom sisa kingö yarö kambu” qetkeri, miangörej yarö azi 100 yeğö galömnjina malök.² Miri kun qetnji Adramitium miangörejök wañge kun kaba Eisia prowinsğö köwet jitnji mötöteiba wañge döpnji mohot mohot miangörej anmapkö aka jöjöröyöhi, miangörej öngöin. Öngöinga opo seri öröba mörörengögetka luhutnöj nanğöi köwetnöj anin. Masedonia prowinsğö siti qetnji Tesalonaika miangörejök azi kun qetnji Aristarkus yanğön sunğurumnini aiga mohotñe anin.

³ Anda ahöm wahöta miangörej Saidon mire anğorin. Anğoringa Juliusnöj Pol ala ak wanğiba jim teköiga wañge mosöta alaurupnji yeğörej anda engehiga wani yuaigöra osiyöhi, mi bauköm wanğiget.

⁴ Miangörejök kunbuk köwetnöj aninga luhutnöj köna anbin jiini, miangörej görökenök qeba gilöhanğöra lömböriiga toroqeba gölme jölanñi qetnji Saiprus miangö tölapñe geba qöhöröngöba mötöteiba anin.⁵ Aninga luhutnöj nanğöi köwet kutuba Silisia aka Pamfilia prowins yahöt mi etkongita Lisia prowinsğö siti qetnji Maira miangörej anğorin.⁶ Anğota miangörej suahö galömninan wañge kun miwikñaiyök. Wañge mianjön Ijiptkö siti qetnji Aleksandria miangörejök kaba Itali kantrinöj anmamğö aka jöjöröyök. Mi miwikñaiiba jim kutum nenğiiga miangörej öngöin.

⁷ Öngöba köwetnöj aninga luhutnöj ölop qahö nanğöi wehön gwötpuk mi ösönösön anda malin. Mewö malin teköiga miangörej kupuk-kapak aka köwet miangörej Nidas taon kösutñe anğorin. Kösutñe anğoringa luhut köhöikñanök gila miangörej göröken toroqeba anbinanjö könanj jöhöyök. Jöhöiga lömböriiga Krit gölme jölanğö jıtnji köröpñi qetnji Salmone mi onğita anda gölme jöhanğö tölapñe geba qöhöröngöba mötöteiba anin.⁸ Köwet jitnji dowe mötöteiba osikosibuk anda mala Lasea taon kösutñe miri qetnji “Wañge surusurunji eksihimñambuk, Fair Hafens” qerakzei, miangörej anğorin.

⁹ Miangörej anğota nalö köröpñi mösöhöba malin. Mewö malinga siğisöndok sanğonşanğonğö kendonñi qetnji Yom Kippur* miangö nalöñan teköiga luhutqeçe nalöñan lök kam kungui anğorin. Luhutqeçe nalöñe ambazip köwetnöj anda “Ayuhubinbuk,” jiba wanğenini jöhözema. Miangöra Polnöj galöm meme keu kun kewö jii mötket,¹⁰ “Aziurup, nini köwet qakñe toroqeba anbinbuk. Mönö kupuk-kapak qakñe anda ayuayuhu miwikñaiibinbuk. Wanğenini raidimbomnöj qei jömgöiga sukinapñi geñmororon öngöñgöñi aiga naninak mewöyök kömumbinbuk. Miri tandökñan mewö ahiga ekzal.”

* **27:9:** Yom Kippur sösongai kendon mi Septembe teteköñe me Oktobe könakönahıñe alakze.

11 Galöm meme keu mewö jiyökmö, suahö galömninan Polgörej keu mi qetala wanje tonji aka stia (möñaqöñai lökuat) galömñi yetkôn “Ölöp anbin,” jiyohori, suahö galömninan keunji mi möt nariyök. ¹² Miri qetñi “Wanje surusuruñi eksihimñambuk” miangö wanje döpnji mi luhutqeçe nalö tatatkö dop qahö ahök. Miangöra aka azi gwötpukñan anbingö keu kötöngöba kewö jiget, “Ki tatpingö ölan nengöhöza. Ölöp opo seri öröba mörörengögetka köwetnön anbin. Anda kapañ köla mala köna ahuiga Finiks wanje döpnön angotpinak. Miangörej angota luhutqeçe nalö ki ölöp tata malin teköma.” Wanje döpn qetñi Finiks mi Krit gölme jölanñi miangö jitñe wehön geñeñi göröken ahöza. Mewö.

Raidimbomnön köwet meiga böliyök.

13 Anbingö keu mewö jigetka luhutnön ösönösön könahiba Saut görökenök gilök. Giliga “Ölöp anda areñnini wuatangöba Finiks ekin,” jiba mötmöröba kinda wanjegö kösö mendannji musulgetka korök. Koriga wanjenön lolohoiga luhutnön nanjöi ösön nenguanjiriga Krit gölme jölanñangö jitñi mötöteiba dowe anin. ¹⁴ Mewö aninmö, nalö kude köriiga luhut ösumñi köhöikñi qetñi mura (yoware, Not Istkö raidimbom (piwi)lilililikñi) miangön mönö gölme jölanñi miangö qakñeyök qeba gila nenguba kayök.

¹⁵ Nenguba kaiga wanjenini galöm köl wanjibingö mem bibihigetka luhut qeba kayöhangörej göröken anmangö osiyök. Osiiga mosötketka luhutnöhök wanje kunguba memba wanjiriga nanñak öne ani utuköm nenggiiga lañ malin. ¹⁶ Utuköm nenggiiga mala gölme jölanñi morönji kun qetñi Kauda miangö tölapñe Saut göröken anin. Miangörej anda gomba kösönön jöhögetka wanje andöñe o kutuba kayöhi, mi aum-möröba köwetnöhök öröinga gwötpuk lömböröiga töndup kapañ köla öröinga korök.

¹⁷ Gomba mi öröin koriga wanje ketanje alin. Wanjenön utuköba jömgöbapüköra möringa kösö memba wanje köpeiba jöhöm köhöiget. Mewö anda mala sak qetñi Sirtis† miangörej köwet ründumñi köröpnji qahö ahözawangörej kunguba qaköbinbuköra kenjötnjini mörin. Mewö mörinangöra aka wanjegö opo seri yuainji mi meköba eta ala wanje galömkölköl mosötket. Mi mosötketka luhutnön wanje kunguba nengömisiiga öne lañ anin. ¹⁸ Öne lañ aninmö, raidimbom miangön mönö könöpnambuk toroqeba gila utuköm nengiyök. Mewö utuköm nenggiiga miri gianjiiga miangörej könahiba wanjegö sukinap tosatñi memba köwetnön gilget geyök. ¹⁹ Wehön karöbut aiga miangörej wanjegö öröyuai aködamunñambuk mi nanñinak memba gilgetka köwetnön geyök. ²⁰ Mewö memenaliba anda mala sungem silim gwötpuk miangörej wehön me senjelau kun qahö ehin. Raidimbom miangön mewöyök köhöikñanök toroqeba gila ahöyök. Gilayök ahöiga lömböröiga “Mönö qahöwakin!” jiba malmal jöhöjöhögö möta uruninan eri tötbörömnini tali tarin.

²¹ Raidimbom uruñe nalö köröpnji kaba mala nene kun qahö nein. Miangöra aka Polnön sutñine wahöta kinda kewö jiyök, “Aziurup, nöñön Krit gölme jölanñi qahö mosötpingö goro jiali, injini nöngörej keu mi wuatangögetka dop kölbawak. Mewö ahinga geñmororöñ aka ayuayuhu kianñon mönö qaknine qahö öngöbawak. ²² Goroni mosötketmö, dölkki qambañ keu kewö engizal: Engörejök kunñan kun malmalñi qahö ayuhuma.

† 27:17: Sirtis mi Afrika kantri qetñi Libia miangörej göröken ahöza. Sirtis miangörej köwet dutñe sak kukundu ahöza.

Mi qahöpmö, wanjeyök ayuhuma. Mianğöra injini mönö ewebibiñini möta tatme.

²³ “Nöñön bem qetñi Anutu yanğö buñaya aka welenni qeba maljal. Sunjem gaun ahöbiga yanğön Suep garatañi kun melaiiga nöngö kösutne kaba kinja. ²⁴ Kinda kewö jiza, ‘Pol, gi kenğötki kude mötman! Gi ölop Rom sisa kinğö jemesoholñe anöñga kewöt gihima. Mötnöñ! Anutunöñ körö ölowakñi kondel gihiba ambazip pakpak göbuk wanjenöñ mohotñe maljei, yanğö malmalñini mönö göhö böröge ali göbuk kinda kunñan qahö kömuma.’ ²⁵ Suep garatanöñ nöngöra keu jizawi, mönö mianğö dop asuhuma. Nöñön Anutu mewö möt narim wanğizal. Mianğöra aziurup, injini mönö eweñini möta tatme. ²⁶ Mewö asuhumapmö, luhutnöñ gila muwutapköm neñgiiga gölme jöhanñi kungö jitñe anğotpinanğö dop akza.” Mewö.

Sunjem 14 aiga gölme dopdowiget.

²⁷ Wanjeninan Gölme Sutñire Köwetkö (Mediterranean Sea) bahöñi qetñi Adria Köwet mianğöreñ öne lañ aniga sunjem 14 ahök. Mi aiga sunjem bibiñe mianğöreñ wanje nup meme azi yanğön “Mönö gölme kun dopdowizin,” jiba uruñinan mewö mötket. ²⁸ Mewö möta kinda kösö kun lömbötrambuk jöhöba gilgetka geba köwet dutñi misiriyök. Misiriiga köwet röndungö qötöñi ahuyöhi, mi 40 mita (120 fit) mianğö dop ahök. Borom kun toroqeba anda tandök mohot miyök aketka qötöñi mianğön 30 mita (90 fit) mianğö dop aiga miwikñaiget. ²⁹ Mi miwikñaiba wanjeninan köt törom kemañe kungubapüköra kenğötñini mötket. Mewö möta wanğegö kösö mendannji 4 mi wanje andöñeyök pösata ösöñ memba eta alget aka asarimapkö miri qeba mamböta köuluköba tatket.

³⁰ Mewö tatketmö, wanğegö nup meme azi yanğön kewö möndöba jiget, “Nini mönö wanje numbunje göröken wanğegö kösö mendannji tosatñi gilinga gema.” Mewö möndöba jiba wanje moröñi gomba kun wanjenöhök meköba mem et algetka köwetnöñ eri wanje mosöta esapköba tölapñe ölöñ köla anbingö aket. ³¹ Mewö aketmö, Polnöñ suahö galöm aka yarö azi yanğöra kewö jiyök, “Yanğön wanjenöñ qahö mösölatiba kinme ewö, enğö malmal jöhöjöhögö könañi kun qahö ahuma.” ³² Mewö jiiga yarö azi yanğön anda gombagö kösöñi yandigetka nanñök aniga nup meme azi yanğön ölöñ köla anbingö osiget.

³³ Wanğarañ suruiga mianğöreñ Polnöñ körek pakpak nene nemegö qambañ keu jim kutum enğiba kewö jiyök, “Injini lök nalö köröññi uruyahöt mamböta nene kun qahö yöhösöröba malgetka merak wehön 14:ñi akza. ³⁴ Mianğöra kewö jim kutum enğizal: Nini malmal jöhöbingö aum-möribini, mianğöreñ ösumnini etpapaköra mönö köhöiba kinda ölowahinga dop kölma. Mianğöra injini mönö nene neme. Enğöreñök kunñan kun silenji qahö qema. Nöröp jupñini moröña kun mi qahö kötökñi sohoma.” ³⁵ Mewö jiba Polnöñ beret memba körek pakpak yanğö jemesoholñine Anutugö saiwap jiba mindipköba könahiba neyök. ³⁶ Mewö neiga eka körek yanğön awösamñini geiga mewöyök nene memba neget. ³⁷ Nini wanje uruñe mindiriba janğö 276 mianğö dop malin. ³⁸ Yanğön körek pakpak nene memba nem timbireñ aket. Mewö aka wanjenöñ amqemapköra wit padi toru memba gilgetka köwetnöñ geyök. Mewö.

Wanjenöñ köwet töromnöñ kunguba qaköba jömgöyök.

³⁹ Miri gianjiiga gölme eka mi qahö möt kutuget. Qahö möt kutugetmö, köwet waŋgömnji (bay) kun sakŋambuk miwikŋaiba eket. Mi eka “Mönö waŋge melenċa esapköba mianċörenċ anċotpinak,” jiba keu jöhöget. ⁴⁰ Keu mewö jöhöba kinda waŋgegö kösö mendannanċö kösöjji yandigetka suliga mosötketka köwet dutŋe ahöyök. Mi yandiba mianċörenċö likeplikep stia (möŋaċöŋai) lökuat yahöt ahöyöhi, mietkö kösöjiri pösatketka lolohoyök. Mi pösata waŋge wösöŋanċö opo serinji öröba mörörenċögetka luhutnönċ nanċöi waŋge möŋaigetka saknönċ göröken anin. ⁴¹ Mewö aninmö, waŋgenönċ köwet töromnönċ anċapuköra jöhöbingö osiba mosöta gilgetka anda kuŋguyök. Mianċörenċ kuŋguba waŋge giliŋan töromnönċ qeba qaköba anda kamamċö osiba tarök. Mewö tariga köwet siriŋan waŋgegö andö likepnji gila kinda ösum köhöikŋji mianċön qeba qesiŋmesiŋnök.

⁴² Mewö ahiga jiget, “Kösö miri azi yeŋċörenċö kuŋŋan o qeba kutuba ölöŋ köla anċapuk.” Mewö jigetka yarö azi yeŋön kösö azi nini körek neŋgubingö mötket. ⁴³ Mewö jigetmö, suahö galömninan Polgö malmalnji jöhömamċö möta yarö aziurupŋan mewö akepuköra anċön köl enċiyök. Anċön köl enċiba kewö jim kutum neŋgyök, “Denike enċön köwet qeba ananċö könanċi mötzei, injini mönö mutuk luhuba qeba köwet qeba anda körökŋe öŋgöme. ⁴⁴ Yeŋön mutuk angetka tosatŋan andönċine katapa sahötnji qelanċiba meme me waŋgegö kitipŋji könanċi könanċi miwikŋaiba mianċö qakŋe ahöba köwet qeba anme.” Mewö jim kutum neŋgiiga tandök mewö aka körekŋan malmalnini jöhöba köwet jitŋe anċot teköin. Mewö.

28

Malta gölme jölanŋe mamböta malin.

¹ Malmalnini jöhöba köwet jitŋe kaŋgota mianċörenċ gölme jöhanċi qetŋi Malta qetketka mörin. ² Kaŋgoringa kienönċ könahiba eri miri amöriyökmö, Malta ambazipnönċ ala-ala tandök ölöp kötökŋji kondel neŋgiba könöp ohoba neŋuanċitketka körekŋanök könöp kösutŋe anda jömöta tarin. ³ Polnönċ könöp omajarek qezaköba böranċöba könöpnönċ alök. Mi ali jeiga qatö kunönċ könöp umŋan kösuiga kota böronċe jöhöba yöhöyök. ⁴ Mokoleŋnönċ mewö jöhöba böronċe möndöba eta kiniga gölme jölanŋanċö toŋan eka nanŋini eram möta kewö jiget, “Azi ki köwetnöhök malmalnji jöhöba korökmö, Songorinönċ töndup likepnji melenċa malmalnji kutum waŋgii kömuma. Mianċöra mönö enċui kömükömu azia akza. Mewö möt köhöizin.”

⁵ Mewö jigetmö, Polnönċ soramen utuköba kinda giliga könöp uruŋe geiga sileŋe geŋmororönċ kun qahö ahuyök. ⁶ Mewö jiba ehiba “Silenċi qariba pisihima me wölan kömumba gölmenönċ tala eta kölma,” mewö jiba ek tiba mamböta kinget. Nalö köröpŋji mamböta kingetmö, Polgö sileŋe yuai bölöŋji kun qahö ahuyök. Mewö aiga mötmötŋini melenċiga jiget, “O, azi ki mönö bem azia akza.”

⁷ Malta saknönċ kaŋgota lan uba kösutŋe nene nup gölme körö japiŋi aka bau bulmakau kambuŋi kambuŋi ahögetka ehin. Mi gölme jöhanŋanċö azi kembuŋini qetŋi Publius yanċö buŋaya ahöyök. Gölme toŋi mianċön köl öröm neŋgii miriŋe öŋgöinga urukalem qakŋe köyan köl neŋgiiga yambuk köisirik taringa wehöŋ karöbutkö dop anök. ⁸ Taringa

Publius iwiñan silekõnõp aka irip suaip sepnambuk kawöl (dysentery) mi-añõn yõhöiga dumnõhök ahöyök. Ahõiga Polnõñ yangõreñ anda köulukõba börõñi nõrõpñe ala mem ölöwahök. ⁹ Mewõ asuhiiga miangõrenjök kawöl ambazip tosatñi pampak gölme jõhanñe ahõgeri, yeñõn mewõyök kanjotketka Polnõñ Anutu köulukõiga ölöwaket. ¹⁰ Yeñõn kalem kõnañi kõnañi gwõtputk neñgiba mewõ mi-añõn göda qem neñgiba malget. Kõnañep wañgenõñ õngõbingõ ahini, nalõ miangõreñ köwet qakñe kõna malmalgõ yuainañgõ osiini, mi memba neñgõra wañgenõñ alget. Mewõ.

Malta mosõta anda Rom sitinõñ añgorin.

¹¹ Köiñ karõbut tekõiga wañge kun qetñi “Bem Siwisiwi” miwikñajet. Wañge miangõ nundunje siwisiwi bemyahõt qetñiri Kastor aka Poluks mietkõ imutñira memba meñõlöba alget kinohot. Wañge mi-añõn Ijijt kantrigõ siti qetñi Aleksandria miangõrenjök kaiga gölme jõhanñe jõhöba luhutqeçe nalõñi mi tatket. Mi tatket tekõiga õngõinga opo seri örõba mörõrenjõgetka luhutnõñ nangõi mosõta anin. ¹² Anda mala siti qetñi Sairakyus miangõreñ añgota gölmenõñ eta wehõn karõbut tarin. ¹³ Tata wañgenõñ õngõinga opo seri örõba mörõrenjõgetka anda Regium sitinõñ añgorin. Añgota ahõm wahõta luhut Saut görõkenõk kõnahiba gilõk. Gili anda silimñi yahõt aiga miangõreñ Rom likepñe Puteoli taongõ wañge döpnõñ añgorin.

¹⁴ Añgota miangõreñ urumelen alaurup tosatñi miwikñajiba engehini. Engehinga kewõ qesim neñgiget, “Injini ölp nembuk sonda mohot mal-beak me qahõ?” Qesim neñgigetka “Ölp!” jiba yembuk malin. Malin tekõiga enjõmosõta Rom sitinõñ õngõin. ¹⁵ Urumelen alaurupninan Rom siti malgeri, yeñõn kainañgõ keu buzupñi mötket. Mi möta miwikñaim neñgibingõra tosatñan wahõta (kõna 43 mail kaba) miri qetñi Apius Forum maket miangõreñ kaget. Tosatñan (33 mail kaba) miri qetñi Kian miri karõbut, miangõreñ kaba miwikñaim neñgiba angehini. Angeka Polnõñ “Anutu saiwap!” jiba möpõseiba uruñi amqeiga ölöwahök. Mewõ.

Polnõñ Rom tata Juda ambazip uruñini kuñguyõk.

¹⁶ Rom sitinõñ kanjota miangõreñ Polnõñ miri kunõñ nanñõk malmapkõ jim tekõm wañgigetka yarõ azi kunñan galõm memba yambuk malõk.

¹⁷ Mewõ jim tekõm wañgigetka miri miangõreñ tari silim karõbut tekõiga Juda ambazip ipñi köl örõm enjii kaba tokoget. Tokogetka Polnõñ kewõ jii mötket, “Iwi alaurupni, nõñõn nanine Juda ambazip kambunini qahõ qetala kazik ak enjial me ambõsakonurupnini yeñgõrenjök ahakmeme möta maljini, mi qahõ ak bölial. Mewõ qahõpmõ, tõndup Jerusalem sitinõñ qerakõba nõmimba jõhöm niñgiba kõsõ mire al niñgiget tatpiga Rom gawman yeñgõ börõñine al niñgiget. ¹⁸ Al niñgigetka börõñan memba kõnañamnañgõ qesiba kewõtketka ölöwahök. Nõñõn yuai bölõñi kun qahõ aka kõmupkõ buñaya akilenjakõ dop qahõ ahal. Yeñõn mewõ eka pösat niñgibingõ mötket.

¹⁹ * “Mewõ mötketmõ, Juda jittjememe yeñõn Judia miangõreñ keu mi qetala tuarenjõñ aket. Mewõ aketka siksauk aka lömbõriiga nõñõn kõna jaruba kun qahõ miwikñajiba kewõ kapan köla qesial, ‘Ni ölp Rom sitinõñ anbiga sisa kiññõñ keuni mindiñgõi diñgima.’ Mewõ qesibiga melaim niñgigetka ki kayal. Nani Juda kambu yeñõn kazik al

* 28:19: Apo 25.11

niŋgigetmō, tōndup yeŋgō silenine keu bōlōŋi kun ala jim eŋgimamgō qahō mōtʒal. Mewō qahō. ²⁰ Anutunōŋ azi kun asuhumapkō jōhōjōhō keu al neŋgiiga Israel neŋōn keu miangō ōlŋi ahumapkōra mambōta jōrōmqōrōm ahakzini, nōŋōn mōnō azi sorokŋi yaŋgōra aka gwarōhōm niŋgigetka tapep (muŋgamuŋga) ki bisizal. Kōnaŋamni mewō. Miangōra aka merak eŋgeka keukeu eraum mōtʒingōra kōl ōrōm eŋgibiga ki kaba tokoze.”

²¹ Mewō jiiga jiget, “Judia gōlmenōŋ gōhōra keu jiba malgetmō, neŋgōra kimbi kun qahō alget kaiga ehin. Mewōyōk alaurupninan miangōreŋōk ki kageri, yeŋgōreŋōk kunŋan gōhō keu buzup me kōsohot bōlōŋi kun qahō jii mōrin. ²² Mi kun qahō jiget mōrinmō, uruge keu ahōzawi, nini mi ōlōp mōtʒingō mōtʒin. Gōhōreŋ Nazaret pati kambu miangō keuŋi mi gōlme dop jigetka ambazipnōŋ qetalgetka likeplikep miangōreŋ goranora keu gwōtʒuk jiba kazik ahakze. Pati kambu miangō buzupŋan mewō kezapnine gei mōtʒin.”

²³ Mewō jiba Polnōŋ keu kunbuk jimapkōra nalō kun areŋgōget. Mi areŋgōgetka Juda ambazip jesōŋgōŋan nalō miangōreŋ kaba Pol miri malōhaŋgōreŋ tokoget. Tokogetka sōŋanōk kōnahiba Anutu bemtohoŋaŋgō kōnaŋi jim asariba mali miri sōŋauyōk. Jisōsgō kōnaŋi mōt yakōba mōt nariba uruyahōt mosōtmegōra kapaŋ kōla uru kuŋgum eŋgiba malōk. Mutuk Mosesgōreŋ Kōna keu aka kezapqetok ambazip yeŋgōreŋ Buzup Kimbi oyoŋda keu miangōreŋōk kōnahiba Jisōsgō kōnaŋi indela mianōn kondela naŋgōba jiba malōk. ²⁴ Buŋa keu mewō jiba maliga tosatŋan uruyahōt mosōta mōt narigetmō, tosatŋan mi qahō mōt nariba tōnpin malget. ²⁵ Nanŋini urumohot qahō ak aŋguba sutŋine mōtmōt kambu yahōt aka deŋbingō aket. Deŋbingō aketka Polnōŋ keu kewōyōk jii mōtket, “Uŋa Tōrōŋan keu kun kezapqetok azi Aisaiagō uruŋe saŋep ali ambōsakonŋini jii mōtkeri, mi mōnō eŋgōra dopŋine tōrōrōk jiyōk.

²⁶ * Aisaiānōŋ keu mi kewō jii ahōza,

‘Gi mōnō ambazip kambu kiēŋgōreŋ anda kewō jinōŋ mōtme:

Iŋini mōnō kezapŋini ala keu ōlŋa mōtagun kōnaŋi mōt bibihiba tōndup qahō mōt asarime.

Jeŋinan uba yuai ōlŋa ekagun kōnaŋi ek bibihiba tōndup qahō ek kutume.

²⁷ Ambazip kambu kiēŋgō uruŋinan mōnō kōhōiba gwōzōŋda ahōza.

Kezapŋinan keu mōt bibihiba jeŋini kōmazilikōba malje.

Mewō qahō akeak ewō, mōnō jeŋinan yuai ōlōp ek kutuba kezapŋinan keu mōta uruŋinan kōnaŋi mōt asariba uruŋini melengetka nōŋōn i ōlōp mem ōlōwak eŋgibileŋak.’ ”

²⁸ Polnōŋ keu mi jim tekōba kewō jiyōk, “Miangōra iŋini mōnō keu kōtŋi ki ōlōp mōt yakōme: Anutunōŋ amōtqeqegō Buŋa keuŋi mi mōnō kian kantri yeŋgōreŋ ali anma. Yeŋgōreŋ aniga yeŋōn mi ōlōp kezap ala mōtme.” ²⁹ (Polnōŋ mewō jim tekōiga Juda yeŋōn nanŋinōk kōnōpuk jitnakōlik aka goranora erauget ōŋgōba eriga mosōta anget.) *

³⁰ Polnōŋ nanŋaŋgōra miri kun kusuk sōŋgōrōŋi memba miangō uruŋe (yara) yambu yahōt jōmukŋanōk ahōm malōk. Miangōreŋ mala ambazip denike yeŋōn ekingō kageri, yaŋōn mi pakpak ōlōp kōl ōrōm eŋgiba malōk.

³¹ Awōsamkakak qakŋe kindā Anutu bemtohoŋaŋgō kōnaŋi jim asariba uru kuŋgum eŋgiba malōk. Kembu Jisōs Kraist mōt waŋgimegōra Anutu

* **28:26:** Ais 6.9-10 * **28:29:** Mōtmōt ambazip yeŋōn Jabō 29:gō keuŋi kewōta tosatŋan Luknōŋ mi kōnakōnahiŋe qahō ohoyōk jizemō, tosatŋan keu miambuk urumohot qahō akze. Miangōra jabō 29 mi sel uruŋe ahōza.

amötqeqegö könanji kusum enğiba malök. Mewö maliga kunjan kun qahö
qetal wanjiiga mala kota malök. Mewö.

Rom kimbi Polnöŋ Rom yeŋgöra kimbi alök. Jim-asa-asari

Jim-asa-asari Rom sitinöŋ kopa malgetka urumelen kambuŋi kambuŋi yeŋön sutŋine simbisembel denŋa malget. Juda tosatŋan uruŋini melenŋa Juda ahakmemenöŋ aka Köna keunöŋ qekötahöba silenini yandiba sömbup qahö namba malget. Kian kantrigö urumelen kambu yeŋön Anutugö kalem möriamŋi qekötahöba Anutugö Köna keu bapŋe qahö anda söŋgööröqök aka siŋgisöndok amqeba akingö mötket. (6.15) Anutunöŋ Juda könagesö ölni andö eŋguba salupŋine kian ambazip eŋgoholi buŋaŋi akeri, miangöra söŋgaiba ilit eŋgiget. (11.18-20) Mewö aka Juda urumelen yeŋön silikŋini walŋi mewöyök wuatangögerangöra aka jijiwilit ak eŋgiba malget. Juda kambu yeŋön kian kantrigö urumelen alaurupŋini qepureim eŋgiba Juda silikŋini qahö wuatangögerangöra aka keuŋini töhöreŋ jim teköba söŋgööröqök aket. (2.17-20; 14.3)

Mindirim eŋgimangöra Polnöŋ kambu yahöt yeŋgöra goro keu nanŋök nanŋök eŋgimakza. Juda yeŋgö könaŋini indeliga (2.21-27) kian kantri yeŋön söŋgaiget. Keu bohonŋi kewö jiyök, ‘Jisös möt nariinga Anutunöŋ mötnaripnini eka keunini jim teköiga solanibin. Köna murutŋi kun qahö ahöza.’ (1.17) Kian kantri ambazip söŋgööröqökŋini qekömapköra könaŋini indela kewö jiyök: “Anutunöŋ nanŋini ölöŋŋinanangöra aka qahöpmö, nanŋi ak-kömukömuŋangöra aka iŋini möwölöhöm eŋgiyök. (11.30-32) Miangöra mönö kapaŋ köla Köna keu tem köla malme. (7.12-24) Körekmakörek siŋgisöndokö kösö gwarönöŋ mala ayuhubingö akzinmö, (3.23; 5.12) Anutunöŋ nanŋi irimsesewölŋan etmapköra aka Kraist melaiyök. (5.8-9) Uŋa Töröŋan meköba siŋgisöndok aka kömupkö kukösumnöhök pösat neŋgima. Miangöra siŋgisöndok ahakmeme mosöta (6.11-14) mindiriba jöpaköm anguba kopa yeŋgö sutŋine kopa tandök kude malme.” Goro mewö eŋgiiga ösöŋösöŋ tem köla mindiriba malget. Polnöŋ nalö mutukŋi Rom ani nangöm wangigetka toroqeba Spein kantrinöŋ anmamgö möta mewö ohoyök.

Buk kiangö bahöŋi bohonŋi 7 mi kewö:

Jim asa-asari keu aka keu bohonŋi *1.1-17*

Körekŋan siŋgisöndokö amötqeqegöra osizin *1.18-3.20*

Anutunöŋ amöt qem neŋgimakzawangö könaŋi *3.21-4.25*

Kraistpuk malmal döläkŋangö könaŋi *5.1-8.39*

Israel yeŋön Anutugö mötmöt areŋnöŋ malje *9.1-11.36*

Urumelen neŋgö silik ahakmemegö keu *12.1-15.13*

Keu teteköŋi aka nanŋi yaizökzök keuŋi *15.14-16.27*

¹ Pol ni Jisös Kraistkö nup meme azia aka Rom urumelen ambazip embuk keu eraum mötŋingöra kaba kimbi ohozal. Anutunöŋ noholiga melaimelai azi aposol akzal. Anutunöŋ Ölöwak Buŋaŋi jim sehimangöra möwölöhöm niŋgiiga maljal.

² Anutunöŋ oyaŋkoyaen akingö Ölöwak Buŋaŋi indelmapkö keuŋi mi qelŋine jöhöba jiiga kezapqetok ambazipnöŋ möta Buŋa Kimbi töröŋi miangöreŋ ohogetka ahöza. ³ Ölöwak Buŋagö könaŋi mi nanŋi nahönŋi

Jisös Kraist. Yanjön gölme azi ewö kiñ Deiwidkö gwölönarökurupñi yengörenök asuhuyök.

⁴ Suep azi ewö Uñajan solanñi töröñi ahök. Anutunöñ i mem guli-iga kömpunöhök wahöriga kukösumñan aukñe asuhuyök. Anutunöñ mewö mianñon nanñi Nahönñi akzawanğö keuñi mi jim köhöiba kuñgum wanğiyök. Kembuninanğö könanñi mewö. ⁵ Kraistnöñ nupkö ölni kewö asuhumapköra mörök: Neñon kian kantriñi kantriñi liliköba Jisösgö qetñi sutñine jim sehiinga möta urunñi melenđa möt narim wanğiba keuñi tem köla malme. Mianğöra aposol nupñi aka kalem möriamñi mi neñgiiga memba maljin. ⁶ Anutunöñ ambazip Jisös Kraistkö buñaya aka malmegöra engoholöhi, Rom inñi mewöyök yengö sutñine malje.

⁷ Urunñi melenđa Rom sitinöñ maljei, nöñon körek engöra kimbi ki ohozal. Anutunöñ inñi nanñi ambazip sarakñi malmegöra engohola jöpaköm engimakza. Anutu Iwinini aka Kembu Jisös Kraist yetkön mönö kalem möriam engiyohotka luainöñ malme. Mewö köulukömakzal.

Polnöñ Anutu möpöseiba kewö köuluköyök:

⁸ Gölmeñi gölmeñi pakpak yeñon Rom engö mötnariñinanğö kösohotñi jigetka mörakzal. Mianğöra keuni könahiba Jisös Kraistnöñ nam köl niñgiiga körek engöra aka Anutuni saiwap jimakzal. ⁹ Nöñon mötmöt sihimni pakpak Anutugö nupnöñ ala welenni qeba Nahönñanğö Ölöwak Buñanñi jim asarimakzal. Mianğoreñ sundan inñi mötmörim engimakzali, mi Anutunöñ nanğöba jimakza.

¹⁰ Nalö dop kewö jiba köulukömakzal, “O Anutu, nöñon Rom yengören anmamğö möta nalö köröñi lök mambötzal. Mianğöra mönö sihimğahö dop jinöñga köna asuhuiga nalö kewöñe ölop anmam.” Mewö. ¹¹ Engeka mötnariñinan köhöimapköra möta ölop nup memegö mötmöt kalem kun engimam. Mianğöra nalö mutukña engören kaba engekñamğö awöweñgöba maljal. ¹² Kewö akingö awöweñgömakzal: Nöñon engekiga mutulanğöba ni aka inñi denöwö möt narimakzini, mi eraum möta urunöñ nanğöba körö-ölöwak qem angubin.

¹³ *O urumelenj alaurupni, inñi mönö kewö mötmöriba malme: Nöñon kian kantri tosatñi yengö sutñine liliköba urunñi kuñgum engibiga melenğeri, mianğö dop engö sutñine mewöyök ölni asuhui ekñamğö mötzal. Mianğöra nalö gwötpuk lök engören kusuk kamamğö arenj ala malalmö, yuai tosatñan mönö nalöñi nalöñi jöhöm niñgiiga osial. ¹⁴ Anutugö jeñe tosa kewö ahöm niñgiza: Ambazip kambu könanñi könanñi bauköm engimamamğö keuñan mönö nöñgö qakne ahöza. Mötmöt ambazip aka gukmaulem ambazip miengö welenqeqeñini öröröñ akzal. Mindimindiri keu Grik mötzei aka qandam * mala nanñini keuñine irohwaroho jimakzei, mi körek bauköm engimamğö mötzal. ¹⁵ Mewö möta Ölöwak Buñan mi Rom siti engöra mewöyök jim asarimamğö amqeba urukönöp ahakzal. Mewö.

Ölöwak Buñagö kukösumñi kewö:

¹⁶ *Anutugö kukösumñan nini körek mem letot neñgiiga nalö kewöñe Suepkö buñaya akzin. Juda neñon mutuk urunini melenđa mi möt nariin aka nengö andöñine kantri tosatñi yeñon mewöyök mi möt nariget.

* **1:13:** Apo 19.21 * **1:14:** Qandam, Siawari imbinöñ qandak, Nei keunöñ bus kanaka, ambazip arökñe nanñinök töñpin mala mötmöt mirinñi qahö gukmaulemnöñ malget. * **1:16:** Mak 8.38

Miaṅgöra Anutunöŋ kukösumŋi Ölöwak Buṅanöŋ ali ahözawaṅgöra mi algamusum qahö ahakzal. ¹⁷ *Ölöwak Buṅanöŋ mönö solanŋi akingö könaŋi indelakza. Buṅa keu kun kewö ohoget ahöza, “Solanŋi akzawi, yaṅön mönö Anutu möt nariba mewö miaṅön köhöiba mal öṅgöma. Keu miaṅö könaŋi kewö: Nini Anutu könahiba möt nariinga mötnaripnini eka keunini jim teköiga solaniin aka gölmenöŋ malbinaṅgö dop toroqeba möt narim waṅgiba jeŋe solanimakin.” Mewö.

Nenḡö siṅgisöndoköra Anutugö irimṅan seholimakza.

¹⁸ Ölöp solanibinakmö, ambazip keu ölni ahakmemenjan közaṅgöba siksauk memakzei, Anutunöŋ mi Suepnöŋ euyaṅ-göreŋök uba ehi qahö dop köliga irimṅi seholimakza. Ambazip mewöŋi pakpak engeka aṅgöjörakŋi qetala silikŋini bölöṅaṅgöra aka kazikŋi indeli asuhumakza. ¹⁹ Mi kewögöra: Anutugö könaŋi möt kutubinaṅgö dop akzawi, mi mönö nanṅak indel enḡiiga sutnine aukṅeyök ahöiga mörakze.

²⁰ Anutugö malmalṅi qahö ehakzinmö, kukösumŋi mi Suep gölme miwikṅaim etkiba miaṅgöreŋök könahiba kondela mala koriga nalö teteköŋi qahö asuhumakza. Miaṅgöra Anutugö börösöwöŋi törörök ehinga bem aködamunṅambuk akzawaṅgö könaṅan mönö ölöp möt kutubinaṅgö dop akza. Miaṅgöra ambazipnöŋ yuai kunöŋ möndöba nanṅine keuṅinaṅgö likepṅi naṅgöba jibingö osimakze. ²¹ *Anutugö könaŋi möt kutuba malgetmö, töndup “Yaṅön bemnina,” mewö qahö jiba i qahö möpöseigetka qetbuṅaŋi sutṅine qahö ahöyök. Mewö qahö ahöyökmö, keu omanṅi laṅlaṅ mötmörigetka mötmötṅinan löwöriiga mötök aket. Uru mötkutukutuṅini qahö miaṅön mönö ömuṅ köla pandaman meiga jipjap malje. Miaṅgöra “Anutugö könaŋi qahö mötzin,” jiba möndö möndö laṅ aketka qahö dop kölja.

²² “Mötkutukutu ambazip maljin,” jiba silenṅini memba öṅgöba malgetmö, mewö miaṅön uruqahö ambazip akze. ²³ *Anutu qetbuṅaŋi asakmararaṅambuk nalö teteköŋi qahö mal öṅgömawi, i qahö möpöseiba waikṅi qahö memba malgetmö, i mosöta salupṅe tandö lopion aka imut tosatṅi kuṅguget. Tandö lopion söhögetka kaisoṅgolomṅinan azi kömukömuṅaṅgö dop akze. Imut tosatṅi megetka nei sömbup aka gölmenöŋ bapṅinan köla ölölöṅgömakzei, miṅgö dop akze. Yeṅön mi sipköba bem ewö möpöseim enḡiba malget.

²⁴ Mewö aka malgeraṅgöra Anutunöŋ i andö enḡuiga nanṅini uruṅinaṅgö sihim kömbönaṅini laṅ wuatanaṅgöba serowilin aka nanṅini silenṅini gamu qeba mem et al aṅguba malje. ²⁵ Anutugö keu ölni mosöta salupṅe keu munenṅi qekötahöget. Miwimiwikṅai Tonṅi ölna qahö göda qeba welenṅi qahö qeba malgetmö, yuai miwikṅaiyöhi me nanṅini böröṅinan megeri, miaṅö sihimṅi asuhui möta börösöwö miṅgö waikṅini memba möpöseim enḡiba malget. Mewö malgetmö, neṅön miwimiwikṅai Tonini mi nalö teteköŋi qahö möpöseimakin. Keu mi ölna.

²⁶ Mewö aka malgeraṅgöra Anutunöŋ i andö enḡuiga nanṅini sihim kömbönaṅini gamuṅambuk mi laṅ wuatanaṅgöba kewö aket: Yeṅgö ambiurupṅinan awanöm köna diṅdiṅi mosöta nanṅinak melenḡa amimba malget. ²⁷ Azi yeṅön mewöyök ambibuk amimba malmal mosöta goṅgiget. Kaisero akitkö sihim kömbönaṅini mi azi sutṅine öröm aṅguba mötketka könöṅambuk aiga nanṅinak melenḡa amimba aṅgöjörakṅinambuk aka

* 1:17: Hab 2.4 * 1:21: Ef 4.17-18 * 1:23: Dut 4.16-18

malget. Goŋgiba jaubatbat malgeraŋgö likepŋi mi Anutunöŋ dopŋine melen enŋiiga qakŋine öŋgöiga böliget.

²⁸ Anutugö könaŋi möt kutubingöra mötketka eretŋi aiga mosötketka Anutunöŋ mönö mewöŋanök i andö enŋiiga nanŋini mötmötŋini goŋgoŋan galöm köl enŋiiga ahakmeme gamuŋambuk aka memba malget. ²⁹ Ahakmeme goŋgoŋi aka silik bölöŋi könaŋi könaŋi mianŋön uruŋini kokolak qeiga kewö ahakze: Yuaigö nepaqepalok membagan membingö köpösöŋgöba isimkakalek ahakze. Tosatŋi yeŋgöreŋ yuaigöra körögisigisi ahakze. Ambazip enŋuget kömumakze. Anŋururuk aka tosatŋi tilipköm enŋimakze. Ambazip tosatŋi jiliwitiŋ qakŋe bölöŋi ak enŋibingö mörakze. Keu ambazip kezapŋine saŋep alget geiga diwoŋdawoŋ anakza.

³⁰ Andöqeŋe keu jimakze. Anutugö yom jimakze. Silik bölöŋi könöpŋambuk tem köla wuatanaŋgömakze. Jakbak-öraŋböraŋ aka silenŋini memba wahörakze. Silenöŋ alal aka silik bölöŋi murutŋi murutŋi mi-wikŋaimakze. Iwinam keuŋini qahö tem kölakze.

³¹ Mötmötŋini qahö tohoiga uruqahö mala keu laŋ jöhöba qahö wuatanaŋgömakze. Ala-ala qahö aka tosatŋi yeŋgöra wösömötmöt qahö ak enŋimakze. ³² Anutunöŋ köna diŋdiŋi kewö jim kutui ahöza: Ambazip bölöŋi mewöŋi ahakzei, yeŋön mönö kömup köhöikŋaŋgö buŋaya akŋeanaŋgö dop akze. Yeŋön jimkutukutu mi möt asarizemö, töndup nanŋinak bölöŋi mi ahakze aka miyök qahöpmö, tosatŋan mewö aketka “Ölöp!” jiba imbi köla naŋgöm enŋimakze. Mewö.

2

Anutunöŋ keunini kewöta diŋdiŋanök jim tekömakza.

¹ *O alani, gi tosatŋi yeŋgö keuŋini jim tekömakzan me qahö? Gi tosatŋi yeŋgö keuŋini jim teköba nangak ahakmeme miyöhök ahakzan. Mianŋöra alagahö keuŋi kun jim teközan ewö, mönö nangahö keu mewöyök jim tekönöŋga mianŋö lömbötŋan nangi qake öŋgöma. Mianŋöra öŋgöŋgöŋi me eretŋi akzani, mi töndup mönö yuai kunöŋ möndöba nangahö keugö likepŋi naŋgöba jimamgö osimakzan. ² Ambazip ahakmeme bölöŋi mewöŋi ahakzei, Anutunöŋ yeŋgö keuŋini keu öŋnaŋgö dop kewöta jim tekömakza, mi mötzin.

³ Mianŋöra denöwö mötmörizan? Gi gölme azia aka töndup yuai mewöŋi ahakzei, yeŋgö keuŋini jim teköba nangak ahakmeme miyöhök aknöŋga dop kölja me qahö? Anutunöŋ keugi kewöta jim teköba likepŋi melen gihiiga öŋna göhö qake öŋgöma. Anutugöra jeŋe qahö mömölaköba asambötman.

⁴ Anutunöŋ ala ak neŋgiba bölöŋamninanaŋgö likepŋi zilaŋ qahö melenmapmö, mamböta möta mökösoŋmakzawi, keu mianŋöra jijiwilit akzan me? Anutunöŋ uruölöpŋi kondela urugi melen-mangöra öröm gihimakzawi, mianŋöra tönpin malbanbuk. ⁵ Gi kezapjupjup aka urugi qahö melenmani, mewö mianŋön Anutugö jeŋe qahö mömölakömanmö, irimsesewölŋan göhö qake sehiba öŋgöma. Kazik nalöŋan kam kuŋguiga keunini diŋdiŋanök jim teköma. Likepŋi melen neŋgimawi, nalö mianŋöreŋ irimsesewölŋi mönö aukŋe indeliga eka mötpin.

⁶ *Anutunöŋ mönö “Ahakmemeninanaŋgö dop mohot mohot neŋgöra likepŋi melen neŋgimawi,” mi kewö: ⁷ Anutunöŋ qetbuŋaŋi neŋgimapköra

* 2:1: Mat 7.1; Luk 6.37 * 2:6: Sum 62.12; Qam 24.12

mamböta aködamuninambuk akingöra kapan köla pöndañ kinda nup ölopñi ölopñi memba maljini, nengöra malmal köhöikñi nengima. Mi nenggiiga nalö teteköñi qahö oyaenköyaen mal öngöbin. ⁸ Mewö mal öngöbinmö, ambazip nanñinañgörök mötmöriba girinjabak memba Buña keu ölni andö qeba keu bölöñi wuatañgömakzei, Anutugö irimñan mönö mianğöra sehiliiga kazikñi ali qakñine öngöma. ⁹ Kazikñi mi mutuk Juda nengö qakñine öngöiga nengö andönine kantri tosatñi aiaka bölöñi ahakzei, körek yengö qakñine mewöyök öngöiga sihimbölö kahasililij möta malme.

¹⁰ Mewö malmemö, Juda aka nengö andönine kantri tosatñan mewöyök urunini melenđa aiaka ölopñi ahakzini, Anutugö aködamunñan mönö körek nengö qakñine öngöiga qetbuña nenggiiga luainöñ malbin. ¹¹* Anutunöñ ambazip tosatñi qahö nenggek soriba tosatñi qahö qepureim enjgimazpämö, dop mohotnöñ kewöt nenggimakza.

¹² Mianğö könañi kewö: Kantri tosatñi yeñön Anutugöreñ Köna keu qahö oyoñda möta siñgisöndok lañ ahakzei, yeñön mönö körekñanök tönpin mala ayuhume. Juda neñön Anutugöreñ Köna keu oyoñda möta töndup siñgisöndok ahakzini, Anutunöñ mönö keu mianğö dop körek kewöt nenggiba keunini jim teköma. ¹³ Ambazip Anutugöreñ Köna keu öne mörakzei, yeñön Anutugö jeñe solanñi qahö akze. Qahöpmö, Köna keu tem köla wuatañ-gömakzei, Anutunöñ mönö yengö keunini jim teköiga solanize. ¹⁴ Kantri tosatñan Anutugöreñ Köna keu qahö memba maljemö, tosatñan töndup lañ nanñini imbi mianğö dop mötmöriba ahakze. Anutugö köna keunji qahö mötzemö, töndup mötmötñinan jim kutum enjgiiga Anutugö köna keugö dop aka mianğö bapñe malje.

¹⁵ Mewö maljeañgö könañi mi aukñe asuhuba kewö ahöza: Anutunöñ ambazip miwikñaim nenggiba mianğöreñ Köna keuñangö jimkutukutunji mi körek nengö urunine ali ahöza. Mianğöra Anutunöñ keunji jiba sañep alakzawi, mi kian kantri yeñön mewöyök mörakze. Mi uruninañgö kezapñan mötketka keunini jiiga Anutubuk öröröñ mörakze. Anutunöñ urumötmöt enjgiyöhi, mianjön nalö tosatñe keu jakeñe ala kuñgum enjgiiga möt bölimahakze aka nalö tosatñe keunini nanğöba jiiga möt ölöwahakze. ¹⁶ Ölöwak Buña jim asarimakzali, mianğö dop nalö ketañe kewö asuhuma: Kraist Jisösnöñ Anutu bauköm wangiiga ambazip nengöreñ keu tölapñi tölapñi kewöta jim teköm nenggima. Mewö.

Köna keu mianjön könañamnini denöwö indelja?

¹⁷ Gi nangi qetki Juda azia qeta Köna keunöñ amöt qem gihimapkö möt nariba “Anutugö buñaya akzal,” jiba silegi möpöseinöña dop kölja me qahö? ¹⁸ Gi Anutugö jittañgö dop malmalgö keunji möt sölöngöba maljan. Anutugö Köna keu kusum gihigerañgöra aka köna qetpuk sorok wuatañgömanğö jiba keu pakpak kewöta ölni aka muneñi menderñmakzan. ¹⁹ Gi “Ölop jegömöl ambazip alabaukñini aka enjguañgitmam,” jiba aiweliköm añgumakzan. Söñaupnöñ maljei, mi mem asarim enjgimanañgö dop awösamkakak akzan.

²⁰ Mewö aka kewö jimakzan, “Köna keu kusum niñgigetka mötkutukutu lök miwikñaiiba keu ölnañgö könañi mötzal.” Mewö jiba amqeba kewö jimakzan, “Ni ölop ambazip mötmötñini qahö yengö böhiñina akñam. Ölop mönö namande yengö qaçazurñina aka kusum enjgimakñam.” ²¹ Mewö jiba tosatñi kusum enjgiba wuanöñgöra nangi qahö kusum añgumakzan?

* 2:11: Dut 10.17

“Yongorö kude meman,” jiba ambazip urunini kunjum engimakzanmö, nangak yongorö meme aknönnga qahö dop kölja.

²² “Sero yongorö kude akjan,” mewö jinön mötketka nangak kaisero akzan me qahö? Tandö lopion sisit mem engimakzanmö, tündup nangak jöwöwöl jikenön öngöba yuainj anjön köla kiom qeba memakzan. Mi qahö dop kölja.

²³ Anutugörej Köna keubuk maljanağöra silegi lañ memba öngömakzanmö, nangak mi walönda mewö mianön Anutugö qetbuñaji memba et ala malnönnga gamuñambuk ahakza. ²⁴ *Miangö keuñi mi Buña Kimbinön kewö ohoget ahöza, “Engö silikñinanğöra aka kian kantri könagesö yeñon Anutugö qetñi ilita sutñine mepaqepaik ahakze.”

²⁵ Anutugörej Köna keu wuatangöba maljan ewö, Anutugö aiwesökñi silege yandigeri, mianön mönö bauköm ghiiga dop kölja. Mi dop köljamö, köna keu walönda sinğisöndok ahakzan ewö, mönö aiwesöki qahö memenji mewö tandök aka öne lañ maljan. ²⁶ Tosatñan Anutugö aiwesökñi silenine qahö yandigetka tündup köna keugö jimkutukutuñi wuatangömakze ewö, Anutunön aiwesök mi silenine ahözawañgö dop ewö engehiga dop kölja.

²⁷ Mewö engehiga yeñgörejök kunjan ölop Köna keugö dop göhö keugi töhöñji kewöta jim teköiga etman. Anutugö aiwesökñi silege yandigetka Köna keugö bohonñi mohot mohot möt anjön köla maljanmö, mi walönda sinğisöndok ahakzanangöra aka etman. ²⁸ Azi kunjan silenöhök Juda azia akza ewö, yañon mönö Juda azi ölni qahö akza. Mewöyök Anutugö aiwesökñi sileneyök yandigetka yangiseñ ahakze ewö, mi mönö aiwesök omanj, ölni qahö.

²⁹ *Ölni qahöpmö, azi kun uruñan Juda azia akzawi, yañon mönö Juda azi ölni akza. Mewöñanök Anutunön urunini qesönda Uñaji Törönji miangörej ali maljawi, mianön mönö aiwesök ölni akza. Köna keugö bohonñi wuatangöba azi silenji yandigetka gölme ambazipnön mötketka öngömakzapmö, Anutunön aiwesökñi urunine kinjawañgöra möri öngöi möpösem neñgimakza. Mewö.

3

Anutunön keuñi pöndañ wuatangömakza.

¹ Mewö ahöiga Juda ambazip maljini, mianön mönö denöwö bauköm neñgibawak? Anutugö aiwesökñi silenine yandigeri, miangö ölnan mönö denöwö ahum neñgiza? ² Ölnan mönö malmal pakpak miangörej gwötpuk ahuba ölna bauköm neñgimakza. Miangö keuñi mutukñi kewö: Anutunön Buña keuñi neñgiiga buñanina aiga maljin.

³ Mewö maljinmö, neñgörejök tosatñan Anutu qahö möt narim wañgiba malgetka denöwö ak engima? Yangiseñ malgerağö likepñi melenđa mönö denöwö ak neñgima? Urukalemñi jöhöba anjön köliga omanj akña me denöwö? ⁴ *Mi qahöpmahöp! Nini körek pakpak muney ambazip akzinmö, Anutunön öl töhöñji akza. Anutugö könanj mi Buña Kimbinön kewö ohoget ahöza,

“Keu jakene ala qesim gihigetka keugahö likepñi jim asariba miangörej diñdini aka luhut al engiba kinman. Göhö könanamgi mewö mi-wikñaiba nanğöba jime.”

* 2:24: Ais 52.5 * 2:29: Dut 30.6 * 3:4: Sum 51.4

⁵ Neñon ahakmeme gonjonji wuatangöinga Anutunöñ qindinjaim neñgiiga ahakmemeñi diñdijan mewö aukñe asuhuza ewö, neñon keu miangöra mönö denöwö jibinak? Ni keu mi gölme ambazip mötmötkö dop kewö jizal: Anutunöñ likepñi melenñiga irimsesewölñan çaknine öngözawi, yanğö mötmötñan mewö gonğiza me qahö? ⁶ Qahö, mi yapmakek! Anutunöñ gonjonji akawak ewö, yanjon gölmeñi gölmeñi neñgö keunini mönö denöwö kewöta törörök jim teköbawak?

⁷ Nöñon munenñ azia akiga Anutunöñ keuñi ölñan qindinjaim neñgiiga yanğö qetbuñanjan mewö aukñe asuhum tinğitza. Mewö aiga nöñon siñgisöndok ahali, Anutunöñ miangö keuñi mönö denöwögöra jim teköza? Nömosöri nani imbi-imbi malbi dop kölbawak me qahö? Keuñan mönö qahö löwöriba etma. ⁸ Mönö kewö jünga dop kölbawak, “Nini ölop bölöñi toroqeba ahinga Anutunöñ mi qindinjaiiga ölopñanğö ölñan asuhuiga keuñan qetbuñanambuk akña.” Tosatñan neñgöra keu sirongen mewö jiba toroqeba kewö jimakze, “Polnöñ keu mewö jiba miangö dop lañ ahakza.” Mewö aka jigeranğö keuñi mi Anutunöñ kewöta dopñine jim teköm enğima, mötzal. Mewö.

Ambazip kunñan solanñi qahö akza.

⁹ Keu mewö eraum möta mi denöwö jim teköbinak? Juda neñon kantri tosatñi enğonğita Anutugö jeñe diñdiji akzin me qahö? Saumbanj! Miangö keuñi lök qeljiñe kewö jim köhöinin: Juda me kantri tosatñi akinak, nini körekmakörek siñgisöndok ahinga köpeim neñgiiga maljin. Miangöra silenini memba öngöbingö osimakzin. ¹⁰ *Miangö keuñi mi Buña Kimbinöñ kewö ohoget ahöza, “Kunñan kun solanñi diñdiji qahö kötökñi akza.

¹¹ Kungö uruñe mötmöt qahö ahum kutui lañ malje. Kunñan kun Anutu miwikñaimangö qahö kapan kölakza.

¹² Qahöpmö, köreknjan mönö köna onğita janjuñ aka malje.

Körekmaköreknjan mönö böliba Anutugö jeñe anğöjörakñinambuk akze.

Ölopñi ahakzawi, mohot-töwa kun mi qahöpmahöp miwikñajizal.

¹³ *Nesilamñinan isimkakalek ahakze.

Jöl ginaginanjanan çaksirigö löm ewö anañjiba kiniga kömupkö çösösökñi ewö mianjon ambazip lañ ayuhum enğimakze. Keu bölöñi mi çatögö jitñi möröm warabe ewö numbuñine kokolak qeba ahöiga jitñinan ambazip lañ enğöhömakze.

¹⁴ *Sait keu kömbukñambuknöñ mönö numbuñini kokolak qeiga ambazip lañ qesuahöm enğimakze.

¹⁵ *Ambazip lañ enğuba sepnini mokomegöra könanjanan kik-kek ösumok anda kamakze.

¹⁶ Könanjini gonğii maljeanğö aiwesökñini kewö akza: Denike lilikömakzei, miangöreñ mönö köndenñ-möndenñ aketka ambazip uruñinan böliba kömbuhi-makza.

¹⁷ Luainöñ malmalgö könanji mi qahö möt kutum yaköze.

¹⁸ *Anutu göda qebingö keuñi mi uruñine qahö ahöza. Jitñi onğitpinbuköra keñgötñini qahö möta önewat lañ malje.”

Anutugöreñ keu mewö ahöza.

* **3:10:** Sum 14.1-3; 53.1-3 * **3:13:** Sum 5.9; 140.3 * **3:14:** Sum 10.7 * **3:15:** Ais 59.7-8

* **3:18:** Sum 36.1

¹⁹ Anutunöŋ Köna keu kewögöra nenŋiyök, mi mötzin: Köna keu pakpak mianön gölme dop jöhöm nenŋimakza. Nini keu miangö bapŋe anda tem köla malinga dop kölma. Qahö tem kölbin ewö, Anutunöŋ mönö likepŋi melen nenŋii ayuhubin. Miangöra sömbunini möta möndömöndönini mosöta keu böc mala tem köl wanŋiinga dop kölma. Anutunöŋ ambazip kōnanini mewö indelöha ahöza.

²⁰ *Kōna keunöŋ jöhöm nenŋimakzapmō, nini lökŋanök mi wuatangöbingö osimakzin. Anutugöreŋ Köna keunöŋ sinŋisöndok qiwikŋaiiga aukŋe eka ölop möt kutubinmō, kōna mianön Anutugö jeŋe solanŋi akingö osibin. Mewö.

Solanŋi akinanŋö kōnanŋi mi mötnarip.

²¹ Naninak osimakzinmō, Anutunöŋ Köna keu wuatangöba solanŋi akingöra mi qahö jiyökmō, kōna murutŋi kewö arengöba jii ahöza: Anutunöŋ nanŋak keunini jim teköiga yanŋö jeŋe solanibin. Anutunöŋ keu mi Moses aka kezapqetok ambazip yengöra indeliga nangöba jiba Buŋa Kimbinöŋ ohogetka nalö kewöŋe aukŋe asuhuiga mötzin.

²² *Miangöra denike denike neŋön Jisös Kraist möt narizini, Anutunöŋ mönö körek nenŋö keunini jim teköiga solanibin. Ambazip kambu murutŋi murutŋi neŋön Anutugö jeŋe öröröŋ akzin. ²³ Ambazip körek neŋön sinŋisöndok aka Anutugö asakmararanŋgöra osizin.

²⁴ Mi osizinmō, Anutugö kalem möriamŋan asuhuiga Kraist Jisösnöŋ sohoppini meyök. Anutunöŋ kalem miangöra aka keunini jim teköiga solanibin. ²⁵ Mutuk sinŋisöndok aka malgeri, Anutunöŋ mi möta mökösoŋda likepŋi zilaŋ qahö melenŋ enŋiyök. Mi qahö melenŋ enŋiba nanŋi ahakmeme solanŋan aukŋe asuhumapkōra möta Kraist Jisös jöwöwöl sömbup ewö aliga qeget kömuiga Anutugö jeŋe köl könjōrat nenŋimapkō kōnanŋa ahök. Sepŋi mokoyōhi, mi möt nariinga mewö mianön sinŋisöndoknini mosōri solanibin. ²⁶ Kōnanŋi mi nalö kewöŋe aukŋe asuhumapkōra möta Jisös mewö ak wanŋiyök. Anutugö ahakmeme solanŋi mi kewö: Nanŋak solanŋi akza aka kunŋan Jisös möt narizawi, mönö yanŋö keunŋi jim teköiga solanimakza.

²⁷ Mewö aiga mönö wanigöra silenini mem öngöbinak? Yuai kungöra aka qahöpmahöp. Köna keu wuatangöba solanŋi akingöra mi osizin. Mewö solanŋi qahö akinmō, Jisös möt nariinga Anutunöŋ nenŋeka keunini jim teköiga solanimakin. ²⁸ Keu ki jim teköba kötŋi kewö jim köhöizin: Köna keu wuatangömakzinanŋgöra qahöpmō, Jisös möt narim wanŋizinanŋgöra aka Anutunöŋ keunini jim teköiga solanimakin. ²⁹ Anutunöŋ Juda nenŋö Anutuninanök qahö akza. Mönö kantri tosatŋi yengö Anutuŋina mewöyök akza me qahö? Mönö yengö Anutuŋina mohot akza.

³⁰ *Anutunöŋ mohot akza. Miangöra silenini yandiget maljini, neŋön möt narim wanŋiinga mem solanim nenŋimakza aka silenŋini qahö yandiget maljei, mi mewöyök möt narim wanŋigeranŋgöra aka mem solanim enŋimakza. ³¹ Mötnarimegö keu jiba mianön kunŋum enŋiba mewö mianön Köna keu memba et alinga omanŋi akŋa me qahö? Mi yapmakek qahöpmō, Anutugöreŋ Köna keu mi qahö qeapkōmakzinmō, mi mem köhöimakzin. Mewö.

* 3:20: Sum 143.2; Gal 2.16

* 3:22: Gal 2.16

* 3:30: Dut 6.4; Gal 3.20

4

Abrahamnōŋ Anutu mōt nariba solanŋi ahök.

¹ Nini bōmōn jalōnini Abrahamgō kōnaŋaŋgōra denōwō jibin? Yaŋōn Anutugō kōnaŋi denōwō miwikŋaiba yaŋgō jeŋe solanŋi ahök? ² Ōlŋa, Anutunōŋ yaŋgō keuŋi ahakmemeŋi ōlōpŋaŋgōra aka jim tekōiga solanibawak ewō, yaŋōn mianŋgōra ōlōp silenŋi memba ōŋgōbawakmō, mi Anutugō jeŋe qahō. ³ *Mianŋgō keuŋi Buŋa Kimbinōŋ kewō ohoget ahōza, “Abrahamnōŋ Anutu mōt nariiga mōtnariŋi ehi dop kōliga keuŋi jim tekōiga solaniyōk.” Keu mewō ahōza.

⁴ Keuŋi mōnō kalema jim tekōiga solaniyōkmō, kunŋan nup meiga galōmŋan tōwaŋi kalema qahōpmō, nup memakzawangō dop ek kewōta tōwaŋi waŋgimakza. ⁵ Gōlme galōmnōŋ mewō waŋgimakzapmō, Anutunōŋ aŋgōjōrak ambazip neŋgō keunini jim tekōiga solanimakin. Mianŋgōra kunŋan oyaenŋkoyaen akŋamgōra nup qahō memba Anutu ōne mōt narim waŋgizawi, Anutunōŋ mōnō mōtnariŋi mi ehi dop kōliga keuŋi jim tekōiga solanima.

⁶ Deiwidnōŋ mewōyōk keu mianŋgō kōnaŋi naŋgōba keu kewō indela jiyōk, “Kunŋan oyaenŋkoyaen akŋamgōra nup qahō meiga Anutunōŋ mōtnariŋi ehi dop kōliga keuŋi jim tekōiga solanizawi, yaŋōn mōnō simbawōŋ akza.” ⁷ *Mewō jiiga keuŋi mi kewō ohoget ahōza, “Ambazip Kōna keu walōŋgetka Anutunōŋ ŋiŋgisōndokŋini mosōta kōl kōnjōrari maljei, yeŋōn mōnō simbawōŋ akze.

⁸ Kembunōŋ kungō ŋiŋgisōndokŋi saŋgoŋda ehi dop kōliga likeŋi qakŋe qahō ali ōŋgōmawi, yaŋōn mōnō oyaenŋkoyaen akza.”

Keu mewō ahōza.

⁹ Anutunōŋ oyaenŋkoyaen akingō kōnaŋi mewō indela Anutugō aiwesōkninambuk neŋgōrōk jii ahōza me qahō? Mi qahō. Mi mōnō kantri tosatŋi aiwesōkŋini qahō yeŋgōra mewōyōk ahōza. Neŋōn lōk kewō jiba ohozin, “Abrahamnōŋ Anutu mōt nariiga mōtnariŋi ehi dop kōliga keuŋi jim tekōiga solaniyōk.”

¹⁰ Mōnō wani nalōnōŋ ehi dop kōliga keuŋi jim tekōiga solaniyōk? Anutugō aiwesōkŋi silenŋe yandiget malōhi, nalō mianŋgōreŋ qahōpmō, mutuk ōne malōhi, Anutunōŋ mōnō nalō mianŋgōreŋ mōtnariŋi ehi dop kōliga keuŋi jim tekōiga solaniyōk.

¹¹ *Mutuk ōne mala Anutu mōt nariiga keuŋi jim tekōiga solaniyōk. Mianŋgō andōŋe dop kōljawangō aiwesōkŋi mi silenŋe yandimegōra jiiga muŋgem supap ewō ahök. Mewō aiga yaŋgō andōŋe Anutugō aiwesōkninambuk qahō mala mōt narim waŋgiinga mōtnariŋini ehi dop kōliga keunini jim tekōiga solanibini, Abrahamnōŋ kōrek neŋgō bōmōn jalōnina ahök. ¹² Bōmōn jalōnini yaŋōn ōne mala nalō mianŋgōreŋ uruŋi melenŋa Anutu mōt nariba malōhi, nini aiwesōkninambuk yaŋgō dop aka maljin. Anutugō aiwesōkninambuk mala urunini melenŋa maljini, mōnō neŋgō bōmōnina mewōyōk ahök. Aiwesōk yandim neŋgigetka ōne laŋ qahō maljinmō, Abrahamgō kōna lasuŋi wuatangōba mōt narimakzin. Mewō.

Anutugō jōhōjōhō keu mōt nariinga ōlŋambuk akŋa.

* **4:3:** Jen 15.6; Gal 3.6 * **4:7:** Sum 32.1-2 * **4:11:** Jen 17.10

13 *Anutunöŋ Abraham gölme buŋa qem waŋgiiga tonji aiga gwölönarökurupŋan yaŋgö andöŋe mewö mal öŋgömegö keuŋi jiba jöhöyök. Keu mi Köna keu wuatangöyöhangöra aka qahö jiyökmö, Anutunöŋ mötnariŋŋi ehi dop köliga keuŋi jim teköi solanŋi ahöhangöra keu mi jiyök.

14 *Tosatŋan oyaenköyaen akingöra Köna keunöŋ qekötahöba mewö mianöŋ Anutugöreŋ yuai mi buŋa qem angubeak ewö, yeŋön mönö möt naribingö keuŋi qeapkögetka omanji akawak. Mewö Anutugö jöhöjöhö keugöra qahö osiinga keu mianöŋ omanji akapuk. 15 Anutugöreŋ Köna keu walöŋninga irimŋi seholiiga kazikŋan qaknine öŋgömakzapmö, Köna keu qahö ahöbawak, mewö siŋgisöndokö keuŋi qahö jibinak.

16 *Abrahamnöŋ mewö mindirim neŋgiba körek neŋgö bömöŋini akza. Miangöra jöhöjöhö keuŋi neŋgiyöhi, mi Köna keunöŋ qekötahömakzei, yeŋgörök qahöpmö, Abraham ahök ewö möt narimakzini, neŋgöreŋ mewöyök öljambuk akŋapköra mörök. Miangöra Anutunöŋ jöhöjöhö keuŋi mi kewö arengöba alök: Mi möt nariinga ölnji körek neŋgöra kalema neŋgiiga kalem möriamŋan aukŋe asuhumakza.

17 *Abrahamgö keuŋi kun mi Buŋa Kimbinöŋ kewö ohoget ahöza, “Nöŋön gi kuŋgum gihibiga ambazip könagesö gwötpuk yeŋgö iwiŋina akŋan.” Keu miangö dop Abrahamnöŋ Anutugö jeŋe iwi ak neŋgimakza. Anutunöŋ kömukömuŋi mem gulim eŋgimakza. Könagesö malmalŋini qahö, mi jebuk maljeangö tandök ewö eŋgoholi asuhumakze. Abrahamnöŋ mönö Anutu mewöŋi möt narim waŋgiyök.

18 *Anutunöŋ mutuk Abrahamgöra kewö jii mörök, “Göhö gwölönarökurupkan ahum sehigetka jaŋgöŋini seŋgelau ewö aiga malme.” Jöhöjöhö keu mi möta denöwö öljambuk asuhubawak, mi qahö mörökmö, mi töndup jörömqöröm aka ambazip könagesö gwötpuk yeŋgö iwiŋini akŋangö mamböta malök. Jöhöjöhö keu mutukjaŋgö dop asuhumapköra mönö Anutu möt narim waŋgiba malök. 19 *Saragö köröŋan morö memegö dop qahö aiga nanŋak yambuŋi lök 100:kö dop ahök. Miangöra nanŋi mötmöriiga lök azi namŋi sileŋi waziba sohohoholiŋi ahökmö, töndup Anutugöreŋ keunöŋ öljambuk akŋapköra möt narim waŋgiba maliga Abrahamgö mötnariŋŋan qahö sörauba löwöriyök.

20 Qahö löwöriyökmö, keuŋan öljambuk akŋapkö möt nariba miangöreŋ köhöiba kinök. Anutugö jöhöjöhö keugöra uruŋan an qem kam qem uruyahöt qahö ahökmö, mötnariŋŋan köhöiiga Anutu möpöseiba maliga Anutugö qetbuŋaŋan sehiyök. 21 Anutunöŋ yuai asuhumapkö keuŋi jiba jöhöba mi ak tekömangö köhöimakzawi, mi möt köhöim teköba uruyahöt kun qahö aka malök. 22 Mewö aka malöhangöra Anutunöŋ Abrahamgö mötnariŋŋi ehi dop köliga keuŋi jim teköiga solaniyök. 23 Mötnariŋŋi ehi dop köliga keuŋi jim teköiga solaniyöhi, keu mi Abrahamgörök qahö ohoget ahöza.

24 Abrahamgörök qahöpmö, neŋgöra aka mewöyök mi ohoget ahöza. Nini Kembunini Jisös mem gulii kömupnöhök wahöröhi, Anutu ia möt narim waŋgiinga mötnariŋŋini ehi dop köliga jim teköm neŋgiiga solanibin. 25 *Anutunöŋ neŋgö siŋgisöndok-ninangöra aka Jisös qahö angön köli

* 4:13: Jen 17.4-6; 22.17-18; Gal 3.29

* 4:14: Gal 3.18

* 4:16: Gal 3.7

* 4:17: Jen 17.5

* 4:18: Jen 15.5

* 4:19: Jen 17.17

* 4:25: Ais 53.4-5

kömuyök aka solanji akingöra aka mem guliiga kömupnöhök wahöta malja. Mewö.

5

Anutugö jeje solaniba söngaiba luainöñ maljin.

¹ Neñön Anutu möt nariinga keunini jim teköiga solanizin. Mianğöra Kembunini Jisös Kraistnöñ mönö nam köl neñgiiga Anutubuk luai miwikñaiba maljin. ² Mewöyök Jisös Kraist möt nariinga nam köl neñgiiga kalem möriam buja qem angubingö könaji miwikñaiba nalö kewöñe kalem möriam uruñe maljin. Anutugö asakmararañ uruñe angotpingö jörömqöröm aka söngaimakzin.

³ Mianğörök qahö söngaimakzinmö, wahöjalij möta mianğöra mewöyök söngaimakzin. Köñjilij möta mökösoñda mewö mianğön kapañkölköl miwikñaibin. Mi möta mianğöra söngaimakzin. ⁴ Kapañkölköl miwikñaiba esapesapnöñ köhöiba kinbin. Esapesap-nöñ köhöiba kininga jörömqörömninan köhöimakña. ⁵ Anutunöñ Uña Töröñi al neñgiiga köna asuhuiga urukalemñi mokoiga urunine geiga maljin. Mianğöra jörömqöröm aka oyaenköyaen akingö al mamböta gamumamusum qahö miwikñaibin.

⁶ Mianğö könaji kewö: Nini mutuk lölöwöröñi ösumnini qahö malini, Kraistnöñ mönö nalö diñdiñ mianğöreñök kömumba ambazip añgöjörakninambuk neñgö sohopnini meyök. ⁷ Kunöñ Köna keu törörök wuatangöba diñdiñ akzawi, ala mewöñangöra kunñan ölop qahö kömumbawak? Mi möriga osibawakmö, kunöñ urukalem gwötpuk ambazip ak engimakzawi, alañ kunñan yangöra aka ölop silenji kölenja kömumangö mötpawak.

⁸ Ambazipnöñ mewö ahakzinmö, Anutunöñ uruñan jöpaköm neñgimakzawi, yañön mi kewö kondelök: Yañön Kraist melaiiga eta mutuk añgöjörak ambazip malini, nalö mianğöreñök mönö neñgöra aka kömuyök. ⁹ Kömuiga nalö kewöñe seppan sañgonja jim teköm neñgiiga solaniba maljin. Töndup mi korembenji ewö aiga ölnan mönö könangep kewö asuhuma: Anutunöñ siñgisöñ-dokö urukönöñji aukñe kondeliga yuai kanjamñambuk gölmenöñ asuhuma. Mi asuhuiga Anutugö jeje solanji akzinangöra Jisösnöñ mönö jenbereren mianğöreñök meköm neñgiiga oyaenköyaen akin.

¹⁰ Nini mutuk Anutugö kerökurupñi malini, nalö mianğoreñ nanñi Nahöññi melaii kömumba mianğön töwanini ahiga Anutubuk ala-ala ahini. Ahini, mianğön korembenji akzapmö, ölni bohonñan könangep kewö asuhuma: Töwanini ali Anutugö alaurupñi malinga Jisösnöñ köhöiba maljawangöra mönö amqeba meköm neñgiiga oyaenköyaen akin. ¹¹ Kembunini Jisösnöñ Anutugö amötqeqe nupñi meiga Anutunöñ töwanini ali yambuk ala-ala ahini, miyöhök qahöpmö, ölna Anutubuk jöpaköm anguba kinda köirañ köla söngaimakzin. Mewö.

Adamgöra aka köhömuñi akzinmö, Kraistköra aka gulibin.

¹² *Azi mohotnöñ siñgisöndok gölmenöñ kondoriga asuhuyök. Anutunöñ siñgisöndok mianğö likepñi aliga kömup asuhuyök. Mianğö dop ambazip körek neñön siñgisöndok aka malinga kömupnöñ mianğöra ambazip körek pakpak dop köl neñgi maljin. ¹³ Mutuk Köna keu qahö asuhuiga

* 5:12: Jen 3.6

nalö mianğoreñ mewöyök singisöndok lök aukñe asuhaba ahöyökmö, Köna keu qahö ahöiga singisöndokö keuñi mi qahö jim kewöta lañ malget.

¹⁴ Adamgö nalöneyök könahiba lañ mala kotketka Mosesgö nalöñe Köna keu asuhuyök. Ambazip nalö sutñe mianğoreñ singisöndok aketmö, Adamnöh köna walöñnöhi, mianğö dowök qahö walöñda malgetmö, kömupnöh töndup i mewöyök galöm köl enğii malget.

Adam, azi mutukñi yañön mönöh azi kun kamawanğö söpsöpña ahök.

¹⁵ Söpsöpña ahökmö, könañiri mi öröröh qahö akzahot. Adamnöh Köna keu walöñda eri singisöndok asuhum sehiba ambazip gwötpuk dop köl enğiiğa kömumba malget. Mi kömupkö könañi akzapmö, oyaenköyaen akingö könañi mi kun. Mi kewö: Azi mohot Jisös Kraist yañön nam köl neñgiba kalem möriamñi indeliga Anutugö kalemñan aukñe asuhaba ambazip gwötpuk dop köla qesalöpköm nengiyök. ¹⁶ Toroqeba kewö jimam: Köna yahöt mi öröröh qahö akzahot. Azi mohotnöh singisöndok aiga Anutunöh keuñi jim teköiga singisöndok ambazip körek neñön könöp siagö buñaya akzin. Mi gölme azigö könañi akzapmö, Suep azigö könañi mi kun. Mi kewö: Nalö gwötpuk Anutugö Köna keu walöñninga kalemñi kondela jim teköm neñgiğa solanimakzin.

¹⁷ Mi dumge jimam: Azi mohotnöh Köna keu walöñda kömup kondoriga ambazip körekmakörek kömumba maljin. Adamgö singisöndoköra aka kömupnöh körek dop köla galöm köl nengii lañ malin. Mi köna etqeçen akzapmö, Anutu ösum-mumuñangö könañi mi kewö: Ambazip nini solanñi akingö kalemñi mi kelenmaleleñ buña qem anguba kalem möriamñangö uruñe maljini, neñön mönöh oyaenköyaen akin. Azi mohot Jisös Kraist yañön nañgöba inahöm neñgiğa suahö *

¹⁸ Dumge kunbuk jimam: Azi mohotnöh Anutugö Köna keu walöñda eri Anutunöh keuñi jim teköiga ambazip körek neñön könöp siagö buñaya ahin. Mewöñanök azi kunñan solanñi akingö kondoriga urunini melenninga Anutunöh ölop ambazip pakpak nengö keunini jim teköiga solaniba köhöiba mal öngöbin. ¹⁹ Dumge kunbuk kewö jimam: Azi mohotnöh qeçetal aka singisöndok bohon köli sehiğa ambazip sehisehiñi neñön melennda singisöndok ambazip ahin. Mewöñanök azi kunñan Anutugö jitñi tem köla singisöndokninangö töwanñi aliga köna asuhuiga Anutunöh ambazip sehisehiñi nengö keunini jim teköiga solanibin.

²⁰ Mutuk öne lañ mala kotketmö, Mosesgö nalöñe Anutunöh Köna keu ambazip singisöndokñini möt kutumegöra toroqem enğiyök. Mi toroqem enğiyökmö, mi mötketka singisöndokñinan sehiba aukñe asuhuyök. Mewö aiga Anutunöh mönöh kalem möriamñi mewöyök mem sehiğa singisöndok oñgita asuhuyök. ²¹ Singisöndokö kukösumñi mi ketanñi. Mianğöra singisöndok ahinga mianñön galöm köl nengiiğa köhömuñi mala kömumba mala korin. Anutugö kalem möriamñi mianñön mönöh mewöñanök kukösumñambuk akza. Jisös Kraist Kembuninan solanibingö kondoriga Anutunöh keunini jim teköiga diñgiba malmal köhöikñi miwikñaiba nalö tetekñi qahö mal öngöbin. Mewö.

6

Singisöndok andö qeba Kraistpuk guliba malme.

* 5:17: Jembon onñi nene (Siawari keunöh qariwe ilikñi nene) ewö köhöiba mal öngöbin.' ewö köhöiba mal öngöbin.

¹ Anutunöŋ kalem möriamŋi neŋgii sehimapköra siŋgisöndok toroqeba aka malbin me qahö? Miangöra mönö denöwö jiinga dop kölma? ² Siŋgisöndok yapmakek! Nini siŋgisöndok kösönöhök lolohoba urunini walŋan qamöt ewö aiga siŋgisöndok akingö tököba maljin ewö, mönö denöwögöra siŋgisöndoknöŋ toroqeba galöm köl neŋgii malbinak?

³ Keu ki mötze me qahö: Nini körek Kraistköreŋ qeköta-höbingöra aka o melun mem neŋgiget. Miangöreŋ urunini walŋan mönö Jisös qeget kömuyöhaŋgö tandök kömui malbingöra o melun mi mem neŋgiget.

⁴ *Iwinöŋ asakmararaŋi kondela Kraist mem gului kömupnöhök wahöröhi, neŋgö uruninan mewöyök kölönaiiga dölökŋi aka malinga dop kölma. Iwininan nini Kraistkö tandök ewö guliba wahöta ahakmeme dölökŋi aka memba malbingöra mötza. Miangöra o melun mi kewögöra mem neŋgiget: Urunini walŋan Jisösbuk mohotŋe kömumba ahömapköra urunini walŋi mi mewö löm kölget.

⁵ Urunini walŋan Kraistpuk öröröŋ kömui miangöreŋ yambuk qekötahöba maljin ewö, Iwininan nini mewöyök Kraistpuk kinbingöra mötza. Kraistnöŋ kömupnöhök wahöröhi, mönö yaŋgö tandök öröröŋ guliba malinga dop kölma. ⁶ Urusilegö sihim kömbönaŋnini bölöŋan siŋgisöndok akingö köpösöŋgömakzawi, Anutunöŋ sihim mi köndeŋni gemapköra mörakza. Anutunöŋ siŋgisöndoknöŋ toroqeba galöm köl neŋgii welenŋi qeba malbinbuköra mötza. Miangöra urunini walŋi mi Kraistpuk maripomnöŋ lök qeiga kömuyök. Miangö dop maljin, mi mötzin.

⁷ Kungö uruŋi walŋan kömuiga yaŋön mönö siŋgisöndokö kösönöhök lolohoba malja. ⁸ Urunini walŋan Kraistpuk kömuyök ewö, mewöŋanök yambuk guliba mal köhöibingö möt narizin.

⁹ Mewö möt nariba Kraistkö könaŋi kewö ahöi möt yaközin: Anutunöŋ i mem gului kömupnöhök wahöta mal köhöiba kunbuk qahö kömuma. Kömupnöŋ i qahö toroqeba galöm kölga mal öngöma. ¹⁰ Kömup kömuyöhi, mewö miäŋön mönö nalö mohot miangöreŋ siŋgisöndokö kukösumŋi köndeŋniga nalö teteköŋi qahö lölöwöröŋi ahöm öngöma. Malmal köhöikŋi maljawi, mi mönö Anutugöra mala mal öngöma. ¹¹ Qamötnöŋ siŋgisöndok akingö osime. Injini mönö mewöŋanök nanŋinaŋgö mötketka qamöt ewö aiga Kraist Jisösbuk qekötahöba kinda Anutugöra köhöiba malme.

¹² Silenŋini kömumawi, miangö sihim kömbönaŋi bölöŋan galöm köl enŋiiga i tem köl waŋgiba siŋgisöndok akepuköra mi mönö jöhöba malme. ¹³ Miangöra sile kitipŋini pakpak mi mönö siŋgisöndok Toŋaŋgö böröŋe kude alme. Mala mewö algetka buŋaŋi aiga bohon kölga aŋgöjörak asuhubapuk. Mewö qahöpmö, köhömuŋeyök gulibagun mönö nanŋini Anutu tököm waŋgime. Sile kitipŋini pakpak mi Anutugö böröŋe algetka buŋaŋi aiga bohon kölga ahakmeme solanŋi asuhumakŋa. ¹⁴ Injini Köna keu bapŋe qahöpmö, kalem möriam uruŋe malje. Miangöra siŋgisöndoknöŋ mönö öne jöhöba galöm köl enŋii malbepuk. Mewö.

Solanŋi malmalgö Toŋi welen qeba malme.

¹⁵ Miangöra denöwö jibinak? Nini Köna keu bapŋe qahöpmö, kalem möriam uruŋe mala siŋgisöndok ahinga dop kölja me qahö? Mi yapmakek! ¹⁶ To yahöt akzahot. Nanŋini yetköreŋök kungö böröŋe al aŋguba jitŋi tem köla welenŋi qemakzei, miangöra mönö keu ki möt yaköme: Injini kun jitŋi tem kölakzei, mönö yaŋgö welenqeqeuruŋi akze. Siŋgisöndok Toŋaŋgö

* 6:4: Kol 2.12

welenqegeurupni akze ewö, yanön mönö enġuanġiriga kömum köhöime. Anutugö jitni tem köla welenji qemakze ewö, yanön mönö keunġini jim teköiga solanġi aka mal öngöme.

¹⁷ Inġini mutuk sinġisöndok Toġanġö welenqegeurupni aka malget. Mewö malgetka Buġa keu mindinġöm enġimakġapköra kusum enġigetka mötket. Mi möta mianġö dop uruġini melenġa nalö kewöġe Buġa keu törörök tem köla Anutugö könaġi wuatangömakze. Mewö möta enġöra “Anutu saiwap!” jiba malġin. ¹⁸ Mi wuatangöba sinġisöndokö kösönöhök lolohoba Anutugö welenġi qeba ahakmeme solanġi aka memba malġe.

¹⁹ Urusilenġinan lölöwöröni akzawangöra aka keu mianġö könaġi mi mönö gölme ambazip nenġö keu jġigö dop nöġön kewö jimam: Inġini mutuk sile kitipġini pakpak tököba iwilele Toġanġö (Satangö) böröġe ala welenġi qeba malget. Mewö malgetka ahakmeme anġöjörakġambuk asuhuġa uruġinan tölöhoi malget. Mewö malgetmö, nalö kewöġe sile kitipġini pakpak mi mönö tököba Anutugö böröġe alme. Mewö ala welenġi qegetka ahakmeme solanġi asuhuġa sarakġi ahakġe.

²⁰ Inġini sinġisöndok Toġanġö welenqegeurupni malġeri, nalö mianġöreġ ahakmeme solanġi mi qahö wuatangögetmö, nanġini imbi-imbi laġ malget. ²¹ Nalö kewöġe ahakmeme mianġöra gamuġini mötsemö, nalö mianġöreġ mewö aka mala ölnġi mönö denöwö miwikġaiget? Ahakmeme gamuġambuk mianġö ölnġi mi kömup köhöikġi.

²² Nalö kewöġe Anutunöġ sinġisöndokö kösönöhök pösat enġiġa lolohoba Anutugö welenqegeurupni aketka ölnġi asuhuġa sarakġi ahakze. Mewö aka malmal köhöikġi mala teteköġe oyaenġkoyaenġ aka mal öngöme. ²³ Sinġisöndok ahinga Toġan töwa nenġiġa kömup köhöikġi miwikġaibinmö, Anutugö kalemġi mi oyaenġkoyaenġ malmal. Kraist Jisös Kembunġinambuk qekötahöba kinbin ewö, mönö köhöiba teteköġi qahö mal öngöbin. Mewö.

7

Awanöm malmalgö söpsöp keu

¹ O urumelenġ alaurupni, inġini Köna keu mötzeanġö dop enġöra kewö jimam: Köna keunöġ ambazip jöhöm nenġiza. Gölmenöġ mal öngöbinanġö dop mönö mianġö bapġe malbin, inġini mi mötze me qahö? ² Mianġö söpsöpġi kun kewö: Köna keunöġ ambi apġambuk jöhöiga azinöġ malmawanġö dop awanöm malmahotmö, apġan kömuma ewö, anömġan mönö awanöm malmalgö Köna keunöhök lolohoma.

³ Mianġöra apġan jebuk malġa azi kungöra Onġ! jġiġa mema ewö, yanġö qetġi mönö qesabulum ambia jimakzin. Mewö jimakzinmö, apġan kömuma ewö, Köna keu mianöġ qahö toroqeba jöhöi malma. Mewö mala azi kun memawi, yanöġ mönö qesabulum ambia qahö akġa.

⁴ Mianġöra urumelenġ alaurupni, enġö könaġamġinan mönö mewöġanök ahöza. Inġini mewöyök azi kungö buġanġi akġegöra Kraistpuk qekötahöget. Anutunöġ i mem gulli kömupnöhök wahörġiga malmalninan ölnġi Anutugöra miwikġaii asuhumapköra mörakza. Kraistnöġ kömuġa uruġini walġan yambuk kömuġa qamöt ewö aka Köna keugö buġanġi qahö malġe. ⁵ Mutuk urusilegö sihim kömbönaġi bölöġan galöm köl nenġiġa laġ malin. Nalö mianġöreġ Köna keunöġ sölölohöba kungum nenġiġa sinġisöndok akingö sihim kömbönaġinini bölöġan asuhum tinġita galöm köl nenġiget. Mianġöra urusilenġinan wahörġiga malmalninan kömup köhöikġanġö ölnġi miwikġaiba laġ malin.

⁶ Mewö malinmö, mutuk keu mianjon jöhöm nenjiiga gwaröje mala köna keugö bohonni mohot mohot wuatangöbingö kapan köla nupni memba malin. Kraistpuk qekötahöba kininga urunini waljan yambuk kömuiga nalö kewöje köna keugö buja ahinangörejök lolohöba kunbuk welenji qahö qemakzin. Nalö kewöje könañamninan kölönaiiga Uña Töröjan inahöm nenjiiga amqeba Anutugö nupni memakzin. Mewö.

Singisöndok akinbukö kapan köla aum-mörimakzin.

⁷ *Miangöra denöwö jibinak? Köna keu nanjak singisöndok-ñambuk akza me qahö? Mi yapmakek! Köna keunöj mönö singisöndokö könañi kondel niñgiiga möral. Köna keu kun kewö ahöza, “Kungören yuaigöra kude köpösöngöman.” Mewö qahö jibawak ewö, nöñön yuaigö köpösöngömakzali, miangö könañi qahö möt kutubilenjak. Miangöra Köna keu qahö möt kutubilenjak, mewö singisöndok qahö möt yaköbilenjak.

⁸ Köna keu qahö ahöbawak, singisöndoknöj mönö keu omanji aka köhömuñi akawak. Mewö akawakmö, jöjöpañ keu mötpiga sel jöhöm niñgiiga mi walöñmamañgö könañi ahuiiga singisöndok aki asuhuyök. Jöjöpañ keunöj mönö kuñgum niñgiiga urunan wahöriga sihim kömbönañni bölöñi könañi könañi asuhum tiñgitketka bölöñañgöra lañ köpösöngömakzal. ⁹ Mutuk Köna keu qahö möta tönpin malalmö, jöjöpañ keu mötpiga mianjon angön köl niñgiyöhañgöra singisöndokö sihimnan guliiga urunan wahöri mi ahal. Singisöndok akiga mem kömum niñgiiga köhömuñi ahal.

¹⁰ Anutunöj jöjöpañ keu mi wuatangöba mal köhöimamgöra aka al niñgiyökmö, keu mi wuatangömamgö esapköbiga mem kömum niñgiiga köhömuñi ahal. Köhömuñi ahali, mianjon mönö aukre asuhui miwikñajal.

¹¹ *Jöjöpañ keu möt kutubiga sel jöhöm niñgiiga mi walöñmamañgö könañi ahui jöjöpañ keunöj kuñgum niñgiiga singisöndoknöj tilipköm niñgiiga mi ahal. Singisöndok aka keunambuk ahal. Mewö mianjon Anutugö jöjöpañ keu mianjon singisöndok bohon kölga aki mem kömum niñgiiga köhömuñi ahal.

¹² Mewö ahalmö, töndup Köna keu mianjon mönö kömbukñi aka sarakñi akza. Miangö jöjöpañ keunan mönö diñdiñi aka ölöpnji akza. ¹³ Mewö aiga jöjöpañ keu ölöpnji mianjon mem kömum niñgiiga köhömuñi ahal me qahö? Mi yapmakek! Keu ölöpñan qahöpmö, Köna keunöj mönö nani singisöndoknañgö könañi indeli möt kutuyal. Singisöndokö gamuñi aukre asuhui kanjamñambuk mötmamgöra aka jöjöpañ keu mianjon singisöndokö selñi jöhöiga urunan wahöri walöñda singisöndok ahal. Nani singisöndokni mianjon mönö mem kömum niñgiiga köhömuñi ahal. Mewö.

Uruna singisöndokö yarö ahöi maljal.

¹⁴ Uña Töröjan Köna keu nenjiiga diñdiñi akzawi, mi mötzinmö, nöñön singisöndok azia aka sihim kömbönañni bölöñambuk akzal. Eta kölbiga singisöndoknöj galöm köl niñgiiga tem köla welenji qeba singisöndok ahakzal.

¹⁵ *Miangöra yuai ölöpnji akñamgö mörakzali, mi qahö ahakzal. Mimö, yuai bölöñi akñamgö tököba sisitñi memakzali, mönö mia ahakzal. Miangöra yuai ahakzali, nöñön miangö könañi ölöp qahö möt kutumakzal. ¹⁶ Miangöra yuai bölöñi akñamgö ölan aka mia ahakzal ewö, Köna keunöj mönö töndup ölöpnji akza. Köna keugöra mönö urumohot akzal.

* 7:7: Eks 20.17; Dut 5.21 * 7:11: Jen 3.13 * 7:15: Gal 5.17

¹⁷ Mewö aiga nöñön nanak mi qahö toroqeba ahakzalmö, singisöndok urune ahözawañon mönö kuñgum niñgiiga mi ahakzal. ¹⁸ Ahakmeme ölöñji akñamgö sihimñji ölna mörakzalmö, mi akñamgö ösumnan qahö asuhum niñgimakza. Mianğöra nöngö urune yuai ölöñji kun qahö ahözapmö, urusilenan mönö singisöndok akñamgö kuñgum niñgimakza, mewö mötzal. ¹⁹ Mianğöra yuai ölöñji akñamgö sihimñji mörakzali, mia qahö ahakzalmö, yuai bölöñji qahö akñamgö mörakzali, mönö mia ahakzal. ²⁰ Mewö aiga yuai akñamgö tökömakzali, mia töndup ahakzal ewö, mi nanak qahö toroqeba ahakzalmö, singisöndok urune ahözawañon mönö kuñgum niñgiiga mia ahakzal.

²¹ Mianğöra nani könani kewö ahöi miwikñaimakzal: Yuai ölöñji akñamgö sihimñji mötpiga bölöñangö sihimñjan mönö uruni jöhöiga qakömakzal. ²² Mianğö könani kewö: Uruneyök göröken Anutugöreñ Köna keugöra urumohot aka tem kölmamgö mörakzal.

²³ Mewö mörakzalmö, sileneyök göröken nani könanjamni kewö ahöi miwikñaimakzal: Silenangö kitipñji mienñon singisöndokö bohonñi aketka akñamgö mörakzal. Singisöndok akñamgö sihimnan mönö urusihimni ölöñji mi memba et almapköra möri auba yarö qemakzahot. Singisöndok akñamgö sihim kömbönañnan mönö silenangö kitipñji kitipñji sölölohöm enğiba jöhöm niñgiiga kösö gwarönöñ maljal. ²⁴ O nöñön bölim teköba anğöjöraknambuk akzal. Urusilenangö sihimñji bölöñjan noanğiri kömup köhöikñi kömumbilenbuköra mönö danñon sohopni memba amöt qem niñgibawak?

²⁵ O Jisös Kraist Kembuni, mönö yambuk nam köla “Anutu saiwap!” jizal. Könanjamnan mewö aiga nanak urunanöhök Anutugöreñ Köna keugö bapñe anda welenñi qemakzalmö, sileni singisöndokñambuk mianğöreñ göröken singisöndok akñamgö sihim kömbönañnan jöhöm niñgiiga mianğö kösö gwarönöñ maljal. Mewö.

8

Uña Töröñjan tim töndanini aiga mal köhöizin.

¹ Mianğöra ambazip Kraist Jisösbuk qekötahöba kinjini, Anutunöñ mönö neñgö keunini jim teköiga nalö kewöñe könöp siagö buña qahö aka maljin. ² Mianğö könani kewö: Gi singisöndokö sihimñji tem köla malnöñangöra aka kömup köhöik-ñangö buñaya aka malnöñ. Mewö malnöñmö, Kraist Jisösbuk qekötahöba kinöñga malmal köhöikñangö Uñjan mönö kömup köhöikñangö kösönöhök pösat gihiiga maljan.

³ Ambazip urusilenine sihim kömbönañnini bölöñji mi ahöza. Mi wuatañgöinga Köna keugö ösumñjan löwöriba malmal köhöikñi neñgimapkö osiiga qaköin. Qaköba urusileninan singisöndok aka malini, Anutunöñ singisöndok mianğö keunji jim teköba likepñi kewö meleñnök: Yanñon nanñi Nahönñi melaiiga gölmenöñ eta singisöndok azigö sile tandök ahök. Toroqeba singisöndokö jöwöwöl tandök ewö aiga ohogetka kömuyök. Anutunöñ malmal köhöikñangö könani mewö mesarök.

⁴ Anutunöñ könani mi kewögöra mesarök: Köna keunöñ nini solanñi aka diñdini malbingöra jim kutum neñgimakzawi, Anutunöñ keu mianğö ölnan neñgöreñ asuhum tekömapköra mörök. Mianğöra nini urusilenanangö sihim kömbönañnini bölöñji wuatañgöbingö tököba Uña Töröñangöreñ nanğöba jitsihitñi wuatañgöba ahakzin. ⁵ Ambazip urusilenanangö sihim kömbönañi bölöñji wuatañgömakzei, yengö urunjan

mönö siŋgisöndoköreŋ göröken akingö ahöza. Ambazip Uŋa Töröŋaŋgöreŋ naŋgöba jitsihitŋi wuatangöba ahakzini, neŋgö uruninan mönö Uŋa Töröŋaŋgöreŋ göröken akingö ahöza. ⁶ Urusileninaŋgö sihim kömbönaŋnini bölöŋan mönö öröm neŋgiiga kömup köhöik-ŋaŋgöreŋ anbingöra ahözapmö, Uŋa Töröŋan urunine luai qeiga mal köhöibingö sihimŋi mörakza.

⁷ Anutunöŋ Köna keu neŋgiiga siŋgisöndok akingö sihim kömbönaŋninan mönö keu miangö bapŋe qahö anakza. Mi anmamgö osiza. Mi osiiga laŋ mala uruninan Anutu qetala kerök ak waŋgimaksin. ⁸ Ambazip urusilegö sihim kömbönaŋninan galöm köl engigetka laŋ maljei, yeŋön mönö Anutugö jeŋe dop kölbingö jiiga qaköme.

⁹ Yeŋön qakömemö, Anutugö Uŋa Töröŋan engö uruŋine malja ewö, yaŋön mönö galöm köl engii malje. Urusilegö sihim kömbönaŋnini bölöŋi mienön mönö inŋini qahö galöm köl engimakze. Kraistkö Uŋa Töröŋan kungö uruŋe qahö geiga öne maljawi, yaŋön Kraistkö buŋaŋi qahö akza. ¹⁰ Qahö akzapmö, Kraistnöŋ engö uruŋine malja ewö, silenŋinan siŋgisöndoköra aka kömumemö, uŋaŋinan solanŋi akzeangöra aka mal köhöim öngöme. ¹¹ *Anutunöŋ Kraist Jisös mem gullii kömupnöhök wahöröhi, yaŋgö Uŋaŋan uruŋine malja ewö, yetkөн inŋini Anutubuk qekötahöba kingetka silenŋini köhömuŋi mi mewöyök mem gulimahot.

¹² O urumelenŋ alaurupni, guliba maljinaŋgöra neŋön mönö Anutugöreŋ tosabuk maljin. Urusilegö sihim kömbönaŋnini bölöŋi wuatangöbinaŋgö tosaŋi qahöpmö, Uŋa Töröŋaŋgö jitŋi tem köla malbingö tosaŋan mönö ahöm neŋgiza. Miangöra nanini imbi-imbi laŋ malbinbuk. ¹³ Urusilegö sihim kömbönaŋnini bölöŋi wuatangöba malje ewö, inŋini mönö kömup köhöikŋaŋgö buŋaya akŋe. Mewö akŋemö, Anutugö köulukögetka Uŋa Töröŋan urusileninaŋgö ahakmeme bölöŋi mem kömumakŋa ewö, mewö mianön mönö guliba mal köhöiba malme. ¹⁴ Anutugö Uŋaŋan ambazip enŋuanŋiri maljei, yeŋön körek Anutugö nahönbö-raturupŋi akze.

¹⁵ ** Ömewöröme yeŋön ambazip sölölohöm engigetka jönömŋini undui welenqeŋe omanŋi aka maljemö, inŋini öme mewöŋi mia kun qahöpmö, Uŋa Töröŋi i buŋa qem aŋguba malje. Miangöra inŋini mönö kunbuk toroqeba keŋgöt qakŋe malbepuk. Uŋa Töröŋi yaŋön mönö mem letot engiiga Anutugö nahönböraturupŋi akze. Uŋa mianön sölölohöm neŋgiiga Anutugöra “Aba” ¹⁶ Anutugö nahönböraturupŋi akzini, keu mi Uŋa Töröŋan nanŋak nanini uŋaninambuk imbi köla mohotŋe naŋgöba jimakzahot.

¹⁷ Anutugö nahönböraturupŋi akzin ewö, yaŋön nanŋi ambazipurupŋi neŋgöra oyaenŋoyaenŋ mözözömgöi ahözawi, mi mewöyök buŋa qem aŋgubin. Anutunöŋ Kraistköra yuai mözözöm-göi ahözawi, mi mönö mewöyök Kraistkö qöhöröŋe kinda buŋa qem aŋgubin. Kraist-puk mohotŋe sihimbölo mörakzin ewö, mönö mewöyök Kraistkö asakmararaŋnöŋ öngöba yambuk mohotŋe asariba malbin. Mewö.

Malmal asakmararaŋambuknöŋ öngöba malbin.

¹⁸ Nalö kewöŋe sihimbölo möta maljini, mianön malmal eretŋi akza. Könaŋep Kraistkö asakmararaŋnöŋ öngöba asariba oyaenŋoyaenŋ malbini, mianön mönö malmal öngöngöŋi aködamunŋambuk akŋa. Malmal yahöt mi likeplikep ala kewöt-pinangö dop qahö. Mewö mötmörizal.

* **8:11:** 1 Kor 3.16 * **8:15:** Mak 14.36; Gal 4.6 * **8:15:** Gal 4.5-7 * **8:15:** Aba mi Arameik keunöŋ iwi.' Iwini!' qerakzin.

¹⁹ Anutunöŋ sömbup aka yuai pakpak miwikŋaiyöha ahözei, mienön mönö mamböta Kraistnöŋ kaba Anutugö nahönböraturupŋi meköba kondel enŋiiga asakmararaŋ asuhum enŋimapköra awöweŋgömakze.

²⁰ * Anutunöŋ sömbup aka yuai pakpak miwikŋaiyökmö, mienön mala kömumba ayapköme. Nanŋini sihimŋinaŋgö dop qahöpmö, Anutunöŋ mönö nanŋi sihimŋaŋgö dop mewö areŋgöyök. Yuai pakpak ayapkömemö, töndup jörömqöröm enŋiiga oyaenŋkoyaeŋ kewö asuhumapköra al mambörakze: ²¹ Anutunöŋ sömbup aka yuai pakpak miwikŋaiyöha ahözei, mienön mönö mewöyök kewögöra mambörakze: Anutunöŋ i mewöyök aŋgöjörak malmalgö kösöŋeyök pösat enŋiiga qahö kömumba gisahöba ayapkömemö, Anutugö nahönbörat ewö lolohoba asakmararaŋinambuk asariba ahöm öŋgöme.

²² Mianŋö könaiŋi kewö: Anutunöŋ sömbup aka yuai pakpak miwikŋaiyöha ahözei, mienön körek pakpak mönö mohotŋe osongom köla morö memegö masö tandök möta ahöba kota nalö kewöŋe mewöyök ahakze. Mi mötzin. ²³ * Anutunöŋ sömbup aka yuai pakpak miwikŋaiyöha ahözei, mienönöhök qahöpmö, Anutugö yambu jeniqeŋe ahinga Uŋaŋi kalema neŋgi maljini, neŋön mönö mewöyök uruninan osongom köla maljin. Anutunöŋ neŋuaŋgiri nahönböraturupŋi qainŋi kun akingö mamböta mala osongom ahakzin. Neŋuaŋgita sile sohpnini meiga kunbuk letotpingöra awöweŋgöba maljin.

²⁴ Mewö letotpingö jörömqöröm aka urunini melenŋa Suepkö buŋaya ahin. Yuaigöra jörömqöröm ahakzini, mianŋö ölni asuhui ehinga jörömqörömnini mewö mianön teköma. Kunöŋ kun yuaigö ölni asuhui eka mianŋö jörömqörömŋi mi qahö toroŋeba aka mambörakza. Mi qahö. ²⁵ Yuaigö ölnan qahö asuhui ehakzini, mianŋöra jörömqöröm akzin ewö, mi mönö kapaŋ köla asuhumapköra al mamböriŋa uruninan qahö erakza.

²⁶ Mewöŋanök löwöriiŋa Uŋa Töröŋan bauköm neŋgimakza. Denöwö köuluköiŋa dop kölbawak, mi qahö mötzinmö, Uŋa Töröŋan mönö nanŋak köuluk nupnibe bauköm neŋgiba neŋgöra aka köuluköba keu jitŋi aukŋe qahöpmö, osongom aka saŋepnöŋ alakza. ²⁷ Saŋepnöŋ ala Anutugö jit-sihitŋaŋgö dop ambazip sarakŋi neŋgöra aka köulukökamakza. Anutunöŋ ambazip urunini ek kewörakzawi, yaŋön mönö amŋeba Uŋa Töröŋaŋgö uru mötmötŋi mörakza.

²⁸ Anutunöŋ köulukŋi möta öröyuai pakpak galöm köliga mianŋö mindi-mindiri ölnan mönö nanŋi alaurupŋan ölöwakŋegöra asuhumakza. Mi mötzin. Ölni mianön ambazip amötŋeŋe areŋaŋgö dop enŋoholi jöpaköm waŋgimakzei, mönö i mewö me mewö bauköm enŋgimakza. ²⁹ Anutugö areŋaŋgö könaiŋi kewö: Nanŋi nahönŋan urumelenŋ alaurup sehisehiŋi neŋgö sutnine mutuknini ak neŋgimapköra mörakza. Mianŋöra qeljiŋe areŋ ala nini tandökninan Nahönŋaŋgö dop akingöra mörök. Mianŋöra ambazip qeljiŋe möt neŋgiyöhi, nini mewöyök mewö akingöra jim möwölöhöm neŋgiyök. ³⁰ Qeljiŋe jim möwölöhöm neŋgiyöhi, nini mewöyök neŋgoholök. Neŋgoholöhi, neŋgö keunini mewöyök jim teköiga solaniin. Solaniini, neŋgöra mewöyök köna kondeliga nanŋe asakmararaŋnöŋ öŋgöba oyaenŋkoyaeŋ akin. Mewö.

Anutugö urukalemŋaŋgö möpömpösei liŋet.

³¹ Keu mi möta miangöra denöwö jibinak? Anutunöŋ sel jöhöm nengiba likepnine malja ewö, danön mönö qetal nengibawak? ³² Anutunöŋ nanŋi Nahönŋi tok qahö angön kölökmö, i jim teköiga malmalŋi körek nengöra aka köleŋnök. Mi köleŋniga Anutunöŋ yambuk kalem korembenŋi tosatŋi pakpak mi mewöyök amqeba nengima.

³³ Anutunöŋ ambazip nanŋangöra möwölöhöm nengiba keunini jim teköiga solanimakzini, miangöra danön mönö keu jakeŋe al nengibawak? ³⁴ Kraist Jisösnöŋ kömuiga Anutunöŋ kunbuk mem guliiga Suepnöŋ öngöba Anutugö böröŋi öljeta tata toroqeba nengöra aka köulukömakza. Miangöra kunŋan kun keunini kewöta könöp sianöŋ gebingöra jim teköm nengimamgö osima.

³⁵ Kraistkö urukalem uruŋe malinga danön mönö miangöreŋök mendeŋ nengiiga etpinak? Kahasililij ak nengigetka wahöjalij mötpinakmö, Kraistkö urukalemŋeyök ölöp qahö etpin. Sese-werowero ak nengibeakmö, miangöreŋök ölöp qahö etpin. Bödi akinak me opo söroninan qahöwahi malbinak, mönö ölöp qahö etpin. Kömumbinbukö keŋgöt qakŋe malbinak me yarö gilgetka kazik asuhubawakmö, mönö ölöp qahö etpin. ³⁶ *Miangö keuŋi Buŋa Kimbinöŋ kewö ohoget ahöza, “Nalö dop söŋanök könahiba kömumbingöra nengugetka anda mala suŋgem ahakza. Lamaya enŋum nembinaŋgörok maljei, nengöra miangö tandök mötmörimakze.”

³⁷ Keu miangö dop ak nengibeakmö, Kraistnöŋ urukalemŋi indeli mörini, yaŋön töngum nengiiga lömböt pakpak miangöreŋ mönö luhut ala köiraŋ köla malbin. ³⁸ Yuai kunöŋ mönö Kraistkö urukalemŋeyök mendeŋ nengimamgö osima. Mi ölä töhöŋŋa möt yaközal. Kömupnöŋ me malmalgö yuaini kunöŋ mönö mendeŋ nengimamgö osima. Suep garata me ömewöröme yeŋön mönö nalö kewöŋe me könaŋgep nini mendeŋ nengibingö osime. Bem suahö kukösumŋinambuk yeŋön mi osime.

³⁹ Euyaŋgö euŋe me emuyaŋgö emueŋ maljei, yeŋön mönö mendeŋ nengibingö osime. Anutunöŋ öroyuai tosatŋi kun miwikŋaiyöha ahözei, miŋön mönö mewöyök Anutugö urukalem miangöreŋök mendeŋ nengibingö osime. Anutugö urukalemŋi miangön mönö Kraist Jisös Kem-bunini yaŋgöreŋ asuhui indeli, mi mötzin. Mewö.

9

Anutunöŋ sihimŋangö dop Israel möwölöhöm engiyök.

¹ Nöŋön Kraistpuk qekötahöba kinda munenŋ keu qahöpö, keu ölä töhöŋŋi kun jimam. Uŋa Töröŋangö keugöra kezap albi keuni naŋgöba jim köhöiba saŋep urune ali kewö möta jizal: ² Nöŋön Juda ambazip tosatŋi yeŋgö wösöbirikŋinan nuŋguiga urunan sihimbölä ketanŋi teteköŋi qahö kewögöra mörakzal:

³ Yeŋön nömbuk gölme silenöŋ Israel könagesöya mohot akzinmö, uruŋinan Kraistpuk qahö qekötahöba laŋ malje. Nöŋön Israel alaumurupnan uruŋini melenmegöra aum-mörimakzal. Anutunöŋ yeŋgö keuŋini kewöriga nanak yeŋgö salupŋini akiga likepŋi melenŋa nöŋgö qakne kewö öngömapkö mötzal: Yaŋön ni Kraistköreŋök mendeŋ niŋgii könöp siagö buŋaya akŋamgö mötzal.

⁴ *Yeŋön Israel kambu uruŋe malgetka Anutunöŋ enŋuaŋgiri buŋanŋi akze. Anutugö qetbuŋanŋi bisiba aködamunŋinambuk akze. Anutunöŋ

* 8:36: Sum 44.22 * 9:4: Eks 9.4

yembuk oyaen koyaen akingö jöhöjöhö walji aka dölökni aka Köna keunji al enjiyök. Mianğöra jöwöwöl jikenöñ öngöba Anutugö waikni memba möpöseimakze. Anutunöñ kötümötuetni sehimapkö keu jöhöyöhi, mianğö ölnjan asuhumapköra mambörakze. ⁵ Yeñön bömön jalönini Abrahamgö gwölönarök-urupni yengö isi moröurupnja malje. Kraistnöñ yengörenök gölme sile memba azia asuhuyök. Kraistnöñ Anutunina aka yuai pakpak galöm kölīga qetnji nalö teteköñi qahö möpöseimakin. Keu mi ölnja.

⁶ Mewö maljemö, Israel könagesönöhök asuhum sehiba maljini, neñön pakpak mönö töndup Israel ambazip ölnji qahö akzin. Mianğöra Anutugö keunjan singgiiga ösumñan erök tandök ahakza me? Mewö jibinak, mi keu ölnja qahö. ⁷ *Abrahamgö gwölönarök-urupni yengörenök ahuzinangöra aka körek neñön mönö Anutugö nahönböraturupña qahö akzin. Mewö qahöpmö, Anutunöñ Abrahamgöra kewö jiyök, “Aisakö isimoröurupñan mönö göhörenj toroqeba qetki bisiba mal öngöme.”

⁸ Keu mianğö könañi kewö: Abrahamgö gwölönarökurup gölme ambazip siliknöñ morö ahumakzini, körek neñön mönö Anutugö nahönböraturupni qahö akzin. Mewö qahöpmö, Anutunöñ keu jöhöi ahözawangö dop ahuini, Anutunöñ mönö ninia möt neñgiiga Abrahamgö gwölönarökurupni ölnji akzin. ⁹ *Jöhöjöhö keu mianğön Abrahamgörenj kewö kaiga mörök, “Yambu mohot teköiga mianğörenj kunbuk kaba gekiga Saranöñ mönö morö nahönñambuk akña.”

¹⁰ Keu mewö möri yanğörenj mewö asuhuyökmö, mianğörenök qahö teköyök. Yanğö andöñe Rebekagörenj mewöñanök Anutugö keugö dop asuhuyök. Bömönini Aisak yanğön anömñi mi gölöm wanğiiga nahönyahötñiri siwisiwi asuhuyohot. ¹¹ Siwisiwi yetkön gölömñe tata qahö asuhuba yuai ölöpnji me bölöñi kun qahö ahoñi, Anutunöñ mönö nalö mianğörenj nahön yetkörenök kun nannangöra möwölöhöyök. Nannji mötmöt arenjan köhöiba ölnjambuk ak tekömapköra aka munñi möwölöhöyök.

¹² *Nannji jitsihitñan ölnjambuk akñapköra Rebekagöra kewö jiyök, “Datñan mönö munñangö welenqeqerji aka nembö bapñe malma.” Anutunöñ mewö jiba ahakmemenñiri akahorahi, mianğö dopñe i qahö kewöt etkiyökmö, nannji mötmöt sihimñi miyök wuatangöba munñi oholiga datñangö ketañamñi ahök. ¹³ *Mianğö keunji Buña Kimbinöñ kewö ohoget ahöza, “Jeikob urunan jöpaköba malalmö, Iso (Esau) mi tököba kazik ak wangiba malal.”

¹⁴ Keu mianğöra mönö denöwö jibinak? Anutunöñ diñdini qahö akza me? Mewö qahöpmahöp! ¹⁵ *Anutunöñ Mosesgöra keu kewö jii ahöza, “Nöñön mönö nani jitsihitni wuatangöba kun niñja ehoriba ak kömumangö mötzali, ia mönö ak kömum wanği-makzal. Kun dagöra wösö mötmöt ak wanğimangö jizali, yanğöra mönö wösöni mörakzal.” ¹⁶ Keu mianğöra aka gölme azinöñ Anutu qahö galöm kölakzapmö, yuaigö sihimñi möta akñangö esapköm bibihibawakmö, mi töndup Anutu qahö ongitma. Anutu nannjak kalem möriamñangö dop yuai pakpak galöm kölīga yanğö böröñe ahöza.

¹⁷ *Anutunöñ farao kiñgöra keu jiiga Buña Kimbinöñ kewö ahöza, “Nani qetbuñani jim sehigetka gölme körek pakpak dop kölmapköra mötzal.

* 9:7: Jen 21.12 * 9:9: Jen 18.10 * 9:12: Jen 25.23 * 9:13: Mal 1.2-3 * 9:15: Eks 33.19 * 9:17: Eks 9.16

Mewö möta kukösumni kondelbi aukne asuhumapköra kunḡum gihibiga göḡön asuhum tinḡitnönḡ. Asuhum tinḡita mala tuarenjonḡ ak ninḡiba malnönḡa mönön luhut al gihial.”¹⁸ Keu mianḡö dop Anutunönḡ nanḡi jitsihitḡi wuatḡḡöba kun ehoriba ak kömumamḡö mötzawi, ia mönön ak kömum wanḡimakḡa aka kungö uruḡi mem gwözönḡmamḡö jizawi, ia mönön mem gwözönḡniga yanḡiseḡ ahakḡa. Mewö.

Anutugörenḡ irimsesewöl aka ak-kömukömu

¹⁹ Engörenḡök kunḡan nönḡöra kewö jibawak, “Mewö aiga körek neḡön mönön Anutugö jitsihitḡi tuarenjonḡ ak wanḡibingö osimakzin. Mewö aigun Anutunönḡ mönön wuanönḡöra toroḡeba jim neḡimakza?”²⁰ *Kunḡan mewö jibawakmö, gölme azi gi mönön ninḡa aka Anutu tuarenjonḡ aka anḡururuk ak wanḡibanak? Börenḡöwönönḡ mönön nanḡi miwimiwikḡai Tonḡi kewö ölp qahö jim wanḡima, “Gi mönön wuanönḡöra tandök kewönḡi miwikḡaim ninḡinönḡ?”²¹ Kimbut meme azinönḡ mönön nanḡi kukösum qakne sihimḡḡö dop gwaköm melenḡa möwölöhöba gwaköm mohot mianḡörenḡök kouranḡen murutḡi murutḡi memakza. Tosatḡi nalö dop memba nupnönḡ alakzin aka tosatḡi aködahunḡinambuk mi mönön sösonḡgai nalönḡeyök nupnönḡ alakzin.

²² Anutu miwimiwikḡai Toninan mönön mewöḡanök ak neḡimakza. Yanḡön irimsesewölḡi ambazip kondel neḡḡiga kukösumḡi eka mötpingöra mörakza. Mewö möta irimḡan seholiḡa kazikḡan ambazip tosatḡi yeḡö qakḡine öngöḡa jöjöröba köndenḡ enḡimamḡö aka malök. Mi töndup likeḡḡi zilaḡḡök qahö melenḡ enḡiyök mö, yeḡöra aka sihimbölö gwötpuk möta mökösonḡda uruḡini melenḡmegöra mamböta malök.

²³ Mewöḡanök kalem mörianḡi indeli kelenḡmalelenḡ asuhu-mapköra mörakza. Mewö möta ambazip aködahunḡi buḡa qem anḡubingöra möwölöhöm neḡiyöhi, nini mönön neḡehoriḡa aködahunḡambuk asari-makzin.²⁴ Nini mewöyök mewö akingöra neḡgoholök. Juda ambaziwök qahöpmö, kian kantriḡi kantriḡi i mewöyök mewö akḡegöra enḡgoholök.²⁵ *Anutunönḡ mianḡö keunḡi jiḡa kezapqetok azi Hoseaḡö kimbinönḡ kewö ahöza,

“Ambazip nani könagesöurupni qahö aka malgeri, nönḡön mönön i enḡgoholbiga nani könagesöni akne. Tosatḡan nani wölböt alani qahö malgeri, yeḡöra mönön ‘Nani wölböt alaurupni,’ mewö jiba malmam.

²⁶ *Nönḡön gölme kungö ambazip yeḡöra kewö jiba malal, ‘Inḡi nani könagesöurupni qahö malje.’ Mewö jiba malmalmö, i mönön gölmeḡne mianḡörenḡök enḡgohola qetḡini kewö qetmam: Inḡi mönön Anutu malmal Tonḡḡö nahönböraturupḡi akze. Utekutek mewö asuhuma.”

²⁷ *Aisaianönḡ mewöyök Israel ambazip neḡöra aka kewö sahöta jiyök, “Israel ambazip janḡönini köwet sak ewö akawak ewö, mia kun töndup neḡörenḡök awamḡi neḡönök mönön urunini melenḡninga amöt qem neḡgima.²⁸ Kembunönḡ gölmeḡi gölmeḡi pakpak neḡö keunini zilaḡzilaḡ kewöta jim teköba likeḡḡi körek melenḡ neḡḡim teköma.”

²⁹ *Aisaianönḡ mewö jiba qelḡiḡe keu kun jiyöhi, mianḡö ölan mönön neḡörenḡ kewö asuhuza, “Kembu kukösum pakpak Toninan gwölönarökurupnini tosatḡi qahö enḡehori uruḡini melenḡbeak ewö,

* 9:20: Ais 29.16; 45.9 * 9:25: Hos 2.23 * 9:26: Hos 1.10 * 9:27: Ais 10.22-23 * 9:29: Ais 1.9

gölmeninan lök Sodom ewö melenjini geiga könöp jebawak. Neñon mönö Gomora ambazip ewö ayuhubinak. Anutunöj lök mewö ak neñgibawak.” Mewö jiyök.

Israel jesöngöñan Anutu yangiseñ ak wanjimakze.

³⁰ Mianğöra mönö denöwö jibinak? Kantri tosatñan Anutugö jeñe solanñi akingö nupñi qahö kapan köla megeri, yeñon mönö Anutugö jeñe solaniget. Uruñini melenjida Anutu möt narigetka mianğöra keuñini jim teköiga solaniba malje. ³¹ Mewö maljemö, Israel neñon solanñi akingöra Köna keu wuatangöbingö kapan köla mala kota mi töndup Anutugö jeñe qahö solaniin.

³² Mianğö könañi kewö: Nanñinanök esapköba ahakmeme diñdiñi aka mewö mianjön solanñi akingö kapan köla Jisös qahö möt narim wanjiget. Yañon köt pöwöwöm ewö akzawi, mönö yangöreñ tötangöba enjui qaköba andö qeget. Mianğöra solanñi qahö aket. ³³ *Mianğö keuñi Buña Kimbinöj kewö ohoget ahöza,

“Eket, Anutu nöñon mönö ain köt kun Zaion kunduje Israel kambu uruñine kungubiga yeñon mianğöreñ tötangöba et enjui andö gemakñe. Kunñan azi ip pöwöwöm köhöikñi mi möt narim wanjimawi, yañon mönö nalö kunöñ yangöra gamu qahö mi-wikñaima.” Mewö.

10

¹ O urumelenj alaurupni, nöñon nani könagesourupnan uruñini melenjemgöra awöweñgömakzal. Anutunöj amöt qem enjimapköra uruni qezaköba yeñgöra aka Anutu köuluköm wanjimakzal. ² Yeñgö könañamñinan kewö ahöza: Yeñon Anutugöra urukönöp ahakzemö, mi gukmaulem qakñe ahakze. Yeñgö keuñini mewö nanğöba jizal.

³ Anutunöj keunini jim teköiga solanizini, mianğö könañi qahö möt yaköba nanñinanök esapköba solanñi akingö kapan kölakze. Mewö aka Anutunöj keunini jim teköiga solanibingö jimakzawi, keu mianğö bapñe qahö anda qaköba öne lañ malje. ⁴ Kraistnöj nanñök Köna keu wuatangöm teköyök. Nini tosatñan mi osiba Kraist möt nariba urunini melenjini, mewö mönö Kraistköra aka Anutugö jeñe solaniba dop köljin. Mewö.

Anutunöj nini körek amöt qem neñgimangö mötza.

⁵ *Mosesnöj Köna keu wuatangöba mewö mianjön solanñi akingö keuñi mi kewö ohoi ahöza, “Köna keu wuatangöm tekömawanjön mönö mianğöra aka mal köhöima.” ⁶ *Keu mewö ahözapmö, urunini melenjida möt naringa Anutunöj keunini jim teköiga solanimakzini, Mosesnöj mianğöra keu kewö jii ahöza, “Urugan kewö mötmöriba jibanbuk: Azi dañon mönö Suep mire öngöbawak?” Ambazipnöj mi Kraist wanğita etmapköra lañ jiget. ⁷ me “Azi dañon mönö kömup mirigö dutñe gebawak?” Ambazipnöj mi Kraist wanğita kömupnöhök wahötmapköra lañ jiget.

⁸ Mewö jiba toroqeba kewö jiyök, “Buña keu mi köröwen qahöpmö, mönö göhö numbuge aka uruge ahöza.” Buña keu mi möt naribingöra aka ahöza. Neñon keu mianjön ambazip uru kungum enjiba kewö jim asarim enjimakzin: ⁹ Anutunöj Jisös mem gulii kömupnöhök wahörök.

* 9:33: Ais 28.16 * 10:5: Lew 18.5 * 10:6: Dut 30.12-14

Göñön keu mi urugan möt nariba numbu jitkan “Jisösnöñ Kembuni akza,” mewö jim miwikñajazan ewö, mönö amöt qem ghiiga letotman.

¹⁰ Gi urugan Buña keu möt narinöñga Anutunöñ keugi jim teköiga solaniman aka numbu jitkan Jisös jim miwikñainöñga amöt qem ghiiga letotman.

¹¹ *Buña Kimbigö keu kun kewö jiget ahöza, “Dañön i möt narim wangimawi, yañön mönö gamu qahö miwikñaima.” ¹² Anutunöñ Juda ambazip qahö neñgek soriba kantri tosatiñ qahö qepureim engimakza. Kembu mohot yañön mönö körek neñgö Kembunini aka dop mohotnöñ kewöt neñgimakza. Ambazip i qeta köulukömakzini, yañön mönö kötümütuetiñ nini körek kelen-maleleñ neñgimakza.

¹³ *Miangö keuñi mi Buña Kimbinöñ kewö ahöza, “Ambazip denike yeñön Kembugö qetñi qeta köulukömei, yañön mönö i körek amöt qem engiiga letotme.”

¹⁴ Ambazipnöñ Kembu qahö möt narim wangiba yangö qetñi mönö denöwö qeta köuluköbeak? Yangö könañi qahö jiget mötkeri, i mönö denöwö möt narim wangibeak? Kunñan Buña keu qahö jim asarima ewö, yeñön mi mönö denöwö mötpeak? ¹⁵ *Ambazip kun Buña keugöra qahö melaibin ewö, yañön mönö denöwö anda mi jim asaribawak? Miangö keuñi Buña Kimbinöñ kewö ohoget ahöza, “Ambazip Buña keu ölöñji memba kamakzei, yeñgö köna ötöñini möringa qetpuk sorokñi akza.”

¹⁶ *Mewö ohoget ahözapmö, nöngö Israel köñagesö ölni yeñön Ölöwak Buña qahö tem köla malje. Miangö keuñi mi kezapqetok azi Aisaianöñ kewö jii ahöza, “O Kembu, nini Buña keu jim sehiinga dañön mönö uruñi melenđa mi möt naribawakto?” ¹⁷ Keu miangö dop Kraistkö keuñi jim sehiinga kezapñine geiga mötketka mötnaripñinan mönö mewö asuhuma.

¹⁸ *Mötnarip mewö asuhumapmö, kewö qesim engizal: Buña keu mi-añön mönö Juda yeñgö kezapñine qahö geiga mötket me? Qahö, mi mönö mötket. Miangö keuñi mi kewö jigetka Buña Kimbinöñ ahöza, “Keu jigetka keu kourukñinan mönö anda anda gölme pakpak dop kölöc. Mi gölmeñi gölmeñi eu emu likeplikep miangöreñ mötket.”

¹⁹ *Keu miangö dop Buña keu löc mötketmö, kunbuk toroqeba kewö qesim engizal: Israel ambazipnöñ mi qahö möt asariget me? Mosesnöñ mutuk keu kewö jiyök,

“Ambazip köñagesö ölni qahö nöñön mi amöt qem engibiga engö uru mututqututñinan mönö miangöra aka asuhuma. Kian kambu gumaulem maljei, yeñön inini engongitketka silik mi-añön mönö Juda engö uruñini kungubiga irimñini seholliga uruñinan wahötma.”

²⁰ *Aisaianöñ mönö köhöiba kinda kewö jii ahöza, “Ambazip ni qahö jarum ningiba lañ malgeri, yeñön mönö ni miwikñaim niñgiget.

Ambazip nöngö könanangöra qahö qesiba malgeri, nöñön könañami mönö yeñgöra indelbi mötket.”

²¹ *Yeñgöra mewö jiyökmö, Israel neñgöra mönö keu kewö jii ahöza, “Silim dop söñanök könahiba qeçetal köñagesö kezapjupjup ahakzei, inini nöñgöreñ kamegöra engohola engöra böro kaek köla malbiga sungem ahakza.” Mewö.

* 10:11: Ais 28.16 * 10:13: Joel 2.32 * 10:15: Ais 52.7 * 10:16: Ais 53.1 * 10:18: Sum 19.4 * 10:19: Dut 32.21 * 10:20: Ais 65.1 * 10:21: Ais 65.2

11

Israel uruŋe urumelen kambu morõni ahõza.

¹ *Miaŋgõra kewõ qesizal: Anutunõŋ nanŋi kõnagesõŋi andõ qem neŋgiyõk me qahõ? Mi qahõpmahõp! Nõŋõn mewõyõk Abrahamgõ gwõlõnarõkŋi kun akzal. Nanak Israel kõnagesõgõ kambu qetŋi Benjamin miaŋgõ uruŋe maljal. ² Anutunõŋ nanŋi kõnagesõŋi qeljiŋe mowõlõhõm neŋgiyõhi, nini mõnõ qahõ andõ qem neŋgiiga maljin. Kezapqetok azi Elaijagõ (Eliagõ) kõsohotŋi mi Buŋa Kimbinõŋ ohogetka ahõza. Yeŋõn Anutugõ jeŋe Israel ambazip jim eŋgiba koulukõyõhi, iŋini keu kemaŋi mi mõtze me qahõ? Keu mi kewõ, ³ **“O Kambu, yeŋõn mõnõ gõhõ kezapqetok ambazipurupki eŋguget kõmugetka gõhören jowõwõl ohoho altaŋi altaŋi kõdenjõmõndenŋget. Ni mohot nõmosõtket malbiga mõmõlakõba mõnõmba nuŋgubingõ jõjõrõze.”*

⁴ *Mewõ jiyõkmõ, Anutunõŋ mi mõta mõnõ kewõ melen waŋgiba jiyõk, *“Gi nangok qahõ maljanmõ, nõŋõn azi 7000 mewõŋanõk sel jõhõm eŋgibiga nani buŋani aka bem munenji Bal i qahõ simin kõl waŋgiba gõbuk toroqeba malje.”* ⁵ Keu miaŋgõ dop nalõ kewõŋe mewõŋanõk Anutugõ kambu morõni ahõza. Anutunõŋ kalem mõriamŋaŋgõ dop ambazip awamŋi mowõlõhõm neŋgiiga maljin.

⁶ Kalem mõriamŋan mõnõ nam kõl waŋgiiga mowõlõhõm neŋgiyõk. Nini ahakmeme õlõpŋi aka memba malbinahi, miaŋgõra aka qahõ mowõlõhõm neŋgiyõk. Gõlme ambazip ahakmemeninan nam kõl waŋgiiga mowõlõhõm neŋgibawak ewõ, yaŋgõ kalem mõriamŋan mõnõ yuai omanji akawak.

⁷ Miaŋgõra mõnõ denõwõ jibinak? Israel kõnagesõnõŋ solanŋi ak- iŋgõ kapaŋ kõla malgetmõ, solanibingõ kõnaŋi mi qahõ miwikŋaiget. Yeŋõn qahõpmõ, Anutunõŋ kambu morõni mowõlõhõm neŋgiyõhi, neŋõn kalemŋi mi miwikŋaiba solanŋi ahin. Tosatŋan mõtmõt bõlõŋan uruŋini gwõzõŋni õne laŋ malje. ⁸ *Miaŋgõ keuŋi mi Buŋa Kimbinõŋ kewõ ohoget ahõza, *“Gaun jeŋe malgetka Anutunõŋ õme qahõ jõhöiga uruŋine geiga kõhömuŋi aket. Yuai eka kõnaŋi ek kutubepukõra jeŋini mem sohoiga õmuŋ kõlõk. Keu kezapŋinan mõta mõt asaribepukõra mi mem gwõzõŋnõk. Mewõ tõnpin mala kota nalõ kewõŋe mewõyõk õne laŋ malje.”* ⁹ *Kiŋ Deiwidnõŋ miaŋgõ keuŋi kewõ jii ahõza,

“O Anutu, yeŋõn kõzõlõmbuaŋ ala namba laŋ sõŋgaimakze. Miaŋgõren mõnõ eŋgek miwikŋaiba siŋgisõndokŋinaŋgõra simba alnõŋga eŋgimema.

Mõnõ nanŋini dumŋine tõtaŋgõba et eŋguiga likepŋi melen eŋginõŋga sihibõlõ mõtme.

¹⁰ O Anutu, gi mõnõ jeŋini mõmbauba mem gõmõlinõŋga uba ekingõ osime. Mõnõ likepŋi melen eŋginõŋga qakŋine õŋgõba lõmbõriiga sundan dop upkõba malme.”

Deiwidnõŋ mewõ koulukõyõk.

Kian kantri yeŋõn Anutugõ ipŋi õlŋi aket.

¹¹ Toroqeba kewõ qesizal: Juda kõnagesõ õlŋi yeŋõn tõtaŋgõba et eŋguiga uruŋinan gwõzõŋniga õlõwakingõ osime me qahõ? Mi qahõ osime! Et eŋguyõhi, miaŋõn mõnõ Anutu mõt kutubingõ awõweŋgõmegõra aka

* 11:1: Fil 3.5 * 11:3: 1 Kiŋ 19.10, 14 * 11:4: 1 Kiŋ 19.18 * 11:8: Dut 29.4; Ais 29.10

* 11:9: Sum 69.22-23

asuhuyök. Juda könagesö ölni yeñon köna ongita et enjuiga kian kantri yeñon salupñini aka uruñini melenđa Anutugö buñañi aket. Mewö akeri, mianñon uruñni kuñguiga miangöra irimñini seholiiga uruñini melenmegö sihimñan asuhumapköra aka mewö asuhuyök.

¹² Juda könagesö ölni yeñon köna siñgiba et enjuiga miangöra kian gölmeñi gölmeñi yeñon oyaenköyaen akingö könañi miwikñaiget. Mi miwikñaiba uruñini melenđa kötümötuet uruñe maljemö, Juda könagesö ölni yeñon tönpin mala Anutugö jeñe qahö dop kölje. Könañep Juda yeñon mewöyök körek uruñini melenme. Mewö asuhuiga Anutugö kötümötuetñan sehiba keleşmaleñ aukñe asuhuma.

¹³ Nöñon keuni ki Juda engöra qahöpmö, kian kantri könagesö engöra jizal. Nöñon kian kantri engören melaimelai azi aposol akzalanğöra “Nupni qetbuñañambuk akza,” jiba mewö mötmörizal. ¹⁴ Nupni mi membi ölni asuhuiga uruñini melenmakzei, nani Israel könagesöurupnan miangö buzupñi mötmegöra kapan köla awöweñgömakzal. Buzup keu mianñon mohot mohot yeñgö uruñini kuñguiga miangöra irimñini seholiiga uruñini melenbingö sihimñan asuhui melengetka Anutunöñ amöt qem engima. Nupni qetbuñañambuk mi mönö miangöra aka kian kantri engö sutñine memakzal.

¹⁵ Anutunöñ Juda kambu andö qem nenjiiga miangö ölnan mönö kewö asuhuyök: Kian kantriñi kantriñi enñon salupñine aketka Anutunöñ töwañini qeba engömeiga alaurupñi aket. Juda könagesö ölni yeñon uruñini melengetka Anutunöñ amöt qem engiba möt angön köl engimawi, miangö ölnan mönö kömupnöhök guliba mal köhöimeangö dop akña.

¹⁶ Yambu jeñiqe qe dölökñe nene Anutugöra kewöta ala sösöngai ahinga sarakñi akza ewö, nupkö numbu neneñi pakpak mönö mewöyök sarakñi akza. Ip jalöñan töröñi akza ewö, böröñan mönö mewöyök töröñi akze. ¹⁷ Juda kambu mi Anutu nanñangö oil ipñi akza. Anutunöñ nanñi oil ipñi mi öñböñi memba böröñi tosatñi mitii etiket aka arökñangö oil ip böröñi memba kaba sutñine ali toroqeba qarimakze. Kantri tosatñi inñini arökñangö oil ip miangö dop akzemö, Anutunöñ töndup engömeiga nalö kewöñe ip börö qainñi kun mienğö sutñine mal köhöimakze. Inñini mönö Juda kambugö oil ip jalöñeyök nene onñi öröba memba qarimakze.

¹⁸ Inñini Juda nembuk kinjemö, töndup Juda nenğongita silenñini memba öñgöbepuk. Silenñini mem öñgöbeak ewö, mönö keu ki mötme: Kantri tosatñi inñini ip böröñanök ewö akze. Inñini jalönini qahö bisimakzemö, nanine ip jalöñan mönö inñini engömisiiga kinje.

¹⁹ Keu kewö jibeak, “Anutunöñ nini nanñi ip kembangan al nenğimapköra aka ip böröñi mi kutui eriga tiñi asuhuyök.” ²⁰ Keu mi ölna. Anutunöñ Juda ambazip uruñini qahö melenđa möt narigerangöra aka kutum engii etiketmö, inñini mönö mötnaripñinan töndangöm engiiga zeñ kinje. Mewö kinda jakbak-örañborañ kude aka aiweliköba malmemö, mönö kewö et engubapaköra sömbuñini möta malme: ²¹ Anutunöñ nanñi ipñangö böröñi ölni qahö enğehoriba Juda könagesö kutum engiyök ewö, inñini mönö “Ölöp nenğehorima,” mewö jibepuk. Öne mewö mötmöriba lan malbepuk. ²² Miangöra kian kantri inñini Anutugö könañi mötmöriba kewö jime, “Juda ambazip köna siñgiba et enğuyöhi, Anutunöñ miangö likepñi melenđa mönö ölna könöpñambuk ak engimakzapmö, nini ölöwak Toñwak qekötahöba kininga mem ölöwak nenğimakza. Yambuk qahö toroqeba kinbin ewö, mönö kantri tosatñi nini mewöyök kutum nenğii etpin.”

²³ Mewö ölop jimemö, Anutunöŋ ambazip kõna siŋgigeri, mi mewöyök ölop köhöiba ip kembangan kunbuk toroqem engima. Mianğora Juda kõnagesö yeŋön yangiseni mosöta uruŋini melenme ewö, i mönö ölop Jisösbuk toroqem engima. ²⁴ Anutunöŋ iŋini arökŋangö oil ip mianğoreŋök kutum engiba kölkömötkö kõnaŋi onğita oil ip qainŋi kungö kembangan al engii toroqeget. Kantri tosatŋi iŋini mewö ak engiyök ewö, mianğora nanŋi ip böröŋi ölni Juda kõnagesö ölni mi mönö amqeba engömembra sihimŋan nanŋi oil ipŋangö kembangan al engii kunbuk toroqeme. Mewö.

Anutunöŋ Israel körek ak kömum nenğimangö mötza.

²⁵ O urumelen alaurupni, nanŋini mötkutukutu qakŋe laŋ malbepüköra mönö keu tölapŋi kun indela möt asarimeğöra mötzal. Keu mi kewö: Mötmöt bölöŋan Israel kõnagesögö bahöŋi kun yeŋgö uruŋini gwözöŋni maljemö, nalö teteköŋi qahö yangisen qahö toroqeba malme. Qahöpmö, mutuk kian kantri yeŋgöreŋök jesöŋgöŋan uruŋini melennda Anutugö bemtohoŋ uruŋe kaŋgotme. Mewö aketka Anutunöŋ jaŋgöŋini ehi dop kölmawi, nalö mianğoreŋ Juda kõnagesö nenğö yangisen nalöŋinan teköiga körek uruŋini melenme. ²⁶ *Uruŋini melengetka Anutunöŋ Israel kõnagesö pakpak amöt qem engiiga letotme. Mianğö keunŋi mi Buŋa Kimbinöŋ kewö ohoget ahöza,

“Amötqeqe Toŋan mönö Zaion kunduneyök asuhuba Jeikob kambu nenğö ahakmemenini aŋgöjörakŋambuk mi köl könjöratma.

²⁷ *Anutu nöŋön siŋgisöndokŋini köl könjörata oyaenköyaen akingö jöhöjöhö arenŋi mi yembuk akiga mohotŋe malbin.”

Keu mewö ahöza.

²⁸ Juda kõnagesö ölni yeŋön Ölöwak Buŋa andö qeba Anutugö kerökurupŋi akeranğöra kantri tosatŋi eŋön salupŋine Anutugö alaurupŋi akze. Mewö akzemö, Anutunöŋ Israel bömön jalö-urupnini möwölöhöm engiyöhanğöra Juda nenğön mönö toroqeba wölböt alaurupŋi ölbölni akzin. ²⁹ Anutunöŋ ambazip niŋia möwölöhöba engohola kalem engimakzawi, keu mi mönö kunbuk uruŋi möŋaiiga utekömawangö dop qahö. ³⁰ Kian kantri iŋini mewöyök mutuk Anutugö jitŋi qahö tem köla laŋ malgetmö, Juda kõnagesö ölni yeŋön yangisen akeranğöra aka Anutunöŋ iŋini ak kömum engiiga letotket.

³¹ Juda kõnagesö ölni yeŋön nalö kewöŋe Anutugö jitŋi qetala laŋ mala kotzemö, eŋön letotkeranğöra aka Anutunöŋ Juda kõnagesö nini mewöŋanök nalö kewöŋe ak kömum nenğimangö mötza. Kian kantri eŋön uruŋini melennda letotketka mianğö silikŋan uruŋini kuŋgumakzawi, mianğöra yeŋön mönö mewö-ŋanök amqeba uruŋini melennda ak-kömökumuŋi buŋa qem anğume.

³² Ambazip lökŋanök pakpak nini Anutu qetala laŋ malinga qe-qetalnini miwikŋaiba gwaröhöm nenğiyök. Körek pakpak ak kömum nenğimapköra aka kösönöŋ gwaröhöm nenğiyök. Mewö.

Anutu möpöseiba omsa liŋet kewö kölakzin:

³³ *Anutu kalem möriamŋangö köweŋan mönö keta bölökŋi akza. Iwinangö jitŋi, mötmötŋi mönö gegenŋi teteköŋi qahö. Mötkutukutuŋan nenğonğita öngöŋgöŋi ketanŋi akza. Yanöŋ keunini kewöta jim tekömakzawi, nenğön mi lökŋanök jim asarim teköbingö osibin.

Malmalninaṅgö kõna areṅgömakzawi, mianṅgö kõnaṅi mönö möt kewöta miwikṅajim teköbinaṅgö dop qahö.

34 **“Kembugö urukönömṅaṅgö arenji mi ambazip körekṅan möt yaköbingö osiba mala korin. Kunṅan kun goro waṅgimawaṅgö dop qahö.”*

35 **“Gölme ambazip kalem aṅgumakzinmö, yambuk mewö akingö osiba mala korin.*

Yuai waṅgiinga kitipṅi qahö meley neṅgiiga ölop dop köl waṅgiza. Yuai kun biar neṅgimapkö tosa waṅgibingö osimakzin.”

36 **“Mi kewögöra osimakzin: Yaṅön yuai pakpakö Tonji aka bömön jalöṅi akza. Yaṅön yuai pakpak nam köliga asuhuyök. Mi nanṅi aködamun miwikṅajim waṅgimapköra aka asuhuyök. Mianṅöra neṅön qetbuṅaṅi möpöseininga teteköṅi qahö aködamunṅambuk ahöba öṅgöba ahöma. Keu mi ölna.*

12

Malmalnini denöwö malinga Anutugörej dop kölma?

1 O urumelen alaurupni, Anutunöṅ mewö ak kömum neṅgiyö-haṅgöra nöṅön mönö uruṅini kewö kuṅgum engizal: Injini mönö ak-kömükömuṅi mi urukönömṅinan mötmöriba mianṅgö dop kitipṅi meley waṅgiba waikṅi memba möpöseiba malme. Mewöyök nanṅini silenṅi mi Anutugö kötön naluha alme. Mewö alme ewö, inṅini mönö guliba sarakṅi aketka Anutunöṅ nalukṅini mi ehi dop köli sihimṅi mörakṅa.

2 Mutuk gölmegö ahakmeme bölöṅaṅgö arenji wuatangöba malgetmö, nalö kewöṅe mewö kude toroqeba ahakṅe. Mewö qahöpmö, mönö urumötmötṅinan kölöṅaiiga letota malme. Mewö mala Anutunöṅ engöra sihimṅi denöwö mötzawi, mi jaruba ölop köhöiba kewöta miwikṅaime. Mi miwikṅaiba mianṅgö dop ahakṅe ewö, mönö kõna ölopṅi wuatangögetka dop köl waṅgii aködamunṅinambuk ahakṅe.

3 Siksauk laṅ malbepuköra keu kun jimam. Anutunöṅ kalem möriam niṅgiiga mianṅgö qakṅe kinda körek engöra kewö jizal: Injini mönö nanṅini mötket öṅgöṅṅi qahö akṅapmö, mohot mohot inṅini mönö törörök möt kutum aṅguba malme. Anutunöṅ mötnarip neṅgiiga mianṅgö ölni asuhumakzawaṅgö dop mönö nanṅini kewöt aṅguba mianṅgö dopkeu jiba malme.

4 *Mianṅö kõnaṅi kewö: Sileninan mohot akzapmö, sile kitipnini mi gwötpuk. Kitipṅi pakpak mienṅön nup mohot miyöhök qahö memakze.

5 Mianṅö dop urumelen ambazip neṅön mewöyök gwötpuk maljinmö, töndup Kraistpuk qekötahöba kinda sile ewö ölni mohot akzin. Mohot akzinmö, nanṅök nanṅök neṅön mönö toroqem aṅguba mohotṅe nup meinga dop köli kinjin.

6 *Anutunöṅ kalem möriamṅi neṅgiyöhaṅgö dop nup memegö mötmöt kalem murutṅi murutṅi buṅa qem aṅguba maljin. Kunöṅ kezapqetok nupkö mötmöt kalemṅi buṅa qem aṅguza ewö, yaṅön mi mönö nupnöṅ alakṅa. Mötnaripṅan töndangöm waṅgi-makzawaṅgö dop nupnöṅ ala Anutugö keuṅi jiba malma. 7 Kungöra welenqeqe nupkö mötmöt kalemṅi waṅgiyök ewö, mianṅö dop mönö tosatṅi pöndaṅ bauköm engiba malma. Kungöra böhi qaqaṅu nup memapkö mötmöt kalemṅi waṅgiyök ewö,

* 11:34: Ais 40.13 * 11:35: Job 41.11 * 11:36: 1 Kor 8.6 * 12:4: 1 Kor 12.12 * 12:6: 1 Kor 12.4-11

yañon mönö memburik-qemburikni qahö pöndañ tosatñi kusum engiba malma.

⁸ Kungöra uru nanğönañgö nupkö mötmöt kalemni wañgiyök ewö, yañon mönö pöndañ kapañ köla ambazip uruñini kuñguba nanğöm engiba malma. Tosatñan yuaigöra mözöröñgöba osigetka kungöra i nanğöm engimapkö mötmöt kalemni wañgiyök ewö, yañon mönö kuñgwarakñi qahö pöndañ nanğöm engiba malma. Kungöra galömkölköl nupkö mötmöt kalemni wañgiyök ewö, yañon mönö zeñ kinda tosatñi galöm köl engiba malma. Kungöra urukalem nupkö mötmöt kalemni wañgiyök ewö, yañon nup mi mönö sösöñgai qakñe memba malma. Mewö.

Urukalemgö kōnañi törörök wuatangöme.

⁹ Mönö geñmoñ mosöta törörök urukalem ak añguba malme. Bölöñi sisit memba andö qeba malme. Ölöpnangöra ak engiiga miangöreñ mönö qekötahöba malme. ¹⁰ Urumelen alaurupñini mi mönö guñböñjōñjōñ qakñe ak engiba törörök jōpaköm añguba malme. Göda qem añgubingö kapañ kölakzei, miangöreñ mönö awöweñgöba möpöseim añguba malme.

¹¹ Uruñinan mönö kude sörauba löwörimapmō, köulukögetka Uña Töröñan inahöm engiiga urukönöpnōñ kinda Kembugö nup memba malme. ¹² Jörömqöröm aka sösöñgainōñ malme. Kahasililiñ möta mökösoñda malme. Mönö böñ kinda Anutu köuluköba malme. ¹³ Anutugö ambazip sarakñan yuaigöra osizei, i mönö baukōm engiba malme. Mönö ambazip köl öröm engiba mohotñe tata nene nem sösöñgai ahakñe.

¹⁴ *Sesewerowero ak engimakzei, ambazip mi mönö kude qesuahöm engimemö, mönö Anutu köulukögetka kötuatköm engimakña. ¹⁵ Söñgaizei, yembuk mönö bauköba söñgaime. Sahötzei, yembuk mönö bauköba sahötme. ¹⁶ *Mönö urumohot ak añguba luainōñ malme. Nanñinañgöra mönö kude mötket öñgöma. Jakbak-örañbörañ kude akñemö, ambazip eretñi mönö ala ak engiba malme. Nanñinañgöra mötketka mötkutukutu ambaziwa maljeañgö dop kude akña.

¹⁷ Jinōñ jibi, nuñgunōñ guhubi, aknōñ aki mi kungöra kude akñe. Ambazip körekñan silik tosatñi miengöra mötketka ahakmeme ölöpnñi akzei, mi mönö kapañ köla memba malme. ¹⁸ Yuai kungöreñ qahö qaköze ewö, mönö köhököhöi ahöm engizawañgö dop kapañ köla ambazip körek yembuk luainōñ malme.

¹⁹ *Keu kun mi Buña Kimbinōñ kewö ohoget ahöza, “Nöñon mönö bölönañgö likepñi melenbiga qakñine öñgöma. Mi nöñgö nuwa. Kambu nöñon mewö jizal.” Miangöra wölböt alaurupni, inñini nanñinak bölönañgö likepñi kude melenmemö, mi Anutugöra mosötketka irimñan seholiiga engö kitipñi melenja meköm engima.

²⁰ *Miangöra mi nanñinak kude melenmemö, Buña keu ki mönö wuatangöba malme, “Kerökan nenegö kömuza ewö, i mönö nene gumohom wañgiman. Göhö kerökan ogö mötza ewö, i mönö o wañginōñga nema. Mewö aka göhöreñ silik ölöpnñi miañon mönö uru kuñgum wañginōñga gamuñi möta mosötpawak.” Keu mi mönö wuatangöba malme. ²¹ Kunñan silik bölöñi miañon luhut al gihibapukmō, nangak mönö silik ölöpnñi aka miañon luhut al wañgiba silikñi bölöñi mi koyonaniman. Mewö.

* 12:14: Mat 5.44; Luk 6.28 * 12:16: Qam 3.7 * 12:19: Dut 32.35 * 12:20: Qam 25.21-22

13

Gawman yengö keu bapņine anda tem köla malme.

¹ Gawman kun mi nanņök qahö asuhuyökmö, Anutu, kukösum Tonji yaņön mönö gawman kuņgui mianğö dop ketaņamninan kukösum qakņe kinda galöm köl eņgimakze. Jimkutukutu nupkö kondotkondotji mi Anutu. Mianğöra inini körek mönö nanņini gawman yengö keu bapņe anda malme. ² Kōnaņi mewö mötzeañğöra aka kunņan jimkutukutu galöm yengö kukösumņini qetaljawi, yaņön Anutunöņ malmalgö arenji alöhi, mönö mi qetalja. Jimkutukutu Tonji qetaljei, Anutunöņ yengö keuņini jim teköba likepņi melenj eņgiiga lömböt miwikņaime.

³ Galömkölköl yeņön ambazip ahakmeme bölöņi ahakzei, mi keņğöt mötmöt ak eņgimakzemö, ölöpņi ahakzei, mi mewö qahö ak eņgimakze. Mianğöra galöm kukösumņinambuk yengö keņğötki mötmamğö mötzan me qahö? Mi qahö mötmamğö mötzan ewö, mönö ahakmeme ölöpņi aka memba malnōņa möpösem gihimakņe.

⁴ Gawman yeņön mönö Anutu welenņi qeba mem ölöwak gihibingö mötze. Mewö mötzeañğöra ambazip bölöņi akzei, mönö mianğö likepņi melenđa qakņine öņğöi lömböt mötmegöra kinje. Anutugö welenqe-qeurupņi aketka buldömingö sou ketaņi eņgiyöhi, mi öne töhön qahö memba malje. Mianğöra yuai bölöņi akzan ewö, mönö keņğötki möta malman. ⁵ Lömböt qakņine öņğöi mötpepuköra mönö gawman jitņini tem köla malme. Mianğörök qahöpmö, Anutugö jeņe mohot dop kölmapkōra mönö mewö ahakņe. Qahö tem kölgetka Anutugö irimņan sehōlii jii urukönömņinan mewö mötketka uruņinan bölibapukōra mönö mewöyök gawman yengö keu bapņe anda malme.

⁶ *Gawman yeņön mönö Anutugö nup bahōņi kun memba mianğoreņ zeņ kinda galöm köl eņgimakze. Nupņini mi memegöra eņön mönö baukōm eņgiba takis mewöyök alakze. ⁷ Gawmangö takis aka kötön kōnaņi kōnaņi dawik eņgimeğö jimakzei, mi mönö körek mianğö dop eņgimakņe. Gawmangö takis kōnaņi kōnaņi pakpak mi mönö törörök eņgimakņe. Gawmangö nup meme ambazip yengōra mönö ewe ala göda qem eņgimakņe. Mewö.

Nalö ketaņan dopdowiiga mönö jōpakōm aņguba malme.

⁸ Mewö aka kungōreņ tosa kun embuk kude ahōi malme. Tōndup eņğö tosaņini mohok-kun mi nalö dop kewö ahōza: Inini mönö uru jōpakōm aņguba malme. Kunņan tosaņi jōpakōba urukalem ak eņgimakzawi, yaņön mönö Kōna keu wuatañğōm tekōmakza.

⁹ *Jōjōpaņ keu bohōņi kewö, “Nangi jōpakōm aņgumakzani, mianğö dop mönö tosaņi pakpak jōpakōm eņgimakņan.” Keu mianğö uruņe jōjōpaņ keu kewōņi ahōze, “Sero yoņğorö kude akņan,” “Ambazip kun kude qeņöņ kömuma,” “Yoņğorö kude meman,” “Yuaigōra mönö kude köpösōņğōman.” Mi aka jōjōpaņ keu tosaņi pakpak mi mönö keu bohōņi mianğö nembōņe akze.

¹⁰ Ambazip kun jōpakōm waņgizan ewö, yaņğöra mönö yuai bölöņi kun kude ak waņgiman. Mianğöra urukalem aka mewö mianğön mönö jōjōpaņ keu körek pakpak tem köla wuatañğō-makzan.

* **13:6:** Mat 22.21; Mak 12.17; Luk 20.25 * **13:9:** Eks 20.13-15, 17; Dut 5.17-19, 21; Lew 19.18

¹¹ Nalö kianjö könani mötzeanjöra mönö ahakmeme mewöni aka memba malme. Mutuk Kraist möt nariba urunini melenjini, nalö miangöorenjök könahiba mala koringa Kembunöni meköm nenjii Suepnöni öngöbini, miangö nalönan mönö dowe ahöza. Miangöra injini gaun ahözei, miangöorenjök imbiñini möta wahötmeanjö nalönan mönö lök kam kunguza. ¹² Sunjem köröpni malinga wehön jeñi jililingöba koriga asarimangö akza. Miangöra söñaupkö ahakmeme mi mönö tömbuluaniget geiga asakñanjö bim qebingö aködamunñi mi mönö memba kölget geiga kinbin.

¹³ Asakñanjö uruje maljinanjö dop mönö ahakmeme sarakñi aka memba malbin. Tosatñan közölömbuan pati ala bau numbu nemba o köhöikñanjöra enololoñ ahakze. Sero namböñnamböñ aka lanñ ambi yonjoro öromakze. Julia denja anjgururuk aka anjöhöba urunöni mutututut möta andönöni qem angumakze. Ahakmeme mewönan mönö qahö dop kölja. ¹⁴ Urusilegö sihim kömbönanjini bölönan guliba wahötketka miengö sihimñini tem köl engibepuköra mönö mi kude kezap ala mötmörim engimakñe. Mewö qahöpmö, Kembu Jisös Kraistkö ahakmemenän mönö timbi saiwanjini aiga mi maluku ewö löngöt anjuba malme. Mewö.

14

Alaurup lölöwöröni i kude jim engiba malme.

¹ *Kungö mötnaripñan lölöwöröni aiga i mönö köyan köla köl örom wanjiba malme. Yambuk eraum möta kösawörañ keugöra jitnakölik kude ahakñe. ² Tosatñan mötnaripñinanjö dop nene pakpak ölöp nemakzemö, tosatñi yengö mötnaripñinan lölöwöröni aiga nene piakñanök nemakze. Uruninan tölöhobapuköra uruyahöt aka sömbup tandö lopionjö naluk alalñi mi sisitñi memba yöha töhönök inannik ohom nemakze. ³ Nene pakpak nemakzeanön mönö alaurupñini yöhayök nemakzei, mi jijiwilit kude ak engimakñe. Anutunöni alaurupñini nene pakpak nemakzei, mi mewöyök “Dop kölje,” jiba köyan köl engimakza. Miangöra yöhayök nemakzei, enön mönö alaurupñini yengö keunini kude jim teköme.

⁴ Göñön mönö niñia aka kungö welenqeqeñi jim teköm wanjibanak? Yanön mönö nanñi toñanjö jeñe keunanjö likepñi jiiga kewöta jim teköiga dop köliga kinma me lömböt qakñe öngöiga etma. Kembunöni mönö köhöiba böñ qeba kinmapköra nanjöm wangimakña. Miangöra mönö ölöp böñ qeba kinma.

⁵ Tosatñan silim pakpaköra mötmörigetka tandökñini öröröni ahözemö, tosatñan silimñi silimñi kewöta silim kungö mötket öngöiga gainñi kun aiga silim tosatñan miangö nemböñe akze. Injini mohot mohot mönö nanñini mötmötñini qekötahöba miangören uruyahöt körek yaköriba awösamkakak kinda malme. ⁶ Tosatñan silimñi silimñi kewöta öngöba eta alakzei, yanön mi mönö Kembu qetbuña wangimapaköra aka ahakze. Tosatñan sömbup nemakzei, yanön mönö Anutu möpöseiba Kembunöni mewö qetbuñanambuk akñapaköra nemakze. Tosatñan sömbupkö singi malakzei, yanön mönö Kembunöni qetbuñanambuk akñapaköra aka mi ahakze aka mewö mala Anutu möpöseimakze. ⁷ Nenjörenjök kunñan kun mönö nanñanjörök qahö malja aka nanñanjörök qahö kömuma.

* 14:1: Kol 2.16

⁸ Mianğö kōnaŋi kewō: Jebuk malbin ewō, mōnō malmalnini Kembugōra kōleŋda malbin. Kōmumbin ewō, mōnō Kembugōra kōmumbin. Mianğōra malbin me kōmumbin ewō, mōnō Kembugō buŋaya akzin. ⁹ Kraistnōŋ mōnō kōmugeri aka jebuk maljini, kōrek nenğō Kembunini aka malmapkōra kōmumba guliyōk. ¹⁰ *Anutunōŋ mōnō kōrek nenğuangita nanŋi keu jakene al nenğiiga kinbin. Mianğōra tosatŋi eŋōn mōnō niŋja aka urumelen alaurupŋini jim tekōm enğimakze? Mewōyōk alaurupni tosatŋi eŋōn mōnō wuanōŋğōra urumelen alaurupŋini tosatŋi mi jijiwilit ak enğimakze? Jujul silikŋini mianğōn mōnō qahō dop kōlja. ¹¹ *Mianğō keuŋi mi Buŋa Kimbinōŋ kewō ohoget ahōza,

“Kembu nōŋōn mal kōhōizali, mianğō dopkeu ol tōhōnŋi kewō jizal: Ambazip kōrek pakpak iŋini mōnō nōŋğō jemesoholne simin kōla jitŋinan Anutu ni mōpōseim niŋgime.”

¹² Keu mianğō dop nini kōrekŋan mōnō inanğōk inanğōk ahakmemeni-nanğō kōsohotnini mi Anutugōra jim asariinga kewōt nenğima. Mewō.

Kunōŋ tōtanğōba et qebapukōra mōtmōrime.

¹³ Mianğōra mōnō kude toroqeba jim bōlim anğuba keuŋini jim tekōme. Urumelen alaurup yenğō kōnanōŋ tōtanğōba et enğubapukō yuai kun mōnō kude alakŋe. Mianğō keuŋi mōnō kapan kōla jiba jōhōme. ¹⁴ Nene yuai kunōŋ nanŋanōk anğōjōrakŋambuk qahō akzapmō, ambazipnōŋ yuaigō mōtketka anğōjōrakŋambuk akzawi, yenğōrōhōk mi anğōjōrakŋambuk akza. Nōŋōn Kembu Jisōsbuk kinda keu mi mōta mianğōra uruyahōt kun qahō akzal. ¹⁵ Anutunōŋ nene pakpak amōt qem tekōi sarakŋi akzemō, tōndup alaurup tosatŋan dōnqiziziniŋi aka sōmbup qahō nemakze. Kraistnōŋ yenğōra aka kōmuiga tosatŋi eŋōn mōnō wuanōŋğōra sōmbup namba mewō mianğōn yenğō uruŋini mem bōlimakze? Mewō nanŋini imbi-imbi aketka urumelen alaurupŋinan mianğōra wōsōbirik ahakzei, mewō mōnō urukalemğō kōnaŋi mi qahō toroqeba wuatangōmakze.

¹⁶ Mōtmōt olōpŋi ahōm enğizapmō, mianğō qakŋe ahak-memeninan laŋ aketka tosatŋan mianğōra sirongen keu jiba jim enğimakze. Mewō asuhubapukōra galōm mem anğuba malme. ¹⁷ Wani neneya nembini aka wani oya nembini, mianğōn Anutu bemtohoŋanğō aiwesōkŋi qahō akza. Yuai mianğōn mōnō eretŋi akza. Yanğō bemtohoŋ uruŋe malmalgō olŋi mi kewō: Uŋa Tōrōŋan inahōm nenğiiga ahakmeme diŋdiŋi wuatangōinga luai qem nenğiiga sōŋgaiba maljin. Mianğōn mōnō aiwesōk muŋgemŋi akza. ¹⁸ Denike yenğōn mewō aka Kraistkō welenni qemakzei, yenğōn mōnō Anutugō jene dop kōlgetka ambazipnōŋ keuŋini mōtketka dop kōl enğimakza.

¹⁹ Mianğōra nini luai qem anğuinga urumohot sehimapkōra kapan kōlbin. Mewō mianğōn mōnō urunini mōhamğōba mem kōhōim anğubin. ²⁰ Anutunōŋ nene pakpak amōt qem tekōi sarakŋi akze, mi mōtzinmō, kunōŋ sōmbup me nene kun neiga alaŋanğō uruŋan mianğōra bōliiga urukōnōpŋi ahuiga siŋgisōn-dokpuk akzawi, mianğōn mōnō qahō dop kōlja. Kunŋan tosatŋi yenğōra qahō mōtmōriba nanŋanğōrōk mōta laŋ nezawi, yanğōn mōnō mewōyōk siŋgisōndokpuk akŋa. Mianğōra Anutunōŋ yenğō uruŋine nupŋi meyōhi, tosatŋi eŋōn mōnō nupŋi olōpŋi mi nenegōra aka kude mem bōlime.

* 14:10: 2 Kor 5.10 * 14:11: Ais 45.23

²¹ Mianğöra urumelen laurupnini yenğöra aka sömbupkö sinji mala wain o mi kude nema malme. Mewö mianğön mönō mohotne ölöwakne. Mewöyök uruñinan yuaigöra aka bölīga sinğisöndokpuk aka löwōribawak, eñon mi kude akne. Mewö mönō mohotne ölöwakne. ²² Kōsawōrañ keugö mötnaripni mewö me mewö ahöm gihizawi, mi mönō Anutugö jemesoholne anğon köla malman. Kunñan keu kungöra “Dop kölja,” jiba mianğoreñ qekötahöba möt köhöiba mianğöra nanñi qahö jim teköm anğuzawi, yañon mönō simbawon akza.

²³ I me wai mötnarip qakne qahö kinda ahakzini, mi pakpak mönō sinğisöndok akza. Mianğöra kunñan nene kungöra uruyahöt aka tōndup mi neza ewö, yañon mönō mewö sinğisöndok akña. Mötnarip qakne qahö kinda nezawañgöra Anutunöñ mönō yañgö keuñi jim teköi qaköba lömböt miwikñaima. Mewö.

15

Mönō Kraistkö mötmötñi wuatangöba malme.

¹ Mötnaripninan köhöikni akzawi, neñon mönō naninañgörök lañ söñgaiba nanini imbi-imbi malbinbuk. Tosatñi yenğö mötnaripninan lölöwöröñi aiga tötäpinpinöñ köna onğita törörök qahö wuatangömakzei, neñon i urukalem ak engiba lömbötñini bisimegö baukōm engibin. ² Nini mohot mohot mönō alaurup-ninan ölöwakneanğö dop mötmöriba ak engimakin. Mewö ak engiba uruñini möhamgögetka köhököhöi miwikñaima. ³ *Kraistnöñ mewöyök nanñanğörök nanñi imbi-imbi qahö söñgaiba ahökmö, Buña keu kiangö dop ak wañgigetka malök, “Ambazip keu töhöreñ jiba gi jim gihimakzei, yenğö keuñinan mönō nuñguiga sihimbölöñi mörakzal.” Keu mewö ahöza.

⁴ Anutunöñ neñgöra sihimñi kewö mörakza: Neñon kapañ köla köhöiba kinda Buña Kimbi oyoñninga urunini nañgöiga mewö mianğön jörömqöröm aka malbin. Mianğöra Buña keu pakpak mönōwök ohogeri, Anutunöñ mönō mianğö dop kusum neñgimangö mötza. Mianğöra mi ohoget ahöza. ⁵ Anutunöñ mönō nanñak uruñini nañgöiga ölop kapañ köla kin köhöime. Yañon mönō Uñañi enğiiga inahöm enğiiga sutñine uru jöhöjöhö aka Kraist Jisösgö mötmötñi wuatangöba malme.

⁶ Mewö mala ölop urumohot qakne numbuñini mindiriba Anutu, Kembunini Jisös Kraistkö Iwiñi mi möpöseiba malme. Anutunöñ eñon mewö aka malmegöra mörakza. Mewö.

Ölöwak Buñanöñ kantri tosatne anda kayök.

⁷ Kraistnöñ injini möt anğon köla köyan köl engimakzawi, mianğö dop injini mönō mewöyök köyan köl anğuba malme. Anutugö qetbuñanjan sehimapköra mönō mewö aka malme. ⁸ Nöñon keu ölni ki jimam: Anutunöñ keuñi keuñi Juda könagesö neñgö bömönurupnini yenğöra jiba jöhöyöhi, mianğön ölnambuk akñapköra mörök. Mianğöra Kraist melaiiga Anutugö Buña keu ölnan köhöimapköra aka Juda neñgö sutnine eta welen qem neñgiba malök. ⁹ *Juda nini welen qem neñgiba malökmö, kantri tosatñi yeñon mewöyök yañgö ak-kömukömuñi möta mianğöra Anutu möpöseiba malje. Mianğö keuñi mi Buña Kimbinöñ kewö ohoget ahöza, “Mianğöra nöñon kantri tosatñi yenğö sutñine mala möpöseim gihiba qetbuñagan sehimapköra linjet kölakñam.”

* 15:3: Sum 69.9 * 15:9: 2 Sml 22.50; Sum 18.49

10 *Miangö keunji kun mi kewö jiba ohoget ahöza,
 “Anutunöŋ Juda nini möwölöhöm neŋgiiga könagesöŋi aka söŋgaimakzin.
 Kantri tosatŋi inŋini mönö nembuk toroqeba söŋgaiba köiraŋ ala
 malme.”

11 *Miangö keunji kun mi kewö,
 “Kian kantrigö kambu pakpak inŋini mönö Kembu möpöseiba malme.
 Gölme dop maljei, inŋini mönö körek ‘Anutu saiwap!’ jiba liŋet köla
 malme.”

12 *Kezapqetok azi Aisaia yaŋön mewöyök miangö keunji kewö jii ahöza,
 “Azi qetŋi Jesi yaŋgö andöjalöŋan mönö sötnji jula wahöta ambazip gölme
 dop galöm köl eŋgima.

Mewö ak eŋgiiga jörömqörömrŋini yaŋgöreŋ ala bauköm eŋgimapköra
 mamböta malme.”

Keu walŋi miangön mönö nalö kewöŋe ölhambuk ahakza.

13 Uŋa Töröŋaŋgö ösumŋan mönö naŋgöm eŋgiiga jöröm-qörömŋinan
 köhöiba pöwöwöm akŋapköra mötzal. Miangöra jörömqöröm Tonji Anutu
 yaŋön mönö luai qem eŋgiba sö söŋgai pakpak miangön uruŋini kokolak
 qema. Mewö köuluköbiga ölöp Anutu möt narim waŋgiba oyaenköyaen
 akingö mamböta malme. Mewö.

Keu köhöikŋi mi denöwögöra ohozal?

14 O urumelenŋ alaurupni, nanak eŋgöra kewö möt köhöizal: Inŋini mönö
 tönpin qahö maljemö, Anutunöŋ yuai pakpak ölöpŋi uruŋine ali kokolak
 qeiga mötmöt könaŋi könaŋi miwikŋaiba miangön ölöp goro qeba kusum
 aŋgubinaŋgö dop akze. 15 Mewö akzemö, töndup keu mi ölum eŋgubapuköra
 möta miengö könaŋini mi kunbuk köl gulim eŋgizal. Anutunöŋ kalem
 möriam niŋgiiga miangö qakŋe kinjalangöra mönö awösamkakak qakŋe
 keu köhöikŋi tosatŋi ohom eŋgizal.

16 Miangö könaŋi kewö: Anutunöŋ kian kantri eŋön uruŋini
 melengetka Uŋa Töröŋan mem sarahim eŋgimapköra mörakza. Mutuk
 jöwöwöl ohogetka köwakŋan öŋgöi Anutunöŋ söŋgaizapma, miangö
 dop nalö kewöŋe Anutunöŋ ambazip gölme dop buŋaŋi aketka eŋgeka
 söŋgaimangöra awöweŋgömakza. Miangöra Ölöwak Buŋaŋi kantri tosatŋi
 yeŋgö sutŋine jim sehimangö jiba nupŋi qakne aliga miangö dop urugö
 nup galöm aka Kraist Jisösgö welenni qemakzal.

17 Miangöra Kraist Jisösbuk qekötahöba kinda Anutugö nupŋi membiga
 qetbuŋa niŋgiiga sileni memba öŋgöba awösamkakak kinjal. 18 Kraistnöŋ
 kantri tosatŋi yeŋön Anutugö jitŋi tem kölmegöra möta sölölohöba kuŋgum
 niŋgimakzawi, miangön mönö nam köl niŋgiiga keuni jiba ahakmemeni
 ahakzal. Keu tosatŋi laŋ jim sehisehigö awösamkakakŋi mi qahö ahöm
 niŋgiza.

19 Uŋa Töröŋaŋgö ösumŋan mönö nam köl niŋgiiga aŋgöletot aiwesök
 kukösumŋinambuk asuhuget. Nöŋön Jerusalem siti mosöta kantriŋi
 kantriŋi liliköba anda mala mala Yuropkö siti qetŋi Ilirikum miangöreŋ
 aŋgoral. Mewö gölme dop liliköba Kraistkö Ölöwak Buŋa mi jim asarim
 eŋgim teköyal. 20 Kunöŋ tandö kuŋguiga kuŋŋan kaba nanŋi miriŋi miangö
 qakŋe memba mönö keuŋambuk akŋa. Miangö dop kunöŋ Kraistkö
 keuŋan mötnaripkö tandö lök kuŋgui kinöhi, nöŋön mönö kaba yaŋgö
 tandö qakŋe töndangöba kinda uruŋini toroqeba möhamgöba mem köhöim

* 15:10: Dut 32.43 * 15:11: Sum 117.1 * 15:12: Ais 11.10

enjimamgö tököba malal. Urugö nup mutukñi memba mianjôn aködamani miwikñaimamgö kapan köla malal. Miangöra ambazip denike yejôn Kraistkö qetñi qahö möta tönpin malgeri, nöjôn Ölöwak Buña yejgöra jim asarimamgö awöweñgöba malal. ²¹ *Miangö keuñi Buña Kimbinöñ kewö ohoget ahöza,

“Denike yejôn keuñi qahö jiget mötkeri, yejôn mönö mala i ekñe. Denike yejôn könañi mutuk qahö möta tönpin malgeri, yejôn mönö mala mi möt asarime.”

²² *Nup mewöñan jöhöm niñgiyöhañgöra mönö nalö dop engöreñ kamamgö osiba malal. Mewö.

Polnöñ Rom anmamgö areñi alök.

²³ Mewö malalmö, liliköba urukunğukunğu nup mutukñi memba gölme pakpak möt engizini, miangöreñ mi mem teköba malal. Urugö nup mutukñi memamanğö gölmeñi mi nalö kewöñe kunbuk qahö ahöza. Mewöyök inini engekñamgö sihimñi möta malbiga yambu (yara) gwötpuk lök teköyök. ²⁴ Miangöra kantri qetñi Spein anmami, miangö könañe mönö engöreñ kamamgö areñi ala engekñamgö jörömqöröm aka kewö mötzal: Engeka embuk sösoñgai aka borom kun köisirik tatpiga bauköm niñgigetka ölöp köna toroqeba Spein anmam.

²⁵ *Mewö mötzalmö, nalö kewöñe Jerusalem sitigö könagesö sarakñi nanğöm enjibingöra miangöreñ anmam. Miangöreñ andagun engöreñ kamam. ²⁶ Masedonia aka Akaia prowins yahöt mietkö urumelen könagesö kambuñi kambuñi yejôn mönö Jerusalem sitigö ambazip sarakñi bauköm enjibingö keu jöhöget. Anutugö ambazip sarakñi wanapñi maljei, mönö yejgöra keu jöhöba naluk gwötpuk ketañi ala mindirigetka mi membagan anda enjimam.

²⁷ *Mewö akingö uru sösoñgai möta keu jöhöba mindimindiri naluk ketañi mi alget. Mewö almegö tosa ahöm enjiiga algetka öñña dop kölja. Anutunöñ Juda könagesö kötuatköm nengimamgö keuñi jii ahöiga kötumötuet mianjôn kian kantriñi kantriñi dop köla qakñine öngöi malje. Miangöra kian kantri yejgöreñ tosa ahöiga likepñi melenđa kalemñinan Juda könagesögö wanapñi bauköm enjigetka dop kölja. ²⁸ Nöjôn kalem mi memba anda böröñine albi nupni mianjôn teköiga miangö andöñe engömosöta kusukñanök engöreñ kaba engekagun toroqeba Spein anmam. ²⁹ Engöreñ kamami, nalö miangöreñ mönö Kraistkö kötumötuetñi mi körek memba kaba enjimam. Mewö möt yaközal.

³⁰ O urumelen alaurupni, nöjôn Kembu Jisös Kraistpuk qekötahöba kinda kewö uru kunğum engizal: Uña Töröñan jöpaköba nanğöm enjimakzawanğö dop mönö nöngöra Anutu köuluköba malme. Aum-mörimakzali, miangöreñ mönö uruka-lemñinan bauköm niñgiba malme.

³¹ Judia prowinsnöñ anda ambazip Kraistköra yanğiseñ ahakzei, yejgö böröñine gebilenbuköra mönö Anutugö köulukögetka sel jöhöm niñgibawak. Mewöyök naluk kalem ketañi memba Jerusalem anda ambazip sarakñi yejgö böröñine albiga dop köli sihimñi mötmegöra mönö köuluköba malme. ³² Mewö köulukö-getka Anutunöñ sihimñi mötza ewö, nöjôn mönö sösoñgai qakñe engöreñ kaba embuk köisirik tata körö-ölöwak qem

niŋgigetka malmam. ³³ Luai Tonji Anutu yaŋon mönö körek embuk kinma. Keu mi ölŋa.

16

Yaizözkök keu teteköŋi

¹ Alanini Fibi (Foibe) yaŋon Senkria urumelen könagesögö nup meme ambia akza. Yaŋon Rom engörej kamawi, i köyan kölmegöra mönö qesim engiba böröŋine aljal. ² Yaŋon ambazip gwötpuk aka ni mewöyök bauköm neŋgiba malök. Miangöra Anutugö ambazip sarakŋan alaurupnini köl öröm engimakzini, miangö dop Fibiŋöŋ kaiga i mönö Kembugö qetŋe köuluköba köl öröm waŋgime. Engörej kaba yuai kungöra osibawak, miangörej mönö bauköm waŋgime.

³ *Awanömyahöt Prisila aka Aqila Kraist Jisösbuk kinjahori, neŋakyahötŋi yetköra mönö nöŋgörej yaizözkökŋi jigetka mötmahot. ⁴ Yetköŋ mönö nöŋgöra aka malmalŋiri kölenda kömumbitkö ahot. Nöŋönök qahö möpöseim etkizalmö, kantri tosatŋe urumelen könagesö kambuŋi kambuŋi yeŋon mönö mewöyök yetköra saiwap jimakze.

⁵ Urumelen könagesö miriŋire tokomakzei, yeŋgöra mewöyök mönö nöŋgö yaizözkökŋi jigetka mötme. Eisia prowinsŋöŋ nup membiga ölŋi mutukŋan asuhuiga Epainetus yaŋon uruŋi melenŋa Kraistkö buŋa ahöhi, wölböt alani yaŋgöra mönö nöŋgörej yaizözkökŋi jigetka mötma.

⁶ Marianöŋ engöra aka nup ketanji memba malöhi, yaŋgöra mönö nöŋgörej yaizözkökŋi jigetka mötma. ⁷ Andronikus aka Junias tinitosolomyahötŋi yetköŋ mutuk Kraistkörej qekötahöyohotka nöŋön yetkö andöŋire uruni melenbiga miangö andöŋe nömbuk kösö mire malin. Aposol yeŋon yetköra mötketka sutŋine öŋgöŋgöŋi akzahot. Yetköra mönö nöŋgörej yaizözkökŋi jigetka mötmahot.

⁸ Wölböt alani Ampliatus Kembubuk kinjawi, yaŋgöra mönö nöŋgörej yaizözkökŋi jigetka mötma. ⁹ Neŋaknini Urbanus Kraistpuk kinjawi aka wölböt alani Stakis yetköra mönö nöŋgörej yaizözkökŋi jigetka mötmahot.

¹⁰ Apeles Anutunöŋ esapesap waŋgiiga dop köli Kraistpuk qekötahöba kinjawi, yaŋgöra mönö nöŋgö yaizözkökŋi jigetka mötma. Aristobulusbuk miri mohot maljei, yeŋgöra mönö nöŋgörej yaizözkökŋi jigetka mötme.

¹¹ Tinitosolomni Herodion yaŋgöra mönö nöŋgörej yaizözkökŋi jigetka mötma. Narsisusbuk Kembu qekötahöba miri mohot maljei, yeŋgöra mönö nöŋgörej yaizözkökŋi jigetka mötme.

¹² Trifina aka Trifosa ambi yahöt mietköŋ nup ketanji memba Kembubuk kinjahori, yetköra mönö nöŋgörej yaizözkökŋi jigetka mötmahot. Wölböt ambi alani Persis yaŋon Kembugöra nup keta bölökŋi memba maljawi, yaŋgöra mönö nöŋgörej yaizözkökŋi jigetka mötma. ¹³ *Rufus yaŋon Kembugö nupŋi ölöp kötökŋi memakzawi aka yaŋgö namŋi nalö dop ni tok nahöŋŋi ewö köyan köl niŋgiba malöhi, yetköra mönö nöŋgörej yaizözkökŋi jigetka mötmahot.

¹⁴ Asinkritus, Flegon, Hermes, Patrobas, Hermas aka urumelen alaurup tosatŋi yembuk maljei, yeŋgöra mönö nöŋgö yaizözkökŋi jigetka mötme. ¹⁵ Filologus, Julia, Nereus nenŋambuk aka Olimp as aka ambazip sarakŋi tosatŋi pakpak yembuk maljei, yeŋgöra mönö nöŋgörej yaizözkökŋi jigetka mötme.

* 16:3: Apo 18.2 * 16:13: Mak 15.21

¹⁶ Urumelenj alaurup sutɲine mōnō aŋgum aŋguba nembōjini suhuba jōlōjini jiba malme. Kraistkō urumelenj kōnagesō pakpak yeŋōn mōnō yaizōkzōkɲini algetka eŋgōreŋ kaza. Mewō.

Qambaŋ keu tetekōɲi

¹⁷ O urumelenj alaurupni, nōŋōn uruɲini kewō kuŋguba jizal: Ambazip tosatɲan uru mendenmendenj asuhumapkō nam kōlakzei, yeŋgōra mōnō je galōm mem aŋguba malme. Urumohotkō silik ölpɲi kusum eŋgigetka mōtzemō, keu mi qetala kōsawōraŋ keu tosatɲi miaŋōn uruɲini kuŋgugetka bölii qakōba erakze. Ambazip mewōɲi mi mōnō eŋgōmosōta tikep malme. ¹⁸ Ambazip mewōɲan mōnō nanini Kembunini Kraistkō nupɲi qahō memakzemō, nanɲini sihimɲinaŋgō dop asuhumapkōra tuakōpek jiba nanɲini welen qem aŋgumakze. Kelök keu ölpɲi ölpɲi nahōmɲambuk jiba ambazip geŋmoɲini qahō yeŋgō uruɲini kuŋguba tilipkōm eŋgimakze.

¹⁹ Iɲini Ölöwak Buɲa tem kōla wuatangōmakzei, keu mi kōrek neŋgō kezapɲine geiga mōtzin. Miangōra nōŋōn eŋgōra aka ōnōɲi qahō sōŋgaimakzal. Mewō akzalmō, iɲini kewō aka malmegōra mōtzal: Mōnō bölöɲi akingō mōtkutukutuɲini mosōtketka etma. Ölpɲi akingō mōtkutukutuɲini mi mōnō pōndaŋ kōl guliba mem qarime. ²⁰ Luai Toɲi Anutu yaŋōn mōnō Satan ösumok tōjōjahōi eŋgō bapɲine eri kōiraŋ kōla sōŋgaiba malme.

Kembunini Jisōsgō kalem mōriamɲan mōnō embuk ahōma.

²¹ *Nōŋgō neɲakni Timoti yaŋōn mōnō yaizōkzōkɲi ali eŋgōreŋ kaza. Nōŋgō tinitosolomurupni Lusius, Jeison aka Sosipater yeŋōn mewōyök yaizōkzōkɲini algetka eŋgōreŋ kaza.

²² Tertius nōŋōn Polgō keuɲi mōta kimbi ki ohozali, nōŋōn mewōyök Kembubuk kinda yaizōkzōkni albiga eŋgōreŋ kaza.

²³ *Gaiusnōɲ miriɲi jim tekōi malbiga urumelenj kōnagesō pakpak yeŋōn mewōyök ki kaba tokogetka nene kōisirik al neŋgimakzawi, yaŋōn mōnō yaizōkzōkɲi aliga eŋgōreŋ kaza. Erastus yaŋōn siti pomɲaŋgō ofis uruɲe takis moneŋ galōm kōlakzawi aka urumelenj alanini Qartus yetkōn mōnō yaizōkzōkɲiri alohotka eŋgōreŋ kaza. ²⁴ Kembunini Jisōs Kraistkō kalem mōriamɲan mōnō embuk ahōma. Keu mi öɲɲa.

Kembu möpōseiba kewō kōulukōmakzal:

²⁵ Ölöwak Buɲa keu öɲɲi mi möpɲaŋgō möpɲeyök mala kotketka miangōreŋ tōlapɲe ahōyök. Mewō ahōiga Jisōsnōɲ eta indela jim asariiga mōta jim sehimakzal. Buɲa keu miangō dop Anutunōɲ mōnō kōhöiba mōtnariɲini mem kōhöiiga ölpō zeɲ kin kōhöime. Miangōra neŋōn mōnō Anutugō qetbuɲaɲi möpōseininga sehimakɲa.

²⁶ Mutuk Buɲa keu öɲɲan asa-asambōtɲe ahōba korōkmō, nalō kewōɲe kezapqetok ambazip kulem ohoget ahōzawaŋgō dop mōnō aukɲe asuhuyök. Anutunōɲ nalō dop mala kota tetekōɲi qahō mal öŋgōmawi, yaŋōn ambazip kambuɲi kambuɲi neŋōn urunini melenɲa Buɲa keu mōt nariba tem kōla malbingōra mōtza. Miangōra nup kewō mēmbingō jim kutum neŋgiyök, “Iɲini mōnō anda gölme dop lilikōba Buɲa keu jim asariba malme.” Keu miangō dop neŋōn Buɲa keu mi ambazip kambu pakpak mōtmegōra jim asariba malin.

* 16:21: Apo 16.1 * 16:23: Apo 19.29; 1 Kor 1.14; 2 Tim 4.20

²⁷ Anutu nannök mötkutukutu Tonj akzawi, nenön mönö Jisös Kraistkö qetje yangö qetbuñani möpöseininga nalö teteköñi qahö aködamunñambuk ahöm öñgöba ahöma. Keu mi öñja.

Korint Kimbi 1 **Polnön Korint yeŋgöra Kimbi mutukŋi alök.** **Jim-asa-asari**

Polnön misin nup memba liliköiga indimŋi yahöt ahöi Grik siti Korint miangören anök. Korint mi Akaia prowinsgö siti bohonŋi. Miangö kösohotŋi mi (Apo 18.1-6) eka oyoŋme. Nalö miangören Korint mi siti keta bölökŋi. Bisnisŋini kōnaŋi kōnaŋi gwōtpuk ala meget. Korint yeŋön tandö lopionŋ aka bem kōnaŋi kōnaŋi waikŋini memba möpöseiba malget. Mōnahotŋini kōnaŋi kōnaŋi ala sōŋgaiget. Gwōtpukŋan serowilin aka malget.

Kimbi ki kewögöra ohoyök: Polnön misin nup memba liliköiga indimŋi karöbut ahöi Efesus sitinön maliga tosatŋan Korintnöhök kaba sutŋine lömböt asuhuyöhi, miangö buzupŋi jigetka mörök. Lömböt tosatŋi kewö: Urumelen kambu yeŋön deŋda simbisembel malget (1.10–4.21), serowilin laŋ aket (5.1-13), awanöm malmalgö kōnaŋan sohayök (Boŋ 7), tandö lopiongö bau nenegö goranora aket (Boŋ 8), semön töröŋi nenegö eŋololon aket (11.17-34), zioz malmalgö areŋ qahö wuatangöba ilingösön malget, kantri tosatŋangö keuŋi keuŋi aongit aka jiget (12-14). Tosatŋan keu kewö jiget: “Kömugeri, yeŋön kunbuk qahö wahötme.” (15.12-33) Korint yeŋön kimbi kun mewöyök ohogetka Polgören kayöhi, miangören qeŋesi tosatŋi al wanjiget, (mi 7.1; 8.1; 12.1; 16.1 miangören oyoŋman).

Polnön qeŋesinini mi melenŋa lömbötŋinanangö qambaŋ keu eŋgiba kimbi ki ohoyök. Urukalemgö keu (Boŋ 13 mi qetpuk sorokŋi. Kōnaŋep nanŋak Korint anda eŋgekmanngö keuŋi jiba ohoyök (16.5-7).

Buk kiangö bahönŋi bohonŋi 8 mi kewö:

Jim-asa-asari keu 1.1-9

Deŋda kambuŋi kambuŋi malget 1.10–4.21

Serowilin aka awanöm malmal 5.1–7.40

Urumelenngö aka urumelenngö kopa malmal 8.1–11.1

Urumelen malmal aka möpömöpöse areŋ 11.2–14.40

Kraist aka körek neŋön kömupnöhök wahötpin 15.1-58

Judia urumelen kambu yeŋgöra naluk alget 16.1-4

Polgö areŋi aka yaizözkök keuŋi teteköŋi 16.5-24

¹ Kraist Jisösnön Pol ni noholiga Anutugö jitŋangö dop melaimelai azi aposol akzal. Nöŋön urumelen alani Sostenes yambuk tatzit.

² *Anutugören kōnagesö Korint sitinön maljei, nöŋön embuk Buŋa keu eraum mötpingöra kazal. Kraist Jisösnön inŋini eŋgoholiga yambuk qekötahögetka tök kutum eŋgiiga sarakŋi akze. Mewöyök ambazip denike yeŋön gölme dop Kembunini Jisös Kraistkö qetŋi qeta köulukögetka i aka nini mohok kembu ak neŋgimakzawi, mönö körek eŋgöra Buŋa Kimbi ki ohozit.

³ Anutu Iwinini aka Kembu Jisös Kraist yetkōn mönö kalem möriam eŋgiyohotka luainön malme. Mewö.

Polnön Korint yeŋgöra Anutu kewö möpöseiza:

⁴ Inŋini Kraist Jisösbuk qekötahöba kingetka Anutunön kalem möriamŋi eŋgiyöhi, miangöra mönö nalö dop eŋgöra Anutuni saiwap jiba

* 1:2: Apo 18.1

möpöseimakzal. ⁵ Inini Kraistpuk qekõtahöba kingetka nup memegö mötmöt kalemñi kelenmaleleñ enjiiga mötmöt kõnañi kõnañi buña qem anjuba ölop Buña keugö kõnañi pakpak jimakze.

⁶ Nini Kraistkö kõnañi nangöba jiinga keu mianjö ölnan ahuba köhöii kinjeañö dop mötmöt kalem pakpak mi enjiyök. Mianjöra Anutu möpöseimakzal. ⁷ Mianjöra nup memegö mötmöt kalem kungöra qahö osiba kinda Kembunini Jisös Kraistnöñ kunbuk asuhumapköra mambörakze.

⁸ Kembunini Jisös Kraistnöñ mem köhöim enjiiga nalö teteköñe aukñe asuhumawi, nalö mianjöreñ inini solanñi aka keunñi qahö kinda i ekñe. ⁹ Anutunöñ keunñi törörök wuatangöba bauköm enjimakña. Yanñon inini nanñi Nahönñi Jisös Kraist Kembuninambuk toroqeba malmegöra engholök. Mewö.

Könagesöñinan denja kambunji kambunji ala kinje.

¹⁰ O urumeleñ alaurupni, nöñon Kembunini Jisös Kraistkö qetñe kewö uru kunjum enjizal: Inini mönö körekñanök urumohot aka sutñine jujul kude aka malmemö, urunñi mindirigetka mohot aiga mötmöt mohot wuatangöba malme. ¹¹ O urumeleñ alaurupni, inini sutñine anjururuk gwötpuk aka maljei, mianjö buzup keunñi ambi Kloegö saiwaurup tosatñan mönö jigetka möral.

¹² *Kewögöra mi jizal: Engöreñök tosatñan kewö jimakze, “Neñon Polgö keunñi wuatangömaksin.” Tosatñan “Neñon Apolosgö keunñi wuatangömaksin,” jimakze. Toroqeba tosatñan kewö jimakze, “Neñon Pitögö keunñi wuatangömaksin.” Dumñe kunbuk tosatñan kewö jimakze, “Neñon mönö Kraistkö keunñi wuatangömaksin.” ¹³ Kraistnöñ jula gwötpuk ahök me? Pol nöñon mönö engöra aka maripomnöñ kömuyal me? Pol nöñgö qetne o melun mem enjiget me? Mewö möt sohobepuk?

¹⁴ *Nöñon engöreñök Gaius aka Krispus o melun mem etkialmö, tosatñi mi qahö mem enjialangöra “Anutu saiwap!” jizal. ¹⁵ Mianjöra “Polgö qetñe o melun mem nenjiget,” kunñan keu omanñi mewö jibapuk.

¹⁶ *O ölna, Stefanas aka yanjö saiwaurupñi mi mewöyök o melun mem enjialmö, yenjö andöñine kun o melun mem wanjial me qahöpto, mi törörök qahö mötzal. ¹⁷ Kraistnöñ ni ambazip o melun mem enjimangöra aka qahö melaim ninjiyökmö, Ölöwak Buña jim sehimangöra jiiga anda kamakzal. Kraistnöñ nenjöra aka maripomnöñ kömuyöhi, nup mianjö ösumñan eta omanñi akapuk. Mianjöra Buña keu mi gölme azigö mötkutukutu qakñe lanj qahö jimakzal. Mewö.

Kraistnöñ Anutugö kukösumñi aka mötmöt areñi indelök.

¹⁸ Ambazip könöp siagö buñaya akñei, yenñon maripomñangö Buña keunñi möta mianjöra mötket uruqahö keuya akza. Mewö akzapmö, Suepkö buñaya akzini, nenjöra keu mianñon mönö Anutugö kukösumñi indeli mörakzin. ¹⁹ *Mianjö keunñi Buña Kimbinöñ kewö ohoget ahöza, “Nöñon mötmöt ambazip mötkutukutunñi köndenbiga sohoma.

‘Möt asarim yakömakzin,’ jimakzei, yenjö mötmötñini mönö mem soho-biga söörauba omanñi akña.”

* 1:12: Apo 18.24 * 1:14: Apo 18.8; 19.29; Rom 16.23 * 1:16: 1 Kor 16.15 * 1:19: Ais 29.14

20 *Mötkutukutu ambazip ölni mi denike malje? Buk oyoŋda mötmötkö könaŋi miwikŋaigeri, mi denike? Gölmenöŋ jitrakölikö böhi aka keu melenqelenja jimakzei, mi mönö ölna qetpuk akze me? Gölmenöŋ mötkutukutu ketanji ahözawi, Anutunöŋ mönö mi mem kaheiiga (sahahai-iga) uruqahö mötmöra akza. Keu mi ölna.

21 Anutunöŋ nanŋi mötkutukutuŋaŋö dop gölmenöŋ malmalgö arenji alökmö, ambazipnöŋ nanŋini mötkutukutuŋine nanjöba mewö mianön Anutugö könaŋi möt kutubingö osiba tönpin malget. Osiba mala Kraistnöŋ maripomnöŋ kömuyöhi, mianjöra “Uruqahö keuya!” jiba mötketmö, Anutunöŋ Buŋa keu mi neŋön jim sehibingöra jiyök. Mi jim asariinga denike yeŋön uruŋini melenja möt narizei, mi dom-amöt qem enjgimangö möri dop kölök. 22 Juda yeŋön aiwesök angöletot asuhumegöra kapan kölakzemö, Grik kantri yeŋön mötkutukutuŋinan sehimapköra jarumakze.

23 Mi jarumakzemö, neŋön Kraist maripomnöŋ qeget kömuyöhaŋö Buŋa keuŋi jim sehimakzin. Juda yeŋön keu mi mötketka uruŋini böliiga mianjöreŋ qaköba uruŋini qahö melenmakze. Kian kantri yeŋön mianjöra mötketka uruqahö keuya akza.

24 Gwötpukŋan mewö mötzemö, Anutunöŋ neŋgoholi urunini melenjini, neŋgöra Kraistnöŋ mönö Anutugö mötkutukutuŋi indela Anutugö kukösumŋi neŋgimakza. Juda me kantri tosatŋi akzini, mi töndup Kraistpuk qekötahöba kinda mohot akzin.

25 Ambazip neŋgö mötkutukutunini aka ösumnini mi eretŋi. Anutunöŋ uruqahö akawak, mianön mönö töndup ambazip mötkutukutunini onŋita öngöŋgöŋi ketanji akawak. Anutunöŋ lölöwöröŋi akawak, mianön mönö töndup ambazip ösumnini onŋita köhöikŋi kötökŋi akawak.

26 Urumelenj alaurupni, nanŋini könaŋini denöwö ahöiga Anutunöŋ engoholöhi, mi mötmöriget? Inini gwötpukŋan gölmegö mötkutukutu ketanji qahö memba malget. Gwötpukŋan kukösum qakŋe sukinapŋinambuk qahö malget. Iwiurupŋini gwötpukŋan qetbuŋaŋinambuk qahö malget. 27 Mewö qahöpmö, gölme ambazipnöŋ engöra mötketka uruqahö ambazip omanji akzei, Anutunöŋ mönö inini mewöŋi möwölöhöm enjgiyök. Gölme mötmöt ambazip ipŋi mi gamu qem enjgiyök. Gölme ambazipnöŋ engöra mötketka lölöwöröŋi akzei, Anutunöŋ mönö inini mewöŋi möwölöhöm enjgiyök. Gölme mötmöt ambazip ipŋi mi gamu qem enjgiyök.

28 Gölme ambazipnöŋ jijiwilit ak enjgiba könaŋinaŋgöra mötketka etqeqeŋi akzei, Anutunöŋ mönö inini mewöŋi möwölöhöm enjgiyök. Gölmenöŋ yuai akzei, yeŋgö qetbuŋaŋini mem solanii qahöwakŋapköra yuai kun qahö akzei, mönö mi möwölöhöm enjgiyök.

29 Kunöŋ Anutugö jemesoholŋe silenji memba öngöbapuköra mönö mewö meköba möwölöhöm enjgiyök. 30 Anutunöŋ nam köl enjgiba enjganaŋgiriga Kraist Jisösbuk qekötahöba mal köhöimakze. Yanön Anutugö mötkutukutuŋi qainŋi kun indeli mörakzin. Kraistnöŋ sohohnini memba keunini jim teköi solaniba maljin aka tök kutum neŋgiiga sarakŋi akzin. 31 *Buŋa Kimbinöŋ keu kewö ohoget ahöza, “Kunŋan silenji memba öngömawi, yanön mönö Kembu möt wanŋizawaŋgöra aka silenji mem öngöma.” Keu mianjö dop ahangä dop kölma. Mewö.

* 1:20: Job 12.17; Ais 19.12; 33.18; 44.25 * 1:31: Jer 9.24

2

Kraist maripomnöŋ kömuyöhanğö keuŋi jial.

¹ Urumelen alaurupni, nöŋön engöreen kaba Anutugö könaŋi nanğöba jim asarim engiali, mi keuni nahöm sorokŋambuk akŋapaköra qahö jiba malal me gölmegö mötkutukutu öngöngöŋi kondela mianjön sileni qahö memba öngöba malal. ² Nöŋön engö sutŋine mötmöt murutŋi pakpak goraŋe ala Jisös Kraistkö keuŋi aka maripomnöŋ kömuyöhanğö könaŋi miyök möt kutuba mi jim sehimamğö keu jöhöyal.

³ *Keu mewö jöhöba engöreen kayali, nalö mianğöreen azi lölöwöröŋi aka jönömni gwötpuk undui kenğöt qakŋe malal. ⁴ Nöŋön Buŋa keu jim asarim engiali, mi mötkutukutu ketaŋaŋğö kelök keuŋi qahö jiba malal. Mi qahöpmö, Uŋa Töröŋan sölölohöm engii ösum-mumuŋan uruŋine in-ahömapköra kapaŋ köla jiba malal. ⁵ Gölmegö ambazipkö mötkutukutuŋinan qahöpmö, Anutugö kukösumŋan nam köl enğiiga möt narimegöra kapaŋ köla malal. Mewö.

Uŋa Töröŋaŋğö mötkutukutu mi qainŋi kun.

⁶ Nöŋön töndup urumelen alaurup aködamunŋinambuk maljei, yeŋğö sutŋine tatpiga Anutugö mötkutukutuŋi gegeni mi ölop eraum mörakzin. Gölmegö mötkutukutuŋi mi qahö eraum mörakzin. Gölmegö gölmeŋi galöm köl engiba malgetka kukösumŋinan qahöwakŋawi, yeŋğö mötkutukutuŋini mi mewöyök qahö eraum mörakzin.

⁷ Mi qahöpmö, Anutugö mötkutukutu tölapŋi mönö mi eraum mörakzin. Anutunöŋ Suep gölme qahö miwikŋaim etkiiga mianğöreen mönöwök qeljiŋe lök arenj kewö ala jöhöyök, “Ambazipnöŋ bian ahuba aködamun miwikŋaiba oyaenğoyaen akŋegöra mönö mötkutukutuni qainŋi kun mi enğimam.” Mewö jiba tölapŋe ali ahöyök. ⁸ Gölmegö azi kembuŋi kembuŋi mala kotkeri, yeŋğöreenök kunŋan mönö mötkutukutu mi qahö möt kutuyök. Mi möt kutubeak ewö, Kembunini asakmararaŋambuk i mönö maripomnöŋ qahö qegetka kömumbawak. ⁹ *Mötkutukutu qainŋi kun mianğöra keu kewö ohoget ahöza,

“Kunŋan yuai mi je kezapŋan qahö eka mörök. Mianğö mötmötŋan kungö uruŋe qahö asuhui mörökmö, ambazip Anutu uruŋinan jöpaköm wangimakzei, yeŋğöra mi mönö mözözömgöiga jöjöröba ahöza.”

¹⁰ Gölmegö ambazip yuai mi qahö möta jipjap malgetmö, Anutunöŋ mi mönö Uŋaŋi melaiiga neŋğöra indeli mörin. Yaŋön keu pakpakö könaŋi jaruba miwikŋaimakza. Anutugö mötmöt gegeni mewöyök möt teközawaŋön mönö mi sölölohöm neŋgiiga mörin.

¹¹ Kungö uruŋi kunöŋ qahö mötza. Uruŋaŋğö uŋaŋi yaŋönök mönö mi möt yaköza. Mewöŋanök Anutugö uruŋi mi kunŋan qahö mötzapmö, Anutu nanŋi Uŋaŋi Töröŋi yaŋönök mi möt yaköza. ¹² Neŋön gölmegö ahakmeŋe bölöŋaŋğö ömeŋi kun qahö buŋa qem anğuinmö, Anutunöŋ yuai kalem neŋgiyöhi, mianğö könaŋi mötpingöra mönö nanŋi Uŋaŋi melaii urunine geiga maljin.

¹³ Mianğö könaŋi gegeni tokoba eraum mörakzin. Gölmegö ambazipnöŋ mötkutukutuŋinaŋğö qakŋe keu kusum neŋgigetka mianğö dop mi qahö eraum mörakzin. Mewö qahöpmö, Uŋa Töröŋan keu kusum neŋgiyöhi, mianğö dop mönö urugö keu ölni kewöringa sölölohöm neŋgi jim asarim-akzin. ¹⁴ Uŋa Töröŋan sölölohöm neŋgiiga keu mi mewö kewöztzin ewö,

* 2:3: Apo 18.9 * 2:9: Ais 64.4

könaŋi mönö miwikŋaiba möt asaribinaŋgö dop akza. Mianğöra Uŋa Töröŋan denike yeŋgö uruŋine qahö mali öne laŋ maljei, yeŋön Anutu Uŋaŋaŋgö buŋaŋi mi möt aŋgön kölbinaŋgö osimakze. Yeŋön Buŋa mianğöra mötketka uruqahö keu tandök aiga könaŋi möt asaribinaŋgö osize.

¹⁵ Yeŋön osizemö, Uŋa Töröŋan sölölohöm neŋgiza ewö, mönö keu pakpakö könaŋi kewöta jim teköbinaŋgö dop akzin. Mewö akzinmö, urumelen ambazip kungö könaŋamŋi mi gölme ambazip köreŋan törörök jim teköbinaŋgö osimakze. ¹⁶ *Mianğö könaŋi mi Buŋa Kimbinöŋ kewö ohoget ahöza,

“Kembugö urumötmötŋi mi azi kunŋan kun qahö mörök. Mianğöra kunŋan i goro qambaŋ waŋgimawaŋgö dop qahö.”

Kunŋan mi qahö mörökmö, neŋön Kraistkö urumötmötŋi memba maljin. Mewö.

3

Anutugö nup meme ambazip

¹ O urumelen alaurupni, iŋini namande ewö Kraistpuk qekötahöba kinget. Mianğöra nöŋön iŋini gölmegö ahakmeme mötöteimakzeanğö tandök malgetka Buŋa keu mi jim asarim engiba sutŋine malal. Uŋa Töröŋan sölölohöm enġii maljeanğö tandök ewö enğöra jimamgö osiba malal. ² *Nöŋön keu möt asarimeanğö dop juzu oŋi ewö gumohom engiba malal. Nene ölni nemingö dop qahö akeranğöra keu gegeni mi qahö enġial. Nalö mianğöreŋ nene ölni nemingö osiget aka nalö kewöŋe mewöyök mi ölop qahö nemakze.

³ Iŋini toroqeba gölmegö ahakmeme bölöŋi mötöteiba malje. Iŋini urunöŋ mututqutut möta aŋgururuk aka keu jijinöŋ nonġitnöŋ gonġitpi ahakze. Mewö aketka uru silegö sihim kömbönaŋini bölöŋan galöm köl enġiiga urumelenğö kopa ambazip omaŋi yeŋgö tandök ahakze.

⁴ *Tosatŋi iŋini kewö jimakze, “Nini Polgö keuŋi wuatanağömakzin.” Tosatŋan kewö jimakze, “Nini Apolosgö keuŋi wuatanağömakzin.” Mewö mewö jiba mönö gölme ambazip omaŋan ahakzeanğö tandök aka malje.

⁵ Apolosnöŋ niŋia akza aka Pol nöŋön niŋia akzal? Niri mönö Anutugö nuwa memba maljit. Kembunöŋ nanŋik nanŋik netköra nup netkiyöhi, mianğö dop bauköm enġiziga uruŋini melenġa Kembu möt nariba malje.

⁶ *Nöŋön kötni kömötpiga Apolosnöŋ o memba kaba mianğöreŋ mokoyökmö, Anutunöŋ mönö meiga töhötmöriam asuhuyök. ⁷ Mianğöra kömörohü, yaŋön qetŋambuk qahö akza. O mokoyöhi, yaŋön mewöyök qetŋambuk qahö akzapmö, Anutunöŋ kötuetsköiga töhötmöriamŋi kota qarimakzei, yaŋönök mönö qetbuŋaŋambuk akza. ⁸ Mewö akzapmö, kömörakzali aka o mokomakzawi, netkön mönö dop mohot akzit. Mohot akzitmö, mi töndup töwaniri mi mönö nupniri memakzirangö dop nanŋök nanŋök membit.

⁹ Netkön Anutugö nup neŋakyahötŋi aka yambuk nup memakzit. Enğö uruŋini mi Anutugö arö ewö aiga kölkömöt nupŋi mianğöreŋ memakza. Anutunöŋ miri ewö uruŋini inahöba mindirim enġiiga köhöiba wahörakze. ¹⁰ Anutunöŋ kalem möriam niŋgiyöhi, nöŋön mianğö dop miri memegö mötmöt azi ewö aka Anutugö tandö kömbönaŋi uruŋine kuŋguba kömötpiga kunöŋ mianğö qakŋe miri memakza. Ölop memakzapmö,

* 2:16: Ais 40.13 * 3:2: Hib 5.12-13 * 3:4: 1 Kor 1.12 * 3:6: Apo 18.4-11.24-28

mohot mohot neñon mirigö nupñi ölöññanök membinanğö dop akzin. Ek kutuba memingöra mönö je galöm mem anğubin. ¹¹ Urugö tandöñi mi Jisös Kraist. Nöñon mi lök uruñine kömötpiga kunñan mötnaripkö tandö kun miwikñaimanğö osima.

¹² Tandö mohot akzampö, میانğö çakñe tosatñan miriñini goul silwönöñ me köt ölninambuk tosatñi میانñon memakze. Tosatñan miriñini ip kösönöñ, tömbö bohöm sinñan me señgwenöñ memakze. Siliknini mewö me mewö memakzin ewö, ¹³ urugö nupninanğö ölnan mönö inanñök inanñök aukñe asuhuma. Kembunöñ nalöñan kam kuñguiga میانğöreñ mönö mirigö esunji luluñma. Miri esuninan mönö Anutugö könöp bölamñan asuhuiga jeba eriga ölnan aukñe ekingö dop akña. Könöp میانñon mönö mohot mohot neñğö mirininanğö tandökñi ölni mi esape-sapnöñ ala kewötma.

¹⁴ Könöpnöñ jeba miri pakpak kewöt enğiiga megetka ölninan köhöiba kinme ewö, yeñon mönö nupñinanğö töwañi buña qem anğume. ¹⁵ Tosatñan miriñini megetka ölninan jeba etme ewö, yeñon mönö töwa çahöp mö, geñmororöñ miwikñaimeme. Mi miwikñaimemö, nanñinak töndup Suepkö buñaya malme. Könöp bölamnöñ jem enğohoiga میانğö tandök onğitpingö jaram tiba kök alal ewö aketka Anutunöñ meköm enğiiga Suepnöñ onğöme.

¹⁶ *Nanñinak Anutugö Buña jike (tempöl) aketka Anutugö Uñañan uruñine maljawı, mi mötze me çahö? ¹⁷ Anutugö Buña jikenji mi kömbukñi akzawi, میانğö dop enñon sarakñi akze. میانğöra kunñan Anutugö jike mem böliza ewö, Anutunöñ mönö i nanñi mem bölim wanğima.

¹⁸ Kunñan nanñi gölmeğö mötmötñi wuatangöba tilipköm anğubapuk. Enğö sutñine kunñan nanñanğöra möri “Gölmeğö mötkutukutu onğöñğöñi memba maljal,” jiza ewö, yanñon mönö mutuk uruqañö aka mewö میانñon mötkutukutu ölni miwikñaiabawak.

¹⁹ *Anutunöñ gölmeğö mötkutukutu onğöñğöñi میانğöra möri uruqañö keuya akza. میانğö keunji Buña Kimbinöñ kewö ohoget ahöza, “Anutunöñ mötkutukutu onğöñğöñi memba maljei, mi gwaröhöm enğiiga nanñini mötmöt imbi-imbinöñ supapköba çaköme.” ²⁰ *Mیانğö keunji kun kewö ahöza, “Kembunöñ mötkutukutu ambazip yeñğö mötmöt areñinanğöra möri omanji akza.” ²¹ میانğöra enğöreñök kunñan mönö ambazip neñğöra aka silenji memba wahötpapuk. Körek neñon mönö enğö buñaya akzin.

²² Pol, Apolos, Pitö* neñon mönö enğö buñaya akzin. Ambazip gölme dop maljini, neñon mönö körek enğö buñaya akzin. میانğöra ölop keu mi me mi kewöta memba mewö میانñon malmalñini malme aka kömupñini kömume. Nalö kewöñe maljini, körek neñon mönö enğö buñaya akzin aka könanğep nup meme ambazip malmei, yeñon mönö mewöyök enğö buñaya akñe. ²³ Mewö ak enğizinmö, enñon Kraistkö buñaya aketka Kraistnöñ Anutugö buñanji akza. Mewö.

4

Nini Kraistkö aposolurupñi akzin.

¹ میانğöra ambazip körekñan mönö neñğöra kewö mötketka dop kölma: Kraistnöñ jim kutum neñğiiga nupñi memakzin. Anutunöñ keunji tölapñi

* **3:16:** 1 Kor 6.19; 2 Kor 6.16 * **3:19:** Job 5.13 * **3:20:** Sum 94.11 * **3:22:** Pitö qetñi alañi Sifas

nenjiiga bujanini aiga galöm kölakzin. Neñön miri galömñangö tandök ewö akzin. ² Galöm yenjö tonjan miri yuaini galöm kölmegöra böröjine aljawi, yañön mönö keu bohonji kewö kapan köla jim kutum engimakza, “Nupñini mönö misila pöndañ memba malme. Memburik-qemburik kude akje. Mewö miwikñaim engibiga dop kölma.” ³ Korint eñön me gölmegö keu jake kungö galömñan ni kewöta jim teköm niñgibeak ewö, nöñön mönö keu miangöra mötpi eretñi kötökñi akza. Nanak mewöyök nani keuni qahö jim teközal. ⁴ Uruni kewöta keu kun qahö mötpiga mem lömbörim niñgizapmö, miangöra töndup solanñi qahö akzal. Ambazipnöñ qahöpmö, Kembunöñ mönö nöñgö keuni kewöta jim teköm niñgimakza.

⁵ Miangöra inini mönö nalö kewöñe kungö keunji kun mi kude jim teköme. Kembunöñ nalöñi ali kam kuñgumapköra mönö mambötm. Mamböta malgetka miangöreñ kaba keu yuai ömukñe asambötket ahözawi, mi mönö asakñan indeliga aukñe asuhuma. Yañön kaba ambazip urunini mem asariiga könañamnini öññan aukñe ekñamgö dop akña. Könañamnini öññi eka mohot mohot kewöt nenjiiga Anutunöñ mönö miangö dop nalö miangöreñ möpösem nenjibawak.

⁶ O urumeleñ alaurupni, inini jula jakbak-öranbörañ aka lañ likep-likep arönda kinda qetal anjumakze. Mewö malbepuköra mönö Apolos niri mötmörim netkiba nanñini imbi-imbi mosöta keu kianjö könañi mötme, “Buña keu ohoget ahözawi, mi mönö kude ongitme.” Keu mi mötket uruñine ahöi tem kölgetka ölöwakñegöra mönö kösohotniri mewö ohozal. Mi nani aka Apolos netkö könañamniri kewöta mötmöriba möt asarimegöra ohozal. Jujulñinan mewö teköma.

⁷ Gölmegö kunñan mönö qahö mem letot gihiiga tosatñi engonñita qainñi kun akanak me qahö? Mi qahö. Yuai pakpak ahöm gihizawi, mi mönö Anutunöñ kalem gihiiga buña qem angunöñ me qahö? Mi kalema buña qem angunöñ ewö, mönö wuanöñgöra kalem qahöpkö tandök ewö silegi memba öñgömakzan? Mi qahö dop kölja.

⁸ Yuai pakpak memba malbingö sihimñi mötzei, mi mönö lök ahöm engim teköza. Anutunöñ Suep köweñeyök kalemñi kalemñi mokom enjiiga lök simbawonñ akze. Neñön qahö bauköm enjiinga nanñinak töndup mötnaripkö azi kembu tandök akze. Nanñanangöra mewö mötmörim anguze. O eñön öñña kiñ aketka dop kölbowak. Mewö aketka neñön mönö mewöyök azi kembu-urupñini aka enjö qöhöröjine ölop silenini memba öñgöba aiweliköm anjubinak. Nöñön mewö akingö sihimñi mötzal.

⁹ Nöñön mewö mötzalmö, nanini könañamnini eki tandök kewö akza: Anutunöñ aposol nini al nenjiiga ambazip jenjine etqeñeñi töhöñ aka maljin. Ambazip enjuget kömumegö jim tekögerangö tandök aukñe anda kaininga lañ qeta gamu qem nenjimakze. Yuai ehkeñi qainñi kun ahinga gölme dop miengö tonji aka Suep jakeñi jakeñi miengö pom garatanji miengöñ mönö jenjan neñgek kutuba neñgehimakze.

¹⁰ Kraistköra aka uruni sohoi maljali, nöñgöra mewö jimakzemö, eñön Kraistpuk kinda mötmöt ambazip aködamunñinambuk akzeangö tandök akze. Nöñön lölöwöröñi akzalmö, eñön “Ambazip köhöikñi akzin,” jize. Ambazipnöñ inini göda qem engimakzemö, nöñgöra mötket eriga jijiwilit ak niñgimakze. ¹¹ Nalö dölkewöñe mewöyök nenegö kömumba ogöra ak nenjiiga opo walñi jujuratñi löñgöta malinga binnöñ lañ nenjugetka dum mirinini qahö mala toroqeba anda kamakzin.

12 *Nanini börönninan sileqeçe tandök nup memakzin. Ambazipnöj laj qesuahöm neŋgimakzemö, nejön mönö kötuetakm enġiba yeŋgöra köulukömakzin. Sesewerowero ak neŋgimakzemö, nejön mönö mi möta mökösoŋda kapan köla maljin. 13 Uruqeçe keu töhören jim neŋgimakzemö, nejön mönö guŋböŋjönjöŋ qakŋe ösoŋnöŋ melenmakzin. Nejön gölmeġo nesak lömŋaŋgö tandök ewö ahinga gölmeŋi gölmeŋi yejön sisitnini memba andö qem neŋgimakze. Mewö mala kota nalö dölkewöŋe mewö toroqeba maljin.

14 Gamu qem enġimamgöra keu ki qahö ohozalmö, wölböt nahön böraturupni ewö mönö goro qambaŋ enġimamgö mötzal. 15 Mötnaripkö böhi 10.000 yejön Kraistpuk qekötahöba köyan köla kusum enġibeak ewö, mi töndup nöjön mönö Kraist Jisösbuk qekötahöba Ölöwak Buŋa jim asariba iwiŋjini akiga uruŋjini melenġet. Mianġöra iwiurupŋjini gwötpuk qahö malje.

16 *Mianġöra uruŋjini kewö kuŋgum enġizal: Nöjön silik ahakzali, mianġö dop enjön mönö nöŋgö silikni mi wuatangöba malme. 17 Nöjön silikni Kraist Jisösbuk qekötahöba aka memba gölmeŋi gölmeŋi liliköba urumelen könaġesö dop kusum enġimakzali, mianġöra mönö ölum enġubapuk. Nöjön mianġöra aka wölböt nahöni Timoti melaibiga enġöreŋ kama. Yaŋön nömbuk pöndaŋ mala Kembubuk qekötahöba kinda kaba könaŋamni jiba köl gulim enġima.

18 Enġöreŋök tosatŋan nöjön enġöreŋ qahö kabilenak ewö möta silenini möpöseiba jakbak-öraŋböraŋ aka laj malje. 19 Mewö maljemö, Kembunöŋ sihimŋan ni kamamgö mötma ewö, mönö ösumök enġöreŋ kamam. Kamami, nalö mianġöreŋ jakbak-öraŋböraŋ ambazip yeŋgö kukösumŋinaŋgöra qesim enġibiga jim miwikŋaigetka mötmam. Silenini memba wahöta keu ketanji ketanji laj jimakzei, mianjön nöŋgöreŋ eretŋi akza. 20 Anutugö bemtohoŋ mi keuyök jijigö yuaia qahöpömo, öŋŋi mi Anutugö kukösum. Mianjön mönö nam köl neŋgiza.

21 Mianġöra uruŋjini qahö melenġa laj malme ewö, nöjön mönö kömbin memba kaba keunöŋ enġohotirimam. Uruŋjini melenme ewö, mönö urubönjöŋ qakŋe urukalem ak enġimamgöra kamam? Keu yahöt mi kewöta nöŋgöra sihimŋjini denöwö mötzei, mi möt kewöta jime. Mewö.

5

Kunöŋ serowilin ahöhi, i mönö sutŋineyök közölme.

1 *Keu kun kewö jigetka nöŋgö kezapne geyök: Tosatŋan urumelen könaġesö sutŋine serowilin ahakze. Kunŋan iwiŋaŋgö anöŋŋi memba malja. Serowilin mewöŋi mi urumelenġö kopa ambazip yeŋgö sutŋine mewöyök kun qahö ahöza. 2 Kunŋan mewö aiga iŋjini töndup silenini memba öŋgöba laj jakbak-öraŋböraŋ ahakze. Mi qahö dop köljapmö, silikŋaŋgö wösöbiriknöŋ mönö mem kömum enġiiga dop kölbawak. Mewö aka ölöp azi siŋgisöndok mewö ahöhi, i mönö sutŋineyök közölgetka yaigep etma. I denöwö aka qahö közöljeje?

3 Nöjön öŋŋa enġöreŋök köröwen malbi sileni qahö nehakzemö, töndup uŋanan mönö embuk maljal. Kunŋan ahakmeme kanŋamŋambuk ahöhi, nöjön lök yaŋgö keuŋi kewöta sutŋine maljalangö tandök möta jim teköba kewö jizal: 4 Iŋjini mönö Kembunini Jisösgö qetŋe totoko algetka

* 4:12: Apo 18.3 * 4:16: 1 Kor 11.1; Fil 3.17 * 5:1: Dut 22.30

nöngö uñanan embuk toroqeiga Kembunini Jisösgö kukösumñan nam köl enjiiga öröröñ kinda keuñi jiba mönö kewö jöhöme: ⁵ Satanöñ silenjanğö sihim kömbönañi bölöñi qei etmapköra mönö andö qem wanğiba yanğö böröñe algetka mindingöm wanğima. Mindingöm wanğiiga löwöriba uruñi meleni Anutunöñ amöt qem wanğiba Kembangö nalöñe uñanji meköiga Suepkö buñaya akawak.

⁶ *Silenjini memba öngömakzei, mi ölöpnji qahö. Injini keu yahöt ki möt yaköze, “Yist kitipñi moröñi obuk mindiriba plauanöñ alinga mem qariga dis kokolak qemakza. Mewöyök bau wösö kömbukñan tinğirakzawi, mianñon mönö busu pakpak mem bölimakza.”

⁷ *Keu mianğö dop injini lök plaua dis sarakñi ewö aketmö, singisöndokö yistñi kun mi ket ewö sutñine kanğota enğöhömakza. Körek bölibepuköra mönö yistñini walñi mi kewöt uteköme. Azi mi wösö kömbuk ewö közöla mönö dumñe kunbuk yambu jeniqeqe dölökñanğö plaua dis sarakñi ewö aka malme. Ak-kömukömu kendon nalöñe lama jöwöwöl ohoba beret yistñi qahö nemakzei, mianğö dop Kraistnöñ nanine ak-kömukömu lamanini aiga lök qeget kömuyök. Mianğöra injini ölop plaua dis sarakñi yistñi qahö ewö akñe aka kunbuk oyaenkyoaen uruñe kanğota malme.

⁸ *Kraist kömuyöhanğöra mönö sösöñgai kendon aka malbin. Yist me wösö kömbukñi mi ahakmeme bölöñi inğonmanğonambuk. Mianğö qakñe mönö sösöñgai kendon kude akin. Mianğöra mönö geñmoñ mosöta keu ölnji wuatangöba beret yistñi qahö ewö aka mianğö qakñe sösöñgai kendon aka malbin.

⁹ Nöñon Buña Kimbi ohom enğiba kewö jial: Injini serowilin ahakzei, yembuk mönö kude köisirik tata eraum mötme. ¹⁰ Gölmenöñ uruñini qahö melenđa ahakmeme bölöñi ahakzei, yenğöra keu mi qahö ohoyal. Yenñon serowilin aka yuaigö nepaqepalok membagan mendingö köpösöngömakze. Yuai kalöpköba yonğorö memakze aka tandö lopion waikñini memba möpöseim enğimakze. Yenğöra aka mewö ohom enğibileñak ewö, injini mönö gölmenöñ malbingö osibeak.

¹¹ Yenğöra aka qahöpmö, könañi kewögöra keu mi ohom enğial: Kunñan nanñi qetñi urumelen ala jiba töndup serowilin akza me yuaigö nepaqepalok membagan memamgö kösösöngömakza me tandö lopion waikñi memba möpöseimakzawi, yambuk mönö kude köisirik tata eraum mötme. Mötnarip kambu enğö sutñine kunñan mepaqepaik ahakza me o köhöikñi nempa enololon ahakza me yuai kalöpköba yonğorö memakza ewö, yambuk tata nene kun kude neme.

¹² Yaigep maljei, nöñon yenğö keuñini qahö jim tekömakzal. Mi nöngöreñ nuwa qahö. Injini mewöyök könagesö pakpakö keuñini qahöpmö, uruñini melenđa sel uruñe maljei, mönö yenğö keuñini miyök kewöta jim tekömakze. ¹³ *Yaigep lañ maljei, Anutunöñ mönö yenğö keuñini kewöta jim teköma. Mianğöra mönö Buña keu kianğö dop akñe, “Azi bölöñi mi mönö sutñineyök közölme.” Mewö.

6

Urumelen alanini mi yaigep yenğö keu jakenje kude alme.

¹ Urumelen ambazip sutñine kunñan alanji keu jakenje almamgö mötza ewö, yanñon Anutugö ambazip sarakñi enğonğita ambazip gonğonji yenğö

* 5:6: Gal 5.9 * 5:7: Eks 12.5 * 5:8: Eks 13.7; Dut 16.3 * 5:13: Dut 13.5; 17.7

jenjine aniga qahö dop kölja. Qahö! Urumelenjö kopa ambazip baukôm wanjimegöra qesim enjiiga gamuñambuk akza. ² Anutugö ambazip saraknji nenön kantrinji kantrinji yengö keunjni kewöta jim teköbini, mi lök mötze. Injini gölme pakpak yengö keunjni jim teköbingö dop akze ewö, mönö denöwö aka keu morömorö kewöta jim tekömeangö dop qahö akze? Injini mönö ölna mianjö dop akze. ³ Urumelen ambazip nenön Suep garataurup yengö keunjni kewöta jim teköbini, mi lök mötze. Mianjö dop akzin ewö, gölmenöñ malmalgö keunji mi mönö amqeba kewöta ölop jim tekömakin.

⁴ Mianjöra gölmenöñ malmalgö keunji sutjine asuhumakzawi, keunjni mi mönö wuanöngöra silenje yengö keu jakenje öngöba jim tekömegö qesim engimakze? Urumelenjö kopa ambazip sutjine jijiwilit ak engimakzei, yengöra töndup keu nalöñe mötketka öngömakza. Mi qahö dop kölja.

⁵ Keu mi gamu qem engimangöra jizal. Mötnarip ambazip engö sutjine keu ahözawi, engöreñök kungö mötkutukutunji dop kölga keu mi ölop jim tekömawanjö dop akza me qahö? Mönö ölop sutjineyök azi mewöñji miwikñaima. ⁶ Qahö tandök aiga urumelen ala kunöñ alanji silenje yengö keu jakenje alakza. Mewö ala ambazip Anutu qahö möt narizei, mönö yengö jenjine anda keu nupköra qesim engimakza. Mi qahö dop kölja.

⁷ Sutjine keu jakenje al angumakzei, mewö mianjön mönö nanjnini eta enjiiga Kraistkö qetbunajan lök eretnji aiga malje. Ambazipnöñ ak bölim engigetka urunjni mianjöra wahöri keunöñ al engigetka Anutugö jeñe qahö dop kölja. Tilipqilip aka yuainjni öröba megetka injini likepñi qahö melen engigetka mewö mianjön Kraistkö könajan mönö aködamunñambuk akña.

⁸ Injini Kraistkö qetnji kewö mem bölimakze: Mönö nanjinak tilipqilip aka ambazip ak bölim engiba yuainjni öröba memakze. Urumelen alaurunjni yengöra mewöyök mewö ak engimakze.

⁹ Irimqirim ambazip yenön mönö Anutu bemtohoñangö urunje öngöba dum qahö meme. Mi mötze. Ahakmemeninan mönö tilipköm anguba janjun akepuk. Tosatñan serowilin aka tandö lopion waikñini memba möpöseimakze. Tosatñan awanöm malmal ongita qesabulum ahakze. Tosatñan monengöra lan amimba malje aka azi nanjirök ambi nanjirök amimba malje. Mewöñji mienön mönö Anutu bemtohoñangö bunaji qahö akñe.

¹⁰ Tosatñan yongorö memba yuaigö nepaqepalok membagun membingö köpösöngömakze. Tosatñan o köhöikñi memba enjololon aka lan mepaqepaik ahakze. Tosatñan yuai kalöpköba yongorö memakze. Ambazip mewöñan mönö Anutugö bemtohoñi bunja qahö qem angume. ¹¹ Engöreñök tosatñan mutuk mewö aka malgetmö, könangep Kembunini Jisös Kraist bunja qem angugetka sepnan sanjonða tök kutum engiba yanjö qetnje saraknji aket. Mem solanim enjiiga Anutuninanjö Unajan mönö inahöm enjiiga diñgiba malje. Mewö.

Silenjan Anutugö jike kömbukñi akza.

¹² *Nöñon yuai pakpak ölop memamanjö dop akzalmö, yuai pakpaknöñ mönö qahö mem ölöwak niñgiza. Yuai pakpak ölop memamanjö dop akzalmö, yuai kunöñ kembu ak niñgibapuköra mönö galöm mem angumakzal. ¹³ “Nene mi neneyök. Mi kömoñgokninanjöra aka ahöza. Kömoñgoknini mi nene nein gemapköra aka ahöza.” Kunöñ mewö

* 6:12: 1 Kor 10.23

jibawakmö, Anutunöŋ mönö nene aka kömoŋgok mi mohotŋe jim teköi qahöwaktahot. Silenini mi serowilin akingöra qahöpmö, Kembugö nupŋi mbingöra aka ahöza. Mewö ahöiga nanjak silenini ölöwaktahot nene yuai nenjimakza. ¹⁴ Anutunöŋ nanŋi kukösumŋan Kembu mem gulii kömupnöhök wahöröhi, yaŋön mönö nini mewöyök mem gulim nenŋii wahötpin.

¹⁵ Enŋö sileninan Kraistpuk toroqeba silenangö kitipŋi akzei, mi mötze me qahö? Miangöra nöŋön Kraist silenangö kitipŋi kun memba köna ketanŋi ambibuk qekötahömam me qahö? Mi qahöpmahöp! Mönö yapmakek! ¹⁶ *Anutunöŋ keuŋi kewö jii ahöza, “Yetkön mönö sile mohot aktahot.” Miangöra kunŋan köna ketanŋi ambibuk qekötahözawi, yaŋön mönö yambuk sile mohot aktahot. Mi mötze me qahö? ¹⁷ Mohot aktahotmö, kunŋan Kembubuk qekötahözawi, yaŋgö uŋaŋan mönö Kembugö Uŋaŋambuk mindiriiga mohok aka malmahot.

¹⁸ Serowilin mi mönö misiŋgöba mosötme. Siŋgisöndok tosatŋi mi me mi ahakzini, mi pakpak mönö sileninanangö yaigepŋe asuhumakza. Kunŋan serowilin ahakzawi, yaŋön mönö nanŋi silenŋi mem böliba siŋgisöndok ahakza. ¹⁹ *Sileninan mönö Uŋa Töröŋangö Buŋa jikenŋi (tempöl) akza. Anutunöŋ Uŋaŋi enŋiiga buŋa qem anŋugetka uruŋine malja. Miangöra nanŋini buŋaya qahö akzei, mi mötze me qahö?

²⁰ Nanŋini buŋaya qahöpmö, Kraistnöŋ söŋgöröŋini ketanŋan bohonŋini meiga yaŋgö buŋaya akze. Miangöra sileninan mönö ahakmeme sarakŋi aketka Anutugö qetbuŋaŋan sehimakŋa. Mewö.

7

Awanöm aka gwabö seram malmal tatat

¹ Inŋini keu tosatŋi ohoba qesigeri, mi jim asarimam. Azinöŋ ambi qahö memba gwaböya maljawi, mi ölöp. ² Mi ölöpŋi akzapmö, silegö sihimŋan sero yonŋorö akepuköra inŋini mohot mohot mönö nanŋik nanŋik awanöm amemba malme. ³ Azinöŋ mönö anömŋangö sihimŋangö dop awanöm malmalgö arenŋi wuatangöma. Anömŋan mewöyök mönö apŋangö sihimŋi wuatangöba malma.

⁴ Anömŋangö silenŋan mönö nanŋi buŋaŋi qahö aiga nanŋök mi qahö galöm kölakzapmö, apŋan mi galöm kölakza. Apŋangö silenŋan mewöyök nanŋi buŋaya qahö aiga nanŋanök qahö galöm kölakzapmö, anömŋan mi galöm kölakza. ⁵ Miangöra nanŋiri mönö kude anŋön köla anŋuba malmahot. Nanŋirök urumohot aka pöndaŋ köuluk nup membitköra ölöp nanŋök nanŋök malmahotmö, nalö tosatŋi mewö malagun mönö kunkbuk mindiriba mohotŋe malmahot. Uruŋiri ölöp qahö galöm kölohotka Satanöŋ esapköm etkiiga siŋgisöndoknöŋ etpahotpuköra mönö mewö aka malmahot.

⁶ Mewö aktahotköra ölöp jizalmö, jöjöpŋan keu mewöŋi mi qahö al enŋizal. ⁷ Nöŋön ambazip körek pakpak ni ewö gwabulum malmegöra mötzalmö, inŋini tosatŋi Anutugö nup memegöra mötmöt kalem mewöŋi mi qahö memba malje. Anutunöŋ mötmöt kalemŋi mendenŋiga mohot mohot nenŋön mi me mi nanŋök nanŋök buŋa qem anŋuba maljin.

⁸ Awanöm qahö aka malö maljei, enŋöra kewö jizal: Enŋön ni ewö toroqeba awanöm qahöpmö, solanŋi malmei, mi mönö ölöpŋi akza. ⁹ Ölöpŋi

akzäpmö, awanöm akingö uruñini könöp jeiga malbepuköra mönö ölop awanöm aketka amqema. Mianğora yeñon uruñini galöm kölbingö osize ewö, mönö ölop awanöm akje.

10* Awanöm maljei, eñğora kewö jim kutuzal, nöñönök qahöpmö, Kembunöñ nanjak mönö keu ki jiza: Anömñan apñi kude mosötma. 11 Mewö jizapmö, töndup apñi mosötma ewö, mönö azi kun kude memba öne malma me apñambuk kunbuk eraum möta urumohot aka malmahot. Mewöyök apñan anömñi kude mosötma.

12 Mi Kembangö keuyapmö, awanöm tosatñi eñğö goronini mi Kembunöñ qahö jizapmö, nanak mi kewö jizal: Urumeleñ azi kungö anömñan uruñi qahö melenđa töndup yambuk malmamgö mötzawi, yañon mönö anömñi mi kude mosötma. 13 Mewöñanök urumeleñ ambi kungö apñan uruñi qahö melenđa töndup yambuk malmamgö mötzawi, yañon mönö apñi mi kude mosötma. 14 Mianğö könani kewö: Kungö apñan urumeleñgö kopa azia aiga Anutunöñ i töndup urumeleñ anömñi qekötahözawañğora aka tök kutum wañgiiga sarakñi akza. Mewöñanök kungö anömñan mötnariñi qahöpmö, urumeleñ apñi qekötahözawañğora aka Anutunöñ i tök kutum wañgiiga sarakñi akza. Kunöñ sarakñi qahö akawak ewö, nahönböratñiran mönö Anutugö sel yaigepñe malbeak. Mewö malbeakmö, Anutunöñ mohotñe tök kutum eñgiyöhañğora mönö sarakñi akze.

15 Sarakñi akzemö, kunñan qahö möt nariba apñi me anömñi mosötmamgö mötza ewö, mönö ölop mosötma. Mewö asuhuiga nöñğö keunan urumeleñ alanini mi qahö jöhöma. Anutunöñ inini luainöñ malmegöra eñgohölök. 16 Ambi, gi apki uru kungum wañginöñga uruñi melenđa me qahöwi, mi mönö denöwö mötpanak? Me azi, gi anömgi uru kungum wañginöñga uruñi melenđa me qahöwi, mi mönö denöwö mötpanak? Mianğora mönö luainöñ malme. Mewö.

Anutunöñ eñgohölöhañğö dop mönö toroqeba malme.

17 Kembunöñ mohot mohot eñğö malmalñini areñ aliga awanöm me solanñi malgetka Anutunöñ eñgohölöhi, mianğö dop mönö toroqeba mala malmalñinañğö könani kude uteköme. Urumeleñ könagesöñi könagesöñi liliköba miri dop mewö jim kutum eñgimakzal.

18 Anutugö aiwesökñi azi kungö silene yañdiget maliga mewö oholök ewö, mi mönö kutumamgö kude kapan kölma. Anutugö aiwesökñi kungö silene qahö yañdiget maliga mewö oholök ewö, mönö mi yandimegö kude kapan kölma. 19 Anutugö aiwesökñi silenine yandiget ahöza me qahöwi, mianñon Anutugö jeñe yuai omani akzäpmö, jöjöpan keuñi tem köla wuatañğöinga ölni akza.

20 Anutunöñ eñgoholiga nalö mianğöreñ awanöm me solanñi malgeri, inini mohot mohot mönö mianğö dop toroqeba malme. 21 Kungö welenqeçe omani aknöñga Anutunöñ goholök ewö, mianğora mönö waimanjat kude aka malman. Urugi melenđa ölop solanñi aka nup kun miwikñaibanak ewö, mi mönö ölop miwikñaيمان me urugi amqeiga ölop toroqeba welenqeçe omani malman.*

22 Mi kewögöra: Kunöñ welenqeçe omani aiga Kembunöñ mewö oholi uruñi melenñiga singisöndokñañğö kösöñi pösariga solanñi aka malja.

* **7:10:** Mat 5.32; 19.9; Mak 10.11-12; Luk 16.18 * **7:21:** Keu mianğö könani kun kewö: Urugi melenđa ölop solanñi aka nup kun miwikñaizan ewö, gi ölop toroqeba welenqeçe omani malman.

Mewōñanök kunñan solanñi aiga Kembunōñ mewō oholi uruñi melenñiga nanñi imbi-imbi qahōpmō, Kraistkō jitñi tem kölmapkō kōsōnōñ kinda welenñi qeba malja. ²³ Kraistnōñ bohonñi ketanñan sōngōrōñini meiga maljeañgōra mōnō gōlme ambazip yenğō keu kenğōt bapñe anda welenqeçenñi omanñi aka malbepuk. ²⁴ Mianğōra urumelenñ alaurupni, Anutunōñ enğoholiga nalō mianğōrenñ solanñi kōsōñini qahō me welenqeçe tonjanğō kōsō gwarōnōñ malgeri, inñini mohot mohot mōnō mianğō dop Anutugō jeñe toroqeba malme. Mewō.

Gwabō seram aka malō yenğō goro keuñini

²⁵ Ambi seram jōmukñi† enğō goroya mi Kembunōñ qahō jim kutui mōtzal. Mianğōra Kembunōñ ak kōmum ningiiga keuni lañ qahōpmō, mōt nariget dop köljawanğō dop jimakzali, mōnō mianğō dop kewōta nani mōtmōtnan kewō jimam:

²⁶ Kahasililiñ nalōñi dopdowizawanğōra gwabō seram maljei, kōrek enñon mōnō mianğō dop toroqeba malgetka ölöwakza. Mewō mōtmōrizal.

²⁷ Ambi memba maljan ewō, anōmgi mosōtmangō kude akñan. Anōmgi qahō solanñi maljan ewō, mōnō ambigōra kude jaruman. ²⁸ Tōndup ambi memani, mianñon mōnō singisōndokñi qahō akñja. Mewōñanök ambi seramnōñ azi memawi, yanñon singisōndok qahō akñja. Singisōndok qahōpmō, mewō akñei, yenñon mōnō silenñinan kahasililiñ gwōtpuk miwikñaiiba mōtme. Enñon mi mōtpepekōra mōnō anğon köl enğimangō mōtzal.

²⁹ Mewō mōta goro enğizalmō, urumelenñ alaurupni, keu kun kewō jimam: Kambu kamawanğō nalōñan törizawanğōra aka ambi memba maljei, enñon mōnō mewōyök nalō kianğōrenñök kōnahiba anōmñini qahō tandōk ewō aka malme. ³⁰ Wōsōbirik aka sahōtzei, enñon mōnō qahō sahōtmeañğō tandōk ewō aka malme. Uruñini ölöwahiga sōngaizei, enñon mōnō qahō sōngaiameañğō tandōk ewō aka malme. Yuai bohonñi mezei, enñon mōnō mi qahō buña qem anğumeañğō tandōk ewō aka malme.

³¹ Gölmenōñ nalō kewōñe arenñ wuatangōmakzei, mianñon mōnō ayapkōmawanğō dop akza. Mianğōra gōlmegō örōyuaiñi köl-köl-örörō aka nupkōra alakzei, enñon mōnō mianñon uruñini jōhōmakzawanğō tandōk ewō kude aka malme.

³² Inñini gōlmegō lömbōtkōra waimanñat qahō malmegō sihimni mōtzal. Awanōm qahō solanñi maljawanñon mōnō Kembugō örōyuaigōra waimanñat mōrakza. Mi mōta “Denōwō akiga Kembugō uruñan ölöwahi dop kölbowak,” nanñanğōra mewō jimakza. ³³ Mewō jimakzapmō, ambi memba maljawanñon mōnō gōlmegō örōyuaigōra waimanñat mōrakza. Mi mōta “Denōwō akiga anōmnanğō uruñan ölöwahi dop kölbowak,” nanñanğōra mewō jimakza.

³⁴ Kembunōñ likep anōmñan likep mōtmōtñi örōyohotka urudenñenñ aka malja. Mewōñanök ambi apñi qahō aka ambi seram solanñi maljahoranñon mōnō Kembugō örōyuaigōra waimanñat mōrakzahot. Mi mōta “Denōwō akiga uñani aka sileni sarakñi aiga Kembugōra dop kölbowak,” nanñiranğōra mewō jimakzahot. Mewō jimakzahotmō, azi memba maljawanñon mōnō gōlmegō örōyuaigōra waimanñat mōrakza. Mi mōta “Denōwō akiga apnanğō uruñan ölöwahi dop kölbowak,” nanñanğōra mewō jimakza.

³⁵ Nanñini baukōm enğimangō mōta goro mi enğizal. Mi tosatñi kōsō ewō jōhōm enğibi lömbōt miwikñaimegōra qahōpmō, kōnanñi kewōgōra mi

† 7:25: qesabulum qahō qeçenñi

engizal: Nöñön injini ahakmeme diñdini wuatangöba urudenñen qahöpmö, pöndañ Kembubuk qekötahöba kin köhöimegöra mötzal. Mianğöra goronjini mi jizal. Mewö.

³⁶ Azi kunñan ambi serambuk buña qeba malagun angömosötpitkö mötmörizahori, yetkö goronjiri kewö jimam: Azi mianñon kewö mötmöriba jiza, “Ambi mi memba mewö törörök qahö ak wangibileñak.” Mewö jiiga ambi memawangö sihimñi möt köhöiiga ambigö yambuñi azi memegö dop akza ewö, yanñon mönö ölop sihimñangö dop aiga ameyohotka dop kölma. Mewö mianñon siñgisöndokñiri qahö akña. ³⁷ Qahö akñapmö, azinöñ ambi mi qahö memapkö keuñi nanñi uruñan jöhöba möt köhöizawi, mianğöra kewö jimam: Kunñan azi mi kungui qahö qaközapmö, ölop nanñi sihimñangö dop wuatangöba keunöñ qahö jöhöi ahakza ewö, yanñon mönö ölop sihimñangö dop aka ambi mi qahö mema.

³⁸ Mewö aiga ambi seram mezawañon mönö dopñe akzapmö, i qahö mezawañon mönö köna ölop sorokñi wuatangöba törörök akza. Mewö. † (v 37b) Qahö akñapmö, iwiñan böratñi azi qahö wangimapkö keuñi nanñi uruñan jöhöba möt köhöizawi, mianğöra kewö jimam: Kunñan iwi mi qahö kungui qaközapmö, ölop nanñi sihimñangö dop wuatangöba keunöñ qahö jöhöi ahakza ewö, yanñon mönö ölop sihimñangö dop aka böratñi angöñ kölma. (v 38b) Mewö aiga börat seramñi azi wangizawañon mönö dopñe akzapmö, i qahö wangizawañon mönö köna ölop sorokñi wuatangöiga törörök akza. Mewö.

³⁹ Ambinöñ apñan jebuk malmawangö dop amöamögö keuñan jöhöi maljapmö, apñan kömuma ewö, keu mianñon mewöñanök kömuiga ölop azi sihimñan jimawangö dop mema. Urumelenğö kopa azia qahöpmö, azi Kembubuk qekötahözawi, miyök mema. ⁴⁰ Ölop azi memba sösongai qorembenji miwikñaimapmö, toroqeba solanñi malma ewö, mönö urusösongai ölni miwikñaiba söngaimakña. Nöñon keu mi kewöta mewö jizal. Anutugö Uñañan nöñgö urune mewöyök maljawi, mianğöra mönö mewö mötmöriba jizal. Mewö.

8

Nene tandö lopionğö naluk alalñi mi nembin me qahö?

¹ Injini nene tandö lopionğö naluk alalñi mianğöra ohogetka goro kewö jimam: Urukalemnöñ mönö bauköm engima. Goranora jigetka tosatñan kewö jimakze, “Körek neñon tandö lopionğö könañini möt yaköinga omanñi akza.” Keu mi ölbölña akza, mi mötzin. Injini mötmöt mewöñi jiba malgetka uruñinan wahöriga koñaen ewö tererengöba aiwelikömakze. Mewö aka denđa siksauk malje. Köna bohonñi mi urukalem. Köna mewö mianñon mönö nanini urunini möhamğöba mem köhöim angubin. ² Kunöñ “Keu kungö könañi möt yaközal,” mi jitnöñ jizawi, yanğö mötkutukutuñi ölnan mönö qahö asuhuiga toroqeba tönpin malja. ³ Mi keunöhök jizapmö, kunñan Anutu uruñan jöpakömakzawi, Anutunöñ mönö yanğöra möri ölni akza.

⁴ Nene tandö lopionğö yanğöra naluk algeri, mi nembin me qahöpto? Keu kewö jimakze, “Tandö lopionğö mi bem ölni qahö maljeanğö kaisöpsöprjini

† **7:38:** 36b Azi kunöñ böratñi azi wangimangö uruyahöt mötzawi, yanğö goronjiri kewö jimam: Iwiñan kewö mötmöriba jiza, “Böratni wangiba mewö törörök qahö ak wangibileñak.” Mewö jiiga böratñangö yambuñi azi memegö dop aiga azi wangimangö sihimñi möt köhöiza ewö, yanñon mönö ölop sihimñangö dop aka mosöriga azi meiga dop kölma. Iwiñan mewö mianñon siñgisöndok qahö akña.

akze,” aka keu kun kewö, “Anutu mohotnöj malja. Alañi kun qahö.” Keu yahöt mi ölna akzahot, mi mötzin. ⁵ Keu mianğö kōnañi kewö, “Öme bemñi bemñi,” qetñini mewö qerakzei, mi gwötpuk malje. Suepnöj me gölmenöj maljei, mi ölop qahö mötzin. Ölna ömewöröme, bem aka azi kembu mi gwötpuk malje.

⁶ Mi maljemö, mi töndup Anutu mohot yañönök nanini bemnini aka Iwinini akza. Yañön yuai pakpak miwikñaii asuhuyök. Malmalnini yañgöra malbingöra aka al neñgii maljin. Mewöyök Kembu mohot Jisös Kraist malja. Yañön Anutu baukōiga yuai pakpak miwikñaiyohot. Nini mewöyök baukōm neñgiiga mal köhöimakzin.

⁷ Mewö möt narizinmö, ambazip körekñan mönö mötkutukutu mewöñi mi qahö memba malje. Mi qahöpmö, tosatñan mutuk tandö lopionj waikñini memba möt köhöigerangöra aka dölkewöñe mewöyök toroqeba nene tandö lopionğö naluk alalñi mi memba mewö mianñon amqeba bemurup mi mötmöriba malje. Uruñinan lölöwöröñi aiga uruyahöt aka negetka uruñinan mianğöra tölöhōmakza. ⁸ Tölöhōmakzapmō, nenenöj neñguanğita Anutu kōsutñe qahö al neñgimakza. Nene sinği malbini, mewö geñmororöñ qahö miwikñaiabin. Nene memba malbini, qetbuñinan mewö qahö qarima.

⁹ Mi töndup nene pakpak nembingö amqezei, eñön mönö jaubatbat lañ malbepukōra galōm mem anguba malme. Mewö malgetka tosatñan eñgeka uruñinan lölöwörö aka bölüi et eñgubapuk. ¹⁰ Mianğö kōnañi kewö: Göñön mötkutukutu ölni memba mala amqeba tandö lopionj jikenje anda tata nene nenöñga alagi kunñan gehi kewö lömbörima: Uruñan lölöwöröñi aiga uruyahöt akzawi, yañön mewö geka uruñan wahöri amqeba nene tandö lopionğö naluk alalñi mi memba et qebawak.

¹¹ Göhö mötkutukutugi ölni mianñon mönö nangi urumelenj alagi kunğiiga uruyahöt qakñe lölöwöröñi akzawangöra mönö amqeba memba et qebawak. Kraistnöj yañgöra aka kömuyökmö, nene mi memba mewö et qeba ayuhuiga qahö dop kölma.

¹² Ayuhumapmō, urumelenj alaurupñini mewö mem bölüm eñgiba uruñini lölöwöröñi mi qeba kōdenđa sinğisōndok ahakzei, mewö mianñon mönö Kraist nanñi qetala sinğisōndok ahakze. ¹³ Mianğöra nöñön nene kun nembiga mianñon urumelenj alani kölgorom wañgiiga et qeba sinğisōndok akza ewö, nöñön mönö nalö kunöj nene mi qahö toroqeba nemam. Nöñön alani jölöñgöba kölgorom wañgibileñbukōra kapan kölma kinjal. Mewö.

9

Aposol denöwö akiga dop kölbowak?

¹ Wani kōsōnōj jöhōm niñgiiga solanñi qahö akilenjak? Eñön kewöt niñgigetka aposol akzal me qahö? Kembunini Jisōsnöj asuhum niñgiiga ehal me qahö? Nöñön Kembugörenj nañgöba nup membiga inini nup mianğö ölni akze. ² Kembunöj nanñak aposol nup niñgii yambuk kinda membiga inini uruñini melenđa nöñgö muñgem supapni akze. Mianğöra tosatñan kewöt niñgigetka aposol qahö akilenjak ewö, eñön mönö kōnañamni mewö möt yakōze. Mi mönö amqeba nañgöba jigetka dop kölma.

³ Ambazip tosatñan nöñgöra “Aposola qahö akza,” jiba tokoba andönöñ qeçe ak niñgimakzemö, nöñön mönö eñgörenj kösohot jiba mianñon nani

kōnaŋamni naŋgōba jimakzal. ⁴ Mianŋōra kōnōp numbu nene neŋgigetka neŋakurupni yembuk memba namba malbinak, mianŋōn mōnō dopŋe akawak. ⁵ Pitō, aposol tosatŋi aka Kembu Jisōsgō munurupŋi yeŋōn anōmurupŋini mōtnariŋinambuha eŋuangita mohotŋe anda kamakze. Nōŋōn mewōyōk mianŋō dop akilenjak ewō, silik mianŋōn mōnō kōna walōŋda qōtōŋatpilenjak me qahō? Mi qahōpmahōp.

⁶ Silegō malmalŋe iŋini ambazip ipŋi naŋgōm eŋgimakzemō, ni aka Barnabas qahō. Niri tōwa qahō netkigetka ōne malakzit. Mi mōtketka dop kōlja me qahō? Tosatŋan urugō nup megetka tōwa eŋgigetka sileninaŋgō nup qahō memakzemō, netkōrōhōk mōnō naŋgōnaŋgōniri nanirak mi-wikŋaibtkō dop jize me? ⁷ Gawmangō yarō nup memakzei, yeŋgōreŋōk kunŋan nanŋi malmalŋi naŋgōm aŋguba memakza me qahō? Wain nup kōmōrakzei, yeŋōn kōrek mianŋō ōlŋi memba nemakze me qahō? Mewōŋanōk bulmakau galōm kōlakzei, yeŋōn kōrek mianŋō juzu oŋi nemakze me qahō?

⁸ Keu mi gōlme ambazip nanine mōtmōtnōhōk mōtōteiba qahō jizal. Anutunōŋ mewōyōk mōnō keu miyōk Mosesgō Kōna keunōŋ jiza. ⁹ *Mosesgō Kōna keunōŋ Juda yeŋgō nup meme silikŋini mi jim asariba kewō ohoget ahōza, “Wit padigō kōtŋi aka kambōŋi kewōtŋpingōra bulmakau aziŋi waŋgitketka padi kambu qakŋe tiba tōzōzamgōmakzawi, yaŋgō numbunŋi mōnō kude mōzōpkōme. Mewō gumohom waŋgigetka ōlōp nene kitipŋi neiga dop kōlma.” Mianŋō dop kiamnōŋ bōrōjaŋ memba sōmbup mekōi qeba nene kitipŋi waŋgiget neiga dop kōlma. Anutunōŋ kiam bulmakau miŋgōra waimanjat qahō mōta mewō jiza. Mi qahō.

¹⁰ Sōmbupkōra qahōpmō, keu mi mōnō neŋgōra jii ahōza. Keu mi neŋōn kewō akingōra aka ohoget ahōza: Kinonŋnōŋ nup barōzawaŋōn mōnō ōlŋi asuhumapkō jōrōmqōrōm qakŋe nupŋi memakŋa. Mewōyōk padi dudutnōŋ qeba ōlŋi aka kambōŋi kewōtzawaŋōn mōnō bahōŋi memba nemapkō al mambōta nupŋi memakŋa. ¹¹ *Neŋōn urugō keu kōtŋi sutŋine qesin gila malinga eŋōn malmalgō naŋgōnaŋgō yuai qahō neŋgigetka gamuŋambuk akza. Nōŋōn mem ōlōwak eŋgibiga eŋōn mianŋō likepŋi melenja niŋgigetka dopŋe akŋa.

¹² Tosatŋan sutŋine urugō nup megetka naŋgōm eŋgigetka dopŋe akza ewō, ni mōnō dop mi oŋgita naŋgōm niŋgigetka dop kōlma. Likepŋi eŋgiinga mianŋō likepŋi neŋgigetka dop kōlbawakmō, nōŋōn mianŋō dop akŋegōra qahō qesim eŋgial. Kraistkō Ōlōwak Buŋa keu sehimapkō kōnaŋi jōhōbinbukōra mōnō yuai neŋgimegōra qahō qesim eŋgiin. Qahōpmō, naninahōk mōnō kapaj kōla kōhōiba lōmbōt pakpak bisiba malin.

¹³ *Keu ki mōnō mōtmōrime: Jōwōwōl jikenōŋ nup memakzei, yeŋōn mōnō jike mianŋōreŋōk numbu nenenini memba nemakze. Jōwōwōl ohoba altagō kōnōpŋi galōm kōlmegōra kuŋgum eŋgigetka kinjei, yeŋōn ambazip nene nalukŋini altagōreŋ algetka nene mianŋō kitipŋi tosatŋi mi mianŋōreŋōk buŋa qem aŋgumakze. ¹⁴ *Keu mianŋō dop Kembunōŋ mewōyōk jim kutuba keu kewō jiyōk, “Ōlōwak Buŋa jim sehiŋetka ambazipnōŋ mōtmei, yeŋōn mōnō Ōlōwak Buŋagō likepŋi kōtōn naluk algetka malmalŋinaŋgō naŋgōnaŋgōjini miwikŋaiba malme.”

* **9:9:** Dut 25.4; 1 Tim 5.18 * **9:11:** Rom 15.27 * **9:13:** Dut 18.1 * **9:14:** Mat 10.10; Luk 10.7

¹⁵ Nöjön ölop keu miangö dop mötmöriba urugö nup memba töwa niŋgimegöra qesim engibileŋakmö, kötön naluk almeangö keu pakpak mi mönö mosöral. Monen almeangö keu ohozali, mi enön mewö ak niŋgimegöra aka qahö ohozal. Töwa memamgö mötmöribi lömböriiga kömükömugö mötpiga amqeza. Nanaŋgöra mi keu omanji qahöpmö, töwa qahö niŋgimegö keunji mi mönö sileni möpöseiba jizal. Nöjgöreŋ keu mi kunöŋ kun qeapkömamgö osiiga malmam.

¹⁶ Ölöwak Buŋa jim sehimakzali, miangöra sileni möpöseimamgö dop qahö akzal. Nöjön Anutugö jimkutukutu bapŋe mala mi jim sehimamgö dop akzal. Nup mi mönö mosötamgö osizal. Ölöwak Buŋa qahö jim sehibileŋak ewö, miangöra lömbötnöŋ qakne öŋgöiga neka pölzik jimeangö dop akileŋak.

¹⁷ Nani sihimnangö dop nup mi möwölöhöba membileŋak ewö, mönö ölop töwa niŋgimegöra mambötpileŋak. Mimö, Anutunöŋ kuŋgum niŋgiiga nani sihimni qahö mötöteiba Buŋaŋi galöm kölakzal ewö, mi mönö Anutunöŋ möt narim niŋgiba nupŋi niŋgii maljalangö dop memakzal. ¹⁸ Mewö aiga wanatnöŋ mönö töwa ak niŋgimakza? Ölöwak Buŋa jim sehiba mi söŋgöronji qahö ahakzali, miangön mönö töwa ak niŋgimakza. Anutunöŋ nupŋangö likepŋi niŋgimegöra jim kutui Buŋa Kimbinöŋ ahözawi, keu miangö dop töwagöra qahö kapan kölakzal.

¹⁹ Ambazip kunŋan kun qahö jöhöm niŋgiiga ölop nani imbi-imbi malbileŋakmö, mi töndup mönö nani memba et al aŋguba maljal. Ambazip körekŋan uruŋini melenmegöra kapan kölakzal. Mewö akŋegöra ambazip körek welenŋini qeba maljalmö, sehisehiŋi yeŋön töndup Kraistkö buŋaya qahö akŋeangö dop akze. ²⁰ Juda yeŋön uruŋini melenmegö bauköm engiba sutŋine Juda tandök aka malal. Mosesgö Köna keu bapŋe maljeaŋön uruŋini melenmegö bauköm engiba nanak Köna keu miangö bapŋe qahö mala töndup keu miangö gwaröŋe maljal tandök aka sutŋine malal.

²¹ Mosesgö Köna keu qahö möta maljeaŋön uruŋini melenmegöra bauköm engiba sutŋine Köna keu qahö möta maljalangö tandök aka malal. Nanak Anutugö Köna keugöra tönpin qahö maljalmö, Kraistkö Köna keu bapŋe anda mi tem kölakzal. Mi töndup yeŋgö sutŋine Anutugö Köna keu qahö mötmöt tandök aka malal. Ambazip sehisehiŋan uruŋini melenmegöra mewö aka malal.

²² Mötnaripnöŋ lölöwöröŋi maljeaŋön uruŋini melenja köhöimegö bauköm engiba sutŋine lölöwöröŋi tandök aka malal. Ambazip tosatŋi wani awamŋan köna inöŋ me wainöŋ uruŋini melenmegö meköm engiba ambazip könaŋi könaŋi yeŋgö sutŋine tandök könaŋi könaŋi aka malal.

²³ Tandök pakpak mi Ölöwak Buŋanöŋ sehimapköra aka ahakzal. Sehiiga kötumötuetŋan nani qakne öŋgöi nanak mewöyök oyaenkyoaen akŋangöra aka mewö ahakzal. ²⁴ Keu ki mönö mötmörime: Ösumtiti nalöŋe körek yeŋön luhut almeğöra ösumŋini qezaköba anakzemö, mohot kunŋan mönö luhut ala töwa mema. Inini mönö mohot miangö dop ösumŋinan anda töwa memingöra kapan köla malme. Mönö miangö dop mötnariŋ köl guliba malme.

²⁵ Ambazip mönahotnöŋ luhut albingö anakzei, yeŋön mönö körekŋan nanŋini törörök galöm köl aŋgubingö köl gulimakze. Yeŋön kösasorom julkula gororöŋömawi, miyök memingö kapan kölakzemö, neŋön ila jalö qahö ayapkömawi, mönö töwa mi memingö kapan kölakzin.

26 Mianğöra nõjõn õsumnan lañlañ an köl kam köl qahõ anakzal. Bõroni misiba bim lañlañ qahõ qemakzalmõ, aonjit alaurupni luhut al enjimmangõra mõnõ diñdiñanõk tõrõrõk qemakzal.

27 Nõjõn ambazip tosatñi Buña keunõj uruñini kuñguba malbi tekõiga Anutunõj mõnõ andõ nuñgui nanak ila jalõji qahõ membilenbuk. Mianğöra mõnõ nani sileni mindiñgõba tõrõrõk köl guliba galõm kõlakzal. Mewõ.

10

Israel mutuk malgeri, yeñgõreñ galõm meme keu

1 *O urumelenj alaurupni, Israel neñgõ ambõsakoninan Mosesgõ andõje kaba wuatangõgetka yuai asuhuyõhi, mianğöra mõnõ gukmaulem malbepuk. Mianğöra Israel neñgõ kõnanini kewõ suariba ohozal: Yeñõn mõnõ kõrek kousu bapñe kaba mala Kõwet Pisikñi kutugetka yeñgõreñõk kuññan kun qahõ ayuhuyõk. 2 Anutunõj o melunñi kousunõj aka kõwetnõj aliga mi kutuba kaba kõrekñan uruñini melenja Mosesgõ kõnagesõji aket. 3 *Mewõ aka kõrek yeñõn urugõ nene miyõhõk miwikñaiba nemba malget.

4 *Mewõyõk kõrek yeñõn urugõ onji miyõhõk miwikñaiba nemba malget. Urugõ onji mi köt ketanji kunõj enjuatangõba kõnanjine kayõhi, mõnõ mianğõreñõk miwikñaiget. Kõt ketanji mi Kraistkõ sõpsõpñi. 5 *Mewõ malgetmõ, mi tõndup Anutunõj kõnagesõ õlñi miengõra urusõsõngai qahõ mõta maliga gõlme qararanjõlkõlñe ayuhugetka qamõtñinan qeqelanlañ ahõba gisahõget.

6 *Mewõ asuhuyõhi, mi nanini kezapqetoknina akza. Anutunõj mõnõ sõpsõp mi neñgõra aka aliga galõm meme keunina kewõ akza: Yeñõn uruñini qahõ galõm kõla bölõñangõra kõpõsõngõgeri, neñõn mõnõ mianğõ dop aka ayuhubinbuk. 7 *Mewõyõk Israel yeñgõreñõk tosatñan tandõ lopion waikñini nemba mõpõseiba malgeri, enjõn mõnõ mianğõ dop aka malbepuk. Yeñgõra Buña Kimbinõj keu kewõ ohoget ahõza, “Kõnagesõ yeñõn nem sõsõngai ala tokoba tatketka uruñinan wahõriga mianğõn melenja kezapjupjup kewõ ahõk: Yeñõn liñet gwawet unduba o kõhõikñi nemba serowilin lañ aket.” Keu mewõ ahõza.

8 *Yeñgõreñõk tosatñan serowilin aketka Anutugõ irimsesewõlñangõra aka ambazip 23.000 mianğõ dop silim mohotkõ uruñe kõmumba etket. Neñõn mõnõ tosatñi miengõ dop serowilin akinbuk. 9 *Mewõyõk Israel yeñgõreñõk tosatñan Kambu esapkõm wañgigetka mokolenñõj enğõhõgetka kõmuget. Neñõn mõnõ tosatñi miengõ dop Kambu esapkõm wañgibinbuk. 10 *Yeñgõreñõk tosatñan galõmurupñini irikuruk jimõñgot aka andõ enğuba malgetka mem ayuayuhu garatanõj mõnõ engui kõmuget. Neñõn mõnõ tosatñi miengõ dop irikuruk jimõñgot lañ aka malbinbuk.

11 Mewõ asuhum enjiyõhi, sõpsõp keu mi mõnõ nanini kezapqetoknina akza. Gõlmenõj malmalgõ nalõ tetekõñan kam kuñgum neñgii maljini, kõsohot mi mõnõ neñgõra aka ohogetka galõm meme keunina akza.

* 10:1: Eks 13.21-22; 14.22-29 * 10:3: Eks 16.35 * 10:4: Eks 17.6; Jan 20.11 * 10:5: Jan 14.29-30 * 10:6: Jan 11.4 * 10:7: Eks 32.6 * 10:8: Jan 25.1-18 * 10:9: Jan 21.5-6 * 10:10: Jan 16.41-49

12 Mianğöra kin köhöimangö jizani, mönö et guhubapuköra galöm mem anguba malman.

13 Esapesap qakñine öngömakzei, mi gölme ambazip körek neñgö qaknine öngömakze. Esapesap qainñi kun miwikñaibeak, mianğöreñ ösumñinan qahö dop köljawanğöra etpeakmö, Anutunöñ keunñi jöhöyöhanğö dop mi pöndañ wuatanağöba ahakza. Yanön esapesap Tonñi angön köliga esapesap ösumñini qahö dop kölmawanğö dop mi al enğimamgö osimakza. Mewögöra esapesap mötketka Anutunöñ ösumñi enğiba mewö mianjön ölöñ kölbिंगö köna mewöyök mesat enğii asuhumakza. Mianğöra enjön gölmegö esapesapñi mi ölop kin köhöiba luhut almeanğö dop akze. Mewö.

Tandö lopionğö lömbuanj aka Kembugö semön kömbukñi

14 Mianğöra wölböt alaurupni, tosatñan tandö lopionñ waikñini memba möpöseim enğimakzemö, enjön mi kök ala mosötme. 15 Nöñön mötmöt ambazip aködamunñinambuk akzeanğö dopkeu jimami, mi mönö nanñinak kewöta mianğö ölni miwikñaime.

16 **“Kembugö semön nene nembin,”* jiba kötümötuetkö qambigöra Anutu saiwap jiba köuluköba qambi mianğöreñök nemakzinanğöreñ mönö Kraistköreñ toroqeba sepñi nemakzin. Beret mindipköba mianğöreñök nemakzinanğöreñ mönö Kraistköreñ toroqeba busunñi nemakzin. Mianğöra ölum enğubapuk. 17 Körek neñön beret mohot mianğöreñök nemakzin. Beret mi mohot akzawanğöra aka gwötpuk neñön mönö Kraistkö ölni mohot akzin.

18 **“Injini mönö Israel könagesögö malmalñi mötmörime.* Ambazip jöwöwöl ohomegöra nene algetka tosatñan mianğö kitipñi nemakzei, yeñön mönö altagöreñ toroqeba nupñi Anutugöra memakze. 19 Keu mianğö könañi ölni mi mönö denöwö jibileñak? Tandö lopionñ enğöra bau qegetka sepñi eri jöwöwöl ohomakzei, mianjön ölnjambuk akzawanğöra jiza me qahö? Tandö lopionñ mi ölni akzeanğöra jiza me qahö? Keu mianğö könañi denöwö?

20 **Tandö lopionñ mi ölni qahöpmö, urumelenğö kopa yeñön töndup jöwöwölñini ömewöröme yeñgöra ala ohomakze. Mi Anutugöra qahö. Nöñön injini ömewöröme yembuk toroqeba malbepuköra waimanjat mötzal.* 21 *Injini Kembugö qambinöhök aka ömewöröme yeñgö qambinöhök öröröñ nemingö osime. Mewöyök Kembugö nene dum aka ömewöröme yeñgöreñ nene dum mi öröröñ toroqebingö osime.* 22 **Ahakmeme mewöñan mönö Kembugö urunñi qei böliiga irimñi sehohimapköra mötzin me? Kukösumninan mönö Kembu onğita öngöba maljin me?*

Nanine imbi-imbi mosöta Kembu möpöseibin.

23 **Tosatñan kewö jimakze, “Nini ölop nanine imbi-imbi yuai pakpak ahakzin.”* Keu mi ölnjapmö, ahakmeme pakpak mianjön mönö qahö bauköm neñgimakza. *“Nini ölop nanine imbi-imbi yuai pakpak ahakzin,”* mewö jimakzemö, ahakmeme pakpaknöñ mönö urunini qahö nanğöba mem köhöim neñgimakza. 24 Kunñan kun nanñanğörök

* 10:16: Mat 26.26-28; Mak 14.22-24; Luk 22.19-20 * 10:18: Lew 7.6 * 10:20: Dut 32.17

* 10:22: Dut 32.21 * 10:23: 1 Kor 6.12

mötmörība ölöwakņamgöra kapan kölbaşukmō, alaurupņan ölöwakņegöra kapan kōli dop kōlma.

²⁵ Sōmbup i me wai maketnōņ aka qekōm nene mire bohonņi memegöra alakzei, mi mōnō uruyahōt mosōta nemakņe. Sōmbupkōra uruņinan tölōhobapukō qesiqesinņi kun mōnō kude akņe. Qahō! ²⁶ *Keu miangō kōnaņi mi Buņa Kimbinōņ kewō ohoget ahōza, “Gōlme aka yuai pakpak miangōreņ ahōzawi, mi Kembugō buņaya akza.”

²⁷ Kun Kraist qahō mōt narizawaņōn eņgoholiga yangōreņ anbingō mōta anda tatketka nene i me wai jeņine al eņgimei, mi mōnō uruyahōt mosōta neme. Nenegöra uruņinan tölōhobapukō qesiqesinņi mi mōnō kude akņe. Qahō! ²⁸ Nanņinaņgöra qahōpmō, “Nene ki mōnō tandō lopioņ yeņgō naluk alalņi akza,” kunōņ mewō jii mōtme ewō, mi jiyōhi, yangōra aka uruņan bōlibapukōra mōnō galōm mem anguba kude neme.

²⁹ Nangi urugan tölōhobapukōra qahō jizalmō, alagahō uruņan bōlibapukōra mi jizal. Nōņōn nani imbi-imbi yuai akiga alanangō uruņan bōliiga kewōt niņgiba Anutunōņ keuni jim tekōba likeņņi melenņ niņgibapuk. Ōne mewō mendeņ anguinga jabō ahuiga qahō dop kōlja. ³⁰ Nōņōn ambazip yembuk toroqeba tata neneņinaņgöra “Anutu pipsaiwap!” jiba sōmbup nemami, tosatņan mewō neka miangōra andō nuņgugetka qahō dop kōlma. Sōmbupkōra Anutu mōpōsezali, miangōra mōnō keu tōhoreņ jim niņgigetka qahō dop kōlja.

³¹ Miangōra o me nene nemei aka i me wai akņei, mi pakpak mōnō Anutugō qetbuņaņan sehimapkōra aka ahakņe. ³² Yuai kun kude aketka kungō uruņan miangōra bōliiga mōtnariņņan sōrōrauba etpapuk. Juda me kantri tosatņangō ambazip me Anutugō kōnagesō miengō sutņine kungō uruņan mōnō eņgöra aka bōlibapuk. ³³ Nōņōn mewōyōk yuai pakpak ahakzali, miangōreņ mōnō ambazip kōrek pakpak uruņinan ölöwakņapukōra kapan kōla maljal. Nanōk ölöwakņamgöra qahō kinjalmō, ambazip sehisehiņan ölöwakņegöra jaram tibiga kunbuk letota Suepkō buņaya akņegöra kapan kölakzal. Mewō.

11

¹ *Nōņōn Kraistkō silik ewō ahakzali, miangō dop eņōn mōnō nōņgō silikni wuatangōba malme. Mewō.

Ambi eņōn mōnō nōrōpņini esuhuba Kembu mōpōseime.

² Nōņōn yuai pakpak ahakzali, iņini miangōreņ mötmörim niņgimakzeangōra saiwap jim eņgizal. Iņini kusum eņgialangō dopkeuni tem kōla wuatangōmakzei, miangōra mōnō mōpōseim eņgizal. ³ Nōņōn iņini keu ki mōt kutumegöra mōtzal: Kraistnōņ azi kōrek eņgō bohonini akza. Azinōņ ambigō bohonņi akza aiga Anutunōņ Kraistkō bohonņi akza. ⁴ Miangōra azi iņini mōnō duhuņini qekōba kōlulukōba Anutugō keu jigetka dop kōlja. Azi kōreķaņan nōrōpņini turuba kōlulukōzei me Anutugō kezapqetok keu jim asarizei, Anutunōņ mōnō yeņgō mötmōtņinaņgöra mōri gamuņambuk aiga nanņini memba et al aņgumakze.

⁵ Mewōmō, ambi kunņan nōrōpņi qahō esuhuba qeņjarōk totokonōņ kōlulukōzawi me Anutugō kezapqetok keu jim asarizawi, yaņōn mōnō aņņi nōrōpņi akzawi, mi gamu qeba nanņi memba et alja. Mewō aka nōrōp juņņi kōrek mitigetka aukņe ōne maljawaņgō dop akza. ⁶ Ambinōņ

* **10:26:** Sum 24.1 * **11:1:** 1 Kor 4.16; Fil 3.17

nöröpñi qahö esuha ewö, yañön mönö nöröp jupñi mewöyök jiiga mitigetka dop kölja. Mi dop köljamö, ambinöñ nöröp jupñi jiiga mitigetka gamuñambuk akapuk. Mianğöra mönö nöröpñi esuha mali dop kölja. ⁷*Ambinöñ apñangö aködamunñi akzampö, azinöñ Anutugö imutñi aka aködamunñi akza. Mianğöra azinöñ mönö nöröpñi kude esuhui dop kölma.

⁸*Mi kewögöra: Mutuhök azinöñ ambinöhök qahö asuhuyökmö, ambinöñ azigöreñök asuhuyök. ⁹Anutunöñ azi mi ambigöra qahöpmö, ambi mi azigöra miwikñaiiga malje. ¹⁰Könañi mianğöra aka ambinöñ mönö kukösum hapñe malmalgö aiwesökñi mi nöröpñi esuha maliga dop kölja. Mewö aiga Suep garata yeñön gödaqegegö silik ölopñi ehakze.

¹¹Mewö dop köljamö, Kembubuk qekötahöba malinga ambinöñ mönö azigö keuñi qahö oñgita nanñi imbi-imbi lañ kude malma. Azinöñ mewöyök ambigö keuñi qahö oñgita nanñi imbi-imbi lañ kude malma. ¹²Ambinöñ azigö sihitñeyök asuhuiga mianğö dop azinöñ mewöyök ambigö körö uruñeyök asuha maljinmö, öroyuai pakpakö könañi mi Anutu.

¹³Mianğöra ambinöñ nöröpñi qahö esuha Anutu köuluköiga dop kölja me qahö? Keu mi mönö nanñinak kewöta jöhöme. ¹⁴Anutunöñ ambazip miwikñaim neñgiba gölmenöñ mohotñe malmal areñgöyöhi, areñ mi eka kewöta silik kewöñi mönö möt asarizin me qahö? Azinöñ nöröp jupñi qahö mitiiga köriza ewö, mianğön mönö gamu qem wañgiza.

¹⁵Anutunöñ ambigö nöröp jupñi köröpñi mi esuñi akñapaköra wañgii malja. Mianğöra ambinöñ nöröp jupñi qahö mitiiga köriza ewö, mianğön mönö aködamunñi ak wañgiza. ¹⁶Kunöñ keu mianğöra goranora akñamgö mötza ewö, nöñön mianğöra keu mohök-kun kewö jimam: Anutugö könağesöñi könağesöñi Anutu möpöseibingö tokomakzei, yeñön mönö nembuk urumohot aka silik miyöhök wuatangöba silik tosatñi tökömakze. Mewö.

Kembugö semön töröñi nemegö silikñi

Mat 26.26-29; Mak 14.22-25; Luk 22.14-20

¹⁷Injini urumelenj totokonöñ tokoba mianğöreñ qahö ölöwahakzemö, mönö toroqeba böliqölimakze. Mianğöra qahö möpöseim engizalmö, areñ ala jim kutum engizal. ¹⁸Keu mutukñi kun kezapne gei kewö möral, “Injini urumelenj könağesögö totokonöñ tokomakzei, mianğöreñ mönö sutñine añgururuk ahakze.” Keu mi jiget möta bahöñanök ölni akzawi, mewö möt narizal.

¹⁹Sutñine denja kambu morömorö aketka Anutunöñ engehiga denike eñön mötnaripkö esapesapnöñ kin köhöize aka denike eñön qahö dop köljei, keu mianğön mönö aukñe asuhumakza. Mianğöra uruyahöt qahö mötzal. ²⁰Urumelenj totokonöñ tokomakzei, mianğöreñ mönö Kembugö semön töröñi nemingö silikñi qahö wuatangömakze.

²¹Mi kewögöra jizal: Semön töröñi nemakzei, mianğöreñ öröröñ qahöpmö, nanñök nanñök nenenjini memba könahiba lañ neget teköiga tosatñan toroqeba wösöñini aliga tosatñan o köhöikñi gwötpuk nempa eñololok akze. ²²Ahöähö mirinjini ahöm engiza me qahö? Mianğöreñ ölop nene aka o neme. Anutugö urumelenj könağesö jijiwilit ak engibingö mötze me ambazip wanapñi nenenjini qahö mi memba et al engibingö mötze me? Mianğöra nöñön injini möpöseim engimamgöra mötze me? Mewö qahöpmahöpmö, denöwö jim engibileñak?

* 11:7: Jen 1.26-27 * 11:8: Jen 2.18-23

23 Kembunöŋ keu niŋgiyöhi, nöŋön mönö eŋön mewöyök mi mötmegöra kewö jimam: Kembu Jisös mamalolo mem waŋgetka suŋgem miangören beret meyök. 24 Mi memba kewö jiyök, “Ki nani busuna. Mi eŋgöra aka tököm eŋgizal. Mi nempa mönö ni mötmörim niŋgiba malme.” 25 *Mewö jiiga neget teköiga mewöŋanök qambi memba kewö jiyök, “Qambi ki mönö jöhöjöhö dölökŋi akza. Nöŋgö seŋni kianön mönö Anutugö jöhöjöhöŋi mem köhöii ahöma. Mi nemakŋeangö dop mönö ni mötmörim niŋgiba malme.”

26 Beret aka qambi miangörenök nemakŋei, miangören mönö nalö dop Kembunöŋ kömuyöhi, miangö buŋaŋi mem asariba mal öŋgögetka liliŋgöba kaiga teköma. 27 Miangöra kunŋan beret me Kembugö qambi miangörenök iwilele qakŋe nezawi, yaŋön mönö Kembugö busuŋi aka seŋŋi memba et ala siŋgisöndokŋambuk akza. 28 Miangöra ambazip neŋön nanini uruninaŋgö könaŋi kewötagun mönö beret aka qambi miangörenök neinga dop kölma.

29 Kunŋan Kembugö busuŋi aka seŋŋi qahö göda qeba nene töhöŋ ewö laŋ nezawi, Kembunöŋ mönö yaŋgö keuŋi jim teköiga lömböt qakŋe öŋgöma. 30 Laŋ nempa malgeraŋgöra aka ambazip sehisehiŋan mönö sutŋine löwöriba kawöl miwikŋaigetka gwötŋukŋan lök nöŋ qeba kömuget.

31 Kömugetmö, nanini urunini kewötŋinak ewö, Anutunöŋ mönö keunini kewöta jim teköiga lömböt qahö miwikŋaibin. 32 Mi qahö miwikŋaibinmö, Kembunöŋ keunini kewöta jim teköba mewö mönö nalö kewöŋe mindiŋgöm neŋgimakza. Könaŋep jim teköma neŋgiiga ambazip uruŋini qahö melenŋeri, yembuk öröröŋ könöŋ sianöŋ gebinbuköra mönö mindiŋgöm neŋgimakza.

33 Miangöra urumelen alaurupni, nene nemegöra tokomakŋei, miangören mönö nanŋinaŋgöra mamböt aŋguba öröröŋ nemakŋe. 34 Kunöŋ wösöŋi alja ewö, yaŋön mönö nanŋe mire neneŋi nema. Tokoba laŋ negetka Anutunöŋ eŋgeka keuŋini jim teköi lömböt miwikŋaibepuköra mi jizal. Keu tosatŋi eŋgören kamami, nalö miangören jim kutum eŋgimam. Mewö.

12

Nup memegö mötmöt kalem miengö könaŋini

1 O urumelen alaurupni, nöŋön Uŋa Töröŋaŋgö mötmöt kalemŋi kalemŋi miangö keugöra gukmaulem malbepuköra mötzal. 2 Urumelenŋö kopa malgeri, nalö miangören inöŋ me wainöŋ eŋguaŋgiriga tandö lopion omani waikŋini memba möpöseiba malget. Mewö me mewö janjuŋ anda laŋ malgeri, mi ölop mötze.

3 Miangöra inŋini keu ki mötmegöra jizal: Anutugö Uŋaŋan kun sölölohöiga “Jisös qesuahözal,” keu mi qahö jiza. Mewöyök Uŋa Töröŋan azi me ambi kun qahö sölölohöm waŋgiza ewö, yaŋön mönö “Jisösnöŋ Kembu ak niŋgiza,” keu mi jimangö osiza.

4 *Nup memegö mötmöt kalemŋi mi könaŋi könaŋi akzemö, Uŋa Töröŋan mönö mohot akza. 5 Urumelen könaŋesö welen qem eŋgibingöra nup könaŋi könaŋi memakzinmö, Kembunöŋ mönö mohot akza. 6 Welen qem eŋgibingöra Anutunöŋ kukösumŋi körek neŋgöra menden neŋgiiga

* 11:25: Eks 24.6-8; Jer 31.31-34 * 12:4: Rom 12.6-8

amqeba köhöiba nup meinga ölni könañi könañi asuhumakza. Ölni pakpak mi Anutugöreñök kamakzapmō, Anutunōñ mōnō mohot akza.

⁷ Uña Törōñan könagesō urunini nanñōi köhöibingōra mōta nup memegō mötmōt kalemñi indeliga ölnan mōnō mohot mohot nenğöreñ kewō me kewō asuhumakza: ⁸ Uña Törōñan kungō uruñe geba Anutu nam köliga mötkutukutu keu jijigō kalemñi wañgiza. Uña mohot mianñönök mōnō kun sölölöhöiga mötmōt qainñi kun möt yaközawañgō kalemñi buña qem anğuzā.

⁹ Kunōñ Uña mohot mi qekōtahōba mötnaripkō kalemñi buña qem anğuzā. Toroqeba kunōñ Uña Törōñi miyöhök qekōtahōba mem ölö-ölōwakō kalemñi kalemñi buña qem anğuzā.

¹⁰ Kungōra anğöletot memegō ösumñi wañgiza. Kungōra Anutugō kezapqetok keu jijigō kalemñi wañgiza. Kungōra uña aka öme mendenbingō kalemñi wañgiiga uña ölöpnan me ömewörōme kunōñ sölölöhöiga maljawi, mi ölöp kewōrakza. Kungōra keuñi keuñi qainñi kun jijigō kalemñi wañgiza. Toroqeba kunōñ keu qainñi kun jiiga kungōra mi melenmapkō kalemñi wañgiza. ¹¹ Nup memegō mötmōt kalem pakpak mi Uña Törōñi mohot mianñönök mōnō sölölöhöba möri dop köljawañgō dop mendenñiga körek nenñön nanñök nanñök buña qem anğuba maljin. Mewō.

Kraistkō ölni mohotmō, kitipurupñi gwōtpuk.

¹² *Silenini mohot akzapmō, tōndup miangō uruñe silegō kitipurupñi mi gwōtpuk akze. Kitipñi pakpak mi gwōtpuk akzemō, tōndup mi mindiriba sile mohot akze. Kraistkō ölnan mewöyök mōnō miangō dop akza. ¹³ Miangō könañi kewō: Uña mohotnōñ mōnō körek nini sölölöhöba melun mem nenñiiga Kraistkō ölni mohot akzin. Nini Juda me kantri tosatanğō tonji maljini, nanini nupnini memakzini me tonini öne welen qem enğimakzini, mi tōndup körek nini mōnō Uña miyök buña qem anğuinga urunine geiga möt wañgizin.

¹⁴ Sileninan mōnō sile kitipñi mohotkō dop qahō akzapmō, miangō uruñe kitipurupñi mi gwōtpuk akze. ¹⁵ Könaninan kewō jibawak, “Ni böröya qahō. Miangōra sile qahō toroqeba maljal.” Mewō jibawak ewō, miangōra mōnō tōndup sile mosōta nanñök qahō malbawak. ¹⁶ Kezapninan kewō jibawak, “Ni jeya qahō. Miangōra sile qahō toroqeba maljal.” Mewō jibawak ewō, miangōra mōnō tōndup sile mosōta nanñök qahō malbawak.

¹⁷ Sileninan jōmuk je akawak ewō, keu mötmōtkō kezapninan mōnō denike tatpawak? Mewöyök jōmukñanök kezap akawak, mewō wörön mötmōtkō söñğörōninan mōnō denike tatpawak?

¹⁸ Nanñök nanñök qahōpmō, Anutunōñ sile kitip mohot mohot mi arengōba möri dop köljawañgō dop mindirim enñiiga sile mohot akze. ¹⁹ Sile kitip pakpak mi kitip mohot akeak ewō, mōnō denöwō sile mohot akawak? ²⁰ Mewō qahōpmō, sile kitipnini mi gwōtpukmō, silenōñ mōnō mohok akza.

²¹ Miangōra jenōñ börögōra kewō jimangō osiza, “Ni göhōra qahō osizal.” Mewöyök nörōpnōñ könagōra “Ni göhōra qahō osizal,” mewō jimangō osiza. ²² Simbisembel qahōpmō, sile kitipnini möringa lölöwörōñi akzei, mienñön qahōwaketka jebuk malbingō osibin. ²³ Sile kitipnini möringa qetbuñanini eretñi akzei, mi mōnō esuhuinga qetbuñaninambuk

* 12:12: Rom 12.4-5

akze. Sile kitipnini möringa gamuñinambuk akzei, mi mönö törörök esuhuinga ambazip jeñine dop kölja.

²⁴ Sile kitipnini aukñe kondelbingö gamu qahö mötzini, mi mönö qahö esuhuinga dop kölja. Mewö ahakzinmö, Anutunöñ sile kitipñi kitipñi mindiriba jöhöm engiba kitipñi omani mi qetbuña ketanji wanjiiga öröröñ akze. ²⁵ Sile kitip yeñön sutñine jula anjururuk akepukmö, tandök mohot köyan köl anjumegöra mönö areñgöiga öröröñ akze. ²⁶ Sile kitip kunñan sihimbölo mötzawi, tosatñi pakpak mönö yambuk sihimbölo mörakze. Sile kitip kunöñ qetbuña miwikñajawu, tosatñi pakpak mönö yambuk söñgaimakze.

²⁷ Enjön Kraistkö ölnji akze aka mohot mohot enjön mönö yanğö ölnjanğö sile kitipñi akze. ²⁸ *Mianğö dop Anutunöñ al enjiiga urumelen könagesögö nup kewö memakze: Mutuk tosatñi kuñgum enjiiga melaimelai azi aposol akze. Mianğö andöñe kambu yahötñi kuñgum enjiiga kezapqetok ambazip akze. Kambu karöbutñi yeñön böhi qağazu akze. Mianğö andöñe tosatñan anğöletot meme ambazip akze. Tosatñi yeñgöra mötmöt kalem enjiiga kawölñi kawölñi mem ölöwahakze. Tosatñan amqeba köhöiba tosatñi alabauk ak enjimakze. Tosatñi yeñgöra kalem enjiiga galömkölköl nup memakze. Tosatñan keu qainñi kun jimakze.

²⁹ Körek enjön mönö melaimelai azi aposol qahö akze. Saumban! Körek enjön mönö kezapqetok ambazip qahö akze. Körek enjön böhi qağazu akze me qahö? Körek enjön anğöletot meme ambazip akze me qahö?

³⁰ Kawöl mem ölöwakingö mötmöt kalemñi kalemñi mi körek enğöñ ahöza me qahö? Körek enjön mönö keu qainñi kun qahö jimakze. Qahö. Keuñi keuñi qainñi kun jigetka enjön mönö körek mi melenbingö amqeze me qahö? ³¹ Enjön mönö nup memegö mötmöt kalemñi kalemñi ölop sorokñi mi buña qem anğubingöra awöweñgömakñe. Mewö awöweñgögetka nöñön köna qetpuk sorokñi kondela mianğö mötmöt kalemñi mi kewö jim asarimam:

13

Jöpaköm anğuanğugö kalemñi

¹ Nöñön ambazip aka Suep garata yeñgö keuñi keuñi qainñi kun mianñön keu jiba malbilenakmö, urukalemnan qahö asuhuza, mönö töndup kewö akilenak: Goñ qegetka goñgoñ qeri anğötömualñi mörakzini me göjön (biret) uturukögetka kinqororöñ qerakzawu, mönö mianğö dop akilenak.

² *Kezapqetok keu jijigö mötmöt kalemñi ahöm niñgiiga keu asa-asambötñi pakpak mötpilenak aka keu pakpakö könanji möt yaköbilenak, mianñön mönö dopñe akza me qahö? Mi töndup urukalemnanğö ölnjan qahö asuhuiga mewö mönö yuai omananök aka öne töhön malbilenak. Mötnarip köhöikñi kötokñi miwikñaiiba mianğö qakñe kundunğö Tonji jim kutubiga ölop tem köla kundunji qeköba kungen albawakmö, urukalemni qahö asuhuza, mewö töndup mönö yuai omananök aka öne töhön malbilenak.

³ Sukinapni pakpak ambazip wanapñi yeñgöra menden enğibilenak aka sileni tosatñan ohoget jemapköra tököm enğibilenakmö, urukalemnanğö ölnjan qahö asuhuza ewö, mianñön mönö qahö kötokñi bauköm niñgima.

* 12:28: Ef 4.11 * 13:2: Mat 17.20; 21.21; Mak 11.23

⁴ Kunñan alañi uruñan jöpaközawí, yañón mönö urukönöpñi qahöpmö, urubönjöh qakñe ala ak wañgimakza. Körögisigisi qahö möta yuainañgöra qahö köpösöñgömakza. Silenji qahö mem wahöta jakbak-öranjöran qahö malja. ⁵ Ahakmemeñan alañgö uruñi qahö mem bölimakza. Nanñi ölöwakñangörök qahö kapan kölakza. Uruqeçe ak wañgigetka urukönöp zilañ qahö ahakza. Mem bölim wañgigetka sihimbölo möröhi, mi qahö mötmöríba mosörakza.

⁶ Tosatñan bölöñi akzei, miangöra qahö söñgaizapmö, keu ölni wu-atangömakzei, mönö yembuk mohotñe söñgaimakza. ⁷ Nalö dop alañi sel jöhöba qöhöröñe kin köhöiba möt narim wañgimakza. Mewö me mewö asuhuiga Anutugö jörömqöröm aka al mamböta awösamkakak kinda sihimbölo pakpak möta mökösoñgömakza.

⁸ Urukalem ahakmeme mi nalö tetekönji qahö ahöm öñgöma. Kezapqetok keu jiba keuñi keuñi qainñi kun jimakzei, mianñon qahöwakña aka mötmöt qainñi kun mianñon mönö mewöyök omanji ak teköma. ⁹ Mötmöt qainñi kun mi bahösapsap möt yakömakzin aka kezapqetok keu mi bahösapsap jimakzin. ¹⁰ Bahösapsap ahakzinmö, Anutugö kalemñi kalemñi aködamunñinambuk asuhumei, nalö miangöreñ bahösapsap malmalninan mönö qahöwahiga oyaenjkoyaen siyoñsayonji qahö malbin.

¹¹ Nöñon namande malali, nalö miangöreñ namande keu jiba malal. Urumötmötñan namande aiga miangö dopkeu kewöta mötmöríba malal. Azi ketañi aka miangöreñ namandegöreñ ahakmeme mi mosöta andö qeal. ¹² Miangö dop nalö kewöñe Anutugö aködamunñi mi ölop qahö ehakzin. Mi pilikñöh uba ehekö tandök ek bibihiba tandökñi törörök qahö möta öne mötmörimakzin. Mewö mötmörimakzinmö, könañgep Anutubuk mesohol köla añguba ek soroköbin. Nalö kewöñe mötmöt qainñi kun mi bahösapsap möt yaközalmö, nalö miangöreñ mi mönö körek möt yaköm tekömam. Anutunöh ni möt kömum niñgizawí, nöñon miangö dop yañgö könañamñi möt kömum tekömam.

¹³ Keu ki jim köhöizin: Kalem karöbut mötnarip, jörömqöröm aka urukalem mi köhöiba ahöm öñgömemö, urukalem ahakmeme mianñon mönö sutñine öñgöñgöñi akza. Mewö.

14

Kezapqetok keu aka keu qainñi kun jijigö kalemñi

¹ Urukalemgö könañi mönö wuatangöba malme aka nup memegö mötmöt kalem könañi könañi mi mönö buña qem añgubingö kapan köla malme. Mianñon ölöpmö, kezapqetok keu jijigö kalemñi memingöra mönö köhöiba kapan köla malme. ² Kunöh keu qainñi kun jizawañon mönö ambazip neñgöra qahöpmö, mönö Anutugörök mi jimakza. Uña Töröñan sölölohöiga keu asa-asambötñi asuhui jimakzawañgöra tosatñi neñon keu mi qahö möt asarim wañgimakzin. Mönö nanñanök bauköm añgumakza.

³ Tönpin maljinmö, kezapqetok keu jimakzawañon mönö ambazip urunini mem köhöiba nañgöba urukölalep ak neñgimangöra aka keu jimakza. ⁴ Kunñan keu qainñi kun jiba mianñon mönö nanñi uruñi möhamgöba köhököhöi miwikñaimakzapmö, kezapqetok keu jimakzawañon mönö urumelen könañesö pakpak urunini möhamgöba mem köhöim neñgimakza.

⁵ Injini körekñan keu qainñi kun jimegöra mötzalmö, kezapqetok keu jimegöra mönö kapañ köla gwötpuk mötzal. Kezapqetok keu jimakzawañön mönö keu qainñi kun jimakzawi, mi ongitza. Keu qainñi kun jiba mi mianğöreñök nanine keunöñ melenjawi, mewö mönö öröröñ akzahot. Mewö aiga keunan mönö urumelen kónagesö urunini möhamgöba mem köhöim nenjiiga dop kölja.

⁶ O urumelen alaurupni, nöñön enğöreñ kaba keunñi keunñi qainñi kun jibilenjak, mewö mönö denöwö mem ölöwak enğibilenjak? Mewö qahöpmö, Anutugöreñ keu indelmam me mötmöt qainñi kun enğimam me kezapqetok keu jimam me goro kusum enğimam ewö, mianğön mönö mem ölöwak enğimam.

⁷ Awölop me gita kulele me yuai kunöñ liñetkö imbiñi miwikñaimakzini, mienñön mönö malmalñini qahöpmö, kónañini mönö mewöñanök kewö ahöza: Kunñan awölop lañ uba me gita kulele lañ qeiga mianğön qetñini nanñök nanñök qahö miwikñaimakza ewö, liñetkö imbiñi mönö denöwö möt asaribinak? ⁸ Mewöyök tömun um böligetka qetñi törörök qahö möt asarin ewö, dañön mönö bim qeçegöra jöjöröbawak?

⁹ Enğö kónañinan mewöñanök ahöza: Nesilamñinan ambazip qahö möt asarimeañgö dopkeu lañ jize ewö, kunñan keu mewöñi mönö denöwö möt asaribawak? Keu mewö jizei, mianğön mönö öne lañ luhutnöñ anakza. ¹⁰ Gölmeñi gölmeñi mianğöreñ keu murutñi murutñi dawik jimakzini, mi dañön mötpawakmö, töndup körek mienñön mönö keugö kónañi möt asaribingöra aka ahöze.

¹¹ Kónañi mianğöra aka jimakzinmö, kunöñ keu jiiga keuñangö kónañi qahö mötzal ewö, nöñön yangö keuñangö kiannñi akiga yañön mewöyök nöñgö keuñangö kiani akza. ¹² Enğö kónañinan mewöñanök ahöza: Injini nup memegö mötmöt kalemñi kalemñi buña qem angubingö awöweñgögetka dop kölja. Mianğöreñ mönö kalem kewöñi memb-ingöra kapañ köla malme: Mötmöt kalem urumelen kónagesö uruñini möhamgöba mem köhöimakzei, mönö mi buña qem anguba nupnöñ algetka qetpuk akña.

¹³ Mianğöra keu qainñi kun jimakzawañön mönö kewö köuluköiga dop kölma, “O Anutu, keu jizali, mi melenmamgö mötmöt kalemñi ningiman.”

¹⁴ Mianğö kónañi kewö: Nöñön keu qainñi kun jiba köuluközal ewö, nöñgö uñanan keuyök jiba köuluközapmö, urumötmötñan mönö ölni kun qahö miwikñaija.

¹⁵ Mianğöra mönö denöwö akiga dop kölma? Nöñön mönö uñananöhök qahöpmö, urumötmötñi mewöyök mianğöreñ ala köulukömakñam. Liñet köla möpöseimakzali, mi uñananöhök qahöpmö, urumötmötñi mönö mewöyök mianğöreñ ala kölakñam. ¹⁶ Gi Anutu uñagan möpöseim wañgizan ewö, ambazip omanñi kunñan totokonjine kaba tata möpöseizanañgö kónañi qahö möt kutumawi, yañön mönö “Keu mi ölnja,” mi denöwö jibawak? Wania jizani, yañön mi qahö möt asariba öne tönpin tatza. ¹⁷ Gi ölop Anutu möpöseizannmö, keugan tosatñi yengö uruñini qahö möhamgöba mem köhöim enğiza.

¹⁸ Nöñön körek injini enğonğita keunñi keunñi qainñi kun mi gwötpuk jimakzali, mianğöra Anutu möpöseizal. ¹⁹ Anutu möpöseizalmö, urumelen kónagesö uruñe ambazip kusum enğimamgöra kapañ köla möt asarimegöra keu jitñi 5 jimamgö mötpi ölni akza. Keunñi keunñi qainñi kunöñ keu jitñi 10.000 nanañgörök jimamgö mötpi eretñi akza.

²⁰ Urumelenj alaurupni, injini keu kewöta mötmörimakzei, miangörej mönö namande tandök mosöta ambazip ketanji yengö dop mötmöriba malme. Bölöni akin jigetka miangörej mönö morösepsep ewö aka osimemö, mötkutukutunjan mönö ambazip ketanji aka malme. ²¹ *Mosesgö Köna keunöj keu kun kewö ohoget ahöza,

“Nöñön kian ambazip kunjum engibiga könagesö kienjörej kaba jitñinan keu tandökni kun jigetka lanj welipkömakñemö, mi töndup nöñgö keuni qahö mötme. Kembu nöñön mewö jizal.”

²² Keu miangö dopkeu qainji kun jiinga urunini qahö melenget yeñön mötketka Anutugö aiwesökni ak engizapmö, mötnarip ambazip nenjöra miangön mönö aiwesökni kun qahö akza. Mi qahöpmö, kezapqetok keu jiinga miangön mötnarip ambazip nenjöra Anutugö aiwesökni akza. Urumelenjö kopa yeñön mi mötketka Anutugö aiwesökni kun qahö ak engiza.

²³ Urumelenj könagesö enñön tokoba körek enñön keunji keunji qainji kun miangörej jigetka tosatñan Buña keu qahö kusum engigetka urunini qahö melenja öne miangörej öngömei, yeñön mönö auruba kewö jibeak me qahö, “Nöröñinan mönö sohoi kahalalom akze.”

²⁴ Mewö jibeakmö, körek enñön kezapqetok keunji keunji jigetka kunñan Buña keu qahö kusum wangigetka mötnaripni qahö öne totokonjine öngöma ewö, körek enñön mönö singisöndökni indela urunji qahö melenjöhangö keunji jim tekögetka könañamni möt kutuiga aukñe asuhuma. ²⁵ Urunangö keu tölapni tölapni aukñe asuhuiga yañön mönö dapköba eta Anutu waikni memba möpöseiba kewö jim miwikñaiba qetma, “Anutunöj ölna engö sutñine malja.” Mewö.

Urumelenj totokogö arenji kewö:

²⁶ O urumelenj alaurupni, mewögöra nini mönö denöwö jiinga dop kölma? Injini Buña keugö tokomakñei, miangörej mohot mohot enñön mönö körek arenjini kun me kun mi kewö ahakñe: Kunöj Buña linjetkö arenji aliga kunöj Buña keu kusum engiiga kunöj Anutugö goro dölöknji indeliga kunöj keu qainji kun jiiga kunöj mi melenja. Arenj pakpak mi mönö urumelenj könagesö urunini kunjuget köhöibingöra aka ahakñe.

²⁷ Tosatñan keu qainji kun jime ewö, ambazip 4 qahöpmö, yahöt me karöbut yeñönök mönö totoko mohotkö urunje mewö jime. Yeñönök mönö arenjanangö dop awatanj jigetka kunñan mi melenja. ²⁸ Kunñan keu melenjamangö dop qahö akza ewö, yeñön mönö urumelenj könagesögö totokonöj keu bök tata nanñinanangörök keunjini qainji kun jigetka Anutunöj mötma. ²⁹ Kezapqetok ambazip yengörejök yahöt me karöbut yengörök mönö arenj engigetka keu jigetka tosatñan mönö keunjini kewötme.

³⁰ Mewö akñemö, kunñan totokonöj tariga Anutunöj goro keu urunje indeli mötza ewö, yañön mönö mi jiiga kezapqetok keu mutuk jizawañön keunji mosöta bök tatma. ³¹ Ambazip körekñan Anutugö goronji mötketka urunini nanjöi ölöwakñegöra injini mönö körek pakpak ölop nalöjini memba arenjanangö dop kezapqetok keu jime. ³² Kezapqetok ambazip yeñön mönö ölop unañjini galöm kölgetka unañjan keu bapñe anjeangö dop akze.

³³ Anutunöj kizik-kazuk Tonji qahöpmö, luai Tonji akza. Miangöra totokonjini mönö arenjöj wuatangöba ahakñe. Ambazip sarakñi yengö

* 14:21: Ais 28.11-12

sutnjine könagesö dop ahakzei, injini mewöyök mönö miangö dop kewö ahakje: ³⁴ Ambi enjon mönö urumelen könagesögö totokojine keu bök tatme. Yenjon keu jimeangö dop qahö akzemö, Köna keu ahözawañgö dop mönö keu bapje anda malme.

³⁵ Ambinöñ urumelen könagesögö keu jim kutuba kusum enjiiga qahö dop kölja. Miangöra keu kungö könaji mötpingö mötze ewö, yenjon mönö mirinjine anda tata nannini apurupñini qesim enjime.

³⁶ Anutugören Buja keu mianjon mönö engö sutnjineyök ahuyök me qahö? Keu mianjon ahuba sehiba mala engören kaba engö bujayök akza me qahö? ³⁷ Kunöñ kewö jibawak, “Nöñon kezapqetok keu jibiga Uña Töröñan sölölohöm ningiiga keu miambuk urumohot qahö akzal.” Mewö jizawañon mönö keu ki möt yaköma: Nöñon ambigöra keu ohom engizali, mianjon mönö Kembugö jöjopañ keu akza. ³⁸ Kunñan keu miangö kezap qahö ala silebile malja ewö, injini mönö azi yangö keugö kude kezap al wangiba malme.

³⁹ Miangöra urumelen alaurupni, injini mönö kezapqetok keu jibingöra awöwengöba malme aka keu qainji kun jimegö songonji mi kude alme. ⁴⁰ Mi kude almemo, yuai pakpak mönö törörök areñ ala wuatangöba ahakje. Mewö.

15

Kraistnöñ kömupnöhök wahörök.

¹ O urumelen alaurupni, nöñon Ölöwak Buja jim asarim enjiali, mi ölum engubapuköra mönö köl gulim enjimam. Injini mi buja qem anguba mötnariñini miangören ala töndangöba kinje. ² Nöñon Ölöwak Buja jim asarim enjiali, injini mi miangö dop töp memba angön kölme ewö, mianjon mönö mem letot enjiiga Suepkö bujaya akje. Mewö qahö akje ewö, uruñini mönö öne töhön melenja malje.

³ *Nöñon keu tosatji pakpak göranje ala nanak Buja keu möt angön kölali, mi mötpi öngöiga miangö keu kötji mötmegöra mi kewö enjial: Kraistnöñ mönö Buja Kimbi ahözawañgö dop nenjö singisöndokninañgöra aka kömuyök. ⁴ *Kömuiga Buja Kimbi ahözawañgö dop löm kölgetka sömanji karöbut aiga kömupnöhök wahörök. ⁵ *Kömupnöhök wahöta Pitögören asuhuyök aka miangö andöñe gwarekurupñi 12 yengören asuhuyök.

⁶ Miangö andöñe nalö mohot miangörenök urumelen alaurupnini götöñini 500 ongiröhi, mönö yengören asuhuyök. Yengörenök ambazip ölnji yenjon toroqeba nalö kewöñe mewöyök maljemö, tosatjan lök kömuget. ⁷ Miangö andöñe munji Jeimsgören asuhuyök aka miangö andöñe aposol pakpak yengören asuhuyök.

⁸ *Miengören körek asuhubagun qöndöktji mönö nöngören mewöyök asuhuyök. Nöñon aposol mi asai ewö öröpköba alunji asuhuyal. ⁹ *Miangö könaji kewö: Nöñon aposol yengö sutnjine mötpi eriga dagibezupñini akzal. Anutugö urumelen könagesö sesewerowero ak engiba malali, miangöra nöngö qetni aposol qetketka mötpi gamuñambuk akza.

¹⁰ Gamuñambuk akzappmö, nalö kewöñe yuai akzali, mi mönö Anutugö kalem möriamñan mem letota nam köl niñgiiga maljal. Yanjon kalem

* 15:3: Ais 53.5-12 * 15:4: Sum 16.8-10; Mat 12.40; Apo 2.24-32 * 15:5: Mat 28.16-17; Mak 16.14; Luk 24.34, 36; Jon 20.19 * 15:8: Apo 9.3-6 * 15:9: Apo 8.3

möriamñi niñgiiga liklak qahö akiga eta qeba omanñi qahö ahökmö, nöñön mönö aposol körek luhut al enñiba köhöiba nup memba malal. Mi nanak qahöpmö, Anutugö kalem möriamñan mönö inahöm niñgiiga nupnanğö ölnñi mewö asuhuba sehüyök.

¹¹ Nöñön meali me yeñön megetka ölnñi asuhuyöhi, mi muat. Neñön mönö Ölöwak Buña keu mewö jim asarimakzin aka inñini miangö dop uruñini melenđa Kraist möt nariba malje. Mewö.

Nini kömupnöhök denöwö guliba wahötpin?

¹² Mötket! Kraistnöñ guliba kömupnöhök wahöröhi, yanğö könañi mewö jim asarimakzin ewö, engöreñök tosatñan mönö denöwö aka kewö jimakze, “Kömukömuñi yeñön qahö guliba wahötme.” ¹³ Mewö jimakzemö, kömukömuñi yeñön qahö guliba wahötpeak ewö, Kraistnöñ mönö mewöyök qahö guliba mal köhöibawak. ¹⁴ Anutunöñ Kraist qahö mem guli kömupnöhök wahötpawak ewö, nini Buña keuñi mi jim asarimakzini mi omanñi akawak. Mi möt narigetka mianñön mewöyök pömsöm qeba omanñi akawak.

¹⁵ Anutunöñ ölnña kömukömuñi qahö mem gulim enñii wahötpeak ewö, Kraistnöñ mönö mewöyök qahö mem guli wahötpawak. Nini mi töndup Anutugö könañi kewö nanğöba jimakzin, “Anutunöñ mönö Kraist mem guli kömupnöhök wahörök.” Keu mi ölnñi qahö akawak, ambazipnöñ mönö miangöra aka könañamni miwikñaigetka munenñi aiga ölop nöñğöra kewö jibeak, “Anutugö könañi mönö nanğöba jim sohomakza.” Keu mianñön mönö gamuñamñuk akawak. ¹⁶ Anutunöñ kömukömuñi qahö mem gulim enñii wahötme ewö, Kraistnöñ mönö mewöñanök qahö guliba wahötpawak.

¹⁷ Anutunöñ Kraist qahö mem guli wahötpawak ewö, inñini mönö öne töhöntöhön möt narim wanğiba toroqeba siñgisöndokñinanğö kösöğwarönöñ malbeak. ¹⁸ Mewö aiga alaurupninan Kraistpuk qekötahöba kömuger, yeñön mönö mewöyök sohoba köñöp buñaya akeak. ¹⁹ Nini Kraist jörömqöröm ak wanğiba gölmenöñ malbinanğö dop galöm köl nenñii miangöreñ tekömapköra mambötzin ewö, nini mönö ambazip tosatñi pakpak enğonğita bapñine geba öngöpñi daböñi malinga körekñan wösö mötmöt ak neñgimakzeanğö dop akinak.

²⁰ Mewö akinakmö, Kraistnöñ mönö ölnña guliba kömukömuñi yeñöñ jitre memenini aka kömupnöhök wahörök. ²¹ Miangö könañi kewö: Azinöñ kömup kondoriga asuhui könahiba kömumba mala korin. Kömumba maljinanğöra aka azi kunñan kömumba guliba malmal köhöikñi kondoriga asuhuyök. Miangöra nini körekñan mönö mewöyök guliba kömupnöhök wahötpin. ²² Körek neñön Adam ewö aka kömumbini, mewöñanök Kraistpuk qekötahözini, Anutunöñ nini körek mal köhöibingöra mem gulim nenğima.

²³ Mem gulim neñgimapmö, körek neñön mönö Anutunöñ nalö alöhanğö dop guliba wahötpin. Kraistnöñ jitre memenini aka guliiga miangö andöñe yanğö buñanñi akzini, neñön lilingöba kaiga nalö miangöreñ guliba wahötpin. ²⁴ Kraistnöñ mönö lilingöba kaba ömewöröme pakpak gölme dop ösum-mumu qakñe galöm kölakzei, miengö kukñini memba et ala ösumñini körek köndenñma. Mi köndenñda bemtohoñi Anutu Iwigö böröñe aliga gölmenöñ malmal miangöreñ teköma.

²⁵ *Kraistnõj galõm kõla mal õngõiga Anutunõj Buja keu ahõzawaᅅgõ dop “mõnõ kerõkurupᅅji kõrek luhut ala nanᅅji kõna bapᅅje al engima.” Kraistkõ galõmkõlkõl nupᅅjan mõnõ mianᅅgõreᅅ tekõma. ²⁶ Kerõkurupᅅji luhut al engiiga mianᅅgõreᅅ kõmup Tojan mõnõ qõndõkᅅji aiga memba et al waᅅgima.

²⁷ *Mianᅅgõ kõnaᅅji mi Buja Kimbinõj kewõ ahõza, “Anutunõj mõnõ yuai pakpak yaᅅgõ kõna bapᅅje ali ahõza.” Keu mewõ ahõzapmõ, “Yuai pakpak ali ahõza,” keu mewõ jiiga kõnaᅅji mõnõ aukᅅje kewõ ahõza: Anutunõj yuai pakpak Kraistkõ bapᅅje ali ahõiga nanᅅji mõnõ qahõ memba eta Kraistkõ bapᅅje al aᅅguyõk. ²⁸ Mewõ qahõpmõ, Anutunõj yuai pakpak Nahõnᅅjaᅅgõ bapᅅje aliga galõm kõla kerõkurupᅅji pakpak nanᅅji kukõsumᅅjaᅅgõ bapᅅje al engima. Mi tekõiga mianᅅgõreᅅ Anutunõj mõnõ Nahõnᅅji mewõyõk nanᅅji kukõsumᅅjaᅅgõ bapᅅje ala galõm kõl waᅅgima. Mewõ aka Anutunõj yuai pakpakõ Kembunᅅji ak tekõba mal õᅅgõma.

²⁹ Keu kun kewõ: Ambazip tosatᅅjan uruᅅjini qahõ melenᅅda õne kõmugerawaᅅgõra tosatᅅjan kõmukõmuᅅji mi baukõm engimeᅅgõra jiba salupᅅjini aketka dumᅅje kunbuk o melun mem engimakze. Kõmukõmuᅅji yeᅅᅅõn qahõ guliba wahõtpeak ewõ, yeᅅᅅõ nup õlᅅjan mõnõ denõwõ asuhubawak? Anutunõj kõmugeri, mi qahõpmahõp mem gulim engii wahõtpeak ewõ, ambazip mewõᅅjan mõnõ denõwõgõra aka jigetka yeᅅᅅõ salupᅅjine o melun mem engimakze? Nupᅅjini mi mõnõ õne membepuk.

³⁰ Kõmumba qahõ wahõtᅅpinak ewõ, neᅅᅅõn mewõyõk mõnõ urunini Anutugõ nupᅅnõj qahõ ala jõhõbinak. Anutugõ nupkõra aka kõmumbinbukõ lõmbõt bapᅅje sundan qahõ anda malbinak. Qahõ.

³¹ Kõmupᅅnõj mõnõ nalõ dop gwahõt niᅅᅅimamᅅgõ dop akza. Keu mi õlᅅja. O urumelenᅅ alaurupᅅni, nõᅅᅅõn Kraist Jisõs Kembunᅅjini yambuk kinda engõra aka sileni memba õᅅᅅõmakzali, mianᅅgõ dopkeu õlᅅji mi aukᅅje jibi mõtmegõra mõtzal.

³² *Nani imbi-imbi wuatawaᅅgõba nup ki memamᅅgõ mõtmõrize ewõ, yuai kianᅅn mõnõ denõwõ baukõm niᅅᅅigima? Mewõ qesim engibiga mi mõnõ mõtmõriba melenᅅme: Nõᅅᅅõn Efesus siti kianᅅgõreᅅ ambazip ubibi kanjamᅅjinambuk ewõ miwikᅅjaiba kõmumbilenᅅbukõra yembuk auba malal. Mõnõ tõtbõrõm aka auba malal. Kõmumbagun qahõ guliba wahõtᅅpini, mewõ mõnõ qahõ aubilenᅅk. Qahõ! Mewõ aiga õlõp tosatᅅji yembuk kewõ jibilenᅅk, “Uran kõmumbinawaᅅgõra mõnõ õlõp nene sõsõᅅgai ala o kõhõikᅅji nembra malbin.”

³³ Janᅅjuᅅ kude akᅅje. “Ambazip bõlõᅅji yembuk kõisirik tatketka ahakmeme õlõpᅅjan bõlima.” Keu kun mewõ ahõza. ³⁴ Engõ sutᅅjine tosatᅅjan Anutu qahõ mõt waᅅᅅizei, mianᅅgõra gamuᅅjini mõtmegõra mi jizal. Mianᅅgõra mõnõ gukmaulemᅅjini mosõtme. Imbiᅅjanan letoriga tõrõrõk mõta siᅅᅅisõndok kude toroᅅeba ahakᅅje. Mewõ.

Sileninan guliba wahõta tandõkᅅji kun akᅅja.

³⁵ Kunõj kewõ qesibawak, “Anutunõj kõmukõmuᅅji mi denõwõ mem gulim engii wahõtme? Silenᅅjanan mõnõ tandõk denõwõ melenᅅniga asuhume?” ³⁶ Mewõ qesibawak, mõnõ uruqahõ keuya jibawak. Inᅅini sehoᅅ kõtᅅji qahõ kõmuiga õne qesinᅅ gilme ewõ, mianᅅᅅõn mõnõ qahõ jula wahõtma. ³⁷ Kõtᅅjaᅅgõ ipᅅji wahõtmawi, mi qahõ kõmõtzanmõ, kõtᅅjanõk qesinᅅ giljan. Wit me sehoᅅ kõtᅅji me kõtᅅji tosatᅅji gilakzan.

³⁸ Miyök gilakzanmö, Anutunöŋ mönö sihimŋaŋgö dop ipŋi waŋgima. Kötŋi tandökŋi nanŋök nanŋök mi nanŋini ipŋi enŋimakza.

³⁹ Yuai busuŋini mi tandökŋini mohot qahö. Ambazip busuŋini nanŋök, sömbup busuŋini nanŋök, nei busuŋini nanŋök aka söra busuŋini mi nanŋök.

⁴⁰ Mianŋö dop Suepnöŋ malmalgö sile mi nanŋök akza aka gölmenöŋ malmalgö sile mi nanŋök akza. Nanŋök nanŋök akzahotmö, Suep silegö aködamunŋi mi gölme silegö aködamunŋi oŋgita qainŋi kun akza. ⁴¹ Wehöngö asakmararaŋi mi nanŋök, köiŋgö asakmararaŋi nanŋök aka seŋgelau miengö asakmararaŋini mi nanŋök. Seŋgelau asarigetka tosatŋi miengö asakmararaŋini mi seŋgelau tosatŋi miengö asakmararaŋini oŋgirakza.

⁴² Guliba kömupnöhök wahötpini, mianŋö könaŋan mönö mianŋö dop ahöza. Sile löm kölbini, mianŋön gisahöba qahöwakŋapmö, Anutunöŋ mi mem gulii wahötmawi, mianŋön mönö qahö kömuma. ⁴³ Sile löm kölbini, mianŋön lölöwöröŋi aködamunŋi qahö akzapmö, Anutunöŋ mi mem gulii wahöta mianŋöreŋ mönö köhöikŋi aka asakmararaŋambuk akŋa.

⁴⁴ Sile löm kölbini, mianŋön gölmenöŋ malmalgö sileya akzapmö, Anutunöŋ mi mem gulii wahöta mianŋöreŋ mönö uŋa mire malmalgö sileya akŋa. Gölmegö sile ahöza ewö, mianŋö dop uŋagö silenŋi mi mewöyök ahöza. ⁴⁵ *Mianŋö keunŋi mi Buŋa Kimbinöŋ mewöyök kewö ohoget ahöza, “Azi mutukŋi Adam yaŋön letota uŋaŋi miwikŋaiba söngörö ösumŋi öröba malmalŋambuk ahök.” Keu mi möringa likepŋi kewö asuhuyök: Adam qöndökŋan mönö memguliguligö uŋaŋi ahök. ⁴⁶ Uŋagö yuainŋi mi mutuk qahö asuhuyökmö, gölmegö yuainŋi mianŋön mönö mutukŋi akza. Uŋagö yuainŋan mönö mianŋö andöŋe asuhuyök.

⁴⁷ Anutunöŋ azi mutukŋi sömsömnöhök miwikŋaiiga gölme azia asuhuyök. Azi könaŋgepŋi yaŋön mönö Suepnöhök eta sutnine asuhuyök. ⁴⁸ Gölme ambazipnöŋ azi gölmenöhök asuhuyöhi, mönö yaŋgö dop akze. Suepkö buŋa akzinaŋön azi Suepnöhök eta asuhuyöhi, mönö yaŋgö dop akzin. ⁴⁹ Nini gölme azi mutukŋaŋgö kaisoŋgolomŋi memba maljini, mianŋö dop Suep azigö kaisoŋgolomŋi mi mewöyök memba malbin. Mewö.

⁵⁰ O urumelen alaurupni, nöŋön keu kewö jibi mötme: Sep busuŋinan mönö Anutugö bemtohoŋ uruŋe aŋgota dum memegö dop qahö. Mi osimahot. Sile kianŋön gisahöba qahöwakŋawi, mianŋön mönö oyaenŋoyaen qahö akŋa. Suepkö dum qahö ayapkömawi, sile kianŋön mönö mi memamgö osima.

⁵¹ *Mötket! Nöŋön keu tölapŋi kun kewö indelmam: Körek neŋön mönö qahö nöŋ qeba kömumbin. Qahöpmö, kömukömuŋi yeŋön letotketka tosatŋi neŋön mönö sileninambuk letotpin. ⁵² Anutunöŋ kömukömuŋi mem gulim enŋiiga tömun qainŋi kun qöndökŋan qeriga mianŋöreŋ wahötketka neŋön biliksik aliga wölaŋök letotpin. Mutuk kömugeri, yeŋön mönö kunbuk qahö kömume.

⁵³ Sep busu ki gisahöba qahöwakŋawi, mianŋön mönö letota qahö ayapkömawaŋgö dop akŋa. Sile ki kömumawi, Anutunöŋ mi mönö opo ewö qeköba mianŋö salupŋe sile qahö kömumawi, mi nenŋii memba maluku ewö löŋgötpin.

* 15:45: Jen 2.7 * 15:51: 1 Tes 4.15-17

54 *Mewö akzapmö, letotletot mi ak teköiga silenini qainji kun meinga qahö kömumba gisahömawi, nalö mianğoreñ mönö söñgaibin. Buña Kimbinöñ keu ohoget ahözawi, mianğon mönö öljambuk aiga mianğö dop kewö jime, “Yañon mönö kömup Tonji köndennda luhut aliga köiranj aljin.”

55 *Keu mianğö alañi kun kewö, “O kömup Tonji, göñon mönö luhut almanangö dop qahö. O kömup Tonji, göhöreñ liñgip jitiñi mianğon mönö nenğöhömangö osima.”

56 Keu mewö ahözapmö, kömupkö liñgip jitiñi mi siñgisöndok ahakmeme. Jöjöpañ keuñan mönö siñgisöndok akinbukö sonjo aliga töndup ahinga kukñambuk ahakza. 57 Kukñambuk ahakzapmö, Kembunini Jisös Kraistnöñ mönö Anutugöreñ bohon köliga alabauknini aiga yangöra aka luhut ala malbin. Mianğöra “Anutu saiwap!” jizal.

58 O wölböt alaurupni, luhut albinangöra eñon mönö kin köhöiba anjanbanjan mosöta uruñini kude öngöba eta ahakña. Kembangöreñ qekötahöba nupñi megetka öljana mönö eta omanji qahö akña. Mi möt yaköba Kembangö nupñi mi mönö urukönöp* qakñe böñ qeba pöndan memba malme. Mewö.

16

Jerusalem alabauk engimegö jimkutukutunji

1 *Judia könagesö sarakñi yengöra alabauk moneñ tokomegöra qesim niñgigeri, mianğöra kewö jim kutum engizal: Nöñon Galesia prowinsgö urumelenj könagesöñi könagesöñi jim kutum engiali, eñon tok mönö mianğö dop kewö ahakñe:

2 Sonda dop wehön mutukñi mianğoreñ iñini körek nanñök nanñök mönö naluk alakñe. Töhötmöriam memakzeangö dop moneñini bahöñi mi köweñini görañe ala galöm köla malme. Mewö aketka nalö engöreñ kabiga mianğoreñ naluk sanğabañga almeangö dop qahö akñemö, mi ölop köweñineyök memba altanöñ alme.

3 Mewö aketka engöreñ kamami, nöñon nalö mianğoreñ ölop jim-asa-asari kimbi ohoba azi nup mianğö mötket dop köljawi, mönö yengö böröñine ala melaim engigiba mindimindiri kalemñini mi memba Jerusalem anme. 4 Nöñon yembuk mohotñe anmamgö anmam ewö, yengön mönö ölop nömbuk toroqeba mohotñe köwet kutuba anbin. Mewö.

Polgö nupñangö aka köna anangö areñi

5 *Nöñon Masedonia prowins ongita anmam. Mianğöra Masedonia mosötagun mönö engöreñ kamangö mötzal. 6 Engöreñ kaba nalö tosatñi embuk tatpilenjak me kömunjanj kie nalöñi (winter) mi mewöyök engö sutñine toroqeba mal teköbilenjak. Mewö malbi ölop bauköm niñgigetka denike denike anbilenjak, mianğoreñ mönö amqeba köna toroqeba anmam. 7 Nalö kewöñe engöreñ kaba kusukñanök engeka engonñgita anmamgö qahö mötzalmö, Kembunöñ onj jima ewö, mönö nalö tosatñi embuk tatmamgö jöjörözal.

8 **Mewö jöjörözalmö, mutuk Efesus siti kianğoreñ toroqeba malbi yambu jeniqeçe dölokñi (pentekost) mianğon kam kunğuma. 9 Anutunöñ nöñgöra nupkö nanğunji ketarñi öroi ölop nup ketarñi membi öljñi asuhum

* 15:54: Ais 25.8 * 15:55: Hos 13.14 * 15:58: Urukönöp mi Kembangöreñ öljöñangöra jiza. Urukönöp bölöñi mi qahö. * 16:1: Rom 15.25-26 * 16:5: Apo 19.21 * 16:8: Lew 23.15-21; Dut 16.9-11 * 16:8: Apo 19.8-10

sehimakzapmö, gwötpukñan tuarenjon ak ningimakze. Mianğöra kiangörej toroqeba malmamgö mötzal.

¹⁰ *Timotinöj ni ewö Kembugö azi ipñi aka nupñi memba malja. Mianğöra yañon engörej kama ewö, injini mönö köyan köl wangigetka kenğöt mötmötñi qahö engö sutñine malma. ¹¹ Kunñan kun kude ek sirik kölmamgö, embuk mal teköba nongörej kamamgö jimawi, mianğörej mönö bauköm wangigetka luainöj engömosöta lilingöba kama. Nöñon urumelen alaurup yembuk i ekingö mambötzin.

¹² Urumelen alanini Apolos yangö keuñi kewö jimam: Yañon urumelen alaurup yembuk engörej kameğöra jiba köhöikñanök uru kuñgum wangial. Mi wangialmö, nalö kewöñe engörej kamamgö tököm köhöiza. Könangep nalöñi ölop ahöm wangimawi, mönö mianğörej kama. Mewö.

Yaizözkök keu teteköñi

¹³ Injini mönö uruguliguli mala mötnariñini köl guliba kin köhöiba malme. Azi köhöikñangö dop mönö urugö nanğönanğö ambazip aka Kembugö kukösumñambuk kinme. ¹⁴ Yuai pakpak aka memei, mi mönö urukalemnöj aketka asuhuma.

¹⁵ *Stefanas yangö mire maljei, injini mi möt engize. Akaia prowinsnöj nup meinga uruñini melengetka nupninağö öljñi mutukñi mewö asuhuyöhi, mötze. Yeñon ambazip sarakñi mi pöndañ welen qem engiba uruñini mianğörej jöhöba ala maljei, mi mötze. O urumelen alaurupni, nöñon uruñini kewö kuñgum engizal: ¹⁶ Injini tok ambazip mewöñi aka yembuk toroqeba nup mohotñe memba Anutu welenni qemakzei, mönö körek yeğö keuñini bapñe anda malme.

¹⁷ Nöñon Stefanus Fortunatus aka Akaikus ki kagerangöra söngaimakzal. Injini nömbuk Efesus ki qahö malgetka yeñon mönö engö salupñini aka köisirik ak ningigetka dop kölja. ¹⁸ Yeñon engö uñani köro-ölöwak qeba maljei, mianğö dop mönö nongö uñani mewöyök köro-ölöwak qem ningiba malget. Mianğöra injini mönö azi mewöñi yeğöra mötket öngöiga mi aukñeyök jiba keuñinağöra törörök kezap ala malme.

¹⁹ *Urumelen könagesöñi könagesöñi Eisia prowins kiangörej maljei, yeñon mönö yaizözkökñini algetka engörej kaza. Aqila Prisila aka urumelen könagesö yetkö mire tokomakzei, yeñon mönö Kembugö qetñe yaizözkökñini gwötpuk algetka engörej kaza. ²⁰ Urumelen alaurup pakpak Efesus ki maljei, yeñon mönö yaizözkökñini algetka engörej kaza. Injini mönö urumelen alaurupñini yembuk jölöñini jiba angum anguba numbuñini yöhötim nembra malme.

²¹ Nani yaizözkökni engörej ala qetni nani börönan kewö ohozal: Pol.

²² Kunñan Kembu qahö jöpaköba urukalem qahö aka malja ewö, Kembunöj mönö qesuakñi yangö qakñe ali öngöma. Kembunini, gi mönö kanöñ!

²³ Kembu Jisösgö kalem möriamñan mönö embuk ahöma.

²⁴ Kraist Jisösbuk qekötahöba kinjei, nongö urujöpaknan mönö körek embuk ahöba kötuatköm engii malme. Keu mi ölja. Mewö.

Korint Kimbi 2 Polnöŋ Korint yeŋgöra kimbi aliga 2 ahök. Jim-asa-asari

Pol aka Korint urumelen könagesö yeŋön urumohot ölopŋi qahö aketka nalö miangören Polnöŋ Masedonia mala kimbiŋi ki ohoyök. Tosatŋan Pol tuarenjoŋ köhöikŋi ak waŋgigetmö, Polnöŋ töndup aŋgururuk memba et ala yembuk urumohot akingö kapan kölok. Aŋgururukŋini tekömapkö urusösöŋgaiŋi kondel enŋiyök.

Kimbi bahöŋi mutukŋi (Boŋ 1-7) miangören Polnöŋ Korint urumelen könagesö yembuk jöhöjöhö ahöhaŋgö keuŋi jiza. Könaŋi denöwögöra urumelen könagesö mi köhöikŋanök jim enŋiyök? Mewö aiga uruŋini melenŋa urumohot akeri, miangö sösoŋgaiŋi kondela jim asariza.

Kimbi bahöŋi 2 (Boŋ 8-9) miangören Judia urumelen könagesö bauköm enŋiba naluk enŋimegöra kuŋgum enŋiza.

Kimbi bahöŋi 3 (Boŋ 10-13) miangö keuŋi kewö: Böhi takapulakanŋi tosatŋan nanŋini qetŋini 'Aposol ölni' jiba Polgöra aposol munenŋi jigetka Polnöŋ keu miangö likepŋi melen enŋiyök.

Buk kiangö bahöŋi bohonŋi 5 mi kewö:

Jim-asa-asari keu 1.1-11

Pol aka Korint urumelen könagesö 1.12-7.16

Judia urumelen kambu yeŋgöra naluk alme 8.1-9.15

Polnöŋ aposol ölni akzawaŋgö kukösumŋi 10.1-13.10

Keu teteköŋi 13.11-13

¹ *Anutunöŋ sihimŋaŋgö dop Pol ni kuŋgum niŋgiiga Kraist Jisösgö melaimelai azi aposol akzal. Nöŋön urumelen alanini Timotibuk tatzit. Korint sitinöŋ Anutugö urumelen könagesö maljei aka ambazip sarakŋi pakpak Akaiia prowinsŋini dop köla maljei, netkön embuk Buŋa keu eraum mötpingöra kaba kimbi ki ohozit.

² Anutu Iwinini aka Kembu Jisös Kraist yetkön mönö kalem möriam enŋiyohotka luainöŋ malme.

Polnöŋ Anutu urukölalepŋaŋgöra möpöseiza.

³ Nini Kembunini Jisös Kraistkö Anutu Iwiŋi möpöseimakzin. Yaŋön mönö ak-kömökömu Toŋi aka urukölalep pakpak neŋgimakzawaŋgö Anu- tuŋi akza.

⁴ Nini kahasililiŋ könaŋi könaŋi miwikŋaimakzini, nalö miangören Anutunöŋ uruqesawölim neŋgimakza. Uruqesawölim neŋgii möta miangö qakŋe kininga tosatŋan kahasililiŋ könaŋi könaŋi miwikŋaimakzei, mi mönö ölop amqeba uruqesawölim enŋimakin. ⁵ Miangö könaŋi kewö: Kraistpuk qekötahöŋga yaŋgö sihimböloŋan qaknine öngöi kelenmalelen mörakzinmö, miangö dop uruqesawölim mewöŋanök neŋgii Kraist qekötahöŋga urukölalepŋan urunine geiga kelenmalelen mörakzin.

⁶ Neŋön köŋjiliŋ uruŋe maljin ewö, Anutunöŋ mönö inŋini uru qesawölim enŋii uruŋini kunbuk melenŋa oyaenŋkoyaen akŋegöra mötza. Anutunöŋ uru qesawölim neŋgiiga enön mi eka nanŋinak uru qesawölim miwikŋaime. Uru qesawölim enŋimakzawaŋgö ölnan mönö uruŋine kewö

* 1:1: Apo 18.1

asuhumakza: Nini sihimbölö möringa eñön tok sihimbölö miyöhök miwikñaime ewö, mi mönö ölop möta mökösonda kin köhöiba malme. ⁷ Sihimbölönöñ qakñine öngöi mörakzei, uru kölalepnöñ mönö mewöñanök qakñine öngöi malje, mötzin. Mi möta miangöra eñön kin köhöimegöra mamböta jörömqöröm köhöikñi ahakzin.

⁸* O urumelen alaurupni, nini Eisia prowins uruje nup memba mala nupkö sihimbölö möta kahasililin miwikñaiba mörini, injini miangöra gukmaulem malbepuköra mötzin. Nupkö lömbötñan ösumnini ongita öngöñgöñi aka mulumgöm neñgiiga kin köhöibingö osiinmö, töndup kapan kölinga mem et al neñgiiga malin. Mewö asuhuiga toroqeba malbin me qahöwi, miangöra mewöyök tötböröm aka malin.

⁹ Mewö mala uruninan kewö mötmöriin: Kunöñ kömumbingö keuñi lök jim teköi keu mianön qaknine öngöi ayuhubingö mambörin. Nanini ösumnöñ nariba malbinbukmö, Anutu kukösum qakñe nariba malbingöra aka mewö asuhuyök. Anutunöñ kömukömuñi mem gulim engii wahötmei, yanön mönö amqeba nini mewöyök bauköm neñgimakña.

¹⁰ Kömumbinbukö keñgöt mötmöt öngöñgöñi ahinmö, Anutunöñ mönö miangörenök meköm neñgiyök. Meköm neñgiyök aka toroqeba meköm neñgimakña. Nini jörömqörömnini Anutugöreñ ala mewö möt narim wanjiba kinjin. ¹¹ Injini mewöyök bauköm neñgiba neñgöra aka köulukögetka meköm neñgimakña. Gwötpukñan neñgöra aka köulukögetka Anutunöñ möta miangö likepñi meleni kalem möriamñan dop köñ neñgi neñgehorimakña. Mewö meköm neñgiiga alaurup gwötpukñan mi möta neñgöra aka mindiriba möpöseigetka köirañ köulukñinan öngöba Anutugö kezapñe gemakña. Miangöra mönö toroqeba nöngöra aka Anutu köulukömakñe. Mewö qesizal.

Polnöñ köna anangö areñi uteköyök.

¹² Tosatñi injini nöngö könañamnanğöra uruyahöt akzei, miangöra keu kewö jimam: Anutunöñ solanñi malbingö mörakzawi, neñön miangö dop gölmeñi gölmeñi liliköba miangöreñ ahakmeme sarakñi mi pöndañ wuatangöba malin. Engö sutñine mi mönö kapan köla törörök wuatangöba malin. Mi gölme ambazip mötkutukutuninangö dop qahöpmö, Anutugö kalem möriamñan inahöm neñgiyöhangö dop mi aka memba malin. Anutunöñ ahakmemeni mi eka nanğöba “Dop kölja,” jiiga urukezapnan keu mi mörakzal aiga miangöra silenini memba öngömakzin.

¹³ Kulem ohomakzali, miangö keuñi pakpak mönö ölop oyoñda möt asarimeangö dop akza. Keuni mi geñmoñi qahö. Keu könañi asa-asambötñi kun qahö ohomakzal. Mi aukñeyök ahöza. Miangöra nöngö könanani mi körek möt asarim tekömegöra möta jörömqöröm akzal. ¹⁴ Nöngö könanani mi lök bahösapsap kewö möt asarize: Kembunini Jisösnöñ kunbuk kamawi, nöñön mönö nalö miangöreñ engöra aka silenini memba öngömam. Miangö dop injini mewöyök ölop nöngöra aka silenini möpöseigetka dop köлма. Injini nöngö könanani mewö möt asarim tekömegöra mötzal.

¹⁵ Nöñön keu miangö qakñe awösamkakak kinalangöra aka mutuk engöreñ kaba engekñangö areñi alal. Indimñi yahöt engekiga kötümötuet mötmegöra aka köna anmamgö areñi kewö albi ahöyök: ¹⁶* Masedonia prowinsnöñ anmamgö könanöñ mutuk injini engeka toroqeba Masedonia anda lilingöba kunbuk engöreñ kamamgö jial. Kaba malbi yuai

* 1:8: 1 Kor 15.32 * 1:16: Apo 19.21

tosatŋi baukōm niŋgiba melaim niŋgigetka eŋgōmosōta Judia prowinsnōŋ anmamgō mōral.

¹⁷ Areŋni mewō albi ahōyōkmō, mi utekōyal. Mewō aka an kōl kam kōl qakŋe mōndōba laŋ qahō ahal. Nani areŋni mi gōlme ambazipkō dop nananğōra laŋ mōtmōriba qahō ahal. Mewō kude mōtmōrime. Numbu ösum mohot miarŋōnōk “Oŋ, ölöp kamam!” aka “Qahō kamam!” keu yahōt mi mindiriba qahō jial. Mōnō ahakmeme sarakŋi wuatangōmakzal.

¹⁸ Anutunōŋ keu jiba miarŋō dop pōndaŋ ahakzawi, neŋōn mōnō yarŋō jeŋe kewō jim kōhōizin: Neŋōn nalō kunōŋ “Oŋ, mi ölöp akin,” jim jōhōba miarŋō andōŋe “Mi qahō akin,” pōtagororoŋ keu mewō melenqeleŋ qahō jiba malin.

¹⁹ * Anutu Nahōnŋarŋō kōnaŋi kewō: Nōŋōn Sailas aka Timoti yetpuk eŋgō sutŋine Kraist Jisōsgō kōnaŋi jim asariba malinga yarŋōn “Anutugō jitŋi tem kōlmam!” aka “Qahō tem kōlmam!” keu jōl yahōtyahōtkō qakŋe melenqeleŋda qahō kaba malōkmō, Anutugōra keu jiba jōhōyōhi, miarŋōra mōnō “Oŋ!” jiba miarŋō dop aka memba malōk.

²⁰ Anutunōŋ jōhōjōhō keu (promis) sehisehiŋi dawik neŋgiyōhi, qōtōŋini qahō mōtzinmō, Kraistnōŋ keu kōrek miarŋōra “Oŋ!” jiba mem kōhōiiga pōwōwōm ahōza. Miarŋōra Kraistnōŋ mewōyōk nam kōl neŋgi keu miarŋō ölnjan asuhui mōta “Keu mi ölnja,” jibin. Mewō ahinga Anutugō qetbuŋarŋan sehimakŋa.

²¹ Anutu nanŋak mōnō nini aka iŋini mohot mem kōhōim neŋgiiga Kraistpuk qekōtahōba kin kōhōibin. Yarŋōn mōnō Buŋa keu jim sehib- iŋōra aka bedu mem neŋgi maljin. ²² Anutunōŋ urunine Uŋa Tōrōŋi mekōtahōiga yarŋōn oyaerŋkoyaeŋ malbingō keuŋi nanğōba jim kōhōimakza. Anutunōŋ mewō aka buŋaŋi akzinarŋō muŋgem suparŋi mi mekōtahōm neŋgiyōk.

²³ Nōŋōn tembula lömbōt eŋgibileŋbukōra mōta zilarŋ Korint eŋgōreŋ qahō lilinğōba kayal. Mewō jiba Anutugō qetŋi qetpi ölöp keuni mi nanğōba jima. ²⁴ Silik denōwō aka Anutu mōt narimakzei, miarŋōreŋ kembu ak eŋgimamgō qahō mōtzal. Mōtnariŋinan lōk tōndangōm eŋgiiga kin kōhōimakze. Miarŋōra sōsōŋgai qakŋe malmegōra baukōm eŋgimamgō mōta embuk mohotŋe urugō nup memakin. Mewō.

2

¹ Mutuk eŋgōreŋ kaba siksauk akerarŋōra jim eŋgibiga gamuŋini mōta wōsōbirik aket. Miarŋōra eŋgōreŋ kabiga kunbuk mewō akepukōra mōta urunan keu jōhōba kōna anarŋō areŋni utekōyal. ² Miarŋō kōnaŋi kewō: Gamu qem eŋgibi wōsōbirik akeak ewō, daŋōn ölöp uruni qesawōlim niŋgiiga kunbuk sōsōŋgai miwikŋaibileŋak? Janjuŋinarŋōra aka jim eŋgibi wōsōbirik akeak ewō, tosatŋan sōsōŋgai ak niŋgibingō osigetka nanak mewōyōk wōsōbirik aka malbilenbuk. Miarŋōra zilarŋ kaba gamu qem eŋgimamgō tōkōzal.

³ Kimbi kōhōikŋi mi kōnaŋi kewōgōra ohoba alal: Nōŋōn sōŋgaibiga kōrek eŋōn mōnō nōmbuk sōŋgaime. Nōŋōn iŋini kōrek mewō uruyahōtŋi qahō mōt narim eŋgizal. Nōŋōn tosatŋi eŋgōra sōsōŋgai miwikŋaimamgō mōtzalmō, kabiga kōnaŋamŋini sohoi laŋ malgetka eŋgeka wōsōbirik ak- ileŋbuk. ⁴ Wōsōbirik akŋegōra kimbi mi qahō ohoyalmō, önoŋi qahō uru jōpakōm eŋgimamazali, iŋini miarŋō kōnaŋi mōt yakōmegōra mōnō keu

* 1:19: Apo 18.5

köhöikni mi kimbinöy ohoyal. Urunan engöra aka waimanjat ketanji möta könjilij qakne tata imbilnan eriga ohoyal. Mewö.

Kunjan kõna ongiröhi, yangö singisöndokni mönö mosötme.

⁵ Kunöy singisöndok aiga gamu aka wösöbirik asuhuyöhi, mianön mönö nöngö qakneyök qahöpmö, körek engö qaknine mewöyök öngöyök. Keu mi jim qaribi sohobapuköra mönö kewöyök jimam: Gamu mianön mönö körek dop köl engii miangöra gwötpuk me borom kun wösöbirik aket. ⁶ Könagesö ölnan keunangö likepni melen wangigeri, mianön mönö dop köl wangii urunji kunbuk melepök.

⁷ Nalö kewöne gamu aka wösöbirik keta bölökni möriga mianön jem kelelengöbapuköra mönö lömböt kude toroqem wangime. Lömböt qahöpmö, mönö kapan köla singisöndokni mosöta urukölalep ak wangime. ⁸ Miangöra kewö uru kungum engizal: Inini mönö keu jöhöba urukalemniini kunbuk toroqeba köhöiba kondel wangiba malme. ⁹ Nöjön kimhini mi kewögöra ohoyal: Inini nöngö keuni pakpak tem köla esapesapnöy kin köhöime me qahö tem köla töteköba etme, miangö kõnanji kewöta mötmangöra möta mi ohoyal.

¹⁰ Inini kungö singisöndokni mosötze ewö, nöjön mi mewöyök mosöt wangizal. Bölöni ak ningiyöhi, miangöra qahö mötpi öngözapmö, enön kunbuk ölöwaka mindirim angumegöra mötzal. Miangöra bölöngamni mi lök Kraistkö jeje ölna mosöt wangibiga teköyök. ¹¹ Satanöy areni ala silenöy alal kõnanji kõnanji ahakzawi, miangöra tönpin qahö maljal. Miangöra Satanöy luhut al nenjibapuköra aka azi miangö singisöndokni mönö mosöt teköme. Mewö.

Polnöy Troas mala Taitusgöra waimanjat mörök.

¹² *Nöjön Kraistkö Ölöwak Buñanji jim sehimangöra aka Troas taonöy anbiga Kembunöy nanju öröm ningiiga nupni miangöreñ memamgö amqeyök. ¹³ Mewö amqeyökmö, urumelen alani Taitus qahö miwikñaibi keunini qahö jii möralangöra aka waimanjat möta luainöy urune qahö ahöyök. Miangöra yaizökzökniini jiba engömosöta Taitus jarumangöra Masedonia prowinsnöy anal. Mewö.

Kraistnöy ösum nenjiiga luhut alakzin.

¹⁴ Nejön Anutu kewögöra möpöseimakin: Kraistkö buña aka welenni qeinga Anutunöy nalö dop suahö galöm ewö aka nenjuañgiriga anda köirañ kölakzin. Luhutnöy plaua juranangö wöronni ölöpni memba kaiga mörakzin. Miangö dop Anutunöy nam köl nenjiiga denike denike liliköba Kraistkö kõnanji jim asariinga aukne asuhum sehiba aniga gölme dop mörakze. Miangöra Anutu möpöseimakzin.

¹⁵ Miangö kõnanji kewö: Nejön ambazip Suep mire öngömei aka könöp sianöy gemei, yangö sutjine anda kainga wöronini sarakni mörakze. Kraistkö kõnanji jim sehiinga Anutunöy nupninangö wöronni möt ölöwahakza.

¹⁶ Könöp sianöy gemei, yejön Buña keunini mötketka mianön keunini jim teköiga kömum köhöimegö möta mönö qamötkö mumu wöronni ewö akza. Suep mire öngömei, yejön Buña keunini mötketka oyaenjoyaen engimapkö möta mönö malmal kömbönanangö wöronni umköhöwakñambuk ewö akza. Dañön nup mewöni memawangö dop akza? ¹⁷ Ambazip tosatni gwötpukñan mönö ni ewö qahö akze. Yejön

* 2:12: Apo 20.1

malmalɲini nanğöbingöra möta Anutugörej keu mi kölköl-örörö ewö laɲ memba ala jimakze. Nöɲön yengö dop qahö ahakzalmö, Kraist qekötahöba köɲbiɲ mosöta uruni sarakɲi aiga kinjal. Anutunöɲ melaim niɲgiyöhi, mi möta yanğö jemesoholɲe kinda Buɲa keuɲi törörök jim sehimakzal. Mewö.

3

Jöhöjöhö arenj dölökɲanğö nup meme ambazip akzin.

¹ Nanak könaɲamni kunbuk könahiba jim ölöwakɲamaɲğöra mötmörize me? Mi qahö. Nup meme ambazip tosatɲan Korint eɲön yengö könaɲini mötmegöra möta jim ölöwak kimbi ohobingö kapan kolakze. Tosatɲan Korint eɲön yengö könaɲini nanğöba jiba jim ölöwak kimbiɲi kimbiɲi ohomegöra iɲini kuɲgum eɲgimakze. Nöɲön nupni diɲɲiɲanök mealanğöra jim ölöwak kimbi mewöɲanğöra qahö osizal. ² Anutunöɲ Korint iɲini böröne al eɲgii letota wölböt köɲɲi aka nanɲinak nöɲgö jim ölöwak kimbiɲi ewö akze. Anutunöɲ nöɲgö jim ölöwak kimbiɲi mewö ohoiga ambazip körekɲan silik tandökɲini dölökɲi mi eka oyoɲmakze.

³ *Iɲini Kraistkö papia kimbi ewö akzei, mianɲön aukɲe ahöza. Mosesnöɲ Köna keuɲi nanɲim oɲi iɲk mianɲön köt tafenöɲ ohoyöhi, iɲini mianğö dop qahö akzemö, Kraistnöɲ kimbiɲi eɲgö uruɲinanğö tafene kewö ohoi kinje: Neɲön nup meinga öɲɲi asuhui Kraistnöɲ Anutu malmal köhöikɲi Tonanğö Uɲaɲi uruɲine ali letotket. Ambazipnöɲ nupni nanğö öɲɲi mi eketka mianɲön bauköm eɲgiiga nupninanğö könaɲi möt asarimakze.

⁴ Kraistpuk qekötahöinga Anutunöɲ nupninanğö tandökɲi mötza. Mianğöra nup meinga iɲini Kraistkö buɲaɲi akeri, mi ölöp Anutugö jeɲe awösamkakak kinda jizin. ⁵ Nanini köhököhöi qakɲe nup ölöpɲi ki Anutugö jeɲe membinaɲgö dop akzini, mewö ölöp qahö jibin. Nanini yuai kunöɲ qahö lapinğömakzinmö, Anutunöɲ nanɲök inahöba mötmöt neɲgiiga nup ki memakzin.

⁶ *Anutunöɲ inahöba mötmöt neɲgiiga jöhöjöhö arenj dölökɲanğö nup meme ambazip akzin. Mosesgö Köna keuɲanğö kulemɲi mohot mohotköra urukönöp akinak ewö, keu mianɲön mönö keunini jim teköiga kömum köhöibinak. Uɲa Töröɲanğö nup arenj jim asariinga yanɲön mem gulim neɲgiiga mal köhöibin. Mianğöra Köna keugö arenj miyök wu-atanğömegöra qahö kapan kolakzinmö, Uɲa Töröɲi möt anğön kölmegöra uru kuɲgum eɲgimakzin. Mewö.

Jöhöjöhö arenj dölökɲanğö nupɲi mi aködamunɲambuk.

⁷ *Anutunöɲ Köna keuɲi jiba kulemɲi kötnöɲ möndömgöba ohoyökmö, ambazipnöɲ mi qahö tem kölgetka Anutunöɲ keu mianğö dop kewöta likepɲi melen eɲgiiga kömumba köhömuɲi mala kotket. Anutunöɲ mutuk Köna keuɲi neɲgiiga nalö mianğörej asakmararaɲan Mosesgö jemesoholɲi qei asariyök. Asakmararaɲ mianɲön waziba ayapkömawanğö dop ahökmö, mi töndup Israel ambazipnöɲ jemesoholɲi törörök uba ekingö dop qahö aket. Gwötɲuk asariyöhanğöra mi osiget. Köna keugö Buɲa arenj walɲan lök mewö asakmararaɲambuk asuhuyök.

⁸ Mewö asuhuyökmö, Uɲa Töröɲan Buɲa arenj dölökɲi neɲgii mianğö asakmararaɲan asuhumawi, mianɲön mönö jöhöjöhö arenj walɲanğö

asakmararaŋi oŋgita önöŋi qahö asariba jenini gamugamu ahakŋa. ⁹ Mutuk Mosesgö Köna keu asuhuba kewöt neŋgiiga mianğö dop könöp siagö buŋaya akzin. Buŋa keu mi lök aködamunŋambuk asuhuyök. Mianğöra Anutunöŋ keunini kewöta jim teköi solanibini, Buŋa keu mianğö aködamunŋan mönö keta bölöknj akza. Mianğön jöhöjöhö areŋ walŋaŋgö aködamunŋi mi gwötpuk oŋgita qetbuŋaŋambuk akza.

¹⁰ Buŋa nup walŋan mutuk aködamunŋambuk ahökmö, mi Buŋa nup areŋ dölöknambuk mindiriba kewöringa walŋi mianğön mönö qetbuŋaŋi qahö akza. Uŋa Töröŋaŋgö nup areŋ mianğö aködamunŋan öŋgöŋgöŋi akzawaŋğöra nup areŋ walŋan mönö yuai omanŋi ewö akza.

¹¹ Anutu amötqeqeŋaŋgö köna walŋan lök waziba ayapkömawaŋgö dop ahök. Mianğön lök asakmararaŋambuk asuhuyök. Mianğöra köna dölöknj teteköŋi qahö ahöm öŋgömawi, mianğö asakmararaŋan mönö köna mutukŋaŋgö asakmararaŋi mi önöŋi qahö oŋgita jenini gamugamu ahakza.

¹² Jöhöjöhö dölöknan teteköŋi qahö bauköm neŋgiiga asakmararaŋan asuhumawi, mewö Anutu jörömqöröm al waŋgimakzin. Mianğöra keŋğötnini qahöpmaöhöp möta awösamkakak kinda keu mi kusum eŋgimakzin. ¹³ *Mosesnöŋ Israel ambazip asakmararaŋ waziba ayapköyöhi, mi ehibepuköra manjat möta jemesoholŋi opo jahönŋan esuhuyök. Neŋön mianğö dop qahö ahakzinmö, Buŋanini aukŋeyök jimakzin.

¹⁴ Buŋa walŋaŋgö asakmararaŋi eketmö, uruŋinan töndup gwözöŋni laŋ mala kotket. Nalö kewöŋe mewöyök yuai kunŋan mönö opo jöhan mianğö dop Juda ambazip gwötpuk yeŋgö uruŋini gwözöŋni malje. Mianğöra Jöhöjöhö Walŋaŋgö Buŋa keuŋi keuŋi oyonjei, mi eŋgö könaŋini mi törörök qahö möt asarimakze. Uruŋini melenđa Kraistpuk toroqezetka mewö mianğönök mönö opo jöhanŋini mi qeköi möt asarime. ¹⁵ Nalö kewöŋe mewöyök Mosesgö Köna keuŋi oyongetka yuai kunŋan mönö opo jöhan ewö uruŋini gwözöŋni mötmötŋinan lömbörri malje.

¹⁶ *Mewö maljemö, Buŋa Kimbigö keu kun kewö ahöza, “Mosesnöŋ ‘Kembubuk eraum mötpit,’ jiba opo jöhanŋi mesoholŋeyök qeközapma.” Keu mewö ahöiga yeŋgöreŋök kunŋan uruŋi melenđa Kembubuk toroqezawi, nalö mianğöreŋök mönö yuai opo jöhanŋaŋgö dop mi qeköi Anutugö amötqeqeŋaŋgö könaŋi möt asarima. ¹⁷ Keu mianğön “Kembugöra” jiba mi mönö Kembugö Uŋaŋaŋğöra jiza. Kembugö Uŋa Töröŋan denike yeŋgö uruŋine maljawi, yaŋön mönö siŋgisöndokŋinaŋgö kösöŋi pösariga solanŋi (fri) malje. (Mewö mala solanŋi diŋdini akingöra Köna keu wuatangöbingö qahö kapan kolakze.)

¹⁸ Mianğö dop urunini melenŋinga Kembugö asakmararaŋan körek neŋgö je mesoholnine kuŋguiga bilikbilik aliga jenini qahö esuhuinga ambazipnöŋ neŋgeka Anutugö aködamunŋi qetpuk mi piliknöŋ uba ehökö tandök ehakze. Nini mi qarim sehiba ehakŋeaŋgö dop letorakin. Mewö letota aködamunŋi qetpuk mi qariba asariba Kembugö tandöktandök ahakin. Kembunöŋ Uŋaya akzawi, yaŋgö asakmararaŋan mönö mewö mem letot neŋgimakza. Mewö.

4

Nini kouraŋen ewö ahiŋga Uŋa Töröŋan ölni akza.

* 3:13: Eks 34.33 * 3:16: Eks 34.34

1 Anutunöŋ ak kömum neŋgiyöhaŋgö dop nup ki qaknine ali memakzini, miangöra mönö böŋ kininga uruninan qahö etma. Qahö!
 2 Neŋön nup memegö köna tölapŋi gamuŋinambuk mi körek andö qein. Tilipqilip qahö aka Anutugö keuŋi qahö möwöramgömakzinmö, keu öŋŋi mi aukŋeyök alakzin. Mewö Anutugö jemesoholŋe ambazip uruölöwak möt neŋgimegöra kininga jim ölöwak keuninan asuhui körekŋan keunöŋ törörök jim neŋgingö osimakze.

3 Mewö ahakzinmö, iŋini tosatŋan kewö jimakze, “Polnöŋ Ölöwak Buŋaŋi mi esuŋambuk jimakza.” Mewö jibilenak ewö, esu mianöŋ könöp sianöŋ gemei, mönö yeŋgö uruŋine ahöba miangöra gwözöŋniga qakömakze.

4 Kraistnöŋ Anutugö imutŋi akza. Kraistkö aködamunŋi mi nanŋi Ölöwak Buŋaŋan indela asakŋi ewö asarimakzapmö, yeŋgö jeŋinan ömuŋ köli jipjap ahakza. Nalö kewöŋe bölöŋaŋgö Kambuŋi gölme dop galöm köl eŋgimakzawi, yaŋön urumelenŋö kopa ambazip yeŋgö mötmöt jeŋini mem gömöliiga laŋ malje. Miangöra Ölöwak Buŋagö asakŋi ek asaribingö osimakze.

5 Nani qetbuŋanan qarimapkö Buŋa keuŋi qahö jim asarimakzalmö, eŋön Kambu Jisös Kraistkö könaŋi möta jitŋi tem kölmegöra uru kungum eŋgimakzal. Neŋön Kambuŋi jitŋi wuatanaŋgöba iŋini welen qem eŋgimakzin. 6 *Könaŋi kewögöra welen qem eŋgimakzin: Anutunöŋ mutuk kewö jim kutuyök, “Asaknan mönö söŋaup qeiga asarima.” Mewö jiyöhaŋön mönö Buŋaŋaŋgö asakŋi ali urunini qeiga asariyök. Kraistnöŋ ahakmemeŋi aka meiga Anutugö asakmararaŋan jemesoholŋe asari ekeri, Anutunöŋ nini miangö könaŋi möt kutubingöra kapaŋ kölakza. Asakŋaŋgö könaŋi jim sehibingöra aka asakŋi mi neŋgiyök.

7 Asakŋan urunini qei asariinga mötkutukutu miangö bohonŋi mi milyön kina oŋgita öŋgöŋgöŋi akzapmö, silenini mi kouraŋen ewö amqeba julakza. Anutu asakŋan mönö sile mewöŋaŋgö uruŋe ahöza. Ambazipnöŋ miangö könaŋi ekŋegöra Anutunöŋ areŋi al neŋgiyök. Dopkeu miangö könaŋi kewö: Kukösum önöŋi qahö al neŋgimakzawi, mi neŋgöreŋök öne asuhumakzawaŋgö dop qahöpmö, Anutunöŋ mönö miangö Toŋi akza.

8 Eu emu likep likep miangöreŋök lömböt könaŋi könaŋi qaknine öŋgöba qölölömbörim neŋgigetka wahöjalih mörakzin. Mi mörakzinmö, töndup mienöŋ qahö qözöjahöm neŋgigetka erakzin. Nalö tosatŋe juŋ ewö waŋgömŋe qaköba köna qahö miwikŋaimakzinmö, töndup tötböröm qahö ahakzin.

9 Ambazipnöŋ sesewerowero ak neŋgimakzemö, Anutunöŋ andö qahö neŋgumakza. Ambazipnöŋ mulungöm neŋgimakzemö, töndup qahö ayuhumakzin. 10 Jisös qem kömugeri, miangö dop nini mewöŋanök buŋaŋi jim sehimakzinaŋgöra aka neŋguget kömumbinbukö möta anda kaba maljin. Jisösbuk mal köhöininga inahöm neŋgimakzawi, ambazipnöŋ miangö könaŋi möt kutumegöra aka mewö malbingö urumohot akzin.

11 Gölmönöŋ jebuk mala Jisösgö nupŋi memakzinaŋgöra aka nalö dop kömumbingö dop akzin. Sileninan kömunawaŋgö dop akzapmö, Jisösnöŋ urunine mal köhöiba silenini mem gulimakzawi, ambazipnöŋ miangö öŋŋi ek asarimegöra aka kinjin. 12 Nini nalö dop sihimbölö möta kömumbingö dop ahakzinmö, nöŋön eŋgö sutŋine nup memba malali, eŋön miangöra aka guliba malmal köhöikŋe aŋgota mal öŋgöme.

* 4:6: Jen 1.3

13 *Sumbara (Sam) kunöj keu kewö ohoget ahöza, “Anutu möt nariba kömupnöhök meköm ningimapkö köuluköba malal.” Nejön keu miangö dop kömupnöhök meköm nengimapkö möt narizin. Mötnaripkö Uña Töröj miyök buña qem anguzinağöra nejön mönö mewöyök keunini jiba köulukömakzin. 14 Anutunöj Kambu Jisös mem gulii kömupnöhök wahöröhi, yanön mönö nini mewöyök mem gulim nengii wahöta Jisösbuk öngöinga jemesoholje al nengii embuk mohotje mal öngöbin. Mi mötzinağöra aka keunini jiba köulukömakzin.

15 Keunini jiba köuluköinga Anutugö kalem möriamñan toroqeba ambazip sehisehiji dop köl engima. Mewö aiga yenön amqeba Anutu kelenmalelej möpöseigetka qetbuñanjan sehimakza. Enjön mewöyök Anutu möpöseim sehimeğöra mötzal. Miangöra lömböt könari könari bisiba aum-möriba maljin.

Mötnarip malmalñangö tandök mi kewö:

16 Nini mem gulim nengimapkö möta mönö böñ qeba kininga uruninan qahö etma. Öñña silenini ewö waziba soholimakzinmö, mi töndup urunini ewö nalö dop kölönaimakzin. 17 Mi kewögöra: Gölmenöj kahasililiñ nalö töröptökñi möta malbinmö, miangö andöñe asakmararañ önöñi qahö miwikñaiba teteköñi qahö oyaenköyaen malbin. Asakmararañ aka kahasililiñ yahöt mi kewöt etkiinga asakmararañ miangön mönö öngöngöñi aiga gölmegö kahasililiñ könari könari mi möringa awamñi aka eretñi akza.

18 Ambazip aka öroyuai jenöñ ehekñi mi nalöñini teköi ayapkömemö, Suep mirigö öroyuaiñi nalö kewöñe qahö ehakzini, mienön mönö nalö teteköñi qahö ahöm öngöme. Miangöra nejön jeninan ehekñi mia qahöpmö, qahö ehekñi mönö mienğöreñ göröken uba engehakzin. Mewö.

5

Polnöj Suepkö oyaenköyaen koumnöñ anmamgö mörök.

1 Nejön keu ki mötzin: Gölme silegö opo seri koumñe malinga kömupnöñ mi köndeñniga etmawi, Anutunöñ nalö miangöreñ silegö miri döläkñi nanjak meiga Suepnöñ ahömawi, mi buña qem nengiiğa miangöreñ malbin. Silegö miri qainñi kun mi teteköñi qahö köhöikñi ahöm öngöma.

2 Keu mi möta nalö sutje kiangöreñ letotpingö osongom köla Suep malmal mirinine öngöbingö möta awöweñgömakzin. 3 Suepnöñ öngöinga sile qainñi kunöñ löngöt nengii tatpini, nalö miangöreñ mönö uña sile meinga kunñan aukñe qahö miwikñaim nengima.

4 Gölme sile ki qekömegöra qahö mötzinmö, Suep malmal mirinine öngöba silenini döläkñi membingö awöweñgömakzin. Sile ki kömumawi, mi malmal köhöikñan gwahöri qahöwahiga Anutunöñ salupñe oyaenköyaen sileya nengimapkö mötzin. Miangöra nalö kewöñe seri koum kiangö uruñe mala urulömbötnini bisiba letotpingö osongom ahakzin. 5 Anutu nanjak Suep sile membingöra möta miwikñaim nengiba Uña Töröñi urunine aliga oyaenköyaen akingö dangunuñi akza.

6 Miangöra nejön mönö nalö dop ewebibininambuk saitñgit mal köhöiba kewö mörakzin: Sileninağö malmal koumnine ki malbini, nalö miangö dop eu Suep malmal mirinine Kambu Jisösbuk qahö malbin.

* 4:13: Sum 116.10

7 Nalö kewöŋe Suep mirigö öröyuaini qahö uba engehakzinmö, töndup mi möt nariba miangö dop aka memba malinga nam köl nenjimakze. 8 Miangöra ewebibininambuk köhöiba sileninaŋgö malmal kounŋi ki mosötŋingö kapaŋ köla mirinini ölni eu öngöba Kembubuk malbingö mötzin.

9 Miangöra mirinine ki me eu malbini, neŋön mönö urunini Kembu Jisös uruölöwak ak waŋgibingöra jöhöba miangöra köhöiba kapaŋ kölakzin.

10 *Miangö könaŋi kewö: Körek neŋön mönö Kraistkö keu jakeŋe asuhubin. Gölmənöŋ silebuk mala Kembugö jitsihitŋi dopŋe tem kölini me qötömötötaŋ ahini me önewat laŋ malini, nanŋak mönö keunini mi kewöta miangö dop töwanini nanŋök nanŋök nenŋii buŋa qem aŋgubin. Mewö.

Ambazip Anutubuk urumohot akŋegö nupŋi memakzin.

11 Kraistkö keu jakeŋe kinbini, neŋön mi möta Kembugö mötmötŋi onŋitpinbuköra keŋgötnini mörakzin. Mi mötzinaŋgöra ambazip könanini sarakŋi mötmegöra kapaŋ köla uru kuŋgum enŋimakzin. Könaninan mönö Anutugö jeŋe aukŋe ahöza. Nöŋön tilipqilip azia qahö, eŋön mewöyök mi uruŋinan möt yakömegöra möta jörömqöröm akzal.

12 Mewö jiba nanini jim ölöwak keunini mötmegöra kunbuk qahö kapaŋ kölakzalmö, könanini miyök jim asarim enŋimamgö mötzal. Inini mi möta ölpö nenŋö silenini mi böhi takapulakanŋi yengö jeŋine möpöseigetka dop kölma. Yeŋön yuai enŋö uruŋine ahözawi, miangöra qahöpmö, sileninaŋgö yuaini jenöŋ ekingö dop akzawi, mönö miangöra aiweliköba nanŋini silenini memba öngöba keu laŋ jimakze. Miangöra keuni ki jizal. Eŋön yengö keuŋini gilipitŋi (ambetakŋi) mötzeangöra mönö nenŋö könanini jim asariba törörök melen enŋime.

13 Eŋön nöngöra “Urusohop tandök ewö akza,” jiget ewö, nöŋön mönö Anutu nupŋangöra aka urukönöp aka malal. Tosatŋan nöngöra kewö jize, “Urukönöpŋi qahöpmö, keuŋi ösöŋök jimakza,” Mewö jize ewö, mi mönö inini bauköm enŋibingöra aka ahal. Miangöra ölum enŋubapuk.

14 Miangö könaŋi kewö: Kraistnöŋ jöpaköm nenŋimakzawi, miangön mönö kondota kuŋgum nenŋiiga nupŋi memakzin. Azi mohotnöŋ körek nenŋö salupnine nenŋö kömupnina kömuyök. Miangöra siŋgisöndokninaŋgö likepŋi qahö melen nenŋiyökmö, körek nenŋö siŋgisöndoknini mosöri toroqeba köhömunŋi qahö akzin. Keu mi möt asariba möt yaközini, Kraistkö urukalemŋan mönö körek nini jölöngöba nupŋi membangöra kuŋgum nenŋimakza.

15 Yaŋön mönö kewögöra körek nenŋö salupnine kömuyök: Gölmənöŋ jebuk maljini, neŋön mönö malmalnini toroqeba naninaŋgörök malbinbuk. Mewö qahöpmö, kun nenŋöra aka kömumba wahöröhi, malmalnini mönö yaŋöra tököba ala malbingöra kömuyök.

16 Miangöra urunini melenŋini, nalö miangöreŋök könahiba ambazip silesile qahö kewöt enŋizin. Ambazip kun gölmənöŋ silikŋangö dowök qahö möt kutum waŋgizin. Mutuk Kraist kewöta möringa gölme azi töhöŋ ahökmö, nalö kewöŋe möt kutum waŋgiinga Suepkö Amötqeqe Tonina akza. 17 Miangöra kunŋan Kraistpuk qekötahöza ewö, yaŋön mönö ahuahu dölökŋi ahuba dömnŋi dölökŋi akza. Malmal walŋan ayapköiga malmal dölökŋan mönö salupŋe asuhum waŋgiza.

* 5:10: Rom 14.10

¹⁸ Mewö maljapmö, yuai pakpak miangö kondotkondot Tonji mi Anutu. Yanjon Kraist melaiiga töwanini qeba nengömeiga Anutu nanjambuk urumohot akingö könanji möwölöhöyök. Köna mewö asuhuiga Anutunöj nup nenjiiga nenjon ambazip Anutugö alaurupni akjegöra jölöngöba kuŋgum engimakzin.

¹⁹ Anutubuk urumohot akingö könanji kewö: Kraistnöj eta gölmenji gölmenji nengö töwanini qeiga dop köli Anutunöj nengömeiga alaurupni ahin. Köna ongita mala korini, singisöndok miengö keunini qahö oyonnda mötmöriba likepni qahö melenj nenjiyök. Anutugö alaurupni ahinga möt narim nengiba Kraistkö töwagöra aka Anutubuk urumohot akingö Buja keunji mi börönine alök.

²⁰ Mi aliga Kraistkö jitlememeurupni akzin. Anutunöj keu sanje al nenji miangö dop ambazip urunini kuŋgum engimakzin. Kraistkö jitle memba kapan köla kewö qesim engimakzin: Mönö Kraistkö töwanji buja qem anguba Anutugö alaurupni akje. ²¹ Anutunöj körek nengö singisöndokninangö keunji jim teköba likepni melenjda Kraist singisöndok kun qahö ahöhanjög qakne ali öngöiga salupnine sihimbölö mörök. Kraistkö sihimbölöni miangöra aka yanjörej qekötahöinga Anutunöj ölop keunini jim teköi solanibin. Mewö.

6

¹ Nini Anutu nanjanjög nup meme alaurupni akzinangöra aka urunini kewö kuŋguzin: Anutugö kalem möriamjan omanji akapüköra mi mönö buja qem anguba malme. ² *Anutunöj keu kun kewö jii Buja Kimbinöj ahöza,

“Gehorimangö nalönan kam kuŋguiga nöjön köuluki möral.

Amötqe qe nalönan kam kuŋguiga miangörej bauköm gihial.”

Keu mewö ahöiga mötket! Nalö dölkianjon mönö Anutugö amötqe qe nalöni akza. Anutunöj engehorimangö möri nalönan kam kuŋguiga akkömükömuŋji mi mönö döлки buja qem angume. Mewö.

Polnöj kahasililih könanji könanji miwikhaiyök.

³ Nenjon mönö kungö urujan nengöra aka böli etpapüköra galömnini mem angumakzin. Jim nenjigetka nupninan keunambuk aka etpapüköra mewö ahakzin. ⁴ Anutugö nup meme ambazip ölop sorokni akzini, ahakmeme pakpakninan mönö mi kondelakza. Kahasililih aka jangauranga könanji könanji ak nenjigetka wahöjalih uruje maljinmö, miangörej mönö mökösojnda kapan köla kin köhöimakzin.

⁵ *Thilek wahjambuknöj nenguba kösö mirinji mirinji miangörej al nenjigetka malin. Karimni karimni asuhugetka miangö uruje kömumbinbukö kenjötnini möta malin. Gaun guli aka nenegöra wösönini aliga malinmö, töndup silenini qeba nup memba malin.

⁶ Ahakmeme sarakni wuatangöba Anutugö sihimni möt asariba lömböt möta mökösojnda ambazip ala ak engimakzin. Uja Törönan urunini kokolak qeiga sutjine genmoŋi qahö jöpaköm engiba maljin. ⁷ Keu öljanök jiinga Anutugö kukösumjan bohon köl nenjiiga ahakmeme solanjanjög timbi saiwanji meinga börö ölnine aka qaninine ahöiga kinjin. Mewö kinda likep Buja keu jim sehiba likep keu muneni silenine algetka miangö likepni jim mindinjöba malin.

⁸ Qetbuja neŋgigetka silenini qahö möpöseimakzin. Yom jiba gamu qem neŋgigetka uruninan qahö erakza. Neŋgöra kösohot ölöpnj kösohot bölöŋj mi laŋ jimakze. Munen jiji ambazip ewö ak neŋgimakzemö, töndup keu öljänök pakpak jimakzin.

⁹ Ambazipnöŋ könanini ölop möt kutumakzemö, töndup tosatŋan nöŋöŋan aka nesampurek ak neŋgimakze. Nalö tosatŋe kömumbingö aka malinmö, töndup toroqeba jebuk maljin. Kegwek-kahasililiŋ ewö neŋguba malgetmö, töndup qahö kömuin. ¹⁰ Wösöbiriknöŋ neŋguiga töndup nalö dop söŋgaiba maljin. Wanapŋi mala töndup ambazip gwötpuk bauköm enjiinga uruŋinan pomŋi ahakze. Gölmegö sukinapnini qahöpmö, töndup oyaenköyaen pakpak buja qem aŋguba pipsimbawon maljin.

¹¹ O Korint ambazip, neŋön mönö uruninaŋgö naŋguŋi enŋöra öröba keu kun qahö kölin geiga könanini aukŋeyök jibiga mötze. ¹² Enŋön neŋgö urumötmötnini mötpepuköra mi qahö aŋgön kölakzinmö, neŋön enŋö uruŋini mötpinbuköra mönö nanŋinanök aŋgön köl aŋgumakze.

¹³ Nöŋön urumötmötni enŋibiga enŋön mönö miangö likepŋi mewöyök törörök niŋgime. Nöŋön nahönböraturupni ewö tandök keu enŋöra kewö jiba ohozal: Injini mewöyök mönö nanŋini uruŋinaŋgö naŋguŋi öröba urukalemŋini mi sehiba kondel neŋgime. Mewö.

Mötnariŋjini qahö yembuk kude qekötahöme.

¹⁴ Ambazip uruŋini qahö melenŋeri, yembuk mönö uruŋini kude jöhöba* öröröŋ kude malme. Malmal solanŋi aka malmal goŋgoŋi mi nanŋök nanŋök akzahot. Mi mindirim etkibingö osibin. Söŋaup aka asakŋi mi mohotŋe qahö akzahot. Qahö! ¹⁵ Kraist aka Katakömulat (Satan) yetköŋ mönö urumohot aka mohotŋe malbitkö osimahot. Miangöra urumelen ambazip kunŋan ahakmemenŋi urumelenŋö kopa ambazip kun yambuk mohotŋe mindiriba akitkö osimakŋahot. ¹⁶ *Anutu nanŋak keuŋi kun kewö jii ahöza,

“Nöŋön könagesöni yenŋö uruŋine mala sutŋine anda kaba Kembuŋini ak enŋibiga yenŋön nöŋgö weleni qeba möpöseim niŋgiba malme.”

Keu miangö dop Anutugö Uŋaŋan uruŋine maliga sileninan Anutu malmal köhöikŋi Toŋaŋgö jikenŋi akza. Anutunöŋ nanŋi jöwöwöl jikenŋe tandö lopion möpöseibingö soŋgo ali ahöi osimakzin. Anutugö jikenŋi aka asa jikenŋi mi inanŋök inanŋök. Miangö dop neŋön urumelenŋö kopa ambazip yembuk qekötahöbingö soŋgo ali ahöi osimakzin.

¹⁷ Miangöra injini mönö Kembunöŋ keu kewö jiyöhangö dop akŋe,

“I mönö enŋömosöta yaigep kaba kambu nanŋi kun malme.

Aŋgöjörakŋinambuk ahakzei, mi mönö kude enŋgoseigetka nöŋön möt aŋgön köla köyan köl enŋibiba malmam.

¹⁸ Nöŋön mönö Iwiŋjini akiga injini nöŋgö nahönböraturupni aka malme.

Kembu kukösum pakpakö Toŋan mewö jiza.” Mewö.

* **6:14:** Köŋjöŋ me mötöp (yoke) mi hos me bulkamau yahötkö imbinjire alget geiga kare me kionoŋ yuai örömakzahot. Mewö nanŋiri imbi-imbi akitkö osimakzahot. Mewö janjuŋ anbanbuk.

* **6:16:** Lew 26.12; Eze 37.27; 1 Kor 3.16; 6.19; Ais 52.11; 2 Sml 7.14; 1 Hist 17.13; Ais 43.6; Jer 31.9

7

1 O wölböt alaurupni, Anutunöj mönö köyan köl neŋgimamgö keunji mewö jöhöm neŋgii ahöza. Mianğöra yuai sile ujanini mem tölöhozawi, neŋön mönö mi körek qeköbingöra Kraist köuluköinga amöt qem neŋgima. Anutugö jitŋi oŋgitpinbuköra mönö keŋgötnini möta kapan kölinga mem solanim neŋgiiga sarakŋi ak teköbin. Mewö.

Urujini melenğeraŋğöra Polnöj uruölöwak mörök.

2 Neŋön kun qahö mem bölim waŋgiinga ayuhuyök. Kun qahö geŋmororöŋ ak waŋgiin. Mianğöra eŋön mönö uruŋinaŋğö nanğunji öröba nini urunöj jöhöm neŋgiba malme. 3 Tosatŋan sutŋine nup memba silenöj alal keu mewö jiba jim neŋgigetmö, nöŋön keu mi eŋğö keunji jim teköba likepŋi melenğ eŋgimamğöra aka qahö jizal. Nöŋön lök keu kewö jibi mötket: Neŋön uruninaŋğö nanğunji öröba iŋini uruninan jöhöm eŋgimakzin. Mewö aka ölop embuk öröröŋ jöhöba kömumbin aka öröröŋ mal köhöibin.

4 Eŋğö uruyahöt qahö mötnariŋni ketanji eŋgiba maljal. Eŋğö silenini mönö gwötpuk möpöseimakzal. Eŋğöra aka urukölalepni ketanji miwikŋaizalaŋğöra kahasililiŋ könaŋi könaŋi möta mianğöreŋ mönö töndup önöŋi qahö söŋgaizal.

Masedonia prowinsnöj anda Taitusbuk aitoŋğöit.

5* Taitus jaruba malalaŋğöra* jiali, keu mi toroqeba jimam. Masedonia prowinsnöj kaŋgota mianğöreŋ mönö mewöyök uruluai miwikŋaimamgö osial. Denike denike anali, mianğöreŋ mönö köŋjiliŋ könaŋi könaŋi miwikŋaial. Anutugö bim qeba tosatŋi yembuk aŋgururuk aka eŋğöra waimanjat möta malal. 6 Mewö malalmö, Anutunöj urueret ambazip nanğöm neŋgimakzawi, yaŋön mönö Taitus kayöhi, mianğön urukölalep ak niŋgiyök.

7 Taitusnöj kayöhi, mianğönök qahöpmö, Korint eŋön urukölalep ak waŋgigetka yaŋön jii mötpiga Anutunöj mianğön mewöyök urukölalep ak niŋgiyök. Eŋğö kösohotŋini kewö jiyök, “Eŋön ni nekingö köpösöŋğöba kinje. Wösöŋini öŋa möt niŋgiba lömböt niŋgigeranğö keunji jiba nöŋğö likepne nanğöba jibingö jöjörömakze.” Kösohot mi jii möta urusösöŋgai keta bölöknji möral.

8 Nöŋön uruŋini Buŋa keunöj kuŋguba kimbi mi ohobi oyonđa nannini möt bölim aŋgugeri, mianğöra qahö möt bölim aŋguzal. Mutuk möt bölim aŋguyali, mi töndup nalö kewöŋe kewögöra kunbuk söŋgaizal: Kimbi keunan uruŋini mem bölli wösöbirik aketmö, wösöbirik mianğön mönö melenđa nalö töröptökŋanök ahöba teköyök. Könaŋini mewö ehal.

9 Nalö kewöŋe iŋini möt bölim aŋgugeraŋğöra aka qahö söŋgaizalmö, kewögöra söŋgaizal: Iŋini ahakmemenjanğöra aka möt bölim aŋgugetka gamu wösöbirikŋinan bauköm eŋgiiga uruŋini kunbuk melenđa diŋgiget. Mi Anutugö jitŋaŋğö dop asuhuiga uruŋinan mönö neŋğöra aka qahö böliyökmö, öŋa bauköm eŋgial.

10 Siŋgisöndökŋinaŋğöra aka möt bölim aŋguzin ewö, gamu wösöbirik mianğön mönö bauköm neŋgiiga urunini kunbuk melenđa diŋgibin. Diŋgibinaŋğöreŋ Anutunöj mönö neŋguaŋgiri Suepnöj öŋğöbin. Mianğöra kunŋan uruŋi melenđa mianğöra qahö möt bölim aŋguma. Gölme ambazip tosatŋan siŋgisöndökŋinaŋğö wösöbirik mörakzemö, Anutunöj mi

* 7:5: 2 Kor 2.13 * 7:5: 2 Kor 2.13 mianğöreŋ Taitusğöra jiyök.

mosötmapkö qahö qesime ewö, yanön mönö likepni melej enjiiga kömum köhöime.

¹¹ Enön Anutugö sihimnanjö dop wösöbirik ajetka gamu mianjö ölnan urunine ahuu letotkeri, mi kewöta ek welipköba kewö jime, “Nini gönmönahotnini mosöta urunini tokoba urukönöp qakne wahöta kōnanini sohosohonji kewöta mindiŋgōin. Ambazip siŋgisōndok akeri, miengöra uruninan wahöri sisit memba jim enjiin. Anutugö jitni ongitpinbukōra auruba kenjötnini möta Polnōj kaba uru melejninangö ölni eknapkö köpösōngöba malin. Urunini ahakmeme diŋdiŋi akingöra alin aka kunōj kōna qiwitipköyōhi, mi mindiŋgōm wanġibingö jōjöröba malin.” Mewö jigetka dop kölma. Nalö kewōne kōna diŋdiŋi wuatangözei, mi kondel niŋigetka ehal.

¹² Mianjöra kunnan sutnġine böliyōhi, iyök mindiŋgōm wanġimegöra aka kimbi qahö ohoyal me kun i mem bölim wanġiyōhi, iyök baukōm enġimegöra kimbi mi qahö ohoba alal. Mi kewögöra ohoyal: Inġini Anutugö jemesoholne nömbuk urumohot akingö kapan kölakzei, silik mianjön mönö aukne asuhumapkōra kimbi mi ohoyal.

¹³ Nani urukōlalepni miyök qahö mötzalmö, Taitusgö urunan sutnġine ölöwahi ehinga mianjön mewöyök uruni nanġoi önōji qahö söŋgaimakzal. Enön köreknanök Taitus körö-ölöwak qem wanġigerangöra söŋgaimakzawi, sösongai mianjön mönö mewöyök nanġöm köl niŋgii mianjöra önōji qahö söŋgaizal. ¹⁴ Nōjōn silikninanġöra sileŋini Taitusgö jeŋe möpöseiba malali, enön mianjöra gamu qahö niŋiget. Nōjōn enġö sutnġine mala keu pakpak jibi mötkeri, mi ölnanök jial. Mianjö dop enġö keunġini Taitusgö jeŋe jim möpöseiba malali, keu mianjön mönö mewōnanök kōnanġini mindiŋgōgetka ölni ahök.

¹⁵ Inġini körek pakpak mönö nōngö keuni tem köla Taitusnōj kaiga sömbuŋinambuk möta jönōmġini undui köl örōm wanġiget. Taitusnōj siliknġini mi mötmöriba keu jiiga uru ölöwaknan enġöra aka qariga köhöiba möpöseim enġimakza. ¹⁶ Nōjōn ahakmemenġini pakpak mötmöriba mianjörej mönö ölop enġöra aka ewebibinambuk möt köhöiba saitġigit malmam. Mianjöra söŋgaimakzal. Mewö.

8

Urumelej alaurup nanġöm enġibingö keunġi

¹ *O urumelej alaurupni, Anutunōj kalem möriamġi urumelej kōnagesōni kōnagesōni mianjörej nenġii ölnan mönö Masedonia prowins uruŋe ölöpnanök asuhuyök. Nōjōn inġini mianjöra gukmaulem malbepukōra möta kösohotnġi kewö jimam: ² Yeŋōn kahasililġi miwiknġaiba mötketka lömbötġambuk esapkōm enġiiga wanapġi kötökġi maljemö, mi töndup önōji qahö söŋgaigerangöra aka urumelej alaurup nanġöm enġibingöra monej naluk keta bölöknġi alget.

³ Yeŋö kōnanġini kewö nanġöba jimam: Kunnan qahö kunġum enġii nanġini sihimnġinan töndup ahuiga amqeba ösumnġinanġö dop naluknġini alget aka mi tok onġita enġiget. ⁴ Yeŋōn mönö kapan köla gwötpuk kunġum nenġiba kewö uleta jiget, “Nini tok Judia prowinsgö ambazip saraknġi baukōm enġibingö mötzin. Mianjöra Pol, gi ölop On! jinōŋga mönö simbawōj möta nup mianjö bahōni amqeba membin.”

* 8:1: Rom 15.26; Eks 16.18

⁵ Mewö jiget jibiga naluk almegö mambörali, miangö dowök qahöpmö, mi onjata kewö aket: Yenjon mutuk nangönanjö Kembangö jene dop köljawi, mi akingöra urunini jöhöget aka miangö andöne Anutugö jitni tem kölbingö möta nanjini malmalnini mi mewöyök nenjö börönine alget. ⁶ Mianjöra Taitus kewö jim kutum wangial, “Gi mönö nangönanjö nup mi lök könahiba menöj. Mianjöra mi mönö toroqeba Korint könagesö bauköm enjinönga urukalemnini kondela monej naluk ketanji mi kunbuk toroqeba algetka sutjine teköma.”

⁷ Urugö yuai könani könani mi kelenmalelejen buja qem anguba kewö aka malje: Ölöpnanök Kraist möt nariba Buja keu ölni jim soroköba Anutugö sihimni möt kutuba tosatni nangöm enjibingö pöndanj köpösöngömakze. Enjon mönö tosatni enjogöngita ölöpnanök jöpaköm nenjiba qetpuk akze. Mianjö dop nangönanjö nup ki mewöyök mönö ölöp mem soroköba tosatni enjogöngitketka qetpuk akja.

⁸ Mewö jiba monej almegöra qahö jim kutum enjizal. Mi qahöpmö, urukalemnini genmonambuk akza me qahöwi, mönö mi esapesapnöj ala könajini mötmangö mötzal. Könagesö tosatnan gönmönahot mosöta nangönanjö nupnini ö! töhönja memba zen kinjei, keu mi jiba mianön injini esapköm enjizal.

⁹ Naluk dawik almegöra kewötmei, miangörenej mönö Kembunini Jisös Kraistkö könanangö tandökni mötmörime. Injini yangö kalem möriamni ketanji mi kewö mötze: Yanjon Suepkö öroyuai pakpakö Tonji öngöngöni ahökmö, töndup injini oyaenköyaenjö pomni akjegöra aka gölmenöj eta etqeçeni aka malmalni tököba mosörök.

¹⁰ Monej almegöra qahö jim kutum enjizalmö, Jisösnöj söpsöp alöhi, miangö dop qambañi miyök enjizal. Enjon yambu emune lök nangönanjö mutukni aka miangö nupni kapan köla meget aka mi toroqeba memingö sihimni köhöikni mötket. ¹¹ Nalö kewöne nupnini mi mönö mem teköme. Mutuk nangönanjö nup memingö kapan köla awöwenjögeri, miangö dop mi mönö toroqeba mem teköme. Yuai ahöm enjizawangö dop mönö naluknini gwötpuk alme. ¹² Mianjö könani kewö: Naluk albingö sihimninan ahuba ahöza ewö, mönö yuai ahöm enjizawangö dop algetka Anutunöj möt angön köli dop kölja. Yuai qahö ahöm enjizawangö dop mönö qahö kewöta jim enjimakza.

¹³ Naluk ketanji algetka alaurup yengö malmalninan amqeiga nanjini qakjine lömböt öngömapköra qahö mötzinmö, alaurup osiba mözöröngözei, yembuk mendenja öröröj malbingöra mötzin.

¹⁴ Mianjöra nalö kewöne yuai kelenmalelejen ahöm enjiiga tosatnan malmalninanangö yuaigöra osizei, injini mönö mi bauköm enjigetka dopne akja. Mewö aka nanjini könangep yuaigö osigetka yengö öroyuaininan kelenmalelejen ahömawi, nalö miangörenej mönö i kun bauköm enjime. Mewö ak angugetka alabauk silikninan öröröj akja. ¹⁵ Mi Buja keu ki ohoget ahözawangö dop akja, “Gwötpuk mem tokoba malgeranön nanjini dop negetka numbu suruknini qahö ahöiga boromborom mem tokoba malgeranön nene yuaigöra qahö osiget.” Mewö.

Nenjakurup karöbut melaim enjiinga kaba bauköm enjime.

¹⁶ Anutunöj Taitusgö urunji sölölohöiga enjöra ni ewö waimanjat möta bauköm enjimangö kapan köla malja. Mianjöra “Anutu saiwap!”

jizal. ¹⁷ Nöjñon Taitus engörej kamapkö qesiba uruñi kuñgubiga imbiñi melejñök. Miyök qahöpmö, nanñak inñini bauköm engimamgö möta köpösöngöba nanñi sihimñangö dop neñgömosöta Korint engörej kamamgö jiyök. ¹⁸ Neññon urumelen alanini kun melaininga yambuk kamahot. Kiangörej Ölöwak Buña jim sehimakzawangöra i mönö urumelen könagesö dop möpöseim wanñimakze.

¹⁹ Yangö keuñi toroqeba kewö jimam: Masedonia urumelen könagesö yeññon mönö i möwölöhögetka nanñonangö nalukñi mi memba nembuk mohotñe köna anbin. Neññon Kambu nanñangö qetbuñañan sehimapköra möta naluk ketañi mi ölop galöm köla Judia prowinsnöñ anda engibin. Alabauk engibingö urukalemnini mewö aukñe kondeljin.

²⁰ Mewö aka nanñonangö naluk ketañi mi tilipqilip asuhui sohobapuköra ölop galöm köl soroköbin. Kunñan siliknini miangöra jim neñgibapukö möta kapañ köla kinjin. ²¹ *Keu miangö könañi kewö: Neññon silik Kembugö jeñe diñdiñi akzawi, mi qötöñgatpinbukö galöm mem aññumakzin. Miyök qahöpmö, silik ambazip jeñine dop köljawi, mi mewöyök akingö möta kapañ kölin.

²² Yetpuk urumelen alanini kun mi mewöyök melaininga kama. I nalö gwötpuk esapköm wanñiba tandökñi kewö ehin: Yangñon mönö nalöñi nalöñi Kembugö nupñi memamgö könöpönöp ahakza. Nalö kewöñe inñini tosatñi alabauk engibingö mötzei, mewö möt narim engizawangöra mönö engörej kaba bauköm engimamgö möta urukönöp ketañi ahakza.

²³ Nöjñon Taitus kewögöra möwölöhöyal: Yangñon nöñgö alabaukni aka nup meme neñakni akza. Urumelen könagesöñi könagesöñi yeññon alayahötnini yahöt mi möwölöhöm etkigetka jitñememeñini akzahot. Kraistkö qetbuñañan mönö yetköra aka qarimakza. ²⁴ Miangöra azi karöbut mi kamei, i mönö urukalem ak engiba könañini mewö kondelgetka ekñe. Mewö akñe ewö, neññon silikñinangöra silenini möpöseinini, keu miangö öññan mönö aukñe asuhuiga eketka urumelen könagesö gwötpuk yeññon mötme. Mewö.

9

Mönö urumelen alaurupñini bauköm engime.

¹ Anutugö ambazip sarakñi alabauk moner engimegöra ohomamgö mötzalmö, inñini keu mi lök möta miangöra qahö osize. ² Inñini alabauk akingö sihimñinan ahui mötze. Nöjñon mi möta engö silenini mi miangöra Masedonia urumelen ambazip yeñgö jeñine möpöseiba kewö jial, “Korint aka Akaia urumelen alaurup tosatñan mönö yambu emuneyök könahiba Judia alabauk ak engibingö jöjöröba malje.” Mewö jibiga engö urukönöpñinangöra mötketka keu miangñon mönö kuññum engiyök. Miangöra könagesö öññi yeñgö uruñinan mönö amqeba alabauk akingö urukönöp aket.

³ Engö sihimñinan ahui mötze, töndup neñakurupni karöbut ki melaim engizal. “Korint yeññon mönö moner tokobingöra jöjöröba malje,” mewö jial aka keu miangöra engö silenini möpöseial. Keu miangñon omanñi aiga gwötpukñan ekepukmö, keuñinangö dop moner öññi algetka kahaimök tari köreknan mewö engekñegöra mötzal.

⁴ Keu miangñon omanñi aiga monerñan qahö kahaimök tari öne malgetka Masedonia neñakurup tosatñan nömbuk kaba mewö miwikñaim

* 8:21: Qam 3.4

engibeak ewö, nöñön mönö engöra aka gamu miwikñaibilenbuk. Tem kölmegö möt narim engiba malbiga ölni qahö asuhubawak ewö, injini mönö mewöñanök keunji omanangöra aka gamu miwikñaibepuk.

⁵ Miangöra urumelen alaurupnini karöbut mi uru kungum engimangö mötpi dop köli kewö jial, “Injini mönö qeljiñe Korint yengörej anda nangönanjö naluk ketanji almegö keu jöhögeri, areñ mi wuatangöba al tekömegöra mönö kungum engime. Mewö aketka alabauk nalukñini mi kik-kukñambuk ekbonep qakñe qahöpmö, mönö sakalakñi aka amqeba gwötpuk alme. Mi mindirigetka zioz köwenöñ kahaimök tari kabiga ölop membin.” Mewö jial.

Kötñi mönö amqeba gwötpuk qesin da gilme.

⁶ Keu ki mönö mötmöriba malme: Nene kötñi awamñanök qesin da giljawanön mönö ölni mewöyök awamñanök mema. Nene kötñi gwötpuk qesin da giljawanön mönö ölni mewöyök gwötpuk mema. Miangöra gwötpuk algetka Anutunöñ salupñe gwötpuk engima. ⁷ Injini nanñök nanñök nalukñini mönö uruñinan jöhögerangö dop alakñe. Sösöñgainöñ amqeba mözöközöröñ ambazip kalem engizei, Anutunöñ mönö i jöpaköm engimakza. Miangöra nalukñini kunñan kungum engizawanjöra aka uruyahöt qakñe kude alme. Mi kik-kukñinambuk kude alme.

⁸ Uruawam qakñe kötönñini gwötpuk algetka Anutunöñ mönö köhöiba kalem möriamñi pakpak mem sehim engimakña. Mewö engiiga malmal pakpak miangöreñ yuaigöra osimei, mi pakpak mönö nalö dop buña qem angugetka dop köli engimakña. Mewö aiga nup ölopñi könani könani mi ölop megetka ölni kelenmalelej asuhuma. ⁹ *Ekbonep mosöta naluk ketanji ketanji alakzei, mi Buña Kimbi keu ki ohoget ahözawanjö dop akze, “Yañön amqeba kalemñi kalemñi menden da ambazip wanapñi engimakza.

Ahakmemeñi diñdiñi kik-kukñi qahö mianñön mönö nalö teteköñi qahö Anutugö jeñe ahöm öngöma.”

¹⁰ *Anutunöñ qesin gilgil azigöra nene kötñi wanñiiga nene asuhui nemakzini, yanñön mönö nenegö mözöközöröñ ahakñei, mi mewöyök engimakña. Mi engii uruñinan lolohoiga ölop amqeba keu kötñi qesin sehiba gilgetka ahakmeme solanñangö ölni asuhui Anutunöñ mi mem qarui sehimakña. ¹¹ Mewö aketka Anutunöñ mönö malmal pakpak miangöreñ sehiba kötuetköm engiiga ölöwahakñe. Mewö ölop amqeba ambazip nalö dop geñmonji qahö kalem gwötpuk engimakñe. Mewö aketka mi memba (Jerusalem anda) engiinga ambazip gwötpukñan kötönñinanjöra aka Anutu möpöseigetka ölni engöreñ asuhumakña.

¹² Nanñönanjö nup ki memakñei, mianñön mönö Anutugö ambazip sarakñan yuaigöra mözöközöröñ aketka bauköm engimakña. Miyök qahöpmö, mianjöra “Anutu saiwap!” keu mi gwötpuk jimegöra aka ölni engöreñ asuhumakña.

¹³ Mianjö könani kewö: Nanñönanjö nup ki memba mewö mianñön mötnaripñinanjö könani kondelgetka ambazip gwötpukñan mi eka Anutu tem kölmeanjöra möpöseim wanñiba kewö jime, “Korint yeñön mönö Kraistkö Ölöwak Buñani keunöhök qahö jim miwikñaizemö, Polgö keunji geñmonji qahö tem köla amqeba sakalakñi aka nenjöra aka tosatñi pakpak yanjöra kalem jesöñgö engimakze.”

14 Mewö jiba engöra köuluköba miangörej waikñini gwötpuk mem engiba kewö jime, “Ia! Anutunöñ mönö kalem möriamñi kelenmaleleñ Korint engiiga urukalemñinañgö ölni gwötpuk nengiget.” Mewö jigetka Anutugö kalemñan aukña asuhuma. ¹⁵ O nini Anutu kalemñangöra aka möpöseimakin. Yangö kalemñi Jisös Kraistnöñ mönö qetpuk sorok akza. Nanñonangö almeanñgö keuñi mi mewö kaba teköza.

10

Polgö nupköra keu jigetka likepñi melenñök.

¹ Tosatñan engö sutñine nöñgöra kewö jimakze: Mesohol köi anguba köhöikñi tandök qahö akzapmö, kungen anda miangörej mönö keu köhöikñanök jim neñgimakza. Mewö jimakzemö, Kraistnöñ ak kömumba guñböñjönjönñi niñgimawkawi, nöññon mönö miangö qakñe nanak uruñini kewögöra kuñgumam:

² Tosatñi mienñon neñgöra kewö tandök mötmöriba jimakze, “Pol aka yangö neñakurupñi yeñon gölmegö ahakmeme tandök wuatangöba nanñinañgöra mötmöriba ahakze.” Nöññon engörej kaba keu mewö jimakzei, i mönö tembul engiba awösamakak kinda jim engimangö mötzalmö, töndup uruñini köhöikñi kötökñi kuñguba jim engimangö töközal. Miangöra inñini ambazip nöñgöra keu mewö jimakzei, i mönö zilañ andö engume. Keuñini mewö mindingögetka engekci urunan mönö lui qei sutñine kaba böñjönñi malmam.

³ Ölna, ahakmemeni gölmenöñ ahakzalmö, mi töndup nanangöra aka gölmegö ahakmeme bölöñangö dop bim qahö qemakzal. Mewö qahöpmö, Anutugö suahö galöm aka kerökurupñi kiripo kuñgum engiba miangörej areñ sarakñi wuatangöba bim qemakzal. ⁴ Gölmegö ambazip uruñini walñangö dop bimgö yuainñi pakpak miambuk bim qemakzin. Yarö azi yeñon jakömbuak ain selñi selñi eriba köndengetka erakzemö, Anutunöñ timbi saiwanñi kukñinambuk neñgii inahöm nengigetka miangön mönö kerök yeñgö keu areñini pöwöwöm köhöikñi kuñguba qeapköinga erakze.

⁵ Urumelenñgö kopa yeñon Anutugö könañi möt kutubepuköra aka nanñini silenñini memba öñgöba mötmötñini közamböta liklak ahakzemö, neñon yeñgö kiripo areñini gonñonñi pakpak mi qeapköba köndenninga erakze. Ambazipnöñ keu mötmötñini bölöñi meraköba jöhömegöra köna kondel enñiinga ölöp keuñini pakpak Kraist tem köi wanñimakingö dop mötmörimakñe.

⁶ Mewö mötmöriba Korint inñini mutuk Kraistkö keu pakpak tem köla aposol nupni nanñomegöra mambötzin. Inñini uruñini mewö kunbuk melengetkun nini mönö qegetal ambazip yeñgö keuñini pakpak kewöta jim teköba likepñi melenñ engibingö jöjöröba maljin. Mewö.

⁷ Inñini yuai pakpak mönö silegörök kude eka kewötme. Sutñine ahakmeme sohomakzawi, miangö könañi ölni mönö mötmörime. Tosatñan sutñine ni memba et ala nanñini Kraistkö jitñememeurupñi akzeangöra uruyahöt qahö aka möt köhöize ewö, yeñon mönö toroqeba nöñgöra mewöyök kewö mötmörime: Yeñon Kraistkö buñañi akzei, nöññon mönö mewöyök Kraistkö buñaya akzal.

⁸ Kembunöñ kewögöra kukösum niñgiyök: Inñini mem et al engimangöra qahöpmö, mönö uruñini möhamgöbi köhöimegöra aka maljal. Miangöra kukösum miangöra aiweliköba koñaen ewö silenñi memba öñgöba terereibilenñak ewö, mi töndup mönö gamu kun qahö miwikñaiabilenñak.

⁹ Kimbiŋi kimbiŋi ohoba albi oyoŋda kukösumni mötketka keŋgöt mötmöt mem enġibileŋbuk. Mianġöra keu mi nalö kewöŋe qahö toroqeba jimam. Mewö.

¹⁰ Tosatŋan keu kewö jimakze: Polnöŋ kimbiŋi mianġöreŋ mönö keu lömbötŋambuk ohoba urunini ölna kuŋgumakzapmö, sutnine kini ehinga azi löwötŋi akza aka keuŋi jii möringa qetpuk qahö akza. ¹¹ Nöŋön keu mianġö likepŋi kewö jimam: Keuŋini omaŋi mönö mosöta nöŋgö könananġöra kewö mötmörime: Ni kungen anda kimbinöŋ keuni köhöikŋi ohomakzali, mianġö dop mönö sutŋine mala mewöyök köhöikŋanök mindiŋgöm enġimam.

¹² Timbiqimbilim mienön nanŋini jim ölöwak ak aŋgumakzemö, ölna ni noŋgita aposol qetpuk akeak ewö, nöŋön mönö gamuni mötpileŋak. Mewö aiga nani aka enġö silikŋini likeplikap ala kewötmangö qötötaŋgöba kölköldömdöm akilenakmö, yeŋön mönö mötmötŋini töröpŋi wuatanaŋgöba nanŋini imbiŋinanġö dop uruŋini dop ala kewörakze. Ahakmemeni mewö laŋ kewöta “Pol oŋgitzin,” jiba uruölöwak mörakze. Keu omaŋi mewö jiba uruqahö akze. Anutugö dopnöŋ kewöt niŋgetka ölop enġoŋgita maljal.

¹³ Anutunöŋ nup memegö jaböŋi al niŋgiyöhi, mi qahö oŋgita sileni gwötŋuk möpöseimangöra qahö mötzal. Anutunöŋ nup meme areŋni al niŋgii memakzali, mianġö dop mönö enġö sutŋine mewöyök nup memakzal aka mianġö ölnanġörök mönö sileni möpöseimakzal.

¹⁴ Tosatŋan keu kewö jim sohomakze, “Polnöŋ Korint sutŋine nup meyöhanġöra silenŋi möpöseiiiga qahö dop kölja. Anutunöŋ gölme mesiŋda nup memapkö jabö al waŋgiyöhi, Polnöŋ mi oŋgita laŋlaŋ walöŋmakza.” Yeŋön mutuhök nup sutŋine qahö megetmö, töndup ni mem et al niŋgiba nanŋini silenŋini keunöhök jiba möpöseimakze. Nöŋön Kraistkö Ölöwak Buŋa jim sehiba anda mala mutuk Korint enġöreŋ kaba urugö nup meal. Mutuk qahö kabileŋak ewö, timbiqimbilim böhi mienön nöŋgö keuni mewö jigetka dop köli nöŋön nani könananġö könanŋi jiba jim sohobileŋak.

¹⁵ Anutunöŋ gölme mesiŋda nup memegö jabö al enġiyöhi, yeŋön selŋini mi walöŋda enġö sutŋine kaba urugö nup memakze. Nanak selni qahö walöŋda tosatŋi yeŋgö sutŋine nup mealanġöra silenŋi qahö möpöseimakzal. Böhi tosatŋan urugö nup memba malgeri, mianġöra mewöyök silenŋi qahö möpöseimakzal. Enġö sutŋine mutuk nup mealanġöra mewö akiga ölop dop kölja. Anutugö areŋi wuatanaŋgöba sutŋine nup memba malinga mötnariŋŋinan toroqeba qariiga nanġöm nenġimegöra mamböta jörömqöröm akzal.

¹⁶ Nanġöm nenġigetka ölop gölmeŋi gölmeŋi Korint likepŋine Not göröken ahözei, mönö enduyanġöreŋ mewöyök anda Ölöwak Buŋa jim asaribin. Nupninan mewö qariiga andöqeŋe keuŋinan teköma. Anutunöŋ tosatŋi yeŋgö nup meme jaböŋini al enġii megetka ölni lök asuhuyöhi, mianġöra nani silenŋi möpöseimangöra qahö mötzal.

¹⁷ *Mewö qahöpmö, Buŋa keu kianġö dop akŋamgö mötzal, “Kunŋan silenŋi möpöseimangö mötzawi, yaŋön mönö Kembugö nupkö ölnanġöra aka silenŋi möpöseii dop kölma.” ¹⁸ Keu mianġö könanŋi kewö: Nanŋini jim ölöwak ak aŋgumakzeanön mönö Anutugö jeŋe qahö dop köljemö, Kembunöŋ niŋia jim ölöwak ak waŋgimawi, yaŋön mönö esapesapnöŋ köhöiba kinma. Mewö.

* 10:17: Jer 9.24

11

Aposol takapulakanji yejön tilipkôm engibepuk.

¹ Nöjön borom kun uruqahö keu qakñe silememe aki miangöra mönö kude möt lömbörime. Mi töndup ni kude andö nunguze, mötzal. ² Nöjön injini azi mohot Kraist yangö buñaji aketka ambi seram jömukñi sarakñi ewö engibiga yanönök engömemapkö keunji jiba jöhöyal. Miangöra Anutunöñ uruñan engöra aka mututqutut mörakzawi, nöjön mönö miangö dop tosatñan kelök keunöñ jiba engömeget bölibepuköra waimanjat mörakzal.

³ *Kewögöra waimanjat mörakzal: Mokoleñnöñ isimkakalek aiga Iwnöñ (Ewanöñ) böliyöhi, miangö dop timbiqimibilim yejön mewö me mewö jiba tilipköba engömegetka uruñinan tölöhoiga janjuñ akepuk.

⁴ Miangö könañi kewö: Tosatñan kaba Jisös jim asariini, mi qahöpmö, Jisös murutñi kungö könañi jim sehiba malgetka yengöra qahö mötket lömböriza. Uña Töröñi buña qem angugeri, mi qahöpmö, öme kunöñ tosatñi engö uruñine gei lolonqalöñ mala miangöra töndup köñjiliñ qahö mötze. Ölöwak Buña möt angön kölgeri, mi qahöpmö, keu tandökñi kun qetñanök Ölöwak Buña qeta lañ jigetka tosatñan mi awamñanök möt angön kölakze. Mewö asuhumakzawangöra mönö töndup waimanjat kun qahö akze.

⁵ Miangöra waimanjat mörakzalmö, ahakmemeni mewö me mewö kewötketka etqeqeñi qahö akzal. Tosatñan aposol qet memba timbiqimibilim lañ ahakzei, nöjön mönö yengö nembö bapñine qahöpmahöp maljal. ⁶ Keu ningizei, miangö likepñi kewö jizal: Keu ölop sorokñi jijigö tandökñi mi ölop qahö mötzalmö, Buña keugö könañi mönö möt soroközal. Mi mönö nalö dop pöndañ aukñe indelbiga möt yaköze.

⁷ Injini mem wahöt engimamgö möta nani mem et al anguba malmalni nangömamgöra nup memba malal. Miangöra Anutugö Ölöwak Buña mi engöra söngöröñi qahö jim asarim engiba malal. Mewö aka malalangöra tosatñan nöngöra uruqahö keu kewö jimakze, “Polnöñ mönö köna ongita singisöndok ahakza.” ⁸ Urumelen könagesö tosatñe nup qahö membiga töndup nalukñini öne ningigetka membi nangöm ningiiga injini welen qem engiba malal. Tosatñan miangöra kewö jimakze, “Polnöñ yongorö nene silik tandök ak engiba malja. Miangöra aposol qahö akzapmö, nanñi nupña memakza.” Nöngöra mewö jiba jim sohomakze.

⁹ *Embuk mala yuaigöra osiba mözöröngöba miangöreñ mönö engöreñök kun qahö kuñguba mem lömböriba nene yuaiñi qahö memba malal. Mewö qahöpmö, urumelen alaurup Masedonia prowinsnöhök kaba yuaigöra osiali, mi ek asariba möneñ ningigetka dop kölök. Ahakmemeni pakpak miangöreñ mem lömbörim engibilenbuköra möta galöm mem anguba malal aka mewö toroqeba malmam.

¹⁰ Mem lömbörim engibilenbukö keuni miangöra mönö nani sileni memba öngöba maljal. Kunñan keuni mi Akaia prowinsñinangö gölmenji gölmenji pakpak miangöreñ qeapkömamgö osima. Kraistkö keu ölñan mönö nam köl ningiiga keu mewö jöhöba jiba kinjal. ¹¹ Mi wuanöngöra? Mi injini qahö jöpaköm engibilenak, miangöra me? Mönö ölña jöpaköm engimakzali, mi Anutunöñ mötza.

¹² Aposol sesekñai ewö ahakzei, yejön nembuk “Öröröñ akingö nup tandök miyöhök memakzin,” mewö jibingö mötze. Miangöra kewö

* 11:3: Jen 3.1-5, 13 * 11:9: Fil 4.15-18

kunḡum enḡimakze, “Polḡo tandök ewö nup memakzinanḡöra mönö Pol ewö nanḡöm nenḡime.” Nupḡinanḡöra silenḡini möpöseibingö möta mianḡö könanḡi jarumakzemö, mi ölop qahö miwikḡaime. Nöḡön i ewö qahö akzal. Mianḡöra mem lömbörim enḡibileḡbuköra mönö nani galöm mem anḡuba maljal aka toroqeba mewö malmam.

¹³ Yeḡön aposol ölnḡi qahöpmö, mönö aposol takapulakanḡi aka nup meme ambazip isimkakaleḡḡinambuk akze. Kraistkö aposol nenḡö tandök kondel anḡuba nup laḡ memakze. ¹⁴ Satanöḡ nanḡak asakḡanḡö garata tandök ewö kondel anḡuba nup laḡ memakza. Mianḡöra timbiqim-bilim mienḡön mewö akeranḡöra qahö welipkömakin.

¹⁵ Mianḡöra Satanḡö welenqeḡe ambazipurup mienḡön ambazip welenḡini qebingö tandöktandök aka Köna keu wuatāḡöba mewö mianḡön solanḡi akḡeḡöra jim sohoba kondel anḡumakze. Mewö nup laḡ memakzeanḡöra mönö qahö auruba welipkömakzin. Silememe mewö ahakzemö, nalö teteköḡe Anutunöḡ mönö likeḡḡi ahakmemenḡinanḡö dop melenḡ enḡima. Mewö.

Polnöḡ aposol nup memba sihimbölö gwötpuk mörök.

¹⁶ Keuni kunbuk kewö jimam: Enḡöreḡök tosatḡan nöḡön uruqahö maljal, mewö mötmöribeak. Mewö mötmöribeak ewö, ni mönö uruqahö azigö tandök köl öröm ninḡime. Mewö aketka ölop i ewö nani sileni memba öḡḡöba sutḡine malmam. ¹⁷ Awösamakak ketanḡi möta sileni memba öḡḡöba keuni jizali, mi Kembugö mötmöt sihimḡanḡö dop qahöpmö, mi uruqahö azigö tandök ewö jizal.

¹⁸ Ambazip gwötpukḡan sutḡine gölmegö ahakmeme bölöḡi wuatāḡöba silenḡini memba öḡḡomakzei, mianḡöra nöḡön mönö mewöḡanök aka keuni mianḡö dop jizal. ¹⁹ Nanḡinak “Mötmöt ambazip öḡḡöḡöḡi akzin,” jizeanḡöra mönö uruqahö ambazip yeḡöra mötketka qahö lömbörimakza.

²⁰ Inḡini öl közömḡa kewö akze: Ambazip kewöḡi yeḡöra mötketka uruḡinan qahö lömbörimakza: Kunḡan enḡömembra jöhöiga welenqeḡe-rupḡi etqeḡenḡi akze. Kunḡan tutuhum enḡiba nenenḡini nem tekömakza. Kunḡan jim kelök ak enḡiiga buḡanḡi akze. Kunḡan nanḡi silenḡi memba öḡḡöba keu töhöreḡ jiba nuḡgulumḡini qekötahömakza.

²¹ I ewö öröm ureim ak enḡimamḡöra mönö lölöwöröḡi aka malal. Ösöḡ ak enḡialanḡöra “Keḡöt moröya akza,” jiba nöḡöḡöra mewö mötmöribe me qahö? Keu mewö jiba mianḡön ölop gamu qem ninḡimeanḡö dop akzal me? Keu jimami, mi mönö uruqahö azigö dop jimam. Timbiqimbilim yeḡön nup memakzeanḡöra silenḡini memba öḡḡomeḡöra gamuḡini qahö mötze ewö, nöḡön mönö mewöyök nupnanḡöra aka sileni memba öḡḡomamḡö möt köhöimakzal.

²² Yeḡön keu kewö jiba silenḡini memba öḡḡomakze, “Nini Juda ambazip aka Hibru keu jimakzin.” Mewö jimakzemö, nia kun mewöyök akzal. “Israel ambazip akzin,” jimakzemö, nia kun mewöyök akzal. “Abrahamḡö isi amböurupḡi akzin,” jimakzemö, nia kun mewöyök akzal.

²³ *Keu kun mi uruqahö azigö keu tandök ewö jimam, “Yeḡön Kraistkö nupḡi memakzin,” jimakzemö, nöḡön mi mönö i luhut ala enḡonḡita memakzal. Nöḡön mönö ambazip mi enḡonḡita nup köhöiba memba malal. Kraistkö nupköra aka kösö mire al ninḡigetka mianḡöreḡ i enḡonḡita nalö gwötpuk taral. Ihilek wahiḡambuknöḡ mönö könöpuḡ

* 11:23: Apo 16.23

könöpuk nuᅅguba malget. Nalöᅅi nalöᅅi lömböt miwikᅅaiba kömumamgö dop aka malal.

24 *Juda jike galöm tosatᅅan jigetka arawambu kömbinöᅅ nuᅅgugetka areᅅi 39 aiga sihimbölöᅅi möta malal. Mewö ak niᅅgigetka indimᅅi 5 ahök. 25 *Rom gawman yeᅅön jigetka ihilek wölzicknöᅅ nuᅅgugetka indimᅅi karöbut ahök. Sömaᅅi mohot kötnöᅅ nuᅅgugetka kömumamgöra ahal. Waᅅe ketaje malbiga köwet töromnöᅅ kuᅅguba qaköba jömgöiga indimᅅi karöbut ahök. Nalö kunöᅅ waᅅe jömgöiga köwetnöᅅ geba silimᅅi mohot aka suᅅgemᅅi kun köwet qakᅅe laᅅ malal.

26 *Nalöᅅi nalöᅅi köna anda kaba malal. O töwatᅅi töwatᅅi (göwöᅅi göwöᅅi) kutuba miangöreᅅ lömböt miwikᅅaiba ayuhumamgö dop aka malal. Kegwek-kahasiliᅅ ambazip yeᅅgöra aka kömumamgö keᅅgötᅅni möta malal. Juda könaᅅesöurupᅅi yeᅅgöra aka lömböt miwikᅅaiba ayuhumamgö dop aka malal. Kian kantri yeᅅgöra aka lömböt miwikᅅaiba ayuhumamgö dop aka malal. Taonᅅi taonᅅi miangöreᅅ lömböt miwikᅅaiba ayuhumamgö dop aka malal. Arökᅅaᅅgö miriᅅi miriᅅi miangöreᅅ lömböt miwikᅅaiba ayuhumamgö dop aka malal. Köwet kutuba anda miangöreᅅ lömböt miwikᅅaiba ayuhumamgö dop aka malal. Alaurup takapulakanᅅi yeᅅön nuᅅguget kömumbilenᅅbuköra wösöᅅi kot gwözöᅅniga malal.

27 Malmalni naᅅgömamgöra nup köhöiba memba malal. Gaun guli gwötᅅuk malal. Nup gwötᅅuk mealangöra nenegö nalöᅅi qahö ahöiga nenegö kömumba ogö kömumba malal. Nene qahöwahiga nalö gwötᅅuk bödi aka malal. Opo malukugöra osiba saᅅgenᅅi möta malal. 28 Miyök pakpak qahöpmö, toroqeba kewö möta malal: Urumeleᅅ könaᅅesöᅅi könaᅅesöᅅi pakpak yeᅅön waimanjatᅅini jigetka urunan mönö nalö dop möt lömböriba malal.

29 Mötnariᅅ alaurup denike yeᅅön sörauba löwörize ewö, nöᅅön mönö mewöᅅanök i uru al eᅅgizal. Kunᅅan kölgorom aliga urumeleᅅ alanan siᅅgisöndok akzawi, siᅅgisöndok miangö könöᅅᅅan mönö nöᅅgö uruni mewöyök nohoiga tembulakzal.

30 Silememe keuyök mönö mötᅅingö ak eᅅgiza. Miangöra sileni memba öᅅgömamaᅅgö dop akileᅅak ewö, ni memba et al niᅅgigetka ösumeret tandök akzali mönö miangöra aka sileni memba öᅅgömakzal. 31 Kambu Jisösgö Iwi Anutuᅅi nalö dop möpöseininga teteköᅅi qahö aködamuᅅambuk mal öᅅgömawi, yaᅅön mönö nöᅅgö könaᅅamni möri muneᅅ keu qahöpmö, keu öᅅᅅi mi jizal.

32 *Damaskus sitinöᅅ malbiga kiᅅ Aretasgö kiapᅅan mönö buldömin aziurupᅅan nöᅅimiba jöhöm niᅅgimegö jim kutum eᅅgiiga Damaskus ambazip yeᅅgö siti sel naᅅguᅅe mönimba öᅅᅅᅅ köla anbilenᅅbuköra galöm memba kinget. 33 Mewö kingetmö, alaurupᅅan nöᅅimiba sakapnöᅅ al niᅅgiba kösönöᅅ jöhöba siti sel jeᅅᅅenaᅅyeᅅök ösöᅅöᅅᅅ algetka gölmenöᅅ eta köla böröᅅeyök öᅅᅅᅅ köla kayal. Mewö.

12

Polnöᅅ jemeleᅅ imut eka indelindel keu mörök.

1 Eᅅgö silememe alaurupᅅinan jemeleᅅgö keuᅅi keuᅅi jimakzei, miangöra nöᅅön mewöyök sileni möpöseiba jemeleᅅgö keuni jimam. Keu

* 11:24: Dut 25.3 * 11:25: Apo 16.22; 14.19 * 11:26: Apo 9.23; 14.15 * 11:32: Apo 9.23-25

mi ölop qahö baukôm engimapmö, tøndup keu toroqeba jemelen imutji imutji eki Kembunöj keunini indeli mörali, miangö kösohotji jiam. ² Azi kun möt wangibi Kraistpuk qekötahöba malja. Uña Töröjan i wangiriga gölmeğö kousu luhut jaböni ongita öngöba senjelau jaböni ongita öngöba Anutu nanjanğö Sup miri uruñe eu öngöyök. Nalö miangörenğök yambu 14 lök teköi maljin. Silebuk me silenji qahö uñajanök öngöyöhi, mi qahö mötzal. Anutunöj mi mötza.

³⁻⁴ Uña Töröjan azi mi wangiri Anutugö oyaenköyaen mirinje öngöi keu qainji kun jigetka mörök. Gölme azi nöñön keu mi jimangö songo ahöza aka keu mi gölme ambazip nenğö keuninan jibinanğö dop qahö. Silebuk me silenji qahö öngöyöhi, mi Anutunöj mötza. Nöñön mi qahö mötzalmö, yangö kösohotji mötzal.

⁵ Nöñön azi yangören yuai asuhuyöhi, miangöra sileni memba öngömamanğö dop akzal. Nanangöra mi asuhuyökmö, tøndup miangöra aka nani sileni qahö möpöseimakzal. Miangöra qahöpmö, ösumeret akzalanğörök mönö mewö ahakzal.

⁶ Nanangöra sileni mewöyök memba öngömangö mötpileñak ewö, keuni mönö keu ölnanğö dop jibileñak. Mewö keu omanji jiji azia qahö akileñakmö, mi kewögöra köyatim anğumakzal: Körek enön jemelen mi ehalanğöra keu diñdini ongita nöngöra mötket öngöngöni akileñbuk. Ahakmemeni aki eketka keu jibi mötkeri, mönö miangö dowök kewöt niñgimeğöra mötzal.

⁷ Indelindel keu öngöngöni mötpi keu tosatni ongirakzawi, miangöra aiweliköm anğubileñbuköra Anutunöj yuai jitñambuk nöngö silene aliga kondi sötmangö dop nungumakza. Satangö garatanöj sihimbölo mi niñgiiga mörakzal. ⁸ Miangöra Kembunöj mi sileneyök mem gilmapköra köuluköbiga indimni karöbut ahök.

⁹ Mewö köuluköyalmö, keu kewö jii möral, “Qahö. Ösumeret aknönga nöngö kukösumnan mönö amqeba urugi kokolak qeiga aködamungabuk ahakñan. Miangöra nöngö kalem möriamni mönö buña qem anğunönga dop kölma.” Keu mi jii möta Kraistkö kukösumnan qakne öngömapköra mörakzal. Miangöra ösumeret ahakzalanğöra sileni möpöseimakzal. Lömböt mi qahöwakñapköra qahö toroqeba köulukömakzal.

¹⁰ Kraistnöj ni ösumeret ahakzali, nalö miangörenğö osum niñgiiga köhöiba kinakzal. Miangöra ösumeret akzalanğöra tøndup mötpi dop köli siksuk qahö akzal. Tosatñan uruqeçe keu töhören jim niñgigetka mötpi dop köl niñgiza. Kraistköra aka kahasilin sesewerowero ak niñgigetka wahöjalinj möta miangörenğö tøndup urubönjöh miwikñaimakzal. Mewö.

Polnöj Korint yengöra waimanjat mörök?

¹¹ Sileni memba öngöba mönö uruqahö tandök akzal. Diñgimeğöra aka köna murutji kun qahö miwikñaiba nöngöra mötket öngömapköra mi jizal. Ölna, Anutunöj qahö baukôm niñgibawak ewö, nanak mönö yuai kun qahö aki andöqeçe keuninan ölni akawak. Ölni akawakmö, ahakmemeni mewö me mewö kewöztali, mönö etqeçeni qahö akzal. Tosatñan aposol qetpukö qet memba timbiqimilim lan maljei, nöñön mönö yengö nembö bapñne qahöpmahöp maljal.

¹² Enğö sutñine nup memba lömböt gwötpuk möta mököşönda malali, miangörenğö Anutugö kukösumnan sölölohöm niñgiiga anğöletot aiwesök

kōnaŋi kōnaŋi asuhuget. Ahakmeme mianjōn mōnō aposol akzalaŋgō kōnaŋi kondel enŋiiga eket.

¹³ Injini baukōm enŋial aka urumelenj kōnagesō tosatŋi mi embuk örörōŋ ak enŋial. Tosatŋi enŋōmembi wahōtketka injini mōnō denōwō enŋōmosōtpi ōne malbeak? Ōlja, naŋgōm niŋgimegō lömbōtŋi mi enŋō qakŋine qahō alal. Aposol takapulakaŋi yeŋōn lömbōt mi enŋō qakŋine alakzemō, nōŋōn mi tosatŋi yeŋgō qakŋine albi bisimakze. Naŋgōm niŋgimegōra qahō kuŋgum enŋiba mewō köpōsihit ak enŋial me? Mianŋōra “Polnōŋ köpōsihit azia akza,” jibeak, mōnō pinjitni mi mosōtmegōra qesim enŋizal.

¹⁴ Mōtket, nalō kewōŋe kunbuk enŋōrenj kamamgō jōjörōbiga indimŋi karōbut akŋa. Kaba nupni naŋgōmegō lömbōtŋi mi dumŋe kunbuk enŋō qakŋine qahō almam. Mi qahō. Nannjini sukinapŋinaŋgōra qahō köpōsōŋgōmakzalmō, nanninak mōnō nōŋgōra ak enŋimapkōra mōtŋal. Nahōnbōrat yeŋōn iwinamurupŋini naŋgōba inap tokoba enŋimeanŋō dop qahō akzemō, iwinam yeŋōn mōnō mi nahōnbōraturupŋini yeŋgōra tokogetka dop kölja. Mianŋō dop urugō nupnōŋ görōken nōŋōn iwiŋini akzal. Mianŋōra urunōŋ görōken baukōm enŋimamgō mōtŋal.

¹⁵ Mianŋōra enŋōn ölöwakŋegōra yuaini pakpak mi sōsōŋgai qakŋe tōkōm enŋibi enŋō buŋa akŋapköra mōtŋal. Nani malmalni mewōŋanōk ölöwakŋegōra mosōtmamgō mōtŋal. Mewō önōŋi qahō jōpakōm enŋibi urukalemnan qarimakzapmō, enŋō urukalemŋinan mōnō tōndup wuanōŋgōra wazimakza?

¹⁶ Ōlja, naŋgōm niŋgimegō lömbōtŋi mi enŋō qakŋine qahō alal. Nōŋgō tuarenjoŋurupnan keu mianŋōra urumohot akzemō, tosatŋan kewō jibeak, “Pol mi mōtmōt azia aka tilipqilipŋambuk uruŋini mezaŋda köpeim enŋiba monenini mewō me mewō örōmakza.” Keu mianjōn öljŋi qahō. ¹⁷ Mi denōwōgōra jize? Neŋakurupni melaim enŋibiga enŋōrenj kageri, yeŋgōrenjōk kunŋan Pol inap waŋgimegōra kuŋgum enŋiyōk me qahō? Qahō. ¹⁸ Taitus enŋōrenj kamapkō kuŋgum waŋgiba urumelenj ala kun yambuk melaibi kayohot. Taitusnōŋ ni inap niŋgimegō kuŋgum enŋiyōk me qahō? Qahō. Uŋa mohot mianjōn mōnō sölölöhōm netkiiga nup naŋgōnaŋgōgō kōna mohot anda kaba malit. Mewō.

Polnōŋ mōnō Anutugō kukōsum qakŋe kama.

¹⁹ Kimbi ki oyoŋda mianŋōrenj nōŋgōra kewō mötmōribepuk, “Keu jim enŋiinga mianŋō likepŋa kapaŋ kölja jiba mewō ohoza.” O wōlbōt alaurupni, mianŋōra kewō jimam: Mōnō Kraistpuk qekōtahōba keuni Anutugō jemesoholŋe jiba ohoyal. Nupnini pakpak mi enŋōn uruŋini mōhamgōba köhōköhöi miwikŋaimegōra memakzin.

²⁰ Enŋōrenj kaba eki ahakmemeŋini tōkōmakzali, mi wuatangōba malbepuk. Mewō miwikŋaim enŋibilenbukōra waimanŋat mōtŋal. Ahakmemeŋinaŋgō likepŋi melenj enŋibi qakŋine ŋgōmawi, enŋōn mōnō tandōk akŋami, mi tōkōmegōra mōtŋal. Sutŋine ahakmeme kewō akepukōra goro mōtŋal: Urunōŋ mututqutut aka aŋgururuk akepuk. Urusingok aka yom jibepuk. Silenōŋ alal ak aŋguba denŋa nannjini kambugörōk mötmōriba malbepuk. Andōqeŋe keu tōhörenj jiba mianjōn mem bölim aŋgubepuk. Tosatŋi yeŋgō keuŋini tōlapŋe jigetka diwoŋdawōŋ anŋapuk. Jakkō-ōraŋbōraŋ aka arenj tōrōrōk qahō wuatangōba nannjini imbi-imbi laŋ malbepuk.

²¹ Mewö aka malme ewö, nõñon mönö kewö asuhumapköra waimanjat möta kamam: Ambazip gwötpukñan mutuk siñgisöndok aka malgeri, yengöra mönö urukömbuk aka sahötpileñbuk. Ahakmeme töwötñambuk lan wuatangöba sihimñini kömbönañi miwikñaimegöra serowilin ak-erangöra gamu qahö möta qahö möt bölim anguget. Sutñine kabiga uruñini kunbuk qahö melenget engekiga Anutunöñ mönö uruni kungui kunbuk urueret akileñbuk. Mewö.

13

Galöm meme keu qöndökñi

¹ *Nalö kewöñe engöreñ kabiga indimñi karöbut akña. “Keugö jakeñe alalgö keuñi pakpak mi mönö ambazip yahöt me karöbutñan nangöba jigetka köhöimakza.” ² Nöñon Buña keu mianğö dop akzal. Engö sutñine malbi indimñi yahöt aiga mianğöreñ lök galöm meme keu enğial. Keu mi nalö kewöñe kunbuk köl guliba qeljiñeyök jizali, mianñon teköza. Mianğöra kunbuk kamami, nalö mianğöreñ ambazip siñgisöndok mutuk akeri me akzei, mi mönö qahö engehörimam. Bölöñamñinambuk iñini mönö körek mindiñgöm enğimam.

³ Kraistnöñ mönö ösumeret qakñe qahö ak enğimakzadmö, kukösumñi sutñine kondelakza. Kraist mianñonök mönö sölölohöm niñgiiga aposol aka keu jimakzali, iñini mianğö könanağöra uruyahöt aka kapan köla qesim angumakze. Mianğöra silikñinağö dop mönö keu enğiba mindiñgöm enğimam.

⁴ Kraist maripomnöñ qegetka kömuyöhi, nalö mianğöreñ mönö ösumeret tandök malökmö, töndup Anutugö kukösumñan nam köl wangiiga mal köhöiza. Nöñon mewöñanök yambuk qekötahöba nani ösumeret aka maljalmö, Anutugö kukösumñan mönö nam köl niñgiiga Kraistkö jitñi memba mindiñgöm enğimamğö mal köhöizal.

Mönö nanñini kewöt anguba uruñini melenñme.

⁵ Mönö nanñini törörök kewöt angume. Uruñini melenña ölna Kraist möt narize me qahö, mianğöra mönö esapesapnöñ ala kewöt angume. Kraist Jisösgö Uñan uruñine mal köhöizawi, mi möt kutuze me qahö? Uruñine qahö malja ewö, iñini mönö esapesap mianğöreñ et enğuiğa Kraistkö buñaya qahö akze. ⁶ Nöñon engöreñ aposol ölni akzal me qahö, iñini mewö kewöt niñgigetka esapesap mianğöreñ kude eta nunguma, mewö mötzal. Iñini nõñgö könani mewö aukñe eka möt kutumegöra jörömqöröm aka maljal. Mianğöra mindiñgöm enğibi ölna dop kölma.

⁷ Keu pakpak ohoba kotzali, mi ak sohobepuköra Anutu köuluközin. Keu kun jim sohoba malgetka kaba mindiñgöm enğibiga tuarenjonurupnan mönö aposol kukösumni ölna eka ek asarime. Mewö asuhumapköra qahö köuluközal. Iñini qahö mindiñgöm enğimamağö dop nekepuköra qahö köuluközalmö, enñon urumelen diñdini akñegöra köuluközal. Uruñini ölna melenñme ewö, nõñon mönö qahö mindiñgöm enğibi tuarenjonurupnan nõñgöra toroqeba azi lölöwöröñi tandök ewö mötpeakmö, mi muat.

⁸ Nini keu ölni qetala kun uteköbingö osibinmö, keu ölnan sehimapköra ölop kinbin. ⁹ Nöñon kukösumni qahö kondela ösumeret tandök malbiga enñon köhöiba kinmei, nalö mewöñe mönö sösongai

* 13:1: Dut 17.6; 19.15

ahakin. Urumelenḡo aködammunḡini körek miwikḡaiba köhöiba kinmegöra neḡon Anutu köulukömakzin. ¹⁰ Kembunöḡ inḡini memba et al enḡimamḡöra qahöpmö, urunḡini möhamḡöbi köhöimeḡöra möta kukösumḡi mi al niḡgiyök. Kukösum miangö qakḡe kinda enḡöreḡ kamami, nalö miangöreḡ könöpuk ak enḡibileḡbuköra mönö keu ki köröwen mala enḡöra kimbi ohozal. Nanḡinak mindiḡöm anḡume ewö, mönö ösöḡ ak enḡimam. Mewö.

Yaizökzök keu teteköḡi

¹¹ O urumelenḡ alaurupni, keuni jim teköba qambaḡ kewö enḡizal: Mönö söḡgaiba malme. Könaḡamḡini sohoḡöhi, mi mönö körek mindiḡöm teköme. Urukunḡukunḡu keu enḡizali, mi mönö buḡa qem anḡuba tem kölme. Keu jiali, miangöreḡ mönö urumohot aka luainöḡ malme. Mewö aketka Anutu jöpaköm anḡumegöra inahöm neḡgiba luai qem neḡgimawi, yaḡon mönö embuk malma.

¹² Inḡini urumelenḡ alaurupḡini yembuk jölöḡini jiba mönö köna sarakḡi wuatangöba jölöḡini jiba anḡum anḡuba numbuḡini yöhötim nemba malme. Anutugö ambazip sarakḡi pakpak ki maljei, yeḡon yaizökzökḡini algetka enḡöreḡ kaza.

¹³⁻¹⁴ Kambu Jisös Kraistnöḡ mönö kalem möriamḡi enḡiiga Anutugö urujöpakḡan nam köl enḡiiga Unḡa Töröḡan körek inahöm enḡiiga urumohot aka köisirik malme. Mewö.

Galesia Kimbi Polnönj Galesia yengöra Kimbi alök. Jim-asa-asari

Polnönj Buña Kimbi ki Galesia prowinsgö urumelenj könagesö yengöra ohoyök. Galesia prowins mi Eisia Mainö (Töki) urunje Rom yengö bapnjine malget.

Aposol yenön Anutugö Buña keu jim sehigetka mutuk Juda tosatnji aka könangep kian kantri tosatnjan mewöyök urunjini melenget. Nalö miangörej Juda yenön kapanj köla keu yahöt kewö jigetka lömböriyök:

- 1) “Kian kantri yenön Mosesgörej Köna keugö dop Anutugö aiwesökni silenine qahö yandime ewö, yenön mönö urumelenj könagesö ölnj qahö akje.” Anutunönj ambazip nanjangöra möwölöhöm enjiyöhi, yengö aiwesökni mi sile yandiyandi. Jen 17.10–12. Polnönj mi möta “Keu mi ölnj qahö!” jiba kewö jim kutum enjiyök, “Kian kantri yenön Jisös möt narigetka Anutunönj mötnaripnjini miangöra aka keunjini jim teköi solaniba urumelenj kambu ölnj akje.”
- 2) Böhi takapulakanj yenön Polnönj Uña Törönangö ösumnönj nup meyöhi, mi memba et ala kewö jiget, “Pol mi aposol ölnj qahö akzawangöra keunji kude mötme.” Mewö jigetmö, Polnönj köhöiba jiyök, “Nönön Jisösgö Ölöwak Buña jiji azia aka Anutunönj meköba kungum niñgiiga aposol ölnja maljal.” Mewö jiba Galesia yengö urumelenj kambunji kambunji ahakmemegö qamban keu ohoyök. Urunini melenbin ewö, mönö amqeba Kraist jöpaköba nupnji meinga ölnj asuhuma.

Buk kianjö bahönji bohonnj 5 mi kewö:

Keu mutukni *1.1-10*

Pol ni aposol ölnj akzal *1.11–2.21*

Anutu kalem möriamjangö Buña keu *3.1–4.31*

Nanini imbi-imbi akinbukö songo *5.1–6.10*

Kimbigö keu kötnj bohonnj *6.11-18*

¹ Pol nöjön keu eraum mötpingöra Galesia urumelenj könagesö engöra kimbi ki ohozal. Melaimelai azi akzalangö könaji kewö: Ambazipnönj aposol nupköra qahö kungum niñgigetka memba maljal. Gölmé azi kunñan qahö melaim niñgiyökmö, Jisös Kraist aka Iwi Anutu i kömupnöhök mem guliyöhi, yetkön mönö arengöba aposol nup al niñgiyohotka kinjal. ² Nejakurup pakpak nömbuk kinjei, yenön ni kötöngöm niñgigetka kimbi ki albi Galesia prowinsnönj anda urumelenj könagesö kambunji kambunji engörej kaza.

³ Anutu Iwinini aka Kambu Jisös Kraist yetkön mönö kalem möriam enjiyohotka luainönj malme.

⁴ Jisösnönj nanine Anutu aka Iwi yangö numbu jitnji wuatangöba nenjö singisöndokninanjangöra aka malmalnji kölenjiga qeget. Nalö kewöne gölmegö nalö bölöje malakzini, yanön mönö kiangörejök amöt qeba meköm nenjimapköra aka kömuyök. ⁵ Miangöra Anutugö qetbuñanji nalöni nalöni möpöseininga teteköni qahö aködamunñambuk ahöba ahöm öngöma! Keu mi ölnja.

Ölöwak Buṅa mi kude jim sohoba mondokqondoköme.

⁶ Nöḥön enḡö kōnaṅinaṅgōra aka aurubiga je kötni jōlja. Anutunōḡ Kraistkö kalem möriamṅi buṅa qem aṅgumegōra enḡoholiga yambuk malgetmō, nöḥön enḡömosōtpiga tosatṅan kaba Ölöwak Buṅa murutṅi jigetka nalō qahō köriiga elenḡa keu goṅgoṅi miangōreṅ qekōtahōba enjololoṅ malje. Miangōra mönō ölna auruzal. ⁷ Keuṅini mi Ölöwak Buṅa ölni qahōpmahöp akzapmō, ambazip tosatṅan Kraistkö Ölöwak Buṅaṅi mi enjololoṅ memba melenḡelen aketka möwökōwōramgōiga goṅgiza. Mewō aiga laṅ lilikōba ambazip kuṅgum enḡigetka uruṅinan siksauk aiga malje.

⁸ Ambazip mewōṅi mi yapmakek! Neḥön Ölöwak Buṅa lök jim asarim enḡiba malini, kuṅṅan mi qeapköba buṅa keu murutṅi jim asaribawak ewō, yaṅön mönō Anutugō jeṅe könöp siagō buṅaya akza. Mi neḡgōreṅök kuṅṅan me Suepkō garata kuṅṅan eta jibawak, mi töndup keu mewōṅi mönō qahōpmahöp tem kölme. Keu goṅgoṅi mi muat. ⁹ Keu mutuhök jiba malini, miyöhök mönō dölki kunbuk jizal: Enḡön Ölöwak Buṅa lök möt aṅgön kölgeri, kuṅōḡ mi qeapköba buṅa keu murutṅi jim asaribawak ewō, Anutunōḡ mönō i jōrahöm waṅgiiga könöp sianōḡ gema.

¹⁰ Keu mewō jizali, mi ambazipnōḡ nek soriget nanak jeṅine dop kölmanḡōra aka qahō jizalmō, Anutunōḡ nehi yaṅgō jeṅe dop kölmanḡōra aka mi jizal. Nöḥön gölme ambazip uru ölöwak möt niṅgimegōra qahōpmahöp kapaṅ kölakzal. Toroqeba ambazip kelök ak enḡiba sipköbilenḡak ewō, nöḥön mönō Kraistköreṅ nup memamḡō osibilenḡak. Mewō.

Kraistnōḡ mem letot niṅgiiga aposol ahal.

¹¹ O alaurupni, Ölöwak Buṅagō kōnaṅi mi kewō möt yakōme: Buṅa keu jim asarimakzali, mi gölme azi kuṅṅan qahō jimbureṅ jiyōha ahōza. ¹² Kuṅṅan kun mi qahō kusum niṅgiyök. Mi gölme azi kungōreṅök qahō möt aṅgön kölalmō, Jisōs Kraistnōḡ nanḡak asuhum niṅgiba Ölöwak Buṅaṅi indeliga möt asaribiga nöḡgō buṅaya ahök.

¹³ *Enḡön nöḡgō kōnaṅamni ölop mötze. Juda ambazipnōḡ Anutugō Kōna keugōra urukönöp ahakzei, nöḥön mutuhök yeṅgō mötmōṅini wuatāṅgōba yeṅgō dop aka memba malal. Mewō mala Anutugōreṅ urumelenḡ kōnagesō mi enḡum ureiba jaṅgaurāṅga mem enḡiba malal. Könöpṅambuk sesewerowero ak enḡiba mem ayuhum enḡimamḡō esapköba malal. ¹⁴ *Juda ambazip gwabō alaurupni qötōnini mohot kota malini, nöḥön yeṅgōreṅök sehisehiṅi mi luhut al enḡiba Kōna keugōra urukönöp aka malal. Mewō mala Juda ahakmemegō kōnaṅi törörök wuatāṅgōba ambōsakoninaṅgō jimkutukutu keu etpapukōra mönō önōḡi qahō kapaṅ köla malal.

¹⁵ *Mewō aka malalmō, Anutunōḡ mutuhök nam körō uruṅeyök neka nanṅaṅgōra möwölöhōba al niṅgiyök aka kōnaṅep kalem möriamṅaṅgōra aka noholök. Noholōhi, yaṅön mönō nöḡgōra areṅ kewō möri dop kölök: ¹⁶ Yaṅön Nahōnṅaṅgō kōnaṅi nöḡgōra indeli mötmamḡō möta Jisōsgō Ölöwak Buṅaṅi memba kian kantri tosatṅe anda yeṅgō sutṅine jim asariba malmamḡō jiyök. Yaṅön mewō jiyōhaṅgōra aka nöḥön wahōta kōnakōnahiṅeyök kōnahiba gölme ambazip yeṅgō goro keuṅinaṅgōra mönō qahōpmahöp jaruba qesim enḡiba mala koral.

* 1:13: Apo 8.3; 22.4-5; 26.9-11 * 1:14: Apo 22.3 * 1:15: Apo 9.3-6; 22.6-10; 26.13-18

¹⁷ Mewöñanök Jerusalem sitinöñ qahö öngöba melaimelai azi aposol mutuk mala kotkeri, yeñgöreñ qahö anda asuhuyal. Mewö qahöpmö, miangöreñök Arebia gölmenöñ anda mala kunbuk Damaskus sitinöñ lilingöyal. ¹⁸ *Damaskus lilingöbiga yambu (yara) karöbut teköiga “Pitö eka möt kutumam,” jiba Jerusalem sitinöñ öngöba yambuk sömañi 15 miangö dop malal. ¹⁹ Miangöreñ malalmö, melaimelai azi aposol tosatñi i qahö engehal. Kembugö munñi Jeims iyök ehal.

²⁰ Miangöra mötket, keu ohom engizali, mi keu ölni akza. Munenji kun qahö. Keu mi Anutugö jemesoholñe jizal.

²¹ Jerusalem mosöta Siria aka Silisia gölmenöñ anda miri tosatñi liliköba malal. ²² Mewö anda malalmö, Judia prowinsgö urumelen könagesö kambunji kambunji Kraistpuk qekötahöba kinjei, yeñön qahö nekerangöra nalö miangöreñ ni qahö möt kutum ningiba malget. ²³ Nöngöreñ buzup keu kewöyöktöp yeñgö kezapñine geiga mötket, “Mutuk sesewerowero ak nenñiba malöhi, yanön mönö letota malja. Mötnarip keu ayapkömapköra janğauranga mem nenñiyöhi, yanön nalö dölkewöñe nanñak keu miyöhök jim asarimakza.” ²⁴ Mewö möta nöngöra aka Anutu möpöseim wanğiba malget. Mewö.

2

Aposol yeñön Pol örögetka sutñine kayök.

¹ *Miangö andöñe yambu (yara) 14 teköiga miangöreñ “Barnabasbuk Jerusalem sitinöñ kunbuk öngömam,” jiba Taitus mewöyök wanğitpiga mohotñe öngöin.

² Anutunöñ mutuk nöngöra asuhuba anmamgö keu indelöhanğöra aka yetpuk anda Jerusalem anğota nupnanğö könanji jim asarim enñial. Nup pöndañ memba kota maljali, mianön aposol yeñgöra qahö dop köliga nupnanğö ölnan eta geiga pöröpköbapuk. Mewö mötmöriba kösohotni ambazip omanji yeñgöra lan qahö jialmö, jitñememeurupnini göda qem enñimakzini, iyök öröm enñibiga tokoget. Tokogetka miangöreñ Ölöwak Buña kian kantri sutñine liliköba jim sehimakzali, mi aukñe al enñibiga mötket. ³ Yeñön mi möta “Ölöp!” jiget. Mewö jiba nenñakni Taitus Grik azi yanön nömbuk malökmö, töndup ketanñamninan Anutugö aiwesökñi silenje yandimegö qahö jim kutum wanğiget. Juda nenğöreñ Köna keu mi qahö al köhöim wanğiget.

⁴ Juda ketanji yeñön qahöpmö, tosatñan silenji yandibingö möta sutñe sutñe kunguba jigeri, böhi takapulakanji miengö könanjini kewö: Yeñön “Urunin melenjin,” jiba mewö möndöba nenğö könanjini ek kutumegöra ölon janjan kaba ala tandök sutñine kanğota malget. Nini Kraist Jisösbuk qekötahöingma malmal walñanğö kösönöhök pösat nenñiiga solanñi maljini, miangö silikñi ek kutumegöra kinget. Yeñön nenğöra kewö möta köpösöngöget: Ölöp malgetka enğömeingma nanine sel uruñe kagetka Mosesgö Köna keu bapñe al enñiingma nanine welenqeçeurupnini akñe. ⁵ Mewö köpösöngöba metal nenñigetmö, nenñön mönö Ölöwak Buñagö keu ölnan lolonqaloñ akapüköra kinjin. Mi enğö sutñine kahaimök ahöm köhöimapköra kinjin. Mianğöra nalö kunöñ qahö löwöriba keunjanğö bapñe anbingö qahöpmahöp imbi köl wanğiin.

⁶ *Totokonöñ nöngö Buña keuni jim asaribiga jitñememe yeñön “Ölöp!”

jiba nõñõn keu kun toroqeba jimamgö qahö jiget. Azi mi ipñina aketka göda qem engimakze. Qetbuñanini mewö me mewö akzawi, nõñõn miangö mötpi dop mohot akza. Anutunõñ ambazip tosatñi qahö nengek soriba tosatñi qahö qepureim engimakza. Dop mohotnõñ kewöt nenngimakza. ⁷ Buña keuni qahöpmañöp utekögetmö, Anutugö nup arenji miangöra mönõ “Aha!” jiba kewö ek asariget: Anutunõñ möt narim nenngiba Ölöwak Buña jim asaribingö nupñi mi kewö mendenök: Nõñõn mi kian kantri sutñine jim sehibiga Pitõnõñ Buña keu miyök Juda kõnagesö yengöra jim asariba urunini kunñum engimakza.

⁸ Nupñi mewö mendenä aposol Pitö inahöm wañgiiga Juda azi silenini yandigeri, yengö sutñine urukunñukunñu nup memakza aka ni mewõñanök inahöm ninggiiga melaimelai azia aka kian kantri sutñine liliköba nup miyöhök memakzal. ⁹ Miangöra Jeims, Pitö aka Jon, azi ipñi qetbuñaninambuk yeñõn Kembunõñ kalem möriam mewõñi ninggi malali, keu mi möt kutugetka urumohot ahin. Nup mewö mendenä miangö kaisöpsöpñña Barnabas niri börõniri qegetka kewö jim kõhöinin, “Niri kian kantri yengõren anda nup meziga nanñini Juda kõnagesö yengö sutñine toroqeba nup memakñe.” ¹⁰ Mohot-kungöra qesim netkiba kewö toroqeba jiget, “Ambazip wanapñi baukõm engibitkõra mönõ toroqeba mötmõriba malmahot.” Mewö jigetka mönõ mewöyök ak engimamgö kapan köla maljal. Mewö.

Polnõñ Pitö qetala jim wañgiyök.

¹¹ Mewö jim kõhöininmö, Pitõnõñ Antiokia sitinõñ kaba möñaqõñai aiga ambazip uruninan gwõtputuk böliyök. Miangöra Pitõnõñ kaiga ehali, nalõ miangõren mönõ jeñe kunñuba kewögöra tuarenjon ak wañgial: ¹² Pitõnõñ mutuk kian kantri yembuk mala nene mohokñe nema malgetmö, azi tosatñan Jeims mosõta Jerusalemök kagetka miangö andõñe ambazip mi engek siriköba tikeptikep kinök. Anutugö aiwesökñi silenine yandiget yengöra kenñõtñi möta zirinñirin aka Juda kambu yembuk qekõtahöba malök.

¹³ Mewö kian kantri ambazip mi ölan enguba konñgwarak aiga Juda urumelen ambazip tosatñan mewöyök Pitöbuk qekõtahöba silesile silik aket. Silesile silik aka Barnabas mewöyök örõgetka yembuk janñun ahök. ¹⁴ Mewö aka ahakmemeninan Buña keu ölni diññanök qahö wuatangõgeri, nõñõn mi eka ambazip körek yengö jemesoholñine kinda kewö jial, “Pitö, gi Juda aziapmö, töndup kian kantri yengö ahakmemenini wuatangöba maljan. Nangak Juda nanine ahakmeme qahö wuatangöba töndup kian kantri ambazip mi wuatangöba kinmegöra kunñum engiba urukõnöp ahakzan? Mi qahö dop kölja.” Mewö.

Juda aka kian kantri neñõn Anutugö jeñe örörõñ azkin.

¹⁵ Juda asuhuba urunini melenñini, neñõn mönõ kian kantri ambazip singisõndokñinambuk qahö aka maljin. ¹⁶ *Mewö maljinmö, amõtqeqegö kõnañi mi kewö ahöi möt yakõzin: Jisös Kraist möt naringa keunini jim teköi solanizin. Kunñan Köna keu wuatangöba mewö miangõn solanñi qahö akña. Miangöra neñõn tok solanñi akingö möta Kraist Jisös möt narim wañgiinga keunini jim teköi solaniin. Mi Köna keu tem kölbinañgöra aka qahö.

* 2:16: Sum 143.2; Rom 3.20, 22

¹⁷ Mewö Kraist qekõtahöba Anutugö jeje solanibingö kapan kölinga Anutunöj tøndup miwikñaim nenngiiga naninak kantri tosatni tandök singisöndokninambuk maljin ewö, Kraistnöj mönö singisöndok akingö nam köl nenngiza me qahö? Qahöpmahöp! Keu mi yapmakek! ¹⁸ Köna keu wuatangöba solanji akingö keunji lök köndenja qeapköyal. Qeapköyalmö, mi kunbuk esapköba jim kuñgubilenjak ewö, mönö Köna keu miyök qetala singisöndok azia aka könañamni kunbuk mewö miwikñabilenjuk. ¹⁹ Mutuk könañamni mewö miwikñaba Köna keugöra aka kömukömuñi tandök ewö ahal. Mewö akiga Köna keunöj mönö qahö toroqeba galöm köl ningiiga solanji maljal. Nöñön malmalni Anutugörej albige Kraist-puk maripomnöj nunguget ewö kömumba kinda yambuk köhöiba maljal.

²⁰ Miangöra nanak qahö toroqeba maljalmö, Kraistkö Uñañan mönö nöngö urune köhöiba malja. Kraistnöj uru jöpaköm ningiba malmalni nöngöra kölenja sohopeni meyök. Miangöra toroqeba silebuk malmal malmami, mi mönö Anutugö Nahönji möt narim wangiba malmam. ²¹ Köna keu wuatangöba mewö mianön solanji akinak ewö, Kraistnöj mönö öne töhön kömumbawak. Kömuyöhi, mi möt nariba Anutugö kalem möriamni mewö qahö qeapkömakzal. Mianön mönö nam köl nenngiiga solanimakzin. Mewö.

3

Köna keugörök kinme me Jisös möt narime?

¹ O Galesia kahapmahap ambazip, urunini qahö! Nöñön Jisös Kraist maripomnöj qegerangö könañi mi jeñine ala jim kondel engjalmö, kunñan nöngö andöne kaba kahalalom mem engiiga janjuñ akze. Mi qahö dop kölja. ² Yuai mohot-töp qesim engibige jiget mötmamgö mötzal: Enön Uña Töröñi mi mönö denöwö aka buña qem anguget? I Köna keu wuatangögerangöra aka qahöpmö, Ölöwak Buña möta Jisös möt narigetka Uña mi urunine ali buña qem anguget. Nöñön keu mia ölum engubapüköra kinda urunini kuñguzal. ³ Mia ölum enguyök tandöktandök melenja mötmötñini mosöta kahalalom akze. Mutuk Uña Töröñan urunine geba inahöm engiiga könañi könahiba angetmö, kunbuk Mosesgö Köna keugö könañe geba anakze. Nalö kewöñe nanñini ösum qakñe solanji akingö esapkömakze me? Ösumñini mianön mönö qahö dop kölja.

⁴ Kraistköra aka sihimbölö gwötpuk ak engigetka qakñine öngöyöhi, mi mönö öne töhön möta bisiba malget me? Ölni qahö aiga mi mönö ölna öne töhön bisiget. Miangöra inini mönö uruqahö ambaziwa malje. ⁵ Miangöra Anutunöj Uña Töröñi engiba sutñine angöletot ösum-mumuñambuk memakzawi, mi enön Buña keunji möta Jisös möt narimakzeangöra aka memakza. Köna keu wuatangömakzeangöra aka mi qahö memakza. Qahö. Keu mi kude ölum enguma. Mewö.

Abrahamgö köna wuatangöinga dop kölma.

⁶ *Keu miangö dop Anutunöj Abraham ak wanggiiga mi Buña keunöj kewö ohoget ahöza, “Abrahamnöj Anutu möt narim wanggiiga eka keunji jim teköiga solaniyök.” ⁷ Miangöra Abrahamgö könañi mötmöriiba kewö mötme: Denike yeñön Anutu möt narimakzei, yeñön mönö Abrahamgö undumurupñi aka malje. ⁸ *Anutunöj qeljine arenji kewö alök, “Ambazip Juda qahö yeñön ni möt narim ningigetka keunini jim teköbi solanime.”

* 3:6: Jen 15.6; Rom 4.3, 7; Rom 4.16 * 3:8: Jen 12.3

Arenj mewö ala miangö dop Abrahamgöra Ölöwak Buja keu qeljine kewö jii mörök, “Göhöra aka nongö kötuetnan mönö gölmege ambazip kambu pakpak yengö qaknine öngöma.” Tosatjan keu mi qeljine ek asariba Buja keunöj ohoget. ⁹ Abrahamnöh Anutu möt narim wanjiiga kötuetköm wanjiiga mötnaripkö bömönjalöni ahök. Miangö dop denike yenön Abrahamgö dop möt narizei, Anutunöh i mewöyök kötuetköm engiiga Abrahamgö undumurupni akne.

Jisösnöh salupnine qesuahöp buja qem anguyök.

¹⁰ *Mewö aknemö, körek yenön Köna keu wuatangöba miangö qakne nariba maljei, Anutunöh mönö jörahöm engiiga malme. Keu mi Buja keunöh kewö ohoget ahöza, “Köna keu Kimbinöh keu pakpak ohoget ahözawi, kunjan kun mi körek qahö tem köla wuatangömakzawi, Anutunöh mönö i qesuahöm wanjiiga malma.” ¹¹ *Buja keu kun kewö ohoget ahöza, “Ambazip solanji kungö mötnaripjan mönö nam köl wanjiiga köhöiba malma.” Miangöra kunjan Köna keu wuatangöba mianön solanji aknjangö mötzawi, yanön mönö Anutugö jeje qahö solanima. Qahö. Keu mi lök aukne kondel engibiga teköza. ¹² *Mötnaripnöh Mosesgö Köna keu qahö nam kölja. Keu mianön jöjöpan keu pakpak tem köl teköbingöra urunini kunjumakza. Köna yahöt mi nanjök nanjök. Köna keugö könanji mi kewö jii ohoget ahöza, “Köna keu pakpak tem köla wuatangömakzawanön mönö köhöiba malma.”

¹³ *Köna keu qahö walönbinak, mewö malmal köhöikni miwikjaibinak. Mewömö, Anutunöh nini nanji Köna keunangö dop qesuahömangö tököba Kraist melaiiga alabauknini aka sohpnini meyök. Buja Kimbinöh keu kun kewö ohoget ahöza, “Ambazip ip kembangan möndöm engizei, Anutunöh mi körek qesuahöm engiiga malje.” Miangö dop Kraist ipnöh möndögetka nanini salupnini aiga Anutunöh qesuahöm wanjiiga mewö mianön sohpnini meyök. Jöramörahöp nenngö qaknine öngöyöhi, mi qeköyök.

¹⁴ Bömnini Abrahamnöh Anutu möt nariiga kötuetköm wanjiyöhi, miangö dop kötümötuet mianön kian kantri pakpak dop köla yengö bujanina aknjapkö mörök. Mewö möta körek nenngö sohpnini meyök. Sohpnini meiga Kraist möt nariinga köna kewö ahuma: Anutunöh Ujanj nenngimangö keunji jöhöyöhi, nini urunini melenja Uja mi ölop buja qem angubin. Mewö.

Köna keu aka oyaenköyaen akingö jöhöjöhö keu

¹⁵ O urumelen alaurupni, nöjön gölmenöh malmalgö söpsöp keunji kun kewö jimam: Kunöh börsamotni tosatni yengö bujanina aknjapkö keunji kambunöh jiiga jöhögetka ahözawi, mi kunjan kun qeapköba könangep keu kun qakne toroqemangö osima. ¹⁶ *Mötket, Anutunöh jöhöjöhögö keunji mi Abraham aka yangö gwölönarökni yetköra jiba jöhöi ahöza. Buja keu mianön “gwölönarökurupki” nenngöra gwötpuk tandök ewö qahö jizapmö, azi mohotkö tandököra kewö jiza, “Mi göhö gwölönaröki wanjimam.” Azi mohot mi Kraist.

¹⁷ *Keu miangö könanangöra kewö jizal: Jöhöjöhögö keu miangö öljan mönö etmapkö osima. Anutunöh mi mutuhök jiba jöhöba yambu (yara)

* **3:10:** Dut 27.26 * **3:11:** Hab 2.4 * **3:12:** Lew 18.5 * **3:13:** Dut 21.23 * **3:16:** Jen 12.7 * **3:17:** Eks 12.40

430 teköiga miangörej Köna keunji miwikñaiba Moses wanjiyök. Köna keu mianjön mönö jöhöjöhö keunji mutuk jiyöhi, mi qeapkömamgö osima. ¹⁸ *Oyaenköyaen akingö kötümötuetnji mi Köna keu wuatangöba miwikñaibinak ewö, Anutugö jöhöjöhö keugöra qahö toroqeba osiinga öne töhön ahöbapuk. Buja keunji Abraham wanjiyöhi, mi öne töhön qahö ahöyökmö, Anutunöj keunji miangö dop Abraham kötuetköm wanjiiga oyaenköyaen ahök.

¹⁹ Abraham öne kötuetköm wanjiiba Köna keu mi mönö denöwögöra ali ahöza? Miangö könanji kewö: Ambazipnöj köna ongiata janjuj aka malgerangöra Anutunöj Köna keu mi könanjep toroqeba jim miwikñaiyök. Jim miwikñaiiga Suep garata yenjön mi memba eta alabauk azi (namel man, mediator) Mosesgöra indela böröje algetka Anutugö jitje memba ambazip sutnine kinda jim kutuyök. Köna keu mianjön nalö dop ahöm öngöba galöm köl nenjimapköra aka qahöpmö, könanjep Köna keugö ösumñan etmapköra mi nenjiyök. Abrahamgö gwölönarök kungö jöhöjöhö keunji nenjiiga azi mianjön asuhuyöhi, nalö miangörej Köna keugö ösumñan eri teköyök.

²⁰ Alabauk azi yanjön Anutu aka ambazip sutnine kinda keu nup memakza. Anutunöj jöhöjöhö keunji mi alabaukni qahöpmö, mönö nanjak Abraham wanjiyök. Miangöra oyaenköyaen akingö jöhöjöhö keunji mi öngöngöjoni aiga Köna keunji mianjön nemböjoni akza. Mewö.

Köna keugö nupnji ölnji mi denöwö?

²¹ Mewö aiga Köna keu aka oyaenköyaen akingö jöhöjöhö keu mi auzahot me qahö? Saumban! Anutunöj mal köhöibingö Köna keunji nenjibawak ewö, mönö ölnja Köna keu wuatangöba Anutugö jeje solanji akinak. Miangöra keu yahöt mi qahö auzahot. ²² Qahöpmö, keu yahöt mi nanjök nanjök. Anutunöj jöhöjöhö keunji mi mötnarip ambazip oyaenköyaen ak nenjimangöra aka ali ahöza. Jöhöjöhö keu mianjön Jisös Kraist möt narizini, mönö nenjörej öljambuk akñapköra möta kewö arengöba jiyök, “Singisöndok ambazipnöj urunini qahö melenje ewö, mönö öne töhön Anutugö jeje qahö solanime.” Miangö könanji mi Buja keunöj kewö jii ahöza, “Singisöndoknöj mönö gölme dop ambazip pakpak gwaröhöm nenjiiga maljin.”

²³ Mutuk urunini qahö melenjninga mötnaripninan qahö asuhuiga Köna keunöj jöhöba galöm köl nenjiba gwarö urune misim nenjiyök. Könanjep Anutunöj mötnaripkö könanji indeli asuhuyöhi, nalö miangörej kösö gwarö malmalninan teköyök.

²⁴ Mewö taringa Köna keunöj mönö böhinina aka Kraistkö könanji mötpingöra kusum nenjimakza. Böhi leuam kusum engigeri, miangö dop keu mianjön mönö nenjuangita solanji akingö mindingöba galöm köl nenjimakza. Mewö aka Kraistkö könanji möt asariba möt narim wanjiinga keunini jim teköi solanibingöra kunjum nenjimakza. Urunini melenjninga böhigö nupñan mönö nalö miangörej teköza. ²⁵ Urunini melenjninga mötnaripninan asuhuiga Köna keu bapje qahö malinga mianjön böhi ewö qahö toroqeba galöm köl nenjimakza. Mewö.

Anutugö nahönböraturupnji aka maljin.

²⁶ Körek enjön mönö Jisös möt narim wanjigetka ahuahu dölökni enjiiga Anutugö nahönböraturupnji aka Kraistpuk qekötahöba kinje. ²⁷ Kraistpuk

* 3:18: Rom 4:14

kinmegöra o melun mem engigeri, körek enjön mönö Kraist möt angön köla mianjön maluku tuatnji ewö esuhum anguba yambuk qekötahöba kinje. ²⁸ Injini körek pakpak Kraist Jisösbuk qekötahöba kingetka mindirim enjiiga mohot aka malje. Mianjöra Juda aka kantri tosatnji enjön Anutugö jeje kambu yahöt mi kunbuk qahö akze. Nanjnini nupnjni memakzei aka welenqege omanji akzei, Anutunöñ engehiga kambu yahöt qahö toroqeba akze. Azi ambi enjön Anutugö jeje kambu yahöt qahö toroqeba akze.

²⁹ *Injini Kraistkö buñaya akze ewö, mönö Abrahamgö gwölönarökñi yangörenök ahuba tinibaniurupñi malje. Mewö ahuba jöhöjöhö keunjangö ölnji oyaenkoyaen mi buña qem angumeangö dop akze. Mewö.

4

Neñon Kraistköra aka Anutugö nahönböratnji ahin.

¹ Keu mi toroqeba könanji kewö jimam: Nahönöñ iwiñangö börösamotnji buña qem angumawangö dop akzampö, morö gwabö mala nalö mianjören welenqege omanji yembuk örörön tandök akza. Iwiñangö börösamot yuai pakpakö tonji akñapmö, tondup welenqege yengö qöhöröñjine alanjna aka nup töwanji qahö memakza.

² Mewö morö mala galömñi yengö nembö bapñine kiniga yeñon malmalñi pakpak arengöba galöm köla jim kutum wangimakze. Iwiñan nalö al wangii kam kuñgumawi, mianjörenök könahiba nanjak börösamot tonji aka malma. ³ Nanjini mewöñanök mutuk urugö likepñe morö gwabö ewö malin. Nalö mianjören bem suahö galöm Suep gölme sutñire yuai pakpak galöm köl engimakzei, mienön mönö nini mewöyök galöm köl nenjigetka öne yengö welenñini qeba nemböñini bapñe malin.

⁴ Mewö malinmö, Anutugö nalöñan kam kuñguiga Nahönñi melaiiga ambigörenök asuhuyök. Juda nengö Köna keu bapñe malmangöra asuhuyök. ⁵ *Köna keu bapñeyök pösat nenjiba sohpnini memangöra asuhuyök. Mewö Anutugö nahönböraturnjini aka buñanji möt angön köl teköba maljin.

⁶ Mewö Anutugö nahönböratnji akzeangöra aka Anutunöñ Nahönñangö Uñanji melaiiga urunine geba kewö qerakza, "O Aba Iwini!"* ⁷ Mewö qerakzawangöra aka qahö toroqeba welenqege omanji akzanmö, Anutugö nahönböratnji aka maljan. Mewö maljanangöra aka Anutunöñ oyaenkoyaen Buñanji gihiiga buña qem anguba galöm köla malman. Mewö.

Polnöñ Galesia yengöra waimanjat mörök.

⁸ Injini mutuk Anutu qahö möt kutuba malget. Nalö mianjören tandö lopion aka bem suahö galöm bem ölnjangö malmalñi qahö memba maljei, mi töwanjini qahö welen qem engiba etqeqenji malget. ⁹ Mewö malgetmö, urunjini melenja nalö kewöñe Anutugö könanji möt kutuba malgetka Anutunöñ möt kutum enjiiga malje. Anutunöñ möt enjizawi, keu mianjön bohonñi ak engiza. Mewö maljemö, wuanöñgöra dumñe kunbuk bem suahö galöm yuai pakpak galöm kölakzei, mönö yengören melenja mesohol köl engiba malje? Bem suahö galöm mi ösumñini eretnji akzemö, enjön mönö tondup mi welen qem engiba etqeqenji akingö sihimñi mötze. Mi qahö dop kölja.

* 3:29: Rom 4.13 * 4:5: Rom 8.15-17 * 4:6: Aba mi Arameik keunöñ Iwi.

¹⁰ Mi welen qem engiba kendon tatat nalö kōnaŋi kōnaŋi mi mōtket öngöiga törörök wuatangōmakze. Sabat kendon tarakze. Köiŋ dölökŋi koriga bemŋini mötmōriba köiŋ dop söngaimakze. Yambu jenjēqe sösongai aka sösongai tosatŋi mi yambu (yara) dop törörök wuatangōmakze. ¹¹ Nōŋön engōra aka keŋgōtni kewögōra mötzal: Nōŋön engō sutŋine nup membīga ölnŋi qahō ahuiga öne töhön sileqeŋe akilenjbuk.

Galesia yeŋön Pol andö qebingö aket.

¹² O urumelen alaurupni, nōŋön kewö kunguba qesim engizal: Nōŋön inŋini ewö aka malalangōra enön mönō nōngö dop akŋe. Yuai bölöŋi kun kude ak niŋgiget. ¹³ Nōŋön mutuk engörej kaba kawöl nöhöi sileni eri malali, kōnaŋi mewögōra tata Ölöwak Buŋa jim asaribiga mötket. Enön mi möt kömuze. ¹⁴ Nōŋön sile-eret malbiga andö nunŋubingö esapesapŋi miwikŋaiget, mi mötzalmö, töndup qahö jijiwilit aka qepureim niŋgiget. Mewö qahöpmö, ni neketka Anutugö garata ewö akiga nömeget. Opopoŋ, nōngōra Kraist Jisös nanŋangö tandök mötmōriba öröm niŋgiba “Owe owe!” jiget.

¹⁵ “Owe owe!” jiba silene pölpöl qeba je kötŋini uzula niŋgibingö mötketmö, mi qahö dop köliga mosōtket. Engö kōnaŋamŋini möta mi ölnŋa mewö nanŋöba jizal. Yei! Nalö miangörej jim sösongai önöŋi qahö akeri, mi mönō denöwögōra nalö kewöŋe qahöwahi öne malje? Mi qahö dop kölja. ¹⁶ Engōra Buŋa keu ölnŋi jimakzalangōra mönō kerök ak niŋgize me?

¹⁷ Ambazip tosatŋi mienön engōra aka urukönöp ahakzemö, mi urukönöp ölöŋŋi qahö. Mi ölöŋŋi qahöpmö, yeŋön inŋini nenŋörejök enŋuangita sutŋine jabö ala tököm niŋgimegōra mötze. Mewö menden nenŋigetka urukönöp qakŋe nanŋini nanŋöm engimegōra kapan kölakze. ¹⁸ Inŋini ahakmeme ölöŋŋi akŋegōra urukönöp ahakzei, mi mönō qetpuk. Nōŋön engö sutŋine malbiga nalö miangörejök qahöpmö, mönō nalö dop mewö aketka dop köлма.

¹⁹ O gömokurupni, ni ahuahu dölökŋi ahumegōra masö tandök nunŋuiga sihimbölö mörali, miyöhök mönō dumŋe kunbuk mötzal. Kraistkö ahakmemeŋan engörej ahum kutumapkōra sihimbölö mi möta maljal. ²⁰ Nōngö urunan mönō engōra aka lalalulu siksauk akza. Miangōra nōŋön nalö kewöŋe engö sutŋine malmangö mötkurumkurum akzal. Embuk mala keu imbini memba eta ala keu ösöŋ jimangö ak niŋgiza. Mewö.

Hagar aka Sara yetkö söpsöp keuŋiri

²¹ Tosatŋi enön Juda nenŋö Köna keu Kimbi wuatangöbingö mötzemö, keu miangö kōnaŋi mi ölnŋa möt kutuze me qahö? Kōnaŋi mi möt asarimegōra qesiba kungum engizal. ²² *Buŋa keu kun kewö ohoget ahöza: Abrahamgö nahönyahötŋi yahöt ahuyohot: Kun welenqeŋe ambi etqeŋeŋan (sleiw) meyök aka kun mi nanŋi soŋgojarin anömŋi solanŋi (fri) malmalŋan meyök. ²³ Welenqeŋe ambinöŋ nahönŋi meyöhi, miangön morö ahuahugö kōnanöŋ ahuyökmö, kun ambi solanŋi (fri) malmalŋan meyöhi, yanön Anutunöŋ morö nahön ahumapkö keu jöhöyöhi, mönō keu miangö ölnŋan asuhumapkōra ahuyök.

²⁴ Keu miangö kōnaŋi mi tölapŋi. Ambi yahöt mi Anutunöŋ ambazip nembuk jöhöjöhö areŋ yahöt alöhi, mönō mietkö söpsöpŋira. Jöhöjöhö areŋ kun mi Sainai (Sinai) kundunje alöhi, miangö söpsöpŋi mi ambi qetŋi Hagar. Ambazip jöhöjöhö areŋ mi wuatangömakzei, yeŋön mönō Köna

* 4:22: Jen 16.15; 21.2

keugö jimkutukutu bapne malje aiga gwölönarökurupņinan keu mianğö welenņi qemakņegöra ahumakze.

²⁵ Hagar mi Sainai kundunņi, Arebia gölmenöņ kinjawangö söpsöpņi akza. Sainai mianğö alaņi mi Juda gölmegö siti qetņi Jerusalem. Siti mianğö könagesögö ketaņi moröņi yeņön nalö kewöņe Kõna keu bapne malgetka jöhöm engii solanņi (fri) qahö akze. Mianğöra dopņiri mohok akzahot. ²⁶ Solanņi (fri) qahö akzemö, Jerusalem siti kun euyangöreņ maljei, yeņön mönö kösö gwaröņini qahö solanņi malje. Neņğö namnini Sara yaņön mönö siti mianğö söpsöpņi akza. ²⁷ *Mianğö kezapqetok keunņi mi kewö ohoget ahöza,

“Ambi azinöņ olan qeyöhi, yaņön mönö nahönbörat engömiiga sehigetka mewö ambi apņambuk mi luhut alma.

Mianğöra ambi köpin morö qahö menöņi, gi mönö töndup söņgaiba malman.

Masö qahö guhui malnöņi, gi mönö töndup qet gigilahöba morö ahumapkõra köiraņ ala malman.”

²⁸ O urumelenņ alaurupni, iņini mönö Aisakö dowa Anutugö jöhöjöhö keuņan nam köl engiiga ahuahu dölöknı ahuba malje. ²⁹ *Nalö mianğoreņ morö ahuahugö könanöņ ahuyöhi, yaņön munņi Uņa Töröņan nam köl wangıiiga ahuyöhi, mi sesewerowero ak wangıba malök. Nalö kewöņe mewöņanök sesewerowero mewöņi mi ahöza.

³⁰ *Mewö ahözapmö, Buņa keu kun mi toroqeba kewö jigetka ahöza, “Welenqeçe ambigö nahöņņan mönö Iwiņangöreņ börösamotņi qahö mema. Ambi solanņi malmalņi yangö nahöņņambuk mi mohotņe qahö mendenđa aņğön kölmahot. Mianğöra welenqeçe ambi etqeçeņi mi mönö közölnöņga nahöņņambuk anmahot.” ³¹ O urumelenņ alaurupni, söpsöp keu mewöņangö dop neņön mönö welenqeçe ambigö undumurupņi gwaröninambuk qahö akzinmö, ambi solanņi malmalņangö undumurupņi akzin. Mianğöra lolonqaloņ ahakmeme mi közölme. Mewö.

5

Lologöba Kraistpuk kinkin solanņe kinme.

¹ Kraistnöņ Kõna keu bapņeyök pösat neņgiiga solanņi maljin. Mewö mala tosatņan iņini kunbuk öröba Kõna keugö mötöpnöņ* jöhöm eņgibepukõra mönö galöm mem aņguba malme. Welenqeçe omani ewö akepukõra mönö köhöiba böņ qeba kinme.

² Mötket! Pol nöņön kewö jibi mötket: Tosatņan Anutugö aiwesökņi sileņine yandimegö mötketka imbi kölme ewö, Kraistnöņ mönö bauköm eņgimamğö osima. ³ Keu mi toroqeba kewö nanğöba jimam: Azi pakpak sileņine aiwesök yandimegö mötketka imbi kölmei, yeņön mönö Kõna keu pakpak tem köla wuatangöme. Mi qahö wuatangögetka qahö dop kölma. ⁴ Kõna keu tem köla wuatangöba mewö mianğön solanņi akingö mötzei, eņön mönö Kraistkö selņi qösököba yambuk qahö toroqeba kinje. Eņön mönö Anutugö kalem möriamņi mosöta yaigep eta laņ malje.

⁵ Laņ maljemö, neņön mönö Anutugö jeņe diņdiņi akingö jörömqörömqi aka awöweņğömakzin. Mewö ahinga Uņa Töröņan inahöm neņgiiga Anutu

* 4:27: Ais 54.1 * 4:29: Jen 21.9 * 4:30: Jen 21.10 * 5:1: Ip kemaņi (yoke) mi bulmakau yahötkö jöļņire ala jöhögetka mindirim etkiiga mianğön mohotņe kare me gölmeqeçeğö kinoņ örömakzahot. Mianğö dop Kõna keu gwarönoņ maljan ewö, nupņi mönö töp meman.

möt narim wanjiinga keunini jim teköi solanibingöra mambörakzin. ⁶ Kraist Jisösbuk kininga urugö ölni mötnarip mi mohotjan mönö bauköm nenjimakza. Anutu möt nariinga inahöm nenjiiga anqeba urukalem ak anjuinga dop köljamö, mötnarip ölni qahö mi qahö bauköm nenjimakza. Mewöyök Anutugö aiwesökni silenine yandiget ahöza me qahö, mi mönö dop mohot akza. Silegö kun me kun mi Anutugö jeje qahö bauköm nenjima.

⁷ Mutuk uru melenmelenjö aongitnöj mönahot ewö ösumnjinan anget. Ölöpnanök angetmö, böhi takapulakanji kunöj kaba siksauk mem engiba kemañe kutuiga keu ölni qahö toroqeba tem kölakze. ⁸ Kun danjon engoholakzawi, yanjon mönö kemañe kutumegöra qahö tutuhuba kungum engimakza. Mi qahö. ⁹ *Yist boromdökni kimbutnöj ala plauabuk melenninga körek pakpak meiga qariba wahörakza. Mianjö dop siksauk moröñan mönö dop köl engiiga körekmakörek janjuñ akepak.

¹⁰ Böhi takapulakanji yanjon siksauk mem engiiga janjuñ ahakzei, Anutunöj mönö yanjö ahakmemeñanjö likepni melen wanjiiga sihimbölöñi möta malma. Nöjön Kembubuk kinda möt narim engiba engöra kewö möta awösamakak akzal: Inini Kraistkö Buña keu törörök wuatangöba mötmöt murutni pakpak yaköribingö möt köhöiba malme.

¹¹ O urumelen alaurupni, inini mewö malmemö, nöjön Kraist maripomnöj kömuyöhanjö könani jim sehibiga Juda yanjö uruñinan mianjöra bölimakza. Maripomnö keunji mosötpilenjak ewö, mönö sesewerowero qahö ak niñgibeak. Anutugö aiwesök azi silenine yandiyandimejö Buña keunji toroqeba jiba uru kungum engibilenjak ewö, mönö kahasililin qahö ak niñgibeak. ¹² Tosatjan kungum engiba siksauk memakzei, yanjon mönö yandiyandigö keunini wuatangöm teköba nanjini sile kitipnini körek yandim angugetka mötpi dop kölbawak.

¹³ O urumelen alaurupni, Anutunöj inini köna walñanjö keunöhök lolohoba gwaröñini qahö malmegöra engoholökmö, kewögöra mönö galöm mem anguba malme, “Möno lolohoba solanji maljin,” mewö jiba möndöba uruñinan wahöri silegö sihim kömbönanjini bölöñan mönö galöm köl engibapak. Nanjini imbi-imbi qahöpmö, mönö urukalem qakñe kinda welen qem anguba malme. ¹⁴ *Köna keu bohonni mohot wuatangögetka Anutugoren keu pakpak mönö mewöyök ölninambuk akñe. Keu bohonni mohok mi kewö, “Nangi jöpaköm angumakzani, mianjö dop mönö ambazip pakpak urugan jöpaköm engimakñan.” ¹⁵ Mewö jizapmö, bau kiam ewö angöhöm söksök aka aumakze ewö, mönö nanjini ayuhum angubepuköra töhötnjini pöndan möta malme. Mewö.

Uña Töröñan galöm köl engiiga malme.

¹⁶ Nöjön kewö jimam: Uña Töröñan mönö ahakmemeñini galöm köliga malme. Mewö malgetka urusilegö sihim kömbönanjini bölöñi qei eri kude tem köla wuatangömakñe. ¹⁷ *Mianjö könani kewö: Urusilegö sihim kömbönanji bölöñan mönö Uña Töröñi qetala lan köpösöngöiga Uña Töröñan uru walñanjö kukni qemangö möriga sutñire jujul ahöi aumakzahot. Mewö aumakzahoranjöra enjon yuai ölöpnji aka membingö möta mi osimakze. ¹⁸ Mi osimakzemö, Uña Töröñan enguanjiriga anda malje ewö, mönö Köna keu bapñe qahö malje.

¹⁹ Urusilegö ahakmeme walñangö nup ölni mi aukñe ahöi mötzin. Mi kewö: Kaisero namböñnamböñ lañ aketka urunjanan tölöhoiga serowilin ahakze. ²⁰ Tandö lopion waikñini memba bemñini möpöseim engigetka urunñi sölölohöm enñii suña jinañ ahakze. Kerök asuhui anğururuk aka aumakze. Kungöreñ yuaigöra urunöñ mututqutut möta eröm ota yom jiba urusingok ahakze. Nanñinañgörök mötmöriba yuai öröba girinjabak memakze. Jula menden anğuba kambuñi kambuñi ala jijiwilit ak anğumakze.

²¹ Tosatñi yengö yuaigöra eksihim möta körögisigisi aka közölömbuan pati ala bau numbu nempa o köhöikñangöra enjololon ahakze. Mi aka silik tosatñi mewöñi ahakzei, yengöra mutuk jial aka mianğö dop galöm meme keu mi qeljine dumñe kunbuk kewö jizal: Ambazip silik mewöñi ahakzei, yeñön mönö Anutugö bemtohoñ uruñe qahö öngöme.

²² Yeñön qahöpmö, Uña Töröñan nup memakzawangö ölni mi urukalem, sösongai, luai aka ahakmeme ölöpnji kewö: Lömböt pakpak möta mökösoñda tosatñi ala ak engiba ahakmeme sakalakñi ahakze. Keuñi misila pöndañ wuatañgömakze. ²³ Gunböñjönjön qakñe tosatñi ak engiba nanñini törörök galöm köñ anğumakze. Ambazip silik mewö ahakzei, yeñön Köna keu qahö qetalakze. ²⁴ Ambazip Kraist Jisösgö buñaya aka maljei, yeñön uru sileninañgö sihim kömbönañini bölöñi aka bölöñangö urukönöpnini mi körek Jisösbuk maripomnöñ algetka mem kömuyöhawa malje.

²⁵ Uña Töröñan urunine geiga maljin ewö, ahakmemenini mönö mewöyök Uña mianñon galöm köñ nenñii aka memba malbin. ²⁶ Mewö mala qetbuña omanñi nenñimegö kude kapañ köla öne töhön kude aiweliköm anğumakñe. Urubölö ak anğubepuköra mönö urukönğar kude aka uruöngöp qakñe kude ak anğumakñe. Mewöyök körögisigisi kude ahakñe. Mewö.

6

Lömbötñini mönö bisiba bauköm anğumakñe.

¹ O urumelen alaurupni, kunñan köna onğita siñgisöndok aiga miwikñaize ewö, urumelen alaurup enñon mönö mökököli qakñe ala ewö mindingöm wanğigetka kunbuk köna miwikñaima. Mewö aka nangak mewöyök esapesapnöñ et guhubapuköra mönö galöm mem anğuba malman. ² Lömbötñini mönö bauköm anğuba bisimakñe. Mewö mianñon Kraistkö Köna keuñi wuatañgögetka öñjambuk ahakña. ³ Kunñan eretñi mala töndup nanñangö möri öngöngöñi akzawi, yeñön mönö nanñi tilipköm anğumakza.

⁴ Mewö kude akñemö, mohot mohot enñon mönö nanñini ahakmemenini kewöta esapkögetka dop köñma. Mewö aka alañini onğita qetbuñaninambuk akzeangöra kude aiwelikömemö, mönö nanñini könañinañgörök silenini möpöseigetka dop köñma. ⁵ Anutunöñ lömbötñini murutñi murutñi menden nenñiiga nanñök nanñök bisimakzin. Mianğöra nanini tosatñi yembuk likeplikap ala kewöt anğubingö osimakzin.

⁶ Böhi qağazunöñ kungöra Buña keu kusum wangimakzawi, yeñön mönö mianğö töwañi melennda yuañi ölöpnji pakpak mendennda bahöñi wangimakña.

⁷ Nanjini mönö kude tilipköm angumakŋe. Kunöŋ nene warökŋi kömöriŋa ölni miangö dop ahui miwikŋaima. Keu miangö dop Anutunöŋ bölöŋamnini eka likepŋi miangö dop nenŋima. Mianŋöra Anutu mi azi omaŋi ewö mepaqepaik ak waŋgibingö osimakzin. ⁸ Urusilegö sihim kömbónaŋi bölöŋan kun nam köl waŋgiiga miangö warökŋi laŋ kömörazzawi, yaŋön mönö miangö köndenŋmóndenŋi miwikŋaiba bölimakŋa. Yaŋön bölimakŋapmó, Uŋa Töröŋan kun sölölöhóm waŋgiiga miangö warökŋi kömörazzawi, yaŋön mönö ölni miangö dop miwikŋaiba malmal köhöikŋaŋgö buŋaya aka malma.

⁹ Nini jegep kinda nup ölöpŋi ölöpŋi memba mala miangöreŋ mönö löwöriba zölöczölök kude akŋe. Tanqanŋ aka nup qahö mosötpin ewö, ölni meme nalöŋan kam kuŋguiga nupninaŋgö töwaŋi mönö miwikŋaibin. ¹⁰ Mianŋöra gölmenöŋ malbinaŋgö dop neŋön mönö ambazip ölöpŋi ak enŋgibingö jegep kinda malbin. Urumelenŋ könagesö uruŋe maljei, i mutuk alabauk ak enŋgimakin aka yeŋgö andöŋine ambazip tosatŋi pakpak köna asuhuiga mem ölöwak enŋgimakin.

Galöm meme aka yaizökzök keu teteköŋi

¹¹ Pol nöŋön kirifi memba nani börönan kulem je ketanŋi ki enŋöra ohozali, mi ekŋe. ¹² Ambazip Anutugö aiwesökŋi silenine yandimegöra kuŋgum enŋgimakzei, yeŋön mönö körek sile megetka gölme ambazipnöŋ yeŋgöra mötket öŋgömapköra kapaŋ kölakze. Kraistnöŋ maripomnöŋ kömuyöhi, keu mianŋöra sesewerowero ak enŋgebuköra mönö mewö kuŋgum enŋgimakze. Mianŋö könaŋi murutŋi kun qahö. ¹³ Anutugö aiwesökŋinambuk mienöŋ mönö nanŋinak mewöyök Köna keu qahö wuatangöm teköba malje. Mewö qahöpmó, enŋö silenini yandimegö mötzeanöŋ mönö enŋö sile kitipŋinaŋgöra aka nanŋini silenini mem öŋgöba qetbuŋaŋinambuk akingö mörakze.

¹⁴ Mewö mörakzemó, nöŋön Kembunini Jisös Kraist maripomnöŋ kömuyöhi, mönö Buŋa mianŋöra aka sileni möpöseimakzal. Qetbuŋa murutŋi kun qahö jarumakzal. Mi yapmakek! Kraistnöŋ maripomnöŋ kömuiga yambuk toroqebiga mötmöt areŋnan uteköiga silik bölöŋaŋgö sisitŋi memakzal. Gölme ambazipnöŋ silegö ahakmeme bölöŋi membiningö mötnöriba keu jimakzei, nöŋön mönö mianŋöreŋ göröken köhömuŋi tandök akzal. Möpöseim niŋgimei me silene keu almei, mianŋö likepŋi mi qahö melenŋmam. Gölmenöŋ keu kewöta tosatŋi mötket öŋgöi tosatŋi mötket eretŋi akzawi, mi mönö nöŋgö mötmöt areŋbuk dop mohot qahö akzahot.

¹⁵ Silenine aiwesök yandiget me qahöwi, mianöŋ mönö dop mohot akza. Mianöŋ gorosonŋi akzapmó, ahuahü dölökŋaŋgö döŋŋi akzini, mianöŋ mönö öl töhöŋŋi akza. ¹⁶ Ambazip ahuahü dölökŋaŋgö jimkutukutu keu wuatangöba maljei, Anutunöŋ Juda körek mi aka Anutugö urumelenŋ könagesö pakpak inŋini mönö ak kömum enŋgiiga luainöŋ malme.

¹⁷ Keu teteköŋi kewö jizal: Nöŋön Jisös qegerangö löpötŋi mi nani silene ahöiga bisimakzalaŋgöra kunöŋ mönö urulömböt kude toroqem niŋgima.

¹⁸ O urumelenŋ alaurupni, Kembunini Jisös Kraistkö kalem möriamŋan mönö embuk ahöba uŋaŋini kötuetkömakŋa. Keu mi ölna.

Efesus Kimbi Polnōḡ Efesus yeḡgōra Kimbi alök. Jim-asa-asari keu

Polnōḡ Rom sitigō kösö mire tata Efesus urumelen kambu yeḡgōra Kimbi ki ohoyök. Efesus mi Eisia prowinsgō siti bohonji. Siti mianggō uruḡe kölköl-örörö gwōtpuk ahōmalget. Polnōḡ misin nup memba lilikōi indimḡi karōbut ahiga Efesus kaba yambu karōbut mianggōreḡ Buḡa keu jiba malök. Efesus sitinōḡ Juda ambazip tosatḡi miri tonḡi yeḡgō sutḡine malgeraḡgōra Polnōḡ kimbi ki ohoba kewō kusum enḡiyök, “Kraistnōḡ lök kambu yahōt toroqeiga urumelen kambu mohok-kun akzahot.” (2.15-16),(3.6) Anutunōḡ jitsihitḡi aka kalem möriamḡi urumelen kambu neḡgōra denōwō ali ahōzawi, mi gwōtpuk jim asariza. (3.10) Mianggō dopkeu karōbut kewō jiyök:

1. Urumelen könagesō enḡon sile sep busu mohot aketka Kraistnōḡ nanḡak nōrōpḡini akza. (1.23; 4.15-16)

2. Urumelen könagesō enḡon miri mohot tandök aketka Kraistnōḡ enḡö tandōḡini kömbōnaḡi akza. (2.21-22)

3. Urumelen könagesō enḡon ambi buḡa ewō aketka Kraistnōḡ apḡaḡḡö tandök akza. (5.25-27) Mewōyök Kraistnōḡ Efesus enḡö kambu yahōt toroqem etkiiga mianggōra sile sep busu mohot akze. Asakḡaḡḡö ambazip akeraḡgōra malmalḡinanḡö goro keunḡi keunḡi ohoyök. Mewō.

Buk kianḡō bahōḡi bohonḡi 4 mi kewō:

Keu mutukḡi keu 1.1-2

Kraist aka urumelen könagesō 1.3–3.21

Kraistpuk malmal dōlökḡi 4.1–6.20

Kimbigō keu köḡḡi bohonḡi 6.21-24

1 *Anutunōḡ Pol ni jitsihitḡaḡḡö dop melaim niḡḡiiga Kraist Jisōsgō aposol akzal. Mōḡnarip alaurup sarakḡi Kraist Jisōsbuk qekōtahōba Efesus sitinōḡ maljei, nōḡon embuk keu eraum mōḡḡingōra kimbi ki ohozal.

2 Anutu Iwinini aka Kambu Jisōs Kraist yetkōn mōnō kalem möriam enḡiyohotka luainōḡ malme.

Kraistnōḡ Anutugō kötumōtuetḡi neḡḡimakza.

3 Neḡon Kembunini Jisōs Kraistkö Iwi Anutunḡi möpōseimakin. Yanḡon nini Kraistpuk qekōtahōinga uruninan ölöwakḡapköra Suep mirigō kötumōtuetḡi aka kalemḡi könaḡi könaḡi mi urunine alōha kayambu asuhui mala kotket. 4 Anutunōḡ nini mutuk möḡḡaḡḡö möḡḡeyök kewō akingōra möwölöhōm neḡḡiyök: Kraistnōḡ nam köl neḡḡiiga neḡon yanḡö buḡaḡi sarakḡi aka Anutugō jemesoholḡe keunini qahō kinbin. Mewō möwölöhōm neḡḡiba mianggō andōḡe Suep gölme miwikḡaiba al etkiyök. Nalō mianggōreḡök könahiba ambazip jōpakōm neḡḡiba mala korök.

5 Jōpakōm neḡḡiba urusihimḡaḡḡö dop qelḡḡe keu jḡi arenḡi ala keunini kewō jim tekōyök: Jisōs Kraistnōḡ nam köl neḡḡiiga Anutunōḡ neḡḡōmeiga nanḡi nahōnbōraturupḡi akin. 6 Wōlbōt Nahōḡḡi neḡḡōra melaiiga eta Anutugō kalem möriamḡaḡḡö kukōsumḡi buḡabuḡaḡambuk köleḡda söḡḡōrōḡi qahō öne neḡḡiyök. Nini mōnō kalem möriamḡi mianggōra

* 1:1: Apo 18.19-21; 19.1

Anutu möpöseim wangimakin. ⁷ *Anutugö kalem möriamñangö köwenji mi keta bölökñi. Mianğö dop Jisösnöñ sepñi mokoba mianñon sohohni meyök. Mi meyoñangöra Anutunöñ ölop sinğisöndoknini mosöta sanğon neñgimakza.

⁸ Yañon kalem möriamñi mi köwenyök keleşmaleleş mokoiga qak-nine öngöyök. Mötkutukutuñi öngöñgöñi pakpak mianğö dop kewö möt asarim neñgiyök: ⁹ Anutunöñ mutuk nanñi uruñe keu areñ jöhöba möri ölöwahiga tölapñe ahöi öne mala kotketmö, Kraistnöñ Anutugö keu jitñangö dop wuatangöba eta neñgöreñ indeliga eka mörin. ¹⁰ Anutunöñ mutuhök kalem möriam areñangö könañi kewö mötmöriyök, “Anutu nöñon areñ mi wuatangöba mala malbiga nalöñi törörök kam kuñguiga mianğöreñ ölnambuk aiga kewö asuhuma: Körek Suep mirigö jakenji jakenji mianğöreñ me gölmenöñ ahuba maljei, nöñon mönö mi pakpak mindiriba jöhöm engimam aka Kraist kuñgum wangibiga körek yeñgö bohonñini mohot aka malma.”

¹¹ Anutunöñ mutuhök nanñi uruñangö dop keu jöhöi ahözawi, mönö areñ mianğö dop kuñgukunğu keuñi jiiga yuai pakpak asuhumakza. Nanñi areñi mianğö dop qeljiñe Juda könagesö nini nanñi buñañi aka malbingöra jim teköba al neñgiyök. Mianğö dop nini tosatñan Kraist-puk qekötahöinga meköm neñgiiga buñañi börösamot ewö anğon köla memba maljin. ¹² Juda könagesö neñon Kraistnöñ galöm köl neñgimapkö mamböta qeljiñe jörömqröm ak wangiba mala korini, yañon nini Anutugö kukösumñi buñabuñañambuk möpöseiba malbingöra aka möwölöhöm neñgiyök.

¹³ Kian kantri engöreñök tosatñan mewöyök Kraistpuk toroqeba qekötahöget. Amötqeqegö Ölöwak Buñañi jigetka keu ölnji mi möta uruñini melenget. Uña Töröñi yañon Anutu buñañangö muñgem aiwesökñi akza. Uña mi melaii etmapkö keu jöhöyöhi, yañon mönö mi uruñine ali geyök. Kraist möt narim wangigetka Anutunöñ aiwesökñi kömbönañi mi mekötahöm enjiiga malje. ¹⁴ Anutunöñ könagesöurupñi Suep Buña neñgimamgö keu jöhöyöhi, mi memböngö aiwesökñi Uña Töröñi mi mutuk al neñgiyök. Uña Töröñi urunine ali maljawangöra mönö kewö möt köhöizin: Anutunöñ lök sohohni memba buñaurupñi ahinga bian gölmenöhök neñgungiriga Suepnöñ öngöba oyaenkyoaen akin. Mianğöra mönö Anutugö kukösumñi buñabuñañambuk möpöseimakin. Mewö.

Polnöñ Anutu möpöseiba kewö köuluköyök:

¹⁵ Mewö oyaenkyoaen akingöra aka nöñon Efesus engöra köulukömakzal. Enñon Kambu Jisös pöndañ möt nariba ambazip sarakñi pakpak uruñinan jöpaköm engimakzei, tosatñan mianğö buzup keuñi jigetka möral. ¹⁶ Mianğöra buzup keu mi mörali, nöñon mewöyök engöra aka Anutu möpöseiba mala qahö mosöral. Qahö. Nöñon köuluköba mianğöreñ mötmörim engimakzal.

¹⁷ Mötmörim enjiba Kembunini Jisös Kraistkö Anutuñi mi kewö köuluköm wangimakzal, “O Iwi kukösum Tonji, gi mönö Uñagi Töröñi Efesus alaurup engiman. Uña mi uruñine alnöñga mötkutukutuñini qainñi kun asuhuiga Anutugö könañi ölöpñanök indeliga möt yaköme. ¹⁸ Anutu, gi mönö uru jeñini mem asarinöñga nangi Buñagahö könañi möt yaköme.” Anutunöñ nanñi ambazip sarakñi neñgöra Suep Buña kukösumñi buñabuñañambuk mi neñgimamgö keu jöhöiga iñini yuai mi

* 1:7: Kol 1.14

asuhumapkö al mamböta jörömqöröm aknegöra enggoholök. Jörömqöröm aketka Jisösnöj kunbuk asuhuiga aködamunjinambuk aknej, injini oyaenjoyaen mianjö könañi möt sölöngömegöra köulukömakzal.

¹⁹ Möt narim wanjiinga Anutugö kukösum köhöikñan urunine sehiba nup memakzawi, mianjön mönö keta bölökñi teteköñi qahö akza. Injini mianjö könañi möt kutumegöra köulukömakzal. Ösum-mumuñi wewelipñambuk mianjön silenini kutuba inahöm nenjimakzawi, Anutunöñ mianjö kukñi kewö kondel nenjiyök:

²⁰ *Anutunöñ kukösumñi nupnöñ ala Kraist mem gulim wanji kömupnöhök wahörök aka wanjiriga Suep mire öngöba selñi selñi liliköba jakeni jakeni engongiriga Anutunöñ böröñi ölñe dum tatat mutukñe ali tatza. ²¹ Ali jakömbuak dumñe tata öroyuai pakpakö bohonina kinja. Bem suahö galöm aka yengö nemböñine jembon pom aka gawman kiap öngöñgöñi eretñi kukösumñinambuk kembu ak nenjimakzei, Kraistnöñ mönö mi körek pakpak galöm köñ engimakza. Suep mire, gölmenöñ aka mietkö sutñire galöm qet pakpak qet engigetka bisizei, Kraistnöñ mi körek engongita öngöza. Gölmegö nalö kewöñeyök qahöpmö, könañep nalö qainñi kun asuhuiga mal öngöbini, mianjöreñ mewöyök öroyuai pakpak galöm köla mal öngöma.

²² **Anutunöñ unja, ömewöröme, ambazip aka öroyuai pakpak mi memba eta Kraistkö bapñe al nenji malinga Kembunini öngöñgöñi akza. Anutunöñ Kraist mi urumelen könagesö nenjiba bohonini kinmapköra kunjum wanjiiga malja. ²³ Yanjön kötal nenjiba bohonini aiga nenjön yanjö ölñanjö köna börö su-urupñi akzin. Kraistnöñ nörowök aiga qahö dop kölbawakmö, nenjön yanjö törömunñi aka toroqeinga ölñan asuhum tinjiriga dop kölja. Kraistnöñ mewöñanök öroyuai pakpakö törömunñina kun aka toroqeiga körek pakpak mienjön mönö Anutugö aködamunjinambuk asuhuba dop köla anakze. Mewö.

2

Köhömuneyök guliba Kraistpuk köhöiba maljin.

¹ *Mutuhök köna ongita singisöndokñi singisöndokñi akerangöra malmal köhömuñi mala kotket. ² Injini nalö mianjöreñ gölmegö ahakmeme bölöñi wuatangöget. Ömewöröme yengö Kembuninan nalö kewöñe Suep gölme sutñire mala qeqetal ambazip uruñini sölölohöba galöm köñ engimakzawi, mönö yanjöreñ qekötahöba tem köñ wanjiba malget.

³ Nenjön körek mewöñanök mutuk yengö sutñine silebile aka lañ malin. Uru silegö sihim kömbönañnini bölöñi wuatangöba nanine imbi-imbi malin. Mewö lañ malinga Anutunöñ nenjehi qahö dop köliga irimsesewölñi qaknine ali malin. Qeqetal ambazip tosatñi yengö dowök Anutugö irimsesewölñanjö buñaya aka malin.

⁴ Mewö malinmö, nalö kewöñe mewö qahö. Anutunöñ ak-kömökömuñi teteköñi qahö mianjön mönö jöpaköm nenjiyök. ⁵ Köna ongita Anutu qetala mianjöra köhömuñi aka malinmö, Anutunöñ Kraist mem guliyöhi, nini mewöyök mönö mewöñanök mem gulim nenjiiga köhöiba maljin. Yanjö kalem möriamñan mönö amöt qem enjiiga kunbuk letotket.

⁶ Kraistnöñ wahöröhi, nini mewöyök mönö mewöñanök nenjömindiga köhömuneyök wahörin. Anutunöñ Kraist Jisös wanjiriga Suep mire

öngöyöhi, nini mewöyök mönö mewöñanök Suep malmalgö jake ahözei, mönö miangören al nenngiiga yambuk tosatñi galöm köl engiba maljin.

⁷ Anutunöñ kewögöra mewö al nenngiyök: Anutunöñ kalem möriamñangö köweni teteköñi qahö mianñon aukne asuhui möt asaribingöra mörök. Möt asariba könanjep nalöñi nalöñi qainñi kun asuhugetka teteköñi qahö mal öngöbini, nalö miangören mi nenngim qarimapköra mörök. Anutunöñ Kraist Jisös melaiiga kaba urukalemñi mewö kondel nenngiyök. ⁸ Anutu möt narim wanngigetka kalem möriamñan mönö amöt qem engiiga kunbuk letotket. Nanñini nam köl anguba mewö mianñon qahö letotketmö, Anutunöñ mi kalemña ak engiyök. ⁹ Nanñinak yuai kun ak sorokögerangöra aka qahö letotket. Kunöñ kun nanñi silenji memba öngöbapuköra mönö kalem möriamñangörök aka mewö ak engiyök.

¹⁰ Nini Anutugö börösöwöya maljin. Kraist Jisösbuk qekötahöinga Anutunöñ uru dölökñi miwikñaiba al nenngiyök. Anutunöñ qelñije nup ölöpnji ölöpnji möwölöhöba mözözömgöyöhi, nenñon mi memba malbingöra mewö miwikñaim nenngiiga maljin. Mewö.

Kraistpuk qekötahöba ölnji mohot akzin.

¹¹ Miangöra aka Efesus inini mutuk Juda ambazip qahö ahuba Anutugö könagesö qahö malgeri, mönö mi mötmöriba malme. Tosatñan engöra kewö jiba jim engimalget, “Nini Anutugö aiwesökñinambuk maljinmö, kantri tosatñi inini ambazip omanji aiwesökñini qahö!” Qet mi azi börönöñ aiwesök silenene yandimakzei, mönö mi mötmöriba jimalget.

¹² Inini nalö miangören urunñi Kraistpuk qahö jöhöba öne yaigep malget. Kian kantri inini Juda könagesö nenngö kau likepurupnina malget. Anutunöñ ambazip nanñangöra möwölöhöm nenngii maljini, inini nenngö sutnine qetñini qahö malget. Anutunöñ Buñanji alaurupñi engimangö jiba keu jöhöyöhi, inini mi qahöpmahöp möt kutuba tönpin malget. Oyaenkyoaen akingö jörömörömñini qahö. Anutunñi qahö tandök gölmenöñ önewat lan malget. Mönö mia mötmöriba malme.

¹³ Inini mutuk tikep malgetmö, Kraist Jisösbuk qekötahögetka sepñan sanjon engiiga nalö kewöñe amqeba Anutugö kösutñe kaba malje.

¹⁴ Kraistnöñ nanñak luai Tonini akza. Yanñon Juda könagesö aka kian kantri ambazip kambu yahöt nini mindirim nenngiiga kutulangömaksin. Sutnine kerök ahöba sel paset köhöikñi ewö menden nenngiyöhi, yanñon mönö sonjo mi tumbaköba lulunñiga urumelen könagesö mohot akzin. ¹⁵ *Jisösnöñ nanñi gölme silenjan kömuiga mewö mianñon Juda nenngören Köna keu aka miangö jöjöpan keunji aka jimkutukutu tosatñi mi könderñök. Sile kambu yahöt mindirim nenngiba könagesö dölökñi mohot akingöra mi könderñök. Miangöra uru dölökñi miwikñaiba al nenngiiga Kraistpuk qekötahöinga sutnine luai qei asuhum nenngiyök.

¹⁶ *Kraistnöñ kömumba keröknini maripomnöñ qem kömui erök. Silenji mohot miangö sepñan mönö ambazip kambu yahöt nennguanñiriga ölöp lilingöba Anutugö kösutñe kabin. Mewö mindirim nenngiiga ölöp böröqeqe akin. Mi ak teköba Kraistkö ölnji mohot aka maljin. ¹⁷ *Kraistnöñ kaba luai asuhumapkö Buñanji mi kian kantri ambazip Anutu andö qeba tikep malgeri, engöra jim asarim engiyök aka Juda ambazip Anutugö kösutñe malini, mönö nenngöra mohot jim asarim nenngiba malök. ¹⁸ Kraistnöñ

Juda aka kian kantri ambazip nini körek nam köl nenjiiga Uña Töröñi mohotjan köna kondel nenjiiga ölop anqeba Iwigö jemesoholne angotpin.

¹⁹ Mianğöra injini Juda ambazip qahöpmö, tondup kian ambazip qandakñi mi qahö toroqeba malje. Anutugö miri gölme tonji sarakñi aketka nembuk mohotqe Anutugö urumelen könagesö akzin.

²⁰ Kezapqetok ambazip yeñon mutuhök Anutugö keunöñ tandö esim kungugetka Kraist Jisösnöñ nanjak kaba tandö kömbönañnini aka aposol melaim nenjiiga bohonini kiniga Anutugö urumelen jikeya akzin. Injini mewöyök tandö mianğören angota nanğönañgö ak anquba köhököhöi miwikñaimakze. ²¹ Yanñon mönö miri mi jömuqñanök mindirim jöhöiga kinakza. Nini Kembubuk qekötahöba kinda kutulañgöinga mötnaripninan köhöim qariiga Anutugö urumelen jike kömbukñi akzin. aka ²² Injini mewöyök Kembangören qekötahöba urumelen alaurup tosatñi yembuk kutulañgöba mohotqe kinda uruñini nanğöm anquba köhököhöi miwikñaimakze. Mewö kinda Anutugö urumelen jike aketka Uña Töröñi uruñine ala mianñon nanjak jikenji mianğö uruñe malja. Mewö.

3

Polnöñ kian kantri yenğören anda Buña nup meyök.

¹ Könañi mianğöra aka Pol nöñon kian kantri ambazip injini bauköm enğimangöra nup memba maljal. Mewö malbiga Kraist Jisösgö nupñi mealangöra kösö mire al niñgigetka tata simin köla köulukömakzal.

² Anutunöñ kalem möriamñi kantri tosatñi enğöra mendenj enjiiga ölöwakñegö nup niñgiyöhi, injini mi ölña möt teköze. ³ Anutunöñ keu arenji tölapñi indela jüiga möt yaközali, keu mianğö könañi lök töröñanök ohom enğial. ^{4*} Ohom enğiali, injini kulem mi oyoñda ölop nöñgö könani kewö möt asarime: Nöñon Kraistkö könañi tölapñi mi ölopñanök möt kutuzal.

⁵ Möpñangö möpñeyök ambazipnöñ könahiba mala kota malgeri, yeñon nalö mianğören Buña tölapñi mianğöra tönpin malget. Mewö mala kotketmö, nalö kewöñe Uña Töröñan mi Anutugö aposol aka kezapqetok ambazip tök-kutukutuñi nenğöra jim indeli mötzin. ⁶ Buña tölapñi mi kewö: Kraist Jisösnöñ Buña nenğimapkö jiba keu jöhöyöhi, injini mi Juda nembuk öröröñ anğön köla memba malje. Ölöwak Buñanöñ mianğö könañi mi kian kantri ambazip enğöra mewöyök kondel enğimakza. Injini uruñini melenja ölop nembuk mohotqe kötümötuetñangö Buñanji dop mohot memba malje. Uruñini Anutubuk jöhöba mohotqe Kraistkö ölnji aka nembuk kambu mohot kinjin.

⁷ Yanğö kukösumñan mönö nöñgö uruni sölölohöiga uruni melenbiga Anutunöñ kalem möriamñi söñğöröñi qahö niñgiyök. Mi niñgiiga köna asuhuiga Ölöwak Buñagö nup meme azia ahal. ⁸ Nöñon Anutugö könagesö sarakñi pakpak enğö nembö bapñine eretñi kötökñi maljal. Mewö maljalmö, Anutunöñ tondup kalemñi öñgöñgöñi kewöñi niñgiyök: Nöñon Kraistkö oyaenköyaen Buñanji mi kian kantri ambazip enğöra jim asarimangö simbawon mötzal. Oyaenköyaen mianğö könañi mi körek esiba möt kutum teköbinangö dop qahö.

⁹ Anutunöñ möpñangö möpñe yuai pakpak miwikñaiba Buñanji tölapñi közamböriiga ambazipnöñ mala kota malgetka nalö mianğören tönpin malget. Mianğöra nöñon Anutugö Buña arenji tölapñi mi galöm köla malbiga

* 3:4: Kol 1.26-27

ölnambuk ahakza. Nöñön miangö könañi aukñe jibiga ambazip köreñan möt sölöngömögöra simbawoñ mötzal.

¹⁰ Anutunöñ mötkutukutuñi qainñi kun könañi könañi indel nenñiiga nalö kewöñe urumelenj zioz kambu sutnine eraum möringa aukñe ahum sehimakza. Anutunöñ urusihimñan kewö mörakza: Bem suahö galöm aka pom garata öngöngöñi eretñi Suep gölme sutñire öroyuai pakpak galöm kölakzei, yeñön mewöyök Anutugö mötkutukutuñi mi kezap ala mötmögöra mörakza. ¹¹ Yeñön mi mötmögöra Anutunöñ Buña areñi mi möpñangö möpñeyök nalö qahöpñe uruñan jim köhöiba ali ahöyök. Miangö dop Kembunini Kraist Jisös melaiiga ölni miwikñaiiga könagesöurupñi aka mindiriba kinjin.

¹² Kraistpuk qekötahöba kinda möt narim wañgiinga Anutugö nanñuñan mewö taliga ölop yangö jemesoholñe añgotpingöra awösamkakak kinjin. ¹³ Miangöra kewö ulet enñizal: Nöñön kösö mire tata enñön ölöwakñegöra aka köñjiliñ möta malakzali, miangöra uruñinan mönö kude etma. Inini nöñgö sihimbölöni miangöra aka ölop aködamunñinambuk akñe. Mewö.

Polnöy Efesus yeñgöra kewö köuluköyök:

¹⁴ Könañi miangöra nöñön Iwinini simin köl wañgiba köulukömakzal. ¹⁵ Yañönök mönö iwinini mutukñi akza. Yangö dop Suep aka gölmegegö könagesö pakpak neñön iwi qet memba qerakzin. ¹⁶ Kewö köulukömakzal, “Anutu, gi mönö Unagi Töröñi al enñinöñga uruñinan köhöimakña. Göhö Buñagi kukösumñi buñabuñañambuk mi teteköñi qahö köwege ahözawi, gi mönö kukösumgi miangö dop mem köhöim enñimakñan. ¹⁷ Mem köhöim enñinöñga ölop Kraist möt narim wañgigetka uruñine dumñi memba malma. Mewö maliga kesötñini Kraistkö urukalemñöñ möndömgöba mendawölget geiga töndangöba kinme.

¹⁸ Urukalemñan nam köl enñiiga könagesö sarakñi pakpak yembuk ölop Kraistkö urukalemñangö könañi möt kutume. Jöpaköm neñgimazawi, urukalem miangö dopñi kewö: Görañi likeplikep teteköñi qahö an bibi-hiza. Köröpñi enduyangö enduñe angaiza. Köröpñi euyangö euñe öngöza. Mewöyök dutñe emuyangö emuñe geba ahöza. ¹⁹ Kraistkö urukalemñan mönö gölmegegö mötmötninangö dopñi onñitza. Mi möt kömumegöra kewö köulukömakzal: Anutu, gi mönö aködamungi pakpakö dop mötmöt Buñagan uruñini kokolak qeba musulungöm enñiman.”

²⁰ Anutu mewö köuluköba kewögöra möpöseimakzal: Nini mötmötnini onñitza yuaigöra köuluköba qesibinak me jemelenj imut ala mötmöribinak ewö, yañön mönö yuai mi ölop köhöiba neñgima. Anutu kukösumñan urunine nup memakzawi, yañön mönö miangö dop köuluk aka mötmöt dopnini onñit teköba amqeba yuai pakpak ölop ak neñgimakña. Miangöra möpöseim wañgimakin. ²¹ Urumelenj könagesö neñön tokoba Kraist Jisösgöra aka Anutugö qetbuñani möpöseininga aködamunñambuk aka ahöma. Mi gwöt isik ahöm köhöiba teteköñi qahö ahöba öngömei, nalö miangöreñ mönö mewöñanök aködamunñambuk aka ahöma. Keu mi ölna.

4

Kraistnöñ mindirim nenñiiga ölni mohot akzin.

¹ Nöñön Kembubuk qekötahöba kinda nupñi mealangöra kösö miri azia akzal. Keu mi jim teköba uruñini keu kewö jiba kuñguzal: Anutunöñ ahakmeme aködamunñambuk aka memba malmegöra enñgohölöhi, miangö

dop injini mönö malmal qainnji kun malme. ²*Mönö urunini memba et ala keu bapne anda gunbönjönjöh qakne ambazip ak engiba malme. Lömböt mökösonda malme. Mönö lolongöba bölöngö kitipnji kude mememö, qaqaengiba jöpaköm anguba malme. ³Uña Törönan urunini qezaköba luaigö kösonöh jöhöba mindirim engimakzawi, injini mönö uru jöhöjöhö mi sutjne ahömapköra kapan köla kinme.

⁴Anutunöh engoholöhi, miangören mönö öröröh oyaenkoyaen akingö jörömörömñini mohot miyök al engiiga al mamböta malje. Miangö dop injini mewönanök Kraistkö öl kembangan mohot aketka Uña Töröni mohotnö mönö inahöm engiiga malme. ⁵Kembunini mohotnö galöm köl engiiga öröröh möt narim wangigetka o melun mohot miyöhök mem engigetka mohot aka malje. ⁶Anutunini mohotnö körek iwi ak nengimakza. Yanön yuai pakpak körek nengongita Kambu öngöngöni ak nengimakza. Mewö aka jitji tem kölböngöra körek kunguba inahöm nengiba urunini dop malmal tatat ak nengimakza.

⁷Miangö dop öröröh Kraistkö ölni mohot maljinmö, Kraistnö kalem möriamñi mokoba sihimnangö dop nengiyök. Nup memegö mötmöt kalem könanji könanji mi mohot mohot nengöra dopnine menden nengiiga maljin. ⁸*Miangö keunji mi kewö jigetka Buña Kimbinöh ahöza, “Yanön euyangören öngöba kindä kösö ambazip gwötpuk engömeiga buñaaurupñi aketka kalemñi kalemñi mi ambazip nengöra nengiyök.”

⁹“Euyangören öngöyök,” Anutunöh keu mi mönö denöwögöra jiyök? Miangö könanji kewö: Kraistnö mutuk Suepnöhök erök. Mönö gölme dutje emuyangören geyök. ¹⁰Eröhi, yanön mönö mewöyök lilingöba eu öngöyök. Öngöba Suep mirigö jakenji pakpak nengongita qakne euyangören öngöba malja. Miangören mala Suep gölmegö öryuaiñiri pakpak mi ösumñan kokolak qeba jömuk dop köl teköba malja. ¹¹Kraistnö ambazip nengöra mötmöt kalemñi könanji könanji kewö menden nengiyök: Nupñi menden nengiiga tosatñan melaimelai ambazip bohonñi (apostol) aket. Tosatñan kezapqetok ambazip (profet) aket. Tosatñan urukungukungu ambazip (ewanjelis) aket. Tosatñan lama galöm (pastor) aka kusum nengineñgi böhi qaquza aket.

¹²Kraistkö ölni mi urumelen ambazip. Neñön yengö urunini nangöinga köhököhö miwikñaibingöra nupñi mewö mendenja kungum nengiyök. Könagesö sarakñi neñön körek urugö nupñi mendingö jöjöröm teköba malbingöra aka mewö inahöm nengiyök. ¹³Mewöña mewö nup murutñi murutñi memba mala Anutu möt nariba könanjep Nahönñi möt yaköm soroköba miangören qezaköm anguba mohot aka kinbin. Anutugö mötmötñi aka aködamun yuaiñi pakpak mi mönö körekñanök Kraistkören ahöza. Neñön Kraistkö köwenyök mötmöt ösumñi öringa musulungöm nengiiga qarim sehiba köhöiba malinga aködamunñi köl nengii körek asuhui malbin.

¹⁴Toroqeba namande tandök malbinbuköra Kraistnö urunini kunguba nanñi ewö aködamuninambuk akingöra inahöm nengimakza. Namande tandök malinga qewölon ambazipnö areñ i me wai ala möndöba tutuhum nengigetka tala et nenguyöhi, injini mönö miangö dop aka lan malbepuk. Luhutnö lilikqilik qeiga köwetnö kunduriga sirinöh gödöwöröt lan wangiriga an qem kam qem aka simbiñsamban ahakza.

* 4:2: Kol 3.12-13 * 4:8: Sum 68.18

Miangö dop gölme ambazipnön silenön alal aka unji memba tilipmötmöt miwikñaiba ambazip lañ kusum enjigetka janjuñ ahakze.

¹⁵ Miangö dop lañ kude malmemö, keu ölnanök töp jiba jöpaköm anğuba malme. Mewö mala Kraistnön nöroñpini akzawi, kesötñini mönö yanğoreñ möndömgöget geiga töndangöba yuai pakpak miangöreñ qarim köhöiba aködämunñinambuk aka malme. ¹⁶ *Kraistnön nöroñpini aka ölni jömuhök galöm köl neñgiiga ginimuramñi köreknan mönö ölnanğö köna böröñi mindiriba jöhöm neñgigetka kutulanğömakzin. Ösum mohot mohot ahöm neñgizawanğö dop mönö nupnini memba kötöngöba jöpaköm anğuinga ölni miarñön köhöiba qarimakza. Mewö.

Asakñanğö ahakmeme dölökñi aka memba malme.

¹⁷ Mewö akzinanğöra nöñön Kembangö jitñe memba galöm meme keu kewö jibi möt yaköme: Urumelengö kopa ambazip uru mötmötñini sohoiga nesak ewö aka öne omani lañ malakzei, inñi yanğö tandök bölöñi kude toroqeba aka memba malme. ¹⁸ Urumelengö kopa ambazip yanğö urumötmötñinan söñauiga Anutubuk malmalgöra siksauk aka sohoze. Mötmöt bölöñan uruñini gwözönğda duhuyöhanğöra aka gukmaulem aka tönpin malje. Miangöra Anutugöreñ malmal köhöikñe qahö qekötahömakzemö, nanñinök lañ töhön malje. ¹⁹ Galömnini qahö mem anğugetka uruñini gwözön teköiga gamu tanğen malje. Uruñini kaiserönön jöhöba qewölon yuaigöra lañ söñgaiba tölöhomakze. Yuai membagan membingö nepaqepalok köpösönğömakze.

²⁰ Yenñön mewö ahakzemö, inñi Kraistpuk malmalgö könañi mi mewö qahö kusum enjiget mötket. ²¹ Inñi keu ölnanğö Tonji Jisösbuk qekötahögetka miangö dop könañi kusum enjigetka ölni kewö möt yaköget: ²² *Mutuk ahakmemeñini walñi wuatangögetka sihim kömbönañini bölöñan isimkakalek ak enjiiga ayuhum anğubingö aket. Köna kusum enjiget mötkeri, miangö dop mönö uruñini walñi meteköm gila andö qeme.

²³ Urumötmötñini mem guliget kölöñaiba malmegöra köna kusum enjiget. ²⁴ *Anutunön nini nanñi kaisongolomñanğö dop sarakñi aka mal köhöibingöra miwikñaime neñgiyök. Uru dölökñanğö malmal solanñi wuatangöbingöra mönö al neñgiyök. Miangöra uru dölökñi miyöhök mönö böc kölget geiga malme. Köna mi mönö mewö kusum enjigetka möt yaköget.

²⁵ *Köna mewö ahöiga nini Kraistkö ölni mohot miangö uruñe darumun ewö mindiriba ala-ala aka maljin. Miangöra muneñ mi mönö meteköm gilget geiga sutñine keu ölnanök pakpak eraum möta malme. ²⁶ *Tembula kukpiriñnön akñe ewö, mönö töndup siñgisöndok kude akñe. Irimñini seholimawi, keuñini mi mönö zilañ wehön jeñan qahö teköba geiga jim tekögetka solanima. ²⁷ Mewö Bölöñanğö Tonjan sutñine kanğotpapuköra qeapköba nalö kun kude wanğiba zilañ yakörime.

²⁸ Kunñan yoñgorö meme malöhi, yanñön mewö kunbuk kude akña. Mewö qahöpmö, mönö nanñi böröñan nup kapan köla memba malma. Nup memba nanñi nene inapñi miwikñaiba ölop amqeba ambazip wanapñi nanğöm enjimakña.

* 4:16: Kol 2.19 * 4:22: Kol 3.9 * 4:24: Jen 1.26; Kol 3.10 * 4:25: Zek 8.16 * 4:26: Sum 4.4

29 Keu lösö kun jitñineyök kude etmapmö, keu ambazip urunini nanğöba mem köhöimawi, mönö miyöhök jiba malme. Ambazip keunini möta urunini ahözawağö dop qambangöra osizei, mönö miangö dop goro engigetka keu nahömñi möta ölöwakeak. 30 Anutunöñ buñaurupñi sohopeni meiga Suepnöñ öngöbini, nalö miangöra aiwesökñi kömbönañi mekötahöm enjiiga urunine geba Anutugö muñgemñi akza. Miangöra Anutugö muñgemñi Uña Töröñi mi mönö wösöbirik kude qem wañgime.

31 Inini mönö urukömbuk, urukondum aka urusıngok pakpak mi qeköba gilget köröwen tatma. Urukönöpnöñ kude jula engohoiga uruninan auba yom qeta jim angubepuk. Mewöyök andöqege keu töhöreñ mi kude jime. Angöjörak könañi könañi urunini tölöhobapüköra mi mönö körek andö qegetka tikep ahöma. 32 *Tikep ahömapmö, ala-ala ak anguba mököliba guñböñjönjön qakñe ak anguba malme. Kraistpuk qekötahögetka Anutunöñ sıngisöndokñini mosöta sanğon enjiyöhi, inini mönö miangö dop toroqeba köpösihitñini mosöt anguba malme. Mewö.

5

Anutugö asakñe malmal mi kewö:

1 Anutugö wölböt nahönböراتurupñi akzeangöra silikñini mönö kapan köla Anutunöñ ahakzawağö dop aka wuatangöba malme. 2 *Kraistnöñ jöpaköm neñgiba malmalñi neñgöra aka köleñda mosörök. Jöwöwöl ohogetka köwakñan öngözapma, Anutunöñ miangö dop Kraist malmalñangö kalemñi mi möt angön köli wörönñi umköhöwakñambuk ewö aka yağö jene pukpüköiga söñgaiyök. Inini mönö mewöyök urukalemñöñ kinda Kraistkö dop jöpaköm anguba aka memba malme.

3 Serowilin, qewöloñ angöjörakñambuk könañi könañi me yuai membagun membingö nepaqepalok (gridi) silikñi mi Anutugö jene qahö dop kölja. Miangöra Anutugö ambazip sarakñi akzeangö dop yuai mewöñangö keunı kun mi sutñine kude misiriba jigetka mötme. Saumbañ!

4 Angögönahitnöñ lösö keu imbilonñambuk aka uruqahö keu sinñi sinñi mi kude jime. Miangön urunini tölöhoiga qahö dop kölja. Miangöra mi mönö mosöt teköba möpömöpösei keu jim sehiba malme.

5 Keu kötñi ki mönö möt kömume: Kunñan serowilin me qewöloñ angöjörakñambuk me membagun membingö nepaqepalok köpösöngömakzawi, yağön mönö Anutugö bemtohoñi buña qem angumangö osima. Ahakmeme miangön bem munenñi me tandö lopion möpöseim enjimakzeangö tandökñi akza. Mewö akzawağön mönö Kraist aka Anutu yetkö bemtohoñ urune angotpingö osima.

6 Anutunöñ sıngisöndok mewöñangöra aka tembula irimsesewölñi qegetal ambazip yeğö qakñine ali öngömakza. Miangöra kunñan keu omanñi mewöñi jiba kelök ala tutuhuba tilipköm enjibapuk. 7 Miangöra ambazip mewöñi mönö andö anguba yembuk köisirik kude malme. 8 Mutuk söñapuk malgetmö, nalö kewöñe Kembubuk qekötahöba kinda yağö asakñambuk malje. Ahakmemeñini mönö asakñangö buñaya akzeangö dop aka memba malme. 9 Asakñangö buña akzeangö töhötmöriam ölni mi kewö: Inini ahakmeme ölöpnı wuatangögetka Anutunöñ keunıñi jim teköi

* 4:32: Kol 3.13 * 5:2: Eks 29.18; Sum 40.6

solanime aka keu öl töhönnanök jiba malme. ¹⁰ Wani yuai Kembangö jeñe dop kölmawi, mianğö könanj mönö jaruba kewöta möt asarime.

¹¹ Söñaupkö ahakmeme gilipitñi (ambetakñi) aka memakzei, yembuk mönö köisirik kude toroqeba malme. Yenğö bölöñamñini mi mönö indela asakñe ala jim enğime. ¹² Tosatñan singisöndok tölapñe ahakzei, mi mönö aukñe jibingö gamuñambuk akapuk. ¹³ Anutugö asakñan singisöndokñini pakpak mem asariğa könanamñini ölnan mönö aukñeyök asuhuma. ¹⁴ Asakñanğö Tonjan mönö tölapñanğö yuaiñi pakpak indeliga asakñe aukñeyök ahöma. Mianğöra keu kun kewö jigetka ahöza,

“Gaun ahözani, gi mönö imbigi mötnöñ.

Mönö köhömuñeyök guliba wahötnöñğa Kraistnöñ mem asarim gihima.”

¹⁵ Keu mianğö dop ahakmemenñini mönö mötkutukutu qakñe aka memba malme. Morop aka tönpin malbepüköra mönö ölöpñanök galöm mem anğuba malme. ¹⁶ *Kewöñe nalö bölizawanğöra aka urugö nup membingö köna kun ahumawi, nalö mi mönö kude mösöhöba ayuhumemö, ambazip qöhöröñine anda ösöñ qambañ köl enğime. ¹⁷ Mianğöra uruqahö ewö lanj kude malmemö, Kembangö jitsihitñi mi ölöpñanök möt asariba kinme.

¹⁸ Wain o köhöikñi nempa enjololonj akepuk. Nanñini imbi-imbi malgetka mötmötñini bölöñan asuhugetka söñaup malmalnöñ titeköba geba ayuhubepuk. Mianğöra enjololonj akepukmö, Uñan Töröñan mönö uruñini kokolak qemapköra kapanj köla kinme. ¹⁹ *Mönö Buñja keu eraum möta Sumbara (sam), möpömöpösei linjet (omsa) aka urugö linjet tosatñi mi urukönömñinan köla Kembu möpöseimakñe. ²⁰ Mewö me mewö asuhuiga mianğöra mönö Kembunini Jisös Kraistkö qetñi qeta Iwi Anutu sundan saiwap jim wanğiba malme. Mewö.

Awanöm yenğö goro qambañ keu

²¹ Kraistkö jitñi onğitpepüköra kenğötñini möta mönö sutñine keu bapñe anan ak anğuba malme.

²²⁻²³ *Kraistkö ölni mi urumelenj könagesö. Yanñon mianğö nööröñji aka Amötqeçe Tonji akza. Mianğö dop azinöñ mewöyök anömñanğö nööröñji akza. Mianğöra ambi inñini mönö Kembangö keu bapñe anangö dop nanñini apurupñini göda qem enğiba keuñini bapñe anda malme. ²⁴ Urumelenj könagesö neñon Kraistkö keu bapñe kinñini, mianğö dop ambi enñon mewöyök mönö apurupñinanğö keu pakpak wuatangöba malme.

²⁵ *Kraistnöñ nanñi könagesöñi jöpaköm neñgiba neñğöra aka malmalñi tököba köleñnöhi, mianğö tandök azi enñon mönö mewöyök anömurupñini jöpaköba urukalem ak enğiba malme. ²⁶ Kraistnöñ könagesöñi Buñja keuñan tök kutuba ambi buñanj sarakñi akingöra o ewö mianñon sanğorjda mösolorjanim neñgiyök. ²⁷ Yanñon nini ölülp sorok akingöra möta uru sönuetnini mösolorjaniba töwöt boromñi kun qahö akingöra kapanj kölakza. Könagesö sarakñi köpösihitkö keunini qahö akingöra mörakza. Kraistnöñ kaba neñguanğiriga asakmararane eu anğoringa jihilalomñan neñguiga ambi buñanj ewö nini nanñi jemesoholñe al neñgiiga aködamininambuk kinbin.

²⁸ Azi inñini mewöyök mönö Kraistkö tandökñi mewöñi wuatangöba anömurupñini jöpaköm enğiba malme. Anömñi jöpakömakzawanñon mönö

* 5:16: Kol 4.5 * 5:19: Kol 3.16-17 * 5:22-23: Kol 3.18; 1 Pitö 3.1 * 5:25: Kol 3.19; 1 Pitö 3.7

nannji köyan köl anğumakza. Mianğöra nannjini silenini köyan köl anğumakzeanğö tandök mönö anömurupnjini köyan köl enğigetka dop kölma. ²⁹ Kunnan kun nannji silenji nalö kunöñ kazik qahö ak wangiyökmö, körek neñön silenini gumohoba köyan kölakzin. Kraistnöñ mewöyök könagesöurupnji nini silenji ewö keujan gumohoba köyan köl neñgimakza.

³⁰ Urumelenj könagesö neñön Kraistkö ölnji akzin. Neñön Kraist ölnjanğö törömunji aka maljin. Mianğöra gumohom neñgimakza. ³¹ *Buña keu kun kewö ahöza, “Mianğöra azinöñ mönö iwinamnji etkömosöta anömñambuk qekötahöba yahöt yetkön silemohot aka malmahot.” ³² Keu mi söpsöp keu tölapnji. Mi Kraist aka urumelenj könagesö neñgö uru jöhöjöhöninanğöra jiba ohozal. Keu areñ mianğö könaji mi tölapnji aka dutnji gegenji. ³³ Mewö akzapmö, enğöra keu mi kewö jizal: Injini mohot mohotñan mönö mewöyök anömurupnjini nannjini köyan köl anğumakzeanğö dop jöpaköm enğiba malme. Anöm enñön mönö mewöyök apurupnjini göda qem enğiba malme. Mewö.

6

Nahönbörat aka iwinam yenğö uru jöhöjöhö

¹ *Nahönbörat enğoreñ ahakmeme diñdiji mi kewö: Injini mönö Kembubuk qekötahöba iwinamyahötnjini yetkö jitñjiri tem köla wuatangöba malme. ² *Anutunöñ jöjopañ keu 1-2-3 miengö teteköñe töwa likepñi neñgimamgö qahö jii ahözapmö, jöjopañ keu janğö 4 mi törömunñambuk. Mutuk kewö jiza, “Iwinamyahötiki mönö göda qem etkiba malman.” Keu mi tem kölinga Anutunöñ töwa likepñi neñgimamgö keunji kewö jöhöi ohoget ahöza, ³ “Göda qem etkinöñga Anutunöñ töhötmöriam gihiiga toroqeba gölmenöñ nalö köröpñi malman.”

⁴ Nahönbörat urupnjinan irimsesewöl akepeköra iwi enñön mönö urukanjam kude ak enğiba malme. Mewö qahöpmö, Kembugö Köna keu tem kölmegöra kusum enğiba mianğö dop mindinğöm enğigetka qarime. Mewö.

Welenqeçe aka galöm yenğö qambañ keunjini

⁵ *Welenqeçe injini mönö gölme qakñe galömurupnjini yenğö keunjini Kraistkö keu ewö tem köla jöranñtauat kude ahakñe. Keunjini onğitpepeköra sömbuñjini möta jönömñinambuk undui malme. Urugenmoñ kude aka böñ kinda aka memba malme. ⁶ Köñdowoñ aketka ambazipnöñ enğek sorimegöra qahöpmö, urupnjini nupnöñ ala memba Anutugö jitsihitñi wuatangöba Kraistkö welenqeçe tandök ahakñe. ⁷ Gölme ambazip welen qem enğiba mewö mianñön Kembugö welenñi qemakzin. Mewö möta nupnjini mönö Kembugö jeñe dop kölmawangö dop uruölöwakupuk memba malme.

⁸ Keu ki mönö mötme: Enğö sutñine tosatñan nup tonji malje aka tosatñan tonjini töwa qahö öñe welen qem enğiba etqeçenji malje. Mi töndup denike yeñön nup ölöpñi mi me mi memakzei, Anutunöñ mönö mianğö töwanji al enğiiga buña qem anğume. Keu mia mönö mötmöriba malme.

⁹ *Tourup aka welenqeçe enğö Kembuñjini mohot yanñön Suep mire malja. Yanñön ambazip tosatñi qahö enğek soriba tosatñi qahö qepureim enğimakzapmö, dop mohotnöñ kewöta keunini jim teköm neñgima. Galöm

* 5:31: Jen 2.24 * 6:1: Kol 3.20 * 6:2: Eks 20.12; Dut 5.16; Kol 3.21 * 6:5: Kol 3.22-25

* 6:9: Dut 10.17; Kol 3.25; 4.1

inini mi möt kutuzeangöra mönö welengeqe alaurupņini simin titit ölöņņi dop mohot ak engiba öröm könöpkönöp memtöröp qemtöröp mosöta malme. Mewö.

Anutugö jurujamba jömuk memba malme.

¹⁰ Kimbini tekömangö aiga keu kewö ohozal: Inini Kembubuk qekötahöba kingetka kukösumņi ketaņan mönö inahöba töngum engiiga köhöimakņe.

¹¹ Bölöņangö Toņan silenöņ alalgö mötmöt areņ könaņi könaņi alakzawi, inini mi mesohol köla kin köhöimegöra mönö Anutugö wahijamba pakpak memba kölget gem angum teköiga malme.

¹² Nini gölme ambazip sep busuņinambuk yembuk bim qahö au-makzinmö, bem suahö galöm aka iwiluhut bölöņi bölöņi tuarenjōņ ak engibingöra kinjin. Bem suahö galöm bölöņi Suep gölme sutņire jakömbuak dumņine kinda kembu ahakzei, mönö mi qetal engimakzin. Mewöyök pom böhi öņgöņgöņi eretņi sutnine panamangö öme tohoņgö azi ipņi mala öroyuai pakpak galöm kölakzei, neņōņ mönö yembuk yarö gilakzin.

¹³ Mianğöra tuarenjōņ ak engibingöra mönö Anutugö jurujamba lökņanök memba kölget gem aņguiga kinme. Mewö kingetka kerökņinan nalö bölöņe engubingö gangömakņei, nalö mianğoreņ mönö ölöp amqeba yarö gila tötal engime aka yarö mi teköiga ölöp miri gölmeņine kanjam köla kinme.

¹⁴ *Wahijambaņini mönö kewö löņgöt angume: Keu ölnanök jijigö irimunğaņi mönö anjōņine jöhöba kinme. Ahakmeme solan sorokņi mi töptöpņine göwanğöwan (kapa maluku) ewö köla sel jöhöm anguba kinme. ¹⁵ *Köna esu böntōņök löņgöta ölöp töndangöba tiba anakzin. Mianğö dop inini mönö luaigö Buņaņi jim sehibingö jöjörögetka mianğōņ bohon köl engima. ¹⁶ Jurujamba miembuk toroqeba saiwa bohonņi qetņi mötnarip mi mönö buņa qem anguba sundan tenğöba kinakņe. Bölöņangö Toņan neņgeriba qönsihim neņgimangöra möta timbi liņgipņi mulahakzawi, mianğö esapesap könöņņi pakpak mönö suman mianğōņ qeapköba aņgōņ köl aņgumakņe.

¹⁷ *Anutugö Amötqeqe Toņi i mönö buņa qem angume. Buņa qem anguba kunbuk letotmei, dom-amöt mianğōņ mönö nöröņņini ain irik-marik ewö turuba aņgōņ köl engimakņe. Uņa Töröņan bingö sou ketaņi neņgizawi, mi Anutugoreņ Buņa keu. Mi mewöyök mönö buņa qem anguba urukönömmine ala bimņini mianğōņ qemakņe. ¹⁸ Wahöjambaņini pakpak mi löņgöt anguba mönö nalö dop Anutu köuluköba qesiba malme. Uņa Töröņan enğuasöta inahöm engimakzawangö dop mönö uletnöņ sahot wangimakņe. Mönö pōndan uruguliguli mala sundan Anutugö ambazip sarakņi pakpak yeņgöra aka kapaņ köla köulukömakņe.

¹⁹ Nöņgöra mewöyök kewö köulukömakņe, “Anutu, gi mönö keu kötni diņdiņi Pol waņginōņga göhö Ölöwak Buņagi tölapņi mi keu jitņan jimawangö dop jim asariba awösamkakahök kinda uru kuņgum engimakņe.”

²⁰ Nöņōņ Ölöwak Buņa mianğöra aka Anutugö jitņememe azi bohonņi akzalmö, nupņi memakzalaņgöra aka nalö kewöņe kösö mire tatzal. Mianğöra Buņa keu mi Anutugö jeņe dop kölmawangö dop awösamkakahök jiba malmangöra mönö köuluköba malme. Mewö.

Yaizözkök keu teteköņi

²¹ Wölböt alani Tikikus yanjon nongö kösohotni alma. Yanjon Kembubuk gekötahöba nupji memburik-qemburikji qahö memakza. Kiangörej denöwö aka memba tarakzali, mi pakpak jiiga injini mewöyök mi mötme.

²² Nejon denöwö maljin tatzin, injini kösohot mi mötmegöra Tikikus melaim wangibiga Efesus engörej kama. Yanjon kaba urukölalep engiiga ölop bönjöj malme.

²³ Iwi Anutu aka Kembu Jisös Kraist yetkön mönö urumelen alaurup engörej luai qeba urukalem ak engiba mötnarijini mem köhöimakja.

²⁴ Ambazip Kembunini Jisös Kraist nalö teteköj qahö jöpaköba malmei, Anutugö kalem möriamjan mönö körek embuk ahöba ahöm öngöma. Mewö.

Filipai Kimbi Polnõj Filipai yengõra Kimbi alök. Jim-asa-asari

Polnõj misin nup lilikõba meiga indimnji yahõt aiga Eisia Mainö (Töki) mosõta Yuröp gölmenõj anök. Anda Rom prowins qetnji Masedonia miangõrenj urunjni kunjui melengetka Kraistkõ kõnagesõ mutuknji mi Filipai sitinõj asuhuyök. Kõnanjep aposol Pol mi Rom sitigõ kösõ mire alget sihimbölö qaknje tariga nup meme ambazip tosatñan tuarenjonj ak wanjiget. Mi ak wanjigetka tosatñan Filipai urunje mewõñanök keu gonjonji kusum engigeranõra waimanjat mörök. Nalö miangõrenj Buña Kimbinji ki Filipai mötnarip kõnagesõ yengõra ohoyök. Waimanjat mörökmö, töndup urukölalep keu aka urunanõnanõj keu ki sösõngai qaknje ohoba alök.

Polnõj kösõ mire tariga Filipai mötnarip kõnagesõ yenõn baukõm wanjibingõra kalem alget kayõhi, yanõn miangõ saiwap jim engimangõra Kimbi ki ohoyök. Mi ohoba toroqeba urunanõnanõj keunji gwõtputuk mohotnje alök. Nanñak kõnjilinj kõnanji kõnanji möriga Filipai yenõn Polgõ keunji mi mötketka töndup kõhöiba awösamkakak kinmegõra uru nanõm engiyök. Goro keu tosatñi kewö: Nanñini silenini memba õngõba aiwelikõbepukõra mönõ galõm memba malme. Dogo jimamonj möta toroqeba nepaqepalok kõpösõngõbepukmõ, Jisõs ewõ urunjni mem et al anguba malme. Keu ki ölum engubapuk: Kraistpuk qekõtahõba kinjei, mi Anutugõ kalemnji akza. Juda yenõn Mosesgõrenj Kõna keu arenji tem kõla wuatangõba Anutugõra silik yuai ahakzemõ, urumelenj alaurup enõn mewõ qahõ. Enõn mönõ Anutu möt narim wanjigetka kalem möriamnji sõngörõnji qahõ engiiga buña qem anguba mewõ mianõn malmal dölökñi miwikñaiba malje. Denike yenõn Kraistpuk qekõtahõba maljei, Anutunõj mönõ i luai qem engiiga sõngaiba malme.

Kraist möt nariinga Anutunõj urusõsõngai nenjiiga ölöp awösamkakak qaknje mal kõhöibin aka urumelenj alaurup yembuk mohotnje kapan kõla kõhöiba kinbin. Polnõj miangõ keunji mi gwõtputuk ohoyök. Polnõj Filipai kõnagesõ yengõ waikñini kõhöikñi memingõ möta malõhi, miangõ keunji mi mewõyök auknje ohoyök.

Buk kianõ bahõnji bohõnji 7 mi kewö:

Keu mutuknji *1.1-11*

Polnõj denõwõ aka malök *1.12-26*

Kraistpuk malmalgõ kõnanji *1.27-2.18*

Timoti Epafroditus yetkõ nup arenji *2.19-30*

Tuarenjonj yenõn tilipkõm engigetka etpepuk *3.1-4.9*

Polgõ alaurup Filipai malgeri, yengõ keunjni *4.10-20*

Kimbigõ keu kötñi bohõnji *4.21-23*

¹* Pol Timoti netkõn Kraist Jisõs welennji qeba maljit.

Urumelenj kõnagesõ sarakñi pakpak Kraist Jisõsbuk qekõtahõba kinda Filipai sitinõj maljei, niri embuk aka engõ bohõnnini (bisop, pasto) aka Buña nup meme ambazip tosatñi (dikõn) embuk keu eraum mötpingõra möta kimbi ki ohozal.

* **1:1:** Apo 16.12

² Anutu Iwinini aka Kambu Jisös Kraist yetkön kalem möriam enjyohotka luainöŋ malmegöra mötzal.

Polnön Anutu möpöseiba köuluköza.

³ Nöŋön mötmörim enjimakzalaŋgö dop Anutu möpöseimakzal. ⁴ Nalö dop körek pakpak enğöra Anutu köulukömakzali, mi mönö sösöŋgai qakŋe köulukömakzal. ⁵ Nöŋön Anutu kewögöra möpöseimakzal: Inini Ölöwak Buŋanöŋ qekötahögeri, nalö mutukŋi miangöreŋök könahiba nömbuk bim qeba kötöŋöm niŋgiba mala kota malje. ⁶ Anutunöŋ uruŋine nup ölöŋŋi könahiba memba maljawi, mi mönö toroqeba meiga Kraist Jisösnöŋ kunbuk asuhumapkö nalöŋe teköma. Mewö möt narim köhöiba Anutu möpöseimakzal.

⁷ O seŋŋini nemi, wölböt alaurupni akzeanğöra körek inini mewö mötmörim enjbiga ölöŋŋanök dop kölja. Anutunöŋ nup niŋgiiga kösö mire tarakzal me awörök nöŋön Ölöwak Buŋagöra bim qeba enjololoŋ keu qeapköba keu ölnan jalöŋi memba köhöimapköra lilikömakzal. Mewö me mewö ahakzali, körek enön mönö nömbuk kingetka kalem möriam miyöknöŋ dop köl enjiiga nupni nanğögetka mohotŋe simbawoŋ akzin. ⁸ Kraist Jisösnöŋ inini jöpaköba inahöm enjimakzawi, nöŋön mi möta miangö qakŋe kinda körek enğöra ak niŋgiiga engekŋamgö kapaŋ köla maljal. Mewö jibiga keu ölni jizali, mi Anutu nanjak ölöŋ nanğöm niŋgiba jima.

⁹ Nöŋön enğöra kewö köulukömakzal: Anutu, gi mönö Filipai alaurup inahöm enjinöŋga toroqeba köhöiba jöpaköm anğugetka urukalemŋinan qarim sehima. Mewö aiga ölöŋ köna ölni ek kutuba enjololoŋ keu mosöta malme. ¹⁰ Mewö mala ölöŋ keu kewöta köna ölöŋ sorokŋi möwölöhöba sarakŋi aka köpösihitkö keuŋini qahö mal öŋgöme. Kraistnöŋ liliŋöba kamawi, nalö miangöreŋ lömbötninan teköma. ¹¹ Jisös Kraistnöŋ ahakmeme solanŋi nam köliga miangö ölni asuhumakŋa. Ölni miangön uruŋini kokolak qeiga ambazipnöŋ mewö engeka Anutu möpöseigetka qetbuŋanjan sehimapköra köulukömakzal. Keu mi ölna.

Pol kösö mire algetka Buŋa keunöŋ köhöiyök.

¹² O urumelen alaurupni, enön nöŋgö könani möt kutumegöra kewö möta ohozal: Yuai bölöŋi nöŋgöreŋ asuhuyöhi, miangö buzupŋan sehiiga Ölöwak Buŋaninan ambazip dop köl enjiiga nupninan töhötmöriamŋambuk akza. ¹³ *Ni Kraistköra aka kösönöŋ gwaröhöm niŋigetka Rom kianğöreŋ tatzali, keu mi yarö azi pakpak sisa-kiŋgö jakömbuak miri galöm memakzei, yeŋön mötze aka mewöyök ambazip tosatŋi gwötpuk yeŋgö kezapŋine geiga möt teköze.

¹⁴ Toroqeba ölni kewö asuhuyök: Urumelen alaurupninan kösö mire tatpi Kembunöŋ bauköm niŋimakzawaŋgö keuŋi mötket. Mi möta sehiseŋjan Kembubuk qekötahöba kinda köhöiba kapaŋ köla awösamkakak aket. Mewö aka Anutugöreŋ keu keŋgötŋi qahö jim sehigetka toroqeba anakza.

¹⁵ Tosatŋan nöŋgöra mötket öŋgöiga urusihim sarakŋe kinda Kraistkö könani jim asarimakzemö, tosatŋan nöŋgöra aka uruŋinan mututqutut möta andö nunğuba anğururuk akingö mötze. ¹⁶ Alaurupni ölni yeŋön nöŋgö könani kewö mötze: Anutunöŋ kuŋgum niŋgiiga awörök nöŋön Ölöwak Buŋagöra bim qeba enjololoŋ keu qeapkömakzal. Mewö möta

* 1:13: Apo 28.30

jöpaköm niŋgiba naŋgöm niŋgimakze. ¹⁷ Andöqege ambazip yeŋön nanŋinaŋgörök mötmöriba töwagöra möndögetka uruŋinan tölöhoiga Kraistkö kōnaŋi mewö jim asarimakze. Mewö aka kōsö mire tatzali, nalö kewöŋe aŋgösirip toroqeba ak niŋgibingö mötze.

¹⁸ Mewö mötzmö, mi muat. Kraistkö kōnaŋi mi yuaigöra möndöba silebile aka me Anutu törörök tem köla jim asarigetka mötŋi dop kölja. Mewö me mewö ahakzei, urunan mönö miangöra ölöwahiga ölna söŋgaizala söŋgaimakŋam. ¹⁹ Söŋgaibiga nöŋgöra köulukögetka Jisös Kraistkö Uŋa Töröŋan naŋgöm niŋgiiga ölop pōsat niŋgigetka etmamgö tandök mötŋal. Mewö asuhumapkōra möta miangöra mewöyök söŋgaimakzal. ²⁰ Yuai kun aka gamu miwikŋaibileŋbukōra mönö jörömqöröm aka maljal. Gamu qahöpmö, nalö dop Kraist möpōseiba malali, miangö dop nalö kewöŋe mewöyök asuhumapkōra mötŋal. Silenan kōmuma me malmawi, mi tōndup mönö awōsamkakak pakpak qakŋe Kraist möpōseibiga qetbuŋaŋan qarimakŋa.

²¹ Malmam ewö, malmalni mönö Kraistkö qetbuŋaŋan qarimapkōra aka malmam. Nuŋguget kōmumbileŋak ewö, mianŋön mönö mem ölöwak niŋgiiga oyaenŋkoyaeŋ akŋam. ²² Mewö akileŋakmö, gölmenöŋ silebuk malmam ewö, mönö urugö nup membiga toroqeba ölnambuk ahakŋa. Mi mötmöriba nanangöra malmal me kōmuwa möwölöhöbibleŋak, mi ölop qahö mötŋal. ²³ Malmal aka kōmup sutŋire paŋpaŋgöba maljal. Kraist-puk eu malbileŋak, mianŋön mönö yuai pakpak oŋgita möriam ketaŋi ak niŋgibawak. Miangöra gölme mosötmamgö sihimŋi möta maljal.

²⁴ Mewö maljalmö, silebuk qekōriba malmam ewö, mianŋön mönö iŋini baukōm eŋgibiga ölni eŋgöreŋ asuhuma. Kōmumbileŋak, mianŋön mönö iŋini qahö baukōm eŋgibawak. ²⁵ Mewö möt narim köhöiba miangöra nehorigetka toroqeba mala körek iŋini baukōm eŋgiba malmamgö mötŋal. Baukōm eŋgibiga mötnariŋinaŋgö ölnan mönö qarim köhöiiga ölop önöŋi qahö söŋgaiba malme. ²⁶ Mewöyök Kraistnöŋ nehoriiiga kunbuk eŋgöreŋ kabiga iŋini ölop nöŋgöra aka Kraist Jisös önöŋi qahö möpōseim waŋgiba malme. Mewö.

Mötnariŋinan köhöimapkōra bim qeba malme.

²⁷ Ahakmemenŋi mi mönö Kraistkö Ölöwak Buŋaŋan akōdamunŋambuk akŋawaŋgö dop aka mamba malme. Mewö malgetka eŋgöreŋ kaba eŋgekŋami me qahö kaba sikep mala keu buzupŋini mötŋi kōnaŋini kewö ahöi dop kölma: Iŋini mindimindiri areŋ mohotkö keu jöhöba urumohot aka kinme. Mewö kinda Ölöwak Buŋagö keu ölnan sömböleibapukōra öröröŋ jöhöba bim qeba malme. ²⁸ Mewöyök tosatŋan tuarenjoŋ ak eŋgimakŋei, eŋön mönö keu jitŋini kōnaŋi kōnaŋi miangöra kude töwōratigetka uruŋinan kude etma. Kōnaŋamŋini mewö mötŋi dop kölma. Anutunöŋ kukōsum eŋgiiga tuarenjoŋ ambazip yeŋön kōnaŋamŋini eka kewö möt asarime: Nanŋini et eŋguiga ayuhugetka Anutunöŋ mekōm neŋgiiga oyaenŋkoyaeŋ aka malbin.

²⁹ Anutunöŋ areŋi al eŋgiyöhi, mi kewö: Iŋini Kraist möt narim waŋgiba likepŋi söŋgaiba likepŋi yangöra aka sihimbölö möta malme. ³⁰ *Nöŋön mötnariŋikö bim mutuk embuk mala qeali, neket aka nalö kewöŋe toroqeba qemakzalangö keu buzupŋi ki mötzei, iŋini mönö bim miyöhök nömbuk tönguba qeba malje, mi mötŋal. Mewö.

* 1:30: Apo 16.19-40

2

Kraistkö dop nanjini mem et al anguba malme.

¹ Injini Kraistpuk qekötahöba kinjeangöra mönö uruñini nanğöm angubingö qambar miwikñajime. Urukalemñini mianjòn mönö urukölalep ak angumakñe. Uña Töröñambuk ösupköba kinda waikñini memba ak kömum angumakñe. ² Mewö akzeangöra mönö mötmöt mohot wuatangöba öröröñ jöpaköma anguba luainöñ malme. Urusihimñini mönö mötmöt arenj mohot akingöra jöhöme. Keu mewö jöhöba urumohot aketka öñji asuhui möta nöñön engöra önöñji qahö söñgaiba malmam.

³ Öroyuai nanñinangörök öröbingö sihimñan mönö kude nam köl engima. Nanñini qetbuñanjan qarimapköra mönö silenjini kude memba öngömemö, uruñini memba et ala tosatñi yengöra mötketka öngömakña. ⁴ Injini mohot mohot mönö nanñini uruñinanök ölöwakñapköra kude mötmörimemö, tosatñi yengö uruñinan ölöwakñapköra mewöyök kapan köla mötmörim yaköme. ⁵ Kraist Jisösnöñ gölmenöñ maliga imbi mötmöt ahöm wanğiyöhi, miyöhök mönö engöreñ ahöi mi wuatangöba malme.

⁶ Anutugö kaisongolom tandökñi ahöm wanğii malökmö, töndup Anutugö dop malöhangöreñ qahö möndöba aiweliköba malök.

⁷ Mewö qahöpmö, nanñak amqeba Anutugö asakmararañi mosöta eta melenđa azi tandök asuhuba welenqegegö kaisongolomñi memba malök.

Mönö gölme azi nanini tandök aka malök.

⁸ Mewö mala uruñi memba et al anguba Iwiñangö keu jitñi nalö dop tem köla malök. Mewö maliga gamu qem wanğiba “Maripomnöñ qebin,” jigetmö, nalö miangöreñ mewöyök tem köl teköyök.

⁹ Mewö tem köla malöhangöra aka Anutunöñ wanğiriga euyangöreñ öngöba tariga qetbuña wanğiyöhi, mianjòn qet tosatñi pakpak engonğita aködamunñambuk akza.

¹⁰ *Anutunöñ qetbuña öngöñgöñi mi kewögöra wanğiyök:

Ambazip körek pakpak neñön mönö qet miangöra aka nalö kunöñ simin köla möpöseim wanğibin. Tosatñan Suep mire euyangöreñ malje. Tosatñan gölmenöñ ki maljin. Tosatñan kömumba uñem mire me senjom mire malje. Neñön mönö körekmakörek mindiriba sipköba simin köl wanğibin.

¹¹ Körek nini simin köl wanğiba numbu nesilam dop Iwi Anutu aukñe göda qebingöra qetñi jim miwikñajiba kewö jibin, “Jisös Kraistnöñ mönö Kembu ak neñgiza.” Mewö.

Jisösgö asakñi mi ambazip sutñine kondela malme.

¹² Miangöra wölböt alaurupni, injini mönö Kraistkö söpsöpñi wuatangöba miangöreñ kude sörauba etme. Nalö dop Anutugö keu tem köla letota malgeri, miangö dop silik urumelen ambazip engöreñ dop köljawi, mi mönö kapan köla wuatangöba urugö nup memba malme. Nöñön embuk malali, nalö miangöreñ Buña keu ölöpñanök köl guliba zeñ kinda malget. Engömosöta sikep maljalangöreñ mönö mewöñanök Anutugö jeñe sömbuñinambuk möta jönömñini unduiga pöndañ nup mi mem soroköba malme.

¹³ Anutunöñ nanñak mönö injini sundan sölölohöba nam köl engiba nanñi arenangö dop uruñini kuñgumakza. Mewö urusihimñini Anutu

* 2:10: Ais 45.23

dop köl wanğimawanğo dop ahuiga inahöm enğıga nupņi megetka ölni asuhumakņa.

¹⁴ Galömurupņini yembuk keu mekömpötak kude aka malme. Jimonğot aka urunöņ ihururuk laņ kude ahakņemö, arenini pakpak mönö uruyahöt ziakpiak mosöta töp memba malme. ¹⁵ *Ahakmemenjanan mönö köpösihitkö keuņi qahö sarakņi aka memba malme. Ambazip gonğonji misimkaulup merak gölmenöņ maljei, iņini mönö yenğö sutņine Anutugö nahönbörat solan sorokņi malme. Senğelau suepnöņ eu asarizei, iņini mönö mewöņanök gölmenöņ silik ölöpņi aka mianğön ambazip asarim enğiba malme.

¹⁶ Mewö mala malmal köhöikņanğö Buņa keuņi töp memba ambazip enğibingö jöjöröba malme. Mewö malgetka Kraistnöņ lilingöba kamawi, nalö mianğoreņ nönğö könaņamnan aukņe kewö asuhuma, “Mönahot azinöņ aonğitnöņ luhut almamğöra ösumņi qezaköba anakzawi, nöñön mianğö dop urugö nupköra sile qeba mem köhöiba malal. Mi öne töhöntöhön qahö memba malalmö, ölni asuhuyök.” Könaņamni mewö asuhuiga ölöp nani sileni enğöra aka möpöseimam.

¹⁷ Nöñön malmalni kölnda tököba enğiba Anutugö nupņi tem köla memba malal. Mewö malbi iņini uruņini melenđa Anutu möt narigetka mianğö ölni asuhumakza. Mianğöra Rom gawman yenğön keuni jim teköba sömbup ewö nuņguba jöwöwöl ohoho ewö ak niņgibeak. Silenanğö sepnı mewö mokobileņak ewö, mi mönö o ewö öne töhön qahö gebawak. Enğö mötnarip nupņinanğö ölnjanğöra aka mi mönö aködamunğambuk ahiga dop kölbawak. Mianğöra nuņguget kömumbilenakmö, urunan mönö töndup söņğaimakzal aka körek embuk mohotņe söņğaimakin. ¹⁸ Mewöņanök iņini tok mönö söņğaime aka nömbuk köiraņ ala söņğaiba malbin. Mewö.

Timoti melaibiga Filipai enğoreņ kama.

¹⁹ Kembu Jisösnöņ nönğöra möri dop kölma ewö, mönö zilaņ Timoti melaimamğö möta jörömqöröm akzal. Enğoreņ kaba denöwö maljei, mi möta lilingöba kaba jii möta nönğö imbinan mewöyök ölöwak soroköbawak. ²⁰ Mötnaripņine köhöize me löwörizei, yaņön nanņök enğöra waimanjat mewö möta nönğö qöhöröņne kinja. Tosatņan ki maljei, yenğön mönö “Nanņini manjatņina,” jiba qahöpmağöp kötöngöm enğibingö mörakze. ²¹ Yenğön körek nanņinanğö yuaigöra möta mi köl öröba mem qaribingöra jaram timakzemö, Kraist Jisösgö nupņan ölnjambuk ahakņapköra qahö kapaņ kölakze. Mönö qemasolokep laņ malje.

²² Laņ maljemö, Timotinöņ könaņi ölöpņi kondelöhi, mi nanņinak möt yaköze. Nahönöņ nanņi iwiņi welen qem wanğimakzawi, yaņön mönö mianğö dop ni Ölöwak Buņa nupkö bauköm niņgiba malök. ²³ Mianğöra Rom gawman yenğön nönğö keu denöwö ak niņgibingö jöhömei, mi mötagun mönö ölöp Timoti melaibiga zilaņ enğoreņ kamağkö jörömqöröm akzal. ²⁴ Nanak mewöņanök Kembubuk kinda nalö kude köriiga enğoreņ kamamğö awösamkakak mewö möt narizal.

Epafröditus melaibiga Filipai enğoreņ kama.

²⁵ Nöñön yuai jaruba osiba malbiga enğön neņakni Epafröditus melaigetka kaba nanğöba bauköm niņgiyök. Yaņön nönğö qöhöröņne nup memba bim qeba malökmö, toroqeba jöhöm wanğibilenak, mianğön

* 2:15: Dut 32.5

qahö dop kölbawak. Mewö mötmöriba urumelenj alani i nalö kewöneyök melaibiga engörenj lilingöba kama. ²⁶ Yañon körek injini engekñamgö kapan köla malja. Kawöl yöhöi ahöyöhi, injini keu mi mötket engörenj lömböriiga möta mianğora urueret malja. ²⁷ Yañon ölna kawölbuk ahöba kömupkö jitne ahöyökmö, Anutunöñ ak kömum wanğiiga ölöwahök. Anutunöñ Epafroditus iyök qahö ak kömum wanğiyökmö, ni mewöyök nehoriba mem amqem niñgiyök. Yañon kömumbawak ewö, nöngö wösöbirikkan mönö sehii qaknöñ qaknöñ öngöi malbilenak.

²⁸ Injini Epafroditus eka kunbuk söngagetka nöngö wösöbirikkan mewöyök amqemapköra mötzal. Mianğora nalö kewöneyök zılanj melaibiga engörenj kama. ²⁹ Injini Kembugö ambazipköra önöñi qahö söngaimakzei, sösongai mianğö qakne mönö yañon kaiga köl öröm wanğime aka nup meme ambazip mewöñi mi mönö göda qem engiba malme. ³⁰ Yañon Kraistkö nupköra aka kömupkö jitneyök öngöba kömum taköyök. Injini ni nanğöba bauköm niñgibingö mötketmö, mi osigeranğora yañon engö salupñine mewö ak niñgimangöra kaba malmalñi mosöta ayuhum taköyök. Mewö.

3

Solanñi akingö köna ölni mi kewö:

¹ O urumelenj alaurupni, keu kötni kewö toroqeba jimam: Mönö Kembubuk qekötahöba söngaiba malme. Keu mi dumne kunbuk ohom engimangöra qahö ölan nöhöza. Ambazip tosatñan tilipköm engibepuköra mi ohom engibiga ölop dop kölja. ² Zioz nup meme ambazip bölöñi yengöra mönö galömñini memba malme. Yeñon urumelenğö kopa ambazip sutñine liliköba uruñini kuñguba kewö jimakze, “Anutugö buñanji akñegöra mönö aiwesökñi silenine yandime.” Mewö kapan köla keuyök jiba kiam ewö kohop köla “Könagesö walñi akzin,” jiba öne töhön jimakze.

³ Yeñon Anutugö jeñe qahö diñgize. Silenine aiwesök miyök yandim engigetmö, ölnan mönö nengörenj kewö asuhuyök: Anutugö Buña keuñan urunini mesinñöhi, neñon mönö yanğö urumelenj könagesö ölbölni aka maljin. Anutugö qetne silenine aiwesök al nengigeri, neñon mianğö qakne qahö kinda tönguba möt narimakzinmö, Kraist Jisöñon amöt qem nengiyöhi, mianğora mönö silenini mem öngömakzin. Anutugö Uña Töröñan inahöm nengiiğa amqeba Anutugö waikñi memba möpöseimakzin.

⁴ Tosatñan silenianğö yuainöñ tönguba Anutugö buñanji akingö möt narizei, nöñon mönö i engonğitzal. Mianğora ölopñanök korua ewö terereñgöba gingini memba wahöta aiweliköbilenak. ⁵ *Nöngö aködamuni kewö: Nöñon Israel ambazip kambu uruñe jitñememe kun akzal. Isik bömöni qetñi Benjamin. Iwinamni Hibru ambaziwa. Nöñon yetköreñök ahuba Hibru azi ölni akzal. Asuhaba ahöbiga wehön 8 aiga mianğorenj sileni yandiget. Farisi aka malalanğöra Mosesğorenj Köna keu mi törörök wuatangömamgö kapan köla malal. ⁶ Farisi mala urunan uturuñgöba könöwiiga urumelenj könagesö mi ölna sesewerowero ak engiba malal. Mosesğorenj Köna keu tem köla wuatangöba diñdiñi akinak ewö, nöñon mönö mianğö dop köpösihitkö keuñi qahö solanñi malal.

* 3:5: Apo 23.6; 26.5; Rom 11.1, 6; Apo 8.3; 22.4; 26.9-11

⁷ Yuai mi mötpi öngöiga miangören tönquba möt nariba malalmö, uruni melenä mi pakpak mosöta zuen jizal. Nalö kewöne Kraistnöy amöt qem niñgii letorali, miangöra mönö mötpi öngömakza. ⁸ Kembuni Kraist Jisös möt kutuba oyaenköyaen akñami, mi möt kewötpiga bohonñi öngöngöni ewö akza. Miangöra malmalni walñangö aködamun yuaini pakpak mi Kraist toroqeba miangören mosöta zuen jizal. Kraist miwikñaiiba nöngören yuai pakpak mi mötpiga nesak irip töhön ewö aiga qepureiba andöne gilal.

⁹ Tosatñan “Mosesgören Köna keu tem köl teköba mewö miangön nan-inak diñdini akin,” jizemö, nöñön dop miangören solanñi kunbuk qahö maljal. Nalö kewöne Kraist möt naribiga Anutunöy mewö miangön keuni jim teköi solaniba maljal. Mötnarip qakñe malbiga Anutunöy ak kömum niñgiba jim kutuiga siñgisöndoknañgö keuñan kömuiga maljal. Kraistpuk qekötahöba kinda malbiga Anutunöy nöngö könañamni mewö miwikñaimapköra kapañ kölakzal.

¹⁰ Nöñön Kraist kewö möt kutumangöra kapañ kölakzal: Sihimbölo möröhanğören yambuk toroqemangö jöjörözal. Sihimbölo möta kömuyöhi, nöñön tandök miyöhök kömumba mewö miangön yangö tandök ewö akñangö jöjörözal. Kömumba wahöröhi, yangö ösumñi miangön mönö tilimgöm niñgiga köhöimangö mötzal. ¹¹ Kömumbiga Anutunöy mem-gulim niñgii kömupnöhök wahötmangö jörömqöröm akzal. Mewö.

Mönö aongitnöy kapañ köla tohotnöy anme.

¹² Nanañgöra kewö qahö jizal, “Anutunöy tohot alöhi, miangören lök kangota urumelenğö aködamunñi pakpak miwikñaiiba maljal.” Mewö qahö aka maljalmö, Kraist Jisösnöy luhut ala nömeyöhanğöra mönö oyaenköyaeni buña qem angumangöra kapañ kölakzal.

¹³ O urumelen alaurupni, Anutugö tohot miangören qahö angot teközali, mi mötzal. Mohot kewöya möta ahakzal: Yuai köteköba andö qeali, mi ölum nunğuga Anutunöy yuai mesoholne ali ahözawi, mönö miangören göröken ösumnan anmamğö awöwenğömakzal. ¹⁴ Anutunöy euyangören öngömangö nohola tohotñi mewö al niñgiyök. Miangöra Kraist Jisösnöy amöt qem niñgiyöhanğöra nöñön esapesapnöy köhöiba luhut ala Anutugö tohotnöy angotpiga yangön ila jalö nöropne köl niñgima. Mi memangöra awöwenğöba tohot miangören göröken diñdinañök uraköba ösumni qezaköba kinjñömakzal.

¹⁵ Miangöra urugö aködamuninambuk akzini, Anutunöy nini körek mötmöt mohotkö qakñe Kraist möt kutuba malbingö mötza. Keu kungöra mötmöt imbi murutñi kun ahöm engibawak ewö, Anutunöy mönö keu miangöra denöwö mötketka dop köljawi, mi mewöyök jim indel engima. ¹⁶ Mewö qahöpmö, engören waimanjat bohonñi mi kewö aiga dop kölma: Nini nalö köröpnj me töröpnj urunini melenä Anutugö könanöy mala korini, mönö ahakmemegö köna mohot miyök toroqeba aninga dop kölma.

¹⁷ *O urumelen alaurupni, nöñön ahakmemeni ahakzali, iñini mönö ni neka nöngö silikni mi wuatangöba malme. Neñön silik ölöpnj kon-del engiinga tosatñan miangö dop tiba öröm engimakzei, iñini mönö yengören uba engek kutuba malme. ¹⁸ Ambazip keleşmaleleş yenön ahakmeñinan Kraist kerök ak wañgiba nanñini imbi-imbi lañ malje. Maripomnöy kömuyöhi, miangö könañi tim koyonañiba malje. Keu mi

* 3:17: 1 Kor 4.16; 11.1

nalö gwötpuk janjun akepeköra jibi mötketmö, nalö kewöŋe mi sahöta imbilni eriga jizal.

¹⁹ Silenjanŋö sihim kömbönaŋini bölöŋan bemŋini akza. Yuai gamuŋambuk ahakzei, miangöra mötket öŋgöiga aködamunŋina aiga söŋöröqök akze. Urumötmötŋini gölmegö yuainöŋ jöhögetka gwaröhöm enŋii laŋ mala teteköŋe könöp sianöŋ geme. ²⁰ Yeŋön emu gememö, tosatŋi neŋgö mindimindiri tohoŋnini mi Suepnöŋ eu ahöza. Gölmönöŋ kianŋi aka kusukŋanök mala Kembu Jisös Kraist Amötqeqe Toninan kunbuk asuhaba neŋguanŋitmapköra mambörakzin. ²¹ Yaŋön neŋgöreŋ gölme silenini etqeqeŋi ki meleŋniga nanŋi Suep sile asakmararaŋambukö tandök akŋa. Kukösum mewöŋi mi Kraist ahöm waŋgiza. Yaŋön kukösum mewöŋi mianöŋ ambazip aka gölme Suepkö öröyuai pakpak mi ölop köhöiba memba et al neŋgiiga yaŋgö nembö bapŋe aninga galöm köl neŋgiiga malbin. Mewö.

4

Qambaŋ keu tosatŋi

¹ O wölböt alaurupni, mewö asuhamapköra Kembunöŋ mönö bauköm enŋiiga böŋ qeba köhöiba kinme. Nöŋön enŋöra ak niŋgiiga enŋekŋamgöra kapaŋ kölakzal. Inŋini söstöŋgai ak niŋgiget. Sutŋine nup mealanŋö ölni asuhui kondelgetka Anutunöŋ mianŋö töwa neŋjimawi, mianŋöra mönö söŋöröqök aka söŋgaimakzal.

² Jitŋememe ambi yahöt Yuodia Sintike, etkön jula anŋururuk aka maljahot, mewö möral. Mianŋöra nöŋön uruŋiri kewö kuŋguzal: Inŋiri Kembubuk mohot kinjahot, mianŋöra mönö urumohot aka malmahot. ³ O neŋakni ölni, nupkö köŋjöŋi mohotŋe bisiba maliri, gi mewöyök kewö qesim gihizal: Ambi yahöt mietkön urumohot akŋahotköra mönö bauköm etkiman. Yetkön nömbuk Ölöwak Buŋa köhöiba sehimapköra bim qeba malohot. Yetkön Klemen aka neŋakurupni tosatŋi yaŋgö qöhöröŋine mohotŋe bim qeba malohot. Tosatŋi yaŋgö qetŋini mi malmal köhöikŋanŋö buk papianöŋ eu ahöza.

⁴ Nalö dop mönö Kembubuk kinda söŋgaiba malme. Söŋgaimel! keu mi dumŋe kunbuk jizal.

⁵ Inŋini mönö guŋböŋjöŋjöŋ qakŋe ambazip ak enŋigetka körekŋan tandökŋini mi mötme. Kembunöŋ lök kamamgö dopdowiza. ⁶ Yuai kungöra mönö köŋjiliŋ kude möta malmemö, yuai pakpak mianŋöreŋ qeqeseŋini mönö Anutugöra jigetka mötma. Mewö me mewö asuhumawi, mönö Anutu köuluköba uleta saiwap jiba malme. ⁷ Anutunöŋ uruluai enŋizawi, nini mianŋö könaŋi möt kutubingö osimakzin. Mi mötkutukutunini pakpak onŋita qainŋi kun akza. Kraist Jisösbuk kingetka Anutunöŋ mönö uruŋini aka keu mötmötŋini sel jöhöba kölközizip mem enŋiiga malme.

⁸ O urumelen alaurupni, keuni jim tekömamgö aka qambaŋ keu kewö jizal: Anŋöjörak keu kude mötmörimemö, yuai pakpak göda qeinga aködamunŋambuk akzawi, uruŋini mönö mianŋöreŋ jöhöba malme. Keu ölni, keu diŋdiŋi aka sarakŋi mia mönö mötmöriba malme. Keu ehöehölöŋi sihimninan mörakzini, mianöŋ mönö uruŋini kokolak qeiga kinme. Keu ewebibiŋambuk möpömöpösei ahumawaŋgö dop akzawi, uruŋini mönö mianŋöreŋ qekötahöba malme. ⁹ Nöŋgö ahakmemeni eka Buŋa keuni möta uru köhöimŋine ala buŋa qem anŋugeri, inŋini mönö mi köl guliba aka

memba malme. Mewö malgetka luai Tonji Anutu yanjon embuk kinma. Mewö.

Polnõj Filipai yenõgõ kalemñinanõgõra saiwap jiza.

¹⁰ Nõjon Kembubuk qekõtahõba kinda engõra uruölõwak ketanji mötzal. Inini mutuhök ni köyan kõla monej ningbingõ sihim möta malgetmõ, denõwõ akingõ kõna jaruba osiget. Nalõ körõpñi osiba malgetka Kembunõj nalõ kewõje urunini mem guliiga amqeba kumbuk baukõm ningiget. ¹¹ Silenanõgõ lömbõtnõj tata osibileñak, miangõra keu ki qahõ jizal. Nõngõrenj yuai ahõzawi, nõjon mõnõ miambuk uruluainõj bõnjõj malmangõ mötzal. ¹² Ni jaram tiba luainõj malal aka malmal pomñi siyõnsayõñi qahõ mala luainõj malal. Miri dop nalõ dop uruni bõnjõj kõli malmangõ mötzal. Nem timbirenj akilenjak me bödi (buörõ) tatpileñak, miangõra mõnõ uruni qahõ memba et al anjumakzal. Yuaini kelenmaleñ me boromñi ahõm ningibawak, mi muat. Mõnõ ölop bõnjõj malmam. ¹³ I me wai kun asuhubawak, Kraistnõj mem kõhöim ningiiga yuai kunñan kun mõnõ qahõ memba et al ningiiga ölop malmam.

¹⁴ Tõndup kõnjiliñi miangõ uruneyök alabauk aka mem amqem ningigetka dop kõlök. ¹⁵ *Filipai inini mewöyök nõngõ kõnani möt kõmuze. Nõjon kõnahiba lilikõba Ölöwak Buja nup memba embuk Masedonia prowinsnõj mala engõmosõrali, nalõ miangõrenjök kõnahiba mötnarip kõnagesõ tosatñan ni silegõ yuaininan qahõ nanõm ningiget. Nõjon urugõ Buja engibiga buja qem anjugetmõ, silegõ likepñi kun qahõ melenj ningiget. Filipai urumelenj kõnagesõ inini mohotñan mõnõ nõmbuk jöhõjõhõ aka malmalni nanõgetka naluk monejini buja qem anguba malal.

¹⁶ Nõjon yuaigõra osiba malali, inini mi nõngõra algetka Tesalon-aika sitinõj kayök. Indim mohot qahõpmõ, indim yahõt silenangõ yuaigõra osiali, mi algetka nõngõrenj kayök. ¹⁷ Engõ inap kalemñinanõgõra kõpõsõngõbileñak, miangõra keu ki qahõ ohozal. Anutunõj engõ alabaukñinanõgõ likepñi melenj engimakñawi, nõjon mõnõ õlñi mi engõrenj sehimapkõra mötzal. ¹⁸ *Enõn nalõ kewõje yuai algeri, mi buja qem anguba nõngõrenj yuai pakpak miangõn mõnõ dopni onõgita gwõtputuk ahõm ningiza. Epafroditus yanjon engõ alabauk kalemñini memba kaba ningiiga mõriamnambuk aka maljal. Inini naluk kötinnini algetka yanjon memba kayõhi, Anutunõj miangõ sihimñi mõri ölop dop kõlja. Anutunõj engõ nalukñini möt angõn kõli wõronñi ölopñi umkõhõwakñambuk aka yanõgõ jeñe pukpukõiga sõngaimakza.

¹⁹ Nõngõ Anutunan tõhötmõriam pakpakõ Tonji akza. Yanõgõ kõweñe yuai pakpak mi tetekõñi qahõ ahõza. Miangõra inini Kraist Jisõsbuk qekõtahõba kinda yuaigõra osizei, mi pakpak mõnõ ahõm wanõgizawanõgõ dop engimakña. ²⁰ Miangõra Anutu Iwinini mõnõ nalõ dop mõpõseimakin. Mewõ ahinga Anutugõ qetbuñan nalõ tetekõñi qahõ sehimakña. Keu mi õlña.

Yaizõkzök tetekõñi

²¹ Nõjon yaizõkzõkni alaurup sarakñi Kraist Jisõsbuk mohot kinjei, kõrek engõra albi kaza. Neñakurup nõmbuk ki maljei, yanõn yaizõkzõkñini algetka engõrenj kaza. ²² Anutugõrenj ambazip sarakñi tosatñi pakpak ki maljei, yanõn yaizõkzõkñini algetka engõrenj kaza. Yenõgõrenjök tosatñan

sis a kiŋgö jakömbuak mire nup memakzei, yejön mönö mewö möta kapaŋ köla jize.

²³ Kambu Jisös Kraistkö kalem möriamŋan mönö embuk ahöm öŋgöba uŋaŋini kötuetkömakŋa.

Kolosi Kimbi Polnöŋ Kolosi yeŋgöra Kimbi alök. Jim-asa-asari

Kolosi mi Eisia prowinsgö taon kun. Mi Efesus siti miangöreŋök wehön kotkotŋe göröken ahöyök. Polnöŋ Kolosi nalö kungen qahö anökmö, Eisiagö siti ketanŋi Efesus miangöreŋ yambu karöbut Buŋa nup memba Kolosi yeŋgöra mewöŋanök waimanŋatŋi möta malök. Könangep Kolosi tosatŋan uruŋini melenget (1.7; Apo 19.10). Polnöŋ Rom sitigö kösö mire tariga neŋakŋi Epafras yaŋön Kolosi urumelen kambugö buzup keuŋi memba yangöreŋ kayök. (1.7-8) Kösohotŋini tosatŋi mi ölöŋŋi aketmö, Kolosi miangöreŋ böhi takapulakanŋi tok malget.

Böhi mienön ambazip kewö kusum sohom engimalget: “Urumelen könagesö eŋön Anutu waikŋi mendingö köna keu könaŋi könaŋi mi ölöŋ wuatangöme. Eŋön ölöŋ uruŋini memba et ala silenŋini qeba sihimbölä mötme.” (2.16, 20-21, 23) Toroqeba kewö jim kutum engiget, “Mötnarip eŋön mönö simin köla garata waikŋini memba malme.” (2.18) Jisös mewöyök mem et al waŋgiba kewö jiget, “I Anutugö Nahönŋi qahöpmö, garata bohonŋi kun.” Mewö jiba kewö toroqegget, “Neŋgö keunini wuatangömei, yeŋön mönö mötmöt tölapŋi qainŋi kun miwikŋaime.”

Miangöra Polnöŋ Kimbi ki ohoba Kolosi urumelen kambu kewö kusum engiyök, “Yuai pakpak mönö Jisösgö bapŋe ahöiga yaŋön Anutu öl töhöŋŋi aka (1.15-17) urumelen kambu neŋgö Bohonina malja.” (1.18) Toroqeba keu kewö kondel engiyök, “Kraist Jisös möt narigetka yaŋön Anutugö mötmöt aka mötkutukutu tölapŋi ölöŋ kondel engima. Anutugö mötmötŋi mi mötmöt tosatŋi pakpak oŋgita qainŋi kun akza.” (2.2-3, 9-10) Polnöŋ mewöyök urumelen ambazip malmalŋinanŋö jimkutukutu keu tosatŋi ohoba al engiyök. (3.1-4.1)

Buk kianŋö bahöŋi bohönŋi 4 mi kewö:

Keu mutukŋi 1.1-8

Kraistkö malmalŋi aka nupŋi 1.9-2.19

Kraistpuk malmal döläkŋi 2.20-4.6

Kimbigö keu kötŋi bohönŋi 4.7-18

¹ Anutunöŋ Pol ni melaim ningiiga jitŋangö dop Kraist Jisösgö aposol akzal. Urumelen alanini Timoti yaŋön nömbuk tatza.

² O urumelen alaurupnini sarakŋi Kolosi taonöŋ mala Kraistpuk qekötahögetka mötnaripŋinan qahö sörauiga zeŋ kinjei, nöŋön embuk keu eraum mötŋingöra kimbi ki ohozal. Anutu Iwininan mönö kalem möriam engiiga luainöŋ malme.

Engöra Anutu möpöseiba köulukömakzin.

³⁻⁴ Inini Kraist Jisös pöndaŋ möt nariba ambazip sarakŋi pakpak uru könöŋŋinan jöpaköm engimakzei, miangö keu buzupŋi jiget mörin. Miangöra engöra köulukömakzini, miangöreŋ mönö nalö dop Anutu, Kembunini Jisös Kraistkö Iwiŋi möpöseimakzin. ⁵ Ölöwak Buŋagö keu öŋŋan mutuk engöreŋ kaiga jigetka jörömqörömminanŋö könaŋi lök möta möt asariget. Möt asariba Anutunöŋ engöra yuai ali Suep mire kahaimök ahözawi, inini mi buŋa qem angubingö al mamböta jörömqöröm akze.

Jörömqöröm mianjón nam köl enjiiga amqeba Anutu möt nariba uru jöpaköm anjuba maljei, mönő mianjóra möpöseim wanjimaksin.

⁶ Ölöwak Buja keu mianjón sehiba gölmeji gölmeji dop köla öljambuk aka qarimakza. Mianjō dop enjōrej kaiga injini Anutugō kalem möriamjanjō kōnaji ölni möta möt asariget. Mi mutuhök möt asarigeri, wehön mianjōrenjök kōnahiba enjō sutjine mewōñanök öljambuk aka kötuetkōm enjimakza. ⁷ *Wölböt nejaknini Epafras yanjōn Kolosi enjōra Ölöwak Buja mi kusum enjiiga mötket. Epafras yanjōn nenjō salupnine kinda Kraistkō nupñi pōndañ kapañ köla memakza. ⁸ Uña Törōñan sölölöhöm enjiiga jöpaköm anjumakzei, Epafrasnōñ enjō kōnanjanjini mewō eka nini jji mörin.

⁹ Mianjōra buzup keu mi mörini, nenjōn mewōyök nalō mianjōrenjök kōnahiba enjōra Anutu köulukōba mala kotzin. Enjōn Anutugō jitsi-hitñi möt yakōgetka mötmöt mianjōn uruñini kokolak qemapkōra ulet wanjimaksin. Mianjōn kokolak qem enjiiga Uña Törōñan mönő sölölöhōba mötmöt enjimakña. Mewō mianjōn mönő ölop Anutugō sihimñi pakpak diñdiñanök möt kutuba malme.

¹⁰ Enjōra kewō köulukōmakzin: Mötkutukutu mianjōn nam köl enjiiga mewō ölop malmalñini Kembugō jeje dop kölmawanjō dop malme. Jitsi-hitñi ahözawanjō dop ahakmemeñini pakpak aka memba malme. Mewō ölop nup ölopñi kōnaji kōnaji pōndañ megetka mianjō ölni asuhumakña. Mötkutukutunñi mewō köl guligetka ölop köhöimakñe aka Anutugō kōnaji toroqeba möt yakōm sorokōba malme.

¹¹ Anutugō kukōsumñi mi akōdamunñambuk. Mianjō dop nanñi ösum-mumuñi pakpak al enjiiga enjgualōnda mem köhöim enjimakñapakōra köulukōmakzin. Anutunōñ mewō mem köhöim enjiiga ölop köhöiba nalō dop kapañ köla urubōñjōñnōñ kinda lömböt möta mökōsōnda sōñgaiba malme. ¹² Sōñgaiba mala Iwigō saiwap jiba malmegōra köulukōmakzal. Iwininan alaurupñi sarakñi nenjōra buja yuaini arengōba ali asakmararanjō uruñe ahōza. Yanjōn injini mewōyök letotqetot mem enjiiga bujanñi mi buja qem anjumeanjō dop akze.

¹³ Pandamanōñ galōm köl nenjyōhi, Iwinōñ mianjōrenjök meköba nenjgungita kaba wölböt Nahōñnanjō bemptohñ uruñe al nenjyök.

¹⁴ *Nahōññi yanjōn sohpnini memba siñgisōndoknini sanjōnda mosōtmapkō mörakza. Mianjōra mönő saiwap jim wanjimaksin. Keu mi ölna.

Kraistnōñ yuai pakpakō kōnaji aka bohonñi akza.

¹⁵ Kraistnōñ Anutu qahō ehəkñi yanjō imutñi akza. Möpñanjō möpñe malmal pakpak qahō asuhuiga Kraistnōñ mönő mutuhök Iwiñambuk azi bohonña malök. Mewō Iwi Anutu baukōm wanjiiga öroyuai pakpak miwikñaim enjiyotka ahuget.

¹⁶ Nahōñnan Anutu baukōm wanjiiga öroyuai pakpak miwikñaim enjiyohot. Yuai tosatñi Suep mirigō jakeni jakeni mianjōrenjō ahōgetka qahō engehakzini aka yuai tosatñi gölmenōñ ahōgetka engehakzini, mi Kraistnōñ jiiga letotket. Yuai pakpak mi galōm köl enjimegōra uña suahō galōmñi galōmñi miwikñaim enjiiga Suep gölme sutjire jakōmbuakñine kinda jimkutukutunñini alakze. Yengō nembōñine pom jembonñini öngōñgōñi eretñi mi al enjiiga jakenine kukōsumñinambuk kinda tosatñi

* 1:7: Kol 4.12; Flm 23 * 1:14: Ef 1.7

kembu ak engimakze. Nahönñan yuai pakpak asuhumapkö bömöñ jalöñi aiga Anutunöñ miwikñaim engiyöhi, mi mönö Kraist aködamun miwikñaim wangimegöra al engii ahöze.

¹⁷ Kraistnöñ mutuhök maligun öroyuai pakpak miangö andöñe asuheet. Yanön mönö yuai pakpak mindiriba nam köl engiiga kutulañgöba yanğoren tondangöba kinje. ¹⁸ *Kraistnöñ bömöñ jalöñini akza. Öroyuai pakpak nengö öröm nenginenği bohonina aka malmapköra kömupnöhök wahörök. Kömugeri, yengö sutñineyök jitmemeñina aka guliba wahörök. Mewö mutukñamnini aiga nini könagesö walñangö zioz döläk-kunñi asuhuba kinjin. Miangöra urugö, silegö, yuai pakpakö nörop bohonini aiga urumelen könagesö neñön yanğö öl kembangan akzin.

¹⁹ Anutunöñ Nahönñi nanñangö dop köröndöñ aka malmapkö möt teköi dop köläk. Miangöra nanñi mötmöñi aka aködamun yuainñi pakpak mi körek pakpak Kraistpuk qekötahöba kinjawangöra körö-ölöwak möta malja. ²⁰ *Öroyuai pakpak gölmenöñ aka Suepnöñ Anutubuk kazik ahakzei, Anutunöñ mi pakpak töwanñi ala enguanğiriga nanñambuk qekötahöba urumohot akñegöra möta kewö jim teköi dop köläk, "Mönö nani Nahöni melaiibi geba maripomnöñ kömumba sepñi mokoba luaigö nam köli asuhuma."

²¹ Inñi mewöyök mutuk ahakmemeñini bölöñi ahöyöhangöra aka uruñinan Anutubuk urumohot qahö aka kerök möt wangiba tikep malget. ²² Mutuk mewö malgetmö, nalö kewöñe Anutunöñ nanñambuk urumohot aka kinmegöra Nahönñi melaiiga gölme silebuk kömumba köl könjörat mem engiyök. Mewö kingetka qewöloñini sanğonja mala enguanğita nanñi jeñe sarakñi köpösihitkö keunñi qahö al engii anğotmegöra al mamböta jörömqöröm ahakze.

²³ Jörömqöröm ahakzemö, mala anañbanñan köla et engubapaköra mönö Kraist pöndañ möt nariba kinme. Anutunöñ Ölöwak Buñan tandö kuñguyöhi, inñi miangö keunñi mötket. Uruñinan miangören nanğöba tondangöba kin köhöiba malme ewö, mönö oyaenköyaen akñe. Nini Ölöwak Buñan mi jim sehimakzin. Anutunöñ ambazip miwikñaim engiiga Suep bapñe mal anjei, yengö sutñine mi liliköba jim asariba maljin. Pol nöñön mewöyök Ölöwak Buñagö nupñi mi memba maljal. Mewö.

Polnöñ zioz kambugö nup denöwö memba malök?

²⁴ Kraistkö ölni mi urumelen könagesö neñön akzin. Kraistnöñ nengöra aka köñjilin möriga kitipñi ahöba urumelen könagesö qaknine öñgömakzawi, miä Kraistkö ölni bauköm engimangöra aka silenana meköba möta malakzal. Mewö aiga engöra aka sihimbölä möta malali, miangöra nalö kewöñe söñgaimakzal.

²⁵ Anutunöñ kuñgum niñgiiga urumelen könagesöñi könagesöñi wellenñini geba nup memba maljal. Anutunöñ kalem möriamñi ambazip menden nengimangö areñ alöhi, miangö dop Buñ keunñi körek jim sehim tekömangöra jiyök. Eñön ölöwaka köhöimegöra nup al niñgiyök. ²⁶ Anutunöñ Buñ keu mi möpñangö möpñeyök asamböriiga ambazip julkösöñ aka kömugetka gwölönarökñi wahöta kömugetka mewö mewö aka mala kota tönpin malget. Malgetka nalöñi nalöñi tölapñe ahöyökmö, nalö kewöñe könagesöñi könagesöñi sarakñi nengöra indel nengiiga mötzin.

* 1:18: Ef 1.22-23 * 1:20: Ef 2.16

²⁷ Anutunöy kalem möriamñangö areñi kewö jiba ali ahöza, “Nöñön keuni tölapñi mi nani könagesourupni engöra indelbi mötmegöra mötzal. Yeñön mi möt yaköba anda jim sehigetka Bunani tölapñangö aködamunñan mönö kian kantriji kantriji yeñgö sutñine qariba qetbunñambuk akña.” Keu kötnji tölapñi mi kewö: Kraistnöy engö uruñine malja ewö, mönö asakmararane angotpingö jörömqörömñi al engimakña.

²⁸ Neñön Anutugö areñ miangö dop Kraistkö könañi ambazip pakpak engöra jim asariba maljin. Yeñön körek Kraistpuk qekötahöba kin köhöiba aködamunñinambuk akñegöra kusum engimakzin. Mewö enguanñiringa Anutugö jemesoholñe angotmegöra mötzin. Miangöra mötkutukutunini pakpak qezaköba qambañ keunji keunji engimakzin. ²⁹ Nöñön miangöra aum-mörimakzal. Kraistnöy kukösumñangö qakñe sölölohöba inahöm niñgimakzawi, nöñön mönö miangö dop bim qeba malakzal. Mewö.

2

Polnöy Kolosi yeñgöra waimañjat mörök.

¹ Nöñön Kolosi engöra aka bim qeba maljal. Mewöyök Laodisia sitinöy maljei aka urumelen alaurup tosatñan silenangö jemesoholni qahö nekeri, mönö körek yeñgöra köuluköba gwötpuk aum-mörimakzal. Nöñön inñini miangö könañi mötmegöra mötzal.

² Kewö köulukömakzal: Anutu, gi mönö uruñini nangöm enginönga öröröy jöhöba jöpaköm anğuba mohotñe urugö aködamunñini pakpak miwikñaime. Mi miwikñaiba ölop köhöiba yuai pakpak möt kutum teköme. Mewö aka ölop Anutugö Buña tölapñi, Kraistkö könañi mi körek möt asarim teköme. ³ Anutunöy mötmötñi aka mötkutukutuñi mi körek Kraistköreñ ala asamböriga ahöza. Anutu mötkutukutuñangö köweñi mi guli dötnam ewö köwe tölapñe ahöiga Kraistnöy miangö kinji moröñi akza. Kraist tem köla mewö miangön ölop mötkutukutuñi miwikñaibin.

⁴ Kunñan mondoqondoroñ ala kelök keu jiba uruñini kunğuba tilipköm engibapuköra Kraistköra keu mi jizal. ⁵ Silenan engö kösutñine qahö maljalmö, urumötmötñan mönö embuk kinja. Inñini köhöiba Kraist möt nariba tem köla sutñine areñinañgö dop böñjöy maljei, engöra mewö möta mötmöriba söngaimakzal. Mewö.

Gölmegö mötmötñan jöhöm engibapukö galöm meme keu

⁶ Miangöra inñini Kraist Jisös möt anğön kölgetka Kembuñini aka kinjawi, mönö yambuk qekötahömakzeangö dop ahakmemeñini aka memba malme. ⁷ Keu kusum engigeri, miangö dop mönö kesötñini Kraistköreñ möndömgöba mendawöla yambuk qekötahöba kinda uruñini nangöm anğuba mötnaripkö köhököhöinji toroqeba miwikñaiba malme. Saiwapñini mönö o saksaköba erakzawangö dop jiba möpöseiba malme.

⁸ Ambösakon yeñön gölmegö mötkutukutu kusum engigetka köna walñi miwikñaiba tosatñan mi wuatangömakze. Mewöyök bem suahö galöm Suep gölme sutñire mala mietkö öröyuainñiri pakpak galöm köl engimakzei, tosatñan Kraist onğita yeñgöreñ qekötahöba keu kusum engimakze. Mewö ahakzei, yeñgöreñök kunñan engömemba tilipqilip omanji miangö kösöñan jöhöm enñiiga eta böhi miengö buñaya akepuk.

⁹ Anutugö mötmötñi aka aködamun yuainji pakpak mi körekmakörek Kraistköreñ ahöiga gölme sile memba asuhuyök. Miangöra böhi takapulakanji mewöñi yeñgöra mönö galömnini mem anğuba malme. ¹⁰ Kraistnöy

uŋa suahö galöm aka pom jembon pakpak miengö nöröp bohonŋini akza. Kraistpuk qekötahögetka yaŋön Anutugö mötmötŋi aka aködamun yuaini pakpak mi ölöp dopŋine enŋiiga malje.

¹¹ Mewö mala Kraistpuk qekötahögetka yaŋön aiwesökŋi ölni mi enŋöreŋ mewöyök yandim enŋiiga malje. Aiwesök mi börönöŋ sile-nine yandimakzeanŋö dop qahöpmö, Kraistnöŋ sile yandiyandi qainŋi kun ak enŋiyök. Mi kewö: Yaŋön silegö ahakmeme walŋan galöm köl enŋibapuköra mönö sihim kömbönaŋini bölöŋi jöhöiga malje. ¹² *Kraistkö qamötŋi lömnöŋ algeri, enŋö uru walŋan mönö mewö tandöktandök kömumba o melun miangöreŋ kömup lömnöŋ geyök. Mewö geyökmö, Anutunöŋ Kraist mem guliiga kömupnöhök wahöröhi, yaŋö kukösumŋan mönö inini mewöŋanök inahöba o melun miangöreŋ nam köl enŋiiga guliget. Inini Anutugö kukösumŋi mi möt anŋön köla möt narim wanŋigeranŋöra aka Kraistkö qöhöröŋe guliba köhöiba malje.

¹³ *Mutuk kunöŋ enŋö sihim kömbönaŋini bölöŋi mi qahö jöhöiga uru walŋinan galöm köl enŋiiga malget. Siŋgisöndok akeranŋöra aka uru köhömuŋi malgetmö, Kraistpuk qekötahögetka Anutunöŋ yaŋö qöhöröŋe mem gulim enŋiyök. Siŋgisöndoknini mönö körek sanŋon teköiga köhöiba maljin. ¹⁴ *Bölönamnini aka miengö likepŋanŋö jimkutukutuŋi mi Suep mire löpöt kimbinöŋ ohogetka ahöyök. Kraistnöŋ löpöt mi körek pakpak kutuba qeapköyök. Löpöt miänön Anutubuk kinda andönine qeba tuarenŋon ak neŋgiba ahöyöhi, yaŋön mi köteköba maripomnöŋ kösököi teköyök.

¹⁵ Maripomnöŋ kömumba bem suahö galöm aka uŋa pom Suep gölme sutŋire öröyui pakpak galöm kölakzei, Kraistnöŋ miengö kukösumŋini luak jaugem jitŋi ewö qeapköba tölököba tözamgöm teköyök. Mewö kazikuruŋi kösö gwarö memba gamu qem enŋiyök. Mewö aka enŋuanŋita köiraŋ ala renduŋ köliga qenjarökŋe kagetka luhut al enŋiyöhanŋö könaŋi mi aukŋe asuhuiga eket.

¹⁶ *Kraistnöŋ luhut al enŋiyöhi, miangöra inini mönö Kraistpuk kinda ewebibinambuk saitŋgit malme. Mewö malgetka enŋö sutŋine kunŋan wani onŋi aka ölni ohoba nemakzei, miangöra öne dönqizizin ala jim kutum enŋibapuk. Yambu (yara) dop kendon kömbukŋi kun aka köiŋ dop köiŋ dölökŋi kotzawanŋö söŋgaipŋi mi alakze me qahö, miangöra öne jim bölim enŋibepuk. Sabat kendon mi Sondagienöŋ me silim kunöŋ tarakzei, miangöra öne mesoholŋine qeba jim enŋibepuköra mönö galömnini mem anŋuba malme. ¹⁷ Sonŋo mewöŋi miengöra mönö kezap kude alme. Mi söpsöp yuaiyök akze. Ölnan dopdowiba imutŋi gilakzawi, miangö dop ölni mi Kraist. Nenegö me kendon tatatkö keuŋi mi Kraistkö söpsöpŋi aka eretŋi akza. Kraistnöŋ lök kaiga mala öne köna söpsöpŋi walŋe qekötahöbepuk.

¹⁸ Tosatŋi yengö sihimŋini mi nanŋini urunini memba et ala Suep garata waikŋini memba bem ewö möpöseim enŋibingöra ahöza. Mewöyök jeŋini meleŋni imutimutŋini eka miengöra söŋgöröqök ahakze. Mewö nanŋine gölmegö mötmötŋan kuŋgum enŋiiga silenŋini öne töhön memba öŋgöba tiwokmawok ahakze. Yenŋöreŋök kunŋan tilipköm enŋiba Kraistköreŋök utum enŋibapuk. Mewö mötnaripkö aonŋitnöŋ luhut qahö ala töwanŋini qahö membepuk. Miangöra mönö galömnini mem anŋuba

* 2:12: Rom 6.4 * 2:13: Ef 2.1-5 * 2:14: Ef 2.15 * 2:16: Rom 14.1-6

malme. ¹⁹ *Yeñon Kraist nöröpnini akzawi, yambuk çekötahöba kink-inñini mosöta lañ malje. Kraistnöñ nöröpnini aka nanñi ölnji körek nini galöm köñ nenggiiga ölop mösölatim anguba maljin. Sihit toroqeñi aka ginimuramñi mienñon mönö ölnjanğö köna böröurupñi mindiriba jöhöm nengigetka kutulanğöba mohot akzin. Mewö aka Anutunöñ nam köñ nengimakzawanğö dop qarim köhöimakzin.

Kraistpuk kingetka gölmegö mötmötñan galöm ak engibapuk.

²⁰ Injini Kraistköreñ çekötahögetka uru walñinan kömuiga bem suahö galöm yeñğö kösö gwarönöhök lök lolohoget. Mienñon Suep gölme sutñire mala yuainjiri pakpak galöm köñ engimakzemö, injini qahö galöm köñ engigetka malje. Mianğöra böhi takapulakanñi mewöñan jimkutukutu lañ al engimakzei, mi mönö wuanöñğöra öne wuatangömakze? Suepkö bunjaya akzemö, töndup gölmegö keuya wuatangögetka siksauk ahakza.

²¹ Songonjini kewö alakze, “Mi kude göjupköba meman. Kun mi kude yöhösöröman. Yuai mi kude misiriman.” ²² Gölme ambazipnöñ nanñini nöröpninan mewö jim kutuba tosatñi kusum engimakzemö, Anutunöñ mewö qahö. Yanñon yuai pakpak mi lökñanök aka membingöra jüiga nupñini engigetka qahöwakñegöra ali ahöze.

²³ Mi töndup tosatñan bem suahö galöm aka garata waikñini memba bem ewö möpöseim engimeğöra kapan kölakze. Mi kapan köla “Nanini urunini memba eta aljin,” jiba mianğöreñ möndöba silegö sihim kömbönañini bölöñan galöm köñ engibapuköra songonji songonji ala sileñini qeba qölsihim angumakze. Mewö aka jimkutukutuñini alakzei, mi mönö mötkutukutu qakñe alalñanğö tandök aiga gwötpukñan mi möta mötket öñğömakza. Öñğömakzapmö, mi töndup mewö silegö sihim kömbönañini bölöñi angön kölbिंगö osiba mi lañ wuatangömakze. Mianğöra jimkutukutuñini mienñon mönö yuai omanñi kötökñi akze. Mewö.

3

Kraistnöñ malmal dölökñe malbingö ösumñi nengimakza.

¹ *Kraistnöñ euyangöreñ öngöba Anutugö böröñi ölnjanğö jakömbuak jakenñi memba qetbunañambuk tatza. Anutunöñ Kraist mem gulim wanğiyöhi, mianğö tandök injini mewöyök mem gulim enggiiga köhömuneyök wahöta malje. Mianğöra injini Suep mire eu öröyuai ahözawi, uruñini mönö mianğöreñ jöhöba malme.

² Gölmegö öröyuaigöreñ qahöpmö, euyangöreñ öröyuai ahözawi, uruñini mönö mianğöreñ jöhöm köhöiba malme. ³ Engö uruñini walñan mönö kömuiga Anutugöreñ tönğuba malje. Mewö Anutugö aumñe anda malmal köhöikñanğö könañi miwikñaget. Kraistnöñ Suep malmal tölapñe maljawı, engö urumalmalñinan mönö mianğö dop asa-asambötñe ahöza. Mianğöra uruñini mönö Kraistpuk jöhöba malme. ⁴ Kraist malmal köhöikñanğö Toninan kunbuk kaiga asakmararañan asuhumawi, nalö mianğöreñ injini mönö mewöyök asuhugetka enguanğiriga yambuk Anutugö asakmararañe anğotme.

Uru walñi aka uru dölökñi awörañğözahot.

⁵ Gölmegö sihim kömbönañini bölöñi könañi könañi mi uruñine kinda yayasenñeñ mem engimakzei, mienğö nöröpnini mönö körek tözangöm teköme. Bau kiam tandök serowilin aka qewölöñ anğöjörakñambuk mi

* 2:19: Ef 4.16 * 3:1: Sum 110.1

mönö andö qeme. Urusilegö sihim kömbönanji bölöni mi mosöta urukönöp bölöni mi mönö qömbökögetka bököma. Yuai membagan mendingö nepaqepalok köpösöngömakzei, mianjón tandö lopionj waiknini memba möpöseim engizeanjö tandökni akza. ⁶ Mi akeranjöra aka Anutugö irimjan seholiiga urukandöni qaknjine ali öngömakza.

⁷ Sihim kömbönanjini bölöni mewöñan mönö mutuk nanjnini malmalnini mewöyök galöm köliga köna bölöni mi tiba wuatangöba maljema.

⁸ Mewö malgetmö, nalö kewöñe injini mewöyök yuai kewöñi pakpak mi mönö gilget anma: Urusingok möta urukönöpnöñ jula engohoiga urujinan auba urubölö mötzemö, mi uzeta gilget anma. Mewöyök uruqeçe keu töhöreñ aka keu anjörakñambuk jiba urujini tölöhozei, mi mönö körek andö qeba mosötme. ⁹ *Injini uru walñi aka mianjögö ahakmeme anjörakñambuk mi köteköba mem kömumba malje ewö, keu munenji mönö kude eraum mötme.

¹⁰ *Injini uru walñi köteköba kunbuk letota uru dölökni löngöta malje. Miwimiwikñai Toninan nanñi könanji möt teköm wangibingöra söpsöp alöhi, yanjón mönö mianjögö dop uru dölökni mi letot wanggiiga toroqeba kölöñaimakza. ¹¹ Mianjögöra nini Juda me kantri tosatnjängö ambazip maljnini, mi mönö dop mohot akza. Anutugö aiwesökni silenine yandiget me qahö, mi töndup Anutugö jeñe dop mohot akzin. Taon ambazip mötmötninambuk me qandam (bus kanaka) mala nanjnini keunjne irohowaroho jiba gukmaulem maljei, mi töndup Kraistnöñ urunine kiniga mohot akzin. Nanini nupnini memakzin me toninanjögö welennjini töwanji qahö qemakzini, mianjón yuai korembenji akzapmö, ölbölñi mi Kraist. Yanjón kutulanjögöba körek neñgoñgita öngöba Kinj Kembunini bohonñi mohot akza.

¹² *Anutunöñ möwölöhöm engiiga uru dölökni wuatangöba Anutugö wölböt alaurupñi sarakñi akze. Mianjögöra injini mönö sutnjine ak kömumba ala ak anjuba malme. Urujini memba et ala tosatñi gunböñjönjögö qakñe ak engiba lömböt möta mökösonda malme. Silik mianjón mönö malukunjini aiga kölget geiga mi töp memba malme.

¹³ *Mönö lolongöba bölöñanjögö kitipñi kude mememö, mönö qaqaengim anjuba malme. Köyan köl anjugetka sutnjine keu köpösihit ahuiga kunjan alarñi jim wangimangö mötzawi, mi mönö mosöt anjume. Kembunöñ sinjisöndokñini sanjonda mosöröhi, injini mönö sutnjine mewöñanök ak anjumakñe. ¹⁴ Mewö aka urukalemögö malukunjini mi kölget geiga mianjögö qakñe mönö urukalem aka jöpaköm anjugetka qetpuk akña. Urukalem mianjón mönö aködamun tosatñi pakpaköra jizali, mi köyamgöba mindiriba bohonñina kinja.

¹⁵ Kraistnöñ injini luainöñ silemohot malmegöra engoholök. Mianjögöra yangö luainjan mönö urujine ahöba ölöñanjögö injup lökuatñi ak engiiga urubönjörñöñ jim möpöseip aka malme.

¹⁶ *Kraistköreñ Buña keu mianjón mönö urujine kinda sutnjine gwötpuk asuhum sehima. Mönö mötkutukutu keu pakpak jiba kusum anjuba qambar qem anjumakñe. Uña Töröñan sölölohöm engimakzawangö dop mönö Buña Liñet Sumbara (Sam), möpömmöpösei liñet (omsa) aka urugö liñet tosatñi mi urukönömnjan Anutu möpöseiba kölakñe. ¹⁷ Ahakmeme mi me mi jitrñöñ me siliknöñ aka memei, mi pakpak mönö Kambu

* 3:9: Ef 4.22 * 3:10: Jen 1.26; Ef 4.24 * 3:12: Ef 4.2 * 3:13: Ef 4.32 * 3:16: Ef 5.19-20

Jisösgö qetņe ahakņe. Mewö aketka Kraistnöņ nam köl enņiiga Iwi Anutu pipsimbawoņ jim waņgiba malme. Mewö.

Awanöm, iwinam aka welenqeqe enņörej qambaņ keu

18 *Ambi inņini mönö apurupņini yeņgö keu bapņe anda malme. Kembugö buņaya akzeañgöra mönö mewö aketka dop kölma.

19 *Azi inņini mönö anömurupņini urukalemnöņ jöpaköm enņiba urupik wösökömbuk qakņe kude ak enņiba malme.

20 *Nahönbörat inņini Kembubuk qekötahöba kinda iwinamyahötņini yetkö jitņiri wuatañgögetka Kembunöņ enņehiga dop kölma. Mianņgöra inņini mönö keuņini jimeañgö dop pakpak tem köl enņiba malme.

21 *Iwiurup enņö nahönbörat urupņinan awösamkakakņini mosötpepuköra mönö kude enņum ureim ak enņiba malme.

22 *Welenqeqe inņini mönö gölme qakņe galömurupņini yeņgö keuņini pakpak tem kölma ahakņe. Köndöwoņ aketka ambazipnöņ enņek sorimegöra qahöpmö, geņmoņ mosöta Kembugö jitņi oņgitpinbukö sömbuņini möta uruņini nupnöņ ala memba malme. ²³ Yuai aka memakņei, uruņini mönö mianņgöreņ jöhöba kewö mötmörime: Gölme ambaziwök qahöpmö, Kembu nanņi mönö welen qeba malje.

24 Kembu Kraist welenni qeba malgetka yaņön töwaņini Suep mire ali ahözawi, mi mönö enņiiga buņaņini akņa. Mönö mewö mötmöriba malme. ²⁵ *Kunņan nupņi mem sohomawi, Anutunöņ mewöņanök mem sohosohoņañgö likeņņi meleņ waņgima. Anutunöņ tosatņi qahö enņek soriba tosatņi qahö qepureim enņimakzapmö, körek nini dop mohotnöņ kewöt neņgiba keunini jim teköma.

4

1 *Galömurup enņörej Kembu ketani mi Suep mire malja, mi möt kutuzeañgöra mönö welenqequeurupņini titit diņdiņi aka dop mohot ak enņiba malme. Mewö.

Goro qambaņ keu tosatņi

2 Köuluk nup mönö kapaņ kölma memba malme. Mianņgöreņ mönö uruguliguli mala jim möpöseip aka malme. ³ Möpöseip akņei, mianņgöreņ mönö neņgö mohotņe kewö köuluköba malme, “Anutu, gi mönö Pol neņakurupņi köna mem enņinöņga ölöp Kraistkö Buņa keu tölapņi mi jim asarigetka sehima.” Nöņön mönö Buņa nup mianņgöra aka kösö gwarönöņ tatzal. ⁴ Nöņön Buņa keu Anutugö sihimņañgö dop jibi asarimegöra mönö köulukņinan töngum niņgiba malme.

5 *Ambazip urumeleņ qahö aka yaigep maljei, i mönö mötkutukutu qakņe ak enņiba malme. Urugö nup membingö köna kun ahumawi, nalö mi mönö kude mösöhöba ayuhumemö, ambazip qöhöröņine anda ösöņ qambaņ köl enņime. ⁶ Keu eraum mötmei, mi mönö nalö dop howeņambuk mindiriba jigetka nahömņambuk ahakņa. Jigetka mohot mohot nahömņini ahuiga körek yeņgöra keu denöwö meleņ enņimei, mi mönö ölöp möt yaköba mianņgö dop jimakņe. Mewö.

Polnöņ Tikikus Onesimus melaim etkiiga kamahot.

* 3:18: Ef 5.22; 1 Pitö 3.1 * 3:19: Ef 5.25; 1 Pitö 3.7 * 3:20: Ef 6.1 * 3:21: Ef 6.4
* 3:22: Ef 6.5-8 * 3:25: Dut 10.17; Ef 6.9 * 4:1: Ef 6.9 * 4:5: Ef 5.16

7 *Wölböt alani Tikikus yanjön Kembubuk qekötahöba kinda nömbuk nupñi törörök memba neñakni akza. Yanjön engörej kaba denöwö aka malakzali, miangö kösohotñi körek jii mötme. 8 Denöwö aka memba tata maljini, injini mönö kösohot mi mötmegöra melaim wangibiga engörej kama. Yanjön kaba ölop urukölalep ak engima. 9 *Mewöyök wölböt alanini Onesimus Kolosi engörejök kaba Kembugö keunji pöndañ wuatangöba mem yakömakzawi, nöñön i melai biga lilingöba kama. Azi yahöt mietkön kaba kiangörej yuai pakpak denöwö asuhui maljini, miangö kösohotñi ölop jim teköyohotka mötme. Mewö.

Yaizözkök keu teteköji

10 *Aristarkus nömbuk kösö mire tatzawi aka Barnabasgö numbutñi Mak yetkön yaizözkökñi jiba alohotka engörej kaza. Maköra lök keuni kewö jim kutubiga mötket: Engörej kaba kangotma ewö, mönö ölop köl öröba ala ak wangime. 11 Josua qetñi kun Jastus qetzei, yanjön mewöyök yaizözkökñi jiba ali engörej kaza. Neñakurupnan nömbuk Anutugö bem-tohoñangö nup memba maljei, yengö sutñine azi karöbut mienönök Juda asia malje. Yenjön mönö urukölalep ak niñgimalget.

12 *Nanñine azi Epafra Kraist Jisös welenñi qemakzawi, yanjön mönö yaizözkökñi jiba aliga engörej kaza. Yanjön nalö dop engöra aka köulukömakza. Keu pakpak Anutugö jitñangö dop akzawi, injini miangörej töndangöba kin köhöiba aködamunñinambuk aka malmegöra aum-mörimakza. 13 Nöñön yangö könani möta kewö nangöba jizal: Yanjön injini bauköm engimangöra nup gwötpuk memakza. Mewöyök Laodisia aka Hierapolis taon yahöt miangörej möt nariba maljei, yengöra aka wani awamñi nup memba aum-mörimakza. 14 *Wölböt doktanini Luk aka Demas yetkön mewöyök yaizözkökñi jiba alohotka engörej kaza.

15 Nöñön yaizözkökñi jiba ohozali, mi mönö urumelen alaurup Laodisia taonöñ maljei, yengöra jiget mötme. Mewöyök Nimfa aka yangö mire könagesö tokomakzei, mönö yengöra jiget mötme. 16 Kimbi ki oyon engigetka mötket teköiga miangö andöñe mi mönö algetka Laodisia urumelen könagesö yengörej aniga oyonñe. Laodisia yengöra kimbi kun ohobiga anöhi, mi alget engörej kaiga injini mi mewöyök oyonñe. 17 Arkipus azi mi mönö kewö jigetka mötma, “Kembunöñ Buña nup memangö jim kutuba köiputki tariga maljani, göñön mönö mi mötmöriba körek mem teköman.”

18 Pol nöñön yaizözkökñi jiba nane börönan qetni kewö ohozal: Pol. Injini mönö kösö gwarö azi ni mötmörim niñgiba malme. Kalem möriamnöñ mönö embuk ahöma. Mewö.

* 4:7: Apo 20.4; 2 Tim 4.12; Ef 6.21-22 * 4:9: Flm 10-12 * 4:10: Apo 19.29; 27.2; Flm 24; Apo 12.12, 25; 13.13; 15.37-39 * 4:12: Kol 1.7; Flm 23 * 4:14: 2 Tim 4.10, 11; Flm 24; Flm 2

Tesalonaika Kimbi 1

Polnõj Tesalonaika yengõra Kimbi mutukji alök. Jim-asa-asari

Rom mindimindiri kantrigõ prowins qetnji Masedonia miangõ siti bohonnji mi Tesalonaika. Polnõj misin nup memba lilikõba Filipai siti mosõta Tesalonaika kaba nup meiga tosatñan urunji melengetka kusum engii urumelen kambu alget. Mi algetmõ, tuarenjon mi miangõrenjök asuhuyök. Polnõj Kraistkõrenj Buña keu jim asariba urunji kunjuiga miangõrenj Grik ambazip Juda akeri, yengõrenjök gwõtpukñan urunji melengetka kambu mianjon sehiyök. Miangõra Juda ambazip urunji qahõ melenða urunjan böliiga Pol andõ qem wanjiget. Andõ qem wanjigerangõra lömbõriiga kõna jaruba engõmosõta Berea taonõj anök. Könangep Korint sitinõj maliga neñakji Timotinõj alabaukji aka Tesalonaika sitiyök kaba denõwõ möt narigeri, miangõ kösohotnji ali mörök.

Polnõj Kimbinji mutukji Tesalonaika alõhi, mi Kraistkõ alaurupnji yengõ urunji nangõba mötnaripñini mem köhöimapkõra ohoyök. Kembu möt nariba urukalem ak angumakzei, miangõ buzupnji mötagun yengõra Anutu möpõseiza. Nanñak malmal yembuk denõwõ aka malõhi, mia ölum engubapukõra mi papianõj ohoza. Tesalonaika urumelen kambu sutñine keu tosatnji asuhui jigeri, Polnõj mi melenða jim asariba ohoza. Keu tosatnji mi kewõ: Kraistnõj lilingõba kaiga Suep malmalnõj angotpini, miangõrenj tosatñan urunji melenða kömupnõj ahõzei, yengõra mönõ denõwõ asuhuma? Kraistnõj wani nalõnõj lilingõba kama? Keu mi melenða kewõ jim kutum engiyök, “Injini Kraist kunbuk kamapkõ jörõmqörõm aka al mambõta mala miangõrenj mönõ nup ölöpnji ölöpnji mi jegep kinda põndanj memba malme.”

Buk kiangõ bahõnji bohonnji 6 mi kewõ:

Keu mutukji 1.1

Saiwap jiba sõngaiba möpõseiza 1.2–3.13

Ahakmeme diñdñi akñjegõ kunjum engiza 4.1–12

Kraistnõj kamapkõ keunji kusum engiza 4.13–5.11

Qamban keu tetekõnji tosatnji 5.12–22

Kimbigõ keu kötñi bohonnji 5.22–28

¹*Pol, Sailas, Timoti neñõn Tesalonaika urumelen kõnagesõ embuk keu eram mötpingõra kimbi ki ohozin.

Injini Iwi Anutu aka Kembu Jisõs Kraist yetpuk qekõtahõba kingetka yetkõn mönõ kalem möriam engiyohotka luainõj malme.

Mõtnarip köl gulizeangõra sõngaizin.

² Neñõn qõsõsök mötmõrim engiba körek engõra “Anutu pipsaiwap!” jiba möpõseimakzin aka köuluk nup memba miangõrenj nalõ dop qetñini qerakzin. ³ Injini Jisõs Kraist jõpakõba möt narigetka urukalemñan nam köl engiiga nupñi köhöiba memakze aka Kembuninan lilingõba kamapkõ jörõmqörõm aka kapanj kõla mambõrakze. Neñõn mi pakpak Anutu Iwininangõ jemesoholñe ölöp mötmõrimakzin.

* 1:1: Apo 17.1

4 Urumelej alaurupnini, Anutunöj jöpaköm engiba injini nanjanjöra kewö möwölöhöm engiyöhi, mi mötzin. 5 Nejön Jisösgö Ölöwak Buñaji memba engörej kaba sutjine denöwö aka malini, injini mi mötze. Nejön Buña mi keu töhönök qahö jiin mötketmö, Uña Töröñan mönö sölölohöm neñgii awösamkakak kinda ösum-mumuñambuk uruñini kuñguba malin. 6* Mewö malinga injini könjilij ketanjö uruñe mala Buña keu möt anjön kölget. Mi anjö kölgetka Uña Töröñan sösongai enjiiga Kembu aka neñgö siliknini wuatangöba malje. Mi denöwö asuhuyöhi, nejön mi ölop mötzin. 7 Mewö andönine kaba mala Masedonia Akaia prowins yahöt mianjörej Jisös möt narizei, körek pakpak yengöra silik ölopñi kondel engimakze.

8 Mi kewö: Injini Kembugörej keu möta anjön köla jiba malgetka tosatñan mi anjötömual ewö toroqeba jim sehigetka anök. Anda mala Masedonia aka Akaia prowins yahöt mi dop köl teköyök. Mi dop köl teköyökmö, miyök qahö. Injini Anutu möt nariba nupñi megeri, mianjö öñan mönö gölme dop anda kaba sehiiga gwötpukñan uruñini melenget. Mi kilik-kalukñi qahö. Mianjöra nini mianjö keunji kun qahö toroqeba jibin.

9 Nini engörej kainga denöwö asuhuyöhi, mianjö kösohotñi mi miri tosatñi yejön jigetka anjötömual ewö mörakzin. Injini tandö lopion aka bem munenji andö enguba Anutu ölböñi aka malmal Tonji yangörej melenja nupñi memba malje. 10 Anutunöj Nahönñi mem gulii kömupnöhök wahöröhi, injini yanön Suep mireyök eta asuhumapköra mambörakze. Anutugö irimsesewölñan könangep aukñe asuhuiga Jisösnöj mönö eta jenbererej kanjamñambuk mianjörejök meköm neñgima. Mewö.

2

Polnöj Tesalonaika uruñe nup denöwö meyök?

1 O urumelej alaurupnini, nini engörej kaba nup meini, mianjön mönö qahö pömsöm qeyökmö, öñi ölop asuhuyök. Nanjinak mi mewöyök ölop mötze. 2* Qahö pömsöm qeyökmö, mutuk Filipai sitinöj nup meinga öröm ureim ak neñgigetka sihimbölä mörini, mi mötze. Sihimbölä mi mötagun engörej kainga tosatñan tuarenjoñ köhöikñi ak neñgigetmö, mi töndup Anutunöj awösamkakak neñgii kinda Ölöwak Buñaji jim asarim engiba malin.

3 Neñgö könanini kewö: Urukunjugungu keunini mi isimkakalek qakñe qahö jimakzin. Naninak janjuñ ahinga uruninan tölöhobawak, mewö mi qahö jimakzin. 4 Mewö qahöpmö, Anutunöj Ölöwak Buña jim sehibingöra neñgeka urunini kewöri dop köliga möt narim neñgiba Buñaji neñgiyöhi, mianjö dop mönö keunji memba jim asarimakzin. Anutunöj urunini esapköba kewörakza. Mianjöra nejön yuai pakpak Anutugö jeñe dop kölböngöra ahakzin. Mi ambazip sihimñini wuatangöbingöra aka qahö. 5 Nejön nalö kungen ambazip kelewele keu kelök ak engibingöra qahö anda kaini, mi mötze. Nini nepaqepalok dogonini esuhuba monerñ yuai neñgimegö möndömöndö keu siñginñi qahö jiin. Anutunöj könanamnini mi ölop jim nanjöma. 6 Enjön me ambazip tosatñan qetbuña neñgimegöra qahö kapan köla malin.

* 1:6: Apo 17.5-9 * 2:2: Apo 16.19-24; 17.1-9, 14; Apo 17.5

⁷ Kraistkō aposolurupņi akzinangōra ölöp uruņini kewō kuņgubinak, “İjini mönō nangōm neņgigetka sutņine urugō nup membın.” Mewō jiinga dop kölbawakmō, neņñon engō sutņine mököqököli aka malin. Nahönbōrat namņinan juzu engiba köyan köl engimakzawi, mianğō dop mönō nanini memba et al anguba ösōņ ak engiba malin. ⁸ Neņñon iwinam ewō mökökölüm ak engiba malinangōra Anutugōreņ Ölöwak Buņa engiin aka toroqeba nanine malmalnini mewöyök köleņ engibingō jöjöröba malin. İjini ölna wölböt nahönbōraturupņini aket.

⁹ O urumelen alaurupņini, neņñon engōra aka nup memba silenini qeba malini, mönō mi mötmörime. Nangōm neņgimegō lömbötņan engōreņök kungō qakņe öngöbapukōra sunğem asak nanine bōrōninan nup memba Anutugō Ölöwak Buņa jım asarım engiba malin. Mi mönō ölum engubapuk.

¹⁰ Jisōs möt narizei, neņñon engō keuņini pakpak diņdiņanök kewōta sarakņi köpösihitkō keunini qahō malin. İjini mi eka möta nangōba jım nangōmeangō dop akze. Anutunōņ mewöyök mi jım nangōba dangunu ewō kinja. ¹¹ İwinōņ nannı nahönbōraturupņi ösōņ ak engimakzawi, mianğō dop neņñon ijini mohot mohot ak engiba malin. Mi mewōņanök ölöp mötze. ¹² Neņñon urugō nangōnangō keu jiba urukölalep ak engiba malin. Anutunōņ ijini nanņe bemtohoņñōņ angota asakmararņe asarimegōra engoholök. Mianğōra neņñon uruņini kuņguba keu kewō jım tuariba malin, “Ahakmemenini mönō Anutugō jeņe dop kölmawangō dop sarak sorokņi aka memba malme.”

¹³ Mianğōra neņñon mewöyök sundan Anutu kewōgōra möpöseimakzin: Anutugō Buņa keu engiini, mi gölme ambazipkō keu ewō qahō buņa qem angugetmō, ölna Anutugō keu jitkō dowā möta mi angōn kölget. Mi möt narigetka mianğōn mönō kölōņaim engiiga letorakze. ¹⁴ Juda ambazip Judia prowinsnōņ uruņini melengetka Juda tosatņan angōsırip ak engigetka sihimbölo mötket. Yeņñon mi möta tōndup Kraist Jisōsbuk qekōtahōba kinda Anutugō urumelen kōnagesōņi aket. Urumelen alaurupņini, engō sutņine mönō mewōņanök asuhuyök: Nannıni Grik ambazipnōņ Juda yeņğō tandök ewō ak engigetka ijini sihimbölo örōrōņ möta Anutugō kōnagesōņi aket.

¹⁵ *Juda yeņñon kezapqetok ambazip enğuet kömugetka Kembu Jisōs mewöyök qegetka kömui nini sesewerowero ak neņgiba malget. Yeņñon Anutugō jeņe qahō dop köla ambazip pakpak kerök ak neņgimakze. ¹⁶ Neņñon kian kantri eņñon uruņini melenđa letotmegōra Buņa jıbinbukō angōn köl neņgimakze. Mewō sıngisöndok sundan aka qerakōgetka qakņine öngömakza. Sıngisöndokņini qerakōgetka dopņi Anutugō jeņe kokolak qeiga irimsesewölņi toroqeba angōn kölmamğō osiba nalö kewōņe kondeli qakņine lök öngōza. Mewō.

Polnōņ Tesalonaika kunbuk anmamğō mörök.

¹⁷ O urumelen alaurupņini, neņñon nalö kewōņe nalö törōpņi deņđa maljin. Sileninan deņđa maljinmö, uruninan jöhōba mohotņe maljin. Mianğōra engō jesōņğörōņini ekingōra mönō kapan kölā awōweņğōba maljin. ¹⁸ Mianğōra engōreņ kabingō möta malin. Pol nōņñon sömaņ mohot-töp qahōpmō, indimņi yahöt kamamğō esapköyalmō, Satanōņ jöhöm neņgiiga osiin. ¹⁹ İjini nanine ila jalö sorokņini ewō kinje.

* 2:15: Apo 9.23, 29; 13.45, 50; 14.2, 5, 19; 17.5, 13; 18.12

Kembunini Jisösnöj lilingöba kaiga yangö jemesoholje angota kinbini, mianğorenj engdeka “Urugö nup önewat qahö memba malin,” mewö jibingö mötzin. Nejön keu mi injini aka tosatnji yengöra aka awamnanök jibingö jörömğöröm akzin. Mianğöra engöra önöj qahö söngaiaba silenini memba öngömakzin. ²⁰ Nejön engöra aka qetbuja miwiknjaininga sösöngai ak nenğimakze. Mewö.

3

Timoti melaiyohotka Tesalonaika anök.

¹ *Injini denöwö aka maljei, mi mötpingö mötkurumkurum ketanji ak bibihiba toroqeba öne malbingö osiin. Mianğöra nanirök Atens sitinöj malbitkö keu jöhöba ² alaniri Timoti melaiziga engörenj kayök. Yanön Anutugö nup memba netpuk Kraistkö Ölöwak Buja jim sehimakza. Yanön uru nanğönanğö keu engiba mötnaripnjini mem köhöimapköra kayök. ³ Anutunöj arejnini jim teköiga tosatjan angösirip ak engimakze, mi nanjinak ölop mötze. Engörenjök kunjan könjilinj uruje kongwarak aka löwöribapköra jiinga kayök.

⁴ Nejön Tesalonaika embuk mala nalö mianğorenj engöra qeljine keu kewö jiin, “Kembugö jitsihitji tem kölinga ambazipnöj sesewerowo ak nenğigetka wahöjalinj miwiknjaibin.” Mewö jiinga mianğö dop ölna asuhuyöhi, mi ölop mötze. ⁵ Mewö asuhuiga esapesap Tojan esapköm enji löwöriba etketka nupninanğö ölnan eta pömsöm qebapuk. Mianğöra denöwö möt nariba maljei, mi mötpingö mötkurumkurum ketanji ahin lömbörii kunbuk öne malmamğö osiba Timoti melaibiga qesiba mötmamğöra kayök. Mewö.

Timotinöj kösohotnjini ali möt ölöwahin.

⁶ *Mötkurumkurum aka malinmö, Timotinöj anda engömosöta lilingöba kaba bujanjini ölopni memba kaba kewö jiyök: Injini Kambu ölop möt nariba urukalem ak angumakze aka nalö dop nenğöra mötmöriba ölöwahakze. Nejön engekingö sihimni möringa enjön mewöyök nini nenğekingö kapan kölakze.

⁷ O urumelenj alaurupnini, nejön sesewerowo könjilinj könanj könanj möringa nalö mianğorenj kaba möt narizeanğö kösohotnji ölopni jii mötziga keu mianjön mönö ölna urukölalep ak nenğiyök. Mianğöra nalö kewöne engöra aka amqeba luainöj ölöwaka maljin. ⁸ Injini Kembubuk qekötahöba böj qeba kinmeanğöra nejön mönö ölna köhöiba maljin. ⁹ Engöra aka Anutugö jemesoholje önöj qahö söngaimakzini, sösöngai pakpak mianğöra mönö denöwö Anutu möpöseiba saiwap jiinga dopne akawak?

¹⁰ Nejön sunğem asak urunini qezaköba kapan köla kewö köulukömakzin, ‘Anutu, mönö bauköm nenğinönga Tesalonaika anda jesöngöröjnini eka mutulanğöba mötnaripnjinanğö yuaigöra osizei, mönö mi engibin. Keu mi ölna.’

¹¹ Mewö köuluköingna Anutu Iwinini nanji aka Kembunini Jisös yetkөн mönö köna mesat nenğiyohotka ölop engörenj kabin. ¹² Toroqeba kewö köulukömakzin, ‘Nini urukalem önöj qahö ak engimakzini, Kambu göjön mönö urukalemgi toroqeba kondel enginönga sutjine sehiiga kondel angumakje aka ambazip pakpak kondel engimakje. ¹³ Kambu, göjön mönö urujini mem köhöimakjan. Kembunini Jisös göjön könanğep

könagesögi sarakñi pakpak yembuk kunbuk kamani, nalö mianğören Tesalonaika yeñon sarakñi köpösihitkö keuñi qahö Iwinini Anutugö jeñe kinme.' Mewö köulukömakzin.

4

Ahakmeme solanji urukalemñambuk mi dop kölma.

¹ Urumelen alaurupnini, keu kun kewö: Ahakmemeni Anutugö jeñe aket dop kölmawanğö könani kusum enğiinga mi lök köl guliba wuatangömakzemö, mi toroqeba gwötpuk ahakñegöra uruñini kuñguzin. Neñon qambañ keu mi Kembu Jisösgö qetñe enğizin. ² Neñon Kembu Jisösgö kukösum qakñe kinda jöjopañ keuñi jim kutum enğiini, inini keu mohot mohot mi lök möt teköze.

³ Anutunöñ enğöra jitsihitñi kewö mötza: Inini mönö sero yoñgorö andö qeba sarakñi aka tök-kutukutuñi aka malme. ⁴ Anutugören köna diñdiñi mi mönö kewö möt kutume: Uru sileninanğö sihim kömbönanjini galöm köla sarakñi (mala nanñini anömñini nanjik nanjik memba) malgetka aködamunñambuk akña. ⁵ Urumelenğö kopa yeñon Anutugö könani qahö möt kutuba uruñini könöp jeiga ambi lañ memakze. Mianğö dop kude aka malme.

⁶ Mewö qahöpmö, ambi apñan kungen aniga kunöñ ölöñ kaba ambi kude saitköma. Kunöñ bölöñi mewöñi ahiga uruñiran kömbuhibapuk. Mutuk qambañ keu mi jiba galöm mem enğiini, mianğö dop kunöñ ambi mem böliiga Kembunöñ siñgisöndokñi pakpakö likepñi melen wanjima. ⁷ Anutunöñ nini qewöloñ malbingöra qahöpmö, malmal sarakñi malbingöra neñgoholök. ⁸ Mianğöra jöjopañ keu mi mosötmawanon mönö gölme ambaziwa qahöpmö, Anutu nanña andö qema. Anutu Uñanji Töröñi enğimakzawi, ia mönö andö qebepuk.

⁹ Sutñine jöpaköm anğumakzei, mianğö könani Anutunöñ kusum enği nanñinak lök möta malje. Mianğöra neñon urukalem ak anğubingö keuñi kunbuk ohom enğibingö qahö osizin. ¹⁰ Masedonia prowins uruñe urumelen alaurup pakpak uruñinan jöpaköm enğiba maljemö, urumelen alaurupni, mi mönö toroqeba gwötpuk ahakñegöra uruñini kuñguzin. ¹¹ Mönö ösöñ mala nanñini malmal nanğönanğöñini galöm köla böröñinan nup memba malme. Mewö aka aködamunñinambuk akingö kapañ köla kinme. Mutuk mewö jim kutum enğiinga mianğö dop mönö aka memba malme.

¹² Mewö aketka uruñini qahö melenđa yaigep kinjei, yeñon ahakmemeni solanji ek yaköba göda qem enğiba malme. Injarere lañ mala nene yuaigö uleta kungö qakñe kude malme. Mewö.

Kembugö kaka nalöñe kewö asuhuma:

¹³ Urumelen alaurupnini! "Tosatñan uruñini melenđa kömumba ahözei, yeñgöra denöwö asuhubawak?" Inini keu mewö jiba mianğöra gukmaulem malbepuk. Ambazip uruñini qahö melenđa jörömqöröm qahö maljei, yeñon kömukömuñi yeñgöra aka wösöbirik maljemö, enñon i ewö wösöbirik malbepüköra keu kewö jibin: ¹⁴ Jisösnöñ kömumba wahöröhi, nini keu mi möt nariba kewö jizin: Anutunöñ Jisös mem guliyök. Mianğöra ambazip yambuk kömumba nöñ qegeri, Anutunöñ mönö i mewöyök mem guliba Jisösbuk mohotñe enğuanğiri aukñe asuhume. Keu likepñi möt narizin ewö, likepñi kun mi mewöyök möt nariinga dop kölma.

15 *Kembunöŋ keu kusum nenŋiiga nenön yangö jitŋi mi enŋöra kewö jibin: Tosatŋi nenön qahö kömumba toroqeba silebuk malinga Kembunöŋ lilingöba kamawi, nini nalö miangöŋerŋ mutuk qahö öngöbin. Nini ambazip kömukömuŋi qahö enŋonŋitpin. Qahö. 16 Mianŋö arenŋi kewö: Anutunöŋ tömunŋi qainŋi kun uiga ötöŋi asuhuiga Suep garata bohonŋan jimkutukutunŋi qeriga ambazipnöŋ kourukŋiri mötketka Kembunöŋ nanŋak Suepnöhök etma. Kraistnöŋ eriga i möt narim wanŋiba kömugeri, yeŋön mönö mutuk kömupnöhök wahötme.

17 Yeŋön mutuk wahötketkun nini qahö kömumba jebuk malbini, Anutunöŋ mönö nenŋuanŋiri könakemba öngöbin. Wahötkeri yembuk öröröŋ kousunöŋ öngöba Kembubuk aitonŋöba yambuk Suep mire sundan dop malbin. 18 Mianŋöra keu mewöŋi jiba mianŋön mönö uruŋini nanŋöm anŋuba malme. Mewö.

5

Kembunöŋ kamapköra mönö jöjöröba malme.

1 O urumelen alaurupnini, Kraistnöŋ lilingöba kamapmö, wani yambunöŋ aka wani nalönöŋ asuhumawi, nini miangö keuŋi ohom enŋbingöra qahö osizin. 2 *Inŋi nanŋinak keu mi ölöŋnanök kewö möt kömuze: Yoŋgorö memenöŋ suŋgem ölöŋ kanŋorakzawi, Kembugö kaka nalöŋan mönö miangö dop wölaŋ kam kuŋguma.

3 Ambazipnöŋ kewö jime, “Merak lui qem nenŋii siyonŋayonŋi qahö maljin.” Mewö jigetka miangöŋerjök köndenŋmendenŋ asuhuba qakŋine öngöma. Ambinöŋ morö memangö masöŋi qei mörakzawi, mönö miangö dop asuhuiga misiŋgöba anbingö osime. 4 Yeŋön osimemö, urumelen alaurupnini, enön pandaman uruŋe jipjap qahö maljeangöra nalö mianŋön mönö sanŋabaŋga yoŋgorö meme ewö enŋö qakŋine öngömapkö osima. 5 Körek enön mönö asakŋanŋö ambaziwa akze aka yuai pakpak aukŋe akingö ak enŋimakza. Nini söŋaupkö ambaziwa qahö akzin aka ömukŋanŋö yuainŋi tököba sisit memakzin.

6 Mianŋöra tosatŋi i ewö uruninan gaun ahöbapuk. Mewö qahöpmö, nanini galöm köl anŋuba uruguliguli malbin. 7 Gaun ahözei, yeŋön suŋgem gaun ahömakze. Ambazip o köhöikŋi nempa enŋololonŋ ahakzei, yeŋön mönö söŋaupnöŋ mewö aka malje.

8 *Söŋaup uruŋe mewö ahakzemö, asakŋanŋö ambazip nenön mönö nanini galöm köl anŋumakin. Wahöjambanini mönö opo maluku ewö kewö löŋgöta kinbin: Nenön mötnariŋ aka urukalem köl guliba mewö mianŋön töptöpnine göwanŋöwanŋ keŋöläköba (suman ewö köla) sel jöhöm anŋuba kinbin aka Suep mire öngöbingö mamböta jörömqöröm aka mewö mianŋön nöŋöpnini ain irikmarik ewö esuhuba turubin.*

9 Anutunöŋ nini et nenŋui irimsesewölŋi mötŋingöra qahö jim teköyökmö, Kembunini Jisös Kraistnöŋ mem letot nenŋii oyaenŋoyaenŋ buŋa qem anŋubingöra jim teköiga maljin. 10 Jisösnöŋ nenŋöra aka kömuyöhanŋöra malmalnini gölmenöŋ malbini me kömumba nöŋ qeba

* 4:15: 1 Kor 15.51-52 * 5:2: Mat 24.43; Luk 12.39; 2 Pitö 3.10 * 5:8: Ais 59.17; Ef 6.13-17

* 5:8: Ömewöröme yeŋön sölölohöm nenŋimegöra yuai bölöŋi bölöŋi mi liŋŋip kesarek ewö gila nenŋöra mulahakzemö, miangö jitŋi mi ölöŋ Jisös möt nariba urukalem kondela kinda likeplikap suman ewö közamböt anŋuba közajömakin. Mötmötninan siksauk aiga janŋur anbinpuköra ölöŋ Anutubuk ösupköinga kalem möriamŋan nöŋöpnini irikmarik ewö sel jöhöm nenŋiiga amöriiga Suepkö könaŋi wuatangömakin.

ahöbini, mi mönö Jisösbuk köhöiba malbin. ¹¹ Mianğöra uru nanğönanğö aka möhamğöm anğuba köhököhöi miwikñaiiba mutulanğömakzei, mi mönö toroqeba memba malme. Mewö.

Qambar aka goro keu qöndökñi

¹² Urumelen alaurupnini, neñön kewö jim kutum engizin: Galömninan Kembubuk qekötahöba kinda sutñine nup memba qambar engimakzei, i mönö göda qem engiba malme. ¹³ Göda qem engiba nupñini memakzeanğöra mönö ölña jöpaköm engiba yengöra mötket öngöma. Könagesö sutñine mönö lui qem anğuba malme.

¹⁴ Urumelen alaurup, neñön urukungukunğu keu tosatñi kewö engizin: Tosatñan nanñini imbi-imbi wuatangöba injarere lan maljei, mi mönö jim engiba galöm meme keu engime. Zirinžirin ambazip yengöra mönö uru nanğönanğö keu jigetka köhöiba awösamkakak akñe. Ambazip uruñini löwöriiga maljei, i mönö köyan köl engime. Urukönöp kude akñemö, ambazip pakpak mönö urubönjöh qakñe ak engime. ¹⁵ Jinöh jibi, nunğunöh guhubi me aknöh aki mi kunñan kude akña. Sonğo mi walöhbepeköra mönö galöm mem anğuba malme. Nalö dop yuai ölöpnji ölöpnji mi kapan köla ak anğumakñe aka ambazip tosatñi pakpak ak engiba malme.

¹⁶ Mönö nalö dop sösöngai aka malme. ¹⁷ Sundan dop Anutu köuluköba malme. ¹⁸ Mewö me mewö asuhumawi, mianğöreñ mönö Anutu möpöseiba malme. Kraist Jisösbuk qekötahöba kinjei, Anutunöh engöra jitsihitñi mewö mörakza.

¹⁹ Uña Törönanğö bölamñi mönö kude qömbököme. ²⁰ Anutugöreñ kezapqetok keu jimakzei, mianğö jijiwilitñi mönö kude akñe. ²¹ Keu pakpak mönö kewöta esapköme. Esapkögetka keu ölöpnji asuhumawi, mi mönö anğön köla malme. ²² Keu aka ahakmeme bölöñi könanji könanji mi mönö andö qeba malme.

²³ Nöhön engöra kewö köulukömakzal, 'Luaigö bemñi Anutu, gi nanggak mönö lökñanök tök kutum enginönga sarakñi aka malme. Göñön mönö uruñini, uñanini aka silenini mi lökñanök sel jöhöm enginönga köpösihitkö keuñi qahö aka malme. Mewö nalö dop malgetka Kembunini Jisös Kraistnöh lilingöba kaba mewö miwikñaim engima. Keu mi ölña.' ²⁴ Engoholjawi, yanñon keuñi pöndan wuatangömakza. Mianğöra mönö köuluk mianğö dop ak engim teköma.

²⁵ Urumelen alaurupnini, eñön mönö nengöra aka Anutu köuluköba malme.

²⁶ Urumelen alaurup pakpak sutñine mönö anğum anğuba numbuñini yöhötüm nempa malme.

²⁷ Nöhön Kembangö qetñe jim kutum engiba jöjöpñan keunöh jöhöba kewö ohozal: Kimbi ki mönö urumelen alaurup pakpak yengöra algetka oyon engigetka mötme.

²⁸ Kembunini Jisös Kraistkö kalem möriamñan mönö embuk ahöma. Mewö.

Tesalonaika Kimbi 2 Polnöŋ Tesalonaika yeŋgöra Kimbi aliga 2 ahök. Jim-asa-asari

Tesalonaika urumelen kambu uruŋe Kraist kamapköra mambötketka tosatŋan “Lök kayök,” jigetka tosatŋan “Keu mi munena,” mewö lanlan jiba siksauk aka malget. Tosatŋan “Kembugö kaka nalöŋan lök kam kuŋguyök,” jiba möt nariget. Miangöra “Polnöŋ Kimbi Tesalonaika aliga 2 ahök,” buk mi ohoba keu mi jim tuariyök. Polnöŋ keu muneni mi mindiŋgöba könaŋi kewö indelök: Kraistkö kaka nalöŋan dopdowimawi, nalö miangöreŋ ambazip ahakmemeŋinan goŋgiba bölima. Mewö böliiga azi tandökŋi kun qetŋi Iwilele Toŋi yaŋön asuhaba mutuk tölapŋe mala könaŋep Kraist aukŋe tuarenjoŋ ak waŋgiba ambazip kantri dop galöm köl eŋgima.

Tosatŋan Tesalonaika urumelen kambu kahasililin mem eŋgigetka sihimbölä möta malget. Miangöra aposol Polnöŋ keu bohonŋi tosatŋi kewö jim tuarim eŋgiyök, “Inini mönö kapaŋ köla köhöiba Kembubuk qekötahöba kinda möt nariba malme.” Keu kötŋi kun kewö jim tuariyök, “Nöŋön neŋakurupni yembuk malmalnini nanŋöm aŋgubingöra nup memba malini, inini mönö miangö dop injarere malmal mosöta nanŋini nene yaka miwikŋaiba mi memba malme aka nup ölöŋŋi ölöŋŋi kapaŋ köla jegep kinda memba malme.”

Buk kiangö bahöŋi bohonŋi 5 mi kewö:

Keu mutukŋi 1.1-2

Uruölöwak ak eŋgiba söŋgaiba möpöseiza 1.3-12

Kraistnöŋ kamapkö keuŋi kusum eŋgiza 2.1-17

Ahakmeme diŋdiŋi akŋegöra kuŋgum eŋgiza 3.1-15

Kimbigö keu kötŋi bohonŋi 3.16-18

¹* Pol, Sailas aka Timoti neŋön Tesalonaika urumelen könaŋesö embuk keu eraum mötpingöra kimbi ohozin. Eŋön Iwinini Anutu aka Kembu Jisös Kraist yetpuk qekötahöba kinje.

² Iwi Anutu aka Kembu Jisös Kraist yetköŋ mönö kalem möriam eŋgiyohotka luainöŋ malme. Mewö.

Sihimbölä mötagun mönö oyaenŋkoyaenŋ aka malbin.

³ Urumelen alaurupnini, eŋgö mötnariŋŋinan gwötpuk köhöiiga körek pakpak urukalem ak angumakzei, silik mianŋon mohot mohot eŋgö uruŋine sehimakza. Miangöra neŋön eŋgöra nalö dop “Anutu saiwap!” jiba möpöseim waŋgimakzini, mi ölöŋŋanök dop kölja. Buŋa keu köl guligeranŋöra saiwap jimakzini, mi mönö nupnina. ⁴ Sesewerowero aŋgösirip könaŋi könaŋi ak eŋgigetka mörakzei, mi pakpak kapaŋ köla mökösoŋda böŋ qeba kingetka mötnariŋŋinan qahö sörauba löwöriza. Nani-nak mewöyök miangö kösohotŋi mi Anutugö könaŋesöŋi könaŋesöŋi yeŋgö jeŋine jiba eŋgöra aka silenini möpöseimakzin.

⁵ Anutunöŋ keu diŋdiŋanök kewöta jim tekömakzawi, aŋgösirip mötmöŋŋinan mönö miangö aiwesökŋi akza. Anutugö bemtohoŋ uruŋe kaŋgota maljeanŋöra sihimbölä mötketka eŋgehiga Suep mire öŋgömeanŋö

* 1:1: Apo 17.1

dop sarak soroknji aknegöra kapan kölakza. Miangöra könjilinj qahö angön kölīga nalö kewöñe qakñine öngömakza. ⁶ Anutunöñ diñdiñi akzawañgöra kinda kahasililinj ak engimakzei, i mönö kahasililinj miyöhök melenñiga qakñine öngöma.

⁷ Qakñine öngömapmö, kahasililinj möta maljei, enñon mönö oyaenköyaen akñe. Kembu Jisösnöñ garataurupñi kukösumñinambuk enñuanñita yembuk Suepnöhök eta asuhumei, nalö miangöreñ mönö nembuk mohotñe luhut meme. ⁸ Jisösnöñ könöp bölam uruñe etma. Mewö eta ambazip Anutu qahö möt wañgiba Kembunini Jisösgö Ölöwak Buñañi qahö tem kölakzei, i mönö likepñi melenñ enñiiga sihimbölö kewö möta malme: ⁹ *Kembunöñ mönö “Yapmakek!” jiba jemesoholñeyök közöl enñiiga Anutugö kukösumñi asakmararañambukñöñ qahö öngömemö, yaigepñe mala könöp siagö sihimbölöñi teteköñi qahö möta malme.

¹⁰ Kembunöñ lilingöba kamawi, nalö miangöreñ kambu-urupñi sarakñi neñon mönö yañgö asakmararañi eka miangö dop letota “Owe, Jisös Kembunini owe!” jibin. Möt narim wañgiini, körek neñon mewö welipköinga ambazip omanañ neñgeka Ye! jiba auruba kinme. Neñon Jisösgö könañi nañgöba jiinga enñon mewöyök mi möt nariba uruñini melenñerañgöra mönö letota jihilalomñinambuk asariba nembuk mohotñe kinme.

¹¹ Mewö asuhumapköra neñon nalö dop engöra kewö köulukömakzin, “Anutunini, nangak engohola miangö dop mönö nam köl enñinöña sarak soroknji aka malme. Mönö kukösumgi ala inahöm enñinöña yuai ölöpñi pakpak aka membingö sihimñini körek asuhum teköma. Mewö mötnaripkö nupñini megetka öñi körek asuhuma.” ¹² Mewö köuluköinga Kembunini Jisös möpöseigetka qetñan engöra aka sutñine aködamunñambuk akña. Nanine Anutu aka Kembu Jisös Kraist yetkön kalem möriam enñiyohot maljeañgö dop mönö nanñinak mewöyök aködamunñinambuk akñe. Mewö.

2

Kembunöñ kamamgö aiga Iwilele Tonñan asuhuma.

¹ *Urumelenñ alaurupñini, Kembunini Jisös Kraistnöñ lilingöba kaba neñuanñiriga yañgöreñ eu tokobini, iñini keu mi mötzemö, neñon kewö qesiba qambañ enñizini:

² Kembugö kaka nalöñan lök kam kuñguzawañgö tandök tötbörömñinan mönö miangöreñök kaiga siksauk möta tatpepuk. Keu mi denöwö asuhuyök? Uña kunöñ azi kun alburup qeiga imutimut eka kezapqetok keu jim siñgiyök me kunöñ “Uruñini kuñgumam,” jiba keu jim siñgiiga asuhuyök? Tosatñan kewö jibepuk, “Pol alaurup yeñon keu mi kimbinöñ ohoba alget kayök.” Keu omanñi miangöra mönö öne töhön töwöratiba jöñömñini undui malbepuk.

³ Kunñan kun mewö me mewö tilipköm enñibapüköra mönö galömñini mem añguba malme. Mi kewögöra: Mutuk aiwesök yahöt kewö asuhuyohotka Kembunöñ miangö andöñe kama: Ambazip kelenñmaleleñ yeñon Kembu iwilele aka andö qeme aka Iwilele Tonñan nanñak mewöyök aukñe asuhuma. Anutunöñ i jim teköiga könöp sianöñ gema. Aiwesök yahöt mi mutuk asuhuyohotka miangö andöñe nalö ketanñan kama. ⁴ *Tuarenjon

* 1:9: Ais 2.10 * 2:1: 1 Tes 4.15-17 * 2:4: Dan 11.36; Eze 28.2, 8; Ais 11.4, 9; Mat 24.24

TONJI YAÑON JAKBAK-ORANBÖRANJ AKA NANJİ SILENJI MEM ÖNGÖM TEKÖMA. AMBAZİPNÖN YUAİGÖ WAİKŪNİ MEMBA MÖPÖSEIMAKZEI ME GETŪNİ BEM GETZEI, YAÑON MÖNÖ MI PAKPAK ENĞONĜITA SILENJI MEMBA ÖNGÖBA MALMA. MEWÖ MALA ANUTUGÖ JÖWÖWÖL JIKENÖN ÖNGÖBA JAKÖMBUAK DUMŪNİ ALA “ANUTU AKZAL,” JİBA KANTRI PAKPAK GALÖM KÖL NENGİBA MALMA.

⁵ NÖHÖN TESALONAİKA EMBUK MALALI, NALÖ MIANĜÖREŪ KEU MI LÖK JİBİ MÖTKET. İNINI MI ÖLUM ENĜUBAPUK. ⁶ IWILELE TONJAN ZILANZILANJ ASUHUMAPKÖ OSİMA. WANI YUAINÖN KÖNAŪNİ ANĜÖN KÖLAKZAWI, ENÖN MI NALÖ KEWÖŪE MÖTZE. NALÖNİ TÖRÖRÖK KAM KUŪŪGUMAWI, MIANĜÖREŪK MÖNÖ ASUHUMA.

⁷ NALÖ KEWÖŪE IWILELE TONJANĜÖ ÖSUMŪNİ TÖLAPŪAN LÖK ASUHUBA AMBAZİP SÖLÖLÖHÖM ENĜİMAKZA. AUKŪE ASUHUBAPUKÖ KÖNAŪNİ ANĜÖN KÖLJAWANÖN MI MOSÖRI KÖNA AHUMAPKÖRA MAMBÖTA MALJA. ⁸⁻⁹ MAMBÖRI KÖNAŪNİ ASUHUIGA MIANĜÖREŪK MÖNÖ AMĜEBA ASUHUMA. SATANÖN IWILELE TONJI SÖLÖLÖHÖBA NAM KÖL WANĜII ANĜÖLETOT MUNENİ AKA AIWESÖK KIMBI KÖNAŪNİ KÖNAŪNİ MEİGA EKA MALME. MI EKA MALMEMÖ, KEMBU JİSÖSNÖN ASAKMARARANĜAMBUK ASUHUBA AUYOHOTKA I NUMBU ÖSUMŪAN ĜEBA YAIJAPALELENJ MEM WANĜİMA.

¹⁰ AMBAZİP ANUTUNÖN AMÖT ĜEM ENĜİMAPKÖRA TÖKÖBA KEU ÖLŪNİ BUŪA ĜEM ANĜUBİNGÖ ĜAHÖ AK ENĜİİGA LANJ MALA KÖNÖP SIANÖN ĜEMEI, YEŪN IWILELE TONJANĜÖ ANĜÖLETOTŪNİ EKETKA KÖLĜOROM KÖNAŪNİ KÖNAŪNİ ENĜİİGA JANJUŪ AHAKŪE. ¹¹ MIANĜÖRA ANUTUNÖN MÖTMÖT JANJUŪ KAWIKŪAMBUK ALI ASUHUIGA AMBAZİPNÖN MI KUKÖSUMŪNİAMBUK JİM SEHİGETKA SESEGİLGİL YEŪN KEU KELÖKŪNİ ĜWAHÖTA MUNENİ MÖT NARİME. ¹² KÖNAŪNAMŪNAN AUKŪE ASUHUMAPKÖRA ANUTUNÖN JANJUŪ AL ENĜİİ ĜAKÖME. AMBAZİP KEU ÖLŪNİ ĜAHÖ MÖT NARİBA URUSİHİMŪNİ AHAKMEME ĜONĜONJE ALA ĜAKÖĜERİ, ANUTUNÖN MÖNÖ KÖREK YEŪĜÖ KEUŪNİ JİM TEKÖİGA KÖNÖP SIANÖN ĜEME. MEWÖ.

Keu ölni tem köla kapaŷ köla köhöiba kinme.

¹³ YEŪĜÖREŪ MEWÖ ASUHUMAPMÖ, KEMBUGÖ WÖLBÖT ALAURUP, ENĜÖRA MÖNÖ NALÖ DOP “ANUTU SAIWAP!” JİBA MÖPÖSEİNINGA DOP KÖLJA. MI NUPNINA. ANUTUNÖN İNINI KÖNAKÖNAHİŪEYÖK SUEPKÖ BUŪAYA AKA LETOTMEĜÖRA MÖWÖLÖHÖM ENĜİYÖK. MIANĜÖ DOP KEU ÖLŪNİ MÖT NARİGETKA UŪA TÖRÖŪAN MEM SARAHİM ENĜİİGA MALJE. ¹⁴ MEWÖ MALMEĜÖRA ÖLÖWAK BUŪA AL NENĜİİ JİM ASARIİNGA MIANĜÖN İNINI ENĜOHÖLÖK. MEWÖ TOROĜEBA MALA KEMBUNİNİ JİSÖS KRAİSTKÖ ASAKMARARANÖN ÖNGÖBA AKÖDAMUNŪNİAMBUK AKŪE.

¹⁵ MIANĜÖRA URUMELENJ ALAURUP, KONĜWARAK MÖNÖ KUDE AKA MALME. NEŪN KEU KUSUM ENĜİBA JİTNİNAN JİİN ME KİMBİNÖN OHOİNGA MÖTKERİ, KEU KÖNŪNİ MI MÖNÖ ĜEKÖTAHÖBA WUATANĜÖBA MALME. MEWÖ.

¹⁶ KEMBUNİNİ JİSÖS KRAİST NANŪAK AKA ANUTU İWINİNİ YETKÖN JÖPAKÖM NENĜİBA KALEM MÖRIAM ĜAKŪE OYAENKOAENJ AKİNGÖ JÖRÖMĜÖRÖMŪNİ NENĜİYOHOTKA MIANĜÖRA MAMBÖTA URUKÖLALEP TETEKÖNİ ĜAHÖ MÖTA MALJİN. ¹⁷ YETKÖN MÖNÖ URUNJİNİ NANĜÖBA NUP ÖLÖPŪNİ PAKPAK MEMBA KEU ÖLÖPŪNİ PAKPAK JİBA MALMEI, MIANĜÖREŪ MÖNÖ MEM KÖHÖİM ENĜİİGA MALME. MEWÖ.

3

Ölöp nenĜöra köuluköba malme.

¹ KEU TETEKÖNİ KUN Kİ: KEMBUGÖ KEUŪAN SEHİBA ENĜÖ SUTJİNE AKÖDAMUNŪAMBUK AHÖHI, MIANĜÖ DOP MÖNÖ ZILANJ MİRİ TOSATŪE MEWÖŪANÖK ANDA JİM SEHİİNGA ÖLŪAMBUK AĜUBA ANMA. MIANĜÖRA URUMELENJ ALAURUP, ENÖN MÖNÖ NENĜÖRA AKA ANUTU KÖULUKÖBA MALME. ² AMBAZİP SESEGİLGİLŪAN

Anutu qahö möt narimakze. Mianğöra misimkaulup ambazip gonğonji aka bölöñji meme yeñon kahasililij ak nenğibepuköra mönö Anutugö köuluköba malgetka sel jöhöm nenğima.

³ Sesegilgil yeñon bölizemö, Kembu keunji pöndañ wuatangömakzawañon mönö mem köhöim engiba bölöñeyök sel jöhöm engima. ⁴ Keu jim kutum enğiini, enñon mi nalö kewöñe aka könañgep tem köla malmei, mi möta uruyahötñji qahö akzin. Neñon Kembubuk qekötahöba kinda mewö mötzin.

⁵ Kembunöñ mönö uruñini möñaiba Anutubuk jöhöiga urukalemñji möt yaköba Kraist ewö kapan köla mökösoñda malme. Mewö.

Injarere malbinbukö galöm meme keu

⁶ Urumeleñ alaurup, inñini nanñini imbi-imbi wuatangöba lanlan mal-bepuköra kusum enğiinnmö, tosatñan keu bapñe qahö anda önewat lan malje. Mianğöra nini Kembu Jisös Kraistkö qetñe kewö jim kutum enğizini: Inñini mönö urumeleñ alaurup mewöñji pakpak mi engömosöta misingöba tikep malme. ⁷ Neñon engö sutñine nanini imbi-imbi lan qahöpmö, keu bapñe malin. Mianğöra nenğö köna lasupnini wuatangömegö könañji mi nanñinak ölop mötze. ⁸ Nini injarere qahö malin aka engöreñök kungö nene yuai mi öne qahö nemba malin. Qahö! Nanğöm nenğimegö lömbötñan engöreñök kungö qakñe öngöbapuköra mönö sunğem asak nup sundansundan memba silenini qeba malin.

⁹ Anutunöñ nupñi membingö kukösumñji nenğii maljinangöra ölop nanğöm nenğimegö keunöñ uruñini kungum enğibinakmö, nenğö köna lasupnini wuatangömegö silik ölopñji kondel enğibingö mötzin. ¹⁰ Embuk malini, nalö mianğöreñ lök kewö jim kutum enğiini: Nup memamgö töközawañon mönö nene mewöyök kude nema.

¹¹ Engö sutñine tosatñan keu bapñe qahö anda nanñini imbi-imbi wuatangöba lan malje. Yeñon nup ölnji qahö memakzemö, nup meme tandöktandök öne lan memba inöñ wainöñ möndöba tosatñi yengöreñ yuai mem sohoba qewöloñ silekmalak lan malakze. Engöreñ keu kun mi mewö kaiga mörin. ¹² Neñon ambazip mewöñji mi Kembu Jisös Kraistkö qetñe jim kutuba uruñini kewö kungum enğizini: Inñini mönö an qekötahöm kam qekötahöm mosöta zeñ mala nup megetka ölnji asuhuiga nanñini nene yakanñini nemba malme.

¹³ O urumeleñ alaurupnini, enñon nup ölopñji ölopñji memba mianğöreñ mönö tanqan kude akñe. ¹⁴ Neñon kimbi ki ohoba jim kutum enğizini, kunñan mi qahö tem kölma ewö, inñini mönö uruñi meleñmapköra gamu qem wangiba ehöröñ köla yambuk keukeu jiba köisirik kude tata malme. ¹⁵ Mewö mala kerök qahöpmö, ala ewö ak wangiba qambañ köl wangiba malme. Mewö.

Köuluk aka yaizözkök keu teteköñi

¹⁶ Kembu luai Tonñan nanñak mönö nalö dop ahakmeme pakpak mianğöreñ luai qem enğiiga böñjöñ malme. Kembunöñ mönö körek embuk malma.

¹⁷ Pol nanak yaizözkökni nani börönan ohozal. Kimbi pakpak ohomakzali, mianğöreñ nani yaizözkök qet kimbi ki nanak alakzal. Qetni kewö ohozal: Pol*

* **3:17:** Mutuk kunöñ tilipköba Polgö qetñe kimbi kun aliga uru siksauk asuhuyök. Mianğöra nanñe böröñan qetñi ohoyök.

¹⁸ Kembunini Jisös Kraistkö kalem möriamɲan mönö körek embuk ahöma. Mewö.

Timotigö Kimbi 1

Polnön Timotigöra Kimbi mutukñi alök.

Jim-asa-asari

Timoti sepguli azi yangö namñi Juda ambi aka iwiñi Grik azi. Yanön Eisia prowinsnön mala uruñi melenja Kraistkö alañi aka malök. Mewö mala Polgö neñakñi aka baukôm wañgiiga mohotñe liliköba misin nup memba malohot. Polnön lömbötnön memba et al wañgibapuköra waiman-jat keu bohonñi karöbut mötmöriba Buja Kimbi ki ohoyök.

Waimanjat bohonñi ketanji mi böhi takapulakanji. Tosatñan zioz uruñe kinda keu goñgoñi kusum sohom engiba malgeri, Polnön yengöra aka galöm meme keu köhöikñi ohoyök. Böhi mienön Juda yengören mötmöt aka gölmegö mötmöt tosatñi mindirigetka kónañamñini lolonqalon aiga kewö möt nariba jiba ambazip kusum engiba malget: “Gölme aka yuai pakpak ehakzini, mi bölöñi akza. Miangöra tosatñan Suepkö buja akingö kapan köla mötmöt asa-asambötñi qainñi kun qahö buja qem anğuba nenegö dönqizizin aka sonjo tosatñi walöñda awanöm akze ewö, Anu-tunön mönö keu miangören qaköba amöt qem engimangö osima.”

Waimanjat keu bohonñi kun mi: Denöwö urumelen kónagesö galöm köl enğinga törörök Anutugö waikñi memba möpöseibeak. Polnön miangö qambañ keuñi papianön ohoyök. Mewöñanök zioz galöm, babafi aka nup meme ambazip tosatñan denöwö aka malgetka dop köljawi, miangö keu areñi mi jim asariba ohoyök.

Teteköñe keu bohonñi karöbutñi miangören Timotigöra goro keu tosatñi ohoyök. Undumñi yanön mönö denöwö Jisös Kraistkö welen-qeçe ölöñji aka mötnarip ambazip kambuñi kambuñi engöbisiba baukôm enğiiga dop kölmawi, miangö goronji ohom wañgiyök.

Buk kiangö bahöñi bohonñi 3 mi kewö:

Keu mutukñi 1.1-2

Ziozgö nup meme yengören jimkutukutu 1.3–3.16

Timotinön nupñi memapkö jimkutukutuñi 4.1–6.21

¹ Anutu, Amötqeçe Tonini aka Kraist Jisösnön galöm köl nenğimapkö jörömqöröm al mamböt ak wañgizini, yetkôn Pol nongöra jim kutuba kunguba melaim niñgiyohotka aposol maljal. Kraist Jisösgö jitñememe mewöñi aka göbuk keu eraum mötpitköra kimbi ki ohozal.

² *O Timoti! Gi urugi melenja Jisös möt nariba mötnaripkö nahön sorokni aka maljan. Iwi Anutu aka Kembunini Kraist Jisös, yetkôn mönö ak kömumba kalem möriam gihiyohotka luainön malman.

Enlolon kusum engibepukö galöm meme keu

³ Masedonia prowinsnön anmangö ahali, nalö miangören kewö jim kutum gihial, ‘Gi mönö Efesus sitinön toroqeba mala urumelen kambu baukôm engimakñan. Tosatñan mötnaripkö keu kambañ tosatñi kusum sohomakzei, mi toroqeba akepuköra galöm mem anğuba malme.’ Mewö jim kutum engiba malmangöra jial. ⁴ Tosatñan bem sambannji sambannji aka ambösakon yengö qet areñi areñi mi teteköñi qahö eraum mötketka supapköiga anğururuk aka keu qeçesi omanji asuhui mötmörimakze. Yenön

* 1:2: Apo 16.1

uruñini mianğörej ala sohobepuk. Keu sinñi sinñi jiji mewöñi mi qahöpmahöp baukôm engimapmô, Anutugö malmal areñi mi kewö ahöza, 'Kunñan Jisös möt nariba uruñi meleşniga yañön mönô i amöt qem wañgiiga letotma.' Merak mewö ak engimangöra kunbuk uruwahöt keu jim gihizal.

⁵ Jim kutum gihizali, mianğö tohotñi mi urujöpak. Nöñön urukalem ahumapköra bim qeba kewö jim tuarim engiba malmangö kuñgum gihizal: Yeñön uruñinan sarakñi ahömapköra galôm köl anğuetka mötmöt bölöñan mi qahö gwözöñma. Qahö gwözöñniga Anutunöñ sañep alakzawi, mi urukezapñinan ölop möta malme. Mewö mala Kraist törörök möt narigetka Anutunöñ mönô urukalemñi uruñine ali ölop ahumakña. Urujöpak mianñön sutñine ahumapkö kapan kölakzal.

⁶ Tosatñan Anutugö malmal areñi mi sinğiba janjuñ aka oyoñdewedewet keu omanñi omanñi lanñ jimakze. ⁷ Yeñön Anutugö Köna keugö böhi malbingö mötzemö, nanñinak keugö könañi qahö möt asariba mesohol kölâyök jimakze. Öne ambazip jeñine awösamkakak kinda keu lanlanñ köhöiba jiba bim qemakze.

⁸ Anutugö Köna keu mianñön mönô ölop sorokñi akza. Mi könañangö dop törörök kusum anğuba wuatangöinga ölop möhamgöm neñgimakza, mi mötzin. ⁹ Anutu Köna keuñangö könañi mönô kewö möt yaköme: Mi ambazip solanñi diñdini yeñğöra aka qahöpmô, Anutunöñ mi ambazip gongonñi mindiñgöm engimapköra aka ali ahöza. Tosatñan gongiba kewö ahakze: Iwilele jaubatbat aka keu qeba yangiseñ qakne aum jesöksök ahakze. Anğöjörak aka sinğisöndokñinambuk mala töndup Anutu nesampurek ak wañgigetka uruñini tölöhoba nöñöñgan malje. Iwinamñini aka tosatñi enguget kömumakze.

¹⁰ Serowilin ahakze. Sodom taonöñ akeri, mianğö dop köna onğita azi nanñirök aka ambi nanñirök amimakze. Ambazip mem bölim engimeğöra qeraköba jöhömakze. Keu muneyñ jimakze. Keu jiba jöjöpaj keunöñ jöhöba töndup tilipkömakze. Anutunöñ ahakmeme diñdini akingöra Ölöwak Buña neñgiyöhi, mi inñi wainñi aka memba mianñön qetalakze. Anutugö Köna keu mianñön ambazip mötnaripkö köna diñdini sinğimakzei, mönô i mindiñgöm engimapköra aka ahöza. ¹¹ Anutu, oyaençkoyaenç Toñi yañön mötnaripkö köna diñdini mi Buña keunöñ ali ahöza. Nöñön Ölöwak Buñañi aködamunñambuk jim sehimangö möt narim niñgiba Buña keunñi mi al niñgiyök. Mewö.

Polnöñ Kembu kalem möriamñangöra möpöseiza.

¹² Kraist Jisösnöñ uruni kewöriğa nupñi pöndañ memamangö dop nehi dop kölīga nupñi niñgiğa memakzal. Nup memangöra kukösum niñgiba mala kotzawi, mianğöra Kembunini möpöseiba maljal. ¹³ *Nöñön mutuk Jisös mepaiköba alaurupñi ilita sesewerowero könöpuک ak engiba malal. Mewö malalmö, yuai mi Jisös qahö möt nariba silebile tönpin mala lanñ aka memba malal. Sinğisöndok mewö aka malalanğöra mönô ak kömum niñgiğa kölöñjaiba letoral.

¹⁴ Kembuninan kalem möriamñi niñgiba kelenmaleleñ mokoiga nöñgö qakne öngöyök. Mewö öngöğa mötnariپnan asuhuiga urujöpakö kondotkondot Toñi Kraist Jisös miwikñaial. Yambuk qekötahöba

* 1:13: Apo 8.3; 9.4-5

kinda urukalemñi buña qem aŋguba ambazip tosatñi urunan jöpaköm enġimakzal.

¹⁵ Nöñön ambazip tosatñi pakpak enġonġita sinġisöndokö ambazip yengö sutñine ketañamñini aka malal. Mewö malalmö, Kraist Jisösnöñ sinġisöndok ambazip amöt qem neñġimangöra aka gölmenöñ erök. Keu kötni mi nöñgöreñ ölnambuk ahök. Mianğöra keu kötni mianñön mönö pöwöwöm köhöikñi akza. Mi ambazip körekmakörek möt nariba aŋgön kölbinanğö dop akza.

¹⁶ Sinġisöndokö ambazip yengö ketañamñini aka malalmö, Kraist Jisösnöñ ni kewögöra ak kömum niñġiyök: Yañön nömbuk uruluai qakñe amöt qem niñgiba Anutugö uru tandökñi aukñe asuhumapkö möt köhöiyök. Nöñgö könane ambazip tosatñan Jisös möt narimeï, tandökñi mi yengöra kondel enġimangö mörök. Mi kondel enġiiga ölop amqeba uruñini melenđa malmal köhöikñanğö buñaya akñe. ¹⁷ Ak kömum niñġiyöhanğöra aka Anutu möpöseimakzal. Yañön Kiñ Kembu teteköñi qahö aka malma. Anutu mohotñan qahö göröñ qeiga kaisoñgolomñi qahö ehakzin. Nöñön yañgö qetbuñani nalö dop möpöseibiga teteköñi qahö aködamunñambuk aka ahöma. Keu mi ölna.

¹⁸ O mötnaripkö nahöni Timoti! Mutuk kezapqetok keu tosatñi göhöra jigeri, keu mianñön kötöngöm gihiiga ölop aködamungabuk aka malman. Keu mianğö dop kewö jim kutum gihizal: Göñön mönö malmal sarakñi malmangöra bim köhöikñi qeba malman.

¹⁹ Bim qeba mianğöreñ mötnaripki söörauba sohobapuköra mönö töp meman. Urugi köyan köl aŋgunöñga mötmöt bölöñan qahö gwözöñniga Anutunöñ urukezapnöñ sañep alakzawi, mi ölop möta malman. Ambazip tosatñan uru köyankölkölni mosöta lañ malgetka mötnaripñinan löwöriba köhömuñi aka pömsöm qeyök. Wañgenöñ köwet töromnöñ kuñguba jömgözawi, mönö mianğö dop kumkanjan aka böliget. ²⁰ Mötnaripñinan pömsöm qeyöhi, yengö sutñine azi yahöt qetñiri Himeneus aka Aleksander maljahot. Nanak mindingöm etkimangö osiba uruñiri melenmahotköra i Satangö böröñe al etkial. Al etkibiga Satangö kukösomñi ahakmemenjanğö dop möta uruñan sihimbölogöra löwöriiga melenđa mepaqepaik kunbuk qahö akahorak. Mewö.

2

Buña nupkö köuluk areñ

¹ Yuai bohonñi mi köuluk nup. Nöñön mianğö uruwahöt keuñi jiba uruñini kewö kuñguzal: Inini mönö ambazip körek pakpak enğöra köuluköba kapan köla uleta Anutu qesim wañgiba saiwap jiba malme.

² Kiñ azi kembu aka gawmangö galöm ambazip könañi könañi yengöra aka köuluköba malme. Mewö kötöngöm enġigetka diñdiñanök galöm köl neñġigetka luai qakñe guñböñjönjön malbin. Mewö mala Anutugö jitñi wuatangöba ahakmeme diñdiñi aka memba malinga aködamunñambuk ahakña. ³ Köuluk nup mewöñi mianñön ölop sorokñi akza. Mi Anutu, Amötqeqe Toninanğö jemesoholñe ölop dop kölja. ⁴ Yañön ambazip körekñan Buña keu ölni möt kutuba uruñini melengetka amöt qem enġii letotmegöra jitsihitñi mörakza.

⁵ Anutu mohok-kun ahöza aka ambazip Anutubuk mindirim neñġimapköra azi mohok-kun mewöyök ahöza. Azi mohot Jisös Kraist yañön mönö mi köhöiiga tosatñan mi osimakze. ⁶ Yañön sinġisöndok

ambazip pakpak nenjö sohopnini memapköra malmalni kölenäda mosörök. Buña keu mi Anutunöj nalö ali tosatñan nalö törörök mianjören könahiba nanjöba jim asarigetka nenjören kayök. ^{7*}Mianjöra aka Anutunöj aposol akñamgö kuñguba melaim niñgiiga kantri dop lilikömakzal. Ambazip Jisös möt narimegöra Buña keu ölbölni jim asariba kusum enjgiba urujini kuñgum enjgimakzal. Könani mewö jiba munen kun qahöpmö, keu ölna mewö jizal. Mewö.

Azi aka ambi yenjö malmal areñini

⁸ Mianjöra jitsihitnan kewö jizal: Azi enjön mönö pöndañ miri dop tokoba köuluk nup töp memba malme. Yom kazik aka anjururuk mosötketka urujinan sarahiiga ölop böröjini mem wahöta Anutu köulukömakñe. ^{9*}Ambi enjö qambañ keujini kewö jizal: Enjön mönö kinisöröjini löngöta silenini törörök turuba malme. Opo söro sorokñi aködamunñambuk mi mosöme. Nöröp juñjini qeba gawasu könañi könañi kude ala minjinda öñböñ meme. Kösasorom me goul mianjön kude meñölöm anjume aka löngölöngöt söngöröñi ketanji mianjön memba aiwelikqaiwelik kude akñe.

¹⁰ Aködamunñini ölni mi ahakmeme ölopñi. Ambi Anutugö jitñi ongitpinbukö kengötnini möta qetñi jim aumakzei, enjön mönö nup ölopñi ölopñi jegep kinda memakñe. ¹¹ Azinöj kusum enjigetka ambi enjön mönö urujini memba et al anjuba Buña keu ösöñ möta nesilam qakñe takpararak aka jitröñ söhöp kude melenmemö, mi urukönömñine ala malme.

¹² Ambi enjön azi galöm köla kusum enjimegöra nöjön ‘On!’ qahö jizalmö, tokogetka ösöñ keu böc tatme. ^{13*}Anutunöj mutuk Adam miwikñaiba yanjö andöñe Iw (Ewa) miwikñaiyök. ^{14*}Mokolenñöj Adam qahö tilipköyökmö, ambi mi tilipköm wañgiiga keu onjita singisöndok ahök. ¹⁵Töndup ambi yenjön nup areñini wuatanjöba morö memba Kraist möt nariba ahakmeme sarakñi wuatanjöba urumelen alaurupñini urunöj jöpaköm enjgiba ösöñ malme ewö, Anutunöj mönö ölop amöt qem enjgiiga letota Suepnöj öngöme. Mewö.

3

Ziozö nup galöm yenjö keu areñ

¹ Kunñan urumelen könagesögö uru galöm pasto akñamgö ak wañgizawi, yanjön mönö nup sorokñi aködamunñambuk miwikñaimea. Keu mi ö löhöñña. ^{2*}Mianjöra urumelen könagesögö uru galöm nupköra mönö azi kewöni möwölöhöba kuñgugetka dop kölma: Kungö silenö köpösihitkö keunji qahö, ambi mohot-kungö apñi, kekpurikñi qahö, ahakmemenji törörök galöm köl anjuga göda qem wañgimakze. Yanjören kamei, i ölop köl öröba köyan köl enjgiba mötmöt törörök kusum enjgimakza.

³ Kunöj o köhöikñi nemba bim lañ qeba anjururuk aka moneñ membagun memamgö köpösöngömakzawi, i qahöpmö, kunñan ölop ambazip mutulanjöba mökölim enjgiba guñböñjñöñ ak enjgimakzawi, mönö azi mi kuñgume. ⁴ Kunöj nanñi anöm-moröurupñi ölop galöm köla goro enjgiiga nahönböraturnan göda qem wañgiba keunji pakpak tem köla

* 2:7: 2 Tim 1.11 * 2:9: 1 Pitö 3.3 * 2:13: Jen 2.7, 21-22 * 2:14: Jen 3.1-6 * 3:2: Tai 1.6-9

maljei, mönö ia kungugetka kinma. ⁵ Galöm azi kunñan nanñi saiwaurupñi galöm köl engimamgö qötötangöza ewö, yanñon Anutugö urumelen könagesourupñi mönö denöwö köyan köl engibawak? Mi mönö osibawak.

⁶ Azi kunñan nalö köröpñi uruñi melenña zeñ kinjawi, yanñon ölop kutukutulan galöm nup memenña aka malma. Kunñan nalö töröpñi uruñi melenña an köl kam köl aka tiwokmawok aka töptöpñe qeba silenji memba öngöbapuk. Bölöñangö Tonjan kezapjupjup aiga Anutunöñ keuñi jim teköba közöl wangii erök. Mianğö dop engö galömñinan silenji memba öngöiga Anutunöñ i Satan ewö jim teköiga etpapuk. ⁷ Galöm kunñan urumelenğö kopa yengö sutñine qetbuña ölopñi qahö bisibawak ewö, ambazipnöñ i lan jim böligetka Bölöñangö Tonjan mötöp simbanji ali mianñon töteköi qeiga etpapuk. Mewö.

Ewanjelis aka Buña nup ambazip yengö keu

⁸ Buña nup ambazip* yenñon mewöyök ambazipnöñ göda qem engimeangö dop tanörakñini qahö aka malme. Tosatñan keu jöl yahötyahöt jiba wain o gwötpuk nemba möndö möndö qakñe injarere mala monen yuaigöra kapan kölakzei, i mönö kude kungum engigetka kinme.

⁹ I qahöpmö, ambazipnöñ mötnaripkö keu ölnji asa-asambötñi Anutunöñ indelöhi, mi nöm tik memba mianğoreñ qekötahöba uruñinan tölöhobapüköra galöm mem anguba sarakñi maljei, mönö ia kungum engime. ¹⁰ I mewöyök mönö mutuk kewöt engigetka keu jizalanğö dop köhöiba kingetka dop kölma ewö, mönö ölop kungum engigetka kinda Buña nupkö ambazipñini aka malme. ¹¹ Yengö ambiurupñinan† mewöyök ambazipnöñ göda qem engimeangö dop tanörakñini qahö aka andöqege keu jitnöñ yöhösañ qahö jiba malmemö, kekpurikñini qahö mala yuai pakpak memburik-qemburikñini qahö memba malme.

¹² Buña nup azinöñ mönö ambi mohot-kungö apñi aka nanñi anömmorö aka welenqegeurupñi ölop galöm köl engimakña. ¹³ Buña nup ambazip nupñini ölopñanök memakzei, ambazipnöñ i göda qem engigetka qetbuña ölopñi miwikñaime. Mi miwikñaiba ölop awösamakak kinda ambazip uruñini kunguba Jisös Kraist möt naribingö keu mi köhöiba jimakñe. Mewö.

Anutunöñ Buñañi asa-asambötñi indelök.

¹⁴ O Timoti, nöñon zilanğöhöreñ kaba gekñamgö jörömqöröm al mamböt akzalmö, töndup kimbi ki göhöra ohozal. ¹⁵ Nalöni qeköriiga kabilenbuköra mutuk kimbi ki kewögöra ohobi kaza: Gi Anutugö urumelen könagesourupñi denöwö galöm köl enginöñga ahakmemenñinan diñgiba ölöwakñawi, mönö qamban keu mi oyonña mötman. Anutugö könagesourupñi neñon Anutugö mindimindiri zioz selñi akzin. Malmal Tonji yangöreñ qekötahöinga mindirim nenñiiga miri dop tokoba keu ölnji jim sehimakzin. Keu ölnjan böliba ösumñi etpapüköra mianğö wötñi aka tandöñi akzin. ¹⁶ Anutunöñ amötqegegö könanji asa-asambötñi indelöhi, neñon Buña keu mi möt asariba kewö jim miwikñaimakzin: Buña Tonji yanñon nanñak gölme asia aka sutnine asuhuyök.

* **3:8:** Dikon mi azi aka dikones mi ambi, yanñon pasto qöhöröñine bauköba nup memba urumelen kambu köyan köl engiba Buña keunöñ gumohoba silegö nup tosatñi memba mianñon nanğöm engimakze. Ewanjelis me urukungukungu ambazip yanñon sel yaigepñe kinjei, yanñon uruñini melenmegöra Buña keu kusuba mianñon uruñini kunguba goro engimakze. † **3:11:** Buña nup ambi aka Buña nup azigö anömmñi yengö jimkutukutunji jiza.

Asuhuiga keu jakenje albingö keunji laj jarum bibihigetka Uña Töröñan kónañi solañji aukñe kondelök. Mi kondela meiga Kembu aka wahöta Suep garata galöm köl enjiiga aködamunñji uba eket.

Mi eketka Anutunöñ wañgiri Suepnöñ öngöba Anutubuk tata galöm köl nenjimakza. Galöm köl nenjiiga Buña keunji mi kantrinji kantrinji liliköba jim asarigetka gwötpuk yeñön gölme dop möt narim wañjimakze.

Mewö jim miwikñaininga ölnja aködamunñambuk akza. Mewö.

4

Keu munenji kusum enjigetka enjololonj akza.

¹ Anutugö Uñajan keu kewö jim asariiga törörök möt yaközin: Gölmegö nalöñan tekömangö akñawi, nalö mianğöreñ ambazip kelenmaleleñ yeñön mötnarip mosöta Kembu andö qeba ömewöröme yeñgö böröñine geme. Mewö gegetka ömenöñ sölölöhöba kusum enjimakzei, mönö yeñgöreñ mötmöt wuatangöba enjololonj aka siksauk malme.

² Siksauk mi kewö asuhuma: Tosatñan urumelenj silesile aketka Satanöñ aiwesökñi uruñine ain könöpnambuknöñ qekötahöba urukezapñini gwözöñniga köhömunji aiga keu munenji laj jim sohomakze. ³ Yeñön ambazip kewö kusum sohom enjimakze, 'Urumelenj ambazip enjön mönö awanöm anğömeme kude akñe aka nene tosatñi kude namba malme.' Mewö kusum sohom enjimakzemö, Anutunöñ nene pakpak mi nembingöra miwikñaiyök. Mi ambazip Anutu möt nariba keu ölnji möt yaközini, yañön mi kötuetsköiga ölop saiwap jiba nembingöra al nenjiyök.

⁴ Anutunöñ yuai pakpak miwikñaiyöhi, mienjön mönö ölopñi akze. Mi andö qebinañgö dop qahöpmö, yuai al nenjimawi, mi ölop saiwap jiba buña qem angubin. ⁵ Yuai ambazip jeñine dönqizinñambuk akawak ewö, mi mönö ölop Anutugö keu jiba köuluköinga ösumñan walöñda dom-amöt qeiga sawölñi akña. Mewö.

Kraist Jisösgö welenqeqe ölopñi mi kewö:

⁶ Göñön urumelenj ambazip mewö kusum enjiba mala Kraist Jisösgöreñ Buña nup meme azi ölopñi aka malman. Göñön Buña keu wuatangöba mala kotzani, mi tosatñi kusum enjiba nangk mewöñanök keu ölopñi mi aka mötnaripkö qambañ keu pakpak oyoñda mötmöriba mianjön urugi gumohom anğuba malman. ⁷ Gölme ambazipnöñ bem samban keunji oyoñdewedewet jigetka Anutugö Buña keunöñ böbölohot akñamgö akzawi, mi mönö yaköriba andö qeman. Mi andö qeba Kraist ewö aka mal-mangöra urugö kölguliguli aka malman.

⁸ Anutunöñ malmal nalö kewöñe gölmenöñ maljini, mi kötuetsköm nenjiiga kónañep oyaenköyaen malbingö jöhöjöhö alök. Mönahot anğolat mi boromdökñanök sile guliguligöra bauköm nenjiba eretñi akzapmö, urugö kölguligulini mi tandönini bohonñi akza. Mianğöra urugö likepñi pöndañ köl guliba malnongga mianjön mönö yuai pakpak mianğöreñ bohon köla nanğöm gihimakña. ⁹ Keu jizali, mi ambazip körekñanök möt anğön kölbinañgö dop pöwöwöm köhöikñi akza. Keu pöwöwöm köhöikñi kun mi kewö,

¹⁰ "Anutu malmal Tonji yañön ambazip körek pakpak amöt qem nenjimamgö mötza. Urunini melenñda möt narim wañjimakin ewö, mönö ölnja amöt qem nenjimakña. Mewö möt narizin. Nini tosatñan

mewö asuhumapköra jörömqöröm mewöñi Anutu al wanğiba kinda nupñi memba silenini geba aum-mörimakzin.”

¹¹ Ambazip keu mianğö dop aka memegöra jim kutuba kusum engiba malman. ¹² O Timoti, kunöñ sepgwölö maljananğöra memba et al gihibapuköra mönö mötnarip ambazip sutñine silik ölöpnji kewö kondel engiba malman: Keu ölöpnjanök jiba ahakmeme diñdiñi wuatangöba ambazip törörök jöpaköm engiba malman. Mötnaripkö kölguliguli pöndañ memba Anutugö nupñi mem sorokönönga mianğöra möt narim gihiba malme. Mewö sarakñjanök aka menönga ambazipnöñ ölöp göda qem gihigetka malman.

¹³ Mönö pöndañ Urumelenğö Buña Kimbi mi jegep oyoñda kapan köla jim asariba könagesö uruñini mianğön kunguba kusum engiba malman. Nalö sutñi kianğoreñ mewö aka malnönga nöñön kabiga dop kölma. ¹⁴ Jitñememe yeñön böröñini göhö qake ala köulukögetka Anutugö kezapqetok keu göhöra asuhuiga Anutunöñ nup memegö mötmöt kalem gihiiga uruge ahözawi, mi kude köyatimanmö, mianğö qakñe nup memba malman. ¹⁵ Kude köyatimanmö, Buña Kimbi oyoñda jim asariba kusum engiba malman. Yuai karöbut mi mönö kapan köla jegep köl guliba malman. Tanqan qahö akñan ewö, urugahö töhötmöriamñan mönö qariiga köhöiba awösamkakak akñani, mi köreñjan ek kutume.

¹⁶ O Timoti, mönö nangi uru silegi galöm köl anguba urumelen nup törörök kusum engimangöra galöm mem anguba malman. Mewö aka malman ewö, mönö nangi oyaenköyaen ak anğuman aka keugi mörakzei, mi mohotñe oyaenköyaen ak enginönga Suepnöñ öngöme. Mewö.

5

Malö aka ambazip namñi mi kewö galöm köl engime:

¹ Azi namñi mi köhöikñjanök kude mindingöba jim wanğimanmö, iwigi ewö qambañ keu ösöñ jinönga mötma. Azi sepgwölö mi darumungi ewö ak engiba malman. ² Ambi namñi mi namurupki ewö qambañ engiman. Ambi seram mi nenurupki ewö ahakmeme sarakñi wuatangöba göda qem engiba malman.

³ Malö tinitosolomñini qahö mi mönö gödaqege qakñe ak engiba malman. ⁴ Malö kungö isimoröurupñi malje ewö, yeñön mönö mutukñi aka bohon köla i galöm köl wanğime. Anutunöñ jim kutum nenğiyöhi, yeñön mönö mianğö dop nanñini saiwaurupñini köyan köl engibingö könañi mötme. Iwinamurupñinan mutuk nalö köröpñi köyan köl engiba malgetka yeñön mianğö kitipñi melenđa tosañini meköm engigetka Anutugö jeñe dop kölma.

⁵ Malö ambi ölnji, tinitosolomñi qahö nanñök maljawwi, yanñön mönö jörömqörömñi Anutu al wanğiba i sundan dop sungem asak qesiba köuluköm wanğimakza. ⁶ Yanñön mewö maljapmö, ambi malö tosañjan uruñinan könöwiiga sihim kömbönañjanğö dop yuai lanğanğöra böröñjan suhumakzei, yeñön gölmenöñ silebuk maljemö, töndup köhömuñi akze. ⁷ Mianğöra malö yeñön silenine köpösihitkö keuñi qahö ahöi malmegöra mönö mewöyök jim tuarim engiba malman.

⁸ Kunñan nanñi tinitosolomurupñi qahö köyan köla engömosöri garömisin maljei, yanğö ahakmemenjan mönö bölim teköza. Yanñön Kembu möt narizawanğö keuñi mi silikñan qan köla urumelenğö kopa tandök onğita böliqöliba malja.

⁹ Urumelen könagesö enön malö tosatni kutukutulaj aka köyan köl engimakzei, malö kunñan yeñgö areñnöh kañgotmapköra qeçesi alma ewö, ambi mi mönö kewötme. Kewötketka kewö asuhuiga iyök mönö qet areñ mianğöreñ toroqeba ohoba alme: Kunöh yambuñi (yarañi) 60 onğita azi mohotkö anömña malök. ¹⁰ Mewö maliga tosatñan könañğöra kewö nañğöba jimakze: Yañön nup ölöpnji ölöpnji memba mala morö galöm köla goro enğiiga qariget. Ambazip kiannji miriñe köl öröba köyan köl enğiiga Kraistkö alaurupñi sarakñan kağetka uziñini sañğonđa esuhuba yaka tawen enğiba malök. Wahöjalinj uruñe malgeri, mi mem ölöwaka nup ölöpnji pakpak memamğöra uruñi pöndañ jöhöba jejep kinda malök. Malö mewöñi mönö areñ papianöh ohoba köyan köla malme.

¹¹ Malö ambi namñi qahö, yeñgö qetñini mönö qet areñ papia mianğöreñ kude alman. Mi albanak ewö, yeñgö sihim kömbönañinan könöp jeiga azi kunbuk membingö mötmötñini ahum köhöiiga Kraist silekmalek ak wañgiba zioz nup mosötpepuk. ¹² Mi mosöta mutuk Kraist tem kölbिंगöra jöjopañ keuñini aukñe jim jöhögeri, mi qegetka pömsöm qeiga Kraistnöh keuñini jim teköba gamu qem enğiiga önewat lañ mal-bepuk.

¹³ Önewat lañ mala toroqeba kewö böllebepuk: Miriñi miriñi lañ liliköba nalö ayuhumegö könañi möt anğön kölbepuk. Toroqeba böliba luasö keu lañ jiba keu hapñe qahö anda nanñini imbi-imbi wuatangöba nup meme tandöktandök lilikçilik akepuk. Inöh wainöh lañ möndöba nup ölni qahö memba tosatni yeñgöreñ yuai mem sohobepuk. Keu tosatni yeñgöreñ yuaia qahöpmö, töndup mi öne lañ jim sehibepuk.

¹⁴ Mewö akepuköra sihimni kewö möta jizal: Malö ambi namñi qahö yeñön mönö azi memba morö memba nup miriñini galöm köla malgetka dop kölma. Mewö aketka tuarenjoñninan jim bölim nenğimamğö könañi jaruba mi qahö miwikñaima.

¹⁵ Malö tosatñan galöm qahö mem anğuba lök Kraist andö qeba eta Satangö könañe wuatangöba malje. ¹⁶ Urumelen könagesö neñön mönö malö ambi ölni, tinitosolomñini qahö maljei, mi köyan köl enğibingöra ahakzin. Mianğöra mötnarip ambi kungö tinitosolomurupñan malöya akzei, yañön mönö mi köyan köl enğiba malma. Mianğö lömbötñan mönö zioz kambu enğö qakñine kude öngöma. Mewö.

Ziozgö jitñememe mi kewö köyan köl enğibin:

¹⁷ Jitñememeurup urumelen könagesö ölöp galöm köl engimakzei, enön mönö mianğö likepñi melenđa gödaqeçe öngöngöñi kondel enğiba malme. Yeñgöreñök tosatñan Buña keu jim asariba kusum engimakzei, mianğöra mönö kötöññini toroqeget öngöi enğiba malme. ¹⁸ *Buña Kimbigö keu kunñan mianğö könañi kewö jiza,

“Wit padigö kötni aka kamböñi mendenbingöra bulmakau aziñi wañgitketka padi kambu qakñe tiba tözözamğömakzawi, yañgö numbuñi mönö kude muzupköme. Mewö gumohom wañgigetka ölöp nene kitipñi neiga dop kölma.”

(Mianğö dop kiamnöh böröjañ memba sömbup meköi qegetka kitipñi wañgiget neiga dop kölma.) Keu kun kewö ahöza,

“Kunöh nup meiga tosatñan töwañi wañgigetka dop kölma.”

* 5:18: Dut 25.4; Mat 10.10; Luk 10.7

¹⁹ *Jitnememe kungö silenje keu lanj ala jim wangetka yahöt me karöbutnjan mi qahö nanjöbeak ewö, i mönö keu jakenje kude alman.
²⁰ Denike yejön singisöndok ahakzei, gönön mönö i aukne tembula jim enjinönga körek pakpak keugi mi möta singisöndok akinbukö kenjötnjini möta galömjnini mem anjumakne.

²¹ O Timoti, keu ohoba jim kutum gihizali, mi mönö tem köla wu-atanjöba malman. Azi me ambi kun kude ek soriba tosatnji kude qepureim engiman. Mianjöra kungö keunji mi qeljine lanj kude jöhöman. Ambazip körek pakpak mönö örörönj kewöta ak engiman. Mewö akjangö keunji mi mönö Anutu, Kraist Jisös aka Suep garataurup saraknji yejögö jemesoholnjine jiba mi jöjöpän keunöj jöhönönga mötpi dop kölma.

²² Tosatnji yejögö singisöndoknjinan göhö qake öngögetka gamu miwiknaibanbuk. Mianjöra kunjan “Kembugö nup memam,” me “Urumelenj kambu toroqemam,” jizawi, yanjö könanjamnji mutuk qahö kewöta börögi zilanjilan yanjö qakne kude ala kötuatköm wangiman. Nangak saraknji malmangöra mönö galöm köl anguba malman.

²³ O Timoti, gi nalö tosatnji kawöl ahum gihiiga “Yainmain!” qeta ahakzan. Mianjöra mönö oyök kude nemanmö, wain o tosatnji mewöyök nenönga kömöngoki bauköiga amqema.

²⁴ Keu kun kewö: Ambazip tosatnjan singisöndok aketka zilanj aukne asuhugetka ambazipnönj eka qeljine jim tekögetka nalö kewöne gamunjanambuk kinje. Mewö kinjemö, tosatnjan singisöndok aka tölapköba mala könanjep Anutugö jene angotketka aukne asuhui jim teköm engima.
²⁵ Ambazip nup ölöpnji aködamunjanambuk memakzei, nup mianjön mewöyök nalö kewöne aukneyök ahöza. Nup ölöpnji tosatnji aukne qahö ahöbeak ewö, mi mönö mewöyök tölapne ahöbingö osiba könanjep asuhugetka ekin. Mewö.

6

Welenqege yejögoren qamban arenj

¹ Welenqegeurupjnini pakpak tonjanjö mötöp bisiba nup töwanjini qahö memakzei, enön mönö tourupjnini iwilele lanj kude ak engimemö, gödaqege pakpak kondel engibingö dop engeka malme. Enön mönö tosatnjan Anutugö qetnji mepaiköba jibepuköra kapan köla kinme. Anutugö Buja keunji ambazip kusum enjiinga mi engö ahakmemenjanjöra aka andö qegetka bölibapuk. ² Tourupjnini tosatnjan urumelenj alaurupjnini akzei, mianjöra mönö gödaqejenjini mötket eretnji akapuk. Mewö qahöpmö, tourupjnini welen qem engigetka nupjnini ölöwahakzawi, yejön Kraist möt narigetka wölböt ala ak engigetka mianjöra mönö kapan köla tourupjnjanjö keu bapne anda urunjini nupnönj ala ölöpnjanök memba malme. Mönö mewö jim kutuba kusum enjiba malman. Mewö.

Buja keu jim sohogetka urukönöp akepuk.

³ Kembunini Jisös Kraistnönj urugö kölguliguli akingöra Buja keunji nenjiyöhi, nenön mönö mianjö dop ambazip ölöwakjegöra kusum engimakzin. Kunjan Buja keu ölnji qiwitipköba keu kembanganj murutnji ambazip kusum engimakzawi, yanjön mönö kopa akza.

⁴ Yanjön silenji mem öngömakzapmö, keugö könanji qahö möt kutuza. Qahö möt kutuba mötnaripkö keu kembanganj kembanganj jim melenjqelenja

* 5:19: Dut 17.6; 19.15

jitnakölik ahumapkö köpösöngömakza. Mewö möta tosatni yembuk möndömkösök aketka ölni kewö asuhuma: Likeplikep urunöy mututqutut angururuk ak anguba uruqege keu töhöreñ jiba mem bölim anjubepukö sömbu mötmöt akze. ⁵ Mewö aka mötmötñini sohoi kahapmahap aka malmal ölnangö könañi siñgiba kewö mötmörimakze, ‘Urunöy kölguliguli ahinga mianjön döpnini aiga mianjöreñ tiba moneñ inap miwikñaibin.’ Mewö mötmöriba tokoba sundan dop jitnakölik eraumakze.

⁶ Mewö ahakzemö, neñjön Anutu Buñanangö kölguliguli aka moneñ inap ahöm neñgizawi, mianjön uru luai qem angumakzin. Uña Töröñan döpnini aka mem bönjöñ ak neñgimakzawanjöra mönö ölna oyaenköyaen ketanji miwikñaiba simbawoñ maljin. ⁷ Mianjö könañi kewö: Nini mutuk börönninan yuai kun qahö memba öne töhöñ gölmenöy asuhuin. Könanjep mewöyök börötak kömumba gölme ki mosöta anbin. ⁸ Mewö anbinmö, nalö kewöñe nene aka opo maluku ahöm neñgiiga miambuk mönö mem bönjöñ aka luai qem angumakin.

⁹ Mewö akinmö, ambazip moneñ inap ketanji miwikñaibingö mötzei, yeñjön mönö esapesapnöy simba ewö tötekögetka eta engumakza. Eta enguiga sihim kömbönañini bölöñi bölöñi mi gwötpuk ahuba uru enjololoñ mem engigetka kezapjupjup ahakñe. Sihim kömbönañini goñgoñi mienjön mönö öröm jöhöm engigetka ulupköba köndenjmöndeñ miwikñaiba ayuhume. ¹⁰ Moneñ inapkö sihim kömbönañi mianjön mönö yuai bölöñi pakpakö jalöñi akza. Gwötpuk yeñjön moneñ inapkö urukönöp möta lilikqilik aka janjuñ aketka mötnaripñinan pömsöm qeiga lañ malje. Urukönöp möt bibihigetka mianjön mönö wösöñini qösöñniga sihimbölö gwötpuk möta malje. Mewö.

Polnöy Timoti nupköra jim kutum wanjiyök.

¹¹ Gwötpukñan mewö maljemö, Anutugöreñ azi gi mönö yuai mewöñi mi qizingöba andö qeba malmal kewöñi malmangöra kapan köla malman: Ahakmeme diñdiñi wuatangöba Anutugö malmal köhöikñi kölguliba malman. Mötnaripkö kölguliguli pöndañ memba ambazip ölna jöpaköm engiba malman. Mönö kapan köla köhöiba kinda ambazip gunböñjönjöñ qakñe ek engiba malman.

¹² Mönahot angolat azinöy aongit mianjöreñ luhut almapköra ösumñi pakpak qezaköba anjawi, gi mönö mianjö dop mötnarip kölguliba aongit aködamunñambuk mianjöreñ köhöiba pöndañ bim qeba malman. Anutunöy malmal köhöikñe angotmangöra goholöhi, gi mönö malmal mi buña qem anguba qekötahöba malman. Malmal köhöikñangö buñaya akzani, göñjön keu mi ölöpñanök jim miwikñainöñga gwötpukñan mi möta ölöp nangöba jimakze. ¹³ *Anutu yuai pakpak mem gulimakzawi, gi mönö yangö jeñe könañamgi jim miwikñainöñ aka Kraist Jisösgö jeñe mi mewöyök jim miwikñainöñga mörök. Jisösnöy premiö Pontius Pailötkö jemesoholñe könañamñi jiba keu ölöpñi jim miwikñaiyöhi, mönö Kraist yangö jeñe kewö jim kutum gihizal:

¹⁴ Gi mönö Buña keu kölguliba pöndañ tem köla wuatangöba malman. Mewö malnöñga kunñan siñgiba bölimanangöra aka keu jim gihimangö osima. Kembunini Jisös Kraistnöy kunbuk asuhumawi, nalö sutñi kianjöreñ mönö urugö nup mewö memba malman.

¹⁵ Anutunöy oyaenköyaen Tonji aka nalöñi ali kam kunjuiga mianjöreñ Jisös Kraist melaiiga aukñe asuhuiga ekin. Anutunöy nanjöök

* 6:13: Jon 18.37

Öngöngöñamnini aiga körekñan yangö nembö bapñe kinjin. Yanñon kin kembu yenjö Kembuñini aka pom jembon yenjö bohonñini akza. ¹⁶ Anutu, oyaenköyaen Tonji yanñon mohot nalö kunöñ qahö kömuma. Yanñon asakmararan mire euyangören maliga körek nenñon naninak miangören öngöbingö çaközin. Gölmegö kunñan i jeñan qahö uba ehök aka ekñangö osiza. Yangö çetbuñani möpöseininga kukösum Tonji aködamunñambuk aka nalö teteköñi qahö yuai pakpak galöm köla malma. Keu mi ölna.

¹⁷ Ambazip pomñi nalö kewöñe gölmenöñ öngöngöñi maljei, göñon mönö i kewö jim kutum engiba malman: Sukinapnöñ nalö kungen qahöwak teköma. Miangöra yenñon mönö uruñini miangören kude ala malme. Sukinap çakñe kinda aiweliköba söngöröçök akze ewö, jörömçörömñinan mönö pömsöm çema. Uruñini gölmegö ainemalukunöñ kude almemo, Anutunöñ yuai pakpak miangören köyan köl engimapköra al mambötketka dop kölma. Anutubuk çekötahöba kingetka ölop yuai könañi könañi malmal söngaingöra kelenmaleleñ nenñimakza.

¹⁸ Kewö jim kutum engiba malman: Yenñon mönö nup ölopñi ölopñi jegep kinda memba mewö miangön aködamunñinambuk akñe. Anutugö jeñe aködamunñinambuk aka amçeba jöjöröba tosatñi bauköm engiba kalem sehiba mendennda malme. ¹⁹ Mewö Anutugö jeñe çetbuñaninambuk aka malmalgö guli dötnam ölni miwikñaiba mem sehi-makñe. Guli dötnam mewöñi mi malmalgö tandö wötñi köhöikñi akza. Mi mem sehiba galöm köla ölop könañgep tandö wötñi miangören nanjöba kinda malmal ölbölñi buña çem ançuba malme.

²⁰ O Timoti, Anutunöñ möt narim gihiba nup memegö mötmöt kalem uruge alöhi, mi mönö nupnöñ ala sohobapüköra galöm memba malman. Gölmegö keu oyoñdewedewet omani aka ançururuk supapköba jigetka sohomakzawi, mi mönö mosöta andö çeba malman. Tosatñan “Mötkutukutu eraum mötpin,” jiba keu sinñi sinñi jim sehigetka anakza. Mötkutukutu ölni mi mewö jim sohomakze. ²¹ Tosatñan mötmöt sohosonñi buña çem ançuba jim miwikñaiba janjuñ aketka mötnariñinan söroraua löwöriba sohöyök.

Anutugö kalem möriamñan mönö embuk ahöma.

Timotigö Kimbi 2

Polnöj Timotigöra Kimbi aliga 2 ahök.

Jim-asa-asari

Polnöj undumñi aka gwabö alabaukñi Timotigöra “Andö qambañi qöndökñi wañgimam,” jiba Buña Kimbi ki ohoyök. Keu areñi bohonñi mi kapañkölköl. Polnöj mi jim asariba uruñi nañgöba qambañi kewö wañgiba ohoyök: Timoti göñön mönö pöndañ kinda Jisös Kraistkö könañi nañgöba jiba malman. Ölöwak Buña aka Jöhöjöhö Areñ Walñi mötzani, mönö miangöreñ qekötahöba miangö keuñi ölbölñi mi ambazip kusum eñgiba urukunğukunğun nup memakñan. Tuarenjoñ ak gihigetka sihimbölö könañi könañi miwikñaiba mötpanak ewö, mönö töndup Anutunöj nup gihiyöhañgö dop mi kapañ köla memakñan.

Polnöj galöm meme keu köhöikñi Timoti kewö wañgiyök: Tosatñan “gukmaulem qakñe anğururuk omani aka kezapjupjup ahakzei,” göñön mönö miangö keunöj angota nalögi mösöhöba ayuhubanbuk. Anğururuk keu mewöñi mienön ambazip qahöpmañöp bauköm eñgimakzemö, ambazip kezap ala mörakzei, mönö i mem bölim eñgiiga ayuhume.

Polnöj qambañ keuñi pakpak nañgömamgöra nanñi malmalñangö kösohotñi ohoyök. Wuanöñgöra aka denöwö nup areñi ala bim qeba malöhi, Timotinöj miangö keuñi ölum qebapüköra mi kewö jim asariyök, “Nöñön Jisös möt nariba lömböt möta mökösöñda urukalem aka malal. Sesewerowero ak niñgigetka sihimbölö möta kapañ köla köhöiba kinal.”

Buk kianğö bahöñi bohonñi 5 mi kewö:

Keu mutukñi 1.1-2

Anutu möpöseiba Timoti qambañ wañgiyök 1.3–2.13

Goro aka galöm meme keu tosatñi 2.14–4.5

Pol öröm ureim ak wañgigetka malök 4.6-18

Kimbigö keu kötñi bohonñi 4.19-22

¹ Anutunöj jitsihitñi jim kutuba Pol ni kuñgum niñgiiga Kraist Jisösgö aposol akzal. Kraist Jisösbuk qekötahöba kininga malmal köhöikñi neñgimapkö keu jöhöyöhi, miangö Buña keuñi jim asarimamgöra melaim niñgiiga maljal.

² *Timoti göñön mötnaripkö wölböt nahöni akzan. Nöñön göbuk keu eram mötptüköra kimbi ki ohozal.

Iwi Anutu aka Kembunini Kraist Jisös, yetkөн mönö ak kömumba kalem möriam gihiyohotka luainöj malman.

Polnöj Timoti uruñi nañgöba keu jiyök.

³ Nöñgö ambösakanan Anutu welenni qeba malgetka nöñön toroqeba nupñi membiba Anutunöj “Dop kölja,” juiga urukezapnan mewö mörakzal. Uruni sarakñi aiga Anutu möpöseimakzal. Möpöseiba sunğem asak köuluköba gi qösösök mötmörim gihimakzal. ⁴ Gömosötpiga sahötnöñga imbilgi eröhi, nöñön mi mötmöriiba gekñamgö awöweñgöba kapañ kölakzal. Geka köisirik tatziga sösongainöj uruni kokolak qemapköra mötzal.

⁵ *Göñön geñmoñ qahö ölña Jisös möt nariba maljani, keu mi

* 1:2: Apo 16.1 * 1:5: Apo 16.1, 11; 1 Tim 2.7

urukönömne ahöiga mötmörimakzal. Mutuk abugi Lois aka namgi Yunis yetkôn uruniri melenohotka mötnaripñiran ahuyök. Yetkö andöñjire göñön mewöyök aka maljani, mewö möt narim köhöizal.

⁶ Mianğöra ikmaok malbanbuköra keu kewö köl gulim gihizal: Nöñön mutuk böröni nöropke ala köuluköbiga Anutunöñ nup memegö mötmöt kalem gihiga uruge ahözawi, mi mönö mem gulinöñga könöp bölam ewö köhöiba jeba qahö ilin alma. ⁷ Keu ki mötmörinöñ anök: Anutunöñ Uña Töröñji mi zirinziñ aka qarösömbu mötpingöra qahöpmö, nanñi kukösumgö Uñañi neñgiiga ölop uruninan jöpaköm añguba ahakmemenini törörök galöm köl añguba kinbin.

⁸ Mianğöra Kembuninangö keunji nanğöba jim sehimangö tanqañ kude akñan. Mewö qahöpmö, mönö ni ewö aka malman. Nöñön Kembugö nupñi memba malbiga mianğöra kösö mire al niñgigetka tatzalmö, töndup nöñgöra aka gamu kude möta malman. Mönö köhöiba ni ewö awösamakak kinda urugö nup memba malman. Ölöwak Buñagöra aka añgösirip ak gihibeak ewö, mönö mianğö sihimbölöñi möta mököşöñda bisiba malman. Anutunöñ kukösum gihimakzawangö dop mi ölop nömbuk mohotñe kapañ köla bisiba malbit.

⁹ Anutunöñ möpñangö möpñe Suep gölme qahö miwikñaim etkiba nalö mianğörej neñgöra mötmöriba areñ kewö alök: Anutunöñ Kraist Jisösgöra aka kalem möriam neñgima. Areñ mi ali ahöiga mala kota malgetka nini ahuin. Ahuinga Anutunöñ nini yangö buñañi aka sarakñi malbingöra neñgohola amöt qem neñgiyök. Naninak yuai ölopñi ahinangöra aka qahö möwölöhöm neñgiba neñgoholökmö, nanñi areñ walñi mi wuatangöba kinda neñgoholök. ¹⁰ Areñ walñi mianğö ölnji mi nalö kewöñe aukñe asuhuyök. Amötqeqe Toninan asuhaba Anutugö kalem möriamñi mokom neñgiyök. Kraist Jisösnöñ asuhaba kömupkö ösumñi qeba tulumgöi eriga Ölöwak Buñañi indeliga asariyök. Buña keu mi möt nariba ölop malmal kömbönañi miwikñaiba teteköñi qahö köhöiba mala nalö kunöñ qahö kömum köhöibin.

¹¹ Anutunöñ ni Ölöwak Buña jim asariba ambazip kusum eñgimangöra kuñgum niñgiiga melaimelai azi aposol akzal. ¹² Aposol akzalanğöra aka nupñi köhöiba membiga añgösiripñi bisiba sihimbölö mörakzal. Suep Azi möt narim wañgimakzali, nöñön yangö könañi ölop möt yaközal. Mianğöra awösamakak kinda gamuni qahö mörakzal. Qahö! Anutunöñ möt narim niñgiba Buña nupñi al niñgiyöhangö dop ni galöm köl niñgimapkö köhöiba malma. Mewö maliga nupñan qahö sohoba eriga mal öñgöba nalö ketaje añgotpin. Mewö möt narim köhöizal. ¹³ Mötnaripkö keu urunini möhamgömapkö köhöizawi, nöñön keu ölnji mi kusum gihiba silik ölopñi kondel gihiba malal. Mi mönö uru könömge ala wuatangöba malman. Nini Kraist Jisösbuk mohot kininga jöpaköm neñgimakzawi, göñön mönö urukalem mianğö uruñe malman.

¹⁴ Anutunöñ geke möt narim gihiba yuai ölopñi pakpak gihiga buñañi akzawi, mianñön lolonqaloñ aka sohobapuköra mönö mi galöm memba malman. Uña Töröñjan urunine kinda maljawi, mönö yangö kukösum qakñe yuai ölnji mi galöm kölnöñga kahaimök ahöma.

¹⁵ Eisia prowinsgö neñakurupni yeñön körek nömosöta andö nuñguget, mi mötzan. Azi qetñiri Figelus aka Hermogenes yetkôn yeñgö sutñje maljahot. ¹⁶ Tosatñjan nömosötkekmö, Onesiforus yeñön qahö. Mianğöra Kembu, gi mönö Onesiforusgö saiwaurupñi ak kömum eñginöñga malme.

Azi mianjōn mōnō nōngō tapepnaŋgōra (muŋgamuŋga) sisit gamu qahō ak niŋgimakzapmō, nalō gwōtpuk mianjōreŋ körō-ölōwak qem niŋgiiga imbini bōnjōŋ kölōk. ¹⁷ Onesiforusnōŋ Rom sitinōŋ ki kaŋgota nalō mianjōreŋōk nōngōra kapaŋ kōla jaruba mala miwikŋaim niŋgiyōk. ¹⁸ Yaŋōn mutuk Efesus sitinōŋ denōwō baukbauk ketaŋi ketaŋi aka mem amqem niŋgiba malōhi, mi nangak ölöp mōt kōmuzan. Mianjōra nalō ketaŋe Kembangō qōhōrōŋe aŋgoringa Onesiforusnōŋ ak-kōmukōmugō tōwaŋi mi-wikŋaimapkōra kōulukōzal. Mewō.

2

Kraist Jisōsgōra mōnō bim qeba malman.

¹ O mōtnariŋ nahōni Timoti, gi mōnō Kraist Jisōsbuk qekōtahōba kalem mōriam uruŋe bōŋ qeba kōhōiba kinman. ² Nōŋōn Buŋa keu kusum gihibiga gwōtpukŋan neka naŋgōba jiget mōtnōŋi, mi ambazip mōt narim enŋienŋigō dop akzei, mōnō yeŋgō buŋaya ahōmapkōra al enŋiman. Mewō al enŋinōŋga ahōi ölöp ambazip tosatŋi toroqeba kusum enŋimeanŋō dop akŋe.

³ O Timoti, gi mōnō Kraist Jisōsbuk kinda yarō aziŋi akōdamunŋambuk aka kapaŋ kōla kōhōikŋanōk bim qeba malman. Aŋgōsirip ak gihimei, mianjō sihimbōlōŋi mōnō mōta mōkōsōŋda bisiba malman. ⁴ Yarō azigō tandōkŋi kewō: Suahō galōm bohōŋŋinan azi enŋōmeiga yarō kambugō areŋnōŋ aŋgota anda kaba nup tōp memba maljei, yeŋōn mōnō kōrek galōmŋinan jim kutumakzawaŋgō dop tem kōla akingō jōjōrōba kinje. Mewō kinda nanŋini malmalgō naŋgōnaŋgōgōra yuai kun qahō memba malje. Uru denqen qahō malje.

⁵ Mianjō dopkeuŋi kun kewō: Mōnahot aŋgolat azinōŋ aonŋitnōŋ aŋgota jimkutukutu galōmgō keuŋi oŋgita osumŋan laŋ anjawi, yaŋōn mōnō akōdamunŋambuk qahō akŋa. Yaŋgō nōrōpŋe luhut alalgō ila kun qahō kölgetka gema. Mianjōra gi mōnō diŋdiŋanōk anman. ⁶ Mewōnaŋōk kōlkōmōt azinōŋ nup lömbōtŋi meiga öŋŋi asuhuiga mutuk anda yeŋi qeba neiga dop kölma. Tosatŋan löwōrigeri, yeŋōn yaŋgō andōŋe kame. Gi mōnō mianjō dop kōhōiba nup memba malman. ⁷ Keu ohozali, mi oyoŋnōŋ lömbōriiga Kembunōŋ mōnō mōtkutukutu gihiiga mi pakpak ölöp mōt asariman. Mianjōra mi mōnō uru kōnōmge ala mōtmōriba malman.

⁸ Mōnō Jisōs Kraist mōtmōriba malman. Nōŋōn Ölōwak Buŋa jim asari-makzali, Jisōsnōŋ keu mianjō dop kiŋ Deiwidkō gwōlōnarōkŋa ahuba Amōtqeŋe Toŋi aiga Anutunōŋ mem gulii kōmupnōhōk wahōrōk.

⁹ Nōŋōn Ölōwak Buŋa keu kapaŋ kōla jim asariba aŋgōsiripkō sihimbōlōŋi mōtpiga kegwek-kahasiliŋ azi ewō kōsō gwarō mem niŋgigetka tatzal. Mewō tatzalmō, Anutugō Buŋa keuŋi mi mōnō qahō jōhōba gwarōhōget. ¹⁰ Kōnaŋi mianjōra aka nōŋōn sihimbōlō pakpak mōta mōkōsōŋda kōhōiba kinjal. Anutunōŋ ambazip nanŋaŋgōra mōwōlōhōm enŋiyōhi, nōŋōn mōnō yeŋgōra aka kapaŋ kōla bim qeba maljal. Kraist Jisōsnōŋ amōt qem enŋii yeŋōn mewōyōk letota oyaenŋkoyaen akŋegōra mōtzal. Uruŋini melenŋda malme ewō, mōnō Suepkō asakmararaŋnōŋ öŋgōba tetekōŋi qahō kōhōiba mala mal öŋgōme. ¹¹ Keu ki mōnō pōwōwōm kōhōikŋi akza,

“Nini urunini walŋan yambuk mohotŋe kōmui maljin ewō, mōnō mewōnaŋōk yambuk kōhōiba malbin.

12 *Yambuk mohotŋe sihimbölo möta mökösoŋda maljin ewö, mönö mewöŋanök yaŋgö bemtohoŋ uruŋe yambuk galömkölköl akin. Nini i qaŋ köljın ewö, yaŋön mönö mewöŋanök qaŋ köl neŋgiba neŋgehöröŋ kölma.

13 Nini andö qem waŋgiŋga likepŋi melen neŋgimapkö keu jöhöi ahözawi, yaŋön mi qeapkömamgö osima.

Mindiŋqindiŋ aka nannı könaŋi utekömamgö qötötangömakza.

Miaŋgöra peksek aka keunini pöndaŋ qahö wuatangöbin ewö, yaŋön mönö töndup (misila) keuŋi pöndaŋ wuatangöba miaŋgö dop ak neŋgima.” Mewö.

Anutugö Buŋa nup azi kewö aka malman:

14 O Timoti, keu ki ölum eŋgubapuköra mi mönö jim gulim eŋgiba Anutugö jemesoholŋe kewö jim kutum eŋgiba malman: Mötnaripkö keu imbiŋi imbiŋi mi mönö melenqelenŋda möndömkösök kude akŋe. Jitnakölik mönö qahöpmahöp bauköm neŋgimakzapmö, tosatŋan goranora keu mewöŋi möta eŋololoŋ aketka mötnaripŋinan sohoi ayuhubepuk.

15 Göŋön mönö Buŋa nupkö esapesap könaŋi könaŋi mi luhut alnöŋga Anutunöŋ geke “Dop köljan,” jimapköra kapaŋ köla kinman. Gi Kraistkö nupköra gamu kude möta malmanmö, Buŋa keu ölni mönö törörök mendeŋda uruŋini kuŋgum eŋgiba malman.

16 Gölmegö keu oyoŋdewedewet omaŋi omaŋi mi mönö yaköriba andö qeman. Tosatŋan mi sehiba jiba mala mewö miaŋön gölmegö aŋgöjörakŋe qekötahöba Anutu toroqeba nönöŋgan aka kahapmahap ahakze. 17 Uzi köhöikŋi (qetŋi kensö) miaŋön busu siribuk qem qariba yöhöba anakzawi, yeŋön miaŋgö dop keu omaŋi jiba miaŋön ambazip mem bölim eŋgimakze. Yeŋgö kambunöŋ azi yahöt qetŋiri Himeneus aka Filetus maljahot. 18 Yetkö keu ölnangö könaŋi mosöta janjuŋ aka keu sinŋi kewö jimakzahot, “Urumelen ambazip neŋön lök guliba wahöta maljin. Miaŋgöra könaŋgep kömupnöhök kunbuk qahö guliba wahötpin.” Mewö jiba tosatŋi eŋololoŋ mem eŋgiyohotka mötnaripŋinan bölimakza.

19 *Mewö bölimakzapmö, Anutunöŋ tandö pöwöwöm köhöikŋi kuŋguyöhi, miaŋön mönö töndup qahö uruba kinja. Miaŋgö muŋgemŋi mi kewö ohoget ahöza, “Kembunöŋ nannı buŋaŋi akzei, mi ölop möt kutum eŋgiza.” Muŋgemŋi kun kewö, “Ambazip Kembangö qetŋi memba qetzei, yeŋön körek mönö ahakmeme bölöŋi qem yaköriba malme.”

20 Miri ketaŋi miaŋgöreŋ jout, kimbut, alnene, umnene könaŋi könaŋi ahöza. Tosatŋan ipnöŋ aka gwaköm gölmenöŋ memeni, mi nalö dop memba nupnöŋ alakzin. Tosatŋan goul aka silwönöŋ memeni. Aködamunŋinambuk mewöŋi mi sösoŋgai nalöneyök nupnöŋ alakzin. 21 Miaŋgö dop kuŋŋan keu omaŋi mosöta nannı köl könjörat mem aŋguzawi, yaŋön mönö kimbut goulnöŋ memeni kun ewö akŋa. Toŋan i memba nup aködamunŋambuknöŋ ali memakŋa. Mi meiga töhötmöriamŋambuk aiga Ketaŋamŋan yaŋgöra söŋgaimakŋa. Anutunöŋ mem sarahim waŋgiŋga titiŋgitŋi kinda nup ölöŋŋi pakpak memamgö jöjöröba kinma.

22 Sepguli malmalgö sihim kömbönaŋi bölöŋan galöm ak gihibapuköra mönö galöm mem aŋguba malman. (Nupkahö ölnan etpapuköra mi jizal.) Esapesapnöŋ öröm gihimakzei, mi mönö qizingöba andö qeba malmal

* 2:12: Mat 10.33; Luk 12.9 * 2:19: Jan 16.5

kewöŋi malmangöra kapan köla malman: Ambazip uru sarakŋangö qakŋe Kembu baukôm engimapköra qerakzei, yembuk mönô ahakmeme diŋdiŋi wuatangöba Anutu törörök möt nariba ölna jöpakôm anguba luainöŋ malme.

²³ Tosatŋan kezapjupjup keu jiba oyoŋdewedewet ala jitnakölik aketka goranora angururuk asuhumakza, mi ölna mötzan. Miangöra mi mönô yaköriba andö qeba malman.

²⁴ Kembugö nup meme azi akzawaŋön mönô angururuk akŋawaŋgö dop qahöpmö, ambazip körek guŋböŋjönjön qakŋe ak engiba amqeba kusum engiba malma. Angösirip ak waŋgigetka mi köhöiba mökösoŋda malma. ²⁵ Tosatŋan tuarenjön ak waŋgigetka i ölop uruluai qakŋe mutulangöba mindiŋgöm engimakŋa. Mewö ak engiiga Anutunöŋ uru mölöwörim engiiga ölop Buŋa keu möt kutuba uruŋini melenbeak. ²⁶ Tuarenjön ambazip yeŋön Bölöŋi Tonangö mötöp simbanöŋ tötekögetka gwaröhöm engii jitiŋi tem köla ahakze. Mewö aka imbiŋini möta urumötmötŋini ahuiga yaŋgö kösönöhök lolohoba etpeak. Mewö.

3

Nalö teteköŋe malmal böliiba angöjörakŋambuk akŋa.

¹ Keu kötŋi ki mönô möt kutuba malman: Jisös kaka nalöŋan töriiga ambazip könaŋamŋinan böliiga teteköŋe malmal kanjamŋambuk kewö asuhuma: ² Ambazipnöŋ nanŋinaŋgörök mötmöriba monenŋ yuai giriŋjabak membagan membingö nepaqepalok (gridi) köpösöŋgömakŋe. Silenŋini möpöseiba korua ewö ginginŋini töröreiba söŋgöröqök mala uruqeŋe keu töhöreŋ laŋ jimakŋe. Iwinamŋini yeŋgö jitiŋini qahö tem köla yuai ölopnangöra saiwap qahö jiba nemsep-pamsep (nem-hölölök) ahakŋe. Anutugö nesampurek nönöŋgan ahakŋe.

³ “Nanŋi lömböra,” jiba wösö mötmöt qahö ahakŋe. Tosatŋi yeŋgö siŋgisöndokŋini qahö mosöta miangö urubölöŋi bisimakŋe. Andöqeŋe keu yöhösaŋ jiba nanŋini qahö galöm köl anguba ambazip lapköba öröm ureim ak engimakŋe. Ahakmeme ölopnŋi tököba miangö ölan engöhömakŋa.

⁴ Mamalolo aka nanŋini imbi-imbi wuatangöba jaubatbat ahakŋe. Söŋgöröqök mala jakbak-öraŋböraŋnöŋ uruŋini uwuatapköiga urukönöp ahakŋe. Silegö sihim sösoŋgainangöra gwötpuk ak engiiga Anutugöra mötket eretŋi aiga göragöra ahakŋe. ⁵ Anutugö Buŋa nup bahösapsap bisiba silebile memba Sonda areŋ laŋ wuatangöba möndömakzemö, ahakmemenŋinan Anutugö kukösumŋi mi je köndat qeba qan kölakze. Ambazip mewöŋi mi mönô jabö ala qizingöba andö enguba malman. ⁶ Yeŋgöreŋök tosatŋan laŋ liliköba ambazip miriŋine öŋgöba kelök keunöŋ uruqeŋe mem engiba kezapŋini kumbaumakze. Kumbaumakze ambi tosatŋan löwöriba yeŋgöreŋ qekötahömakze. Ambi siŋgisöndokŋinaŋgö gamugöra et engiiga sihim kömbönaŋini könaŋi könaŋi mienön yeyasenŋen mem engigetka siksauk akzei, yeŋön i bawian mönera aka köpeim engigetka keu mötöpŋine et engumakza.

⁷ Ambi mewöŋi mienön möt lömböriba sundan keu kusum engimegö möndöba mörakzemö, Buŋa keu ölnangö könaŋi mi nalö dop möt kutubingö osimakze. ⁸ *Ijpt kantrigö tirip qözölqözöl azi qetŋiri Janes aka Jambres yetkôn Moses tuarenjön ak waŋgiyohot. Takapulaka ambazip yeŋön mietkö dop Buŋa ölnangö tuarenjön ahakze. Ambazip

* 3:8: Eks 7.11

mewöñi yengö mötmötñinan sohoiga kahapmahap akzei, mienjôn Anutunöñ mötnaripñini esapköi et enğuiga Kembubuk kinkinñinan söröreima.

⁹ Nalö töröpñi silenini memba öngömömö, nupñinanğö öñji mi nalö qahö köriiga pömsöm qema. Ijpt azi yetkö kónañamñiran aukñe asuhuyöhi, yengö uruqahöpñinanğö kónañan mönö miangö dop aukñe asuhui ambazip körekñan ek asarime. Mewö.

Polgören jimkutukutu keu teteköñi

¹⁰ Yenğören mewö asuhumapmö, nöñön malmalnangö tohotñi murutñi kuñguba arenj alal. Ambazip Buña keu kusum enggiba ahakmemeni aka memba malali, göñön mi lök eka möt kömuzan. Malmalnangö tohotñi wuatangöba mötnaripkö kölguliguli pöndañ memba sihimbölo mökösöñda malali, miangö kösohotñi jiba jigetka möt sölöngözan. Urumelenj alaurup urunan jöpaköm enggiba malal. Tuarenjony angösirip ak ninggetka miangörenj kapañ köla köhöiba kinda malal. ¹¹ *Sesewerowo kahasililinj kónañi kónañi ak ninggiba malgeri, mi mötzan. Antiokia, Aikoniam aka Litra taon karöbut miangörenj sihimbölo nöngö qakne öngöiga wahöjalinj mörali, mi yuai kanjamñambuk ahök. Iwinangö jitñi! Angösirip mökösöñda bisiba malalmö, Kembunöñ mi pakpak miangörenök meköm ningiyök.

¹² Keu ki mötnöñ: Ambazip Kraist Jisösbuk mohot kinda malmal köhöikñi mala miangö kölguligulini akingö mötzei, yenjôn körek sesewerowo miwikñaime. Ni angösirip ak ningget ewö, tosatñi inini mewöyök ak enggime. ¹³ Tirip qözölqözöl ambazip bölöñi Buña nup silesile memba öñömböböp akzei, yenjôn toroqeba bölimqölimakñe. Yenjôn ambazip tosatñi tilipköm enggiba nanñini mewöyök tilipköm anguba malme.

¹⁴ Yenjôn mewö malmemö, Timoti gi Buña keu öñji möta uru könömge ala möt narim köhöizani, mönö miangörenj toroqeba böñ qeba kin köhöiba malman. Denike yenjôn kusum gihigeri, göñön yengö kónañamñini möt kutuzan. I möt narim enggizanağöra mönö Buña keu töp memba kude sörörauba mosötman. ¹⁵ Urumelenğö Buña Kimbi Töröñi mi morökötkeyök möt sölöngöba mala kotzan. Göñön mönö mi oyoñda mötmörinöñga mötkutukutugi asariiga miangö qakñe kinda Amötqeqe Tonangö kónañi möt asariman. Mi möt asariba Kraist Jisös möt narim wañginöñga amöt qem ghiiga toroqeba letota malman.

¹⁶ Anutunöñ Buña Kimbigö keuñi pakpak mi ambazip tosatñi sölölohöm enggi ohogetka kewö mem ölöwak neñgimapköra aka ahöza: Mi oyoñninga Anutunöñ urunine sölölohöba köna öñji kusum neñgiba bölöñamñinanğöra tembula jim neñgiba mindinjöm neñgimakza aka malmal solañi malbingöra goro neñgiba kölgulim neñgimakza. ¹⁷ Anutugö ambazip neñön mi oyoñda kölguliba Anutu jitñangö dop köhöiba aködaminambuk aka nup ölöpñi pakpak membingö jöjöröba malbin. Mewö.

4

Polnöñ nupñi undumñi Timotigö qakñe alök.

¹ Kiñ Kembunini Kraist Jisösnöñ asuhuba jebuk malbini me kömumba ahöbini, neñgö keunini kewöta jim teköba tosatñi nini bemtohoñe ala galöm kölgulim neñgima. Nöñön Jisös mi aka Anutu yetkö jemesoholñire kinda

* 3:11: Apo 13.14-52; 14.1-20

gi urugö nup memangöra jim kutum gihizal. Mi wuatangömangö jiba keu mi jöjöpaŋ keunöŋ jöhönöŋga mötŋi dop kölma.

² Kewö jim kutum gihizal: Göŋön Buŋa keu jiba ambazip uru kuŋgum engiba malman. Mötmegö nalöŋini dop köl engiza me qahö dop köl engiza, mönö töndup kapaŋ köla wahöta keu jim asariba malman. Ambazip bölöŋamŋinanangöra jim engiba mindinŋindinŋ aka galöm meme keu jiba uruwahöt keu engiba malman. Keu mötme me qahö mötmea kun, mi töndup mönö mökösoŋda kinda köna ölni nalö dop kusum engiba malman.

³ Neŋön mötnaripkö keu nalö kewöŋe ambazip ölöwakŋegöra kusum engimakzinmö, nalö murutŋi kun kam kuŋguiga miangöreŋ mötnaripkö keu kemaŋi kun mötpepuköra tököba kezapŋini gwözöŋ akŋe. Keu murutŋi murutŋi mötŋingö kezapŋini köröpŋi köröpŋi aka aziŋa azi sesegilgil öröm engigetka kaba ambazip keu i me wai mötŋingö sihimŋi mötzei, miangö dop kusum engigetka malme.

⁴ Mewö mala Buŋa keu ölni mötŋinbuköra nöŋöŋgan aka kezapŋini gwözöŋda bem sambanŋi sambanŋi laŋ jiji jimakzeangöreŋ göröken melenŋa mi kezap ala möta malme. ⁵ Malmal mewö me mewö uteköba asuhumawi, Timoti gi mönö töndup böŋ qeba zeŋ kinda ahakmemegi törörök galöm köl anguba malman. Angösirip ak gihimei, miangö sihimbölöŋi mönö mökösoŋda bisiba malman. Urukunŋukunŋu (ewanjelis) azigö nup areŋ mi körek dop köla mem teköman.

⁶ Nalö köröpŋi bauköm gihimangö osimamangöra mewö jizal. Tandö lopionŋ möpöseibingöra sömbup qeba jakenöŋ ala ohogetka köwaknöŋ öngözapma. Miangö dop nöyön malmalni Anutugöra ala kölenŋa nupŋi memba malalanangöra gawman yeŋön keuni jöhöba nuŋgugetka nani seŋni mokomangö dopdowizal. Gölme ki mosötmami, miangö nalöŋan lök kam kuŋgumangö dopdowiiga mötzal.

⁷ Mönahot angolat azinöŋ ösumtiti aonŋit nalöŋe luhut almamgöra ösumŋi pakpak qezaköba tiba anjawi, nöŋön miangö dop mötnarip köl guliba aonŋit aködamunŋambuk ak teközal. Kraist möt narimangö keu jim jöhöyali, mi qahö köyatiba qan kölalmö, miangö bimŋi mönö pöndaŋ köhöiba qeba malal.

⁸ Kembunöŋ jimtekötekö Tonŋi diŋdiŋi aka malmalni kewöta solanŋi aka malali, miangö ila soromŋi mi jim teköm niŋgiiga nöŋgö mamböt ahöza. Kembunöŋ lilingöba kamawi, nalö miangöreŋ mi niŋgiba imbine köli geiga qetbuŋanambuk akŋam. Mi nöŋgörök qahö niŋgimapmö, ambazip jöpaköm waŋgiba kunbuk asuhumapkö al mambörakzei, mi yeŋgö imbiŋine mewöyök köli gem engima. Mewö.

Neŋakurupnan nömosöta qeŋgalanŋa kölget.

⁹⁻¹⁰ *Nalö kewöŋe gölmegö ahakmeme aka memakzei, neŋakni Demas yaŋön uruŋi miangöreŋ jöhöba nömosöta Tesalonaika sitinöŋ anök. Neŋakni Kresens yaŋön Galesia prowinsnöŋ anök. Taitusnöŋ Dalmesia gölmenöŋ anök. Miangöra gi mönö zilaŋ nöŋgöreŋ kamangö kapaŋ kölman. ¹¹ *Luk yaŋön nanŋök nömbuk maljit. Maknöŋ welen qem niŋgimapköra gwötpuk möta yaŋgöra osizal. Miangöra Mak waŋgita mohotŋe kamahot. ¹² *Neŋakni Tikikus melaim waŋgibiga Efesus sitinöŋ anök. ¹³ Troas taonöŋ mala malukuni azi qetŋi Karpus yaŋgö mire

* **4:9-10:** Kol 4.14; Flm 24; 2 Kor 8.23; Gal 2.3; Tai 1.4 * **4:11:** Kol 4.14; Flm 24; Apo 12.12, 25; 13.13; 15.37-39; Kol 4.10 * **4:12:** Apo 20.4; Ef 6.21-22; Kol 4.7-8; Apo 20.6

mosörali, mönö mi memba kaman. Mewöyök kulem lama sileŋe ohoba lipiŋgeri, nöŋgöreŋ lama sile mi mönö kapan kōla meman aka mianŋö andōŋe buk tosatŋi mi mohotŋe memba kaman.

14 *Aleksander, silwö kopö ohom qeköqekötahö azi mötzani, yaŋön bölöŋi kōnaŋi kōnaŋi gwötpuk ak niŋgiba malök. Kembunöŋ ahakmemeŋi kewöta mianŋö dop likepŋi meleŋ waŋgiiga qakŋe öŋgöi sihimbölö mötmawi, mi mötzal. 15 Yaŋön keuninaŋgöra gwötpuk tuarenjoŋ ak neŋgiba malök. Mianŋöra gi mewöyök mönö yaŋgöra galöm mem anŋuba malman.

16 Indim mutukŋi kutukutulaŋ keu jake bohonne al niŋgigetka keuni likepŋi jibiga kunjan kun qahö kaba ni naŋgöm niŋgiba jiyökmö, alaurup pakpak yeŋön buratiba nömosötket. Anutunöŋ siŋgisöndokŋini mianŋö likepŋi qakŋine albaupuköra köuluközal.

17 Yeŋön nömosötketmö, Kembunöŋ bauköm niŋgiyök. Nöŋön Buŋa keu jiba ambazip uru kuŋgum eŋgiba nup mi körek mem tekömamgöra aka mem köhöim niŋgiyök. Kantri pakpak yeŋön Buŋa mi mötmegöra möta bauköm niŋgiba laion sömbup kalŋi yeŋö numbuŋine gil niŋgibepukö anŋön köla jitrŋineyök meköm niŋgiiga eral.

18 Kembunöŋ bölöŋi kōnaŋi kōnaŋi mem niŋgibepuköra meköm niŋgiiga ölop Suep bemtohoŋaŋgö uruŋe eu öŋgömam. Kembugö qetŋi mönö sundan möpöseininga nalö teteköŋi qahö aködamunŋambuk aka ahöba öŋgöma. Keu mi ölna.

Yaizözkök keu teteköŋi

19 *Gi mönö nöŋgö yaizözkökni Prisila aka apŋi Aqila yetköra aka Onesiforusgö saiwaurupŋi yeŋgöra jinöŋ mötme. 20 *Neŋakni Erastus mosötpiga Korint sitinöŋ malja. Trofimusi Miletus sitinöŋ mosötpiga kawöl yöhöi ahöza. 21 Mianŋöra kömunjaŋ kie uru nalö qahö kaiga mönö baŋŋe kianŋöreŋ nöŋgöreŋ kamamgö kapan kölman. Azi qetŋini Yubulus, Pudens, Linus, Klodia aka urumeleŋ alaurup pakpak yeŋön yaizözkökŋini jiba algetka göhöreŋ kaza.

22 O Timoti, Kembunöŋ uŋagi kötuetköba göbuk kinma.

Anutugö kalem möriamjan mönö embuk ahöma. Mewö.

* 4:14: 1 Tim 1.20; Sum 62.12; Rom 2.6
Rom 16.23; Apo 20.4; 21.29

* 4:19: Apo 18.2; 2 Tim 1.16-17

* 4:20: Apo 19.22;

Taitusgö Kimbi Polnöŋ Taitusgöra Kimbi alök. Jim-asa-asari

Azi gwabö qetŋi Taitus yaŋön uruŋi melenŋa Polbuk öröröŋ jöhöba bauköba misin nup meyoŋot. Memba köwet sutŋe gölme jölanŋi qetŋi Krit (Arete) miangöreŋ malohotka Polnöŋ kembraŋe kutuba alabaukŋi mosöriŋa zioz nup arengöba ek kewöta galöm kölöc. Polnöŋ mosöta anda yaŋgöra köuluköba mala Buŋa Kimbi ki ohoyök.

Krit mi keu Grik miambuk mindiribanbuk. Krit mi köwet sutŋe gölme jölanŋi kun aka Grik (Greece) mi kantri kun.

Polnöŋ Taitusgöra waimaŋjat karöbut möta qambaŋ keu kewö ohom waŋgiyök: Krit yeŋgö könaŋini mi goŋgim teköi baunam jegömöl aka malget. Tosatŋan uruŋini melenŋetka malmalŋinan diŋgiyöhi, yeŋön kunbuk bölibepuk. Mianŋöra yeŋgö jitmemeŋinan silik ölop kötökŋi kondela köuluk aka Baiböl stadi nup qahö mosöta kambuŋini mindiŋgöba malmegöra jiza. Uru melenŋet yeŋgö sutŋine kambu morömorö mi denöwö mindiŋgöba kusum eŋgiba malme? Azi namŋi, ambi namŋi, ambi seram, azi gwabö aka welenqeŋe yeŋgö goro keuŋini mi nanŋök nanŋök kewö jim asariza, “Uruŋini melenŋa Buŋa keu wuatangöba luainöŋ mala ketanŋi yeŋgö keu bapŋe anda jeŋep uruk nup ölopŋanök memba kinda julbepuköra kazik aŋgururuk mosöta malme.”

Buk kianŋö bahöŋi bohonŋi 5 mi kewö:

Polnöŋ aposol nupŋaŋgö könaŋi jiza 1.1-4

Anutugö jitmeme yeŋgö goro keuŋini 1.5-16

Ambazip kambu morömorö yeŋgö goro keuŋini 2.1-15

Urukunŋukunŋu aka galöm meme keu 3.1-11

Yaizökzök aka keu teteköŋi tosatŋi 3.12-15

Polnöŋ aposol nupŋaŋgö könaŋi jiza.

¹ Anutunöŋ ambazip möwölöhöm eŋgiyöhi, eŋgö mötnariŋinan asuhaŋa qarimapköra aka Jisös Kraistnöŋ Pol ni melaim niŋgiiga yaŋgö aposolŋi akzal.

Nöŋön Anutu welenŋi qeba keu ölni kusum eŋgimakzal. Keu ölni mi möt kutuba köc gulime ewö, eŋgö malmalŋinan mönö uteköba letorakŋa. Mianŋöra kimbi ki ohozal.

² Anutunöŋ keu munenŋi jimawaŋgö dop qahö yaŋön möpŋaŋgö möpŋe malmal köhöikŋi neŋgimamgö jim jöhöba mianŋö andöŋe yuai pakpak miwikŋaiyök. Eŋön keu ölni möt kutuba möt narigetka mianŋön mönö nam köc eŋgiiga malmal köhöikŋe aŋgotpiŋgöra al mamböta jörömqöröm ahakze. ³ Anutu, Amötqeŋe Toninan oyaenŋoyaenŋö keuŋi jim jöhöba mianŋö nalöŋi diŋdiŋi ali kam kuŋgiiga mianŋöreŋ Buŋa keuŋi indela mi jim sehibiŋgö jimkutukutuŋi alök. Mianŋö dop mi jim asarigetka Anutunöŋ nöŋön mi jim sehimamgö möt narim niŋgiba kuŋgum niŋgiyök.

⁴ *O mötnariŋ nahön sorokni Taitus! Nöŋön bauköm gihibi urugi melenŋa alabaukni aka mohotŋe Kambu möt nariba maljit.

* 1:4: 2 Kor 8.23; Gal 2.3; 2 Tim 4.10

Iwi Anutu aka nanini Amötqeqe Tonini Jisös Kraist yetkön mönö kalem möriam gihiyohotka luainöj malman.

Galöm jitnememe yengörej keu arej

⁵ Köwet jölanji Krit (Crete) miangörej mohotje misin nup memba kembangan gömosötмамгö aka kewö jim kutum gihial, “Urujini melenget yenön ilingösöj laj maljei, i mönö arengöm engiba (pasto aka) jitje memenini miri taon dop kunjuba kusum enginönga arejinambuk zioz nup memba malme.” Mewö jiba denjit.

⁶ *Urujini melenjeri, yengö sutjineyök azi kewöji möwölöhöman: Kungö silene pinjtkö keuji qahö, anömni mohok-kun memba mali nahönböratuupjan urujini melenja Anutu möt nariba yangisej kezapjupjup silikö keu silenjene qahö ala jim engimakze.

⁷ Urumelenj könagesögö ketanjamjini pasto (bisop)* yanön Anutugö könagesö galöm köl engimakjawi, miangöra mönö azi kewöji kunjuman: Kungö silene pinjtkö keuji qahö, jakbak-öranböraj qahö aka urupik qahö. O köhöikni qahö memba bim laj qahö qeba möndömöndö qakje injarere mala monej yuaigöra qahö kapanj kölakza. ⁸ Yangörej kamei, i ölop köl öröba köyan köl engiba keu ahakmeme ölopjangö sihimni möta uruji miangörej ala malma. Kilik-kaluk kekpurikni qahö, keu pakpak diñdiñanök kewöta sarakni töröni qainni kun aka nanji ahakmemejni törörök galöm köl anjumakja.

⁹ Buja keu kusum nenjigetka tandö söran ewö malmal töngumangöra ahözawi, pastonöj mi mönö töp memba miangörej qekötahöba kinma. Mewö kinda ölop Buja Kimbigö dop mötnaripkö keu kembangan kembangan ambazip kusum engiba miangön urujini kunjumakja aka tosatjan Buja keu möwöramgöba qetalakjei, yengö keujini gonjonji ölop qeapköba mindingömakja. Mewö.

Böhi takapulakanji mönö qetal engime.

¹⁰ Ambazip gwötpukjan keu qetala kezapjupjup aka sesekjai ewö keu sinji sinji jiba ambazip tilipköm engimakze. Anutugö aiwesökni silenjene yandigeri, yengö kambunöhök ambazip jesöngöñan mewö ahakze.

¹¹ Ambazip mewö miengö keujini mönö qömbököme. Yenön Buja keu kusum engibingö möndöba monej yuainjini öröbingö möta kösawöraj keu laj jigetka gamunambuk ahakza. Mewö aka saiwa tosatji lök körekjanök mem sohom engigetka enjololaj aket. ¹² Krit nanjine kezapqetok azi kunjan aiakanjanangöra kewö jiba ohoyök, “Krit ambazipnöj mönö nalö dop keu munej jiba injarere qölzöm mala ubibi kömböt ewö lilikqilik aka bau numbu nemakze.” ¹³ Yengöra keu mewö nangöba jiyöhi, miangön mönö ölja. Miangöra kawöljinan qahöwahi mötnaripjinan asuhuba öljambuk akjapaköra i mönö köhöikjanök tereנגöba jim engimakjan.

¹⁴ Mötnaripjinan öljambuk aiga Juda nenjö bem sambanini aka ambazip keu ölni singiba jimkutukutu alakzei, keu mewö miangö kezap kude alme. ¹⁵ Urunini melenjinja Uña Töröjan köl könjörat ak nenjiiga sarakni akzini, nenjöra nene kungö dönqizininji qahö ahöza. Nenön nene pakpak ölop nembinanö dop akzapmö, qewöloj ambazip keu öljangö yangisej ahakzei, yenön i me wai aketka urujinan töndup tölohomakza.

* **1:6:** 1 Tim 3.2-7 * **1:7:** ouwösiö, zioz paris lida, bisop, nup meme bohönji yanön qet ketanji öne qahö bisimapmö, paris kambu-urupji yengöra köuluköba kusum engiba urujini kunjuba nupjinangö arenjini engiba goro qambanj qakje galöm köla mindingöm engimakja.

Uruņinan kōlkōljinjinambuk aiga uruņinaņgō kezapņan duhui mōnō bau jegōmōl tandōk malje.

¹⁶ Yeņōn “Anutugō kōnaņi mōt yakōzin,” jitņinan mewō jigetka aiakaņinan mi qaņ kōla qeapkōmakze. Mewō aka Anutugō keuņi qetalgetka imbilonļoņ mōt eņgiiga ahakmeme ölöpņi kun memeaņgō dop qahō akze. Mewō.

2

Ambazip ketaņi yeņgō qambaņ keu

¹ Gōjōn mewō qahō maljanaņgōra mōnō mōtnaripkō keu kambaņi kambaņi mi Buņa Kimbigō dop kewō kusum eņgimakņan: ² Azi namņi yeņōn mōnō kilik-kalukņini qahō malgetka gōda qem eņgibinaņgō dop akņe. Nanņini ahakmemeņini törörök galōm kōl aņgugetka mōtnaripņinaņgō kawōlņinan qahōwahi öļņi urukalem asuhmakņja. Öļņi asuhui ambazip törörök jōpakōm eņgiba malme aka kapaņ kōla böņ qeba kinme. Mewō malmegōra kusum eņgimakņan.

³ Ambi namņi yeņōn mewōyök Anutugōreņ ambi sarakņi yeņgō dop ahakmemeņini aka memba malme. Andōqeqe keu yōhōsaņ kude ahakņe. Wain o gwōtpuk nemegō mōtōp simbaņe kude aņgota qakōme. Urumelen ahakmemegō silikņi ölöpņi kondela tosatņi kusum eņgimakņe.

⁴ Mewō aka mala ambi nembō bapņine maljei, yeņgōra ölöp goro eņgiba malgetka yeņōn mewōyök apmorōurupņini urukōnōmņinan jōpakōm eņgiba malme. ⁵ Jōpakōm eņgiba nanņini ahakmemeņini törörök galōm kōl aņguba sarakņi aka mirigō nupņini nem qerak aka nōngōp törōn qakņe memba apmorōurupņini kōyan kōl eņgiba apurupņinaņgō keu bapņe anda kōtōngōm eņgimakņe. Mewō kusum eņgigetka aka memba malgetka tosatņan Anutugō Buņa keu mi mepaikōba ilitnōņ albingō osime. Mewō.

Azi gwabō aka welenqeqe yeņgō qambaņ keuņini

⁶ Azi gwabō yeņgō uruņini mewōyök kewō kuņgum eņgimakņan: Yeņōn mōnō ölöpņaņgō oyankasak mala nanņini ahakmemeņini törörök galōm kōl aņgumakņe. ⁷ Uruņini mewō kuņgum eņgiba nangak ahakmeme pakpak miaņgōreņ silik ölöpņi kondel eņgiba malman. Mōnō geņmoņ qahō böņ qeba kinda taņōrakņi qahō kusum eņgimakņan. ⁸ Keu mōtsihimņambuk jiba malnōņga ambazipnōņ mepaikōba memba et al gihibingō osime. Mewō jiba malnōņga tuarenjoņurupņinan keu bōlōņi jim neņgibingō keu jaruba öļņi qahō miwikņaiņa gamuņini mōtme. Mewō kusum eņgimakņan.

⁹ Welenqequeurup mi kewō kusum eņgimakņan: Yeņōn ketaņamņini yeņgō keuņini pakpak tem kōla keu bapņe anda malme. Sōsōņgai ak eņgibingō kapaņ kōla kinme. Keu jimei, mi nesilam qakņan kude meleņ eņgimakņe. ¹⁰ Ketaņamņinaņgō mireyök yuai mohot-hök yahōt-hök mi ölöņ kude memakņemō, ketaņamņinan eņgeka mōt narim eņgimakņapkōra mōnō kapaņ kōla kinme. Nupņini pakpak mōnō geņmoņi qahō pōndaņ memba malme. Mewō mala Anutu Amōtqeqe Toninaņgō Buņa keu kusum eņgimakzei, mi kōtōn kōlgetka öļņi ahui nahōmņambuk ahakņja. Mewō.

Malmal sarakņaņgō nam kōipitņi mi kalem mōriam.

¹¹ Malmal sarakņaņgō nam kōipitņi kewō: Anutonōņ ambazip kōrek amōt qem neņgimapkōra aka kalem mōriamņi indeli gōlme dop asuhuyök.

12 Kalem möriam mianjón mönö kopa angjörak malmalgöra “Qahö,” jibingö köna kondela gölmegö sihim kömbönañi bölöñi qömbököbingöra köl kusuba mindingöm nenjimakza. Ahakmemenini törörök galöm köl anguba keu pakpak diñdijanök kewöta malbingöra köl gulim nenjimakza. Mewö mianjón Anutugö malmal köhöikñi mi nalö kewöñe köl guliba gölmenöñ malbin.

13 Mewö malinga Jisös Kraistnöñ kunbuk kamawi, nini nalö miangöreñ Anutu qetbuñañambuk aka Amötqeçe Tonini yetkö asakmararañiri asuhuiga ekin. Nini oyaenköyaen nalöñi mi kam kuñgumapköra jörömçöröm al mamböt aka maljin.

14* Jisös Kraistnöñ mönö nenjöra aka nanñi malmalñi köleñda mosörök. Nini ahakmeme bölöñi könañi könañi miangöreñök meköm nenjiba sohpnini memamgö möta köl köñjorat ak nenjiba nanñi buñañi sarakñi ak-ingöra aka malmalñi köleñda mosörök. Mi mosöta qewölöñnini sañgoñniga nanñi könagesöñi aka ölop nup ölopñi ölopñi membingö urukönöp aka jörömçörömakin.

15 Miangö keuñi mönö kusum enjiba ambazip uruñini nanjöba köna singimei, mi kukösum pakpakö qakñe tembula jim enjimakñan. Mewö aknöñga kunñan jijiwilit ak gihibapuköra galöm mem anguba malman. Mewö.

3

Urumelenj enjón mönö silik kewö aka memba malme:

1 Kusum enjiba keu ki mönö köl gulim enjinöñga ölop urukönömñine ala mötmörime: Urumelenj könagesö yenjón mönö kiap gawman aka ketañamñini tosatñi yengö keu bapñine anda keuñini tem köla malme. Mindimindiri nup ölopñi memegöra jigetka mi pakpak mönö jöjöröba memakñe. 2 Uruqeçe keu töhöreñ mi kungöra kude jim wañgime. Angururuk kude akñemö, ala ak anguba urumohot malmegöra kinme. Ambazip pakpak mi guñböñjönjönj pakpak ak enjiba uruluai qakñe mutulañgöm anguba malme. Mewö.

3 Nini mewöyök mutuk uruqahö mala qeçetal aka janjuñ malin. Sihim kömbönañnini bölöñi könañi könañi miengö mötöp simbañe qaköinga galöm köl nenjigetka silegö sihim sösöñgaini lañ jarubingöra malin. Körögisigisi qakñe kegwek-kahasililih aka miangöreñ malmalnini ayuhuba malin. Tosatñan imbilonjon möta kazik ak nenjigetka sutnine urukerök ak anguba malin.

4 Mewö malinmö, Anutu Amötqeçe Toninan ahakmemeni ölopñi köleñda indeliga urukalemñan asuhum tinjiriga kötala uruñan jöpaköm nenjiyök. 5 Jöpaköm nenjiba bohonini jöhöba amöt qem nenjiyök. Nan-inak diñdijñ mala nup ölopñi ölopñi memba malbinahi, miangöra aka qahö nenjehoriyök. Miangöra qahöpmö, nanñi ak-kömukömuñan mönö nam köl wañgiiga singisöndoknini sañgoñniga ahuahu dölölkñi ahuinga Uñañi Töröñi urunine aliga kölöñaim nenjiyök. 6 Anutunöñ amöt qem nenjiba Amötqeçe Tonini Jisös Kraistköra jiiga Uña Töröñi melaiba kelenmaleñ mokoiga urunine geiga maljin.

7 Anutugö kalem möriamñan nam köl wañgiiga keunini jim teköi solanibingöra aka Uña Töröñan urunine geiga kölöñainin. Kölöñaiiba kinda

* 2:14: Sum 130.8; Eks 19.5; Dut 4.20; 7.6; 14.2; 1 Pitö 2.9

oyaenjkoyaen malmal teteköni qahö malbingö jörömqöröm al mamböt akzini, mi ölop buña qem anğubin. Mewö.

⁸ Keu ohozali, mianjön öl töhönja. Göjön mönö keu kewö kapan köla jim tuarim enğiba malman: Ambazip Anutu möt narizei, yejön mönö jejep aka kinda uruñini pöndañ nup ölopñi ölopñi memegöra ala malme. Mewö akñei, mianjön mönö ambazip bauköm enğiiga nupñinanğö ölni eka “Qetpuk!” jiba malme. ⁹ Tosatñan uruqahö keu aka ambösakon yeğgö qet areñi areñi eraum mötketka goranora anğururuk asuhumakzawi, göjön mönö mi yaköriba andö qeman. Mewöyök Mosesnöñ Köna keu neñgiyöhi, tosatñan keu mohot mohot mianğöra möndömkösök aketka supapköiga sohomakza. Jitnakölik mewöni mi yuai omanji töhön aka qahöp mahöp bauköm enğimakza. Mianğöra mi mönö andö qeba mosötman.

¹⁰ Kunñan keu mewö jim öröba mianjön urujujul mem enğimakzawi, i mönö galöm meme keu jim wañginönğa qahö tem köliga kunbuk jim wañginönğa yahöt aiga töndup yañgiseñ akña ewö, i mönö közölnönğa urumelen kambu mosöta yaigepñe malma. ¹¹ Yağgö könañi kewö ahöi möt yaközan: Yanjön köna siñgiba öñömböböp köla lolonqalon aka siñgisöndok ahakmeme ahakza. Siñgisöndokñi mianjön mönö könañi kon-deli sohom teköi Anutunön keunji jim teköi könöp siagö buñaya akña. Mewö.

Yaizözkök keu teteköni

¹² *Ni kömunjan kie uru nalö ki siti qetñi Nikopolis Grik mianğöreñ mösöhöba malmangö mötzal. Mianğöra Artemas me Tikikus salupke malmapköra melaibi göhöreñ kañgotmawi, nalö mianğöreñ mönö nalö kude qem körimanmö, zilañ mosöta Nikopolis kaba miwikñaim niñgiman.

¹³ *Köna keugö mötmöt azi (loya) qetñi Zenas aka Apolos yetkөн yuai kungöra osiba mözöqözörön aka Krit mianğöreñ qaköba tatpahotpuk. Mianğöra mönö kapan köla öroyuai tosatñan dopñire nañgöm etkinönğa ölop toroqeba anmahot. ¹⁴ Alaurupninan mönö nup ölopñi ölopñi memegö könañi möt soroköba pöndañ jejep aka zeñ kinda uruñini mianğöreñ ala malme. Mewö aketka tosatñan lömböt keta bölöknji sanğabañga miwikñaimi, i ölop nañgöm enğimakñe. Mötnaripkö ölni mewö ahuiga malmal gilipitñi (ambetakñi) önewat qahö malme.

¹⁵ Nömbuk ki maljei, yejön körek yaizözkökñini jigetka göhöreñ kaza. Göjön alaurupnini Krit mianğöreñ Kembu möt nariba uruñinan jöpaköm neñgimakzei, yeğgöra mönö nöngö yaizözkökni jinönğa mötme.

Kalem möriamnön mönö körek embuk ahöma.

* **3:12:** Apo 20.4; Ef 6.21-22; Kol 4.7-8; 2 Tim 4.12 * **3:13:** Apo 18.24; 1 Kor 16.12

Filemongö Kimbi Polnöη Filemongöra Kimbi alök. Jim-asa-asari

Azi öngöngöηi Filemon mi Kolosi sitinöη mala uruηi melenḁa zioz nup memba welenqeqeηi qetηi Onesimus galöm köliga töndup unjurata Rom sitinöη anök. Mianḁöreη anda Polbuk mutulaḁgöba keuηi möta uruηi melenḁa Polbuk Buηa nup meyohot. Polnöη kösö mire tata Onesimus toηaḁgöra Kimbi ki ohoba böröηe ala melaiiḁa Kolosi lilingöyök. Kimbi kianḁöreη uruηi melenḁnöhi, mianḁö buzupηi indela Filemon uruηi kewö kuḁguyök: “Gi mönö welenqeqegahö pinjitiηi mosöta yambuk urumohok aka köl öröm waḁḁinöηga urumelenḁ alagi ewö qöhöröηge kiniga yaḁgöra söηgaiba malman.”

Buk kianḁö bahöηi bohonηi 4 mi kewö:

Keu mutukηi 1-3

Polnöη Filemon möpöseiza 4-7

Onesimusgöra Filemongö uruηi kuḁguyök 8-22

Kimbigö keu kötiηi bohonηi 23-25

¹ O wölböt alani aka neηakni Filemon!

Pol nöηön Jisös Kraistkö nupηi memakzalaḁgöra aka gwaröhöm niḁigetka kösö mire tatzal. Urumelenḁ alani Timoti yaḁön nömbuk tariga nöηön göbuk keu eraum mötpitköra kimbi ki ohozal.

² *Mewöyök ambi ketani urumelenḁ nenini Apia aka Arkipus urumelenḁö bimqeqe azinini aka urumelenḁ könagesö göhö mire tokomakzei, nöηön kimbi ki eḁgöra ohozal.

³ Anutu Iwinini aka Kembu Jisös Kraist yetkön kalem möriam eḁḁiyohotka luainöη malme.

Filemongö urukalemḁaḁgöra möpöseiza.

⁴ Nöηön nalö dop köuluköba gi mötmörim gihimakzalaḁö dop kewögöra Anutuni saiwap jim waḁḁimakzal: ⁵ Gi Kembu Jisös möt nariba jöpaköm waḁḁiba Anutugö ambazip sarakηi pakpak jöpaköba urukalem ak eḁḁiba maljan.

⁶ Saiwap jiba kewö köulukömakzal: Mötnaripkan mönö köhöiba pöwöwöm aiga ölöp qöhöröηnine kinda nembuk mötnaripkö keuηi jim sehiba malman. Mewö Kraistpuk qekötahöba kininga kalem ölöpηi ölöpηi neḁḁimakzawi, gi mianḁö könaηi körekḁanök möt sölöḁgöman. ⁷ O urumelenḁ alani, gi ambazip sarakηi köro-ölöwak qem eḁḁinöηga amḁöba malje. Urukalemgi mianḁöra nöηön gwötpuk söηgaibiga mianḁön uruni naḁḁömakza.

Filemonöη Onesimus köl örömaḁköra qesiza.

⁸ Mewö malnöηga Kraistpuk qekötahöziga ölöp awösamkakak aka kukösum qakḁe kinda yuai akḁaḁḁö jim kutum gihibileḁak. ⁹ Mi töndup Anutunöη uruḁan jöpaköm netkizawaḁgöra aka ölöp jimkutukutuni mosöta ulet miyök ulet gihimam. Gi Pol nöηgö silikni mötzan. Nöηön azi namηi akzal aka Kraist Jisösgö nupköra aka nalö kewöηe kösö miri

* 1:2: Kol 4.17

azia mewöyök akzal. ¹⁰ *Ni kösö miri kiangörej alagi qetji Onesimus aitonjöba bauköm wangibiga uruji melenja mötnaripkö nahöni ahök. Mianjöra merak yangö numbu jit memba yangöra aka ulet gihizal. ¹¹ Yanjön mutuk welen qeba lan möndöba injarere mala qemasolokep ak gihiba malökmö, nalö kewöje letota gi aka ni ölopñanök bauköm netkiiga ölnji asuhumakñawangö dop akza.

¹² Yanjön nani wölböt nahöni akza aiga nani wölbötnei ewö melaim wangibi lilingöba göhörej kaza. ¹³ Nöñön Ölöwak Buñagöra aka kösö mire tatzal. Mianjöra Onesimus jöhöbi nömbuk mala göhö salupke bauköm ningimapkö mötzal. ¹⁴ Mewö mötzalmö, bauköm ningimapkö qahö kuñgum gihizal. Sihimgan juiga bauköm ninginöñga dop köljapmö, göñön welenqeqegi ningiman me anjön kölman, mianjöra Onj! qahö jinöñga nanök jöhöm wangimangö osizal.

¹⁵ Onesimusnöñ kewögöra aka gömosörök me? Yanjön nalö töröptökñi yaigep mala kunbuk lilingöba kaba göbuk nalö teteköñi qahö malma. ¹⁶ Mutuk welenqeqe omanji aka malökmö, nalö kewöje mi ongita azi qainñi kun akza. Uruji melenja mönö wölböt alanina akza. Nöñön yangöra gwötpuk ak ningiiga göñön azi mi eknöñga Kembangö buñaji aiga yangöra mewö ni noñgita önöñji qahö ak gihimakña.

¹⁷ Göñön nömbuk ala-ala aka maljit mötnöñga nöñön kabi köl öröm ningibanak ewö, mönö Onesimusnöñ kaiga mewö köl öröm wangiman. ¹⁸ Yuai kun ak bölim gihiyök me yangörej tosa kun göhörej ahöza ewö, mia mönö nöñgö tosaya jinöñ ahöma. ¹⁹ Ni Pol mönö nani börönan kewö ohozal, “Nöñön mi mekömam.” Nöñön bauköm gihibi urugi melenñöñga tosagi ketanji mi mekömangöra nangi mewöñanök nöñgö buñaya jim teköm anjunöñga dop kölbawak. Mianjöra ölop kewö jibilenak: Onesimusgö tosanji mi mönö jinöñga nange tosaya ahöma. ²⁰ O urumelenj alani, Kembangö Buña gihiali, mi mönö melenja bauköm ningimangö ak ningiza. Kraist qekötahözani, mianjö dop mönö Onesimus köl örönöñga nöñgö urunan amgöba ölöwakña.

²¹ Keuni tem kölmani, mi möt nariba keuni ohoba könañangi kewö ahöi mötzal: Keu jizali, mi mönö ongita qetpuk ak soroköman. Mewö. ²² Keu kun ki: Enjön köulukögetka Kembangöñ ni melenj ningii engörej kamangö al mamböta jörömqöröm akzal. Mianjöra mönö miri uruji kun nöñgöra mem kelötman.

Yaizözkök aka kötuemötuet keu teteköñi

²³ *Alani Epafra yanjön Jisös Kraistkö nupköra aka nömbuk kösö mire tata yaizözkökñi ali göhörej kaza. ²⁴ *Neñakurupni nup mo-hotje memakzini Mak, Aristarkus, Demas aka Luk yenjön mewöyök yaizözkökñini algetka göhörej kaza.

²⁵ Kembu Jisös Kraistkö kalem möriamnöñ mönö unañini kötuetsköba embuk ahöma. Mewö.

* **1:10:** Kol 4.9 * **1:23:** Kol 1.7; 4.12 * **1:24:** Apo 12.12, 25; 13.13; 15.37-39; 19.29; 27.2; Kol 4.10, 14; 2 Tim 4.10-11

Hibru Kimbi Kunöŋ Hibru yeŋgöra Kimbi alök. Jim-asa-asari

Jisösnöŋ Suepnöŋ öŋgöi miangö andöŋe yambu 35 miangö dop teköiga azi kun qetŋi qahö mötzini, yaŋön Kimbi ki ohoba Juda urumelen ambazip yeŋgören alök. Juda yeŋön Hibru (kian) keu jigerangöra qetŋini Hibru qetket. Tosatŋan Juda urumelen ambazip mi sesewerowero gwötpuk ak engigetka Jisösgö köna diŋdiŋi mosötpingö mötmöriba Juda yeŋgö köna walŋe dumŋe kunbuk aŋgotpingö mötket. Köna walŋi mi Köna keugö kapankölköl.

Kimbi kiangö keu kötŋi 3 mi kewö:

1. Jisös, Anutugö Nahönŋi yaŋön sihimbölö ketanŋi möta mewö miangön Iwiŋi tem kölmangö könanŋi mörök. Miangöra Suep garata, Moses aka kezapqetok ambazip pakpak engongita öngöŋgöŋi akza.

2. Anutunöŋ Jisös kuŋguiga nalö teteköŋi qahö jike nup galömnini bohönŋi aka malma. Nanŋi sepŋi mokoyohangöra jöwöwöl ohohonöŋ teköiga jike nup galöm tosatŋi yeŋgöra qahö osibin.

3. Urumelen neŋön Jisös möt nariŋga siŋgisöndoknini mosöta amöt qem neŋgiba kömupnöhök meköm neŋgiiga keŋgötnini qahö mötzin. Jike nup walŋi mi imutimut ewö aiga megetka Jisösnöŋ amötqeqegö könanŋi ölni indela nanŋi jöwöwöl ohoho ewö akŋegöra al aŋguyök.

Mötnariŋ ambazip ketanŋi yeŋgö silikŋinanöŋ kösohotŋi mi teteköŋe (Boŋ 11) ohoba mötnariŋŋinan sööraubapuköra kewö kuŋgum eŋgiza, “Sesewerowero ak engigetka miangö sihimbölöŋi mi mönö kapan köla mökösoŋda möta Jisösbuk luhut alme.” Buk kiangö qambaŋi aka galöm meme keuŋi mi nahömŋambuk.

Buk kiangö bahöŋi bohönŋi 10 mi kewö:

Keu mutukŋi: Kraistnöŋ Anutugö könanŋi indel teköyök 1.1-3

Kraistnöŋ garata pakpak engongitza 1.4–2.18

Kraistnöŋ Moses aka Josua etkoŋgitza 3.1–4.13

Kraistnöŋ jike nup galöm pakpak engongitza 4.14–7.28

Kraistkö jöhöjöhö arenŋi mi jöhöjöhö arenŋ walŋi ongitza 8.1–9.28

Kraistkö sep busuŋan jöwöwöl pakpak engongitza 10.1-39

Mötnariŋ mi yuai mutukŋi aka bohönŋi 11.1–12.29

Ahakmemeninan Anutu uru ölöwak mem waŋgime 13.1-19

Köuluk teteköŋi 13.20-21

Uruwahöt keu aka yaizökzök keu teteköŋi 13.22-25

Anutunöŋ Nahönŋi melaiiga keuŋi indelök.

¹ Anutunöŋ mönö möpŋangö möpŋeyök könahiba köna murutŋi murutŋi wuatangöba keuŋi indelmangö mörök. Mewö möta keuŋi nalö gwötpuk kezapqetok ambazip yeŋgö uruŋine aliga aukŋe jigetka ambösakonurupninan möta mala kotket. ² Mewö mala kotketmö, nalö teteköŋe malinga kewöŋe mönö Nahönŋi melaiiga keuŋi indela aukŋe jiiga mörin. Nahönŋi yaŋön Iwiŋi bauköiga Suep gölme aka mietkö öroyuaiŋiri pakpak miwikŋaiyo-hotka Nahönŋan nalö teteköŋe yuai pakpakö Tonŋi akŋapakö jim teköi malja. ³ Anutugö kaisoŋgolomŋan Nahönŋi ahöm waŋgiiga eta kondelök. Anutugö asakmararaŋan mönö i kuŋguiga

biliksik aliga imutimut ewö ehin. Singisöndoknini köi könjörat teköbagun mönö Suep mire öngöba dumñi memba Öngöngöñamninañgö böröñi öljö tatta. Mianjörej tata Suep gölmeğö öroyuai pakpak mi keuñi kukösumñambuknöñ bisiba galöm köla malja.

Anutugö Nahönñan Suep garata engongitza.

⁴ Anutunöñ Nahönñi çet wañgiiga mianjön mönö Suep garata yeñgö çetñini onğita aködamunñambuk akzawi, mianjö dop Nahönñan Suep garata engongita ketanñamñini aiga nembö bapñe malje. ⁵* Anutunöñ nalö kunöñ Suep garataurupñi yeñgöreñök kungöra keu kewö qahö jiyök, “Göñön nöñgö Nahöni aknöñga nöñön merak göhö Iwigi akzal.” Mewöyök keu kun kewö jii ahöza, “Nöñön yañgö Iwinji akiga yañön nöñgö Nahöni akña.”

⁶* Keu mi dumñe kunbuk Nahönñi mutukñi jim teköiga gölmenöñ etmamgö ahöhi, nalö mianjörej mönö çeljiñe kewö jiyök, “O Suep garataurupni, inñini mönö körek pakpak yañgö waikñi memba möpöseiba malme.”

⁷* Suep garata yeñgöra keu kewö jii ahöza, “Anutunöñ mönö garataurupñi mem letot engiiga luhut ewö aka anda kame. Welenqeçeurupñan mönö letota könöp bölam ewö aka anda kame.”

⁸* Yeñgöra mewö jiyökmö, Nahönñanğöra keu kun kewö jii ahöza, “O Kembu, göñön mönö jakömbuak dum tatatke nalö teteköñi qahö tat öngöman. Öropki kukösum-ñambuk mianjön çindinaim neñginöñga ahakmeme diñdiñan mönö bemtohonğahö muñgemñi aka ahöm öngöma.

⁹ Göñön ahakmeme solanñanğöra ak gihiiga ahakmeme gonjonanğöra irimgi seholiiga kazik aka mala kotnöñ. Mianjöra göhö bemgi Anutu yañön mönö al gihiiga alaurupki engongita sösongai kelöknöñ gömirii maljan.”

¹⁰* Nahönñanğö keuñi kun mi kewö, “O Kembu, göñön könakönahine gölmeğö tandöñi kunğunöñga Suepkö jakeni jakeni mienjön mönö göhö börösöwögi akze.

¹¹ Suep gölme pakpak mienjön opo maluku ewö walñi aka ayapkömömö, göñön mönö köhöiba kin öngöman.

¹² Möki köpeimakzini, göñön mönö mianjö dop suep ehekñi mi opo söro jöhözin ewö köpeim enjinöñga letotme. Yuai pakpak utekömapmö, göñön mönö tandök mohot miyök aka yambuği (yaragi) teteköñi qahö mal öngöman.”

¹³* Anutunöñ nalö kunöñ Suep garataurupñi yeñgöreñök kungöra keu kewö qahö jiyök, “Göñön mönö kaba böröni öljö tatnöñga nöñön mönö tuarenjonurupki nalö sutñi kianjörej tim tötal engibiga et enğuiga göhö könağahö döññi aketka köirañ albin.”

¹⁴ Nahönñanğöra keuñi keuñi mewö jiyökmö, Suep garata i mönö ninja akze? Körek yeñön Anutugö welenqeçe uñaurupñi akze. Mewö aka ambazip oyaenköyaen buña qem angumei, i bauköm enğimeğöra melaim enği malje. Mewö.

2

Urunini qahö melejbinbukö galöm meme keu

* **1:5:** Sum 2.7; 2 Sml 7.14; 1 Hist 17.13 * **1:6:** Dut 32.43 * **1:7:** Sum 104.4 * **1:8:** Sum 45.6-7 * **1:10:** Sum 102.25-27 * **1:13:** Sum 110.1

¹ Mianğöra Buña keu mörini, mi mönö törörök möt asaribingö kapan köla kezap alme. Gölmenöñ malmalgö inji me waini kunñan neñguanğiri lañ anda kaba liklak malbin ewö, mönö Jisösgö amötqeçe nupñi onğita öne mala ayuhubinkuk. ² Keu mi kewö jim tuarimam: Mutuk Suep garata yeñön Buña keu jigetka ambazip jöhöm enğii malget. Mewö mala denike yeñön Köna keu qahö tem köla selñi walönğeri, Anutunöñ mönö körek yeñgö keuñini diñdiñanök jim teköba likepñi meleş enğii lömböt qakñine öngöi mala kotket.

³ Yeñön lömböt miwikñaigetka neñön mewöñanök akzin ewö, lömbötköra mönö denöwö ölöñ kölbinaç? Amötqeçe nup ketañi mi nesampurek qakñe nönönğan akin ewö, mönö lömbötnöhök ölöñ kölbinaç osibin. Kembunöñ könahiba amötqeçegö könañi indeliga tosatñan keu mi jittjeyök möta nañgöba jim köhöigetka sehiba dop köl neñgiyök. ⁴ Mi nañgöba jim köhöigetka Anutunöñ yembuk mohotñe kinda keuñini nañgöba jiiga añgöletot aiwesök könañi könañi mi kukösumñinambuk asuhugetka Uña Töröñi mokoba jitsihitñanğö dop mendenñiga dop köl neñgiyök. Mewö.

Jisösnöñ datnini aka Suepnöñ neñguanğitmamgö mötza.

⁵ Suep gölme dölöknji asuhumegö keuñi jimakzini, Anutunöñ nini mianğöreñ Suep garata nembö bapñine malbingö areñi qahö ala jim kutuyök. ⁶ *Mewö qahöpmö, keu mi kunñan nañgöba jiiga Buña Kimbigö kemañi kunöñ kewö ahöza, “Gölme azinöñ mönö niñia aiga i mötmörim wañgimakzan? Suep gölmeğö azi öñan mönö niñia aiga i köyan kölakzan?”

⁷ Göñön i memba et al wañginöñga nalö töröpñi Suep garata yeñgö nembö bapñine eta eretñi aka malök. Mali wañgitnöñga asakmararaññöñ öngöiga kösasorom ila jalö wañginöñga aködamanñambuk aka qetbuñañambuk malja. Mewö mala öroyuai pakpak galöm köla malja.

⁸ Börösöwögi pakpak mönö yañgö jimkutukutuñanğö bapñe malmegöra memba et al enğinöñga malme.”

Keu mianğö dop yuai pakpak mi yañgö kukösum bapñe malmegöra memba et al enğiba mianğöreñ yuai kun qahö mosöriga yañgö keuñanğö bapñe qahö ahöbawak. Areñ mewö alökmö, nalö kewöñe börösöwöñi pakpak mi yañgö kukösum bapñe memba et al enğii tem kölakzeañgö dop qahö enğehakzin.

⁹ Mewö qahö enğehakzinmö, Jisösnöñ mönö kewö letota mali ehakzin: Kömupkö sihimbölöñi möröhañgöra Anutunöñ wañgiri asakmararaññöñ öngöiga kösasorom ila jalö wañgiiga ehinga aködamanñambuk aka qetbuñañambuk malja. Anutunöñ kalem möriamñi kondel neñgimamgö möta körek neñgöra aka kömupkö sihimbölöñi mötmapkö jim teköyök. Mianğöra memba et al wañgiiga nalö töröpñi Suep garata yeñgö nembö bapñine eta eretñi aka malök. Mewö malökmö, nalö kewöñe qetbuña öngöñgöñi memba malja. ¹⁰ Anutunöñ mönö öroyuai pakpakö könañi akza. Yañön körek nini nanñi möpösem wañgibingöra aka miwikñaim neñgiiga maljin. Yañön ambazip sehisehiñi neñguanğiri asakmararaññöñ öngöbingöra mötza. Mewö möta amötqeçeninanğö Tonji mi qahö añgön köliga sihimbölö möta mewö mianñön nupñi mi mem teköi asakmararañi pakpak miwikñaimapkö möri dop kölöç.

¹¹ Kunöñ mem sarahim neñgimakzawi aka ambazip sarakñi ahakzini, körek neñgö kondotkondot Toninan mönö mohot akza. Mianğöra Jisösnöñ qetnini “Alaurupni,” mewö qetmamgö gamuñi qahö mötza.

* 2:6: Sum 8.4-6

12 *Könaninanğöra Buña keu kun kewö jii ahöza, “Nöñön mönö göhö qetki mi nani alaurupni yengöra qet asarim engiba urumelen könagesö sutnjine kinda möpöseim gihimakñam.”

13 *Mewöyök miangö Buña keunji kun kewö jii ahöza, “Nöñön mönö mötnaripni Anutugörej ala malmam.” Dumñe kunbuk miangö Buña keunji kun mi kewö jii ahöza, “Mötnöñ, ni aka Anutunöñ nahönbörat niñgiyöhi, neñön mönö ki maljin.”

14 Kunöñ mem kömum neñgimangö kukñi memba maljawi, Jisösnöñ mönö i tulumgöi gemapköra aka kömumba mianñon luhut alök. “Bölöñangö Toñi tulumgömam,” jiba ambazip sep busuni-nambuk maljini, miangöra yañön mönö mewöyök nembuk tandök mohot miyöhök gölme azia ahök. 15 Ambazip malmaljni gölmenöñ maljeangö dop kömumbingö kenğötninan jöhöm engii mala kotkeri, mi mönö körek pösat engii solanimegöra aka gölme azia ahök. 16 Suep garata köyan köl engimapköra gölme azia qahö ahökmö, Abrahamgö gwölönarökurupñi nini möt angön köla bauköm neñgimakñapköra mönö mewö ahök.

17 Könañi miangöra aka yañön öryuai pakpak miangörej alaurupñi nembuk tandök mohot miyöhök ahök. Jike nup galömmi bohonñi aka nupñi nömtik memba ak kömum neñgiba malmapköra mönö nembuk tandök mohot ahök. Tandök mohot akagun mönö ölop jitñememeni aka jike galöm bohonñangö nupñi memakza. Mi memangöra siñgisöndokninañgö töwanja ala Anutugö jeñe mi köl köñjörarök. 18 Gölme azia aiga esapköm wanğigetka nanjak sihimbölö möta malöhi, miangöra ambazip esapköm neñgimakzei, nini mönö ölop bauköm neñgimakña. Mewö.

3

Jisösnöñ Moses onğita öngöñgöñi akza.

1 Miangöra urumelen alaurupnini sarakñi, Suep Toñan engoholi nembuk kambu mohot maljei, eñön mönö urumötmötnjini pöndañ Jisösgörej ala malme. Anutunöñ i melaiiga aposol aka jike nup galömmi bohonñi akzawi, yañgöra mewö jim miwikñaimakzin. 2 *Mosesnöñ Anutugö könagesöñi pakpak mi memburikñi qahöpmö, pöndañ galöm köl engiba malök. Miangö dop Jisösnöñ mewöyök kun kungum wanğiyöhi, yañgö keunji (misila) törörök wuatangöba memburikñi qahöpmö, pöndañ nömtik memba malök. 3 Miri aka azi miri meyöhi, mi kewöt etkiinga mitimqeçe azigö qetbuñan mönö mirigö qetbuñani gwötpuk onğitza. Miangö dop Moses aka Jisös kewöt etkiinga Jisösgö asakmararañi öngöñgöñan mönö Moses gwötpuk onğitza. Könañi mewö eka miwikñaimakzin.

4 Miri pakpak mi kungö börösöwöya akzemö, yuai pakpak mi mönö Anutugö börösöwöñi akza. 5 Mosesnöñ Anutugö könagesöñi pakpak mi memburikñi qahöpmö, pöndañ welen qem engiba malök. Mewö mala Anutunöñ könañgep azi kungöra jiyöhi, mönö keu miangö söpsöpñi mi qeljine indela dangununa kinök. 6 Mewö kinökmö, Kraistnöñ mönö Anutugö Nahöññi aka Iwiñangö keunji (misila) nömtik memba könagesöñi pöndañ galöm köl neñgiba malja. Anutugö könagesöñi mi neñön akzin. Oyaenkyoaen akingö jörömqröm aka miangörej qekötahöba silenini memba

Öngöba awösamkakak kin köhöim teköbin ewö, mönö Anutugö urumelen könagesöji aka malbin. Mewö.

Yangisenj aka malbinbukö galöm meme keu

7* Miangöra injini mönö Uña Töröñan keu kewö jimakzawangö dop akne, “Dölkewöñe Anutunöñ engohola keunji sañep ali mötze ewö,

8 urunini mönö mötmöt bölöñan kude gwözöñme. Engö ambösakonurupñinan gölme qararañkölkölñe kaba nalö kunöñ Anutu qetala esapköm wangiba karim akeri, injini mönö miangö dop Anutu qetala akepuk.

9 Yeñön gölme qararañkölkölñe kaba Anutu ni esapköm niñgiba malget. Angöletot aka memba malali, injini mi yambu (yara) 40 miangö dop eka mala mi töndup ni qahö möt narim niñgigetka urunan böliiga malal.

10 Miangöra ambazip kambu nalö miangöreñ gölmenöñ malgeri, yengöra aka irimni seholiiga kewö jial, ‘Yeñön mönö sundan uruninan kahapmahap aka janjuñ anakze. Malmalgö köna kusum engiba malalmö, mi qahö möt kutuget. Qahö!’

11 Mewö jiba irimsesewöl qakne keuni jim kutuba jöjöpañ keunan mi jöhöba kewö jial, ‘Luhut memba malmegö areñ al engialmö, yeñön mönö oyaenjkoyaen miangöreñ qahö angotme.’”

12 O urumelen alaurupni, injini mönö kewögöra galöm mem anguba malme: Engöreñök kungö uruñan gonggiga mötnariñan sörauba eri Anutu malmal Toñi andö qeba malbapuk. ¹³ Mewö qahöpmö, singisöndokö isimkakalekñan tilipköm engii mianön engöreñök kungö uruñi gwözöñbapuköra mönö silim dop sutñine uru kuñgum anguba malme. “Merak” keu mi jimakzini, miangö dop mönö jölöngöm anguba malme. ¹⁴ Nini Kraist möt angön köla yambuk kambu mohot aka maljin. Mutuk urunini melenđa uruyahöt yaköriba awösamkakak miwikñaiba malini, mewö gölmenöñ malbinangö dop kapañ köla köhöiba kinbin ewö, mönö oyaenjkoyaen akin.

15* Buña keu mi kunbuk jiba kewö ohozal, “Merak Anutunöñ engohola keunji sañep ali mötze ewö, urunini mönö kude gwözöñme. Engö ambösakonurupñinan Anutu qetala karim akeri, injini mönö Anutu miangö dop qetala akepuk.”

16* Ambazip denike yeñön Buña keu möta Anutu qetala karim aket? Mosesnöñ köñagesö enğuanğiri Ijipt mosöta kageri, yeñön mönö körek mewö aket. ¹⁷ Ambazip denike yengöra aka yambu (yara) 40 miangö dop irimni seholiiga kazik ak engii malget? Ambazip singisöndok aketka mem kömum engii silenjanan gölme qararañkölkölñe eta kölgeri, yengöreñ mönö mewö asuhuyök. ¹⁸ Luainöñ luhut memba malmegö areñ ala nanñini gölmeñine kude angotmegö keunji jim kutuba jöjöpañ keunjan jöhöyöhi, keu mi mönö dagöra jiyök? Ambazip keunji qetala yangisenj malgeri, mi mönö yengöra aka jiyök. ¹⁹ Keu miangö könañi mi kewö ek asarizin: Yeñön Anutu qahö möt nariba yangisenj akerangöra aka nanñini gölmeñine angotpingö osiget. Mewö.

4

Anutunöñ köñagesöñi sonda kendon neñgima.

* 3:7: Sum 95.7-11 * 3:15: Sum 95.7-8 * 3:16: Jan 14.1-35

¹ Anutugörej anğota luainöñ luhut memba malbingö keu jöhöyöhi, keu mianñon mönö pöwöwöm köhöikñi ahöm nenğiza. Mianğöra engörejök kunñan löwöriba nanñi Suep köna ananñi mi kemañe kutui mewö miwikñaim wañğibinbuk. Mianğöra mönö sutnine galöm mem anğubin. ² Gölme qararañkölkölñe kagetka Ölöwak Buña jim asarim nenğiget ewö jiget mötketmö, keu mi mönö silesile mötketka uruñine qahö geyök. Mianğöra mötnariñini qahö qiwikñaiiga tönpin öne malgetka qahö bauköm engiba pömsöm qeyök. ³ *Urunini melenđa möt nariba maljini, nenñon mönö Anutugörej anğota luhut memba oyaenköyaen malbin, mi mötzin. Anutunöñ mianğö Buña keuñi mi kewö jii ahöza, “Mewö jiba irimsesewöl qakñe keuni jim kutuba jöjopañ keunan mi jöhöba kewö jial, ‘Luhut memba malmegö areñ al enğialmö, yeñon mönö oyaenkö-yaen mianğoreñ qahö anğotme.’”

Anutunöñ Suep gölme miwikñaim etkii nalö mianğoreñök könahiba oyaenköyaen miriñan lök memteköteköñi ahözapmö, töndup keu mewö jiyök. ⁴ *Anutunöñ silim 7:ñanğö keuñi jiiga Buña Kimbigö kemañi kunöñ kewö ahöza, “Sömañi 7 aiga Anutunöñ nupñi pakpak mem teköyöhanğö luhut memba kendon tarök.” ⁵ *Anutunöñ Buña keu mi toroqeba kewö jii ahöza, “Luhut memba malmegö areñ al enğialmö, yeñon mönö oyaenköyaen mianğoreñ qahö anğotme.”

⁶ Ambazip tosatñan Anutugö oyaenköyaen miwikñaiiba luhut memba malmei, keu mianñon mönö pöwöwöm köhöikñi ahöm nenğiza. Ölöwak Buña mutuk könağesö jim asarim enğigeri, yeñon mönö qeçetalñinağöra aka oyaenköyaenñöñ qahö anğota luhut qahö meget. ⁷ *Luhut qahö megerağöra aka Anutunöñ mönö kunbuk nalö kun ala çetñi Nalö dölkewöñi qerök. Nalö köröpñi teköiga nalö mianğö Buña keuñi dölkü jiba ohozali, mi mönö Deiwidköreñ indeli kewö jiyök, “Dölkewöñe Anutunöñ enğohola keuñi sañep ali mötze ewö, uruñini mönö kude gwözöñme.”

⁸ *Mewö jiiga Josuanöñ enğuañgiri oyaenköyaenñöñ anğota luhut membeak ewö, Anutunöñ mönö nalö kungö keuñi mi könañep qahö jibawak. ⁹ Mi qahö jibawakmö, Anutunöñ mönö öñña könağesö luhut meme nenğii oyaenköyaen miwikñaiabin. Keu mianñon mönö pöwöwöm köhöikñi ahöm nenğiza. ¹⁰ *Mianğö könañi kewö: Anutunöñ nanñi nupñi meyöhanğö luhut memba kendon taröhi, mianğö dop kunöñ Anutugö oyaenköyaenñöñ anğota luhut memawi, yañon mönö nanñi nupñi meyöhanğö luhutñi mi mewöñanök memba oyaenköyaen malma. ¹¹ Mianğöra nini mönö Anutugö oyaenköyaenñöñ anğota luhut memenñi miwikñaibingö kapañ kölbin. Engörejök kunöñ et qeba könağesö walñi yenğö qeçetal tandökñini miyöhök wuatangöbapuköra mönö kapañ kölbin.

¹² Anutugö keuñi mi memguliguligö könañi aka kukösum-ñambuk akza. Bingö sou ketañi mi likep likep jitñirambuk akzapmö, Anutu keuñanğö jitñan mönö sou ketañi pakpak enğonğita jit kötök aiga jitñi bahöbahö mi mauñambuk akzahot. Keu mianñon mönö uru uñanini kutuba ömenöñ me Anutugö Uñañan inahöm nenğimakzawi, mi undenđa kuñgum nenğimakza. Sile kitip toroqegenini aka sihitninanğö digonñi mi mewöyök kewöta (keunini asa-asambötni miwikñaiiba) ölöpñi aka bölöñi mendenj etki-

* 4:3: Sum 95.11 * 4:4: Jen 2.2 * 4:5: Sum 95.11 * 4:7: Sum 95.7-8 * 4:8: Dut 31.7; Jos 22.4 * 4:10: Jen 2.2

makza. Urukönömnini aka mötkutukutu arenjini mi kewöta keunini jim tekömakza.

¹³ Anutunöy yuai pakpak miwikñai ahözawi, miangörejök yuai kun mi asa-asambötñe qahö ahöiga ölöpnanök ehakza. Yuai kun esuhuinga Anutunöy esunini mi ölop luluñda ehi yangö jemesoholñe aukñeyök ahöza. Ahakmemeninangö kösohot pakpak mi mönö yangöra jim asaribinangö dop akzin. Mewö.

Jisösnöy jike nup galömnini öngöngöñi akza.

¹⁴ Jisösnöy jike nup galöm bohonñi öngöngöñi ak neñgiza-wangöra aka neñön “Möt narim wangizin,” jiba jim miwik-ñaimakzini, miangörej mönö köhöiba kinbin. Jisös Anutugö Nahönñan mönö Suep jakenj jakenj engongita öngöba tatza. ¹⁵ Urumötmötnini tosatñan lölöwöröñi aketka jike nup galöm tosatñan miangöra wösömötmöt qahö ak neñgimakzemö, nanine jike nup galömninan mönö qainñi kun kewö akza: Yanñön mönö nini ewö ahakmeme pakpak miangörej nembuk tandök mohot esapköm wangiba malgetmö, mi töndup siñgisöndok kun qahö ahök.

¹⁶ Jike galömninan mönö eu kalem möriamgö dum tatatñe tata ak kömum neñgimangö mörakza. Miangöra mönö awösamkakak qakñe kinda yangö kösutñe anbin. Yangö kösutñe aninga kalem möriamgöra osizini, miangö nalö diñdiñe mönö bauköm neñgiiga mi ölop miwikñabin. Mewö.

5

Galöm bohonini Jisösnöy mönö bauköm neñgimakza.

¹ Gölmegö jike nup galöm bohonñi pakpak mi ambazip sutñineyök möwölöhöm engiba nup kewö memegöra kuñgum engimakzin: Yanñön ambazip jitnememenini aka Anutubuk urumohot aka malbingö nupñi memba siñgisöndok ahinangö sömbup kalemñi kalemñi mi Anutugöra ala miangön jöwöwöl ohomakza. ² Nanñi urumöt-mötñi tosatñan mewöyök lölö-wöröñi akza. Miangöra ambazip gukmaulem qakñe janjuñ ahakzei, mi ölop wösömötmöt qakñe ak neñgimakza. ³ *Lölöwöröñi akza-wangöra mönö nanñi siñgisön-dokñi aka könagesöurupñi yengö siñgisöndokñini mewöyök köl könjöratmapköra sömbupnöy jöwöwöl ohomakza. ⁴ *Kunñan qetbuña mi nanñangöra qahö buña qem angumapmö, Anutu-nöy Aron oholöhi, miangö dop mönö i mewöyök oholja.

⁵ *Miangö dop Kraistnöy mewöyök nanñak jike nup galöm bohonñi akñapkö qetbuñani mi nanñangöra qahö buña qem anguyökmö, Anutunöy kewö jim kutum wangiyök, “Göñön nöngö Nahöni aknönga nöñön mönö merak göhö Iwigi akzal.”

Keu miangö dop jike nup galöm bohonini ahök.

⁶ *Keu miyöhök jii Buña Kimbigö kembangñi kunöy kewö ahöza, “Göñön mönö Melkizedek ewö jike nup galöm aka nalö teteköñi qahö mal öngöman.”

⁷ *Jisösnöy silebuk gölmenöy mala miangörej mönö nalöni nalöni köuluköba köhöikñanök qeriga imbilñan eri Anutu kömupnöhök mekömapkö köhöiyöhi, i qesim wangiba malök. Qesim wangiba mala Anutu göda qeba keunangö bapñe al anguba malöhangöra Anutunöy köulukñi mörök. ⁸ Nahönñi ahökmö, Anutunöy mi töndup sihimbölo

* 5:3: Lew 9.7 * 5:4: Eks 28.1 * 5:5: Sum 2.7 * 5:6: Sum 110.4 * 5:7: Mat 26.36-46; Mak 14.32-42; Luk 22.39-46

qahö jöhöi qakne öngöi möta miangören temkölkölgö könanji miwikñaiba möt soroköyök. ⁹ Mi möta aködamunji pakpak miwikñaibagun mönö oyaenköyaen teteköni qahö malbingö kondotkondot Tonji ahök. Miangöra ambazip yanjö jitiñi tem köla maljei, mi pakpak mönö ölop kondot enjiiga oyaenköyaen akne. ¹⁰ Tonji mi aiga Anutunöñ i Melkizedek ewö jike nup galöm bohonji akrapakö jim teköba al wanjiyök. Mewö.

Mötnaripkö ölnji sohobapukö galöm meme keu

¹¹ Keu mi ölop toroqeba gwötpuk jim qaribinakmö, enñon keu möta wu-atanjöbingö tanqan aka gaunjeje akze. Miangöra mi jim asarim engjibingö osikosi akzin. ¹²* Inini nalö köröpñi könagesö walji mala ölop nalö kewöñe lök böhi qaçazu akneangö dop akeakmö, nanñinak Anutugö keu kötnji mutukñi mi kunjan dumñe kunbuk kusum engjimapköra osimakze. Inini mönö qaköba Buña keu mi juzu ewö nembingö mötze. Nene köhöikñi ewö mi nembingö osimakze. ¹³ Kunjan mi juzu ewö nembra maljawi, yanñon mönö toroqeba morösesep ewö akza. Anutugö jeñe solanñi akingö keu kusum engjiinmö, yanñon miangö könanji qahö möt kutuba tönpin malja.

¹⁴ Morösesep ewö maljapmö, nene köhöikñi mi ambazip mötmötñinan qariyöhi, mönö yanñon nemegöra aka ahöza. Ambazip Buña keu sundan köl guliba malgetka urumötmötñinan lök möñaiiga ölop amqeba silik pakpak kewöta ölopñi aka bölöñi mendenj etkiba ölopñi wuatangömakze. Nene köhöikñi mi yanñora aka ahöza.

6

¹ Miangöra Kraist könanjangö keu kötnji mutukñi lök möta miangören mönö kude qaköbin. Mewö qahöpmö, mönö toroqeba qariba aködamuninambuk akingö kapan köla malbin. Mötnaripkö tandöñi lök kuñguba mi mönö dumñe kunbuk könahiba kuñgubinbuk. Tandö mi uruñine kewö kuñguin: Ahakmemenini köhömunji mosöta urunini melenja Anutu möt narim wanjiin.

² Urunini melenninga mötnaripkö keu kembanganj kembanganj kewö kusum nenjigetka mörin: Singisöndoknini köl könjöratmegöra o melun aka amötqeçe könanji könanji miengö könanjini kusum nenjiget. Böröñini qak-nine alalgö könanji kusum nenjiget. Guliba kömupnöhök wahötpingö könanji kusum nenjiget. Anutunöñ keunini jim teköi teteköni qahö köhöikñi ahömapkö könanji kusum nenjiget. ³ Mötnaripkö tandöñi mewö kuñgubagun mönö toroqeba möt qaribingö mötzin. Anutunöñ ösum-mumu nenjimakzawangö dop mönö aködamunini pakpak miwikñaibingö kapan köla kinbin.

⁴ Mewö kinbingö möta miangören qaköba etpinbuköra aka kinjin. Ambazip kewöñi mi uruñini melenjemegöra enjuañgitpingö osimakzin: Tosatñan uruñini nalö kunöñ asariiga Anutunöñ Suep kalemñi enjii möta söñgaigetka Uña Töröñan ösupköm enjii malget. ⁵ Anutu Buña keuanjangö nahömnji mötketka oyaenköyaen nalö könanjepñangö kukösumñan mönö uruñine gei mötket. ⁶ Mi pakpak mötagun mönö mötnaripñini mosöta Anutu andö qeget. Ambazip mi uruñini kunbuk melenjemegöra enjuañgitpingö osimakzin. Yanñon Anutugö Nahöññi ilita dumñe kunbuk maripomnöñ qeçe ewö memba et ala aukne gamu qem wanjimakze. Mewö mianñon mönö nanñini geñmororöñ ak anjgumakze.

* 5:12: 1 Kor 3.2

⁷ Mi söpsöp keu kiangö dop: Kienön nalö gwötpuk yöhöba gölme qakne eta uruñe geba gölme mem kelöriga nup tonangö welenqeqeurupñan nene kömötketka Anutunön gölme kötuetköiga ölni asuhui kölkömöt toni yeñon mi memba köweñine alakze. ⁸ *Mewö alakzemö, koururuk aka siriuret wahinambuk mianön gölmenön asuhuba wahörakzawi, gölme mianön mönö nesakñi akza. Tonj yeñon mi saiköbingö mötze aka kapan köla mambötketka ölni qahö asuhui eka teteköñe mönö kungugetka jema.

⁹ O wölböt alaurupni, neñon söpsöp keu mewö jizinmö, mi töndup injini uruñini melenäda malmeangöra mönö uruyahöt qahö akzin. Engö uruñine Buña keugö ölnan mönö asuhum qarimapköra möta awösamkakak kinjin. Anutunön ölni mi eka mönö meköm engii letota Suepnön öngöme. ¹⁰ Anutunön mönö ekbonep qakne gononji qahö akza. Injini Anutugö ambazip sarakñi bauköm engiba mala kota toroqeba bauköm engiba nup memba malakze. Mewö urukalemñini Anutu kondel wangigetka qetbuñan qarimakzawi, yanön nupñini aka urukalemñini miangöra mönö qahö ölum qeiga kitipñi melen engima.

¹¹ Nini oyaenköyaen akingö jörömqöröm aka miangöreñ awösamkakak uruyahöt qahö kinmegö sihimnini möta kewö awöwengömakzin: Injini nanjök nanjök Anutugö urukönöp ahakzei, miyöhök mönö toroqeba kondela malme. Aködamun-ñinambuk akingö kapan köla gölmenön mal tekömeangö dop miangöreñ mönö kude löwörime. ¹² Qölmöm akepüköra mönö awöwengömakzin. Anutunön oyaenköyaen yuai neñgimangö keu jöhöyöhi, tosatñan Anutu möt nariba sihimbölöñini möta mökösoñda mewö mianön mi buña qem angumakze. Injini yengö silikñini wu-atangömegöra mötzin. Mewö.

Anutugö jöhöjöhö keu mi uruyahötñi qahö.

¹³ Anutunön Abraham jöhöjöhö keu wangiba mi nanji qetñi qeta jöjöpañ keuñan jim köhöiyök. Kunön Anutu ongita öngöngöñi malbawak, ölop yangö qetñi qetpawakmö, mewöñi kun qahö maliga miangöra mönö nanji qetñi qeta jöjöpañ keuñi jiiga köhöiyök. ¹⁴ *Jöhöjöhö keuñi mi Abrahamgöra kewö jiba jiyök, “Nöñon mönö ölna kötuetköm gihimam. Mönö ölna gwölönarök gihibiga sehime.”

¹⁵ Mewö jiiga Abraham yuai wangimapkö keu jöhöi ahöyöhi, yanön mi ölnambuk akñapkö kapan köla mamböta mala ölni buña qem anguyök. ¹⁶ Ambazipnön ketañamñinangö qetñi qeta jöjöpañ keu jiget mörakze. Jöjöpañ keuñan keu jizei, mi mem köhöiiga qeapköbingö osigetka keu jijiñan teköza. ¹⁷ Miangö dop Anutunön keuñi Abrahamgö gwölönarökurupñi neñon mötpingöra jöhöba jiyök. Keu areñi mi kunön qeapköba utekömangö osizawi, gwölönarökurupñi neñon jöhöjöhö keu miangö könañi mi törörök möt yaköbingö mörök. Miangöra jöhöjöhö keuñi jiiga mutukñi aiga keu mi kunbuk jöjöpañ keuñan jim köhöiiga indimñi yahöt ahök.

¹⁸ Anutunön keu mi jiba miangö munen jimangö osiyök. Yanön keu utekutekñi qahö mi jibagun jim köhöiyöhi, mianön mönö urunini nangömapköra mörök. Miangöra mi jibagun jim köhöiyök. Neñon gölmegö ahakmeme bölöneyök ölöñ köla Anutugöreñ angota oyaenköyaen neñgimapkö jörömqöröm neñgiyöhi, mi mönö töp memba mamböta maljin. ¹⁹ *Oyaenköyaen akingö al mamböta miangö uruyahötñi kun

qahö ahakzin. Jörömqörömnini mianjôn uruninanjö kösö mendannj tandök ewö aka nini Jisösbuk jöhöm nenjimakza. Jörömqörömninanjö kösö mendannj köröpñi mianjôn mönö nenjörenök könahiba Suep jikegö uruje öngöba jike olenj yahötkö sutjire opo sel ahözawi, mi mewöyök kutuba toroqeba Jisös jakömbuak dum kömbukñe tatzawanjörenj anja. 20* Jisösnöñ mönö jitrjememenini aka mutuk euyanjörenj öngöba jakömbuak dumñi memba nalö teteköñi qahö tat öngöma. Mewö Melkizedek ewö jike nup galömnini bohonñi aka malja. Mewö.

7

Jike nup galöm Melkizedekö kösohot

1* Melkizedek azi mi miri qetñi Salem mianjögö kiñ kembuñi aka Anutu öngöngöñanjögö jike nup galömnja malök. Mewö maliga Abrahamnöh kiñ kembuñi kembuñi bim qeba luhut al enjiba lilingöba mirine kayöhi, nalö mianjörenj kaba Abraham miwikñaiba kötuetköm wanjgiyök.

2 Kötuetköm wanjiiga sukinapñi pakpak mendenja ten miengörenök mohot mohot (1/10) memba nalukña al wanjgiyök. Melkizedek qet mianjögö könanji mi “ahakmeme solanjanjögö kiñ kembuñi.” Qetnanjögö dop mutuk “ahakmeme solanjanjögö kiñ kembuñi” ahök aka toroqeba mewöyök “Salemgö kiñ kembuñi” malök. Salemgö kiñ kembu qet mianjögö könanji mi “luaigö kiñ kembu”. 3 Melkizedeknöh iwinamñi aka saiwaurupñi qahö, ahuahu nalöñi qahö aka kömukömuñi qahö.* Mewö jike nup galöm bohonñi aka nalö teteköñi qahö mal öngöma. Yanjôn Anutugö Nahönjanjögö tandök ewö akza.

4 Bömönjalönni Abrahamgö gödaqege silikñan Melkizedekö könanji kondeli mi kewö ek asarime: Abraham nanjak sukinap yuai aködamunjambruk kalöpköba memba kayöhi, miengörenök börö yahöt (10) pakpak kewöta bahöñi mohot memba Anutugö nalukña al wanji mianjögöra Melkizedeknöh mönö ölnja öngöngöñi ketanji qainñi kun akza. 5* Anutunöh Köna keunjan keu kewö jim kutum nenji ahöza, “Liwaigö gwölönarökurup al enjigetka jike nup meme azi (Liwait) aketka könagesö enjôn mönö sukinapñini börö yahöt (10) pakpak kewöta miengörenök bahöñi mohot memba Anutugö naluha al enjimakñe.” Yenjôn injini ewö Abrahamgö gwölönarökurupñi akzemö, mi töndup nanñini könagesöurupñini enjögö böröñineyök naluknini mi buña qem anjumakñe.

6 Jimkutukutu keu mewö ahözapmö, Melkizedeknöh Liwaigö gwölönarökñi kun qahö akza. Mi töndup Abrahamnöh Anutugö jöhöjöhö keu möt anjögön köla mala sukinapñi kewöta tenöhök mohot memba Anutugö nalukña alöhi, mi mönö buña qem anjuba kötuetköm wanjgiyök. 7 Ketanjanninanjögö nembö bapñine maljini, yenjôn mönö kötuetköm nenjigetka maljin. Keu mi qañ kölbingö osimakzin.

8 Könagesö nenjôn tenöhök mohot memba Anutugö naluha alakzini, mi gölmegö jike nup meme (Liwait) ambazipnöh buña qem anjumakñe. Yenjôn gölmenöh mala kömumakzemö, Suep mire euyanjörenj kungöra nanjögöba jigetka köhöiba mal öngömawi, yanjôn mönö mi buña qem

* 6:20: Sum 110.4 * 7:1: Jen 14.17-20 * 7:3: Buña Keunöh Melkizedekö iwinamñi aka saiwaurupñi, ahuahu aka kömukömu nalöñi mi qahö jim asariza. * 7:5: Jan 18.21

angumakza. ⁹ Abrahamnönj sukinapni kewöta börö yahöt (10) pakpak miengörenök bahönji mohot memba Anutugö nalukña alöhi, yanön mi gwölönarökni Liwaigöra mewöyök qeljine alök. Mewö jiinga ölop dop kölbawak. Nalö kewöne tenöhök mohot memba Anutugö nalukña alakzini, mi bömönini Liwaigö gwölönarökurupñan buña qem angumakze. ¹⁰ Liwaigö salupne mewöyök naluk alöhi, miangö könanji kewö: Liwainönj amböñangö körö urunje tariga Melkizedeknönj mönö nalö miangören kaba Abraham miwikñaiyök. Mewö.

Melkizedek mi Jisösgö söpsöpni akza.

¹¹ Anutunönj Köna keunan Israel ambazip jim kutum nenngiiga miangö dop Liwai kambunöhök azi kuñgum engiinga jike nup galömnina aket. Nup mi megetka mewö miangön aködamunini pakpak miwikñaibinak ewö, nini mönö jike nup galöm qainji kungöra qahö osibinak. Nup miangö ölnan qahö dop kölöhanğöra aka Jisösnönj mönö Melkizedek ewö asuhuyök. Ambazipnönj i Arongö areñangö dop qahö kuñgugetka asuhuyök. ¹² Jike nup galöm nupñangö könanjan uteközawi, nalö miangören köna keuninan mönö mewöñanök uteköza. ¹³ Jike nup galöm qainji kun keu mi Kembuninanğöra jizinmö, yanön Liwai kambunöhök qahöpmö, mönö kambu kunöhök asuhuyök. Kambu miangö azi kuñjan mönö jöwöwöl jikegö altanönj kinda nup qahö memba malök. ¹⁴ Kembuninan Juda kambunöhök asuhuyöhi, keu mi aukne ahöza. Mosesnönj Juda kambu yenön jike nup galöm kölmegö keu kun qahö jiyök.

Jike nup galöm Melkizedek ewö kun

¹⁵ Miangöra jike nup galöm kun Melkizedekö tandök ewö asuhuzawi, miangön mönö keu jizinanğö ölnji mi aukneyök kondeliga dopne akza. ¹⁶ Yanön gölme ambazipnönj Köna keu wuatangöba kambunangö dop jim kutugerangöra aka jike nup galöm qahö ahökmö, malmal köhöikni qahö ayapkömawi, miangö kukösumñan mönö nam köl wanngiiga jike nup galöm ahök. ¹⁷ *Kunönj yanğö könanj nanğöba jiiga Buña Kimbinönj kewö ahöza, “Göñön Melkizedek ewö jike nup galöm aka nalö teteköñi qahö mal öngöman.” ¹⁸ Anutunönj mewö jiba jimkutukutu mutukni mi qeapköyök. Keu miangö kukösumñan qahöwahiga bauköm nenngimapkö osimakzawi, miangöra mi qeapköyök. ¹⁹ Köna keunönj ambazip aködamunini miwikñaibingö qahö bauköm nenngiyök. Qahö. Miangöra keu areñ mutukni qeköba salupne jörömqöröm qetpuk sorok nenngiza. Nini jörömqöröm miangö qakne kinda ölop Anutugö kösutne anda kölulukömakin.

²⁰ Anutunönj jike nup galöm dölöknangö keunji jiba mi jöjöpan keunan jim köhöiyök. Mewö ahökmö, jike nup galöm tosatni yenğö keunini mi jöjöpan keunönj qahö jim köhöigetka töndup mewö aket. ²¹ *Tosatñan jike nup galöm öne aketmö, Anutunönj Jisös kuñguba keunji mi jöjöpan keunan jim köhöiba yanğöra kewö jiyök, “‘Gi mönö jike nup galöm aka nalö teteköñi qahö mal öngöman.’ Kembunönj keunji mi jöjöpan keunan jim köhöiba urunjan mi qahö uteköma.”

²² Jöjöpan keu miangöra aka Jisösnönj mönö jöhöjöhö areñ dölöknangö ölnji asuhumapkö galömnji akza. Mewö Anutu aka ambazip sutnine nup memba malja. Jöhöjöhö areñ miangön walñi onğita qetpuk sorok akza.

²³ Jike nup galöm tosatni mi mönöwök gwötpuk malget. Kömumba nupñini toroqeba membingö osigeri, miangöra mi mönö gwötpuk malget.

²⁴ Yenön gwötpuk malgetmö, Jisösnöñ nalö teteköñi qahö mal öñgömawi, miangöra jikegö galöm nup mi mönö teteköñi qahö memba mal öñgöma. ²⁵ Nup mi memba maljawangöra Jisösnöñ ambazip yangören kagetka enjuangiri Anutugö kösutñe anakzei, mi ölop köhöiba amöt qem enjii keuñinan kömumakza. Nalö dop yengöra aka Anutu köulukömak-ñapaköra maljawi, miangöra mönö ölop amöt qem nenjim tekömakza.

²⁶ Jike nup galöm bohonñi mewöñan mönö ölop dop köl nenjiza. Yanön töröñi köpösihitkö keuñi qahö aka sarakñi akza. Anutunöñ Jisös sinjisöndok ambazip nenjörenök tirin kutuba wangiri Suep jakenñi pakpak kutuba euyangören öngöba qainñi kun akza. ²⁷ *Jike nup galöm tosatñan sömañi sömañi mutuk nanñini sinjisöndokñinañgöra aka miangö andöñe könagesö yengö sinjisöndokñinañgöra aka sömbupnöñ jöwöwöl ohoba maljema. Jisösnöñ nanñi silenñi köleñniga jöwöwöl ohoho ewö ak wangigetka mewö miangön könagesö nenjö sinjisöndoknini mi indim mohot miangörenök lök köl köñörari dop köl teköza. Miangöra Jisösnöñ mi jike nup galöm tosatñi ewö nalö dop ahakñapakö qahö osiza.

²⁸ Anutunöñ Köna keuñi Moses wanggiiga miangö dop ambazipnöñ azi mi kungum enjigetka jike nup galöm bohonñi ahakze. Gölmé azi yenön kukösumñini qahö maljemö, Anutunöñ oyaenköyaen akingö keuñi mi könañep nenjiba mi jöjöpañ keuñan jim köhöiyöhi, miangö dop Nahönñi kunguiga bohonini akza. Bohonini yanön mönö aködamunñi körek pakpak lök miwikñaiba nalö teteköñi qahö köhöikñi mal öngöba malma. Mewö.

8

Jöhöjöhö areñ dölokñangö jike nup galöm bohonñi

¹ *Keu jizini, miangö keu köñi bohonñi mi kewö: Nini mönö jike nup galöm bohoninambuk akzin. Bohonini yanön mönö Suep mire öngöba Öngöngöñamnini yangö jakömbuak dum tatat qöhöröñe böröñi öñje tatza. ² Opo seri jike öñi mi Suepnöñ ahöza. Mi gölmé azinöñ memenñi qahöpmö, Kembunöñ nanñak mi meyök. Jike nup galöm bohonini yanön mönö opo seri jikegö olenñi töröñi kötökñi miangören mala Anutu welennñi qemamgö nupñi memakza.

³ Gölmegö jike nup galöm bohonñi pakpak mi naluk kalem Anutugöra ala sömbupnöñ jöwöwöl ohoba malmegöra kungum enjimakzin. Miangö dop jike nup galöm bohonini Jisösnöñ mewöñanök nanñi Anutugö nalukña al wangiyök. ⁴ Mosesgö Köna keugö dop naluk kalem Anutugöra alakingöra azi lök kungum enjigetka malje. Miangöra jike nup galöm bohonini miangön gölmenöñ malbawak ewö, yanön mönö gölmegö jike nup galömñi akrangö osibawak.

⁵ *Gölmegö jike nup galöm yenön gölmegö jöwöwöl jikenöñ Anutu welennñi qebingö nupñi memakze. Jike miangön mönö Suep jike kömbukñangö söpsöpñi aka imutñi akza. Mosesnöñ jike kömbukñi opo serinöñ memamgö ahöhi, nalö miangören Anutunöñ Suep jikenangö arenñi mi indelök. Indel teköba galöm meme keuñi kewö jii mörök, “Mötnöñ, kundunje malnöñga areñ kondel gihiali, yuai pakpak mönö miangö dop törörök wuatangöba memam.” Miangö dop opo serinöñ jöwöwöl jike meiga miangön mönö Suep jikegö korembinñi ahök. ⁶ Anutunöñ oyaenköyaen akingö jöhöjöhö keu dölokñi nenjiga miangön jöhöjöhö keu

walŋi oŋgita ölöp sorokŋi akza. Jöhöjöhö keu mianjón areŋ dölökŋaŋgö tandöŋi akza. Jöhöjöhö areŋ dölökŋi mianjón mönö areŋ walŋi oŋgita qetbuŋaŋambuk akza. Qetbuŋa mianjögö dop Jiśösnöŋ jöhöjöhö areŋ dölökŋaŋgö nupŋi ölöp sorokŋi mi buŋa qem aŋguba Anutu aka ambazip sutŋine kinda bauköm neŋgimakza. Nupŋi mianjón mönö gölmegö jike nup memenŋi mi gwötpuk oŋgita aködamunŋambuk akza.

⁷ Jöhöjöhö areŋ mutukŋan keuŋi qahö aka dop kölbawak ewö, jöhöjöhö areŋ könaŋgeŋan asuhumapköra öne qahö mamböt-pinak. ⁸ *Mewömö, ambazipnöŋ töndup böligetka Anutunöŋ könaŋini miwikŋaiba jim eŋgiba kewö jiyök, “Kembu nöŋön kewö jizal: Mötket! Nalö kun kam kuŋgumawi, miangöreŋ Israel kambu aka Juda kambu embuk jöhöjöhö areŋ dölökŋi akŋam.

⁹ Nöŋön ambösakonurupŋini böröŋine memba Ijpt kantrinöhök eŋguanŋitpiga yaigep kagetka yembuk jöhöjöhö areŋ ahalmö, yeŋön nöŋgö jöhöjöhö areŋ mi qahö qekötahöba tem kölget. Miangöra nöŋön mewöŋanök i andö eŋguyal. Kembu nöŋön mewö jizal. Jöhöjöhö areŋ dölökŋi akŋami, mi Buŋa keu walŋaŋgö dop qahö.

¹⁰ Mewö qahöpmö, nalö mianjón kam kuŋguiga Kembu nöŋön mönö Israel könagesö yembuk jöhöjöhö areŋ dölökŋi kewö aka jimam: Nöŋön mönö nani Köna keuni pakpak mi yeŋgö mötmötŋine ala uruŋine kimbi ewö ohobi ahöma. Mewö aka yeŋgö Anutunŋini akiga yeŋön mönö nöŋgö könagesöni aka malme.

¹¹ Nalö miangöreŋ ketanŋi moröŋi mi körekmakörek nöŋgö könani möt yaköba malme. Miangöra böhi kunöŋ Kembangö könaŋi mötmegöra sutŋine qahö kusum eŋgiba malma. Datŋan munŋaŋgöra kewö qahö jima, ‘Gi mönö Kembu möt yaköman.’

¹² Kewögöra ni möt yaköm niŋgiba malme: Nöŋön ahakmemenŋini bölöŋi mi saŋgoŋda mosötmam. Siŋgisöndokŋinaŋgöra mönö ölum nuŋgui mi qahö toroqeba mötmörimam.”

¹³ Anutunöŋ jöhöjöhö “Dölökŋi” jiba mewö mianjón jöhöjöhö areŋ mutukŋaŋgöra “Mönö walŋi ahök,” jiiga könaŋi mewö asuhuyök. Keu areŋ kunöŋ nalö köröpŋi ahöba walŋi akzawi, mianjón mönö ayapkömangö dop akza. Mewö.

9

Gölmegö opo seri jikenöŋ Anutu kewö möpöseiget:

¹ Anutunöŋ jöhöjöhö areŋ mutukŋi aka miangöreŋ mewöyök waikŋi memba möpöseibingö areŋi mi jim kutui wuatangöget. Mi wuatangöba gölmenöŋ opo seri jike megetka ahöyök. ² *Anutugö opo seri jike kömbukŋi mi kewö meget: Jike olenŋi mutukŋi miangöreŋ lambegö dum tatatŋi aka beret kömbukŋi mi Anutugö jemesoholŋe tebolnöŋ buŋaŋa alget tarök. Jike uruŋi miangö qetŋi mi jike olenŋi kömbukŋi. ³ *Miangö andöŋe jike uru qetŋi jike olenŋi töröŋi kötökŋi mi ahöyök. Jike olenŋi yahöt mietkö sutŋire opo sel kinök.

⁴ *Jike olenŋi töröŋi kötökŋi miangöreŋ jiniŋ ohohogö altanŋi aka jöhöjöhö areŋgö bokisŋi mi ahöyohot. Altanŋi mi goulnöŋ memenŋi aiga bokis

* **8:8:** Jer 31.31-34 * **9:2:** Eks 26.1-30; 25.23-40 * **9:3:** Eks 26.31-33 * **9:4:** Eks 30.1-6; 25.10-16; 16.33; Jan 17.8-10; Eks 25.16; Dut 10.3-5

silenji mi körek goulnoḡ turuturuḡi ahök. Paura qetḡi mana mi goul kumbutnoḡ ala bokis mianḡo uruḡe galöm kölget. Mewöyök Arongö öröpḡi sötḡi jujulḡi aka Anutunöḡ jöhöjöhö areḡi kötnöḡ ohoi ilanḡi mi bokis mianḡo uruḡe galöm kölget. Bokis uruḡe yuai karöbut mi mewö ahöget. ⁵*Bokis qakḡe imut yahöt goulnoḡ memenḡi mi Anutunöḡ dowe malí asakmararaḡo söpsöpḡi aka kinohot. Imut yahöt mi ginginnḡi kötula bokis önunḡi turuba kinohot. Bokis önunḡi mi Anutugö köl könjörat dumḡi ahök. Keu mohot mohot mi nalö kewöḡe nanḡök nanḡök törörök eraum mötpinaḡo dop qahö.

⁶*Anutugö opo seri jike kömbukḡaḡo yuai pakpak mi mönö mewö areḡögetka ahöiga jike nup galöm yeḡön nalö dop jike olenḡi mutukḡi mianḡoreḡ öḡgöba Anutu welenni qeba nupḡini memba malget. ⁷*Mewö malgetmö, jike nup galöm bohonḡi yaḡönök (yara) yambu dop indimḡi mohot mianḡoreḡ jike olenḡi töröḡi kötökḡi mianḡoreḡ öḡgöba malök. Sep memba mianḡoreḡ öḡgöba nanḡaḡöra aka könagesö yeḡön gukmaulem qakḡe siḡsisöndok akeri, mönö mianḡöra aka jöwöwöl ohoba sepḡi mokoí erök.

⁸Mewö areḡöba aketka Uḡa Töröḡan söpsöp mi kondela mianḡön ambazip kewö kusum neḡgiba malök: Jike olenḡi mutukḡan toroqeba kinjawí, nalö mianḡoreḡ Anutunöḡ jike olenḡi töröḡi kötökḡaḡo könaḡi mi aukḡe qahö indeliga malget. ⁹Keu mi nalö kewöḡaḡo söpsöpḡi akza. Könaḡi kewö: Ambazipnoḡ kalemḡi kalemḡi naluk ala jöwöwöl memba kagetka ohomakzemö, uruḡinan töndup luai miwikḡaibingö osimakze. Uruḡinan siḡsisön-dok akeriḡöra aka tölöhoi jöwöwöl memba kaba Anutugö jike kömbukḡe öḡgöba köulukömakzemö, mianḡön mönö siḡsisöndok-ḡini köl könjöratpingö osimakze.

¹⁰Nene kalem aka o kalem memba kaba an köl kam köl aketka o melun könaḡi könaḡi mem enḡgimakzemö, mewö silegö jimkutukutuḡi miyök wuatḡaḡomakze. Yuai mi mutuk dop köli aka malgetmö, Anutugö areḡ dölökḡaḡo nalöḡan kam kuḡguiga mianḡoreḡök könahiba qahö toroqeba dop kölma. Mewö.

Kraistkö sepḡaḡo könaḡi

¹¹Kraistnoḡ kaba oyaenḡoyaen neḡgimakzawaḡo jike nup galöm bohonḡi ahöhi, yaḡön gölmegö opo seri jike kömbukḡi azinöḡ memenḡi mianḡoreḡ qahö öḡgöyökmö, mönö Suepkö jike kömbukḡe öḡgöyök. Jike kömbukḡi mianḡön öḡgöḡḡi akza. Aködamunḡan mönö asakmararaḡambuk. ¹²Mianḡoreḡ öḡgöba uruḡi mutukḡi kutuba meme (noniḡ) aka bulmakau moröḡi miengö sepḡini qahö memba anökmö, nanḡi sepḡi mokoiga mianḡön nam köl wanḡiiga Suepkö jike olenḡi töröḡi kötökḡi mianḡoreḡ öḡgöyök. Mianḡoreḡ nalö mohotkö dop öḡgöiga dop köl teköza. Sohpnini mewö memba oyaenḡoyaen akingö kondoriga nalö teteköḡi qahö dop köla ahöm öḡgöma.

¹³*Mutuk meme (noniḡ) aka bulmakau aziḡi enḡguba sepḡini memba kaba bulmakau ambi seramḡi mianḡön jöwöwöl ohoba mianḡö bupgahajöḡi mewöyök memba kaba ambazip kölköl-jinḡinambuk mianḡön qewösahöba enḡömiringetka dop köl enḡiyök. Mewö amöt qem enḡigetka mianḡön silenḡini saḡḡoḡa mem sarahim enḡii malget. ¹⁴Mewö aket ewö, Kraistkö sepḡan mönö amötqeqe tandök mi gwötpuk oḡgita kewö ak

* 9:5: Eks 25.18-22 * 9:6: Jaḡ 18.2-6 * 9:7: Lew 16.2-34 * 9:13: Lew 16.15-16; Jaḡ 19.9, 17-19

nenjimakza: Sepñan mönö urunini tölöhoi sanğonɗa kömup köhöikñanğö buña akingö ahakmemenini mi köl könjörarakza. Mewö ak nenjiiga malmal Tonj Anutu welenni qebingö nupñi mi amqeba memba malbin. Uña Töröñan mala kota teteköñi qahö mal öngömawi, yanñon mönö Kraist bauköm wanjiiga köpösihitñi qahö malökmö, nenğöra aka nanñi kölen anğuba Anutugö jöwöwöl lamanji ahök.

¹⁵ Könanji kewögöra Kraistnönj jöhöjöhö arenj döläkñanğö galöm bohonñi akza: Anutunönj ambazip oyaenkyoaen aka nalö teteköñi qahö mewö malbingö keu jöhöba engoholöhi, mienñon Anutugö Buñanji mi buña qem anğumegöra mötza. Mianğöra Kraist aliga Anutu aka ambazip sutnine urumohot akingö nupñi memba malja. Jöhöjöhö arenj mutukñanğö nalöñe ambazipnönj köna onğita siñgisöndok aketka mianñon jöhöm engii malgeri, Kraistnönj i miengörenök pösat engimangöra aka kömumba sohopñini meyoök.

¹⁶ Kunñan öroyuainji pakpak malmalñi tekömawi, mianğoreñ alañanğö buñanji akñapkö jim kutui keu ahözawi, alañan buña mi zilañ qahö mema. Zilañ qahöpmö, keu tonñan kömui könanñan aukñe asuhui eketka mianğoreñ mi öläp buña qema. ¹⁷ Jebuk maliga nalö mianğoreñ keunji mianñon öljambuk qahö akñapmö, keu tonñan kömuigun keunñan mönö kukñambuk akñja. ¹⁸ Keu mianğö dop jöhöjöhö arenj mutukñi mi mewöyök sep qahö öne öljambuk qahö ahök.

¹⁹ *Öljambuk kewö ahök: Mosesnönj Köna keugö jöjöpañ keu pakpak mi könagesö körek yenğöra oyonɗagun mönö bulmakau moröñi aka meme (nonin) enjiiga sepñinan erök. Eri mi memba obuk mindiriba lama juññi pisikñi gugakgugak memba songorep sunje jöhöba sepnönj kundumgöba qewösahöi Köna keu Kimbi lama silenje ohoba lipingögeri, mi miriyök. Mi miribagun könagesö pakpak sutñine liliköba sep onönj kundumgöba giliga mianñon qewösahöi engömiriyök. ²⁰ Mewö engömiriba kewö jiyök, “Anutunönj keunji tem kölmegöra jim kutum enğiba embuk jöhöjöhö akzawi, mönö mianğö sepñja ki.”

²¹ *Mewöñanök opo seri jike kömbukñi mi tok sepnönj kundumgöba giliga mianñon kundumgöba miriyök. Amötqeqe nup memegö aködamun yuainji pakpak mi mewöyök kundumgöba gili miriyök. ²² *Köna keunönj jim kutuzawanğö dop i me wai pakpak mi mönö sepnönj sanğonninga sarakñi ahakza. Kunönj sep qahö mokoza ewö, Anutunönj mönö siñgisöndoknini qahö mosötma. Mewö.

Kraistkö sepñan siñgisöndoknini köl könjörarakza.

²³ Suep jike kömbukñanğö söpsöp imutñi imutñi mi gölmenönj jöwöwöl ohoho aka mewö mianñon amöt enjugetka sarakñi aketka dop köljapmö, Suepkö öroyuaigöra mi qahö dop kölja. Mianğöra Kraistnönj jöwöwöl ohoho qainñi kun aka mianñon Suep jikegö öroyuainji pakpak mi mönö amöt enjiiga sarakñi aketka dop kölök. Jöwöwöl ohoho qainñi kun mianñon mönö gölmegö jöwöwöl ohohonji onğita aködamunñambuk akza. ²⁴ Mianğö könanji kewö: Kraistnönj jöwöwöl jike olenji töröñi kötökñi azinönj memenji mianğoreñ qahö öngöyök. Mi Anutugö jike öljañğö söpsöpñi miyök ahök. Kraistnönj mönö Suep miri ölnji mianğoreñ öngöba nalö kewöñe bauköm nenjimakñapköra jitñememenini aka Anutugö jemesoholñe asuhumakza.

* 9:19: Eks 24.6-8 * 9:21: Lew 8.15 * 9:22: Lew 17.11

²⁵ Jike nup galöm bohonjan yambu (yara) dop sömbup sepñini memba jöwöwöl jike oleni töröñi kötökñi mianğoreñ öngöba malök. Kraistnöñ mianğö dop qahö ahakza. Yanön Suep mire indimñi gwötpuk qahö öngöyök. Anutugö jöwöwöl lamanji aiga yambu (yara) dop qemakñegöra aka eu qahö öngöyök.

²⁶ Indimñi mohotñan qahö dop kölbawak ewö, yanön mönö Anutunöñ Suep gölme miwikñaim etkiyöhi, nalö mianğoreñök könahiba sihimbölöñi bölöñi möri indimñi sehisehiñi akawak. Mewö qahöpmö, gölmeğö nalöñan tekömamgö aiga nalö kewöñe indim mohot miyök siñgisöndok köl könjöratmapköra aka asuhuyök. Asuhuba nanñi jöwöwöl ohoho ewö ak wañgimeğöra al añguyök. ²⁷ Gölme ambazip neñgö areñnini kewö ahöza: Nini nalö kunöñ kömumbin aka mianğö andöñe Anutunöñ keunini kewöta jim teköm neñgima.

²⁸ *Areñ mianğö dop Kraistnöñ mewöñanök ambazip sehisehiñi neñgö siñgisöndoknini köl könjöratmapköra indim mohotkö dop kaba nanñi jöwöwöl ohoho ewö ak wañgimeğöra al añguyök. Yanön nalö kunöñ lilingöba kama. Siñgisöndoköra aka kunbuk qahö kamapmö, ambazip asuhumapkö mambörakzini, mönö nini oyaenköyaen neñgiba neñguanğitmapköra aka asuhuma. Mewö.

10

Indim mohot kömupñöñ al añgui dop köl teköza.

¹ Köna keu walñi mianön oyaenköyaen akingö könanji ölni qahö akzäpmö, oyaenköyaen asuhumawañgö imutimutñi miyök ahöza. Köna keugö könanji mewö ahözawañgöra aka ambazip Anutu möpösebingöra jike kömbukñe nalö dop öngömakzei, yeñön mönö letota aködamunñinambuk akingö osimakze. Yeñön nalö teteköñi qahö naluk kalem wañgita ala jöwöwöl ohoho miyök yambu (yara) dop toroqeba aka malgetmö, mianön qahö dop kölök. ² Mianön dop kölbawak ewö, jöwöwöl ohoho mi ölop mosötpeak. Jike kömbukñe Anutu waikñi memba möpöseigeri, yeñön indim mohot amöt engugetka sarakñi ak teköbeak, mewö mönö siñgisön-dokñinañgö gamuñi mi qahö toroqeba mötpeakmö, mi toroqeba mötket. Mianğöra sömbup kalem mi toroqeba nalukñina almalget.

³ Yambu (yara) dop jöwöwöl ohoba malgeri, mianön mönö toroqeba siñgisöndokñinañgö gamuñi mi jim gulim engii malget. ⁴ Bulmakau azinji aka meme (noniñ) yeñgö sepñinan mönö siñgisöndok köl könjöratmapkö osiza. Mi esapkögetmö, qaköba mala kotket.

⁵ *Mianğöra Kraistnöñ gölmenöñ eta asuhuyöhi, nalö mianğoreñ kewö jiyök, “Anutu, göñön naluk kalemğöra aka jöwöwöl ohome-göra qahö köpösöngöba malnöymö, gölmenöñ malmalgö silenji mi mözözömgöba niñginöñ.

⁶ Jöwöwöl ohoba siñgisöndokñinañgöra aka naluk kalemñi kalemñi ala malgeri, mi eka mianğöra qahö söñgaiba malnöñ.

⁷ Nalö mianğoreñ kewö jial, ‘Anutu, mötnöñ, nöñön ki kazal. Nöñgö könani mi papia lipinlipinji mianğoreñ ohogetka ahöza. Mianğö dop mönö göhö sihimgahö dop aka memba malmam.’ ”

⁸ Mutuk kewö jiyök, “Naluk kalem ala jöwöwöl ohoba singisöndokñinan solanimapköra yuai könañi könañi aka malgeri, miangöra mönö sihimgan qahö asuhui möta malnöñ. Mi eka miangöra qahö söngaiiba malnöñ.” Yuai mi Köna keu walñangö dop toroqeba ahakzemö, mi töndup mewö jiyök. ⁹ Miangö andöñe keu kewö jiyök, “Anutu mötnöñ, nöñön mönö ki kaba göhö jitsihitkahö dop aka memba malmam.” Mewö jiba Anutu waikñi memba möpöseibingö könañi mutukñi mi qeapköba köna dölökñi kuñguyök. ¹⁰ Anutugö jitsihitñan nam köl wañgiiga silenjan jöwöwöl ohoho ewö aket teköi miangöra mönö tök kutum nenñii sarakñi ak teközin. Indim mohotkö dop silenji köleñniga mianñon nalö dop mönö söp köla ahöm öñgöma.

¹¹ *Nalöñi nalöñi jike nup galöm pakpak mienñon kinda jike nupñini memakze. Sundan dop jöwöwöl ohoho miyöhök dumñe kunbuk ahakzemö, mienñon singisöndokñini köl könjöratpingö osimakze.

¹² *Mienñon osimakzemö, Suepkö jike nup galöm bohonñan mönö indim mohotkö dop singisöndoköra aka silenji köleñniga nalö teteköñi qahö dop köla ahöm öñgöma. Jöwöwöl ohoho ewö ak wañgigetka Suep jikenöñ öñgöba Anutugö böröñi öññe tatta. ¹³ Miangöreñ tata nalö sutñi kiangöreñ Anutunöñ tuarenjoñurupñi tötäli et enñuiga Kraist könañangö döññi* aketka köirañ kölböngö mamböta malja. ¹⁴ Indim mohotkö dop kömupnöñ al anñui jöwöwöl ohoho ewö ak wañgigetka mianñon dop köl teköi ölop ambazip tök kutum nenñii sarakñi akingö dop akzin. Mewö ölop mem letet nenñiiga aködamunini pakpak miwikñaiba nalö teteköñi qahö mewö mal öñgöbin.

¹⁵ Urja Töröñan mewöyök keu mi nañgöba jiiga mötzin. Mutuk keu kewö jii ahöza:

¹⁶ **“Kembu nöñön kewö jizal: Nalö tosatñan tekögetka miangöreñ mönö jöhöjöhö areñ yembuk akñami, mi kewö: Nöñön Köna keuni pakpak mi mönö uru könömñine ala mötmötñine kimbi ewö ohomam.”*

¹⁷ *Mewö jiba kewö toroqeyök, “Nöñön mönö yeñgö singisöndok-ñini aka ahakmemenñini iwilelebuk akeri, miangöra ölum nuñgui mi qahö toroqeba mötmöriba malmam.” ¹⁸ Keu miangö dop Anutunöñ mi mosöri keuninan kömuyöhi, singisöndok miangöra jöwöwöl ohobinangö dop qahö akzin. Mewö.

Anutubuk kapañ köla malbingöra nenñgoholök.

¹⁹ Miangöra urumelen alaurupñini, Jisösgö sepnjan sanñon nenñiiga mönö ölop Anutugö jike oleni töröñi kötökñi miangöreñ öñgöbin. Mewö möt narim köhöiba uruyahöt qahö ahakzin. ²⁰ Jisösnöñ köna anangö köna dölökñi mesariga nanñak malmal köhöikñangö könañi ak nenñiiga. Köna mi nanñi silenji köleñda mewö mianñon mesari ahöza. Köna mi tiba Anutugö jikenangö opo selñi kutuba jike oleni töröñi kötökñi miangöreñ öñgöbin. Jisösgö silenjan nam köl nenñiiga opo selñi mi ölop kutubin. ²¹ Jisösnöñ jike nup galöm öñgöñgöñi ak nenñimakza. Yanñon Anutugö könagesöñi pakpak galöm köl nenñiiga malja.

²² *Mewö maljawanñora nenñon mönö geñmon mosöta uruyahöt körek yaköriba pöndañök mötnarip qakñe kinda Anutugö kösutñe anda

* **10:11:** Eks 29.38 * **10:12:** Sum 110.1 * **10:13:** Kerökurupñi memba et al enñgiba luhut ala gamu qem enñgibingöra könañinan tuapköba qakñine döñ ewö tölanñiba malget. Juda yeñgöreñ köna mewö. * **10:16:** Jer 31.33 * **10:17:** Jer 31.34 * **10:22:** Lew 8.30; Eze 36.25

köuluköba malbin. Sepñan qewösañoi neñgömiriba uru tölöhopnini sañgoñniga sarakñi aka malbin. Uruninan qahö toroqeba jim neñgiiga mönö awösamkakak malbin. O sarakñi ariinga mem tuarim neñgiiga mewö mönö Anutubuk qekötahöba malbin. ²³ Anutunöñ oyaenjkoyaen akingö keu jöhöba neñgiyöhi, yañön mönö keuñi pöndañ wuatangöba nembuk kinja. Mewö kinjawangöra aka mewö akingö mamböta jörömqörömñi jim miwikñaimakzin. Mianğoreñ mönö koñğwarak mosöta zeñ kin köhöiba malbin. ²⁴ Urukalem aka ahakmeme ölöpnñi akingöra mönö uru kuñgum aka nañgöm aña guba malbin. Mewö malbingöra mönö pöndañ galöm mem aña guba malbin. ²⁵ Tosatñan nanñini urumelen könağesögö totokoñini mosörakzei, neñön mönö silik mianğö dop kude aka malbin. Mewö qahöpmö, Kembu kamawangö aiwesökñi eka nalöñan dopdowimapkö mötzini, mianğö dop mönö kapan köla köhöiba uru kuñgum aña guba malbin.

²⁶ Buña keu ölnñi mötagun nanini imbi-imbi qakñe siñgisöndok lañ akin ewö, siñgisöndoknini mianğöra mönö naluk jöwöwöl kun albingö osibin. Jöwöwöl ohoho kun mi qahö bauköm neñgima. ²⁷ *Mi qahö bauköm neñgimappmö, Anutunöñ keunini mi jim teköba likepñi melenñi qakñine öngömapkö mamböringa jönömninan undui keñgötñini möta malbin. Anutugö köñöpñan tuarenjoñ-urupñi enğohomawi, mianğö kukñi miyök asuhumapköra mönö mamböta malbin. ²⁸ *Kunñan Mosesgö Köna keu andö qezawi, i mönö keu jakeñe algetka yahöt karöbutñan keuñi nañgöba jigetka keuñambuk akña ewö, i mönö kude ak kömum wangigetka kömupkö buñaya akña.

²⁹ *Mewö akñapmö, ambazip kun kewöñangö keuñangöra mönö denöwö mötmörize? Kunöñ Anutu Nahöññangö keuñi könañan tökötahöba gilakza. Jöhöjöhö areñ dölöknangö sepñan lök tök kutum wangii sarakñi ahökmö, sep mi yuai omani ewö memba et alakza aka kalem möriam Toñi Uña Töröñi mi illita mepaqepaik ak wangimakza. Kunñan mewö aiga Anutunöñ keuñi kewöta likepñi dawikö dop wangii dop kölbawak? Köna keu qetala kömupkö buñaya akingö dop akzinmö, Anutunöñ ambazip mewöñangö likepñi mi mönö köñöpuk ak wangii qakñe öngöi sihimbölä öñöñi qahö möta malma. Wani sihimbölonöñ mönö dop köl wangibawak? Yañgö könañangöra mönö denöwö mötmörize?

³⁰ *Keu kun kewö ahöza, “Jinöñ jibi, nuñgunöñ guhubi, aknöñ aki mi nöñgö nuwa. Nöñön mönö ambazip keuñinañgö likepñi melenmam.” Toroqeba keu kun kewö jii ahöza, “Kembunöñ könağesöurupñi enğö keuñini kewöta jim teköma.” Kun dañön mewö jiyöhi, neñön i möt wangizin. ³¹ Anutu malmal Toñangö jeñe kind a et neñgui böröñan neñgumawi, mianğön mönö kanjamñambuk kötökñi akña. Mewö.

³² Löwöribepköra kewö jizal: Anutugö asakñan kaiga buña qem aña guba asarigeri, mönö nalö mutukñi mi mötmöriba malme. Nalö mianğoreñ mötnaripkö bim qeba sihimbölä gwötpuk miwikñaiba mi töndup aum-möriba aonğit aka kin köhöiget. Mi mönö kude ölum enğuma. ³³ Nalö tosatñe gamu qem enğiget köñjilij mötketka qenjaröknöñ enğehiba malget. Nalö tosatñe alaurupñini tandök mewöyök ak enğigetka yeñgö qöhöröñine kinget. ³⁴ Tosatñi kösö mire alget tatkeri, mönö i enğeka sihimbölöñini mohotñe möta malget. Sukinapñini kiom qeba megeri, mi mönö sösoñgai

qakne môt anğön köla malget. Suepkö ainemaluku qainni kun qahö ayapkömawi, mi ahöm enğizawaŋgö möta mianğöra urukölalep möta malget.

³⁵ Mianğöra awösamkakakñini mönö nalö kewöñe kude gila mosötme. Mi kude mosötketka Anutunöñ mönö mianğö töwañi ketañi enğima.

³⁶ Anutunöñ yuai enğimapkö keu jöhöi ahözawi, enñon mi buña qem anğumegöra kinje. Mianğöra Anutugö jitsihitñi wuatangöba lömböt möta mökösöñda kapañ köla malme ewö, Suepkö buñañi mianjön mönö enğö buña akña. ³⁷*Kewögöra mönö kin köhöiba malme: Nalö töröptökñi miyök mönö toroqeba mamböringa “Kunbuk kamawañon mönö kam kuñguma. Nalöñi qahö qem körri öngömapmô, nalöñangö dop törörök kama.

³⁸ Törörök kamapmô, nöngö alanan ahakmeme diñdini wuatangömakzawi, yangö mötnariñan mönö nam köl wañgii mal köhöim öngöma. Kunbuk eleñda mötnariñi mosötma ewö, mi qahö dop köli urunan mönö yangöra qahö söñgaima.”

³⁹ Keu mewö ahözapmô, neñon ambazip uruñini kunbuk eleñda mötnariñini mosöta könöp siagö buñaya akñei, mönö yengö kambunöñ qahö kinjin. Mewö qahöpmô, mötnariñini mi mönö galöm kölinga Anutunöñ amöt qem neñgii mala Suep mire öngöbinañgö dop akzin. Mewö.

11

Ambazip mötnariñköra aka yuai kewö asuhuyök:

¹ Mötnariñkö könai kewö: Yuaiğö jörömqröm akzini, mi asuhumapköra mönö köhöiba uruyahötñi qahö môt narizin. Yuai qahö ehekñi mianğö dop aka memba öñi ekingö mamböta awösamkakak kinjin. ² Möpñangö möpñeyök könahiba ambazip mötnariñninan nam köl enğiiga uruñini melengetka Anutunöñ engehi dop köliga jim ölöwak enğiiga malget. ³*Mötnariñninan nam köl neñgii yuai pakpakö könai kewö môt asarimakzin: Anutunöñ keuñi jim kutuba mianjön Suep gölmeğö öröyuaini pakpak miwikñaiyök. Mianğöra nalö kewöñe yuai ehakzini, mi yuai ehekñi mianğöreñök qahö letota asuhuyök.

Abel, Enok, Noa yengö mötnariñini

⁴*Kein (Kain) Abel yetkôn Anutugöra jöwöwöl ohoyohotka Abelnöñ uruñi melenñiga mötnariñan nam köl wañgii törörök tem köliga köwakñan diñdini öngöyök. Mewö öngöiga Anutunöñ jöwöwölñi ehi dop köli jim ölöwahök. Jim ölöwaka Abelnöñ solanñi ahöhi, Anutunöñ keuñi mi nañgöba jiiga mötnariñan nam köl wañgii mörök. Mewö möta mala kömuyökmô, mi tøndup nalö kewöñe ahakmemeñi möringa keu mianjön mönö toroqeba urunini kuñguba nañgöm neñgimakza.

⁵*Azi qetñi Enok yañon mönöwök uruñi melenñiga Anutunöñ keuñi nañgöba jim ölöwahiga möta yangö jeñe dop köla malök. Mewö mala mali mötnariñan Anutu nam köl wañgii wañgiri jebuk öngöyök. “Anutunöñ wañgiri öngöiga toroqeba miwik-ñaibingö osiget.” Buña Kimbi mianğö dop Enok mötnariñan anğön köl wañgii qahö kömuyök. ⁶ Uruñi Anutugöreñ melenjawañon mönö keu kewö môt narima: Anutunöñ malja aka Anutunöñ ambazip yangö jeñe dop kölbingö jaruzei, mi töwa qem enğima.

* 10:37: Hab 2.3-4 * 11:3: Jen 1.1; Sum 33.6, 9; Jon 1.3 * 11:4: Jen 4.3-10 * 11:5: Jen 5.21-24

Keu yahöt mi möt nariba ölop Anutugö kösutje kamapmö, qahö möt narim wanjiba öne yanjö jeje dop kölbängöra mönö osibin.

⁷ *Anutunöj Noagöra yuai asuhumapkö galöm meme keunji indelök. Indeli Noanöj möt asariba sömbunji qainji kun möta ölnji qahö ehiga mötnaripñan nam köl wanjiiga tem köla wanje meyök. Anutunöj nanji aka saiwaurupñi anjön köl engimapköra möta wanje mi meyök. Noa mötnaripñan nam köl wanjiiga wanje meyöhi, ahakmeme mianjön mönö gölme ambazip könarjamñini gonjonji indeli Anutunöj keunjini jim teköiga ayuhuget. Urunjini qahö melenja ayuhugetmö, Noagö mötnaripñan nam köl wanjiiga Anutugö jeje solanji akingö kalemñi mi bunja qem angyök. Ambazip Anutu möt narim wanjiinga keunini jim teköi solanimakzini, Noanöj mönö mianjö dop solanji ahök. Mewö.

Abraham Sara yetkö mötnaripñiri

⁸ *Anutunöj Abraham gölme yanjö bunja akñapkö jiyöhi, mönö mianjörej anmapkö oholök. Oholi mötnaripñan nam köl wanjiiga keu mi tem kölök. Denikeangörej anda angotpawak mi qahö mörökmö, mi töndup nanji gölmeñi mosöta anök.

⁹ *Anda Anutunöj gölme yanjö bunja akñapkö jim jöhöi ahöyöhi, mönö mianjörej angorök. Angota kian aka ambazip ahakmemeñini qahö mörökmö, mötnaripñan nam köl wanjiyö-hangöra mönö töndup opo kounñi kunjuba ali mianjörej ahöba malget. Isimoröñi Aisak Jeikob yetköñ mewöyök Anutunöj gölme engimapkö jöhöjöhö keunji miyök bunja qem anjuba gölme mianjörej toroqeba opo kounñini kunjuba ala ahöba malget. ¹⁰ Suet siti tandöñan qahö gisahömawi, Abrahamnöj mi ekñangö mamböta malök. Anutunöj siti mianjö areñi ala imutñi memba miri tandöñini esiba meiga pöwöwöm köhöikñi ahöm öngömawi, mönö mianjörej angotmangö al mamböta opo kounnöj malök.

¹¹ *Mewö mala lök azi namñi aiga mötnaripñan nam köl wanjiiga köhöiba iwi ahök. Abrahamgö anömñi Sara yanjön köpin malökmö, mi töndup gölöm ala morö meyök. Anutunöj Abrahamgö könagesöñi ketanji akñapkö keu jöhöm wanjiyöhi, yanjöra aka keunjan ölnambuk akñapkö möt nariba malök. Mötnaripñi mianjön mönö nam köl wanjiiga nahönña asuhui ehök. ¹² *Azi mohot mianjö mötnaripñan nam köl wanjiiga lök kömukömugö dop ahökmö, mi töndup yanjörejök könagesö keta bölökñi asuhuget. Senjelau suepnöj asarigetka janjöñini oyonbingö osizini, me sak köwet jitje ahözei, gwölönarökurupñan mönö mianjö dop sehiba asuhuget.

Ambazip kewöñan Suet mirigöra awöweñgöba malget:

¹³ *Ambazip kösohotñini lök jizini, mi körek urunjini melenja Anutu möt narim wanjiba mala kömuget. Anutunöj gölme engimapkö keu jöhöm engii malgetmö, gölme mianjörej qahö angotket. Mewö qahöpmö, gölmeñini mi körowen kinda uba eka waikñi memba söñgaiget. Eka öne söñgaiba kewö jim miwikñaiba jiget, “Gölmeñöj mönö kiana aka qandak maljin.” ¹⁴ Ambazip nanñine miri gölmeñine angotpingö jaram timakzei, yejön mönö keu mewö jimakze. ¹⁵ Gölme mosötkeri, mianjö mötmöröba keunji

* **11:7:** Jen 6.13-22 * **11:8:** Jen 12.1-5 * **11:9:** Jen 35.27 * **11:11:** Jen 18.11-14; 21.2

* **11:12:** Jen 15.5; 22.17; 32.12 * **11:13:** Jen 23.4; 1 Hist 29.15; Sum 39.12

jibeak ewö, yeñon mönö ölop lilingöba mianğoreñ angetka uruñinan teköbawak.

¹⁶ Mönö ölop lilingöbeakmö, yeñon mianğöra qahö mötmöriba malget. Mianğöra qahöpmö, kantri qainñi kun Suepnöñ ahözawi, mönö mianğoreñ anğotpingö awöweñgöba malget. Anutunöñ yeñğöra siti kun meiga ahözawi, mianğöra qetñi “Nanine Anutu!” qetketka mi möta sönğaiba yeñğöra aka gamu kun qahö mörakza.

Abraham, Aisak, Jeikob, Josefyeñgö mötnaripñini

¹⁷ *Anutunöñ Abraham esapesapnöñ al wañgiiga mötnaripñan nam köl wañgiiga Aisak Anutu kalema wañgiyök. Anutunöñ Aisaköra gölme wañgimangö jiiga Abrahamnöñ jöhöjöhö keu mi buña qem anğuyökmö, töndup nahönñi mohok-kun mi mosöta mianñon jöwöwöl ohomangö ahök. ¹⁸ *Anutunöñ Abrahamğöra keu kewö jii mörök, “Aisaknöñ mönö gwölönarökurupki nam köl enğiiga asuhuba göhö qetki bisiba malme.” Keu mi mörökmö, töndup nahönñi altanöñ ala mosörök. ¹⁹ Mosöta kewö kewöta mötmöriyök, “Kömumapmö, Anutunöñ ölop köhöiba mem gulli kömupnöhök wahötma.” Söpsöp keu mewö jiyöhi, mianğö dop nahönñan dumñe kunbuk kömupnöhök ewö wahöri wañgirök.

²⁰ *Mötnaripñan Aisak nam köl wañgiiga nahönyahötñi Jeikob aka Iso (Esau) mi kötuatköm etkiyök. Anutugö kötumötuetñi mianñon mönö nalö könañgepñe mewöyök dop köl etkii qakñire öngömakñapköra köuluköyök.

²¹ *Jeikobnöñ kömumangö ahöhi, nalö mianğoreñ mötnaripñan nam köl wañgiiga nahönñi Josefgö nahönyahötñi yahöt mi kötuatköm etkiba öröpñangö kitipñe nariba Anutu waikñi memba möpöseiyök.

²² *Josefgö kömupñan dopdowiyöhi, nalö mianğoreñ möt-naripñan nam köl wañgiiga Israel könagesö Ijipt mosöta kageri, mianğö kösohotñi mi jim guliba jiyök. Mewö jiba könañgep qamötñi denike löm kölmegö keuñi mi jim kutum enğiyoök. Mewö.

Mosesgö mötnaripñi

²³ *Mötnaripñan Mosesgö iwinamñi nam köl etkiiga Mosesnöñ asuhuyöhi, i nalö mianğoreñök könahiba köiñ karöbutkö dop asambörohot. Morö mi eksihimñambuk tandökñi kun ahöhi, mi eka kiñ kembangö jimkutukutunñi onğitpitpuköra keñgötñiri qahö möta moröñiri asamböta galöm kölohot.

²⁴ *Mosesnöñ qariiga qetñi farao kiñ bōratñangö nahönñi qetketka mötnaripñan nam köl wañgiiga qet mi bisimangö tököba farao kiñgö miriñi mosöta angaiyök. ²⁵ Ölop toroqeba Ijipt yembuk siñgisöndökö sösönğainñi miwikñaiba mi nalö töröpñi lañ sönğaibawakmö, malmalñi mi andö qeyök. Mi andö qeba Anutugö urumelen könagesö yembuk toroqei kahasililiñ ak enğigetka mi mohotñe möta aum-möribingö möri öngöñgöñi ahök. ²⁶ Anutunöñ töwa wañgimapkoreñ göröken uba kin köhöiyök. Mianğöra Ijipt yeñon guli dötnamñinambuk aka siyonşayonñi qahö malgeri, mianğö möri yuai eretñi ahök. Mianñon yuai eretñi aiga andö qeba Amötqeqe Toñambuk toroqeiga yangöra aka mepaqepaik ak wañgiba malgetmö, mi möri töndup ölni aka öngöñgöñi ahök.

* 11:17: Jen 22.1-14 * 11:18: Jen 21.12 * 11:20: Jen 27.27-29, 39-40 * 11:21: Jen 47.31-48.20 * 11:22: Jen 50.24-25; Eks 13.19 * 11:23: Eks 2.2; 1.22 * 11:24: Eks 2.10-12

27 Mötnaripñan Moses nam köl wañgiiga Ijpt kin kembuñinangö irimñi seholibapuköra kengötñi qahö möta kantrinji mosöta kayök. Anutu ehəkñi qahö mi ehəkö tandök mötmörim wañgiba malöhi, miangöra mönö kapañ köla kin köhöiyök. 28 *Mötnaripñan nam köl wañgiiga ak-kömukömu kendon* ala miangö arenji jim kutum engiiga söñgaiba tatket. Kömupkö garatanöñ Ijpt uruñe nahönñini mutukñi engugetka Israel yengö nahönurupñinan kömumbepuköra mönö jim kutum engiiga nanñuñine sep miriget.

29 *Mötnaripñinan Israel ambazip nam köl engiiga Köwet Pisikñi mi gölme örönñe anangö dop kutuba kaget. Ijpt yarö azi yeyön mi kutubingö esapkögetmö, mönö onöñ nemulahöba ayuhuget.

Rahab aka mötnaripkö ambazip ipñi tosatñi

30 *Mötnaripñinan Israel könagesö nam köl engiiga Jeriko taonöñ kaba kiripo selñi silim 7:gö dop liliköba mohotñe anda kagetka kiripo selñi selñi köhöikñan mönö gororongöba etket. 31 *Mötnaripñan köna ketañi ambi Rahab nam köl wañgiiga kewö aiga Anutunöñ ehoriyök: Israel jittjememe yetköñ gölme ek miwikñaibitköra ölöñ kayohotka ala aka köl öröm etkiyök. Anutunöñ mi eka könañgep yangisen ambazip enñui ayuhugetka Rahab ehorii yembuk mohotñe qahö kömuyök. Mewö.

32 *Wani keuya kunbuk toroqeba jibilenak? Gideon, Barak, Samson, Jefta, Deiwid, Samuel aka kezapqetok ambazip tosatñi yengö kösohotñini toroqeba jibilenak ewö, nöñgö nalönan mönö qahö dop kölbawak. 33 *Mötnaripñinan tosatñi nam köl engiiga jakömbuak tohoñi tohoñi tulumgöba memba ambazip mindingöm enñigetka ahakmeme diñdiñi wuatangöba malget. Anutunöñ yuai nenñimapkö keu jöhöi ahözawi, gwötpukñan keu miangö dop köuluköba möt narigetka ölni asuhui meget. Tosatñan laion sömbup sutñine köuluköba möt narigetka Anutunöñ laion numbuñini jöhöyök.

34 *Tosatñan könöp bölam uruñe köuluköba möt narigetka Anutunöñ könöp ösumñi qömbököiga qahö enñohoyök. Tosatñi bimgö sou ketañi miangön enñugbingö aketka Anutunöñ yengö souñini jittñi jöhöiga kök alget. Gwötpukñan lölöwöröñi aka köuluköba möt narigetka Anutunöñ ösum enñiiga köhöiget. Tosatñan bim qeba köuluköba möt narigetka Anutunöñ kuk enñiiga suahö köhöikñi aket. Kian yengö yarö kambuñinan kagetka tosatñan köuluköba möt nariba mewö mönö enñuatangögetka unjurata anget.

35 *Ambi tosatñan kitipñinan kömui köuluköba möt narigetka Anutunöñ mem gulim wañgi kömupnöhök wahöriga kunbuk toroqeba aitonñöget. Ambazip tosatñan kömup andöñe oyaenñkoyañ enñöñgöñi miwikñaibingöra möta kapañ köla kinget. Mewö kingetka ihileknöñ enñuba kahasililij könañ könañ ak enñgiba kewö jii mötket, "Anutu qañ kölnöñga zilañ pösat gihibin." Mewö jii mötketmö, yeyön mi tökögetka toroqeba janñgaurañga mem enñgiba malget. 36 *Tosatñan Anutu möt

* 11:28: Eks 12.21-30 * 11:28: Anutugö garatanöñ Israel ambazip enñehoriba enñöñgiröhi, miangö kendonñi mi nanine keunöñ ak-kömukömu kendon jiinga Nei keunöñ Pasowa jize.
 * 11:29: Eks 14.21-31 * 11:30: Jos 6.12-21 * 11:31: Jos 2.1-21; 6.22-25 * 11:32: Kemb 6.11-8.32; 4.6-5.31; 13.2-16.31; 11.1-12.7; 1 Sml 16.1; 1 Kin 2.11; 1 Sml 1.1-25.1 * 11:33: Dan 6.1-27 * 11:34: Dan 3.1-30 * 11:35: 1 Kin 17.17-24; 2 Kin 4.25-37 * 11:36: 1 Kin 22.26-27; 2 Hist 18.25-26; Jer 20.2; 37.15; 38.6

narigetka mepaqepaik aka ihilek wahinambuknõj enjugetka sihimbölo kõnanj kõnanj miwikñaiba malget. Toroqeba tosatnj gwaröhöba köso mirinj mirinj miangörej al enjiget malget.

³⁷ *Tosatnj kötnõj enjugetka kömuget. Tosatnj segenõj mitim enjigetka yahöt aket. Tosatnj bingö sou ketanj میانõn enjugetka kömuget. Tosatnan lama silenj aka meme (noninj) silenj میانõn opo ewö löngöta lanj anda liliköget. Mewö wanapnj töhön aketka sesewerowo aka kahasililinj lanj mem enjigetka malget. ³⁸ Suepkö aködamunjinambuk aka gölmegö ahakmeme bölöñan-göra mötketka qahö dop köl enjiiga miangörej qahö toroqet. Qahö toroqeba lanj liliköba gölme qararankölkölne anda kaba kundunj kundunj öngöba eta banjet me gölme titingit urunje ahöba malget. Mewö.

³⁹ Ambazip kösohotnjini jizali, körek mi mötnaripnjinan nam köl enjiiga urunjin melengetka Anutunõj engehi dop köliga jim ölöwak enjiiga malget. Mewö malgetmö, mi töndup Anutunõj oyaenköyaen qainnj kun nenjimapkö keu johöi ahözawi, miangörej yengörejök kunõj kun mönö qahö angorök. Qahö! ⁴⁰ Anutunõj i nanjinök qahöpmö, mönö nembuk mohotnje aködamuninambuk ak teköbingöra mötza. Mewö möta miangöra oyaenkoyaeñ qainnj kun nenji miwikñaibingö keu arenj ali ahöza. Mewö.

12

Anutunõj iwi aka mindingöm nenjimakza.

¹ Ambazip kambu keta bölöknj mewöñan mötnaripkö kõnanj nangöba jiba kousu ewö liliköm nenjiba kinjei, mi mötzin. Miangöra nenjön mewöñanök mönö lömbötnini pakpak aka singisöndok awamñanök köpeim nenjimakzawi, mi gilin anma. Anutunõj nini mötnaripkö bimnj qeba Satan luhut al wanjibingö arenj ali ahöza. Miangöra malmal sutnj ki malagun kömumbini, sutnj mi mönö aongit tandök kapañ köla bim qeba ösumninan anbin. ² Jisösnõj mötnaripnini mem letori ahui mem qarii köhöiba aködamunjinambuk ahakzawi, Tonj mi mönö jeninan uba törörök ehakin. Yanjön ölop toroqeba Sup mire mala söngaibawakmö, mi mosöta eta miangö salupnje sihimbölo mörök. Maripomnõj kegwek-kahasililinj ewö kömumangö gamu möta qahö tököyökmö, mi qenjaröknõj möta mökösonda kömuyök. Kömumba Anutugö jakömbuak dum tatatnõj öngöba böronj ölje tatza.

³ Singisöndok ambazip yenjön mewö tuarenjon ak wanjigetka sihimbölo möröhi, enjön mönö i mötmöriba malme. Sörauba löwöriba urueret aka kinda mötnaripnjini aka jörömqrömnjini mosötepeköra mönö mewö ahaknje. ⁴ Singisöndok akinbuköra aum-möriba bim qeba malgetka miangörej singisöndokö Tonjan mönö sepgwörörök (gulibambam) qahö enjuyök. ⁵ *Iwinõj nahönböraturupnj yengöra qambanj keu enjizawi, Anutunõj miangö dop keu kun enjöra kewö jiiga mönö mi ölum enjui malje, “O nahöni, Kembunõj mindingöm gihimakzawi, miangöra mönö mötnönga silebile kude aknja. Keu jim gihiiga miangörej mönö urueret kude aka malman.

⁶ Kembunõj ambazip jöpaköm enjimakzawi, ia mindingöm enjimakza. Ambazip morö ewö engömembra köyan köl enjimakzawi, mi körek kömbinõj enjumakza.”

* 11:37: 2 Hist 24.21 * 12:5: Job 5.17; Qam 3.11-12

7 Morö kun iwiñan qahö mindiñgöi lañ malbawak, mewö mönö yangö moröñi qahö akawak. Mianğöra Anutunöñ iñini nahön-böratñi ewö tandök ak engimakza. Mianğöra lömböt engii mi mönö mindiñgöm engimapkö tandök mötmöriba möta mököşöñda dñngiba malme. 8 Anutunöñ nahönböraturupñi pakpak mindiñgöm engimakzawangö dop iñini qahö mindiñgöm engibawak ewö, mönö yangö nahönböraturupñi öñji qahö akeak. Mewö mönö iwi qahö wilin morö (bastet) akeak.

9 Keu mi kunbuk kewö jimam: Gölmegö iwininan mindiñgöm neñgigetka yengöra göda qem engiba malin. Silegö iwininan korembñi akzemö, uruninangö Iwininan mönö öñji aka öñgöñgöñi akza. Mianğöra mönö yangö keu bapñe anda dñngiba mal köhöninga dop kölma. 10 Silegö iwininan mönö nanñini mötmötñinangö dop kapan köla gölmenöñ nalö töröpñi malbingöra aka mindiñgöm neñgiba malakze. Yeñön mewö malakzemö, Anutunöñ mönö tök kutum neñgii yangö dop sarakñi akingöra aka mindiñgöm neñgimakza. Mewö aka öñña ölöwaka oyaenköyaen akingöra mötza.

11 Kunöñ mindiñgöm neñgiiga nalö mianğöreñök mönö söşöñgai tandök qahö ahakzinmö, wösöbirik sihimbölöñambuk mörakzin. Keu mi öñjapmö, mianğö öññan mönö könañgep kewö asuhuma: Anutunöñ ambazip mewö mianğön köl gulim engimakzawi, yengö ahakmemenñinan dñngiiga luai qem engii möta malme. Mewö.

Qambañ aka galöm meme keu tosatñi

12 *Mianğöra “awötñini teköi böröñini lömböriba söörörauba kinjawi, mi mönö memba wahöta mindiñgöme. Tambunñini jula siminñini suljawi, mi mönö mem köhöime.” Buña keu kun mewö ahöza.

13 *Kekporörökñambuknöñ (kerekporikñambuknöñ) töwölatiba eta qeiga könañan sula bölim teköbapak. Keu mianğö dop alañini angösirip kude ak wangimemö, mönö ölöwakñapköra kapan köla malme. Buña keu kun kewö ahöza, “Köna tiba anangö könañini mönö mem qölöleigetka dññiñi akñe.” Keu mianğö dop mönö uru ölöwak qem anguba malme.

14 Ambazip körek yembuk luainöñ urumohot malmegöra mönö köhöiba kapan köla malme. Kunñan malmal sarakñi qahö miwikñaimawi, mönö öne Kembu qahö ekña. Mianğöra Anutunöñ mem sarahim engimapköra mönö kapan köla kinme. 15 *Kunöñ Anutugö kalem möriamñi öñgita qahö buña qem angubapaköra mönö galöm mem anguba malme. Nene nupnöñ siriuret kömbukñambuk mi jalöñinambuk qözölmakzin. Mianğö dop uru mötökömbukö könañi pakpak mi qeapköme. Qahö qeapkögetka mianğön qariba kota enololoñ mem engii gwötpuk engö uruñinan tölöñobapak.

16 *Mewöyök kunöñ kaisero akapak me Iso (Esau) ewö angöjörañambuk malbapaköra mönö galöm mem anguba malme. Isonöñ morönahön mutukñi ahöhañgö börösamot tonji ahökmö, keu mi nene indim mohot nemapköra aka qeapköyök. Qeapköiga munñi Jeikobnöñ börösamotkö keunji mi nene mianğön bohonñi memba buña qem anguyök.

17 *Könañgep jöhöjöhö keunñangö dop asuhui Iwiñangö kötumötuetñan mönö Jeikob qakñe öñgöyök, mi mötze. Mewö öñgöi Isonöñ kötumötuet mi buña qem angumangö möta uleta sahöri imbilñan erök. Mewö kapan köla ulerökmö, töndup keu munñambuk jöhöyohori, mi utekömangö köna kun

* 12:12: Ais 35.3 * 12:13: Qam 4.26 * 12:15: Dut 29.18 * 12:16: Jen 25.29-34 * 12:17: Jen 27.30-40

qahö miwikñaiyök. Mianğöra morö mutukñanğö kötümötuetñi mi bunja qem anğumamğö mörökmö, mianğoreñ qaköba osiyök.

18 *Mönöwök Israel könagesö yeñon Sainai (Sinai) kösutñe kaba kingetka kundunji mianñon könöp bölamnönj jeyök. Jeba köwak-köwak eta panaman meiga raidimbom qeiga Anutunönj mianğoreñ yembuk jöhöjöhö areñ ahök. Sainai (Sinai) kundunji mianñon börönönj oseibi-nanğö dop akzappmö, eñon kundunji mewö mianğö kösutñe qahö kaba malje. 19 Anutunönj jöhöjöhö areñi mi Sainai kundunje kewö ahök: Garataurupñan tömun qainñi kun ugetka anğötömualñi azönđa kaiga keu köhöikñi jiyöhanğö kourukñi mötket. Mi möta keu mewönji kunbuk kude jii mötmegöra uletket. Eñon kundunji mewö mianğö kösutñe qahö kaba malje. 20 *Anutunönj keu köhöikñi jiba kewö jim kutum enğiyök, “Kunñan kun ambazip me bau sömbup kunönj kundunji mi oseima ewö, i mönö kötnönj qegetka kömuma.” Mewö jim kutum enğiiga keu mi wu-atanğöbingö möt lömböröba osiget. Mianğöra keu kunbuk kude jimapköra uletket. 21 *Yuai kanjamñambuk kötökñi mi uba eketka Mosesnönj kewö jiyök, “Ni mönö kenğötñi möta jönömni undui kinjal.”

22 Eñon mewö qahöpmö, mönö uruñini melenđa Zaion kundunji dop-dowiba kanğota malje. Anutu malmal Tonanğö sitiñi qetñi Jerusalem Suepnönj ahözawi, mianğoreñ garataurupñi ten tausenñi ten tausenñi yeñon kambunji kambunji köla unduba sösonğai ahakzei, eñon mönö siti mi dopdowiba malje.

23 Mutuk ahuahu döläkñi ahuba urumelenj könagesö aketka qetñini malmalgö buknönj ohogetka Suepnönj ahözawi, eñon mönö yeñğö kambunjinu toroqeba malje. Anutunönj ambazip körek neñğö keunini kewöta jim tekömakzawi, eñon mönö bemnini yambuk toroqeba malje. Anutunönj ambazip solanñi mem letot enğiiga aködamanunñambuk aka kömugeri, eñon mönö yeñğö unanñambuk toroqeba malje. 24 *Eñon jöhöjöhö areñ döläkñanğö galömnji Jisös yangöreñ kaba yambuk qekötahöba kinje. Yanñon sepñan qewösahöi enğömirimakzawi, mönö malmal mewönje kanğota malje. Abelnönj sepñi mokoyökmö, Jisösgö sepñan Abelnö sepñi onğita keu aködamanunñambukö munğemñi akza.

25 *Mutuk azi kunönj gölmenönj mala Anutugö keu jitsihitñi ambazip indel enğiiga gwötpukñan mi mötpingö tökögetka Anutunönj likepñi melenjni qakñine öngöyök. Yeñon mianğoreñök kök albingö osiget ewö, neñon mönö denöwö kök albinak? Nalö kewönje alanini kunönj Anutugö keu jitsihitñi Suepnöhök indela jimakzawi, nini i nönönğan aka mosötzin ewö, mönö lömbötnöhök kök qahöpmahöp albin. Qegetalninanğö likepñi mönö ölnja qakñine öngömakpö mötzin. Mianğöra kunñan sanep qei mötzei, eñon keu mi mötpingö kezapolök kude akñe. Kezapölök malbepuköra mönö galöm mem anğuba malme.

26 *Mönöwök keunji jiiga mötketka gölme utuköba memenjaliyökmö, kezapqetok keunji kun jiba jöhöiga nalö kewönje kewö ahöza, “Nalö kungen dumñe kunbuk gölme utuköba memenjalinam. Gölmeyök qahöpmö, yuai akiga suepnönj mewöyök utuköma.” 27 Keu mewö ahözappmö, “Nalö kungen mönö dumñe kunbuk” jizawi, keu mianğö könanji kewö: Anutunönj öröyuai miwikñaiiga ahözawi, mianñonök mönö

* 12:18: Eks 19.16-22; 20.18-21; Dut 4.11-12; 5.22-27 * 12:20: Eks 19.12-13 * 12:21: Dut 9.19 * 12:24: Jen 4.10 * 12:25: Eks 20.22 * 12:26: Hag 2.6

utuköba utekömapmö, Suep mirigö öröyuai qahö utukömawi, mianjon mönö kin köhöiba ahöm öngöma.

²⁸ Nejon bemtohon qahö utukömawi, mia buja qem anguba kinjin. Miangöra mönö “Anutu saiwap!” jiba mewö mianjon waikni memba möpöseiba uru ölöwak mem wangimakin. Mi jitni ongitpinbuköra kenjötnini möta aka gödanj qeba malbin. ^{29*} Nengö Anutuninan mönö könöp bölam ewö akza. Miangöra nengohoi sihimbölö mötpinbuköra mönö kenjötmöt qakne göda qem wangimakin. Mewö.

13

Qamban keu teteköji

¹ Urumelen alaurup nanjini mönö jöpaköm anguba malme. ^{2*} Kian ambazip sutjine kamei, mi mönö köyan köl engigetka köisirik miwiknjaimakje. Mewö akingö mönö kude ölum engumakja. Tosatjan mewö akeri, mianjon Suep garata tosatni qahö möt asariba mohot köl öröm engigetka mirinjine malget. ³ Tosatjan kösö mire maljei, mi mötmörim engimakje. Nanjinak yembuk gwaröhöm engigetka malbeak tandök möta mönö i mötmörim engimakje. Tosatni ak bölim engigetka miangö sihimbölöni mötzei, mi mönö nanjinak mewö malbeak ewö möta mötmörim engimakje.

⁴ Ambazip qesabulum aka serowilin akzei, Anutunöj i jim teköm engima. Miangöra körek enjon mönö awanöni malmal göda qegetka sarakni aiga awanöm sutjire tötekqötek töwötji kun qahö ahöma.

^{5*} Anutunöj nanjak keu kun kewö jii ahöza, “Nöjon mönö nalö kunöj qahö gömosöta andö guhumam.” Keu miangöra aka ahakmemenjanan membagan membingö nepaqepalok kude köpösöngömakjemö, yuai ahöm engizawi, miangöra mönö mötket dop köl engiiga sösongaibuk malme.

^{6*} Mewö möta ölop ewebibininambuk saitingit kinda kewö jiba malbin, “Kembunöj baukbaukni aiga gölme ambazipnöj ayuhum ningimeangö dop qahö akze. Miangöra kenjötni kun qahö möta maljal.”

⁷ Galömurupjanan Anutugö keu jiget mötkeri, i mönö mötmörim engiba malme. Ahakmemenjini denöwö aka megetka malmaljanan teköyöhi, mönö mi mötmöriba mötnaripjanangö silikjini wuatangöba malme. ⁸ Jisös Kraist utekutekni qahö. Mutuk malöhi, miyök merak malja aka nalö teteköji qahö mal öngöma. ⁹ Kalem möriam toroqeba buja qem anguinga urunini mem köhöiiga ölöwahakjapmö, nene nembangö silikjini mi me mi mianjon mönö urunini mem köhöimapkö osimakza. Tosatjan nenegö dönqizizin könanj könanj wuatangögetka ahakmeme mianjon mönö qahöpmahöp bauköm engiiga pöröpköyök. Miangöra tosatjan dönqizizin murutni murutni ambazip kusum engimakzei, enjon mönö keu mi mosöme. (Silikö keunöj mönö janjun kude ak engima.)

¹⁰ Jöwöwöl ohoho alta qainji kun mi nengören ahöza. Gölmenöj opo seri jikegö nup memakzei, yejon jöwöwöl qainji kun miangö bahöni memba nembangö osimakze. Anutunöj yengöra keu mewö qahö jim teköi ahöza. ^{11*} Gölmegö jike nup galöm bohonjan kinda ambazip singisöndokjini köl könjöratmapköra aka sömbup qeba sepni memba jike oleni töröni kötökni miangören öngömakzapmö, sömbup ölnjini mi memba miri qandak maljei, miangö sel yaigepne anda miangören ohogetka

* 12:29: Dut 4.24 * 13:2: Jen 18.1-8; 19.1-3 * 13:5: Dut 31.6, 8; Jos 1.5 * 13:6: Sum

118.6 * 13:11: Lew 16.27

jeba ayapkömakze. ¹² Mianğö dop Jisös mewöyök könagesöurupñi nanñi sepñan mem sarahim enğimapköra aka siti selgö nanğu yaigepñe qegetka sihimbölä möta kömuyök.

¹³ Mianğöra miri qandak* maljini, neñon mönö mianğö sel yaigepñe anda Jisösgöreñ toroqebin. Yanğöra aka mepaqepaik ak nengimakzei, mönö mi bisiba malbin. ¹⁴ Mi kewögöra: Siti teteköñi qahö ahöm öngömawi, mi gölmenöñ qahö ahöm neñgizapmö, siti könagep asuhum neñgimawi, mi ekingö mönö jaram tiba maljin. ¹⁵ Mianğöra mönö qösösök Jisösnöñ nam köl neñgiiga Anutugöra möpömpösei naluk ala malbin. Jisös qetñi möpöseimakzei, yeñgö numbu jitrinanğö ölñan mönö Anutugö nalukñi akza. ¹⁶ Yuai ahöm enğizawi, mi mendeñ anğuba mem ölöwak anğumakzei, mianğon mönö Anutugö nalukñi kun akza. Anutunöñ naluk mi ehi uruñan ölöwahiga dop kölakza. Mianğöra mewö akñegöra mönö kude ölum enğumakña.

¹⁷ Galömurupñini mönö tem köl enğiba kukösümñini bapñe anda malme. Nup megeranğö kösohotñini Anutugö jeñe almei, yeñon mönö mianğö tandök enğeka uruñini galöm kölakze. Yeñon nupñini mi urulömböt qakñe membepuk. Mianğon inñi qahö bauköm enğibawak. Mianğöra mönö keuñanğö bapñe anda malgetka sösongai qakñe nupñini megetka dop kölma.

¹⁸ Mönö neñgöra aka Anutu köulukömakñe. Yuai pakpak mianğöreñ ahakmeme qetbuñanambuk akingö sihimñi ahöm neñgiiga Anutunöñ neñgeka “Dop kölja,” jiiga urukezapninan möringa ölöwahakza. Keu mi möt yaközin. ¹⁹ Nöngöra köulukömakñegöra mönö kapan köla kewögöra kuñgum enğizal: Inñi köulukögetka Anutunöñ nalö qahö mem köriiga ölöwaka ölop kunbuk enğöreñ kamam.

Kewö köulukömakzin:

²⁰ Jisösnöñ kömuyöhanğöra aka lama galöm qetbuñanambuk aka malja. Sepñi mokoba mianğö muñgem silimbanñan Anutugö jöhöjöhö arenji qekötahöba mem köhöiiga nalö teteköñi qahö ahöm öngöma. Anutunöñ Kembunini mi mem guliiga kömupnöhök wahöta köhöiba malja.

²¹ Anutu luai Toñan mönö inahöm enğiba jitsihitñanğö dop aka memba malmegö aködamunñi pakpak enğimakña. Mewö ölop köhöiba nup ölopñi könani könani memba malme. Yanğon mönö möwölöhöba kuñgum enğiiga Jisös Kraistköreñ nanğöba malmal Anutugöreñ dop köljawi, mewö malme. Kraistkö qetbuñani mönö nalö dop möpöseininga nalö teteköñi qahö aködamunñambuk ahöm öngöma. Keu mi ölña.

Keu teteköñi

²² O urumelen alaurupni, nöñon kewö qesim enğizal: Buña Kimbi töröpñi kiyök ohom enğizal. Mianğöra andö qamban keuni ki mönö kapan köla buña qem anğume. ²³ Buzup ki mötme: Urumelen alanini Timoti i kösö mireyök pösatketka erök. Ösumok ki kanğotma ewö, mönö yambuk kaba enğekit.

²⁴ Yaizökzök keuni albiga galömurupñini pakpak aka Anutugö ambazip sarakñi körek yeñgöra jigetka mötme. Itali alaurupninan yaizökzökñini algetka enğöreñ kaza.

²⁵ Anutugö kalem möriamñan mönö körek embuk ahöm öngöba ahöma.

* **13:13:** Gölmenöñ kusuk maljini, mianğö qetñi qandak.

Jeimsgörej Kimbi Jeimsnöj Kimbiñi alök. Jim-asa-asari

Gölmeñi gölmeñi miangörej ambazip könañi könañi uruñini melenđa letorakzei, yengö ahakmemeñinan siksauk lolonqaloñ aiga tönťangöba et enğuiga Anutugö qetbuñañan etpapuk. Miangöra Jerusalem bisop Jeims yañon goro keu murutñi murutñi qezaköba ki ohoza. Goro keunji tosatñi kewö: Mötikutukutu ölni mi denöwö? Zioz nup ölni aka muneñi. Esapesap uruñe malmal. Tosatñi kude engek qepureime. Numbu jit galömkölköl. Silenini möpöseime me uruñini memba et al angume? Anğururuk me alabauk akñe? Kapañkapañ aka köuluk nup meme.

Waimañatñi bohonñi kewö: Kraistkö Buñañan qariba aködamun-ñambuk akñapköra qetñi bisiba keunji köl guliba meinga ölni asuhuma me qahö? Numbu jitninanök möt nariinga qahö dop kölja. Zioz ölni qahö mi köhömuñi qamöt tandök ewö akza.

Kimbi kianğö bahöñi bohonñi 10 mi kewö:

Keu mutukñi 1.1

Mötnarip aka mötikutukutu 1.2-8

Ambazip wanapñi aka pomñi 1.9-11

Esapesap (manambatok) ölopñi aka bölöñi 1.12-18

Buña kezapnöhök mötmöt aka temkölköl 1.19-27

Etqeqeñi mi kude engek qepureime 2.1-13

Mötnarip nupñi qahö mi omañi akza 2.14-26

Numbu nesilamninan ayuhum neñgibapuk 3.1-18

Luainöñ malmal me gölmegö ahakmeme 4.1-5.6

Lömböt bisiba köuluköinga ölni asuhuma 5.7-20

¹ *Jeims nöñon Anutu aka Kembu Jisös Kraistkö nupñi memba maljal.

Israel kambu 12 neñgöreñök tosatñi inini Israel mosöta gölmeñi gölmeñi denđa anda maljei, nöñon embuk keu eraum mötpingöra kimbi ki ohoba jölöjini jizal.

Möt nariba köuluköba mötmöt ölni miwikñaibin.

² O urumelen alaurupni! Esapesap könañi könañi qakñine öngömakzawi, miangöra uruñinan mönö kude eri simbawoñ miyök möta söñgaiba malme. ³ Esapesapnöñ qakñine öngöiga mötnarip-ñinan miangörej köhöimakña ewö, mönö kapañ köla kin köhöimakñe. Mi mötzeañgöra mönö söñgaiba malme. ⁴ Kapañ köla kin köhöimakñe ewö, miañon mönö toroqeba mem letot enğuiga ahakmemeñinañgö ölni pakpak mi aködamunñambuk ahumakña. Miañon ahuiga Anutunöñ oyaenkyoayan uruñini kokolak qeiga urugö yuai kungöra (meme amgöba) mözöqözöröñ qahö aka malme.

⁵ Enğöreñök kunñan “Denöwö akñam,” jiba mötikutukutugöra osizawi, yañon mönö Anutu köuluköiga mi wañgima. Anutunöñ kalemñi sakalakñi amqeba körek neñgöra neñgiba sirongen qahö jim neñgimamgö mörakza. Miangöra mi ölop wañgiiga buña qem anğuma. ⁶ Köulukömawi, miangörej mönö niñgimapkö möt nariba uruyahöt qahöpmañöp akña. Uruyahöt

* 1:1: Mat 13.55; Mak 6.3; Apo 15.13; Gal 1.19

akzawañon mönö köwet sirigö dop öngöba eta ahakza. Luhutnönj köwet kunduriga lanlan anda kamakza. Mianjö dop akapuköra köulukñanjö uruyahöt kude akña.

⁷ Uryyahöt ambazip mewöñji kunönj mönö Kembunönj yuai wanjimapkö kude mötmörima. ⁸ Yanjö uruñan mönö julkuliga aiakanj pakpak mianjörenj kökölöloñ aka koñgwarak qeba anqem-kamqem keu jimakza. Mewö.

Wanapñi malmal aka pomñi malmal

⁹ Urumelenj alaurupni, engö sutñine tosatanj etqegeñi malgetka Anutunönj engöra möri öngöñgöñji akze. Mianjöra mönö ölöp nanñini möpöseim anjumakñe. ¹⁰ *Tosatñan öngöñgöñji maljemö, monenj inapñinanjöra qahö mötket öngömakzawanjöra aka etqegeñi tandök mala mönö nanñini möpöseim anjumakñe. Yanjö malmalñinan mönö buörö (roro) jurañ ewö aka soholima. Etqegeñi aka öngöñgöñji neñon kömumba mianjörenj örörönj akin. ¹¹ Wehönönj kota roro ohotiriiga qararanj köla soholiba jurañan bolonanimakza. Jurañan eriga kembanganjö kaisongolomñi eksihimñambuk mianñon piahimakza. Pomñi yeñon sukinapñini mem sehibingö lilikqilik ahakzemö, mala buörögö (rorogö) dop gororonjöme. Mewö.

Esapesap (manambatok) ölöpñi aka bölönji.

¹² Anutunönj keunji kewö jöhöi ahöza, “Ambazip uruñinan jöpaköm niñgimakzei, nöñon i malmal köhöikñi engiba nöropñine goul ila köl engimam.” Keu mianjö dop bölönanjö esapesapnönj kungö qakñe öngöiga mianjörenj kapañ köla köhöii teköiga mönö malmal köhöikñanjö ila sorom buña qem anquba oyaenjkoyaenj akña. Yanjöra “I-ia simbawonj!” jizin. ¹³ Bölönanjö Toñan Anutu esapköm wanjimawanjö dop qahö aiga Anutunönj kun siñgisöndok akñapkö qahö esapköm wanjiza. Mianjöra kunñan esapesap uruñe mala kewö kude jima, “Anutunönj esapköm niñgiiga siñgisöndok akñanjö akzal.”

¹⁴ Anutunönj qahöpmö, nanini sihim kömbönañnini bölönjan mönö töpötij (nemban, pöranj) ewö öröm neñgiiga mötöp bitimnönj qaköinga siñgisöndokö esapesapñi mewö mohot mohot nengörenj asuhumakze. ¹⁵ Kunñan sihim kömbönañi bölönji qahö jöhöba siñgisöndok kondotza. Kondoriga sihim kömbönañan gölömnji ala siñgisöndok mi morö ewö meiga ahumakze. Siñgisöndoknönj ahuba qarim teköba kömup köhöikñi ahum wanjimakza.

¹⁶ O wölböt alaurupni, sihim kömbönañini bölönjan mönö kude tilipköm engima. ¹⁷ Kalem ölöpñi aködamunñinambuk pakpak mi Anutunönj ali Suep euyangörenjök asuhumakza. Köiñ wehön jenjiri kota kutuba geyohotka imutimutñiran körim törim ahakzapmö, asakñi pakpakö Toñan mönö nanñak qahö uteköma. Imutimut me söñaup kun mi yanjörenj qahö ahöza. ¹⁸ Anutunönj yuai pakpak miwikñaiyöhi, nini miengö sutñine yambu dölöknji jenjiqueqa aka malbingöra mörök. Mianjöra nanñi sihimñanjö dop keu öñanjö kötnji urunine aliga mianñon ahuahü dölöknji neñgii ahuin. Mewö.

Buña keu öne mötpin me tem köla membini?

¹⁹ O wölböt alaurupni, mönö keu ki mötmöriba kude ölum enguma: Injini mönö körek keu mötpingö kezap köropñi zilañ alme. Keu lanj mi ösumök

* 1:10: Ais 40.6-7

kude jime. Irimņinan mōnō zilaņ kude seholima. ²⁰ Anutunōņ ahakmeme diņdiņ akingō sihimņi mōrakzapmō, irimsesewōlnōņ mia qahō kondorakza. Mianģōra mōnō irimsesewōl mosōta keu ōsōņ jiba malme. ²¹ Qewōloņ kōnaņi kōnaņi aka ahakmeme tōwōtņambuknōņ qekōtahōzei, mia mosōtme. Mōnō yaņgiseņini mosōta Anutugō keu baņņe anda keu kōtņi uruņņine kōmōrakzawi, mi mōt aņģōn kōla malme. Mewō aketka keu mianģōn ōlōp amōt qem eņģiiga letota Suepnōņ ōņģōme.

²² Buņa keu mi ōne tōhōn mōtketka ōlņi qahō ahubapuk. Mewō silebile aka tilipkōm aņgubepukmō, keu mi mōnō kōl guliba malme. ²³ Kunņan keu ōne tōhōntōhōn mōta mianģō dop qahō ahakzawi, yaņģōn mōnō azi kianģō dop akza: Kunņan jemesoholņi piliknōņ uba aņģehakza. ²⁴ Uba aņģeka mosōta kungen anda kaisoņgolomņi denōwō, mi ōsumok ōlum qemakza. ²⁵ Mi ōlōpņi qahōpmō, kunņan kōna keu akōdamunņambukōra kezap ala ehiba mianģōreņ qekōtahōba siņģisōndokō kōsōnōhōk lolohomakzawi, yaņģō ahakmemegōra mōnō “Esop simbawoņ!” jibin. Yaņģōn keu mōta mi qahō ōlum qemakzapmō, mi ōlņa tem kōla mianģō dop ahakza.

²⁶ Kunņan urumelenģō kōl guliguli akņamģō jiba numbu jitņi qahō galōm kōla nanņi mewō tilipkōm aņgumakzawi, yaņģō liņet kōulukņan mōnō yuai omaņi, ōlņi qahō akza. ²⁷ Anutu Iwigahō jemesoholņe Buņa nup sarakņi silebilenņi qahō memamģō jiba mōnō kewō akņan: Gwani morō aka malō kōņjiliņ qakņe maljei, mōnō i anda eņģeka kōyan kōl eņģiba malman aka gōlmegō ahakmemeņaņģō qewōloņan urugi tōlōhobapukōra galōm mem aņģuba malman. Mewō.

2

Etqeqeņi mi kude eņģek qepureime.

¹ O urumelenņ alaurupni! Jiśōs Kraist Kembunini qetbuņaņam-buk mōt naribingō jize ewō, mōnō ambazip tosatņi kude eņģek soriba tosatņi kude qepureim eņģimemō, dop mohotnōņ ak eņģiba malme.

² Mianģō dopkeuņi kewō: Azi pomņi kun, kesōtņi goul binennambuk aka opo malukuņi ekjeritņambuk, yaņģōn kambu miriņine ōņģōiga azi wanapņi kun sileōtaņi jujuratņi tōwōtņambuk yaņģōn mewōyōk ōņģōbawak. ³ Ōņģōyohotka iņini azi ipņi ekjeritņambuk mi kōl ōrōm waņģiba kewō jibeak, “Ketaņamni, gi ōlōp qaikņe eu anda dum tatat lōwōtņi mianģōreņ tatman.” Mewō jiba azi etqeqeņi mi ehōrōņ kōla jime, “Gi ōlōp gōraņe anda kinman me kōna kutukutunine eta tatman.” ⁴ Silik mewōņan asuhuiga iņini kōnagesō sutņine kōņjabō ala mendenņ aņģuba qemasolokep aka keuņinambuk akze. Mōtmōtņini bōlōņi wuataņ-gōba jimtekōtekō ambazip goņgoņi akze.

⁵ O wōlbōt alaurupni, mōtket! Anutunōņ bemtohoņi ambazip jōpakōm waņģimakzei, yeņģō buņa ahōmapkō keuņi jim kōhōiba jōhōyōk. Keu mianģō dop tosatņan gōlme ambazip jeņine etqeqeņi akzemō, Anutunōņ mi nanņaņģōra jim mōwōlōhōm eņģiiga mōtnariņiņaņģōra aka ōņģōņģōņi akze. Yeņģōn bemtohoņaņģō uruņe aņģotketka galōm kōl eņģiiga suki-naņņinambuk akņe.

⁶ Ōlņa ōņģōņģōņi akzemō, iņini ambazip wanapņi eņģehōrōņ kōla eņģek siriba malje. Ambazip pomņi yeņģōn mōnō monen i-naņņini qahōpkōra kewōta mem et al eņģigetka etqeqeņi akze. Yeņģōn mōnō iņini ōrōrahōm eņģigetka keu jakeņi jakeņi mianģōreņ aņģorakze. ⁷ Iņini Kraistkō buņaņi aketka qet ōlōp sorokņi mi eņģiba mianģō dop eņģoholakzemō, pomņi

yeñon mönö qet mi luasönöñ ala lan jimakze? Gölmegö öngöngöñ yeñon mönö mi pakpak ahakze.

⁸ *Mewö ahakzemö, eñon Anutu bemtohoñangö jöjöpañ keu bohonñi tem köla wuatangögetka dop kölma. Anutugöreñ keuñi mi Buña Kimbinöñ kewö ahöza: “Nangi jöpaköm anğumakzani, miangö dop mönö ambazip tosatñi mewöñanök urugan jöpaköm enğimakñan.” ⁹ Mianñon dop kölmapmö, inñi ambazip tosatñi enğek soriba tosatñi qepureim enğiba dop mohotnöñ qahö ak enğimakze ewö, mönö sinğisöndok ahakze. Anutugöreñ jöjöpañ keu walöñgetka yeñon mönö keuñini mi miwikñaiba jim teköm enğima. ¹⁰ Kunñan jöjöpañ keu pakpak tem köla wuatangöba miengöreñök mohotnöñ eta qezawi, yeñon mönö jöjöpañ keu körek pakpak walöñda keuñambuk akza.

¹¹ *Miangö könañi kewö: Anutu “Sero yoñgorö kude akñan,” jiyöhañon mönö mewöñanök jöjöpañ keu kewö jiyök, “Ambazip kun kude qenöñ kömuma.” Gi sero yoñgorö qahö akzanmö, töndup kun köhömuñi qezani, mianñon mönö jöjöpañ keu körek walöñ teköba maljan. ¹² Anutugöreñ köna keu mi sinğisöndokö kösönöhök lolohoba malbingöra ahöza. Anutunöñ köna keu mianñon kewöt neñgiba keunini jim teköi solanimegöra mötmöriba keuñini miangö dop jimakñe aka ahakmemeñini urukalem qakñe ahakñe. ¹³ Kunñan urukalem qakñe ambazip qahö ak kömum enğiba maliga Anutunöñ keuñi kewöta jim teteköñi ak kömukömu qakñe qahö ak wañgima. Kunñan urukalem kondela malöhi, Anutunöñ i kewöt wañgiba ölop ak kömum wañgiiga simbawoñ aka silenji memba öngöma. Mewö.

Mötnarip ölni qahö mi köhömuñi akza.

¹⁴ O urumelenj alaurupni, kunñan “Jisös möt narizal,” jiba miangö nupñi qahö meiga mötnaripñi mianñon mönö denöwö bauköm wañgibawak? Keuñanök möt nariiga Anutunöñ eka amöt qei letotma me qahö? Mi qahö! ¹⁵ Miangö keuñi kun kewö: Uruñini melenğeri, enğö sutñine ambazip kunñan opo kereñgöra osiba mözöröñgöba nenenji wehön kungöra qahö malbawak. ¹⁶ Mewö maliga enğöreñök kunñan yambuk aitonğöba silegö nanğönañgö qahö wañgiba kewö jii mötpawak, “Gi ölop anda nene memba könöp jömöta böñjöñ tatman.” Keu töhön mi möriğa mianñon mönö denöwö bauköm wañgibawak? Mi qahö!

¹⁷ Mewöñanök mötnarip töhönök mi köhömuñi akza. Mötnaripkö nupñi ölni qahö mezawangö mötnaripñan mönö qamöt ewö akza.

¹⁸ Kunñan kewö jibawak, “Göñon mötnaripuk aknöñga nöñon ahakmeme diñdiñi wuatangömakzal.” Nöñon miangöra kewö jiman, “Göñon ‘Anutu möt narizal,’ jiba miangö nupñi qahö memba öne mötnaripkahö ölni mönö denöwö kondel niñgibanak? Nöñon ahakmeme aka membi eknöñga mianñon mönö ölop nani mötnaripnañgö ölni kondel gihima.” ¹⁹ Gi “Anutu mohok akzawi, mi möt narizal,” jizani, mi ölop! Ömewöröme yeñon mewöyök mi möt narize. Mi möt narizemö, mianñon kundut enğiiga Anutugöra jönömñini undumakza.

²⁰ O uruqahö azi, gi ömewöröme yeñö tandök möt narizan me? Mötnaripkö nupñi qahö menöñga ölni qahö ahui keu mi öne töhöntöhön jinöñga mötnaripkan mönö yuai omani, ölni qahö akza. Miangö könañi söpsöp keuni mianñon kondel gihiza me qahö? ²¹ *“(Qahö!” jibanbuköra

* 2:8: Lew 19.18 * 2:11: Eks 20.13, 14; Dut 5.17, 18 * 2:21: Jen 22.1-14

söpsöp keu kun jimam. Mötnaripkö bömön jalönini Abraham yanön mönö denöwö diñdiñi ahök? Yanön Anutugö jitñi tem köla nahönñi Aisak wañgita altanöñ ala mianön jöwöwöl ohomamgö ahök. Mewö aka mötnarip qakñe nup meiga Anutunöñ mi eka keunji jim teköi solaniyök. ²² Söpsöp keu miangö könarñi ek asarizan me qahö? Abrahamnöñ möt nariba keuyök qahö jiyökmö, mötnarip qakñe kinda miangö silikñi mewöyök ahiga nam köliga dop kölok. Ahakmeme diñdiñi aka memba maliga mötnaripñan mewö qariba aködamunñambuk ahök.

²³ *Buña Kimbinöñ keu kun kewö ahöza, “Abrahamnöñ Anutu möt narim wañgiiga qetñi Azi Diñdiñi jiyök.” Keu mi mönöwök öñambuk ahuyöhañgö dop mi ohoget aka tosatñan Abrahamgö qetñi “Anutugö alañ!” mewö qeta jimalget. ²⁴ Solanñi akingöra mötnaripkö keu jitni-nanöhök jiinga qahö dop kölja. Silikninan mötnaripkö ahakmeme öññi akin ewö, Anutunöñ mönö keunini jim teköiga solanibin. Kösohotnan mönö miangö könarñi kondelja.

²⁵ *Söpsöp keu kun mewöyök jibiga mi kondelma: Israel yeñon gölme ek kutubingöra azi yahöt melaim etkiget anohotka köna ketanji ambi qetñi Reihab yanön etkuwañgita köyan kök etkiba köna kunöñ etkumbuliga mosöta anohot. Yanön mötnaripkö ahakmeme mewö ahiga Anutunöñ mi eka keunji jim teköi solaniyök. Mewö.

²⁶ Nöñon keuni ki kewö jim tekömam: Azi uñañi qahö mi qamötñi. Miangö dop mötnarip ahakmemeñi qahö mianön mönö köhömunji akza. Mewö.

3

Numbu nesilamninan ayuhum nenjibapak.

¹ O urumelen alaurupni, engörenök gwötpukñan uruñini wahoriga (“Tosatñi yengören pinjit mindiñgöbin,” jiba) kusum engienji böhi akingö akepuk. Nini tosatñi kusum engiba nanini mötmötnini qahö mindiñgöbin ewö, Anutunöñ mi ehi qahö dop köliga keunini kewöta köhöikñanök jim teköba miangö dop likepñi ongita ak nengima. ² Mi kewögöra jizal: Nini körekan köna keu gwötpuk qiwitipkömakzin. Kunñan nesilamnñi galöm köla keu qahö qiwitipkömakzawi, yanön mönö azi aködamunñambuk sorokñi akza. Yanön ölop köhöiba malmalñi pakpak mewöyök galöm köla malma.

³ Hosnöñ (beosi) sihimnini tem kölmegöra ain injup numbuñine ala kösönöñ öröba mianön ölop öññini ketanji jömuq mi mindiñqindiñ ak enjiinga anakze. ⁴ Mewöyök wañge ketanji miengö silikñini mötmörime. Mienön ketanji aketka luhut köhöik-ñan nañgöm engigetka köwet kutuba anakze. Keta bölokñi akzemö, mi töndup anangö galömñi pailöt yanön wañge giliñe tata sihimñi wuatangöba stia lökuatñi moröñi miyök melenqelen aiga wañge ketanjan miangö dop melenña anakza.

⁵ Nesilamgö könarñi mi mewöñanök. Mi sileninanöñ kitipñi morörökña kun akzapmö, töndup ölop keu ketanji könarñi könarñi mianön silenini memba öngöba jimakzin. Mönö ki mötmörinöñ anök:

Könöp jit-tökñi moröñan terenña geba ölop jölöm jitñe möndöba arökñi keta bölokñi jem kutuiga etpawak.

⁶ Nesilamninan mewöyök könöp bölam ewö akza. Mi sileni-nañgö kitipñi kitipñi miengö sutñine tata qewölongö kondotkondot namñi akza.

* 2:23: Jen 15.6; 2 Hist 20.7; Ais 41.8 * 2:25: Jos 2.1-21

Mewö aiga könöp siagö Tonjan jönbölanjan ohotiriba mianğören uru-lamğöiga awamjanök urukönöpnöy möndöba jeiga uru pakpak kutumutuba tölöhoiga malmalje ahakmemeñi pakpak mi sanjöp ewö töwima. ⁷ Anutonöy yuai pakpak miwikñaiyöhi, mi sömbup könañi könañi, nei me yuai bapñinan köla ölölöngömakzei me köwetnöy maljei, mi ambazipnöy mölöwörim engimeanğö dop akze. Mi lök köl tutuhuba mölöwörim engigetka mire (köhömgep) akze.

⁸ Mewö akzemö, nesilamninan mönö sömbup kalñi tandök akza. Mi möröm warabe (röbek) mianjön kokolak qeçenji aka anamumu ewö öñğöğöba neñğöhöba mem kömum neñgimamğö jöjörömakza. Ambazip köreknjan mi mölöwöriba jöhöm wanji-bingö osimakze. ⁹ *Nesilamninan Kembu Iwinini möpöseim etkimakzin aka likepñe ambazip nanñi kaisongolom ewö miwik-ñaim enğiyöhi, mi sait keunöy lañ qesuahöm enğimakzin.

¹⁰ Numbu nesilam mohok mianjön Anutugö qetñi möpöseim-makzin aka sait keunöy tosatñi qesuahöm enğiba jimakzin. O urumelen alaurupni, könañamñinan mewö ahöi qahö dop kölja. ¹¹ O sawölñi aka kömbukñambuk mi o jeñi mohok mianğörenök uzumğöba korakzahot me qahö? Mewö qahö. ¹² O urumelen alaurupni, jogañ ipñeyök danam (sam) mi ölop asuhumakze me qahö? Mewöyök jaunöhök mandarina ölop asuhumakze me qahö? Mianğö dop o sawölñan köwuk kömbukñambuknöhök uzumğö-mamğö osimakza. Mönö mi.

Mötkutukutu ölnji aka munerji

¹³ Enğö sutñine dañön mötkutukutubuk aka keu mindingö-mawanğö dop akza? Kunöy “Mewö akza,” jime ewö, yanön mönö uruñi mötkutukutuñanğö dop memba et ala silikñan gunböñjönjön ahakmemeñi kondeli aukñe asuhui ehinga dop kölma. ¹⁴ Mianjön dop kölmapmö, uruñine mututqutut ahöiga irimesesewöl mötököm-bukñambuk möta körögisigisi aka nanñini yuainöy qarimapköra köpösöngöba andöqeçe ahakze ewö, mötkutukutuñini mianğöra mönö silenini öne kude memba öngöme. “Keu ölnji wuatangözin,” jiba mönö ölnji köyatibepuk. ¹⁵ Yenğören mötkutukutu mewöñi mi gölmegö mötkutukutuya akza. Mi Suepnöhök qahö erakzappmö, ömewöröme yenön ambazip sölölohöm engiget jigetka Uña Töröñan mianğöra wösöbirik ahakza.

¹⁶ Denike yenğö uruñine mututqutut ahöiga irimesesewöl möta körögisigisi aka nanñini yuainöy qarimapköra köpösöngömakzei, yenğö malmalñine siksauk ilingösön ahöiga silik anğöjörakñambuk könañi könañi wuatangömakze. ¹⁷ Mi wuatangömakzemö, möt-kutukutu Suepnöhök erakzawi, mianğö könañi mutukñi mi ahakmeme sarakñi. Mötkutukutu sarakñanğö silikñi tosatñi mi kewö: Luainöy malbingö ak enğiiga gunböñjönjön qakñe tosatñi ak enğiba keu bapñe angetka Uña Töröñan uruñini kokolak qeiga tosatñi bauköm enğibingö sihimñi gwötpuk mötketka urumöt-mötñinanğö ölnji ölöpnji ölöpnji mi gwötpuk asuhumakze. Geñmon mosöta ambazip keunñini bahösapsap qahö kewöta silesile silik qahö malje. ¹⁸ Luaiqeçe ambazipnöy luainöy malbingö möta mianğö kötnji kömötketka ölnji ahakmeme dirñinji ahuiga oyaerñkoyaer malakze. Mewö.

* 3:9: Jen 1.26

4

Gölmegö mötkutukutu mosöta Anutugö ala aka malme.

¹ Wani yuainöŋ bim aka aŋgururuk sutŋine kondori ahumakze? Nanŋini sihim kömbönaŋinan mönö wahöta silenŋini dop köliga ölöŋŋi bölöŋan awöraŋgöyohotka bim aka aŋgururuk ahumakze. ² Inŋini yuai könaŋi könaŋi membingöra sihimŋi köhöikŋi bökbök mörakzemö, mi eŋgö buŋaya qahö ahakza. Yuaigö eksihim möta eröm ota uruŋinan könöp jeiga ambazip eŋgugetka kömumak-zemö, töndup mi qahö memakze. Miangöra yom jiba aŋgururuk aka bim qemakze. Inŋini Anutugöreŋ qahö köuluköba nanŋinak öne membingö mötzeanğöra mi qahö buŋa qem aŋgumakze.

³ Anutugöreŋ köulukömakzemö, töndup mi kewögöra qahö memakze: Uruŋinan qahö diŋgiiga yuai eŋgiiga mi mösöhöba nanŋini sihim kömbönaŋini bölöŋi meköba silenŋinaŋgö sösöŋgai akingöra möta ulerakze. Mi qahö dop köliga Anutunöŋ mi aŋgön kölakza. ⁴ O inŋini qesabulum ambazip ewö akze. Awanöm köna diŋdiŋi mosöta serowilin ahakzei, inŋini mönö miangö dop Anutu mosöta urumelenğö kopa ambazip yembuk ala-ala aka moneŋ inapnöŋ göröken uruŋini jöhöba malje. Tandök mewöŋi aka mianŋön mönö Anutubuk kerök-kerök ahakze. Mi möt kutuze me qahö? Miangöra kunŋan gölmegö sihim kömbönaŋi bölöŋi mekömamğöra uruŋi alakzawi, yaŋön mön Anutugö kerökŋa ahakza.

⁵ Buŋa Kimbigö keu kun kewö ohoget ahöza, “Uŋaŋi Töröŋi urunine al neŋgii maljawi, Anutunöŋ i sihim kömbönaŋi mienŋön kokolak qem waŋgiiga malja.”* Keu mi omaŋa könaŋi qahö mötmöribepuk. ⁶ *Keu mi omaŋa qahöpmö, inŋini miangö dop sihimŋini törörök Anutugöreŋ alme ewö, yaŋön mönö kalem möriamŋi önöŋi qahö eŋgimakŋa. Miangöra Buŋa Kimbi ki jiba ohoget ahöza: “Anutunöŋ söŋgöroqök ambazip tuarenjoŋ ak eŋgimakzapmö, uruŋini memba et alakzei, ia kalem möriam eŋgimakza.”

⁷ Miangö dop inŋini mönö uruŋini kewöta Anutugö keu bapŋe anda malmemö, Bölöŋaŋgö Tonji tuarenjoŋ ak waŋgigetka eŋgömosöta söreiba misinğöba anma. ⁸ Mönö Anutubuk jöhöjöhö aka kösutŋe kagetka yaŋön embuk jöhöjöhö aka kösutŋine kinma. Sinğisöndok megetka böröŋinan töwiiga Jisösgö seŋŋan mi saŋŋonmapkö köuluköme. Uruŋinan julkuliga an qem kam qem laŋ agetka uruŋinan tölöhoiga köl könjörat eŋgii sarakŋi akŋegöra köulukömakŋe. ⁹ Mönö dabökokorokŋini möt kutuba jinŋeŋ köla wösöbirik möta silata sahötme. Gön köisirikŋini mosöta melenđa amburereŋ akŋe. Sösöŋgaiŋini mosöta wösöbirik möt aŋgume. ¹⁰ Mönö Kembangö jeŋe memba et al aŋgugetka yaŋön mem wahöt eŋgima. Mewö.

Urumelenğ alaurup kewöta keuŋini kude jim teköme.

¹¹ Urumelenğ alaurup, andönöŋ qeŋe keu mönö kude jim anguba malme. Kunŋan keu mewö yöhösaŋ jiba urumelenğ alaŋaŋgö keuŋi jim teközawi, yaŋön mönö Anutugöreŋ köna keu jim teköba memba et alja. Gi Anutugöreŋ köna keu jim teköba göragöra ala mewö mianŋön mi qahö tem kölakzanmö, mi silebile memba timbiqimibilim azia aka maljan. ¹² Anutunöŋ köna keu jim kutum neŋgiba miangö dop mönö keunini kewöta jim teköiga ayuhubin me ak kömum neŋgiiga oyaenğoyaen akin. Yaŋönök jimtekötekö Tonini akzapmö, gi mönö nangahöra “Ninŋia akzal?” jiba alagi kewöta keuŋi jim tekömakzan? Mewö.

* **4:5:** Buŋa Kimbigö keu miangö könaŋi kun kewö, “Uŋa Töröŋi uruŋine ali maljawi, yaŋön jöpaköm neŋgimamğö sihim kömbönaŋi möta neŋgöra mututqutut mörakza.” * **4:6:** Qam 3.34

Sile memegö galöm keu

¹³ *Mönö kezap alget! Tosatji injini sile memba kewö jimakze, “Nini merak me uran ki mosöta taon mi me mi mianğorej anda kölköl-öröro aka monej ketanji öröba yambu (yara) mohok malin teköiga mianğorej lilingöba kabin.” Nönön mianğöra kewö jibi mötme: ¹⁴ Malmaljni uran denöwö malmei, injini mi qahö möt kutuze. Engö malmaljanağö könanji mi denöwö? Mi köwak kousugö dowa ahözawa, nalö töröptökni asuhuba ayapköma. ¹⁵ Mianğöra enön mönö kewö jigetka dop kölma, “Kembugö jit sihitjan nenğöra mewö ahöiga jebuk malbin ewö, mönö mewö mewö aka membin.” ¹⁶ Mewö qahö jimakzemö, öne töhön jakbak-öranjörönan aka nanjnini silenjnini memba öngöba möpösei-makze. Ahakmeme pakpak mewöni mianğön mönö bölöni akza.

¹⁷ Keuni jim tekömamğöra kewö jizal: Kunjan silik ölöpnji aka memawanğö dop aka mianğö könanji möt kutubagun mi qahö aka memawi, yanğön mönö sinğisöndok akza. Mewö.

5

Ambazip sukinapjnambuk yengö galöm meme keu

¹ O ambazip sukinapjnambuk, injini kezap ala keuni ki mötket: Khasililij sihimbölo çaknjine öngömawi, mianğöra mönö amburerej aka silata sahötme. ² *Monej sukinapjninan mönö gisahöba gororongöza. Kezaplonğon jijilukut yengön opo malukujnini yöhöqöhötiba nemakze.

³ Injini nalö teteköni kewöne goul, silwö aka yuai tosatnji çaknöj çaknöj qezaköget ahözawi, mi kahawet muetmuetsnöj turum teköba törom (rust) memba ahöza. Törom kahawet mianğön dangunu ewö ahöba könanjnini nalö teteköne kewö kondelma: Injini malmaljnini monej inapnöj jöhöba mösöhögetka pömsöm qeiga ayuhume. Törom kahawet mianğön mönö könöp bölam ewö sile busunjni mewöyök mem bölima. ⁴ *Ki mötmöriget: Nup meme ambazip nupjnine barö memba siri uret qözöla malgeri, injini yengö töwanjnini ekbonep möta angön kölget. Injini yengörej sahöt irikurukjnini mötze me qahö? Silatjnini mianğön mönö Kembu Anutu, kukösum pakpakö Tonğö kezapne gem teköiga mötza.

⁵ Injini gölmenöj ki yuai könanji könanji sesegilgil buña qem anguba siyonşayon qahö mala silegö sösöngai algetka nahömjnini dop köl enğiiga malget. Gölmegö kelök möriamjan jöhöm enğiiga lan mala nem çarip ketanji aka malje. Anutunöj keunjni jim teköiga enğuet kömumeangö nalöjninan kam kuñgumawi, mönö nalö mianğöra jöjöröba kelökjnambuk aka malje. ⁶ Ambazip qewölonjini qahö injini qahö tuarenjon ak enğigetka töndup keunjni jim teköba lan enğuet kömumba malget.* Mewö.

Lömböt mököşönda bisiba köuluköba malme.

⁷ O urumelen alaurupni, injini Kembunöj kanğotmapköra mamböta nalö sutne kianğorej mönö mököşönda lömböt bisiba kinme. Mewö kinda kölkömöt azigö tandökni mötmörime: Yanğön nene gölmenöj kömöta kinda ölnji söngöröni öngöngöni asuhumapköra kapan köla mambörakza. Kapan köla mamböta mali maliga kie bedu nalöjan kaiga kunbuk mamböriga kömunjan kie uru nalöjan kam kuñgumakza. ⁸ Enğön mewöjanök mönö

* 4:13: Qam 27.1 * 5:2: Mat 6.19 * 5:4: Dut 24.14-15 * 5:6: Keu mianğö könanji kun kewö: Injini azi qewölonj qahö töndup keunji jim teköba qegetka kömuyöhi, yanğön injini kunbuk qahö qetal enğimakza.

mökösöŋda lömböt bisiba kinme. Kembunöŋ kunbuk kamawangö nalöŋan törizawangöra aka mönö uruŋini qezaköba böŋ qeba kinme.

⁹ O urumelen alaurupni, Anutunöŋ keuŋini jim teköi lömböt miwikŋaibepuköra mönö nanŋini sutŋine jimongot kude aka uruŋinan irikuruk kude jim aŋgumakŋe. Mötket, jimtekötekö Toŋan mönö dopdowiba nanŋunöŋ kinja. Mewö. ¹⁰ Urumelen alaurupni, kezapqetok ambazip yeŋön mönöwök Kewugö qetŋe Buŋa keu jigetka kahasililiŋ mem eŋgigetka möta töndup mökösöŋda lömböt bisiba kapaŋ köla malget. Eŋön mönö yeŋgö tandökŋini mötmöriba köna lasupŋini wuatangöba malme. ¹¹ *Tosatŋan kapaŋ köla lömböt bisiba mala luhut algeri, nini yeŋgöra “I-ia simbawoŋ!” jizin. Azi qetŋi Job (Hiobe) yeŋön kahasililiŋ möta töndup kapaŋ köla luhut alöhi, mi mötze. Luhut aliga teteköŋe miangöreŋ Kembunöŋ ak kömukömu Toŋi aka nengehormakzawi, yeŋön mönö oyaeŋkoyaenŋi waŋgiiga malök. Mönö mi mötmörime. Mewö.

¹² *O urumelen alaurupni! Keu kötŋi mutukŋi kun ki jimam. Inŋini keu mi me mi jimei, mi jöjöpaŋ keunöŋ kewö kude jim köhöime, “Keuni ölnŋi qahö akza ewö, Suet Toŋan ölop lömböt ali qakne öŋgöma me gölme toŋan merenŋ mumbaköiga gölmenöŋ turum niŋgima.” Keu mi me jöjöpaŋ keu tosatŋi mewöŋi miangöŋ mönö keuŋini kude jim köhöime. Mewö qahöpmö, oŋ-keugöra möta “Oŋ!” miyök jime aka qahöp-keugöra “Qahö!” jime. Pötagoroŋ keu jigetka Anutunöŋ keuŋini jim teköba likepŋi melenŋi qakŋine öŋgöma. Mewö.

Mötnariŋ qakŋe köulukögetka ölnŋi asuhuma.

¹³ Mötnariŋ ambazip eŋgöreŋök kunŋan qemjem-mamje-ŋambuk malja ewö, yeŋön mönö Anutu köuluköma. Kunŋan sösoŋgainöŋ malja ewö, yeŋön mönö liŋet köla Anutu möpöseima. ¹⁴ *Eŋgöreŋök kunŋan kawöl yöhöi malja ewö, yeŋön mönö mötnariŋ könaŋesögö jitmeme örom eŋgiiga kaba Kewugö qetŋe kelökŋöŋ silenŋe miriba yeŋgöra köuluköme.

¹⁵ Mötnariŋ qakŋe köulukögetka Kembunöŋ kawöl ambazip mi amöt qem waŋgii ölöwaka kunbuk wahötma. Siŋgisöndok aka kawöl miwikŋaiyök ewö, Anutunöŋ mönö siŋgisöndokŋi mi saŋgoŋda mosötma.

¹⁶ Mewö aiga Anutunöŋ amöt qem eŋgii ölöwakŋegöra mönö siŋgisöndokŋini jim miwikŋaim aŋguba bauköm aŋguba Anutugö köulukömakŋe. Ambazip solanŋi kunŋan uruŋi qezaköba Anutu köulukömaŋi, miangö ölnŋan mönö wewelipŋambuk asuhuma. ¹⁷ *Miangö söpsöpŋi kun mi kezapqetok azi qetŋi Elaija (Elia). Yeŋön gölme azi naninaŋgö dowa malök. Yeŋön kie qahö kamapköra uruŋi qezaköba kapaŋ köla köuluköiga kienöŋ yambu (yara) karöbut aka köiŋ 6 miangö uruŋe gölmenöŋ qahö erök. ¹⁸ *Nalö mi teköiga kunbuk köuluköiga suet inŋan köla kie yöhöba bedu meiga nene kunbuk töŋgöniba asuhuyök. Mewö.

Kunöŋ janjuŋ aniga alanan bauköiga dop kölma.

¹⁹ Urumelen alaurupni, eŋgöreŋök kunöŋ keu ölnŋaŋgö könaŋi qiwitipköba janjuŋ aniga kunŋan i miwikŋaiba köna ölnŋe kunbuk waŋgita alma ewö, ²⁰ *miangöra mönö kewö mötmörime: Siŋgisöndok ambazip kunŋan janjuŋ könaŋe aniga alanan i miangöreŋök waŋgiriga uruŋi löwörii

* 5:11: Job 1.21-22; 2.10; Sum 103.8 * 5:12: Mat 5.34-37 * 5:14: Mak 6.13 * 5:17: 1 Kiŋ 17.1; 18.1 * 5:18: 1 Kiŋ 18.42-45 * 5:20: Qam 10.12; 1 Pitö 4.8

kunbuk melenmawi, yaŋön mönö qahö kömum köhöima. Alanjan i könöp sianöŋ gebapuköra aŋgön köl waŋgiiga Anutunöŋ siŋgisöndokŋi sehisehiŋi mi saŋgoŋda köl turuma. Mewö.

Pitögörej Kimbi 1 Pitönöj Kimbinji mutukji alök. Jim-asa-asari

Pitönöj Buña Kimbinji ki ohoba Kraistkö alaurupni Eisia prowinsgö Not likepne denja malgeri, yengöra ali anda liliköyök. Könahiba qetjini kewö qeta ohoyök, “Anutunöj ambazip nanngöra möwölöhöm enjgiyöhi, mienön.” Mötnarip ambazip sesewerowero miwiknaiba sihimbölö möta malgeri, yengö urujini nanngömapköra aka Kimbi ki ohoyök. Kraistkö Ölöwak Buñagö könañi ölum engubapuköra aka Jisösgö keuñi kunbuk kewö jim asariyök, “Jisösnöj kömuyökmö, kunbuk kömupnöhök guliba wahöta kunbuk lilingöba kamangö jim jöhöba oyaenkoyaen akingö jörömqörömni nenjiiga al mambörakzin. Miangöra sihimbölö mörakzei, mi mönö möt anğön köla kapan köla köhöiba kinda malme. Sihimbölö mianğön mötnaripni keworiga öljambuk akña ewö, Anutunöj mönö likepni melenj engima. Jisös Kraistnöj asuhumawi, nalö mianğöreñök mönö aködamunjinambuk akñe. Keu mi möta awösamkakak kinme.” Mewö qambañj engiba ohoyök.

Wahöjalinj nalöñe urujini nanngöm engiba toroqeba köhöiba kewö uru kungum enjgiyök, “Injini Kraistkö buñaya akzeangö dop mönö malmal sarakñi malme.”

Buk kiangö bahöñi bohonñi 6 mi kewö:

Keu mutukji 1.1-2

Anutugö amötqeqe nupkö könañi 1.3-12

Malmal sarakñi malbingö jimkutukutu 1.13–2.10

Sihimbölö qakñe nup denöwö bisibin 2.11–4.19

Urujini melenja memba et ala nup meme 5.1-11

Buña kimbi kiangö keu kötñi bohonñi 5.12-14

¹ Anutunöj ambazip nanngöra möwölöhöm nenjiiga nenğöreñök injini tosatñan Israel mosöta prowins qetjini Pontus, Galesia, Kapadosia, Eisia aka Bitinia mianğöreñ denja anda malje. Pitö nöñön Jisös Kraistkö melaimelai azi aposol aka embuk keu eraum mötpingöra kimbi ki ohozal.

² Iwi Anutunöj qeljine möpñangö möpñe mötmöt areñ ali ahöiga mianğö dop Uña Töröñan injini mem sarahim enjgiiga Anutugö buñanj aket. Anutunöj injini Jisös Kraistkö jitñi tem kölmegöra möwölöhöm enjgiiga Kraistkö sepnjan qewösahöi engömiriba sañgoñ engimakza.

Anutugö kalem möriamñan mönö urujini dop sehiiga luainöj malme. Mewö.

Oyaenkoyaenğö jörömqörömninañğöra Anutu möpöseibin.

³ Neñön Kembunini Jisös Kraistkö Iwinji Anutu i kewögöra möpöseimakin: Anutunöj ak kömukömu ketanj nenjiba nenğömeiga ahuahü dölökñi ahuin. Ahuahü dölökñi ahuba Jisös Kraistnöj guliba kömupnöhök wahöröhi, neñön mianğö dop guliba wahöta oyaenkoyaen akingö jörömqöröm aka maljin. ⁴ Oyaen-koyaen buña qem anğubingöra jörömqöröm aka al mambörakzin. Anutunöj oyaenkoyaen mi urumelenj alaurupni nenjimapköra Suep mire ali ahöza. Mianğöreñ ahöba qahö sahaha kahawet memba töwiba gisahöba ayapköma. ⁵ Mötnarip köl

gulime ewö, Anutugö ösumñan sel jöhöba kölközizip engiiga Suepkö bunjaya malgetka Jisösnöñ ölöp enqungiriga Suepnöñ öngöba oyaenjo-yaen akñe. Anutunöñ Amötqege Tonangö könani nalö teteköñe mewö indel teköiga ambazip jim asarim enqubingöra aka ahöza.

⁶ Oyaenjoyaen akingöra söngaiba maljemö, gölmenöñ malinga Anutunöñ esapesap Tonji qahö jöhöiga lömböt anqösirip könani könani asuhugetka sihimbölo miwikñaiba möta malje. Nalö töröpñi mewö malmemö, mi töndup sösongai aka malje. ⁷ Anutunöñ esapesap qahö jöhöiga qakñine öngöba mötnaripñinangö tandökñi kewörakza. Köt ölni köhöikñi goul miangö söngöröñan mönö guli dötnam onqitzapmö, töndup nalö kunöñ ayapköm teköma. Nalö töröpñangöra aka ambazipnöñ goul mia kun könöpnöñ delasi ohoba ölnan gizikörörök ahöbapuköra kewöta esapkömakze. Miangö dop injini ölna törörök möt nariba kin köhöimakze me qahö, esapesapnöñ mönö miangö könani kondelakze. Anutunöñ uruñini ölni kewöriiga goul kewögöra onqitmapköra mötza: Mötnaripñinan pöwöwöm köhöikñi aiga söngöröñi öngöngöñan goul silwö gwötpuk onqita nalö teteköñi qahö bauköm engii dop kölma. Mewö engehi dop kölma ewö, Jisös Kraistnöñ kunbuk asuhumawangö nalöñe mönö möpöseim engiiga Anutugö jeñe qetbunja miwikñaiba aködamunñinambuk akñe.

⁸ Injini Kraist qahö eka töndup jöpaköm wangiba malje. Nalö kewöñe Kraist qahö eka töndup möt narim wangimake. Mewö aka sösongai sorokñi aködamunñambuk söngaimake. Sösongaiñini miangön mönö jitröñ jijigö dop qahö akza. ⁹ Injini Jisös möt narigetka amöt qem engiiga letotket. Mötnaripñinangö tohotñi mi Suep mire eu ahöza. Anutunöñ unañini engömeiga enñon euyangöreñ öngöba tohot mi zilañ misirimegö möta sösongai ahakze. Mewö.

Kezapqetok ambazipnöñ jörömqöröm aka malget.

¹⁰ Kezapqetok ambazip yeñon amötqegegö könani jaruba Anutu köuluköba qeçesi ala möt kewöta mala kotket. Mewö mala Anutunöñ kalem möriam engimapkö möt asariba miangö kezapqetok keuñi mi qeljine jiba mala kotket. ¹¹ Kraistkö Uña Töröñan kezapqetok ambazip sölölohöm engiba asuhumapkö keuñi indela sañep ala kewö jii mötket, “Kraistnöñ sihimbölo möta miangö andöñe asakmararaj aködamunñambuk miwikñaiba asariba malma.” Mewö jiiga möta Amötqege Tonjan wani nalönöñ aka dendenöwö asuhumawi, miangö könani jaruba qeçesi ala möt kewöta malget. Mewö mala söpsöp keuñi keuñi qeljine nangöba jiba mala kotket.

¹² Amötqege Tonjangö könani jaruba qeçesi ala möt kewöta malgetka Uña Töröñan mötmöt kewö indel engiba jiyök, “Injini mönö nanñini welenñina kude qem anqumemö, ambazip könangep ahuba keuñini oyonmei, mönö i bauköm engiba malme.” Mewö jiba kezapqetok keu engiyöhi, nini tosatñan mi nalö kewöñe liliköba jim asarim engiinga mötket. Kraistnöñ Uña Töröñi Suepnöhök melaiiga eta ambazip sölölohöba inahöm engiiga Ölöwak Buña jiba uru kungum engiba malgeri, yeñon Buña keu miyöhök jiba malget. Kezapqetok keu miangö ölni asuhiiga Suep garataurupninan mewöyök mi uba eka könani möt asaribingö awöwengöba malje. Mewö.

Anutunöñ sarakñi malbingöra neñgoholakza.

13 Buṇa keuṇi mewö ahözawaṅgöra eṇön mönö uruṇini Anutugö nupkōra ala oponṇini öröget yöhöiga mem kurukṇini memba kinme. Mönö böṅ qeba nanṇini ahakmemeṇini galöm köl anguba malme. Jisös Kraistnōṅ kumbuk asuhuba miangö nalöṅe kalem möriam engimawi, mönö miangöra al mamböta jöröm-qörömṇini pakpak miangöreṇ ala malme. 14 Anutugö nahönbörat-urupṇan keuṇi tem kölakzei, eṇön mönö miangö dop kõna sarakṇi wuatangöba malme. Mutuk gukmaulem tōṇpin malgetka nanṇini sihim kömbönaṇini bölöṇan yeyasenṇeṇ mem engigetka laṅlaṅ malget. Mewö malgetmō, nalö kewōṅe ahakmemeṇini mönö sihim miengö dop kude toroqeba aka memba malme. Laṅ siksauk malbepukōra mönö galömṇini mem anguba malme.

15 Laṅ siksauk qahöpmō, Anutu sarakṇan eṅgoholiga eṇön mönö mewöyök yaṅgö dop ahakmemeṇini pakpak miangöreṇ sarakṇi aka malme. 16 *Buṇa Kimbigö keu kun kewö ohoget ahöza, “Nöṅön töröṅi sarakṇi maljalangöra nöṅgö buṇani eṇön mönö sarakṇi aka malme.”

17 Anutugöra “Iwinini!” jiba ösumṇi köl örömakzini, yaṅön iwi ölöṇṇangö dop ambazip tosatṇi qahö neṅgek soriba tosatṇi qahö qepureim engimakza. Körek neṅgö ahakmemeṇini mönö dop mohotnōṅ kewöta moyhot mohot neṅgö keunini jim tekōma. Miangöra Anutu töröṅangö buṇaya akze ewö, mönö gölmenōṅ kusukṇi malmeanṅö dop sarakṇi aka malme. Jitṇinanök qahöpmō, ahakmemeṇinan mönö Anutugö jitṇi oṅgitpinpukōra sömbuṇini möta malme. 18 Mewöyök Anutunōṅ sohopṇini meyöhangö kõnaṇi mötagun mönö sarakṇi aka malme. Ambösakonurupṇinan tandö lopioṅ mötmöt laṅ wuatangöba ahakmeme omani kondel neṅgigeri, Anutunōṅ iṇini yaṅgö dop toroqeba laṅ malbepukōra bohonṇini öṅgöṅgöṅi gila sohopṇini meyök. Bohonṇi mi silwö goul oṅgita gilöhi, mi mötze. Gölmegö monē inap ayapkömawaṅgö dop akzawi, yuai mewöṅi mianṅön bohonṇini qahö meyök.

19 Mianṅön qahöpmō, Kraistkö seṇi söṅgöröṅi öṅgöṅgöṅi mianṅön mönö bohonṇini meyök. Kraistnōṅ lama moröṅi solanṇi uzi poreṇi qahö tandök aiga jöwöwöl ohohogö tandök qegetka seṇi mokoyök. Miangöra mönö sarakṇi aka malme. 20 Anutunōṅ mutuhök Suep gölme qahö miwikṇaim etkiba nalö miangöreṅök Kraist möwölöhöba sohopṇini memapkö nup areṇ mi lök qelṇiṅe ala areṅgöyök. Mi areṅgöiga ahöi mala kota malgetmō, nalö teteköṅe kiangöreṇ iṇini ölöwakṇegöra aka indeli aukṇe asuhuyök. 21 Kraistnōṅ nam köl eṅgiiga ölöṇ Anutu möt narim waṅgimakze. Anutunōṅ Kraist mem gulim waṅgii kömupnöhök wahöriga asakmararaṇ al waṅgii malja. Mewö maljawangöra aka iṇini Anutu möt nariba kinda yuai pakpak jiyöhi, miangö dop ahakṇapkö jörömqöröm ak waṅgimakze.

22 Jörömqöröm ak waṅgiba keu öṅṇi tem kölgetka Kraistkö seṇan köl könjōrat mem eṅgiiga malme. Mewö mala ölöṇ urumelen alaurupṇini geṇmoṇi qahö jöpaköm eṅgiba malme. Urukönömṇini pakpak mianṅön mönö kapaṅ kõla törörök urukalem ak anguba malme. 23 Malmal köhöikṇangö keuṇi mianṅön mönö nam köl eṅgiiga ahuaḥu dölökṇi ahuget. Gölmegö keu kusukṇi kunṇan qahö nam köl eṅgiiga Iwi ketarṇangö nahönböratrupṇi aket. Anutugö keuṇan mönö qahö ayapkömapmō, teteköṅi qahö zeṇ ahöm öṅgöma. 24 *Keu miangö kõnaṇi mi Buṇa Kimbinōṅ kewö ohoget ahöza: “Ambazip pakpak iṇini mönö gwözözak luplup

* 1:16: Lew 11.44-45; 19.2

* 1:24: Ais 40.6-8

tandök akze. Aködammunñini pakpak mi juranji asakasak-ñinambuk tandök akza. Gwözözak luplupnönj mönö soholiba gororongögetka juranjinan buratiba teköqeköba etme.

²⁵ Mewö etmemö, Kembugö Buña keu malmal köhöikñi neñgimakzawi, mianñon mönö tetekönji qahö ahöm köhöiba ahöm öngöma.”

Buña keu mianñon Ölöwak Buñaya aiga tosatñan mi jim asarim enjigetka mötze. Mewö.

2

Köt malmalñambuk yambuk kinda sarakñi akñe.

¹ Buña keu mötzeangöra mönö bölönamñini pakpak köteköba gilme. Geñmonj köñbinj pakpak mosötme. Ahakmeme silesile mi sisitñi memba tököme. Körögisigisi aka andöqege keu yöhösañ ahakzei, mi pakpak mönö qekögetka et teköma. ² Morösesep geñmonjini qahö yeñon juzu nembangörök möta awöweñgömakze. Enñon mönö mianñö dop Buña keu qahö möwörangögeri, mi urukönömñine albingö awöweñgöba malme. Mewö mala möt-naripñini köl guligetka qarim köhöiiga letota mala oyaenköyaen akñe. ³ *Buña Kimbigö keu kun kewö ahöza, “Nene kun nepöleköba nahömñi mötkeri, mianñö dop Kembu ölöpnji yambuk qekötahöba nahömñi mötket.” Keu mianñö dop Kembugö nahömñi mötze ewö, mönö Buña keunönj qarim köhöiba malme.

⁴ Kraistkö söpsöp keuya jimam: Kraistnönj wahöta Anutugö tandö kömbönañi aka malmal köhöikñangö wötñi akza. Injini mönö yangören kaba kunbuk letotme. Ambazipnönj tandö kungöra “Köt omani,” jiba andö qeba mosötketmö, Anutunönj i Amötqege Tonji akñapaköra möwölöhöba yangöra möri bohonñi öngöngöñi ketanji akza. ⁵ Kraistkörenj kaba guliba nanñinak mewöyök köt jamönjinj malmalñinambuk ewö akñe. Mewö aka mal köhöigetka Suepkö mitimqege yanñon enjömembra urunñini möhamgöiga köhököhöi miwikñaiba urugö malmalgö jöwöwöl jike ölnji akñe. Uña Töröñan urunñine mala sölölohöba mem letot enjiiga jöwöwöl jike mianñö jike nup galöm sarakñi aka kinme. Uña Töröñan nam köla inahöm enjiiga tem köla Anutugö waikñi memba möpöseim wangiba malme. Mewö malgetka Anutunönj enjeka Jisös Kraistköra aka ahakmemenñini mewöñangö sihimñi möta malma. ⁶ *Buña Kimbinönj keu kun kewö ahöza: “Eket, Anutunönj mönö köt tandö kun möwölöhöba Zaion kundunje Israel kambu urunñine kömötpiga tandö kömbönañi guli damandanj (milyön Kina) ewö akñe. Denike yeñon tandö pöwöwöm köhöikñi mi möt narim wangimakñei, yeñon mönö yangöra aka gamu qahö möta malme.”

⁷ *Möt narim wangiba maljei, enjög jemesoholñine mi tandö kömbönañi aködammunñambuk akzapmö, tosatñan urunñini qahö melenja maljei, yeñög jeñine mi Buña keu kianñö dop ahöza: “Miri meme yeñon ‘Köt omani,’ jiba tandö kun andö qeba mosötkeri, tandö mianñon mönö tandö kömbönañi ahök. Könanjep tandökñi ain ewö miwikñaiget. Tandö pöwöwöm köhöikñi mewöñan tinjgitpawak ewö, mirinönj mönö gororongöba eta kölbawak.”

⁸ *aka Buña keu kun kewö ahöza, “Ambazipnönj köt jamönjinj mianñörenj tötangöba enjiiga mianñon mönö enjüm mizit ak enjima.”

Yeñon Buña keu qahö tem köla nanñini imbi wuatangö-makzeangöra aka tötangöba erakze. Anutunönj mewö areñgöm enjiyöhangö dop erakze.

* 2:3: Sum 34.8 * 2:6: Ais 28.16 * 2:7: Sum 118.22 * 2:8: Ais 8.14-15

9 *Yejön mewö erakzemö, ejön ambazip kambu qainji kun kewö akze: Anutunöj injini nanngöra möwölöhöm engiiga qainji kun akze. Anutunöj sönaupnöhök engoholiga asakji wewelip-ñambuk miangörej angota jike nup galöm kambu sarakji akze. Angöletot aködamanñambuk memba malöhi, miangö Buña keuji mi jim asaribingöra engoholök. Engoholiga Anutugö buña könagesöji mala Kiñ Kembangö jembonurupji aka nupji liliköba memakze. 10 *Mutuk Buña Kimbigö keu kungö dop “simbisembel lañ malgetmö,” nalö kewöje uru jöhöm anguba kutulangöba “Anutugö urumelen könagesö kambu” aka malje. Mutuk Anutugö ak kömukömugöra “gukmaulem malgetmö,” nalö kewöje “engehoriiga kalem möriamji ölop möt kutuba malje.” Mewö.

Anutugö welenqege ambazip kewö aka malbin:

11 O wölböt alaurupni, Suepkö buñaya aka gölmenöj ki kusuk kiana maljei, nöjön engö uruñini kewö kuñgumam: Silegö sihim kömbönañini bölöñan galöm köl engibapuköra mönö nanñini angön köl angume. Sihim murutji murutji mienön mönö uruñini mem bölimegöra bim qemakze. 12 Uruñini qahö melenjeri, yengö sutjine ahakmemeñini ölopñanök aka memba malme. Tosatjan injini bölöñi meme ambazip ewö keunöj jim bölim engimakzei, yejön ahakmemeñini ölopñi eka könañamñini törörök möt asarigetka mötmötñinan uteköma. Mötmötñinan uteköiga nanñini siñsöndokñini aka möt sohosohöñini ek kutuba uruñini melenja Kraist asuhumawangö nalöje engöra aka Anutu möpöseim wangime.

13 Anutunöj malmal arengöiga ambazip tosatjan galöm köl nengimakze. Kembangö qetji bisize ewö, ejön mönö körek yengö keu bapje anda malme. Kiñ aka ministö yejön bohonñini akzei, injini mönö yengö jitjini tem köla malme. 14 Kiap aka gawönö yengö jitjini mewöyök tem köla malme. Yejön ambazip bölöñi akzei, yengö keuñini kewöta likepñi melenj engimakzemö, ölopñi ahakzei, yengö qetjini möpöseimakze. Anutunöj miangöra aka gawman ambazip al engiiga malje. 15 Anutugö jit sihitjan mönö kewö ahöza: Kezapjupjup ambazip gukmaulem kinda engöra uruqahö keu omani omani jimakzei, injini mönö ahakmeme ölopñi aka memba miangön yengö numbuñini muhungögetka ölöj malme.

16 Anutunöj bölöñangö kösö gwaröneyök pösat engiiga lolohogeri, injini mönö miangö dop ahakmeme solanji aka memba malme. Mewö malmemö, bölöñamñini turumegöra “Kösö gwarönini qahö solanji (fri) maljin,” jiba miangörej möndöba nanñini imbinji kude wuatangöme. Mewö qahöpmö, Anutugö jitji tem köla welenji qemakzei, mönö miangö dop gwarö qahö malme. 17 Ambazip körek mönö göda qem engiba malme. Urumelen alaurupñini mi urukönömñinan jöpaköm engiba malme. Anutugö keuji ongitpinbuköra mönö sömbuñini möta malme. Kiñ aka ministourupñini yengöra mönö mötket öngöiga göda qem engiba malme. Mewö.

Kraistnöj sihimbölgö silik ölopñi kondel nenjiyök.

18 Welenqegeurup injini mönö ketanñamñinangö keu bapje anda göda pakpak kondel engiba malme. Urubönjöñnöj galöm ölopñi ak engimakzei, yengörök qahöpmö, öröm ureim ak engimakzei, mi mewöyök törörök göda qem engiba malme. 19 Denike yejön Anutugö jitjangö dop ambazip göda qem engiba malgetka töndup könañi qahöpmö, öne kahasililij ak engigetka sihimbölö möta kapan köla mökösoñmakzei, Anutunöj mi eka

likepñi melenđa kötuetkôm enjiiga simbawon akze. ²⁰ Bölöñi aketka kömbinön enjugetka mi möta mököşönđa kinme ewö, nanñinanğora mönö denöwö aka mötket öngöbawak? Dopñine enjugetka qetbuñani-nambuk qahö akñe. Mewö qahöpmö, ahakmeme ölöñji akeranğora aka sihimbölo miwikñajiba mököşönđa malme ewö, Anutunön mönö mianğö likepñi melenđa kötuetkôm enjiiga simbawon akze.

²¹ Kraistnön mewöñanök enğora aka sihimbölo möta silik ölöñji kondel enjiyök. Mianğora inini mönö yanğö köna tamböñi mötöteiba sihimbölo möta mököşönđa malmegöra enğoholök. Mewö mala simbawon akñe.

²² *Buña Kimbigö keu kun kewö ahöza, “Yañön sinğisöndok kun qahö ahök aka yanğö numbu jitñeyök munen keu kun qahö erök.” Inini keu mianğö dop aketka dop kölma. ²³ *Ambazipnön uruqeçe keu töhören Kraist gwötpuk jim wanğigetka kitipñi kun qahö meleşnök. Sihimbölo ak wanğigetka möta kitipñi mekömamğö qahö töröpköm enjiyök. Mewö qahöpmö, Anutunön keu diñdiñanök jim tekömakzawi, mönö i möt nariba keuñi yanğö böröñe ala jim tekömapkö mambörök.

²⁴ *Kraistnön neñğora kapan köla sinğisöndok andö qeba ahakmeme solanñi wuatañğöba malbingöra aka sihimbölo mörök. Mi möri Buña Kimbigö dop “silenji qegetka uzi asuhuyöhanğora aka Anutunön inini mem ölöwak enjiyök.” Ölöwakñegöra mönö “nanñak sinğisöndoknini memba silenje anğuba” maripomnön öñğöba kömuyök. Mianğora inini mönö Kraistkö dop sihimbölo möta mököşönğögetka ölöwakña. Sinğisöndokö esapesapnön öröm neñjiiga mianğoren mönö qamöt tandök aka köhömunji malbin. ²⁵ *Mutuk inini “lama ewö janjun anda kaba lanlan malget.” Mewö malgetmön, nalö kewöñe uruñinanğö galömmianğoren lilingöba kaba malje. Yañön inini lama ewö sel jöhöba köyan köl enjimakza. Mewö.

3

Awanöm yengören qaban keu

¹ *Anutu welen qebingö keuñi lök jizalmö, ambi inini mönö mewöñanök apurupñini yengö keu bapñe anda malme. Mewö malgetka apurup tosatñan Buña keu qahö tem köla maljei, yenön mönö mewöñanök anömurupñini yengö ahakmemeñini eka uruñini meleşbeak. Uruñini melenđa malmalñini Kraistkö böröñe almegöra Buña keu jitñinanök qahö jimemö, Kraistkö könanji mönö silikñinan kondel enjigetka ek asaribeak. ² Ahakmeme sarakñi diñdiñi aka memba Anutugö jitñi ongitpepuköra kenğötñini mötketka azinön mewö engek yakögetka Kraistpuk qekötahöba malbingö sihimñini ahubawak. ³ *Silegö aködamunñinanök mönö kude mem öngömakñe. Nöröp sawañini qeba gawasu könanji könanji kude ala minjinda öñböñ kude memba malme. Kösasorom goul yuainön silenñini kude meñölöm anğume. Sileötañ qetpuk sorok aködamunñambuk mi kude mem anğume.

⁴ Mewö qahöpmö, aködamunñini öñji mi mönö töp megetka uruñine ahöma. Uñaninan luainön böñjön malgetka aködamunñini öñji mianñön tölapñe ahöba mönö nalö kunön qahö ayapköma. Urubönjön malgetka

* 2:22: Ais 53.9 * 2:23: Ais 53.7 * 2:24: Ais 53.5 * 2:25: Ais 53.6 * 3:1: Ef 5.22;

Kol 3.18 * 3:3: 1 Tim 2.9

Anutunöŋ engeka möri öngömakŋa. ⁵ Mönöwök ambi sarakŋi yeŋön Anutubuk kinda jörömqöröm ak waŋgiba yuai pakpaköra mamböta malgeri, yeŋön mewöyök uruŋinaŋgö aködamuraŋinan menöläm anguba apurupŋini yeŋö keu bapŋe anda malget. Mönö ambi mieŋgö dop aka malme. ⁶ *Saranöŋ apŋi Abraham tem kölä waŋgiba “Azi kembuni!” jiba ohola malök. Injini mewöyök zeŋ kinda nup öläpŋi öläpŋi memba awösamkakak kinda yuai kungöra jönömŋini qahö undui apurupŋinambuk malme ewö, mönö Saragö dop ambi aköda-munŋinambuk aka malme.

⁷ *Ambi yeŋön ösumŋini eretŋi akzemö, töndup malmalgö kalem möriamŋi mi azibuk öröröŋ buŋa qem anguba malje. Ösumŋini eretŋi akzeangöra azi mohot mohot injini mönö anömurupŋini törörök köyan köla lolongöm engiba malme. Anutunöŋ azi engö köulukŋini qepureibapüköra mönö göda qem engiba malme. Mewö.

Nup öläpŋi memakzemö, sihimbölö töndup mötze.

⁸ Keuni tekömawaŋgö qambarŋi kewö jizal: Injini mönö körek urumohot aka urumeler alaurupŋini urubönjöröŋ jöpaköm anguba malme. Guŋbönjöröŋ mala nanŋini memba et al anguba uruŋinan jöhöm anguba mohotŋe kinme. ⁹ Jinöŋ jibi nuŋgunöŋ guhubi aknöŋ aki mi kude ahakŋe. Uruqege keu töhöreŋ jim engigetka kitipŋi kude meköme. Mewö qahöpmö, keu böläŋgö likepŋi melenŋa mönö kötuetsköba uruölöwak engiba malme. Mewö aka malgetka Anutunöŋ likepŋi melenŋiga kötümütuŋi buŋa qem angumegöra engoholök. Mewö aka mala Kembu asuhumawi, nalö miaŋgöreŋ mönö oyaenköyaen akŋe. ¹⁰ *Mewö akŋegö keuŋi mi Buŋa Kimbinöŋ kewö ohoget ahöza: “Kunöŋ malmal nahömŋambuk malmalgö ak waŋgiiga wehön öläpŋi öläpŋi eka malmalgö mötzawi, yeŋön mönö nesilamŋi keu böläŋi jibapüköra jöhöba malma. Numbu suŋeyök geŋmoŋ keu asuhubapüköra mönö galöm mem anguba malma.

¹¹ Ahakmeme böläŋi mönö andö qeba nup öläpŋi öläpŋi memba malma. Luainöŋ malmalgö jaruba mi buŋa qem angumalgö kapan köla kinma.

¹² Mi kewögöra: Kembangö jeŋan ambazip solanŋi engek galöm aka köulukŋinaŋgöra kezap alakzapmö, goŋgoŋi mi qahö mesohol köla engehakza.”

Keu mewö ahöza.

¹³ Injini nup öläpŋi mbingö urukönöp aka malme ewö, ambazip seheseŋinan mönö nupŋini geŋmororoŋ memba mem bölim engibingö qahö mötme. ¹⁴ *Mi qahö mötmemö, töndup ahakmeme solanŋi akerangöra aka sihimbölö mötpeak ewö, injini mönö töndup Anutunöŋ kötuetsköm engiiga oyaenköyaen akŋe. Kahasililiŋ mem engibepüköra mönö öne töwöratiba keŋgötŋini möta uruŋini eri möt böläböläŋinan engubapuk. ¹⁵ Uruŋinan kude etmapmö, uruŋini mönö Kembu Kraistköreŋ jöhöba könaŋi sarakŋi pöndaŋ mötmörigetka öŋgöi malme. Nalö dop jöjöröba Kraistkö könaŋi ambazip jim asarim engiba malme. Oyaenköyaen akingö jörömqöröm akzei, ambazipnöŋ miaŋgö könaŋgöra qesim engigetka mönö körek yeŋgöra keu melenŋ engiba malme. Mönö guŋbönjöröŋ qakŋe ambazip göda qem engiba uru kungum engiba malme.

¹⁶ Keuŋini mewö galöm kölgetka Anutunöŋ engeka “Dop kölja,” jiiga urukezapŋinan mewö mötmeögöra kinme. Kraistpuk qekötahöba kinda

* **3:6:** Jen 18.12 * **3:7:** Ef 5.25; Kol 3.19 * **3:10:** Sum 34.12-16 * **3:14:** Mat 5.10; Ais 8.12-13

ahakmeme ölöpnji aketka uruqege keu töhören laj jim enjimakzei, yenön mönö nanñini keu bölöñağöra aka gamu miwikñaime. ¹⁷ Nup ölöpnji ölöpnji mamba malgetka ambazip tosatñan tündup kahasililin ak enjigetka Anutugöra sihimbölö mötketka dop kölja. Yuai bölöñi aka mamba mianñon sihimbölö miwikñaigetka gamuñambuk akza. ¹⁸ Kraistnöñ mewöyök nalö kunöñ siñgisöndoköra aka kömuyök. Nini goñgoñi ahinga Diñdiñi yañön neñguañgiriga Anutugören añaotpingöra aka sihimbölö mörök. Gölme azia aiga silenji mem kömugetmö, Uña Töröñan mem gulim wañgiiga wahöta malja. ¹⁹ Uña Töröñan wañgiriga neñgömosöta kömupkö senjom mire geba uña kösö gwarönöñ malgeri, mönö yengöra Buña keunji jim asarim enjyök.

²⁰ *Mönöwök Noagö nalönöñ wañge ketañi megetka Anutunöñ uruñini melenmegöra kapañ köla mökösonda mambörökmö, ambazipnöñ keu qahö tem köla ayuhuba kömupkö kösö gwarönöñ geget. Ambazip saiwa morörökñi 8 mewöñan Anutugö jitiñi tem kölgetka o aliga gölme turuba wañge siriiga gölunöhök gouñini köla bohonñini jöhöyök. ²¹ Yuai mewö asuhuyöhi, mi o melungö söpsöpñi akza. Jisös Kraistnöñ kömupnöñök wahöta maljawañgöra aka nalö kewöñe o nengömirigetka Kraistkö ösumñan neñgualöñda bohonini jöhömakza. O mi silegö töwötñi sañgoñmapköra aka qahö al neñgizemö, o melungö ölnji mi kewö: Nini Anutubuk malbingö jöhöjöhö aka jöjöpañ keunöñ jöhöba kewö köulukö-makzin, “Anutu, gi mönö qewölöñi sañgoñnöñga uruñan sarakñi aiga göhö jege dop kölma.”

²² Jisös Kraistnöñ Suep mire eu öngöba Anutugö böröñi öñe buñabuñambuk tatza. Anutunöñ kukösum wañgiiga tata Suep garata aka Suepkö bem suahö könaji könaji ösum-mumuñinan neñgek galöm aka kungum neñgimakzei, mi tok galöm köl enjgiiga keunji bapñe malje. Mewö.

4

Mönö letota malmal qainji kun malme.

¹ Kraistnöñ silenje sihimbölö mörök. Miangöra inñini mewöyök silenjine sihimbölö mötpingö jöjöröba malme. Yambuk mötmöt mohot kewö mamba mötmörime: Kunöñ siñgisöndok ahakzawi, yañön mönö nanñi silenjañgö sihimñağöra ak wañgimakza. Kunöñ Kraistköra aka sihimbölö mörakzawi, yañgö sihim kömbönañi bölöñan mönö sööräuba eri siñgisöndok tököba qahö akñañgö kapañ köla malma. Urumötmöt mianñon mönö wötñini mem enjgiiga miangören töndangöba aködamunñinambuk aka malme.

² Urumötmöt miangören töndangöba kinda uru silegö sihim kömbönañi bölöñi jöhöba galöm köla malme. Nalö kewöñeyök könahiba gölmenöñ toroqeba mal öngömei, miangören mönö Anutugö jitiñi tem köla wuatañgöba malme. ³ Inñini nalö mala kotkeri, miangören añañjörak ambazip uruñini qahö melenja ahakmeme bölöñi laj akingö mötzei, mönö yengö dop kewö laj malget: Serowilin aka sihim kömbönañini bölöñi laj wuatañgöba malget. O jawat, gojak dauñ yuai mi otoñomborañ mamba kanjam köla negetka nöropñini sohoi enjololoñ malget. Közölömbuañ ala liñet unduba ambi kenam mem bölim enjgiba kezapjupjup aket. Tandö lopioñ liliköba simin köl enjgiba yuai kanjamñambuk aket. Mewö aketmö, nalö kewöñe ahakmeme mewöñi mi qahö toroqeba ahakze.

* 3:20: Jen 6.1–7.24

⁴ Angjöörak ambazipnön sönauþ malmalgö sömuk pilin-pilingöba ahözawi, miangören öröba luhuba gemakze. Injini yembuk kude öröba gegetka eka auruba uruqege keu töhöreñ jim engimakze. ⁵ Mewö ahakzemö, Anutugö jeñe angotketka qesim enjiiga könañamñini aukñe indela jim asarigetka möndömöndönñini kesalma. Anutunön ambazip maljini aka kömukömuñi mönö körek neñgö keunini kewöta jim tekömangö jöjöröza. ⁶ Sileninan kömumba keuninan miangören qahö teköma. Miangöra Ölöwak Buña mi kömupkö senjom mire maljei, mienön mewöyök mötmegöra Kembunön mutuk jim asariyök. Mi kewögöra: Anutunön ahakmemeñini kewöta ambazip tosatñi neñgö dowä jim teköm enjiiga silebuk malgerangö likepñi miwikñaimemö, tosatñan uruñini melenða unañinan guliba malmal köhöikñangö buñaya aket. Anutunön nanñak mal köhöimakzawi, miangö dop körekñan malmal köhöikñi mal öñgömegöra möt köhöimakza. Tosatñan Buña keu mi uruñini kuñgum engimegöra jiget. Mewö.

Nup memegö mötmöt kalemñi mönö galöm köla malme.

⁷ Yuai pakpakö nalöñan mönö tekömangö dopdowiza. Miangöra injini köuluköbingöra mönö ikmaok kude malmemö, nanñini ahakmemeñini galöm köla anguba zeñ kindä köuluk nup memba malme. ⁸* Buña Kimbigö keu kun kewö ahöza, “Ambazip uruninan jöpaköm engiba sinjisöndokñini sehisehñi köläleiba gamuñini turumakzin.” Miangöra alaurup sutñine mönö törörök jöpaköm anguba malme. ⁹ Injini mönö alaurupñini köla öröba mirinñine köisirik tata uruñinan jimöngot ihururukñi qahö köyan köla anguba malme.

¹⁰ Anutunön kalem möriam könañi könañi miangö Tonji akza. Yanön nup memegö mötmöt kalem murutñi murutñi menden enji malje. Injini mohot mohot mönö mötmöt kalemñini ölöpñanök galöm köla mianön könañesourupñini welen qem engiba malme. Mi buña qem angugerañgö dop nupnön ala kambu sutñine bauköm anguba malme. ¹¹ Nup memegö mötmöt kalem yahöt mi kewö: Denike yeñon Buña keu jim asarimakzei, yeñon mi mönö Anutunön sölölohöm engimakzawañgö dop jiba malme. Denike yeñon alaurup welennini qeba nanñöm engimakzei, yeñon mönö Anutunön inahöba ösum engimakzawañgö dop alabauk ak engiba malme. Jisös Kraistkö buña akzeangöra yuai pakpak miangören mönö Anutu möpöseigetka qetbuñañan aködamunñambuk aka ahöma. Yanön asakmararañ Tonji aka kukösum Tonji mi nalöñi nalöñi mala kota malja aka tetekñi qahö mal öñgöma. Keu mi ölna.

Kraistpuk kindä sihimbölä möta malme.

¹² O wölböt alaurupni, sihimbölä qakñine öñgöi mötketka könöpñan engohotiriba esapköm engimakzawi, miangöra mönö kude auruba malme. Yuai asuhum engimakzawi, mi upnina, mewö mötmöribepuk. Mi gölmenön maljinañgö dop asuhumakza. ¹³ Kude aurumemö, Kraistnön ölöpñi aiga kahasilin ak wañgigetka möröhi, injini mönö sihimbölä miangö kitipñi mötzeañgö dop sösongai aka malme. Yambuk mewö malgetka lilingöba kaiga asakmararañan asuhuiga nalö miangören mewöyök söñgaiba oyaenköyaen akñe. ¹⁴ Ambazipnön engeka uruñini Kraistköreñ melenñerañgöra aka uruqege keu töhöreñ jim enji-makze ewö, enñon mönö simbawon akze. Mewö jim engimakze-angöra aka Anutugö Unja Törönji

* 4:8: Qam 10.12

asakmarararajambuk yanjon mönö qakñine köla ösumjan turum engiba kötuetköm engimakza.

¹⁵ Engörenök kunjan yuai bölöni ahöhangöra sihimbölö miwikñaiba mötpapuk. Kunöñ kegwek-kahasililiñ aka ambazip enguba yuai yongorö meyöhi me tosatñi yengören keu jim supapköba nup meme tandöktandök möndöba lañ lilikqilik aka lömböt miwikñaimakzawi, yanjon mönö sihimbölöñi dopñe mötza. ¹⁶ Kunjan Kraistkö alañi akzawangöra angösirip miwikñaiba sihimbölö mötza ewö, yanjon mönö miangö gamumamusumñi kun öne kude mötma. Gamu qahöpmö, Kraistkö qetñi bisizawangöra mönö Anutu möpöseiba malma.

¹⁷ Anutunöñ ambazip keunini kewötmapkö nalöñan kam kuñguiga nanñi urumelen könagesourupñi nengö keunini mi mutuk jim teköma. Mutuk nengö keunini jim teköma ewö, ambazip Anutugö Ölöwök Buña qahö tem kölgetka lömböt qakñine öngöiga teteköñe mönö denöwö asuhum engibawakto? ¹⁸ *Buña Kimbinöñ keu kun kewö ahöza: “Solanñi yanjon Suep mire öngöbingö kupuk-kapak akñe ewö, siñgisöndok ambazip angöjörakñinambuk yengö keunini mönö denöwö asuhubawakto?”

¹⁹ Miangöra alaurup Anutugö jitñi tem köla angösirip miwikñaiba sihimbölö mörakzei, enjon mönö uñañini miwimiwikñai Tonangö böröñe alme. Tonñ yanjon keu jiyöhangö dop alaurupñi sel jöhöba kölközizip aka köyan köl engimakza. Uñañini yanjö böröñe ala mönö jegep kinda nup ölöpnji ölöpnji pöndañ memba malme. Mewö.

5

Jitñememe engören qambañ keu

¹ Nöñon urumelen könagesögö jitñememe kun aka Kraistnöñ sihimbölö möröhi, miangö keuñi nangöba jimakzal. Könañgep lilingöba kaiga asakmarararajan asuhuiga qetbuña niñgii miwik-ñaimamgö mötzal. Engö sutñine nöngö jitñememe alaurupni akzei, nöñon engö uruñini kewö kuñgum engizal: ² *Anutunöñ möt narim engiba lama kambuñi böröñine alöhi, enjon mönö i köyan köl engiba malme. Nup mi ölan qakñe qahöpmö, Anutugö jitñangö dop urusihimñini nupnöñ ala mi amqeba urukönöp qakñe zen memba kinme. Möndömöndö qakñe injarere mala monen yuaigöra kude kapan kölma malme.

³ Lama kambu bapñine kaba kinjei, i mönö azi kembu tandök kude galöm köl engime. “Zioz galöm akzin,” jiba töptöpñine kude qeba miwidimgöm angumemö, ahakmemegö silik ölöpnji mi lama kambu kondel engiba malme. ⁴ Ahakmeme ölöpnji aka malgetka lama galöm bohonñan kunbuk asuhumawi, nalö miangören mönö sorom jölñine uta ila jalö aködamanjambuk nöropñine köl engigetka buña qem angume. Aködaman mianjon mönö nalö kunöñ qahö tahöliba piahima. Mewö.

Sepguli engören qambañ keu

⁵ *Sepguli inñini mewöyök galömurup yengö keuñini bapñe anda malme. “Anutunöñ söngöröqök ambazip tuarenjon ak engimak-zapmö, nanñini memba et al angumakzei, yengöra mönö kalem möriamñi engimakza.” Miangöra inñini mönö körekmakörek sutñine nanñini memba et al anguba malme. Tandök mianjon mönö maluku ewö kölget gem

* 4:18: Qam 11.31 * 5:2: Jon 21.15-17 * 5:5: Qam 3.34

enjiiga malme. ⁶ *Miangöra mönö nanjini memba et al anguba Anutu böröñi kukösumñambuk miangö bapñe angetka nalöñan kam kuñguiga ölop memba öngöba al enjima. ⁷ Buña keu kun kewö ahöza, “Yañön injini köyan köl enjimakzawangöra waimanjatñini pakpak mönö yangö böröñe ala mosötme.”

⁸ Ahakmemeñini galöm köl anguba zeñ kinda pöndañ uru guliguli malme. Bölöñangö Toñan lañ liliköba ambazip tuarenjoñ aka jarum neñgimakza. Kunñan sipkömturuk aiga yañön mönö laion sömbup ewö gwahöt neñgimangö jöjöröza. (Laionöñ görörök qeriga silatñi mötketka böññini wahörakza.) ⁹ Injini sihimbölo mörakzei, enjö urumeleñ alaurupñinan mönö mewöñanök gölme dop kahasililiñ miyöhök möta mökösoñda malje. Mi mötmöriba keñgötñini yaköriba mötnaripnöñ töndangöba kinda laion mi köhöikñanök tuarenjoñ ak wangiba malme.

¹⁰ Injini nalö töröpñi sihimbölo möta malgetka mösöhöba nangöm enjiba tönguba enjiiga ölop kin köhöiba malme. Mewö Kraistpuk kingetkun aködamunñi tököm enjiiga asakmararañe öngöba teteköñi qahö asariba malme. Anutu, kalem möriam pakpakö Toñi akzawañön mönö injini mewö aka malmegöra engehölok. ¹¹ Yañön kukösum Toñi mala kota malja aka nalö teteköñi qahö mal öngöba malma. Keu mi ölna.

Pitönöñ yaizökzök keu teteköñi jiyök.

¹² *Anutugö kalem möriamñan mönö ak kömükömu öl töhöññi akza. Nöñön keu mi köhöiba nangöba jiba enjön kalem möriam miangöreñ tönguba kin köhöiba malmegöra jim kutum enjizal. Miangöra kimbi töröpñi ki jibiga neñakni Sailasnöñ ohom enjivyök. Yañön nömbuk pöndañ kinda urumeleñ neñakni akza. Yangöra mewö mötmörizal.

¹³ *Anutunöñ urumeleñ könagesö injini ewö nanñangöra möwölöhöm enjiiga Babilon siti bölöñi miangöreñ *maljei, mienjön mönö yaizökzökñini algetka enjöreñ kaza. Mötnaripkö nahöni Mak yañön mewöyök yaizökzökñi alja. ¹⁴ Injini sutñine urukalem-ñinanjö waikñini memba angum anguba nemböñini susuhuba malme.†

Alaurup Kraistpuk qekötahöba kinjei, luainöñ mönö körek embuk ahöma. Mewö.

* **5:6:** Mat 23.12; Luk 14.11; 18.14 * **5:12:** Apo 15.22, 40 * **5:13:** Apo 12.12, 25; 13.13; 15.37-39; Kol 4.10; Flm 24 * **5:13:** Babilon mi Rom sitigö qet tölapña. Indelindel bukñöñ mewöñanök qet mi miangö dop ohoget ahöza. † **5:14:** Nalö miangöreñ jölöñini jiba waikñini memba numbuñini yöhötim memba malgeri, mönö miangöra jiza.

Pitögörej Kimbi 2 Pitönöj Kimbiñi aliga 2 ahök. Jim-asa-asari

Pitönöj Kimbi ki Kraistkö alaurup gölme dop tat angeri, yeñgöra ali anda liliköyök. Tosatñan keu sohobo ho miwikñaiba ambazip kusum sohom enggigerangöra malmal sarakñi mosöta sero namböñnamböñ yuai lañ aka malget. Böhi takapulakanñi mi Anutugö keu bapñe qahö anda (2.10) iwilele (3.17) aka silenñini möpöseiba (2.18) jakbak-öranbörañ (2.10) aka nanñini imbi-imbi malget. Aiakaninan Jisös qañ köl wañgiget. Yeñön ilit ambazip gödaqegeñini qahö mala anjañbanjañ ambazip (2.3) lölöwöröñji (2.18)janñun mem engiget. (3.3-4)

Pitönöj keu aka ahakmeme mianğöra waimanjat ketanñi möta diñgimapköra bim qeba amötqegegö könanñi jim tuariza. Uruniñi kunguba jimkutukutunñi kewö ohoyök, “Anutu aka Kembu Jisös Kraist öñña möt narim etkiba yetpuk qekötahöinga lömböt mi mem et ali amqema. Mötmöt mewöñji mi jimbureñ qahöpmö, ambazip nanñini jeñinan Jisös eka ambazip kusum enggiba malöhi, mi möta jiget kaiga mörin. Mianğöra mönö malmal sarakñi mala kopa malmal aka uruyahöt mi andö qeme.”

Tosatñan kapañ köla kewö lañ jiba ambazip kusum sohom enggiba malget, “Kraistnöj kunbuk qahö lilingöma.” Keu mi jimbureñ keuya. Pitönöj keu mianğöra waimanjat ketanñi möta likepñi kewö melenđa jiba ohoyök, “Kraistnöj nalöñi könjörari öngöiga lilingömwarañgö tandök akzawi, mi kewögöra: Anutunöj ambazip neñgöreñök kunñan ayuhumapkö qahö mötzapmö, körek neñön urunini melenđa siñgisöndök malmalnini mosötpingö möta kapañ kölakza.”

Buk kianğö bahöñi bohonñi 4 mi kewö:

Keu mutukñi 1.1-2

Anutunöj sarakñi malbingöra neñgoholök 1.3-21

Böhi takapulakanñi yeñgö könanñini 2.1-22

Teteköñe Kraistnöj lilingöba kama 3.1-18

¹ Saimon Pitö nöjön embuk keu eraum mötpringöra kimbi ki ohozal.

Jisös Kraistnöj melaim niñgiiga aposol aka welenñi qeba malakzal. Bem Anutuninan Amötqege Toñji Jisös Kraist melaiiga eri yañgöra aka keunini jim teköi solaniinga mötnaripñinan ahuyök. Inini mötnarip miyök buña qem anğuetka bohonñi öngöñgöñi aiga nini ewö simbawoñ malje.

² Inini Anutu aka Kembunini Jisös möt kutum etkizei, yetkön mönö kalem möriamñi kelenmaleleñ engiyohotka luainöj malme. Mewö.

Anutunöj enggoholöhi, mianğöreñ köhöiba kinme.

³ Anutunöj asakmararañ Toñji aködamunñambuk akza. Mianğö dop nini sarakñi aka malbingöra neñgoholök. Mewö könanñi möt yaköinga kalem neñgimakzawañgö könanñi asuhuyök. Nini malmal köhöikñi mala urugö köl guliguli pitirik akingöra yuai osimakini, yañgö bem ösumñan mönö mi pakpak neñgiiga buñanina ahakña.

⁴ Asakmararañ Toñji yañön urunine nupñi nupñi wewelip-ñambuk memba kalemñi pakpak neñgimangö mörakza. Anutunöj jöhöjöhö keunñi neñgiyöhi, mianğö söñgöröñan mönö öngöñgöñi akza. Inini mutuk gölmeğö

sihim kömbönañini bölöñi lañ wuatangöba angjöörak uruñe malgetmö, Anutunöñ inñini mianğö-reñök meköba bohonñini jöhöyök. Mewö aiga kopa malmal söröreiba andö qemegöra amötqeçe areñi ali ahöza. Mötömöt ahakmeme aködamunñambuk Anutugöreñ ahözawi, yañön inñini mianğö dop letota kölönajimeğöra kapan kölakza. Inñini jöhöjöhö keunji keta bölökñi mianğöreñ qekötahöze ewö, yañön mönö inahöm enğıga kunbuk letota Suepkö aködamunñi miwikñaiba buña qem angguba malme. Aködamunñi mianñön ölop tönjonjonğöba dop köl enğıma.

⁵ Anutugöreñ jöhöjöhö keu mewö ahözawangöra aka inñini mönö mötnaripkö ölnji ahum enğıga kondela malme. Mewö malmegöra mönö kapan köla zeñ kinda bim qeba malme. Ölnji ahum enğımawi, mewö ölop Anutugö könañi toroqeba möt kutume. ⁶ Mötikutukutuñinan qariiga ölop ahakmemenñini toroqeba galöm köl angumakñe. Galöm köl anguanğunñinan qariiga ölop kin köhöiba lömböt mökösoñda bisiba malme. Kin köhököhöinñinan qariiga ölop kunbuk Anutugö jitñangö dop urugö köl guliguli aka malme.

⁷ Urugö köl guliguliñinan ahum qariiga ölop urukalemñinan sehiiga urumelen alaurup ala-ala aka köyan köl angguba malme. Urukalemñinan sehiiga ölop ambazip pakpak jöpaköm enğıba malme. ⁸ Inñini Anutugö aködamun mewöñi buña qem angguba mem sehiba malme ewö, mönö gilipitñi (ambetakñi) kude malme. Mewö qahöpmö, aködamunñi mianñön mönö nam köl enğıga amqeba Kembunini Jisös Kraistkö könañi möt kutuba ölop nupñi jegep kinda megetka ölnji ahumakña. ⁹ Ölop ahumakña pmö, denike yengöreñ Anutugö aködamun mewöñi qahö ahöm enğıza ewö, yengö mötkutukutuñinan mönö töröpnji aiga bau jegömöl ewö kinğun kanğun akze. Anutunöñ siñgisöndokñini walñi sanğonñi sarakñi akeri, mi ölum enğı ikmaok malje.

¹⁰ O urumelen alaurupni, Anutunöñ möwölöhöm enğıba enğohölöhi, inñini mianğöreñ tim töndangöba kinme ewö, mönö nalö kunöñ qahö tala kaman kölme. Mianğöra enñön mönö mianğöreñ köhöikñanök töndangöba kinbingö kapan köla malme. ¹¹ Mewö aka malgetka Anutunöñ enğıhe dop köli köl öröm enğıga Suep miri nanğun lökñanök taliga ölopñanök uruñe öngöme. Kembunini Jisös Kraistnöñ Amötqeçe aka bemtohoñ Tonji akza. Yañöñ bemtohoñ uruñe öngögetka nalö teteköñi qahö galöm köl enğıga oyaenkyoaeñ aka malme.

¹² Buña keu ölnjan köna mewö kondel enğızawi, inñini mi lök buña qem angguba mianğöreñ böñ qeba kin köhöize. Mianğöra keu areñ jizali, mi ölop möt asarizemö, nöñön töndup mianğöra nalö dop jim gulim enğımangö mötzal. ¹³ Mewö möta sile kianğö sepö koumnöñ malmamangö dop keu areñ mi ölum enğubapüköra mötmötñini jim guliba kuñğum enğımangö mötpi dop kölja. ¹⁴ Nöñön sileni kusukñi ki sepö koumni ewö lulunđa zilañ kömumba unem mire öngömami, mewö möt yaközal. Kembunini Jisös Kraistnöñ mewöyök buzup keu mewöñanök jii möral. ¹⁵ Keu areñ kusum enğıgali, mianñön urukönömñine ahöiga nöñön nöñ qeba kömup mire anbiga mianğö andöñe mewöyök mi ölop nalö dop mötmöröiba malme. Nöñön mianğöra köhöiba kapan kölakzal. Mewö.

Kraistkö asakmararañi mi jeninan eka nanğöba jizin.

¹⁶ Kembunini Jisös Kraistnöñ qetbuñañi öngöñgöñi memba nup kukösumñambuk memba malöhi, neñön mi nanine jeninan uba eka

malin. Mewö mala mianğö dop kukösumñanğö könani aka lilingöba kamawanğö keunji mi jim asarim enğiba malin. Mi bem samban kösohot* ewö qahö jimburenj ahin. Girabu mötmöt ewö mi lañ qahö wuatangöba malin. ¹⁷*Nöñon Jisösgö qetbunani öngöngöñi mi naninak kewö asuhuiga ehin: Asakmararanj Tonji öngöngöñi yanön keu jiiga qet kewö asuhuiga mörök: “Azi ki nani wölböt nahöni aiga yangöra urunan ölöwahiga eknahöm ak wanğizal.” Yanön mi möriga Iwi Anutunöñ asakmararanj wanğiiga aködamunñi bunja qem anguba malök. ¹⁸Neñon yambuk kundunji töröñi mianğoreñ öngöba malinga qet mianjön Suepnöhök asuhuiga mörin.

¹⁹Kezapqetok ambazip mutuhök Buña keu jiba ohogeri, mi nalö kewöñe möt sölöngöba angön kölinga pöwöwöm köhöikñi ak neñgiza. Mianğöra Buña Kimbi walñanğö keunji mi mönö törörök kezap ala bunja qem anguba malme. Kiwanöñ miri söñsöñauñe asarimakzawi, kezapqetok keu mienjön mönö mianğö dop jim asarim enğimakze. Injini mianğö asakñe qekötahöba kinme ewö, mönö ölop Anutugö köna öñji eka söñaupkö ahakmemeñi yaköriba mosöta malme. Mewö mal öngöba mambötketka miri wanğaranj suruiga söñangö undinji asuhuiga urunjan asarima. Kembuninan lilingöba kamawanğö undinjan mönö mem asarim enğii eka Anutugö yuai pakpak ek asarim teköme.

²⁰Keu nöroñji mutukñi ki mönö möt asarigetka kude ölum enğuma: Gölme ambazip kunñan Buña Kimbigö kezapqetok keunji mi nanñi mötmöt qakñe jim asarimangö osimakña. ²¹Mi kewögöra osimakña: Gölme ambazip kungö jit sihitñan nalö kunöñ qahö nam köliga kezapqetok keu asuhui jiget. Mewö qahöpmö, Uña Töröñan kezapqetok ambazip urunjne sölölohöm enğiiga Anutugö jitneyök keu memba mönö mia jiget. Mewö.

2

Böhi takapulakanjan mönö mala ayuhume.

¹Kezapqetok ambazip takapulakanji mi mewöyök Israel köñagesö sutñine asuhuget. Mianğö dop enğö sutñine böhi sohoboho mewöyök asuhume. Asuhuba kinda mötnaripñini ayuhumapkö enjololeñ keu kembanganji kembanganji mi tölapköba memba sutñine kame. Ketañamninan sohopñini meyöhi, Kembu mi mewöyök qañ köl wanğiba mewö mianjön nanñini köñdenj anguba wölanj ayuhume.

²Mewömo, mi töndup ambazip sehiseñjan mönö yengöreñ serowilin silikñini wuatangöba nanñini imbi-imbi malme. Mewö malmeanğöra ambazip mötmötñini qötömötötañ aketka urumelenğö köna öññan mötmötñine gamuñambuk ahakña. ³Böhi takapulakanji mienjön mönö yuai membagan membängö köpösöngöba nepaqepalok aka kösohot könani könani jimburenj (zöm mindiriwa) aka lañ jim sehiba malme. Mewö malgetka enön mi möta amqeba moneñ yuai tokogetka lañ örömgöjup memgöjup aka malme. Anutunöñ ambazip mewöñi yengö keunñini lök möpñanğö möpñe jim teköiga likepñi melenñiga qakñine öngömapkö ahöza. Anutunöñ köñdenmöñdenj enğimangö tañqañ ikmaok qahö akñapmö, öl töhöñña sihimbölo möta malme.

* **1:16:** Bem samban miengö könaniñi kun mi kewö: Mötmöt ambazip yengö urunjne jimburenj mötmöt letoriga keu könani könani lañ mötmöriba numbu o algetka asuhumakze. * **1:17:** Mat 17.1-5; Mak 9.2-7; Luk 9.28-35

⁴ Köndenmönden asuhumapkö galöm meme keu tosatni kewö: Suep garata tosatnan Anutugö jitni qetala singisöndok akeri, Anutunöŋ i qahö engehoriyökmö, aköm enğiiga könöp mire emuyangöŋeŋ geget. Yaköriba panaman miri dutŋe ala ain tapepnöŋ (muŋgamuŋga) gwaröhöm enġiyök. Gwaröhöba galöm köl enğiiga keuŋinanġö kitipni jim tekömapkö mamböt tatkerata tata kotze. ⁵ *Möpŋanġö möpŋe ambazip anġöjörakŋinambuk gölmenöŋ malgeri, Anutunöŋ i mewöyök qahö engehoriyökmö, göulu ketanji jiiga wahöta enġuba turum enġiyök. Turum enġiyökmö, töndup azi Noa mianġön urumelenġö keu jiba ahakmeme diŋdiŋi akŋegö uru kuŋgum enġiba malöhi, i aka ambazip 7 mia malmalnġini anġön köla sel jöhöm enġiyök.

⁶ *Mewöyök Sodom Gomora taon yahöt mi ayuhumahotkö keuŋini jim teköba könöpnöŋ enġohoiga gapŋiranök ahöyohot. Ambazip anġöjörakŋinambuk yeŋgöra yuai denöwö asuhumawi, mianġö söpsöpŋi ekingöra mi al enġii akzahot. ⁷ *Könöpnöŋ körek enġohomamġö ahökmö, töndup azi solanġi Lot mi mutuk sutŋineyök meköba anġön köl wanġiyök. Iwilele ambazip sero namböŋnamböŋ aka nanġini imbi-imbi ahakmeme tosatni laŋ aket eka yeŋgöra möt böliba uruŋan eri malök. ⁸ Azi solanġi mianġön yeŋgö sutŋine mala ahakmeme iwilele kanjamŋambuk eka möta malöhi, mianġöra mönö wehön dop möt jinjinġöba malök. Uruŋi sarakŋan mönö sundan böliiga malök.

⁹ Galöm meme keu jizali, mienġön Anutugö könanji kewö konderlakze: Kembunöŋ ambazip Anutugö malmal köhöikŋi köl gulimakzini, nini ölop esapesapnöhök meköba bohonini jöhömamġö mörakza. Mi mörakzapmö, ambazip goŋgoŋi mi keuŋinanġö likepŋi meleŋni qakŋine öŋgöiga garataurupŋan galöm köl enġigetka malme. Mewö mala öŋgögetka nalö ketanjan kaiga keuŋini jim teköiga toroqeba sihimbölo möta malme.

¹⁰ Ambazip silenjanġö sihim kömbönanji bölöŋi wuatangöba anġöjörakŋinambuk aka iwilelenöŋ Anutugö kukösumŋi memba et alakzei, Anutunöŋ mi mönö mutuhök jim teköm enġiyöhawa sihimbölo ketanji möta malme. Böhi takapulakanji mienġön mönö jakbak-öranböraŋ qakŋe nanġini imbi-imbi mala Suepkö bem suahö asakmararanġinambuk euyangöŋeŋ maljei, yeŋgöra sömbu-ŋini qahö mörakze. Mi qahöpmaöpö, i mewöyök uruqeqe keu töhöreŋ jim enġimakze. ¹¹ Mewö ahakzemö, Suep garata kukö-sumŋinambuk böhi sohoboŋo mi enġoŋgita öŋgöŋöŋi akzei, mi töndup Suepkö bem suahö ambazip mi Kembugö je mesoholŋe qetala uruqeqe keunöŋ töhöreŋ qahö jim teköm enġimakze.

¹² Garata yeŋön mewö qahö ahakzemö, ambazip mienġön silenġini memba öŋgöba Buŋa keu qahö möt kutuba mi töndup yeŋgöra uruqeqe keu töhöreŋ laŋ jimakze. Sömbup soŋ ewö mötkutukutuŋini ölni qahö asuhuiga sömbup malmalgö sihim yuai korembiŋi miyök mörakze. Sömbup soŋ mi asuhugera ambazipnöŋ laŋ enġuget kömumakzei, yeŋön mönö mianġö dop laŋlaŋ tönpin mala ayuhume. Nanġini sihim mötmötŋini goŋgoŋmanġoŋan mönö könden enġigetka ayuhum teköme. ¹³ Tosatni öröm ureim ak enġigetka kahasililiŋ mötketmö, Anutunöŋ nanġini keuŋinanġö likepŋi meleŋ enğiiga sihimbölo miyök qakŋine öŋgöma. Urumelen enġön urukalem kondel anġubingöra tokoba lömbuan algetka takapulaka böhi mienġön mönö mianġöŋeŋ mewöyök kamakze.

* 2:5: Jen 6.1-7.24 * 2:6: Jen 19.24 * 2:7: Jen 19.1-16

Kaba dogonjini aukne kondela bau numbu nemakze. Mewö aka enğö sile töwötjini boromni boromni gamuñinambuk ewö akze. Nanñinak silenjanğö sihimni meköbingöra totoko yuai asakne ala sero aukne aka lanlan söngaimakze. “Ziozğö lama galöm akzin,” jiba ala enğöra qahö mötmöriba tilipköm enğibingö sösongai mörakze.*

¹⁴ Jenji kaisero jeje aka ambi enğihakzei, mi serowilinök akingöra mörakze. Sero siñgisöndok yuai akingö sihimni mi qahöpmañöp mosötpingö mörakze. Ambazip konğwarak kölakzei, mi öröm enğigetka köna jitre gegetka örömböknöñ jölñini mesinmakza. Membagun membingö nepaqepalok köpösöngögetka urumötmötjini köhöikni mianğörej ahöza. Mewö ahakzeanğöra Anutunöñ saiköm enğiiga ayuhume.

¹⁵ *Yenön köna diñdini andö qeba kahalalom janjun anda kezapqetok azi Balam Beorgö nahönñi yanğö urukönöp köna wuatangömakze. Kerök azi kembu kunöñ Balam Israel ambazip tilipqilip ak enğimapköra töwa wanğiyöhi, urusihimñan mönö monen mianğöra ak wanğiyök. ¹⁶ Ak wanğiyökmö, donki kunöñ bölöñamñanğöra jim bölim wanğiyök. Donki sömbup keu qahö jijiñ mianğön mönö azi jölnöñ keu jiba kezapqetok azi mianğö urusohop ahakmeme mi jöhöm wanğiiga osiyök.

¹⁷ Ambazip mienön mönö o jeni jöppöpköñ ewö tandök malje. Raidimbom luhutnöñ kousu omanji töhöntöhön muwutapköm enğimakzawi, mönö mianğö dop öne lanlan anda kamakze. Anutunöñ pandaman göjiwinanğö uruñe yenğöra miri areñgöm enğiyöhi, mönö emuyangörej dutne geba malme. ¹⁸ Yenön kezapjupjup keu omanji jiba silenjini memba öngöba lan tiwok-mawok aka terengömakze. Silegö sihim kömböñanñini bölöñi wuatangöba sero namböñnamböñnöñ ambazip lan öröm enğimakze. Janjun maljei, tosatñan yanğö sutñineyök ölöñ kölakzei, mönö mi kelök keunöñ kuñgum enğigetka köna jitre gegetka örömböknöñ jölñini mesinmakza.

¹⁹ Yuai kunöñ ambazip kun jöhöba galöm köl wanğimakzawi, mianğö kösöñan mönö i jöhöiga mi töwa qahö öne welen qeba malja. Mianğö dop böhi takapulakanji mienön kelök keu kewö lan jimakze, “Injini mönö nini toroqem nenğigetka ölop kösöñini qahö solanñi aka nanñini imbi-imbiniñ malme.” Keu mewö jimakzemö, mi töndup nanñinak anğöjörakñinanğö welenqeqenji aka mianğö kösönöñ malje.

²⁰ Yanğö könanamñinan kewö gonğiiga malje: Kembunini Jisös Kraist Amötqeqe Tonini i möt kutuba mewö mianğön gölmegö ahakmeme anğöjörakñambuk misinğöba andö qebagun mönö kunbuk mianğö kösönöñ köpeim anğuba qaköba tatze. Mianğöra könakönahine ölopölop malgetmö, teteköñe bölöqölim teköba malje. ²¹ Anutunöñ keunini jim teköi solanibingö könanji mutuk qahö möt kutuba tönpin malbeak, mianğön mönö eretñi ak enğibawak. Mewö akawakmö, Buña mi ölña jigetka möta könanji möt kutugetka buñanina ahök. Uruñini melenđa mianğö andöñe jöjöpñ keu töröñi andö qegeri, mianğön mönö yuai kanjamñambuk aka gamu qem enğimakza. ²² *Andö qeba köpeim anğuba etkeri, mi uruqesin keu ölbölñi yahöt mietkö dop akza. Keu jitre kun kewö, “Kiamnöñ loñnöhanğörej lilingöba kamakza.” Keu jitre kun kewö, “Bau sanğonninga dumge elenđa sömuk pilinpilinöñ luhuba geba lömu aumakza.” Mewö.

* **2:13:** Böhi mienön törom ewö asamböta tatzemö, wanğenjanan yenğörej qaköba jömgöbapuk.

* **2:15:** Jan 22.4-35 * **2:22:** Qam 26.11

3

Kembu kamawaŋgö jöhöjöhö keuŋi

¹ O wölböt alaurupni, nöjön kimbi yahötŋi ki albi engöreŋ kaza. Keu jizali, iŋini mi lök mötzemö, nöjön keugö öljä ahumapköra uruŋini sarakŋi kuŋguba jim gulim engiba kimbi yahöt ki kewögöra ohozal: ² Kezapqetok ambazip sarakŋi yejön mönöwök Buja keu jiba malgeri, mianğöra mönö ölum engubapuk. Mewöyök Kembu Amötqege Tojan jimkutukutu neŋgiiga nanŋini melaimelai azi aposolurupŋinan kusum engigeri, mönö mi mötmöriba köl guliba malme. Mianğöra nöjön keu miyöhök ohobiga yahöt akŋa.

³ *Keu mutukŋi kun kewö möt asarime: Kraistnöj liliŋgömamgö aiga nalö teteköŋe mianğoreŋ mepaqepaik ambazip asuhuba ahak-memenjanan nanŋini sihim kömbönaŋini bölöŋi wuatangöba ilit keu jiba malme. ⁴ Tosatŋan liliŋgöba kamawaŋgö keuŋi kewö jiba qeapköba malme: “Kamawaŋgö jöhöjöhö keuŋi mi mönö denikeangöreŋ ahöza? Amböskoninan mala kota kömugeri, nalö mianğoreŋök yuai kuŋŋan kun qahö melenŋi geyök. Anutunöŋ Suep gölme miwikŋaim etkiiga öröyuai pakpak könahiba ahöyöhi, mi mönö mewöŋanök ahöba kori maljin.”

⁵ *Mewö jiba keu kötŋi ki ölan qemakze: Anutunöŋ möpŋaŋgö möpŋeyök jim kutuba keuŋaŋgö ösumŋan suep jakenŋi jakenŋi miwikŋaim engiyök. Mewöyök o jim kutum engiiga denđa angetka mianğön gölme miwikŋaiiga onöhök asuhum tiŋgirök. Yejön keu kötŋi mi mötzemö, mi qahö mötzin tandök möndöba laj jiba nönoŋgan ahakze. ⁶ *Könaŋgep jim kutuiga o göulunöŋ wahöta gölme turuiga ambazip nalö mianğoreŋ gölmenöŋ malgeri, mi o nempa kömunjaiget. ⁷ Yejön onöŋ kömunjaigetmö, suep gölme nalö kewöŋe etkehakzini, mi könoŋnöŋ ayuhumawaŋgö dop akza. Anutunöŋ mianğö keuŋi lök böŋtöŋ jim kutuiga ahöza. Mianğö öljä asuhumawaŋgö nalöŋan kam kuŋguiga Anutunöŋ ambazip aŋgöjörakŋinambuk maljei, yeŋgö keuŋini jim teköba köndenŋ engiiga ayuhume.

⁸ *Mewö asuhumapmö, wölböt alaurupni, naninak ehinga yambu 1000 mi nalö köroŋŋi akzapmö, Buja keu mohot ki mönö kude ölum enguma, “Wehön mohot mi Kembugö je mesoholŋe yambu 1000:gö dop akza aiga yambu 1000 ehiga wehön mohotkö dop akza.” ⁹ Kembugö jöhöjöhö keu mianğön öljambuk akŋapmö, mianğö nalöŋi mi törörök qahö mötzin. Tosatŋan nalö mi könjörari öngömapköra mötmöriba laj jimakze. Nanŋak nalöŋi qahö könjörari öngömapmö, mökösoŋda ambazip köreŋan urunini melenbingöra mamböarakza. Kuŋŋan könoŋ sianöŋ gebapüköra kapaŋ kölakza.

¹⁰ *Keuŋaŋgö öljä asuhumapmö, Kembugö kaka nalöŋan mönö yongorö meme azigö tandök kam kuŋguma. Mi ouk-tuknine tiiga osibin. Nalö mianğoreŋ suep gölmeğö yuai ehekŋi pakpak mi mönö könoŋwiba jeba gapŋanök ahöma. Wehön köiŋ senğelau aka suepkö yuaiŋi pakpak mi julkula ötöŋ bölöbölöŋambuk ayapköba qahöwakŋe. Gölme aka ambazipnöŋ yuai pakpak mianğoreŋ memba alget ahözawi, Anutunöŋ mi körek köndenmöndenđa melenŋi gema. Geba jem teköiga yuai kun qahöpmaöp ahöma. Saumban!

* 3:3: Jud 18 * 3:5: Jen 1.6-9 * 3:6: Jen 7.11 * 3:8: Sum 90.4 * 3:10: Mat 24.43; Luk 12.39; 1 Tes 5.2; Ind 16.15

¹¹ Öroyuai pakpak mi tandök mewö julkula qahöwakjeangöra enön mönö ambazip denöwöñji aka malgetka dop kölbawak? Miangöra mönö ahakme sarakñi wuatangöba Kraist ewö aka malbingö köl guliba malme. ¹² Inini Anutugö nalö ketanji mi kam kuñgumapköra mamböta zilañ kamapkö nupñi kapañ köla memba malje. Nalö miangören gölmegö öroyuaiñji aka wehön köiñ seŋgelau aka mewöñji mi könöwiba jeba bolbolgöma. Anutunöñ suepkö öroyuaiñji mi körek köndenmönden aliga julkula jem teköma. ¹³ *Mewö jem tekömapmö, Anutunöñ yuai asuhumapkö keu jöhöi ahözawi, neñön miangö dop Suep gölme dölokñi miwikñaim etkimapkö mambörakzin. Mi miwikñaim etkiiga miangören angota ahakmeme diñdijñi wuatangöba malbin.

¹⁴ O wölböt alaurupni, enön nalö ketanji mi kam kuñgumapkö mamböta malje. Miangöra mönö kewö akingö kapañ köla kinme: Uruñini sarakñi aiga Anutunöñ töwöt boromñinañgö keuñi kun qahö miwikñaiiga yambuk ösupközeangöra luainöñ malme. ¹⁵ Mamböta Kembuninañgö uru tandökñañgöra kewö mötmöriba malme: Yañön inini uruñini melenđa kunbuk letotmegö nalöñi mem körim al enģiba ösöñ mamböt enģiba malja. Wölböt alanani Pol yañön mewöyök keu miyök ohom enģiyökmö, Anutunöñ mötkutukutu öñgöñgöñi wañgiiga miangö dop keuñi ohom enģiyök. ¹⁶ Miangö keuñi mi kimbiñi pakpak miangören jiba ohomakzapmö, Buña Kimbiñañgö uruñe keuñi tosatñi mi lömbötñambuk. Miangöra tosatñan mi möt asaribingö jaram tiba lömbörimakze. Gukmaulem ambazip koñgwarak qeba tötöpinpin lañ malakzei, yeñön kimbiñi kimbiñi mi lañ möwöramgömakze. Miangö dop Polgö keuñi mewöyök melenqelen aketka supapköba sohomakza. Mewö möwöramgöba kinda nanñini mem bölim anģuba könöp sianöñ geme.

¹⁷ Yeñön gememö, wölböt alaurupni, enön mewö asuhumapkö keuñi lök qeljiñe möta malje. Miangöra mönö nanñini galöm mem anģuba malme. Iwilele ambazip köna siñgiba qiwitipkömakzei, enön mönö yeñgö kelök keuñinan örom enģii enģuatangöba jinñauñ anbepek. Malmalgö tandö pöwöwöm köhöikñi miangörenök mewö tala kaman kölbepuk. ¹⁸ Kembunini Jisösgö kalem möriamñe kinñei, miangören mönö kunbuk suariba köhöiba malme. Amötqeçe Tonini Kraistkö könañi möt kutuzei, mi mönö toroqeba möt yaköm soroköba malme. I möpöseininga qetñi nalö kewöñe aködamun-ñambuk aka könañep teteköñi qahö mewö ahöm öñgöma. Keu mi öñja.

* **3:13:** Ais 65.17; 66.22; Ind 21.1

Jongöreᅇ Kimbi 1

Jonöᅇ Kimbiᅇ mutukᅇi alök.

Jim-asa-asari

Jonöᅇ jöpaköm anġuangugö keuᅇi köhöiba jiba malök. Urumelenᅇ ambazip neᅇön Anutu aka Jisös Kraist yetpuk qekötahöba kinda uru jöhöm anġuba mohok aka maljin.

Tosatᅇan keu muneᅇi ambazip kewö kusum sohom enġiba malget: “Jisösnöᅇ Suep aziyök akza. Gölmeneᅇ yuai pakpak mi bölöᅇi akza. Mianġöra Jisösnöᅇ gölme azi ölnᅇi qahö aka malök.” Keu mianġöra aka tosatᅇan “Anutu möt narizin,” jiba ahakmeme ölöᅇᅇi mosöta siksauk silekmalek mala ambazip tosatᅇi yom kazik ak enġiget aka qölmöm in-jarere malget. Keu sinᅇi sinᅇi mewöᅇan zioz mem bölibapuköra Jonöᅇ goro keuᅇi kimbinöᅇ kewö ohoba ali kayök, “Jisösnöᅇ Suep aka gölme azia mohok akza. Gölmeneᅇ nup meme aka mötmöt meme mi yuai bölöᅇi qahö. Mianġöra ‘Anutu möt narizin,’ jiba Nahönᅇi Jisös kude mosötpin aka alaurupnini uruninan jöpaköm anġubin. Urukalem mi mönö kapanᅇ köla ak anġumakin.”

Kimbi kianġö bahöᅇi bohönᅇi 6 mi kewö:

Malmalgö könaᅇi mi Jisös 1.1-4

Asak aka söᅇaup uruᅇe malmal 1.5-2.29

Anutugöreᅇn aka Satangöreᅇn nahönbörat 3.1-24

Uᅇa ölöᅇᅇi aka öme mi mönö kewötme 4.1-6

Urukalemgö könaᅇi aka jimkutukutuᅇi 4.7-21

Mötnarip neᅇön bölöᅇi luhut alakin 5.1-21

Malmal köhöikᅇanġö keuᅇi mi Jisös Kraist

¹ *Nöᅇön malmal köhöikᅇanġö keuᅇi jimamġöra kimbi ki ohozal. Mutuhök malmalgö keu Toᅇan maliga mianġö könaᅇe öröyuai pakpak asuhuyök. Yanᅇön mala kota gölmeneᅇ eriga i jeninan eka böroninan silenᅇi misiriinga keuᅇi jii möta malin. ² *Oyaenġoyaenᅇ malmalgö Toᅇan asuhuiga neᅇön i eka könaᅇi naᅇġöba jiba dangunu ewö kinjin. Malmal teteköᅇi qahö mianġö Toᅇan Iwibuk mala kota eta asuhum neᅇᅇiyöhi, neᅇön mianġö Buᅇaᅇi jim asariba uruᅇini kuᅇguzin. ³ Neᅇön Iwi aka yanġö Nahönᅇi Jisös Kraist yetpuk urunini jöhöba mohot maljin. Inᅇini mewöyök uruᅇini nembuk jöhöba mohot malbingöra yuai eka mörini, mi jim tuarim enġizin. ⁴ Sösönġainöᅇ urunini kokolak qeᅇi malbingöra keu ki jim tuariba ohozin. Mewö.

Kembugö asakᅇe malmal

⁵ Buᅇa keu yanġö Nahönᅇanġöreᅇnök möta jim tuarim enġizini, mi kewö: Anutunöᅇn asakᅇanġö Toᅇi akza aka yanġöreᅇn söᅇaup kun qahö ahöza. ⁶ “Neᅇön yambuk urunini jöhöba mohot maljin,” mewö jitröᅇi jiba töndup aiakaninan jipjap aka söᅇaupnöᅇ maljin ewö, mönö keu muneᅇi jiba ahakmemeninan keu ölnᅇi qahö wuatāᅇġömakzin. ⁷ Anutunöᅇn asakᅇanġö uruᅇe maliga neᅇön mianġö dop aiakanini asakᅇanġö uruᅇe ahakzin

* 1:1: Jon 1.1 * 1:2: Jon 1.14

ewö, mönö sutnine urunini jöhöm anğuba mohok malinga Nahönji Jisös Kraistkö sepnan mönö şingisöndoknini pakpak şanğonmakza.

⁸ Urunine şingisöndok qahö ahöza, mewö jibinak ewö, mönö nanini tilipkôm anğuinga keu öljan urunine qahö kinma. Qahö! ⁹ Şingisöndoknini jim miwiknaizin ewö, yañon mönö urunji diñdinağö dop jöhöjöhö keunji pöndañ wuatanağöba şingisön-doknini mosöta ahakmemenini gonğonji pakpak şanğonmakza. ¹⁰ “Şingisöndok qahö ahin,” mewö jibin ewö, mönö keu Tonji onğiringa Anutunöñ munen jiji azi tandök aiga keujan urunine qahö kinma. Mewö.

2

Jisösnöñ awörök köiput Tonini akza.

¹ O (koko) gömukurupni, inñini şingisöndok akepuköra keu ki ohozal. Mi ohozalmö, kunöñ töndup şingisöndok akawak ewö, awörök köiput Toninan mönö ahöm nenğiza. Jisös Kraist yañon Iwigö kösutne mala keu pakpak diñdinağök kewöta ak nenğimakza. ² Awörök köiput Tonini yañon şingisöndokninanğö töwanji ala köl könjorat nenğiyök. Mi nenğö şingisöndokörök qahöpmö, mönö gölmenji gölmenji nenğoreñ şingisöndok mi mohotne köl könjoratmamğöra kömuyök. Mewö.

Temkölköl mi aiaka diñdini.

³ Anutugö jöjöpañ keunji tem kölakin ewö, mewö mianñon i möt wanğizini, mi ölop uruyahötnji qahö möt yaközin.

⁴ Kunñan “Anutu möt wanğizal,” jiba jöjöpañ keunji qahö tem köla wuatanağömakzawi, yañon mönö munen jiji ambaziwa aiga keu öljan yangö uruñe qahö kinja. ⁵ Qahöpmö, kunöñ Anutugö keunji tem köla wuatanağömakzawi, Anutugö urukalemñan mönö ölña yangö urunji kokolak qei aködamunñambuk malja. Mewö mianñon Anutubuk qekötahöba mohok maljini, mi möt yaközin. ⁶ Kunñan “Anutubuk qekötahöba maljal,” jizawi, yañon mönö Jisösnöñ ahakmemeni ahök, mönö mianğö dop aka memba malma. Mewö qahö aka maliga qahö dop kölja. Mewö.

Urukalem akingö jöjöpañ keu dölökñi

⁷ *O wölböt alaurupni, nöñon jöjöpañ keu dölök-kunñi qahöpmö, jöjöpañ keu walñi könakonahineyök ahöm enğizawi, mönö mia ohom enğizal. Jöjöpañ keu walñi mianğö Buña keunji mi lök möta mala kotket. ⁸ Töndup mianğö jimkutukutuñi dölökñi mi enğöra ohozal. Söñaupnöñ ayapkömangö aiga asakñi öljan lök asarim qarimakzawi, mianğöra jöjöpañ keu mianğö öljan mönö Anutugoreñ aka enğoreñ ahuba ahöza.

⁹ Kunñan jitñan “Asakñe maljal,” jizapmö, alañi kazik ak wanğizawi, yañon mönö toroqeba söñaup uruñe malja. ¹⁰ Kunñan alañi jöpaköm wanğimakzawi, yañon mönö asakñağö uruñe pöndañ maliga silikñan tosatñi şingisöndok akñegöra qahö kondorakza. ¹¹ Mewö, kunñan alañi kazik ak wanğizawi, yañon mönö ömuñe jipap mala ahakmemeni söñaup uruñe ahakza. Söñaupnöñ jeñi mem sohoiga jaljuñ aka maljawanğöra aka denike anmawi, mi nanñak qahö möt kutumakza. Qahö.

Anutunöñ şingisöndoknini kösöloñanimakza.

¹² O nahönböraturupni, Jisösnöñ kömumba qet ketañi memba maljawanğöra aka Anutunöñ enğö şingisöndokñini mosöta kösöloñanim teköyök. Mianğöra keu ki enğöra ohozal. ¹³ O iwiurupni, kunöñ

* 2:7: Jon 13.34

könakönahineyök mala kotzawi, injini i möt wangiba mala kotze. Mianğöra keu ki engöra ohozal. O gwaböurupni, injini bölöngö Tonji luhut al wangiba maljei, mianğöra keu ki engöra ohozal. Nahönböuratupni, injini Iwigö könani möt kutuba maljei, mianğöra keu ki engöra ohozal.

¹⁴ Iwiurup, kunöñ könakönahineyök mala kotzawi, injini i möt wangiba mala kotze. Mianğöra keu ki ohobiga engören kaza. Azi gwaböurup, injini Anutugören Buña keu uruñine algetka köhöiba kiniga ösum-mumuñinambuk aka bölöngö Tonji luhut al wangiba malje. Mianğöra keu ki ohobiga engören kaza. Mewö.

Gölmegö ahakmeme bölöñi mi yakörime.

¹⁵ Injini gölmegö ahakmeme bölöñi aka yuai pakpak mianğören ahözawi, mianğöra kude ak engima. Kunñan uruñan gölmegö ahakmemegöra ak wangiza ewö, Iwigö urukalemñan mönö yangö uruñe qahö kinja.

¹⁶ Gölmegö ahakmeme mi kewö: Ambazipnöñ sileñinangö sihim kömbönañini bölöñi mörakze. Yuai jeñinan eka eksihim aka köpösöngömakze aka gölmegö malmalñinangöra piririköba töröraiba sileñini memba öngömakze. Mi aka urukönöp tosatñi mi Iwigörenök qahö kaza. Qahö! Mi mönö gölmegö ahakmeme bölöñi akza. ¹⁷ Gölmegö ahakmemenöñ göröñ qema aka mianğö sihimñi bölöñi bölöñi mi mewöyök göröñ qememö, kunñan Anutugö jit sihitñi tem köla wuatangömakzawi, yañön mönö böñ qeba nalö teteköñi qahö mal köhöima. Mewö.

Kraistkö tuarenjonurupñi lök asuhuze.

¹⁸ O (koko) gömokurupni, Kraistkö salupñe* kinda tuarenjon ak wangimawañön nalö teteköñe asuhumawi, mi lök jigetka mötze. Keu mianğö dop nalö kewöñe Kraistkö tuarenjonurupñi gwötpuk lök asuhuba kinje. Keugö ölni mewö asuhuyöhangöra aka nalö teteköñangö uruñe lök kangota maljin, mi mötzin. Mianğö aiwesökñi mewö. ¹⁹ Tuarenjon ambazip mienön nanine kambunöhök mala neñgömosöta anget. Uruñini nembuk munen-munen jöhöba mötnarip könagesö sutnine lan mala buratiget. Neñgören könagesö ölni akeak ewö, mönö nembuk pöndañ qekötahöba mohokñe malbinak. Neñgömosöta tikep kinjei, silik mianjön mönö könani kewö kondeliga eka mötzin: Yenğörenök kunöñ nembuk ölna mohot qahö aka malök.

²⁰ Yenön tikep kinjemö, Kraistnöñ Uñani Töröñi engö uruñine mokoiga bedu memba inahöm enjiiga körek enön keu ölni möt kutuba malje. ²¹ Injini keu ölni qahö möt kutubepuköra aka keu ki qahö ohom engizal. Mewögöra qahöpmö, injini keu ölni möt kutuze aka keu ölnan keu munenji kun kondotmamgö osimakza. Mianğöra keu ki ohom engizal.

²² Jisösnöñ Amötqeqe Tonji Kraist akzapmö, kun dañön keu mi qañ köljawi, yañön mönö isimkakalek ambaziwa akza. Yañön Kraistkö salupñe kinda tuarenjon ak wangiba Iwi aka yangö Nahönñi mi mohokñe qañ köl etkimakza. ²³ Kunñan Iwigö Nahönñi qañ kölakzawi, yañön Iwiñi qahö öne malja. Kunñan Nahönñi jim miwikñaimakzawi, yañön mönö Iwi mewöyök miwikñaiba yambuk malja.

²⁴ Injini Buña keu könakönahineyök möta kotkeri, mi uruñine köhöiba kinmapköra galömjini meme. Buña keu möta kotkeri, mianjön uruñine

* **2:18:** Kraistkö tuarenjonji mi Antikraist. Grik keu anti, mianğö könani yahöt. Yañön Kraistkö salupñe kinja aka Kraist ölni tuarenjon ak wangimakza.

kinma ewö, injini mewöyök mönö böñ qeba Iwi aka yañgö Nahönñi yetpuk qekötahöba kinme. ²⁵ Kraistnöñ jöhöjöhö keu kewö neñgii ahöza, “Nömbuk kinme ewö, mönö oyaenköyaen malmal enjigibiga teteköñi qahö mal köhöime.”

²⁶ Tosatjan esapköba janjuñ mem enjimakzei, nöñön yengöra aka keu mi ohom enjizal. ²⁷ Tosatjan janjuñ ahakzemö, Kraistnöñ Uña Töröñi enjö uruñine mokoiga bedu memba inahöm enjimakza. Uña yañön uruñine böñ kini qahö löwörime ewö, enñön mönö böhi kungöra qahö osime. Mi kewögöra: Yañgö Uñañan mönö ahakmemegö keu pakpak kusum enjimakña. Bedu memba inahöm enjimakzawi, mianñön yuai muneñi kun qahöpmö, mötmöt ösumñi öl töhöññanök akza. Mianñgöra keu ölni kusum enjyöhañgö dop mönö keuñi pakpak tem köla Kraistpuk töp qekötahöba kinme.

²⁸ O (koko) gömokurupni! Injini mönö Kraistpuk töp qekötahöba kinme. Yambuk kinda malinga kunbuk asuhumawi, nalö mianñgöreñ qahö közöl neñgiiga gamu qakñe qahö mömölaköba anbinmö, ölöp yañgö jeñe awösamkakak qakñe tamehök kinbin. ²⁹ Kraistnöñ solanñi akzawi, injini keu mi möt kutuze ewö, mönö keu ki mewöyök ölöp möt asarime: Ambazip körekñan ahakmeme solanñi ahakzei, yeñön mönö mewöyök Anutugöreñök ahuba nahönböraturupñi akze. Mewö.

3

Neñön Anutugöreñök ahuba nahönböratñi akzin.

¹ *Mötket! Suep Iwininan neñgöra “Nani nahönböraturupni,” mewö neñgohola mianñön urukalemñi ketanñi kondel neñgimakza. Nini ölna Anutugö nahönböraturupñi akzin. Mi akzinañgöra gölme ambazipnöñ könañamnini qahö möt kutuba malje. Anutugö könañi qahö möt kutuzanañgöra nanine könañamninañgöra mewöyök tötöpinpin malje. ² O wölböt alaurupni, nalö kewöñe nini Anutugö nahönböraturupñi aka maljin. Mewö mala könañgep denöwö aka malbini, mi aukñe qahö asuhuyök. Mohok kun mötzini, mi kewö: Yañön kunbuk aukñe asuhuiga kaisongolomñi ölni jeninan ekini, nalö mianñgöreñ mönö letota i ewö akin. ³ Denike yeñön Kraistköra jörömqöröm mewöñi ak wañgizei, yañön mönö i köl köñjorat mem enjiiga yañgö tandök ewö sarakñi aka malme.

⁴ Denike yeñön siñgisöndok akzei, yeñön mönö köna keu qeba walöñmakze. Siñgisöndok mi iwilele ahakmemeya. ⁵ *Kraist nannak siñgisöndokñi kun qahö yañön nanine siñgisöndoknini köl köñjoratmamgöra eta asuhuyöhi, mi ölöp mötze. ⁶ Denike yeñön Kraistpuk böñ qeba kinjei, yeñön siñgisöndok qahö aka malje. Kunñan siñgisöndok toroqeba ahakzawi, yañön Jisös qahö eka könañi qahö möt kutuba malja. Mewö.

⁷ O (kokourupni) gömokurupni! Kunñan janjuñ mem enjibapuköra mönö galömmñi mem anğuba malme. Kraistnöñ solanñi akzawi, yañgö dop ahakmeme solanñi törörök wuatañ-gömakzawañön mönö solanñi akza. ⁸ Bölöñangö Toñan köna-könañeyök siñgisöndok aka kota malja. Mianñgö dop denike yeñön siñgisöndok ahakzei, yeñön mönö Bölöñi Toñangö buñaya akze. Anutugö Nahönñan mönö yañgö nupñi yaiñ memamgöra eta asuhuyök.

⁹ Denike yeñön Anutugöreñök asuhugeri, yengöreñök kunñan malmal qainñi kun uruñe ahözawañgöra mönö siñgisöndok qahö toroqeba

ahakza. Ahuahu dölökñi ahuba maljawangöra aka singisöndok toroqeba akñamgö osimakza. ¹⁰ Denike yeñon Anutugö nahönböratñi aka denike yeñon Bölöñi Tonangö nahönböratñi akzei, mi kewö kewöta möt asaribin: Kunñan ahakmeme solanñi qahö wuatangömakzawi, yeñon mönö Anutugö buñaji qahö akza. Mewöñanök kunñan alaurupñi qahö jöpaköm engimakzawi, yeñon Anutugö buñaya qahö akza. Miangö aiwesökñi mewö.

Injini mönö jöpaköm anguba malme.

¹¹ *Buña keugö kötni könakönahineyök möta kota maljini, miangö jöjöpañ keuñi kewö: Nini mönö urunöñ jöpaköm anguba malbin. ¹² *Kein (Kain) yeñon Bölöñi Tonangö buñaya mala munñi qei kömuyök. Nini mönö i ewö aka malbinbuk. Yeñon kewögöra munñi qeyök: Nanñi ahakmemeñan bölöñi ahökmö, munñan-göreñan solanñi ahök. Mönö miangöra qeyök.

¹³ O urumelenj alaurupni, gölme ambazipnöñ kazik ak engime ewö, miangöra mönö kude welipköme. ¹⁴ *Nini urumelenj alaurupnini jöpaköm engimakzinañgöra aka keu ki möt asarizin: Nini kömup köhöikñangö jaböñi walöñda malmal köhöikñe angota maljin. Kunñan urukalem qahö ahakzawi, yeñon mönö toroqeba kömup köhöikñangö uruñe kinma. ¹⁵ Ambazip alaurupñini kazik ak engimakzei, körek yeñon mönö köhömuñi enguenju ambaziwa akze. Malmal köhöikñi mi enguenju ambazip mewöñi kungö uruñe qahö ahöza, mi ölop möt yaköze.

¹⁶ Jisös Kraistnöñ malmalñi nengöra aka kölenja mosöta jöpaköm anguangugö könañi mewö kondel neñgiiga eka möt kutuzin. Neñon mönö mewöñanök malmalnini urumelenj alaurup yeñgöra aka kölenja mosöringa dop köлма. ¹⁷ Kunñan gölmegö öroyuaini dopñe memba maliga alañan yuaigöra osiba mözöqözöröñ aiga ekzapmö, töndup ekbonep aka uruñi jöhöza ewö, Anutugö urukalemñan mönö yangö uruñe denöwö kinbawak? ¹⁸ O (koko) gömokurupni, jöpaköm anguangü mi numbu jitninan keu töhöñök timbiliba jimakinbukmö, mi mönö ahakmemeninan keu ölni wuatangöba aka malbin.

Mönö Anutugö jemesoholñe tamehök kinbin.

¹⁹ Nini keu ölnangö buñaya akzin me qahö? Akzin ewö, mönö ölop urunini böñjöñ köliga Anutugö jemesoholñe awösamakak kinbin. Keu mi nanini kewöt anguba kewö möt kutubin: ²⁰ Uruninan yuai bölöñangöra aka jim nengiza ewö, nini keu ki ölop möt yaközin: Anutunöñ kewötkewöt Tonini aka keunini diñdiñanök kewötma. Anutugö mötmötñan mönö nanine mötmötnini ongita öngöñgöñi aiga keu pakpak ölop möt teköza. Miangöra ölop urunini böñjöñ köliga malbin.

²¹ O wölböt alaurupni, uruninan qahö jim nengiza ewö, nini mönö Anutugö jemesoholñe awösamakak aka tamehök kinbin. ²² Nini Anutugö jöjöpañ keuñi tem köla ahakmemenini dop köl wangimakzawangö dop aka memba malakzin. Miangöra yuai kungöra köuluköba qesim wangibini, mönö mia neñgii buña qem angubin.

²³ *Anutugöreñ jöjöpañ keu yahöt mi kewö: Nini mönö Nahöññi Jisös Kraistkö qetñi memba möt nariba urunini melenbin aka jöjöpañ keu jim kutum neñgiyöhanjö dop jöpaköm anguba malbin. Mewö qahö aka malbinak, mi Anutugö jeñe qahö dop kölbawak. ²⁴ Denike yeñon Anutugö

* 3:11: Jon 13.34 * 3:12: Jen 4.8 * 3:14: Jon 5.24 * 3:23: Jon 13.34; 15.12, 17

jöjöpaŋ keuŋi tem kölakzei, yeŋön mönö Anutubuk qekötahöba malgetka Anutunöŋ yembuk lapingöba kinja. Yaŋön nembuk lapingöba kinjawi, mi Uŋaŋi Töröŋi neŋgiiga urunine saŋep ala maljawangöra möt kutuzin. Mewö.

4

Uŋaya me ömeya mi mönö könaŋini kewöta mötme.

¹ O wölböt alaurupni, kezapqetok ambazip takapulakaŋi gwötpuk mi gölme dop liliköba maljei, miaŋgöra keu pakpak mi zilaŋ kude memba möt narime. Anutugö Uŋaŋan me öme kunŋan sölölohöiga asuhuzawi, mi mönö mutuk esapesapnöŋ ala kewötmē. ² Anutugö Uŋaŋaŋgö könaŋi mi mönö kewö kewöta möt miwikŋaime, “Jisös Kraistnöŋ eta silebuk aka malök,” denike yeŋön keu mi jim miwikŋaimakzei, yeŋön mönö körek Anutugö buŋaya akze. ³ Kunŋan Jisösgö könaŋi mewö qahö jim miwikŋaimakzawi, yaŋön Anutugö buŋaya qahö akza. Kraist tuarenjonaŋgö ömeŋan mönö yaŋgö uruŋi sölölohöiga keu jimakza. Kunöŋ asuhuba Kraistkö salupŋe kinda tuarenjonaŋ ak wangimawi,* keu mewö jiget mötketka yaŋön lök nalö kewöŋe gölmenöŋ asuħuza.

⁴ O (koko) gömokurupni, iŋini Anutugö buŋaya aketka Uŋa Töröŋan uruŋine kinda gölmegö ömewörömeŋi mi eŋgongita luhut al eŋgimakza. Miaŋgöra kezapqetok ambazip takapulakaŋi mi ölöp luhut al eŋgiba malje. ⁵ Yeŋön gölmegö buŋaya aketka gölmegö ömeŋan sölölohöm eŋgimakze. Miaŋgöra gölmegö ahakmemēŋi wuatangöba keu jigetka urumelenöŋ kopa ambazip yeŋön keuninaŋgöra kezap ala mörakze.

⁶ Nini Anutugö buŋaya ahinga Uŋa Töröŋan sölölohöm neŋgimakza. Anutu möt wangizeaŋön mönö neŋgö keuninaŋgöra kezap ala mörakze. Anutugö buŋaya qahö akzei, yeŋön neŋgö keuninaŋgöra kezap qahö ala mörakze. Keu ölnaŋgö Uŋaŋi aka isimkakalekö ömeŋi yetkö könaŋiri mi mönö mewö kewöta möt kutumakzin. Mewö.

Anutunöŋ urujöpakö könaŋi akza.

⁷ O wölböt alaurupni! Anutunöŋ jöpaköm aŋgungugö jalöŋi akza. (Miaŋgöra urukalem mi o jeŋaŋgö tandök ewö ahöba korakza.) Miaŋgöra nini mönö jöpaköm aŋguba malbin. Mewö aka maljini, körek neŋön mönö Anutu möt wangiba yaŋgöreŋök ahuahu dölöŋki aħuba maljin.

⁸ Anutunöŋ urujöpakö Toŋi akza. Mewö akzawangöra kunŋan ambazip qahö jöpaköm eŋgimakzawi, yaŋön mönö Anutu qahö möt wangiba tönpin malja. ⁹ Anutunöŋ urukalemŋi kewö kondeli sutnine asuhuyök: Yaŋön Nahöŋŋi mohok-kunŋan nam köl neŋgii mal köhöibingöra aka melaiiga gölmenöŋ erök. ¹⁰ Nini Anutu jöpaköm wangiinmö, miaŋön urukalemgö könaŋi qahö. Urujöpakö könaŋi mi kewö: Anutunöŋ jöpaköm neŋgiba siŋgisöndoknini köl könjöratmangöra Nahöŋŋi melaiiga neŋgöreŋ erök.

¹¹ O (koko) gömokurupni, Anutunöŋ mewö önöŋi qahö jöpaköm neŋgiyöhaŋgöra neŋön mönö mewöŋanök uruninan jöpaköm aŋgumakin. Urukalem qahö ak aŋguinga qahö dop kölja. ¹² *Kunŋan kun Anutu nalö kunöŋ qahö ehökmö, jöpaköm aŋguba maljin ewö, Anutunöŋ mönö urunine lapingöba kiniga urukalemŋan urunini kokolak qeiga aködamuninambuk maljin.

* **4:3:** Kraistkö tuarenjoni mi Antikraist. Grik keu anti, miaŋgö könaŋi yahöt. Yaŋön Kraistkö salupŋe kinja aka Kraist ölni tuarenjonaŋ ak wangimakza. * **4:12:** Jon 1.18

¹³ Nini Anutubuk qekõtahöba malinga yañon urunine lapingöba kinjawi, mi Uñaji Töröñi neñgiyöhañgöra aka möt kutuba uruyahöt qahö ahakzin. ¹⁴ Iwinöñ Nahönñi gölmeñi gölmeñi neñgö Amötqeqe Tonini akñapköra melaiiga erök. Neñon mi eka möta nanğöba jimakzin. ¹⁵ Kunñan “Jisös Anutugö Nahönñi akza,” jiba jim miwikñaimakzawi, Anutunöñ mönö yañgö uruñe lapingöba kiniga yañon Anutubuk qekõtahöba malja.

¹⁶ Anutunöñ uruñan jöpaköm neñgimakzawi, nini miangö könañi möta miangöreñ möt narimakzin. Anutunöñ urujöpakö Tonji akza. Mewö akzawañgöra kunñan ambazip jöpaköm eñgiba maljawi, yañon mönö Anutubuk qekõtahöba kiniga Anutunöñ yañgö uruñe lapingöba malja. ¹⁷ Mewö malinga köngörököm neñgiiga Anutugö urukalemñan urunini kokolak qeiga aködamu-ninambuk maljin. Nini Kraistkö tandök ewö gölme kusukñi kiangöreñ maljin. Mewö maljinañgöra aka Anutugö jimtekötekö nalö ketañe Kraistkö jeñe añgota miangöreñ awösamkakak aka tamehök kinbin.

¹⁸ Anutunöñ jöpaköm neñgiiga kinda öne töhöñ keñgötnini mötpinbuk. Singisöndok ambazip yañon Anutunöñ singisöndok-ñinañgö likepñi meleñ eñgibapüköra keñgötnini mörakzemö, Anutugö urujöpakñan urunini kokolak qeiza ewö, miangön mönö keñgöt mötmöt pakpak yakörim tekömakza. Miangöra kunñan keñgötñi mörakzawi, yañon jöpaköm neñgimakzawañgö könañi mi törörök qahö möt teköza.

¹⁹ Yañon mutuk jöpaköm neñgiyöhañgöra aka nini urukalem ahakzin. ²⁰ Kunñan “Anutu jöpaközal,” jizapmö, alañi kazik ak wañgimakzawi, yañon mönö muney jiji ambaziwa akza. Miangö könañi kewö: Alañi eka töndup qahö jöpaköm wañgiza ewö, yañon Anutu qahö eka i mönö denöwö jöpaköm wañgibawakto? ²¹ Kunñan Anutu jöpaköm wañgimakzawi, yañon mönö alaurupñi mewöyök jöpaköm eñgiba malma. Anutunöñ jöjöpañ keuñi mewö al neñgiyök. Mewö.

5

Mötnarip ambazip neñon luhut alakin.

¹ Denike yañon Jisös möt nariba “Amötqeqe Tonina akza,” jimakzei, körek yañon mönö Anutugöreñök ahuahu dölokñi ahuaba malje. Denike yañon Iwi jöpakömakzei, körek yañon mönö yañgö Nahönñi mewöyök jöpaköm wañgimakze. ² “Anutugö nahönbörat-urupñi jöpaköm eñgizin,” jiinga keu miangö öñi mi nanini kewögöra kewöt añguba mötzin: Anutu jöpaköm wañgiba jöjöpañ keuñi tem köla wuatangömakzin ewö, mönö Anutugö nahönbörat-urupñi mewöyök jöpaköm eñgimakin. Miangö aiwesökñi mewö. ³* Anutu jöpaköm wañgibingö öñi mi temkölköl. Anutugö jöjöpañ keuñi wuatangöinga dop kölja. Jöjöpañ keuñi tem kölinga lömbötñambuk qahö akña.

⁴ Anutugöreñök ahuahu dölokñi ahuini, körek neñon ölop yañgö jitñi tem köla gölmegö ahakmeme bölöñi luhut alakin. Anutunöñ mötnarip neñgiiga miangö qakñe köululuköinga lök gölmegö ahakmeme bölöñi memba et alök. Luhut albingö köna murutñi kun qahö ahöza. ⁵ Neñon luhut qahö albinak ewö, denike yañon mönö mi akeak? Jisösnöñ Anutugö Nahönña akzawi, mi möt narizawañon mönö gölmegö ahakmeme bölöñi luhut alakza. Mewö.

* 5:3: Jon 14:15

Anutunöŋ Nahönŋaŋgö keu kewö naŋgöba jiyök:

⁶ Jisös Kraistnöŋ Anutugö Nahönŋa akzawi, mi denöwö mötzin? Jisösnöŋ oe geiga Jonöŋ o melun mem waŋgiiga Anutunöŋ nalö miangöreŋ keu mi jiiga mötket aka kónaŋgep seppi mokomamgö aiga miangöreŋ qet kun Suepnöhök asuhuiga mötket. Keu onöŋ indim mohok asuhuyöhi, miyök qahö. Suep Toŋan keu naŋgöba jiyöhi, miangö aiwesökŋi mi o aka sep, yahöt mi. Toroqeba Uŋa Töröŋan keu mi jimakza. Yanŋon keu ölnaŋgö Toŋi akzawaŋgöra aka muneŋ jimamgö osimakza.

⁷ Naŋgönaŋgö keu karöbut mi mewö mörin ahöza. ⁸ Keu karöbut miengö aiwesökŋini mi Uŋa, o aka sep. Keuŋini mi öröröŋ aukŋe möringa dop köl teköza. ⁹ Keu jakenŋe kaŋgota naŋgönaŋgö ahakzei, mi ölop möt angön kölakzinmö, Anutugö naŋgönaŋgö keuŋan mönö ambazip keunini ongita pöwöwöm köhöikŋi akza. Anutunöŋ Nahönŋaŋgöra “Nani Nahöna!” qeta kónaŋi mewö aukŋe naŋgöba jiyök. Miangöra keu mi andö qebinbuk.

¹⁰ Kunŋan Anutugö Nahönŋi möt narimakzawi, naŋgönaŋgö keu Toŋan mönö nanŋak yaŋgö uruŋe maliga yaŋgö kónaŋi ölop möt yaköza. Kunŋan Anutu qahö möt narimakzawi, yaŋŋon mönö naŋgönaŋgö keu Toŋi nanŋi memba et aliga muneŋ jiji azia ahakza. Anutunöŋ keu kötnji Nahönŋaŋgöra naŋgöba jiyöhi, yaŋŋon keu mi qahö möt narizawaŋgöra mönö Anutu nanŋi andö qeba qetalakza. ¹¹ *Anutunöŋ keuŋi kewö naŋgöba jiyök, “Nöŋon malmal köhöikŋi enŋimamgö jiali, nani Nahönan mönö malmal kömbönaŋi miangö kondotkondot Toŋi akza.” ¹² Yaŋgö Nahönŋambuk maljawaŋŋon mönö malmal köhöikŋi buŋa qem anguba malja. Anutugö Nahönŋambuk qahö maljawaŋŋon mönö malmal köhöikŋi mi qahö buŋa qem anguba malja. Mewö.

Malmal köhöikŋaŋgö kónaŋi

¹³ Uruŋini melenŋa Anutu Nahönŋaŋgö qetŋi memba möt narimakzei, nöŋon kimbi ki enŋöra ohozal. Malmal köhöikŋaŋgö buŋaya akzei, inŋini miangö kónaŋi törörök möt kutumegöra ki ohozal. ¹⁴ Nini ölop awösamakak aka Anutugö kösutŋe anda köuluköba kinda kewö möt yaközin: Wani yuaigöra yaŋgö jit sihitŋaŋgö dop köuluköm waŋgibini, yaŋŋon mönö köuluknini mi mötma. ¹⁵ Mi me mi miangöra köuluköŋga köuluknini mötmapkö mötzin ewö, mönö keu ki mewöyök möt kutuzin: Wani yuaigöra köuluköm waŋgizini, mi pakpak mönö nenŋö buŋanina akŋa.

¹⁶ Kunŋan alaŋi ehi siŋgisöndok ahiga mianŋon kömup köhöikŋaŋgö buŋaya qahö akŋawi, yaŋŋon mönö alaŋi miangöra Anutu köuluköiga amöt qem waŋgiiga malmal köhöikŋe angotma. Siŋgisöndok Anutunöŋ mosötmawaŋgö dop akeri, keu ki mönö yengöra jizal. Tosatŋan siŋgisöndok aketka mianŋon kömup köhöikŋaŋgö buŋaya akŋei, yengöra köulukömegöra mi qahö jizal. Qahö. ¹⁷ Ahakmeme bölöŋi pakpak mi siŋgisöndok akza. Köpösihit tosatŋi ahinga mianŋon kömup köhöikŋaŋgö buŋaya qahö akin. Mewö.

Mötnarip ambazip nenŋon Anutubuk qekötahöba kinŋin.

¹⁸ Denike yeŋŋon Anutugöreŋök ahuahü dölökŋi ahugeru, yengöreŋök kunŋan siŋgisöndok qahö toroqeba ahakzawi, mi mötzin. Anutugöreŋök ahuahü dölökŋi ahüba maljawaŋŋon mönö nanŋi galöm mem anŋuiga Bölöŋaŋgö Toŋan i qahö qeraköba mema.

* 5:11: Jon 3.36

¹⁹ Nini keu ki mötzin: Nini Anutugö buṇaya akzinmö, gölme dop yeṇön uruṇini qahö melenḁa Bölöṇi Toṇaṅgö kukösum bapṇe malgetka galöm köl eṅgimakza.

²⁰ Keu ki mewöyök mötzin: Kunöṇ öl töhöṇṇi akzawi, nini i möt waṅgibingöra Anutunöṇ Nahönṇi melaiiga eta möt-asa-asari neṅgiyök. Kunöṇ öl töhöṇṇi akzawi, nini yambuk qekötahöba mohok aka maljin. Öl töhöṇṇi yaṇön mönö Anutugö Nahönṇi Jisös Kraist. Yaṇön Anutu ölböḁṇi aka malmal köhöikṇaṅgö kondotkondot Toṇi akza.

²¹ O (koko) gömokurupni, tandö lopionṇi aka bem munenṇi tosatṇan köpeiba qeraköm eṅgibepuköra mönö nanṇini galöm mem aṅguba malme. Mewö.

Jongöreñ Kimbi 2 Jonöñ Kimbiñi aliga 2 ahök. Jim-asa-asari

Buñä Kimbi kianğö tonji yañön nannji qetñi “Jitñememe kun,” qerök. Yañön kimbi mi “Wölböt ambi aka yañgö nahönböraturupñi,” yengöra alök. Keu tölapñi mi urumelen könagesö kungö söpsöp keuya. Nahönbörat mi könagesö aiga wölböt ambi mi yengö galömnjina. Buñä Kimbigö keu töröpñi kianğön jöpaköm anğubingöra uru kuñgum neñgimakza aka böhi takapulakanji yepñön ambazip kusum engigetka keuñinan sehibapukö galöm meme keuya akza.

Buk kianğö bahöñji bohonñi 4 mi kewö:

Keu mutukñi 1-3

Urukalem mi yuai bohonñi 4-6

Keu goñgoñan sehibapukö galöm meme keu 7-11

Kimbigö keu kötnji bohonñi 12-13

¹ O ambi sorok!

Anutunöñ möwölöhöm gihiiga urumelen könagesöurupki galöm köl eñgiba kinjan. Nöñön inñini keu ölnjanğö dop uru könömnan jöpaköm eñgimakzal. Nanök qahöpmö, ambazip keu ölnji möt kutuzei, körek yepñön mönö mewöyök inñini jöpaköm eñgiba malje. Nöñön jitiñememeya akzal aka göbuk keu eraum mötpitköra kaba kimbi ohozal. ² Keu ölnjan urunine kinja aka nembuk teteköñi qahö ahöm öngöma. Nöñön Buñä keu mianğöra aka jöpaköm eñgizal.

³ Nini keu ölnji wuatangöba urunöñ jöpaköm anğuba maljin ewö, Iwi Anutu aka Iwigö Nahöññi Jisös Kraist yetkön mönö ak kömumba kalem möriam neñgiyohotka luainöñ malbin.

Urukalem aka keu ölnji mi mohotñe wuatangöme.

⁴ Iwinöñ urukalemğö jöjöpañ keuñi neñgiyöhi, mianğö dowök göhö könagesöurup tosatñan keu ölnjanğö dop ahakmemenñini aka memba malje. Nöñön silikñini mewöñi ekiga sösongai ketañi ak niñgimakza. Mewö.

⁵ *O wölböt alani ambi ketañi, nalö kewöñe jöjöpañ keu ohom gihizali, mi keu döläkñi qahö. Keu könakönahineyök könahiba mörini, nöñön mönö keu mi kunbuk ohoba kewö qesim gihizal: Nini mönö uruninan jöpaköm anğuba malbin. ⁶ Jöpaköm anğuba malbingö keuñi jizali, mianğö ölnji kewö: Nini mönö Anutugö jöjöpañ keuñi pakpak tem köla ahakmemenini ak memba malbin. Körek eñön jöjöpañ keu könakönahineyök möta malgeri, mi kewö: Inñini mönö uruñinan jöpaköm anğuba malme.

⁷ Isimkakalek ambazipnöñ Jisös Kraistköra kewö jim miwik-ñaimakze: “Amötqege Tonjan gölme azi silebuk asuhumangö osiyök.” Mewö jim miwikñaiba tilipqilip aketka eñololon asuhumakza. Ambazip isimkakalek mewöñi mi Kraistkö salupñe kindä tuarenjoñ ak wañgimakze. Ambazip mewöñi gwötpukñan lök gölmenji gölmenji liliköba lan anda kaba malje. ⁸ Neñön urugö nup meinga ölnji uruñine asuhuyöhi, mianğön sohoba pömsöm qebapuköra mötzal. Mianğöra isimkakalek ambazipnöñ eñololon

* 1:5: Jon 13.34; 15.12, 17

ak enġibepuköra mönö galömnġini mem aŋġuba malme. Mewö malgetka uruŋinaŋġö ölnjan qahö sohoiga Kembunöŋ töwaŋini körek enġim teköma.

⁹ Kraistnöŋ keu kusum neŋġiyöhi, kunŋan mi qahö qekötahözapmö, mi oŋgita keu toroqeiga lolonqalonġ jimakzawi, yaŋön Anutuŋġi qahö. Denike yeŋön Kraistkö Buŋa keuŋe qekötahözei, yeŋön mönö Iwi aka Nahön yetpuk köhöiba malje. ¹⁰ Kunöŋ Buŋa keu jömukŋi mi qahö memba enġöreŋ kazawi, iŋini mönö yaŋġö jölöŋi kude jiba miriŋine kude örögetka öŋġöma. ¹¹ Kunŋan yaŋġö jölöŋi jimawi, yaŋön mönö bölöŋamŋaŋġö lömbötŋi öroi qakŋe öŋġöiga öröröŋ bisimahot. Mewö.

Keu teteköŋi

¹² Nöŋön enġöra keu sehisehiŋi ohomamġö sihimŋi mötzalmö, mi papia sinŋe iŋknöŋ ohomamġö qahö möta mosötzal. Enġöreŋ kusuk kaba mesohol köla keu eraum mötpingö mamböta jörömġöröm akzal. Aitonġöbini, nalö miangöreŋ köisirik tata eraum möta sösoŋgainini körek ahum teköba urunini kokolak qeiga malbingö mötzal.

¹³ Anutunöŋ ambi alagi galöm nupköra möwölöhöyöhi, ambi sorok yaŋġö könagesöurupŋan yaizökzökŋini algetka göhöreŋ kaza.

Jongöreñ Kimbi 3 Jonöñ Kimbiñi aliga 3 ahök. Jim-asa-asari

Buña Kimbi kiangö tonji yañön nannji qetñi “Jitñememe kun,” qerök. Yañön Kimbi mi urumelenj könagesö kungö jitñememe kun qetñi Gaius yañgöra alök. Gaiusnöñ urumelenj ambazip tosatñi miri aka nene yuai bauköm engiba malök. Miangöra i möpöseim wangiyök aka tuaköpek azi kun qetñi Diotrefes yañgöra galöm meme keu jiyök.

Buk kiangö bahöñi bohonñi 5 mi kewö:

Keu mutukñi 1-4

Jonöñ Gaius möpöseiza 5-8

Diotrefesgö galöm meme keu 9-10

Demitriusgö sösöñgai keu 11-12

Buk kiangö keu kötnji bohonñi 13-15

¹* O wölböt alani Gaius!

Nöñön jitñememe kun aka göbuk keu eraum mötpitköra kaba kimbi ohozal. Nöñön keu ölñangö dop urunan jöpaköm gihiba maljal.

² O wölböt alani, göhö uñagan Anutubuk qekötahöba ölöwahi maljani, mi mötzal. Mewöñanök sile unditundit mala yuai pakpak miangöreñ töhötmöriam miwikñaiba malmangöra Anutu köuluközal. ³ Urumelenj alaurup tosatñan göhöreñök kaba göhö kösohotki kewö nangöba jigetka möral, “Göñön Anutugö keu ölnji pöndañ wuatangöba aka memba maljan.” Mewö jiget mötpiga sösöñgai ketanji ak niñgiyök. ⁴ Nöñgö (koko) gömokurupnan Anutugöreñ keu ölnji wuatangöba aka memba maljei, nöñön keu buzup mewöñi möta öñöñi qahö söñgaimakzal. Buzup murutñi kunöñ sösöñgai öñgöñgöñi mi qahö öñgiri mötzal. Mewö.

Jonöñ galöm azi qetñi Gaius möpöseiza.

⁵ O wölböt alani, gi urumelenj alaurup welen qem engiba miangöreñ pöndañ kinda malakzan. Yengöreñök tosatñan miri liliköba engöreñ kamakzei, mi köyan köñ engimakzan. Möt engizani me qahö, mi töndup ölöpñanök bauköm engimakzan.

⁶ Gi urugan jöpaköm engiba malnöñi, yengöreñök tosatñan ki kaba mötnarip kambugö jeñine könañangi mewö nangöba jiget mörin. Miangöra alaurup mewöñan engöreñ kamei, mi mönö bauköm engiba malnöñga ölöp amqeba nup memba könañini toroqeba anme. Nup mewöñi mi Anutugö jeñe dop köñ wangimawangö dop toroqeba memba malman. ⁷ Yeñön Kraistkö buñaya akzeangöra aka nannñi miriñini mosöta liliköba qet-buñanji jim sehimakze. Nup mewö memba urumelengö kopa ambazip yengöreñök nene yuai kun qahö memakze. ⁸ Miangöra Jisösgö alaurup neñön naninök alaurup mewöñi köñ öroba nangöm engiinga dop köñma. Nini nup bahöñi mi memba miñön keu ölñangö Tonji mohotñe welen qem wangiiinga keunji öññan sehimakña. Mewö.

Diotrefes ewö akanbukö galöm meme keu

* 1:1: Apo 19.29; Rom 16.23; 1 Kor 1.14

⁹ Nöñön mötnarip kambu engöra kimbi kun ohoyal. Mi ohoyalmö, Diotrefes jitnememe azi yañön sutñine galöm bohonñi malmamgö sihimñi mötzawi, yañön mönö memsepqemsep aka keunañgö kezap qahö ala nesampurek ak neñgimakza. ¹⁰ Mianñ-göra nöñön engöreñ kabilenjak ewö, mönö yangö ahakmemeñi bölöñi mi aukñe jibiga kewö mötme: Yañön neñgöra luasö keu muneñi andönöñ çeçe jimakza aiga keu jijiyök qahö ahakza. Qahö! Urumelenñ alaurupnini miri lilik nup memakzei, yañön mi qahö köl öröm engimakza aka alaurup tosatñan köl öröm engibingö mötzei, yañön i añañ köl engiba mötnarip kambuñineyök utal engiiga yaigep erakze.

¹¹ O wölböt alani! Gi ahakmeme bölöñi qahöpmö, ahakmeme ölöpnji mia mönö wuatangöba malman. Denike yeñön ahakmeme ölöpnji aka memba maljei, yeñön Anutugö nahön böraturupñi akze. Denike yeñön ahakmeme bölöñi aka memba maljei, yeñön Anutugö könañi qahö möt kutuba sel yaigepñe malje.

¹² Demetrius azi mianñgö könañi mi ölöpnji. Alaurup körekñan mewö jimakze. Keu ölnañgö Toñan nannjak mi mewöñanök nannjöba jimakza aka neñön toroqeba yañgöra keu öröröñ jimakzin. Neñön keu jimakzini, mi keu öl töhöññi akza, mi mötzan. Mewö.

Yaizözkök keu teteköñi

¹³ Nöñön göhöra keu sehisehiñi ohomamgö sihimñi mötzalmö, mi kirifi aka inñknöñ ohom gihimamgö dopñi qahö möta mosötzal. ¹⁴ Nöñön ösumok göhöreñ kaba gekñamgö mamböta jörömqöröm akzal. Aitonñöbini, nalö mianñgöreñ ölöp mesohol köl añañguba keukeu eraum mötpin.

¹⁵ Anutunöñ lui qem gihiiga malman!

Mötnarip alaurup ki maljei, yeñön yaizözkökñini algetka göhöreñ kaza. Göñön mewöñanök urumelenñ alaurup göbuk kinjei, mi nannjik nannjik yaizözkökñini jinöña mötme!

Judagöreᅇ Kimbi Judanöᅇ Kimbiᅇ alök. Jim-asa-asari

Juda mi Jisös aka Jeimsgö munᅇi. Tosatᅇan “Kraist möt narizin,” jiba keu goᅇgoᅇi ambazip kusum sohom eᅇgiba malgeri, Judanöᅇ yeᅇgöra aka galöm meme keu ohoyök. Buᅇa Kimbi ki töroᅇptökᅇi. Keuᅇi mi 2 Pitö 2 keu mianᅇgö dop. Judanöᅇ Kraistkö alaurupᅇi neᅇgö urunini kewö kuᅇguyök, “Anutunöᅇ nini nalö dop möt naribingöra mötnarip neᅇgiiga könaᅇesöurupᅇi akzini, eᅇön mönö mötnaripᅇinan sehiba köhöimapköra toroᅇeba bim geᅇa malme.”

Buk kianᅇö bahöᅇi bohonᅇi 4 mi kewö:

Keu mutukᅇi 1-2

Böhi sohoboho yeᅇgö könaᅇini aka jimteköteköᅇini 3-16

Toroᅇeba pöndaᅇ möt naribingö jimkutukutuᅇi 17-23

Kötumötuet keu 24-25

¹ *Juda bisop Jeimsgö munᅇi nöᅇön Jisös Kraistkö welenᅇi geᅇa urumelenᅇ alaurup embuk keu eraum mötᅇpingöra kaba kimbi ohozal.

Anutu Iwinöᅇ eᅇgohola uru könöᅇᅇan jöpaköm eᅇgii Jisös Kraistnöᅇ sel jöhöm eᅇgiiga malje.

² Anutunöᅇ mönö ak kömumba urukalemᅇi kelenᅇmalelenᅇ eᅇgiiga luainöᅇ malme. Mewö.

Buᅇa keu möwököwöramᅇö galöm meme keu.

³ O wölböt alaurupni! Anutunöᅇ amöt gem neᅇgiiga letota mo-hotᅇe Suepkö buᅇaya akzini, nöᅇön mianᅇgö keuᅇi jim tuariba ohom eᅇgimamᅇö sihimni ketanᅇi möta malal. Mala malbi lömböriiga toroᅇeba mambötᅇmamᅇö osizal. Mianᅇgöra ohoba uruᅇini kewö kuᅇgum eᅇgizal: Anutunöᅇ mötnaripkö keu kambaᅇi pakpak mi ambazip sarakᅇi neᅇön memba galöm kölinga qahö utekömapköra ali buᅇanina akza. Mianᅇgöra böhi takapulakanᅇi tosataᅇan Buᅇa keu lolonᅇqalonᅇ akepuköra mönö böᅇi kinda bim geᅇa malme.

⁴ Ambazip tosataᅇan möndöba urumelenᅇ kambu sutᅇine ölöᅇ ölölöᅇgöba kaᅇgotketka könaᅇamᅇini goᅇgoᅇi mi aukᅇe qahö asuhui malje. Anutunöᅇ ambazip mewöᅇi yeᅇgö keuᅇini lök mönöwök jim teköiga ohogetka si-himbölöᅇinan qakᅇine öᅇgö-mamᅇö akza. Anutuninan keuᅇi ala kalem möriamᅇaᅇö könaᅇi öᅇᅇa indelakzapmö, ambazip aᅇgöjörakᅇinambuk mienᅇön mönö nanᅇini sero namböᅇnamböᅇini turumegöra aka kalem möriamᅇö keuᅇi mi möwököwöramᅇöba möᅇaqöᅇaigetka bölimakza. Mewö aka nanine Ketanᅇamnini mohot Jisös Kraist Kambu ak neᅇgi-makzawi, i qanᅇ köla andö qemakze.

⁵ *Inᅇi keu pakpak mi lök nalö köroᅇᅇi möt teköba maljemö, töndup galöm meme keu ki ölum eᅇgubapuköra kunbuk kewö jim gulim eᅇgimamᅇö mötᅇal: Kembunöᅇ könaᅇesöurupᅇi Ijᅇpt kantrinöhök meköm eᅇgiiga kaᅇetmö, könaᅇep tosataᅇan nalö kunöᅇ qahö möt narim waᅇgigetka mi köndenᅇmöndenᅇ ak eᅇgii ayuhuᅇet. Galöm meme keu mi eᅇgöra aka kunbuk jizal.

* 1:1: Mat 13.55; Mak 6.3 * 1:5: Eks 12.51; Jan 14.29-30

⁶ Mewöyök Anutunöŋ Suep garataurupŋi jakömbuak tohonjini al engiiga malgetmö, yengöreŋŋ tosatŋan urukönöp aka keu bapŋe qahö anda nanŋini jakömbuak tohonjini galöm köl engibingö urumohot qahö aka selŋini kösököget. Qeŋetal akerangöra aka Anutunöŋ i aköm engiiga jakömbuak mirinŋini mosöta etket. Etketka “Nalö ketanŋe keunŋini jim tekömam,” jiba tapepnöŋ (munŋamunŋa) gwaröhöba pandaman uruŋe al engiiga tata kotkera nalö teteköŋi qahö tat öŋgöme. Galöm meme keu mi engöra aka kunbuk jizal. ⁷*Tandök mohot mianŋön Sodom, Gomora aka miri tosatŋi liliköba tatkeri, yengöreŋ asuhuyök. Ambazip mienŋön mewöŋanök serowilin aka silegö sihim kömbönaŋini möwöramgöba tandökŋi kun kewö aket: Azi nanŋirök ambi nanŋirök amimba malget. Mewö malgetka Anutunöŋ likepŋini melenŋ engiiga könöp jitŋi teteköŋi qahö engohoi sihimbölö möta mala kota malme. Mewö mala böhi takapulakanŋi yengö galöm mem aŋgubingö kaisöpsöpnina ahakze.

⁸ Ambazip takapulakanŋi mienŋön mönö nalö kewöŋe tandök mohot mewöŋanöhök ahakze. Jeŋini melenŋi imutumutŋini laŋ eka mianŋöreŋ möndöba wuatangöba nanŋini silenjanŋö malmalŋini mem böliba kölköljinŋiŋ miwikŋajimakze. Mewö mianŋön Anutu jijiwilit aka jimongot jim wanŋiba kukösumŋi memba et alakze. Mewö aka Suepkö bem suaöh ambazip asakmararanŋinambuk euyangöreŋ maljei, yengöra uruŋeŋe keu töhöreŋ jim engimakze.

⁹*Mewö ahakzemö, Suep garata bohonŋi qetŋi Maikel yanŋön mewöyök mewö akŋamgö lömböriba osiyök. Maikelnöŋ Mosesgö qamötŋangöra Bölönangö Tonŋambuk aŋgururuk aka möndöm-kösök ahök. Mi aka öŋgöba erökmö, töndup uruŋeŋe keu töhöreŋ mi jim teköm wanŋimamgöra awösamakak qahö miwikŋaiba osiyök. Osiba kewöyök jim wanŋiyök, “Kembunöŋ mönö mindiŋ-göm gihima.”

¹⁰ Maikelnöŋ mewöyök mi osiyökmö, ambazip sohoboho mienŋön mönö silenŋini memba öŋgöba Buŋa keu qahö möt kutumakzemö, töndup mianŋöra uruŋeŋe keu töhöreŋ laŋ jimakze. Tönpin mala sömbup soŋ ewö laŋlaŋ malje. Mötikutukutuŋini ölni qahö asuhuiga sömbup malmalgö sihimŋini korembiŋi miyök mörakze. Nanŋini sihim mötmötŋini goŋgoŋmanŋonŋi mienŋön mönö köndenŋ engigetka ayuhume. ¹¹*Anutunöŋ böhi takapulakanŋi mienŋö likepŋi melenŋ engiiga sihimbölö ketanŋi mötmeanŋöra wölkiköba Yei! jizal. Ambazip sohoboho mienŋön azi Kein (Kain) yanŋö könaŋi mötöteiba anakze. Könaŋep kerök azi kembu kunöŋ azi qetŋi Balam töwa wanŋiiga Israel ambazip tilipkömi engiiga janjuŋ anget. Böhi takapulakanŋi mienŋön Balamgö silikŋi wuatangöba monŋ miwikŋaibingöra urukönöp möta yuai ilinölaŋ akbibihiba laŋ sohomakze. Azi qetŋi Kora yanŋön Moses aka Aron tuarenŋon ak etkiba köndenŋmöndenŋ miwikŋaiiga ayuhuyöhi, böhi mienŋön mönö Kora ewö kezapjupjup aka mala ayuhume.

¹² Urumelenŋ enŋön urukalem kondel aŋgubingöra tokoba lömbuanŋ algetka takapulaka böhi mienŋön mönö mianŋöreŋ mewöyök kamakze. Kaba dogonŋini aukŋe kondela nanŋinanöhök gumohom aŋguba bau numbu nemakze. Mewö aka engö sile töwötŋini boromŋi boromŋi gamunŋinambuk ewö akze. “Ziozgö lama galöm akzin,” jiba ala engöra

* 1:7: Jen 19.1-24 * 1:9: Dan 10.13, 21; 12.1; Ind 12.7; Dut 34.6; Zek 3.2 * 1:11: Jen 4.3-8; Jan 22.1-35; 16.1-35

qahö mötmöriba kelök keu laŋ jimakze.* Kousu omani töhöntöhön kienjini qahö mewö malgetka luhutnöŋ muwutapköm enŋiiga laŋlaŋ anda kamakze. Öŋi ahumapkö nalöŋe ipŋi ipŋi araronŋi öŋini qahö ewö kinje. Guluŋ sinŋinanök ewö aka mutuk köhömuŋi aka jalöŋini malmal köhöiknaŋgö könaŋeyök qözöla tala kunbuk kömum köhöigetka yahöt aiga köhömuŋi kötökŋi aka malje.

¹³ Yeŋön köwet siri kukŋinambuk ewö laŋ kundutketka ahakmemeŋinan gamuŋambuk mi qölqölsöt gödöwörötŋambuk ewö aukŋe asuhumakza. Senŋelau tosatŋan könaŋini ŋingiba laŋ erakzei, yeŋön mönö miangö dop janjuŋ qemakze. Senŋelau miengö dop eta Anutunöŋ yeŋgöra pandaman göjiwinangö uruŋe miri arengöm enŋiyöhi, mönö emuyanŋoreŋ dutŋe geba nalö teteköŋi qahö tat öngöme.

¹⁴ *Adamgö sakonŋangö isiŋi qetŋi Enok yaŋön mewöyök ambazip takapulakanŋi miengö kezapqetok keuŋini qelŋiŋe kewö jii ahöza: “Mötket, Kembunöŋ Suep suahö ambazip töröŋi tausenŋi tausenŋi jaŋgö öngöŋgöŋi ketanŋi mi engömemba eta asuhume. ¹⁵ Asuhugetka körek pakpak neŋgö keunini jim teköma. Ambazip angöjörakŋinambuk yeŋön ahakmeme angöjörakŋambuk wuataŋ-göba ŋingisöndokŋini angöjörakŋinambuk aka kotkeri, mi pakpak kewöta miangö likeŋi melen enŋiiga körek yeŋgö qakŋine öngöma. Pinjit ambazip angöjörakŋinambuk miengön keu jenöŋ gege gamuŋambuk miangön Anutu jim qetal waŋgiba kotkeri, miangö likeŋi pakpak melen enŋiiga sihimbölöŋini möta malme.” Enoknöŋ galöm meme keu mewö jiyök.

¹⁶ Böhi sohoboho miengön jimongot aka sesekŋai ewö ihururuk laŋ jim aŋgumakze. Nanŋini sihim kömbönaŋini bölöŋi wuataŋ-göba terenqerenŋa silenŋini memba öngöba jakbak-öraŋböraŋ ahakze. Ambazip tosatŋi göda qeba kelök enŋuze ewö, mi yuai melenŋa nanŋine enŋimegö sihimŋi möta kelewele ahakze. Mewö malje.

Galöm meme aka qambaŋ keu tosatŋi

¹⁷ Mewö maljemö, wölböt alaurupni, Kembunini Jisös Kraistkö aposolurupŋan böhi takapulakanŋi yeŋgö keuŋini lök qelŋiŋe jiget ahöza. Inŋini yeŋgö keuŋini mi ölum enŋubapuköra galömŋini mem aŋguba malme.

¹⁸ *Aposol yeŋön enŋöra keu kewö jiget, “Jisösgö kaka nalöŋan töriiga nalö teteköŋe miangöreŋ mepaqepaik ambazip asuhume. Yeŋön nanŋini sihim kömbönaŋini bölöŋi wuataŋgöba malmal angöjörakŋambuk malme.” Mewö jiget.

¹⁹ Ambazip takapulakanŋi miengön mönö sutŋine urujujul ak enŋigetka simbisembel akepek. Uŋa Töröŋan qahö sölölohöm enŋiiga gölmegö sihim kömbönaŋi bölöŋan galöm köŋ enŋiiga mi wuataŋgömakze. ²⁰ O wölböt alaurupni, Anutunöŋ mötnariŋ qainŋi kun enŋiyöhi, miangön mönö tandöŋini bohonŋi öngöŋgöŋi ewö akza. Enöŋ mönö mötnariŋ miangö qakŋe kinda naŋgöm aŋguba köhököhöi miwikŋaimakŋe. Uŋa Töröŋan in-ahöm enŋimakzawangö dop mönö yaŋgö ösumnöŋ kinda köuluköba malme. ²¹ Anutunöŋ jöpaköm enŋimakzawi, inŋini mönö yaŋgö urukalemŋe böŋ qeba kinme. Kembunini Jisös Kraistnöŋ ak-kömukömu enŋiba kunbuk asuhaba malmal köhöikŋe aŋgota oyaenŋoyaenŋ malme. Inŋini mönö nalö mi kam kuŋgumapköra kapan köla mamböta malme.

* **1:12:** Böhi miengön törom ewö asamböta tatzemö, waŋenŋinan yeŋgöreŋ qaköba jömgöbapuk.

* **1:14:** Jen 5.18, 21-24 * **1:18:** 2 Pitö 3.3

²² Ambazip uruñini melenbingö uruyahöt akzei, mi mönö ak kömumba urukalem ak engiba malme. ²³ Tosatñan könöp bölamnöñ an taköbingö tandök akzei, i gebepuköra mönö wölañ öröba bohonñini jöhöm engigetka letotpeak. Tosatñan sihim kömbönañini bölöñan galöm köl engiiga qemasolokep maljei, i mönö ak kömumba jöpaköm engiba malme. Mewö malmemö, nanñini malmalñinan bölibapuköra mönö kenğötñini möta malme. Qemasolokep yeñön siñgisöndokñi siñgisöndokñi aketka mi-añön uruñini silenini kokolak qeiga aukñe töwiba maljei, yeñgöra mönö galömnini mem aņguba malme. Kölköljinjin akepuköra mönö opo söröñini töwötñinambuk mi tok sisitñini memba kude misirime. Mewö.

Möpömöpösei keu

²⁴ Mönö Anutu möpöseimakin. Yanñon inini tala et enguba-puköra sel jöhöm engimangö köhöiza. Yanñon ölop enguaņgita nanñi je mesoholñe al engii aņgota solanñi keuñini qahö kinda asakmararañi eka sōņgaiba köirañ köla malme. ²⁵ Anutu mohotñan Amötqeqe Tonini akza. Kembunini Jisös Kraistnöñ nam köl nenğiiga Anutu möpöseim waņgiinga qetñi aködamunñambuk aka ahöma. Yanñon möpñanğö möpñeyök könahiba kota Öņgöñgö-ñamnini kukösumñambuk akza aiga nalö kewöñe toroqeba yuai pakpak ösum-mumuñan galöm köla nalö teteköñi qahö Kembu ak nenğiba malma. Keu mi ölña.

Indelindel keu Kraistnöŋ keu tölöpŋi Jongöreŋ indelök. Jim-asa-asari

Jisösnöŋ gölme mosöta Suep mire öngöiga yambu 65 miangö dop teköiga aposol Jonöŋ Kimbi ki ohoyök. Nalö miangöreŋ urumelenön könaŋesö Jisös möt narigeri, i sesewerowero ketanji ak engiget. Jon mi gölme jölannji qetnji Patmos miangöreŋ al waŋgigetka kösö mire ewö tarök. Patmos maliga Anutunöŋ jeni meleşniga yuai könaŋep asuhumapkö imutnji ehök.

Keu bohonnji kewö: Jisösnöŋ Satan aka kerökurupnji pakpak luhut ala memba et al engim teköma. Mewö aka mötnariŋ ambazip kötuatköm neŋgiiga Suep dölökŋi aka gölme dölökŋi miangöreŋ aŋgota teteköŋi qahö oyaenköyaen malbin. Sesewerowero uruŋe malgeri, yeŋön lömböt möta mököşöŋda Jisös möt nariba pöndaŋ böŋ qeba kinmegöra kuŋgum eŋgimakza. Jisösnöŋ keunji keunji mewöŋi jim kutuba indeliga Jonöŋ möta Kimbi ki ohoyök. Mi urumelenön ambazip urunini naŋgömamgöra aka ohoyök. Söpsöp keu aka keu tölöpŋi mi gwötpuk. Keu tosatnji möt kutubingö möt bibihizin.

Buk kiangö bahöŋi bohonnji 11 mi kewö:

Keu mutukŋi 1.1-8

Zioz kambu 7 yeŋgö kimbiŋini 1.9-3.22

Kimbi köpep supap 7:ŋan jöjöhöŋi 4.1-8.1

Tömun qainŋi kun 7 uget 8.2-11.19

Sekak namŋi aka jemnemba yahöt 12.1-13.18

Jemelenön imutimut könaŋi könaŋi 14.1-15.8

Anutugöreŋ irimsesewöl qambi 7 mokoget 16.1-21

Babilon siti, jemnemba, kezapqetok takapulakanji aka Satan yeŋgö ayuayuhu 17.1-20.10

Jimtekötekögö nalö ketanji 20.11-15

Suep gölme dölökŋi aka Jerusalem dölökŋi 21.1-22.5

Keu kötnji teteköŋi 22.6-21

¹ Anutunöŋ yuai könaŋep zilaŋ asuhumawi, miangö könaŋi nup memeurupnji neŋgöra kondel neŋgimapkö möta Jisös Kraistköra kondela kezapqetok keu jiba indelök. Indeliga Suep garata kun melaiiga welenqeqeŋi Jon nöŋgöreŋ kaba juiga möral.

² Jisös Kraistnöŋ Anutugöreŋ Buŋa keu naŋgöba jim asariba kondel niŋgiiga Jon nöŋön yuai mi jeni meleşniga uba ehali, mi pakpak miangö dop toroqeba naŋgöba jim asariba ohozal. ³ Kunŋan kezapqetok keu ki oyoŋmawi, yaŋön mönö simbawon akza. Jisösgö kaka nalöŋan töriza. Miangöra kimbi kiangöreŋ keu ohoi ahözawi, ambazip mi kezap ala mötmei aka mi möt sölöŋgöba aŋgön kölmei, yeŋön mewöyök simbawon akze. Mewö.

Jonöŋ Eisia prowinsgö zioz kambu 7 yeŋgö jölöŋini alök.

^{4*} Jon nöŋön Eisia prowinsgö zioz kambu 7 eŋgöra kewö ohozal:

Kunöŋ mal köhöizawi, möpŋaŋgö möpŋeyök mala koröhi, aka kunbuk liliŋgömawi, yaŋön mönö kalem möriam eŋgiiga luainöŋ malme.

* 1:4: Eks 3.14; Ind 4.5

Mewöjanök Anutugö uña bohonji 7 yanğö jakömbuak dum wösöñe kinjei, yeñon mönö kalem möriam enğıgetka luainöñ malme.

⁵ *Jisös Kraistnöñ Anutugö könani pöndan yanğöba jim asariba mala mutukña kömupnöñök wahörök. Yanñon gölmegö kiñ kembu yeñgö Kembuñini akza. Yanñon mönö seņñan saņğonđa singisöndoknineyök pösat neņgiba jöpaköm neņgimakza. ⁶ *Yanñon nini nanñi bemtohoñe ala mem letot neņgiiga kiñ ewö akzin. Buña nup galömurupñi (prist) aka nanñi Iwi Anutuñanğö welenni qemakzin. Neñon yanğö qetbuñani aka kukösumñi möpöseininga nalö teteköñi qahö aködamunñambuk ahöm öngöma. Keu mi ölna.

⁷ *Eket, Kraistnöñ mönö kousu uruñe eta kama! Kamawi, nalö miangören nini körekmakörek i jeninan uba ekin. Börö marömñi qetohogeri, yeñon mönö mewöyök i ekñe. Ambazip kambuñi kambuñi gölme dop tat anjini, neñon mönö i eka körekmakörek yanğöra aka jinğen köla amburereñ akin. Keu mi ölbölna, uruyahötñi kun qahö.

⁸ *Kembu Anutu mal köhöizawañon kewö jiza, “Nöñon mutuhök mala (yuai pakpak miwikñaiba könanğep jiba qahöwahiga) qöndökña mal öngömam. Mianğö dop nöñon kulem namñi mutukñi A aka kulem namñi qöndökñi Z akzal.” Nöñon kukösum pakpakö Tonji möpñanğö möpñeyök mala kota maljal aka kunbuk lilingömam. Mewö.

Suep gölmegö azi ölnanğö tandökñi kewö ehal:

⁹ Jon nöñon enğö urumelen neñakñini akzal. Kraistpuk qekötahöbiga nanñi bemtohoñe al niñgiiga ambazipnöñ sihimbölo ak niñgigetka wahöjalij mörakzal. Mi embuk möta mökösoñđa kapan köla köhöiba kinjal. Anutugöreñ Buña keu jim sehiba Jisösgö könani yanğöba jim asariba malalanğöra nömemba köwet jölanñi qetñi Patmos* miangören al niñgiget malal. ¹⁰ Kembugö sonda kendon tatat nalö kunöñ Uña Töröñan nömeiga alburup umumñan qakne öngöiga andöneyök qet ketani kun möral. Qet kourukñi mi tömun qainñi kun (biugel) qetzawi, miangö tandöktandök ahöyök.

¹¹ Qet mianñon kewö jiyök, “Öröyuai uba ekñani, miangö keuñi mönö kimbi köpepnöñ ohoman. Ohoba alnöñga zioz kambu 7 yeñgöreñ anma. Siti 7 miengö qetñini kewö: Efesus, Smörna, Pergamum, Taiataira, Sardis, Filadelfia aka Laodisia.”

¹² Keu mewö jiiga ötoñi mörali, “Mi dañon?” jiba eka mötmamğöra lilingöyal. Lilingöba kinda lambegö dum tatat goulnöñ memenji 7 kingetka ehal. ¹³ *Lambegö dum tatat miengö sutñine azi kun ekiga kaisoñgolomñan gölme azigö tandök ahök. Malukuñi köröpñi köla öröiga köna susuñe eta turuyök. Opo jöhan mañgihilakñi goulñambuk mi örigit ewö töptöpñe embahöm anğuba kinök.

¹⁴ Nöröp jupñan tuat lalamñi kousu köpköp (snow) ewö ahök. Lama jupñi saņğongetka tuarizawi, mönö miangö dop ehal. Jekötñan könöp

* **1:5:** Ais 55.4; Sum 89.27 * **1:6:** Eks 19.6; Ind 5.10 * **1:7:** Dan 7.13; Mat 24.30; Mak 13.26; Luk 21.27; 1 Tes 4.17; Zek 12.10; Jon 19.34, 37 * **1:8:** Ind 22.13; Eks 3.14 * **1:9:** Patmos mi köwet jölanñi moröñi (Yurop aka Afrika) Sutñire Köwet miangören ahöza. Efesus mosöta Saut göröken 80 kilomita anman. Rom gawman yeñon kegwek-kahasiliñ ambazip keuñini jim teköba közöla enğuañgiketka miangö kösö mirinöñ malget. Ölöñ kölböngö osiget. Gölmeme mi qararanğölkölna, kötni sehisini. Jonöñ yeñgö sutñine maliga sisa-kiñ Nerwagö nalöñe (yara 96-98) pösatketka erök. * **1:13:** Dan 7.13; 10.5, 14-15; Dan 7.9; 10.6, 15; Eze 1.24; 43.2, 17; Ais 44.6; 48.12; Ind 2.8; 22.13

bölam ewö jem asariiga kinök. ¹⁵ Köna susuñan sösönihiba gohotñi ahök. Ain bras könöpnöñ ala delasi ohogetka jeiga gögöriñ tohomakzawi, mönö miangö dop kölköl-bilikbilikñambuk ahöyök. Keu jii mörali, mi o ketañan sianöñ giliga ötöñi ketañi mörakzini, mönö miangö dop ahöyök. ¹⁶ Böröñi ölñan señgelau 7 memba kinök. Numbuñeyök bimgö sou ketañi (bainat) jityahötñi likelike zuluk alalñan erök. Jemesoholñan wehön jeñi körek asarim tekömakzawañgö dop asariiga ehal.

¹⁷ Nöñön i eka uruni duhui yañgö könañe tala eta kömup tandök ahöyal. Mewö ahöbiga böröñi ölñan nöñgö nöropne ala kewö jiyök, “Mönö keñgötki kude mötnöñ! Nöñön mutuhök mala (yuai pakpak miwikñaiba könañep jiba qahöwahiga) qöndökña mala öñgömam.

¹⁸ “Nöñön malmal Tonji akzal. Kömumba malalmö, mötnöñ, nöñön mönö guliba wahöta malmal köhöikñi teteköñi qahö mal öñgömam. Nöñön kömupkö kondotkondot Tonji galöm köla kömupkö uñem miri Tonji ongita kinji moröñi memba maljal. ¹⁹ Miangöra yuai nalö kewöñe asuhuzawi aka könañepñe asuhumawi, nöñön miangö könañi kondelbi ekñan. Yuai ekñani, mi mönö papianöñ ohonöñga ahöma. ²⁰ Señgelau 7 böröni ölñe ahözei aka lambegö dum tatat goulñöñ memeni 7 ekzani, miengö könañini tölapñi kewö: Señgelau 7 mi zioz kambu 7 miengö garata galömñinañgö söpsöp akze. Lambegö dum tatat goulñöñ memeni 7 miengöñ mönö zioz kambu 7 miengö söpsöp akze.” Mewö.

2

Efesus urumelenj könañesö yengö qambañ keu

¹ Jisösnöñ toroqeba jiyök, “Jon göñön mönö Efesus sitigö zioz kambu yengö pom garatañinañgöra kimbi kewö ohoman,

“Kunöñ böröñi ölñan señgelau 7 memba lambegö dum tatat goulñöñ memeni 7 miengö sutñine anda kaba kinakzawi, yañön keu kewö jiza: ² Nöñön göhö ahakmemegahö könañi möt kutubi kewö ahöza: Göñön nöñgöp ariba nupni köhöikñanök memba malakzan. Angösirip kapañ köla möta mökösoñda malakzan. Ambazip goñgoñi yembuk ala qahöpmañöp aka ölña qepureiba közöl engimakzan, mi mötzal. Tosatñan melaimelai azi aposol qahö aka töndup qetñini mewö qerakzei, göñön i esapesapñöñ ala kewöt enñinöñga munen jijiñinañgö könañinan aukñe asuhuyök.

³ “Tosatñan nöñgö qetnañgöra aka kahasililij ak gihigetka sihimbölä kapañ köla möta mökösoñda malnöñ. Ösumeret ölan qahö aka malnöñmö, yuai pakpak möt kösoñda kinda malnöñ, mi mötzal. ⁴ Mewö malnöñmö, urugahö keu kun kewö mötñi qahö dop kölja: Mutuhök urugi melenja önöñi qahö jöpaköm niñgiba malnöñmö, urugan mönö sörauga nalö kewöñe amöriba maljan.

⁵ “Mutuhök urusösöñgai ketañi möta malnöñmö, miangörenök löwöriba eta eta amöriba et qeba maljan. Gi mönö nangi könañi mi mötmöriba möt kutuman. Miangöra mönö urugi melenman. Mutuhök urumelenjö yuainji aknöñi, mönö miangö dop kunbuk suariba akñan. Urugi siñgisöndok miangörenök qahö melenman ewö, nöñön mönö göhöreñ kaba lambegö dum tatatki qeköbiga urumelenj könañesö Efesus miangörenj kunbuk qahö ahöma. ⁶ Et guhuyökmö, göhöra kewö mötñi ölöwakza: Göñön Nikolait yengörenj ahakmemeñini tököba uru önön ahakzan. Nöñön mewöñanök mi tököba miangöra uru önön ahakzal.

7 **“Enğörejök kunñan kezapñambuknön malja ewö, Uña Töröñan zioz kambunji kambunji neñgöra keu jimakzawi, yañön mönö mi kezap ala möt kutuma.*

“Kunñan esapesap bölöñi pakpak oñgita luhut almawi, nöñön mönö i wañgitpiga Anutugö oyaenköyaen nupnön (paradais) euyangören öngöba malmal köhöikñangö ip aumñe tata kötnji nemba malma.” Mewö.

Smörna urumelen könağesö yeñgören qambañ keu

8 **“Smörna sitigö zioz kambu yeñgö pom garatañinañgöra mönö kimbi kewö ohoman,*

“Kömumba guliba mal köhöizawañön mutuhök mala (yuai pakpak mi-wikñaiba könañgep jii qahöwahiga) qöndökña mal öngömawi, yañön keu kewö jiza: 9 Göñön wahöjaliñ möta etqegeñi akzani, mi mötzalmö, Anutugö jeñe qetbuñagan öngöñgöñi aiga simbawon akzan. Tosatñan Juda ambazip qahö aka töndup qetñini mewö qerakzei, yeñön mepaqepaik aka andö qem gihigetka añgösirip mörakzani, mi mötzal. Yeñön ‘Köuluk miri ölnji akzin,’ jiba aiakañinan Satan möpöseimakze.

10 *“Sihimbölö möta malmanmö, miangöra keñgötki kude mötman. Mötnön, Bölöñañgö Tonjan esapesapnön al eñgimangöra ambazip kuñgum eñgiiga eñgörenök tosatñi eñgömembra kösö mire al eñgime. Añgösirip ak eñgemei, iñini mi silim 10 möta malme. Malbeak me kömumbeak, mönö nömbuk pöndañ kingetka nöñön malmal köhöikñangö ila jalöñi eñgimam.*

11 **“Enğörejök kunñan kezapñambuknön malja ewö, Uña Töröñan zioz kambunji kambunji neñgöra keu jimakzawi, yañön mönö mi kezap ala möt kutuma.*

“Kunñan esapesap bölöñi pakpak oñgita luhut almawi, yañgö silenjan kömuiga mohot akñañpmö, kömup yahötñi qahö kömumba geñmororon qahö miwikñaima.” Mewö.

Pergamum urumelen könağesö yeñgö qambañ keu

12 *“Pergamum sitigö zioz kambu yeñgö pom garatañinañgöra mönö kimbi kewö ohoman,*

“Kunön himgö sou ketañi (bainat) jityahötñi likelike zuluk alalñi memba maljawi, yañön keu kewö jiza: 13 Göñön malmal tatatki denike ala maljani, mi mötzal. Satanön nanñak jakömbuak dum tatatñi ali ahözawi, gi mönö miangö kösutñe malakzan. Töndup nöñgö qetni memba nömbuk toroqeba qekötahöba kinakzan. Satangö malmal tatatñi Pergamum siti miangören ahöiga Antipas yañön nöñgö könañamni nañgöba jiba jembon onji nene (qariwe ilikñi nene) ewö kinökmö, i eñgö sutñine miangören qeget kömuyök. Göñön ni möt narim niñgimakzani, keu mi nalö miangören mewöyök qahö köyatiba qañ kölnön.

14 **“Mewömö, urugahö keu moröñi kun kewö mötpti qahö dop kölja: Göhö könağesö sutñine tosatñan kezapqetok azi takapulakañi qetñi Balam yañgö jañjunbuk mala wuatangömakze. Kantri tosatñi yeñön nene memba tandö lopion yeñgö naluk kötin buña qeba könañine algetka ösumñinan walöñnöhi, Israel ambazipnön mi qahö nezema. Mutuk qahö negetmö, Balamnön azi qetñi Balak kewö kusum wañgiyök, ‘Gi mönö Israel ambazip mi nemegöra tutuhum eñgiman.’ Mewö kusuba kuñgum eñgiba simba ewö utuba alöhi, yeñön mönö miangören qaköba amqeba*

* 2:7: Jen 2.9; Ind 22.2; Eze 28.13; 31.8 * 2:8: Ais 44.6; 48.12; Ind 1.17; 22.13 * 2:11: Ind 20.14; 21.8 * 2:14: Jan 22.5, 7; 31.16; Dut 23.4; Jan 25.1-3

neget aka serowilin laŋ aket. Engörenjök tosatŋan Balamgö mötmöt mi wuatangömakze.

¹⁵ “Mewöŋanök göhö könagesö sutŋine tosatŋan Nikolait yeŋgören mötmöt munenji memba wuatangömakze. ¹⁶ Miangöra gi mönö urugi melenman. Mewö qahö akŋan ewö, nöŋön mönö zilaŋ göhöreŋ kaba könagesöurupki mewöŋi mi qetal eŋgimam. Numbune bimgö sou ketanji (bainat) ahözawi, mianjön mönö yarö gil eŋgimam.

¹⁷ * “Engörenjök kunŋan kezapŋambuknöŋ malja ewö, Uŋa Töröŋan zioz kambuŋi kambuŋi neŋgöra keu jimakzawi, yaŋön mönö mi kezap ala möt kutuma.

“Kunŋan esapesap bölöŋi pakpak oŋgita luhut almawi, nöŋön mönö nene tölapŋi qetŋi mana aka köt tuatŋi waŋgimam. Yahöt mi waŋgibiga köt tuatŋi miangören qetŋi dölöknji ohogetka ahömawi, mi nanjök oyonŋa mötma. Tosatŋan mi qahö mötme.” Mewö.

Taiataira urumelenj könagesö yeŋgö qambaŋ keu

¹⁸ “Taiataira sitigö zioz kambu yeŋgö pom garatanjinaŋgöra mönö kimbi kewö ohoman:

“Anutugö Nahönŋaŋgö jekötŋan könöp bölam ewö jem asariiga köna susuŋan sösonihiba ain bras ewö kölköl-bilikbilikŋambuk akzawi, yaŋön keu kewö jiza: ¹⁹ Nöŋön göhö ahakmemegahö könaŋi möt kutubi kewö ahöza: Göŋön Anutu jöpaköba möt narim waŋgiba nupŋi memakzan aka aŋgösirip kapaŋ köla möta mökösoŋda malakzan. Könakönahine yuai aka menöŋi, mi mönö nalö kewöŋe mem sehiba aka memakzan.

²⁰ * “Mewö memakzanmö, urugahö keu kun kewö mötŋi qahö dop kölja: Göŋön ambi qetŋi Jezebel yambuk urumohot aka i qahöpmaöhöp qepureim waŋgimakzan. Yaŋön kezapqetok ambia qahö akzapmö, töndup nanŋi qetŋi mewö qerakza. Yaŋön ambazip tutuhuba kewö kusum eŋgimakza: Tandö lopiongö naluk kötin neneya buŋa qeba könaŋine algetka ösumŋinan walöŋnöhi, mi mönö ölop nembra malme. Mewö kusum eŋgiba nup meme alaurupni kuŋgum eŋgiiga löwöriba janjuŋ anda mi nemakze aka serowilin laŋ ahakze. ²¹ Nöŋön Jezebel uruŋi melenmapköra nalö waŋgialmö, serowilinŋi mosöta uruŋi melenmapkö qahö möta töndup malja.

²² “Miangöra nöŋön ambi mi qeiga kawöl yöhöiga salöknöŋ ahöba sihimbölo mötma. Mewöyök yambuk sero yongorö ahakzei, yeŋön ahakmemenini bölöŋi mi qahö mosöta uruŋini melenme ewö, nöŋön mönö i mohot eŋgubiga sihimbölo kanjamŋambuk mötme. ²³ * Yaŋgö nahönböraturuŋi i mönö eŋgum könjöratŋi kömume. Mewö akiga zioz könagesö körek eŋön eŋgeka nöŋgö könani kewö möt yaköme: Nöŋön ambazip urumötmötŋini kewöta jit aka urusihimŋini körek möt kömumba ahakmemeninaŋgö dop likepŋi melenŋa körek mohot mohot eŋgö qakŋine öŋgöma. Nöŋönök mönö miangö Toŋi akzal.

²⁴ “Yeŋgöra mewö asuhumapmö, Taiataira eŋgörenjök tosatŋan Jezebelgö mötmöt areŋi mi qahö wuatangömakze. Mewö qahö aketka eŋgöra mepaqepaik kewö aka jim eŋgimakze, ‘Inini mötmöt öŋgöŋgöŋaŋgö könaŋi qahö möt kutuba yaigep malje.’ Mepaqepaik mewö jiba ak eŋgimakzemö, Satangö buŋa mötmötköra qet mewö qerakze. Nöŋön zioz kambu körek eŋgöra kewö jibi mötme: Nöŋön lömböt kun qahö suariba albi eŋgö

* **2:17:** Eks 16.14-15; 16.33-34; Jon 6.48-50; Ais 62.2; 65.15 * **2:20:** 1 Kiŋ 16.31; 2 Kiŋ 9.22, 30

* **2:23:** Sum 7.9; Jer 17.10; Sum 62.12

qakɲine öngöma. ²⁵ Inini Buɲa keu memba maljei, mönö miangören qekötahöba malme. Nöñön kunbuk lilingömamangö dop mönö mia wu-atangöba malme.

²⁶*“Kunɲan esapesap bölöñi pakpak onɲita luhut ala kömumawangö dop mönö töndup jitni tem köla ahakɲawi, nöñön i kukösum wangibiga kian kantrinji kantrinji galöm köl enggiba malma. ²⁷ Iwinan kukösum niñgiiga mi buɲa qem anguba Kemu maljal. Mewöñanök engörenök kunɲan luhut almawi, nöñön i jakömbuak nupkö ilanji aka ain öröpñi wangimam. Mi wangibiga miñön gölmenji gölmenji ambazip galöm köl enggiba köhöikɲanök mindingöm enggiba malma. Gwaköm kimbut öröpñöñ qeba qesinjei, yañön mönö miangö dop qegetal ambazip öröp pöwöwöm köhöikɲi miñön engguba köndenɲa mendenɲ enggiiga qeqelanlan malme. ²⁸ Mewöyök söñangö undi senɲelau wangimam.

²⁹ “Engörenök kunɲan kezapɲambuknöñ malja ewö, Uña Töröñan zioz kambuñi kambuñi neñgöra keu jimakzawi, yañön mönö mi kezap ala möt kutuma.” Mewö.

3

Sardis urumelen köñagesö yeñgö qambañ keu

¹ Jisösnöñ toroqeba kewö jiyök, “Sardis sitigö zioz kambu yeñgö pom garataninañgöra mönö kimbi kewö ohoman,

“Kunöñ Anutugö uña bohonñi 7 aka senɲelau 7 mi böröñe ahöi memba maljawi, yañön keu kewö jiza: Nöñön göhö ahakmemegahö könañi möt kutubi kewö ahöza: Göñön ambazip jeñine guliba maljanañgö qetñi bisimakzanmö, Anutugö jeñe köhömuñi akzan. ² Miangöra mönö imbigi möta wahötman. Göhö ahakmemegan nöñgö Anutunañgö jeñe aködamunɲambuk qahö akza. Göhö könañangi kewöta mewö miwikɲaijal. Göhö köñagesö uruñe urumelen ambazip tosatñi kunbuk maljemö, yeñön mewöyök kömum taköbingö akze. Miangöra göñön mönö mem köhöim enggiba malman.

³ * “Anutugö yuai gihigetka buɲa qem anguba mötnöñi, mi mönö urukönömge jöhöba mötmöriman. Buɲa mi mönö tem köla urugi meñjanman. Guliguli qahö mötnöñ malman ewö, nöñön mönö yonɲorö meme ewö ölöñ kaba asuhumam. Kamamañgö aua nalöñi qahö mötnöñga keunan mönö zilañ qake öñgöiga lömböt miwikɲaiman. ⁴ Mewömö, Sardis zioz kambu engö sutɲine ambazip awamdökñi enñön opo sörorñini ölöpñanök galöm kölgetka töwötɲambuk qahö akze. Miangöra yeñön ölöp maluku tuatɲan sileñine löñgöta nömbuk anda kaba malme. Yeñön mönö mewö aka malmeañgö dop akze.

⁵ “Kunɲan esapesap bölöñi pakpak onɲita luhut almawi, yañgöra mönö maluku tuat lalamñi wangigetka köla malma. Yañgö qetñi malmal köhöikɲañgö buk papianöñ ohoget ahözawi, nöñön mi qahö kutumam. Iwinañgö jemesoholñe añgoriga Suep garataurupɲan eketka qetñi ölöp aukñe jim miwikɲaim enggimam.

⁶ “Engörenök kunɲan kezapɲambuknöñ malja ewö, Uña Töröñan zioz kambuñi kambuñi neñgöra keu jimakzawi, yañön mönö mi kezap ala möt kutuma.” Mewö.

Filadelfia urumelen köñagesö yeñgö qambañ keu

* **2:26:** Sum 2.8-9 * **3:3:** Mat 24.43-44; Luk 12.39-40; Ind 16.15; Eks 32.32-33; Sum 69.28; Ind 20.12; Mat 10.32; Luk 12.8

7 **“Filadelfia sitigö zioz kambu yeŋgö pom garataŋinaŋgöra mönö kimbi kewö ohoman,*

“Kunöŋ Azi Töröŋi aka Ölbölni aka kiŋ Deiwidkö ki moröŋi memba galöm köla maljawi, yaŋön keu kewö jiza: Yaŋön nanŋu metaliga kunŋan mi köla kiŋi memamgö osima. Yaŋön mi köla jöhöiga kunŋan mi musulmamgö osima. 8 Nöŋön göhö ahakmemegahö könaŋi ölop möt kutuzal. Alani mötnöŋ, göhö ösumgan eretŋi akzawi, mi mötzal. Eretŋi akzapmö, göŋön mönö nöŋgö Buŋa keuni tem köla könani wuatangöba qetni qahö qaŋ köla malnöŋ. Miangöra nöŋön nanŋu kun wösöge metalbiga kunŋan mi kölmamgö osima.

9 **“Mötnöŋ, kambu kun yeŋön ‘Köuluk mirininambuk akzin,’ jiba aiakanjanan Satan möpöseimakze. Juda ambazip qahö aka töndup qetŋini mewö qeta muneŋ jimakze. Nöŋön ambazip mi kuŋgum eŋgibiga göhö könaŋamgi möt asarime. Mi möt asariba kaba göhö könage sipköba eta jöpaköm gihimakzali, mi aukŋe jim miwikŋaime. 10 Nöŋön kapaŋ köla lömböt möta mökösoŋda kin köhöimangö jiali, göŋön nöŋgö jimkutukutuni mi aŋgön köla wuatangöba malnöŋ. Miangöra nöŋön mewöyök gi kewö aŋgön köl gihimam: Wahöjalin nalö tandökŋi kun kaba kantriŋi kantriŋi dop köla gölmenöŋ mal anjei, mi esapesapnöŋ al eŋgima. Nalö mianöŋ kam kuŋguiga nöŋön gi wahöjalin miangöreŋök meköba bohongi jöhömam.*

11 *“Nöŋön mönö zilar liliŋgöba kamam. Kunŋan utum gihiba ila jalö memeŋe luhut al gihibapüköra mönö urugö inap ahöm gihizawi, mi mönö töp memba malnöŋga qahö sohoba kahaimök ahöma. 12 *Kunŋan esapesap bölöŋi pakpak oŋgita luhut almawi, nöŋön mönö i waŋgita nöŋgö Anutunaŋgö möpömöpöse ike (tempöl) uruŋe kuŋgubiga tandöŋi akŋa aka nalö kunöŋ mi kunbuk qahö mosötma. Miangöreŋ maliga silene nani Anutunaŋgö qetŋi, Anutugö sitiŋaŋgö qetŋi aka nani qetni döläkŋi qet karöbut mi ohomam. Anutunan Jerusalem sitiŋi döläkŋi mi nanŋi mire euyaŋgöreŋ ali ahözawi, mianöŋ Suepnöhök eta gölmenöŋ asuhuma.*

13 *“Eŋgöreŋök kunŋan kezapŋambuknöŋ malja ewö, Uŋa Töröŋan zioz kambuŋi kambuŋi neŋgöra keu jimakzawi, yaŋön mönö mi kezap ala möt kutuma.” Mewö.*

Laodisia urumelen könagesö yeŋgö qambaŋ keu

14 **“Laodisia sitigö zioz kambu yeŋgö pom garataŋinaŋgöra mönö kimbi kewö ohoman,*

“Kun qetŋi Amen. Yaŋön Anutugö keuŋi pöndaŋ nanŋgöba Dangunu ölbölni akza. Anutu bauköiga yuai pakpak miwikŋaiyohotka galöm kölakzawi, yaŋön keu kewö jiza: 15 Nöŋön göhö ahakmemegahö könaŋi möt kutubi kewö akza: Urugi qahö amöriza aka nöŋgö könöp bölamnan uruge qahö jemakza. O urugan amöribawak me könöwibawak, mianöŋ mötŋi dop kölbawakmö, jöŋaŋe malnöŋga qahö dop kölja.

16 *“Kun me kun dop kölbawakmö, urugan borom kun könöpkönöp aiga könöpkan qahö jezawi me uruamöt qahö akzani, mi qahö dop kölja. Könöp aka amöt sutŋire uruyahötnöŋ laŋ maljanaŋgöra mönö numbuneyök söwötköm gihibi geman. 17 Nangi silegi mem öŋgöba kewö jimakzan: Nöŋön azi kindiŋbirik qetbuŋanambuk akzal. Sukinap mem sehiba dopne miwikŋaizal. Siyoŋsayoŋi qahö mala yuai kungöra qahö osizal. Mewö jimakzanmö, könaŋamgi ölni qahö möt kutuzani,*

* 3:7: Ais 22.22; Job 12.14 * 3:9: Ais 49.23; 60.14; 43.4 * 3:12: Ind 21.2; Ais 62.2; 65.15

* 3:14: Qam 8.22

mi kewö: Göñön mönö kumkanjam aka tapötkokorok (dabökokorok) malnönga tosatñan wösömötmöt ak gihimakze. Wanapñi mala jegi gömöliiga tiktauk sile aukñe malakzan.

¹⁸ “Miangöra qambañ keu kewö gihizal: Göñön nõngöreñök yuai karöbut ki söngöröñi meman: Azi kindiñbirik qetbuñagabuk akñangöra mönö goul kõnöpñöñ delasi ohoba gödöwörötñi mendenget sösonihiba eta qahöwahöhi, mi mönö bohonñi meman. Sile aukñe malakzani, miangö gamuñi közambötmangöra mönö maluku tuatñi bohonñi memba lõngötman. Jegi gömölizawi, miangöra mönö jepisik kelök mi bohonñi memba jegi törörök umangöra miriman. ¹⁹ *Nõñön wölböt alaurupni jöpaköm engimakzali, mi körek bölöñamñinangöra tembula jim engiba mindiñqindiñ ak engimakzal. Ölöwakñegöra mewö ahakzal. Miangöra gi mönö jaulalañ mosöta urugi melenña singisöndoki andö qeba malman.

²⁰ “Mötnöñ, nõñön nañgunöñ qeba kinjal. Kunñan nõngö keu imbini möta uru nañguni musulmawi, nõñön mönö yangö miri uruñe öngöba yambuk tatpi yañön nömbuk köisirik tata mohotje nene nembit.

²¹ “Nõñön esapesap bölöñi pakpak oñgita luhut ala Iwinan noañgiri yangö jakömbuak dumñe eta qöhöröñe tatzal. Miangö dop kunñan esapesap bölöñi pakpak oñgita luhut almawi, nõñön mönö i wañgitpiga nõngö jakömbuak dumne eta qöhöröñe tatma.

²² “Engöreñök kunñan kezapñambukñöñ malja ewö, Uña Töröñan zioz kambuñi kambuñi neñgöra keu jimakzawi, yañön mönö mi kezap ala möt kutuma.” Mewö.

4

Jeni melenña kunöñ Suep jakenöñ tariga ehal.

¹ Miangö andöñe jemelen kunbuk asuhuiga Suep miri nañguni kun añañiiga ehal. Ekiga imbi mutuk tömun qainñi kun (biugel) ewö keu jiiga mörali, yañön mönö suariba kewö jiyök, “Gi mönö kewö kotnönga andöñe yuai asuhumawi, mi kondel gihimam.”

² *Mewö jiiga miangöreñök Uña Töröñan nömeiga alburupñan qakne öngöiga yuai kewö ehal: Suep miri uruñe jakömbuak dum ahöiga kunñan miangöreñ tarök. ³ Taröhi, yangö jemesoholñangö asakñan mönö eröknam me jamönñiñ qetñi jaspö aka wale bönbönñi me köt qetñi karnilian miangö dop gilikbilikñambuk asariba ahöyök. Kiam nesilam kun kulem mundañi mumunene kamböñi me jamönñiñ qetñi emerald ewö mianñön jakömbuak dum mi lökñanök liliköba töngönñi göröhiba ahöyök.

Dum bohonñi liliköba dum 24:ñan tatze.

⁴ Jakömbuak dum tosatñi 24 mienñön dum bohonñi mi liliköba tatketka miengö qakñine Anutugö jitñememeurup 24 tatket. Yeñön malukunñi tuat lalamñanök öluñ geiga nõröpñine goul ila jalö kunduta tatket. ⁵ *Dum bohonñi miangöreñök wöl bilikbilik jesöngö asariiga giñgurururñ asuhuiga imbi wölpöndañgö ötöñ kourukñi ewö möral. Dum bohonñangö wösöñe tos kiwa asakñi 7 jeba asariba kinget. Kiwa 7 mi Anutugöreñ uña bohonñi 7 akze. ⁶ *Mewöñanök jakömbuak jake wösöñe yuai gilikbilikñambuk köwet ewö ehal. Mi kirin jöhanñi jöhanñi kölköl-bilikbilikñinambuk melenña

* **3:19:** Qam 3.12; Hib 12.6 * **4:2:** Eze 1.26-28; 10.1 * **4:5:** Eks 19.16; Ind 8.5; 11.19; 16.18; Eze 1.13; Ind 1.4; Zek 4.2 * **4:6:** Eze 1.5-10, 22; 10.14; Eze 1.18; 10.12; Ais 6.2-3

asarimakzei, mönö miangö dop asariyök. Jake bibiņe dum liliköba bem jembon 4 kinget. Andöņini aka wösöņini mi jeņinanök dop köliga kinget.

⁷ Bem jembon mutukņan laion sömbup ewö ahök. Alañan bulmakau aziņi ewö ahök. Alañiri kungö kaisonjolomņi mi azi jesöņgöroņangö tandök ahök. Alañini 4:ņan tukapkap bölbölgömakzawangö tandökņa ahök.

⁸ Bem jembon 4 mohot mohot yeņgö ginginņini 6 pakpak ahöm eņgiyök. Silenņini lökņanök aka ginginņini bapņe mewöyök jekötņinanök dop köl eņgiiga kinget. Kinda suņgem silim liņet kewö qörörök kölakze, “Kembu Anutu kukösum pakpakö Toņi göņön mönö töröņi aka töröņi aka töröņanök akzan.

Malmal Toņi göņön mönö möpņangö möpņeyök mala kota maljan aka kunbuk liliņgöba asuhuba mal öņgöman.”

⁹ Bem jembon 4 mienöņ mönö mewö möpömpösei liņet kölakze. Kunöņ jakömbuak dumnöņ kinda nalö teteköņi qahö mal öņgöba malmawi, i aködamun qetbuņa al wangiba saiwap jimakze. ¹⁰ Mewö ahakzeangö dop Anutugö jitņememe 24 mienöņ eta kun jakömbuak dumnöņ tatzawi, yangö jeņe simin köla sipkömakze. Kunöņ nalö teteköņi qahö mal öņgöba malmawi, yangö waikņi mamba möpöseim wangimakze. Möpöseim wangiba ila jalöņini qeköba jakömbuak dum wösöņe ala kewö jimakze,

¹¹ “O Kembu Anutunini, göņön öroyuai pakpak miwikņaim eņginöņ. Göhö jitsihitkan nam köl eņgiiga letota malmal miwikņaiba malje. Miangöra aködamun qetbuņa mi al gihiba saiwap jim gihimakzin. Göņön mohotņan mönö möpöqöpösei pakpak aņgön kölmanangö dop akzan.” Mewö.

5

Lamanöņ Anutugö böröņeyök kimbi köpep meyök.

¹ *Miangö andöņe kimbi köpep kun ekiga jakömbuak dumnöņ tatzawangö böröņi öļņe ahöyök. Kimbi miangö sinņi mi likeplikkep lökņanök kulemöhök ohoba köpeiba sapönöņ ala muņgem supap (sil)* 7:nöņ köla mekötahögetka ahöyök. ² Mewöyök Suep garata ösum-mumuņambuk kun ekiga köhöikņanök qeta buzup keu kewö qesiba jiyök, “Daņön sarak sorokņi aka ölöp kimbi köpep kiangö muņgem supapņi (sil) munjurata kötulmawangö dop akka?”

³ Mewö jiyökmö, Suepnöņ, gölmenöņ aka kömupkö uņem miri miangöreņ körekmakörek eņgegetka kunņan kun mi mutula kulemņi ekņawangö dop qahö ahök. ⁴ Kunņan kun sarak sorokņi aka kimbi mi mutula kulemņi ekņawangö dop qahö miwikņaigeri, miangöra nöņön gwötpuk sahöt böliial.

⁵ *Sahöt bölibiga Anutugö jitņememe yeņgöreņök kunņan nöņgöra keu kewö jiyök, “Mönö kude sahötnöņ. Mötnöņ, Juda kambunöhök Deiwidkö gwölönarökņi kun ahuba laion sömbup ewö aka Bölöņangö Toņi luhut ala malja. Yaņön mönö ölöp köhöiba kimbi köpep kiangö muņgem supapņi (sil) 7 mi munjurata kötulma.”

⁶ *Mewö jüiga Lama moröņi ekiga jakömbuak dum bibiņe bem jembon 4 miengö sutņine kiniga Anutugö jitņememe yeņön liliköm wangiget. Lama

* 5:1: Eze 2.9-10; Ais 29.11 * 5:1: Kantri tosatiņe kimbi ohoba esunöņ ala sapö mamba kunņan mi kötulbapüköra aka muņgem supapnöņ kölakze. Kunņan muņgem supap (sil) mi laņ munjurata kulemņi yoņgorö oyoņbawak, mi mönö miwikņaigetka keubuk akņa. Kimbi toņanök mi galöm kölakza. Miri mi ki namņi ala misiin gemakzapmö, kimbi mi muņgem supapnöņ jöhömakze.

* 5:5: Jen 49.9; Ais 11.1, 10 * 5:6: Ais 53.7; Zek 4.10

moröŋi mianön mönö qeget kömuyöhangö tandökŋa kinök. Ilikŋi 7 aka jekötŋi 7. Anutunöŋ uŋaurupŋi bohonŋi 7 melaim enŋiiga gölmegö ambazip pakpak yengöreŋ anda maljei, jekötŋi 7 mi mönö yengö söpsöpŋina akze. ⁷ Lama moröŋi mi ekiga kaba kimbi köpep supapŋambuk mi jakömbuak dumnöŋ tatzawangö böröŋi ölneyök meyök. ⁸ *Mi meiga bem jembon 4 aka Anutugö jitŋememe 24 mienön mönö miangöreŋök Lama moröŋangö wösöŋe sipköba eta simin kölget. Yeŋön mohot mohot kulele aka goul gambi memba kinget. Ambazip sarakŋan köulukögetka Anutugöreŋ öngömakzawi, mianön mönö jiniŋ ohohogö dop aiga wörönŋi umköhöwakŋambuknöŋ öngöba pukpukömakza. Wörön mewöŋan mönö goul gambiŋini kokolak qeiga kinget. ⁹ *Simin köla liŋet döläkŋi kewö köla jiget,

“Göŋön qainŋi kun akzan. Gi guhugetka kömumba sepki mokoba mianön ambazip bohonŋi memba engömenöŋ.

Ambazip mi bem isikŋinaŋgö dop, keu jöl jjiŋinaŋgö dop, kambuŋinaŋgö dop aka kantriŋinaŋgö dop. Göŋön mönö miengöreŋök tosatŋi engömenöŋga Anutugö buŋaya akze.

Miangöra göŋön mönö sarak sorokŋi aka kimbi köpep supapŋambuk memba muŋgem supapŋi (sil) mutulmanangö dop akzan.

¹⁰ *Yeŋön Anutugö buŋaya aketka kusum enŋiba kuŋgum enŋinöŋga bemtohoŋgahö kin kembu kambu aka jike nup galömurupŋi akze. Yeŋön Anutuninaŋgö nupŋi memba mala gölme dop ambazip galöm köl enŋiba mal öngöme.”

¹¹ *Liŋet mewö köla jigetka möta toroqeba uba Suep garata jaŋgöŋini tausenni tausenni aka milyönŋi milyönŋi mi enŋeka liŋet kourukŋini möral. Yeŋön jakömbuak dum kösutŋe kinda bem jembon 4 aka Anutugö jitŋememe 24 mi liliköm enŋiba liŋet kölget. ¹² Liŋet köhöikŋanök qeta kewö kölget,

“O Lama moröŋi qeget kömuyöhi, yaŋön mönö sarak sorokŋi aiga Anutunöŋ ösum-mumu aka töhötmöriam waŋgiiga dopŋe akza.

Mötkutukutu öngöŋgöŋi aka kukösum pakpak buŋa qeiga dopŋe akza. Sarak sorokŋi aiga öläp qetbuŋa pakpak waŋgiinga asakmararan buŋa qeiga möpöseim waŋgizin.”

¹³ Mewö köla möpöseigetka liŋet kambu kun kewö möral: Anutunöŋ mal-malbuk miwikŋaim enŋiyöhi, mienön mönö körekmakörek liŋet kölgetka möral. Suepnöŋ maljei, gölmenöŋ maljei, kömupkö uŋem mire aka köwet qakŋe maljei, mienön mönö körek numbuŋini mindiriba liŋet kewö kölget,

“Jakömbuak dumŋe tatzawi aka Lama moröŋi neŋön inŋiri möpöseim etkizin.

Kötuet Toŋi etkö qetbuŋaŋiri jim qarimakzin. Nalö dop asakmararan etkiinga kukösum Toŋi mi teteköŋi qahö mal öngömahot.”

¹⁴ Mewö kölgetka bem jembon 4 mienön “Keu mi ölna,” jiget. Jigetka Anutugö jitŋememe yeŋön eta dapköba simin köla Anutu waikŋi memba möpöseim waŋgiget. Mewö.

6

Lama moröŋan muŋgem supap mohot mohot munjuratza.

* 5:8: Sum 141.2 * 5:9: Sum 33.3; 98.1; Ais 42.10 * 5:10: Eks 19.6; Ind 1.6 * 5:11: Dan 7.10

¹ Mewö möta yuai kewö asuhui ehal: Lama moröñan kimbi köpöp supapñambukö muñgem supapñi (sil) 7 miengöreñök mutukñi munjurata kötülök. Kötuliga bem jembon 4 yengöreñök kunñan keu kewö jiyök, “Mönö asuhuba kanöñ!” Keuñi mi wölpöndañ tandök ewö köhöikñanök qeri möral. ² *Mewö jiiga möta miangöreñök hos tuatñi kun asuhui ehal. Hos miangö qakñe azi kun timbiñambuk tari tosatan ila jalö wanğigetka nöropñe kölöc. Mi köla yarönöñ luhut ala malöhañön mönö kunbuk hos qakñe yarönöñ luhut almamgöra anök. Mewö.

³ Lama moröñan muñgem supap (sil) yahötñi munjurata kötuliga bem jembon yengöreñök yahötñi yañön keu kewö jii möral, “Mönö asuhuba kanöñ!” ⁴ *Mewö jiiga miangöreñök hos kun silenñi pisikñi somabölambuk asuhui ehal. Azi kun hos miangö qakñe taröhi, Anutunöñ mönö i yom karim gili luai qahöwakñapkö kukösumñi wanğiyök. Mi wanğiiğa gölmenöñ aum añğöhöba kömumegöra kuñguiga ambazip uru mem wahöt enğimawanğö kukösumñi miwikñaiyök. Mi miwikñaiiğa bimgö sou keta bölökñi wanğigetka memba anök. Mewö.

⁵ *Lama moröñan muñgem supap (sil) karöbutñi munjurata kötuliga bem jembon yengöreñök karöbutñi yañön keu kewö jii möral, “Mönö asuhuba kanöñ!” Mewö jiiga miangöreñök hos injañi kun asuhui ehal. Azi kun hos miangö qakñe taröhi, yañön inapkö lömbötñi kewöttingö dop ipñi (skeil) mi böröñan memba tarök. ⁶ Mewö tariga bem jembon 4 yengö sutñineyök kunöñ keu jiiga kourukñi tandök ewö kewö möral, “Silim mohotkö töwanñi (Kina 5) mianjön ölöp 1 kilogram wit flaua me 3 kilogram bali flaua mi bohonñi meman. Töndup nenegö oil ip aka wain kösö nup mi mönö kude mem bölime.” Mewö.

⁷ Lama moröñan muñgem supap (sil) 4:ñi munjurata kötuliga bem jembon 4:ñan keu jiiga kourukñi kewö möral, “Mönö asuhuba kanöñ.” ⁸ *Mewö jiiga miangöreñök hos kun silenñi gohotgohot aka kaukaunambuha asuhui ehal. Hos miangö qakñe taröhañğö qetñi mi kömupkö kondotkondot Toñi. Yangö kösutñe kömupkö uñem miri Toñan mewöñanök i wuatangöba kayök. Gölme mendengetka bahöñi 4 ahöiga miengöreñök kungö ambazipñi mi galöm köl enğibitkö kukösumñi mi Anutunöñ etkiyök. Kukösum mi etkiiga ösumñiran gölmegö ambazip bahöñi mi kewö mem kömum enğiyohot: Tosatan sou ketanñan (bainat) auba kömuget. Tosatan bödinöñ kömuget. Kawöl kanjamñambukñöñ tosatan enğömeiga kömuget aka tosatanñi mi gölmegö sömbup kalñi mienjön enğöhögetka kömuget. Mewö.

⁹ Lama moröñan muñgem supap (sil) 5:ñi munjurata kötuliga miangöreñök Anutugö ambazip tosatanñi enğuetka kömugeri, yengö unañini enğehal. Yenön Anutugö Buña keuñi añğö köla nanğöba jim sehiba malgerañğöra enğuetka kömumba alta bapñe ahöget. ¹⁰ Euyangöreñ ahöba köhöikñanök kewö qetket, “O Kambu kukösum Toñi, göñön diñdiñi aka ölbölni akzan. Miangöra mönö nalö dawik mambörin teköiga miangöreñ gölmegö ambazipñi kewöt enğiba keuñini jim teköman? Neñön gi welen qem gihiinga nenğuetka sepninanğö kitipñi mi mönö wani nalönöñ melenñöñga qakñine öñğöma?”

¹¹ Mewö jigetmö, maluku tuatñi köröpñi mi mohot mohot yengöra köl enğiget geiga Anutugö jimkutukutu kewö enğigetka mötket, “Injini

* 6:2: Zek 1.8; 6.3, 6 * 6:4: Zek 1.8; 6.2 * 6:5: Zek 6.2, 6 * 6:8: Eze 14.21

mönö toroqeba nalö töröptökñi mamböta malme. Mötnarip alaurupñinan toroqeba urugö nup memba malgetka inñini ewö mewöñanök enjugetka kömume. Yeñön kömugetka jañgö alali, mianñon dopñe aiga nalö mianñgöreñök mönö enjgeri, yeñgö keuñini jim tekömata.” Mewö.

¹²*Lama moröñan munñem supap (sil) 6:ñi munñurata kötulöhi, mi uba ehal. Mi munñurata kötulöhi, nalö mianñgöreñ kenöñ tandökñi sohosohöñi gilök. Wehön jeñan böuktutuk ala inñan köla wösöbirikö malukuñi sanjöp ewö (meme juññan memenñanñgö tandök) aiga söñauyök. Köiñ jeñan melenñalökñanök pisihiba sep ewö ahök. ¹³*Mewö aiga senñelau suepnöñ ahözei, mienñon mönö gölmenöñ etket. Newañ köññi gohoriba tatketka luhut köhöikñan qeba utuköba mumburatiiga erakzei, mönö mianñgö dop buratiba gölmenöñ tata pilpil etket.

¹⁴*Mewö etketka suep ehakzini, mianñon mönö ayapköyök. Kimbi köpöp köpeigetka öröba anakzawañgö dop mönö wölakzak öröba anda ayapköyök. Mi ayapköiga kunduñi pakpak aka köwetkö gölme jölanñi jölanñi mi mönö körek ahöahöñineyök zilañ kök ala sömuniget.

¹⁵*Mewö asuhuiga gölmegö kiñ kembuñi kembuñi, azi jembonñi jembonñi aka suahö galömnñi galömnñi mienñon mönö ölöñ köla asambötket. Ambazip kindiñbirik qetbuñanñambuk, ambazip kukösumñinambuk mi mönö körek kök ala asambötket. Nanñini nupñini memakzei aka toññanñgö welennñini öñe qemakzei, mi mönö körek pakpak banjet, köt kinimñi aka kunduñanñgö sem siañi jaruba mianñgöreñ asambötketka enñgehal. ¹⁶*Mianñgöreñ asamböta kunduñi Toñi aka sem sia Toñi enñgohola kewö uletket, “Inñini mönö kunduñi jim tekögetka buaköba kaba turum enñgiget. Jakömbuak dumñe tatzawañon jemesohol köñ enñgibapuköra aka Lama moröñanñgö irimesesewölñan enñgubapuköra mönö jim tekögetka közamböt enñgiget.” Mewö uletket. ¹⁷*Yetköñ irimesesewölñiri aukñe kondeljahori, mianñgö nalöñi ketanñan mönö kam kuñguba ahöza. Mi kuññan kun mesohol köla kinmawañgö dop qahö. Mewö.

7

Israel ambazip 144.000 mi Anutunöñ asö köñ enñgima.

¹*Mianñgö andöñe Suep garata 4 enñgekiga gölmegö wañgömnñi 4 mianñgöreñ kinget. Yeñön gölmegö luhut Toñi bohonñi 4 mi jöhöm enñgiba anñon köñget. Luhutnöñ gölme qakñe me köwet qakñe lañ gilbapuköra me ip kuññan qebapuköra mönö Toñi 4 mi böröñinan memba jöhöba kinget. ²Anutunöñ Suep garata 4 mi gölme aka köwet köñden enñgibingö kukösumñi enñgiiga gölme wañgömnñine kinget. Mewö kingetka enñgehiga Suep garata kuñöñ wehön kotkotñeyök asuhaba wahöri ehal. Yanñon malmalgö Toñi Anutugö munñem asö öröpñi galöm köla kaba Suep garata 4 yeñgöra köhöikñanök qerök.

³Qeta keu kewö jiyök, “Inñini mönö gölme me köwet mi zilañzilañ kude köñden etkime aka ip mi kude ayuhum enñgime. Mi qahöpmö, mönö mambötketka mutuk zilañök Anutuninangö munñem asöñi mi nupñi memakzei, yeñgö mesoholñine mekötahöm enñgibin. Mi mutuk kösöba mekötahöm enñgiingun andöñe mi ölöp köñdenñal ayuhume.” ⁴Mewö jiiga

* 6:12: Ind 11.13; 16.18; Ais 13.10; Joel 2.10, 31; 3.15; Mat 24.29; Mak 13.24-25; Luk 21.25

* 6:13: Ais 34.4 * 6:14: Ind 16.20 * 6:15: Ais 2.19, 21 * 6:16: Hos 10.8; Luk 23.30

* 6:17: Joel 2.11; Mal 3.2 * 7:1: Jer 49.36; Dan 7.2; Zek 6.5; Eze 9.4, 6

Anutugö mungem asöni mi Israel ambazip tosatnji yengö mesoholjine kösöm engiget. Kunöŋ yengö jaŋgöŋini jiiga kewö möral: Israel ambazip kambu 12 pakpak miengöreŋök mindiriba ambazip 144.000 mi kösöm engiget.

⁵ Israel kambu mohot mohot miengöreŋök 12.000 mewö mewö kösöm engiget. Juda kambugö 12.000, Ruben kambugö 12.000, Gad kambugö 12.000, ⁶ Aser kambugö 12.000, Naftali kambugö 12.000, Manase kambugö 12.000, ⁷ Simeon kambugö 12.000, Liwai kambugö 12.000, Isakar kambugö 12.000, ⁸ Zebulun kambugö 12.000, Josef kambugö 12.000 aka Benjamin kambugö 12.000. Mewö mewö asö köla mekötahöm engigetka mindiriba 144.000 ahök. Mewö.

Oyaenköyaen malmeaŋgö kambu ketanji ehal.

⁹ Miangö andöŋe kambu jitŋi buburatiŋi jaŋgöŋini kude oyoŋoyoŋgö dop mi ehal. Ambazip mi kambuŋinaŋgö dop, bem isikŋinaŋgö dop, kantriŋinaŋgö dop aka keu jöl jijiŋinaŋgö dop tokoba jakömbuak dum aka Lama moröŋi yetkö wösöŋire kinget. Miangöreŋ kinda maluku köröŋŋi tuatŋi köteköm anguget geiga böröŋinan nip sinŋaŋgö böröŋi memba kinget. ¹⁰ Mi memba kinda köhöikŋanök qeta kewö jiget, “Anutuninan jakömbuak dumŋe tatzawi aka Lama moröŋi yetköŋ mönö mem letot neŋgiyohotka oyaenköyaen akzin.”

¹¹ Mewö qeta jigetka Suep garata pakpak yeŋön jakömbuak dum kösutŋe areŋnöŋ kinda Anutugö jitŋememe aka bem jembon 4 mi liliköm engiget. Mewö kinda jakömbuak dum wösöŋe bamgöba eta simin köla Anutu waikŋi memba möpöseim waŋgiget. ¹² Anutu möpöseim waŋgiba kewö jiget, “Keu mi öljä! Anutu gi mönö kötuet, asakmararaŋ aka mötkutukutu öŋgöŋgöŋaŋgö Tonji akzan. Neŋön gi möpöseim gihiba qet-buŋagi jim qarimakzin. Anutunini, göŋön ösum-mumu aka kukösum Tonji akzan. Neŋön nalö dop mewö jim köhöininga Tonji mi teteköŋi qahö mal öŋgöba malman. Keu mi öljä!”

¹³ Mewö möpöseiba jigetka Anutugö jitŋememe yeŋgöreŋök kunŋan kewö jiba qesim ningiyök, “Ambazip maluku köröŋŋi tuatŋi löŋgöta kinjei, mi daŋön? Mi mönö denikeyök kaba mewö tokoba kinje?”

¹⁴ *Qesim ningiiga kewö melen waŋgial, “O ketanjamni, mi nöŋön qahö mötpiga nangok mötzan.” Mewö melen waŋgibiga jitŋememe yaŋön kewö jii möral, “Kahasililiŋ keta hölöŋkjaŋgö sutŋeyök kotkeri, yeŋön mönö mia akze. Lama moröŋaŋgö sepŋan mönö opo malukuŋini saŋgoŋni tuariiga malget. ¹⁵ Mewö malgeraŋgöra aka Anutugö jakömbuak dumŋi mesohol köla sunŋem silim möpömöpösei jikeŋe (tempöl) mala Anutugö nupŋi memba malme. Mewö malgetka jakömbuak dumŋe tatzawaŋön mönö opo koumŋi möröreŋgöba köl turum enŋiiga malme.

¹⁶ * “Mewö malgetka nalö kunöŋ nenegö me ogö qahö kömume. Wehöŋöŋ me yuai könöpŋambuk kunöŋ mönö qahö enŋohotirima. ¹⁷ *Kewögöra oyaenköyaen malme: Lama moröŋan jakömbuak jake bibiŋe tata galöm köl enŋiba enŋuaŋgiriga malmal köhöikŋaŋgö o töwatŋaŋgö jeŋe anakŋe. Anutu nanŋak jeŋineyök imbilŋini pakpak kutuiga teköma.” Mewö.

* 7:14: Dan 12.1; Mat 24.21; Mak 13.19
Sum 23.2; Ais 49.10; 25.8

* 7:16: Ais 49.10

* 7:17: Sum 23.1; Eze 34.23;

8

Lama moröñan munjem supap 7:ni munjuratza.

¹ Lama moröñan munjem supap (sil) 7:ni munjurata mutuliga Suep miri miangörej kouruk pakpak göröñ ala 30 minitkö dop nöñ qeba ahöyök. ² Mewö asuhuiga Suep garata 7 Anutugö wösöñe kinjei, mi engekiga kunöñ tömun qainñi kun (biugel) 7 mi böröñine ala engiyök.

³ *Mi engekiga Suep garata kun asuhaba jiniñ ohohogö goul qambiñi memba kaba alta kösutñe kinök. Ambazip sarakñi pakpak Anutugö köulukögetka yañön jiniñ altanöñ ohoiga wöröñni umköhöwakñambuk mi köulukñinambuk toroqeba pukpuköba mohotñe öñgöba Anutugöreñ anakza. Goul alta mi jakömbuak dum wösöñe kinjawi, yañön mönö miangö kösutñe kiniga tosatñan jiniñ mi gwötpuk ohomapköra wanğiget. ⁴ Yañön jiniñ mi ohoiga miangö köwakñan mönö Anutugö ambazip sarakñi yeñgö köulukñinambuk toroqeba Suep garata yañgö böröñeyök wahöta Anutugö jemesoholñe öñgöget. ⁵ *Suep garata miañön jiniñ qambi mi memba altanöhök könöp jitiñi mei jeiga qambi miangöreñ uiga kokolak qeiga gölmenöñ gili geyök. Gili geiga miangöreñök wölpöndañgö göjuñi göjuñi asuhaba giñgururuñ qerök. Wölbilik ösumñinambuk asuhugetka kenöñi kenöñi nalöñi nalöñi meyök. Mewö.

Garata yeñön tömun qainñi kun uget.

⁶ Suep garata 7 tömunñini qainñi kun (biugel) megeri, yeñön mi ubingö jöjöröget.

⁷ *Garata mutukñan wahöta tömunñi qainñi kun uyök. Mi uiga ais kötni aka könöp bölamñi mi kie ewö asuhaba sepuk toroqeggetka kunöñ mi mokoiga mohotñe gölmenöñ erök. Miñön könöpñambuk eta gölme qeiga gölmegö bahöñi karöbutñan jem teköyök. Arökñangö ipñi miengö bahöñi karöbutñan jem teköget aka gwözözak sinñi görökñi mi körek jeba jem teköyök.

⁸ Garata yahötñi yañön wahöta tömunñi qainñi kun uyök. Mi uiga kunöñ kundunñi ketanñi könöp jejenñi tandök ewö (wolkeno) yuai mi giliga köwetnöñ geyök. Geba köwet meiga köwetkö bahöñi karöbut miengöreñök kunñan melenđa sep ahök. ⁹ Mewöñanök Anutunöñ köwetkö yuainñi pakpak miwikñaiiga maljei, miangö bahöñi karöbut miengöreñök kun mi kömuget aka wanğe pakpak miengö bahöñi karöbut miengö likepñini kun mi jömgöba ayuhuget.

¹⁰ *Garata karöbutñan wahöta tömunñi qainñi kun (biugel) uyök. Mi uiga senğelau ketanñi kiwa bölamñi ewö tandök jeba suepnöhök teköba erök. Eta köla gölmegö o töwatñi enğuba miengö bahöñi karöbut miengöreñök kun aka o jeñi pakpak mi dop köñ engiyök.

¹¹ *Senğelau miangö qetñi mi röbek kömbukñambuk. Röbek miñön eriga onñi onñi miengö bahöñi karöbutñi mi melenđa kömbukñinambuk aket. Kömbukñinambuk akeranğöra aka ambazip gwötpukñan mi memba kömuget.

¹² *Garata 4:ni yañön wahöta tömunñi qainñi kun uyök. Mi uiga kunöñ wehön jeñi aka köin jeñi mietkö asakñiranğö bahöñiri karöbutñi mi etkuiga bahösapsap ömuñ köla söñauyohot. Mewöñanök senğelau bahöñini

* **8:3:** Amos 9.1; Eks 30.1, 3 * **8:5:** Lew 16.12; Eze 10.2; Eks 19.16; Ind 11.19; 16.18 * **8:7:** Eks 9.23-25; Eze 38.22 * **8:10:** Ais 14.12 * **8:11:** Jer 9.15 * **8:12:** Ais 13.10; Eze 32.7; Joel 2.10, 31; 3.15

karöbutni enğuiga melenđa sönauget. Mianğöra silim nalönanğö bahöni karöbutnan sönauba pandaman ahök. Mewönanök sunğemgö asaknan törriğa bahöni karöbutnan sönauyök.

¹³ Mewö aiga eu uba tukapkap kun eka mötpiga könakembaņe eu bölbölgöba suep bibiņe kutuba kaba köhöiknanök qeta kewö jiyök, “O ambazip gölmenöņ maljei, Suep garata karöbut yeņön mönö toroqeba tömunņini qainņi kun ubingö dop akze. Tömun karöbut miengö kou-rukņini mötketka lömböt kanjamņambuk karöbut asuhumei, mianğöra mönö wöłziköba yei! yei! jiba sahötzal.” Mewö.

9

Suep garata 5:ņan tömunņi qainņi kun uyök.

¹ Suep garata 5:ņi yanğön tömunņi qainņi kun (biugel) uiga ekiga suepnöhök senğelau kun teköba gölmenöņ erök. Eriga kunöņ ömewöröme yeņgö löm dutņi qahö mianğö ki moröņi mi senğelau Tonji mi waņgiyök.

² *Mi waņgiiga öme löm dutņi qahö mianğö önunņi musuliga mianğoreņök köwak ketanņi sönğok imarurubuk jeba köwak wahörakzawi, mönö mianğö dop kundungöba wahöta wehön jeņi esuhuba luhut köwaknöhök dop köl teköyök. ³ *Köwak mianğö uruņeyök gawötņi gawötņi mosöta gölmenöņ kaņgotketka Anutunöņ kukösum enğiyök. Kukösum mi skorpion (omeqaqa) yeņğoreņ kukösum tandök ewö ahök.

⁴ *Mi enğiiga Anutunöņ kewö jim kutum enğiyök, “Inini mönö gölmeğö yuai görökņi gwözözak me ip mewöņi mi kude ayuhum enğimemö, ambazip mesoholņine Anutugö munğem asöņini qahö miyök mönö mem bölim enğime.” Mewö jim kutum enğiyök. ⁵ Anutunöņ gawöt mi kukösum enğiiga ambazip enğöhögetka köiņ 5:gö dop sihimbölä önöņi qahö mötket. Sihimbölä mi skorpion (omeqaqa) azi yöhöiga sihimņi mötzawi, mönö mianğö dop. Sihimbölä mewö mötketmö, Anutunöņ angön köl enğiiga mem kömum enğimeanğö kukösumņi mi gawöt yeņön qahö memba öne enğöhöget. ⁶ *Ambazip enğöhögeri, yeņön nalö mianğoreņ kömumbingö jarumemö, kömup mi qahö miwikņaiba kömumbingö osime. Kömumbingö möta qemjeņ qememö, kömupkö kondotkondot Tonjan mönö kungen anma.

⁷ *Gawöt enğekiga mienğön hos yarögöra aködamunņinambuk jöjörömakzei, mönö miengö dop aket. Nöröpņine yuai mundaņi goul ewö kölgeri, mi ila jalö tandöktandök ahök. Jemesoholņinan ambazip jemesohol tandök ewö aket. ⁸ *Gawöt miengö nöröp jupņini mi gwalambu yeņgö nöröp jup ewö aket. Gawöt jitņinan laion sömbupkö jitņi ewö aket. ⁹ *Göwanğöwanņini (töptöp maluku) mi ain suman ewö tandök aket. Ginginņini qegetka ötöņ asuhui mörali, mi kewö: Hos sehisehinņi yeņön yarögö kareņi kareņi öröba luhuba bimnöņ angetka giņgururuņ asuhumakzawi, mönö mianğö dop.

¹⁰ Dagiņini mi skorpion (omeqaqa, anamumu) ewö jitņinambuk aket. Mienğön ambazip köiņ 5:gö dop sihimbölä mötmegöra enğöhögeri, mianğö kukösumnan mönö gawöt dagiņine ahöm enğiyök. ¹¹ Gawöt miengö kiņ kembunņini mi ömewöröme yeņgö löm dutņi qahö mianğö garatanņi qetņi Ayuayuhu Tonji. Mi Hibru keunöņ Abadon aka Grik keunöņ Apolion.

* 9:2: Jen 19.28 * 9:3: Eks 10.12-15 * 9:4: Eze 9.4 * 9:6: Job 3.21; Jer 8.3 * 9:7:

Joel 2.4 * 9:8: Joel 1.6 * 9:9: Joel 2.5

¹²Yei wölzik mutukñi kanjamñambuk mi mewö teköyök. Mötket, miangö andöñe yei wölzik yahöt kanjamñirambuk mi mönö toroqeba könangep asuhumahot. Mewö.

Suep garata 6:ñan tömunñi qainñi kun uyök.

¹³*Suep garata 6:ñi yañön tömunñi qainñi kun (biugel) uyök. Mi uiga Anutugö wösöñe goul alta ahözawi, miangö ilikñi 4 mienğöreñök kouruk kun kaiga möral. ¹⁴Kouruk miangön Suep garata 6:ñi tömunñambuk yañğöra kewö jiyök, “Anutunöñ garata 4 jöhöba gwaröhöm engiba o töwatñi ketanñi qetñi Yufreitis miangö qöhöröñe al engiyöhi, mi mönö pösat engiman.”

¹⁵Anutunöñ garata 4 mi jöhöm engiba gwarönöñ tatmegö (yara) yambunñini, köinñini, silimñini aka auanñini mi törörök arengöm engiiga tatket. Yeñön nalöñini mi kam kunğuiğa miangöreñök ambazip kantrinñi kantrinñi mienğö bahöñi karöbutñi mi engubingö jöjöröba tata nalöñinañğöra mambötket. Miangöra Suep garata 6:ñan altanöhök kouruk möta miangöreñök anda garata 4 mi pösat engiyök. ¹⁶Pösat engiiga yarö kambu keta bölökñi mi hosñinambuk asuhuba kaget. Nöñön jañğöñini mötpiga 200 milyön ahök.

¹⁷Jemeleñ miangöreñ azi hos qakñe tata kageri, mienğö kaisongolomñini ekiga kewö tandök aket: Göwanğowañini (töptöpkö ain sumanñini) mi könöp jit pisikñi, asonñi injañkölkölñambuk aka gohotñi salfa könöp köt ewö. Hos mienğö kaisongolomñini engekiga nöropñini laion sömbupkö nörop ewö aketka numbuñineyök könöp, köwak aka köt könöpñambuk qetñi salfa mi eta kayök. ¹⁸⁻¹⁹Hos yeñğö numbuñineyök könöp, köwak aka könöp köt qetñi salfa eröhi, miangön mönö ambazipñi ambazipñi enguyök. Hos mienğö kukösumñini mi numbuñine aka daginñine ahöyök. Daginñini mi mokoleñ ewö aketka daginñinañğö kitipñi mi jitñinambuk. Kitipñi jitñinambuk mienğön mönö ambazip ihilek ewö engohotirimakze. Lömböt kanjamñinambuk karöbut mi mönö gölmegö ambazip pakpak yeñğö bahöñini karöbutñi mi enguiğa kömuget.

²⁰*Lömböt kanjamñinambuk mienğön ambazip tosatñi qahö enguget kömumba toroqeba malgeri, yeñön mönö töndup uruñini qahö melenget. Nanñini böröñinan yuai memba waikñini memba möpöseigeri, miangöra qahö möt bölim anguget. Ömewöröme aka tandö lopion waikñini memba möpöseim engiengñi mi qahö mosötket. Tandö lopion tosatñi mi goul, silwö me brons ainöñ memeña. Tosatñi mi köt urasiba me ip söhöba memeña. Miangöra tandö lopion mienğön yuai eka mötpingö me anda kabingö osimakze. Töndup ambazipnöñ mi qahö mosötket.

²¹Mewöyök ambazip enguget kömükömu me sait qarösongo amötqeçe mi qahö mosötket. Mi toroqeba aka memba serowilin aket aka yuai lan yonğorö memba malget. Miangöra uruñini qahö melenget. Mewö.

10

Suep garata aka kimbi köpew moröñi

¹Miangö andöñe Suep garata kukösumñi onğotonğotñi kun ekiga Suepnöhök kousunöñ esuhum wañğuiğa erök. Nöropñi kiam nesilamñan kutuba liliköba ahöyök. Jemesoholñi wehön jeñi ewö aiga könarñi yahöt mi tandö könöp bölamñirambuk yahöt ewö jeba kinök. ²Böröñan

kimbi köpöp moröni meiga kötükötulni ahök. Könanji ölni köwetnöni ala qanini mi gölmenöni ala kinök. ³ Mewö kinda laion sömbupnöni görörökömakzawi, qetni mönö miangö dop köhöiknanök qerök. Qeriga wölpöndangö ginggururu 7 mienön mönö melenja görörököba keunini qetketka möral.

⁴ Wölpöndangö ginggururu 7 mienön qeta keunini jigetka mörali, nöjön mi mönö miangörenök papianöni ohomangö ahal. Kimbi ohomangö ahalmo, kouruk kun Suepnöhök mötpiga keu kewö jiyök, “Wölpöndangö ginggururu 7 keu jizei, mi mönö nangohok ölöni mötnöni ahöma. Mi kude ohoman.”

⁵ *Suep garata könanji köwet aka gölme qaknjire tiba kini ehali, yanön böröni ölni memba wahöta Suepnöni göröken alök. ⁶ Jjöpan keu jimangöra böröni mewö ala mi jim köhöiba alök. Kunöni Suep, gölme, köwet aka yuai pakpak miangören ahözawi, mi miwiknaiba kinda nalö dop teteköni qahö köhöiba mal öngömawi, mönö yangö qetne jjöpan keu kewö jiyök, “Anutunöni mönö nalö kunbuk qahö qekörii öngöma. ⁷ Mewö qahöpmö, Suep garata 7:nan tömunni qainni kun (biugel) uiga kourukni mötmei, nalö miangörenök Anutugö keu areni asa-asambötjan mönö ölnambuk akna. Kezapqetok ambazip Anutugö nupni memba mala kotketka yengöra Buja keuni ölöni jim indel engiiga möta kota malgeri, Buja keu miangö dop mi mönö zilan ölnambuk akna.”

⁸ Miangö andöni kouruk kun mutuk Suepnöhök mötpiga keu jiyöhi, mianön mönö dumne kunbuk keu jiiga kewö möral, “Suep garatanöni köwet aka gölme qaknjire tiba kinda kimbi köpöp meiga böröni kötükötulni ahözawi, mi mönö anda meman.”

⁹ Mewö möta Suep garatagören anda kimbi köpöp moröni mi niingimapkö qesial. Qesibiga nöngöra kewö jiyök, “Mi mönö memba nenöni! Nenönga gölönge geba melenjiga kömbuk usukömappmö, numbuge mi mönö moron onangö nahömni ewö asuhuma.”

¹⁰ Mewö jiiga kimbi köpöp moröni mi yangö böröneyök memba neal. Nembiga numbune moron onangö nahömni ewö ahökmö, gwahötpi gölömnge geiga melenjiga kömbuk usuköyök. ¹¹ Mewö aiga nöjön keu kewö möral, “Gi mönö dumne kunbuk Anutugö kezapqetok keuni keuni jim sehiba malman. Kantrinji kantrinji aka bem isikni isikni keu tandök jijninangö dop maljei, mönö yengö aka yengö kin kembunini miangö kezapqetok keunini mi qeljine jiba malman.” Mewö.

11

Anutugö jitrjememe yahötjan keuni nangöba jiyohot.

¹ *Mewö jii möta kinbiga Suep garata mianön dop alalgö öröpni jehot ewö mi niingiba kewö jim kutum niingiyök, “Gi mönö wahöta anda Anutugö jöwöwöl jike aka miangö jöwöwöl altanji mi dop öröp (rula mesa) mianön dopni ala oyonman. Mewöyök miangören öngöba Anutu möpöseiba kölulknini alakzei, mönö mi kewöta jangöni oyonman. ² Jöwöwöl jike dopni ala miangören sambem yaigepni mi mönö ongita mosötman. Mi kian kantri yengöra al engigetka ahöiga yenön siti töröni mi köni 42 miangö dop tiba anda kamakne. Miangöra sambem yaigepnanangö dopni mi kude

* **10:5:** Eks 20.11; Dut 32.40; Dan 12.7; Amos 3.7-10; Eze 2.8-3.3 * **11:1:** Eze 40.3; Zek 2.1-2; Luk 21.24; Zek 4.3, 11-14; 1 Kin 17.1; Eks 7.17-19; 1 Sml 4.8; Dan 7.7, 21; Ind 13.5-7; 17.8; Ais 1.9-10; Eze 37.10; 2 Kin 2.11; Ind 6.12; 16.18

oyonman. ³ Nöhön jitnememe yahötni melaim etkiba keuni nanğöba jima-hotkö kukösumñi al etkibiga asuhumahot. Asuhuba wösöbirikö maluku sanjöp ewö mem anğuba liliköba (gölme gwakötak ariba) silim 1260 nalö mianğö dop kezapqetok keu nup memba malmahot.”

⁴ Oil ip yahöt aka lambe dum tatatñi yahöt gölmegö Kembangö wösöñe kinjahori, mi mönö melenđa eta asuhuba dangunu ewö kinda nöñgö könani nanğöba jiba malmahot. ⁵ Kunöñ me kunñan etkum mizit ak etkimamgö mötza ewö, könöp bölamnöñ mönö numbuñireyök aka kerökurupñiri engohoiga ayuhumakñe. Kunöñ me kunñan etkumamgö mötza ewö, i mönö köna mewöñanök mianñon qeyohot kömuma.

⁶ Suepkö kousunji jöhöbitkö kukösumñi mi yetköreñ ahöiga kezapqetok keu jim sehimahori, nalö mianğö dop kie qahö yöhöma. Kukösumñiran o jeñi pakpak mewöñanök dop köliga mianñon ölop o pakpak melenj engigetka sep akñe. Mewöñanök kukösumñiran öñgöñgöñi ahözawañgöra aka sihimñiran jimawañgö dop ölop jigetka lömböt kanjamñinambuk könañi könañi asuhuba gölme mem böliba ambazip engumakñe.

⁷ Anutugö keunji nanğöba jim teköyohotka ömewöröme yeñgö löm dutñi qahö mianğöreñök jemnemba kunöñ wahöta bim qem etkiba luhut ala etkuiga kömumahot. ⁸ Kömuyohotka qamötñiri siti qetbuñañambukö köna namñe etkömosötketka lañ ahömahot. Siti mianğö qetñi tölapñi mi Sodom aka Ijpt qerakze. Kambuñiri Jisös i mönö mewöyök mianğöreñ maripomnöñ qegetka kömuyök. ⁹ Qamötñiran lañ ahöyohotka ambazip pakpak mi etkehakñe. Gölmennöñ löm köl etkibingö jiba jöhöme. Mewö öne lañ ahöyohotka ambazip kantrinji kantrinji, kambuñi kambuñi, bem isikñi isikñi keu tandökñini nanñik nanñik jimakzei, yeñon mönö qamötñiri mi silim karöbut aka bahöñi kun mianğö dop uba etkehiget.

¹⁰ Kezapqetok azi yahöt yetköñ ambazip gölme qakñe maljei, mi uru kunğum engiyohotka mianğöra sihimbölä öñöñi qahö miwikñaiba malget. Mianğöra kömuyohotka qamötñiri etkekñei, mianğöreñ mönö köirañ ala saureñ unduba nem söñgaip pati ala nanñini kalem könañi könañi anğubingö alget anda kama. ¹¹ Silimñi karöbut aka bahöñi kun mi teköiga Anutunöñ söngörö ösum söngöröñire ui geiga guliba wahöta köñgep kinohot. Wahöta kinohotka ambazipnöñ etkeka töwöratiba jöñomñini unduiga sömbuñini mötket. ¹² Köñgep kinohotka Suepnöhök qet köhöikñi kun kewö qeta jii mörohot, “Inñiri mönö kewö korohot.” Mewö jii möta kousu uruñe wahöta Suepnöñ öñgöyohotka kerökurupñiran öne etkeka nemböñini teköiga kinget.

¹³ Könañiran gölme mosöta öñgöyohotka nalö mianğöreñök kenöñ tandökñi sohosohonji gila siti bahöñi 10% (bahöñi tenöhök mohot) mianğö dop kusuba köndenmönderñök. Köndenmönderñe ambazip 7.000 mianğö dop engui kömuget. Ambazip qahö kömuger, mienñon mi eka töwöratiba sömbuñini möta Suepkö bemñi Anutu i ösumñangö möpöseim wañgigetka qetbuñañambuk ahök.

¹⁴ Wölkiz yei qet kanjamñambuk yahötñan mewö teköyökmö, mötket, wölkiz yei qet karöbutñangö ölnan mönö zilañ asuhuba qakñine öñgöma. Mewö.

Suep garata 7:ñan tömunji qainñi kun uyök.

15 *Suep garata 7:ni yañon tömunji qainji kun (biugel) uyök. Mi uiga Suepnöj keu köhöikjanök eraum mötketka kourukjni mötpi kewö jiget, “Ayop, nanine Kembunini aka yangö Amötqege Tonji Kraist yetkön mönö gölme pakpak galöm köl engibitkö kukösumji mi lökjanök buja qem anğum teközahot. Yañon mönö nalöni nalöni galöm köl engiba malma, ee-aa-ee. Galömkölköljan mönö nalö kunöj qahö teköma, ee-aa-ee.” 16 Mewö jiget mötpiga Anutugö jitnememe 24 Anutugö jemesoholne jakömbuak dumjine tatzei, yeñon mönö eta bamgöba sipköba Anutugö waikni memba möpöseim wanjiget. 17 Möpöseim wanjiba kewö jiget, “O Kambu Anutu kukösum pakpakö Tonji, göñon mönö mala kotnöj aka mal köhöizan.

Göñon kukösumgi öngöngöni memba könahiba gölme pakpak galöm köl engiba kin kembuñina aka malman.

Miangöra neñon mönö möpöseiba saiwap jim gihizin.

18 Kian kantrinji kantrinji yeñon irimjini seholliga kazik ak gihiba malgetmö, göhö kazik nalögan mönö dölkewöne kam kuñguba ahöza.

Göñon nalö kewöne kömukömuñi yeñö keuñini kewöta jim teköm engiman aka nangi ambazipurupki töwanjini engiman.

Kezapqetok ambazip aka ambazip sarakni tosatni göhö nupki memba malgeri aka öngöngöni eretni göhö qetki ayuhubapukö kenjötnini möta malgeri, i mönö töwanjini engiman.

Mewöyök tosatñan ambazip enguba kantri köndenja malgeri, mi mönö köndenj engiman.” Mewö möpöseiba jiget.

19 Miangö andöne Suepnöj anañjiiga Anutugö möpömöpösei jikegö (tempöl) nangujan tali ekiga jike urune Anutugöreñ jöhöjöhö areñ bokis aködamunñambuk mianñon ehekni ahöyök.* Suepnöj anañjiiga nalö miangöreñök wölbilik aliga wölpöndañ aka gingururuñ qeriga möral. Kourukni kourukni mi mötpiga kenöj memba kie römbum giliga ais kötni ketanji ketanji etket. Mewö.

12

Ambi aka sekak namñi ilikñambuk

1 Suepnöj aiwesök ketanji wewelipñambuk kun kewö asuhuiga ehal: Ambi kun wehön jeñan malukuñi aiga köiñnöj köna tamböni bapne asari-iga sengelau 12 mi ila jalö ewö nöropne kölgetka gömgöm-bilikbilikñinambuk tatket. 2 Köronambuk (gölömnambuk) mala morö memenangö nalöñan dopdowiiga lömböriiga masö qeiga sihimbölo möta qet gigilahöyök.

3 *Miangö andöne aiwesök kun Suepnöj kewö asuhuiga ehal: Sekak namñi ilikñambuk (dragon), mundañi pisikni pötpöt, nöropni 7 aka ilikni 10. Nöropni 7 miangöreñ ila jalö 7 kölgetka tarök. 4 *Sekak namñi mianñon daganñan suep qeapköba sengelau miengöreñök bahöni karöbutni öröba gili gölmenöñ etket. Etketka ambi nanñi morö memangö ahöhi, yangö wösöne kinök. Mewö kinda moröni memawi, mi mönö miangöreñök gwahötмамгöra mörök.

* 11:15: Eks 15:18; Dan 2:44; 7:14, 27; Sum 2:5; 110:5; 115:13; Ind 8:5; 16:18, 21 * 11:19: Anutugöreñ jöjöpañ keu 10 aka jimkutukutu tosatni mi köt ilanñan ohoba bokis miangö urune alget tari galöm kölakze. * 12:3: Dan 7:7 * 12:4: Dan 8:10

5 *Ambi mianjōn morō nahōn azia meyōk. Yanjōn kantriŋi kantriŋi pakpak ain örōpnōŋ galōm köl enġiba malma. Ambinōŋ morō meyōhi, garatanōŋ mi mōnō miangōreŋjōk zilaŋ memba anda Anutugō jakōmbuak dum qōhōrōŋe alōk. 6 Miangōreŋ aliga ambinōŋ nanjōk mosōta kōk ala anōk. Anutunōŋ ambi mi silim 1260 miangō dop gōlme qararanjōlkōlōŋe kōyan köl waŋiget malmapkōra miri gōlme kun mōhamgōiga miangōreŋ kōk ala anōk.

7 *Suep uruŋe yarō juliga kewō auget: Suep garata bohōnŋi Maikel aka yaŋgō garataurupŋi yeŋōn sekak namŋi tuarenjōŋ aka i aka yaŋgō garataurupŋi yembuk auget. 8 Auba sekak namŋi aka yaŋgō garataurupŋi yeŋgō ōsumŋini qahō dop kōliga luhut qahō al enġiba miriŋini mosōta Suep uruŋe toroqeba malbingō osiget. 9 *Osigetka sekak namŋi ilikŋambuk mi mōnō kōzōla Suepnōhōk wuatangōget. Sekak namŋi mianjōn mōpŋaŋgō mōpŋeyōk mokoleŋ aka Iw (Ewa) isim waŋgiyōk. Qetŋi alaŋi Bōlōŋaŋgō Tonŋi aka Satan. Yanjōn kantriŋi kantriŋi pakpak kuŋgum enġiiga janjuŋ anda malgeri, mi aka yaŋgō garataurupŋi mi mōnō yambuk Suepnōhōk kōzōla akōm enġigetka gōlmenōŋ etket.

10 *Etketka Suepnōŋ qet ketanŋi kunōŋ kewō jii mōral, “Keu silenōŋ alal Tonjan sunġem asak Anutuninaŋgō wōsōŋe kinda urumelenŋ alaurupnini jim enġiba malōhi, mi mōnō yakōriba akōm waŋigetka yaigeŋ eriga kōiraŋ kōljin. Nanine Anutuninan mōnō nalō kewōŋe ambazip amōt qem enġiba kukōsumŋi qakŋe galōm köl enġiiga bemtohoŋaŋgō ōlŋan lōk asuhuza. Amōtqeŋe Tonjaŋgō ōsum-mumuŋan lōk asuhum tekōza. 11 Yanjōn mōtnarip alaurupnini keunōŋ al enġiba malōkmō, Tonŋi mi mōnō kewō luhut al waŋiget: Lama morōŋaŋgō sepŋan i amōt qem enġiiga kōhōiba Buŋa keu ōlbōlŋi nanġōba jim sehiba malget. Mewō mala jōjōrōba silenŋini tōkōba bōŋ kinda bim qeba luhut alget.

12 “Miangōra Suep mire maljei, enjōn mōnō kōrek pakpak sōŋgaiba kōiraŋ ala malme. Mewō malmemō, gōlmenōŋ aka kōwetnōŋ maljei, iŋini mōnō lōmbōt kanjamŋambuk bisimei, miangōra mōnō Yei! jiba sahōtza. Bōlōŋaŋgō Tonjan luhuba eta tiba enġōreŋ kaba nup meme nalōŋi törōptōkŋi ahōi mōtzawaŋgōra mōnō kazik ketanŋi ahakza.”

13 Sekak namŋi ilikŋambuk yakōriba akōm waŋigetka gōlmenōŋ erōhi, mi ek asariba ambi morō nahōn meyōhi, mi kazik ak waŋgiba wuatangōyōk. 14 *Wuatangōyōkmō, ambinōŋ kōk aliga Anutunōŋ tukapkap ketanjaŋgō ġinginiŋi yahōt waŋgiiga mianjōn bōlbōlgōba ōsumŋan anōk. Anutunōŋ gōlme qararanjōlkōlōŋe yaŋgōra miri gōlme kun mōhamgōyōhi, mōnō miangōreŋ anōk. Miangōreŋ anda asambōta maliga (yara) yambu 3 aka bahōŋi kun mi kōyan köl waŋigetka mokoleŋnōŋ i qahō miwikŋaiba qelanjima. 15 Ambinōŋ bōlbōlgōba aniga mokoleŋgō irimŋi tekōiga numbuŋeyōk ambigō andōŋe o gwaulu suaiiga o tōwatŋi ahōk. O mianjōn ambi mi yōhōsaŋda memba jōhōm waŋgimapkōra mōta mewō sōwōtkōba loŋnōk.

16 Mewō loŋnōkmō, gōlmenōŋ ambi mi baukōm waŋgiba tiŋgiriga lōm ahōk. Sekak namŋan numbuŋeyōk o suaiiga o tōwatŋi ahōhi, mianjōn mōnō lōm miangōreŋ geŋa jōpkōba qahōwahōk. 17 Mewō asuhuiiga sekak namŋaŋgō irimŋi mōnō ambi miangōra aka sehōliiga mosōta ambi miangō gwōlōnarōkurupŋi tosatŋi qetala yarō gil enġimangōra anōk.

* 12:5: Ais 66.7; Sum 2.9 * 12:7: Dan 10.13, 21; 12.1; Jud 9 * 12:9: Jen 3.1; Luk 10.18

* 12:10: Job 1.9-11; Zek 3.1 * 12:14: Dan 7.25; 12.7

Gwölönarökurupnji mienjôn Anutugö jöjöpañ keu tem köla Jisösgö Buña keu töp nañgöba jim sehimakzei, mönö yembuk karim aubingö anök. ¹⁸ Aubingö anda köwet sakñe añgota kinök. Mewö.

13

Jemnemba köwetnöhök korök.

¹*Miangö andöñe jemnemba kun ilikñi 10 aka nööröpñi 7 mi köwetnöhök koriga ehal. Ilikñi 10 miangörej ila jalö 10 kölgetka tatket aiga nööröpñi mohot mohot miangörej qet mepaqepaikñinambuk ohogetka ahöyök.

² Jemnemba mi ekiga kewö ahök: Kaisongolomñi mi lepad taigögö tandök ewö ahök. Köna böröñangö sölöpñi mi beö sömbupkö sölöp ewö ahök. Numbuñi mi laion sömbupkö numbuñi ewö tandök. Sekak namñan mönö ösumñi, jakömbuak dumñi aka ambazip galöm köi engimapkö kukösumñi öngöñgöñi mi jemnemba wañgiyök. ³ Wañgiiga nööröpñi kun mi uzi köhöikñi kunöñ mei kömumawañgö dop ahökmö, uziñan misiri-iga löpötñanök tarök. Gölmegö ambazip körek pakpak yeñön auruba jemnemba mi andöñe wuatañgöba anget. ⁴ Wuatañgöba anda sekak namñangö waikñi memba möpöseiba malget. Kukösum mewöñi mi jemnemba wañgiyöhañgöra i aka jemnembagö waikñi mewöñanök memba möpöseiba kewö jiget, “Dañön jemnembagö dop akawak? Dañön i tuarenjôn ak wañgiba yambuk aumangö köhöibawak?”

⁵*Mewö jigetka Satanöñ jemnembagö numbuñi sölölöhöiga köhöiba jakbak-örañbörañ qakñe mepaqepaik keuñi lanlan jiba malök. Anutunöñ Satan qahö añgön köliga ilitmamgö kukösumñi mi köiñ 42 miangö dop ahöm wañgimapköra jim teköyök. ⁶ Mi jim teköiga numbuñan añañgiiga Anutu ilita malök. Anutugö qetñi, Suep mirinji aka Suep uruñe maljei, mi pakpak mönö mepaqepaik ak engiba malök. ⁷*Mewö maliga Satanöñ ambazip sarakñi tuarenjôn ak engimangö kukösumñi wañgiiga yembuk bim auba luhut al engiyök. Luhut al engiiga Satanöñ ambazip isikñini pakpak kambuñinangö dop, keu tandökñinangö dop aka kantriñinangö dop mi mönö jemnembagö böröñe al engiyök.

⁸*Ambazip körekmakörek gölmenöñ maljei, yeñön mönö jemnembagö waikñi memba möpöseiba malme. Anutugö ambazip solanñi qetñini Suep mire papianöñ ohoget ahözawi, yeñönök mönö jemnemba mi qahö möpöseime. Möpñangö möpñe Anutunöñ Suep gölme miwikñaim etkiyöhi, nalö miangörejök könahiba qetñini mi malmal köhöikñangö papia miangörej ohoba mala kotket. Malmal papia mi Lama moröñi qeget kömuyöhi, mönö yangö buñañi ahöiga galöm kölakza.

⁹ “Kunñan kezapñambuknöñ malja ewö, yañön mönö keu ki kezap ala möt kutuma! ¹⁰*Kun kösö mire anmawañgö dop akzawi, yañön mönö miangörej anma. Kun bimgö sou ketañan ugetka kömumawañgö dop akzawi, yañön mönö mewö kömuma.* Miangöra ambazip sarakñi, eñön mönö kapañ köla lömböt memba mökösoñda pöndañ möt nariba malme.” Mewö.

Jemnemba kun gölme uruñeyök korök.

* **13:1:** Dan 7.3; Ind 17.3, 7-12; Dan 7.4-6 * **13:5:** Dan 7.8, 25; 11.36 * **13:7:** Dan 7.21

* **13:8:** Sum 69.28 * **13:10:** Jer 15.2; 43.11 * **13:10:** Tosatñan keu mi kewö melenje: Kunöñ bimgö sou ketañi (bainat) miangön tosatiñi engiiga kömumei, tosatiñan mönö nanñi mi sou mewöñan ugetka kömuma.

¹¹ Kunbuk ekiga jemnemba kun gölme uruñeyök korök. Mi ilikñi yahöt Lama moröñangö ilikñi ewöya aka keuñi mi sekak namñi ilikñambukñöñ jiyöhi, mönö mewöñanök jiba malök. ¹² Yanñon kota alañi mutukñangö jitlememenñi aka kukösumñi pakpak memba mianñon yuai pakpak alañangö jeñe ahök. Mewö aka gölme ambazip kunguba sölölohöm enñgiiga auruba alañi mutukñangö waikñi memba möpöseiget. Jemnemba mutukñi mi uzi köhöikñan mei kömumamgö ahökmö, misiriiga löpötñanök tarök.

¹³ Jemnemba yahötñi yanñon angöletot ketañi tandökñi könañi könani meyök. Kun meyöhi, mi könöp bölamñöñ suepnöhök eta gölmenöñ kaba jeiga ambazipñöñ mi jeñinan eket. ¹⁴ Anutunöñ Satan qahö angön köliga kukösum wanñgiiga jemnemba mutukñangö jitlememenñi aka yanñö jeñe angöletot könani könani memba malök. Mianñon mönö gölmegegö ambazip tilipköm enñgiiga janjuñ aka sohoget. Sohogetka kewö kunguba jim kutum enñgiyök, “Inñini mönö jemnemba mutukñangö imutñi söhöba kunguget kiniga göda qem wanñgiba malme. Jemnemba mutukñi mi bingö sou ketañan (bainat) qegetka uzi mei kömumamgö dop ahökmö, töndup guliba maljawí, mönö yanñö imutñi kungume.”

¹⁵ Mewö aketka Satanöñ kukösum jemnemba könangepñi wanñgiiga tandö lopionñ mi mem gulim wanñgiiga könahiba söñgöörö-ösum alök. Mewöyök jemnemba mutukñangö imutñi mem letoriga azi keu jiba ambazip kungum enñgiiga kewö asuhuyök: Denike yeñon tandö lopionñ mianñö waikñi qahö memba möpöseigeri, i mönö körek enñgugetka kömuget. ¹⁶ Jemnemba könangepñan ambazip körek pakpak kewö kungum enñgiba jiyök, “Inñini mönö jemnemba mutukñangö muñgem supañi mi jemesoholñine me böröñini ölñe mekötahöme.” Mewö jiiga nannñini nupñini memakzei aka tonñinañö welenñini öne qemakzei, ambazip pomñi aka wanapñi, ketañi aka moröñi yeñon mönö körekmakörek muñgem supañi mi memba silenñine mekötahöba kösöget.

¹⁷ Denike yeñon jemnembagö qetñi me qetñangö janñöñi silenñine qahö memba malgeri, yeñon mönö nene yuai stuanöñ me maketñöñ söñgööröñi membingö aka albingö osiget.

¹⁸ Keu ki möt asaribingö mötkutukutuñi kewö: Kunñan mötkutukutuñambuk maljawí, yanñon mönö jemnembagö janñöñi oyoñma. Janñöñi mi gölme azigö janñöñi akza. Supap janñöñi mi 666. Mewö.

14

Lama moröñi aka könagesöurupñi 144.000.

¹ *Mianñö andöñe uba Lama moröñan Zaion kundunje kini ehal. Yambuk könagesöurupñi janñöñini 144.000 mi mohotñe kingetka Lama moröñangö qetñi aka yanñö iwinñangö qetñi mi körek yeñö mesoholñine ohohonja ahöi enñgehal. ² Mianñörenök mötpiga Suepnöhök kouruk kun o ketañangö sia qetñi ewö asuhuyök. Mi wölpöndañ ginjururun ketañanök qetzawanñö kourukñi mianñö tandök ewö ahök. Kourukñi mi gita kulele gwötpuk qegetka kourukñi asuhumakzawanñö dop möral.

³ Anutunöñ ambazip 144.000 mi gölmenöhök söñgööröñini memba enñgömeyöhi, yeñon mönö Anutugö jakömbuak dum wösöñe kanñgota bem jembon 4 aka jitle meme bohonñi 24 miengö jemesoholñine kinda liñet dölöknñi kölget. Körek yeñon nannñini liñetñini mi kölgetka yaigep yeñon mi

* 14:1: Eze 9:4; Ind 7:3

kusum anguba mötpingö osiget. ⁴ Yeñön ambazip qainni kun aka mala kotket. Qahö tölohoba sarakni malbingöra nannini galöm köl anguba ambi yembuk töwöt qahö miwikñaiba malget. Lama moröñan denike denike anakzawi, yeñön mönö i wuatangöba mianğöreñ anakze. Anutunöñ i ambazip sutñineyök bohonni memba meköba engömeiga Anutu aka Lama moröñi yetkö yambuniri dölokni akze. ⁵ *Yeñgö jitñineyök munen keu kun qahö miwikñaigetka keunni qahö sarakni mala kotket. Mewö.

Suep garata karöbut yeñön keunni jiba bölbölgöget.

⁶ Mianğö andöñe Suep garata kun ekinga suep kutuba könakemba bölbölgöyök. Yeñön Ölöwak Buña koñkoñ* memba kaba gölme ambazip yeñgöra jim asarimamğöra kayök. Ambazip mi kambunianğö dop, bem isikñinanğö dop, keu tandökni jijinianğö dop aka kantrinianğö dop gölme dop köla tat anjei, mönö körek yeñgöra jim sehimamğöra kayök. ⁷ Kaba köhöikñanök silata kewö qerök, “Anutunöñ ambazip kewöta jim teköm engimawanğö nalöñan mönö töriba dopdowiza. Mianğöra inini mönö Anutugö jitni onğitpinbuköra keñgötñini möta möpöseiba qetbunani mem sehime! Kunöñ suep, gölme, köwet aka o jeñi miwikñaim engiyöhi, mönö yangö waikni memba möpöseiba malme.”

⁸ *Mewö qeriga yangö könane Suep garata alani kun mutukni wuatangöba kaba kewö qerök, “Babilon siti ketani mi meleni geiga ahöza. Babilon ambi qetbunanjambuk mianğön mönö serowilin aka mianğön kantri pakpak mem tölohom enğiiga dop köl engiyök. Yeñön wain o ewö nemegöra enğiiga urunini sohoiga kahalalom aka malget. Mewö aka malöhanğöra Anutugö irimni seheliiga kazik aka jiiga siti qetbunanjambuk mi mönö köndengetka meleni gei ahöza.” Mewö.

⁹ Mewö qeriga yangö könane Suep garata karöbutni kun etkuatangöba bölbölgöba kaba köhöikñanök silata kewö qerök, “Kunñan jemnemba aka yangö imutñanğö waikni memba möpöseiba munğem supapni angön köla mesoholne me böröñe mekötahöba kösöza ewö, ¹⁰ *yeñön mönö mewöñanök Anutugö irimesewölñi mi wain o köhöikni ewö nempa mötma. Anutunöñ wain o mi o töhöñnambuk qahö mindiriba wain köhöikni töhönök irimesewölñanğö qambinöñ mokoitatzawi, yeñön mönö mi nema. Mi nempa Suep garata töröñi aka Lama moröñi yeñgö wösöñine kiniga salfa kötkö könöp bölamñan koasikpuk ohoiga sihimbölä önöñi qahö möta malma.

¹¹ *Mianğön engohoiga sihimbölä önöñi qahö möta malmei, mianğö köwakñan mönö nalö dop teteköñi qahö wahöta öngömakña. Ambazip jemnemba aka yangö imutñanğö waikni memba möpöseimakzei, yeñön mönö sunğem asak senjom möta malme. Kunñan munğem supapni angön köla silenje kösözawi, yeñön mönö silenjan unduiga qemjen qeba luhut memamğö osiba malma.”

¹² Mianğöra ambazip sarakni Anutugö jöjöpañ keunni tem köla wuatangömakzei, enñön mönö kapañ köla lömböt memba mökösoñda Jisós pöndañ möt nariba malme.

¹³ Mianğö andöñe Suepnöhök keu kun mötpiga kewö jiyök, “Gi mönö kimbi kewö ohoman: Ambazip Kembubuk qekötahöba kinda nalö

* 14:5: Sef 3.13 * 14:6: Kambu bem koñkoñ Toñanğöreñ Buña keu tömbunni mi koñkoñ. Mi möpñanğö möpñeyök könahiba teteköñi qahö ahöm öngöma. * 14:8: Ais 21.9; Jer 51.8; Ind 18.2

* 14:10: Ais 51.17; Jen 19.24; Eze 38.22 * 14:11: Ais 34.10

kewöñeyök könahiba kömumei, yeñön mönö oyaenköyaen akñe. Uña Töröñan keu kitipñi mi meköba 'Keu mi ölna,' jiza. Yeñön nup köhöikñi memba qemjem-mamjen möta kaba malget teköiga nupñinañgö ölni asuhuiga Suep Toñan kösohotñini möri dop köli mianğöra sösöñgai enjii tata luhut memba öñsöñ malme." Mewö.

Gölmegö nene möriam ölni memegö nalöñi

14* Mewö jiiga uba kousu tuatñi ekiga mianğö qakñe kun kaisoñgolomñi gölme azigö tandök ewö mianñon tarök. İla jalö goulñöñ memenji mi nöröpñe tariga böröñan sou kapenkapenğöñi jitiñambuk mi memba tarök. 15* Mi ekiga Suep garata kunñan möpömöpösei jikenöhök (tempöl) aukñe kañgota kousu qakñe tatzawi, yanğöra keu kewö jiba köhöikñanök qerök, "Gölmenöñ möriam ölni lök öliiga ölni memegö nalöñan mönö akza. Mianğöra göñön mönö sougi kapenkapenğöñi memba nupñöñ anda mianñon gölmegö möriam ölni mi kutum tokoman." 16 Kousu qakñe tatzawi, yanğöra mewö qeriga souñi kapenkapenğöñan gölmenöñ gila nupkö möriam ölni kutum tokoyök.

17 Mi tokoiga Suep garata kunñan Suepkö möpömöpösei jikenöhök (tempöl) aukñe kañgorök. Yanñon mewöyök sou kapenkapenğöñi jitiñambuk kun memba kañgorök.

18 Kañgoriga Suep garata karöbutñi kun Suepkö altagö könöp galömñi aka alta mi mosöta kañgorök. Kañgota köhöikñanök qeta Suep garata sou kapenkapenğöñi jitiñambuk memba kinöhi, yanğöra kewö jiyök, "Göñön sougi kapenkapenğöñi jitiñambuk mi mönö memba nupñöñ anda mianñon gölmegö wain kañgenji kañgenji mi yandiman. Kañgenji mienğö kötni lök ölim yaköba tätze!"

19 Mewö jiiga souñi kapenkapenğöñi gölmenöñ gila gölmegö wain kösö ölni mi köteköm tokoba Anutugö wain jout ketanji mianğöreñ tözöhölmegöra gilök. Wain jout mi Anutugö irimsesewölniñgö kaisöpsöpñi akza.† 20* Wain bagem ölni mi siti yaigepñe könanöñ tiba tözöhölgetka sepñan wain jout ketanñgö numbuñe kota qöl tandök ewö lanlan wahöta kota o töwatñi ahök. Sep mianğö diginñi mi wan mita aka bahöñi kun ahök. Hosnöñ mianğöreñ tiba aniga numbuñe koriga hos injutñanğö kösöñan samuruyök. Diginñi mewö aiga köröpñi 300 kilomita mianğö dop ahök. Mewö.

15

Suep garata 7 aka lömböt kanjamñinambuk 7.

1 Mianğö andöñe suep uruñe uba anğöletot ketanji kun asuhuiga eka kewö welipköyal: Suep garata 7 mi lömböt kanjamñinambuk (plague) 7 memba kinget. Ambazip singisöndokñinañgöra Anutugö irimñi sehologi jim teköba likepñi melenji lömböt kanjamñinambuk qakñine öngöi mötketka uruñan amöriiga keuñinan kömuma. Mianğöra qetñini lömböt kanjamñinambuk qöndökñi 7 qetket.

2 Mi eka yuai gilikbilikñambuk köwet ewö ekiga könöp bölamñambuk lolonqalon ahöyök. Mianğö qöhöröñe Anutugö ambazip kingetka enjgehal. Yeñön luhut ala jemnembagö keuñi qahö tem köla imutñanğö waikñi

* 14:14: Dan 7.13 * 14:15: Joel 3.13 † 14:19: Anutugö irimsesewölni mi wain jout ketanji tözöhölgetka uruñan amöriiba teköma. Indelindel 19.15 mi ekñan. * 14:20: Ais 63.3; Seru 1.15; Ind 19.15

qahö memba qetņangö jaņgöņi silenine qahö aņgön köla malget. Anutunöj i mohot mohot kulele enņiiga memba kinget. ³*Miaņgören kinda Anutugö nup meme azi Mosesgö liņetņi aka Lama moröņangö sauren liņetņi mi kewö kölget,

“O Kembu Anutu kukösum pakpakö Toņi, göjñon aņgöletot ketañi ketañi welipņinambuk ahakzan.

Göjñon kantriņi kantriņi mi kiņ kembu ak enņinöņga ahakmemegahö könaņi mi diņdiņi aka öl töhöņņi akza. Miaņgöra Anutu qainņi kun aka maljan.

⁴ O Kembu, göhören ahakmemegi diņdiņi mi mönö aukņe asuhuiga mötzin.

Miaņgöra kantri pakpak yeņñon kaba göhö waiki memba möpöseim gihi-makze.

Göjñon nangok töröņi akzan. Miaņgöra aka danñon mönö göhöra keņgötņi qahö mötpawak? Körek neņñon göhö qetbuņagi mem sehiba möpöseimakzin.”

⁵ *Miaņgö andöņe uba yuai kewö ehal: Suepkö möpömmöpösei jikegö (tempöl) naņņun taliga miaņgö uruņe Anutu dangunuņangö opo seri jikeņan kini ehal. ⁶ Möpömmöpösei jike miaņgörenök Suep garata 7 lömböt kanjamņinambuk 7 memba kingeri, yeņñon mönö eta aukņe kaget. Malukuņini tuat lalamņi bilikbilikņinambuk löngötkeka opo jöhan maņgihilakņi goulņambuk mi örigit ewö töptöpņe embahöm aņguba kinget.

⁷ Yeņñon kagetka bem jembon 4 miēņgörenök kunņan goul qambi 7 enņiiga Anutugö irimsesewölņan qambi mi numbuņe kotket. Anutu irimņi seholizawi, yaņñon mala kota malja aka teteköņi qahö mal öņgöma.

⁸ *Qambi mi enņiiga Anutunöj asakmararaņi aka kukösumņi kondeliga miaņgöra köwak pukpuköba möpömmöpösei jike (tempöl) kokolak qeiga kunņan kun Suep jike mi öņgö-öņgögö dop qahö ahök. Suep garata 7 yeņñon mutuk qambiņini mokogetka lömböt kanjamņinambuk 7 asuhuba öliņinambuk akņei, miaņgö andöņe ölop kunbuk öņgöme. Mewö.

16

Qambi 7 mokogetka Anutugö irimsesewölņan asuhuyök.

¹ Möpömmöpösei jike (tempöl) uruņeyök qet ketañi kun asuhuiga Suep garata 7 miēņgöra keu kewö jim kutuiga möral, “Iņini anda Anutugö irimsesewölņan qambi 7 numbuņe kota ahözawi, miēņgö öliņi mönö gölmenöj mokome.”

² *Suep garata mutukuņan mosöta anda qambiņangö öliņi mi gölmenöj mokoyök. Mokoiga uzi imbilonloņambuk sihimöölöņini tandökņi sohosohöņi mi qegetal ambazip yeņgö silenine asuhuget. Ambazip jembagö muņgem supañi silenine memba imutņangö waikņi memba möpöseigeri, mönö yeņgö silenine asuhuget.

³ Yahötņi yaņñon mosöta anda qambiņangö öliņi mi köwetnöj mokoyök. Mokoiga köwetnöj melenđa sep ahök. Mönö azi qeņeņangö seņņi ewö ahök. Mewö aiga köwet uruņe yuai pakpak malmalņinambuk maljei, mi mönö lökņanök kömum teköget.

* **15:3:** Eks 15.1; Jer 10.7; Sum 86.9 * **15:5:** Eks 38.21 * **15:8:** Eks 40.34; 1 Kiņ 8.10-11; 2 Hist 5.13-14; Ais 6.4 * **16:2:** Eks 9.10

⁴ *Suep garata karöbutñan qambinangö ölni mi o töwatñi aka o jeñi miangörej mokoiga melenđa sep aka dop kölök. ⁵ Mewö aiga Suep garata o galöm kölakzawañon keu kewö jiiga möral, “O Anutu töröñi, göñon keu kewöta kewö jim tekönöñga lömböt ki asuhuzawañöra diñdiñi akzan. Mönö solanñi mala kota maljan. ⁶ Yeñon göhörej ambazip sarakñi aka kezapqetok ambazip enguba malgetka sepñinan mokoyök. Göñon i engugerañgö likepñi melenđa sep enginöñga negeri, mi mönö dopñe alnöñga qakñine öngöyök. Miangöra Anutu göñon mönö diñdiñanök akzan.”

⁷ O galöm kölakzawañon mewö jiiga keu kun altanöhök kewö kaiga möral, “Keu mi ölna! O Kembu Anutu kukösum pakpakö Tonj, göñon mönö ambazip keuñini kewöta diñdiñanök jim teköm engimakzan.”

⁸ Suep garata 4:ñan qambinangö ölni mi wehön jeñe mokoiga mi-añon wehön ösum wangiiga könöpñi kötökñi aka ambazip könöp ewö engohoyök. ⁹ Wehön jeñi könöpñambuk miangön engohoiga silenini dölatiyök. Anutunöñ lömböt kanjamñinambuk miengö Tonj aka ali qakñine öngöyöhi, ambazipnöñ mi möta miangöra Anutugö qetñi jim qesuahöm wangiba malget. Mewö malgetmö, Anutu möpöseiba qetbunañi mem sehimegöra mönö uruñini qahö melengetmö, toroqeba yangiseñ aka malget.

¹⁰ Suep garata 5:ñan qambinangö ölni mi jemnembagö jakömbuak dumñon mokoyök. Miangörej mokoiga söñaup ketañan jemnembagö ömetohöñi (kingdom) mi dop köla pandaman meyök. Pandaman meiga ambazip irimñini seholiiga nesilamñini jitñinan yöhötigetka tiñgirök. ¹¹ Ambazipnöñ sihimbölo aka uzi nömböñinangö sihimböloñi ketañi möta miangöra Suepkö Anutuñi mi jim qesuahöm wangiba malget. Mewö malgetmö, ahakmemenini böloñi aka memba malgeri, mi qahö kewöta mosöta uruñini qahö melenget.

¹² *Suep garata 6:ñan qambinangö ölni mi o töwatñi ketañi qetñi Yufre-itis miangörej mokoiga jöpköyök. Wehön kotkotñeyök kiñ kembuñi kembuñi kabingö möta jöjöröba malgeri, yeñon o jöpköiga kunbuk qahö pañpañgögetmö, kutuba kamegö könañi mönö asuhuyök. ¹³ Miangörejök uba öme böloñi karöbut tandökñini kañ ewö mi engekiga sekak namñi ilikñambuk, jemnemba aka kezapqetok azi takapulakanañi yengö num-buñineyök kota etket. ¹⁴ Ömewöröme miengön eta anda angöletotñi könañi könañi ahakze. Mewö aka gölmenji gölmenji pakpak liliköba kiñ kembuñini engekka Anutu tuarenjoñ akñegöra uruñini kuñguba kewö jiget, “Mönö mindirim anguba Anutu kukösum pakpakö Tonjangö nalö ketañe mohotñe bim aubin.”

¹⁵ *Jisösnöñ jiza, “Kezap alget! Nöñon mönö yongorö meme ewö öloñ kamam! Kunñan uruguliguli malmawi, yañon mönö simbawoñ akza. Sile aukñe lañ anda kaiga gamuñi ekepeköra sile esuñi galöm kölakzawañon mönö oyaenköyaen akña.”

¹⁶ *Öme welenqeçe yeñon kiñ kembuñi kembuñi mi kuñguba enguanğita gölme köröñi qetñi Hibru keunöñ Armagedon jizei, miangörej qezaköba al enjigetka engehal. Mewö.

¹⁷ Suep garata 7:ñan qambinangö ölni mi könakemba mokoyök. Mokoiga möpömöpöse ike (tempöl) uruñangö jakömbuak dumñeyök qet ketañi kun asuhuba keu kewö kaiga jiyök, “Mi lök mokogetka asuhum teköza.”

* 16:4: Eks 7.17-21; Sum 78.44; Eks 10.21 * 16:12: Ais 11.15 * 16:15: Mat 24.43-44; Luk 12.39-40; Ind 3.3 * 16:16: 2 Kiñ 23.29; Zek 12.11

18 *Mewö jiiga mianğörenök wölbilik aiga wölpöndan giliga giñgururuj qeta ahöiga kenöñ jitiñ buburatiñi kun meyök. Iw (Ewa) Adam yetkö nalönöhök kónahiba gölmenöñ mala korini, nalö mianğören kenöñ mewöñi kun qahö gilgilña. Mianğö dop tandökñi sohosohonji giliga bölöñi kötökñi ahök.

19 *Mewö asuhuiga siti ketanji Babilon mianjön jula bahöñi karöbut aket aiga kantriñi kantriñi pakpak miengö sitiñini mi mewöñanök ayuhuba meleşni geget. Anutunöñ siti qetbuñanambuk Babilon miengö bölöñamñini qahö ölum qeiga likepñamñini meleş enğiyök. Anutunöñ urukönöp aka irimsesewölñan qambi kokolak qeba taröhi, mi mönö mokom enğiiga qakñine öngöiga wain o ewö neget. 20 Köwetnöñ gölme jölanñi pakpak ahögeri, mi mönö kök ala sömuniget aiga kundunji kundunji kingeri, mi mönö mewöñanök ayapköba qahöwaket.

21 *Mewö asuhuiga ais kötñi ketanji lömbötñini 45 kilogram mienön suepnöhök ambazip qakñine erök. Lömböt kanjamñambuk mi tandökñi sohosohonji ahök. Kie kötñi tandökñi mewö mianjön eta enğuga ambazipnöñ mianğöra Anutu jim qesuahöm wanğiget. Mewö.

17

Ambi kunöñ jemnembagö qakñe tari ehal.

1 *Suep garata 7 qambi 7 mi memba kingeri, yeñğörenök kunñan kaba nöñğöra keu kewö jiyök, “Gi mönö kanöñga köna ketanğö ambi qetbuñanambuk o gwötpuk miengö qakñine tatzawi, mi kondel gihi-mam. Anutunöñ keuñi kewöta likepñi meleşni qakñe öngöi malja.

2 *Gölmegö kiñ kembunji kembunji yeñön yambuk serowilin aka malget. Könagesöñinan gölmenöñ maljei, yeñön mönö mewöyök ambi mianğö serowilinñanğöra aka urunñini wahöta sohoiga kahalalom aket. Wain o nempa enololoñ ahakzei, mönö mianğö dop kónahiba sero yoñğorö aka mala kahapmahap aket.”

3 Mewö jiiga Uña Töröñan nömeiga alburupñan qakne öngöiga Suep garata mianjön noanğiriga gölme qararanğölkölñe anğoral. Mianğören anğota ambi kun jemnemba pisikñi pötpöt yanğö qakñe tariga ehal. Jemnembagö silene mepaqepaik qetñi qetñi ohogetka kokolak qeiga nöropñi 7 aka ilikñi 10 mewö kinök.

4 *Ambi mianjön opo söro pisikñi gugakgugak aka pisikñi pötpöt mi löñğöta tarök. Aködamurañi goul, jamönñin ölñinambuk aka kösatorom tosatñi mianjön meñölöm anğuga tandökñan kölkölbilikbilikñambuk ahök. Böröñe goul qambi memba taröhi, mi serowilin aka malöhanğö anğöjörakñi imbilonñambuknöñ kokolak qeçeña.

5 Ambi mianğö mesoholñe qetñi tölapñi mi kewö ohogetka ahöyök, “Babilon qetbuñanambuk, gölmegö köna ketanji ambazip aka anğöjörak imbilonñambukö namñini.” 6 Qetñi mewö ahöiga Anutugö ambazip sarakñan Jisösgö könanji nanğöba böñ qeba kinda jiba malgeri, mi enğuba sepñini nempa mianğöra kahalalom ahöi ehal. Mi eka aurum tililingöyal.

7 Aurum tililingöbiga Suep garatanöñ nöñğöra keu kewö jii möral, “Gi mönö denöwögöra aurum tililingözan? Nöñön ölop ambi kianğö könanji tölapñi indel gihi-mam aka jemnemba nöropñi 7 aka ilikñi 10

* 16:18: Ind 8.5; 11.13, 19 * 16:19: Ais 51.17; Ind 6.14 * 16:21: Eks 9.23; Ind 11.19

* 17:1: Jer 51.13 * 17:2: Ais 23.17; Jer 51.7; Ind 13.1 * 17:4: Jer 51.7

ambi mi bisimakzawi, yangö könani tölapani mi mewöyök indela jim miwiknaim gihimam. ⁸*Jegi melenniga jemnemba ekzani, yanön mutuk malökmö, nalö kewöñe jebuk qahö malja. Yanön ömewöröme yengö löm dutni qahö miangörenök guliba wahötmappmö, Kraistnöñ kaköm wangiiga könöp sianön gema. Anutunön Suep gölme miwiknaim etkiyöhi, nalö miangörenök könahiba gölmenön mala kotketka qetjini malmal köhöiknanjö papianön qahö ohoget ahözawi, ambazip mienjön mönö jemnemba eka aurume. Jebuk malökmö, nalö kewöñe jebuk qahö malja aka könangep kunbuk guliba asuhumawi, miangöra mönö aurume.

⁹“Nini keu ki möt asaribingöra möringa mötkutukutuñan kewö ahöza: Nöröpñi 7 mi ambinön kundunji 7:gö qakñine tatzawi, mönö kundunji miengö söpsöpñi akze. ¹⁰ Nöröpñi 7 mi mewöyök kiñ kembu 7 miengö kaisöpsöpñi akze. Yengörenök 5 lök kömumba etketka 6:ñi yanön mala ambazip galöm köl engimakza. Qöndökñan bian asuhumawangö dop akza. Yanön asuhumawi, miangören mönö nalö töröpñi kukösum qakñe kinmawangö dop akña. ¹¹ Jemnemba malökmö, nalö kewöñe qahö toroqeba maljawi, yanön 7 yengörenök kun akza. Yanön kunbuk guliba nanñak kiñ kembu jangöñi 8 akña. Mewö akñapmö, Kraistnöñ könden wangiiga ayuhuba könöp sianön gema.

¹²*“Ilikñi 10 engekzani, mi mönö kiñ kembu 10 miengö kaisöpsöpñini akze. Yenön qahö könahiba ambazip galöm köl engimakzemö, Anutunön könangep kukösum engiiga kiñ kembu ewö akñe. Mewö aka jemnembabuk aua mohotkö dop ambazip galöm köl engiba malme. ¹³ Kiñ kembu 10 mienjön mötmöt areñ mohot miyök wuatangöba jemnemba nanjöba kukösumñini i wangigetka malma. ¹⁴ Ösumñini mewö mindiriba Lama moröñi tuarenjon aka bim aumemö, Lama moröñan mönö luhut al engiiga etme. Yanön kiñ yengö Kiñini aka azi kembu yengö Kembunji akza. Yanön nengehola möwölöhöm nengiiga yambuk pöndañ kinda malbini, nenjön mönö mohotñe luhut al engiba köirañ kölbini.”

¹⁵ Suep garatanön keunji mewö jiba toroqeba kewö jii möral, “Köna ketanangö ambi ketan an o gwötpuk miengö qakñine tariga engek teközani, o mi ambazip kantriñi kantriñi miengö kaisöpsöpñini akze. Yenön kambunji aka bem isikñinangö dop likeplikep tat angetka silenji könanji könanji aiga keunji tandökñi murutñi murutñi jimakze. ¹⁶ Jegi melenniga ilikñi 10 engekzani, yanön mönö ösumñini jemnembabuk mindiriba köna ketanangö ambi mi kazik ak wangigetka kewö asuhuma: Yenön öroyuaiñi pakpak kiom qegetka piromñi aiga opo söroñi köteköm tekögetka sile aukñeyök aiga busunji namba sihitñi könöpnön ohogetka jem teköma.

¹⁷ “Mewö asuhumawi, mi Anutunön kiñ kembu miengö urunji kunjuba sölölohöm engiiga urumohot aka mindiriba akñe. Anutugö mötmöt areñ mönö mewö wuatangöme. Miangö dop kukösumñini jemnemba wangigetka ambazip galöm köl engiba malma. Mewö maliga Anutugö keunjan ölnambuk akñawi, nalö miangören teköma. ¹⁸ Ambi tari ekzani, mi siti qetbuñambuk tonjan gölmegegö kiñ kembunji kembunji galöm köl engimakzawi, mönö kiñ miangö söpsöpñi akza.” Mewö.

18

Babilon siti köndengetka gororongöma.

* 17:8: Dan 7.7; Ind 11.7; Sum 69.28 * 17:12: Dan 7.24

1 Mianğö andöŋe Suep garata kun kukösumŋi öngöŋgöŋi ekiga Suepnöhök asuhaba eriga asakmararaŋan gölme mem asariyök.

2 *Eta köhöikŋanök silata kewö qerök, “Babilon siti ketanji mi köndenget. Mi öŋa köndengetka gororoŋgoyök. Ambazip qahöwaketka öme wöröme könaŋi könaŋi yeŋönök mönö tokoba miriŋini mianğöreŋ megetka yeŋgö gölmeŋini bohonŋi ahök. Neiŋi neiŋi dönqizinŋinambuk aka im-bilonŋlonŋinambuk mienŋönök mönö mianğöreŋ tokoba aipŋini laŋ ala öysöŋ malje.

3 *Anutunöŋ mi kewögöra jiiga köndenget: Kantri pakpak yeŋön ambi mianğö serowilinŋaŋgöra aka uruŋini wahöriga eŋololoŋ aketka Anutugö irimŋi seholyök. Irimsewölŋi mi qakŋine öngöŋiga wain o nemakzeanğö tandök mötket. Gölmegö kiŋ kembuŋi kembuŋi yeŋön ambi miambuk sero namböŋnamböŋ aka malget. Kölköl-örörö ambazipnöŋ gölme dop mianğöreŋök kaba sukinap aködamunŋinambuk bohonŋi memapköra algetka önöŋi qahö öröba siyoŋsayoŋi qahö malök. Yanğö örömgöjup memgöjupŋaŋgöra aka yeŋön pomŋi kindiŋbirik aka öngöŋgöŋi aket.”

4 *Mianğö andöŋe Suepnöhök kunöŋ keu jiiga kewö möral, “Nöŋgö könagesöurupni, iŋini mönö siti mi mosöta yaigep etket. Ambi mianğön siŋgisöndok ahakzawi, mianğön mönö eŋgualöŋni yambuk kindi uruŋini tölohobepuk.

Anutunöŋ likepŋi melen eŋgiiga lömböt kanjamŋinambuk qakŋine öngömei, lömböt mewöŋi kunöŋ mönö nanŋini qakŋine öngöŋiga mewöyök sihimbölä mötpepuk. Mianğöra yembuk mönö kude mindiriba malme.

5 *Ambi mianğön siŋgisöndokŋi aka qaknöŋ qaknöŋ aliga öngöba lök suep misirim teköza.

Kegwek-kahasililiŋ aka malgeri, Anutunöŋ mi mönö nanŋi mötmötnöŋ ala mianğöra qahö ölum qema.

6 *Ahakmeme goŋgoŋi tosatŋi ak eŋgiba malgeri, iŋini mönö mianğö dop melenđa ak eŋgime. Bölöŋi aka memba malgeri, iŋini mönö mianğö likepŋi sömaŋi yahötkö dop melen eŋgigetka qakŋine öngöma.

Siŋgisöndökö qambiŋi nemegöra mokoba malgeri, nanŋini qambi mianğöreŋök mönö sömaŋ yahötkö dop uba melenđa wain o kömbukŋi kötökŋi mi eŋgöra mokoget neme.

7 *Ambi mianğön sukinap aködamunŋinambuk önöŋi qahö öröba qet-buŋa öngöŋgöŋi miwikŋaiba siyoŋsayoŋi qahö malök. Mianğö likepŋi mönö nanŋi ihileknöŋ ohotiriba ip özöpaŋnöŋ sihimbölä önöŋi qahö ak waŋgigetka jingereŋ köla wösöbirik malma. Nanŋi uruŋe kewö mötmöröba laŋ jimakza,

‘Nöŋön qin ambi kembugö jakömbuak dum tatatŋe tatzal. Malö qahö akzal aka nalö kunöŋ jingereŋ qahö kölmam.’

8 Mewö laŋ jimakzawaŋgöra aka Anutunöŋ likepŋi melen waŋgiiga nalö mohotkö uruŋe yanğö qakŋe öngöma.

Kembu Anutunöŋ keuŋi kewöta jim teköm waŋgiyöhi, yanğö kukŋan mönö öngöŋgöŋi akza.

* 18:2: Ais 13.21; 21.9; Jer 50.39; 51.8; Ind 14.8 * 18:3: Ais 23.17; Jer 51.7 * 18:4: Ais 48.20; Jer 50.8; 51.6, 45 * 18:5: Jen 18.20-21; Jer 51.9 * 18:6: Sum 137.8; Jer 50.29 * 18:7: Ais 47.7-9

Miaṅgöra lömböt kanjamṅinambuk kōnaṅi kōnaṅi mienṅön mönō zilaṅ kewō asuhum waṅgime:
Tinitosolomṅan kömugetka jinṅeṅ köla bödi tariga nanṅi kōnōpnōṅ ohogetka jema.”

⁹ *Kōnōpnōṅ ohogetka jeiga köwak wahötmawi, kantriṅi kantriṅi pakpak mienṅö kiṅ kembuṅinan mi eka mönō amburereṅ aka sahötme. Kiṅ kembu mienṅön yambuk serowilin aka malget. Sukinapṅi akōdamunṅinambuk önōṅi qahō miaṅgö nem söṅgaipṅi yambuk ala söṅgaiba malgeri, yeṅön mönō yaṅgöra aka jinṅeṅ kölme. ¹⁰ Jinṅeṅ köla ihileknōṅ ohotirigetka ip özōpaṅnōṅ sihimbööl önōṅi qahō mötzawi, miaṅgöra mönō töwōratiba tikep kinda kewō sahōta jime, “O Babilon siti qetbuṅaṅambuk, lömböt qakṅine öṅgöyöhangöra mönō Yei! Yei! jiba sahötzin. O siti kukösümṅini ketanṅi, Suep Toṅan likepṅi melenṅ engüiga ösumok aua mohotkö uruṅe qakṅine öṅgöiga sihimbööl ketanṅi mötze. Yei Yei! jiba sahötzin!”

¹¹ *Kantriṅi kantriṅi mienṅö kölköl-örörö ambazip yeṅön mewöyök amburereṅ akṅe. Kunṅan toroqeba yeṅö inapṅini bohōṅi qahō memakṅawaṅgöra mönō jinṅeṅ köla sahötme. ¹² *Akōdamunṅini goul, silwö, jamōṅiṅ ölninambuk aka sorom köṅṅi mi Babilon yeṅön me tosatṅan qahō bohōṅi meme. Oponṅini tuat lalamṅi, pisikṅi gugakgugak, pisikṅi pōtpöt aka opo qetṅi silk mi qahō bohōṅi meme. Ip qetpuk kōnaṅi kōnaṅi mienṅö kembañini aka börösöwōṅini kōnaṅi kōnaṅi mi qahō toroqeba bohōṅi meme. Akōdamunṅini elefant sihitṅan memenṅi, mi öne ahōme. Dum tebol yuainṅini ip söṅgōrōṅini ketanṅi in, qōṅqōn, mihinik, naṅim aka yuari miaṅön memenṅi, mi öne ahōme. Börösöwö ain gohotṅi brons aka ain injaṅan memenṅi aka köt qetṅi mabol miaṅön memenṅi mi mönō öne ahōme.

¹³ Babilon yeṅön kömusönōnik (sinamon) aka gipṅi tosatṅi mi qahō bohōṅi meme. Silegö sanda qetṅi mör, jiniṅ samburup aka sile ömön tosatṅi mi qahō bohōṅi meme. Wanafu, berat, wölömjikjik aka wörōṅṅi asuhumapkö yuai tosatṅi mi qahō bohōṅi meme. Mewöyök wain o, oil ipkö oilṅi, wit köṅṅi aka flaua neneṅi mi qahō bohōṅi meme. Bulmakau, lama, hos aka hos kare mi qahō bohōṅi meme. Mutuk welenqeṅe ambazip bohōṅini memba nupnōṅ al enṅigetka sile me urumötmötṅinan böliba ayuhuyök. Mewö qahō toroqeba ahakṅe.

¹⁴ Kölköl-örörö ambazip yeṅön Babilon ambi miaṅgöra kewō jime, “Ip ölnṅi nemamgö sihimṅi möta eröm ota malnōṅi, mi mönō qahōwaketka öne maljan. Töhötmōriamgi aka sukinapki akōdamunṅinambuk mi mönō körek pakpak gömosöta ayapkögetka tömtömimba maljan. Mi mönō nalö kungen kunbuk miwikṅaimanaṅgö dop qahō.” ¹⁵ *Kölköl-örörö ambazip sukinapṅini mewö mewö bohōṅi memegöra ala siti miaṅgōreṅök monenṅ goul (guli dötnam) öröba qetbuṅaṅinambuk aket. Yeṅön tikep kingetka tosatṅan ihileknōṅ ohotirigetka ip özōpaṅnōṅ sihimbööl önōṅi qahō möröhi, miaṅgöra mönō auruba sahōta jinṅeṅ kölme.

¹⁶ Jinṅeṅ köla kewō jime, “O siti ketanṅi, lömböt qakṅine öṅgöyöhangöra mönō yei! yei! qeta jinṅeṅ köljin. Yeṅön oponṅini tuat lalamṅi, pisikṅi gugakgugak aka pisikṅi pōtpöt mi löṅgötket. Akōdamunṅini goul, jamōṅiṅ ölninambuk aka kösatorom tosatṅan meṅölöm anṅugetka

* 18:9: Eze 26.16-17 * 18:11: Eze 27.31, 36 * 18:12: Eze 27.12, 13, 22 * 18:15: Eze 27.31, 36

tandökñinan kölköbilikñinambuk aket. ¹⁷ *Mewö aketmö, sukinapñini mewöñi önöñi qahö mi mönö ösumok aua mohotkö uruñe ayuhuba ayapköba qahöwaket.” Mewö jiget.

Wange pailot pakpak aka ambazip wanjenöñ anda kamakzei, yeñön mewöñanök körek Babilon siti ohoget jeiga köwakñi mi tikep kinda ekñe. Mewöyök wange ambazip opo seri möröreñgögetka luhutnöñ nanjöi anakzei aka köwetnöñ nup tosatñi memba malmalñini nanjömakzei, mienön mönö körek pakpak mi tikep kinda ekñe. ¹⁸ *Ambi ketanji qetbuñañambuk ohoget jeiga könöp bölamñanjö köwakñi wahötmawi, mi tikep kinda eka amburereñ aka kewö jime, “Siti qetbuñañambuk kianjö alañi mönö nalö kunöñ qahö ahöyök.”

¹⁹ *Mewö jiba sömsöm urata kau ariba qeta jinjen köla unduba sahöta kewö jiget, “O siti ketanji, aua mohotkö uruñe yuainji pakpak mönö ayuhuba ayapköba qahöwahök. Ambazip wanjenñinambuk pakpak köwetnöñ anda kaba sukinapñini bohonñi memegöra ala mianjöreñök moneñ goul (guli dötnam) sehisehinji örogetka siti mianjön qetbuñañambuk ahök. Lömböt qakñine öngözawanjöra mönö yei! yei! jiba sahötzin.” Mewö jiget.

²⁰ *Yeñön ahakmeme gonjonji tosatñi ak engiba malgeri, Anutunöñ mönö mianjö keunji jim teköba likepñi melenñiga qakñine öngöiga si-himbölo ketanji mörakze. Mianjöra Suep mire maljei, injini mönö yangöra aka köirañ kölme. Anutugö ambazip sarakñi, aposolurupñi aka kezapqetok ambazip injini mönö söngaiba sauren qeba malme.

²¹ *Mianjö andöñe Suep garata ösumñi öngöñgöñi kunöñ kaba köt keta bölokñi memba wahöta köwetnöñ gili geiga kewö jiyök, “Anutunöñ siti ketanji qetbuñañambuk mi mönö kianjö dop könöpuk köndenja melenñi geba qahöwak teköma. Qahöwak teköiga könanjep nalö kunöñ qahö mi-wikñajimeanjö dop akña. ²² **Injini siti mianjöreñ kömam köla gita kulele qeba awölop tömun uba linjet köla undumalgeri, mianjö kourukñi mönö nalö kunöñ kunbuk qahö mötme. Babilon engöreñ ambazip mötmöt nupñini könanji könanji memba malgeri, mi mönö teköyök. Dokta didiman, qaqazu klak aka mewöñi mi mianjöreñ kunbuk qahöpmañöp miwikñaim engime. Wit padi kötni jamönñinjahötkö sutñire möjöjahögetka (mill) kourukñi asuhuyöhi, mianjö isikusukñan mönö qahöwahiga sitinöñ mönö göröñ qeba ahöma.

²³ *Mutuk sitiñinanjö mirinji pakpak mi kiwanñinambuk asarigetmö, asakñi mianjön mönö bököiga pandaman ahöma. Azigö andöurupñinan ambigö mam bohonñi bau anguba börum megetka ambigö sepkitipurupñan köirañ ala nem jöwösök aka sösongai almalgeri, oköirañ mewöñanjö kourukñi mi mönö kunbuk mötmeanjö dop qahö. Babilon engö kölköl-öröro ambazip mi kantrinji kantrinji mianjöreñ möt engigetka qetbuñañinambuk aka malget. Yengöreñ qarösongo amötqeçe ambazip mi gölme dop ambazip uruñini mem sohogetka janjun aka malget.” Suep garatanöñ mewö jiyök.

²⁴ *Babilon mi kewögöra ayuhuyök: Kezapqetok ambazip aka Anutugö ambazip sarakñi mi mönö yengö sutñine töndup taköwölan aka enjuget

* 18:17: Ais 23.14; Eze 27.26-30 * 18:18: Eze 27.32 * 18:19: Eze 27.30-34 * 18:20: Dut 32.43; Jer 51.48 * 18:21: Jer 51.63-64; Eze 26.21 * 18:22: Eze 26.13; Ais 24.8 * 18:22: Jer 7.34; 25.10 * 18:24: Jer 51.49

kömugetka sepninan erök. Yengören sep aka gölmenöñ ambazip tosatñi enjugetka kömumalgeri, körek yengö sepninanğö kitipñan mönö yengö qakñine öñğöi malget. Könañamñini mewö miwikñajagetka ahöyök. Mewö

19

Suep yeñön Babilon geyöhañğöra Anutu möpöseiget.

¹ Mianğö andöñe Suepnöhök keu kun mötpiga kambu ketanji yeñön köhöikñanök saurenj liñet köla qetzei, mönö mianğö tandöktandök asuhui kewö jiget, “Anutu möpöseizin aleluya! Anutunöñ amöt neñguba neñğömeiga yangö buñanji akzin. Anutuninan kukösum Tonji aiga möpöseim wañgiinga qetbuñanambuk akza. ² *Anutunöñ mönö keu ölnañğö dop ambazip keuñini kewöta diñdiñanök jim teköm neñgimakza. Köna ketanji ambi serowilin aka mewö mianğön ambazip gölme dop mem bölim enğiba malöhi, Anutunöñ mönö yangö keuñi kewöta jim teköyök. Ambi mianğön Anutugö nup meme ambazip enğuiga sepninan eröhi, mianğö likepñi mönö meleş wañgiiga qakñe öñğöiga sihimbölä möta malja. Mianğöra Anutu möpöseim wañgizin.”

³ *Mewö jiba kunbuk qeta kewö jiget, “Ambi mi ohoget jeiga köwakñan mönö nalö dop teteköñi qahö wahöta öñğömakña. Mianğöra Anutu möpöseim wañgimakzin, aleluya!” ⁴ Mewö qeta jigetka Anutugö jitñememe bohonñi 24 aka bem jembon 4 mienğön mönö bangöba simin köla Anutu, jakömbuak dumñe tatzawañğö waikñi memba möpöseiba kewö qetket, “Keu mi ölna, aleluya!”

Lama moröñañğö maren lömbuañ

⁵ *Mewö qetketka jakömbuak dumñöhök keu kun kewö asuhuyök, “Anutugö nup meme ambazip ketanji moröñi jitñi onğitpinbuköra kenğötñini mörakzei, iñini mönö körek pakpak Anutunini möpöseiba malme.”

⁶ *Keu mi asuhuiga keu kun mörali, mi kianğö tandöktandök: Kambu ketanji yeñön liñet köla qet qerakzei aka o sianöñ tonğala kiniga ötoñi asuhumakzawi aka wölpöndandan ketanjan qeiga giñgururuj asuhumakzawi, keu mi mönö mianğö tandöktandök ewö asuhuiga kewö jiget, “Kembu Anutunini, kukösum pakpakö Tonjan mönö könahiba gölme dop galöm köl enğiba kiñ Kembuñina aka malma. Mianğöra Anutu möpöseizin, aleluya! ⁷ Lama moröñañğö ambi buñanjan mönö marengö möta nanñi mözözömgöba jöjöröm anğuiga amqeiga ambi memegö nalöñan mönö kam kuñguiga maljin. Mianğöra neñön mönö köirañ köla söñgaiba Anutu möpöseim wañgiinga qetbuñanjan sehimakña. ⁸ Anutunöñ maluku tuat lalamñi asakmararañambuk mi enğuiga löngötket.” (Maluku tuat lalamñi mi ambazip sarakñi yengö ahakmeme solanñañğö kaisöpsöpñi, mönö mianğören löngöt anjuget.)

⁹ *Kambu ketanjanğö tandöktandök mewö qeta jigetka Suep garata qambinambuk mianğön mönö toroqeba kewö jii möral, “Keu ki mönö ohoman: Anutunöñ ambazip enğoholiga Lama moröñañğö maren (ambi memegö) lömbuañnöñ kanğotmei, yeñön mönö simbawon akze.” Mewö jiba dumñe kunbuk nöñğöra kewö jiyök, “Keu mi mönö Anutugö keu ölä töhöññi akza.”

* 19:2: Dut 32.43; 2 Kiñ 9.7 * 19:3: Ais 34.10 * 19:5: Sum 115.13 * 19:6: Eze 1.24; Sum 93.1; 97.1; 99.1 * 19:9: Mat 22.2-3

10 Suep garatanöŋ mewö jüga nöŋön miangöreŋök yangö waikŋi memba möpöseim wanŋimangö möta yangö kõnaŋe simin kõla sipköyalmö, nöŋgöra kewö jiyök, “Aek! Mewö kude akŋan. Gi aka göhö urumelenj alaurupkan jisösgö kõnaŋi nanŋgöba jiba malgetka welen qem enŋimakzini, nöŋön mönö yeŋgöreŋök kun akzal. Jisösnöŋ Buŋa keu ölnj indelöhi, miangö ösumŋan mönö kezapqetok ambazip inahöm enŋiiga Uŋa Töröŋaŋgö keuŋi möta jim sehiget. Mianŋgöra mönö Anutugöra sipköba waikŋi memba möpöseiba malman.” Mewö.

Kraistnöŋ yarö kambuŋi yembuk bim aubingö anget.

11 *Nöŋön Suep aŋaŋiiga hos tuatŋi kun ekiga kayök. Qakŋe tariga kayöhanŋö qetŋi mi Pöndaŋ Kinkin (Jembon onj nene) aka Azi Ölbölnj. Qetŋi mewö qerakzei, yanŋön keu diŋdiŋi wuatangöba keu kewöta jim teköba mianŋgö dop bim qemakza. 12 *Jeŋan könöp bölam tandök jeiga nöropŋe ila jalö gwötpuk kölgetka qetŋi aukŋe ohohöŋa kayök. Qetŋi nanŋök mötzapmö, kunöŋ kun mi qahö mötza. 13 Malukuŋi sepnöŋ kusakusaholŋi mi löŋgöta kayök. Qetŋi qerakzei, mi Anutugöreŋ keu.

14 I wuatangöba kageri, mi Suep mirigö yarö azi kambuŋi kambuŋi. Yeŋön hosŋini tuatŋi enŋömemba qakŋine tata malukuŋini tuat lalamŋi sarakŋi löŋgöta kaget. 15 *Suahöŋinanŋö numbuŋeyök bimgö sou ketanŋi (bainat) jitŋi zuluk alalŋambuk kunöŋ kayök. Mi kantriŋi kantriŋi enŋuba luhut al enŋimapköra aka kayök. Yanŋön galömkölkölgö ain öröpŋan kantri dop qindinaiba galöm köl enŋiba malma. Yanŋön Anutu kukösum pakpakö Tonŋaŋgö wain joutŋi ketanŋi tözöhölma. Wain jout mi Anutugö irimsesewölŋi urupikŋambukö kaisöpsöpŋi akza.* 16 Malukuŋe qetŋi kun ohogetka marömnje kewö kinök, “Kiŋ yeŋgö Kiŋini aka azi kembu yeŋgö Kembuŋini.” Mewö.

17 *Miangö andöŋe Suep garata kun ekiga wehön jeŋe kinök. Euyangöreŋ kinda köhöikŋanök qeta neiŋi neiŋi suep bibiŋi kutuba kõnakemba bölbölgöba anakzei, mönö körek mi enŋohola kewö jiyök, “Inŋini mönö kame-e! Anutunöŋ közölömbuan ketanŋi mözözömgöyöhi, mönö mianŋgöreŋ tokome. 18 Kaba tokoba kiŋ kembu, suahö galöm aka yarö azi yeŋgö busuŋini neme. Hos aka hos qakŋine tarakzei, mönö yeŋgö busuŋini neme. Ambazip körek yeŋgö busuŋini mönö kaba neme. Ambazip öŋgöŋgöŋi eretŋi, nanŋini nupŋini memakzei aka tonjanŋgö welenŋini öne qemakzei, mönö körek mienŋgö busuŋini neme.”

19 Mianŋgö andöŋe jemnemba aka gölmeŋi gölmeŋi yeŋgö kiŋ kembuŋini mienŋön mönö yarö kambuŋini enŋuanŋita kaba tokogetka enŋeŋal. Kunöŋ hos qakŋe tata yarö kambuŋi yembuk kinöhi, mönö i tuarenŋon ak enŋiba bim aubingöra tokogetka enŋeŋal.

* 19:11: Eze 1.1; Sum 96.13; Ais 11.4 * 19:12: Dan 10.6 * 19:15: Sum 2.9; Ais 63.3;

Joel 3.13; Ind 14.20 * 19:15: Jisösnöŋ Anutugö irimsesewölŋi aka urupikŋi tözöhölmawi, keu mianŋgö kõnaŋi kewö: Nini siŋgisöndok ahinga Anutugö irimŋi sehöliiga irimsesewölŋan qaknine öŋgöba ahöma. Toroqeba siŋgisöndok aka urunini qahö meŋenninga Anutugö irimŋan toroqeba sehöliiga urupikŋambuk akŋa. Wain kösögö ölnj pisikŋi (greip) mianŋgö kanŋeni mi jout ketanŋe ala tözöhölgetka qösököiga onŋan dutŋaŋgö kinimŋe lalanöŋ geiga baket algetka mianŋgö uruŋe gemakza. Anutugö irimsesewölŋi aka urupikŋi mianŋgö söpsöpŋi mi wain kösögö ölnj. Jisösnöŋ mianŋgö sihimbölnj möta tözöhöli geiga Anutugö uruŋan amöriba teköiga luai asuhuma.

* 19:17: Eze 39.17-20

²⁰ *Augetka jemnemba memba jöhöget. Kezapqetok azi takapulakanji jemnembagö jitnememba anğöletot aka malöhi, i mewöyök jemnem-babuk memba jöhöget. Kezapqetok azi takapulakanjan anğöletot aka mianğön ambazip tosatnji kewöñi mi tilipkôm enğıga janjuñ aka malget: Ambazip jemnembagö supapñi memba anğön kölgeri aka tosatñan imutñanğö waikñi memba möpöseiba malgeri, mi mönö tilipkôm enğıba malök. Etkömemba jöhöba gwölögwölö aköm etkigetka löm salfa kötkö könöp bölamñan koasikpuk jemakzawi, mönö mianğö sianöñ geyohot. ²¹ Geyohotka hos qakñe taröhanğö numbuñeyök bingö sou ketanji (bainat) kayöhi, mianğön mönö kiñ kembu aka yarö azi pakpak mi enğıga kömuget. Kömugetka nei pakpak yeñön kanğota busuñini uba memba nem timbiren aket. Mewö.

20

Satan jöhögetka yara 1.000:gö dop kösö mire tarök.

¹ Mianğö andöñe Suep garata kun ekiga Suepnöhök erök. Yanğön ömewöröme yeñğö löm dutñi qahö mianğö ki moröñi aka tapep (muñgamuñga) ketanji kun mi böröñan memba erök. ² *Garata mianğön eta sekak namñi ilikñambuk (dragon) mi memba (yara) yambu 1.000 tatmawanğöra jöhöyök. Sekak namñi mi möpñanğö möpñeyök mokoleñ aka mala korök. Qetñi alanji mi Bölöñanğö Tonji aka Satan. ³ Yambu 1.000:gö uruñe toroqeba ambazip kantri dop kuñguba gölme dop janjuñ akñegöra tilipkôm enğıbapuköra jöhöyök. Jöhöba gili ömewöröme yeñğö löm dutñi qahö mianğöreñ geiga önunñi köla sapö ala muñgem supapñöñ (sil) qekötahöba ki namñi misii geiga uruñe tarök. Mewö tari Suep garatanöñ kewö jiyök, “Yambu 1.000 teköiga mianğö andöñe Anutunöñ jii kunbuk pösatketka nalö töröpñi nupñi memba malma.” Mewö jiyök.

⁴ *Mianğö andöñe jakömbuak dumñi dumñi ehal. Anutunöñ tosatñi kukösum enğıga ambazip keuñini jim tekömei, yeñön mönö dumñi dumñi mianğöreñ eta tatket. Mewöyök ambazip Jisösgö könani nanğöba jig-eranğöra aka Anutugö Buña keugöra aka jölñini yandigetka kömugeri, mönö yeñğö uñanini engehal. Mewöyök ambazip jemnemba aka yanğö imutñanğö waikñi qahö memba möpöseigeri aka yanğö supapñi mi meso-holñine me böröñine qahö memba anğön kölgeri, mönö yeñğö uñanini engehal. Uñanini mi engekiga mönö guliba wahötket. Wahöta Kraistpuk (yara) yambu 1.000:gö dop yuai pakpak galöm köla malget.

⁵ Kömugeri, yeñğöreñök tosatñan kömupnöhök wahötwahöt mutukñi mianğö nalöñe qahö guliget. Qahöpmö, (yara) yambu 1.000 mi mambötket teköiga mianğö andöñe mönö guliba wahötme. ⁶ Denike yeñön kömupnöhök wahötwahöt mutukñanğö nalöñe gulimei, yeñön mönö oy-aenkyoaen aka töröñi sarakñi akze. Nalö mianğöreñ gulibagun mönö indimñi yahöt qahö kömume. Kömup yahötñanğö kukösumñan mönö yeñğö qakñine qahö öngöi kömumbingö osime. Yeñön mönö Anutu aka Kraist yetkö jike nup galömurupñiri akñe. Mi aka Kraistpuk (yara) yambu 1.000 mi yuai pakpak galöm köla mal öngöme. Mewö.

Anutunöñ Satangö keuñi jim teköiga etma.

⁷ (Yara) yambu 1.000 mi teköiga Satan kösö mireyök (kopurumñeyök) pösatketka etma. ⁸ *Eta anda ambazip kantri dop tilipkôm enğımamğöra

* 19:20: Ind 13.1-18 * 20:2: Jen 3.1 * 20:4: Dan 7.9, 22 * 20:8: Eze 7.2; 38.2, 9, 15

gölme dop liliköma. Gölme göräni likeplikep eu emu anda kaba (uruñini moŋgosohowa) siksauk ak engiba kantri qetñiri Gog aka Magog mi tok dop köla anma. Anutu tuarenjoñ aka bim qemegöra kuñjum engiiga tokogetka jañgöñinan köwetkō sak kōsakō dop akña. ⁹Tokoba kaba kutuba Israel gölme dop köl tekōba anda Anutugō kōnagesō yengō selñini aka Anutugō wölböt sitiñi (Jerusalem) mi lilikōba tatme. Mewō tatmemō, Anutunōñ kōnōp bölam aliga suepnöhök eta jem kutum engim tekōma.

¹⁰Jem kutum engim tekōiga Bölöñangō Tonji tilipkōm engiiga janjuñ akeri, garata yeñon i akōm wañgigetka lōm salfa kötkō kōnōp bölamñan koasikpuk jemakzawi, mönō miangō sianōñ geyōk. Mutuk jemnemba aka kezapqetok azi takapulakanji mewōyōk akōm etkigetka miangōreñ geba maljahot. Miangōreñ suñgem asak ihileknōñ ohotirim engigetka tetekōñi qahō sihimbölō önōñi qahō möta mal öñgōme. Mewō.

Anutunōñ ambazip kōmugeri, yengō keuñini jim tekōma.

¹¹*Miangō andōne jakōmbuak dum ketanji tuatñi aka miangōreñ tatzawi, i ehal. Ekiga suep gölme mi yañgō jemesoholñeyōk qahōwaka angaiyohot. Angaiba kunbuk etkekinangō dop qahō ahot. ¹²Angaiyohotka ambazip kōmukōmuñi öñgöñgōñi eretñi engekiga jakōmbuak dum wōsōne kingetka Anutunōñ buk papianji papianji kōtulōk. Papia alanji kun qetñi malmal köhöikñangō qet areñ papia mi mewōyōk kōtulōk. Kōtula ambazip kōmukōmuñi yengō keuñini kewōriga ahakmemenjanangō kōsohotñi buk papianōñ ohogetka ahōyōhi, yañon mönō miangō dop oyonja ambazip jim tekōm engiyōk.

¹³Kōwetnōñ kōmumba geba malgeri, mi kōwet Tonjan melenj engiiga Anutugō jeñe kañgotket. Kōmupkō kondotkondot Tonjanğō börōne malgeri, mi Tonji miangōn köleñda al engiyōk. Kōmumba kōmupkō uñem mire geba malgeri, mi miangō Tonjan melenj engiiga Anutugō jeñe kañgotket. Mewō kañgota asuhugetka Anutunōñ keuñini mohot mohot kewōta ahakmemenjanangō dop jim tekōm engiyōk. ¹⁴Jim tekōm engiiga kōmupkō kondotkondot Tonji aka kōmupkō uñem miri Tonji mi akōm etkigetka lōm kōnōp koasikpuk jemakzawi, mönō miangō sianōñ geyohot. Kōnōp sia miangōreñ gegeri, miangōn mönō kōmup indimñi yahōt akza.

¹⁵Anutunōñ kungō qetñi malmal köhöikñangō qet papianōñ qahō ohogetka ahōi miwikñaiyōhi, i mönō akōm wañgii lōm kōnōp koasikpuk jemakzawi, miangō sianōñ geyōk. Mewō.

21

Suep dölōkñi aka gölme dölōkñi etkehal.

¹*Suep gölme mutukñi yetkōn mewō qahōwaka ayapkōyohotka kōwetnōñ mewōyōk qahō toroqeba ahōyōk. Miangō andōne Suep gölme dölōkñi etkehal.

²*Jerusalem dölōkñi, siti törōñi mi Suepnöhök Anutugō mireyōk eriga ehal. Siti mi möhangōm tekōgetka eksihimñambuk kewō ahōk: Ambi maren wañgigetka maluku eksihimñambuk löñgōta azi buñañambuk aitōñgōmapkōra meñölōm añguba jōjörōba akōdamunñambuk kinjawi, siti miangōn mönō miangō dop aiga ehal. ³*Mi eka kinda jakōmbuak dumnöhök keu kun asuhui mötpiga köhöikñanōk qeta kewō jiyōk, “Eknōñ,

* 20:11: Dan 7.9-10 * 21:1: Ais 65.17; 66.22; 2 Pitō 3.13 * 21:2: Ais 52.1; 61.10; Ind 3.12

* 21:3: Eze 37.27; Lew 26.11, 12

Anutugö mirinöj mönö ambazip sutjine eta ahöza. Anutunöj sutjine maliga yambuk malgetka nanjak bem Anutuñini aka yembuk mal öngöma. ⁴ *Yembuk mala je imbilñini mi lökñanök kutum teköma. Yuai pakpak mutuk ahöyöhi, mianjön mönö qahöwak teköyök. Miangöra kunbuk qahö kömugetka jinjenkölköl qahö akne aka toroqeba sihimbölo kun qahö mötme. Yuai kungöra qahö osiba sahötme.”

⁵ Jakömbuak dumnje tatzawanön kewö jiyök, “Mötnöj, nöjön jibiga öröyuai pakpak mönö kölöñaiba dölokñi akña.” Mewö jiba jiyök, “Keu mi öl töhöñji uruyahötñi qahö, miangöra mi mönö papianöj ohoman.”

⁶ *Toroqeba kewö jii möral, “Mi mönö jibiga asuhum teköza. Nöjön mutuhök mala (yuai pakpak miwikñaiba könangep jibi qahöwahiga) qöndökña mal öngöba malmam. Miangö dop nöjön kulem namñi mutukñi A aka kulem namñi teteköñi Z akzal. Kunñan ogöra mötzawi, nöjön mönö malmal köhöikñangö o jeñeyök o mi kalema wanjibiga miangörenök söngöröñi qahö um nemba malma. ⁷ *Kunñan lömböt pakpak ongita luhut almawi, nöjön mönö yangö Anutuñi aka yuai pakpak mi wanjibiga bunaji aiga nöngö nahönböratni aka qetni bisiba malma.

⁸ “Mewö malmapmö, tosatñan ambazip jeñine ziriñziriñ aka böñ qahö kinda mötnariñini mosötketka uruñinan tölohozawi, yeñgö mirinjan mönö löm salfa kötkö könöp* bölamñan koasikpuk jemakzawi, miangören qahöma. Yeñgören toroqeba ambazip kewöñi yeñön mewöyök miangören geba malme: Ambazip enjuget kömugetka kaisero qarösongo amötqege aka tandö lopion waikñini memba möpöseiba munen keu jimakzei, nöjön mönö i aköm enjibiga sia miangören geba malme. Mi kömup indimñi yahöt akña.” Jakömbuak dumñeyök keu mewö kaiga möral. Mewö.

Jerusalem siti dölokñi mi qainji kun.

⁹ Lömböt kanjamñinambuk qöndökñi 7 mianjön qambi 7 kokolak qegetka Suep garata 7 miñön mi memba kingeri, yeñgörenök kunñan kaba nöngöra kewö jiyök, “Möno kanöña Lama moröñangö ambi bunaji anöññi akñangö akzawi, mi kondel gihimam.”

¹⁰ *Mewö jüiga Uña Töröñan nömeiga alburuñan qakne öngöiga Suep garata mianjön noanjiriga kundunji kööröñi qetbunajambuk kunöj öngöit. Miangören öngöba siti töröñi Jerusalem Suepnöhök Anutugö mireyök eröhi, mi kondel niñgiiga kewö ehal:

¹¹ Anutugö asakmararanan miangören asariiga kölköl-bilikbilikñan goul aka jamönñin ölninambuk söngöröñini öngöngöñi miengö tandök ahök. Jamönñin ölnambuk qetñi jaspö mi kirin jöhanñi jöhanñi kölköl-bilikbilikñinambuk melenja asarimakzei, mönö miangö dop tuatñi ahöyök.

¹² *Kiripoñi öngöngöñi mi aködamunñambuk. Kiripoñangö nanjunji 12 kingetka kösutjine Suep garata 12 dop köla kinget. Israel könagesögö kambunji 12 miengö qetñini mi nanju miengö silenine ohogetka kinök. ¹³ Nanju 12 mi likeplikep eu emu kewö kinget: Wehön kotkotñe karöbut, gegeñe karöbut, Not likepñe karöbut aka Saut likepñe karöbut. ¹⁴ Siti kiripo mi jamönñin tandö welipñinambuk 12 miengö qakñine megetka kinök. Lama moröñangö aposolurupñi 12 yeñgö qetñini 12 mi tandö 12 miangören ohogetka kinök.

* **21:4:** Ais 25.8; 35.10; 65.19 * **21:6:** Ais 55.1 * **21:7:** 2 Sml 7.14; Sum 89.26-27 * **21:8:**

Salfa kötkö könöñni mi közupkö kötnan jeba gögöriñ qeba jemakzawangö dop akza. * **21:10:**

Eze 40.2 * **21:12:** Eze 48.30-35

15 *Suep garata nömbuk keu jiyöhi, yañon siti, mianğö kiriponji aka nanğunji 12 miengö dopñini dop ala mötmamğöra jöjöröba dop alalgö goul öröpñi (rula mesa) memba kinök. 16 Siti mi arengöba megetka wangömñi 4 ahök. Likeplikep eu emu köröpñi mi örörön. Köröpñi mohot mohot mi goul öröpñi mianğon dop ala 2400 kilomita mianğö dop ahöi miwikñaiyök.† Andipñi mi mewöyök örörön ahöyök. 17 Suep garatanön mewöyök siti kiriponji mi gölme azigö dopnön dop ala 60 mita ahöi miwikñaiyök.

18 *Siti kiriponji mi jamönjinj öljambuk qetñi jaspö mianğon memenja. Siti nanjak mi goul töhönöhök megetka asakmararanan mönö kirin tuatñangö dop asakasakñambuk asariyök. 19 Siti kiriponñangö tandöñi mi jamönjinj söngörönjini öngöngöñi könani könani mianğon menölöm engigetka aködamunñinambuk kewö aketka engehal: Tandö mutukñi mi jamönjinj öljambuk qetñi jaspö mundañi injanj tandöktandök. Tandö yahötñi mi jamönjinj asonj qetñi safaiö, karöbutñi mi jamönjinj töngöntöngön qetñi ageit. Tandö 4:ñi mi jamönjinj görökñi qetñi emerald.

20 Tandö 5:ñi mi jamönjinj pisikpisik qetñi sardoniks. Tandö 6:ñi mi jamönjinj pisikñi qetñi karnilian, 7:ñi mi jamönjinj qetñi krisolait (qortz), mundañi goul kirin ewö. Tandöñi 8:ñi mi jamönjinj asonjasonj qetñi beril, 9:ñi mi jamönjinj gohotñi qetñi topaz. Tandö 10:ñi mi jamönjinj qetñi kalsedoni (krisopreis) mundañi kaukau, 11:ñi mi jamönjinj gohotgohot qetñi jeisint (turqois). Tandö 12:ñi mi jamönjinj pisikñi gugakgugak qetñi ametist. 21 Siti kiripo nanğu 12 mi sorom kötnj welipñinambuk 12 mianğon memenja. Nanğu mohot mohot mi sorom kötnj mohot mohot mianğon urasiba memenja. Sitinönj köna ahözawi, mi goul töhönöhök megetka kirin tuatñi ewö asariyök.

22 Siti pakpak yeñon Kambu Anutu kukösum pakpakö Tonji aka Lama morönj törörök etkeka uruñini lök melenđa waikñiri memba möpösemakze. Mianğöra jöwöwöl jike (tempöl) kungöra qahö osimakze. Mi qahö ehal.

23 *Anutugö asakmararanan siti mem asarim enjiiga Lama morönjan kiwanjini akza. Mianğöra wehön köinj asarimahotköra qahö osimakze. 24 *Yañon kiwanjini aiga kantrinji kantrinji yeñon mönö yanğö asakñe anda kaba malme. Gölmegö kiñ kembunji kembunji yeñon buñanjini aködamunñinambuk mi enğuanğita siti mianğörej alme. 25 *Siti söñaupñi qahö, mianğöra kiripo nanğunji mi nalö kunönj qahö kölmemö, sundan dop tala kinme.

26 Kantrinji kantrinji yeñon uruñini melenđa aködamunñinangö buñanjingöra aiweliköba qetbuñanjinambuk aka malgeri, mi mönö enğuanğita siti mianğörej alme. 27 *Ambazip qetñini malmal köhöikñangö qet areñ papianönj ohogetka ahözawi, yeñonök mönö siti mianğörej öngöme. Lama morönjan qet areñ papia mi galöm kölakza. Kunñan uruñi tölohozawi me anğöjörak imbilonñambuk aka munen keu jimakzawi, yañon mönö mianğörej öngömangö osima. Mewö.

22

Malmal köhöikñangö o töwatñi ehal.

* 21:15: Eze 40.3 † 21:16: Kambu 12 mohot mohot mianğöra 200 kilomita. * 21:18: Ais 54.11-12 * 21:23: Ais 60.19-20 * 21:24: Ais 60.3 * 21:25: Ais 60.11 * 21:27: Ais 52.1; Eze 44.9

1 *Miangö andöñe Suep garata mianñon malmal köhöikñangö o jeni kondel niñgiiga Anutu aka Lama moröñi yetkö jakömbuak dumñöhök uzumgöba kaba o töwatñi ahök. Miangö onji mi kirin jöhanñi jöhanñi kölköl-bilikbilikñinambuk melenđa asarimakzei, mönö miangö dop tuat lalamñi ahök. 2 *O töwatñi mianñon sitigö köna namñi bohonñe eta bibinji mötöteiba kutuba kayök. O töwatñangö göranje likelike miangörej malmal köhöikñangö ipñi mi kinök. Ip miangö öljän mönö (yara) yambu dop sömañi 12, mi köiñ mohot mohotkö dop söhöba asuhumakze. Ip miangö sinñan mönö ambazip kantri dop ölöwaktñegöra aka kinje.

3 *Kunñan kun qahö toroqeba alañi saiköba qesuahöma. Anutu aka Lama moröñi yetkö jakömbuak dumñiran mönö siti miangörej ahöiga Lama moröñangö nup meme ambazipurupñan welen qem wañgimakze. 4 Welen qem wañgiba jemesoholñi eka Anutugö qetñi mesoholñine kösöba mekötahögetka ahöma.

5 *Miri qahö toroqeba söñauma. Kembu Anutunöñ mem asarim engimakzawañgöra kiwa asakñangöra me wehön asakñangöra qahö osime. Mewö oyaenköyaen mala nalö dop teteköñi qahö kin kembu ewö galömkölköl nup memba mal öngöme.

6 Mi ekiga Suep garatanöñ nöñgöra kewö jiyök, “Buña keu mötzani, mianñon mönö ölä töhöññi uruyahötñi qahö akza. Kembu Anutunöñ kezapqetok ambazip sölölohöm engimakzawi, yanñon mönö Suep garatañi ni melaim niñgiiga asuhum gihiba malal. Yuai pakpak zilañ asuhumeañgö dop akzawi, mötnarip ambazipurupñan mi mötmegöra mi asuhuba kondel gihial.” Mewö.

Jisösnöñ kunbuk lilingöba kama.

7 Jisösnöñ jiza, “Mötket, nöñon mönö zilañ lilingöba kamam. Tosatñan buk kiangö kezapqetok keuñi buña qeba qekötahömakzei, yanñon mönö simbawon akze.”

8 Jon nöñon Buña keu ki möta jeni melenñiga imutñi ehal. Mi möta ek teköba Suep garatanöñ imut ki kondel niñgiyöhi, nöñon yanö waikñi memba möpöseimangö möta gölmenöñ eta könañe simin kölal. 9 Simin kölalmö, nöñgöra kewö jiyök, “Aek! Mewö kude aknöñ. Nöñon gi aka kezapqetok alaurupki aka ambazip buk kiangö Buña keuñi buña qeba qekötahömakzei, mönö körek engö qöhöröñine kinda mohotñe Anutu welen qem wañgimakzin. Nia qahöpmö, mönö Anutu waikñi memba möpöseimakñan.”

10 Mewö jiba nöñgöra kewö jiyök, “Nalö töriza. Miangöra buk kiangö kezapqetok keuñan tölapñe ahöbapüköra mi papianöñ ohomanmö, mi mönö muñgem supapnöñ (sil) kude qekötahöman. 11 *Bölöñi memakzawañon mönö toroqeba mewö memba böliqölima. Tölohoba maljawañon mönö toroqeba tölohoba angöjörakñambuk aka malma. Ahakmeme diñdiñi ahakzawañon mönö toroqeba diñdiñanök aka memba malma. Sarakñi ahakzawañon mönö toroqeba sarakñi kötökñi aka malma.” Suep garatanöñ mewö jiyök.

12 *Jisösnöñ jiza, “Mötket, nöñon mönö zilañ lilingöba kamam. Kamami, miangörej mönö töwañini memba kamam. Ahakmemeñini aka memba malgeri, mönö mi kewöta miangö dop töwañini mohot mohot al engimam.

* 22:1: Eze 47.1; Zek 14.8 * 22:2: Jen 2.9; Eze 47.12 * 22:3: Zek 14.11 * 22:5: Ais 60.19; Dan 7.18
* 22:11: Dan 12.10 * 22:12: Ais 40.10; 62.11; Sum 28.4; Jer 17.10

13 **“Nöñön könakönahije mutukni mala (yuai pakpak miwikñaiba könanjep jibi qahöwahiga) teteköñe göndökña mal öngöba malmam. Miangö dop nöñön A aka Z, kulem namñi mutukni aka teteköñi akzal.*

14 **“Nöñön ambazip malukunjini galöm kölakzei, yengöra kiripo nanjunji öröbiga ölop siti urune öngögetka qahö angnön köl engibiga malmal köhöikñangö ip ölni neme. Miangöra opo malukunjini galöm köla sanjonmakzei, ambazip mienjön mönö simbawonj aka oyaenjkoyaen akze.*

15 **“Yenön oyaenjkoyaen akjemö, tosatñi yengöra nanju köl jöhöbiga yaigep malmei, mi ambazip kewöñi: Kiam ewö kaisero aka qarösongo amötqege ahakze. Serowilin aka ambazip enjuget kömumakze. Tandö lopionj waikñini memba möpöseimakze aka isimkakalekö sihimñi möta mi ahakze. Ambazip mewöñi pakpak mi mönö kiripo yaigepñe (luhutñe) malme.*

16 **“Jisös nöñön garatani melaibiga liliköba urumelenj könagesö engöra kezapqetok keu ki nanjöba jiiga mötme. Nöñön kinj Deiwidkö bömönjalöñi aka undumñi akzal. Nöñön söñangö undinji asakmararajñambuk aka asarimakzal.” Jisösnöñ mewö jiyök.*

17 **“Uña Töröñi aka ambi buña yetkön kewö jimakzahot, “Jisös, gi mönö kanöñ.” Mewö jiyohotka mötmei, injini mönö mewöñanök kewö jime, “Jisös, gi mönö kanöñ.”*

Kunñan ogöra mötzawi, yanjön mönö kama. Kunñan malmal köhöikñangö ogöra sihimñi mötzawi, yanjön mönö kaba mi kalema möt angnön kölma. Mewö.

Galöm meme aka jöjöpañ keu teteköñi

18 **“Nöñön buk kiangö kezapqetok keunji mötmei, körek engöra galöm meme keu kewö jizal: Kunñan kezapqetok keu kiambuk keu kun toroqeba jimawi, lömböt kanjamñinambuk asuhumapkö keunji buk kiangöreñ ohoyali, Anutunöñ mi mönö yangö qakñe ali öngöme. 19 Kunñan buk kiangö kezapqetok keunji miangöreñök keu kun qekömawi, Anutunöñ mönö i angnön köliga malmal köhöikñangö ip ölni qahö nemba siti töröñe qahö öngöma. Miangö keunji Anutunöñ jöhöiga buk kiangöreñ ohoyalmö, keu mianjön mönö yangöreñ öljambuk qahö akña.*

20 *Buña keu ki nanjöba jizawanjön kewö jiza, “Keu mi ölna. Nöñön mönö zilañ lilingöba kamam.”*

Mewö jiiga nöñön kewö jizal, “Keu mi ölna. O Kembu Jisös, gi mönö kanöñ.”

21 *Kembu Jisösgö kalem möriamñan mönö körek embuk ahöma. Keu mi ölna.*

* 22:13: Ind 1.8, 17; 2.8; Ais 44.6; 48.12 * 22:14: Jen 2.9; 3.22 * 22:16: Ais 11.1, 10

* 22:17: Ais 55.1 * 22:18: Dut 4.2; 12.32